





Ex Bibliotheca  
majori Coll. Rom.  
Societ. Jesu

35.6.27  
12.1.18

35. B-22

71  
9  
D  
5







# THEOLOGIA

MORALIS

R. P. STEPHANI

A S. PAVLO

ORDINIS FF. B. V. MARIAE

DE MONTE CARMELO,

ANTEA

PRIORIS BRUXELLENSIS.

NUNC

PROVINCIAE SVÆ DEFINITORIS,

PASTORIS IN BOXMER & D. C. D.

OPUS PARI CLARITATE AC BREVITATE COMPLECTENS

quidquid ad spirituale regimen potest desiderari.

*Editio secunda, certis ex parte auctior.*



COLONIAE AGRIPPINÆ,

Apud JOANNEM BUSEAUM, Bibliopolam sub Monocerote. Anno 1669.

Permissu Superiorum, & cum Privilegio Catholici Regis Hispaniarum.



ILLVSTRISSIMO DOMINO,

D. OSWALDO


ALBERTO FRANCISCO,  
COMITI DE MONTE,  
COMITI DE VVALHAIN,  
CHAMPLITE, &c.

SVPREMO BOXMERÆ DOMINO,  
BARONI DE BYLANDT, VVISCH,  
PERWEZ, &c.

DOMINO DE GENDERINGEN,  
Etten, Homœdt, Millingen, Panderden, Sambeeck,  
Hæps, Civitatis Dixmudanæ &c.

DVCATVS GELRIENSIS  
ARCHI-VEXILLARIO.

ILLVSTRISSIME DOMINE,

 *Hilippus Bonus, Belgii, Burgundiaque Dux,  
hortaturus equites ad bellum sacrum, aureo  
Vellere paulò antè insignitos, splendidissimis  
recreabat epulis: Et ne oculis sua etiam deef-  
sent oblectamenta, cetera inter spectacula, conspicienda*

*virgo dabatur, auro gemmisque coruscans, cui Leo adhi-*  
*bitus custos minitanti hanc praeferbat epigraphen: Ne-*  
*mo tangat Dominam meam. Ingeniosâ Ducis illius in-*  
*terpretatione non egens, utar meâ, huic uni insistsens cum*  
*gaudio & applausu gloriôr, quòd adeptus sim Leonem,*  
*cui rerum Dominam ac vitæ moderatricem Theolo-*  
*giam hanc Moralem offeram custodiendam, ne quis il-*  
*lam invidia dente tangat. Quem Leonem? quem Illu-*  
*strissimæ stirpis Tuæ clypeo præfers erectum, paratumque*  
*ad tutelam, qui originem ducit ex genuino Antiquissi-*  
*morum ac Potentissimorum Zutphaniensium sanguine:*  
*qui togâ, sagoque fortunatus Dominam servando Ca-*  
*sari & Regi Catholico fidem intactam, ad decora maxi-*  
*ma fuit evehctus. Historiâ Celeberrimi Tui Comitatus*  
*Montium, perlustratâ plerosque, brevitatis gratiâ,*  
*Leone tam pacifico, quàm Martio triumphantes præ-*  
*teriens, unicum OSWALDUM nominis & ominis Tui pro-*  
*dromum adduco: ubi præter alia multa laude digna, hæc*  
*de illo: anno 1486, OSWALDUS Comes Montium, à*  
*Frederico Tertio Imperatore ad Illustrium Imperii Ro-*  
*mani Comitum præclarum titulum dignissimè eve-*  
*ctus transivit. De hoc dum plura lego gesta vestris similia*  
*reperio. OSWALDUS Monasterium à Comite Montium*  
*Guilielmo Patre suo fundatum, & nondum ante mor-*  
*tem perfectum, perfecit REGALITER. Hæc dum*  
*meditor, non possum non recordari Illustrissimi ac Excel-*  
lentissimi

*lentissimi Comitis ALBERTI Patris Tui : Ille tamquam Leo Dominam suam, fidem, inquam, Catholicam, virtutum suarum Ducem zelosè custodivit, ac propagavit: nihil majus religione, nihil majus fide habuit: quàm ut Boxmere veluti in faucibus hæreticorum periclitantem custodiret, Carmelitani Ordinis Religiosos instigante ac inflammante Excellentissima Domina Magdalená de Cuisance, eminentium virtutum parente Tua, cultui Divino ac Mariano addictissima, advocavit, quibus cœnobium, veluti fidei munimentum, munificè fundavit. Quem in sinem eos etiam, ut populus incola & accola fidei haberet asylū, ibidem præfecit Ecclesia, quam variis cumulavit muneribus, quorum præcipuum est pretiosum illud Monumentum, in quo Corporale sacro Christi Cruore tinctum servatur. Quid hac omnia indicant, nisi Zelum & custodiam fidei, pietatem ac munificentiam? Hanc dum recogito, illius magnitudine vincor, redigorque ad silentium, non ingratus beneficiis, sed oppressus; quamquam me silente saxa non sileant, clamat munificentiam Leo subpositus fundamento primus lapis; quid præterea? Clamore innuit Zelosisimum Parentem Tuum onus nostrum suscepisse, & hinc jure Patronum. Sed heu! fuit. Quis modò? Illustrissime Domine, Tu Heres, jure es Patronus, quia Patris onus suscipis. Quid inde? tanto Oneri debetur Honor. Quid igitur Tibi offeram? Virginem illam, per quam Reges regnant: Domi-*

nam, sine qua nullus verè Dominus, Theologiam hanc  
 Moralem Moribus Tuis conformem, quibus Te probas  
 verè Dominum, hancque Dominam Tuam. Hanc ac-  
 ceptas? Voce, ut Moribus annuis. Quid? imo ut Os &  
 Mores, sic nomen: quid dicit OSWALDUS?

## OSWALDVS. LAVDO VSVS.

Rectè Libri hujus laadat usus, quippe qui omnes tollunt  
 Abusus, docendo veros Vsus, quos moribus exprimis.  
 Moribus? Imo & uatura dotibus gratiosis: cur has addo?  
 quia, ut aptè Laconius,

Gratior est pulchro veniens è corpore virtus.

Quis Dotes & Mores illos Tuos planè aureos depradi-  
 cet? Veri Tibi sunt Vsus, nec abusus ulli: quidquid cupidi  
 querunt, Tu possides, quidquid superbi optant, nactus es;  
 sed divitiæ Tuae Pietati serviunt: Morati Tui honores  
 Deum loquuntur. Tu (quod exempli rarissimi est) sum-  
 mam vitæ integritatem cum summa comitate (Comes co-  
 pulasti. Quid plura? unicum, omnia meo & ore omnium,  
 loquor: Tu Gratiostissimus. Liber igitur hicce meus Illu-  
 strissimo Dominationis Tuae inscriptus Nomini, in pu-  
 blicum prodeat, ut mores Tuos, vitæque integritatem de-  
 pradicet, utque æternum Carmelitani affectus & cultus  
 symbolum publicet: gratiofo à Te acceptatus oculo apud  
 bonos



# DEDICATORIA.

*bonos omnes, quibus laudas Vfus, gratiam inveniet; tutelam verò apud malos, quibus Leo Tuus vetans abulus, inquit: Nemo tangat Dominam meam. Quapropter Tuus Carmelus plurimum Tibi obligatus rogat Deum, ut Te diu servet incolumem, tandemque pro tot tantisque beneficiis nobis injustos Vfus collatis repositam Coronam Justitia, Justo Tibi Domino reddat iustus Iudex.*

Ita vove

*Perenni gratia ac gloria Tue Devotissimu  
Cliens*

*F. Stephanus à S. Paulo Carm.  
Primus ex Ordine Pastor Tuus,*

PRÆ-

## PRÆFATIO AD LECTOREM.

**H**Abes, *Benevole Lector*, in erudito hoc scripturientium sæculo *THEOLOGIAM MORALEM*, novitate sua non contempnibilem, methodo & ordine non ingratam. Sic spero, sic fido: ut enim gratam redderem, conatus sum ex melioribus omnibus Authoribus dare collectam. Placet omnibus brevitās, placet in omnibus: illam amplecti studui, & amplexus suū, præferens semper paucis multa stringere, quàm, in longas ambages discurrendo, oculos & animos lassare Lectorum. Sed ut paucis omnia, necessaria nempe Confessario coacer- vem, tertia ex parte opus hoc auxi; ut sic habeas plenam in brevitate abundantiam. Brevis sum, abundans sum, non tamen oblcurus sum: ideo sectatus sum super omnia claritatem. Inspice, utramque bono nexu junctam invenies. Multos interdum cito Authores, ipso- rumque ostendo sententias, licet non probem aut se- quar: cito tamen & refero, ut & scias, quid sentiant alii, & ut in perplexitate noscas effugium. Sic sæpius *R. P. FRANCISCUM BONÆ SPEI*, Magistrum quon- dam meum, adduco; quòd multum illius tribuam do- ctrinæ, & suspiciam ac venerer profundam in omni- bus subtilitatem, licet interdum ab ipso (pace ipsius & veniā) non nihil desleam. Hoc Te volui monitum, *Amice Lector*, unum quoque rogatum, scilicet ut, si qui per

per Typothetæ lapsum, ac meam absentiam incur-  
rint errores (quorum majores in calce libri annotavi)  
condonare digneris, adque eorum indiculum, si alicu-  
bi circà mentem meam cespitare aut hæere contin-  
gat, te conferre. Vale, *Amice Lector*, & labore nostro  
in tui & aliorum bonum diù feliciter fruire.

---

## FACULTAS

### REVERENDISSIMI P. GENERALIS.

**F**R. HIERONYMUS ARI Astensis, *Magister, achu-  
milis Prior Generalis Commissarius, & Visitator  
Apostolicus Ordinis Fratrum Beatissima V. Ma-  
ria de Monte Carmelo.*

*Ut Theologia Moralis à R. P. STEPHANO à S. Paulo  
Nostræ Provincia Flandro-Belgica professo Sacerdote,  
& Nostri Conventus Bruxellensis Priore elucubrata, &  
à RR. Admodum PP. FRANCISCO BONÆ SPEI, & MI-  
CHAELE à S. AUGUSTINO, ejusdem nostræ Provincia Ex-  
provincialibus examinata, ac probata, typis committi  
valeat, servatis aliàs servandis, auctoritate nostrâ, & te-  
nore præsentium licentiam impartimur. In quorum fidem  
datum Matriti 28 Februarii, 1684.*

FR. HIERONYMUS ARI, *Generalis  
Carmelitarum.*

FR. SEBASTIANUS FANTONIUS CASTRI-  
CIUS, *Provincialis Hyberniæ, Secretarius Ordinis.*

††

FACULTAS

---

# FACULTAS

## R. A. P. PROVINCIALIS.

**F**R. DANIEL à VIRG. MARIA, *humilis Prior Provincialis Fratrum Beatissima V. Mariæ de Monte Carmelo, Provinciæ Flandro-Belgica.*

*Visâ licentiâ datâ à nostro Reverend.<sup>mo</sup> P. Generali imprimendi librum, cui titulus, Theologia Moralis, à R. P. STEPHANO à S. PAULO, Priore hujus Conventus nostri Bruxellensis compositum, etiam consentimus, ut typis detur, modò etiam accedat consensus aliorum, ad quos spectat, & alia à Constitutionibus nostris præscripta servantur. Datum in Carmelo nostro Bruxellensi die vigesimâ septimâ Maji, 1664. sub Officii nostri sigillo.*

FR. DANIEL à VIRG. MARIA,  
*Provincialis qui suprâ.*

FR. SERAPHINUS à JESU MARIA,  
*Assistens Reverendi Admodum P. Provincialis.*

---

## APPROBATIO THEOLOGORVM

### ORDINIS.

**T**heologiam Moralem R. P. STEPHANI à S. PAULO, aliàs S. Theologiæ Professoris, Bruxellensis Carmeli Prioris, (*qui nunc est Provinciæ Definitor*) ex commissione

missione R. Admodum P. DANIELIS à VIRGINE MARIA  
Provincialis perlegi : calamo quidem stricta est, sed  
ampla studio, & plena judicio, paucis solidè & clarè  
complectens omnia, quæ Confessoriorum instructio-  
nem, & poenitentium reformationem moralem con-  
cernunt, variosque casus non vulgares acutè proponit,  
& subtiliter resolvit, ubique Catholicæ fidei & sanis  
moribus conformis: ideoque eam prælo mandandam,  
& omni casuum studio commendandam judicavi.  
Lovanii, 31 Martii, 1664.

FR. FRANCISCUS BONÆ SPEI, *Ordinu*  
*B. M. V. de Monte Carmelo Exprovincialis,*  
*S. Scriptura & Theologia Professor.*

**I**nfrascriptus, ex commissione R. Adm. P. DANIELIS à VIRGINE MA-  
RIA Provincialis, cum gustu, pervolvi *Theologiam Moralem* R. P. STEPHANI  
à S. PAULO, antea S. Theologiæ Lectoris, Prioris Conventus nostri Bruxel-  
lenlis (*qui modò est Provinciæ Desinitor;*) in qua, quia dilucidè, succinctè & nervosè  
deducta inveni, quæ in tribunali Sacramentali, scitu utilia & necessaria sunt, ac  
ab aliis in magnis voluminibus tractari solent, eam *medullam cedri, scientia*, in-  
quam, *moralis*, meritò appellaverim; de qua quisquis bene gustaverit, & satura-  
tus fuerit, tum propriæ conscientiæ latebras tutus elucidare, tum ligandi, atque  
solvendi potestatem securus exercere poterit. Eam proinde, quæ ad commu-  
nem, tum Poenitentium; tum Confessoriorum utilitatem & instructionem, typis  
mandetur, dignissimam censui Mechliniæ in Conventu S. Patris nostri ELIÆ,  
Ordinis Fratrum Beatissimæ V. MARIÆ de Monte Carmelo, die 9 Junii,  
1664.

FR. MICHAEL à S. AUGUSTINO, *Ord.*  
*B. M. V. de Monte Carm. Exprovincialis, &*  
*modò Prior Mechlin.*



# APPROBATIO

CENSORIS APOSTOLICI, &c.

**T**heologiam Moralem Reverendi Admodum P.  
STEPHANI à S. PAULO Prioris Conventus Carme-  
litani Bruxella, & nuper S. Theologiae Professoris, per-  
legi, quæ, cum nihil vera fidei, moribusque Christianis dis-  
sonum habeat, & omnes propemodum, aut saltem scitu  
magis utiles & necessarias, tam ad forum soli, quàm ad  
forum poli spectantes quaestiones complectatur, easque  
magno studio ex optimis Authoribus collectas ac selectas,  
convenienti ordine dispositas ac propositas, admodum e-  
ruditè, breviter, & clarè resolvat & explicet, idcirco cen-  
seo dignissimam, ut in communem utilitatem eorum, qui  
tam suæ, quàm alienæ vitæ benè prudenterque in illo u-  
troque foro instituenda curam gerunt, evulgetur. Datum  
Lovanii hæc 2 Aprilis, 1664.

ANTONIUS DAVES. Theologiæ  
Doctör, & Professor Regius  
Primarius, nec non librorum  
Censor Apostolicus, & Archi-  
episcopi Mechliniensis.

APPRO-



A P P R O B A T I O  
DD. DVACENSIVM.

CUM hæc compendiosa *Theologia Moralis* Autho-  
re R. P. *STEPHANO à S. PAULO* Priore Con-  
ventus Bruxellensis Fratrum Carmelitarum Reforma-  
torum, & quondam sacræ Theologiæ Lectore, do-  
ctrinam sanam pietati conjunctam, & in nullo fidei  
Orthodoxæ, aut bonis moribus dissentaneam comple-  
ctatur, boni publici causâ evulgari poterit. Datum  
Duaci die 3 lulii, 1664.

MATTHIAS GERTMAN, *S. Theol. Doctor,*  
& Professor Regius ac Ordinarius, librorum in l'un-  
versitate Duacena Visitator & Censor.

JACOBUS RANDOUR, *S. Theol. Doctor,*  
*eiusdemque Regius & Ord. Professor.*

GERARDUS DU BOIS, *S. Theol. Doctor,*  
& Professor Regius, Ordinariusque Catechesis  
Duaci.

FRANCISCUS DE LAVERDURE, *S.*  
*Theol. Doctor.*

---

## ● APPROBATIO.

**L**ibrum, cui titulus est, *Theologia moralis*, à R. P. Stephano à S. Paulo Ord. Beatiss. V. MARIÆ de Monte Carmelo concinnatum, recognitum, & auctum, dignum cenfeo, qui typis in lucem prodeat; quia non tantum nihil fidei Catholicæ aut bonis moribus contrarium continet, sed etiam cum fructu à Christi-fidelibus, maximè animarum rectoribus, & Theologiæ moralis candidatis, imò & Professoribus legi potest. Datum Colonia in Conventu S. P. Augustini anno 1669, 12 Januarii.

Fr. Joannes Schveitzer, Ord. Erem. S. P.  
Augustini S. Th. Doctor & Professor,  
dicti Conventus Prior, m. p.

---

**O**pusculum, cui titulus, *Theologia Moralis R. P. F. Stephani à S. Paulo, &c.* attentè evolvi, ac revolvì; & nedum reperi immune ab omni labe, quæ vel Fidei orthodoxæ, vel bonis operibus, posset obesse: quin potiùs deprehendi raram doctrinam casibus impediendis idoneam continere. Quare judico, quòd pro opportunâ Orthodoxorum informatione, utilis simè typis procudi possit, ac debeat. Colonia in Conventu S. Crucis Ord. Præd. Anno 1669. 9 Februarii.

F. HENRICUS HILDEN, Ord. Præd.  
S. Theol. Doctor, ac Profess.

APPRO-



---

## APPROBATIO CENSORVM ORDINARIORVM.

**T**heologia Moralis R. P. STEPHANI à S. PAULO Ord. FF. B. M. V. de Monte Carmelo, &c. est opus typis mandari dignissimum, in quo & scientia moralis, & doctrina Sacramentalis ita tractatur recto ordine, facili stylo, clara methodo & succincta, ut sperem omnibus, qui & excipiendis confessionibus, & obcundis Pastoralibus functionibus sese ex officio impendunt, futurum gratissimum, quia utilissimum; utpote in quo erit invenire in resolutionibus probabilitatem in materiis, cateroquin obscuris, claritatem in praxi tutam viam, & pro occurrentibus casibus securam doctrinam, sine ulla macula contra fidem aut bonos mores. Ita censeo 7 Julii, 1664.

JOANNES DE CAPUA, Canonicus  
Theologalis in Eccles. Cathed. Ant-  
verp. Lib. Censor.

AUBERTUS VANDEN EEDE, J. U. L.  
Canonicus & Archidiaconus Antverpien-  
sis, Lib. Censor. 4 Octobris, 1667.

---

**T**heologia Moralis R. P. Stephani à S. Paulo ex Or-  
dine FF B M. V. de Monte Carmelo, SS. Theol. Pro-  
fessoris, &c. à diversis ejusdem S. Facultatis Doctoribus  
ante hac lecta, commendata & approbata, ac alibi luce  
donata publica, typis etiam Colonienfis pro communi  
multorum bono & instructione evulgari poterit. Colonia  
Agrip. 14 Januarii, 1669.

JOANNES FRANCKEN SIERSTORFF, J. U. D.  
Metrop Colon. Canon. Capit. Librorum Censor  
Ordinar. m. p.

SUMMA

## SVMMA PRIVILEGII.

**P**HILIPPVS Dei gratia Hispaniarum, &c. Rex Catholicus, Dux Burgundiæ, Brabantia, &c. Serenissimus Belgarum Princeps ; diplomate suo sanxit, ne quis præter ENGELBERTI GYMNICI Typographi Antverpiensis voluntatem, R. P. *STEPHANI à S. PAULO* Ordinis Fratrum B. V. Mariæ de Monte Carmelo, &c. *Theologiam Moralem*, &c. intra novennium in Belgio excudat, aut alibi terrarum vel locorum excusam in has Inferioris Germaniæ ditiones importet, venalemve exponat. Qui secùs faxit, præter exemplarium confiscationem triginta florenorum Rhenensium pro unoquoque exemplari persolvendorum pœna mulctabitur, uti latius patet in litteris datis Bruxellis die XIX. Iulii, M DC. LXIV.

*Signat*

LOYENS,

*Ius suprad. Hi Privilegii cessit pradictus Engelbertus Gymnicus Ioanni Busao Civis & Bibliopola Colonienfis.*

TRACTA.

# THEOLOGIA MORALIS

R. P. F. STEPHANI à SANCTO PAULO.

## TRACTATUS I.

*De actibus humanis.*



Actus humanus sive moralis hic sumitur pro actu hominis libero; non verò pro omni hominis actu; nam cum actus hominis, ut necessarii, communes sint brutis & hominibus, à Sancto Thoma, & aliis post ipsum, humani non dicuntur, sed soli liberi, qui propriè hominis sunt, & brutis non con-

veniunt. Est igitur actus humanus sive moralis, actus liber, vel omissio ejus. Ita noster P.M. Petrus Cornejo in sua Theologia tom. 1. tract. 6. disp. 1. dub. 4. ubi ostendit, alias condiciones, quæ ab aliis præter libertatem ad actum humanum requiruntur, in ipsa libertate inveniri: quare ante omnia de libero agendum esse judicavi. Sit itaque

## DISPUTATIO I.

*De voluntario, & libero.*

### DUBIUM I.

*Quid sint, & quomodo distinguantur?*

1. **D**ico primò, voluntarium est, cujus principium est intra eum cognitione finis & circumstantiarum: ita ex Sancto Damasceno lib. 2. de fide cap. 24. & 25. illud definit Cornejo tom. 1. tract. 4. disp. 1. dub. 1. dicitque, hanc definitionem

esse Aristotelis, Divi Thomæ, Gregorii Nisseni, & Damasceni. Per ly *cujus principium est intra*, excludit morum violentum, seu passionem, quam quis sustinet invitus ab altero. Per ly *cujus cognitione finis*, excludit actus intellectus, & aliarum potentiarum

A

rum

bera est, quæ positis omnibus ad agendum prærequisitis potest agere vel non agere, in sensu scilicet composito ut supra; in eo enim videtur consistere ipsa ratio libertatis, quod voluntas ex duobus mediis æqualibus, vel etiam inæqualibus sibi propositis possit quodlibet eligere vel non eligere iisdem omnibus motivis remanentibus.

7. Dixi in sensu composito omnium prærequisitorum, & non requisitorum simpliciter; quia cum ipsa actio sit unum ex requisitis, & manente actione nequeat poni non actio, impossibile est ut voluntas possit agere & non agere in sensu composito omnium requisitorum ad agendum.

8. Dices, adhuc omnia supradicta repertiuntur in brutis; ergo in iis præcisè non potest consistere libertas. Probatur antecedens, quia videmus passim bruta coerceri à prosecutione rei delectabilis & appetitui eorum convenientis, nullo extrinseco prohibente; item modò videmus ea prosequi id quod heri detestabantur &c. Per quæ videtur inferri, quod positis omnibus ad agendum prærequisitis etiam in sensu composito possint agere vel non agere.

9. Respondeo negando Antecedens. Ad ejus prob. Respondeo, ea & similia omnia fieri, non ex judicio aut appetitu indifferenti ad operandum vel non operandum omnibus prærequisitis remanentibus; sed ex appetitu determinato ad unum ab aliqua vehementiori passione. Exempli causa, canis licet offam appetat in conspectu positam simpliciter loquendo; si tamen sit memor verberum prius acceptorum ob similem offam commestam, abstinere à dicta offa, non liberè, sed timore ipsum determinante & necessitante ad abstinendum: quocumque igitur vehementior affectio traxerit, eò bruta imperiò necessariò feruntur. Ita hæc sibi ipsi objicienti respon-

det Wiggers *de voluntariis* q. 6. art. 1. n. 5. Contrarium autem sit in homine, qui etiam gravissimas tentationes superare potest.

10. Dico tertio (quod ex dictis sufficienter colligi potest) voluntarium & liberum distinguuntur, primò, quod voluntarium sit magis commune quàm liberum: omne enim liberum est voluntarium, non econtrà; quia amor Dei in beatis est voluntarius, utpote elicitus à principio intrinseco cum cognitione finis, non est tamen liber (saltem quoad exercitium): nam beati non possunt non amare Deum clarè visum & cognitum ut summum bonum, cum nihil possit ipsos movere, ut ab illo amore summi boni desistant. Fateor tamen pleròque sanctos Patres interdum voluntarium cum libero confundere: sed tunc sumunt voluntarium in impropria significatione, sicut improprie sumeretur visio aut intellectus ab eo, qui eas cum visione clara & perfecta intellectione tantum confunderet.

11. Secundò distinguuntur voluntarium & liberum; quia fieri potest ut in uno & eodem actu, qui simul sit liber & voluntarius, augeatur voluntarium & minuitur liberum; dum videlicet accedit motus delectationis aut concupiscentiæ: tunc enim quò vehementior est motus, eò voluntas magis trahitur & inclinatur ad agendum; adeoque augetur voluntarium cum magis, sive efficacius velit quàm ante: & tamen minuitur liberum; quia quò voluntas magis trahitur in unam partem, eò est minus libera sive indifferens ad utramque. Ita Becan. *de lib. human.* c. 3. q. 3. cum cæteris communius, quos in his sequitur Cornejo *tom. 1. tract. 4. disp. 4. dub. 2.* ubi ostendit concupiscentiam posse esse tantam, ut tollat omninò voluntarium liberum.

## DUBIUM SECUNDUM.

*Quid requiratur ad hoc, ut omissio, & quod ex ea sequitur, sint voluntaria aut libera?*

12. **D**ico primò, ut omissio sit libera, requiritur advertentia saltem interpretativa ad illam, & potestas ad oppositum actum. Secunda pars patet; quia qui invitatus in carcere vel vinculis detinetur non dicitur liberè omittere auditionem sacri. Prima pars etiam est clara: nam, ut commune habet axioma, voluntas non fertur in incognitum: unde & hoc etiam necessariò requiritur ad omissionem voluntariam.

13. Dico secundò, ut omissio sit voluntaria & libera, non requiritur obligatio ad oppositum actum: quia posita advertentia & potestate audiendi sacrum v. g. tam liberè est voluntariè omittit quis illud audire die feriato, quàm die dominico aut festo, ut videtur manifestum, & bene probat P. Franciscus Bonæ Spei *tom. 4. tract. 2. de act. hum. disp. 1. dub. 2. res. 1.* monens, obligationem ad oppositum actum solum requiri, ut omissio peccaminosa sit libera: quidquid illam generaliter in omni omissione libera requirat Cornejo *tom. 1. tract. 4. disp. 1. dub. 10. num. 9.*

14. Dico tertio, ut effectus per accidens ex omissione secutus habeat rationem voluntarii moralis non requiritur etiam debitum seu obligatio ad actum omissioni oppositum: quidquid & hic à fortiori contrarium doceat Cornejo *loc. cit. dub. 9. num. 22.* ob sequens fundamentum; quia cum voluntas non possit esse causa istius effectus nisi moralis, oportet ut aliquid concurrat, ratione cuius possit censeri moralis causa illius; quod non videtur posse

esse aliud, quàm lex aut præceptum, quo obligatur ponere actum omissioni oppositum. Exemplo res fiet clarior: si videam duos inter se pugnantes, quos possum quidem absolute separare, sed non nisi cum manifesto vitæ meæ periculo eosque propterea separare omittam, nullus dicet homicidium per accidens ex omissione mea secutum mihi esse voluntarium: oppositum tamen omnes dicent, si facile & sine ullo incommodo eos separare potuerim. Cur hoc, nisi quia in secundo casu adest obligatio eos separandi & non in primo? Atque hinc etiam est, quòd, licet ex eo, quòd Dominus Deus non impediat malas hominum voluntates, sequantur peccata, non sint tamen Deo voluntaria, eò quòd non obligetur Deus malas hominum voluntates impedire: unde dicitur peccata permittere, non verò velle. Et ex hac etiam parte deducit Cornejo *ubi supra num. 26.* non peccare mulierem ornando seipsam, etiam si prævideat peccaturum aliquem videndo & appetendo eam: de quo nos alii quid infra suo loco.

Verùm hæc omnia facile solvo per distinctionem statim ex P. Francisco adductam, dicendo in primis homicidium illud esse mihi in utroque casu voluntarium, licet in primo non sit mihi voluntarium peccaminosum, sicut in casu secundo: deinde ad Deum quod attinet, respondet Franciscus, omnia peccata esse Deo permissivè libera seu voluntaria; quia habet advertentiam ad illa, & per gratiam suam illa impedire potest; verum tamen non ideo ei ad

ei ad culpam magis imputanda esse, quam lupanaria publica principi, quando hæc impedire non tenetur.

Probo ergo resolutionem nostram tertiam cum Francisco hoc modo; ad voluntarium moraliter in effectibus ex omissione secutis, sufficit advertentia & potestas ad oppositum: ergo non requiritur debitum ad actum oppositum omissioni. Prob. assumptum; quia communiter dicitur velle frigere is, qui friget, ac videns

& potens ad ignem accedere, non accedit, licet nullo modo ad ignem accedere teneatur; & sic de pluribus aliis. Sed quid ad D. Thomam citatum à Correo, qui 1.2. quasi. 6. ar. 3. in corpore, ut minus doceat, effectum per accidens ex omissione secutum, non nisi præsupposito præcepto, aut debito dicto, esse voluntarium? Respondeo cum eodem Francisco, illum intelligi debere de voluntario peccaminoso, seu culpabili, à quo nos præcindimus.

## DUBIUM TERTIUM.

*Quomodo violentia, metus & concupiscentia se habeant ad voluntarium vel liberum?*

15. **D**ico primò, violentia tollit liberum & voluntarium: quia violentia juxta Aristotelem est à principio extrinseco nihil conferente passo. Ubi illud nihil conferente passo D. Thomas & alii communiter explicant positivè, ut idem sit quod *renisente*, seu *resistente passo*: si enim virgo, quæ opprimitur, merè passivè se haberet, quamvis voluntate displiceret ipse actus, non diceretur propriè pari violentiam; sed potiùs interpretativè velle ipsum actum malum, utpote secutum ex voluntaria omissione resistentiæ positivæ, quam tenebatur adhibere, ut actum malum impediret quantum poterat. An teneatur clamare, dicitur disp. 5. num. 44. Ante resolutionem secundam.

16. Nota, metum esse perturbationem animi ex cognitione mali probabilitè eventuri: estque duplex; gravis, id est, natus ex grandi malo verisimiliter eventuro, qui dicitur metus cadens in constantem virum: & levis, id est, natus ex malo leviori, vel etiam majori, sed cujus exiguum est periculum; qui dicitur cadens in vi-

rum inconstantem. Dixi, *gravis, id est, natus ex grandi malo*, quod videl. absolutè, vel respectivè est grande. Malum grande absolutè est id, quod omnes communiter æstimant tale: respectivè verò, quod est grande respectu solius apprehensionis aut conditionis personæ: solent enim pueri & mulieres, imò & quidam viri multum meticulosi aliqua apprehendere ut mala grandia, quæ vix curant homines constantes. Unde datur metus respectivè gravis, qui non sit cadens in virum constantem, quique tamen adeò imminuit voluntarium respectivè, quàm alius absolutè: pro quo vide Gobat in *Alphab. matrim. par. 1. casu 12. num. 247. & seq.* Hoc notato.

17. Dico secundò, ea quæ sunt ex metu, etiam gravi, sunt simpliciter voluntaria, eliguntur enim ad majus malum vitandum, adeoque sunt absolutè volita: sunt tamen aliquousque sive secundum quid involuntaria, in quantum voluntas ea non veller, si metus abesset; ideoque minuitur eorum malitia. Ita Correo *tom. 1. tract. 4. disp. 3. dub. 2.* & Franc. B. Spei cum DD.

communiter. Imò ea, quæ sunt ex metu gravi contra præcepta juris positivi Divini vel humani, non imputantur ad culpam sive peccatum: non quòd sint simpliciter involuntaria, ut constat ex statim dictis; sed quia non est verosimile, Deum aut homines voluisse mortales obligare in casu tanti mali, quale est quod timetur, ut v.g. cum periculo vitæ, amissionis omnium bonorum, famæ adhuc integræ jactura &c. Excipe tamen casus, in quibus id jubetur fieri in Dei contemptum, tunc enim jus naturale assistit juri positivo, & præcipit etiam cum jactura propriæ vitæ obedientiam præstari juxta illud, *Quicumque erubueris coram hominibus me confiteri, & ego erubescam cum coram patre meo*: & ratio est; quia contemptus ille cedit in præjudicium honoris Divini, qui omnibus rebus creatis est præponendus, sicut ipse Deus est appetitativè summè diligendus; ut nimirum casu quo vel ipse esset inhonorandus, vel vita propria amittenda, potiùs hoc ultimum eligatur. Sic v.g. Sacerdos, quem quispiam cogeret dicere Missam sine debitis ornamentis in contemptum Religionis, potiùs debet occumbere, quàm sic celebrare. Ita Noster Urbanus ab Ascensione *tract. 1. cap. 7.* suæ Theologiæ moralis, qui unicum calum contemptus vult esse excipiendum. Verumtamen tu excipe etiam casus in quibus aliàs graviter præjudicaretur bono communi Reipublicæ, vel daretur occasio gravis valde scandali

infirmorum: sic enim miles tenetur servare stationem, etiam cum periculo propriæ vitæ; & Christianus non potest negare fidem suam etiam solùm exterius, licet tyrannus minetur inferre mortem. Excipe insuper omnia quæ sunt intrinsecè mala; ea namque nullo metu possunt reddi licita: ex quo colligit Cornejo *ubi supra dub. 3.* nullum posse licitè mentiri aut quodcumque peccatum veniale committere, etiam metu mortis: pro quo citat Augustinum: & dum aliqui se opponunt dicentes Deum præmiat aliquorum mendacium; respondet, id factum esse ob ignorantiam invincibilem, quæ judicabant mendacium in illis casibus esse licitum.

18. Dico tertio concupiscencia (quæ est actus quo appetitus sensitivus fertur in objectum delectabile & voluntatem allicit ad illud prosequendum) auget voluntarium & minuit liberum juxta dicta *dub. 1. in fine*, estque D. Thomæ *1. 2. quæst. 6. art. 7.* & aliorum communiùs. Quando verò D. Thomas alibi dicit, ex passione antecedenti minui voluntarium, intelligit de voluntario perfecto sive libero, non de voluntario in genere, prout eum etiam explicat Cornejo *dub. 1.* à nobis citatus. Addo & concupiscencia & metum posse in aliquo in tantum exerescere, ut turbetur mens ac tollatur deliberatio; quo casu indubiè actus essent involuntarii.

## DUBIUM QUARTUM.

*Quomodo ad voluntarium se habeant ignorantia & inadvertentia?*

19. **A**nte resolutionem, nota ignorantiam variè dividi. Primò in ignorantiam juris, qua lex vel præce-

ptum ignoratur; & facti qua ignoratur ipsum opus vel aliqua operis circumstantia.

20. **Di-**

20. Dividitur secundò ignorantia invincibilem seu culpabilem, & in invincibilem seu inculpabilem. Prima est, quæ præstando id quod præstari potest ac debet, superari potest: secunda verò e contrà, quæ præstito eo, quod potest & debet præstari, superari nequit. Sic villicus, qui templum adivit die dominico, quando Parochus solet proclamare jejunia septimanæ præsentis, quod hac vice obliviscitur, & ideo ea alter ignorat, dicitur invincibiliter ignorans, quia præstitit ea, quæ potuit & debuit præstare ut jejunia sciret. Qui verò tali die se à sacro absentat, nec postea curat inquirere ab iis, qui sacro interfuerunt, an & quæ jejunia fuerint proclamata, sciens similiter ea ibi solere proclamari, si ea ignoret, dicitur vincibiliter & culpabiliter ignorans; quia si vel interfuisset sacro, vel ab aliis inquisivisset, quod potuit & debuit facere, scivisset quod ignorat: suppono enim tunc Parochum jejunia proclamasse. Addo tamen cum Diana *part. 11. tract. 4. res. 4. circa finem*, prædictum rusticum adhuc non censeri id ignorare culpabiliter, nisi aliquam cogitationem, aut dubitationem, vel scrupulum habuerit de obligatione id inquirendi; ita enim sentiunt Alexand. S. Bonavent. Albert. Mag. Henri. Gerson. S. Anton. Angelus, Sylvest. Cajet. & Armilla, quos omnes citat & sequitur Vasquez 1. 2. *tom. 1. disp. 107. cap. 3. num. 6.* & alii apud Dian. *loc. cit.* Ratio est, quia si nunquam in mentem venit cogitare aut suspicari de operis aut omissionis malitia, tunc homo malum deliberatè non operatur, cum fieri nequeat, ut voluntas in malum peccati consentiat, nisi intellectus illud cognoscat.

21. Subdividitur ignorantia vincibilis in affectatam, crassam sive supinam, & vincibilem strictè sumptam. Affectata est, dum quis vult aliquid ignorare ut opus aliquod

liberius faciat; unde ait Psalmista; injustus *noluit intelligere ut bene ageret*. Crassa est dum ignoratur id, quod ceteri similis conditionis sciunt, & faciliè sciri potest ab eo, qui aliqualem ad sciendum adhibet diligentiam. Vincibilis strictè sumpta ignorantia est, dum quis quidem aliqualem adhibuit diligentiam ad sciendum, sed non tantam, quantam poterat, & debebat: ut si v. g. supradictus villicus petiisset ab uno aut altero quænam jejunia essent proclamata, & illi respondissent, vel se etiam abfuisse, vel non attendisse ad Parochum &c. Tunc enim adhuc alios tenetur interrogare, qui ipsi absolute dicant unum vel aliud.

22. Tertiò dividitur ignorantia in antecedentem, concomitantem, & consequentem. Ignorantia antecedens est, quæ est involuntaria & tanquam causa antecedit ipsum opus; quia nempe si ignorantia abesset opus non fieret. Concomitans est, quæ quidem est non voluntaria, sed non antecedit opus tanquam causa; quia licet abesset, adhuc opus fieret. Consequens est, quæ tanquam effectus consequitur actum voluntatis; quia nempe est directè vel indirectè voluntaria. His notatis.

23. Dico primò, ignorantia antecedens causat involuntarium interpretativè; quia laborans hæc ignorantia ita est dispositus, ut nullo modo vellet ponere opus quod ponit si ignorantia abesset, quâ laborat invincibiliter: unde hæc ignorantia à culpa excusat.

24. Dico secundò, ignorantia concomitans nec facit opus voluntarium nec involuntarium; neque enim inducit operantem ad volendum aut nolendum, cum voluntas non feratur in incognitum. Unde & hæc etiam à culpa excusat ipsum opus externum. Exempli causa, occidit quis inimicum putans invincibiliter esse  
ferans



feram; quem tamen adhuc occidisset, licet cognovisset esse suum inimicum, talis non est reus homicidii externi, nec incurrit obligationem restitutionis in foro conscientiae, nec irregularitatem; nam, quamvis ita fuerit dispositus, ut inimicum adhuc occidisset si scivisset eum esse, ista voluntas non influxit in homicidium factum; eum magnam diligentiam supponatur adhibuisse, ne hic & nunc hominem occideret. Ista tamen dispositio prava est ipsi culpabilis & mortalis.

25. Dico tertio, ignorantia consequens facit opus indirecte & interpretative voluntarium: quia qui vult id unde malum sequitur, censetur velle ipsum consequens malum; ignorantia autem consequens, ex qua opus sequitur, est voluta seu voluntaria, in quantum vel est affectata, vel crassa, vel vincibilis strictè sumpta. Quare hæc non tollit omnem culpam, sed eam auget, vel minuit secundum majorem, vel minorem negligentiam in prævidendo malo; ita ut ignorantia affectata nihil minuat de culpa, sicut nihil minuit de voluntario secundum estimationem moralem, cum sit totaliter voluntaria: crassa parum de gravitate culpæ tollit, prout parum tollit de voluntario; sed plus vincibilis strictè sumpta. Ita Wigg. 1.2.q.6.art.8.n.24. Sylvester & alii. Vide etiam Cornejo tom.1.tract.4.disp.ult.dub.unico per totum; ubi inter cætera, circa dubium; an ignorantia sit antecedens an consequens, sive an non existente ignorantia inesses voluntati actus contrarius ei, qui sit per ignorantiam, nec ne? Respondet cum Aristotele, id cognosci ex dolore, qui sequitur, vel non sequitur opus factum; sic enim ait Aristoteles; qui ob ignorantiam quidpiam agit si ipsum premit, invitus fecisse videtur; id est, renitente voluntate interpretativè.

26. Dico quarto, inadvertentia talis,

quæ sit, ut nequidem dubitetur de prohibitione, vel malitia actus, aut obligatione inquirendi an actus prohibitus, vel malus sit, tollit voluntarium quoad malitiam, uti ignorantia invincibilis, & consequenter excusat à peccato. P. Franc. B. Spec. de de act. hum. disp.1.n.108. Quare quæ sunt ex surreptione, nisi importent aliqualem advertentiam quod malè fiant, non sunt peccata; si verò levem important, leviantur sunt peccata: si autem adsit plena advertentia de malitia actus, de qua nequidem dubitetur an mortalis sit an venialis, & an grave vel leve damnum inferat, non erit nisi leve peccatum juxta Navar. Ariag. P. Francisc. & alios. Ratio est, quia magis favendum reo quam auctori: nec gravitas peccati, aut periculum ejusdem potest id invincibiliter ignorantia ad gravem culpam imputari. Oppositum tamen adhuc dicit Sylvius esse magis probabile, nisi talis ita in animo sit dispositus, ut si veniret ei in mentem, malitiam esse mortalem, nequaquam vellet illam committere; quia aliàs talis se exponit periculo peccandi mortaliter si ulterius non examinet, an malitia sit mortalis, an venialis tantum. Verum hæc ejus ratio mihi videtur nulla; quomodo enim prædictus tenebitur dictum examen instituire cum supponatur nullatenus advertere ad periculum peccati mortalis, vel ad qualitatem malitiæ? Meo certè judicio superat humanam diligentiam expellere ignorantiam, vel inadvertentiam qualitatis malitiæ objecti, cujus nulla profusus incidit cogitatio. Interim quidquid sit, puto ego id vix posse habere locum in prudentibus. Addo tamen ex Urbano tract.1.cap.26. eum, qui invincibiliter ignorat esse peccatum, agere cum dubio de malitia actus (quemadmodum possunt se multi rustici habere) ab omni peccato excusari. Vide circa hæc etiam

etiam Tambur. in decal. p. 1. l. 1. cap. 1. §. 3. num. 30.

27. Dico quintò, dum advertitur gravi malitia in actu, ad mortale non sufficit semiplena advertentia, qualis est in semidormiente, aut semiebrio, licet ad veniale sufficiat. Ratio est, quòd in similibus non adit plena libertas. An autem tantum semiplenam advertentiam habuerit peccator distractus? Ipsi iudicio relinquitur; nec aliter Confessarius scire potest: unde commune axioma, *non est prudentis dicere non putabam vel nesciebam*, solum habet locum in foro externo, non in interno, in quo semper statur conscientie consentis, qui contra seipsum deponit; nisi fortè ipse Confessarius aliunde internam penitentis dispositionem nosceret: ut v. g. quòd nullo prorsus modo velit exequi malum, quod est representatum; quo casu levis censenda est advertentia: sicut etiam, si nunquam, vel rarissimè admittat in similia consensum: item si probus dubitet, an vigilet, an dormiens, an sui compos fuerit &c. etiam standum erit pro semiplena advertentia. Ex his.

28. Colliges, non esse peccatum tam grave, quin defectu advertentie fieri possit veniale; cum enim bruta non peccent, eò quòd irrationabiles, & sine advertentia agant, quò magis ad eorum operandi modum, & conditionem naturalem acceditur, eò minus peccatur; ac consequenter ubi tantum parum ab eo receditur, parum tantum, sive venialiter peccatur. Hæc tamen intellige de inadvertentia inculpabili: ac adde ignorantiam, & inadvertentiam excusantes à peccato, etiam excusare à censuris, & pœnis annexis: de quibus omnibus vide Urban. cap. 26. citato & 27. sequenti.

Peter, quid faciendum sit Confessario cum ignorante?

29. Resp. & dico primò; tenetur autem ferre ignorantiam, quâ facit penitens peccatum ubi non est: quod ex prior locum habere in multis circa requisita ad indulgentias, & privilegia obtinenda ratione Sacri Scapularis: item & circa alias materias, præsertim in foeminis, de quibus optarem similes instrui à suis Confessariis.

30. Dico secundò, debet etiam Confessarius auferre omnem ignorantiam vincibilem, utpote culpabilem & peccatum: examinet tamen prudenter an revera talis sit: nam si reperitur esse inculpabilis, & nulla speretur emendatio ex ablatione ignorantie, debet penitens in sua ignorantia relinqui, ne loco peccati materialis ponatur posterum ipsum formale peccatum: quod sæpe locum habet in conjunctis matrimonio bonâ fide cum impedimento matrimonium dirimente; & varii etiam locum habere docent in simili matrimonio contrahendo si Confessarius videat; quòd non obstante scientiâ dicti impedimenti adhuc contrahent; quia Confessarius semper tenetur cavere malum spirituale penitentis. Oppositum tamè quoad hoc ultimum verius iudico, si nimirum res sit adhuc in statu integro; quia si tunc nullus sequatur fructus, id provenit ex mera penitentis malitiâ, quæ peccatori non debet suffragari. Hinc mallem ego hoc secundum præticare, & similem penitentem monere de suo impedimento, ne fortè ipse postmodum conqueratur, dum matrimonio jam contracto ei innoverit dictum impedimentum, quòd cum permiserim duci in tales angustias, quales sunt, vel cum scandalo, & multis fortè genitis prolibus debere separari à conjuge, vel continuò se exponere periculo formaliter peccandi; in quo certè videret mihi minus prudenter egisse, cum hæc non raro contingere

B

tingere experientia me doceat, & ista ei antea proponendo possem aliqualem spem habere eum averteendi à matrimonio simili contrahendo.

31. Dixi, si res sit adhuc in statu integro, quia si pœnitens v. g. esset filia honesta jam gravida, putarem Confessarium posse permittere, ut cum impedimento dirimente invincibiliter ignorato matrimonium contrahat; quia ex monitione de simili impedimento vix fructus posset prudenter expectari, & tamen id in meram pœnitentis malitiam non posset refundi. Attendant interim Confessarius diligenter, an nulla spes fructus effulgeat, quia reverà hæc in casibus etiam difficillimis non semper abest. Narravit enim senex quidam Confessarius è nostris mihi, hunc casum sibi accidisse. Adolefens quidam insignis venit ad confessionem die statuto ad contrahendum matrimonium, unde amici erant invitati, & alia omnia parata ad nuptias; colligit Confessarius lubeſſe impedimentum dirimens invincibiliter ignoratum; interea advertit, pœnitentem horrere summopere peccatum mortale: erat ipse Confessarius concionator, qui sciebat homines movere, unde inspectis circumstantiis concepit spem fructus, monet alterum de impedimento, qui in omnibus secutus est consilium Confessarii, ita ut fructus à Confessario speratus fuerit obtentus: an autem hic Confessarius, in aliis ab omnibus habitus pro viro prudenti, in hoc casu

prudenter egerit? Non examino, sed casum adfero, ne in aliis casibus, ubi res non ita procul devenit, statim desperetur de fructu obtinendo. An autem in tali casu raro non possit dispensatio obtineri ab Episcopo; vide quæ dicuntur *trac. 5. disp. 8. num. 89*.

32. Dico tertio, debet Confessarius auferre ignorantiam, etiam invincibilem, necessariorum necessitate mediis ad salutem; quia sine his etiam invincibiliter omissis, si ve ignoratis non potest pœnitens salvari: communiter tamen non debet Confessarius esse sollicitus, an is, qui confitetur, laboret simili ignorantia, sed tum demum, dum advertit eum esse valde rudem: nec debet dimittere aliquem ob ignorantiam necessariorum necessitate mediis aut præcepti; nam vel illa fuit culpabilis, & tunc sufficit eum monere, ut de illa doleat sicut de cæteris peccatis, & proponat adhibere diligentiam necessariam: vel fuit inculpabilis, & hæc non impedit absolutionem, modò proponat acquirere scientiam antea ignoratorum (suppono enim, eum scire & servare ea, quæ sunt de necessitate Sacramenti:) ac sæpè potest Confessarius brevi instructione supplere defectum notitiæ necessariæ. Quænam autem sint scitu necessaria necessitate mediis; erues ex dicendis *trac. 3. disp. 1. dub. 3. §. 1.* Circa hæc vide P. Franc. B. Spei *disp. 6. n. 32. & seqq.*

# DISPUTATIO II.

## De Conscientia.

### DUBIUM I.

#### *Quid & quotuplex sit Conscientia ?*

1. **D**ico primò, conscientia, quæ est humanorum actuum regula, est dictamen rationis præscribens quid hic & nunc oporteat facere, vel non facere, conformiter ad legem, vel præceptum: sive, ut loquitur Cornejo *rom. 1. tract. 8. disp. 1. dub. 1.* est regula æqui & iniqui indicans creaturæ rationali, quid fugiendum, quidve appetendum sit. Unde non agimus hæc de conscientia prout est iudicium sive dictamen de factis; quia id ad materiam moralem non inservit, nisi in quantum inde sequitur obligatio aliquid imposterum faciendi vel omitrendi, ut peccatum commissum deleatur, vel deinceps committendum vitetur. In formanda conscientia abhibenda est debitâ diligentia ad ipsam actionem, circumstantias, & finem ejusdem, antequam procedatur ad opus: & si fortè postea error aliquis, aut deceptio deprehendatur, ad culpam non imputabitur. Quare excusatur ille à peccato, qui adhibita dictâ diligentia bonam habuit intentionem, dum operatus est, existimans se non malè operari, quamvis postea cognoscat illam actionem verè esse malam: quia juxta præsentem conscientiam, non

verò subsequentem attenditur bonitas, vel malitia actionis.

2. Dico secundo, conscientia dividitur in quinque membra; quorum primum est conscientia recta, quæ judicat bonum bonum, & malum malum: secundum est erronea, quæ judicat bonum malum, & malum bonum: tertium est conscientia opinabilis, quæ probabiliter judicat, unum esse sequendum cum formidine tamen de opposito: quartum est conscientia dubia, quæ neutri parti præbet assensum aut dissensum, sed hæret inter utramque: quintum denique est conscientia scrupulosa, quæ ex levibus motivis uni parti adhæret cum anxietate.

3. Adverte tamen, conscientiam dubiam non esse conscientiam propriè dictam; quia non præscribit quid hic & nunc determinatè sit agendum vel omitrendum, sed ambigua hæret inter utrumque. Idem dic de conscientia scrupulosa, quæ plus adhæret uni parti per solam apprehensionem, si verè sit scrupulosa, quam per iudicium practicum, quod in definitione conscientia intelligitur per dictamen rationis.

## DUBIUM SECUNDUM.

*Quid faciendum ei, qui laborat conscientia erronea?*

4. **S**uppono ut certum apud omnes, conscientiam rectam ab omnibus & in omnibus sequendam esse tanquam rectam regulam humanarum actionum, cui contravenire, bonum esse non potest.

5. Dico primò, qui laborat conscientia invincibiliter erronea, eam sequi tenetur, nec eam sequendo peccat; peccat tamen, qui contra illam agit. Franc. B. *Spei de act. hum. disp. 6. n. 13.* Prob. prima pars, quia eum voluntas sit potentia cæca, tenetur sequi iudicium intellectus ostendentis quid sit agendum & omittendum, dum intellectus positis his circumstantiis non potest prudenter aliud judicare; quod contingit in conscientia invincibiliter errante. Deinde nulli potest imputari malitia actus nisi sit ipsi voluntaria, qualis non est malitia actus procedentis ex ignorantia invincibili, prout colligitur ex illo *Joan. 15.*

*Si opera non fecissem in eis, quæ nemo alius fecit, peccatum non haberent.* Probatur secunda pars, quia faciens id, quod judicat esse malum & prohibitorum, vel omittens quod judicat esse bonum & præceptum invincibiliter, licet à parte rei ita non sit, verè consentit in malum, & habet affectum sufficientem ad peccatum illud, quod intellectus judicat subesse: & hoc est quod dicit Scriptura ad *Rom. 14.* *Omne quod non est ex fide* (id est secundum Origin. Ambros. Chrysost. & alios apud Vasq. quod non concordat iudicio rationis) *peccatum est*: atque hoc peccatum erit istius speciei, ejus per ignorantiam judicabitur esse; quia objectum tribuit actui speciem prout hic & nunc ab intellectu proponitur. Hæc est communis omnium DD. Qui

ergo fregit jejunium v. g. dum putabat esse præceptum, indubiè satisfacit confitendo se comedisse quando judicabat jejunium esse præceptum. Sed quid si dicat se comedisse die jejunii, dum verè non fuit dies jejunii? Videtur dicendum, eum mentiri, licet in re levi: attamen similem varii à mendacio excusant, cò quòd per diem jejunii non observatum intelligatur verus vel putativus. Adde, eum, qui sic peccat contraveniendo conscientia invincibiliter erranti, non incurrere penas humanas; quia legislator humanus non intendit penas imponere, nisi transgressoribus legis veræ: ex quo fundamento suis in locis valde utiles sequelas deducemus circa censuras Ecclesiasticas.

6. Dico secundò, laborans conscientia vincibiliter errante, tenetur eam deponere, ac si negligat, sive eam sequatur sive non, peccabit. P. Franc. *ibid. n. 21.* Si enim non sequatur, non agit juxta regulam humanorum actuum; & voluntas, cum sit cæca, non potest contravenire iudicio rationis, nec ferri in objectum sub ratione honesti, quod intellectus proponit sub ratione mali. Si verò sequatur, sicut antea ex communi sententia dictum est, ignorantiam vincibilem non excusare à peccato, idem jam dicendum est de conscientia vincibiliter errante. V. g. Petrus ex conscientia vincibiliter erronea putat mendacium esse licitum ad tuendam alterius vitam; si mentiatur, eum error vincibilis eum non excuset, peccat: si verò non mentiatur, sed permittat alterum occidi, etiam peccat, quia facit contra dictamen rationis. Neque hinc sequitur, Petrum necesse,

necessariò, & quidquid fecerit vel non fecerit, peccare; nam deponendo conscientiam erroneam, quam, utpote vincibilem, deponere potest, ab omni peccato immunis esse poterit. Ubi adverte, illum, qui ex conscientia invincibiliter errante putaret se peccaturum sive hoc agat v.g. infirmum deferat, sive oppositum, v.g. Missam non audiat die Festo, quorum tamen alterutrum necessarium est, non peccare sive unam sive alteram partem sequatur: quia in his casibus sine culpa occurrentibus non adest sufficiens libertas, ad peccandum, nec ex communi sententia umquam potest quis constitui in statu, in quo necessariò peccet: si tamen in casu posito unum judicaret esse majus peccatum aliò, teneretur eligere quod judicaret esse minus malum: sicut semper obligatur adhibere media ad talem conscientiam perplexam, ut vocant, tollendam, antequam tempus operis ponendi adsit, si fieri possit.

Petes primò an gravius sit peccatum agere contra conscientiam vincibiliter erroneam, quam agere juxta eam?

7. Resp. ex diversitate materiæ nunc unum, nunc aliud esse majus; si enim quis judicet esse mentiendum ad salvandam vitam proximi, gravius peccabit agendo contra conscientiam; quia erit reus homicidii, cum agendo juxta eam solum incurrat culpam mendacii officiosi. Si verò quis judicet esse furandum ex bonis avari ad dandam eleëmofynam pauperi constituto in communi necessitate, gravius peccabit sequendo conscientiam, quia erit reus furti gravis ut suppono; quam agendo contra eam, nam tunc solum incurreret culpam venialem, sub qua judicat hic & nunc dandam esse eleëmofynam. Ita post Durand. docent Azor. Becan. Sylvius & alii quos citat & sequitur Cornejo *tom. 1. tract. 8. disp. 2. dub. 2. conclus. 1.*

Petes secundò, quomodo conscientia erronea deponenda sit?

8. Resp. non esse deponendam temerè, sed prudenter ac rationabiliter. Censetur autem temerè eam deponere, qui pro sua voluntate avertit animum à dictamine conscientiæ, ut ita operetur quod vult sine actuali conscientiæ remorsu: eò enim casu non verè deponitur conscientia, sed contemnitur, adeoque taliter operans graviter contra illam, virtualiter adhuc manentem, peccat. Insuper temerè etiam conscientiam, licet erroneam, deponit, qui ad hoc movetur levibus & omninò insufficientibus rationibus; quamvis tamen conscientia ex levi motivo formata etiam ob motivum leve deponi possit: imò si omnino temerè ac sine ulla ratione suscepta foret, posset & sine ulla ratione deponi & in contrarium agere, prout advertunt Urban. ab Ascens. & Cornejo *suprà dub. ult. conclus. 2.* Item qui per culpabilem distractionem, vel oblivionem contra conscientiam priùs habitam agit, etiam temerè operatur. Econtrà verò prudenter conscientiam deponit, qui firmâ ratione, aut probatorum Auctorum auctoritate ad eam deponendam movetur: ad quod sequentia media te juvabunt. Primò humiliter ora Deum. Secundò exactè rem totam discute. Tertiò libros lege de simili re tractantes. Quartò à doctioribus te consilium pete, ac tandè quæ sunt lecta & audita seque: atq; hæc media ita sunt necessaria, ut quâdo per unum quis non assequitur veritatè, cætera adhibere teneatur, si tamen omnibus adhibitis adhuc remaneat in sua ignorantia, erit ignorantia & error invincibilis. Neque est necessaria diligentia summa, sed tanta dumtaxat, quantam prudentes & timorati in simili negotio solent ordinariè adhibere. De quibus vide Sylvium *l. 2. q. 19. art. 5. quest. 6.*

## DUBIUM TERTIUM.

*Quid faciet is, qui habet conscientiam dubiam?*

9. Nota conscientiam posse esse dubiam dupliciter, speculative; quando dubitatur in generali, sit ne res secundum se licita vel illicita: & practice; dum dubitatur in particulari utrum hinc & nunc sibi liceat, vel non liceat tale quid agere vel non agere.

10. Dico primò, dum quis laborat conscientia practice dubia, si nulla adsit necessitas operandi, tenetur ab opere abstinere: si autem necesse sit operari, diligenter inquireat, utra pars sit vera, vel saltem tuta, & sic, deposito dubio, agat in eam partem, in quam se resolverit: sin verò cum conscientia practice dubia egerit, peccabit ejusdem malitiae peccato cum eo, de quo dubitat; ut si dubitet, an peccet mortaliter, peccato furti &c. peccabit mortaliter, peccato furti &c. Ratio est, quia quod non est ex fide (id est ex judicio determinato ac prudenti conscientiae, ut supra) peccatum est: & talis revera se exponit periculo committendi peccatum, de quo dubitat: qui autem amat periculum peribit in illo. Quòd si verò dubium deponi nullatenus possit, & necesse sit alterutrum agere, sequenda erit pars tutior; id est in qua eligenda, vel nullum committitur peccatum, vel levioris culpae periculum est, quam in electione alterius. Ita idem Sylvius *loc. cit. quest. 8.*

11. Dico secundò, qui laborat conscientia speculative tantum dubia, contra eam agens non peccat, si sequatur conscientiam practice securam: quia cum ex causa rationabili dubium in praxi deponat, non se exponit peccandi periculo, nec

consequenter censetur habere affectum ad peccatum. Sic v.g. qui speculative dubitans, an liceat molere die festo, judicat sibi hic & nunc, stantibus his circumstantiis, id licere, non peccat si molat; quia sequitur conscientiam practice certam. Ita Cornejo *tom. 1. tract. 8. disp. 3. dub. 4.* ubi asserit D. Thomam *quodlib. 8. art. 10.* docentem peccare eum, qui operatur juxta opinionem, de cujus veritate dubitat, intelligendum esse de dubio practico & non de speculativo, prout *dub. 5. seq.* etiam dicit, intelligendum esse axioma *in dubiis tutior pars est sequenda*, ita ut solum locum habeat in dubio strictè sumpto, quando videlicet intellectus nulli parti determinatè adhaeret, juxta nostram primam resolutionem. Vide quoad praecedentia eundem *ibidem disp. 4. dub. 1. & 2.* Quamvis autem ratio sufficiens sit ad agendum licitè contra conscientiam speculative dubiam tradit Urbanus *tract. 1. cap. 10.*

An in confessione exprimendum sit, peccatum factum esse cum conscientia distante aliquid absolute esse peccatum, an cum practice dubitante; controvertunt Auctores.

Petes, an dubitans, num quod superior praecipit, licitum sit, aut ipsius potestatem excedat, teneatur obedire.

12. Resp. quod sic, quamvis enim verum sit, Superiorem non posse illicita praecipere, cum tamen ipse licitum judicet praecipit, de cujus honestate dubitat subditus, quòvis est, ut illius hac de re judicio stemus, quam dubitationi subditi: deinde Superior possidet jus praecipendi, in

in dubio autem melior est conditio possidentis. Ita Petrus Ful. cum communi: & bene addit Sylvius, ordinariè tutissimum esse subditis dubitantibus remedium, sua dubia deponere ad sui Superioris sive Prælati consilium, aut Parochi, vel Confessarii, utpote qui habentur viri sufficienter docti, boni, & discreti. Si tamen subditus dubitans obediendo aliquod grave malum sibi, vel alteri tertio timeret, non teneretur statim obedire, sed posset præponere examen: ut bene docent Henric. Medina, Lessius, & novissimè Franciscus Pellizzarius in *tract. de Monialibus cap. 4. sect. 3. quasi. 27.* Idque etiam licitum iudicat Rodrig. Reginal. & alii cum res præcepta est valde laboriosa aut difficilis. Quibus casibus si post suum examen aliquam sententiam probabilem subditus repererit, secundum quam non teneatur obedire, vel non esse licitum quod præcipitur, potest non obedire: quia licitum est sequi sententiam verè probabilem. Ita Sanchez, Ledesm. & alii. Pro quo vide etiam *Dian. p. 2. tract. 13. res. 10.* & Pellizza. supra. Imo Cornejo *disp. 4. dub. 2. supra* expressè docet, quando obedire præcepto Superioris cedit in alterius damnum, tunc non solum eum posse non obedire, quin potius pe-

cabit obediendo: ut in casu quo Prælati interroget de crimine proximi, quod non cedit in publicam perniciem, & dubium sit, an Prælati juridicè interroget: nam tunc non licet contra proximum testificari; quia in dubiis anteponendum est bonum proximi præcepto Superioris. Hæc ille: qui bene addit, *quod non cedit in publicam perniciem*, Reipublicæ videl. Religionis &c. ad quod bene est attendendum. Miror Patrem de Scildere *tract. 2. num. 55.* hæc absolute ponere, *subditus opinans, quod præceptum superioris auctoritatem excedat, obedire non debet*: cum supra (postquam *num. 21.* dixisset, *licitum est pro formanda conscientia sequi opinionem probabilem &c.*) *num. 22.* dicat, *nisi superior nos jubeat sequi opinionem tutiorem, cum præcepto ipsius obediendum sit.* Peto, an opinio superioris opinantis præceptum suum suam auctoritatem non excedere, non sit opinio tutior? Indubiè quod sic; suppono enim præceptum ipsius non esse de re mala: ergo cum Superior tale quid præcipiens, simul debeat censeri præcipere, ut subditus hanc Superioris tutiorem opinionem sequatur, videtur ille debere obedire, *cum præcepto ipsius obediendum sit*, ut habent ipsiusmet ultima allegata verba.

## DUBIUM QUARTUM.

*An sit licitum sequi conscientiam opinativam.*

13. **D**ico quando sunt duæ resolutiones opinativæ sive verè probabiles, licitum est, probabiliori relicta, sequi minùs probabilem in iis, in quibus non est periculum injuriæ tertii. Ita P. Gobat in *Alphab. Ord. casu 6. num. 197.* dicens se id in Clypeo Alphabetico confirmasse auctoritate sexaginta quinque Theologorum.

Ratio est, quia opinio probabilis fundatur in recta ratione, & judicio prudentum eam ut veram sustinentium; licitum autem est sequi rectam rationem, & virorum prudentum judicium: & certè aliàs intolerabile, ac ferè impossibile foret de omnibus inquirere, utra pars sit probabilior.

Nec



Nec dicas, ad prudenter & licite operandum, non sufficere si dicatur, *probabile est me non peccare, ita ut probabile sit me peccare, nam nunquam licitum est se voluntarie peccandi periculo exponere*: quia qui extraculus à nobis exceptos sequitur sententiam verè probabilem, non dicit, *probabile est me peccare*, nisi fortè materialiter: nam formando conscientiam, quòd hìc & nunc sequatur opinionem verè probabilem, judicat in conscientia se operari juxta prudentis judicium & in ratione fundatam opinionem, ac consequenter verè prudenter operatur, ac sic operando dicit: *moraliter certum est, me formaliter non peccare*: nec dici potest in sic utrimque probabilibus legem prohibentem esse in possessione; quia lex à principio tales actus nunquam comprehendit, eò quòd legislator supremus ne innumeris anxietatibus vexemur, nolit nos cum majori securitate, quàm dicta sit, procedere. Unde potest vir doctus operari secundum probabilem aliorum sententiam prætermisâ propriâ probabiliori: licet enim suam judicet speculativè probabiliorem, habet tamen aliam certam regulam, quam sequatur. scilicet. *in dubiis licitum esse operari secundum sententiam, quæ à viris doctis ut probabilis & in praxi iuta defenditur*. Neque sic agit contra propriam conscientiam, nec se exponit peccandi periculo, si ipse operetur juxta aliorum sententiam minus probabilem, relicta propriâ sibi visâ probabiliori, si aliis juxta eandem det consilium. Ita DD. satis communiter. Adde tamen ex Sanchez & Sylvio, Doctorem vel Confessarium prudentius semper dare consilium secundum sententiam propriam, ne arguantur inconstantia: si tamen opposita aliorum sit poenitenti multum favorabilis, explicari ei poterit aliorum sententia ejusque probabilitas, addendo suam sibi

videri probabiliorem. Vide eundem Dian. supra ref. 14. & Franc. B. Spei de act. hum. disp. 6. num. 112.

14. Nec absolutè damnandi sunt qui adeunt varios Doctores, ut aliquos inveniant, sibi faventes, qui dicant, talem propositionem esse verè probabilem, & in praxi tutam, dummodo hi prudentes sint & pii: nam intendunt sequi opinionem verè probabilem, atque in hoc jure suo utuntur. Ita post Sanchez. Bonac. & alios docet Busenbaeus contra Navarr. Dixi hìc & num. præced. verè probabilem, verè probabiles: quia si opinio sit improbabilis, & solum innitatur levibus motivis, vel si sit solum apparenter probabilis, nullus eam tutè sequi poterit, ob manifestum periculum peccandi, quod eam sequendo incurreret.

Dices ex P. Schilder tract. 2. num. 25. is, qui opinatur actum esse materialiter malum & nihil scit de opinione aliorum contraria, non potest formare judicium practicum, siue conscientiam quòd absque peccato formali illum positurus sit. Ergo nec ille, qui scit alios judicare actum illum esse licitum: quia opinio aliorum, quàm quis judicat esse falsam, non magis potest movere, quàm ignorata. Per hæc & alia, quæ ibi adfert, conatur contra nos probare, neminem contra propriam posse sequi aliorum probabilem opinionem. Verùm his plene puto satisfieri dicendo, similem quidem judicare, opinionem aliorum esse falsam insitendo suis fundamentis, & prout ipse ea penetrat; sed quia hæc non sunt nisi opinativa, & à parte rei formidini subjecta, quantumvis ipse in sua ratione oninem formidinem conetur excludere, potest prudenter unà judicare, opinionem plurimorum doctissimorum virorum juxta eorum fundamenta à se ignorata, vel non satis penetrata manere.

verè

verè probabilem, & se verè prudenter agere talem eorum opinionem sequendo. Imò putarem ego contrarium sentiendo incurrere magnam præsumptionem, cum experientia me docuerit, Auctores, qui judicabant suas sententias optimè fundatas, & aliorum fundamenta in contrarium explodebant, confundi dum illis objiciebatur fundamentum, quod fortè antea non legerant. Nec video quomodo sine temeritate possim (etiam contrà torrentem DD.) propriam opinionem judicare certò à parte rei esse probabiliorem, simulatque id mihi ita apparet attentis &c. quod hic ubique supponit ille Auctor. Accedit quòd Innocentius Papa *cap. extra dist. 64. & Celestinus cap. prudentia de offic. jud. del. absolute dicant, integrum est iudiciu, quod plurimorum sententiis cõfirmatur*, scil. si tua accedat siue nò.

Dico insuper, ut satisfaciam secundæ probationi prædicti Patris, in eo casu opinionem aliorum suò modò fieri propriam practicè, & à se reputari verè probabilem, in quantum judicat, illam non posse à tot & tantis viris defendi sine sufficienti fundamento, licèt sibi incognito. Nec urget quod dicit, nos debere observare hoc axioma. lumine naturæ notum, *quod tibi non vis fieri, alteri ne feceris*, quia cum hanc sententiam doceam pro omnibus, volo omnes alios tutà conscientia posse facere intuitu mei, quod ego possum facere intuitu aliorum.

Ad absurdum autem quod dicit sequi ex sententiâ nostrâ in materiâ fidei: quòd nimirum *scilicet credens omnia necessaria necessitate mediis ad salutem, licèt opinetur esse peccatum materiale non credere puncta alia fidei Christianæ, possit tamen ob auctoritatem Lutheranorum, Calvinistarum, Hussitarum, inter quos viri etiam docti reperiuntur numero magno, formare rectè sibi conscientiam quòd non peccabit formaliter non credendo illa.*

*puncta, neque præcepta Ecclesiæ observando.* Respondeo illud absurdum nullatenus sequi, quia nullus Catholicus potest in materia fidei ab Ecclesiâ ut credenda proposita opinionem Lutheranorum &c. ullo modo facere suam: licèt enim inter eos multi sint docti, nequit ob auctoritatem eorum, utpote heterodoxorum, qui contra communem sensum, imò & definitiones Ecclesiæ conspirant, judicare se verè probabiliter non peccatum formaliter eorum opinionem sequendo contra communem sensum Ecclesiæ. Si dicas, illum, de quo agitur, ignorare communem sensum Ecclesiæ, nec scire Lutheranos esse heterodoxos, adedque eum verè posse judicare, id quod tam multi viri docti, à me ut probi habiti inculpabiliter, licitum judicant, & ego ob rationes ipsis visas pragnantes, licèt mihi incognitas verè probabiliter licitum judico, ita ut, etiam contra propriam probabilem opinionem id facere possim. Ego salvò meliori, hinc nullum aliud malum possum timere, quàm materiale; dicam enim, cum D. Augustino, sic faciendo errare possum, *hæreticus non ero*: quidquid tamen casus modò sit metaphysicus.

Et nonne sequendo sententiam P. Scilder errare possumus? Imo, & plus fieri hæretici, ac heterodoxi. Unde enim Lutherus, Calvinus, & alii errarunt? Unde facti sunt heterodoxi? Quia noluerunt aliorum sententias sequi contra proprias. Dicent, nostræ judicabantur à nobis omnino fundatæ, solvebamus faciliè omnes rationes aliorum, nostris nullo modo poteramus satisfacere; quæ alii contra nostras opponebant, judicabamus frivola. Quid hic respondebit P. Scilder? Aliquid solidi ab ipso expectabo: licèt non videam, quomodo possit ab hac sua sententia amovere periculum, ne plures, his nostris temporibus satis in sua doctrina

presumptuosi, inducant errores, & utinam non hæreses, si cum ipso iudicent, se in probabilibus non posse sequi aliorum opinionem contra suam: timeo enim, ne per illam sententiam (licet fortè malè intellectam) plures captivare suum intellectum in obsequium fidei Christianæ decreverint. Sententiæ Scilder se opponit etiam Mendo in *Statera opin. benign. dissert.* 13. *quæst.* 15. ubi *num.* 199. dicit se diu à nostra sententia stetit, & adhuc stare, probatque illam quatuor argumentis.

15. Addidi in conclusione, *in iis in quibus non est periculum injuriæ tertii*, quod aliqui incautè omittunt; quia si subit tale periculum, locum habet axioma, *in dubiis tutior via eligenda est*: unde chirurgus & medicus debent sequi tutiora & probabiliora; nec adhibere possunt remedium probabile si certum vel probabilius habeant; aliàs enim imprudenter infirmum periculo exponerent. Potest tamen medicus uti remedio, de quo est probabile quod proderit, si nec adsit certum, nec aliud probabilius profuturum. Ita Urban. *trac.* 1. *cap.* 11. & Cornejo *tom.* 1. *trac.* 8. *disp.* 3. *dub. ult.* cum communi: quidquid aliqui apud Dian. *loc. citat. resol.* 7. dicant, medicum sequi posse sententiam minus probabilem relicta probabiliori si certam sequi nequeat.

16. Difficilius est resolvere an dum nulla est spes sanitatis, licitum sit uti remedio dubio, de quo dubitatur an profuturum sit, an nociurum, si non adsit aliud remedium certum vel probabile? Communior est sententia negativa, cuius est ratio: quia tale adhibere remedium est dare causam mortis, cum nulla habeatur probabilitas, quod tale non sit, ut vi suâ mortem sit allaturum: idque est velle experiri quænam vis tali medicamento competat, quod ab omnibus dampnatur. His

tamen non obstantibus absolutè sustinet Burghaber *centur.* 1. *casu* 12. oppositum, & ego idem cum Petro Ful. & aliquibus aliis quos ipse tacitis nominibus citat, non omnino iudico improbabile: quia dum sanitas ægri est desperata, longè minus malum est, cum exponere aliquali periculo accelerandi mortem aliunde certò brevi obventuram, dando remedium dubium, quod fortè illi multum proderit, quàm omnem illius curam abjicere: neque hoc per se loquendo est dare causam mortis; quia medicus nescit an obfuturum sit & aliunde aliquàlitér sperat illud sanitatem esse allaturum in lumina illa morbi desperatione, nam aliàs non adhiberet: quare non videtur damnandum, quod in dicto casu medicamentum dubium velit experiri sicut meritò damnantur illi, qui id faciunt, dum alia remedia utilia & probata suppetunt, ut sic ægrorum periculo peritiores evadant. Ita Fulienf.

Imò P. Scilder *trac.* 2. *num.* 108. absolutè docet, medicum in præfato casu teneri adhibere tale remedium, idque licet æger consensum amplius indicare non possit; nisi antè significaverit se nolle tale remedium adhiberi. Monuerat autem *num.* 106. non teneri medicum sequi suam opinionem singularem, quam putat certiore, quando æger curari desiderat juxta viam communem vel sententiam plurium, quod desiderare censetur instituendo consultationem plurium. In qua etiam medicus ille singulare suum remedium manifestare non tenetur aliis, si per illius manifestationem emolumenta sua perditurus sit: dummodo, si consensuros in illud alios verosimiliter existimet, significet se habere medicamentum soli sibi notum, quod ipse novit reliquis esse certius. Ita ille: Puto tamen ego, illum, in casu quo contrarium existimat, id debere significare ægro si ea-

pax

pax sit, vel illius amicis, dum credit ægrum nō evasurum mortem per remedium consultationis, & probabiliter judicat eum sanandum per suum remedium singulare: hoc enim sperant obtinere, & merito, qui plures medicos convocant; quia aliās melius unicum expertum vocarent, qui per se solum viam communem satis percipit, & remedia sua particularia sic liberè adhiberet. Adhuc tamen excipio casum, in quo adhibendo tale suum remedium singulare, exponeret se periculo perdendi famam, si æger fortè non curaretur. Quid circa hæc fieri possit in judiciis & materia Sacramentorum, dicetur commodius suo loco. Solūm

17. Nota respectu doctorum eam sententiam esse probabilem vel probabiliorē, quæ sufficienti vel firmiori nititur ratione: respectu simplicium verò & indoctorum, quæ in auctoritate Doctorum magis est fundata. Franc. B. Spei *suprà* n. 67. Quot autem Doctores ad probabilitatem alicujus sententiæ sufficiant, inter se Auctores non conveniunt; alii enim sex, alii quatuor, alii duos, alii unicum requirunt: verūm juxta Caram. in *commentario in regulam D. Benedicti disp. 6. num. 53. in pacis Prodomo certam. 1. num. 26. & in Theol. fundam. p. 1. fol. 137.* Qui requirunt quatuor, sex, &c. concedere debent, unicum sufficere; nam qui unum habet Auctorem probatum pro aliqua sententia, non tantum habet duos vel quatuor, sed & decem, imò & sedecim de probabilitate ejusdem sententiæ; ut minus enim sedecim diversi Auctores sustinent, sententiam unici probati Auctoris esse probabilem & in praxi tutam; quod & tenet P. Urbanus *tract. 1. cap. 11.* Monet hic P. Scilder in hanc considerationem non venire Auctores, qui ex necessitate unum Auctorem sequuntur: quia fortè novit, in certis Religionibus

subditos cogi per mandatum Superioris ad certas sententias propugnandas: sicut & subinde aliquos in Universitatibus sequi sententiās aliorum contra judicium proprium, ne ceteris displiceant & disfastimentur. Monet insuper, & ego cum ipso, multa requiri ad probatum Auctorem ad hoc ut, etiam in sententia prædictorum Doctorum, ipsius opinio censeatur verè probabilis: non sufficit enim quòd eam ex incidenti proferat, sed necesse est, ut ex professo materiam illius tractet; ac etiam debet præsumi expendisse & solvisse omnia argumenta adversariorum: item si procedat contra torrentem Doctorum, debet inuiti firmæ rationi, quæ ab aliis non fuit considerata. Requiritur etiam ut talis Auctor sit vir consideratus, qui in decidendis quæstionibus non leviter se gerat. Ex his satis constat, non quemlibet Theologiæ Professore, imò nec quemlibet Universitatis Doctorem fundare opinionem probabilem eo ipso quo illam doceat, in cujuscumque sententia; & quia semper dubium manet, an ea omnia verè reperiantur in Doctore particulari, quicumque ille fuerit, non puto auctoritatem unius posse ullo modo aliquam sententiam reddere probabilem. Addo à Sanctissimo D. N. Alexandro VII. sequentem conclusionem, *si liber sit aliquis junioris & moderni, debet opinio censeri probabilis, dum non constat rejectam esse à Sede Apostolica tanquam improbabilem*, damnatam esse tanquam scandalosam. Per quod judico, sententiam nostram *num. 13.* allatam non parum roborari. Quare enim summus Pontifex judicavit dictam propositionem esse scandalosam, nisi quia reputabat conformiter sententiæ nostræ à tot Doctoribus defensæ, inde sequi, *si liber est aliquis junioris & moderni, debet censeri licitum esse ejus opinionem* (utpote verè probabilem) juxta

illam propositionem) *sequi* ? ex quo certè hifce temporibus multa scandala sequerentur. At nullum ego video scandalum secuturum, licet opinio junioris & moderni dicatur probabilis, modò sit illicitum illam in praxi sequi.

18. Dubitabis fortè, an ut quis formet conscientiam probabilem, debeat ipsi constare evidenter, talem opinionem esse probabilem ? Absolutè sufficere, si constet probabiliter opinionem esse probabilem, responder Tambur. quia tunc satis firmatur certa moraliter illa veritas in hunc ferè modum dirigens. *Ego hic & nunc prudenter operor; quia dum probabiliter. puto hoc esse probabile, satis prudenter illud iudicium in praxi sequor*: Verum hoc videbitur nimis laxum. Et ego ob varia fundamenta, quæ adferuntur ab Illustrissimo Dño Fagnano & Francisco Bonæ Spei, in suis libellis circa hanc materiam, in praxi suadeo non sequi opinionem probabilem præcisè.

19. Addo ex Franc. B. Spei *sua notitia Belgica dub. 2. sequela 2.* illum; qui semel sententiam aliquam probabilem secutus est, non posse postea cum everfione obser-

vantiz legis certò obligantis mutare sententiam; tunc enim certa possessio stat pro lege adversus ipsum: sic v.g. dum quis incipit longam navigationem & breviarium non confert, ed quòd se conformet sententiz probabilì docenti, *non esse mortale omittere solum matutinum sine laudibus*; talis non potest postea sine gravi peccato omittere reliquam partem horarum, conformando se sententiz docenti, *cum, qui non potest totum officium recitare, non teneri ad partem*, quamvis utraque hæc sententia esset verè probabilis: unde nullatenus admitti potest quod adfert Caramuel *prima parte Theol. fundam. num. 2080*. Vide pro variis similibus casibus Tambur. in *Decal. p. 1. lib. 1. cap. 3. §. 5*. Vide etiam P. Franc. de *act. hum. disp. 6. num. 240. & seqq.* Cæterum inter diversas opiniones probabiles præferri debet quæ est antiquiorum, ed quòd hæc censetur diutius & à pluribus examinata: nisi fortè recentiores adferant rationem firmam ab aliis non considerata, aut decretum, vel consuetudinem novam.

## DUBIUM QUINTUM.

*De Conscientia scrupulosa, & ejus remediis.*

20. **D**Ico primò, qui laborat conscientia verè scrupulosa prudenter contra eandem agit illam contemnendo; quia talis nulli peccandi periculo se exponit, cum habeat oppositum iudicium practicum dictans, licere sibi id, quod facit: neque agit contra conscientiam, sed contra inanem formidinem & anxietatem. Si tamen quis nesciret se esse scrupulosum, ac proinde non haberet simile iudicium practicum probabile dictans licitum

esse quod facit, non esset dicendus vexari scrupulo, sed versaretur in errore vel dubio, ac facere teneretur, quod antea de laborante conscientia erronea, vel dubia dictum est: atque in hoc sensu intelligendi sunt, qui docent, non esse licitum agere contra conscientiam scrupulosam; inter quos est Bertr. Loth: atque etiam sic abusive scrupulus sumitur dum in jure dicitur, habentem scrupulum de valore matrimonii non posse petere debitum. *Adverte tamen*

tamen dictum iudicium practicum non necessarium debere esse expressum ad singulos actus, sed sufficere habituale vel virtuale desumptum ab experientia præteritorum actuum.

21. Dico secundò, communia scrupulorum remedia sunt hæc: Primum, frequenter & devotè orare Dominum Deum. Secundum scrupulos omnes contemnere, nec animo versare materiam scrupulorum; vehementer enim attentio ad scrupulum, scrupulum parit: quare Urbanus *cap. 11. supra in fine* dicit, meliori viâ scrupulos expelli non posse, quàm agendo directè contra illos, ipsos contemnèdo efficaciter: alioqui (ait, & experientia docet) quilibet eorum erit seminariû infinitorum aliorum. Tertium remedium est firmiter credere non esse mortale quòd non auderent jurare esse tale. Quartum se in omnibus submittere Superiori vel prudenti Confessario; ita ut omnia, quæ contra ejus resolutiones aut consilia occurrunt, negligantur, & tanquam tentationes repellantur: prudentem etenim quis deponit conscientiam scrupulosam per principia extrinseca, ut per auctoritatem Confessarii aut aliorum Doctorum, licet illam nullatenus deponere valeat, per principia intrinseca, ut per adinventas rationes, quod docent Navar. Nider & alii communiter apud Joannem Sanchez *in sel. disp. 41. num. 7.* & ratio est clara ex antedictis: si enim unus Doctor possit deferere propriam sententiam probabiliorè & sequi aliorum probabilem, à fortiori id poterit scrupulosus.

Non possum hic præterire remedium, quo certus Superior sanavit suum subditum, qui majorem partem diei collocabat in recitando Divino officio. Præcipiebat illi, ut officium suum recitaret ad horologium arenarium, & in eo recitando non plus temporis inlumeret, quàm communi-

ter alii insumant; quòd si illò tempore elapsò totum suum officium non complevisset, reliquum pro illo die omitteret. At subditus ita allaborabat in pergendo, ut suò tempore totum absolveret, plus sollicitus ne aliquam partem cogereetur prætermittere, quàm ne forè aliquid minus devotè, ut putabat, pronuntiaret. Sic igitur majori scrupulo minorem, quasi clavum clavò expulit.

22. Quintum remedium contra scrupulos est securè uti privilegiis scrupulorum; ut nempe in agendo non adhibeant nisi valdè mediocrem diligentiam, & dum angit scrupulus nec potest peti consilium, libere agant quod intendunt, nisi sit evidens esse malum. Ita Vasquez: deinde nihil repetant ex præteritis confessionibus, nisi certò sciant illud & mortale esse, & se confessos non esse: ita Sa & Layman. Ratio autem horum privilegiorum est; quia in scrupulosis ex nimio timore peccandi turbatur ratio, ut non valeant rem bene examinare; quare licet aliqua peccata confessi non essent, non tenentur cum tanto suo incommodo, ut est perpetua anxietas, procurare integritatem confessionis, cum minores sæpè difficultates alios ab eâ exeusent, ut rectè notat Azorius cum aliis: quare prudens Confessarius non permittit scrupulosum suos scrupulos vel dubia confiteri, maxime si semel plenè omnia audierit; Aliàs enim nunquam finem obrinebit. Attendant etiam Confessarii ne unquam vacillent, dubitent, aut se opinari dicant quando scrupulos præbent consilium, ne novam anxietatis occasionem præbeant.

23. Adde insuper aliud remedium pro iis qui jam diu scrupulis sunt vexati, quod tradit Wiggers; ut nempe acceptent illas animi molestias cum magnâ humilitate & patientiâ de manu Domini, se ob præterita

delicta & divinæ gratiæ neglectum indignos reputantes illā conscientiæ serenitate & quieti animi voluptatibus, quibus fidei Dei famuli frui solent; confidentes se aliquando tandem ad animi tranquillitatem perventuros, dum videlicet impleta fuerit mensura panis lachrymarum: sicque fiet ut dæmon desistat istis vexis illos tentare, dum viderit, illis suas tentationes converti in materiam virtutis & patientiæ, quas ipse adhibet ad impatientiam aut bonorum operum neglectum. Qui specialia circa hanc materiam deliderat, consulat Sylvium 1.2. *quest.* 19. *art.* 5. *quest.* 12. & 13.

Petes quis censendus sit verè scrupulosus, & unde hoc proveniat?

24. Resp. ad primum, illum esse scrupulosum, qui ex levibus & insufficientibus motivis cum anxietate timet, ac suspicatur de aliquo ad conscientiam pertinente, quod est oppositum parti, quam in animo judicat esse tenendam. Aliam autem aliquis verè talis sit, colliges ex eo quòd consulat varios viros doctos, nec tamen adhuc eorum consilio acquiescat: item ex eo quòd ob minimam apparentiam sæpe mutet iudicium, ac perturbatè agat in externis actionibus: nec non etiam ex eo quòd habeat advertentias ad infinitas ferè circumstantias.

25. Resp. ad secundum, causas scrupulorum posse esse varias: primò enim causa illorum in multis est complexio naturalis prona ad suspensionem & timorem, ut est complexio frigida & melancholica. Secundò infirmitas cerebri ob quam homo facilè turbatur. Tertio occulta superbia proprio iudicio nimium tribuens. Quarto indiscreta corporis castigatio, ut sunt abstinentiæ & vigiliæ nimix &c. quibus homo redditur tristis. Quintò conversatio cum scrupulosus. Sextò tentatio dæmonis

humores melancholicos moventis per quos imaginatio erret vel turbetur ob timorem inordinatum. Inquirat autem prudens Confessarius, quænam ex his causis subsint, ut sic morbi radicem queat auferre, & aptum cuiusque infirmitati applicare remedium; nam singulæ causæ singulas requirunt medendi rationes. Si verò ex assignatis causis nulla deprehendatur subesse, iudicet tunc Dominum Deum scrupulos permittere, vel in penam præcedentium peccatorum, vel etiam in majorem scrupulosi perfectionem spiritualem, ut nempe inde sumat occasionem frequentius & ferventius cum humilitate recurrendi ad misericordiam Dei. Hæc ex S. Antonino & Sylvestro ferè eodem ordine adducit Bert. Loth *tract.* 8. q. 3. *art.* 4. §. 1. pro quibus & aliis in hac materiâ cum poteris pro opportunitate consulere.

26. Sed quid ad sequentem casum perplexum? Certa persona, aliàs devota, videtur sibi una ex parte continuò irasci contra Deum, aliosque Sanctos, blasphemare, & pedibus illos velle terere &c. Atque hæc advertit non solum in imaginatione hærere, sed ad cor, animumque pertingere: ex altera verò parte videtur sibi cupere omnia opposita, velle prædictis omnibus omnem assensum negare, non tamen posse, ideoque vehementer inde discriuiatur. Post Baldellum & Burghaber *Centur.* 1. *casu* 47. Respondeo dictam personam in hoc casu non peccare, quia in prædictis omnibus non est libera, sed ex nimia intensione & efficacia phantasmatum depravatorum, quæ nimis importunè se ingerunt, sit ita perturbatæ rationis, ut libertas subsistere nequeat, idque planè ex eo coniecitur, quòd sincere dicat, non posse se illas cogitationes abjicere, & assensum negare. Neque hoc mirum (subjungit Burghaber) quia cum intello-

Quæ

ctus in hac vita dependeat à sensibus & phantasmatibus, his corruptis, aut vitiatis, necesse est, etiam ipsum quoad suas operationes marcescere : quod bene noran-

dum est. Vide hunc & alios casus similes apud Josephum Rossell. *in praxi depouendi conscientiam capite 15. circa medium.*

## DISPUTATIO III.

### *De malitia peccati.*

#### DUBIUM I.

*Unde sumatur malitia peccati : ubi aliquid de circumstantiis.*

1. **D**ico primò, malitia peccati sumitur ab objecto. Ita Cornejo *tom. 1. tract. 6. disp. 3. dub. 1.* Prob. quia odium v.g. quod secundum se nec est bonum nec malum, sed indifferens ad utrumque, sit bonum, vel malum, prout est huius, vel illius objecti odium ; si enim tendat in Deum, est malum, si in peccatum, est bonum ; ergo ab objecto habet quòd sit bonum, vel malum. Idem dic de amore, & omnibus aliis actibus intrinsecè malis, id est qui non possunt reddi liciti, aut boni : non enim est ulla ratio, cur non de omnibus pariformiter loquamur.

2. Dices, odium Dei est malum, objectum tamen ejus est summum bonum ; quomodo igitur sumere potest ab objecto suam malitiam ? Resp. odium malum requirere objectum bonum, & odium bonum objectum malum : neque nos volumus malitiam peccati sumi à malitià objecti secundum se considerati, sed ab objecto : quod omninò verum manet etiam in dicto actu odii. Explico, licet Deus secundum se sit totus bonus, prout tamen est objectum odii, est objectum disconveniens rationi, quatenus scilicet rationi repugnat, quòd ejusmodi actio, v.g. odium, circa tale objectum, ut est Deus, versetur

unde ab objecto quatenus disconveniente rationi, ut talis actus circa illud versetur, sumitur talis actus malitia, non verò præcisè, quia objectum est secundum se malum. Aliam huius argumenti solutionem habes apud Cornejo suprà in fine.

3. Dixi *idem est de aliis actibus intrinsecè malis* (ut sunt peccata quæ versantur immediate circa Deum, v.g. perjurium, idolatria, hæresis, &c. item furtum, homicidium, mendacium &c. quæ juxta communem dicuntur prohibita quia mala,) nam conclusio non videtur posse verificari de peccatis, quæ tantum mala sunt, ed quòd prohibeantur aliqua lege vel præcepto positivis, ut sunt commestio carniū die Veneris, fractio jejunii, omissio Sacri &c. Hæc enim accipiunt malitiam ab ipsa lege Dei præcipientis aut prohibentis, & non ab objecto : quia cum manente objecto eodem & absente lege actus idem, qui antè erat malus, reddatur licitus & non malus, videtur clarum, quòd ab objecto malitiam sumere non possit : nisi forte velis cum Sylvio 1. 2. *quest. 18. art. 2. ad 4.* etiam hæc peccata sumere suam malitiam ab objecto, quatenus illud est conforme legi divinæ ; quòd tamen plus est sumere malitiam à lege divina, quàm ab objecto.

Vide



Vide circa hæc Franc. B. Spei *sua Notulae dub. 5. resol. circa principale dubium*, ubi tradit moralitatem omnis peccati debere sumi à lege Dei, & ubi multa doctè ac subtiliter discutit, ut solet.

4. Dico secundò, peccati malitia etiam sumitur à circumstantiis, ab electione medii, & intentione finis; ita ut uno ex illis vitiatò, actus ipse simpliciter reddatur peccaminosus. Paret in sequentibus actibus: si quis exerceat opus servile die Festo, peccat propter circumstantiam temporis, quamvis opus secundum se malum non sit: si fureris ut des eleëmofynam, malè facis; quia eligis malum medium, licet finis sit bonus: item si ores ut obtineas vanam gloriam, oratio tua vitiatur ob malum finem, quamvis medium sit bonum: quorum omnium ratio sumitur ex communi axiomate, *malum capitur ex quolibet defectu, bonum verò ex integra causa*: quæ latè confirmat Cornejo *sem. 1. tract. 6. disp. 5. dub. 2.* Unde quando ab aliis dicitur, malitiam & bonitatem moralem sumi ab objecto, sine addito, id intelligunt de objecto totali, quatenus scilicet includit ipsum objectum principale actus cum omnibus suis circumstantiis; sive prout hic & nunc subjacet ipsi actui voluntatis. Cæterum

5. Nota, per circumstantiam hic intelligi accidens actus moralis, quod sit quidem extra substantiam actus, sed tamen aliquid conferat ad ejus bonitatem, vel malitiam moralem; quare quòd peccatum committatur manu dextrà vel sinistrà, manè vel à prandio, & similia non veniunt hic nomine circumstantiarum, eò quòd talia impertinenter se habeant ad peccati malitiam. Sunt autem circumstantiæ numero septem hoc versu contentæ,

*Quis, quid, ubi, quibus auxiliis, cur, quomodo, quando.*

Ly quis non significat tantum personam operantis videl. hominem, sed aliquam ejus conditionem accidentalem conferentem aliquid ad malitiam, vel bonitatem operis: ut *sine fornicator Sacerdos, conjugatus &c.* Ita etiam quid non significat objectum principale actus, sed conditionem ipsius objecti extrinsecam; ut *quod resurto ablata sit sacra.* Item ubi non significat locum simpliciter, sed conditionem loci accidentariam; ut *quod in templo* committat quis homicidium, fornicationem. *Quibus auxiliis*; ut si quis *arte magicà* conetur procurare sanitatem. *Cur* significat finem extrinsecum actus; ut si detur eleëmofyna *ob vanam gloriam.* Dico *finem extrinsecum*, id est actioni extraneum quem operans sibi proponit, ut *furari ad fornicandum*; quia finis intrinsecus & actioni proprius, ad quem actio dicit ordinem essentialem, non habet rationem circumstantiæ, eò quòd non sit extra substantiam actus, ut v. g. furari ut res aliena obtineatur. Ly *quomodo* multa continet, ut an liberè an coactè; utrum scienter vel ignoranter; ex infirmitate an ex mera malitia &c. actus fiat. *Quando* denique non significat simpliciter tempus, sed conditionem temporis accidentariam; ut quòd *die Festo* servile opus fiat. Vide Franc. B. Spei *de act. hum. totà disp. 5.* ubi per varia dubia, & resolutiones explicat, quænam personæ sub circumstantiâ *quis*, & quænam materiæ sub circumstantiis aliis sint in confessione aperiendæ; de quibus nos in decursu hujus Theologiæ propriis in locis, maxime in *tract. 5. de Sacram. disput. 5. num. 140. & seqq.*

## DUBIUM SECUNDUM.

*An malitia peccati consistat in actu interno an in externo? Et an hic isti adveniens superaddat novam malitiam?*

7. Dico primò, formalis malitia peccati primariò consistit in actu interno: in externo verò non nisi secundariò, & per denominationem extrinsecam ab interno. Franc. B. Spei disp. 3. num. 133. Ratio est, quia libertas primariò competit actibus internis, externis verò non nisi per denominationem ab internis; formalis autem malitia à libertate debet procedere, ac proinde ab actu interno; quod & patet in actu externo secundum se, sive objectivè optimo, qui elicitus ab homine ex conscientia erronea judicante illum hunc & nunc sibi esse prohibitum & malum, malus est malitià formali, quæ desumi non potest nisi per denominationem ab actu interno.

8. Dico secundò, actus externus non addit ullam malitiam formalem actui interno, si scilicet actus internus sit efficax, ita ut voluntas actum externum imperaret si poni posset. Idem Franc. num. 139. Prob. quia tunc involuntariè omittitur actus externus; involuntarium autem non potest minuire, vel augere malitiam formalem. Est S. Augustini lib. de libero arbitrio cap. 3. ubi expressè dicit, non minùs reum esse qui efficaciter vult adulterium, quam qui ipso facto adulterium committit. Est item D. Thomæ, Cajet. Bonav. & aliorum, quos vide apud Wiggers & Sylvium. Atque idem dicendum est de bonitate formali actus virtuosæ; ita ut certum sit, non esse plus bonitatis formalis aut meriti in martyrio perpeffo, quam in voluntate omninò efficaci martyrium tolerandi si occasio

adesset: unde (ut bene Urb. tract. 1. cap. 18.) voluntas apud Deum pro facto recipitur ubi factum excludit necessitas, tam in malis quam in bonis, Matth. 5. Qui videt mulierem ad concupiscendam eam, jam machatus est. Si verò aliqui PP. videantur interdum oppositum docuisse, loquuntur de voluntate inefficaci, vel ex suppositione, quodd occasione actus externi juxta statim dicenda num. 10. intendatur internus, vel diutius duret, prout ordinariè solet contingere; & oppositum Hugo Victorinus judicat ferè esse impossibile, dum ait, vix fieri posse ut voluntas opere suo nota angeatur. His tamen non obstantibus,

9. Nota primò, actum externum semper esse confitendum, eò quòd malitià formali actus interni denominetur formaliter malus, constituatque unum actum formaliter malum cum interno in genere moris, tanquam ipsius actus interni ultimum complementum: deinde actus externus inhihibetur à Deo præcepto distincto non concupisces à præcepto quo inhihibetur internus non concupisces; ergo etiam est confitendus, licet sit eadem utriusque malitia formalis. Neque ex eo quòd diversis præceptis inhibeantur sequitur esse diversos actus in genere moris, aut eos habere distinctas malitias formales; quia tantum prohibentur diversis præceptis eò quòd actus internus possit separari ab externo, & ut daretur intelligi, actum externum malum junctum interno debere etiam exprimi in confessione. Quòd autem solum in materia luxuriæ & furi

D

actus

actus internus prohibeatur speciali præcepto, est, quia magis frequenter in his duabus materiis peccatum completur in solo actu interno quàm in aliis : & ex eo quòd fiat id in aliquibus, sufficienter trahitur consequentia ad omnes materias, cum de omnibus quoad hoc constet pariformiter esse loquendum.

10. Nota secundò, actum externum sæpè esse occasionem cur actus internus sit peior vel melior moraliter : primò, quia frequenter contingit, ut actus interior crebro repetatur in exercitio ipsius actus externi, prout videre est in eo qui tentat alteri inferre mortem : deinde ratione operis externi non rarò diutius continuatur actus internus, ut patet in eodem. Ter-

tiò quia sæpius actus externus adveniens interno reddit hunc intensiorem & vehementiorem. Quartò denique ipse actus externus adfert lubinde varia incommoda si malus, vel commoda si bonus sit : sic enim homicidium externum adfert infamiam, scandalum, inducit irregularitatem, obligationem restitutionis &c. & exterior Sacramenti perceptio adfert gratiam ex opere operato, consolationem animi &c. Atque hinc etiam actus externus malus confutendus est, non quidem tanquam per se aliquid addens malitiæ actui interno, sed tanquam signum ex quo major malitia ipsius interioris actus Confessario innoteat.

## DUBIUM TERTIUM.

*An detur actus indifferens in individuo, qui nec bonus sit nec malus ?*

11. **S**uppono hic agi de actu deliberato, non de indeliberato ; cum enim hic non sit voluntarius, clarum est cum nec bonum, nec malum esse moraliter.

12. Dico hujus difficultatis resolutio multos habet fautores pro utraque parte : pro negativa quidem D. Thomam, Durand. Cajet. Richard. & plures recentiores. Pro affirmativa verò habet S. Bonavent. Alexand. & Gabrielem cum aliquot etiam ex recentioribus : inter quos omnes vide Sylvium & Arriagam fusè hanc difficultatem tractantes ; quorum primus tenet partem negativam cum D. Thom. secundus affirmativam cum S. Bonav. ita tamen, ut neuter sententiam suam oppositam improbabilem judicet ; ego autem utramque æquè esse probabilem sustineo, eò quòd utriusque fundamenta æquè mihi appareant stabilia, ac æquè solubilia. Vide

etiam Cornejo tom. 1. tract. 6. disp. 6. dub. 1. & 4. Ubi sustinet sententiam negativam D. Thomæ, quam firmat, satisfaciendo rationibus in contrarium, per octo paginas.

13. Probat suam sententiam Sylvius cum cæteris communiter hoc modo ex verbis Evangelii *Matth. 12.* ubi dicitur ; *omne verbum otiosum, quod locuti fuerint homines, reddent rationem de eo in die judicii.* Omne verbum deliberatè prolatum est otiosum vel non otiosum ; si otiosum, est malum, quia de eo erit reddenda ratio ; si non sit otiosum, est bonum ; nam nihil ipsi ad bonitatem deest. Addit autem per verbum otiosum ibi intelligi verbum vanum, id est quod caret bono fine ; jam verò, inquit, de omni otioso opere loquendum est, sicut de verbo otioso.

14. Arriaga, etiam cum cæteris, vult per verbum *otiosum* intelligi verbum nocivum, detractivum, mendosum &c. & Patribus Hieronymo, Basil. & Greg. à Sylvio pro sua sententiâ citatis opponit Chrysostomum clarè pro se sentientem; cui superaddit Theophylactum: & si alius instet, tres vel quatuor Patres debere uni prævalere; adfert Arriaga contextum, ex quo efficaciter, ut dicit, suam interpretationem confirmat; ac Franc. B. Spei opponit etiam S. Greg. Naz. & unum locum D. Thomæ. Deinde adhuc Arriaga aliter post Vasquez respondet, à Christo in Evangelio per verbum *otiosum* intelligi illud, quod nullam habet bonitatem, nequidem physicam; ut quod profertur solum animo loquendi nullâ aliâ utilitate intentâ: quod verbum admittit esse malum, quia est contra rectam rationem talia verba proferre: non verò intelligi verbum carens solum utilitate honestâ & morali, prout est verbum, quo alterum moneo, ut ambulet ad pellendum frigus v. g. ut lavet faciem macularam &c. quæ à nullo, inquit Arriaga, dicuntur otiosâ, sed sunt verè in individuo indifferentia. Verum ad hæc

15. Respondet Sylvius, verba illa minime esse indifferentia, sed bona, quia referuntur in debitum finem; ad quod negat requiri, ut referantur formaliter in ultimum finem sive Deum; sed sufficere asserit, si in eum referantur virtualiter, prout allata verba referuntur; idque probat ex D. Thom. hinc in respons. ad tertium, ubi dicit; *nam hoc ipsum quod aliquis agit ordinat ad sustentationem vel quietem corporis, ad bonum virtutis operatur in eo, qui corpus suum ordinat ad bonum virtutis.* Sed hæc ita se habere & sufficere, negabit Arriaga. Si autem ulterius Arriaga dicat, nullum esse præceptum, quo homo teneatur omnes suas actiones in Deum dirigere; respon-

debit Sylvius, tale præceptum contineri in verbis Apostoli 1. Cor. 10. *Omnia in gloriam Dei facite*: quæ verba è contra solum esse consilii defenderit Arriaga, & Franc. B. Spei: vel si velis esse præcepti, subintelligitur (inquit P. Franc.) *ut mereamini vitam æternam.*

16. Insuper contra eundem Arriag. dicentem; neminem solere similia conteri, ut v. g. se fricuisse barbam, purgasse nares &c. absque eo quodd retulerit illa in gloriam Dei; sustinet Sylvius similia esse materiam confessionis, dum fiunt cum deliberatione sine ordinatione in bonum finem. Addit tamen, ea ordinariè non esse confrenda, quia communiter fiunt indeliberatè solo impulsu naturæ & imaginationis, sicque nec sunt bona nec mala moraliter: sed de iis hinc non agitur.

17. Denique si à Sylvio obijciatur, S. Augustinum suam docere sententiam; respondet Arriaga, illum loqui de voluntate prout est potentia, non verò de actibus voluntatis: unde omnibus inspectis apparet mihi utriusque sententia æquè probabilis. Interim certum manet in utraque sententia per accidens, vel ob ignorantiam invincibilem, vel ob iudicium probabile opinionis D. Bonav. & Arriagæ, posse dari opus deliberatè positum, quod sit indifferens in individuo: nam ex opinionibus utrimque probabilibus possumus sequi utramlibet absque ullo peccato: & hoc ferè semper contingere asserit Arriaga: quia vix ullus est (inquit, & benè) qui, quando se calefacit, faciem lavat &c. cogitet se obligari ad apponendū finem bonum. Non minùs rectè tamen posset dici à Sylvio, id ita fieri, eò quodd similes actiones fiant indeliberatè juxta parum ante dicta. Maneat igitur utrumque probabile.

## DISPUTATIO IV.

De peccato in genere, &amp; peccatorum distinctione.

## DUBIUM I.

Quid, &amp; quotuplex peccatum?

1. **D**Ubiū procedit de peccato actuali consistente in actione transeunte, per quam homo dicitur peccans seu peccatum committens; non verò de habituali, quod consistit in macula peccati, quæ est culpa & deformitas relicta in anima hominis post peccatum commissum, à qua homo dicitur peccator, & privatus gratiâ, si sit macula peccati mortalis; si autem sit tantum macula peccati venialis, dicitur, & est privatus fervore charitatis, ac familiaritate cum Deo.

2. Dico primò, peccatum est dictum, factum, vel concupitum contra legem æternam. Ita S. August. Est autem lex æterna ipsa ratio Divina cui debent dicta, facta & concupita nostra conformari. Sub hac definitione comprehendere etiam peccatum omissionis; quia negatio reducitur ad genus affirmationis: familiare enim est in moralibus de quopiam dicere, quòd malè faciat, qui non reddit alienum, non audit Sacrum &c. quæ tamen sunt peccata omissionis. Vel si mavis claritatis causâ cum Urbano c. 1. *sua Theol. moral.* dic, per datam definitionem rectè declarari naturam peccati commissionis; ac subiungendo contradictoriam, non dictum, non factum, vel non concupitum, quod erat dicendum, faciendum, vel concupiscendum juxta legem Dei æternam, omninò declarari naturam peccati omissionis. Deinde etiam

sub data definitione comprehenduntur peccata commissa contra legem humanam & temporalem; quia & hanc lex ipsa æterna præcipit observari, ut patet ex Sacra Scriptura *ad Heb. 13. Mat. 23. & Rom. 13.* Deniq; etiam continentur peccata intrinsecè mala, licet dicatur prohibita quia mala; nã dicuntur solum lege positivâ prohibita quia mala, & reverà mala sunt, quia lege naturali prohibita sunt: quæ lex etiam naturalis servanda est vi legis Dei æternæ.

3. Adverte tamen, in rigore loquendo peccatum adæquatè definiri posse, dicendo, est factum contra legem Dei æternam; nam dicere & concupiscere sunt quoddam facere; melius tamen ista tria distinctè exprimuntur, ut definitio sit clarior, & per eam diversi hæreticorum errores refutantur, quorum unus docuit, *actiones internas non esse peccata quamdiu non proceditur ad opus externum*: alter verò, *opera externa neque esse bona, neque mala*.

4. Dico secundò, peccatum aliud est mortale, aliud veniale; quæ inter se differunt per hoc, quòd sint contra legem Dei æternam taliter vel taliter obligantem. Dicitur autem peccatum esse mortale, quia mortem spiritualem animæ infert: veniale, quia de eo facilè venia impetratur; definiturque peccatum mortale, dictum, factum, vel concupitum plene liberum

rum contra Dei legem graviter obligantem; veniale per se e contra definitur, dictum &c. contra legem Dei leviter obligantem; per accidens autem est quodcumque dictum &c. non plenè liberum contra quameunque legem Dei, si nimirum defectus libertatis tantus sit, ut in subiecta materia à mortali excuset.

Petes, undenam dignoscatur, aliquam legem vel præceptum graviter obligare?

5. Respondeo, id dignosci ex eo quod illius transgressio in S. Script. dicatur execranda, abominabilis, digna pena æternâ, privare gratiâ sanctificante &c. E contra verò cognoscitur leviter tantum obligare, dum Scriptura utitur mitioribus verbis, ut dum ejus transgressio dicitur solum privare fervore charitatis, familiaritate cum Deo &c. Quomodo verò, & quare peccatum veniale dicatur solum privare fervore charitatis, non autem charitatem ipsam imminuere? Habes quantum satis discussum apud Bachonem in *primum Sentent. dist. 47. quest. unica art. 1. 2. & 3.* Si autem ex Scriptura id haberi non possit, inspicere debet Ecclesiæ traditio, ac Doctorum auctoritas communis: & si nequidem ex hac parte id innotescat, tunc ad rationem naturalem recurrendum est, considerando nimirum gravitatem rei, quæ præcipitur vel prohibetur, an parum vel multum proficit aut obstat charitati Dei aut proximi, vel communi Reipublicæ bono; item an virtus homini necessaria graviter lædatur per talis legis transgressionem. Insuper inspi-

ciendum est, an transgressio talis præcepti hic & nunc à mortali non excusetur ratione alicujus, quod peccatum ex genere suo mortale reddit veniale; de quibus *dub. seqq.* Denique ea ab omnibus dicuntur esse contra legem æternam graviter obligantem, quæ sunt multum injuriosa Deo, sibi ipsi, aut proximo. Ex his igitur omnibus & aliis quæ adfert Urban. *tract. 1. cap. 6. & 12.* quæque à nobis tanguntur in *tract. de leg.* distingues inter peccatum mortale & veniale; quod aliàs est valde difficile.

6. Dico tertio, peccatum mortale aliud est tale ex suo genere, aliud ex accidente: similiter & veniale aliud est ex genere suo veniale, aliud ex accidente. Peccatum ex genere suo mortale est, quod intra eandem speciem malitiæ accrescere potest ad mortale absque alia extrinseca circumstantia aut malitia adveniente: ut v. g. furtum, quod intra eandem furti speciem crescit ad quantitatem constituentem culpam mortalem. Veniale ex genere suo est, quod quantumcunque intra eandem speciem accrescat, non pervenit ad mortale; ut mendacium jocosum v. g. De mortali & veniali ex accidente agitur *dub. 2. & 3. seqq.* Alias peccati divisiones, ut in carnale & spirituale; in peccatum contra Deum, seipsum, & proximum, &c. vide apud Cornejo *tom. 3. tract. 7. disp. 5. dub. 2. & 4.* ac pro divisione peccati in peccatum cordis, oris, & operis vide eundem *ibid. dub. 9.*

## DUBIUM SECUNDUM.

*Quot modis peccatum ex genere suo mortale possit fieri veniale?*

7. **D**ico, peccatum ex suo genere mortale potest fieri veniale tribus modis: primo ex parte intellectus, defectu

plenæ advertentiæ ad ipsum actum vel malitiam ejus; pro quo vide dicta supra, & nostrum Urban. *tract. 1. cap. 16. & 17.*

D 3

Sic

Sic ira ex suo genere mortalis sæpe fit venialis, dum concipitur ex subita passione.

8. Secundò, ex parte voluntatis, dum non adest perfectus consensus; quod ex variis cognosci debet: ut primò ex eo quòd quis non exercuerit actum externum, quem facile & sine incommodo poterat exercere: secundò ex eo quòd quis timoratz conscientiaz dubitet an consenserit: tertio ex animi dispositione, quâ operans mallet centies mori quàm Deum mortaliter offendere. Denique ex eo quòd quis semidormiens, aut non plene sui compos fuerit in actuali operatione.

9. Tertiò potest peccatum mortale fieri veniale ex levitate materiæ. Circa quod. Nota primò, ut de materiæ levitate rectè judices, non sufficere materiam secundum se absolute considerare, sed debere etiam te attendere ad circumstantias: licet enim quatuor aut quinque stufieri sint secundum se materia levis in furto, & viginti sint materia gravis, tamen qui priores à valdè paupere auferret, sciens eum illis indigere ad sustentandam vitam, peccaret mortaliter; & qui auferret posteriores à valdè divite, peccaret solum venialiter: ratio est, quia in illis circumstantiis per accidens quatuor stufieri censentur respectu pauperis materia gravis, & viginti respectu divitis materia levis.

10. Nota secundò, ut cognoscatur an aliqua pars rei præceptæ vel prohibitz sit materia gravis aut levis, spectandam esse quidem absolute & secundum se, deinde tamen etiam in ordine ad totum: quare licet tres floreni in se & secundum se sint apud omnes materia gravis, tamen qui sæpius novisset centum pistolas erogare pauperibus, juxta multos, non peccaret mortaliter si unâ vicè tres florenos mihi erogaret; quia tres floreni in comparatione

totius istius summæ non videntur multum æstimandi. Adde hic etiam (& maxime) attendendum esse ad finem, propter quem res præcipitur vel inhibetur; ita ut illa sit parva materia, quæ parum conducit ad finem intentum à legislatore; illa magna, quæ multum: pro quo opus est judicio prudentis viri.

11. Nota tertio, quòd in peccatis repetitis, si plures materiæ parvæ vel secundum se, vel secundum suos effectus in unam materiam coalescant, faciant materiam gravem, quia censentur moraliter una materia: econtrà verò si nec secundum se, nec secundum effectus relictos inter se cohereant. Ita DD. communiter. Quare, qui sæpe parum furatur, peccat mortaliter dum ad materiam gravem pervenit & priora furta non restituit: imò si in primo furto habuerit voluntatem sic sæpius materiam levem furandi, in eodem primo furto mortaliter deliquit; quia ex tunc habuit voluntatem grave detrimentum proximo inferendi: quare hanc pravam voluntatem suam tenetur confiteri sub mortali, licet post primum illud minutum furtum nullum aliud committeret. De his latius infra suo loco. Sic similiter qui interruptim psalmos aliquos ex officio ejusdem diei omittit, eodem festo per intervalla sæpe parum laborat &c. mortaliter peccat; quia istæ omissiones, & hæ operationes lerviles moraliter faciunt unam omissionem & unam operationem. Econtrà verò qui diversis diebus unum psalmum omitteret &c. non peccaret mortaliter, licet hic & nunc haberet voluntatem ita sæpius faciendi; quia, cum ista moraliter non coalescant inter se, & singula sint parva, non faciunt materiam gravem.

12. Adverte hic obiter, communem ferè esse omnium DD. in peccatis quæ fiunt imme-

immediatè contra Deum, ut sunt idololatRIA, hæresis, odium Dei, perjurium assertorium &c. item in his contra proximum, homicidio, fornicatione &c. non dari parvitatem materiæ quæ à mortali excuset, si adit advertentia plena, & perfectus con-

sensus. Ratio est, quia in minimò materiæ horum fit adhuc gravis injuria proximo, & in minimo materiæ istorum Deo; ut consideranti patebit. Pro peccatis quæ versantur immediatè erga Deum, vide Urbanum *traët. 1. cap. 13.*

## DUBIUM TERTIUM.

*Quot modis peccatum veniale possit fieri mortale?*

13. **D**ico, peccatum veniale potest fieri mortale ex accidente sextupliciter. Primò, ratione damni gravis, sive temporalis sive spiritualis: sic enim furando assem ab omnino paupere, imò & acum à fartore potest quis mortaliter peccare, dum scit quodd alter propterea diu cogetur à suo opere abstinere, eò quod non possit habere aliam acum quâ utatur.

14. secundò, ratione finis, si nempe peccatum de se veniale ab operante ordinetur ad finem mortalem, ut si v.g. quis jocosè mentitur ut inducat alteram personam ad secum fornicandum: quo casu tamen similis non obligatur necessariò confiteri se esse mentitum, sed satisfacit dicendo se desiderasse fornicationem, conatumque se esse alterum ad eam inducere; quia separatim à malitia istius finis mortalis manet ipsius mendacium solum veniale.

15. Tertiò ratione contemptus formalis Dei, aut legislatoris quatenus à Deo potestatem habentis: qui contemptus est necessariò in confessione explicandus, quia novam malitiam specie distinctam actui superaddit contra virtutem religionis, estque de genere illorum (ut benè advertit Urban. *suprà cap. 14.*) quæ totam semper includunt privationem oppositæ rectitudinis. Attamen idem Urbanus ibi-

dem benè notat, quando retinetur æstimatione superioris potestatis, non committi contemptum formalem licet despiciatur ejus impericia, vel alius defectus naturalis aut moralis: quamvis tamen non minus benè moneat, semper esse ab eo cavendum, eò quodd facile quis inde possit labi in contemptum formalem. Adde etiam, non omnem contemptum legis v. g. quia lex hæc levis est momenti, mortalem esse; nam tunc contemptus non versatur circa legislativam potestatem, sed circa objectum materiale legis, adeoque non est propriè contemptus legis. Ita idem ibidem. Verùm ego & hoc cavendum arbitror sicut priùs. Cæterum non est distinguendum quoad hæc inter legis Divinæ & humanæ contemptum; sicut enim omnis potestas à Deo est, & omnis legislator ab eodem derivata, ita qui legem humanam despiciunt, non hominem solum, sed Deum despiciunt, ipso Deo id per Sacram Scripturam attestante. Interim tres actus requiruntur ad perfectum contemptum; quorum primus est actus intellectus, quo minus æstimatur aliquis Superior quàm prout est Superior æstimari debet: secundus est voluntatis, quo placet vilis illa æstimatione: tertius verò est actus externus, quo contemptor testatur suam vilem æstimationem, quod fit communiter per aliud vitium



vitium v. g. detractionem, calumniam, murmurationem &c. cujus proinde contemptus causa est, quamvis ipse in illa non consistat formaliter; unde consuetudo omnis, quamvis etiam diuturna sit, præcise secundum se non est contemptus. Hæc omnia habes apud eundem Urbanum *loc. citato*.

16. Quartò peccatum veniale fit mortale, dum in illo constituitur ultimus finis: sic mortaliter peccat, qui ita afficitur ludo, verbis vanis &c. ut potius velit omittere suas horas, sacrum in die festo &c. quam prædicta venialia peccata relinquere: ratio horum ab Urbano *cap. 13. supra* bene redditur; quia nimirum talis censetur dicta peccata venialia magis appetitativè diligere quam Deum.

17. Quintò etiam potest peccatum veniale fieri mortale ex conscientia erronea distante esse mortale id, quod hic & nunc committitur: de quo supra satis.

18. Denique idem accidere potest propter periculum proximum incidendi in mortale; qui enim amat periculum peribit in illo: & reverà talis censetur animæ suæ salutem contemnere, qui sciens & volens subit periculum proximum labendi in culpam mortalem; teneturque similis in confessione exprimere peccatum cuius periculo se exposuit; nam peccatum

eiusdem cum eo speciei commisit. Verùm ab hoc quis interdum potest excusari ob justam necessitatem tale periculum coho-  
nstantem, de quo alibi latius. Solùm hic adverte periculum proximum peccandi esse, in quo homo ordinariè labi solet. Sic juxta Urban. si quis ideò non curaret fugere peccata venialia contra castitatem, quia omnia simul juncta nequeunt constituere unum mortale, vel ideo proponeret illa non vitare, indubiè mortaliter peccaret propter periculum proximum peccandi mortaliter conjunctum cum tali proposito, vel cum crassa negligentia nulla venialia in ista materia vitandi. Non vult tamen hoc extendere Tambur. ad omnes materias; quia falsum est venialia semper esse proximas dispositiones ad mortale, atque adeò proximè periculosas: videmus enim plures, qui de venialibus non multum curant, vel ad ipsum nomen mortalis horrere; & re ipsà diu à mortalibus abstinere. Ita ille in *Decal. q. 1. lib. 1. cap. 1. §. 4. num. 12.* ubi contrariam sententiam Sanchez reprobat. Addo ex eodem Urbano, eum, qui adit sponte occasionem de se quidem venialem, sed quam suo damno est expertus sibi valde periculosam propter suum privatum genium nimis labilem, peccare mortaliter.

## DUBIUM QUARTUM.

*Quandom peccata specie multiplicentur, & distinguantur?*

19. Circa multiplicationem specificam vide multa doctè subtiliterque pertractata à R. P. Francisco B. Spei *sue thes. dub. 6. & seqq.*

20. Aliqui distinctionem specificam peccatorum sumere voluerunt ex legibus,

& præceptis, quibus opponuntur; verùm id rejicit Cornejo *10. 1. tract. 5. disp. 5. dub. 8.* & meritò, quia unum & idem peccatum multis sæpe legibus vetatur: unicum enim peccatum numero & specie committit, qui frangit jejunium in vigilia aliqua in-

edente

eidente in quatuor tempora v. g. ejus ratio est, quod sub unico motivo temperantiae tunc illa duo praecepta jejunium praeceptant. Ita DD. communiter. Imò Cornejo *ubi supra num. 10.* contra Valquez sustinet, idem dicendum esse de Religioso, qui vi regulæ & praecepti Ecclesiastici tenetur feriâ sextâ quadragesimæ jejunare; quia regula sub eodem motivo temperantiae praecepit jejunium sub quo illud praecepit Ecclesia: nec regula in suis praeceptis (nisi specialiter exigat obedientiam) aliud intendit quàm virtutes in particulari juxta materiam praeceptam, obedientiam autem solum intendit generaliter sicut omnia alia praecepta. Dixi *nisi specialiter exigat obedientiam*; quia si Prælatus in virtute sanctæ obedientiae praeceperet jejunium in Quadragesima, illud non praeceperet solum sub motivo temperantiae, sed etiam sub ratione voti obedientiae; unde transgressio ejus esset duplex peccatum, licet non præcisè quia faceret contra suo praecepta. Ita Cornejo *loc. cit.* quare pro alia regula hac in parte

21. Dico, peccata specie multiplicantur, & distinguuntur, quæ habent notabilem differentiam diffinitivam ad ipsam legem Dei; vel (ut vult Bacho in 2. *dist. 39. quest. unica art. 4.* ubi contra D. Thomam probat, eam non posse sumi ab objecto reato, ad quod peccans se convertit) distinguuntur specie per speciales aversiones à propriis finibus distinctis in diversis materiis, in quantum istæ diversæ aversiones diversas negant rectitudines à Deo praeceptas observari. Atque hoc probat dem Bacho cum Herneo hoc modo; quia peccatum luxuriæ potest distingui specie peccato avaritiæ, in quantum peccato luxuriæ privatur bono temperantiae sive asseratis, & hujus rectitudine; & peccato avaritiæ privatur bono liberalitatis, ac sic

de aliis. Hæc omnia demonstrat idem Bacho ex auctoritate S. Augustini, & duabus rationibus; satisfaciens rationibus D. Thomæ in contrarium. Attamen (pace tanti Doctoris dixerim) adhuc in uno videtur deficere, quod nimirum pro regula generali distinctionis specificæ peccatorum videatur statuere privationem bonorum diversarum virtutum, earumque rectitudinum: in hoc, inquam, mihi apparet aliquantulum deficere, quidquid ceteri communiter possit ipsum & Nerveum eandem regulam tanquam generalem constituant. Ratio mea est, quia odium Dei & omissio amoris Dei, tempore quo hic praecepitur, sunt omnino peccata specie distincta, & tamen solum privant bono ejusdem virtutis videlicet bono charitatis Dei, ejusdemque rectitudine. Idem dic de avaritia & prodigalitate, quæ eidem virtuti liberalitatis in pauperes opponuntur, & sunt tamen peccata specie distincta: quod sistendo in sententia nostra clare probatur; quia habent notabilem differentiam diffinitivam ad legem Dei. Quare nostram regulam amplectere, ita ut dicas, illa peccata specie distingui, vel quæ opponuntur diversis virtutibus notabiliter distinctis, quomodo furtum sacrilegum est duplicis speciei peccatum, quia quatenus furtum opponitur iustitiæ, quatenus sacrilegum religioni, quæ virtutes sunt valde distinctæ: vel quæ pertinent ad vitia notabiliter diversa licet eidem virtuti opponantur, ac sic dictum odium & omissio amoris adhuc manent distincta specie. Hinc facile

22. Colliges quænam circumstantiæ mutant speciem peccati; eæ nimirum quæ superaddunt notabilem diffinitivam ad rationem subjectam legi Dei, prout faciunt illæ quæ opponuntur virtuti notabiliter diversæ à virtute cui opponitur actus principalis, vel ad vitium notabiliter di-

E

stinctum

finiſcūm pertinent juxta ſtatim dicta. Ita ſerē Cornejo *tom. 1. tract. 6. diſput. 7. dub. 1. Sed*

Petes primò quomodo circumſtantiæ debeant eſſe volitæ, ut actui ſuperaddant malitiā ſpecificā?

23. Reſpondeo cum Cornejo *loc. cit. num. 7. & 10.* poſt D. Thomam, ut circumſtantiæ particulares (id eſt quæ accidentaliter adveniunt actui: jam eſſentialiter conſtituto in eſſe moris, ut, quod reſurto ablata ſit ſæra, quod committens fornicationem ſit religioſus, conjugatus &c.) dent actui malitiā ſpecificā, ſufficit, quòd ſint virtualiter, vel interpretatiue volitæ; generales verò ſeu transcendentales (quæ ſunt conditiones intrinſecæ actuum, ut inobedientiā, ſuperbiā, odium Dei, imprudentiā ſpiritualis, mors animæ, & alia hujusmodi, reſpectu cuiuſlibet peccati mortalis) neceſſariò debent ad hoc eſſe volitæ directè & expreſſè. Prima pars eſt communis, probaturque hæc ratione, quia tale voluntarium ſufficit, ut actus ſumat ſpecificā malitiā ex objecto; ergo etiam ut illam ſumat ex circumſtantiis particularibus, quæ ſunt de conſtitutivo objecti totalis. Deinde praxis omnium Confeſſariorum eſt pro hac doctrina. Secunda pars etiam prob. quia eodem præcepto, quo tenetur quis v.g. non eſſe fur, tenetur ſimiliter non eſſe inobediens legi, non eſſe ſuperbus in transgreſſione ejus, non odio habere Deum per prævaricationem legis ab ipſo datæ, non eſſe imprudens ſpiritualiter, non inferre per furtum mortem animæ ſuæ &c. Ergo in furto non eſt alia

malitiā inobedientiæ, odii Dei &c. præter malitiā injuſtitie; ſi enim eſſent diuerſæ malitiæ, eſſent & diuerſæ difformitatès, quæ diuerſis legibus prohiberentur; deinde circumſtantiā tranſferens peccatum ad novam ſpeciem ſupponit peccatum jam conſtitutum in priori ſpecie eſſentiali, quod non faciunt circumſtantiæ generales, niſi directè & expreſſè intenduntur; quia ſunt de ipſa conſtitutione eſſentiali malitiæ primæ ſpeciei tanquam modi intrinſeci illius. Ita Cornejo citans D. Thomam Cajetan. Suarez, Azo. & alios.

Petes ſecundò, undenam colligatur è peccatis ſpecie diſtinctis unum alterò eſſe majus?

24. Reſpondeo, id debere præcipuè colligi ex eorum objectis; ex eo videlicet quòd juxta rectam rationem plus dedecet, ut talis actus verſetur circa hoc, quàm alter circa illud objectum: ſic enim majus peccatum eſt odium Dei quàm proximi, & univerſum peccata in Deum commiſſa majora ſunt, quàm commiſſa in homines. Sic etiam ex iis, quæ committuntur in proximum majora ſunt quæ majus proximi bonum impediunt vel majus inferunt damnum; ita homicidium eſt majus peccatum detractiōe & furto; detractio majus furto &c. quia ſcil. vita eſt bonum præſtantius quàm ſit fama & divitiæ, fama quàm divitiæ. Hæc tamen intellige ubi cætera ſunt paria; nam aliàs gravius peccatum eſt, furari valde multum quàm detrudere parum de fama proximi.

## DUBIUM QUINTUM.

*Quandonom peccata multiplicentur numero.*

25. **D**ico, peccata interna multiplicantur numero quotiescumque actus internus voluntatis malus, moraliter amplius non perseverans, resumitur; quod in peccatis, quæ animo sive interiorius perficiuntur (ut sunt odium, hæresis, pravum desiderium &c.) fit per solam interruptionem, & resumptionem: nam facta interruptione non est in quo illa peccata moraliter perseverarent. Unde tot numero peccata quis committit, quot habet interrupta desideria prava, licet versentur circa idem omnino objectum, & mora interruptionis sit parva. E contra tamen fit in peccatis, quæ opere externo complentur; in quibus quamvis sæpius formaliter, & physice proposita repetantur, non censentur toties multiplicari peccata, eo quod primum propositum moraliter semper perseveret in ipso opere liberè semper exterius continuato. Declaro utrumque his duobus exemplis; delectatur quis in cogitatione actus turpis, ac visâ aliquâ sceminâ habet desiderium peccandi eum illa, interea eâ visione cessante cessat malum desiderium; parum post eadem iterum visâ, reassumit idem desiderium; eo casu indubiè peccat toties, quoties habet similia repetita proposita, quidquid se conetur opponere Tambur. volens requiri interruptionem per retractationem. E contra verò si quis habens desiderium occidendi alterum, eo animò manè surgat, arma parat, inimicum exspectet, insequatur &c. non dicitur sæpius peccare, etsi aliquoties ob distractiones aut confabulationes propositum formale dimiserit; quia hoc censetur adhuc moraliter perse-

verare quamdiu opera illa externa liberè moraliter continuantur. Idem dic de exercente ipsum opus carnale externum, in quo omnes actus externi directi ad fornicationem, v.g. oscula, tactus &c. sunt unicum peccatum, quod sufficienter exprimitur dicendo, sum fornicatus; nisi forte per tadium vel penitentiam ductus propositum pravum fuisset retractatum, & iterum reassumptum: tunc enim essent duo peccata. Ita Franc. B. Spei *lib. Nocturæ dub. 11. resol. 1.2. & 3.* & ceteri satis communiter.

26. Nota tamen ex Layman & aliis; in dictis peccatis internis non esse necessariò exactè cõstitutas omnes omninò interruptiones, & numerum: id enim sæpè foret moraliter impossibile. Quare ut plurimum sufficiet exprimere durationem pravi sui desiderii, ut v.g. per hebdomadam habui desiderium fornicandi; nisi numerus interruptionum cognoscatur: nam tunc exprimendus esset. Circa quod vide Tambur. *mer. exped. conf. lib. 2. cap. 1. §. 5.6. & 8.* ac Franc. B. Spei *disp. 8. num. 76.*

27. Petes quot peccata committat, qui uno actu odii, detractiois &c. fertur in decem homines; qui unico ictu occidit plures homines &c. Doctores hac in re minimè conveniunt; nam Navar. Filliuc. Bonac. & alii volunt esse unicum peccatum: plura verò esse, docent Azor. Vasq. & alii, quibus favere videtur N. Bacho in 2. *dist. 39. quæst. unica art. 3.* ubi docet distinctionem, & consequenter multiplicationem numericam peccatorum, sumi ab objectis. Ratio priorum est, quod illa ob-

E 2

jecta

jecta sint unum moraliter, & formaliter quatenus hic & nunc in unico actu conjunguntur. Ratio verò posteriorum est opposita; quia nimirum ista objecta sunt omnino diversa. Verum in quacumque sententia sistatur, parum referre videtur in sententia Filliucii & Bonacini docentium, illud unum peccatum in doctrina priorum æquivalere istis pluribus in doctrina posteriorum, ac proinde objecti gravitatem in confessione esse exprimendam; quia actum in suo esse individuali constituit. Dictis duobus Auctoribus addit Busebaux Suarem de *pœnit. dist. 22. sect. 5.* qui tamen addendus non erat, quia istam sententiam ibi *num. 33.* refutat contra Navar. volens istam circumstantiam explicandam esse, quia est notabiliter aggravans, & independenter à speculatione Auctorum oppositæ sententiæ: quod scilicet pluralitas hominum occisorum v.g. sit de constitutivo actus secundum suum esse individuale; quam speculationem, ait, ab illis Auctoribus adinventam, ut defendant similem circumstantiam in citatis casibus esse explicandam, cum nempe velint solas circumstantias mutantes speciem esse confitendas & illæ speciem non mutant: de qua sententia nos agemus in *oral. de Sacr.* ubi de integritate confessionis. Quidquid de his omnibus sit, placuit etiam hic adducere verba Tamburini, qui abstractendo ab omni speculatione determinat, quomodo prædicta peccata debeant explicari in confessione; verba igitur ipsius sunt hæc:

28. Si simul unicâ v.g. explosione bombardæ occidis decem, viginti &c. homines, satis est si dicas, *uno ictu occidi multos*, & ita sentit Lugo: non sufficit autem dicere, *uno ictu occidi hominem*, seu *feci homicidium*; quia sic Confessarius intelligeret, te unum tantum occidisse, atque adeo non

fatereris tuum peccatum; quo occidisti plures; at dicendo cum illa generalitate, *occidi multos*, intelligit, quantum satis est, peccatum, quod de facto commisisti. Ita ille, volens idem à pari locum habere in desiderio occisionis multorum, & copulæ cum multis, ac scandalo pluribus dato: pro quo vide Dian. *pag. 11. tract. 5. res. 49.*

29. Subjungit dictus Tambur. qui unico actu bona multorum lædit v.g. furatur bona communitalis, vel hereditatis plurimum, satis est si dicat, *furatus sum à communitate*, vel *ab hereditibus*; nec est sollicitus debet, explicare quoniam personæ in illa communitate, vel hereditate numerantur. Imo hac in re praxis communis est, solum dicere, *furatus sum rem alienam* nihil aliud addendo; & merito, quia ille respectus ad personas in hac materia videtur semper magis materialiter habere, quam in aliis materiis; potius enim hic consideratur quid injustè contrectasti, quam à quo abstulisti. Ita idem, pro se in his omnibus citans de Lugo. Adde etiam Dianam *p. 1. tract. 7. resol. 34.* hæc verba ponere. Nota quod licet ego alibi aliter docuerim, tamen existimo probabile, eum, qui statuit toto anno non jejunare, non audire sacrum, non recitare horas, unicum peccatum committere, & sufficenter confiteri si dicat, habui propositum non jejunandi, non audiendi sacrum, non recitandi officium; sic si quis eodem actu auferret tria vasa argentea trium dominorum, unum peccatum committeret, & sufficenter confiteretur dicens, semel furatus sum materiam gravem. Ita docet Verricellus & Martinus de San Joseph. Hucusque Diana.

30. Nec dicas, numerum hominum in prædictis explicandum esse, eò quod tot sint numero malitiæ, quot sunt personæ, quas occidis, quibus detrahis &c. nam quid-

quidquid sit de hac sententia, & ab hac difficultate abstrahendo, respondet Tambur. *loc. cit.* post de Lugo *disp. 16. sect. 3. n. 33. & seqq.* nequaquam fideles compellendos esse, ut explicant omnes malitias peccati solo numero distinctas: quia ex Frident. solùm habemus præceptum continentendi singulas species, & singula numero peccata: numquam verò apparet præceptum explicandi singulas numero malitias, quæ fortè sint in singulis peccatis: & certè id scrupulos & perplexitates multas causare posset, ut asserit Tambur. Circa hæc omnia vide Franc. B. Spei *sue Noct. dub. 12.* ubi per plura rejicit ea quæ ex Tambur. attulimus; quæque omnia nos non absolute reputamus esse vera, sed volumus hic ponere, ut Confessarii sciant diversitatem sententiarum, & quia ea ante Tamburinum docuit tam præclarus Autor, ac est emin. D. Card. de Lugo. Interim absolute falsum reputo, quod circa medium numeri præcedentis Diana reputat probabile, nempe, eum, qui statuit toto anno non audire sacrum, non recitare officium, sufficienter confiteri si dicat, habui propositum non audiendi sacrum, non recitandi officium: quia sic Confessarius intelligeret te habuisse propositum non audiendi unum sacrum tantum, non recitandi unum officium tantum: quare saltem ut minus similis dicere debet, habui propositum, non audiendi multa sacra, non recitandi multa officia juxta ea, quæ *num. 28.* ex Tambur. attulimus: vel juxta licentia *num. seq. in fine* ex Martino de Sanophetiam ut minus, debet dicere, habui propositum sæpius, vel aliquoties non audiendi sacrum, non recitandi officium. Atque hæc adhuc juxta illorum Auctorum mentem.

Petes hic iterum; an multiplicatis actionibus semper multiplicentur peccata?

31. Respondent aliqui, peccata externa multiplicari numero multiplicatis actionibus dum actio peccaminosa versatur circa terminum definitum, in quo perficitur & completur ipsa actio: dum verò actio peccaminosa non habet terminum definitum & limitatum, tunc multiplicata actione successivâ circa idem objectum sine morali interruptione non multiplicari peccata. Ita Suar. *p. 3. tom. 5. disp. 5. sect. 3. num. 7.* & Castro apud Dian. *p. 11. traët. 1. resol. 11.* ubi ex hac doctrina infert, eum, qui successivè ter fornicatur cum eadem, tria peccata committere, non verò eum, qui unico impetu tres blasphemias evomit; quia nimirum actus fornicationis habent terminum definitum in quo consummantur, nec unus habet dependentiam vel connexionem cum alio, unde non possunt dici sibi invicem uniri, nequidem moraliter; nam communiter in illa actione natura remanet ita lassa, & viribus destituta, ut egeat aliquo tempore, & novis incitamentis ad denuo fornicandum: blasphemix è contra non habent terminum definitum, sed unitate morali inter se uniuntur prout modò humanò æstimari solet; quæ æstimatio hic maxime inspicere debet; ex qua conformiter oritur, aliquem tot peccata committere, quot successivè homines occidit; licet Lugo *de pœnit. disp. 16. sect. 14. §. 2. num. 57.* videatur docere contrarium: contra quem insurgit Dicast. apud Dian. *eadem p. 11. traët. 5. resol. 43.* dicens, inde secuturum contra ipsum Lugo & omnes communiter, tres fornicationes v. g. in una pugna venerea (si sic liceat loqui) uno impetu luxuriæ factas, esse unicum peccatum, sicut vult eum, qui uno impetu iræ tres homines occidit in uno conflictu, unicum peccatum committere. Interim probabilius est, Confessarium uox tot peccata committere, quot

E 3 suc-

successivè in statu peccati mortalis existens absolvit : ratio, quia absolutiones juxta Trident. & communem DD. fiunt per modum judicii, ac proinde licet sint diversæ actiones, moraliter tamen videntur uniri & effici per modum unius à Confessario. Atque hanc doctrinam tradit etiam Escob. *Theol. moral. tom. 1. lib. 8. sect. 1. cap. 2. num. 51.* Additque Dian. per eam satisfieri Caramueli, qui in *Theol. fundam. tom. 1. fund. 29. num. xdiv.* vult esse paritatem inter blasphemantem & fornicantem: eruitque inde malè docuisse Zanardum Dominicanum dum docuit, eum, qui per

integram noctem concubuit cum amasia, non debere explicare numerum fornicationum, sed sufficere si dicat, feci quod potui; quæ doctrina etiam rejicitur ab omnibus aliis, licet eam adhuc sustineat Martinus de San Joseph quoad actum voluntatis, ita ut velit, eum, qui uno actu voluntatis vult cognoscere decem mulieres, unicum peccatum committere, & sufficere si in confessione dicat, habui voluntatem sæpius vel aliquoties fornicandi. Vide Dian. p. 11. *tract. 3. resol. 3.* & Franc. B. *Spei sue Noctua dub. 11.* ubi subtilissimè & latè hanc materiam examinat.

## DUBIUM SEXTUM.

*De peccato omissionis, & actibus ei conjunctis.*

32. **D**E peccato omissionis, an videl. ad illud semper requiratur aliquis actus positivus voluntatis; agit Bacho in 2. *disl. 44.* per totam: pro quo etiam consule Cornejo *tom. 1. tract. 7. disp. 3. dub. 1.* per multa hanc quæstionem agitantem: circa cætera verò ad proximum magis conducantia,

33. Dico primò, præter duo ad omissionem liberam supra requisita, advertentiam scil. & potestatem ad oppositum actum, ad omissionem peccaminosam insuper requiritur obligatio ad actum omissioni contrarium. Est certum: quantumvis enim supra docuerimus, omissionem esse liberam dum quis se advertit dieferiato omittere auditionem sacerdotis, ac sacrum audire potest: tamen nisi insuper aliqua legè, præcepto, vel voto ad auditionem sacerdotis teneatur, minimè peccat, *Ubi non est lex nec pravaricatio*, inquit Apost. *ad Rom. 4.* Hinc bonam attulimus distinctionem supra *disp. 1. num. 13.*

34. Dico secundò, gravitas vel levitas

peccati omissionis peti debet ex gravi vel levi obligatione ponendi actum omissioni oppositum: quod est per se clarum.

35. Dico tertio, actus ita omissioni peccaminosæ conjunctus, ut sit causa vel occasio ejusdem, peccatum est: secus si habeat se merè concomitanter ad illam. Primam partem defendit idem Cornejo *tom. 1. tract. 7. disp. 3. dub. 3. num. 7.* qui *dub. 4. seqq.* cum communi addit, dictum actum esse malum malitià ejusdem rationis & speciei cum malitià omissionis: secundam verò partem defendit *ibid. dub. 9. num. 18. & dub. 10. num. 19.* ubi plures pro se citat.

36. Probatur prima pars, quia libera causa peccati peccatum est, ut videre est in eo; qui se exponit proximo periculo peccandi; item in eo, qui alteri consulit malum: quorum uterque ab omnibus peccare dicitur, quia est causa libera ipsius peccati. Adverte tamen, si quis ad actum, qui est causa omissionis malæ, teneretur ex præcepto gravius obligante, quam teneretur

neatur

natur ad actū omissioni oppositum, eum nō peccare ponendo causam omissionis; ut si v.g. quis omitteret auditionem sacri, lectionem horarum &c. ut infirmo valde periculose laboranti allistat, dum utrumque præstare non potest.

37. Prob. secunda pars, quia cum actus ille ex se bonus, vel saltem indifferens sit, ut suppono, nec sit causa omissionis malæ, non est unde malitiam sumat: quare si quis post efficacem propositum non audiendi sacrum die festo, eligat eo tempore studere vel orare, studium, vel oratio non imputabitur ei ad peccatum; quia sive studeat aut oret, sive non, dictum propositum efficacem sortiatur suum effectum; nec proinde ipsius studium, aut oratio erit causa vel occasio omissionis sacri, sed merè impertinenter se ad hanc habebit. Est contra Becan. *cap. 3. de pecc. omis. quæst. 4.* ubi docet, opus impossibile, quod primò eligitur post propositum omittendi, adhuc esse causam omissionis; & contra Valent. apud eundem, qui vult omnia opera, quæ tempore omissionis fiunt & sunt impossibilia cum actu præcepto, esse causam omissionis ac consequenter peccata. Dicit Becanus tale opus primum vi cuius sequitur omissio impedit per se observationem præcepti: Valentiam verò ait, illud omne est causa omissionis, quo posito sequitur omissio; atqui posito quocumque actu impossibili sequitur omissio adimplentionis præcepti; ergo &c. Sed Resp. ad Valentiam illud ut luttimum opus impossibile esse causam omissionis, ex cuius vi sequitur omissio; non sequitur autem ex vi omnis operis impossibile, nam primo opere impossibili posito, v.g. mansionem in domo, propter quam vult quis omittere auditionem sacri, necessariò ponitur omissio; ergo reliqua opera, quæ assumuntur secundariò, nullam habent

causalitatem in omissionem. Ita ipse Becan. *loc. cit.* quæ iudico esse certa: & confirmo à simili in physicis; nullus dicet corpus opacum post parietem existens esse causam impediens, ne transmittatur lumen solis antea impeditum per parietem. Hæc inquam puto certa: & contra ipsum Becan. vim suam retinent; nam sicut posito primo opere impossibili necessariò ponitur omissio, ac consequenter reliqua se habent merè concomitanter ad omissionem, cum jam moraliter censetur quasi facta omissio; ita posita voluntate efficaci omittendi, necessariò ponitur omissio, & jam moraliter censetur facta, adeoque opus (licet primum) subsequens ipsam voluntatem efficacem omittendi sacrum ex mero tædio vel odio præcepti, non potest esse causa istius omissionis, cum ex vi ipsius nullatenus sequatur omissio: unde quidquid dixerit Becan. de primo opere respectu secundi, dicam de voluntate efficaci respectu operis primi subsequenter: & hanc nostram sententiam insuper aliis argumentis firmat Cornejo *ubi supra dub. 11. num. 21.* Nec dicas hinc sequi, illum non peccare, qui facto firmo proposito non audiendi sacrum, se transfert ad locum, ubi ipsi impossibilis est auditio sacri: quia talis se sic transferendo non peccat quidem peccato omissionis simpliciter; quia per hoc non ponit illius causam: peccat tamen aliunde, eò quod vi præcepti audiendi sacrum, obligetur malum suum propositum efficaciter retractare, ad quod volenter se reddit incapax eò se confederò. Vide P. Franc. *de act. hum. disp. 7. n. 72.*

Petes quo tempore committatur peccatum omissionis?

38. Resp. hoc in primis certum esse, hominem constitui formaliter peccatorem, & objectum odii Dei eo instanti, quo advertenter, & libere ponit causam omissionis

nis



nis peccaminosa; tunc enim ipsum peccatum omissionis interpretativè ponit: unde eo ipso, quo quis suum Breviarium in mare projicit sciens se non posse habere aliud, ponit interpretativè omissionem horarum, ac à primo instanti participat dicta projectio de omnibus omissionibus futuris prævitis: licèt enim tunc dictæ omissiones needum existant, sunt tamen volitæ ex tunc, & consequenter etiam ex tunc imputantur ad peccatum: & aliàs nunquam imputarentur ad peccatum, cum tempore subsequente fiant necessariò, ac ipse projiciens dolere possit de sua projectione quatenus est causa omnium omissionum: si tamen eo tempore, quo impletio præcepti omittitur, ommissio adhuc maneat interpretativè libera, cò quòd de ipsa non doleat, etiam tempore omissionis peccatum committitur; non quidem aliud novum in genere moris, ut statim dicemus, sed materialiter & physicè. Pro hac ultima parte citat Cornejo *tom. 1. tract. 7. disp. 3. dub. 13.* D. Thomam in quinque locis, Cajetanum, & alios plures; licèt dicat, sententiam oppositam etiam esse satis probabilem; nempe omissionem, aut etiam commissionem in somno vel ebrietate, non esse propriè malam etiam extrinsecà denominatione à malitia, quæ præcessit in causa, sed tantum esse malam impropiè ad eum modum, quo quilibet effectus peccati solet dici peccatum, atque ita prædictas omissiones & commissiones non esse absolutè malas, quando in ebrietate vel somno fiunt; quam sententiam absolutè docent Valq. Azor. Salas & alii: quidquid Loth *tract. 18. quæst. 13.* refutatis aliorum placitis absolutè nobiscum sentiat. Cæterum ex prædictis

39. Colliges primò, eum, qui se ad somnum disponit sacro non audito & per hoc dat occasionem omissionis sacri, mor-

taliter peccare, licèt per accidens exite-  
tur antequam tempus audiendi Missam  
expiraverit, & propositum mutet, sacrum-  
que audiat: quia quamvis peccatum ipsius  
non consummetur opere externo, adhuc  
tamen pravà suà voluntate exponendo se  
periculo sacrum non audiendi, peccavit  
peccato omissionis sacri, non quidem pro-  
ut hæc dicit meram privationem actus au-  
diendi sacrum, sed quatenus significat  
peccatum habens malitiam omissionis sa-  
cri, juxta statim dicta. Fulensis, & Cor-  
nejo *loc. cit. dub. 12.* per totum.

40. Colliges secundò, illum, qui de vo-  
luntate omittendi conteritur ante com-  
pletam omissionem, ac confitetur se dedisse  
causam omissioni, quam jam evitare non  
potest, non teneri postea ipsam omissionem  
subsecutam confiteri; quia non con-  
jungitur ampliùs moraliter cum actu præ-  
terito libero, sed sic directè contra volun-  
tatem: secutà tamen omissione contra-  
huntur pœnæ ab homine latæ: nam hæc  
imponuntur propter actum externum pro-  
cedentem à causa inimpedibili deliberatè  
posita: atque hinc per accidens fieri pos-  
test, ut in casu posito teneatur quis secu-  
tam omissionem adhuc confiteri, ut Con-  
fessarius cognoscat censuram incursum  
v.g. & similia; quidquid Cornejo *dub. 13.*  
*citato num. 29.* velit in tali casu solum in-  
curri censuras in foro exteriori, in quo  
non potest constare ipsum habuisse antea  
verum actum contritionis, non verò in fo-  
ro interno & apud Deum. Pro horum  
complemento

41. Nota actum illum, qui est causa  
omissionis, nullam contrahere malitiam  
distinctam ab ipsa malitia omissionis se-  
cundum se; unde, si ex se non est malus,  
non est necessariò in confessione expri-  
mendus; si v.g. Missam audire omittis ut  
studeas, ambules &c. studium tuum, am-  
bulatio

bulatio &c. non sunt mala absolute, sed relative, in quantum scilicet respiciunt omissionem sacri, quam causant; atque hanc proinde sufficit confiteri, cum hæc deleta totum deleatur malum: & hanc esse communem DD. testatur Cornejo *disp. 3. citatâ dub. 6.* ubi satisfacit fundamentis oppositarum sententiarum, quæ solet attribui Henrico. Secus tamen dicendum foret, si quis ita studio, ambulationi &c. affectus esset inordinatè, ut potius quamlibet legem Dei mallet transgredi, quam ab iis desistere; iste enim affectus confitendus esset, ut tota malitia actus explicaretur. Neque actus,

qui est causa omissionis, semper confitendus est, prout actus externus secundum dicta *supra num. 9.* confitendus est, licet & hic nullam superaddat actui interno formalem malitiam; quia in primis actus, qui est causa omissionis, non est complementum omissionis peccaminosæ; nec inhibetur aliquo præcepto distincto, si in se malus non sit; neque ulla ratione reddit ipsam omissionem secundum intentionem, vel durationem pejorem, propter quæ omnia actus dictus externus confitendus est juxta doctrinam omnium DD.

## DUBIUM SEPTIMUM.

### *De peccato morose delectationis.*

42. **S**uppono delectationem condistinctui contra desiderium seu propositum peccandi; quod simplex delectatio semper excludit, quodque semper contrahit malitiam istius actus, qui efficaciter consideratur poni; hoc supposito,

43. Dico primò, delectatio morosa est voluptas seu complacentia habita de aliquo opere malo cogitato sine voluntate illud exequendi. Dicitur *de opere malo*, quia communiter ab omnibus sumitur in malam partem; dicitur verò *morosa*, non à mora temporis, sed à mora rationis, eò quòd voluntas ei cum advertentia inhæreat; quæ proinde mora in minimo temporis spatio inveniri potest.

44. Dico secundò, delectatio morosa in quacumque materia distincta à materia luxuriæ, si præcindat à prohibitione legis, & ratione peccati, probabiliter non est peccatum mortale. Ita Attriaga, pro se citans Vasquez, Ratio est, quia ut sic delectatio est de re indifferenti, prout res sub

præcisione à ratione peccati non est mala, sed indifferens. Nec refert quòd præcisio ista nihil mutet in re sive objecto (maximè si sit intrinsicè malum, de quo communior sententia negat posse aliquem morosè delectari absque peccato mortali; ) quia delectatio in sensu posito non est de objecto, prout est in se & à parte rei, sed tendit in illud, prout est in mente delectantis abstractum ab omni ratione peccati. Et certè aliàs etiam delectari de objecto, quod tantum est malum quia prohibitum, abstrahendo à prohibitione & ratione peccati, ut v. g. de comestione carnum die Veneris cogitatà, mortale peccatum esset, cum neque in hac abstractio quidquam à parte rei mutet; quod tamen est contra communem. Indubie interim omnis delectatio morosa de re mala ut mala est, est peccatum; mortale vel veniale prout objectum fuerit, graviter vel leviter malum; & de hac intelliges Patres, si quandoque videantur nobis opponi. Ex his

45. Colliges, satis esse probabile, delectari de furto cogitato *si non esset prohibitum*, imò & de odio Dei *si esset licitum*, de destructione Dei *si fieri posset sine ejus offensa* &c. non esse peccata mortalia; quia illa conditio *si* designat manifestam præcisionem à malitia objecti prout hic & nunc menti formaliter objicitur. Attamen similes actus non possum excusare à culpa veniali; vel quia sunt actus omnino otiosi & ad nullum finem honestum relati, qui probabiliter sunt mali juxta dicta supra: vel quia ex illis oriri potest periculum saltem remotum consentiendi in ipsum opus: vel etiam quia ipsum delectari de re ita mala, etiam sub dicta conditione, adhuc retinet aliquā indecentiam; quare à similibus abstinendum est.

46. Cave insuper prædicta extendere ad condiciones, quæ purificatæ omnem malitiam ab objecto non excludunt, ut v.g. ad furtum quod committeres *si non esset infernus*, ad delectationem de occisione alterius *si non esset clericus*, &c. quia similes delectationes tendunt in objecta, adhuc sub præcisione, mala malitiā mortali, prout consideranti constabit.

47. Dico tertio, delectatio morosa in materia gravis luxuriæ semper est mortalis, quantumvis præscindatur ab ipsa prohibitione operis, & ratione peccati. Ratio est, quòd delectatio in hac materia habeat annexos motus graves carnis, unde creatur periculum consensus in ipsum opus, de quo cogitato delectaris: quod non habet locum in aliis materiis, quæ non sunt adeò lubricæ, & erga quas nullus in corpore excitatur motus: & si hæc ratio cuiuspiam non videatur efficax quin patiatur instantiam, conjuncta tamen communi omnium Theologorum auctoritati sufficit, ut opinio contraria unius aut alterius improbetur. Vide Franc. B. Spei *de act. hum. disp. 9.*

num. 50. Interea

48. Nota primò, multum esse distinguendum inter delectationem habitam de peccato cogitato, de qua hic agimus, & delectationem de ipsius peccati cognitione, vel de aliquo ipsum opus cogitatum subsequente, quæ sæpius excusantur à peccato; ut v.g. dum Confessarius aut Doctor delectatur, se penetrare malitiam actus luxuriosi, non peccant; sicut nec ille, qui delectatur de filio fornicationis quia est boni ingenii, aut alia laudabili qualitate præditus; qui delectatur de subtilitate vel magnanimitate operis: imo nec ille secundum Urbanum *tract. 1. cap. 18.* qui delectatur de duello perpetrato, non quia malum fuit, sed quatenus est generositatis testimonium, modò tamen absit periculum consensus in peccatum; quod ego raro putarem in hoc ultimo verè abesse.

49. Nota secundò, ut delectatio de opere venereo cogitato sit mortalis, duo necessaria esse requisita: primum, ut adsit plena advertentia ad delectationem & ejus malitiam: secundum ut non resistatur post plenam advertentiam, sed eidem adhæreatur cum consensu deliberato, saltem interpretativo in eandem: & ne quis hic scrupulis angatur, appono verba Urbani *tract. 1. cap. 16.* ubi sic loquitur. Nota verò diligenter quod dixi de delectatione, nam potest illa diutissime perdurare in membris, vel potentiis excitata, nec tamen peccatum includet, siquidem primò sensibile objectum ferit sensum externum, commovet & delectat. Secundò transit ad sensum internum imaginationis, cui subordinatur appetitus sensitivus, eoque magis titillat, quò illa potentia est magis effera, & violenta, unde quaque rapaciter corradens unde sibi complaceat; nec tamen adhuc in his omnibus est peccatum, nisi velut in semine: verum quando tertio transit

transit demum ad mentem, quæ non amplius solum respicit ad rationem delectabilis sicut potuit initio facere, sed ut rationi aut legi dissentaneum, jam nihil delectatur ad peccati generationem, quod erit perfectum ex parte intellectus cæteris concurrentibus. Atque id totum pernitidè declaratur *cap. sed pensandum dist. 6.* ubi inter cætera sic dicitur; in suggestione peccati semen est, in delectatione fit nutrimentum, in consensu fit perfectio: & sæpe contingit, ut id, quod malignus Spiritus seminat in cognitione, caro in delectationem trahat, non tamen animus eidem delectationi consentiat. Ita verbore nus Urbanus: quæ ut dixi pro scrupulosis posui: nequaquam tamen quis propterea sibi indulgeat, memor ante dictorum; quòd scilicet etiam minimo tempore possit committi peccatum mortale delectationis morosæ.

50. Petes fortè primò, an licitum sit viduæ morosè delectari de cogitata copula habita tempore matrimonii; similiter & sponsæ de habenda cum sponso post initum eum eo matrimonium. Affirmant aliqui eò quòd copula illa ut præterita, & hæc ut futura sint actus liciti, licitum autem sit delectari de actu seu re licita. Tamen

51. Resp. absolutè negativè, quia etiam in iis militat ratio generalis pro omni soluto matrimonii vinculo; quòd nimirum similis delectatio habeat graves motus corporis annexos, & periculum consensus in copulam habendam tempore præsentis: imò existimo cum Sanchez, verisimilius esse, dictas delectationes non ferri in actum ut præteritum vel futurum, sive ut sub matrimonio præcisè, sed in ipsos actus repræsentatos ut præsentes. Deinde illæ

delectationes naturæ suæ sunt quoddam initium copulæ illis pro nunc prohibita. Ceterum quidquid dicant varii hac in parte, suadendum est omnibus viduis & sponsis, etiam juxta Auctores adversa partem, ut ab illis delectationibus abstineant.

Petes secundò, an delectatio morosa sortiatur diversam speciem in materia luxuriæ ex diversa conditione personæ cogitata.

52. Resp. satis probabiliter à pluribus, præsertim recentioribus, partem negativam defendi, si delectatio tantum feratur in personam *ut non suam, ut pulchram, &c.* at non in eam *ut conjugatam, ut affinem* &c. quod ultimum juxta mentem Tamburini rarissimè contingit; quia istæ conditiones nullatenus augent, vel afficiunt delectationem, saltem ordinariè. Ratio conclusionis est, quòd qui primò modò delectatur, nullo modo inferat, aut inferre desideret injuriam marito &c.

53. Adde tamen consultius adhuc similes condiciones exprimi in confessione, cum sæpè nequeat dignosci, an affectus steterit in illa simplici delectatione: sapius enim adest & voluntas operis, si adesset occasio, & timor infamiæ & alia incommoda abessent: in voluntate autem operis circumstantiæ personæ indubiè aperiendæ sunt, prout mutant speciem actus: nam in ipso opere à parte rei præcindi non potest ab illis circumstantiis. Dixi & *non in eam ut conjugatam, ut affinem* &c. quia alias sicut tunc delectatio tam est de injuria mariti cogitata, de speciali inhonestate copulæ cum affini &c. quàm de cogitato peccato luxuriæ, ita & diversam speciem malitiam imbibit, quæ in confessione debet explicari. Vide P. Franc. *disp. 10. num. 80.*

## DISPUTATIO V.

*De peccatis capitalibus.*

1. **D**isputationi de peccatis in genere annexo disputationem de peccatis capitalibus; quia horum notitia Confessariis est summè necessaria, cum sint, veluti fontes ceterorum peccatorum, & deinceps non se offeret occasio commodior de iis specialiter transeundi: ob quam etiam rationem sub Dubio de gula maren-

riam jejunii scitu etiam maximè necessariam attingemus. Sunt autem peccata capitalia numero septem; Superbia, Avaritia, Luxuria, Ira, Gula, Invidia, & Acedia; quæ dicuntur capitalia, quia, ut insinuavi, sunt veluti fontes aliorum peccatorum: ut igitur de singulis in speciali agamus, sit

## DUBIUM I.

*Quid superbia, & quando sit mortalis.*

2. **D**ico primò, superbia est inordinatus appetitus propriæ excellentiæ; quam si quis appetat manifestare exterius, sit vana gloria: dictus autem appetitus, sit inordinatus, primò ex parte rei, dum quis appetit excellentiam aut honorem de eo, quod non existit, vel non est honore dignum; sic multi appetunt excellere in vitiis & peccatis, etiam plerumque se in iis jactantes. Pro quo notandum venit, si in simili jactantia intermisceatur desiderium, debere necessariò exprimi speciem peccati juxta ante dicta; si verò solum adsit peccatum jactantiæ nudæ v.g. de adulterio, stupro &c. satis probabile esse sustinet Tambur. *lib. 2. met. conf. cap. 7. §. 3.* non solum prædictas species non necessariò esse declarandas, sed sufficere si dicatur, toties jactavi me de peccato mortali; modò ut dixi sit nuda jactantia, id est, absit gaudium, delectatio, & desiderium commissi peccati, de quo fit jactantia. Ratio ipsius est, quia tota malitia jactantiæ con-

sistit in eo, quòd offensa Dei eligatur, ut medium ad captandam gloriam apud homines; quæ magna irreverentia æquè in omnibus peccatis mortalibus reperitur: vel si quid aggravat peccatum, non videtur ejus malitiam in aliam speciem transferre. Ita ille; addens, sive peccata, de quibus perperam gloriaris, commiseris sive non commiseris, non esse de necessitate explicandum, quia æquè utrobique assumis offensam Dei pro medio gloriæ: ita etiam de novo docet Diana *p. 11. tract. 7. res. 36.* citans pro se Leand. de Soria, Castrum palauum & de Lugo contra Pontium. Quod si verò alter ex tua jactantia infamatur, quia nimirum te jactas cum tali rem habuisse, id explicare teneris, sicut & peccatum scandali, si per hoc alios ad peccatum inducis: hinc qui alterum præsentem de certo peccato laudat, debet in confessione exprimere speciem peccati; quia excitat talem ad gaudendum de commisso peccato, & forsitan ad iterum de

de novo illud idem vel simile committendum.

3. Secundò fit appetitus excellentiæ inordinatus ex parte eorum, apud quos excellere & laudari quis appetit; ut si quis apud rusticos gloriam quærit, quòd sit doctus Theologus. Tertiò ex eo quòd gloriam & excellentiam non referat in debitum finem, ut in honorem Dei, aut salutem proximi: verùm hæ inordinationes constituunt tantùm culpam venialem.

4. Insuper juxta S. Gregor. & D. Thomam superbiæ quatuor sunt species: quarum prima est, dum quis bonum, quod habet, à seipso habere putat: secunda, dum id suis meritis accepisse existimat: tertia quando quis arrogat bona, quæ non habet: quarta denique dum ob bona, quæ habet, cæteros despicit, qui illa non habent; quæ species omnes ad vanam gloriam transferuntur, si earum appetitur manifestatio.

5. Dico secundò, superbia, & vana gloria tunc sunt mortale peccatum, quando propria excellentia, vel ejus manifestatio appetitur cum contemptu subjectionis ad Deum, Superiorem quàm talem, vel ad ipsam legem; item quando id fit cum notabili inreverentia erga Deum vel Dei legem, aut cum gravi damno proximi: nec non etiam dum id appetitur de peccato mortali, vel in ordine ad mortale. Deinde etiam mortaliter quis peccat, quando falsè se finit laudari, sciens inde secuturum grave proximi damnum; ut si valde imperitus Doctor se multùm permittat laudari, ex quo alii detinebuntur accedere Doctores peritos in suis infirmitatibus. Denique dum quis in excellentia propria ultimum finem constituit. Cæterùm communius sunt tantùm peccata venialia.

6. Petes hinc fortè, quot sint filiæ vanæ gloriæ, & quando hæ sint peccata mortalia? In hoc numero Auctores minimè conveniunt: ast ego volens comprehendere omnia, quæ ad vanam gloriam referri possunt, quamvis magis propriè ad superbiam spectent,

7. Resp. esse decem, jactantiam; novitatum inventionem, hypocrisim, pertinaciam, discordiam, contentionem, inobedientiam, curiositatem, ambitionem, & præsumptionem. Harum prima scilicet jactantia est mortalis, quando est contra gloriam, aut reverentiam Dei notabilem, aut notabilem proximi charitatem; aliàs est solùm venialis. Quandonam explicanda sit species mali objecti, breviter habes *supra ref. 1. num. 2.*

8. Inventio novitatum, ut novarum epularum, vestium, exercitiorum, ludorum &c. mortalis est si dirigatur in finem mortaliter malum, aut cedat in notabile detrimentum cultus Divini, vel boni publici aut privati; ut si notabiliter corrumpat juventutem, aut mores: item si in iis constitutur ultimus finis. Hinc culpam mortalem incurrit mulier, quæ ita afficitur curioso ornatui, ut mallet transgredi præceptum graviter obligans, quàm ab eodem desistere; sicut & illa, quæ per similem ornatum intendit aliquem allicere ad carnalem concupiscentiam. Nemo tamen peccat simpliciter loquendo, si se ornat juxta suum statum & patriæ consuetudinem, modò id bono fine fiat: & licet quis modum notabiliter excedat, tantùm venialiter peccat juxta Cajetan. Navar. & alios; nisi fortè per hoc se redderet incapacem ad solvenda debita, vel præbenda alimenta quibus tenetur. Nec juxta illos eosdem Auctores mortaliter delinquant femine ostentantes pectus aliquousque nudum, ut inde pulchriores appareant absque alia

intentione mortaliter mala : quia id nullo jure naturali, Divino aut humano, saltem ad mortale obligante, vetatur, eò quòd illa corporis pars inter honestas habeatur, nec natura, aut pudor humanus absolute possit illam tegi : unde si quis inde mortalis lapsus sumat occasione, ipsius malitiae imputatur. Ita etiam præter duos citatos tenet Marchan. cum pluribus recentioribus. Attamen quidquid de hoc sit, id non potest locum habere in feminis toto pectore denudato incedentibus per civitatem : & mihi certum videtur cum eodem Marchantio, quòd mortalem culpam incurran illæ, quæ primò similem consuetudinem introducunt ; quia ubi id est insolitum, ibi & est magis periculosum : docetque etiam ipse Navar. consuetudinem de facto introductam dignam esse ut paulatim extirpetur. Pro quibus omnibus vide Burghaber *Centur. 1. casu 22.* & *Diamam par. 10. tract. 12. resol. 30.* apud quem Albertus de Albertis docet, Principes laicos & Episcopos sub peccato mortali teneri talem consuetudinem extirpare, & tales feminas esse à sacra Synaxi repellendas ; qui, an nimis severe loquatur quoad obligationem, quam constituit in Episcopis & Principibus ? Alii judicabunt. Burghaber dicit, se illi Auctori in hoc rigore non subscribere : attamen scio ego Illustrissimum Dominum Jacobum Boone Archiepiscopum Mechlinien. expressum mandatum dedisse omnibus Pastoribus, & aliis sibi subiectis, ne ulli feminae communionem distribuerent, quæ nudato pectore ad eam accederet.

9. Interea communiùs à mortali excusantur augentes & fingentes pulchritudinem majorem aliquo ornatu aut fuco : nisi tamen id fiat ad deformitatem aliquam particularem regendam, à veniali excusari non potest ; quia est quædam spe-

cies mendacii operis. Item nullum est peccatum si vir utatur veste femineâ, aut econtrâ ob causam rationabilem, ut verbi gratia, ne cognoscatur ab hoste ; imò & ob honestam recreationem absque ullo periculo scandalii, ut v.g. in actione publica : nec plus peccat quàm venialiter, qui id facit ex mera levitate. Ita D. Thom. Cajet. & Navar.

10. Hypocrisis, tertia filia vanæ gloriæ, est simulatio virtutis, quam quis non habet. Semper est peccatum, quia semper est mendacium : & qui intus malus esse vult ac foris apparere bonus, peccat mortaliter : qui tamen facit aliqua opera sancta, ut alii inde arbitrentur ipsum habere sanctitatem, quàm verè non habet, peccat tantùm venialiter. Ita D. Thom. Bonavent. Sylvest. &c. Interim ejus malitia augetur vel minuitur ex fine, quo quis se fingit sanctum, cum non sit.

11. Pertinacia mortalis est, quando in rebus fidei, vel ad bonos mores spectantibus quis pertinax perseverat contra Auctoritatem Ecclesiæ, vel in notabile proximi damnum : secus venialis tantùm in rebus levioris momenti. Idem dic de discordia, & contentione.

12. Inobedientia, septima vanæ gloriæ filia, est mortale peccatum, quando quis non vult subdri præcepto Superioris jussu præcipientis antè illum obligandi ad mortale.

13. Curiositas, quæ est inordinatus appetitus sciendi. Est moralis, primò, dum appetitur scire id, quod sub mortali prohibito est scire : ut velle scire, sive audire ea, quæ dicuntur in confessione, & similia. Secundò si res, quam scire inordinate appetis, sit valde noxia ; ut si quis cum periculo proximo gravis lapsus legat librum valde inhonestum. Tertiò dum quis ab altero scire vult, quod hic sine mortali revelare

velare non potest; ut v.g. id, quod alter tacere tenetur ratione juramenti, &c. Escob. March. & alii.

14. Ambitio, quæ est appetitus inordinatus dignitatum ac honorum, est ex suo genere tantum peccatum veniale: mortale tamen erit, si quis appetat dignitatem cum notabili Reipublicæ damno, vel ad maiorem delinquendi licentiam; ut si quis ambiat beneficium, vel officium, quo est indignus. Si quis tamen moderatè appeteret honorem ob finem honestum, non diceretur ambitiosus, sed potius ipsius actus referendus esset ad magnanimitatem.

15. Præsumptio denique est appetitus

ostendendi se illustrem per opera, quæ vires suas superant. Est mortalis dum cedit in notabile periculum vitæ propriæ, vel in grave damnum temporale aut spirituale proximi; sic si quis ignarus artis medicæ ægros assumat sanandos, aut ignorans jura causas patrocinandas suscipiat, aut Theologiam moralem non callens se excipendis confessionibus exponat, &c. mortaliter delinquit. Ita Escobar cum communi. Præsumptioni responder pusillanimitas, quæ quis sibi nimium diffidens fugit honorem vel officium quo dignus est: ex suo genere est peccatum veniale; potest tamen fieri mortale si ex ea quis fugiat id, ad quod obligatur sub mortali.

## DUBIUM SECUNDUM.

### *Quid sit avaritia, & quale peccatum.*

16. **D**ico, avaritia est inordinatus appetitus bonorum temporalium. Est ex suo genere venialis tantum: fit tamen mortalis; primò dum quis ita temporalia appetit, ut non curet quâ viâ, aut mediò ea possit obtinere, sive iustè sive iniustè. Secundò si divitiis obtentis quis ita afficiatur, ut nolit subvenire necessitati pauperum, dum ad id tenetur vi præcepti graviter obligantis. Tertiò denique si ob earumdem inordinatum amorem, & appetitum quis se exponat probabili periculo mortis, sive temporalis sive spiritualis.

17. Avaritiæ opponitur prodigalitas, quæ consistit in defectu conservandi, & excessu elargiendi sua bona temporalia; estque etiam ex suo genere tantum venialis, & peccatum levius quàm sit avaritia; quia minus recedit à virtute liberalitatis.

18. Filix avaritiæ, quatenus est peccatum contra iusticiam, sunt prima, fraus, quæ est deceptio per factum quoad res, & ut plurimum committitur in contractibus. Secunda est fallacia, quæ est deceptio per verba. Tertia est proditio, quæ est dolus, qui committitur in opere circa personas; sic Judas Christum prodidit: vel etiam circa res, ut si quis manifestet modum intercipiendi urbem, aut secretum sibi commissum aliis revelet, vel aliorum Epistolas aperiat & legat: quæ duo ultima sunt peccata gravia vel levia, prout secretum commissum, vel in litteris contentum fuerit magni, vel parvi momenti. Quarta filia avaritiæ est usura. Quinta simonia. Sexta perjurium. Septima violentia: quæ omnes sunt peccata mortalia ex suo genere, à quo tamen plerumque levitas materiæ excusare potest: ac de illis specialiter agemus in tract. de jure & iustitia.



19. Quatenus avaritia opponitur liberalitati, habet pro filiabus inquietudinem, sive immoderatam sollicitudinem in divitiis augendis aut retinendis; & obdurationem, quâ cor avari redditur du-

rum erga pauperes. Est utraqûe tantùm venialis, nisi eâ ratione omittatur aliquid, ad quod avarus tenetur sub peccato mortali; vel aliquid fiat, quod sub mortali inhibetur.

## DUBIUM TERTIUM.

### *De Luxuria, & ejus speciebus.*

20. **L**uxuria est libidinose voluptatis inordinatus appetitus: ejus completæ species septem sunt, fornicatio, adulterium, incestus, stuprum, raptus, vitium contra naturam, & sacrilegium: præter ipsas tamen etiam ad luxuriam spectant delectatio morosa in re venerea, turpes

motus carnis, oscula, aspectus, tactus &c. de quibus omnibus sufficientem notitiam debet habere Confessarius; quare de singulis aliqua in particulari trademus; & cum de delectatione morosa, quantum satis est, egerimus *disput. præced. dub. ult.* sit

### S. I.

#### De motibus carnis, osculis, &c.

21. **D**ico primò, motus carnis veneri, si à voluntate exeitentur, vel iis aliunde excitatis voluntas consentiat, sunt mortale peccatum dum adest plena advertentia ad ipsos motus, eorumque malitiam cum perfecta deliberatione. Patet ex *dub. ult. præced. disp.* quia tunc reverà adest morosa delectatio in re venerea. Imò Marchantius in  *suis resol. Passi.* hoc modo delectationem morosam in materia luxuriæ definit; quæ consurgit ex motionibus partis corporis inhonestæ, & spirituum generationi subservientium: in qua delectatione dicit, non dari parvitatem materiz si adsit consensus; quod & cæteri communiter docent.

22. Dico secundo, motus carnis nec à voluntate excitati, nec aliquâ actione intenti, non sunt mortales ratione causa-

datæ, si hæc sit ex se tantùm venialis. Ita Vasq. 1.2. *disp.* 108. addens de hoc hætenus non fuisse controversiam; & cerrè aliàs vix possemus quidquam aspiciere, loqui, audire, tangere &c. sine periculo peccati mortalis: cum igitur dicti motus facillimè soleant exurgere, ut censeantur mortales, videtur requiri majus voluntarium, quam sit id, quod solum est aliquo modo voluntarium in causa venialiter mala. Ita etiam Marchant. *ibid.* Et P. Gobat in *praxi clement. Judic. Decade 2. num.* 237. hæc habet, *deducet Confessarius* (ex doctrina scilicet antecedente) *levis huius noxia non esse damnandum illum, qui per actiones ex se, vel nullo modo, vel tantùm leviter turpes dat occasionem his motibus, nec statim cessat*: pro quo citat Lessium cum multis: debet tamen semper abesse consensus in illos motus juxta di-

Et

*Ad resol. 1. & prævisio pollutionis, aut periculi illius: pro quo vide dicenda infra §. 4. num. 49.*

23. Major est difficultas, an tales motus patiens possit absque culpa mortali se negativè habere, ita ut eos nec positivè reprimat, nec etiam approbet? Ad quod non omninò improbabiliter plures affirmativè respondent, si non adsit periculum ulterioris consensus, nec id faciat ex complacentia aut delectatione, quam habet in illis. Ita Cajet. Laym. Vasq. Busenb. & Urban. *tract. 1. cap. 18.* ubi sic ait; Non tenetur voluntas omnes motus compescere statim; sed satis est, quòd nolit aut delectari aut consentire: eo siquidem ipso fatiscunt & concident appetitu sensitivo nullum influxum, aut firmamentum ex parte voluntatis recipientes. Ita ille: Prob. igitur Concl. quia si esset obligatio sub mortali eos motus positivè reprimendi dum exorti sunt, teneremur etiam sub mortali fugere causas, ex quibus oriuntur, quod tamen esse contra omnes statim dictum est. Interim non abs re monet Fulienfis primò, oppositam sententiam esse magis tutam in praxi. Secundò esse simpliciter tenendam, quando adest probabile periculum pollutionis, vel pravi consensus. Tertio semper esse veniale, motus illos permittere, nisi adsit rationabilis causa eos negligendi, ut v.g. dum quis vacat auditioni confessionum, studet casibus sibi scitu necessariis, &c. quo casu idem Fulienfis docet, non esse peccatum veniale eos positivè non cohibere etiamsi adesset periculum pollutionis, modò absit periculum consensus. Addit tamen bene Layman, semper in praxi nos debere exercere actum formalis displicentiae, qui licet inefficax sit ad depellendum illos motus, est tamen efficax, inquit, ad tollendum voluntatis consensum: quod & videtur sentire

Urbanus *loc. cit.* prout ejus verba consideranti constabit; quare id omnibus suadeo: nam licet simpliciter possibile sit voluntatem in dicto casu omnem actum suspendere, tamen dum obiectum est valde alliciens, id vel moraliter impossibile, vel valde difficile est. Cæterum idem Urban. *tract. 1. cap. 46.* bene monet, non esse dictis motibus resistendum multiplicatis actibus contrariis nimis frequentibus, sed potius fugiendo, & potentiam imaginativam ad alia convertendo; quamdiu enim obiectum erit ei præsens, non poterit non affici ad illud, & consequenter appetitus semper commovebitur. Vide Franc. B. *Spei de act. hum. disp. 10. num. 18. & seqq.* nec non *num. 89.*

24. Dico tertio, oscula, aspectus, tactus, verba turpia, cantilenæ inhonestæ, choreæ, missio litterarum ac donorum, & similia ex venere sive libidine, aut motu venereo intentata, sunt peccata mortalia. Est certum ex *resol. 1. & dub. ult. præc. disp.* ac propositione damnatà *num. sequenti* adferendâ. An verò in his sint exprimendæ conditiones personæ visæ, tactæ &c. distinguit Tanib. *lib. 2. cap. 7. §. 1. num. 4. & §. 2. num. 6. ac. 7.* dicens, id in visione non esse necessarium si id fiat sine progressu ad eas concupiscendas; quia tunc, inquit, videtur interius tota delectatio consummari, sicut dictum est de delectatione morosa in cogitatione: quod idem dicit locum habere in delectatione de ipsa narratione turpi; ubi satis probabile est non necessariò esse explicanda objecta, an videl. fuerint adulteria, stupra, sacrilegia &c. nisi forte delecteris de iis ut talia sunt, vel nisi dum de turpibus confabularis, eadem concupiscas. Secus verò dicendum esse asserit & merito, dum personæ aliqua venereo affectu attingitur; quia tunc actio exterius consummatur.

25. Dico quartò, oscula urbanitatis causâ & ex fine honesto ; aspectus & tactus honestæ partis causâ curiositatis aut joci ; verba scurrilia ex sola levitate ; choreæ, missio litterarum aut donorum amicitie fovendæ gratiâ, non sunt mortale peccatum, si nulla intendatur delectatio: quod & sustinet Jacobus Marchantius, quamvis intendatur aliquis delectatio sensualis, ac sequatur aliquis corporis motus non intentus. Probat, quia talis delectatio non est morosa propriè dicta sive venerea, sed reducitur ad delectationem sensualem ortam ex proportionem, quæ est inter objectum sive sensibile, & ipsam potentiam sensitivam : debet tamen abesse periculum consensus ulterioris, & pollutionis. Ita Marchan. Marr. de Magistris, & alii ; videturque in illam inclinari Navarrus *de peccatis. dub. 1. cap. si quis* apud dictum March. ubi dicit, difficile planè esse Confessariis peccati mortalis mox condemnare juvenes nobiles & procos, quos passim reperies aliquibus osculis uti erga procas aut puellas quas visitant, nec sibi hi vel hæ formant gravis peccati conscientiam, licèt aliquam inde voluptatem perceperint, vel quæsierint, si modò nulla intervenerit voluntas alienius attractus impudici, vel periculum actus aut consensus ulterioris. Ita verbotenus Jacob. March. Et sanè multis moraliter impossibile videtur non incurrere quandoque oscula, manuum tactus, aspectus curiosos &c. cum aliquali voluptate, eò quòd debeant conversari inter puellas ad ambienda matrimonia, & honestas recreationes ac familiaria colloquia iis exhibere. Neque hinc sequitur, dari parvitatem materię in delectatione morosa aut re venerea aiunt ; quia dicta voluptas non est morosa in re venerea, sed solum sensualis sensu dato. Dixerat autem idem March. parum ante, opposi-

tam sententiam esse communiorē & tutiorem (dico ego veram). si intendatur aliquis delectatio licèt tantum sensualis ; quia, ut bene Urban. *cap. 46. cit.* in his omnibus facilis descensus averni est, eò quòd vix sit in potestate nostra sustinere in dicta sensuali delectatione, aut parvo corporis motu ob contumitatem nimiam talium objectorum cum ipsa sensualitate ; quidquid absolute loquendo maneat adhuc liberum ulteriori delectationi non consentire. Interea Mendo in sua *statera dissert. 5. quæst. 1. num. 6.* distinguens inter delectationem veneream & non veneream seu connaturalem, in hæc cum dicto Marchantio admittit parvitatem materię, ut si capteretur, inquit, ex visu, vel tactu manus, pedis, aut similis : quidquid meritò *num. 3. ante* absolute asserat, certissime & indubitanter tenendum esse, minimè dari parvitatem materię in rebus venereis : quia præterquam quòd existent decreta Pontificum præcipientium denuntiari eos, qui contrarium conantur sustinere : Sanctissimus Dominus Alexander VII. ad minus ut scandalosam damnavit sequentem propositionem. *Est probabilis opinio, quæ dicat esse tantum veniale osculum habitum ob delectationem carnalem, & sensibilem, quæ ex osculo oritur, secusso periculo consensus ulterioris, & pollutionis.*

Cæterùm si aspectus & tactus sint partis inhonestæ alterius, licèt nulla prorsus intendatur delectatio : si quis studiosè aspiciat concubitus viri cum muliere, etiam ex sola curiositate : si sermones tendant in finem mortalem, vel gravi scandalo esse possint, de quibus alibi ; si litteræ contineant res valde turpes ad venerem excitantes, vel si in aliis levioribus prævideatur, aut timeatur secutura pollutio, erunt peccata mortalia ; quapropter prædicta omnia etiam non ita excedentia sunt

sunt periculosissima; vixque, ut testatur idem Urban. *ibid.* sine mortali labe admittuntur, quia sunt inchoationes pollutionis, cuius periculo se exponit qui deditur est illis. Dixi, *si in aliis levioribus pravedatur &c.* quia puto in prioribus secundum se consideratis, & independenter à prævisione &c. contineri malitiam mortalem: quia in illis datur gravis indecentia, multumque pugnant cum honestate naturali, quidquid varii id non admittant. Addo hic transeunter, *Arriagam tom. 5. disp. 58. sect. 3. num. 43.* retractare quod *tom. 3.* antea docuerat, nempe in delectatione morosa, & motibus carnis à se insurgentibus, & non procuratis à voluntate, posse dari parvitatem materiæ; rationem retractionis addit; quia, inquit, si appetitus agnoscat voluntatem sibi positivè consentire, sumere inde vires potest, ut fortius insurgat. Idem docet Tambur. *in Decal. p. 1. lib. 1. cap. 1. §. 3. num. 10.*

26. Adverte ramen, adhuc dictos aspectus & tactus excusari posse ex alia causa eos cohonestante, ut si fiant causâ medendi; tunc enim potius doloris, quàm delectationis sunt causa. Porro quotiescumque mortale est tales aspectus aut tactus exercere, etiam mortale est eos in se permittere, partim ob idem periculum, quod est in patiente, partim etiam, quia patiens cooperatur peccato mortali alterius.

27. Dico quintò, qui componunt cantilenas omnino inhonestas, mortaliter delinquant; quia moraliter certum est, se, vel alios inde mortalis libidinis occasio-

nem accepturos. Idem dic de pingentibus picturas valde obscenas: qui verò tales cantilenas canunt, vel dictas picturas aspiciunt, judicandi sunt juxta intentionem, quâ id faciunt, ac secundum periculum, quod per hoc sibi, vel aliis creant. Ceterum ab his omnibus semper & ubique abstinendum est. Vide Dian. *p. 11. tract. 4. resol. 32.*

28. Quale verò peccatum sit, pingere amasio imaginem concubinæ? Respondeo cum Azor. Palao, & Bonac. esse peccatum mortale; quia talis imago est fomentum, & incitativum turpis amoris, estque quasi donatio gladii volenti alterum occidere: ita etiam docet Dian. *p. 5. tract. 7. de scandalo resol. 4.* quod de novo firmat *p. 11. tract. 5. resol. 50.* excusans eum Sanchez & alii illum solum à mortali, qui id facit pressus gravissimâ causâ; ut si gravis metus mortis vel vulnerationis incuteretur; quamvis Ferrant. apud eundem Dian. existimet probabile esse, quoddam pictor non peccet mortaliter, si habeat aliquam causam rationabilem non adeò gravem, qualis v. g. causa à mortali excusatur in petitione mutui ab usurario; quia videlicet ille, qui similem picturam petit, jam ex se inductus & paratus est ad peccatum, ac imago est honestè depicta, nec pictor famulatur petenti in ratione petitionis ut male, sed propriè indifferentis, idque ex causa legitima, licet non tantâ, quantâ est metus mortis aut vulnerationis. Ita ille contra communem.

## S. II.

De simplici fornicatione, & adulterio.

29. **D**ico primò, fornicatio simplex est copula naturalis inter solutos

omni vinculo. Est peccatum mortale, prout patet ex Script. *1. Cor. 6.* ubi dicitur hominem

G 2

minem excludere à regno Dei. Dicitur primò *copula naturalis*, id est in loco à natura ad id destinato habita inter homines diversi sexus; per quod excluditur sodomia, bestialitas &c. Dicitur secundò *inter solutos omni vinculo*, id est matrimonii, consanguinitatis, affinitatis, & voti; quæ vincula inducunt aliam speciem peccati, ut patet ex sequentibus: supponitur autem, non esse adhibitam vim, ut excludatur stuprum. Adde ex DD. communiter, in confessione non esse explicandum, an quis cum diversis vel iisdem sceminis fuerit fornicatus, modò exprimitur numerus fornicationum; quia id nec auget nec minuit malitiam. Similiter etiam exprimi non debet, an fornicatio habita fuit cum filia confessionis (quidquid modò hic casus reservetur in Directi Mecliniensi;) quia est tantum simplex fornicatio ex hac parte: secus tamen dicendum esset, si quis elegisset munus Confessarii exercere tantum medium ad facilius peccandum; quia in eo reperiretur malitia specie distincta contra reverentiam Sacramento debitam; propter quam irreverentiam etiam exprimi debet, si poenitentem tempore confessionis ad id sollicitaverit. Sed

30. Dubium est, an tactus & oscula, quæ fornicationem sequuntur, sint exprimenda? Affirmativè respondent Suar. Vasq. & Coninck apud Dian. p. 11. *tra Et. 5. resol. 41.* contra quos ipse sustinet, similia unum peccatum cum copula componere nisi dirigantur ad novam copulam; in quo pro se citat Leand. Ovied. Sanch. Dicast. & alios, quibus ego jungo Burghaber *Centur. 1. casu 34.* Insuper addit idem Diana contra Suar. & Navar. delectationem habitam de copula immediatè post illam, non addere novam malitiam, neque in confessione esse necessariò explicandam; quia talis

delectatio est permanentia quædam moraliter continuata cum actu, quò homo voluit habere copulam, & cum delectatione quam ex ipsa sumpsit. Ita Lugo, Leand. & Ovied. apud Dian. *loc. cit.* Imò Sanchez asserit, idem esse verum de tactibus & osculis, etiam si magna intercesserit mora post copulam, modò ad alia negotia se interea non diventerint, qui copulam habuerunt, sed in eodem statu & situ permanserint sese detinentes ad osculandum & colloquendum; vel si fortè scemina decessit ex utriusque conventionione, alter expectet reditum ad iterum deosculandum. Verum Palaus hoc additum non admittit teste eodem Dian. ibid. qui *resol. 42. seqq.* docet, etiam tactus, & oscula, quæ non ordinantur ad copulam, quæ tamen postea sublequitur, esse seorsum explicanda, quia non habent unitatem moralem cum copula, ad quam ex intentione non ordinantur. Ita Diana pro se citans Lugo & Dicast. præter plures alios quos alibi citavit, quos & sequitur Burghaber *loc. statim cit.* Attamen adhuc partem negativam defendit Leander volens illos tactus & oscula ratione finis ipsius operis conjungi cum fornicatione quæ sequitur, & efficere ex hac parte unum peccatum cum fornicatione, licet vi intentionis cum illa non fuerint conjuncta; additque hanc sententiam docere DD. modernos ab ipso de casu hoc consultos, quam etiam non omnino rejicit Ovied. apud Dian. citatum. Quidquid sit, certum est illa non esse explicanda si præcedant, & ab initio ex intentione ad copulam dirigantur; quia in omnium sententia tunc unicum peccatum cum illa constituunt.

31. Dico secundò, adulterium est illicitus concubitus, quo conjugalitatis thorus violatur. Est peccatum mortale gravius fornicatione; quia in eo læditur iustitia, cum

cum accedatur ad personam alterius: unde circumstantia matrimonii exprimenda est tanquam mutans speciem simplicis fornicationis: quod & verum est, licet quis cognosceret uxorem præsentem & consentiente ejus marito; tum quia vir non habet potestatem cedendi in hoc juri suo; tum quia adhuc committitur gravis irreverentia Sacramento matrimonii. Adde etiam explicandum esse matrimonium utriusque, dum ambo complices sunt conjugati; tunc enim committuntur duo peccata adulterii, unum quo quis peccat in persona propria, alterum quo cooperatur cum alia, ut illa etiam in propria persona peccet. Idem dic dum uterque complex est astrictus voto castitatis. Ita Lugo *disp. 16. sect. 5. num. 158.* quem in hoc sequitur Tambur. & Urbanus: quidquid Ferrant. *disp. 1. de scandalo quest. 66. num. 119.* velit sufficere, si priori casu dicatur, *commisi adulterium*, pro se adducens *Sa verbo confessio, s. quidam putant*, ubi ait, unicam esse malitiam si conjugatus peccet cum conjugata. Verum (ut notat Diana *p. 11. tract. 5. resol. 51.*) in editione Romanâ correctâ & impressâ ex ordinatione Magistri S. Palatii, hæc opinio ex Codice Emanuelis Sa deleta & expuncta fuit; quare oppositum tenendum est: quamvis illam adhuc de novo probabilè vocet Burghaber *Censur. 1. casu 70.* eandemque, tam quoad adulterium, quàm quoad sacrilegium, quando uterque complex est astrictus voto, sustineat Mart. de San. Joseph apud Dian. *ead. p. 11. tract. 3. resol. 3.* qui dicit hanc illius sententiam sibi displicere.

Petes hinc fortè, ad quid teneantur adulteri?

32. Resp. & dico, si sequatur proles, & ambo æque primò in adulterium consenserint, tenentur æque primò ad restitutionem pro damno, quod subit maritus in

alenda prole, & quod patiuntur proles legitimæ; & uno deficiente, tenetur alter in solidum: quia totius damni tam adulter quàm adultera sunt causa: quapropter omne simile damnum obligatur adultera impedire meliori quàm potest viâ; ut v. g. suadendo illegitimo, ut intret Religionem, vel efficiendo, ut adoptetur ab extraneo; aut saltem conando ita ex bonis sibi propriis ditare alias proles, ac inducere illegitimum ad laborem, & negotiationem, atque similiter per se negotiari &c. ut augeantur in tantum bona communia, donec pars illegitimæ proles censi possit de novo acquisita, & non detracta portioni legitimarum prolium. Quod si fieri nequeat, tenetur secretè spurio suum crimen revelare si sit moraliter certa per hoc impediendum fore damnum legitimorum sine gravi detrimento propriæ famæ adhuc integræ, sine gravi scandalo pusillorum, & sine inimicitis, odiis &c. prolium inter se: quæ valde raro simul omnia abesse reperiuntur. Dico *sine gravi detrimento propriæ famæ, sine gravi scandalo &c.* quia aliàs ad id minimè obligatur, cum hæc sint majoris momenti, quàm bona temporalia legitimarum prolium: ob quam rationem à fortiori etiam id detegere non tenetur, si inde timeat incurere periculum mortis. Unum tamen casum ponit Diana *p. 11. tract. 1. resol. 33.* in quo mater absolutè tenetur manifestare filium spurium marito; nempe quando periclitaretur bonum publicum; ut si filius adulterinus, qui aliàs fieret rex v. g. esset noxius regno, compelleretque subditos à fide apostatare: tunc enim lege charitatis, inquit Diana, debet mater commune bonum præferre privato: quamvis Hurtad. *de Just. disp. 11. diff. 20.* existimet in tali casu matrem ad id teneri ex justitia commutativa. Vide hanc materiam latè discussam apud eundem Dian.

eadem p. 11. *tract. 6. resol. 56.* Ubi in fine pro curiosis hæc adjungit ex Pontio: quod si duo cognoverint eandem mulierem, ita ut planè incertum sit quis sit pater, uterque ex æquo debet concurrere ad sustentationem prolis, & ad restitutionem faciendam marito, & filiis mulieris, si hæc fuerit conjugata, & sit certum, quod proles non sit legitima. Ratio est, quod aliquis obligetur, & unus non potius quàm alter: ergo uterque. Conformiter ad hæc P. Scilder *tract. 4. num. 346.* docet, adulterum dubium, an aliqua proles sit nata (ex suo scil. adulterio) teneri pro ratione dubii, ad refarciendum &c. Verùm, est moraliter impossibile justâ hac in re ponere taxam. Quod fortè movit Dianam ut *loc. cit.* hæc subjungeret. *Si tamen mulier posset congruenter ex suo sustentare similem prolem, forsassis neuter* (ex duobus scil. dubitantibus) *teneretur succurrere, quia, cum ipsa dederit causam dubii injustè, in hujus poenam meritis ipsamet videri posset habere totam obligationem.* Hæc extendit etiam ad fornicantes: & vide quæ dicuntur infra *num. 35.*

33. Cæterùm licet mater filii spurii jam esset morti proxima, & in bona opinione apud filium spurium; adhuc non statim est consulendum, ut crimen suum ei revelet, propter odia, inimicitias &c. quæ antea meritò talem revelationem dissuadebant: & multò minus consultum est, ut ipsa post suam mortem jubeat per Confessarium idem revelari; ne aut incommoda sine fructu sequantur, aut ipse Confessarius ob sigilli fractionem trahatur in judicium. Insuper ordinariè filius hac in re non tenetur matri credere; quia matrimonii favor meretur, ut præsumptio stet pro legitimitate, nisi aliunde constet oppositum: & aliàs dominante passione, ac inconstantiâ muliebri sæpè fraudaretur legitimus. Sed

Quid si proles exposita sit à matre ad altera?

34. Respondeo, si adulter id consuluerit, vel aliter expositionis auctor fuerit, tenetur ad restitutionem domui, vel hospitali prolem nutriendi. Dico, *si expositor auctor fuerit*; quia, si mater ipso invito aut inscio prolem exposuerit, multi ipsum excusant ab onere restitutionis, eò quod tunc non sit vera causa damni, quod paritur ista domus; neque illud intendat, sed ex aliena libera actione proveniat. Nec refert, quod matrem in quamdam necessitatem conceisse videatur, ut hoc faciat, ne videl. aliàs grave periculum infamie, odiorum &c. incurrat si prolem non exponat; quia ipsam non invitam sed volentem in dictam necessitatem concecit, ut suppono, unde id ipsa sibi debet imputare. Et hoc ipsum quidam etiam extendunt ad casum, quo mulier spurium supponit ut legitimum, si adulter non sit auctor suppositionis, ob eandem rationem: verùm mihi & aliis contrarium est verius; quia ex adulteri iniquo & injurioso facto sit, quod proles credatur esse mariti, atque ex illa credulitate, cujus ipse causa est, sequuntur illa damna: unde simul cum adultera obligatur illa resarcire. Cæterùm

35. Nota primò, proles expositas, & alias incertis parentibus natas, præsumi legitimas in ordine ad Ordines & beneficia, nisi de illegitimitate sit fama. Ita octodecim celebres Auctores, quos citat & sequitur P. Scilder *tract. 4. num. 13.* id probans ex C. *Accedens de purgat. canon.* Dixi, *nisi fama sit de illegitimitate*: quia tunc similis proles tanquam dubia abstinere debet ab Ordine & beneficio, nisi se canonicè purgaverit. Ex eodem C. *Accedens.* Vide etiam Gobat in *Alphab. Ordin. casu 11. num. 437.* qui *num. 438.* habet sequentia: quamvis natus sis septimo mense post nuptias

nuptias tuorum parentum, vel duodecimo, vel decimo tertio post mortem mariti maritis tuæ, non ideo tamen dicendus es esse furto genitus. Sicut etiam, licet certum sit, matrem tuam commississe adulterium cum Sempronio, tuque lineamenti corporis referas Sempronium, haud tamen idcirco es collocandus in classe spuriorum. Ita ille *loc. cit.* pro ratione lectorem aliud remittens.

Nota secundò, virum adulterum (& idem est de fornicante) si moraliter certò est pater, teneri alere prolem à tertio ipsius anno. Dixi, *si moraliter certò est pater*; quia ad nihil tenetur, quamdiu habet probabilem rationem dubitandi: qualem sufficientem habet, si adultera sit valde levis;

tunc enim potest prudenter præsumere, eam adhuc cum aliis adulteratam esse. Hujus autem ratio est, quia melior est conditio possidentis; ipse verò tamdiu possidet contra obligationem, quamdiu non constat se debere.

36. Petes tandem, an pater teneatur dotare filiam spuriam? Diana *p. 11. tract. 4. resol. 25.* citatis utrimque. Doctoribus pro & contra, hæc habet; dico quoad filias naturales & spurias, si forè cogendus est pater dotem illis constituere, excedere non debet alimentorum quantitatem, ad quæ administranda jure naturali astrictus est; si tamen aliunde habeant, vel polleant arte aut viribus, quibus hæc comparare possint, deobligatus est.

### §. III.

#### De incestu, & stupro.

37. **D**Ico primò; incestus est carnalis inter contanguineos, affines, vel legaliter aut spiritualiter conjunctos abusus. De conjunctione seu cognatione legali aliqua dicemus *in tract. de jure & justitia*. De spirituali verò *in tract. de Sacram.* ubi etiam adhuc aliquid de legali. Incestus terminatur in quarto gradu consanguinitatis, & affinitatis contractæ ex copula licita; si ex illicita, terminatur in secundo gradu. Ut autem contrahatur impedimentum incestus, debet esse perfecta copula carnalis, quæ sufficiat ad generationem prolis. Vide à nobis dicenda *in tract. de Sacram.* ubi de *mattimonio*: & adde tantam circumstantiam speciem mutantem reducendam ad incestum, aperiendum esse in confessione, an quis cognoverit matrem, filiamve suæ sponsæ de futuro juxta Tamburinum: cujus tamen contrarium etiam probabile esse tuebimur *loc. citato.*

38. Adde insuper, gradus affinitatis specie differre à gradibus consanguinitatis in genere moris; quia conjunctio cum consanguineis notabiliter differt, urpote orta ex descendencia ab eodem stipite, à conjunctione cum affinibus, quæ solum oritur ex copula carnali cum consanguineis alterius: quare in confessione exprimi debet, an quis cum consanguinea, an cum affine peccaverit, quidquid id non omnino improbabili ter neget idem Tamburinus: cujus ratio est, quòd in utroque sit eadem specie deformitas, nempe contra reverentiam debitam conjunctis, licet una deformitas sit levior altera: & hoc etiam locum habere vult in cognatione legali comparatà ad consanguinitatem & affinitatem; non verò in his tribus relatis ad cognationem spiritualement. Verum quamvis in his minus probabiliter sit locus, satis tamen probabiliter docet, gradus con-



consanguinitatis inter se, sicut & affinitatis, specie non differre; quia hi nihil aliud inferunt nisi majorem vel minorem conjunctionem in eadem ratione; magis enim & minus præcisè non variant speciem, nisi aliunde probentur habere difformitatem ad rectam rationem seu legem Dei æternam notabiliter diversam; quod hic reperiri satis probabiliter negat Tambur. cum aliis; quidquid alii non minùs probabiliter contrarium asserant; imò probabilius, saltem de primo gradu in ordine ad cæteros; de quo dubitare videtur N. Urbanus *tract. 1. cap. 46.* Legatur circa hoc Dian. p. 11 *tract. 8. resol. 63.* ubi de novo docet omnes gradus consanguinitatis, & affinitatis inter se non differre specie, adeoque sufficere si dicatur, commissi incestum cum consanguinea, licèt quis propriam matrem; vel cum affini, licèt matrem uxoris suæ carnaliter cognoverit. Idem adhuc antea docuerat *tract. 7. resol. 34.* circa medium.

39. Dico secundò, stuprum est violatio virginis ipsà invitâ; quare continet gravem malitiam injuriæ. Dixi ipsà invitâ; quia si consenserit; probabilius non est stuprum; nam scienti & volenti non fit injuria. Neque quidquam eo casu ei restitui debet, nisi vi vel dolo esset induc[t]a ad consensum: in foro tamen externo solet ordinariè præsumi pro illa. Deinde nihil refert quod sit sub potestate parentum; nam ipsa nihilominus est domina usus sui corporis: unde quod virgo consentiens violetur invitis ejus parentibus, non inducit malitiam stupri: si tamen corruptor vel virgo quæ corrumpitur præviderent magnum moerorem, vel infamiam parentibus, vel familiæ inde oriundam, vel injurias, lites &c. peccarent graviter contra charitatem, ac reverentiam parentum: non tamen ideo dicendum esset eos commit-

tere stuprum; quia etiam hæc possunt oriri ex copula cum corrupta. Ex his

40. Colliges, peccata delectationis, & desiderii veneri complendi cum virgine (& idem est de similibus malis desideriis ipsius virginis) non participare malitiam stupri, adeoque nec circumstantiam virginittis explicandam esse in confessione, nisi id etiam per vim obtinere quis desideraret. Unde ab his interrogationibus melius abstinent Confessarii se huic nostræ probabiliori sententiæ conformantes; & aliàs putant pœnitentes interrogationes in similibus circa circumstantiam virginittatis ex mera curiositate fieri: atque hanc nostram sententiam defendunt Less. Sanch. Navar. Valq. Urban. Tambur. Bufenb. & alii.

Sed quid dicendum de eo, qui vim vel dolum in corruptione virginis adhibuit?

41. Respondeo, illum teneri ad compensationem omnium damnorum, vel eam ducendo in uxorem, vel dōtando, ut non pejus nubar, quam si foret integra: quod ultimum si fiat absque eo quod ullam dotem à corruptore recipiat, ad nihil tenetur: quia ipsa tunc nullum damnum temporale ex corruptione patitur. Deinde si quis illam, quam vi vel dolo cognoscit, deprehendat non esse virginem & copula sit occulta, ad nihil etiam tenetur: sin minùs, tenetur restituere, ut nubar quasi fuisset virgo, si nempe antea pro virgine habebatur: atque in foro externo præsumitur pro virginitate, ita ut stupratori contententi coram Judice incumbat onus probandi, illam fuisse prius corruptam; prout rectè notat Gobat in *Alphab. matrim. par. 2. casu 5. num. 211.* Adde à Doctoribus communiter sub vim inferente comprehendendum, cui petenti virgo non audet contradicere ex timore vel verecundia tanta, ut æquiver-

vim

vim tollentem libertatem sufficientem ad validum contractum virginis; ut v.g. si petens sit princeps, vel dominus. Aliter tamen sentiendum est, quando simpliciter interefferunt preces, etiam importunæ, absque metu maliciaeque intentati; eò quòd tunc relinquitur perfecta libertas, cum preces tales possint faciliè repelli, sustinet post multos idem Gobat *num. 213.*

Petes primò, quid dicendum sit de eo, qui promissit matrimonium virgini, quam corripit?

42. Resp. ipsum teneri illam ducere, etiam si tantum fidei matrimonium promississet. Ratio est, quia & fidei promittendo fecit contra jus virginis, quare tenetur eidem satisfacere per effectum veræ promissionis. Ita probabilior & communior tenet sententia; si verò intercedat impedimentum dirimens matrimonium, tenebitur illam dotare. Adverte tamen, eum non teneri illam ducere, si ex circumstantiis personæ promittentis, vel ipsius promissionis virgo faciliè colligere potuerit, eum tantum fidei matrimonium promittere; prout v. g. fieret si esset hic status longè altioris quàm ipsa. Ita sustinet Cornejo *tom. 2. tract. 6. disp. 2. dub. 5. resol. 3.* etiam si puella ignoravit illum excessum, & animus fallendi minimè prudenter ab ea præsumi potuerit: quod alii non admittunt. Tenebitur interim eam dotare. Insuper non tenetur etiam ad matrimonium, quamvis illud verè promississet, si ex tali matrimonio prævideantur secutura gravia damna, vel scandala: in quò casu tamen tenetur promittens ad aliam compensationem. Similiter excusatur ab onere restitutionis, & multò magis ab obligatione eam ducendi in uxorem, si ipsa post promissionem cum alio fornicetur; quia tunc ipsè potius decipitur quàm decipiat. Neque etiam ad dictam obligatur restitutionem si virgo

vel parentes ejus nolint acceptare matrimonium post factam corruptionem; quia præter matrimonium nullam aliam compensationem promissit ut suppono. In his omnibus nobiscum convenit Gobat *loc. supra cit. à num. 230.* ubi illa ferme eodem ordine reperies. Quibus adnectit casum sequentem hic non omittendum: Titius adolescens tres virgines paris conditionis sub fidei promissione conjugii corripit; quaeritur ad quid teneatur Gobat respondet ex Lessio, primò Titium teneri ducere primam, si hæc fraudem advertere nullo modo potuit: nec tenetur ducere secundam, vel tertiam, licet contingat illum transigere, id est aliter rem componere, cum prima. Quod si prima potuit faciliè advertere fraudem, & non secunda, tenetur ducere hæc & c. Respondet secundò, in casu, quo tenetur ducere primam, teneri cæteris de damno, si quod secutum occasione hujus fidei promissionis: & in dubio, an damnum sit secutum, tenetur inquirere eo modo, quo potest, & debet in re magni momenti. Ita illi. Verum non video, quomodo ille adolescens non teneatur ducere secundam si transigat cum prima: si enim prima moreretur, vel sponte cederet juri suo, videretur certò obligari ducere secundam, sicuti in casu, quo prima potuit advertere fraudem; quare ergo non in omni casu, quo cessat jus primæ, & consequenter dum est huic aliunde satisfactum. Certè uteretur hic verbis ipsius Gobat *num. 231.* Sane merentur hi spurci adfectiones, ut de sua malicia non solum nullum commodum reportent C. intelligimus de judic. sed incommodum hoc referant: quæ ipse adfert contra eum, qui solum unicam virginem sic decepit.

Petes iterum, quid si promittens matrimonium ligatus sit simplici voto castitatis, vel ingrediendæ Religionis, aut si

H fit

sit consanguineus, aut affinis virginis, quam corrumpit?

43. Respondeo, duos primos non teneri ad nuptias; quia observatio voti, etiam simplicis, magis obligat, quàm promissionis. Ita probabilius plures sustinent; licet oppositum non sit improbable, eò quod hic non sit promissio simplex, sed valde onerosa. Respondeo insuper consanguineam & affinem raro ob dictam promissionem teneri petere dispensationem, nisi possent eam faciliè obtinere, vel nisi se expressè ad id obligassent: quod si tamen suam consanguineam, vel affinem virginem deceperint dicendo consanguinitatem &c. non impedire matrimonium, vel cognovissent eam id invincibiliter ignorare, tenerentur eam dotare, ut tam bene nubar acti esset integrum.

Potes denique, an puella, quæ per stuprum opprimitur, vel impudicè per vim

attingitur, teneatur clamare ut non peccet?

44. Resp. ut non peccet coram Deo mortaliter, sufficit, ac debet obniti & consensum interiore non præstare, licet aliquam delectationem (quæ videtur necessariò esse conjuncta copulæ carnali, etiam habitæ per violentiam) percipiat, modò in eam non consentiat: quoad forum verò externum, illa præsumitur consensuisse, nec vim passa esse, quæ existens intra civitatem non clamat, neque opem petit, nisi fortè constet, eam ab hoc fuisse impeditam per occlusionem oris &c. Sed quid si volens illam opprimere strictò gladio mortem intenter, ni morem gerat? Illa nec tunc potest metu mortis consentire: quia neque hic metus tollit voluntarium simpliciter, licet hoc nonnihil imminuat: ergo nec tollit malitiam actionis intrinsicè malæ. Ita ex communi Burghaber *Cenur.* 1. *casu* 30.

## S. IV.

### De raptu, & vitio contra naturam.

45. **D**ico primò, raptus est abductio alicujus personæ ipsâ invitâ, vel resistentibus ejus parentibus, curatoribus, vel illis, sub quorum cura est, per vim ad libidinem explendam, vel matrimonium incundum: quare superaddit gravem injuriæ malitiam simplici fornicationi. Est formalis raptus sive abducatur virgo sive corrupta, conjugata sive soluta: imò sive sit vir sive mulier, ut communis habet sententia: quamvis tamen (ut bene docet Sanchez) minor sit injuria si scæmina rapiat virum. Neque hæc raptrix subjacet pœnis raptorum; quia lex hæc pœnas injungens solius viri rapientis scæminam mentionem facit: neque scæminum sub mascu-

lino clauditur, præsertim in odiosis & pœnalibus. Insuper non erit raptus si tecmina in sua domo opprimatur, quamvis de uno in aliud cubiculum trahatur ab opprimente, ut eâ tutius abutatur. Ita Bonac. Item si quis discedat cum amasia consentiente, inscitis & invitis parentibus, non committit propriè raptum, nec consequenter incurrit hujus pœnas, ut docent Dian. Less. Filliū. Lugo, & Urbanus: qui ultimus addit, talem abductionem raptum esse coram Ecclesiâ & in foro externo; quia hujusmodi abductiones, inquit, omninò sunt prohibitæ & damnabiles.

Quænam verò sint raptorum pœnar, & quandonam raptus impediat matrimonium

nium; habes in Trid. *sess. 24. cap. 6. de re-  
form. matrim.* Sufficiat notasse præcipuas  
eorum poenas esse capitis, & amissionis  
omnium bonorum: item excommunica-  
tionis ipso facto incurrendæ, etiam à con-  
sulentibus, ac auxilium, aut favorem præ-  
bentibus.

46. Dico secundò, vitium contra na-  
turam est voluntaria seminis effusio extra  
vas debitum; vel in vase quidem debito,  
sed indebito modo. Quatuor habet spe-  
cies, immunditiam, sodomiam, bestialita-  
tem, & innaturalem concubendi modum.  
Immunditia (quæ alio nomine dicitur  
mollities sive pollutio) est quando absque  
concubitu ea effusio procuratur: circa  
quam

Petes primò quandonam pollutio sit  
peccatum, & quale?

47. Respondeo primò, esse peccatū mor-  
tale, quoties quis eam procurat ex libidi-  
ne: imò et si eam procuret causâ sanitatis:  
quia adhuc talis directè consentit in pol-  
lutionem, quæ juxta Scripturam est mor-  
tale peccatum: potest tamen quis sumere  
medicinam ex se causativam sanitatis, li-  
cèt per accidens ex ea prævideatur securu-  
ra pollutio. Ita DD. communiter. Imò se-  
cundum Arriag. si aliunde periculosa in-  
firmitas vitari non possit, licebit resolu-  
tionem seminis in alium humorem pro-  
curare: item juxta Sanch. *de matrim. lib. 9.  
disp. 17. num. 16.* si semen judicio medico-  
rum transivit in materiam venenosam, lici-  
tum est hanc per medicinam expellere, et si  
præter intentionem sequatur aliqua veri  
seminis effusio, quod post Sanch. etiam  
docet Busenbaux. Verum quidquid de his  
sit, semper consulendi sunt medici, ac pru-  
dentes Confessarii, quia res non caret pe-  
riculo si quid temerè fiat in similibus. Nec  
puto ullò modò licere, dictam materiam  
venenosam expellere refrigando partes ve-

rendas cum periculo prævisæ & non in-  
tentæ pollutionis, quamvis absit pericu-  
lum consensus: ratio mea est, quia illa  
refrigatio est causâ proxima valde effica-  
citer & per se influens in pollutionem,  
qualis nunquam potest apponi. Accedit  
quòd illa refrigatio sit proxima disposi-  
tio ad vehementem commotionem spiri-  
tuum generationi infervientium, adeoque  
trahit secum periculum consensus in de-  
lectationem, quod proinde malè supponi-  
tur abesse. Ob has rationes merito retra-  
ctavit Thomas Sanchez sententiam nostræ  
oppositam apud P. Mendo in *Statera be-  
nignarum opinionum differt. 5. quest. 4. n. 31.*  
apud quem nihilominus adhuc varii pro  
ea citantur.

Quærent aliqui an pollutio in femina  
sit peccatum mortale; de quo tamen nul-  
lus dubitare potest, cum sacra Scriptura  
satis id indicet prohibendo omnem volun-  
tariam pollutionem sub poena exclusionis  
à regno Dei: & licèt probabile sit, semen  
femine non esse necessarium ad genera-  
tionem, est tamen ad eam valde utile: pro  
quo vide *Loth. tract. 16. quest. 3. art. 2.*

48. Resp. secundò, pollutionem secu-  
tam ex eo, quòd quis det operam rei illicitæ,  
ex qua propinquè nata est sequi, licèt  
non intendatur, esse mortale peccatum; ut  
v.g. si sequatur ex contactu turpi erga se  
vel alios, ex imaginatione rerum turpium  
cum delectatione &c. quia talis pollutio  
est absolute volita in sua causâ: si tamen  
tali rei ut v.g. simili contactui quis daret  
operam licitè, ut causâ medendi, pollutio  
inde secuta non esset peccatum; quia li-  
citur est ob causam honestam & necessa-  
riam se exponere periculo, etiam proximo,  
cujuscumque rei, etiam mortaliter malæ;  
tunc enim non temerè, sed pruden-  
ter quis se illi exponit. Ita D. Thomas  
*2. 2. quest. 10. art. 9. & cæteri cum ipso com-  
muniter.*

munitur. Nec obstat commune axioma, *qui amat periculum peribit in illo*; quia in dicto casu non amatur periculum peccati, sed ingens illud bonum, ad quod sine illo periculo perveniri non potest; unde sperari potest quod Deus majus auxilium impendet per Divinam suam providentiam & misericordiam. Neque refert, quod periculum proximum peccati mortalis (quale in tali casu reperitur in medico, consentiendi nimirum in morosam delectationem & ipsam pollutionem) sit majoris ponderis, quam periculum mortis in foemina, cum prius sit grave malum spirituale, posterius tantum corporale: non refert, inquam, quia imprimis tollendo malum corporale foeminae tollitur & spirituale, quatenus scilicet. remouentur proxima pericula impatientiae, desperationis &c. quae essent si nullus illam vellet curare dum posset. Deinde malum corporale foeminae est certum, spirituale autem medici incertum, cum per preparatam gratiam Dei adhuc possit vitari: accedit etiam quod illud, utpote mors corporalis, sit malum irreparabile, hoc vero per poenitentiam reparari possit.

49. Resp. tertio, dum quis dat operam rei illicitae, ex qua solum remote sequitur pollutio, pollutio secuta non est nisi veniale peccatum, si non fuerit intentus; ut si sequatur ex guloso esu eduliorum nimis calidorum, ex nimio potu, ex eo quod quis nimis petulantius se exerceat in equitatione &c. licet sciat quandoque, vel etiam saepe sibi inde evenire pollutionem, modo absit periculum consensus in eandem: idem dic de secuta ex speciali situ in lecto, quamvis fuerit praevisa. Horum ratio est, quia pollutio ex dictis sequens non censetur nisi imperfecte volita in talibus causis: quod idem etiam juxta aliquos probabiliter dici potest de pollutio-

tione secuta ex causa venialiter tantum mala in materia venerea, ut v.g. ex aspectu nimis curioso foeminae, ex verbis amatoriis cum ipsa habitis, ex nimis affectuoso illius amplexu, licet aliis honesto, &c. debet tamen semper abesse intentio pollutionis & periculum consentiendi in illam secutam. Ita Bonacin. Sanch. Henriq. Dian. Sylv. Bassus & alii. Ratio est, quia etiam hujusmodi causa tantum leviter concurrunt ad pollutionem. Ex his omnibus concludi potest, satis probabiliter juxta aliquos, nullum actum habere malitiam mortalem, eo quod sit pollutionis praevisa & non intentae causa, nisi sit in seipso mortalis contra sextum praeceptum non mœchaberis: quia soli tales actus censentur notabilis causa pollutionis. Ita tenent auctores statim citati. Videatur P. Mendo in *Statuta sua disser. 5. quæst. 2.* ubi accuratè hanc materiam tractat, cum quo non audeo hoc ultimum admittere: quia cum actus venialiter mali in materia luxuriae, ex se tendant ad delectationem veneream, eam ut proprium effectum respiciant, atque in ipsam influant; quin alium effectum magis proprium non possint habere, nisi apponatur ex intentione extrinseca illos exercentis, non aliâ ratione praevidetur in ipsis pollutio, nisi quia est effectus ipsorum: quod fit aliter in pollutione per accidens secuta ex equitatione, & aliis de quibus parum ante.

50. Resp. quarto, qui dedit causam culpabilem pollutioni, & antequam hæc fuerit subsecuta; legitimè poenituit causae datæ, non peccat dum postea sublequitur pollutio: & si antea fuerit confessus causam datam, non tenebitur postea sublecutam pollutionem confiteri; quia non conjungitur amplius moraliter cum causa mala, adeoque non est peccatum. Ita Sanch. Henriq. Rodrig. Bass. & alii.

Petes

**Petes** secundò, an sit unquam licitum desiderare pollutionem; vel de ea habita gaudere?

§ 1. Respondeo primò, non esse licitum desiderare pollutionem, aut de ea habita gaudere causà voluptatis, etiam si sine culpa accidisset; hoc enim esset in illam consentire: neque etiam licitum est eam alio sine desiderare, si ex vi illius desiderii disponatur, aut incitetur ipse desiderans ad illam habendam; quia tale desiderium esset causa illius. Tamen

§ 2. Resp. secundò, desiderare pollutionem simplici affectu causà alicujus effectus boni ei conjuncti, ut causà extinguendæ tentationis, aut corporis sanitatis obtinendæ, non est peccatum: quia tale desiderium nec est causa pollutionis, nec fertur in malum, sed in opus per se indifferens relatum in bonum finem; desideretur enim pollutio, quæ fiat viâ naturali per causas à natura constitutas sine ulla cooperatione libera: quapropter de ea ut sic facta etiam licitum est gaudere; nam quod licitè desiderari ut fiat, de eo etiam factò licitè quis gaudet. Ita Dian. Fern. Bass. & Sanch. in *sum. lib. 1. cap. 2. num. 17.* citans & alios viginti duos: quibus adhuc se opponunt Sylv. Laym. Valent. & Sorus; quorum ratio est hæc, quia quod licet desiderare, fas est etiam procurare ut fiat, saltem per alios, ajunt; jam autem certum est pollutionem procurari non posse. Verùm hoc tantùm locum habet in iis, quæ propter se & secundùm se desiderare licet, non verò in iis; quæ tantùm licitum est desiderare causà alicujus boni effectus inde securi, ut videre est in casu quo rex verè legitimus administrat Rempubicam cum plurimorum ruina: tunc enim affectu simplici desiderare ejus mortem ob bonum commune Reip. aut de ea secuta sic gaudere, vacat omni culpa; cum tamen

minimè liceat inferre ipsi mortem: & sic de multis aliis.

Petes tertio, quale peccatum sit pollutio voluntaria causata per tactus inter maritum & uxorem?

§ 3. Responder Diana cum Dieast. illam esse peccatum majus quàm inter solutos, utpote præter malitiam peccati contra naturam insuper continens malitiam adulterii tam ex parte viri quàm uxoris consentientis, tenerique illos in confessione exprimere utramque circumstantiam adulterii: additque cum Sanchez etiam eos explicare debere illud peccatum esse commissum cum uxore vel marito proprio. Prima pars, quòd scil. sit majus peccatum quàm inter solutos, constat ex secunda, quàm sic probat; quia neuter conjux servat alteri suum corpus castè, quod ad bonum fidei pertinet, neque enim alter alterius conjux est ad illum actum, sed ad naturalem. Terriam partem hoc modo probat, quia si diceretur hoc peccatum commissum cum persona conjugata in genere, explicaretur gravis injuria adversus conjugem illius personæ, cum tamen nulla talis interveniat. Hæc & alia habet Dian. *part. 1. tract. 8. resol. 26.*

Petes quartò, quid dicendum de pollutione nocturna sive in somnis habita?

§ 4. Respondeo, eam secundùm se nunquam esse peccatum; quia non est voluntaria: potest tamen esse peccatum, etiam mortale ex causa antecedente, si videlicet hæc posita sit tempore vigiliæ ex intentione habendi pollutionem tempore somni, vel si prævisum fuerit, illam securam ex causa mala in materia luxuriæ voluntariè posita, pro quo vide dicta *num. 49.* Item ex eo quòd quis evigilans in eam consentiat, vel de ea habeat delectationem veneream. Cæterùm ordinariè pollutio in somnis habita vel vacat omni culpà, vel non

est nisi veniale peccatum. Neque tenetur quis eam in somno inceptam absque sua culpa, jam expergesfactus impedire si absit periculum consensui in voluptatem, sed potest permittere sanitatis causâ ut natura se exoneret; quia id non est procurare sed pati ut effluat id quod aliàs corruptum sanitatem læderet. Ita post Sanch. docet Bufenbaux.

55. Sodomia, alia species peccati contra naturam, est copula carnalis habita inter homines ejusdem sexus; vel si sit inter homines diverſi sexus, in qua non servatur debitum vas. Hæc ultima est tantum sodomia imperfecta, & minus propriè dicta. Multæ & gravissimæ pro hoc vicio sunt statutz pœnz, tam jure civili, quàm ecclesiastico, tam pro sæcularibus, quàm pro clericis: pro quibus vide Sanch. in *sum. lib. 2. cap. 22*. Variatur sodomia specie si exerceatur cum conjugato, consanguineo, si vis adhibeatur, si hæc à persona astricta voto castitatis; unde hæc circumstantiæ sunt in confessione exprimendæ. Adde tamen per sodomiam incestuosam v.g. non incurri pœnas latas contra incestum; quia tales pœnz tantum feruntur contra incestum propriè dictum, qui solum committitur per copulam naturalem. Insuper etiam adverte, juxta quosdam non satis esse dicere, sodomiam exercui, sed necessariò explicandum esse, an fueris agens vel patiens; agens enim pollutionem committit, quam non committit patiens, saltem ut talis. Verum contrarium docet Diana p. 11. *tract. 1. res. 11*. ubi pro se citat septemdecim DD. addens paucos docere oppositum: ratio autem ipsius est, quia agens & patiens concurrunt in sodomia ad idem scelus & ad eandem pollutionem, & copulam per modum unius causæ; sicut enim, inquit, conjugatus & soluta, vel solutus & conjugata peccantes ambo per modum

unius causæ concurrunt ad frangendum matrimonii legem, adeoque eandem speciem adulterii contrahunt, ita agens & patiens sodomia &c. Ita Diana; addens insuper agentem non debere explicare an fuerit pollutus; quia pollutio non addit novam speciem malitiæ suprà copulam sodomiticam, sed est pars copulæ. Hæc omnia sunt retinenda diligenter à Confessariis; quia, utpote saltem probabilia, pollunt ipsos juvare, ut se excuset à multis interrogationibus, quæ alioqui in his, & similibus faciendæ essent, & ut plurimum à penitentibus judicantur fieri ex curiositate. Vide eundem Dian. *ead. p. 11. tract. 3. res. 4*. ubi denuo idem defendit contra Lugo, ac Leand. & Franciscus B. Spei *sua Notia dub. 6. append. 4*. etiam expresse docet, in sodomia agere & pati non differe specie: contradicens tamen Dianæ in eo, quòd hic velit, agentem non teneri explicare pollutionem eò quòd hæc sit pars copulæ; quidquid tamen & ipse eum excuset ab ea explicanda explicite, quia communis actum hunc comitatur. Vide eundem Franc. *de act. hum. disp. 10. num. 126*. ubi addit, pollutionem patientis sodomiani, cum specie à sodomia distinguitur, exprimi debere; nisi dicatur eam sileri, quia etiam ordinariè concomitatur.

56. Bestialitas est carnalis commixtio cum re animata alterius speciei, ut cum bruto vel dæmone. Species bruti cum quo habita est exprimi non debet, nec item an fuerit bos vel vacca; quia hæc non mutant bestialitatem nisi materialiter. Expri-mendum tamen est an cum bruto an cum diabolo contigerit: quia hoc peccatum cum diabolo perpetratum plerumque superaddit malitiam superstitionis, ac semper irreligiositatis, inquantum est commercium cum Dei & omnium nostrum infe-

estimo inimico : item exprimi debet, demon fuerit sub forma sceminae, an i, aut sub forma talis conjugatae vel tamonalis, tux consanguineae &c. quia ne prater bestialitatem additur affectus talem personam. Ita Tambur. post alios. maximis poenis bestialitatis, vide Aures supra citatos.

§7. Innaturalis concubendi modus deus, est dum servatur quidem textus deus, & vas debitum, sed immutatur modus à natura determinatus; ut si vir lucubrat &c. Inter conjugatos non est nisi catur veniale, quamdiu abest periculum effundendi feminis extra vas debitum; atque mulier juxta Sanch. lib. 9. disp. num. 3. quoad modum illum viro accescere, licet ipse eum veniali culpa exigat: quod idem sentit Escob. apud

Dian. p. 1. tract. 1. resol. 41. qui & eorum sententiae subscribit. Adde, si addit aliqua necessitas similem modum hic & nunc exercendi, nequidem esse veniale illum exigere: erit tamen mortale si dictum periculum subfuerit, vel periculum aliud impediendae generationis. Per innaturalem concubendi modum Tamburinus intelligit sodomiam imperfectam; unde in ipsius acceptione semper est peccatum mortale: aut nos sodomiam imperfectam cum ceteris melius ad sodomiam in genere reduimus. Vide circa hæc P. Franc. supra disp. 10. num. 96. ubi per plures Appendices aggreditur Caram, cujus varias perniciosas sententias efficaciter improbat. Et Append. ult. ponit remedia contra luxuriam.

## §. V.

### De Sacrilegio.

**D**istis sex luxuriæ speciebus additur sacrilegium, quod duobus his committitur: primo dum persona vi Divino deputata violatur, ut est reclusus professus, religiosa, constitutus in ne sacro, & qui vel quæ votum castitatis. Ubi adverte, probabiliter non explicandam necessariò solemnitate, sed sufficere si dicatur, *ego ligatus voto castitatis peccavi contra castitatem tali peccato* quod & verum est, licet quis duplici o sit sacratus, ut quia est religiosus & il sacerdos; est enim ejusdem speciei, cum votum unum, sive simplex sit solemne, eandem virtutem religionis respiciat quàm plura; atque hanc votum absolute sustinent Sanch. Dian. Bur. & alii. Adde secundum eundem

Tamb. post dictum Sanch. in Decal. lib. 5. cap. 6 num. 10. eum, qui ligatus voto castitatis inducit alios voto solutos ad peccandum contra castitatem, probabiliter non teneri explicare in confessione circumstantiam voti, eò quod hoc non videatur se extendere nisi ad obligandum voventem ne ipse in persona propria castitatem violet; hanc enim in se quidem servare promissit, non tamen in aliis. Ita illi.

§9. Alio etiam modo sacrilegium in hac materia committitur dum violatur locus sacer; quo nomine venit sola Ecclesia cum cimiterio: si tamen contingeret virum & uxorem necessariò diu in templo commorari debere, ut se salvent contra hostem v.g. tunc per eorum copulam templum



plum non violaretur, nec consequenter sacrilegium committeretur; quamvis & tunc consultius sit abstinere, si absit periculum incontinentiæ, vel saltem alia loca, ut turrim, sacristiam &c. ad hoc quærere. Ita DD. communiter; quidquid varii, quos citat & sequitur Dian. p. 11. *trac.* 8. *resol.* 34. doceant, probabiliter non esse sacrilegium, nec consequenter mortale, si conjuges habeant copulam in Ecclesia, etiam extra casum necessitatis; quia sicut Ecclesia non polluitur nisi per effusionem sanguinis illicitam, ita nec per effusionem seminis licitam; sic illi. An verò per pollutionem voluntariam Ecclesia violetur? Variant Auctores: mihi probabilior est sententia affirmativa, cum tunc fiat vera seminis voluntaria effusio, & quidem illicita; quare eo casu circumstantia loci exprimenda erit, prout & actus erit verum sacrilegium: quod idem absolute dicendum est de eo, qui voluntarie in templo consentit in aliquod opus luxuriæ completum licet opus non sequatur, si ejus voluntas feratur in circumstantiam loci sacri, ut si v. g. esset paratus istam voluntatem exequi in loco sacro si occasio adesset.

60. Cæterum, ut bene Urbanus *trac.* 1. *cap.* 46. sacrilegium non incurritur contra castitatem per peccata merè interna solius loci sacri ratione habita; quia loci sanctitas, cum jure canonico tantum violetur, actum externum requirit. Imò Tamburinus (licet contra communioem & probabilioem, ut & ipse fatetur) vult Ecclesiam probabiliter non violari, nec consequenter sacrilegium committi per pollutionem, vel copulam illicitam occultè in Ecclesia habitam, quod & alii probati DD. docent apud Dian. p. 11. *resol.* 34. *casu* 58. quibus addo Burghaber *Centur.* 3. *casu* 58. atque horum rationes Diana yo-

cat manifestas: subditque publicum in hac re dici, quod vel ipsa confessione rei in judicio, aut evidentiâ facti in multorum notitiam devenit, & est quasi diffamata Ecclesia, & denigrata ejus reverentia: unde si duo aut tres, vel pauci homines scirent pollutionem, aut emissionem seminis in loco sacro admissam, adhuc neque egeret reconciliatione, neque esset speciale sacrilegii peccatum. Hæc omnia Diana: quæ saltem in perplexitate aliquem juvare poterunt; ut dum v. g. solus Parochus novit ejusmodi factum, ipse se huic sententiæ conformare poterit, cum aliàs hæreret perplexus; nam non posset sine turbatione omnino à celebrando abstinere in ea Ecclesia, nec posset curare ut reconcilietur, cum nequeat factum probare; neque etiam securè in ea posset celebrare sicut antea, quia semper dubitabit an hic & nunc sit sufficiens necessitas celebrandi in Ecclesia polluta. Insuper idem Dian. p. 11. *trac.* 2. *resol.* 58. asserit DD. communiter docere, ad violationem Ecclesiæ non sufficere, quod in Ecclesia effluat una aut altera gutta seminis, quia hæc non venit nomine effusionis seminis. Insuper *resol.* 59. sustinet cum plurimis, Ecclesiam violatam remanere reconciliatam, & consecratam si aliquis sacerdos in ea consecraverit; ex quo cum Tambur. deducit probabiliter, si sacerdos diceret Missam in calice non consecrato, eum remanere consecratum. Circa Ecclesiæ reconciliationem vide eundem Dianam eadem p. 11. *trac.* 8. *resol.* 23. ubi inter cætera varios DD. adfert, asserentes, Prælatos Regulares posse per se suas Ecclesias violatas reconciliare. Ex supradictis

61. Colliges, satis probabile esse, Ecclesiam non violari per oscula, tactus, & similia, etiam publicè in Ecclesia habita sine seminis effusione; quæ non sunt ex hoc capite

re sacrilega : si tamen quis ea in loco  
exerceat cum magna Ecclesiæ irre-  
rentia, ut si quis meretricem publice  
altare impudicè tangeret, si in tem-  
plascivæ comedias repræsenteret &c.  
legii scelus in sua propria specie com-  
eretur, etiamsi hoc humanitè non fo-  
rohibitum ; nam id esset gravis irre-  
rentia cultui Divino facta, atque adeo  
summi Dei notabilis injuria. Ita  
ratur.

etres hic fortè, ad quam speciem  
riæ reducat abortus voluntarius ?

2. Respondeo, cum reduci ad vitium  
ra naturam : & dico matrem nullo  
o, etiam ad sui conservationem, posse  
tum procurare si proles animata sit :

Auctor naturæ sibi soli jus in foetum  
vavit : si tamen medicina posset con-  
re ad salutem matris aliâ viâ, quàm  
ando abortum, ita ut tantum per-  
ens fortè sit securus abortus, posset  
r. eam sumere directè ex motivo sa-  
is, saltem si foetus necdum sit anima-  
ta DD. communiter. Imò licèt esset  
atus, si aliàs de matris sanitate despe-  
; quia equidem moriente matre foe-  
cessario morietur ; unde ei, potius  
medicina est favorabilis quàm inju-  
, cum matre sanata possit foetus su-  
vere ; quamvis fortè per accidens sit  
urus abortus. Dicitur autem com-  
ter foetus animari post quadraginta,  
raginta quinque, vel quinquaginta  
Insuper dico, foeminam conjugatam  
modo posse expellere semen viri  
ost concubitum ad vitandas partus  
altates, ne graventur prolibus &c.  
nec virginem, aut adulteram ad  
um suum honorem, nisi sint vi op-  
; tunc enim fortè probabiliter id  
ebit immediatè post coitum, ut vult

Sanch. lib. 2. de *matrim. disp. 22. num. 13.*  
quia; inquit, in eo casu censentur se de-  
fendere contra injustum invalorem mo-  
raliter adhuc invadentem per semen suum.  
Verùm id non nisi valde rarò potest ha-  
bere locum in adultera, quæ potest per  
petitionem debiti à suo marito infamiam  
facilè evitare.

Petes iterum, an in speciebus luxuriæ  
possit dari ignorantia invincibilis ?

63. Respondeo, id vix fieri posse apud  
Christianos in fornicatione, aut aliis spe-  
ciebus consummatis ; nam sufficienter de  
his omnibus instruuntur, præsertim hoc  
nostro ævo, & in his partibus ; ac deinde  
ipsa recta ratio dicat, sicut & pudor à  
natura inditus, quod oporteat à similibus  
abstinere. Dico vix, & non omnino ab-  
solutè ; quia (ut bene notavit Marchan-  
tius in *sua Resol. Pastor.*) fortassis aliquis  
rudis rusticus, dum videt in urbibus pu-  
blicè meretrices permitti, putansque esse  
licitum quidquid est permissum, posset  
ignorare, ad meretricem accedere, esse  
mortale peccatum, si ea de re nunquam  
fuerit instructus, maximè ubi videret  
illud, esse adeò commune ; ut vix pro  
peccato reputeretur, ut quidam de aliqui-  
bus locis Italiæ tradunt. Verùm quid-  
quid sit de fornicatione, puto frequen-  
tius id posse contingere in peccato mol-  
litiei, seu pollutionis voluntariæ, quam-  
vis hoc sit peccatum majus fornicatione :  
quod fortè potuerunt advertere qui diu  
audiendis confessionibus vacarunt, præ-  
sertim rusticorum : & nominatim Mar-  
chan. testatur se plures rusticos reperisse,  
qui id nunquam confessi fuerant in sua  
juventute, aientes se nunquam ea de re  
sibi conscientiam formasse, nec fuisse in-  
structos. Additque idem inter conjuga-  
tos adhuc reperiri, qui existimant, ablen-

re conjuge sibi licitos esse illos contactus, quibus seiplos polluant. Hæc Marchant. de rusticis; an idem locum habere possit in iis, qui in civitatibus degunt, norunt illi, qui eorum confessionibus, audiendis sæpe implicantur. Interim, si verum sit, quod prædicti nunquam aliquid audiverint in oppositum, neque aliunde unquam de gravi malitia, quæ iussu posset, dubitarint (in quibus iis fides adhibenda est) non video cur dici nequeant invincibiliter id ignorare: pro ut id absolute dicit Burghaber *Centur. 1. casu 97.* post Arriagam, & alios. Quare posset Confessarius similes non obligare ad reiterandas suas confessiones.

64. Addo tamen securius esse, eos ad id inducere; quia difficile est judicare, an talis ignorantia fuerit omnino invincibilis: unde monentur Pastores, Confessarii, Concionatores & Catechistæ à Marchantio, ut de his rudem plebem pro occasionis opportunitate erudiant: quod tamen cum dexteritate fieri debet, ut colligitur ex statim dicendis. An licitum sit permittere publica lupanaria & meretrices? Commodius dicitur alibi. Hic solum pro horum omnium complemento

65. Adverte ex Urbano *tract. 1. cap. 46.* satius esse Confessorem esse parcum in omnibus dictis vitiis discutiendis; nam nimis immorari in hujus materię inter-

rogationibus; tam Confessori quàm penitenti periculum creat, ac proinde debet se quàm citissime ab eis expedire interrogando sola necessaria, nec descendendo nimis ad particularia; præsertim cum (ut bene dictus Urban.) satis intelligatur gravitas, & species peccati, quantum necesse est ad Sacramenti essentiam, si dicantur actus præcipui talis peccati. Imò Conink *disp. 7. de Sacrament. dub. 7. num. 56.* non veretur apponere verba sequentia, *Præstat aliquando sacerdotem minus perfecte peccatum penitentis intelligere, quàm vel illi vel sibi aliquid scandalum creare.* Vide etiam Filliuc. Angel. Homob. & alios citatos à Tamburino. Quare quod præcedentia peccata ab aliquibus tam minutim sæpe explicantur, & à nobis per plura, quàm alia peccata hic tacta sint, solum est; tum quia frequenter casus non ita obvii & plerumque etiam difficile ex generalibus principiis resolutibiles occurrunt; tum ne continuo cogaris diversos Auctores consulere, quos legendo plùs te videris confundere eorum diversas sententias. Quæ hic desunt circa peccata conjugatorum in *tract. de matrimonio* reperies. Cæterum adhuc unum monent passim Auctores, ne videlicet Confessarii aut alii quicumque unquam in vulgo de his luxuriæ speciebus discurrant, vel mentionem faciant ob rationem statim assignatam.

## DUBIUM QUARTUM.

### *De Invidia.*

Invidia est tristitia de bono proximi quatenus minuit excellentiam invidis; unde est vitium oppositum charitatis, quæ gaudet de bono proximi. Est igitur genere peccatum mortale, si sit erata circa grave alterius bonum: sit peccatum veniale defectu plenius, prout accidit in imperfectis in motibus; vel ob levitatem mate-

latio. Addo Burghaber *Centur. 1. casu 88.* post Lorca docere, etiam si prædicti committant veram invidiam, eò quod v.g. tristitentur, quia hoc est commodum aliis, & ipsi inde negliguntur & patiuntur, non esse tamen nisi peccatum veniale: quia hoc non est absolute dolere de bono alieno, sed quatenus hoc sibi illum molestum effectum causat. Ac tunc ille Auctor solum vult invidiam esse peccatum mortale, graviterque repugnare Charitati, dum quis ita vehementer bono proximi invidet, de quo eo tristatur, ut ex illo affectu moveatur ad injustè removendum proximi bonum: Sed ego hoc non admitto, quia sic invidia non esset peccatum mortale ex suo genere. Interea

7. Principales filie invidiæ sunt odium, detractio, susurratio, ac gaudium de proximi: quæ omnia etiam sunt talia ex genere suo: ac de iis infra nihil agemus suis in locis; de odio ac odio circa malum proximi *in tract. de 1. de detractio* verò & susurratio: *tract. de jure & just.* Hic solum

8. Nota primò sæpè à penitentibus undi invidiam cum æmulatione; quæ sem est tristitia de alieno bono, non in quia alius bene habet, quod est invidiæ; sed quia ipsemet idem vel simile habet, quod ordinariè non est nisi a venialis: imò plerumque est laudabilis nimirum versetur circa bonum hominis. Æmulatio (prout bene notat Martin.) frequens est inter homines ejusmodi ac professionis: quare dum hi itentur, se fuisse invidios, quòd alii plus vendant, plus proficiant &c. exandandum est à Confessario, an subfist ratio invidiæ, an verò tantum sit æmu-

69. Nota secundò tristitiam de alterius bono, quatenus ex eo times nocumentum tibi vel aliis, vel etiam ipsi possident, ut si v.g. idcò maneat in occasione peccandi; non esse invidiam, sed timorem, qui per se non est malus nisi modum excedat. Item tristitia de bono proximi quatenus ipse indignus est id possidere, non est similiter invidia, sed indignatio, quæ in se etiam non est mala, nisi forè quis inde Dei providentiam arguat; hoc enim esset peccatum mortale blasphemix si deliberatè fieret. Ita Cajet. & alii, quos sequitur Busenb. addens indignationem etiam mortalem esse, si quis per eam se, vel alios inducat ad imitandum malum.

## DUBIUM QUINTUM.

## De Gula, &amp; Jejunio.

## §. I.

Quid Gula, &amp; quæ sit peccatum.

70. **D**ico gula est inordinatus appetitus cibi & potus. Est ordinariè tantum peccatum veniale, licet mortale fiat dum quis ira inordinatè afficitur cibo aut potui, ut mallet potius transgredi præceptum graviter obligans, quam ab iis abstinere; quod est ultimum suum finem in cibo & potu ponere, quodque & faciunt illi, de quibus ait Scriptura *Quorum Deus venter est*. Item adhuc gula mortalis est, dum dirigitur in finem mortaliter malum.

71. Inordinatio in dicto appetitu quinque modis contingit, juxta hunc verbum.

*Præproperè, lautè, nimis, ardentè, studiòse.*

*Præproperè*, id est dum debita hora, non necessitate, sed voluptate prævenitur. *Lautè*, dum quæruntur cibi aut potus valde exquisiti quoad gustum. *Nimis*, quando committitur excessus in quantitate, sumendo plus quam exigit necessitas. *Ardentè*, quando cibis & potus nimis avidè sumuntur non servando debitum modum. *Studiòse*, quando nimis accuratè præparantur cibi, vel condiuntur vina. Hi omnes modi ordinariè non inducunt nisi veniale peccatum; quamvis satis frequenter mortale committi possit per notabilem excessum tertio modo, sive per excessum in quantitate, dum nimirum ille excessus

causat gravem corporis infirmitatem, vel turbationem cerebri.

72. Vitii gulæ, duæ sunt species principales, crapula scilicet, quæ consistit in immoderata sumptione cibi, & ebrietas, quæ in sumptione potus superflui. Quoad primam

Petes fortè, an sit peccatum vesci carne humanà?

73. Respondeo, esse peccatum mortale si fiat abique gravissima necessitate. Ita Cajet. Navar. Less. & cæteri communiter. Ratio est, quia hoc est contra instinctum naturæ id abhorrentis, repugnatque pietati defunctis debita, ut ait, Busenhaus: qui tamen addit, excusandos eos, qui id facerent causâ medicinæ, aliâve justâ causâ, v.g. extremæ famis in obsidione: in qua tamen necessitate constituti sic vitam conservare non tenentur. Ita ille. Addit Diana idem licere in casu, quo quis sub pœna mortis alteri esum carnis humanæ præcipere: quorum omnium ratio reddi potest ex Basilio, quia caro humana mortua, est res inferior, licitumque est eam exponere feris vel avibus dilaniandam, quando vivi ob crimina sunt promeriti; cur ergo homo non posset ex ea sumere in dictis casibus necessitatis? Insuper licitum est secundum Dianam haurire sanguinem humanum ex vena adolescentis detractum ad acquirendum vigorem corpori senili, ac causâ

isâ senectutis prorogandæ, quod medicus inquit, vocant remedium singulare, notatim Marcellus Ficinus. Et sic etiam idam apud Busenb. excusant illos liçtores, qui, ut officium suum melius administrent, haustu sanguinis humani se animare cunctur; præsertim cum sanguis secundo multos non sit animatus.

Petes iterum, an excessus in cibo vel in causans vomitum, sit mortalis?

74. Respondeo communis quod non, tamvis etiam esset prævisus: si quis tamen ex gula sumptos cibos vomeret, ut se: novo ingurgitaret, juxta plures mortales peccaret: & reverâ id involuit ma-

gnam difformitatem contra ipsam naturam, quidquid Burghaber *Centur. 1. casu 64.* velit, illam non esse tantam, ut inducat mortale peccatum, etiam si quis id aliquoties faciat. Tu interim attende diligenter ad circumstantias: si enim id fiat coram aliis, grave scandalum committitur; ac si prædicta ingurgitatio cedat in grave sanitatis detrimentum, ac id potuerit ac debuerit prævideri, mortalis culpa certò incurritur; secus si tantum sit causa doloris capitis absque periculo ulterioris infirmitatis. Ita DD. communiter. Quoad secundam speciem gulæ sit

## S. II.

### De Ebrietate.

5. **E**Brietas dupliciter sumi solet, pro defectu usus rationis inducto ex imio potu, & sic est effectus ebrietatis citius quàm peccatum: & pro ipsa potatione nimia, prout propriè peccatum est, & definiri potest, excessus in potu usque ad privationem usus rationis. Est peccatum mortale si sit voluntaria directè, vel indirectè, ita nimirum bibendo, ut non cunctur sive ebrietas sequatur sive non; vel in potu pergerendo, per quem ebrietas secutura advertitur. Ita DD. communiter: & patet ex Script. *ad Galat. 5. & 1. Cor. 6.* ubi ebrietas dicitur excludere à regno Dei: cujus & rationem bene reddit *Urbanus tract. 1. cap. 45.* quia ebrius voluntariè se privat excellentiori hominis bono secundum ipsius naturam, quod est usus rationis; idque viâ omnino turpi: imò salutudini nocet & familiæ: quod licet fortè aliquando non contingat, id sit per accidens, quod non tollit peccatum. Pro

locis verò, in quibus S. August. D. Thom. & alii in contrarium objici possent, vide Loth. *tract. 18. art. 7.* ubi omnibus satisfaciunt, dicens, suam ac nostram sententiam esse certam, prout modò etiam ab omnibus æstimatur. Adde similiter, peccatum mortale esse, scienter procurare inebriationem alterius; sicut enim seipsum inebrians sibi multum nocet se privando rationis usu, ita notabiliter nocet alteri, qui alterum inebriat: quare qui ad æquales haustus provocat alterum, quem novit debiliorem se in potando, animo eum inebriandi, vel prævidens eum sic inebriandum, mortaliter delinquit, ut docet Wigg. *tract. de temper. cap. 2. dub. 7.* post alios communiter; colligiturque ex D. Thom. 2. 2. q. 150. art. 1. ad 7. Nec excusat hinc bonus affectus aut mos patriæ. Secus tamen dicendum de eo, qui se vel alium inebriat, eò quod non noverit qualitatem aut fortitudinem potus, vel eò quod non advertat

munitur. Nec obstat commune axioma, *qui amat periculum peribit in illo* ; quia in dicto casu non amatur periculum peccati, sed ingens illud bonum, ad quod sine illo periculo perveniri non potest ; unde sperari potest quod Deus majus auxilium impendet per Divinam suam providentiam & misericordiam. Neque refert, quod periculum proximum peccati mortalis (quale in tali casu reperitur in medico, consentiendi nimirum in morosam delectationem & ipsam pollutionem) sit majoris ponderis, quam periculum mortis in femina, cum prius sit grave malum spirituale, posterius tantum corporale : non refert, inquam, quia imprimis tollendo malum corporale feminae tollitur & spirituale, quatenus scilicet. removentur proxima pericula impatientiae, desperationis &c. quae essent si nullus illam vellet curare dum posset. Deinde malum corporale feminae est certum, spirituale autem medici incertum, cum per preparatam gratiam Dei adhuc possit vitari : accedit etiam quod illud, utpote mors corporalis, sit malum irreparabile, hoc vero per poenitentiam reparari possit.

49 Resp. tertio, dum quis dat operam rei illicitae, ex qua solum remote sequitur pollutio, pollutio secuta non est nisi veniale peccatum, si non fuerit intentum ; ut si sequatur ex guloso esu eduliorum nimis calidorum, ex nimio potu, ex eo quod quis nimis petulanter se exerceat in equitatione &c. licet fiat quandoque, vel etiam saepe sibi inde evenire pollutionem, modo absit periculum consensus in eandem : idem dic de secuta ex speciali situ in lecto, quamvis fuerit praevisa. Horum ratio est, quia pollutio ex dictis sequens non censetur nisi imperfecte volita in talibus causis : quod idem etiam juxta aliquos probabiliter dici potest de pollutio-

tione secuta ex causa venialiter tantum mala in materia venerea, ut v.g. ex aspectu nimis curioso foeminae, ex verbis amatoriis cum ipsa habitis, ex nimis affectuoso illius amplexu, licet aliis honesto, &c. debet tamen semper abesse intentio pollutionis & periculum consentiendi in illam securam. Ita Bonacin. Sanch. Henriq. Dian. Sylv. Bassus & alii. Ratio est, quia etiam hujusmodi causae tantum leviter concurrunt ad pollutionem. Ex his omnibus concludi potest, satis probabiliter juxta aliquos, nullum actum habere malitiam mortalem, eo quod sit pollutionis praevisa & non intentae causa, nisi sit in seipso mortalis contra sextum praeceptum non mactaberis : quia soli tales actus censentur notabilis causa pollutionis. Ita tenent auctores statim citati. Videatur P. Mendo in *Statera sua differ. 5. quasi. 2.* ubi accuratè hanc materiam tractat, cum quo non audeo hoc ultimum admittere ; quia cum actus venialiter mali in materia luxuriae, ex se tendant ad delectationem veneream, eam ut proprium effectum respiciant, atque in ipsam influant ; quin alium effectum magis proprium non possint habere, nisi apponatur ex intentione extrinseca illos exercentis, non alià ratione praevideatur in ipsis pollutio, nisi quia est effectus ipsorum : quod fit aliter in pollutione per accidens secuta ex equitatione, & aliis de quibus parum ante.

50. Resp. quarto, qui dedit causam culpabilem pollutioni, & antequam hæc fuerit subsecuta, legitime poenituit causae datae, non peccat dum postea subsequitur pollutio : & si antea fuerit confessus causam datam, non tenebitur postea subsecutam pollutionem confiteri ; quia non conjungitur amplius moraliter cum causa mala, adeoque non est peccatum. Ita Sanch. Henriq. Rodrig. Bass. & alii.

Petes

Petes secundo, an sit unquam licitum derare pollutionem, vel de ea habita dere?

1. Respondeo primo, non esse licitum derare pollutionem, aut de ea habita dere causâ voluptatis, etiam si sine culcidissis; hoc enim esset in illam contere: neque etiam licitum est eam alio desiderare, si ex vi illius desiderii desideratur, aut incitetur ipse desiderans ad habendam; quia tale desiderium esset sa illius. Tamen

2. Resp. secundo, desiderare pollutem simplici affectu causâ alicujus ætus boni ei conjuncti, ut causâ extinguendæ tentationis, aut corporis sanitatis inendæ, non est peccatum: quia tale iderium nec est causâ pollutionis, nec tur in malum, sed in opus per se indiffes relatum in bonum finem; desideretur m pollutio, quæ fiat viâ naturali per isas à natura constitutas sine ulla cooatione libera: quapropter de ea ut sic ta etiam licitum est gaudere; nam quod tē desideratur ut fiat, de eo etiam facto quis gaudet. Ita Dian. Ferna. Bass. Sanch. in sum. lib. 1. cap. 2. num. 17. citans alios viginti duos: quibus adhuc se ponunt Sylv. Laym. Valent. & Sorus; orum ratio est hæc, quia quod licet deare, fas est etiam procurare ut fiat, æm per alios, ajunt; jam autem certum pollutionem procurari non posse. Ven hoc tantum locum habet in iis, quæ ppter se & secundum se desiderare licet, n verò in iis; quæ tantum licitum est iderare causâ alicujus boni effectus intecuturi, ut videre est in casu quo rex tē legitimus administrat Rempublicam m plurimorum ruina: tunc enim affe i simplici desiderare ejus mortem ob bo m commune Reip. aut de ea secuta sic adere, vacat omni culpa; cum tamen

minimè liceat inferre ipsi mortem: & sic de multis aliis.

Petes tertio, quale peccatum sit pollutio voluntaria causata per tactus inter maritum & uxorem?

53. Respondet Diana cum Dieast. illam esse peccatum majus quam inter solutos, utpote præter malitiam peccati contra naturam insuper continens malitiam adulterii tam ex parte viri quam uxoris consentientis, tenerique illos in confessione exprimere utramque circumstantiam adulterii: additque cum Sanchez etiam eos explicare debere illud peccatum esse commissum cum uxore vel marito proprio. Prima pars, quod scilicet sit majus peccatum quam inter solutos, constat ex secunda, quam sic probat; quia neuter conjux servat alteri suum corpus castè, quod ad bonum fidei pertinet, neque enim alter alterius conjux est ad illum actum, sed ad naturalem. Tertiam partem hoc modo probat, quia si diceretur hoc peccatum commissum cum persona conjugata in genere, explicaretur gravis injuria adversus conjugem illius personæ, cum tamen nulla talis interveniat. Hæc & alia habet Dian. part. 1. tract. 8. resol. 36.

Petes quarto, quid dicendum de pollutione nocturna sive in somnis habita?

54. Respondeo, eam secundum se nunquam esse peccatum; quia non est voluntaria: potest tamen esse peccatum, etiam mortale ex causa antecedente, si videlicet hæc posita sit tempore vigiliæ ex intentione habendi pollutionem tempore somni, vel si prævisum fuerit, illam securam ex causa mala in materia luxuriæ voluntariè posita, pro quo vide dicta num. 49. Item ex eo quod quis evigilans in eam consentiat, vel de ea habeat delectationem veneream. Cæterum ordinariè pollutio in somnis habita vel vacat omni culpâ, vel non



est nisi veniale peccatum. Neque tenetur quis eam in somno inceptam absque sua culpa, jam expergefactus impedire si absit periculum consensio in voluptatem, sed potest permittere sanitatis causâ ut natura se exoneret; quia id non est procurare sed pati ut effluat id quod aliâ corruptum sanitatem læderet. Ita post Sanch. docet Bufenbaux.

55. Sodomia, alia species peccati contra naturam, est copula carnalis habita inter homines ejusdem sexus; vel si sit inter homines diversi sexus, in qua non servatur debitum vas. Hæc ultima est tantum sodomia imperfecta, & minus propriè dicta. Multæ & gravissimæ pro hoc vitio sunt statutz pœnz, tam jure civili, quàm ecclesiastico, tam pro sæcularibus, quàm pro clericis: pro quibus vide Sanch. in *sum. lib. 2. cap. 22*. Variatur sodomia specie si exerceatur cum conjugato, consanguineo, si vis adhibeatur, si hæc à persona astricta voto castitatis; unde hæc circumstantiæ sunt in confessione exprimendæ. Adde tamen per sodomiam incestuosam v.g. non incurri pœnas latas contra incestum; quia tales pœnz tantum feruntur contra incestum propriè dictum, qui solum committitur per copulam naturalem. Insuper etiam adverte, juxta quosdam non satis esse dicere, sodomiam exercui, sed necessariò explicandum esse, an fueris agens vel patiens; agens enim pollutionem committit, quam non committit patiens, saltem ut talis. Verum contrarium docet Diana p. 11. *trac. 1. res. 11*. ubi pro se citat septemdecim DD. addens paucos docere oppositum: ratio autem ipsius est, quia agens & patiens concurrunt in sodomia ad idem scelus & ad eandem pollutionem, & copulam per modum unius causæ; sicut enim, inquit, conjugatus & soluta, vel solutus & conjugata peccantes ambo per modum

unius causæ concurrunt ad frangendum matrimonii legem, adeoque eandem speciem adulterii contrahunt, ita agens & patiens sodomita &c. Ita Diana; addens insuper agentem non debere explicare an fuerit pollutus; quia pollutio non addit novam speciem malitiæ suprà copulam sodomiticam, sed est pars copulæ. Hæc omnia sunt retinenda diligenter à Confessariis; quia, utpote saltem probabilia, possunt ipsos juvare, ut se excusent à multis interrogationibus, quæ alioqui in his, & similibus faciendæ essent, & ut plurimum à prenitentibus judicantur fieri ex curiositate. Vide eundem Dian. *ead. p. 11. trac. 3. res. 4*. ubi denuo idem defendit contra Lugo, ac Leand. & Franciscus B. Spec. *sue Noct. dub. 6. append. 4*. etiam expresse docet, in sodomia agere & pati non differre specie: contradicens tamen Dianæ in eo, quod hic velit, agentem non teneri explicare pollutionem eò quod hæc sit pars copulæ; quidquid tamen & ipse cum excuset ab ea explicanda explicare, quia communis actum hunc comitatur. Vide eundem Franc. *de act. hum. disp. 10. num. 126*. ubi addit, pollutionem patiens sodomiam, cum specie à sodomia distinguitur, exprimi debere; nisi dicatur eam sileri, quia etiam ordinariè concomita-

56. Bestialitas est carnalis commixtio cum re animata alterius speciei, ut cum bruto vel dæmone. Species bruti cum quo habita est exprimi non debet, nec item an fuerit bos vel vacca; quia hæc non mutant bestialitatem nisi materialiter. Expri-mendum tamen est an cum bruto an cum diabolo contigerit: quia hoc peccatum cum diabolo perpetratum plerumque superaddit malitiam superstitionis, ac semper irreligiositatis, inquantum est commercium cum Dei & omnium nostrum infe-

estimo inimico : item exprimi debet, demon fuerit sub forma sceminæ, an i, aut sub forma talis conjugatæ vel tamonalis, tux consanguineæ &c. quia re præter bestialitatem additur affectus talem personam. Ita Tambur. post alios. omaximis poenis bestialitatis, vide Aures suprà citatos.

57. Innaturalis concubendi modus de-  
pue, est dum servatur quidem textus de-  
us, & vas debitum, sed immutatur mo-  
à natura determinatus; ut si vir lue-  
nbat &c. Inter conjugatos non est nisi  
catum veniale, quamdiu abest pericu-  
effundendi seminis extra vas debitum;  
turque mulier juxta Sanch. lib. 9. disp.  
num. 3. quoad modum illum viro ac-  
escere, licet ipse eum veniali culpa  
a exigat: quod idem sentit Escob. apud

Dian. p. 1. tract. 1. resol. 41. qui & eorum  
sententiæ subscribit. Adde, si addit aliqua  
necessitas similem modum hic & nunc ex-  
ercendi, nequidem esse veniale illum exi-  
gere: erit tamen mortale si dictum peri-  
culum subfuerit, vel periculum aliud im-  
pediendæ generationis. Per innaturalem  
concubendi modum Tamburinus intelli-  
git sodomiam imperfectam; unde in ipsius  
acceptioe semper est peccatum mortale:  
aut nos sodomiam imperfectam cum cæte-  
ris melius ad sodomiam in genere reduxi-  
mus. Vide circa hæc P. Franc. suprà disp.  
10. num. 96. ubi per plures Appendices  
aggreditur Caram. cujus varias pernicio-  
sas sententias efficaciter improbat. Et  
Append. ult. ponit remedia contra luxu-  
riam.

## §. V.

### De Sacrilegio.

**D**ictis sex luxuriæ speciebus addi-  
tur sacrilegium, quod duobus  
lis committitur: primò dum persona  
ui Divino deputata violatur, ut est re-  
ctus professus, religiosa, constitutus in  
ne sacro, & qui vel quæ votum casti-  
emissit. Ubi adverte, probabiliter non  
explicandam necessariò solemnitate,  
sed sufficere si dicatur, *ego ligatus voto*  
*castitatis peccavi contra castitatem tali pecca-*  
quod & verum est, licet quis duplici  
o sit sacratus, ut quia est religiosus &  
il sacerdos; est enim ejusdem speciei  
ria, cum votum unum, sive simplex sit  
solemne, eandem virtutem religionis  
è respiciat quàm plura; atque hanc  
otiam absolute sustinent Sanch. Dian.  
bur. & alii. Adde secundum eundem

Tamb. post dictum Sanch. in *Decal. lib. 5.*  
*cap. 6 num. 10.* eum, qui ligatus voto ca-  
stitatis inducit alios voto solutos ad pec-  
candum contra castitatem, probabiliter  
non teneri explicare in confessione cir-  
cumstantiam voti, eò quòd hoc non vi-  
deatur se extendere nisi ad obligandum  
voventem ne ipse in persona propria casti-  
tatem violet; hanc enim in se quidem  
servare promissit, non tamen in aliis. Ita  
illi.

59. Alio etiam modo sacrilegium in hæ  
materia committitur dum violatur locus  
sacer; quo nomine venit sola Ecclesia  
cum cæmeterio: si tamen contingeret vi-  
rum & uxorem necessariò diu in templo  
commorari debere, ut se salvent contra  
hostem v.g. tunc per eorum copulam tem-  
plum

plum non violaretur, nec consequenter sacrilegium committeretur; quamvis & tunc consultius sit abstinere, si absit periculum incontinentiæ, vel saltem alia loca, ut turrin, sacristiam &c. ad hoc quærere. Ita DD. communiter; quidquid varii, quos citat & sequitur Dian. p. 1. 1. *tract. 8. resol. 34.* doceant, probabiliter non esse sacrilegium, nec consequenter mortale, si conjuges habeant copulam in Ecclesia, etiam extra casum necessitatis; quia sicut Ecclesia non polluitur nisi per effusionem sanguinis illicitam, ita nec per effusionem seminis licitam: sic illi. An verò per pollutionem voluntariam Ecclesia violetur? Variant Auctores: mihi probabilior est sententia affirmativa, cum tunc fiat vera seminis voluntaria effusio, & quidem illicita; quare eo casu circumstantia loci exprimenda erit, prout & actus erit verum sacrilegium: quod idem absolute dicendum est de eo, qui voluntarie in templo consentit in aliquod opus luxuriæ completum licet opus non sequatur, si ejus voluntas feratur in circumstantiam loci fieri, ut si v. g. esset paratus istam voluntatem exequi in loco sacro si occasio adesset.

60. Cæterum, ut bene Urbanus *tract. 1. cap. 46.* sacrilegium non incurritur contra castitatem per peccata nère interna solius loci sacri ratione habita; quia loci sanctitas, cum jure canonicò tantum violetur, actum externum requirit. Imò Tamburinus (licet contra communioem & probabilioem, ut & ipse fatetur) vult Ecclesiam probabiliter non violari, nec consequenter sacrilegium committi per pollutionem, vel copulam illicitam occultè in Ecclesia habitam, quod & alii probati DD. docent apud Dian. p. 1. 1. *resol. 34. citata*, quibus addo Burghaber *Cenur. 3. casu 58.* atque horum rationes Diana vo-

cat manifestas: subditque publicum in hac re dici, quod vel ipsa confessione rei in judicio; aut evidentiâ facti in multorum notitiam devenit, & est quasi diffamata Ecclesia, & denigrata ejus reverentia: unde si duo aut tres, vel pauci homines scirent pollutionem, aut emissionem seminis in loco sacro admissam, adhuc neque egeret reconciliatione, neque esset speciale sacrilegii peccatum. Hæc omnia Diana: quæ saltem in perplexitate aliquem juvare poterunt; ut dum v. g. solus Parochus novit ejusmodi factum, ipse se huic sententiæ conformare poterit, cum aliàs hæretet perplexus; nam non posset sine turbatione omnino à celebrando abstinere in ea Ecclesia, nec posset curare ut reconcilietur, cum nequeat factum probare; neque etiam securè in ea posset celebrare sicut antea, quia semper dubitabit an hic & nunc sit sufficiens necessitas celebrandi in Ecclesia polluta. Insuper idem Dian. p. 1. 1. *tract. 2. resol. 58.* asserit DD. communiter docere, ad violationem Ecclesiæ non sufficere, quòd in Ecclesia effluat una aut altera gutta seminis, quia hæc non venit nomine effusionis seminis. Insuper *resol. 59.* sustinet cum plurimus, Ecclesiam violatam remanere reconciliatam, & consecratam si aliquis sacerdos in ea consecraverit; ex quo cum Tambur. deducit probabiliter, si sacerdos diceret Missam in calice non consecrato, eum remanere consecratum. Circa Ecclesiæ reconciliationem vide eundem Dianam eadem p. 1. 1. *tract. 8. resol. 23.* ubi inter cætera varios DD. adfert, asserentes, Prælatos Regulares posse per se suas Ecclesias violatas reconciliare. Ex supradictis

61. Colliges, satis probabile esse, Ecclesiam non violari per oscula, tactus, & similia, etiam publicè in Ecclesia habita sine seminis effusione; quæ non sunt ex hoc capite

e sacrilega : si tamen quis ea in loco exerceat cum magna Ecclesiæ irrita, ut si quis meretricem publicè altare impudicè tangeret, si in temascivas comedias repræsentaret &c. tui scelus in sua propria specie comeret, etiam si hoc humanitùs non fo- rohibitum ; nam id esset gravis irre- tia cultui Divino facta, atque adeò summi Dei notabilis injuria. Ita bur.

tes hinc fortè, ad quam speciem iæ reducat abortus voluntarius ? Respondeo, cum reduci ad vitium a naturam : & dico matrem nullo, etiam ad sui conservationem, posse um procurare si proles animata sit : Auctor naturæ sibi soli jus in fœtum avit : si tamen medicina posset con- e ad salutem matris aliâ viâ, quàm ndo abortum, ita ut tantum per ens fortè sit securus abortus, posset : eam sumere directè ex motivo sa- s, saltem si fœtus necdum sit anima- a DD. communiter. Imò licet esset utus, si aliàs de matris sanitate despe- ; quia equidem moriente matre fœ- cessario morietur ; unde ei, potius medicina est favorabilis quàm inju- cum matre sanata possit fœtus su- ere ; quamvis fortè per accidens sit rus abortus. Dicitur autem com- er fœtus animari post quadraginta, aginta quinque, vel quinquaginta nsuper dico, fœminam conjugatam modo posse expellere semen viri st concubium ad vitandas partus lates, ne graventur prolibus &c. nec virginem, aut adulteram ad um suum honorem, nisi sint vi op- ; tunc enim fortè probabiliter id bit immediatè post coitum, ut vult

Sanch. lib. 2. de matrim. disp. 22. num. 13. quia, inquit, in eo casu censetur se de- fendere contra injustum invasorem mor- raliter adhuc invadentem per semen suum. Verum id non nisi valde rarò potest ha- bere locum in adultera, quæ potest per petitionem debiti à suo marito infamiam faciliè evitare.

Petes iterum, an in speciebus luxuriæ possit dari ignorantia invincibilis ?

63. Respondeo, id vix fieri posse apud Christianos in fornicatione, aut aliis spe- ciebus consummatis ; nam sufficienter de his omnibus instruuntur, præsertim hoc nostro ævo, & in his partibus ; ac deinde ipsa recta ratio dicitur, sicut & pudor à natura inditus, quòd oporteat à similibus abstinere. Dico vix, & non omnino ab- solutè ; quia (ut bene notavit Marchan- tius in suis Resol. Pastor.) fortassis aliquis rudis rusticus, dum videt in urbibus pu- blicè meretrices permitti, putansque esse licitum quidquid est permissum, posset ignorare, ad meretricem accedere, esse mortale peccatum, si ea de re nunquam fuerit instructus, maximè ubi videret illud esse adeò commune, ut vix pro peccato reputetur, ut quidam de aliqui- bus locis Italiæ tradunt. Verum quid- quid sit de fornicatione, puto frequen- tius id posse contingere in peccato mol- litiei, seu pollutionis voluntariæ, quam- vis hoc sit peccatum majus fornicatione : quod fortè potuerunt advertere qui diu audiendis confessionibus vacarunt, præ- sertim rusticorum ; & nominatim Mar- chan. testatur se plures rusticos reperisse, qui id nunquam confessi fuerant in sua juventute, aientes se nunquam ea de re sibi conscientiam formasse, nec fuisse in- structos. Additque idem inter conjuga- tos adhuc reperiri, qui existimant, abien- te

re conjuge sibi licitos esse illos contactus, quibus seiplos polluunt. Hæc Marchant. de rusticis; an idem locum habere possit in iis, qui in civitatibus degunt, norunt illi, qui eorum confessionibus, audiendis sæpè implicantur. Interim, si verum sit, quòd prædicti nunquam aliquid audiverint in oppositum, neque aliunde unquam de gravi malitia, quæ inesse posset, dubitarint (in quibus iis fides adhibenda est) non video cur dici nequeant invincibiliter id ignorare: pro ut id absolute dicit Burghaber *Centur. 1. casu 97.* post Arriagam, & alios. Quare posset Confessarius similes non obligare ad reiterandas suas confessiones.

64. Addo tamen securius esse, eos ad id inducere; quia difficile est judicare, an talis ignorantia fuerit omnino invincibilis: unde monentur Pastores, Confessarii, Concionatores & Catechistæ à Marchantio, ut de his rudem plebem pro occasionis opportunitate erudiant: quod tamen eum dexteritate fieri debet, ut colligitur ex statim dicendis. An licitum sit permittere publica lupanaria & meretrices? Commodius dicitur alibi. Hic solum pro horum omnium complemento

65. Adverte ex Urbano *tract. 1. cap. 46.* satius esse Confessorem esse parcum in omnibus dictis vitiis discutiendis; nam nimis immorari in hujus materiz inter-

rogationibus; tam Confessori quàm penitenti periculum creat, ac proinde debet se quàm citissime ab eis expedire interrogando sola necessaria, nec descendendo nimis ad particularia; præsertim eum (ut bene dictus Urban.) satis intelligatur gravitas, & species peccati, quantum necesse est ad Sacramenti essentiam, si dicantur actus præcipui talis peccati. Imò Conink *dispur. 7. de Sacrament. dub. 7. num. 56.* non veretur apponere verba sequentia, *Præstat aliquando sacerdotem minus perfecte peccatum penitentis intelligere, quàm vel illi vel sibi aliquid scandalum creare.* Vide etiam Filliuc. Angel. Homob. & alios citatos à Tamburino. Quare quòd præcedentia peccata ab aliquibus tam minutim sæpè explicantur, & à nobis per plura, quàm alia peccata hic tacta sint, solum est; tum quia frequenter casus non ita obvii & plerumque etiam difficile ex generalibus principiis resolutibiles occurrunt; tum ne continuo cogaris diversos Auctores consulere, quos legendo plùs te videris confundere eorum diversas sententias. Quæ hic desunt circa peccata conjugatorum in *tract. de matrimonio* reperies. Cæterum adhuc unum monent passim Auctores, ne videlicet Confessarii aut alii quicumque unquam in vulgo de his luxuriæ speciebus discurrant, vel mentionem faciant ob rationem statim assignatam.

## DUBIUM QUARTUM.

### De Invidia.

**I**nvidia est tristitia de bono proximi quatenus minuit excellentiam virtutis; unde est virtutum oppositum charitatis, quæ gaudet de bono proximi. Est vero genere peccatum mortale, si sit berata circa grave alterius bonum: sit peccatum veniale defectu plenius, prout accidit in imperfectis in æ moribus; vel ob levitatem mate-

7. Principales filię invidiæ sunt omnia, detractio, susurratio, ac gaudium de bono proximi: quæ omnia etiam sunt talia ex genere suo: ac de iis infra nihil agemus suis in locis; de odio ac odio circa malum proximi in tract. de in. de detractioe verò & susurratioe tract. de iure & iust. Hic solum

8. Nota primò sæpè à penitentibus fundi invidiam cum æmulatione; quædem est tristitia de alieno bono, non enim quia alius bene habet, quod est in a; sed quia ipsemet idem vel simile habet, quod ordinariè non est nisi venialis: imò plerumque est laudabilis, si nimirum versetur circa bonum hominum. Æmulatio (prout bene notat Martin.) frequens est inter homines ejusdem artis ac professionis: quare dum hiscentur, se fuisse invidos, quod alii plus vendant, plus proficiant &c. exa- mandum est à Confessario, an subsit ratio invidiæ, an verò tantum sit æmu-

latio. Addo Burghaber Centur. 1. casu 88. post Lorca docere, etiam si prædicti committant veram invidiam, eò quòd v.g. tristitentur, quia hoc est commodum aliis, & ipsi inde negliguntur & patiuntur, non esse tamen nisi peccatum veniale: quia hoc non est absolute dolere de bono alieno, sed quatenus hoc sibi illum molestum effectum causat. Ac tunc ille Auctor solum vult invidiam esse peccatum mortale, graviterque repugnare Charitati, dum quis ita vehementer bono proximi invidet, de quæ eo tristatur, ut ex illo affectu moveatur ad injustè removendum proximi bonum: Sed ego hoc non admitto, quia sic invidia non esset peccatum mortale ex suo genere. Interea

69. Nota secundò tristitiam de alterius bono, quatenus ex eo times nocumentum tibi vel aliis, vel etiam ipsi possidenti, ut si v. g. idem maneat in occasione peccandi; non esse invidiam, sed timorem, qui per se non est malus nisi modum excedat. Item tristitia de bono proximi quatenus ipse indignus est id possidere, non est similiter invidia, sed indignatio, quæ in se etiam non est mala, nisi forte quis inde Dei providentiam arguat; hoc enim esset peccatum mortale blasphemix si deliberatè fieret. Ita Cajet. & alii, quos sequitur Busemb. addens indignationem etiam mortalem esse, si quis per eam se, vel alios inducat ad imitandum malum.

## DUBIUM QUINTUM.

## De Gula, &amp; Jejunio.

## §. I.

Quid Gula, &amp; quale sit peccatum.

70. **D**ico gula est inordinatus appetitus cibi & potus. Est ordinariè tantùm peccatum veniale, licet mortale fiat dum quis ira inordinate afficitur cibo aut potui, ut mallet potius transgredi præceptum graviter obligans, quàm ab iis abstinere; quod est ultimum suum finem in cibo & potu ponere, quodque & faciunt illi, de quibus ait Scriptura *Quorum Deus venter est*. Item adhuc gula mortalis est, dum dirigitur in finem mortaliter malum.

71. Inordinatio in dicto appetitu quinque modis contingit, juxta hunc versum.

*Præproperè, lautè, nimis, ardentè, studiòse.*

*Præproperè*, id est dum debita hora, non necessitate, sed voluptate prævenitur. *Lautè*, dum quæruntur cibi aut potus valde exquisiti quoad gustum. *Nimis*, quando committitur excessus in quantitate, sumendo plus quàm exigat necessitas. *Ardentè*, quando cibis & potus nimis avidè sumuntur non servando debitum modum. *Studiòse*, quando nimis accuratè præparantur cibi, vel condiuntur vina. Hi omnes modi ordinariè non inducunt nisi veniale peccatum; quamvis satis frequenter mortale committi possit per notabilem excessum tertio modo, sive per excessum in quantitate, dum nimirum ille excessus

causat gravem corporis infirmitatem, vel turbationem cerebri.

72. Vitii gulæ, duæ sunt species principales, crapula scilicet quæ consistit in immoderata sumptione cibi, & ebrietas, quæ in sumptione potus superflui. Quoad primam

Petes fortè, an sit peccatum vesci carne humanà?

73. Respondeo, esse peccatum mortale si fiat absque gravissima necessitate. Ita Cajet. Navar. Less. & cæteri communiter. Ratio est, quia hoc est contra instinctum naturæ id abhorrentis, repugnatque pietati defunctis debita, ut ait, Busenbaux: qui tamen addit, excusandos eos, qui id facerent causâ medicinæ, aliâve justâ causâ, v.g. extremæ famis in obsidione: in qua tamen necessitate constituti sic vitam conservare non tenentur. Ita ille. Addit Diana idem licere in casu, quo quis sub pœna mortis alteri esum carnis humanæ præcipere: quorum omnium ratio reddi potest ex Basilio, quia caro humana mortua, est res inferior, licitumque est eam exponere feris vel avibus dilaniandam, quando vivi ob crimina sunt promeriti; cur ergo homo non posset ex ea sumere in dictis casibus necessitatis? Insuper licitum est secundum Dian. haurire sanguinem humanum ex vena adolescentis detractum ad acquirendum vigorem corpori senili, ac causâ

usâ senectutis prorogandæ, quod medicum, inquit, vocant remedium singulare, nominatim Marsilius Ficinus. Et sic etiam idam apud Bufenb. excusant illos lieto-  
s, qui, ut officium suum melius admini-  
rent, haustu sanguinis humani se animare  
cuntur; præsertim cum sanguis secun-  
um multos non sit animatus.

Petes iterum, an excessus in cibo vel  
potu causans vomitum, sit mortalis?

74. Respondeo communius quod non,  
iamvis etiam esset prævisus: si quis ta-  
en ex gula sumptos cibos vomeret, ut se  
novo ingurgitaret, juxta plures morta-  
er peccaret: & reverà id involuit ma-

gnam difformitatem contra ipsam natu-  
ram, quidquid Burghaber *Centur. 1. casu*  
64. velit, illam non esse tantam, ut inducat  
mortale peccatum, etiamsi quis id aliquo-  
ties faciat. Tu interim attende diligenter  
ad circumstantias: si enim id fiat coram  
aliis, grave scandalum committitur; ac si  
prædicta ingurgitatio cedat in grave sa-  
nitatis detrimentum, ac id potuerit ac de-  
buerit prævideri, mortalis culpa certò in-  
curritur; secus si tantum sit causa doloris  
capitis abique periculo ulterioris infirmi-  
tatis. Ita DD. communiter. Quoad secun-  
dam speciem gulæ sit

## S. II.

### De Ebrietate.

**E**Brietas dupliciter sumi solet, pro  
defectu usus rationis inducto ex  
mio potu, & sic est effectus ebrietatis  
tius quàm peccatum: & pro ipsa pota-  
one nimia, prout propriè peccatum est,  
definiri potest, excessus in potu usque  
privationem usus rationis. Est pecca-  
um mortale si sit voluntaria directè, vel  
directè, ita nimirum bibendo, ut non cu-  
tur sive ebrietas sequatur sive non; vel  
potu pergendo, per quem ebrietas se-  
tura advenitur. Ita DD. communiter:  
patet ex Script. *ad Galat. 5. & 1. Cor. 6.*  
si ebrietas dicitur excludere à regno  
ei: cuius & rationem bene reddit Ur-  
nus *tract. 1. cap. 45.* quia ebrius volun-  
tiè se privat excellentiori hominis bono  
iundum ipsius naturam, quod est usus  
ionis; idque viâ omnino turpi: imò  
letudini nocet & familiæ: quod licet  
re aliquando non contingat, id sit per-  
dens, quod non tollit peccatum. Pro

locis verò, in quibus S. August. D. Thom.  
& alii in contrarium objici possent, vide  
Loth. *tract. 18. art. 7.* ubi omnibus satis-  
facit, dicens, suam ac nostram sententiam  
esse certam, prout modò etiam ab omni-  
bus æstimatur. Adde similiter, peccatum  
mortale esse, sciens procurare inebriatio-  
nem alterius; sicut enim seipsum inebrians  
sibi multum noceat se privando rationis  
usu, ita notabiliter nocet alteri, qui alte-  
rum inebriat: quare qui ad æquales hau-  
stus provocat alterum, quem novit debi-  
liorem se in potando, animo eum inebri-  
andi, vel prævidens eum sic inebriandum,  
mortaliter delinquit, ut docet Wigg. *tract.*  
*de temper. cap. 2. dub. 7.* post alios commu-  
niter; colligiturque ex D. Thom. 2. 2. q.  
150. *art. 1. ad 7.* Nec excusat hic bonus  
affectus aut mos patriæ. Secus tamen di-  
cendum de eo, qui se vel alium inebriat, eò  
quod non noverit qualitatem aut fortitu-  
dinem potus, vel eò quod non advertat



ad potus nimietatem : talis enim , aut non peccat , aut ut summum venialiter : idem est de eo , qui est occasio ebrietatis in eo , quem putabat fortem in potando & revera non est . Quare

76. Nota ex D. Thom. *loc. cit.* immoderatum usum vini , aut cerevisiæ posse contingere tripliciter : primò , ita ut utens nesciat potum esse immoderatum & potentem inebriare ; & sic ebrietas potest accidere sine peccato . Secundò quando quis percipit quidem potum esse immoderatum , non tamen æstimat posse inebriare : & sic potest esse cum peccato veniali . Tertiò dum quis bene advertit potum esse immoderatum & inebriantem , nec tamen vult à potu abstinere ; & tunc ebrietas est mortalis .

Petes primò , an nullà ratione sit licitum se , vel alium inebriare ?

77. Id ita illicitum esse volunt S. Antonin. *p. 2. tit. 6. cap. 3. §. 1.* Angel. & Sylvius. *2. 2. q. 150. art. 2.* ut nequidem velint id licere , dum causà sanitatis id ordinant medici , etiam in absentia alterius remedii . Verùm contrarium quoad hoc puto verius cum Cajetan. Sylvest. Tolet. Layman & aliis , quos citat & sequitur Loth. *loc. cit. art. 8.* qui relinquens medicis disputandum , an verè talis casus sit possibilis , suam sententiam probat hoc modo . Sumptio illa potus , v. g. vini adusti , abundantior , videtur omnino excusanda à peccato ebrietatis , cum actus ille non videatur esse contra virtutem temperantiæ eò quòd non sit potus superfluous aut nimis respectu talis personæ ; congruit enim valetudini & vitæ ipsius conservationi , qui sunt fines proximi sumptionis cibi & potus : quòd autem inde sequatur privatio usus rationis est præter intentionem ; quia , ut suppono , expressè non intenditur ; ac iusta videtur adesse causa exercendi talem actio-

nem tanquam congruam hic & nunc suo fini proprio & proximo . Ita ille . Nec video cur in hoc cuiuspiam scrupulus inhaereat , eum juxta dicta supra , satis communiter nobiscum DD. asserant , sumptionem medicinæ directè tendentis ad sanitatem matris , quæ alià viâ obtineri non potest , excusari à peccato , licet inde sequatur abortus , cum tamen vita foetus sit majus bonum quam usus rationis , præsertim cum hic tantum amittatur ad modicum tempus .

78. An verò similiter licitum sit se ipsum inebriare ad evadendam mortem , quam minatur Tyrannus nisi evacuetur poculum vini fortis , ex cuius sumptione prævidet quis certo se inebriandum ? Assertivè respondet Lessi. cuius sententiam probabilem dicit Diana apud Loth. *ubi supra art. 11.* qui contrariam sententiam à S. August. sustineri clarè demonstrat , quidquid cum conetur Lessius aliter explicare : quique subdit . *Hæc doctrina S. August. in re morali & Christiana auctoritatis irrefragabilis movere debuisse Lessium , ne in eam illam doctrinam sine ulla auctoritate irruisset . Dicis quidem idem secum sentire multos viros doctos in Universitate Lovaniensi consultos ; sed Viggers publicus & ipse in eadem universitate per multos annos professor restatur , illam doctrinam nunquam in scholis Academicis fuisse defensam aut probatam .* Ita ille , addens rationem à priori suæ sententiæ esse ; quia non sunt facienda mala , ut eveniant bona . Neque est hic eadem ratio quæ supra , in quo errat Lessius : quia actus , quò quis se inebriat ad mandatum tyranni ut evadat mortem , est contra temperantiæ , per se minimè conducens ad finem , ad quem sumptio potus est ordinata ; quæ non ideo censi debet licita , quia per accidens servit ad aliquod grave malum corporis evadendum . His tamen non obstan-

bstantibus sententiam Lessii de novo demandit Burghaber *Centur. 3. casu 99.* citans super pro ea Dicastillum de *viri. Card. 1. dub. 3. num. 154.*

79. Adde licitum esse inebriare alium, præbendo potum fortissimum, cujus vi ignoratã decipiatur, si aliàs grande malum non possit impediri : sic v. g. posses inebriare hostes tuos ; qui te captivum detinent, ne te abducant ; vel eos, qui aliàs sent prodituri urbem : quia, cum ipsi in usu posito non peccent, nec tu cooperaris eorum peccato. Ita Sanch. Laym. Bunnb. & alii. Imo Lessius & Villalobos uorum sententiam probabilem judicantiana apud Loth. *art. 12. tract. 18.* docent, dictis casibus etiam licere alios inducere ad ebrietatem voluntariam : quia, inveniunt, licitum est suadere & inducere ad alium minus, ut impediatur majus : ita iam docet Vidal. *sua Arca vitalis Inquis. de præced. char. fol. 46. num. 41.* Negant tamen hoc ultimum Layman, Bulenb. Bonac. & Wigg. quos ultimos citat ac sequitur Loth. *loc. cit.* probans suam sententiam ex Apostolo *ad Rom. 3.* ubi dicit, eorum damnationem justam esse, qui dicunt, *iamus mala, ut eveniant bona* ; ergo nec licitum est inducere aliquem ad aliud peccatum, cujus non habet voluntatem, ut sic omittat aliud quod concepit, quamvis hoc gravius fuerit : videtur enim illa esse ejusdem rationis, *ere malum, ut eveniat bonum, & inducere quem ad peccatum minus, ut non faciat id majus.* Nec dicas cum Lessio & Vidal. non intendi absolute ebrietatem aliorum, sed solum desiderari tale medium, ut impediatur proditio v. g. civitatis, quæ iter vitari non potest : quia licet induis fortè in animo suo spectet præcisè tunc medium ut impeditivum majoris li, revera tamen actio illa ipsius cum

omnibus suis circumstantiis sit, ut absolute alter inducatur in novum peccatum, quod nec actuali nec virtuali voluntate contraxerat : quod semper illicitum est, ut volunt Layman & Bulenb. Ad fundamentum verò Lessii, & aliorum respondet Lothus, illud tantum habere locum, dum aliquis est omnino paratus indifferenter committere plures actus externos malos ; tunc namque licitum erit suadere, ac inducere, ut potius exequatur actum minus malum, & minus proximo nocivum. Sic latroni volenti Petrum occidere licitum est suadere, ut potius eum spoliaret ac dimittat &c. quia in similibus suasionis & inductionis objectum est tantum omisio majoris mali ac minoritas mali alterius, non autem aliquod novum malum ; unde nullo modo per hoc alter inducitur in novam culpam, sicut in casu priori : quidquid P. Mendo in *Statera benignarum opinionum differt. 1. quæst. 18. num. 216.* dicat, peccatum minus, quantumvis longè diversum, & de quo alter non cogitat, contineri eminenter in majori, ac sic nec illud suaderi ut malum novum, sed ut pars malitiæ majoris, si hæc secundum se & in communi inspicitur.

80. Rejicit secundò sententiam dictorum Auctorum Lothus hac ratione ; si mihi sit licitum urgendo æquales haustus alterum inducere ad intemperantiam, & ebrietatem, ut non exequatur malum contra Rempublicam. quod machinatur, licebit etiam mihi illum ducere ad lupanar, & ad libidines concitare, ut voluptatibus carnis quasi absorptus non perficiat malum grande quod meditatur, si illud aliter impedire non possim : quod probat à pari. Quare omnino abstinendum iudico ab illa sententia.

81. Petes secundò, an peccent caupones promendo potum iis, quos inde inebriant.

briandos prævident ?

82. Respondeo affirmativè, si nempe eos jam videant proximos ebrietati, & sine notabili incommodo ipsi petentibus vinum denegare possint, sique eorum ebrietatem impedire. Ratio est, quia tunc censentur consentire in eorum ebrietatem, cum non solum illam non impediunt dum possunt, sed etiam ebrietatis materiam suggerant. Ita DD. communiter; qui tamen adhuc ut plurimum similes excusant, eò quòd hic & nunc nequeant potum recusare similibus sine magnis incommodis: timendæ enim inde essent graves rixæ, convitia, juramenta &c. imò subinde non vellent solvere ea, quæ ex nunc expenderunt, nisi plus promatur: deinde ad alias tabernas postea ituri essent, adeoque peccatum per hoc non impediretur. Quando verò similia verè timentur, non est peccatum eis plus promere quàm ferre possint: quia id tunc censetur fieri involuntariè, & sola res indifferens fieri voluntariè; neque enim ullatenus intenditur ebrietas, sed potus promitur merè ad vitanda incommoda. Ita Marchan. addens idem dicendum esse de iis, qui apponunt cœnam in die jejunii eam petentibus, licet sciant eos non excusari à jejunio, eò quòd eadem incommoda & hic timeantur, & peccatum equidem ab uno negante impediri non possit. Vide circa hæc Loth. *tract. 19. quest. 1. art. 8.* ubi nobiscum sentit. Addo Burghaber *Censur. 1. casu 62.* docere, opificem Catholicum (per se loquendo, si desit scandalum & periculum alicujus majoris mali) posse, non improbabili-ter, peritis & fidelibus famulis hæreticis carnes in quadragesima apponere, si aliàs sint discessuri, & ipse laboribus non sufficiat, nec alios possit habere, quos substituat: quia hoc non est formaliter cooperari peccato, sed solum permittere ad caven-

dum grave incommodum. Ita ille: quidquid Layman merito in hoc contrarium doceat *lib. 2. tract. 3. cap. 13. num. 5.* quia hæc cooperatio est nimis propinqua.

Petes tertio, an mala in ebrietate commissa ebrio imputentur ad peccatum?

83. Respondeo quòd non, si ebrietas sit inculpabilis: si verò sit culpabilis, dico eum Urbano ab Ascensione *tract. 1. cap.*

45. rationem peccati habere omnia ex ebrietate consequentia, quæ per se mala sunt, si prævisa fuerint, vel prævideri potuerint ac debuerint: unde perjuria, blasphemia, rixæ, & similia vel scandalosa vel alteri nociva, sunt peccata ebrio, non quidem in se, sed in causa, in qua censentur volita. Ita Urban. Intellige tamen de iis, qui similia in ebrietate facere solent; quia aliàs ea antea prævidere non potuerunt, adeoque nec sunt voluntaria, cum nihil sit volitum quin præcognitum. Imò secundum Vasquez apud Dian. *p. 3. tract. 6. misc. resol. 52.* multa dicta vel facta ebriorum non reputantur peccata, saltem gravia, quæ alioqui essent, etsi prævideantur, eò quòd in hominum æstimatione non censentur injuriosa, prout sunt dicta, facta, & contumelia, ex quibus non sequitur aliis ullum detrimentum. His addit & alia peccata esse, quæ facta in ebrietate non imputantur, quia debent scienter fieri ut imputentur: hujusmodi, inquit, est peccatum blasphemia, infidelitatis, & perjurii; nam qui non videt vel dubitat esse falsum quòd jurat, perjurus non est. Ita Vasquez. Verùm quoad hoc ultimum, sententiam Urbani omnino tenendam esse existimo, quam tuentur Cajetan. Sanch. Med. & alii apud Dianam citatum: quibus addè Vidal. *inquis. unita de blasphem. fol. 16. num. 27. c. 31.* ac Loth. *tract. cit. art. 12.* Ratio est, quia licet dicta peccata in se non sint voluntaria

luntaria nec scienter facta eo tempore quo fiunt, sunt tamen omnino voluntaria in causa, cum supponantur praevisa. His interim nonobstantibus sententiam Vasquez adhuc propugnant Salas, Sayr. & Tanner. eamque non omnino improbabilem judicare videntur Diana, cum ea, quae ex Vasquez citavimus, & pauca alia subsequenter, dicat mente tenenda esse à Confessariis.

84. An qui ex voluntaria ebrietate praevidet se blasphematurum, vel aliud peccatum commissurum, quod habet annexam censuram aliquam vel poenam, incurrat illam eo ipso quod exterius illud committit? Affirmat Urbanus *loc. cit.* quidquid Vidal id negare videatur de peccato blasphemiae; quod in ebrietate commissum, licet fuerit praevisum, negat esse peccatum reservatum, quamvis alias reservatum esset: postea tamen de *Judice inquisit. 1. fol. 231. num. 41.* docet, ebrietatem, quae sit sua culpa, non excusare à poena imposita alicui peccato, quod ebrius committit; quamvis dicat mitius esse puniendum & extraordinaria poena.

Quæres hic fortè, an, si quis se inebriando tantum venialiter peccaverit, & malum inde secutum sit grave, ut v.g. homicidium, tale malum imputetur ei in culpam mortalem?

85. Respondeo cum Loth. *ubi supra* tale homicidium esse solum veniale: quia in ebrietate commissum non est in seipso voluntarium, cum fiat à carente rationis usu, sed solum est voluntarium in causa, quae est ebrietas: ergo non potest contrahere majorem culpam, quam ipsa causa hinc & nunc habeat, atque adeo quam voluntas illa, à qua illa ebrietas dicitur voluntaria; nam tota culpa est in illa voluntate, & solum per denominationem extrinsecam tribuitur ebrietati ac effectui

secuto; ergo non potest esse major culpa in opere secuto, quam in voluntate antecedente ebrietatem.

Petes quartò, undenam colligi possit, aliquem verè fuisse ebrium?

86. Respondeo cum Urbano *loc. cit.* optimum signum esse, si non recorderetur in crastinum eorum, quae pridie in ebrietate constitutus gesserit; si fecerit ea, quae aliàs nunquam solet facere; ut si juraverit, blasphemaverit, domum turba-verit &c. Si verò recorderetur factorum, & post potum adhuc potuerit discernere inter bonum & malum, non est dicendus verus ebrius, licet pedibus titubaverit, & domus ei verti visa fuerit; sed semi-ebrius secundum Urbanum, ac tantum peccasse venialiter dici debet; quamvis tamen ejus peccatum veniale sit ex gravioribus, ut volunt Lessius, Busenb. & Burghaber *casu 1. strium Centuriarum*; qui ultimus dicit prae dictum non esse *Theologicè* ebrium, licet vulgò denominationem ebrii habeat.

87. Adverte insuper ex Lotho, eos, qui sæpè multum potant, licet ob consuetudinem, aut aliunde rationis usu nunquam integrè destituantur, adhuc posse peccare mortaliter, si nempe inde notabiliter laedant suam naturam, eam fermè quotidie onerantes potu immoderato; quos & Script. *Isaia 5.* condemnat dicens, *et qui potentes estis ad bibendum vinum &c.* Item *Prov. 23.* *Cui va? cujus patris va? cui rixa? cui fovea &c.* Nonne his, qui commorantur in vino, & sudent talibus epotandis? Vix autem in Script. positum passim comminationem damnationis aeternae significat. Adde & similes etiam graviter peccare, quia bona familiarum dissipant, plerumque cum suorum summa miserià. Quare verò vitium ebrietatis in Belgio parvipendatur? Reddit dictus Loth. *tract. 18. art. 9.* quin-

que diversas rationes ; addens propter eas difficile curari : quomodo tamen vitandum & curandum sit, tradit *art. 10.* scilicet. per fugam occasionum , quæ plerumque reperiuntur in convivii & societatibus ebriosorum ; ac per ferventem & frequentem orationem ad Deum pro obtinenda sobrietate. his insuper , qui hoc vitium in consuetudinem duxerunt , dat S. Augusti-

nus *serm. 231.* sequens remedium ; qui, inquit , se de hoc malo desiderat liberare, quomodo sibi intervallo dierum potum addendo, ad ebrietatis tenebras pervenit, ira paulatim subtrahendo, ad sobrietatis lucem redeat. Hæc de ebrietate. Jam, quia alibi, ut dixi supra, melior occasio non occurrit tractandi de jejunio, sit pro eo

### §. III.

#### Quid jejunium, & de primo ad illud requisito.

88. **J** Ejunii nomen juxta Sylvest. Lezan. Vidal, & alios, sumitur à quodam intellino *jejunium* dicto, eò quòd ut plurimum vacuum sit & exinanitum. Est autem jejunium triplex ; naturale, de quo aliquid in *tract. de Sacramentis* ; morale, quod alii jejunii virtutis appellant, quodque consistit in temperantia cibi & potus juxta rectæ rationis judicium, & naturæ exigentiam ; & ecclesiasticum, quod est abstinentia à cibo juxta præscriptum Ecclesiæ, vel probatam in ea consuetudinem. Huic triplici jejunio à DD. communiter per quandam metaphoram additur jejunium spirituale ; quod nihil est aliud, quàm abstinentia à vitiis & peccatis, de quo loquitur Script. *Isaia. 58.* & ad quod hortatur S. Petrus 1. *sua epist. cap. 2.* Verùm nos hîc solum agimus de jejunio ecclesiastico ; quod noster Bacho in 4. *dist. 20. quest. 1. art. 1.* etiam tripliciter dividit, quâ tamen devisione prætermisâ,

89. Observa, tria ad observationem jejunii ecclesiastici requiri ; nempe abstinentiam à quibusdam cibis ; unicam in die refectionem ; & certam hujus refectionis horam. Quoad primum Lezana in *Summa verbo jejunium num. 3.* sic ait. Consistit

primo jejunium in eo, quòd abstinemus à quibusdam cibis, scilicet. carnibus, ovis & lacticiiniis in jejniis quadragesimæ ; in aliis verò diebus jejuniorum jure communi à carnibus quidem necessariò, ovis verò, & lacticiiniis juxta regionis & patriæ consuetudinem. Ratio primæ partis, quæ est de jejniis quadragesimalibus sumitur ex *cap. denique dist. 4.* & ex Synodo Constantinop. in Trullo celebrata *can. 56.* S. Thomâ, Sylvest. & Azo. Ratio secundæ, quæ est de aliis diebus jejunii extra quadragesimam, sumitur etiam ex eodem *cap. denique*, ubi solum pro diebus quadragesimæ exigitur abstinentia à carnibus, ovis & lacticiiniis. S. Thomas, Sylvest. & Azo. relati. Ita Lezana *loc. cit.* Quibus adde (juxta Vasquez, Sanchez, Dian. Portel, & alios, quos citat, & sequitur Vidal de jejunio *Inquisit. 1. fol. 201. num. 45.*) illam consuetudinem, quæ viget in aliquibus locis abstinendi ab ovis, & lacticiiniis in jejniis extra quadragesimam, non obligare in conscientia sub mortali ; potestque quilibet, ad quemcumque locum devenerit, se accommodare consuetudini contrariæ loci illius, sicut & aliis hac in parte consuetudinibus sine ullo scrupulo, prout constat ex Sanctis Hieron.

Hieron. *Epist.* 28. August. *Epist.* 86. Ambr. & D. Thoma. Interea licet Marchantius doceat, non esse mortale, in Belgio comedere laeticinia in quadragesima, etiam in diebus reservatis, ut die cinerum, ultimis feriis septimanæ sanctæ &c. quia hæc transgressio non censetur ibi esse tanti momenti: certum tamen manet, illam consuetudinem in Belgio & ubique absolute obligare: quia ab Alexandro VII. Pontifice maximo nuperime damnata est inter cæteras hæc propositio. *Non est evidens, quod consuetudo non comedendi ova & lacticia in quadragesima obliget.* Unde patet, quod Burghaber *Centur.* 3. *casu* 13. prius ponens paritatem inter obligationem abstinentiæ à pinguedine ex larido & adipe, ac ab ovis & lacticiis etiam in quadragesima, malè doceat sequentia de abstinentia à pinguedine. *Dicimus, hanc consuetudinem non introduci esse absolute & libere animo se obligandi, sed inchoare ex devotione mera: postea verò ex errore creditum, adesse obligationem; quod autem ex errore vim legis habere putatur, eandem non habet, etsi omnes illud observent:* plus enim per hoc asserit, quàm ibi damnamur. Adde insuper, plurimos in Belgio putare, consuetudinem certis diebus quadragesimæ abstinenti à lacticiis, & reliquis diebus jejunii abstinenti à pinguedine absolute, obligare sub mortali, adeoque multi ex illa conscientia (licet fortè erronea quoad hæc; puto enim omnes certò in quadragesima sub mortali debere per se loquendo abstinere ab ovis) mortaliter peccant ea tunc comedendo, ad quòd est bene attendendum. Pro casibus dispensationis, & necessitatis, vide dicenda *infra num.* 95. & 96.

90. Adverte hîc à Lezana nullam factam esse mentionem de abstinentia à potu; quia juxta ipsum & alios communiter post D. Thom. 2. 2. *quæst.* 147. *art.* 6. ad 2.

liquidum non frangit jejunium: quod intellige (inquit idem Lezana *num.* 2. *circa medium*) etiam si vinum sumatur, ut dicitur, in fraudem jejunii, id est ad sedandam stomachi inèdiant & famem: quia lex non attendit intentione observantis sed ipsum actum: cum ergo hic actus scil. vinum bibere, non sit contra præceptum jejunii, intentio illa non faciet ipsum esse contra præceptum. Ita cum Lez. sentiunt Navar. & Sanch. ab ipso citati, & cæteri communiter; quidquid pauci (inter quos est Sylvius) contrarium sustineant. Interim potus lactis, & juris, aut similibus jejunium frangit; quia hujusmodi liquida habent rationem cibi, etiam dum forbentur.

91. An verò potus lymoenade, ipocras & similibus, frangant jejunium? Vide Dian. *pars.* 11. *tract.* 6. *resol.* 54. ubi idem inquit de simili potu dicto chocolata, de quo potu affirmativè respondet Lezana, contrariam sententiam vocans improbabilem: eam tamen ut probabilem admittit Diana, licet antea absolute contrarium sustinuerit: sed fortassis circa hoc placebit alicui responsio Leandri, data sub distinctione; igitur *de præced. Eccle. tract.* 5. *disp.* 5. *quæst.* 5. sic discurret. Si potio chocolatica parum habet admixtum sacchari, amigdalorum, nucum, anizi & aliorum ingredientium, verè ex natura sua non frangit jejunium, quia tunc remanet absolute in ratione potus: si verò talis potio multum habet admixtum materiæ chocolatæ, ita ut quantitate valde excedat aquam, eum qua miscetur, tunc ex natura sua frangit jejunium, quia remanet simpliciter in ratione cibi, si nimirum sumatur in magna quantitate. Hæc Leander: & secundum hanc secundam partem distinctionis ait Diana fuisse locutum Lezanam, postque concordari per illam responsionem pugnantis sententias DD. hæc

in parte. Hinc non video, quomodo Lymoenade possit frangere jejunium si siltatur in hac doctrina, cum semper retineat rationem potus: idem dic, saltem ordinariè, de ipocras: & nota, quòd stando etiam in sententia rigorosa, teste Diana supra, si quis sumeret duas uncias chocolatæ, non frangeret jejunium ratione parvitaris materiæ: ita etiam Murcia, Leander, & alii.

92. Dicitur etiam in definitione jejunii à cibo, inquit Lezana; quia ea, quæ sumuntur per modum medicinæ, etiam si aliàs nutrant, non frangunt jejunium. Ita etiam Navar. Toler. & Vidal: qui dicit, id non solum intelligendum esse de pharmacis curativis, sed etiam de prælævativis, dummodo non sumantur in fraudem jejunii, prout fieret, si quis in magna quantitate, vel sæpius in die electuaria saccharo condita, vulgo conservam, sumeret plusquam necessitas exigat.

Petes primò, an abstinentià à carnibus sit de essentia jejunii ecclesiastici?

93. Respondeo affirmativè. Ita cum D. Thom. 2.2. *quest. 147. art. 8.* sentiunt Azor. Fagon. Bonac. & alii octo, quos citat & sequitur Vidal. supra *sol. 198. num. 11.* idque probatur, tum ex Ecclesiæ institutione ejusque generali, ac perpetua praxi, & consuetudine, tum etiam ex auctoritate, & testimoniis SS. PP. Theodoret, Augustini, Basilii, Chrysostomi, & aliorum apud eundem Vidal: atque hinc apud Dian. supra *resol. 25.* Cajetanus, Llamas, Ledel. Gomez, Toler. & alii bene inferunt, dispensatum in esu carniū censi dispensatum hoc ipsò ad non jejunandum; quod & docet Vidal, ac ipso teste cæteri DD. communiter: quidquid id aliqui absolute negent apud Dianam citati; & aliqui distinguant cum Lezana *loc. cit. num. 11.* qui tamen nostram sententiam probabi-

lem esse fatetur, quam probat Vidal quatuor argumentis, confirmatque ex communi usu, & conceptu hominum statim judicantibus, illum non jejunare, quem vident comedere carnes.

94. Dices, juxta capit. *Cum dilecti de do. & contum.* quando præceptum ecclesiasticum non potest observari quoad totum, servari debet quoad partem, dum potest; ergo non omnis, qui est dispensatus in esu carniū, est necessariò dispensatus in pluribus refectionibus. Respondeo Antecedens solum esse verum, dum materia præcepti est divisibilis, ita ut servando partem, salvetur substantia & forma essentialis actus præcepti; non verò dum materia præcepti est indivisibilis, prout hic contingit; quia non observatà abstinentià à carnibus stare nequit substantia & essentia jejunii, quod hic est actus præceptus; sublatà autem essentià præcepti necessariò etiam tollitur totum præceptum. Neque hinc inferri potest, dispensatum in pluribus refectionibus esse dispensatum in esu carniū; quia non repugnat non jejunare, siue duas refectiones sumere, & à carnibus abstinere ut patet, prout juxta statim dicta repugnat edere carnes & jejunare, si jejunare sumatur propriè prout idem est ac observare jejunium ecclesiasticum, & non improprie ac latè, prout est quædam abstinencia, ac parsimonia in quibuslibet cibis. His

95. Adde primò juxta communem DD. dispensatum ad edenda ova, censi ipso facto etiam dispensatum ad alia lacticia; quia sunt ejusdem rationis, sicque habet praxis Ecclesiæ: unde ubi est consuetudo comedendi ova, etiam licitè lacticia comeduntur; quo nomine veniunt lac, butyrum, caseus &c. An verò illis diebus, quibus hæc licitè comeduntur, liceat etiam comedere laridum? Affirmant apud Loth.

art. 3. *suprà*, Glossa in cap. Presbyter, dist. 28. Hostien. in *summ. rubrica de jejuniis*, Sylvest. verbo *jejunium* num. 16. insinuatque Fagundes: quorum ratio est, quia laridum non videtur esse caro. Verùm in hoc sentio cum Lotho, nimirum esse adhærendum locorum consuetudini; quamvis enim pinguedo in rigore non sit caro, magis tamen ad naturam carnis accedit, quàm ova, vel lacticia. Ita etiam Vivald. Filliuc. Sylvius, & alii apud dictum Lothum: quidquid Gobat in *praxi clement. Judic. Decade 4. num. 282.* testetur, consuetudinem abstinendi à larido in Germania non esse introductam cum intentione se obligandi sub mortali.

96. Adde secundò juxta Vidal, tam agricolas, quàm reliquos pauperes in jejuniis quadragesimæ tutà conscientia posse comedere ova & lacticia, si ratione paupertatis commodè non possint alios cibos concessos habere; quia necessitas non habet legem: atque ipsa Ecclesia approbat ut bonas consuetudines illorum locorum, quibus ob penuriam piscium in quadragesima adhibentur ova & lacticia. Ita ille, idem dicendum esse affirmans datà paritate cum communi DD. ut ait, de cibo carniū, quando nempe non adsunt alii cibi pro nutrienda & conservanda vita: quæ vera sunt licet habeatur panis; tum quia panis non est cibus omnino substantialis ordinatus ad vitæ sustentationem, ad eamque sufficiens; tum quia Ecclesia per præceptum jejunii non intendit tantam, ac tam difficilem abstinenciam: hæc plures DD. apud Pasqual. *decif. 49. num. 2.* extendunt ad irriterantes, dum adveniunt ad illa loca, in quibus non reperiuntur pisces, vel ubi hi non possunt haberi nisi difficulter & magno pretio; tunc enim est moraliter idem, ac si haberi non possent. Ita dictus Pasqual. quem sequitur Vidal

*fol. 205. num. 74.* Cæterum requiritur major necessitas, ut comedantur carnes, quàm ova & lacticia; debetque in his omnibus semper caveri à scandalo. Vide circa hæc Dian. *part. 10. tract. 14. resol. 59.* qui non audet admittere, eum posse carnes comedere, qui per unum solum diem careret aliis cibis præter panem; quem in hoc sequor, nisi forte persona esset delicata & allueta epulari splendide, vel è contra robusta valde & enutrita vilibus escis, ut sunt rustici pauperes, qui vix unquam saturari possunt micis &c. Ita etiam nobiscum sentit Leander.

Petes secundò, an parvitas materiæ in esu carniū die jejunii excuset à mortali?

97. Sententiam affirmativam satis esse probabilem, asserit Busenb. *lib. 3. tract. 6. dub. 1.* ex Bonac. & Tannero; quibuscum ego absolute respondeo affirmativè, atque ita DD. communiter teste Dian. *loc. cit. resol. 22.* Ratio est, quia non est cur in hac materia non æquè ac in aliis id contingat. Verùm difficile est determinare, quænam quantitas carnis hic censeatur materia parva. Respondet Pasqualig. *decif. 42. num. 5. & seqq.* esse circiter dimidiam unciam: sed hanc ejus opinionem nimis laxam esse asserit Leander *de præcept. Eccles. tract. 5. disp. 2. quæst. 12.* & rectè (inquit Dian. *p. 10. suprà*) nam aliàs in die jejunii lubenter sumeret quis mediam carnis unciam cum duabus vel tribus uncis panis in collatione serotina; sicque enim non parùm, sed multùm corpus reficeretur. Rectius itaque Hurtad. & Trüllench asserunt, materiam parvam in hoc casu esse frustulum exiguum, sive particulam minimam carnis. Quibus omnibus

98. Adde, licet ministrari carnes parvulis ante completum septennium diebus jejunii. Ita DD. communiter teste eodem



Diana p. 1. tract. 9. resol. 42. contra Syl-  
vium; qui tamen concedit id licere ubi  
non adest consuetudo in contrarium: sed  
immeritò apponit hanc limitationem; si  
enim parvuli ante septennium non ligen-  
tur legibus (etiam juxta Sancium in tele-  
ctis disp. 41. num. 31. licet aliquis in parti-  
culari ante sit doli capax, si agatur de le-  
gibus positivis, de quibus hic) à fortiori  
non ligantur consuetudinibus, quæ sunt  
leges non scriptæ. Idem circa hoc dicen-  
dum esse de perpetuò amentibus, asserunt  
Sanch. & Fagund. quos loc. cit. sequitur Dia-  
na contra Sancium: vide eundem Dian.  
de novo id agitantem p. 10. tract. 12. resol.  
37. & p. 11. tract. 2. resol. 56. ubi rejicit sen-  
tentiam Marci Serra, quæ contra commu-  
nem omnium, paucissimis exceptis, docet,  
pueros non teneri à carnibus abstinere  
ante annum duodecimum; additque, hanc  
sententiam fuisse correctam in libro Em-  
man. Sa à Magistro S. Palatii. Funda-  
mentum autem Serra erat, quia pueri non  
tenentur ante dictam ætatem ad leges ec-  
clesiasticas; quod universaliter docuit S.  
Antoninus, sed in hoc non audiendus,

quia loquitur contra communem usum  
Ecclesiæ & omnium DD. mentem. Vide  
etiam Gobat in *Alphab. commun. casu 6.*  
num. 129.

99. Petes terriò, quomodò liget præ-  
ceptum abstinentiæ in diebus Rogatio-  
num & similibus. Eam abstinentiam olim  
in Ecclesia Romana usitatam fuisse tradit  
Layman. lib. 4. *Theol. moral. tract. 8. cap. 2.*  
num. 8. & adhuc modò eam in pluribus  
locis, ait, observari, licet non ex præcepto,  
sed consilio. Verùm pro Belgio nostro,  
Respondeo cum Lotho *sue Theol. moral.*  
*tract. 19. quæst. 2. art. 6.* esse abstinendum à  
carnibus, idque sub peccato mortali, vi  
consuetudinis ibi sic introductæ. Sic etiam  
habet pro Belgio in *Tribun. tract. 12. tit. 3.*  
*quæst. 2. resol. 1.* Petrus Marchant. Cæterùm  
abstinentiam à carnibus certis diebus re-  
ctè ab Ecclesia institutam esse, demon-  
strat Lothus *tract. 19. quæst. 1. art. 2.* contra  
hæreticos. Attamen quia Catholicus ac  
Religiosus Joannes Caramuel quærit, an  
sit mortale vesci carnibus die Veneris?  
ei pro modulo satisfacere conemur: Sit  
igitur

## QUÆSTIUNCULA.

*An sit mortale peccatum comedere carnes die Veneris.*

100. Caramuel *Theol. sue fund. par. 1.*  
*fol. 191.* sic discurrit: Petrus vir  
robustus & fortis, & qui piscibus libenter ves-  
citur, se ait in abstinentia à carnibus, quam  
Catholici observant, nullam incommoditatem,  
nullam utilitatem, nullam mortificationem  
sentire: & concludit abstinentiam à carnibus  
erga se esse rem, quæ leviter potest conducere ad  
finem, quem proponit Ecclesia. Cum igitur non  
solum peccet venialiter, qui omittit medium,  
quod ad finem levem ordinatur, sed & ille, qui

medium omittit, quod ad finem gravem leviter  
censetur conducere; si abstinentia à carnibus  
die Veneris leviter conducatur ad finem, quem  
intendit Ecclesia, putat solum obligare venia-  
liter. Confirmat, magis enim necessaria sunt  
jejunia & abstinentia ad vitam monasticam  
& religiosam, quàm ad vitam Christianam:  
at in multis Ordinibus jejunia regularia cre-  
duntur esse res parvi momenti & solummodò  
obligare ad veniale: ergo idem à fortiori de  
ecclesiasticis dicendum. Sic philosophari solet  
Petrus,

*Petrus, at multo durius & exorbitantius Fredericus. Venus è mari oriri dicitur, quod marina omnia sint venerea: ardet luxuria in undis, & in omni conchatum genere evidentiùs, & in omnium piscium genere satis clarè excitatur. Carnes suavioris & purioris nutrimenti nec sunt, nec ita concupiscentiam irritans nec alterant lascivos humores. Ergo finis, quem intendit Ecclesia, cessare videtur contrariè: asl quando finis contrariè cessat, cessat absolurè ipsa lex; ergo nemo comedere pisces tenebitur. Ita Caramuel nomine Petri & Frederici. Ad quæ*

101. Respondeo, argumento Petri plenè satisfieri improbando sententiam docentem, cessante fine legis in particulari cessare ipsam legem similiter in particulari; quam esse tallam ostendemus in *tract. de leg.* Deinde omninò falsum reputo, quod adfertur à Petro, videl. se nullam utilitatem &c. invenire in abstinentia à carnibus; quia, velit nolit, fateri cogitur, eam reprimere carnis concupiscentiam; nam carnes (quidquid ipse fortè pro aliquot vicibus libentiùs pisces comedat) plus nutrimenti adferunt quàm pisces, atque adeò copiosorem materiam nutrimento ultimo superfluum & spirituofam important, quæ in corpore servatur, & ad propagationem speciei ordinatur. Hæc autem materia quantum est abundantior, tantò majus est incitamentum luxuriæ; ut notat Loth *loc. cit. art. 2.* & alii omnes contra Petrum. Ad id verò, quod adferri posset de quibusdam piscibus raris, constabit ex dicendis contra Fredericum.

102. Insuper Arriaga *tract. de leg. disp. 27. sect. 3.* ubi docet, *cessante fine legis in particulari cessare & obligationem legis similiter in particulari*, ad hæc responderi, in præcepto abstinentiæ ac jejunii duos ab Ecclesia intendi fines, nempe præter illum extrinsecum allatum à Caramuele, etiam

honestatem quamdam, videl. imitationem Christi patientis ac jejunantis, cultum alicujus Sancti &c. quam honestatem dicit Arriaga consideratam à legislatore jejunii, huncque eà motum fuisse.

103. Dicit fortè Caramuel in persona Petri, fateor quidem hanc honestatem aliquo modo movisse summum Pontificem, ut legem jejunii aut abstinentiæ ferret, sed adeò leviter, ut ob eam secluso alio fine legem non condidisset. Sed

104. Respondeo, transeat hoc, interim adhuc manifestè appareat, illud objectum (jejunium videl. & abstinentiam) tunc adhuc manere dignissimum ut imperetur; ergo tunc meritò possumus præsumere, inquit Arriaga, de voluntate legislatoris, quæ velit perseverare obligationem suæ legis; imò id debemus præsumere, inquam ego, eò quòd lex permaneat in possessione; juxta ea, quæ habet ipse Caram. *fol. 192. in fine*, ubi dicit, in dubio standum esse omninò pro possessione, quæ erat ante illud dubium; unde si electio Superioris sit dubia, standum erit pro non electione; si autem depositio sit dubia, standum erit pro non depositione. Quod idem est ac si diceretur, si publicatio & acceptatio legis sit dubia, standum erit pro non publicatione; si autem abrogatio sit dubia, quòd hic contingit, standum erit pro non abrogatione. Nec requiritur tanta causa ad continuandam legem, ac ad eam primò condendam, ut ostendo in simili: dum quis de facto amat aliquam rem ob duos fines particulares, erga quam jam multum afficitur, quam tamen nunquam incepisset amare in absentia unius ex istis finibus, licet postea unus finis cesset, facillimè tamen in ejus amore perseverat. Addo & aliud simile magis ad propositum; præcipit Superior Confessario subdito, ut exeat ad invisendum unum ægrum & alterum sanum,

sanum, id minimè præcepturus, si æger non esset invisendus; fertur nuntium, ægrum obiisse, unde cessat hic finis; tamen quia jam præcepit egressum, in præcepto perseverat ob solum finem alium, qui non movisset eum ad præceptum ferendum.

105. Si verò dicat Petrus, ad præceptum de jejuniis & abstinentia non esse morum summum Pontificem à dicta honestate, vel cultu Sanctorum, sed præcisè ne concupiscentia excitetur: præterquàm quòd ostenderimus hunc finem semper perlevere, respondeat mihi cur jejunia & abstinentiæ rectè incidunt, vel in diem Veneris & Sabbathi, in quibus habetur memoria Passionis Christi & Virginis Mariæ, vel in Vigiliis Sanctorum. Deinde si finis dicti præcepti præcisè sit quietatio concupiscentiæ, unde dicitur mortaliter peccare, qui per totum annum diebus Martis & Jovis à carnibus abstinens, illas comedit diebus Veneris & Sabbathi? Qui die Veneris sancto & in Vigilia Paschalis carnes comedit & ab illis abstinet duobus primis festis Paschalibus? An hic non obtinebit finem illum præcepti tam bene quàm cæteri? Vel fortè plus carnes excitant concupiscentiam die Martis & Jovis, quàm Veneris & Sabbathi? Videat igitur Petrus, quis sit finis adæquatus jejunii & abstinentiæ.

106. Accedamus ad confirmationem Petri, cui facilè, meo quidem judiciò, potest satisfieri. Fateor igitur magis necessaria esse jejunia & abstinentias ad vitam monasticam & religiosam, quàm ad Christianam: sed an non etiam magis est ad vitam religiosam necessarium, & plus ad perfectionem conducens, amore duci quàm timore? Non ergo jejunia Religiosis solum obligant ad veniale, quia jejunium res levis est; sed quia legislator co-

rum, vel ipsa Regula non intendit Religiosos ad jejunia Ordinis obligare nisi sub veniali peccato, neque est Regula aliter à Religiosis acceptata. Et hoc mihi manifestum est ex eo, quòd quidam Religiosi ad jejunia sui Ordinis sub mortali obligentur, alii sub veniali tantum, imò & alii sub nulla culpa. Miror hæc à Petro non fuisse considerata.

107. Audiamus insuper Fredericum: *Venus*, inquit, *è mari viri dicitur &c. Ergo nemo comedere pisces tenebitur*. Peto in primis, an qui Fredericò concederet consequentiam, malefaceret, aut quidquam falsi admitteret? Ego certum reputo, & laudabile semper fuit à carnibus simul & piscibus abstinere, præsertim istis extraordinariis, qui plus cæteris concupiscentiam excitant. Respondeamus interim ad præmissas: transeat, Venerem dici è mari oriri, & marina omnia esse venerea, ardere luxuriam in undis &c. Nego tamen finem Ecclesiæ per hæc cessare contrariè: primò, quia cum ex duobus ad Venerem excitantibus (prout sunt carnes & pisces) ad quæ ambo poterat te priùs determinare, unum Ecclesia tibi inhihet, adhuc multum efficit in ordine ad te retrahendum à luxuria, maxime si inhibeat id, quod magis aliò excitat, prout facit. Nec Ecclesia per hoc quemquam cogit ad comedenda ista marina extraordinaria, ad quæ tanquam omninò particularia non attendit, sed ad carnes & pisces in communi, prout intendit omnes in communi suà lege obligare. Sicut ergo Ecclesia non esset dicenda frustrari suo fine, si inhiberet vinum, ne sua membra inebrientur, quamvis permitteret potum cerevisiæ potentis; imò sicut è contra neque id verè dici posset, si in Belgio (ubi usus cerevisiæ est frequens & communis, prout ubique communis est usus carniū) inhiberet cerevisiam potentem

tentem tantum, quamvis aliunde certum sit vinum plus inebriare quam cerevisiam, eo quod inhibendo cerevisiam fortem non compellat ad bibendum vinum, sed ex duobus inebriantibus remouet unum inebrians : ita similiter dicendum est de casu nostro.

108. Deinde nihil refert, quod Venus plus excitetur per conchas ; quia ad has Ecclesia non cogit ut dixi, haeque antea simul cum carnibus sumere licebat ; & illas non inhibuit, quia voluit condere legem generalem, quae prodesset omnibus, & ligaret omnes. Ex his apparet argumentum Frederici esse revera valde durum & exorbitans. Hae latè volui ponere, quia vereor, ne similia falsò deducta, & nulli prorsus fundamento innixa ab aliquibus praedicentur ob apparentiam veritatis, quam primà fronte videntur habere supposità veritate sententiae Dianae, Arriagae, & aliorum, quam nos ostendentes esse falsam, nullam in his difficultatem patimur. Dixi similia nulli prorsus fundamento, etiam apparenti, esse innixa, quod hoc modo clarè ostendo ; ista & similia non

fundantur nisi in auctoritate dictae sententiae (secundum rationem enim huc usque ab omnibus tanquam mera absurda sunt habita : ) dicta autem auctoritas nulla est, quia vel ex ista sententia non sequuntur similia, ut contendunt omnes ejus Auctores : vel si revera sequantur, est improbabilis & absurda sententia, prout illa, quae inde deducuntur, sunt absurda ipsis ejus Auctoribus spontè fatentibus. Atque haec ratio omnino convincit, nihil in praxi tutum esse istorum, quae Caramuel propositivè licita esse probare conatur ex supposita veritate dictae sententiae de cessatione legis cessante ejus fine in particulari : quae omnia non sequi ex illa sententia, potius tenetur Caramuel ostendere quam nos, nili velit absurda esse licita ; nam ipse praedictam sententiam Dianae suam esse dicit *in comment. in regul. D. Bened. num. 50.* eamque (licet male) asserit videri evidentem *par. 1. Theol. fundam. fol. 384.* citatque pro ea alios decem Auctores ; quorum tamen auctoritas nihil conducit ad ea, quae Caram. adfert ex Petro, & Frederico, ut statim ostendimus.

§. IV.

De secundo ad jejunium requisito, quod est refectio unica : & de collatione.

109. **D**E illa sic loquitur Lezana *ubi supra num. 4.* Consistit secundò ritus jejunii ecclesiastici in eo, quod in illo tantum una refectio seu comestio fiat : ita enim Ecclesiae consuetudo obtrinit, esto nullus textus pro eo adferri possit. S. Thomas *supra art. 6.* & Theologi communiter : non tamen propterea tollitur quo minus tamen possit aliquid in parva quantitate ratione officii, ut con-

tingit in pincernis Principum ad faciendam credentiam, vel ratione urbanitatis, ut si aliquis post prandium finitum invitetur ab amico ad modicum cibi gustandum, vel propter aliquas causas similes honestas. Similiter nec tollitur quo minus, si aliquis ob aliquod negotium prandium interruptit, possit absoluto negotio aliquà etiam morà temporis prudentis arbitrio judicandà interjectà, prandium perficere, si

L animo

animo continuandi illud, discessit: talis enim intentio facit quòd duplex illa refectio censetur moraliter una. Cajet. Azor. Layman. Similiter nec tollitur jentaculum seu refectiuncula serotina, vulgò collatio: ita enim consuetudine ferè universalis introductum est. Idem, & alii communiter. Quamvis autem circa quantitatem vel qualitatem cibi, qui edi potest in hac refectiuncula, varietas sit opinionum, & aliquæ tam laxæ, ut verendum sit ne jejunium ecclesiasticum vel omninò de medio tollant, vel rem de solo nomine faciant; ea tamen amplectenda est, ut in hac re attendi debeat ad consuetudinem legitimam inter probos & timoratos regionum: cum enim hæc refectiuncula consuetudine introducta sit, consuetudine etiam (qualis non est ea, quæ reperitur inter parum timoratos, quia hæc potius est corruptela seu abusus) inter probos & timoratos quoad modum mensurari debet. Tolet. Bonac. Credo tamen regulariter non debere in ea excedi in quantitate tres aut quatuor uncias, nec in qualitate posse esse ex alio cibo, quàm ex panis, fructibus, herbis, oleribus: talis enim est usus inter regulares & morigeratos. Hæc verborum Lezan. quæ quia breviter sunt dicta, quoad singula, pauca subjiciam. Quare

110. Addo primò, unicam refectiorem esse de essentia jejunii ecclesiastici, ut cum D. Thoma 2. 2. *quest. 147. art. 6.* docent omnes; atque ita habet Ecclesia universalis consuetudo: quæ sola præscribit unicam refectiorem faciendam esse in die jejunii, ut notavit Lezana: quidquid tamen habeatur quidam textus canonici in *cap. Quadragesima de consecrat. dist. 5.* qui teste Vidal multum suffragatur & juvat ad affirmandum in jejuniis unicam tantum refectiorem esse faciendam. Hinc

videtur posse deduci satis probabiliter, illum non peccare, saltem mortaliter, qui post secundam refectiorem adhibet tertiam & quartam; quia cum post secundam refectiorem jejunii observatio reddita sit impossibilis, & nemo ad impossibile cogi possit, non videtur amplius ligari præcepto jejunii. Ita apud Dian. p. 1. *sect. 9. ref. 44.* DD. communiter, & nominatim quatuordecim quos ipse citat, præter alios plures quos citat & sequitur Fagund. *præcepto 4. lib. 1. cap. 4. num. 5.* Inò idem Dian. *ibi ref. 53.* docet, nequidem peccari venialiter in tertia aut quarta refectiione, pro se citans Sancium & Villal. quamvis nuperinè Lothus cum multis dicat, etiam in tertia & quarta refectiione probabilius peccari mortaliter. Verùm quidquid de hoc sit, omninò mortaliter delinquitur, quoties in die jejunii carnes comeduntur, ut cum omnibus communiter docet Dian. *supra ref. 45.* Ratio sumitur ex mente Ecclesiæ in die jejunii absolute interdicentis carnes, ne unquam scilicet comedantur, seu nulla parte diei: quare cum quoad reliquas diei partes maneat hoc præceptum observatu possibile, licet quis manè v.g. carnes comederit, adhuc pro reliquis diei partibus obligat. Ita quoad hæc omnia etiam docet Urban. *trac. 1. cap. 43. in fine.*

111. Addo secundò, eum, qui rogatus ab amico sumit modicum cibum, non tantum non violare jejunium, sed nequidem venialiter peccare juxta Vidal *sol. 205. num. 86.* qui pro se citat Lezanam, & alios septem. Ratio ipsius est, quia ille cibum non sumitur per modum comestionis, neque ex deliberata intentione comedendi, sed solum urbanitatis causâ in obsequium amici, cui obsequi pertinet ad specialem virtutem. Ita Vidal, addens tamen, id solum esse verum, si sistatur in illa cibi quantitate,

titatē, quæ continetur inter parvitatem materiæ (quæ juxta Dian. p. 10. *trac.* 14. *resol.* 56. circa finem, est quantitas duarum unciarum) siue interim id fiat semel siue pluries. Si verò adsit periculum, inquit, quoddam totius cibis sic sumptus excedet terminos parvitatē materiæ cum prava intentione violandi jejunium, mortale peccatum erit. Ubi adverte cum addere, *cum prava intentione* &c. per quod videtur vellet, eum adhuc non peccaturū, saltem graviter, qui excedit dictam quantitatem si desit prava intentio: quod videtur mihi nimis laxum, & puto contrarium omnino esse verum si adsit advertentia in comedente ad dictum excessum: quia non requiritur sumptio cibi tam ampla ut urbanitati plenè satisfiat. Imò fortè rogatus inter Christianos ut comedat, inurbanitatis notam non incurreret si dicat, *ego hodie jejuno*; præsertim si eo die præceptum ecclesiasticum urgeat.

112. Insuper etiam satis laxa sunt, quæ habet idem Vidal *fol.* 211. *num.* 154. & seq. sicet primum etiam doceant Pasqual. & Diana; nempe posse jejunantem sine gravi culpa, primò manè comedere duas uncias cibi & bibere ad tolerandum facilius jejunium, & postea circa meridiem prandere, & ad vespertas sumere refectiunculam, idque etiam sine veniali culpa si adsit justa causa. Item posse jejunantem sumere extra prandium sine fractione jejunii ad sitim sedandam pomum, vel pyrum, vel mala medica vulgò aranci vel quid simile; quamvis enim hæc sint res comestibiles, attamen non ordinantur principaliter ad nutriendum, sed sumuntur loco potus: ergo sine fractione jejunii, dummodò sint in modica quantitate, si loquamur de pomis, & pyris, & aliis ejusmodi fructibus; at si loquamur de malis massiliis, vulgò limoni, vel de malis medicis

vulgò aranci, & ceteris similibus fructibus, poterunt adhiberi ad sedandam sitim quoties libuerit; quia etsi videantur habere rationem cibi, at, dum conteruntur dentibus, in liquorem resolvuntur, & per modum potus in stomachum transmittuntur. Ita asserit Pasqual. qui doctissime addit (ob eandem scilicet rationem) posse per diem adhiberi uvam recentem etiam in notabili quantitate ad sedandam sitim sine jejunii fractione. Hæc omnia Vidal *loc. cit.* Quibus addendum adhuc erat ex Dian. Villalob. Homobono, & aliis; sine violatione jejunii licitum esse sumere interdium parum cibi ne potus noceat, ut est v. g. exigua portio alicujus electuarii, quinque vel sex amigdalæ saccharo confectæ, vel quid simile, imò & modicum panis, herba &c. quidquid in hoc reclamet Azorius, quem falsi arguunt Laym. & Fagundez; quia (inquiunt) etiam ista per modum medicinæ sumi possunt ne potus noceat: quod & Dian. p. 11. *trac.* 9. *resol.* 24. cum Fagundez ait intelligendum esse toties quoties quis biberit, dummodò id non faciat in fraudem jejunii, sed ne potus noceat. Quantitas verò, quæ sumi potest, ne potus noceat juxta Leand. quæcitatur & sequitur Dian. p. 10. *trac.* 14. *resol.* 59. in fine, est regulariter loquendo infra dimidiam unciam, eò quod hæc quantitas, inquit, videatur necessaria & sufficiens, ut potui in stomacho commixta impediatur ipsius nocuumtum: unde capit Pasqual. quoddam admittat quantitatem infra unam unciam. Verum ego omnibus, qui desiderant integrè & fructuosè ad intentum Ecclesiæ adimplere jejunii præceptum, suadeo, nisi saltem aliqualis adsit necessitas, ut abstinetur a potu, qui solus sine nocuumto sanitatis sumi non potest: tunc enim non nocebit sanitati potus, nec cibis integritati jejunii. Atque

has sententias nullatenus proferendas esse coram sæcularibus existimo: facillè enim iis abuterentur; & puto de facto sub colore *ne potius noceat*, sæpiùs à variis aliqua fumi; ut potius melius sapiat. Deinde Dian. *par. 10. supra resol. 56.* improbat id, quod de uvis recentibus ex Vidal & Pasqual. retulimus, pro se citans Leandrum, cujus probationes adfert in contrarium, quique evertit fundamentum Pasqualigi & Vidal *ibid.* Etiam rejicitur sententia eorundem de pomis & pyris supra, & præcipuè Pasqualigi docentis, licitum esse esum istorum si solus succus degluriatur, & ejiciatur substantia alia habens rationem cibi: quod revera mihi apparet ita speculativum, ut nequeat in praxim deduci, quin continuò aliquid dictæ substantiæ succum ad stomachum descendentem comitetur: videat igitur & legat Dianam, Leandrumque Vidal, & videbit, quàm indocile ipse & Pasqual. superiora docuerint, maxime si advertat ad propositionem nuperimè ut scandalosam damnatam à Sanctissimo Domino Alexandro VII. per expressum Decretum editum die 18. Martii 1656. *In die jejunii; qui sapius modicum quid comedit, etsi notabilem quantitatem in fine comederit, non frangit jejunium.* Certè omnes illæ parvæ quantitates in illam notabilem coalescunt: quia licet fortè illas sumens ab initio non intenderit ad hanc pervenire, illæ tamen quoad nutrimentum & refectionem conjunguntur & retinentur. Nec in proportionatè fit paritas à furante plures parvas materias, qui dum pervenit ad eam, quæ simul cum aliis constituit materiam gravem seu notabilem, peccat graviter in retentione; & de hoc ad casum nostrum paritatem trahit Mendo *in satera benign. opinionum differs. 3. quest. 3. num. 22.* Videatur etiam circa hæc Thomæ ab Amedæo Guimenio *tract. de jejunio prop. 6.*

113. Addo tertio, quoad divisionem refectionis non convenire DD. quænam sit illa mora temporis inter media, post quam quis, qui prandium interrupit ob aliquod negotium, possit eo absoluto prandium perficere. Pasqualigus enim *deris. 12.1. num. 5. & 6.* contendit non frangi jejunium, etiamsi (urgente aliquo negotio) usque ad noctem prandium interrumperetur. Ratio ejus est, quia cum illa interruptio, licet satis longa, non sit voluntaria sed ex necessitate, secunda comestio censetur pars & complementum prioris, quæ imperfecta fuit relicta. Diana verò contrarium sustinet cum aliis pluribus si per longum tempus ad arbitrium boni viri prandium fuerit interruptum; quod & vult Lezana, ut ex ipsius verbis constat: illud autem longum tempus juxta Doctores communis est, si excedat unam horam, vel saltem, secundum aliquos, duas. Verum, meo quidem judicio, neutra ex allatis sententiis potest esse generaliter vera: quare ego ad propositum cum Leandro *de præcept. eccles. tract. 4. disp. 5. quest. 33.* Respondeo sub distinctione; & dico, eum, qui etiam ob justam causam interruptum per amplius, quàm per unam aut duas horas prandium; non posse sine violatione jejunii ad ipsum complendum redire, si aliàs in prima comestione implevit quantitatem cibi sufficientem ad jejunium sine magno incommodo tolerandum; quia in eo casu videtur hoc tempus sufficientissimum ad constituendas duas comestiones distinctas: sic ergo approbo ex parte sententiam Lezanæ & Dianæ, qui ultimus *par. 10. tract. 14. resol. 62.* adhzret sententiæ Leandri. Secus verò puto locum habere sententiam Pasqualigi in casu, quo interruptum, talem sufficientem cibi quantitatem non sumpserit in comestione prima: quod à nullo judico negandum.

Cæterum

Cæterum utroque casu licitum erit iterum accedere ad prandium, si mora temporis interjecta fuerit minor quam unius horæ, vel etiam duarum secundum Leandrum, qui in hoc pro se citat Sancium, Angles, & alios: debet tamen semper adesse intentio perficiendi prandium negotio absoluto; quia hæc est quæ moraliter continuat duas prandii partes, efficitque ut sint unum prandium.

114. Addo denique quoad collationem, rectè quidem à Lezana dici esse servandam consuetudinem timoratorum cuiusque regionis, quod & asserit Urban. tract. 3. cap. 28. circa medium: qui bene addit, etiam quantitatem collationis diversam esse pro diversa necessitate jejunantium, atque quartam partem integræ refectionis non excedere limites iustæ collationis, prout satis communiter, inquit, putant recentiores, modò comedatur solus panis, fructus, aut herbæ coctæ etiam cum oleo vel butyro. At Dian. par. 1. tract. 9. resol. 1. hanc sententiam nimis laxam existimat, licet concedat, licitum esse sumere sex, imò & octo uncias ciborum, asseratque sibi semper summopere placuisse sententiam, quam sustinet Lezan. & Urban. nimirum quoad quantitatem collationis attendendam esse locorum consuetudinem. Sed ego non video quomodo Dian. admittat generaliter licitè sumi in collatione quantitatem octo unciarum, & neget, etiam generaliter, posse sumi quartam partem integræ refectionis: cum plurimi in integra refectioe non excedant, imò non sumant, quantitatem triginta duarum unciarum in solo cibo.

115. Cæterum quamvis aliqui recentiores (inter quos sunt Bonac. Pasqual. Vidal & alii) doceant, in collatione serotina non esse attendendum ad qualitatem ciborum, modò non excedatur in quan-

titate; omnino puto insistendum sententiæ aliorum DD. oppositum docentium, è quibus Dian. loc. cit. citat triginta-unum, simul adferens singulorum verba; qui idem Dian. par. 10. tract. 14. resol. 57. acrius invehitur in Patrem Vidal & Pasqual. permittentes laetitia, & ova in collatione extra quadragesimam: ac resol. 58. seq. Ubi querit, an in collatione sumi possint pisces; sic ait; Hic casus fuit à me sæpius pertractatus; sed quia sæpius oppugnatus, erit etiam sæpius defendendus, ut firma remaneat consuetudo tot sæculorum, & communis DD. sententia: à qua sola consuetudine sumo ego fundamentum meæ, Lezanæ, Urbani, & Dianæ sententiæ; quia sicut solà consuetudine collatio est introducta, ita & regi & moderari debet consuetudine proborum virorum, qui hucusque non solent pisces, & ova apponere. Verum his non obstantibus præter Bonac. & alios ante citatos, Petrus, & Jacobus Marchant. cum Wiggers, quos citat & sequitur Loth. docent non esse curandum de qualitate cibi, qui in collatione sumitur, modò non excedatur in quantitate: quare pupò excedere Dianam, dum hanc sententiam improbabilitatis notā inurit; judicoque contra ipsum, non esse mortale, sed veniale dumtaxat, in collatione parvam quantitatem piscis sumere: imò fortè in aliquibus locis neque erit veniale, si verum est, quod tradit Lothus, nempe in aliquibus locis solitum esse, etiam inter timoratos, aliquid piscis sumere in collatione serotina non excedendo debitam quantitatem. Ubi

116. Adverte primò, juxta Vidal fil. 210. num. 146, non esse mortale peccatum, excedere quantitatem pro collatione supra assignatam ad unam vel duas uncias tantum; quia quantitas ipsius moraliter mensuratur; unde, inquit, censetur non



excedere terminos refectiunculæ si excessus sit in modica quantitate. Atque hoc etiam docent Leand. & Dian. *p. 10. tract. 14. resol. 57. in fine*: quod ex eo deducunt, quia quantitas duarum unciarum est parvitas materiæ excusans à violatione jejunii: quidquid tamen sit peccatum veniale eam sumere.

117. Adverte secundò, juxta Lezan. & Urban. locis citatis, licet sumi ampliorem collationem in Vigilia Nativitatis Domini, sicut & in die Ccenæ Domini, propter consuetudinem: unde Azor. & Dian. *par. 1. tract. 9. resol. 35. volunt*, in Vigilia Nativitatis posse accipi duplo majorem collationem adeoque sedecim uncias juxta aliam sententiam Dianæ. Imò Sanch. apud Loth. *suprà*, dicit, posse sumi ad saturitatem ex fructibus sive conservis, non tamen ex rebus ad cenam deservientibus. Quod dicitur de Vigilia Nativitatis, extendit etiam Vidal *fol. 211. num. 151. cum* Vafq. ad Vigiliis Palchatis & Penteco-

stes, quia, inquit, etiam in illis est jejunium lætitiæ, nam solemnitates festi subsequenti incipiunt in ipsis vigiliis. Verùm quoad has vigiliis standum omnino est consuetudini, quæ est in contrarium. Adde juxta Bufenb. in quibusdam locis plus permitti sæcularibus quàm religiosis, nobilibus quàm plebeis, & in frigidis regionibus quàm in aliis; idque ob consuetudinem: quod cum grano salis accipendum existimo, si nimirum talis consuetudo vigeat inter viros timorata conscientiæ, ac Prælati Ecclesiastici non reclamant.

118. Adverte tertio, secundum Vidal *fol. 211. num. 139*, licet sumi coctam cum juscule totam illam quantitatem cibi, quæ cruda non excederet; quia aqua mixta cibo cocto non auget substantiam cibi in ordine ad nutritionem, sed solum temperat cibi qualitatem in ordine ad facilitatem concoctionem in stomacho. Ita Vidal.

## §. V.

De tertio ad jejunium requisito, quod est certa refectiois hora.

119. **D**E hac Lezan. *verbo jejunium n. 5.* iterum breviter sic ait. Tertio consistit ritus jejunii ecclesiastici in eo, quod illa unica refectio fiat tempore, Ecclesiæ consuetudine, determinatò, scilicet circa meridiem; ita ut aliter sine causa rationabili facientes peccent. Sylvest. Navar. licet autem aliqui dicant hoc peccatum esse mortale; credo tamen non esse nisi veniale. Id certius quod causà rationabili subsistente, puta itineris faciendi, vel alià pià causà, nullum sit peccatum anticipare hoc tempus, quia hoc modo & non alio intellecta est obligatio hujus præcepti. Cajetanus, Navar. & Tolet. Idem di-

cendum si ex rationabili etiam causa, puta studii, itineris &c. collatio serotina fiat manè, & prandium nocte propter eandem rationem, Ita Lezan. & Urban. qui fere eodem utitur loquendi modo. Imò Joannes Sanchius in selectis *disp. 53. n. 2.* dicit, in nequidem esse veniale, licet sine ullà causa fiat; judicatque id perfectius & strictius, eo quod tunc inedia sit productior, & longior corporis afflictio; cujus tamen sententiam rejiciendam esse dicit Diana *p. 11. tract. 3. resol. 9.* quia aliena est ab usu Ecclesiæ: ipse interim etiam aliis inter causas justas dictæ mutationis admittit venationem & piscationem ob solam animi relaxatio-

relaxationem, lufum pilæ post refectiunculam, faciliorem aliorum negotiorum expeditionem, hofpitum dimiffionem vel receptionem &c.

120. Addit fupradictis Urban. etiam non frangere jejunium cum, qui ut legat vel ferviat in refectorio, aliquid fumat; cenfetur enim, inquit, tantum inchoare prandium. Idem dicit Vidal de famulis infervientibus menfæ dominorum, ac comedentibus fragmenta ciborum, quos de menfâ tollunt, dommodò tamen fint prænſuri poſt dominos: additque etiam non violare jejunium illum, qui paulò ante prandium fumat aliquid cibi, etiam in magna quantitate, dummodò ante prandium non interponatur notabile tempus, fed tantum illud quod moraliter cenfetur idem cum tempore prandii, ut eſt per quartam partem horæ aut tertiam ad ſummum: ratio ipſius eſt, quia tunc illa comestio habetur tanquam proxima diſpoſitio ad prandiũ, & veluti inceptio ipſius. Hæc etiam fere omnia fuſtinet noſter Bacho in 4. diſp. 20. q. 1. art. 2. Imò confuetudo eſt in quibuſdam partibus Belgii, quòd horâ undecimâ ſumatur aliquid cibi, differendo prandium ad horam duodecimam: & ſcio varios Confeſſarios ſuper hoc à pœnitentibus conſultos dixiſſe, talem confuetudinem non frangere jejunium.

121. Cæterum Vidal ſol. 206. num. 95. & ſeq. probat, non eſſe de eſſentia jejunii, ut ſervetur hora conſueta reſectionis: unde deducit (quod docent Lezan. Urban. & alii communiter, ut vidimus) non eſſe mortale horam iſtam anticipare; quod & ſatis fuſe probat. Quibus tamen omnibus non obſtantibus, contrarium adhuc ſuſtinet Lothus ſuprà art. 9. quia ſi ſalva jejunii ſubſtantia poteſt hora reſectionis ſolita ad libitum anticipari ad quancumque

horam, evacuetur finis jejunii, ejus difficultas, & carnis mortificatio, ſicque eluderetur præceptum Eccleſiæ: quia quamprimum inciperet homo pati famem, poſſet optimam ſumere reſectionem, & eâ ratione diem ſine difficultate tranſigere. Ita Lothus. Dixerat autem parum ante, conveniunt DD. nullum eſſe peccatum prævenire illam horam reſectionis etiam notabiliter, ſi fiat ex cauſa legitima v. g. quia non vacabit horâ conſueta comedere &c. Sententiam Lothi docent etiam Covar. lib. 4. variat. cap. 2. n. 14. Navar. Sylviuſ & alii. Vide Dian. p. 1. tract. 9. reſol. 27. & 48. ubi Sancius doceret, cum, qui putabat ſe iter facturum & idè manè ſumpſit integram reſectionem, non teneri ampliùs ad jejunium, licèt poſtea ab itinere impediat; quia juxta hanc ſententiam jejunium eſt ipſi redditum impoſſibile & conſequenter etiam obſervatio præcepti illud præcipientis. Vide etiam eundem Dian. p. 10. tract. 14. reſol. 61. ubi in contrarium ſic loquitur; notandum eſt hic obiter, quòd ſi quis inadvertenter cibum ſumeret in die jejunii, jejunium non frangeret, adeoque teneretur illud reliquo tempore diei ſervare: nam illa comestio, vel quia carnum, vel quia pluries facta, licèt ſubſtantia jejunii adverſari videatur, tamen proſuſ eſt involuntaria reſpectu jejunii, nec præceptum videtur ſolvi niſi per actum voluntarium: & ſi caſus acciderit, in praxi ita me gererem, ut ſi comestio ſit æquivalens prandio, eò die non ſumatur niſi reſectiuncula: ſi verò æquipolleat reſectiunculæ, ſumatur tantum prandium; ſi neutri, ob parvitatem, æquivalet, tunc ſumatur prandium & reſectiuncula ſervando formam jejunii. Ita Dian. loc. cit. qui alibi cum omnibus communiter docet reſectionis horam (ſcil. duodecimam) non eſſe ſumendam mathematicè & indiviſibiliter, fed

sed moraliter, quod idem est ac circa duodecimam. Ubi observat Religiosos Regulares gaudere pontificio privilegio,

ut ad unam horam ante meridiem anticipare valeant prandium in diebus jejunii.

## §. VI.

### Quinam ligentur præcepto jejunii Ecclesiastici?

122. **D**ico, præcepto jejunii ecclesiastici obligantur omnes fideles, qui annum vigesimum primum expleverunt, & ad annum sexagesimum aedum pervenerunt.

123. Dixi primum, *qui annum vigesimum primum expleverunt*; quia juxta Lezan. post D. Thom. 2. 2. q. 147. art. 4. ad 3. & alios omnes, ex generali Ecclesie consuetudine communiter recepta habetur, neminem ligari hoc præcepto ante tempus illud: annum autem vigesimum primum debere numerari de momento in momentum, ita ut, si quis eum expleat in die jejunii hora octavâ matutinâ, teneatur reliquâ parte diei jejunare, docet Sanch. de matr. disp. 24. n. 23. & Lezan. Verbo annus n. 9. ac Verbo aetas n. 8. licet contrarium doceant Sanchez & Dian. quos in hoc sequitur Loth. tract. 19. q. 3. art. 4. quia, inquit, præceptum jejunii respicit diem integrum ut indivisuum objectum, adeoque debet vel totum diem comprehendere, vel nullam partem illius.

124. Dixi secundò, *& ad annum sexagesimum aedum pervenerunt*: quia DD. passim excusant senes illo tempore expleto; quidquid Lezan. non velit quoad hoc certum tempus statuere, sed dicat senes excusari à jejunio ecclesiastico, quibus inedia, vel una tantum refectio, notabilem affert virium debilitatem; quod aliis in sexagesimo, aliis & magis regulariter in septuagesimo, aliis, etsi raro, quandoque ultra octuagesimum annum con-

tingit. Ita Lezan. & Bacho in 4. dist. 20. q. 1. art. 2. ubi sic loquitur, pro quanta aetate senectute solui possit jejunium arbitrio boni viri est limitandum potius, quam per aliquam doctrinam generalem. Verum, non est, cur hic tam præcisus simus in assignando anno, quo obligatio hujus præcepti expiret, magis quam in assignando anno, quo hoc præceptum incipiat obligare, cum etiam plurimi jejunare possint anno decimo-septimo, decimo-octavo, vel vigesimo, ut constat ex multorum piorum praxi: & revera nisi in his statueretur tempus certum, multa orirentur dubia & scrupulositates, quare, teste Lotho, omnes DD. conveniunt, communiter & ordinariè excusari sexagenarios. Idem docet Urbanus loc. cit. dicens. Senes sexagenarii ut plurimum, quamquam possint multi esse exempti ante illud tempus, non tenentur ad jejunium; & Lamas testatur Pium V. de hac re interrogatum ita vivâ voce respondisse. Ratio est, quod sanitas senum non sit firma & stabilis, quamvis robusta videatur, sed fallax & incerta, mediaque inter morbum & perfectam sanitatem, cui proinde inedia, vel etiam nimia repletio graviter noceat quare, licet fortè aliquis in particulari ultra annum sexagesimum adhuc robustus appareat, tamen ejus natura frequentioris cibi adminiculo eger, si non ut præsentis, saltem ut futuro ejus statui provideatur. Atque ad hanc excusationem Diana post varios, quos citat p. 1. tract. 3. resol. 9. docet sufficere, si annus

si annus sexagesimus sic inceptus.

125. Nec dicas, senes facillimè jejunium ferunt. secundum Hippocratem *Aphor. 13.* & pauciorè cibo indigent eò quòd sunt frigidiore: ergo potiùs omnes ad jejunium sunt obligandi: nam meritò adhuc exultantur, quia (ut bene Galen. in illum *Aphorif. Hippoc.*) sicut lucernæ prænè extinctæ continuam exigunt olei suffectionem, multam autem & subitam nequeunt simul sustinere; sic senibus oportet dare cibum necessarium, sed paucum, & in multas portiones divisum, nec ulla longa inedia est iis injungenda.

126. Idem est, inquit Loth *loc. cit. art. 5.* de sceminis quinquagenariis, quæ et si ob naturam suam phlegmaticam faciliùs patiantur jejunium quàm viri, & pauciori egeant alimento: at illam cibi paucitatem præ senectute æquali cum viris sexagenariis, ac majori frigiditate, non possunt simul sustinere, sed indigent urin multas dividatur portiones; nec poterunt unicâ comestione cibum necessarium vitæ tuendæ in posterum sumere, ac proinde à jejuniò, quod in unicâ comestione consistit, excusabuntur. Propter hæc fundamenta Sanch. de *matri. lib. 7. disp. 32. num. 17.* judi-

cat, hanc sententiam speculativè probabilem, quamvis non audeat eam consulere in praxi; quia fortassis primus eam discessit: at eam tanquam absolute probabilem sustinent Narbona, Machadus & Pelliz. nec eam audet damnare Dian. p. 9. *tract. 7. respl. 73.*

127. Si verò dicas, sceminæ non tenentur ad jejunium ante annum vigesimum primum, licet citiùs adoleant quàm masculi; ergo etiam licet citiùs senescant, non liberabuntur citiùs à lege jejunii: negat Loth conseq. Ratio disparitatis est, quòd consuetudine ita interpretandi receptum sit, ut lex ecclesiastica neutrum sexum obliget usque ad annum vigesimum primum; non reperiatur autem consuetudo explicans senectutis terminum, ac proinde relinquitur locus disputationi; & assignandi diversas rationes pro utroque sexu, & præfigendi diversum senectutis terminum. Imò etiam Tolet. & Angel. apud Dian. p. 11. *tract. 3. respl. 9.* pro dicto termino in viris constituunt annum quinquagesimum quintum; quos tamen ipse refellit cum Leana dicens, satis laborare DD. ut ostendant sexagenarios viros excusari generaliter.

## §. VII.

### Quinam excusentur à jejuniò.

128. **C**ausæ, excusantes à jejuniò ad tria capita à DD. communiter referuntur; impotentiam, laborem, & pietatem. De quibus Lezan. num. 8. hæc ponit. Excusantur autem à jejunii præcepto, primò infirmi, vel valetudinarii, qui consilio Medici, vel Superioris non possunt absque notabili damno jejunare. Secundò senes, de quibus nos ante. Tertiò pauperes, qui non possunt simul habere unum

prandium sufficiens ad jejunandum pro ea die. Quarto laborantes corporaliter, quibus una tantum refectio sufficiens non est pro supportanda abstinencia jejunii. Quintò laborantes etiam spiritualiter, ut sunt Concionatores in tota quadagesima, continui Confessarii &c. Hæc Lezana: quæ omnium DD. auctoritate sunt nimis vera; sed hæc determinare quando contingant in particulari, hoc opus, hic

M

labor.

labor. Quoad infirmos bene monet Lezana, standum esse consilio Medici vel Superioris in casu quo infirmus dubitat, an reverà excusetur; quòd si & Medicus dubitet, petatur dispensatio ab Episcopo, vel etiam in communibus necessitatibus ab ipso Parocho, quia tam pro jejunii fractione, quàm pro comedendis carnibus, si opus fuerit, creditur Episcopus Parocho hanc dare potestatem ob nimis frequentes necessitates, prout docet Urbanus *supra*. An verò dispensatio sit petenda, dum infirmo constat de sufficientia causæ? Fusè multi disputant: rationabiliter Bacho in 4. *dist.* 20. *quest.* 1. *art.* 2. & D. Thomas 2. 2. *quest.* 147. *art.* 4. monent, ob periculum scandali eam petendam esse, si non constet vicinis de causâ.

Quid si quis sub initium quadragesimæ impetret dispensationem in jejunio quadragesimæ ob morbum, à quo post quindenam integrè sanatur? Eum manere dispensatum etiam reliquâ parte quadragesimæ respondet Burghaber *centur.* 1. *casu* 24. citans Salas. Ratio illius est, quia universim dispensatio semel facta non revocatur, sicut nec lex redit absque voluntate Legislatoris. Verùm ego contrarium iudicio sustinendum cum Sanchez *lib.* 8. *de Matrim.* d. 30. *num.* 4. quia in illa dispensatione debet censeri dispensans sub intellexisse, si causa illa permaneat, ne aliàs dicatur iniquè egisse, dispensando pro reliquo tempore sine ulla causâ. Interviat interim doctrina Burghaber pro casu, quo dubitatur an perfectâ sanitas obventa sit; sicut & pro scrupulosis.

129. Infirmis à jejunio excusatis annumerat Lothus eos, qui tam infirmæ sunt complexionis, ut vacuo stomacho capitis dolorem aut vertiginem patiantur: item & eos, qui nisi cenâ sumptâ dormire nequeunt; atque in his cum ipso sentiunt

Cajetan. Lopez. Fagund. Sylvius & alii, quos ipse citat: quibus jungo Marchan-  
*in rejel. pastor.* p. 2. c. 2. *quest.* 2. Ratio est, quia tales non possunt ferre jejunium nisi cum notabili damno; magnum enim incommodum est ducere noctes insomnes. Si verò dicas Lotho, posse optimè succurri huic incommodo sumendo manè collationem, & refectionem vesperti. Responderet, eos ad hoc non teneri; quia non obligatur aliquis, inquit, ordinem refectionum pervertere, sed turò potest se communi hominum jejunantium consuetudini aptare, ut Sanch. Dian. & alii sentiunt.

130. Quoad pauperes id bene etiam limitat Lezana ad eos, qui nequeunt simul habere unum prandium &c. prout faciunt etiam Bacho & Urban. Ratio est, quia non est undè excusentur alii pauperes, nisi fortè ob præcedentem inedia ita sint debilitati, ut jejunium tollerare non valeant; aliàs enim paupertas ut sic, non excusat à jejunio. Velim tamen hic notari, Pasqualigum in *praxi de jejun.* *decis.* 275. docere, pro congruenti refectione seu prandio non sufficere panem cum fructibus & oleribus in quantavis quantitate, sed requiri cibos majoris nutritionis, ut notant Angles & Sanchez; nam cibi prædicti moraliter censentur incongrui, & insufficientes ad completam sustentationem, eò quòd natura indigeat meliori cibo. Ita ille. Sed quidquid hoc fortè verum sit, si quis per notabilem partem quadragesimæ nihil aliud haberet nisi olera aut herbas cum pane: nullatenus tamen id verum existimo si loquamur de uno aut altero die. Deindè absolute etiam falsum esse iudicio, quod idem Pasqual. *ibid.* docet, videlicet non teneri ad jejunium cum, qui non habet vinum, aut quod solito loco vini adhiberi in regionibus ubi adest

adeſt vini penuria : ratio iplius eſt , quia eò ſubtracō ſubtrahitur magna refocillatio , & quæ plurimum roboris afferat , unde ſubtracō etiam eibō , nimis complexio maceraretur , & jejunium nimis fieret oneroſum. Ita ille idem : ſed falſo , ut dixi , niſi fortè quis in particulari grave damnum incurreret ex eo , quòd per unū aut plures dies non haberet vinum. Ratio mea eſt : quia abſque vino & eo quod loco vini bibitur , poteſt haberi ſufficiens & congrua reſectio quæ prandium vocetur. Vide circa hæc Dian. p. 10 tract. 12. ref. 25. ac tract. 16. ref. 77. circa finem : nec non Leand. tom. 3. de præcept. Eccleſ. tract. 5. diſp. 8. q. 41. ubi in dictam Palqualigi ſententiam invehitur.

131. Ob impotentiam etiam ab omnibus excuſantur à jejunio mulieres prægnantes vel lactantes , quæ , ſi timeatur probabiliter , de periculo ipſarum , fœtus in corpore , vel pueri ad ubera dum jejunant , non ſolùm polluit , ſed & tenentur jejunium ſolvere. Ita Bacho in 4. diſp. 20. q. 1. art. 2. Ubi nota ex Marchan. ſupra , mulierem gravidam , ſi timeat proli ob deſiderium vehemens carniū , non peccare eas comedendo in die jejunii : quia ex ſimili appetitu non faciato ordinariè proles patitur incommodum. Adde inſuper , teſte Buſenb. DD. excuſare uxorem à jejunio , quæ ob maciem vel pallorem nimium non poteſt cum jejunio ſe gratiam reddere marito. Ratio eſt , quia talis ex jejunio notabile patitur detrimentum. Atque id etiam locum habere dicit Loth. in fœmina volente nubere , ſi jejunio deformis efficiatur , & ideo multò diſſeilius nubere valeat , in quo pro ſe citat Lopez & Sanchez. Inſuper Buſenb. Loth. & alii plures excuſant conjugem , quæ cum jejunio non poteſt reddere debitum , eò quòd præceptum juſtitiz de reddendo debito Divi-

num & naturale , præponderet præcepto humano de ſervando jejunio. Ita etiam docent Cajetanus *Verbo jejunium num.* 3. Armil. & Navar. Verum id tantum exiſtimo habere locum dum conjux inde fieret notabiliter impotens ad reddendum debitum , non verò ſi tantum parum debilitetur : nam uterque conjux habet juſ ad opera ſpiritualia , licet per ea aliquantulum minus potens reddatur ad debitum ſolvendum. Ita expreſſè limitat noſter Cornejo tom. 2. tract. 6. diſp. 5. dub. 1. in fine. An autem uxor licitè frangat jejunium ad præceptum ſui viri ? Reſpondeo quòd non , abſolutè loquendo , quia magis obligatur obedire Eccleſiæ quàm marito. Dico *abſolutè loquendo* ; nam ſecus , dicendum foret , ſi aliàs timeret graves diſcordias , eò quòd juxta DD. ſatis communiter præcepta poſitiva non obligent cum gravi ſcandalo : & aliunde amor mutuus inter conjuges videtur præponderare jejunio. Id tamen intellige , niſi vir id præcipiat in contemptum Eccleſiæ vel jejunii , tunc enim juxta à nobis alibi dicta , Sylveſtrum *verbo jejunium quæſt.* 9. & alios communiter , potiùs vita periculo exponenda eſſet.

132. Major difficultas mihi eſt , hac in parte determinare , quinam excuſantur ob laborem ; quia in hoc DD. ſummè diſconveniunt. Aliqui cum Bachone *loc. cit.* ſolùm excuſabant olim eos , qui ex magna neceſſitate exercent opus magni laboris per ſeipſos : verum jam non requiritur tanta neceſſitas , ut infra patebit. Aliqui cum Tolet. l. 6. c. 4. n. 5. nolunt excuſare ſutores , ubi alii excuſant etiam ſartores ; inter quos ſunt Fagun. & Ledef. citati à Dian. p. 1. tract. 9. ref. 8. qui & addunt bartitoſores ; quos tamen unà cum ſartoribus cæteri communiter obligant. Interea certum exiſtimo ex privilegio Eugenii

IV. & ob manifestam rationem, à jejunio excusari figulos, argentarios, textores, camentarios, coriarios, & alios in labore similes : quales meo iudicio sunt sutores, quos excusandos iudico cum sartoribus, si hi multò impentius laborent per magnam partem noctis, uti solent, secus tamen si tantum laborent tam diu quam alii operarii communiter operantur : quare rectè Urban. relinquit prudenti iudicio decidendum an sutores, sartores, & pictores teneantur ad jejunium ? Item an continuæ occupationes famulorum eos excusent ? An quis ob laborem diei præcedentis aut sequentis à jejunio incidente in diem festum excusetur ? Eum excusari, qui ex labore præcedenti lassatus manet, & ad laborem sequentis diei minus aptus redditur, excusat Mendo, addens & sententiam aliorum decem, quos citat, absolute eo die excusantium omnes illos artifices, qui laboriosis operibus incumbunt, esse probabilem. Videatur ille in *statuta sua differt. 8. quæst. 7.*

Puto insuper prudentum iudicio relinquendum esse, quantum itineris requiratur, ut quis eò vel equitando vel pedibus confectio definat obligari ad jejunium : nam alii plus, alii minus itineris aut laboris ejusmodi suscipere possunt sine necessitate solvendi jejunium. Deinde unum iter quatuor leucarum propter montes, & alia incommoda, longè difficilior est altero planò quinque vel sex leucarum. Item idem iter est tempore pluvioso, vel ob ventum contrarium, duplo laboriosius, quam dum aura est serena &c. Unde non videtur hic posse pro regula generali statui tale vel tale spatium itineris. Atque hoc magis adhuc locum habet in equitantibus, vel curru incedentibus : aliqui enim sine ullo labore aut molestia toto die equitant, ubi alii mallent ire pedites, item

aliquis mallet duodecim leucas conficere cum uno equo, quàm sex cum alio &c. Interim his omnibus non obstantibus,

133. Determinat Dian. quantitatem certam itineris pro pedibus & equitantibus *p. 18. tract. 14. res. 2.* ubi sic habet. Iter ad minus duodecim milliariū excusatur à jejunio. Leand. verò sic loquitur. Respondet nec sufficere iter pedestre septem milliariū ad eximendum aliquem à jejunio, ut vult Pasqual. nec esse ad id necessarium iter quindecim aut viginti milliariū, ut Azorio, Bonacinæ & Fagundio placet ; sed sufficere & esse omnino necessarium, præcisè aliis circumstantiis, iter novem milliariū seu trium leucarum, ad tollendam obligationem jejunii : quia ejusmodi iter, absolute loquendo, sufficit & requiritur ad generandam eam lassitudinem corporis, & defectionem spirituum animalium, quæ, ut restaurari possint, necessarium requirit ac petat multiplicem refectionem, quam vetat jejunium. Ità Leander : qui pro equitantibus statuit viginti quatuor, aut triginta milliaria. His jungo verba Marchan. in *resol. pastor. p. 2. c. 5. quæst. 3. in fine*, ubi sic loquitur. Qui pedibus iter agunt majore parte diei, excusantur, puta quinque circiter leucarum nostratum (quæ continent quindecim milliaria Italica, de quibus loquuntur supradicti, unde in hoc convenit Marchan. cum Azor. Bonac. & aliis) : si autem curru vel equo, non excusantur nisi forte equitent pluribus continuis diebus, aut certè extraordinarie longum omnino iter conficiant aliquo die, puta decem vel duodecim leucarum cum gravi labore. Ita Marchan. Hæc Auctorum varietas mihi est in confirmationem meæ & Urbani sententiæ : in quam, velit nolit, incidit Marchan. saltem quoad equitantes : cum enim

enim pro iis determinasset decem vel duodecim leucas, addit, si iter illud cum gravi labore confectum sit. Vide pro equitanti-  
bus specialiter *Dian. p. 11. traët. 2. resol. 57.* Et observa, Italos in sua patria raro incedere pedites, tum ob excessivos calores, tum ob vias montosas & difficiles: & inde fortè facilius à jejuniis excusant eos, qui minus iter pedibus conficiunt, quam Auctores aliarum nationum.

134. Quæsierat *Dian. par. 10. supra*, an sua sententia (& idem est de omnibus aliis) procedat, si iter sit merè voluntarium, & possit differri in diem quo non jejunatur? Respondent plures cum Bachone supra, tunc debere differri itinerationem; quod idem dicerent de labore: sed *Dian.* dicit probabilem esse sententiam oppositam, quam ipso teste defendit *Leand. de præcept. Eccles. traët. 5. disp. 8. q. 98.* cum aliis: ratio est, quia præceptum jejunii non prohibet iter pedestre aut equestre; ergo voluntariè potest suscipi à quocumque, & ab eo non observari jejunium, calu quo labor itineris sit magnus & incompatibilis cum illo. Imò multi apud *Dian. loc. cit. resol. 11.* sustinent probabile esse (quod *Pasqual. in praxi de jejun. decis. 320.* absolute docet) eum, qui in die jejunii dat operam ludopila, venationi &c. ea intentione, ut factus impotens excusetur à jejuniis, non peccare contra legem jejunii, licet vesperti sumat integram refectioem: ratio eorum est, quia talis solum intendit se reddere impotentem ad implendum præceptum, quod est intendere excusationem præcepti: neque intendit infringere præceptum quando est obligatio, sed modum, quo non obligat, querit. Atramen quid-  
quid plures pro hac sententia citet *Dian.* ipse eam fusè refutat adhærens *Azorio* & aliis communiter, qui tanquam certissimum & indubitatum habent, prædictum

verè violare præceptum jejunii: quia qui vult & apponit causam ex qua necessariò sequitur omisio impletionis præcepti seu eventus à præcepto inhibitus, eà intentione, ut talis omisio seu eventus sequatur, directè peccat contra tale præceptum, prout directè intentione tendit contra præceptum, & ex hac intentione applicat causam tanquam medium, ut ejusdem præcepti violatio sequatur, prout facit is, qui projicit Breviarium in mare, ut postea reddatur impotens ad legendas horas. Unde ergo dicendum est, præceptum jejunii, (quamvis absolute non inhibeat lulum pilæ, venationem &c.) obligare, ut à prædictis abstineatur quatenus sunt proximum impedimentum ne observetur præceptum jejunii; vel saltem expressè non intendatur in iis excusatio à jejuniis.

135. Ob pietatem denique excusantur qui dediti sunt operibus jejuniis præstantioribus, vel ex officio, vel ex necessitate; minus enim debet cedere majori. Sic edictis excusantur Concionatores, Quadragesimæ & Confessarii continui, Lectores, & similes si illis non sit possibile jejunare, ut loquitur *Urbanus*: quod tamen dicit frequenter possibile esse, si bene pensetur, cum non ex multis cibis pendeat sanitas aut robur, sed etiam ex temperantia. Unde præstat hoc etiam judicio prudentum relinquere; observando tamen, legem Ecclesiæ non obligare cum valde magna difficultate. Addit *Marchantius*, notandum esse generaliter, eum, qui bonâ fide putat se excusari & idè non jejunat, non peccare, saltem mortaliter: atque idem dicendum ait de collatione majori. Ex his omnibus facile est colligere, quam pauci ad jejunium cogi possent, si omnes vellent laxiores sequi sententias. *P. Hurtad. & Pasqual. apud Dian. p. 11. traët. 4. resol. 12.* excu-



sunt generaliter omnes ministros, qui plurimum occupantur in negotiis publicis, ut sunt Consilarii, Judices magnæ Curia, Senatores, & Regentes alicujus Cancellaria, Præfeti urbium, Duces exercitus, & similes, qui semper negotia difficilia animo revolvunt: verum Dian. dicit quoad hos in particulari, judicium relinquere debere penes prudentem Confessarium; cum enim passim videamus Consiliarios & similes strictè sua jejunia observare, non est cur dicatur, observatio jejunii aut impossibilis, aut nimis molesta ipsis, generaliter loquendo. Et Sanctissimus Dominus Alexander VII. per Decretum editum 18. Martii 1666. inter alias hanc generalem propositionem ut scandalosam damnat. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an la-*

*bor sit incompatibilis cum jejunio. Vide insuper querimoniam sanctæ Abstinentiæ apud Marchant. loc. cit. in append. ubi post varia sic ait, quoniam verò, multorum subire domos abstinentia sancta nequit, sed à palatiis, magnatumque aulis, à divitum & mercatorum ædibus, ab artificum officinis, à pauperum tiguriiis, à cauponum tabernis secedere debet, quò se recipiet? Ad claustra & cœnobìa? Sanè & ibi quandoque protruditur, nisi se recipiat in interiorum Conventum: quia, cum pleraque cœnobìa propter adventantes obligentur ad hospitalitatem, ibi charitas debet præsidere sic amplè & decorè, ut vix det locum abstinentiæ. Hæc & alia Marchant. Sed ut in toto mundo non sit locus, in quem abstinentia sive jejunium se possit recipere, quærit Caramuel Theol. Fundam. tom. 1. fol. 537.*

### *An Religiosi teneantur ad jejunium?*

136. **L**Egis, inquit Caramuel, titulum, *mirarisq; in dubium reduci rem tam claram. Teneri Ecclesiasticos ais & præcipuè Monachos, qui majorem perfectionem professi. At ego te non inculso, sed hunc syllogismum propono. Musici, inquam, à jejunio excusantur. At omnes Religiosi sunt musici, nec in mundo musici, qui plus cantent quam Monachi: ergo Monachi non tenentur jejunare. Quæ ratio idem de cæteris Religiosis evincit. Nulli enim qui non cantent plus quam seculares. Puto quidem consequentiam legitimam, minorem certam, & majorem probò, citando Sancium, Dianamq;. Ille in selectis sic, inquit, cantores conducti ad canendum, sive salarii aut præbendam ad id habentes, possunt non servare jejunium si ad canendum redderentur inhabiles. Et Presbyteris vix in Quadragesima vestis eris causâ vocis conservanda. non enim causâ jejunii asstrictum est aliquis diminutè suum*

*exequi munus &c. Addit Diana par. 1. tract. 9. resol. 11. hoc urgentius procedere in canonicis aula &c. Hæc Caram. subdens: Volo non severè sed sincerè erudiri.*

137. Non ego Caramuelem erudire ausus, necam simpliciter nec severè subdole mentem, conatus pro modulo satisfacere iis, quæ à Caram. adducta sunt. Admitto igitur ea, quæ ex Dian. & aliis Caram. adfert, saltem tanquam probabilia secundum auctoritatem. Nego tamen, inde posse deduci consequentiam quoad Religiosos: cujus inconsequentia rationem reddo; quia Diana (ut ex ipsius verbis à Caramuele citatis, & quæ habet loc. cit. liquet) excusat musicos conductos ad canendum, sive salarii aut præbendam ad id habentes; quia nimirum vocem conservare debent, ut ex ea vivant, & non præcisè ob difficultatem jejunii. Religiosi verò non canunt

canunt pro stipendio; & voce mutatâ aut ingrâtâ reddita, imò eâ fractâ æquè bene iis providebitur: musici verò (qui ordinariè nullam callent artem aliam quàm canendi) voce turbatâ à statu & conditione sua turbantur. Deinde Religiosus, qui est pars communitatis, si quandoque ob jejunium cantare in choro nequeat, commodè ad tempus submissè canere potest, aliis officio satisfaciendis, quod gratius erit Superiori, quàm ut die jejunii jentet aut cœnet. Quod non habet locum in musico, qui non ut pars communitatis sed ut persona privata considerari debet, quique continuò cogitur prosequi suam partem. Quòd verò diei possit, sic omnes Religiosos ob jejunium posse reddi inhabiles ad munus chori, locum non habet, cum hucusque sententia de obligatione jejunii quoad Religiosos fuerit practicata nec id unquam legatur factum, unde casus est metaphysicus, qui nullum excusat ab impletionem præcepti. Et licet fortè aliquis vel aliqui in certo monasterio sint choro absolutè necessarij ob paucitatem aut incapacitatem aliorum, illique ob vocis crassitiem, vel aliunde habeant valde magnam difficultatem in sustinendo choro, & idcirco possint vel debeant à jejunio excusari. An idem quæstio sub his terminis erat proponenda, *An Religiosi teneantur ad jejunium?* Sare miror Caramelem dicere, se non velle hic severè erudiri, cum longè severiores in seipsos sint Religiosi quàm cæteri DD. ipsos ad jejunium ecclesiasticum obligantes; nam ultra hanc obligationem ipsi seipsos voto ad plura jejunia obligantur, etiam stante quotidiano cantu, dum videl. votum obedientiæ juxta Regulam emisérunt, quæ Regula, ipsis minimè ignorantibus, obligat ad diu noctuque in choro canendum, & tamen simul imponit præter jejunia Ec-

clesiæ longè plura, quæ in Ordine, quem ingrediuntur, inviolabiliter observantur: at quis Religiosos in seipsos nimis severos hac in parte dixerit? Cæterum supradicti Auctores solum excusant cantores à jejunio, quando aliter ad canendum redderentur inhabiles, quod meo quidem judicio rarissimè contingit; quia ad vocem conservandam, & difficultatem cantus superandam videtur sufficere potus; cui, fortè propterea, cantores plus addictos esse constat quàm cibo; potum autem sumere possunt absque violatione jejunii. Vide circa hoc noviter Dian. p. 11. tract. 1. resol. 4. & pone hanc sinceram nec severam resolutionem: *Neque musici passim à jejunio excusantur; neque regulares, qui in choro cantant, passim ad jejunium obligantur: sed horum uti illorum sub jejunio, debilitatis, incommodi &c. gravitas aut levitas attendi debet.* Ita Franc. B. Spei *Sue Noctus dub. 24. res. 5.* Pro complemento hujus materiæ, Petes an parens teneatur compellere filios ad jejunandum: idem est de Domino respectu famulorum?

138. Respondeo quòd non; quamvis enim lege charitatis teneantur subditos monere, & inducere ad observandum jejunium, non tamen cogere, cum hoc nimis durum & rigorosum foret. Ita docent Vegha, Filliuc. Rodrig. Homob. Azor. Navar. & alij quos citat & sequitur Dian. p. 1. tract. 9. resol. 28. contra Ledelma. Imò juxta Vegham & Rodrig. potest Dominus apponere cenam famulis non excusatis à jejunio, si aliàs cum avarum deprædicarent: ex quo deducitur idem ob eandem rationem posse fieri ab eo cui alter in die jejunii defert summam pecuniæ debitam, maxime si aliàs times, ne amplius frequenter tuam olseinam v. g. difficilius aliis annis solvat decursus ejusdem census &c. Tandem

139. Adverte me in hoc dubio quoad jejunium multas insinuasſe ſententias probabiles, & multas etiam quas improbabiles reputabam; non ut in praxim facile reducantur, ſed ut Confeſſarii eas ab aliquibus defendi ſciant; per quod

non raro à variis anxietatibus poterunt ſe extricare circa aliquos pœnitentes difficiles, circa quos, ut docet Mareb. ſufficit quandoque uti DD. opinione probabili, ita diſtante prudentiâ.

## DUBIUM SEXTUM.

### De Ira.

140. **I**Ra eſt appetitus inordinatus vindictæ. Dico *inordinatus*, quia ſi ordinatus ſit, non eſt peccatum; ut dum parens culpis filiorum, vel Superior erratis ſubditorum irafcitur, eoſque punit, ſive vindicat moderatè; quibus competit illud *Pſalm. 4. Irſcimini & nolite peccare.* Potest verò inordinatio in dicto appetitu ſecundùm D. Thomam contingere dupliciter. Primò ex parte modi irascenti, ſi nempe interiùs nimium quis inardeſcat, aut exteriùs patefaciat ſe magis iracundum quàm ratio hîc & nunc exigat. Secundò ex parte objecti, ſi videl. quis appetat vindictam injuſtam; vel majorem quàm factum iniquum mereatur; vel propriâ auctoritate contra juris ordinem infligendam; vel denique non ex zelo juſtitia, ſed ad ſedandam animi ſui malevolentiam, aut ex odio & mera vindicta.

141. Inordinatio primo modo ſecundùm ſe ſolam inducit culpam venialem; mortalem tamen quandoque ex accidente, ſi nimirum detur occaſio gravis ſcandalî, prout ſæpè poteſt fieri in ira Eccleſiaſticorum; vel ſi addatur maledictio, aut blaſphemia. Hinc pater illud *Matth. 5. Omnis qui irſcitur fratri ſuo, reus eris iudicio*, non eſſe intelligendum de omni ira.

142. Inordinatio ſecundo modo, ſive

ex parte objecti, cauſat peccatum mortale ex genere ſuo; quia per eam committitur gravis injuria in Dominum Deum dicentem, *Mihi vindicta & ego retribuam*; item & in proximum, cum appetatur ipſi inferri grave damnum vel injuſtè, vel viâ indebitâ. Dixi *ex genere ſuo*, quia ex accidente poteſt id ſæpè à mortali excuſari: ut quando prævenit perfectum uſum rationis, vel vindicta, quæ inordinatè appetitur, eſt levis &c. Sic ira puerorum ſefe percutientium ſine intentione gravis læſionis, eſt venialis tantùm.

143. Ex ira vitio capitali tanquam filiaſcuntur indignatio & tumor mentis, quæ in corde perſciciuntur: clamor, blaſphemia, contumelia, & maledictio, quæ ore fiunt: ac rixæ, pugnæ, & ſeditiones, quæ opere externo committuntur. De quibus omnibus, & ſingulis pauca ſubiiciemus.

144. Indignatio eſt, quando quis non vult alium videre, aut cum eo converſari eò quòd eum reputet ad hoc indignum. Communiter eſt tantùm venialis, niſi vel fiat cum magno ſcandalo, vel creſcat in notabilem contemptum, vel grave odium talis perſonæ: imò ſæpè quis alteri indignari poteſt ſine ulla culpa, ſi nimirum id fiat juſta de cauſa, ut v.g. cauſâ correctionis, vel ne ipſe indignans labatur in peccatum

peccatum ob exemplum & malam conversationem alterius, &c.

145. Tumor mentis est, dum quis excogitat diversos modos, quibus se possit melius vindicare. Est mortalis, vel venialis secundum gravitatem, vel levitatem vindictæ, quæ intenditur.

146. Clamor hîc dicitur, dum quis, inordinatè & confusè loquendo, iram suam demonstrat. Est solum peccatum veniale, si absit periculum gravis scandalii.

147. Blasphemia committitur, quando proferuntur verba contra Deum aut Sanctos ipsius, vel dum exercentur signa, quæ ad inhonorationem, vel vilipensionem Dei tendunt; vel etiam si quis sola mente id faciat. Hoc peccatum valde grave est: neque à mortali hîc excusat levitas materiæ, si blasphemiat tendit in Deum; quia tunc gravis semper fit injuria Deo, cui summus honor strictissimo jure debetur: si tamen tendat in Sanctos, multi teste Busenb. levitatem materiæ in ea admittunt. Ut verò dignoscatur, an & quando indeliberatio ac surreptio blasphemantem à mortali culpa excuset: distingue duplicem modum, quo blasphemia fieri potest. Primò, dum quis non advertit id, quod dicit vel facit, esse blasphemiam; ut dum aliquis subitò ex vehementi passione proferat verba blasphemiam, non considerando eorum significationem: & hæc indeliberatio à mortali excusat. Secundò, dum quis advertit esse blasphemiam considerans signa verborum, sed tamen ea ex passione antecedente completam omnino deliberationem

proferat: atque hæc à mortali non excusat blasphemantem; sicut nec à mortali excusatur, qui ex subito motu iræ alterum occidit, eo quòd gravitas rei eum cogat ad deliberationem, eo ipso quòd advertit ad id, quod facit. Ita docet Fab. Incarn. post D. Thom. 2, 2. q. 13. art. 1. Cæterum si quis iratus in hominem, non indignando Deo, sed soli homini, proferat mortem Dei, septem Sacramenta, vulnera, sanguinem Christi, &c. non committit blasphemiam, sed solum inanem usum Divini nominis; qui est grave peccatum veniale, & sæpè etiam mortale, vel propter periculum incidendi in blasphemias, vel propter periculum gravis scandalii: unde tenetur quisque consuetudinem proferendi similia verba tollere quantum potest, quia apud audientes Deus ejusque Sacramenta verè inhonorantur. Adde, blasphemiam in Deum probabilius differre specie à blasphemia in Sanctos, quare id erit in confessione explicandum. An blasphemet qui dicit: *Hoc est tam verum, quam Deum existere*, &c. habet tract. 4. disp. 12. num. 105.

148. Contumelia est, qua quis alteri objicit, quod est contra ejus honorem. Est mortalis ex suo genere: venialis, si materia sit levis; imo etiam nullum peccatum, si fiat v. g. à Superiore causa correctionis aut humiliationis: in quo tamen requiritur discretio, ne subditus aliàs plus inhonoretur quàm mereatur, vel quàm hîc & nunc expediat. Potest contumelia etiam exerceri perfecta; ut si quis alterius effigiem conculet, cornua ad januam alterius appendat, vel aliquid repræ-

repræsentet læsivum alterius honoris, vel inducens ejus confusionem: quæ si gravis fuerit, vel saltem ob eam alter multum contristetur, idque fuerit prævisum, erit peccatum mortale juxta Bonac & alios: atque honor sic ablatus restituendus est, vel per amicam, ac honorificam salutationem; per invitationem ad prandium, vel per rogationem veniæ, etiam subinde genibus flexis & coram testibus (ut volunt Lugo & Busenb.) prout læsio fuerit gravis.

149. Maledictio est, qua quis optat, vel imprecatur alteri malum. Est mortalis, si fiat deliberatè circa grave alterius malum sub ratione mali: si verò solum oretenus fiat absque desiderio executionis, nec respectu personæ sit graviter contumeliosa, tantum est peccatum veniale: ac sic plerumque parentes maledicunt filiis. Item, dum quis maledicit dei, in qua natus est, in qua junctus est matrimonio, &c. solum intendens maledicere creaturæ irrationali, censetur etiam tantum venialiter peccare; mortaliter tamen peccaturus, si per hoc intendat maledicere sibi, vel aliis personis ista die natis, matrimonio junctis, &c. Similiter maledicere brutis, ut bruta sunt, à mortali excusatur, eò quòd res vana exoptetur, cum rei carenti usurationis bonum aut malum secundum se sumptum non conveniat. Ita Eschob. cum communi: si verò quis imprecetur malum brutis propter damnum quod inde redundat in proximum, erit peccatum grave vel leve juxta gravitatem vel levitatem materiæ desideratæ. Cæterum imprecari

alteri malum sub ratione boni, id est, ut inde bonum proveniat, nullum est peccatum, ut v.g. imprecari adolescenti infirmitatem, ut à peccatis desistat. Ita DD. communiter: limita tamen, modò bonum, sub cuius ratione alteri optatur malum, sit majoris, vel saltem æquè magni momenti, quàm malum ipsum, quod optatur: indubiè enim peccaret, qui optaret, vel imprecaretur alteri mortem, vel gravem infirmitatem, ut sic reddatur impotens ad vexandum optantem vel alium in re levì v.g. quale peccatum sit sibi ipsi mortem imprecari, ad evadendas alias difficultates? habes *tract. 3. disp. 3. n. 40.*

150. Utrum autem quis oretenus tantum, vel ex animo alteri maledixerit, præcipuè colliges ex animorum speciali conjunctione: qui enim ex subito motu iræ amico suo imprecatur grave malum, censendus est id solum oretenus facere: si namque mox ab eo petas: *Talemne vis damnari, mori, &c.* Respondebit: *Hoc Deus avertat.* Qui verò contra sibi invisum aut odiosum in aliqua occasione gravis iræ imprecatur malum, ut plurimum censendus est animo id fecisse, & cum intentione eventus. Cæterum multum dedecet Christianum assuescere similibus maledictionibus, atque ob periculum gravis scandali posset consuetudo esse peccatum mortale, licet tantum oretenus verba proferantur: quare qui possint filiis aut servis dicunt: *Diabolus te auferat*, & similia, seriò monendi sunt à Confessariis. Quoad eos autem, qui ipsi dæmoni maledicunt, si id faciunt propter ipsius culpam & odium, quod habet adversus homines, nullum

nullum peccatum committunt; secus si maledicant ei quoad suam naturam bonam, & à Deo conditam. Insuper

151. Adverte hic ex Cajet. & Jac. March. quosdam advertenter aliis malum imprecari in ipso fervore iræ, atque in id pro tunc etiam consentire, statim verò placari ac pœnitere de malo imprecato: & hi quandoque se excusant, quia mox malum noluisse, quasi ideo graviter non peccassent: sed id non sufficit; potuit enim in præcedenti morula esse advertentia, & consensus sufficiens ad graviter delinquendum: quamvis tamen putem inde sapientis posse colligi, defuisse perfectam advertentiam & consensum plenum: quapropter Confessarius diligenter congerat omnes circumstantias, juxta quas diximus id colligi debere.

152. Rixa denique est contentio per facta: ut v.g. projiciendo sordes, lu-

tum, &c. vel etiam se invicem percutiendo; & tunc dicitur pugna; in qua, si quis lædatur, erit seditio. Rixa (quæ solet communiter confundi cum contentione facta verbis) nisi modum multum excedat, est tantum peccatum veniale: unde dum in Script. ponitur fixa inter opera carnis, quæ à cælo excludunt, per rixam intelligitur pugna; quæ in aggrediente mortalis est, si alteri per eam grave damnum inferatur vel intendatur: in defendente verò se, vel nullum est peccatum, si fiat cum moderamine incitata tutelæ, de quo *in tract. de tur. & lust.* vel veniale tantum, si levis solummodo motus odii aut vindictæ se immisceat, aut si ratio non multum excedat moderatam defensionem: erit tamen etiam in defendente mortalis, si hic obstinato animo contra invadentem insurgat ad se vindicandum, alterum occidendo, vel graviter lædendo.

## DVBIVM SEPTIMUM.

### ET ULTIMUM.

#### *De Acedia.*

153. **A**Cedia est fastidium rerum spiritualium, eò quòd sint spirituales. Est peccatum mortale si acedia sit perfecta, ut si v.g. quis deliberatè tristetur, quòd sit creatus ad gratiam, ad merita, vel ad gloriam: aut si ex tali tristitia optet mortem, vel se esse bestiam. Insuper acedia mor-

talis est, si ob eam omittatur aliquid necessarium ad salutem, tum corporis, tum animæ: qui tamen facit ea ad quæ præcepto obligatur, licet cum tadio, venialiter tantum peccat; sicut & ille, qui solum laborat acedia inchoatâ existente in sola sensualitate, quæ necdum pertingat ad plenum.

rationis usum. Dixi in definitione acedia, *id quod sint spirituales*, quia qui tristatur ex eo quod teneatur implere opus spirituale laboriosum, ut jejunare, audire sacrum, &c. opus tamen facit, non peccat juxta Navar. Tolet. & Fernand. Quid de eo, qui desiderat perpetuò manere in terra, & cedere Deo cælum suum? Respondeo eum, si deliberatè id desideret, mortaliter peccare contra præceptum spei Divinæ, quâ quisque obligatur Deum & Divina præ omnibus concupiscibilibus nobis concupiscere. Ita tenet Burghaber *Centur. 1. casu. 13.* ubi addit, etiam peccare conjugedictes, se desiderare, ut detur sibi perpetuò in terra convivere; nisi hoc loquendi modo solum velint indicare vehementiam amoris conjugalis.

154. Acedia sex sunt filia: quarum prima est malitia, quâ quis odio habet bona spiritualia secundum se, vel dolens se fecisse quæ facere tenebatur, vel dolens se nosse Deum & res fidei, vel se esse Christianum, &c. Est ex genere suo mortale peccatum. Secunda est rancor, quo cupiam fastidio sunt illi, qui ceteros ad spiritualia hortantur, quales sunt Concionatores, Confessarii, &c. Est ordinariè tantum venialis, nisi procedat ex gravi odio, vel iis optetur grave malum. Tertia est pusillanimitas in rebus spiritualibus tanquam arduis: quæ ex se etiam est tantum venialis, nisi ob eam omittatur aliquid, ad quod extat gravis obligatio. Quarta est desperatio de salute aut statu gratiæ obtinendo; & hæc quandoque ori-

tur ex nimia pusillanimitate, estque peccatum mortale gravissimum, si adsit plenus consensus. Quinta est torpor in observantia Divinorum præceptorum, dum bona fiunt sine debito fervore, ut loquuntur Binsf. & Busenb. Secundum se est tantum peccatum veniale: unde dum Bassæus tradit, torporem esse peccatum mortale, puto ab eo torporem sumi magis strictè, & prout eum Escobar definit esse, quod homo negligit seipsum, & facere omittit ad quod præcepto tenetur: aliàs enim in nostra satis communitorporis acceptione id falsum esset. Denique ultima acedia filia est evagatio mentis in exercitio spiritualium circa illicita. Est communiter venialis tantum, nisi ea, ad quæ fit evagatio, sint illicita, sive inhibita sub mortali, vel nisi ex præcepto graviter obligante, hinc & nunc exigatur attentio ad opus spirituale quod exercetur: Vel etiam nisi ipsa dignitas operis, quod exercetur, attentionem sub gravi culpa exigat; prout consecratio illam in sacerdote exigat: adeo ut benè Tamburinus in *expedite luris moralis expositione lib. 1. cap. 2. §. 1. num. 4. & in opusculis de sacrificiis lib. 2. cap. 3. num. 9.* doceat, voluntariè in ea distrahi, esse mortale peccatum, propter gravem irreverentiam quæ Deo fit, dum in sacrificio, opere omnium præstantissimo, aliò animus intenditur.

Addo, otiositatem etiam causari ab acedia, quæ dicitur pulvinar diaboli: ob quam vitandam præcisè permittit Burghaber *centur. 1. casu 77.* viduis & puellis diebus Dominicis & festis exercitium artis mechanicæ.

Ratio-

Rationem dar, quia ut evitetur damnum temporale, licitè tunc laborant opifices: item uxores, filii familias, & famuli marito, patre, & hero jubentibus, ut ex communi docet Bonacin. Cur ergò non multò magis licitè laborarent illæ, ut evitent damnum spirituale, quod ab otio, & curioso per fenestram prospectu meritis ~~si~~ timere possunt? Ita ille citans Sa, Sylvestrum, & Homobonum, qui prædictas à morali excusant, ut ait. Verùm contrarium est sustinendum cum Suarez, & Comitolo ab eodem Burghaber citatis, quia in dicto casu verè violatur præceptum Ecclesiæ in re gravi, quod extra necessitatem omnes obligat: quæ autem necessitas cogit ad illud exercitium ut vitetur otium, cum ubique suppetant alia exercitia pietatis? Quid unam puellam cogit ad curiosum per fenestram prospectum, si non operetur die festo? An fortè poterit se continere intra domum & non audire sacrum, ne in plateis vel templo committat curiosos prospectus? &c. Non est ergò necesse operari die festo, ut succurratur malo spirituali puellarum, sicut est necesse ut succurratur aliquorum necessitati temporali. Deinde si hoc permittat Burghaber puellis ob causam datam, à fortiori permittendum erit opificum famulis, ut ex otio, vel ob otio-

um fugiendum se illis diebus conferant ad tabernas, ibique potitent, exerceant lusus inhibitos, &c. Nec fuit necesse abrogare tot festa in pauperum levamen, si in illis licitum erat omnibus (cur enim puellis potius quàm juvenibus masculis?) causâ otii fugiendi præcisè, suas artes exercere.

Interea probabiliter poterit aliquis licitè pingere die festo, ut post varios docet dictus Burghaber *centur. 3. casu 7.* quia hoc non est opus mechanicum ac servile, nec proinde inhibitum die festo. Pictio enim perinde ac scriptio inducendis lineis ac figuris consistit: nec minus pictores in pingendo, quàm studiosi litterarum in studendo animi voluptate capiuntur & detinentur, quod signum est, inquit idem Burghaber, artem pingendi liberalem esse. Caveatur interim à scandalo. Hæc de peccatis capitalibus. Nunc de Legibus, quæ sunt regula externa actuum humanorum, pro compendii exigentia quædam magis scitu necessaria

Confessariis subijciemus.

\* \*



## TRACTATUS II.

De Legibus,

## DISPUTATIO I.

De Lege in generali.

DUBIUM I.

Quid sit Lex.

I. **L**Ex in genere est quædam rationis ordinatio ad bonum commune, ab eo qui curam communitatis habet, promulgata. Ita D. Thom. 1. 2. q. 90. art. 4. cujus definitio teste Lezana *Verbo leges Regularium* communis recipitur. Ordinatio hæc activè sumitur pro actu rationis, quo superior ordinat, ac præscribit cum obligatione exequendi; per quod excluditur consilium & oratio: per ly verò *ad bonum commune* excludit præceptum, quod particulari homini dari solet, vel saltè quod in privatum præcipientis, aut alterius commodum cedit. Præceptum etiam excluditur per ly *ordinatio*, quæ in lege debet esse fixa & stabilis habens quamdam perpetuitatem, cum tamen præceptum quodcumque morte præcipientis finiatur, nec ordinariè, nisi ad tempus certum durare soleat.

2. Ad legem multæ requiruntur conditiones, quas bene enumerat Urba-

nus *Theologia moralis tr. 1. cap. 3.* Prima est, ut lex sit honesta; id est (juxta Lezan. post Isido.) quod religioni conveniat, quod disciplinæ congruat, & quod saluti proficiat: aliàs non obligat, quia tunc, ut bene Urbanus, adhiberi potest illud Petri: *Oportet Deo obedire magis quàm hominibus.* Secunda conditio est, ut lex sit justa, id est, ut onera æqualiter dividantur in subditos; non quidem æqualitate arithmetica rei ad rem, sed geometrica proportionis personæ ad personam, ne videlicet pauperes graventur sicut locupletiores, sed inspiciantur vires, ac merita singulorum. Tertia est, ut lex sit observatu possibilis, non solum physicè, sed & moraliter, ita ut non sit nimium difficilis, maxime si sit humana; at si sit Divina, de fide est, Deum impossibilia non jubere. Debet igitur, juxta Lezan. *loc. cit. num. 9.* post Isido. relatum, lex esse secundum naturam & consuetudinem patriæ, loco, temporeque conveniens, id est accommodata

fragilitati humanæ, patriæ, honesto usui, loco & tempori. Quarta insuper est, ut sit utilis; ne aliàs sine ratione feratur, adeoque sit irrationabilis: unde debet esse congrua ad removendum malum seu abusum, & ad introducendum bonum sive actus honestos contrarios. Quinta est, ut feratur in bonum communitatis, ut constat ex ipsa legis definitione; quamvis tamen secundariò etiam simul cedere possit in commodum alicujus privati. Sexta est, ut sit perpetua, id est, ut non finiat morte conditoris, vel subditorum, qui primò eam acceptarunt. Septima est, ut sit promulgata; nam ex ipsius juris dispositione, *tunc solum leges instituuntur, dum promulgantur*. Octava denique est, ut sit acceptata; quia eadem dispositione juris, *lex firmatur, cum moribus utentium comprobatur*. Verùm de illis duabus ultimis conditionibus plura dicemus infrà. Pro aliis autem vide Lezan. *suprà à num. 7. usque ad 12.*

3. Dices, lex naturalis non fertur in bonum communitatis; quia erat in Adamo, quando solus erat: deinde quilibet in particulari lege naturæ tenetur conservare vitam propriam, quod solum respicit bonum privatum; ergo allata legis definitio cum illis conditionibus non est legis in genere. Respondeo cum Fulenli, dictas con-

ditiones principaliter quidem requiri in legibus positivis; posse tamen etiam accommodari legi naturali: quòd enim lex naturalis, saltèm aliqua, procuret bonum particulare, non obest quòd minùs adhuc omnis ordinetur ad bonum commune: quia sicut Respublica non conflatur nisi ex particularibus hominibus, ita bonum commune non coalescit nisi ex bonis particularium. Unde, cum Deus homines crearet ad constituendam unam Remp. non est dubium, quin lex naturæ ex intentione Dei in commune ipsorum hominum bonum ordinetur. Hinc patet ad id, quod dicebatur de Adamo. Et nonne reverà plurimùm conducit ad bonum commune, quòd quisque ex lege naturali teneatur vitam suam conservare, cum salus Reip. à vita particularium dependeat: ac maximè cum eadem lex naturalis hominem moveat ad vitam propriam pro salute patriæ exponendam, ubi occasio & necessitas adfuerit?

4. Lex alia est naturalis, alia positiva. Naturalis, alia naturalis creata, alia increata. Positiva item, alia positiva Divina, alia humana. Positiva humana iterum alia civilis, alia Ecclesiastica. De quibus omnibus infrà in particulari agemus. Jam pro lege in communi sit

## • DVBIVM SECVNDVM.

### *An ad obligationem legis requiratur promulgatio?*

5. **D**ico, ad obligationem cujus-  
cunque legis necessariò re-

quiritur promulgatio. Ratio est, quia  
lex non potest obligare nisi cognosca-  
tur,

tur, nec cognosci nisi per promulgationem: unde bene Lezan. *num. 3. supra*, si lex ignoratur, perinde est ac si lata non esset: & *num. 4. seq.* ait, est autem adeò intrinseca & necessaria promulgatio pro legis obligatione, ut etiam ipsi, qui astiterunt, dum lex condebatur, vel etiam qui ipsam cum aliis condiderunt, non teneantur ad ipsius observantiam, antequam debito modo publicetur. Idem dic de casu, quo aliquis miraculosè nosset legem factam, quæ tamen nondum publicata est. Ita ille cum aliis, quos citat. Verum

6. Adverte, non omnes leges eodem modo promulgari: ut enim lex humana promulgetur, debet legislator suam voluntatem signo externo subditis manifestare, idque solemnî ritu, ut rectè notat Becan. post Vasq. quia Rex aut Princeps, v. g. non censetur suam legem promulgare tanquam Rex aut Princeps, sive cum potestate obligandi, nisi ritu solemnî id faciat. Quoad legem verò Divinam, promulgari potest, vel per revelationem internam, vel per externam expositionem cum vel sine solemnitate: per quemcumque enim ex his modis potest nobis Deus mentem suam sufficienter indicare. Insuper lex naturalis promulgatur per naturale dictamen rectæ rationis secundum D. Thom. *quest. 70. art. 4.* ita quidem, ut Deus censeatur promulgasse legem naturalem per modum habitûs, hoc ipso quòd dedit nobis lumen naturale: & per modum actûs, quando eo lumine naturæ utimur, sive quando recta ratio nobis dicitur, quid hic & nunc facien-

dum sit. Unde dicit Scrip. legem naturalem scriptam esse in cordibus nostris; signatum esse super nos lumen vultûs Domini, &c. Hinc solum habes argumentum plurimorum, quo probare conantur nostram definitionem legis dubio præcedenti datam, non esse legis in genere, sed legis positivæ dumtaxat; quia, inquit, lex naturalis non promulgatur, adeoque sub illa legis definitione non comprehenditur?

Petes, an lex obliget statim à promulgatione?

7. Respondeo, juxta legum varietatem variè id esse resolvendum. Ac primò lex naturalis obligat statim à promulgatione, id est, statim ac alicui indita est, etiam à principio natiuitatis, ut aliqui loquuntur; non quidem, ut illam pro tunc observent, sed suo tempore: cum enim lex naturalis originem ducat ab ipsa natura rationali, hæc quæ insit à natiuitate, sequitur & illam ejusque obligationem tunc inesse debere. Ita Becan. *de lege in com. 6. l. q. 4. conclus. 3.* & Fulienf. Sed fortè mallet quis dicere, legem naturalem tantum obligare propriè loquendo, quando inest hominî per modum actûs sensu statim dato; nisi loquamur de obligatione in actu primo.

8. Secundò lex positiva tam Divina quam humana, & hæc tam civilis quam ecclesiastica obligat post promulgationem statim, vel non statim secundum intentionem Dei, vel hominis legem ferentis: si enim legislator quicumque certum tempus determinavit inchoandæ obligationis, certum est, neminem esse subditis ante illud ob-

ligari.

ligari. Atque hinc leges civiles cæsareæ, seu imperiales non obligant diversarum provinciarum incolas, nisi post duos menses à promulgatione facta in loco, in quo tales leges promulgari debent; ita enim habet Authen. *ut factæ novæ constitutiones*: loca verò, in quibus promulgari debent, sunt singulæ provinciæ, quas Imperator intendit obligare: alias subditi illius provinciæ, in qua non est facta promulgatio, non obligantur, ut habet eadem Authen. Si autem in provinciis Imperatori non subjectis contraria habeatur consuetudo, vel expressa legislatoris voluntas fuerit in contrarium, standum erit ejus voluntari vel consuetudini.

9. Tertiò lex ecclesiastica papalis obligat omnes provincias post unam promulgationem Romæ in Campo Floræ, Martio, &c. factam: vel non nisi provinciam, in qua est promulgata, prout Pontifex alterutrum expresserit, vel aliunde de ipsius mente sufficienter constiterit: quia sicut à mente legislatoris pendet legem condere vel non condere, idque sub hac vel illa obligatione, ut postea videbimus, ita à mente ejusdem pendet per suas leges hos vel illos, vel etiam omnes suos subditos obligare; neque jure naturali aut positivo alia promulgatio requiritur: jure enim naturali sufficit illa promulgatio, quæ necessaria & sufficiens est, ut lex, morali & humano modo loquendo, devenire possit in noticiam subditorum, quos legislator intendit obligare. quod habetur, quantum sat est, per supradictam promulgationem: de positivo autem jure nihil constat. Deinde di-

versi Pontifices apud Sylvium *hic q. 96. art. 4. quesit. 11.* expressè volunt, diversas suas leges ubique esse obligatorias post solam promulgationem Romæ factam; quare hanc nostram sententiam sustinent Sylvest. Vasq. Azor. Tanne. Valen. Becan. & alii, eamque jam usu receptam esse idèò quæ amplectendam tradit Basilæus verbo *Lex*: qui omnes volunt id verum esse, etiam in casu, quo Papa non exprimit, se illud intendere, modò non exprimat se intendere oppositum. Contra quostamen

10. Existimo probabile esse, si summus Pontifex promulgando aliquam legem Romæ, non expresserit mentem suam de obliganda tota Ecclesia, nec aliunde de hac ejus mente certò constet, ipsius legem solum obligare provinciam Romanam, vel aliam, in qua est promulgata, Ratio mea est, quia si mentem suam non exprimat, videtur standum esse juri civili, adèòque, sicut lex imperatoria non obligat ubique post unam promulgationem factam in curia Imperatoris, ita nec lex pontificia, &c. nam jus civile, ubi juri canonico non adversatur, ab Ecclesia servari solet, ut videre est *cap. 1. de novi operis nuntiis*. ubi dicitur: *Sicut leges non dedignantur sacros canones imitari, ita & sacrorum canonum statuta Principum constitutionibus adiuvantur.* & *cap. si in adiutorium, dist. 10.* habetur, leges Imperatorum in adiutorium Ecclesiæ assumi posse: super quod caput Glossa ait, *ubi desunt canones, leges citari possunt*: hinc autem desunt canones exprimentes mentem Pontificis; ergò leges civiles citari possunt. Ita Becan. *cap. 6. de leg. hum. q. 6.* per quæ

conatur probare sententiam Soti, August. Moli. & aliorum docentium, leges pontificias nunquam obligare diversas provincias nisi post promulgationem in illis diversis provinciis, probabilem esse. Verum licet id convincere nullatenus videantur in casu quo Pontifex exprimit suam mentem in contrarium, ut consideranti patebit: convincunt tamen, id habere locum, quando Pontifex mentem suam non declarat. Quod confirmari ulterius potest ex legibus à Sylvio citatis supra: si enim, cum illi Pontifices vellent omnes provincias post unicam Romæ factam promulgationem, obligare, necessarium duxerint mentem suam quoad hoc declarare, consequens videtur, solam illam Provinciam obligari in qua sine dicta declaratione lex fuerit promulgata. Atque ideo Tridentinum expressè vult legem suam de clandestino matrimonio in singulis parochiis promulgari. Neque idem Tridentinum Romæ sufficienter promulgatum obligat alias Provincias, in quibus non est facta promulgatio, nisi quoad leges pertinentes ad reformationem & jus canonicum, circa quas Pius IV. in confirmatione ejusdem Concilii Trid. expressè declaravit mentem suam, quâ volebat, eas ubique obligare post solam promulgationem Romæ factam: quod iterum multum roborat sententiam nostram. Certum igitur ex his omnibus mihi videtur, ut minus mentem summi Pontificis obscuram esse circa hæc, ubi eam non declarat: juxta regulam autem juris, *In obsecris quod minimum est sequimur; in pœnis* (ac idem est de odiis) *benignior interpre-*

*tatio facienda est; ac odia sunt restringenda.* Cæterum

11. Nota, quando dicimus, *legem obligare statim à promulgatione dum intendis legislator*, illud statim esse sumendum moraliter, id est simul atque moraliter loquendo legis notitia, ad subditos pervenerit vel pervenire potuerit: ubi non requiritur, ut lex omnibus & singulis è communitate denuntietur; sed sufficit quòd in loco publico proclametur, vel scripta affigatur: tunc enim eo ipso secundum Lezan. *verbo leges regularum* n. 4. post D. Thom. & alios, habet vim obligandi omnes in actu primo, esto quòd in actu secundo non obliget nisi ipsius notitiam habentes.

12. An verò lex obliget eos, qui eam invincibiliter ignorant diu post ejus promulgationem? controversum Aucthores. Ego judico, in hoc probabilius dici, utendo terminis D. Thomæ ita-  
rim adductis, legem eos obligare in actu primo, seu quoad aliquem effectum, secundum quem quis lege obligatur, qui à legislatore lege comprehenditur; qualiter comprehenduntur omnes legislatoris subditi, pro quibus lex fertur: non tamen legem obligare eos in actu secundo, seu quoad integrum effectum legis, ita ut legem transgrediendo, vel contrarium legi faciendo pœnam aut culpam incurrant, saltèm quoad forum conscientie. Unde qui iniret aliquem contractum irritum per legem à se invincibiliter ignoratam, invalidè quidem contraheret; aut culpam & pœnam, pro sic contrahentibus statutam, minimè incurteret.



DVBIVM TERTIVM.

An ut lex obliget, requiratur acceptatio?

13. Dico primò, ut lex naturalis vel Divina positiva obliget, certum est nullam requiri acceptationem: quia, cum lex naturalis sit indita à Deo, & Divina positiva immediatè à Deo feratur, clarum est eas obligare independenter omnino ab hominibus, sicut Deus ejusque Dominium est omnino independents.

14. Dico secundò, ut lex humana obliget, etiam non requiritur populi acceptatio, nisi legislator cum tali limitatione legislativam potestatem acceperit. Prob. quia aliàs esset legislator independens, cum supponatur suam potestatem accepisse sine limitatione & dependentia à suis subditis: & non esset independens, cum suam potestatem exercere non posset, nisi dependenter ab acceptatione subditorum, quæ sunt contradictoria. Unde leges ecclesiasticæ, & leges Principis, qui iusto bello, vel alio titulo populum sibi subjugavit, obligant omnino independenter à populi acceptatione: quia cum summus Pontifex suam potestatem acceperit illimitatè per hæc verba. *quodcumque ligaveris super terram, eris ligatum & in calu*: & similiter dictus Princeps suam potestatem independenter à populo acceperit, eam ad dictam acceptationem non possunt habere limitatam nisi velint. Idem dic de Principe, qui quidem potestatem legislativam à populo accepit, sed illi-

mitatè. Ita communius & probabilius DD. Tamen adhuc

15. Sententiam nostræ oppositam sustinent Tanne. Valen. Filliu. Becan. Less. Navarr. & alii apud Lezan. verbo *leges regul. num. 16.* quibus adjungo Vidal. *de cens. inquis. 4. fol. 98. num. 31.* Ratio eorum est, quòd omnes leges humanæ promulgentur sub tacita conditione, si nimirum à populo acceptentur, ne aliàs legislatores suis subditis nimis onerosi videantur: atque id (inquiunt) determinatum videtur in lege *de quibus ff. de leg. ubi dicitur: Leges nulla alia ex causa nos tenent, quam quòd iudicio populi recepta sint*: idque etiam satis conforme esse capiti *in ista dist. 4.* tradit Lezan. *loc. cit.* Deinde quoad leges Ecclesiasticas probant ex Script. 2. *ad Cor. 13.* ubi Christus dicitur dedisse suo Vicario potestatem in ædificationem: ergò, inferunt, præsumendum est, Prælatos Ecclesiæ non velle uti potestate suâ contra communem populi consensum, quòd esset eâ uti in destructionem. Atque hinc Putean. Filliuc. Sanch. & Azor. judicant Bullam Cœnæ, ubi non est usu recepta, non obligare in conscientia. Verùm his non obstantibus, quoad leges Pontificias maxime, existimo cum Diana, non esse recedendum à nostra sententia: & contra rationem allatam dico, multò plura secutura incommoda, si Papa penderet ab acceptatione populi in con-

dendis legibus, prout attendenti facile apparebit. Cæterum quamvis peccent juxta nostram & probabiliorem sententiam, qui primò legem promulgatam infringunt, vel eam non acceptant; dum tamen lex à majori parte communitatis infringitur, reliqua pars non censetur obligata: siquidem onera debent esse communia inter omnia membra ejusdem communitatis. Ita Lezan. Urban. & alii communiter: qui Urbanus *infra*. 1. *cap.* 4. expressè docet sententiam nostram quoad leges Ecclesiasticas; quidquid quoad civiles dicat, non absque ratione posse sustineri, requiri acceptionem. Vide etiam Lezan. *n.* 16. *suprà* ubi ait; ad hoc autem quòd lex non recepta à tota vel majori parte communitatis non obliget, requiritur quòd ad sit rationalis, & justa causa ad non acceptandum illam: tali enim causâ non subsistente tenentur omnes obedire legibus sibi impositis, & peccant eas transgredientes; quia tunc non præsumitur in legislatore voluntas eos non obligandi, sed potius contraria. Attamen Vidal. *de iud. inquis.* 4. *fol.* 246. *n.* 15. dicit, rationa-

bilem hac in parte causam esse, quando aliquis, volens servare legem, videt suos majores, vel majorem partem civitatis, cui imposita fuit, eam non servare, vel non cepisse servare: & in hoc pro se citat D. Thom. 1. 2. *q.* 96. *art.* 6. & 2. 2. *q.* 47. *art.* 3. Rodericum & Archiad.

16. Adde, legem latâ posse subditos sollicitare apud legislatorem, ut promulgata lex possit non observari si habeant aliquam causam; & interea temporis lex eos obligare non censetur, quamdiu non habent resolutionem in contrarium. Ita Urban. *suprà*, & Pourrè *p. 1. verb. Lex. num.* 4. citans Suar. & Maldon. Quòd si tali supplicationi legislator non respondeat, præsumitur condescendere, & obligationem tollere; nisi ex circumstantiis constet de opposito, nempe ipsum tacere, ut suaviter, & cum minori offensione, ac damno rejiciat supplicationem: tunc enim non licebit amplius suspendere legis executionem, ut tradit idem Pourrè *ibid.* Quod ultimum tamen adhuc bene limitat Urban. nisi manifesta sit in lege injustitia, vel iniquitas.

## DVBIVM QVARTVM.

### *Quisnam possit condere leges:*

17. **N**on spectare ad quemlibet condere legem, sed tantum ad multitudinem, vel ad eum qui præest multitudini, docet D. Thom. 1. 2. *q.* 90. *art.* 3. Ratio est, quia lex necessariò debet ordinari ad bonum commune, ut

antè dictum est: spectat autem vel ad totam multitudinem, vel ad gerentem vicem multitudinis, aliquid ordinare ad commune bonum. Per multitudinem autem hîc intellige Rempubl. non habentem Superiorem legitimum

ac per eum, qui præest multitudini, Imperatorem, Regem, aliumve supremum Principem, vel eum, qui ab his potestatem accepit.

18. Dices, Plato vir privatus multas legitur condidisse leges, fortè quòd ipse esset prudentior illo, qui suæ præerat multitudini, non rarò enim valdè ignari sunt, qui præfunt multitudini: atque ideo fortassis 2. *polit. c. ult.* dicitur, illos qui agunt vitam privatam, leges interdum statuere.

19. Respondeo Platonem varias quidem leges conscripsisse, non verò condidisse, quia vim legum non habebant, nisi & essent approbatæ & constitutæ à Republ. Neque sequitur aliquem non habere potestatem necessariam ad leges statuendas ex eo, quòd non habeat prudentiam sufficientem ad ritè illas condendas; quamvis tamen inde inferatur, tales non debere uti sua potestate legislativa, nisi prius inito prudentum consilio: & quia subinde contrarium accidit; dicit Script. *Va populo, cujus rex esset puer.* Jam verò in particulari,

20. Dico primò, clarum est Deum pro omnibus posse condere quascumque leges sibi visas honestas independentes à quacumque creatura.

21. Secundò potest summus Pontifex potestate sibi à Christo immediatè traditâ ferre per totum orbem leges ecclesiasticas, id est, per se ac directè versantes circa res spirituales ordinatas ad salutem animarum: civiles verò, id est, directè spectantes commodum temporale, in territorio sibi temporaliter subdito. Neque iple ab

Ecclesia potest judicari; nam, cum ab ea potestatem suam non habeat, sed à Christo, eam perdere non potest nisi Christo permittente & auferente: quod juxta DD. fit in quatuor casibus; primò, si in hæresim notoriam labatur. Secundò si exterius legerat ut hæreticum, ideoque Ecclesia eligat alium. Tertiò tempore schismatis, si Ecclesia scire non valeat, quis sit verus Pontifex, potest alium eligere. Denique, si ipse Pontifex Paparum resignet acceptante Ecclesiâ.

Similiter Episcopi idem valent facere in suis Diœcesibus, quod potest Papa in tota Ecclesia, cum dependentia tamen à Papa, à quo suam potestatem accipiunt. Quod idem dic de Abbatibus exemptis respectu suorum territoriorum, nisi aliundè constet hoc eis esse inhibitum. Idem etiam extendere ad Cardinales, in loco, seu Ecclesia sui tituli, cujus territorium per leges obligare possunt: nec non ad Patriarchas ac Archiepiscopos in suis Diœcesibus. Ubi adverte, Archiepiscopum non posse in subditos coëpiscoporum ordinariè ullam jurisdictionem exercere, nisi ad ipsum à suo Episcopo appellarint: & licet sit ordinarius Superior coëpiscoporum provinciarum; non debet tamen in causis criminalibus, quæ depositionem merentur, contra eos procedere sine Sedis Apostolicæ autoritate, prout docet Escob. *tract. 1. de legib. cap. 2.* Potest insuper Capitulum Ecclesiæ Cathedralis, sede vacante, ferre leges duraturas donec à subsequente Episcopo revocentur: nihil tamen circa legislativam potestatem possunt Capitula



cæterarum Ecclesiarum, nisi fortè id à legitimo Superiore impetrarint.

22. Tertiò potest Imperator ferre leges civiles per omnes provincias sibi subditas: item & Rex aliique Principes supremi non habentes Superiorem in jurisdictione temporali: qui verò Superiorem agnoscunt, solum possunt condere leges intrà terminos ab eo sibi præscriptos. Adde & Reginam posse leges condere, si sit domina regni: idque etiamsi sit jam matrimonio juncta, nisi vices suas viro commiserit. Aliàs enim jus & dominium regni per matrimonium non transfertur in virum.

23. Quartò communitates, civitatesque, quæ per se gubernantur, nec legitimum Superiorem agnoscunt, possunt ferre leges pro omnibus suis subditis, sive membris. Est clarum.

Quod attinet ad patremfamilias, habet hic quidem potestatem dominativam, seu æconomicam in filios, non tamen jurisdictionis: adeoque potest quidem præcepta ferre intrà limites suæ potestatis, & filios suos iis obligare, etiam sub culpa mortali, si materia fuerit gravis; non tamen potest leges condere. Idem dic de præceptore respectu discipulorum. Ita Layman. Qui benè addit, statuta domestica ordinariè tantum sub pœna obligare, quia videl. paterfamilias aliam obligationem non intendit: Quidquid in conscientia obligetur, proles suas educare in bonis moribus, & correctionem, castigationemque necessariam suo tempore adhibere, juxta illud ad Ephes. 6: Vos Patres educate illos (scil. filios) in disciplina, & correptione Domini.

## DISPUTATIO II.

### *De Lege naturali, & positiva Divina.*

#### DUBIUM I.

*Quid Lex naturalis, & qua præcipiat?*

1. **D**ico primò, lex naturalis est directæ rationis dictamen, judicans bonum esse prosequendum, & malum fugiendum. Est duplex, Divina & humana. Lex naturalis Divina, est dictamen rationis Divinæ, judicans quid sibi sit faciendum vel omittendum: & sic sumitur lex natu-

ralis Divina, prout est in Deo & quoad se tantum: prout verò est in Deo in ordine ad creaturas racionales (qualiter sic sumpta vocatur lex æterna) est summa ratio boni communis totius mundi in Deo existens, per quam cuncta gubernantur, bona præcipiendo, & malo prohibendo; quam defini-

definitionem Lezana dicit se extraxisse ex D. August. l. 1. de lib. arbit. c. 6. & D. Thom. 1. 2. q. 91. a. 1.

2. In lege naturali Divina nullam posse fieri mutationem, certum est : quia dictum dictamen ipsi Deo est identificatum ; Deum autem immutabilem esse, de fide est : neque à fortiori in eam potest cadere dispensatio, tum ob eandem rationem, tum quia Deus nullum habet Superiorem, qui ipsum possit vel solvere vel ligare.

3. Lex naturalis humana, est dictamen rationis humanæ, quo homo obligatur ad agendum, vel omittendum ea, quæ lumine naturæ cognoscit præcepta vel prohibita esse ; quæ lex naturalis est quædam participatio legis æternæ : quare *Psal. 4. dicitur : Signatum est super nos lumen vultus tui Domine.* Ita Lezan. post D. Thom.

4. Dices, nemo sibi legem imponit, sed Superior inferiori : ergo lex naturalis non potest esse dictamen nostræ rationis, quod in nobis est, & à nobis producit.

5. Respondeo, illud dictamen rationis ita in nobis & à nobis esse, ut tamen sit nobis inditum, & impressum nostro intellectui ab Authore naturæ, sive Deo, qui est verissimus noster Superior. Quare hoc videtur tantum militare contra legem naturalem Divinam, quam ultro concedimus non esse legem propriè & strictè sumptam : neque enim videtur posse dici, quod Deus propriè ligetur lege, vel lege obligetur : quamvis tamen dici possit lex latiori modo sumpta, in quantum videl. lex naturalis Divina, est regula secundum quam Deus ordinat universa.

6. An in lege naturali humana fieri possit mutatio strictè sumpta, vel aliqua dispensatio ; quæstio difficilis est : in qua non pauca ad quæstionem de nomine spectantia à DD. ingeruntur ; & quia paucis discuti vix potest, nec est scitu necessaria ad intentum nostrum, eam scholasticis relinquo. Adverte interim (quamvis sententia negativa quoad mutationem, & dispensationem sit communis contra paucos, qui affirmativam omni diligentia sustinere conantur) omnino licitam esse, & necessariam interpretationem circa multas leges & præcepta naturalia, ut eorum proprius & adequatus sensus statuatur ; non enim tam adequatis & præcis verbis exprimentur, quam à ratione naturali dictentur dum dictamen illud magis exactè inspicitur & examinatur ; v.g. in præcepto naturali *non occides*, necesse est explicare, quid nomine occisionis lex intelligat ; quia non omnis omnino occisio, etiam hominis, inhibetur ; sed illa sola, quæ autoritate privatâ, & extracausam necessariâ & justâ defensionis fit. Quod idem contingit in multis aliis legibus naturæ. Potest autem dicta interpretatio, seu declaratio fieri à Deo, vel ab hominibus prudentioribus, qui sine affectu & passione diligentius inquisiverunt, quid recta ratio naturalis in similibus dicter, vel qui id ipsum ex aliis Dei legibus, & doctrina clariùs & perfectiùs didicerunt. Ita Wiggers cum communi.

7. Dixi, resolutionem supradictæ quæstionis non esse scitu necessariam ad intentum nostrum : quod enim illi, qui affirmativam sententiam sustinent,

nent, dicant, furtum Israëlitarum iis fuisse licitum, quando auferebant bona Ægyptiorum, & sic eo casu mutata esse legem naturæ de non furando: alii verò velint, dictam ablationem non fuisse furtum, eò quòd vel Deus transfulerit dominium istorum bonorum in Israëlitas, vel ipsi Israëlites per suos labores ea jam essent promeriti, adeoque abstulerint bona propria; nihil refert ad nostrum intentum: sive unum enim, sive alterum dicatur, semper ablatio illa est facta absque peccato; quod solum cognoscere, est Confessarium necessarium. Igitur

8. Dico secundò, ea, quæ sub legem humanam naturalem cadunt, triplicia sunt. Primò enim lex humana se extendit ad ea, quæ sunt communia homini cum quolibet ente, in quantum inclinatur ad conservationem sui proprii esse; & ut sic dicatur, aliquando esse comedendum, bibendum, dormiendum &c. Secundò ad ea, quæ homo habet communia cum irrationalibus seu bestiis, quatenus inclinatur ad conservationem speciei, seu generis humani: atque ita præcipit matrimonium, proles alendas esse, &c. Tertiò extendit se lex naturalis humana ad illa quæ sunt communia creaturis rationalibus, hominibus scilicet & Angelis, ac ut sic inclinatur ad vivendum juxta rectam rationem, v.g. ad Deum colendum, parentes honorandum, nemini nocendum, non furandum, &c.

9. Adverte tamen hic cum Sylvio circa duo priora, ad obligationem legis, aut præcepti naturæ non sufficere, quòd res, ad quam est inclinatio naturæ, sit in se bona: sed insuper requiri-

tur, ut juxta dictamen rectæ rationis sit hic & nunc aliquo modo necessaria: aliàs enim omnia, quæ aliquam commoditatem adferunt naturæ, & in quæ propterea natura inclinatur, caderent sub præceptum legis naturalis, quod nemo dixerit: nam quis dicet, quodcumque natura inclinatur ad cibum vel potum sumendum, ad matrimonium inendum, &c. statim adesse præceptum obligans ad ista facienda? Tunc ergò solum dicendum est, istud præceptum urgere, quando adest aliqua necessitas, ob quam recta ratio dicat, ea hic & nunc esse facienda. Ita Sylvius 1, 2. q. 94. 4. 2.

Petes hic fortè, an lex naturæ possit à corde hominis aboleri?

10. Respondeo cum D. Thom. non posse eam quoad præcepta communissima universaliter deleri: nemo enim negare aut sibi persuadere potest, quàm quòd peccata sint fugienda, & amplectenda ea, quæ honesta sunt: quod idem etiam docet August. lib. 2. conf. cap. 4. ubi ait: *Lex tua scripta est in cordibus hominum, quam nec ulla quidem delet iniquitas*; puta universaliter, & quoad præcepta naturalia communissima. Quoad præcepta verò magis particularia & propria, potest lex naturæ de corde hominis deleri, vel persuadendo sibi contraria legi naturæ particulari, vel per pravas consuetudines & mores corruptos. Quod probatur ex Psal. 21. ubi dicitur: *Dixit insipiens in corde suo, non est Deus: & ad Rom. 1. Obscuratum est insipiens cor eorum*: confirmatque idem experientià, quæ constat apud diversas nationes regnasse diversa vitia contraria particulares naturæ leges, quæ ab omnibus

nibus approbabantur tanquam licita, ut enecatio parentum propter senium; immissio uxoris in ignem, dum corpus mariti defuncti comburebatur; cultus plurium idolorum, &c.

## DVBIVM SECVNDVM.

### *Quid Lex Divina positiva, & an semper obliget sub peccato?*

11. **D**ico primò, lex positiva Divina, est quædam rationis increata ordinatio ad commune bonum ipsi communitati promulgata cum voluntate eam perpetuò obligandi. Quamvis lege positivâ plurima præcipiantur & prohibeantur, quæ lege naturali antea præcepta vel prohibita erant, ut videre est in præceptis Decalogi; non additur tamen per hoc nova obligatio major quàm antea erat: quia hoc voluit Deus facere, eo quòd lex naturæ non esset satis determinata ad casus particulares, ne videl. rudes & indocti eam quoad multa ignorarent.

12. Lex Divina positiva est duplex, vetus scil. seu Mosaica, & nova, seu Evangelica. Verùm cum illa abrogata sit; vel in totum, ut aliqui volunt, vel saltem quoad plurima, ut alii: & cum ea, quæ secundum hos abrogata non sunt, comprehendantur lege novâ & Evangelicâ; de hac solum agere necessarium duxi: quare imposterum nomine legis Divinæ positivæ intelligemus novam.

13. Lex Divina positiva præcipit & prohibet omnia, quæ decem Decalogi præceptis continentur: item præcipit amorem proximi, ac ejus odium vetat: insuper mandat in sua Ecclesia obser-

vari septem Sacramenta, sub Eucharistia etiam comprehenso Missæ sacrificio; caeremonialia tamen circa illa relinquunt suis Vicariis determinanda. Quæ omnia sunt extrâ controversiam inter Catholicos.

14. Dico secundò, omnis lex Divina positiva obligat ex natura sua sub peccato. Patet ex dictis suprâ, ubi peccatum definivimus, dictum, factum vel concupitum contra legem Dei. An autem, & quæ obliget sub peccato mortali, vel veniali, solum voluntatis Divinæ est discernere; quæ Dei voluntas, unum vel alterum discernens, erui debet, vel ex Scriptura, vel ex traditione, vel ex Pontificum declarationibus, vel ex ratione evidenti deducta ex uno illorum trium. Ratio est, quia per hæc censetur Deus moraliter loqui, & suam mentem hominibus declarare.

15. Adverte, peccatum in conclusione debere sumi latè, prout etiam comprehendit transgressiones, quæ non sunt peccatum propriè & strictè loquendo, mortale scil. vel veniale: quia cum lege Divina positiva præcipiatur, obediendum esse omni Superiori legitime mandanti, omnis transgressio legis humanæ, est transgressio legis



legis Divinæ, nec tamen semper peccatum propriè dictum, mortale vel veniale; quia multæ leges feruntur, quæ obligant sub sola pœna, ut patet in statutis Ordinis nostri, Regula PP. Dominicanorum, & Jesuitarum, ac aliis multis, quæ ideo leges pœnales dicuntur.

16. In lege Divina positiva variæ contingere possunt mutationes. Prima, ratione statûs, quando videl. est lata pro uno statu determinatè: sic lex circumcisionis lata pro statu veteris Testamenti, eo desinente, in legem Baptismi mutata est. Secundò fieri potest ratione materiæ, quando scil. id, quod est in se materia levis, v.g. occisio hominis privata authoritate, ra-

tione adjunctæ aut mutatæ circumstantiæ, ut accedente sententiâ Judicis, cessat esse legis materia dumtaxat. Tertiò mutatio fit per regulam charitatis; quando nempe actus majoris charitatis & bonitatis impossibilis est cum alio hic & nunc lege positiva Divina præcepto: sic si stante lege, vel præcepto Divino colendi Sabbatum v.g. concurrat præceptum impossibile hic & nunc assiltendi infirmo extremè laboranti, cessat prior obligatio colendi Sabbatum. Ratio est, quòd finis cujuscumque legis & præcepti, saltem remotus, sit charitas & bonitas. Hæ omnes mutationes à fortiori contingere possunt in lege positiva humana: pro qua fit

## DISPUTATIO III.

### De Lege humana.

#### DUBIUM I.

*An in hominibus sit potestas condendi Leges?*

1. **D**ico primò, certum est in hominibus esse potestatem condendileges. Probo ex plurimis locis Scripturæ: ut Rom. 13: *Omnis anima potestati-bus sublimioribus subdita sit.* Proverb. 8: *Per me reges regnant, & legum conditores justa discernunt.* Quoad potestatem ecclesiasticam verò Act. 15. scribunt Apostoli diversis populis: *Visum est Spiritui sancto, & nobis, nil ultra imponere vobis oneris, quàm hæc necessaria:* ergò habebant potestatem illis per leges onus imponendi. Item Matib. 16. dicit Christus Petro: *Quod-*

*cumque ligaveris super terram, erit ligatum & in cælis.* Et Ioan. 21. eidem ait: *Pasce oves meas.* Deinde Prælati Ecclesiæ habent potestatem coercendi, ac puniendi subditos, si non obediant: quod passim patet ex Apostolo, nominatim 2. Cor. 13. ubi dicit: *Hac absens scribo; ut non præsens durius agam secundùm potestatem, quam Dominus mihi dedit.* Idem ferè habet 1. Cor. 4. Ergo Prælati Ecclesiæ habent potestatem condendi leges. Imò

2. Dico secundò, utilissimum simul, ac necessarium fuit generi humano,

mano, quòd aliquæ leges conderentur. Ita D. Thom. & post eum cæteri DD. communiter. Prob. ex Scriptura 2. *Ma. hab. 4.* ubi de Onia dicitur: *Videbat enim sine regali providentia impossibile esse, pacem rebus dari.* Et *Proverb. 11: Vbi non est gubernator, populus corrumpitur.* Item in lib. *Iudic.* sæpius reperit Scriptura malorum plurimorum causam extitisse, quòd non esset Rex in Israel; qui scilicet mandatis, & pœnis populum cohiberet, ne unusquisque, quod sibi bonum videbatur, hoc faceret. Deinde sine humanis legibus communiter diu subsistere non valerent: licet enim quibusdam sufficiat disciplina quasi paternæ, quæ adhibetur per solas admonitiones & exhortationes; hæc tamen sine metu pœnæ & supplicii, non est sufficiens protervis & ad vitia proclivibus. Nec sufficit, quòd lex naturalis, & positiva Divina pœnas minentur; quia protervi parum aut nihil iis permoverentur; sed eas, tanquam procul distantes, & quasi incertas negligunt; eò quòd raro in hoc mundo visibiliter inferantur. Opus igitur fuit legibus humanis, secundum quas in præsentis sæculo pœnæ visibiliter infligerentur.

3. Dices tamen primò cum hæreticis. *Deuter. 4.* dicitur: *Non addetis ad verbum quod vobis loquor;* & *Matth. ult.* Christus Apostolos monet, ut doceant gentes servare omnia, quæ ipse mandavit, non verò, quæ Apostoli mandaverint.

4. Respondeo, *Deuter. 4.* Deum prohibere, ne in suis cæremoniis, & iudiciis Israëlitarum aliquid addant ex ritu Gentilium, inter quos vixerant in Ægypto, & deinceps victuri erant in Palestina; nam *cap. 5. seq.* id expresse vetat:

deinde dici posset, Deum ipsis inhibere, ne addant aliquid repugnans ipsis præceptis Divinis. Aliud verò, quòd adfertur ex *Matthæo*, pro nobis facit, cum ipse Christus mandavit servari mandata Prælatorum & Ecclesiæ, juxta illud ejusdem *Matth. 18. Si Ecclesiam non audieris, sit tibi sicut Ethnicus*: & alibi: *Qui vos audit, me audit.* Et revera licet Christus expresse non mandasset illam obedientiam, adhuc nullatenus sequeretur, Christus mandat sua præcepta servari; ergò non vult servari præcepta Apostolorum: magis quàm sequatur, Imperator jubet, sua præcepta servari: ergo non vult servari iuxta præcepta sui Prætoris v.g.

5. Dices secundò, lex evangelica à Christo data est sufficiens per se: ergo non debent aliæ leges superaddi. Et aliàs Christiani essent subiecti hominibus, quòd prohibet Apostolus *1. Cor. 7.*

6. Respondeo in primis, legem evangelicam à Christo datam continere hanc: *Obedite præpositis vestris*; item & hanc: *Qui vos audit, me audit. &c.* Deinde dum Apostolus prohibet subiecti hominibus, solum vult, ut non subiciamur ita hominibus, ut iis præ Christo serviamus: nam aliàs opponeret se verbis Christi jam citatis.

7. Dices tertio, abstinere à carnibus, & jejunare toties; confiteri & communicare semel in anno; quòd Sacerdotes debeant manere cælibes ad vitam, & familia multa, quæ Christus libera reliquit, repugnant humanæ libertati: ergo leges ea præcipientes non obligant; vel maximè, quia *jugum Christi suave est, & onus ejus leve.*

8. Respondeo, humanam libertatem esse illam, quæ nos liberat à peccato, juxta illud *ad Rom. 6: Liberati à peccato, serviti estis iustitiæ*; non verò ab obedientia, quam subditi debent Ecclesiæ, Superioribus, ac parentibus: item libertas humana, quam obtinuimus per Christum, est libertas à servitute & obligatione legis Mosaicæ ceremonialis & judicialis. Deinde quamvis Christus supradicta libera reliquit, non tamen inhibuit Apostolis, eorumque successoribus, ne ea præciperent, ubi & quando reperta fuerint idonea ad iustitiæ promotionem, & animarum salutem. Neque ideo desinit jugum Christi esse suave: nam *Matth. 11.* dicitur: *Mandata ejus* (inter quæ unum est, *obedite Prepositis vestris*) *graviana non sunt.*

9. Addo tamen legislatorem humanum, etiam ecclesiasticum, non posse præcipere omnes actus virtutum, nequidem divisivè: quia non potest cogere homines ad ingrediendam Reli-

gionem, paupertatem aut castitatem vovendam, ut docet Lezan. *verb. Leges Regul. num. 21.* citans Molin. & Laym. Unde cælibatus, qui juxta Ecclesiæ præscriptum à sacerdotibus debet observari, tantum ponitur tanquam conditio, si vis Sacerdos fieri, servare debes cælibatum, quod non est ad cælibatum cogere, cum nemo cogatur Sacerdos fieri.

10. Dico tertiò, ita est in hominibus potestas condendi leges, ut tamen ea omnis à Deo sit tanquam legislatore universali. Patet ex *cap. 8. Proverb: Per me reges regnant, &c. & Rom. 13: Non est potestas nisi à Deo.* Probat etiam ratiò; quia, qui dat formam, dat simul ea, quæ talem formam necessariò consequuntur: ergo Deus, qui est author naturæ humanæ, est etiam author potestatis legislativæ & gubernativæ inter homines, utpote cum hæc sit necessaria ex statim dictis naturæ humanæ, naturali dictamine communitates ac Respublicas constituenti.

## DVBIVM SECVNDVM.

### Quomodo, & ad quid obliget lex humana?

11. Dico, lex humana tam civilis quam ecclesiastica obligat in conscientia, idque sub peccato, mortali vel veniali, vel sub sola pœna, prout fuerit mens legislatoris subditos suos obligandi. Ita Urban. *tract. 1. c. 6. in fine* cum omnibus DD. communiter, contra quosdam, etiam Catholicos, maxime quoad leges civiles. Prob. ex

locis Scripturæ *dub. præc.* allatis, in quibus legislatoribus humanis, illimitatè quoad hæc, à Deo potestas conceditur: item ex Apostolo *Rom. 13.* dicente, *qui resistit potestati, Dei ordinationi resistit; qui autem resistunt, ipsi sibi damnationem acquirunt*: damnatio verò ob solum peccatum mortale acquiritur. Deinde post pauca subdit: *Subditi esto-*

te, non solum propter iram, sed etiam propter conscientiam, id est, non solum timore pœnæ infligendæ, sed etiam propter culpam seu maculam conscientie incurrendam. Et denique Christus ipse Luca 11. Prælati Ecclesiæ ait: *qui vos spernit, me spernit*. Alia adhuc loca vide apud Dian. p. 10. tr. 15. ref. 44.

12. Dices primò, juxta D. Thom. nullus potest obligare ubi non potest judicare; aliàs enim obligaret in foro ad se non pertinente, atqui homo judicare non potest, quid lateat in aliorum conscientia: ergo nec in conscientia ligare potest, maxime cum conscientia nostra sit superior, omnium hominum judiciis. Deinde homines non possunt infligere pœnam æternam: ergo saltem non possunt sub mortali sive ad pœnam æternam obligare, ne aliàs detur jurisdictio sine potentia coercendi.

13. Respondeo imprimis, majorem absolute esse falsam, licet enim id verum sit de foro seu tribunali ab alio independente, falsum tamen est de tribunali, quod ab alio dependet: nam judex inferior potest obligare subditos ad dicendam suam causam in foro, quod sibi reservat Superior. Neque nostra conscientia est superior hominum judiciis, nisi in quantum judicium hominum nequeat conscientias nostras lædere, vel reas facere coram Deo, nisi nos ipsi velimus: non verò sic ut homines potestatem legitimam à Deo habentes, nihil judicare aut statuere valeant, quo in conscientia obligemur, etiam sub mortali: ad hoc namque sufficit, quod Deus pœnam æternam infligat iis, qui infringunt leges homi-

nium legislatorum, qui sunt Vicarii Dei legislatoris supremi.

14. Dices secundò, peccatum est dictum &c. contra legem Dei; ergo transgressio legis humanæ non est peccatum. Resp. negando conseq. quia, qui transgreditur legem humanam, facit contra hanc legem Divinam: *obedite præpositis vestris*.

15. Dices tertio, potestas civilis est corporalis; ergo non potest obligare conscientiam, quæ est spiritalis: neq; finis legum civilium est pax conscientie, sed pax externa.

16. Resp. iterum negando conseq. quia, ut dictum est, etiam leges civiles Divina lege præcipiuntur observari. Et verè multum conducit ad pacem externam Reip. potestas obligandi in conscientia, cum per hanc obligationem maxime arceantur fideles à transgressione legum. Quamvis ergo finis legum civilium sit pax externa, in conscientia tamen nos obligant, ut hanc pacem servemus. Pro his & aliis objectis ac solutis vide Dian. p. 10. tr. 15. ref. 44. cit. ubi improbabilis vocat aliquorum, etiam Catholicorum, sententias circa hanc materiam. Et nominatim dicit Marchantium in *Tribun. Sacram. to. 2. tr. 1. tit. 9. q. 1. concl. 3.* plura docere circa præsentem questionem, quæ sibi non placent: inter quæ præcipuum est, quòd dicat leges humanas non obligare ad culpam in materia per se indifferenti, & secluso omni eo, quod lege Divina naturali vel positiva vim obligandi habet, quod parum infra sic explicat. Prohibet lex humana sub pœna capitis, ne quis mœnia aut vallum civitatis furtim aut aliter transgredia-



tur: cùm hæc materia sit per se indifferens, nec ulla lege superiori Divina prohibita; talis lex non potest obligare ad culpam, etsi millies obligare intenderet Princeps. Ita Marchantius: quod idem & mihi displicet; quia quidquid nulla lex Divina dictum transgressum prohibeat ante prohibitionem legislatoris humani; tamen hoc ipso, quod

illum inhibeat lex humana, simul hac lege Divina *obedite præpositis vestris* censetur esse prohibitus, idque sub eadem culpa vel pœna, sub qua legislator humanus eum intenderit inhibere, juxta illud Apostoli suprà: *subditi estote non solum propter iram, sed etiam propter conscientiam*, ubi scilicet fuerit mens legislatoris, in conscientia obligare.

## DVBIVM TERTIVM.

*Vnde colligitur an lex humana obliget sub peccato, vel sub pœna tantum?*

17. **R**espondeo, id debere colligi ex ipsa legislatoris intentione: nam in moralibus, actus agentium non transcendunt intentiones eorum. Quia tamen quoad hæc non videtur

in omnibus pariformiter loquendum quoad legem civilem & ecclesiasticam; de utraque particulariter agemus. Quare sit

### §. I.

#### De Lege civili.

18. **D**ico primò, licet in lege civili pœna, etiam gravis, taxetur, & ipsa etiam materia sit gravis, non ideo statim judicandum est, legem obligare sub mortali. Ratio est, quia cum legislatores civiles absolute loquendo sufficienter consequi possent finem suum, pacem videlicet externam, & publicam tranquillitatem, comminando pœnas temporales, rationabiliter præsumuntur non velle aliud onus imponere legum suarum transgressoribus, quàm subeundi pœnas præscriptas. Ita Urban. *trac.* 1. c. 6. post Villal. Navar.

Valen. quos & sequi videtur Arriaga. *10. 4. 17. de leg. disp.* 16. *sect.* 5. *subsect.* 2. n. 64. & seq. quidquid enim dicat, tantam posse esse materiæ gravitatem, ut ex ea colligatur, legislatorē civilem voluisse obligare quantum potest; sustinet tamen, ipsam pœnam capitis nullo modo absolute loquendo esse certum signum obligationis sub culpa mortali. Nobiscum etiam sentit Palaeus *trac.* 3. *disp.* 1. *pu.* 15. n. 12. docens, nullam pœnam temporalem esse sufficiens indicium obligationis ad mortale in lege civili; quia inquit, ad impositionem pœnæ

pœnæ quantumvis gravis sufficit, si committatur culpa politica & civilis. Hanc etiam sententiam probabilem dicit Filliū. to. 2. tr. 21. c. 11. num. 418. ac 420. & Dian. p. 10. tr. 15. ref. 46. ac eam absolutè defendit P. Franciscus de leg. disp. 5. n. 38.

19. Urigitur lex civilis sub mortali obliget, debet ipsa lex vel legislator id exprimere; quia odia restringenda, maximè hîc, cùm lex civilis plus bonum corporum quàm animarum respiciat, adedque de obligatione sub peccato parum curare censeatur, nisi contrarium in sua lege expresserit, vel aliunde mentè suam indicarit. Quod autem plures velint, materiam per se gravem necessitare legislatorem, ut circa eam obliget sub mortali; quia scil. ex natura rei res gravis præcepta, gravem necessariò inducit obligationem, omnino falsum existimo: quia, cum legislatori liberum sit, dictam materiam gravem non præcipere si velit, non video cur ei liberum non sit, eandem sub veniali tantùm vel sub sola pœna præcipere si velit: maximè cùm lex Reip. valde utilis plurimùm conducat ad commune bonum, si sic feratur; ubi tamen ad nihil prodest si non feratur. Quamvis igitur in lege gravissima pœna statuatur, adhuc non est sufficiens indicium obligationis sub mortali; nam (ut bene Palaus suprà) ad impositionem dictæ pœnæ sufficit culpa politica & civilis, quamvis nulla vel non nisi levis commissæ sit coram Deo; prout ostendo clarè in milite stationem servante, qui absque sua culpa somno graviter oppressus, facile potest in somnum incidere, ex

quo summum periculum immineat exercitui, vel civitati, atque ob id iuste morti adjudicatur, vel ad triremes mittitur, quæ sunt pœnæ gravissimæ, cùm tamen coram Deo non peccarit. Peccabit tamen dictus miles, vel alius quicumque delinquens contra legem civilem in materia gravi, si non velit subire pœnam temporalem legi appositam, sed justitiæ ministris resistat. Ita Urban. ubi suprà. Ratio est, quia dicta pœna iuste jubetur infligi: Superiõri autem legitimo iuste aliquid jubenti obtemperandum est.

20. Nec dicas contra conclusionem, legislator non potest subditos suos obligare sub mortali ad materiam levem; ergo neque sub veniali tantùm ad materiam gravem: quia est lata disparitas, quod primum sit odiosum, viamque aperiat damnationi animarum sine fundamento; secundum verò favorabile: favores autem ampliandi, odia restringenda. Neque (ut bene idem Urban. tract. 1. c. 5) esset rationi consentaneum, sub exterminatione salutis æternæ præcipere, aut prohibere, quod per se leve est: sicut enim proportio esse debet inter pœnam & culpam civilem, sic & inter culpam & objectum circa quod illa versatur. Nec refert, quod commestio pomi vetiti fuerit Adæ inhibita sub gravi culpa & pœna; quia licet illa commestio in se esset res parva, tamen intuitu finis erat valde gravis: præcipiebatur enim abstinencia dictæ Adamo in recognitionem obedientiæ Deo debitæ, & quasi in tributum summæ subjectionis, prout loquitur Suar. Deinde à Deo ad homines nulla hic est cõsequentiã. Dũ verò apud quos-

quosdam Religiosos extant quædam præcepta obedientiæ, quæ etiam de rebus minimis obligant sub pœna excommunicationis, hoc fit, quia ista, in se quidem parva, multum conducunt ad perfectionem religiosam, quæ est finis proximus Religiosorum, ac consequenter per ordinem ad finem, illa præcepta sunt de materia gravi seu magni momenti. Unde bene Lezana *in sum. to. 2. cap. 7. num. 12.* ait; licet difficile assignetur, quænam materia sit gravis, & id prudentis judicio sapius relinquatur, dicendum est, illam esse gravem, quæ vel ratione circumstan-

tiarum boni communis multum conducit ad finem à legislatore intentum: econtrà verò, eam esse levem, quæ nec ratione sui, nec ratione talium circumstantiarum ad prædictum finem multum conducit. Ita Lezan. quibus similia habet Urban. *17. 1. c. 5.* subjungens, si legislator exprimat se velle obligare sub mortali, licet aliunde dubium oriatur, an materia per se gravis sit, tunc gravis esse præsumenda est; nam in dubio prævalet jus Superioris, & pro ipso stat possessio, meliorque proinde conditio illius est.

## S. II.

## De Lege Ecclesiastica

21. **D**ico secundò, dum legislator Ecclesiasticus gravem pœnam apponit legi suæ, grave peccatum in ejus transgressione supponit; vel maxime, quia lex ecclesiastica magis bonum animarum quàm corporum respicit, ac proinde de obligatione in conscientia & sub peccato multum curat. Non tamen adhuc ideo, ubicumque est materia gravis, hoc ipso lex ecclesiastica inducit obligationem sub mortali, prout clarè patet ex regulis diversorum Ordinum, quæ etiam in materia gravi, extrà substantiam votorum, sub mortali, imò sub veniali culpa non obligant; quia videl. sic constat fuisse mentem legislatorum. Insuper hic

22. Nota cum Urban. *17. 1. cap. 6.* ad hoc, ut lex ecclesiastica judicetur

sub mortali obligare, eò quòd pœnam gravem adjunctam habeat juxta statim dicta; id maxime locum habere de pœna gravi spiritali, ut excommunicationis majoris, suspensionis totalis, & totalis interdicti; nam hujusmodi pœnæ non infliguntur nisi ob peccata mortalia, saltè probabiliter; adeoque sunt signa obligationis gravis: quidquid tamen etiam ad hoc insuper requirat idem Urban. Castro, Valent. & Fulienfis, ut hæ pœnæ sint sententiæ latæ, id est, ut ipso facto incurrantur: si enim dictæ pœnæ essent solùm præmissa aliqua monitione ferendæ, tunc ad earum incursionem deberet intervenire contumacia; unde ex iis ut sic non posset sufficienter colligi, actum præteritum secundùm se spectatum fuisse mortalem: sicut nec

nec colligitur ex eo, quòd legi sit appo-  
sita pœna excommunicationis mi-  
noris; quia hæc etiam propter solum  
peccatum veniale incurri potest. Quid  
verò dicendum sit, dum aliquid præ-  
cipitur vel inhibetur pro pœna irregu-  
laritatis: probabilius tunc puto, legis-  
latorem ecclesiasticum obligare sub  
mortali; licet enim vel ob veniale, vel  
etiam ob nullum peccatum irregulari-  
tas contrahi possit, ea tamen, quæ per  
modum pœnæ propter malefactum ir-  
rogatur, non fertur probabilius, nisi  
ob peccatum mortale. Ita docet Syl-  
uius & plures apud ipsum 1. 2. *quest.*  
96. *art.* 4. *quest.* 5. Quidam tamen apud  
Dian. p. 1. *tract.* 10. *de leg. res.* 21. id ad-  
huc negant quoad suspensionem, qui-  
dam quoad irregularitatem: ac Val-  
len. cum Salonio (quem Dian. vocat  
doctissimum) negant quoad suspen-  
sionem, interdictum & irregularita-  
tem, eò quòd velint hæc omnia incurri  
posse ob solum veniale: unde juxta hos  
Authores, etiam ubi hæc pœnæ appo-  
nuntur, adhuc erit examinanda inten-  
tio legislatoris, an videl. reverà inten-  
dat sub mortali obligare.

23. Adde insuper cum Dian. *ibid. re-*  
*sol.* 20. Navar. Valen. & aliis, satis esse  
probabile, si lex ecclesiastica solam  
pœnam temporalem statuat, quòd  
tantum sub ea obliget: quia legisla-  
tores ecclesiastici possent & solent com-  
minari pœnam spirituales, dum in  
conscientia & sub mortali obligare in-  
tendunt; quare in casu posito (ut Na-  
varrus à Valentia citatus ex communi  
æstimatione populi ac multis rationi-  
bus & autoritatibus probat) possunt  
sibi homines persuadere, legislatorem

etiam ecclesiasticum, tantum ad illam  
temporalem pœnam voluisse obliga-  
re, quam solam expressit, putans ni-  
mirum illam pœnæ comminationem  
fore sufficientem ad terrendum sub-  
ditos ab eo, quod prohibetur. Et hoc  
fortè etiam intendit noster Urban.  
probabile esse cum dixit, resolutionem  
nostram secundam intelligendam esse  
maximè de pœna spiritali. Imò id ab-  
solutè docet Franc. B. Spei *diss.* 6.  
*num.* 41.

24. Cæterum juxta dicta suprâ &  
Lezanam *tom.* 4. verbo *leges regularium*  
*num.* 40. lex aut præceptum, quod-  
cunque humanum, tam civile, quam  
ecclesiasticum suppositâ legem aut  
præceptum ferentis intentione, obli-  
gat ad culpam mortalem in materia  
gravi, sive materiæ grâvitas attenda-  
tur intrinsicè ex substantia operis, sive  
extrinsicè ex circumstantiis scandali,  
periculi, majoris mali &c. vel etiam  
ex fine à legislatore intento. Sic po-  
test Prælato interdum adesse causa suf-  
ficiens prohibendi sub culpa mortali,  
netalis Religiosus ingrediatur certam  
aliquam domum, transeat per talem  
plateam, talem personam alloqua-  
tur &c. Quamvis enim ista secundum  
se sint parvi momenti, comparata ta-  
men ad bonum nomen Religionis, ad  
scandali vel periculi evitacionem, sæpe  
multum referunt.

Petes undenam colligi possit legis-  
latorem intendere obligare sub mor-  
tali?

25. Respondeo ex eo, quòd expref-  
sè dicat: *præcipio vel prohibeo* &c. *(sub mor-*  
*tali peccato, sub reatu pœnæ aut maledictionis*  
*æternæ, sub exterminatione Divini judicii, sub*  
*pœnâ*

*pœna excommunicationis majoris lata sententia, sub pœna maledictionis Dei &c.* Nam dictæ comminationes solum debent correspondere culpæ mortali. Ita Lezana tom. 1. cap. 8. num. 11. Verum id non existimo absolutè locum habere, quodcumque legislator utitur verbis *præcipio, prohibeo, mando, veto, &c.* solitariè positis, quamvis materia gravis sit, nisi per aliquid superadditum ad id verba ista determinentur, vel communis sensus DD. ita legislatorem sentire & intendere doceat: ad quem sensum communem idem Lezana cap. 7. num. 11. dicit esse recurrendum, dum legislator quoad obligationem suæ legis sub culpa, tali vel tali, mentem

suam non explicat; ed quòd dictus sensus communis sit optimus legum interpres, prout habetur cap. *Cum dilectus, de consuetud.* Aliàs enim cum verba *præcipio, prohibeo, &c.* secundum se sint indifferentia ad obligationem sub gravi vel levi peccato, vel etiam sub sola pœna inducendam, ut videre est in Regulis diversorum Ordinum; dum solitariè ponuntur ad solam pœnam, vel non nisi ad culpam venialem obligare, censendum est; quia *odia iustringenda*, & juxta Regulam juris, *In obscuris quod minimum est sequimur.* Hæc omnia nobiscum docent Navarr. Reginal. & alii, quibus accedit Urbanus.

## DVBIVM QVARTVM.

### *An lex humana obliget cum periculo vitæ?*

16. **D**ico; quamvis lex humana regulariter loquendo non obliget ad sui observationem cum periculo vitæ aut magni alicujus momenti temporalis, ut bene demonstrat Lezana. verbo *Leges Regularium* n. 25. potest tamen certis casibus obligare ad actus, quibus grave vitæ periculum annexum est, prout habet communis sententia. Unde quod lex debeat esse moraliter possibilis, sive non difficilis, non est necessarium ad legem pro quibusdam casibus particularibus. Quorum primus est, quando violatio legis humanæ cederet in contemptum Fidei. Religionis aut Ecclesiasticæ potestatis,

vel etiam potestatis legislatoris civilis ut legislatoris. Ratio est, quia pluries refert, Fidem, Religionem, potestatem ecclesiasticam & civilem non contemni, quàm vitam corporalem non servari: nam contemptus illi cedunt in detrimentum honoris Dei, qui rebus omnibus creatis præferri debet: sic enim dicitur Deus appetitativè summè diligendus, ut nimirum dum se offert occasio vel inhonorandi Deum vel quodlibet damnum patiendi (& consequenter vel vitam propriam amittendi) hoc potius eligatur præ altero. Ita Urban. *tract.* 1. cap. 7. ubi præter casum contemptus nullum ali-

aliud adfert, in quo lex humana obliget cum periculo vitæ. Sit tamen

27. Casus secundus, quando observatio legis humanæ plus confert communi bono Reip. communis aut Religionis, quam conservatio vitæ propriæ estimetur: vel contra, quando violatio legis humanæ plus nocet communi bono, quam propriæ vitæ amissio. Sic v. g. dum lex humana præcipit militi servare stationem, dum adest periculum ne superveniat hostis, vel pugnare contra hostem jam irruentem, &c. tunc revera obligat eum ad ista etiam cum gravi periculo vitæ suæ. Ita censent Sotus, Castrus, Becan. Sylvius, Bassæus, Ariag. Lezan. & alii passim. Ratio est, quia Resp. debet habere potestatem sufficientem ad commune bonum conservandum: in dicto autem casu commune bonum postulat, ut subditus sive miles se exponat periculo vitæ. Imò id ipsum simul etiam postulat sæpius bonum privatum ipsius subditi se exponentis dicto periculo; si enim nemo posset obligari ad pugnandum contra hostem aggredientem, ad vigilias agendas, &c. cum periculo vitæ, tota Resp. necessario interiret, & fore iste, qui jam obligatur pugnare, stationem servare, &c. ad mandatum Superioris, certius ab hoste irruente, vel urbem vi, vel dolo intercipientem occideretur, quam pugnando vel stationem servando; præterquam quòd hæc faciendo servet parentes ac consanguineos suos, sicut & bona temporalia sua ac suorum.

28. Nec refert, quòd quisque jure naturæ teneatur conservare vitam propriam: quia hoc non est generaliter verum in omni eventu, cum indubitatum sit apud omnes, in casuposito licitum esse subditis se exponere periculo vitæ pro bono communi: si autem id licitum est, non est cur Resp. non valeat eos ad id obligare ubi iustissimam habet causam. Hæc mihi videntur certa, nec video quomodo Urban. hunc casum excludat.

29. Dicitur fortè, in istis casibus lex naturalis obligat ad pugnandum cum periculo vitæ, non verò lex humana: sed præterquam quòd idem dicendum foret de casu in quo humanæ legis violatio cedit in contemptum Fidei, &c. pro quo vide Lezan. verbo *Leges Regul. n. 25.*

30. Respondeo, legem naturalem quidem obligare subditos in communi & indeterminatè ad prædicta; sed lex humana, vel præceptum Principis seu Superioris legem naturalem determinat, atque id, quod pro boni communis conservatione est hic & nunc necessarium, præcipit ei, cui judicaverit; quia lege seu præcepto posito jam obligatur talis in particulari, qui per legem naturalem non plus obligabatur, quam cæteri.

31. Tertius casus superaddi potest, in quo observatio legis humanæ urgeat etiam cum vitæ periculo; quando videl. legis humanæ transgressio esset causa gravis scandalii pusillorum, ut si v. g. aliqui scandalizarentur & transirent ad hæresim existimantes aliquem esse hæreticum cò quòd ederet carnes

die Veneris, teneretur tunc similis abstinere ab illis etiam cum mortis periculo, ad tollendum illud scandalum. Ita Lezan. *loc. cit.* Ubi docet Carthusianos, etsi satis laudabiliter abstineant ab esu carnum, etiam cum periculo vitæ, nihilominus ad id non teneri. Quod & probat *tom. 1. cap. 8. n. 19.* ubi dicit, eos non posse abstinere à carnibus in casu quo omnis alius eibus necessarius ad conservandam vitam abesset: quia, inquit, hoc nimis inhumanum esset, & contra legem natura-

lem: atque hoc etiam docet Suar. *10. 4. de Relig. tract. 9. l. 2. cap. 4.* quod tamen, ut dictum est, laudabiliter abstineant etiam cum vitæ periculo, modo possint obtinere pisces v. g. Probatur, quia taliter possunt postponere particulare bonum vitæ communi bono Religionis in perpetua abstinentia à carnibus consistenti. Caterum leges humanæ ordinariæ non obligant cum tanto incommodo, pro quo recole dicta de actibus human. *disp. 1. dub. 3.*

## D V B I V M Q V I N T V M.

### *An lex humana possit obligare ad actus internos?*

32. **D**ico primò cum communi ferè omnium, lex humana, sive ecclesiastica, sive civilis, non potest directè præcipere actus merè internos. Ita Lezan. *tom. 1. cap. 4. num. 5. & tom. 2. verbo Leges Regularium n. 12.* Quoad legem civilem, nulla videtur posse esse difficultas, quia hæc proximè respicit tranquillitatem & pacem externam Reipubl. quæ à solis actibus exterioribus pender. Quare

33. Probatur resol. quoad legem ecclesiasticam; quia homo non potest legem ferre, nisi de iis, circa quæ potest ferre iudicium; atqui hoc non potest circa actus internos, qui ipsam latent, sed tantum circa externos, qui apparent: ergò, &c. Ita D. Thom. *1. 2. q. 91. art. 4.* quod ipsum etiam patet ex Philosopho *lib. 10. Ethic. c. 5.* dicente, legislativam potestatem de-

bere necessariò conjunctam habere potestatem coactivam; aliàs enim esset inefficax, ac proinde inutilis.

34. Dices, suprà *dub. 2.* negatum est, nullum posse obligare, ubi non potest judicare: quomodo ergò hic id ipsum ponitur pro fundamento resolutionis?

35. Respondeo ly *iudicare* hic sumi omnino aliter à D. Thom. & nobis, quam suprà sumebatur ab objicentibus: non posse enim judicare, hic est idem, quod non posse scire, quando, à quo, & quomodo lex violetur: ibi autem sumebatur prout idem est, ac non posse infligere pœnam pro transgressoribus positam; quod non requiri in legislatore ab alio dependente ibidem monstravimus.

36. Di-

36. Dico secundò, lex humana sive civilis, sive ecclesiastica, nequidem in directè (sive per modum alicujus necessariò conjuncti cum actu externo præcepto, ut loquitur Lezan. (præcipere potest ullum actum mere internum, sed illum solùm, qui per externa opera, vel signa manifestatur; & hunc non aliter, quàm ratione operis externi, quod per se præcipit aut prohibet. Explico, actus internus, quò quis efficaciter vult ponere opus externum, quod lege humana prohibitum est, aut omittere, quod præceptum est, potest cadere sub legem humanam, non quòd lex per se & directè præcipiat, aut prohibeat talem actum, sed quia præcipit, aut prohibet opus externum, per quod talis actus internus manifestatur. Ita docet Becan. *cap. 6. de leg. hum. q. 5.* cui accedere videtur Mærat. *de leg. disp. 11. sect. 3.* dum dicit, solùm illum actum internum posse indirectè lege humana præcipi aut prohiberi, qui sit efficax, id est, qui vi & efficacia sua infert exterius id, quod per eum est volitum: addens, nequidem Ecclesiam judicare posse de actu interno efficaci, si hic in nullum opus externum prodierit; de eo enim non potest homo ferre legem, de quo non potest judicare: unde videtur absolute nobiscum loqui; vel maxime, cum ibid, *sect. 2. num. 7.* dicat, nunquam de pure internis actibus nullo exteriori signo se prodentibus quidquam ullà lege suà aut vetat, aut præcipit summus Pontifex. Et reverà, quamvis communis opinio DD. nobis contrariari videatur, nostram tamen sententiam probat ratio D. Thomæ & alio-

rum communiter pro Responsione prima allata, vel certe nihil probat. Deinde

37. Probatur ulterius ex communi axiomate, *De internis & occultis non judicat Ecclesia*; item ex Script. *1. Reg. 16. Homo videt ea quæ parent, Dominus autem intrugitur cor: & 1. Cor. 4. Nolite ante tempus judicare quoadusque veniat Dominus, qui & illuminabit abscondita tenebrarum & manifestabit consilia cordium.* Unde ipse Papa Innocentius III. *cap. 33. de simonia ad finem, & cap. 34.* fatetur, se non posse ullo modo de internis judicare, dum ait: *Nobis datum est de manifestis tantummodò judicare.* Infero ergo juxta rationem D. Thomæ & aliorum communiùs, Papæ datum est de manifestis tantummodò legem ferre, adeoque non de internis ullo opere, aut signo exteriori se prodentibus.

38. Dices primò, Christus Petro dicit generaliter *Matth. 16. Quodcumque ligaveris super terram, &c.* actus autem interni sunt etiam super terram. Secundò Ecclesia remittit culpas interiores, quas jubet suos subditos annuè confiteri. Tertiò dispensat quoque Ecclesia in votis solà mente, seu voluntate elicitis. Quartò in variis canonibus excommunicantur illi qui credunt contra id, quod in iis definitur. Quinto ab Ecclesia præcipitur attentio in auditione Missæ & recitatione Horarum. Denique, statuitur ab Ecclesia, ut ille, qui susceperit beneficium parochiale sine intentione suscipiendi debitum ordinem intra annum, reneatur resignare beneficium, & restituere fructus illius anni. Ergò Ecclesia potest leges ferre circa actus internos.



39. Respondeo ad primum, hoc quidem à Christo dictum generaliter, sed à ratione, & ex aliis Scripturæ locis sufficienter constat, illud non extendi ad actus merè internos: neque summi Pontifices hanc potestatem Ecclesiæ esse datam, unquam docuerunt: cum igitur Ecclesia sit corpus quoddam visibile & externum, materia accommodata ipsius communi & externæ gubernationi debet etiam esse externa & sensibilis: quare D. Thom. 2, 2. q. 104. art. 5. expressè docet, obedientiam humanam ad homines tantum esse in his quæ per corpus fiunt, & pertinent ad res humanas sensibiles. Unde distributio, seu generalitas dictorum Christi verborum accipienda est de omnibus, quæ necessaria sunt, ut Ecclesia possit rectè regi, quæ tantum sunt ea, quæ exterius innotescunt.

40. Ad secundum Respondeo, Ecclesiam quidem determinare tempus, quo debeant fideles confiteri; & verè obligare nos ad confitendum interiora nostra peccata; sed ut est interpretatrix legis Divinæ: quod ut minus omnes modò fateri tenentur. Nam dicere; si quis accedat ad Confessarium & absolutionem petat, non peccabit contra præceptum ecclesiasticum, nec incurret pœnas lege ecclesiasticâ constitutas, etiam si omitat peccata interna occulta confiteri, prout docet Becanus de *lege humana* c. 6. q. 5. modò ut minus tanquam scandalum est ab Ecclesiæ capite damnatum: pro quo vide à nobis dicenda in *tract. de Sacram. disp. 5. dub. 8.* parum ante finem. Quod verò Ecclesia possit absolvere à peccatis internis, nihil refert:

quia hoc est favorabile, nec fit nisi volentibus ac petentibus; neque fit simpliciter ab homine, sed à Deo per hominem.

41. Ad tertium dico, magnam esse disparitatem inter voti dispensationem & lationem legis: primum enim est favorabile, sicut absolutio à peccatis, unde voluntariè quoad dispensationem voti interni vovens se subjicit Superiori; secundum autem est odiosum: deinde ut dicta dispensatio prudenter fiat, debet vovens prius explicare votum suum, & sic per signa exteriora fit noscibile à Superiore.

42. Respondeo ad quartum, per credentes ibi intelligi illos, qui verbis vel signis cognoscuntur oppositum Ecclesiæ definitioni credere: quod universim dicendum est de omnibus, in quibus fertur excommunicatio circa actus quoscumque internos. Quod verò ponderosus (id est, juxta D. Gregorium, qui turpibus & luxuriosis cogitationibus in animo deditus est, & sine refrænatione indulget, licet ad externa opera turpitudinis non progrediatur) in veteri Testamento à ministeriis Altaris seclusus fuerit; ac proinde in novo Testamento non sit dignus, qui sacris mysteriis admoveatur, nihil refert; quia ibi non fertur lex, neque statuitur pœna, sed explicatur quid juxta naturam rei & legem Divinam conveniat fieri. Ita Wiggers 1, 2. q. 96. art. 2. n. 17.

43. Respondeo ad quintum cum Becano, attentionem internam in auditione Sacri, &c. non esse præceptam ab Ecclesia, sed jure Divino annexam esse omni orationi. Ecclesia itaque solam

solum prohibet externam indevotionem & occupationem, ut facilius attentione interna obtineatur, quæ jure Divino præcepta est. Vide dicenda infra *traët. de iure & iust. disp. 13. dub. 3. §. 4.* & Franc. B. Spei *de Leg. disp. 6. num. 22.*

44. Ad ultimum dico cum eodem Becano *loc. cit. infine*, & cæteris communiter, id non fieri jure humano, sed naturali determinato ac declarato per Ecclesiam: juris enim naturalis est, ut is qui non habet animum serviendi Ecclesie parochiali, non habeat etiam beneficium annexum tali servitio: sicut juris naturalis est, ut non recipiat stipendium qui non vult laborare. Ex his

45. Colliges, quotiescumque Ecclesia videtur præcipere, vel inhibere actus internos, vel intelligi debere de actibus internis per externa signa manifestatis; vel dici debere Ecclesiam hîc & nunc non ferre ullam legem, sed tantum explicare, quid juxta naturam rei, vel præceptum Divinum debeat fieri. Contra tamen

46. Instabis, Regulæ & statuta obligant plerisque Religiosos ad actus internos, ut ad mentaliter orandum & similia; ergo Ecclesia habet istam potestatem.

47. Respondeo in primis, non deesse qui negent antecedens apud Suar. *l. 4. deleg. c. 12.* dicentes in similibus casibus solum prohiberi actus externos, impediens actum internum, orationem mentalem v.g. pro quo se fundant in D. Thoma 2, 2. q. 104. art. 5. supra citato generaliter dicente quoad interiores motus animi hominem soli Deo subijci. Si tamen nihilominus in

quibusdam Ordinibus Regulæ, vel Statuta actum merè internum præcipiant, prout constat, Statuta nostra orationem mentalem præcipere, nihil refert dicere (prout cum communi dico) tale præceptum esse validum: quia per votum obedientie similes subditi etiam quoad tales actus internos se Superioribus suis liberè subdiderunt: undè non est hic opus coactione sicut in aliis legibus, quæ non ita dependenter à voluntate subditorum feruntur: sicut enim se suâ voluntate præcepto submittunt, ita præsumuntur suâ voluntate satisfacturi; quare non sine fructu & spe utilitatis id fit. Cæterum an & qui Prælati Religionum possint similes actus præcipere, vel prohibere, collige ex Regula, secundum quam Religiosi obedientiam vovent; an videl: illa consular, vel præcipiat actus mentales, aut significet Superiores posse similes actus injungere. Ita Suar. addens tamen, Prælatos rectè facturos si nunquam tales actus injungant sub rigore præcepti ad vitandum periculum: sufficit igitur exteriorem præcipere vacationem. Vide etiam Lezan. verbo *Leges Regul. num. 22.*

48. Urgebis, ex his omnibus sequitur, legislatorem humanum, etiam Ecclesiasticum, non posse præcipere vel prohibere actum externum in occulto, nullo præsentis factum: quia, cum legislator eum actum cognoscere nequeat, & consequenter non valeat de eodem judicare; non poterit etiam ob rationem sæpè allatam illum præcipere vel prohibere.

49. Resp. negando illam sequelam, & dico

& dico disparitatem esse in eo, quod omnino per accidens sit, talem actum à legislatore non posse cognosci, ac proinde nec ab eodem ferri iudicium circa illum: per se enim, inspectâ propriâ naturâ similis actus, potest de eo judicari sicut de cæteris; ac per se, cum supponatur esse externus, æque sensibilis est, & ab alio homine perceptibilis quàm ille, qui re ipsa percipitur: quare de eo judicare potest legislator humanus iudicio, quod fertur

per formam legis communis; sicut enim lex ipsa est quædam generalis sententia per se ipsam infligens pœnam, ita satis est quod materia, circa quam versatur in communi & per se, cadat sub humanam cognitionem & probam, quamvis per accidens aliqua in particulari lateat. Ita Wiggers, Marat. & alii omnes communiter. Quia tamen aliqua in contrarium adducit Caramuel *Theol. fundam. tom. I. fol. 205. sit*

## Q V Æ S T I V N C V L A.

*An posito quòd Ecclesia non judicet de occultis per se, possit judicare de occultis per accidens?*

50. **S**IC Caramuel loco cit. discurrit: Tridentinum sess. 24. c. 1. Agens de in-convenienti plurimo, quod ex matrimonio clandestino suboritur, ait, cui malo càm ab Ecclesia, qua de occultis non judicat, succurri non possit, nisi efficacias aliquod remedium adhibeatur, &c. ex quibus verbis hoc potest argumentum formari. Idèò Ecclesia de clandestino matrimonio non judicat, quia de occultis non judicat: ergo illa occulta, de quibus illa non judicat, non sunt tantummodò occulta per se, sed etiam occulta per accidens; quia matrimonium clandestinum non est occultum per se, sed per accidens. Videtur huic opinioni subscribere Escobar moralis Theol. tract. 1. exam. 7. cap. 3. nam secutus Sanchez, Comitolum, Fagundes & Sa, docet eum qui ex occulto duellum respicit, non incurrere in excommunicationem. Hæc Caramuel: exclamans, Bone Deus, si hæc opinio semel admittetur, &c.

51. Respondeo, ista verba Tridentini quæ de occultis non judicat, esse sumenda cum proportionem inter ly occultum, & ly judicare, ut sensus sit: Cui malo cum ab Ecclesia, qua de occultis per se, non judicat per se, & de occultis per accidens, non judicat per accidens, succurri non possit, nisi, &c. Quare ad argumentum à Caramuel formatum, distinguo antecedentes; idèò Ecclesia de clandestino matrimonio non judicat per se & ex natura rei, quia de occultis per se, non judicat per se, nego antecedentes; idèò Ecclesia non judicat per accidens de clandestino matrimonio, quia de occultis per accidens, per accidens non judicat, concedo antecedentes: & similiter distinguo consequens ad sensum antecedentis; ergo illa occulta, de quibus illa non judicat per accidens, non sunt tantummodò

modò occulta per se, sed etiam occulta per accidens, concedo consequentiam: ergò illa occulta, de quibus illa non iudicat per se, non sunt tantummodò occulta per se, sed etiam occulta per accidens, nego consequentiam. Unde hoc nullatenus est contra nos: quia ut ostendimus ex Wigg. Mæratio & aliis, Ecclesia præcipere & prohibere potest actus per accidens tantum occultos, licet de iis in particulari per accidens iudicare non possit. Quod ipsum etiam manifestum est ex loco Tridentini à Caramuele adducto: nam eo *cap. 1.* postquam PP. Concilii Trident. testati fuerant, Ecclesiam non iudicare (videl. per accidens (de matrimonio clandestino, restantur illud adhuc semper ab Ecclesia fuisse inhibitum: & quia iidem PP. videbant, eam inhibitionem sub solo peccato non bene à malis hominibus observari, eò quòd per accidens de matrimonio clandestino Ecclesia iudicare, & pœnam corporalem infligere non posset, statuerunt, ut deinceps matrimonium clandestinè contractum esset nullum, prout illud irritum faciunt & annullant. Unde manifestè pro nobis facit dictum *cap. Tridentini*, cum testetur occultum per accidens, de quo per accidens Ecclesia iudicare non potest, semper ab Ecclesia fuisse inhibitum, arque id ipsum etiam per se inhibeat & annuller. Deinde semper, nullo contradicente, ab Ecclesia prohibita fuit comestio occulta carnum die Veneris, fractio jejunii in abscondito, occulta omissio Horarum, &c. quidquid tamen per accidens de iis, utpote oc-

cultis per accidens, Ecclesia iudicare non possit.

§2. Dixi, *nullo contradicente*: quòd enim Caramuel dicat opinioni contrarià videri subscribere Escobar, mihi minimè videtur: & ut nulli alteri videatur, qui fortè legeret sola verba ipsius à Caramuele citata, hic pono simul ea, quæ subsequuntur. Sic igitur habet Escobar *examine 7. cap. 3. nam. 102.* Ab excommunicatione excusatur, qui aspiceret ex occulto aut eminus; aut qui casu præsens inveniretur: aut etiam qui duelli conscius, in illud meræ curiositatis causâ pergit. An fortè horum aspectus non damnantur ab Ecclesia, nec pœnâ excommunicationis feriuntur, quia Ecclesia per accidens de iis iudicare non potest? Manifestum est contrarium. Quare igitur? quia Bulla damnat spectatores, qui se spontè offerunt pugna spectatores & testes, cum inter duellantes nascitur jurgium: sic enim verbote nùs loquitur ibidem Escobar, quæ ratio ab ipso etiam datur pro aspiciente ex occulto. Certè, hæc omnia fuissent posita à Caramuele, non esset periculum, ne ulli videretur Escobar aliter sentire: & benè dixit idem Caramuel in initio Theol. fundament. se solum velle citare Authores adhuc viventes, ut postea contradicant, si eorum dicta vel scripta malè interpretetur: quamvis, quoad hunc locum Escobar, necessaria non sit vita aut interpretatio Authoris, cum ejus verba sequentia numis clarè ejus mentem interpretentur, ut vidimus. Unde nò est, quòd timeat Caramuel, ne hæc opinio ab ipso proposita probabilis reddatur.

R

§3. Quòd

53. Quòd verò nos doceamus, Ecclesiam non posse præcipere, vel prohibere actus merè internos & per se occultos, ac per se ab Ecclesia in judicabiles; non repugnat statutis Ecclesiæ: imò contrarium, videl. actus similes internos præcipere, est contra omnem Ecclesiæ usum, quæ nunquam

talem legem condidit, etiam in tempore magnæ necessitatis, ut testatur Lezana, verbo *leges Regul. num. 12 supra*, citans Suarez & Layman: quod testatus est Innocent. III. antea citatus, ac docuit D. Thom. quem plurimi sequuntur.

## DISPUTATIO IV.

### *De iis, qui Legibus subjiciuntur.*

#### DUBIUM I.

##### *An Legislator subjiciatur legi propriæ?*

1. **D**ico primò, ubi ipsa communitas leges fert, sive ubi populus sui ipsius habet gubernationem, item ubi communitas gubernatur per Senatum, seu per aliquot Primates, communitas & tales Primates obligantur directè suis legibus. Prob. quia singuli in particulari sunt inferiores, & subditi talis communitatis, vel Senatus: subditos autem suorum Superiorum legibus directè obligari, nemo dubitat. Nec refert, quòd ipsi cæteris conjuncti leges ferant; quia ut sic non sunt singuli in particulari, sed sunt ipsa communitas vel Senatus, quam communitatem vel Senatum singuli in particulari habent supra se tanquam suum Superiorem. Ita omnes communitur.

2. Dico secundò, ubi Rex aut Princeps absolutus leges fert, non ligatur ipse legibus suis quoad vim coactivam: nemo enim nisi à Superiore co-

gi potest, cùm par in parem potestatem non habeat, nec consequenter idem in seipsum imperium coercitivum habere possit; adeòque lex Principis non potest ipsum metu pœnarum cogere ad sui observantiam, cùm dicta lex non habeat vim coactivam nisi ex potestate ipsiusmet Principis. Undè legislator absolutus & independens suam legem transgrediens non incurrit pœnas pro transgressoribus statutas. Eatenus igitur Princeps solutus est sua lege. Tamen

3. Dico tertio, omnis legislator humanus ligatur suis legibus quoad vim directivam, ita ut in conscientia teneatur eas servare. Quia sicut de jure naturæ membra se debent capiti conformare, leges Superioris observando; ita juxta idem jus naturæ se debet caput membris accommodare suas proprias leges simul cum illis servando: atque hoc constat ex celebri illo dicto

dicto Catonis : *Patere legem quam ipse tuleris*, quod dictum laudatur in cap. *Cum omnes*, cit. de constitutionibus Innocent. III. ubi conformiter dicitur : *Quod quisq; juris in alterum statuit, ipse debet eo uti*. Idem etiam confirmat D. Thom. per hæc verba, *Matth. 23. Improperatur his à Domino qui dicunt & non faciunt, & qui alii gravia onera imponunt, & ipsi nec digito volunt ea movere*. Sed

Petes, an legislator quoad vim directivam teneatur suam legem servare sub peccato mortali?

4. Respondeo, id esse inter DD. controversum. Ast quamvis id negent plures apud Dian. *p. 1. tract. 10. resol. 10.* contrarium tamen probabilius iudico, ubi materia legis fuerit gravis, & ipse legislator intenderit suos subditos sub mortali obligare. Ita Grando, Suar. Sayr. Malder. & alii apud Dian. *ibid.* quibus adde Sylvium & Marat. cum quibus hanc nostram sententiam probo hoc modo; lex naturæ & naturalis æquitas non minùs notabiliter violatur si legislator legem suam in materia gravi latam non observet (ut si v.g. Papa in die jejunii non jejunet, die festo Missam non audiat, &c.) quàm lex positiva notabiliter violatur, si subditus legem sui Superioris in eadem materia gravi non fervet: cæteris autem paribus lex naturalis non minoris est obligationis quàm positiva. Cæterum, quidquid de hoc sit, secundum omnes mortaliter peccat legislator quicumque, si per hoc, quod legem à se latam infringat, grave scandalum, aliudve

notabile incommodum pariat: sicut indubiè peccaret, si contractibus à se cum suis subditis celebratis non staret, si in emptione & venditione non observaret pretium suum lege taxatum &c. quia naturalis justitia exigit, ut æquè liberè contrahentes simul, æquè graviter per contractum ligentur, & ut contractus emptionis & venditionis iusto pretio fiant; quod justum fit communi æstimatione, quæ meliùs lege quàm aliorum arbitrio declaratur, ut docet Diana supra: addens, etiam Principes infallibiliter suam lege teneri sub mortali, si eam observare juraverint. Vide eundem Dian. *p. 11. tract. 7. resol. 6.* ubi postquam varios Jurisperitos citasset, sub distinctione nobiscum resolvit, sustinens tamen Principem supremum contraveniendo suæ legi absque scandalo nunquam peccare mortaliter; quia tunc, inquit, illa naturalis æquitas non obligat graviter. Deducit insuper cum Salas, omnia peccata, quæ à Principe committuntur, ob non observationem propriarum legum, esse ejusdem speciei, eò quod ratio formalis peccati in istiusmodi transgressionibus eadem sit, videl. quia turpiter agit discordando corpori, cujus caput est.

5. Observa tandem, legislatorem lege naturali solum teneri suis legibus, quæ æquè ad ipsum quàm ad subditos spectant: manifestum enim est, Principem non teneri observare leges à se statutas pro tutoribus vel factoribus; de non utendis vestibus sericis; de non gerendis armis, &c.

## DVBIVM SECVNDVM.

*An Clerici subijciantur legibus civilibus, & Religiosi synodalibus?*

6. **D**ico primò, clerici subijciuntur legibus civilibus, quæ ad bonam Reip. gubernationem pertinent, nisi Ecclesiæ immunitati repugnent, vel statum clericalem dedeçant. Tales sunt, quæ iustum pretium constituunt rebus venalibus, quæ inhibent ferri arma, vehi granum extra civitatem vel patriam, quæ prohibent vel invalidant certos contractus, &c. Ratio est, quia clerici sunt vera membra Reip. ergo æquum est ut dictis legibus ligentur; vel maximè, cum aliâ stimenda foret non parva Reipub. turbatio in commerciis laicorum cum clericis, ut consideranti patebit.

7. Adverte tamen, clericos non ligari dictis legibus quoad vim coactivam, sed quoad directivam duntaxat: ita ut obligentur servare, quæ lex tanquam regula præscribit, partim vi legis naturalis requirentis, ut membra ejusdem corporis eidem regule conformentur; partim vi canonum & constitutionum Pontificum istam conformitatem requirentium. Unde si clerici similes leges civiles infringant, peccant. Quidquid tamen à potestate civili metu pœnarum cogi non possint ad earundem observantiam, nec incurrant pœnas pro transgressoribus lege civili statutas, sed puniri tantum possint ac debeant

à suo iudice ecclesiastico, vel eadem pœnâ quæ statuta est lege civili, vel aliâ ab ipso legislatore ecclesiastico judicatâ commodiori. Unde legislatores civiles in hoc debent implorare auxilium Prælatorum ecclesiasticorum; quod hi pro sui muneris obligatione præstare tenebuntur: per quod solum manet, quod hic nobis objici posset, videl. ex dictis sequi, dari potestatem legislativam sine coercitiva.

8. An verò clerici, contravenientes dictis legibus, peccent mortaliter? Affirmativam veriorum esse, ubi laici sub mortali obligantur, sequitur ex dictis *dub. 1.* de legislatore transgrediente legem propriam; eodem enim naturali jure ligantur clerici ac ipse legislator: negativâ tamen, secluso scandalo, non improbabilius tenent Bonnac. & Salas, quos citat Bassaeus verbo *Lex.*

9. Dixi in resolutione, *si ecclesiastica immunitati non repugnent*: quia si legislator civilis ferret aliquas leges circa causas ecclesiasticas, nullo modo clericos obligarent: ex variis namque Scripturæ locis (ut *Matth. 16. & 18. Ioan. 20. & 21.* videre est) constat, Christum potestatem gubernandi Ecclesiam & ecclesiasticos soli Petro & cæteris Apostolis commississe. Idque judi-

judicibus civilibus vetant duo Concilia, quæ adfert, Sylviushicq. 96. *art. 5. quasit. 3.* ubi addit hæc verba S. Martini: *Novum est & inauditum nefas, ut causam Ecclesie index sæculi iudicaret.* Quod ipsum etiam docet ratio dictans, ut quilibet iudex de solis illis rebus iudicet, quæ ad suum tribunal spectant. Neque etiam clerici ligantur legibus tributa, vectigalia & alia similia Regi aut Principi solvi jubentibus; quia ab his exempti sunt jure pontificio per Alexandrum III. in Concilio Lateran. c. *non minus, tit. de immunit. ecclesiast.* per Innocentium III. in alio Concilio Lateran. *cap. adversus tit. eodem, & per Bonifacium VIII. cap. quamquam, tit. de censibus in sexto,* qui omnes ea sacerdotibus imponi inhibuerunt. Atque ab iisdem etiam exempti sunt jure civili Imperatorum; idem enim inhibuit Constantinus magnus apud Eusebium l. 10. *histor. c. 7.* & Justinianus l. 1. *codic. lege sancimus 2.* Hocque ipsum fuisse observatum circa sacerdotes veteris testamenti, ostendit Sylvius *loc. cit.* ac sanè æquitati naturali omnino conforme est, ut qui sacris mysteriis specialiter astricti sunt, ab oneribus secularibus sint exempti. Nec hinc imminet Reip. perturbationis periculum, sicut dictum est imminere, si clerici ab aliis legibus suprà positis exempti essent. Quoad secundam dubii partem

10. Dico secundò, Religiosi exempti probabilius non ligantur legibus synodalibus Episcoporum. Ita plurimi quos citat & sequitur Dian. p. 1. *tr. 10. res. 11.* & ratio est; quia in eo maxime sita videtur eorum exemptio, ac distin-

ctio à cæteris clericis communibus. Contrarium interim docent plures probati auctores apud eundem Dian. *ibid.* quibus jungo Lezanam in frà citandum: qui omnes innituntur eidem fundamento, quo nos suprà probavimus legislatorem obligari lege suâ, & clericos legibus civilibus; quia nempe jus naturæ statuit partem debere suo toti conformari. Verùm, pace aliorum dixerim, Religiosi exempti non sunt propriè pars alicujus diæcesis, cum nulli Episcopo subjaceant, sed immediate ipsi summo Pontifici, videturque proinde de iis resolvendum, sicut de peregrinis statim dicemus. Quare ad leges Episcoporum sive synodales non obligantur, nisi ex quadam decentia, & ratione vitandi scandali, ut loquitur Diana: adeoque non peccant dictas leges infringendo; ubi scandalum verum cessat. Sic non peccant, si in monasteriis suis existentes non servent jejunia ab Episcopis statuta: si in quadragesima non abstineant à lacticiis diebus ab Episcopis determinatis, &c. si absit periculum scandali. Atque hoc omnino conforme videtur rationi, cum Religiosi aliunde satis graventur per jejunia, &c. suarum religionum. Vide pro his omnibus Lezan. *10. 4. Verbo Leges Regul. num. 27. 28. 29. & 30.* ubi distinguit inter leges synodales communes & particulares, docetque *eo num. 27.* Regulares exemptos absolute obligari constitutionibus synodalibus concernentibus actiones communes totius populi & observantiæ regulari non derogantibus: quod ipsum docuerat *10. 1. 6. 11. n. 13.* Quidquid *10. 4.* insuper asserat, valde probabile esse,

R 3 hanc



hanc obligationem obediendi legibus synodalibus secluseo scandalo, & consuetudine in contrarium, non esse in clericis exemptis ad aliquam culpam seu poenam, sed solum ex quadam decencia & honestate: quare in rei substantia non multum discrepare videtur à nostra sententia, & modo loquendi Dianæ.

11. Adverte hinc tamen, excipiendas esse leges synodales præcipientes observationem Festorum; circa quæ

Tridentinum *sess. 25. cap. 12. de Regular.* tribuit Episcopis potestatem etiam obligandi Religiosos exemptos; quia fortè in hoc puncto semper censetur adesse periculum scandali. Ita DD. omnes communiter; quidquid P. Bruno Chassaing. d. neget. Sunt interim & alii multi casus, in quibus adhuc Religiosi exempti obligantur legibus & judiciis Episcoporum, quos vide apud Malderum 1. 2. *quæst. 90. art. 5.*

## DVBIVM TERTIVM.

### *Quibus legibus peregrini, & vagi teneantur?*

12. **D**ico primò, peregrini & advenæ, existentes extra proprium territorium, non tenentur leges proprii territorii particulares servare. Ita Franciscus B. Spei *dist. 7. n. 72. Prob.* quia legislator tam ecclesiasticus quàm civilis, non habet jurisdictionem extra suum territorium, quod est quasi sphaera activitatis ejus. Hanc resolutionem veram esse, licet quis de industria proprium territorium ad tempus deferat, ne videl. debeat audire Missam, abstinere ab opere servili, jejunare, &c. docent Sanch. Fagun. & Suarez apud Dian. p. 1. *rr. 10. res 14* qui eorum sententiam omnino sustinendam esse arbitrat. Ratio est, quia talis utitur jure suo: neque dicendum est, inquit, propriam fraudem nemini posse patrocinari; nam hinc nulla fraus intercedit, sed nuda fuga obligationis præcepti, quæ non est contra præceptum, cum nullus lege jejunii teneatur manere in lo-

co ubi præcipitur jejunium observari. Quare horum DD. sententiam omnino probabilem reputo: & licet prædictus non sit dicendus bene facere; non tamen facit malè, ut benè notarunt Suarez & Fulienfis; idemque habet Noster Urban. *tract. 1. cap. 8.* ubi dicit, non debere quidem id fieri ex motivo legem fraudandi, sed utendi jure suo; quæ omnia etiam docet Vidal de censuris *inquis. 1. fol. 79. n. 29.* & recentior etiam Gobat in *Alphab. audient. Sac. casu 17. num. 350.*

13. Dices suprà *rr. 1. disp. 5. de peccatis capital. dub. 5. §. 7. circa finem* dictum est, non esse licitum dare operam lusu pilæ, venationi, &c. eà intentione, ut quis per similia factus impotens non jejunet: ergò etiam non est licitum exire ad illud territorium eà intentione, ut ibi non jejunetur v. g.

14. Resp. negando conseq. est enim lata disparitas; quia exiens extra proprium

prium territorium, vult quidem & intendit facere id quod præcepto jejunii inhibetur, sed non ubi & quando dictum præceptum obligat, sed ubi & quando cessat omnino per se obligare ob non subjectionem eidem præcepto, quod non obligat extra talis loci limites. Alii qui in die jejunii ludo pilæ, venatione, &c. voluntariè se reddunt impotentem ad jejunandum ut non jejundet, non vult jejunare ubi & quando præceptum jejunii per se obligat. Vide Dian. p. 10. tract. 14. ref. 11. circa medium.

15. Dico secundò, peregrini & advenæ existentes extra proprium territorium, non obligantur etiam ad leges particulares loci in quo sunt. Ita P. Franc. B. Speilo. cit. num. 91. Prob. quia legislator non habet potestatem seu jurisdictionem in extraneos sibi non subditos, quales sunt peregrini, qui in loco, in quo degunt, non habent domicilium nec quasi domicilium, ut potè cum non intendunt (ut suppono) pro majori anni parte ibi manere, sed peractis negotiis ad proprium domicilium sint redituri. Deinde tales non sunt pars communis, in qua sunt; ergò non ligantur legibus, quæ pro ista sola communitate feruntur. Ita Granado, Azo. Sanchez, Villal. & Reginal. quos sequitur Dian. p. 1. tr. 10. ref. 13. & 15. Imò id docent aliqui etiam locum habere in peregrinis, qui pro majori parte anni illic morantur, modò sedem ibi non figant animo illic perpetuò manendi: quorum tamen sententiam reputo nimis laxam, cum tales tunc ibi quasi domicilium habent, & mora magna, qualis est major

pars anni, sufficiat, ut in eos acquiratur jurisdictio. Unde cum Leandro de præcep. Eccles. tr. 1. disp. 3. q. 12. & 13. improbabilia judico quæ habet Bernardus Barulistr. de lege municipalis in advenas d. quist. 1. §. 4. num. 37. ubi post multa sic ait, quod quidem continuò accidit in scholaribus, provinciarum Gubernatoribus, oppidorum Prætoribus & Præfectis, Castellanis, famulis ad tempus servientibus & similibus; qui omnes ad patriam redire semper cogitant: unde prædictos omnes ex ea mora quam contrahunt dum in tali officio suo funguntur munere in eodem loco domicilium fortiri nullo modo dici possunt, quamvis ibi residendo pervenirent etiam (ut ita dicam) ad Nestores annos, ac proinde non ligantur legibus & consuetudinibus loci, ubi temporaneam habitationem habent. Ita verbotenus ille, citans pro se varios Autores: quæ, ut dixi, mihi & Leandro improbabilia apparent, eò quòd tales saltèm quasi domicilium in dictis locis obtineant, quiddid Dian. p. 10. tract. 13. ref. 37. ea & alia similia, quæ habet dictus Barulistr. num. 40. probabilia esse fateatur, & Pasqualigus in praxi de ieiunio decis. 189. 190. & 198. omninò sententiæ ejusdem Barulistr. adhæreat.

16. Dices contra conclusionem nostram, peregrinus, qui tantum parvo anni spatio abest à proprio territorio, non tenetur eo tempore ad leges proprii territorii juxta resol. primam: ergò æquum est ut obligetur ad leges loci, in quo est, licet tantum per aliquot dies ibi intendat manere: qui enim sentit commodum loci, secundum regu-

regulam juris, debet & onus sentire, maximè cum consuetudo jam id obri-  
neat, quæ per modum legis obligat in  
conscientia.

17. Resp. negando conseq. quia le-  
gislator non plus habet jurisdictionis  
in extraneos non subditos in suo ter-  
ritorio existentes, quàm in proprios  
subditos existentes extrà suum terri-  
torium. Unde non est, cur potius le-  
gislatoris hujus legibus ligentur,  
quàm illius, vel econtrà. Regula verò  
juris allata tantùm habet locum, ubi  
onus est alligatum necessariò ipsi com-  
modo: de consuetudine autem obli-  
gante nihil constat. Tamen

18. Adde, resol. nostram datam ge-  
neraliter, restringendam esse (prout  
observat noster Franciscus) ita ut dicti  
peregrini adhuc ligentur legibus loci  
extranei, quæ specialiter sunt latae pro  
extraneis, vel in publicam istius loci  
utilitatem; item legibus suo proprio &  
extraneo territorio communibus; nec  
non legibus requirentibus solemnita-  
tes contractuum: quorum ratio est,  
quia aliàs bonum istius loci regimen  
non posset subsistere; neque natura-  
lis æquitas permittit, ut quis impunè  
communitati, licèt non suæ, damnum  
afferat: ac peregrini non minùs sub-  
duntur legislatori legum comuni-  
um, ejusque legibus, quàm ipsi incolæ.  
Quòd verò ligentur legibus & con-  
suetudinibus quoad solemnitates con-  
tractuum, est, quia ratione contractus  
unusquisque sortitur forum loci, in  
quo contrahitur, ut decernitur *cap. fi-  
nals de foro compes. & l. si fundus ff. de vi&c*. Ad-  
verte tamen, quoad leges proprio &  
extraneo territorio communes, si hæ

sint solùm communes ex autoritate  
legislatorum particularium utriusque  
loci, ut si v.g. jejunium vel festum ser-  
vetur Bruxellis simul & Gandavi ex  
præcepto Episcoporum utriusque lo-  
ci, satis probabile esse Bruxellensem  
Gandavi, & econtrà Gandensem Bru-  
xellis existentem non teneri ad jejni-  
um aut festi observantiam: quia cum  
ibi sint extrà territorium Episcopi pro-  
prij, nec sint subditi Episcopi loci in  
quo sunt (suppono enim quòd non  
intendant diu ibi remanere) neu-  
ter Episcopus habet in eos, pro  
tunc, jurisdictionem. Ita Fagund. *de  
præcept. Eccl. tr. 1. l. 1. c. 7. n. 8.* cujus opi-  
nionem bonam & turā conscientia eli-  
gibilem esse docet Vidal. *fol. 79. supra  
num. 30.* Quare cum dicitur, peregrin-  
os teneri legibus suo & extraneo terri-  
torio, in quo sunt, communibus,  
videtur debere intelligi de legibus,  
quæ feruntur pro utroque territorio  
ab uno communi Superiore utriusque  
territorii. Ita enim docet expressè  
Burghaber *Centur. 1. casu 16.* Caterùm  
in prædictis omnibus semper caven-  
dum est à scandalo, quòd juxta Dian.  
*p. 1. tr. 10.* supra facile vitari poterit  
per admonitionem altantium, se non  
teneri ad leges illas; vel occultè iis  
contraveniendo.

19. Dico tertio, vagi (qui in eo à pe-  
reginis differunt, quòd nullibi fixum  
domicilium habeant) subjiciuntur le-  
gibus locorum, per quæ transeunt. Ita  
DD. communiter. Ratio est, quia cum  
nullibi habeant domicilium fixum,  
hoc acquirunt ubicumque reperiun-  
tur, adeòque sunt subditi loci illius, in  
quo pro tempore degunt: aliàs enim  
per

per nimis longum tempus nullis particularibus legibus ligarentur; quod videtur inconveniens, cum homo rationi prædictus sit, ut lege dirigatur, ejusque ductum sequatur, prout loquitur Urban. *tr. 1. c. 8.* qui id malè vult à pari locum habere in peregrinis; nam supponuntur hi citò redituri ad proprium territorium, ubi legibus particularibus ligabuntur, ac familia & res ipsorum etiam ipsis absentibus semper iisdem subijciuntur. Insuper satis probabile esse, ipsos vagos non teneri legibus locorum per quæ transeunt, sultinent Sayrus, Lessius, Sancius, & Layman apud Dian. *p. 1. tr. 10. resol. 16.* quos & citat Bassæus verbo *Lex* quia hi non sunt magis subditi, inquirunt, legislatorum in locis ubi vagantur, quam peregrini. Neq; absurdum videri debet, ait Lessius, eum qui nusquam sistit, nullis statutis particularium locorum teneri. Ex quibus id ipsum satis probabile esse fatetur etiam Dian. *ibid.* qui dicit non ob stare, quod vagi suscipere possint Sacramenta ubicumque recipiuntur; quia hoc privilegium est, non obligatio. Quod verò per consuetudinem vagi puniantur in loco, ubi delinquant, vel ubi capiuntur, sit, ne eorum crimina aliàs inulta relinquantur, inquit Layman, negans inde sequi, eos generaliter & in omnibus fortiri forum seu jurisdictionem loci in quo existunt; asserens ad id requiri, ut ibi domicilium figant animo semper commorandi.

20. Petes, an exiens extra territorium suum, in quo est Festum, ad aliud, ubi Festum non est, teneatur ante exitum suum in territorio proprio Missam

audire? Item an possit manè jentare, si ibi sit jejunium & non in territorio, ad quod isto die perveniet?

21. Ad primum respondeo, certum imprimis esse, talem non teneri expectare ut Sacrum in suo territorio audiat, si ibi adhuc nullum Sacrum fiat: nam per præceptum audiendi Sacrum, similis non obligatur è loco non egredi: si tamen hîc & nunc ibi dicatur Sacrum, nec aliud isto die ibidem solet fieri, neque etiam perventurus sit ad alium locum, in quo isto die Sacrum audire poterit, tenebitur istud Sacrum audire, quod fit in sua parochia: quia obligatio audiendi sacrum tunc urget, nec quidquam obest (ut suppono) quominus illud audiat. Dixi *si aliud isto die ibidem non solet fieri, neque perventurus sit ad alium locum, in quo isto die Sacrum poterit audire.* Quia aliàs necdum obligaret eum Sacrum audiendi præceptum, cum audiendo unum ex sequentibus, vel illud quod fiet in loco ad quem pergit, possit ex integro illi satisfacere, & aliunde non obligetur ibi remanere. Neque dum ad aliud territorium pervenerit, tenebitur illic Sacrum audire, quia in illo pro tunc cessat præceptum. Atque hæc videtur quoad omnia esse doctrina Dianæ *suprà ref. 14.* ubi dicit supradictum, si intra meridiem exeat Sacro non audito, non peccare, quia non tenebatur audire Sacrum nisi usque ad meridiem; ergò, inquit, si intra meridiem exeat Sacro non audito, non peccat; & pro hac sententia citat Sanchez, testaturque eam ut probabilem admitti à Lessio, Maldero & Fagun. Est tamen contra Sa, Sayrum, Filliu, Fulien. & ex parte contra N. Urbanum,

quilo. cit. dicit, talem peccare non audiendo Sacrum, si exeat postquam tempus commodum Missam ibi audiendi effluxerit: per quod negare videtur eum excusari, licet sit perventurus ad alium locum, ubi adhuc isto die Missam audire posset; quo tamen fundamento, non video, cum possit æquè præcepto satisfacere isto die Missam audiendo in alieno territorio, quàm in proprio: ergo si adhuc isto die habiturus sit commoditatem audiendi eam in territorio alieno, non plus urget præceptum audiendi Missam antequam ex territorio proprio discedat, quàm si habiturus esset commoditatem adhuc postea Missam audiendi in territorio proprio, si ibi remaneret, quo casu tamen eum excusat Urbanus.

22. Ad secundum respondeo, talem in proprio territorio jentare posse etiam fumendo integram refectionem; non tamen carnes comedere. Ita Less. Sanch. Portel. Filliuc. & alii, quos citat & sequitur Dian. p. 1. tract. 9. res. 3. quibus addo Layman, Bassæum, & Fuhieu. Ratio est, quia cum præceptum jejunii sit indivisibile obligans pro in-

tegro die & non pro aliqua parte tantum, ut vidimus superius; si quis una parte diei non obligetur ad jejunium, prout in casu posito talis non obligatur vesperti, nec obligatur reliquis diei partibus. Sicuti ergo qui manet & in prandio jejunium fregit, & vesperti pertingit ad locum, in quo jejunium servatur, ipso vesperti licitè non jejunat; ita qui vesperti perveniet ad locum in quo non jejunatur, ipso mane licitè non jejunat. Aliud verò est de comestione carnum, quia præceptum abstinendi à carnibus est divisibile, adeòq; obligat pro singulis diei partibus, cum pro parte possit servari: atque hinc est quod supra cum aliis communibus docuerimus, toties aliquem peccare mortaliter, quoties in die jejunii carnes comedit: non tamen toties, quoties sumit plus quàm unam integram refectionem, eò quòd sumptà secundà impossibile sit jejunium observare. Interim diligenter observa in his omnibus esse cavendum à scandalo, ut adhuc ante insinuatum est, Vide circa hæc P. Franc. B. Spei disp. 7. num. 78. & seq.

## DVBIVM QVARTVM.

### *An pueri, & amentes sint adstricti legibus?*

23. Suppono hic tanquam certum cum Urbano & omnibus Catholicis, hæreticos omnino adstrictos esse legibus ecclesiasticis: licet enim in pœnam rebellionis suæ excommunicati sint & ab Ecclesia ejecti, cogi tamen

possunt ab eadem Ecclesia ut regrediantur: ad quòd continuò obligantur, & ligantur interim ejus legibus, ac infallibiliter peccant toties quoties eas infringunt; atque hinc patet ad quæst. quam instituit Caramuel *sua Theol. fund.*

*fund. p. 1. fund. 19. q. 2.* nimirum Catholicos inter Hæreticos conversantes teneri legibus ecclesiasticis, cum nemo se possit conformare consuetudini iniquæ pertinaciter contra mentem legislatoris retentæ. Interim contrarium resolvendum est de infidelibus, qui nullis Ecclesiæ legibus tenentur, cum sint omnino extrâ ejus potestatem; quam nullus ingreditur nisi per Baptismum. Hoc posito

24. Dico primò, infantes ante rationis usum nullâ lege ligantur humanâ, vel Divinâ, vel etiam naturali pro eo tempore, quo usû rationis carent: sicut nec ulla lege in actu secundo ligantur perpetuò amentes, inculpabiliter ignorantes, dormientes, & inculpabiliter ebrii pro tempore, quo in tali statu existunt. Ratio est, quia, sicut juxta ante dicta, lex non obligat in actu secundo communitatem ante promulgationem, eò quòd obligare nequeat nisi cognoscatur, ita nec membra communitatis in particulari potest lex obligare in actu secundo, nisi ab iis cognita fuerit. Unde qui pueris aut amentibus daret comedendas carnes in quadragesima, qui eos à Sacro audiendo die festo impediret, &c. seculò scandalo, non peccaret, cum istis legibus non sint astricti. Vide dicta suprà tract. 1. disp. 5. dub. 5. §. 3. *parum autem modum.*

25. Dico secundò, dum pueri pervenerunt ad rationis usum (quod censetur communiter fieri circa septennium) statim incipiunt subjici legibus, etiam ecclesiasticis, præterquam legi jejunii & communionis. Ita Urban. cr. 1. c. 8. Ubi adverte illud statim non esse

sumendum physicè, sed moraliter, præsertim inater præcepta ecclesiastica: pia enim mater Ecclesiæ non videtur pueros obligare v. g. ad Missam audiendam, quamprimum sunt rationis capaces, nisi, ut summum, sub veniali ob apprehensionem adhuc imperfectam, tum mysteriorum, tum ipsius præcepti; ex qua fit, ut faciliè negligant requisita ad impletionem præceptorum. Unde Marchant. in resol. Pastor. eos tantum putat sub mortali obligari ad Missam audiendam, quando capaces sunt ad Eucharistiam recipiendam: quod fit communiùs circa annum 10. vel 12. Quod idem à pari fortè dicit de præcepto confessionis annuæ cum Dominico Soto. Verum nos ista dicturi sumus, hæc potius debere relinqui determinanda judicio prudentum Confessorum, ac parentum: pro quo vide quæ dicuntur in tract. de sacram. disp. 5. dub. 9. resol. 3. & adde ex Urbano 106. cr. pueros post septennium, imò & antè, ligari præcepto Divino confessionis in mortis articulo, posito quod aliquid commiserint, cui possit subesse peccatum mortale; idque ob periculum damnationis æternæ. Vide circa hæc Gobat in alphab. commun. casu 6. n. 107. & seq.

26. Dico tertio, amentes & lunatici habentes lucida intervalla, legibus omnibus obligantur pro eo tempore quo ratione utuntur: sicut & ebrii, dormientes & ignorantes culpabiliter pro tempore ebrietatis, dormitionis, &c. quia non est, cur hi ab obligatione legum excusentur, cum sua culpa se in eum statum conjecerint, in quo per accidens hic & nunc eis observatio

legis est impossibilis. Vide dicta suprà de ignorantia & ebrietate; ubi dictum est, ebrios adhuc verè non peccare transgrediendo legem, nisi talem transgressionem prævire potuerint & debuerint. Adde ex Layman, infantes, & verè amentes propter excessum propriè puniri non possè: nam

pœna propriè dicta culpam supponit: amentes tamen possunt castigari instar bestiarum, ut ita perterriti arceantur à nocuentis inferendis. Ita Layman; subjungens, amentes propter delicta commissa ante amentiam non posse puniri pœna mortis vel multationis, bene tamen pecuniaria.

## DISPUTATIO V.

### *De Legis interpretatione, eiusque cessatione.*

#### DUBIUM I.

##### *Quid Interpretatio, & in quam Legem cadat?*

1. **I**nterpretatio legis duplex est; una simplex, altera per epicheiam: de quibus

Dico primò, interpretatio simplex locum habet in omni lege: quia hæc est nuda explicatio mentis ejus, qui legem tulit; quam necessariam esse, etiam in multis legibus naturalibus, ostendimus suprà *disp. 2. dub. 1.* ac à fortiori necessaria est in lege positiva, tam Divina, quam humana. Quapropter non solum licitum est, has interpretari interpretatione generali, quæ competit ipsi legislatori seu Superiori supremo; sed etiam interpretatione particulari, & doctrinali, quoad hunc vel illum casum in particulari, quod patet ex communi usu, & DD. praxi, qua constat, leges omnes humanas, etiam Concilii Trident. (ut advertit Lezan. verbo *Legis Regula-*

*rium num. 21.*) explicari, saltèm obiter à DD. Vide dicta *dub. 1. cit. num. 6.* ubi in fine habes, à quibus DD. id oporteat fieri.

2. Dico secundò, neque in legem naturalem, neque in Divinam positivam, cadere potest epicheia, sive ut Lezan. cum aliis, interpretatio per æquitatem. Quia epicheia est interpretatio intentionis legislatoris, quam habuisset in aliquo casu particulari, si illum prævidisset, licèt tamen verbale legis exprimant, eum habere intentionem contrariam: unde ab Aristotele vocatur correctio, seu emendatio legis quoad aliquem casum specialem, in quo lex deficit: atqui lex naturalis nunquam deficit; neque etiam positiva Divina: cum nullus sit casus particularis, quem non prævidet Deus: Ergo, &c.

3. Dico

3. Dico tertio, in absentia legislatoris possunt inferiores circa leges humanas uti epicheia. Cum enim lex non obliget ultra legislatoris voluntatem, & in casu particulari, pro quo adhibetur epicheia, legislator verè non habuisset voluntatem obligandi, si eum considerasset, censetur etiam de facto dictam voluntatem non habere in tali casu: cum juxta regulas æquitatis, & prudentiæ non possit talis casus lege comprehendi. Nec solum tales casus sunt, in quibus per supervenientem aliquam circumstantiam materia legis redditur iniqua, bono communi contraria, aut superans legislatoris potestatem; quia tunc manifestum est, legem non obligare; sed & alii, in quibus vel lex est nimis difficilis, vel contra patriæ mores, &c. quæ legislator non advertit. Ita Lezan. *suprà num. 60.* addens, subditum per epicheiam excusari à legis obligatione, non solum quando certò scit, casum aliquem non comprehendi sub lege, sed etiam quando probabilibus rationibus, sive juxta sententiam verè probabilem id existimat. In dubio verò, an aliquis casus lege comprehendatur necne, consulendus est legislator; quod si commode fieri non possit, tenetur quilibet stare pro observantia legis, quia lex est in possessione: quidquid plures contrarium sustineant, dicentes, quoad talem casum dubium adhuc subditum esse in possessione suæ libertatis. Vide Lezan. *tom. 3.* verbo *Dubia Regularia à num. 6.* & Dian. *par. 4. tract. 3. resol. 22. & 23.*

4. Cæterum nota hic, juxta Fuliensem legem explicandam esse juxta ver-

borum proprietatem; quia legislator per legem ipsam mentem suam declarat: limita, nisi per hoc aliquod inconveniens sequeretur; tunc enim verba deberent sumi in impropria significatione, cum præsumendum sit, tunc & aliam esse legislatoris mentem. Quia tamen duplex est verborum proprietas, naturalis scilicet & civilis, quando lex est favorabilis, explicari potest juxta utramque: unde in favorabilibus nomine filii venit etiam filius adoptivus, quia & hic ex usu civili est etiam filius: sic etiam nomine filii legitimi venit legitimatus, &c. Ubi verò lex est odiosa, explicari debet juxta communem sensum verborum, mitiorque interpretatio tunc amplectenda est, quia odia restringenda. Ita etiam Lezan. *tom. 4.* verbo *Leges Regul. num. 33.* qui & *num. 34.* dicit eam legem vocari favorabilem, quæ primariò prodest aliquibus, quamvis aliis secundariò noceat: è contra verò illam esse odiosam, quæ primariò pœnam continet, etsi aliis secundariò profit. Vide eum etiam *num. 35. & seq.* ubi varias constituit regulas observandas in interpretatione legum; quarum una monet, in hac maximè attendi debere ad proæmium & præfationem, quibus legislator utitur in condenda lege, ea namque ut plurimum, inquit, causam finalem legis continent. Quod hic dictum est de lege favorabili, debet etiam extendi ad alias causas favorabiles, quales sunt causæ matrimonii, libertatis, dotis, testamenti, & pietatis. Circa hanc ultimam sciunt omnes (inquit Gobat) piis causis à Jure, & Theologis accenseri, si quis



docethonestè puellam, si leget necessaria ad vivendum congruè statui, aut ad emergendum è vita valde labo-

riosa ad minus laboriosam, aut ad studendum Theologiæ ; cætera sunt per se nota.

## DVBIVM SECVNDVM.

### *Quandonam censeatur cessare lex?*

5. **D**ico, variis modis lex cessare potest. Primò per ipsius legislatoris revocationem ; sicut enim ad hoc, ut lex à principio obliget, requiritur legislatoris intentio, qua velit suos subditos obligare, ita ad hoc, ut obligatio legis perseveret, requiritur, ut duret dicta legislatoris intentio. Secundò etiam cessat obligatio legis, quando ejus observatio ex certis circumstantiis redditur illicita, vel legis magis obligantis impeditiva ; quia tunc, vel definit esse honesta, vel utilis. Tertiò etiam cessat si fiat valde difficilis ; tunc namque censeatur præsumpta mens legislatoris non obligandi suos subditos cum tanta molestia : sic ager excusatur à jejunio, à lectione Horarum, &c. Limita tamen, nisi legis observatio necessaria sit ad notabile Reipub. bonum : tunc enim eam posse obligare, etiam cum vitæ periculo, suprà docuimus. Quartò cessat lex, cum ejus finis adequatus cessat ; quia tunc cessat esse utilis & honesta : quando verò multa simul per legem præcipiuntur, & finis adequatus cessat respectu unius partis tantum, obligatio etiam solum respectu illius cessat. Si verò eadem lex habeat plures fines, uno cessante rema-

nentibus cæteris, non cessat obligatio legis ; sicut nec cessat, si, desinente fine adequato, alius finis adveniat, ob quam legislator intendat legem continuare. Item si finis adequatus legis cesset pro aliquo tempore tantum, non statim inferri potest legem absolute cessare ; sed pro eo tempore dicenda est suspendi, iterum obligatura isto tempore elapso. Sed

6. Petes, an cessante fine legis respectu alicujus personæ in particulari, vel in aliquo casu speciali, etiam cesset obligatio legis respectu talis personæ, & in tali casu ? Huic petitioni respondurus Diana, dicit, serem difficillimam aggredi : quæ tamen ipsi difficilis non foret, si bene consideraret ea, quæ ipsemet adducit *p. 10. tr. 12. ref. 37.* quæque antea in partibus præcedentibus sæpius docuit. Igitur ad petitionem.

7. Dico primò contrà Dian. & alios ; ubi lex magis bonum generale communitatis, quam privatum uniuscujusque in particulari respicit, respectu unius in particulari nunquam cessat lex ratione finis cessantis, nisi respectu omnium cesset. Ita DD. communiter teste ipso Dian. *p. 1. tract. 10 ref. 28.* Prob. quia lex dicta non respicit

spicit personas in particulari neque casum specialem, sed ipsam communiter, & id, quod communiter solet accidere: ergo, licet ejus finis videatur cessare in particulari, vel respectu alicujus personæ in particulari, retinebit adhuc vim obligandi. Antecedens constat ex D. Thoma 2, 2. q. 147. ubi hæc habet de lege jejunii: *Ecclesia jejunium instituens attendit ad id quod communis accidet, &c.* Et ipse Diana pluribus in locis nominatim p. 10. tr. 12. ref. 37. docet, puerum, qui ante septennium usum rationis obtinet, adhuc non teneri ad annuam confessionem, neque ad abstinentioniam à carnibus; quia leges non intendunt obligare ante illud tempus & ætatem, in qua communiter lumen rationis oriri est solitum; per accidens autem est, quòd ante septennium in hoc vel illo puero acceleretur, &c. Hæc Diana & alii quos citat. Dico ego similiter ab opposito, quamvis videatur cessare finis legis respectu alicujus in particulari, adhuc non cessat obligare lex; quia leges intendunt obligare, ubi & quando communiter adest finis & motivum legis, vel adesse finem communiter est solitum; per accidens autem est, quòd in casu speciali finis cessare videatur.

8. Adverte, me semper dixisse, licet finis legis videatur cessare in casu particulari, & non licet finis legis cesset in casu particulari, prout omnes cæteri loquuntur: quia puto, nunquam verè cessare finem legis conditæ in bonum communitatis, respectu alicujus in particulari tantum: quod efficaciter, & subtiliter (uti semper) probat R. P. Franc.

B. Spei in sua noëta dub. 18. num. 592. hoc modo; finis dictæ legis est promotio boni communiter conjuncti cum actione, quam præcipit ipsa lex: atqui talis finis respectu unius in particulari nunquam cessare potest, quin simul respectu omnium cesset: ergo, &c. Prob. minor, quia etsi fieri possit, ut actio, quam præcipit, respectu unius in particulari non habeat extraordinariè & particulariter conjunctum bonum, quod promovere intendit; fieri tamen non potest, ut respectu unius desinat illud habere communiter & ordinariè conjunctum. Hoc iterum latè discutit idem Franc. de leg. disp. 8. num. 33. & seq. Videat igitur Diana, an concipere non possit, quomodo lex generaliter cesset obligare, si ejus finis cesset in generali, & tamen non cesset obligare in particulari ex eo, quòd finis ejus cesset in particulari: ac solvat argumentum suprà formatum ex suis met fundamentis. Videat etiam Lezana, quomodo rationes, adductæ pro cessatione legis in generali, idem non probent quoad cessationem legis in particulari. Quòd vero ipse verbo *Leges Regularium* num. 50. dicat, sententiam Dianæ confirmari efficaciter ex eo, quòd lex Divina correctionis fraternæ desinat obligare, etiam in casibus particularibus, in quibus cessat ad æquata ratio legis, adeoque etiam idem sit dicendum de lege humana (pace tanti viri dixerim) est valde inefficax contra hanc nostram resolutionem, ut benè advertit idem P. Franc. Nam lex correctionis fraternæ, magis bonum privatum uniuscujusque membri in particulari respicit,

respicit , quàm bonum generale totius communitatis. Deinde hoc Lezanæ argumento non obstantē,

9. Dico secundo, etiamsi lex magis bonum particulare respiciat singulorum, quàm generale communitatis, adhuc non cessat lex respectu unius in particulari, quamvis videatur cessare finis respectu ipsius in particulari. Prob. iisdem fundamentis, quibus suprà aliud probatum est : lex enim jejunii (in qua secundum D. Thom. Ecclesia attendit ad id, quod communiùs accidit) magis bonum particulare uniuscujusque respicit, quàm generale communitatis : prout & facit lex confessionis annuæ, & abstinentiæ à carnibus; quæ tamen leges ex ipsâ Dianæ doctrina attendunt ad id, quod communiter solet accidere; non verò ad id, quod respectu unius in particulari accidit. Ad id autem, quod à Lezana adfertur de lege Divina correctionis fraternæ, Respondeo, hujus obligationem non tantum in casu speciali & respectu unius in particulari interdum cessare, sed ferè communiter respectu omnium, vel saltem plurimorum, ut Doctores legenti, & ex dicendis infra de charitate patebit; idque, quia legislator Divinus non intendit quemquam graviter hâc suâ lege obligare, nisi stantibus variis conditionibus, è quibus ple-

rumque una, vel plures deficiunt : legislator verò humanus nullas ponit conditiones, sed absolute omnes suâ lege obligare intendit, solum attendens ( ipso Dianæ teste) ad id quod communiter solet accidere.

10. Alii omnes communiter stabiliunt hanc nostram conclusionem, quia ex sententia Dianæ, & aliorum sequuntur multa absurda. Verum (quamvis hoc me moveat, ut firmus adhæream nostræ doctrinæ, ne videlicet quis inde ansam sumat dubitandi in similibus sequelis, an nimirum non sint fundatæ in paritate rationis) ego me in eo non fundo; quia suis locis conor ostendere, illa absurda (quorum plurima adfert Caramuel in sua *Theol. fundam.*) non sequi ex adversa sententia : quibus etiam simul cum rationibus nostris non obstantibus Lothus *tr. 2. art. 8.* docet, sententiam Dianæ, & aliorum novem, quos citat, esse probabilem : & ex ea ita posse solvi multas difficultates in praxi, maxime in Belgio nostro : quia sæpè ratio legis Pontificiæ, quæ currit pro Italia & aliis provinciis, non habet locum hîc. Itaque, subjungens, prudenter tamen & cautè procedendum in hac opinione : cui utinam non sæpè contingat contrarium : multi enim hîsc nostris temporibus nimis student, ut inveniant quò se eximant à communi observantia legum.

# DVBIVM TERTIVM.

## Quandonam cesset lex per contrariam consuetudinem?

11. **C**onsuetudo est jus quoddam moribus hominum constitutū; quod juxta Isidor. l. 5. *etimol.* c. 3. pro lege suscipitur cum deficit lex. Unde consuetudo hinc non sumitur pro ipso frequenti usu, sed pro jure quod ex eo oritur. De consuetudine vim legis inducente, & legem priorem abrogante agit noster Joannes Beetz in 2. *prac. Decal. expos.* 1. c. 2. & in 3. *expos.* 2. c. 2.

12. Dico primò, neque lex naturalis, neque divina positiva cessat per contrariam consuetudinem. Ita D. Thom. 1. 2. q. 97. a. 3. Prob. quia lex naturalis deficere sive cessare nunquam potest; & in consuetudinem legi divinæ oppositam Deus nunquam consentit: unde, quæcumque his legibus contrariantur, semper sunt mala:

Dico secundò, lex humana cessat, ejusque obligatio tollitur per contrariam consuetudinem. Ita Lezan. *tom. 4.* verbo *Leges Regul. num.* 54. cum omnibus communiter. Prob. quia consuetudo habet vim legis; atqui certum est, legem præcedentem posse per contrariam supervenientem abrogari; ergo & per consuetudinem contrariam. Major, in qua sola est difficultas, patet ex communi edicto ab omnibus recepto, quo dicitur: *Consuetudo vim legu obtinet*, quod habet S. August. *epistol.* 84. & confirmatur ex *can. consuetudo, dist.* 1 ubi expressè dicitur, consuetudinem vim legis habere. Ex quibus ulterius infer-

tur, consuetudinem præcedentem per contrariam supervenientem cessare, & abrogari. Nec admitto, quod habet Burghaber *centur.* 1. *casu* 90. videl. universim loquendo consuetudinem non obligare in conscientia, cujus aliqua lex scripta non exstet; quia falsum puto ejus fundamentum, quòd nimirum hæc deficiente probari nequeat, illam animo se obligandi, & liberè à communitate fuisse introductam, & continuatam per quodvis longissimum tempus: nam quidquid fatear, id esse difficile; tamen id in multis habemus per quasi traditionem, eò quòd nostri prædecessores sic semper judicaverint. Vide dicenda *num.* 16 Sed fortè contra nostram resolutionem secundam.

Dices, consuetudo abrogans legem justæ legi adversatur, adeoque ipsa justa esse non potest; ergo nec poterit legem abrogare.

13. Respondeo quidem consuetudinem non esse justam quatenus legi justæ adversatur; quare ut plurimum contingit, quòd initio per plura subditorum peccata incipiat; peccant enim, per se loquendo, omnes, qui contraveniunt legi, antequam consuetudo vim legis obtineat, eò quòd lex tam diu adhuc vigeat & obliget. Attamen consuetudo justa est, quatenus postea legislator in eam explicite vel implicite consentit, & ut sic irritat & cessare facit legem contrariam. Deinde lex,

T

cui

cui consuetudo adversatur, justa est, non quod sit omnino necessaria, sed quia est conveniens propter aliquos effectus, quibus non obstantibus ablatio legis & consuetudo contra illam potest esse rationabilis sub aliis respectibus honestis & convenientibus: nam sicut duo contraria possunt esse probabilia, ita & rationabilia, sub diversis scilicet respectibus, prout notavit Vidal. de cens. inquis. 4. fol. 97. n. 18, post Suarez.

14. Dico tertio, ut consuetudo abroget legem contrariam, & ipsa vim legis obtineat, plures requiruntur conditiones. Prima, ut consuetudo sit rationabilis, id est, de re, quæ possit esse materia legis scriptæ, alioqui erit potius corruptela quam consuetudo, ac defectu honestatis non obligabit. Secunda, ut sit à majori parte communis, sitque hoc notum iis, qui consuetudinem volunt inducere; aliàs non poterit communiter obligare. Tertia, ut sit introducta cum intentione se & alios obligandi; non verò ex sola devotione, sicut, juxta Layman, & alios communiter, introducta est consuetudo recipiendi cineres prima die Quadragesimæ, quæ ideo non habet vim legis, licet fortè aliqui id falsò existiment. In dubio autem, an introducta sit cum intentione obligandi, an ex mera devotione, probabiliter judico cum Suarez, non inducere obligationem sive vim legis, quia tunc melior est conditio communis adhuc libertatē suam possidentis; odiaque sunt restringenda: & hoc etiam docet Wigg. 1. 2. q. 97. 3. n. 19. & alii, quos citat & sequitur Poirrè p. 1. verbo *Consuetudo*, n. 18.

15. Quarta conditio est ut actus,

quibus consuetudo introducitur, sint voluntarii, quia hi tantum habent vim inducendi obligationem. Unde infert Lezana tom. 4. supra n. 55. quod si alibi introducta esset consuetudo celebrandi v. g. festum alicujus Sancti, eò quod putaretur ibi esse sepultum ejus corpus, licet cõstaret postea ibi sepultum non esse, non ampliùs obligaret consuetudo. Quinta denique est consensus, saltem interpretativus, Principis vel legislatoris in consuetudinem; cuius defectu leges ecclesiasticæ non cessant obligare in locis hæresi infectis, licet hæreticorum, qui constant majorem partem communis, consuetudo sit in contrarium. Cõsistit verò dictus consensus tacitus & interpretativus in eo, quod Princeps aut alius legislator, cognoscens talem consuetudinē, non contradicat ubi facillè potest; vel in eo, quod aliquando significarit se intendere, ut consuetudo sufficenter firmata vim legis obtineat: quod factū est per legem ultimam, *Cod. quæ sit longa consuetudo*, ubi habetur, *probatam & servatam senaciter consuetudinem perpetua legis vicem obtinere statimur*. Ut autem consuetudo sit sufficenter firmata ad hoc, ut abroget legem ecclesiasticam, requirit Lezana, & ipso teste ceteri DD. communiter, spatium quadraginta annorum, eò quod contra jura ecclesiastica non præscribatur nisi isto spatio, & leges ecclesiasticæ sint quædam jura Ecclesiæ: si tamen similis consuetudo sit solum præter legem ecclesiasticam, ait idem, quod præscribat spatium decem annorum. Si verò loquamur de legibus civilibus ad præscribendum contra illas, sufficit absolute tempus

tempus decem annorum; quia hoc est tempus longum. Hæc omnia ex variis capitibus ostendit Lezana n. 54. supra. Vide eum etiam tom. 1. c. 8, n. 24. Verum non minus rationabiliter Henricus, Felinus, Suarez, Sorus, Medina, Granadus, & alii docent, ad hoc nullum tempus certum posse constitui, sed solum requiri & sufficere, quod prudentium iudicio satis est, ut merito dicatur sat repugnatum esse legi ad hoc, ut præsumatur legislator in talem consuetudinē tacite consentire. Ad quod Azorius, Panorm. Bartholus, Sa, Reginal. & Rodrig. apud Dian. p. 1. tr. 10. de leg. resol. 7. sentiunt sufficere duos vel tres actus factos contra legem sciente Principe & non contradicente, cum facile possit: quia frequentia alicujus actus, inquit, habetur, quando aliquid bis fit, nam quod bis fit, frequenter fit: neque secundum Rodrig. est necessarium, ut dicti actus fiant coram legislatore vel eo sciente; sed satis est si fiant scientibus Auditoribus regiis, vel Episcopis: quod etiam docet Burghos de Paz apud Dian. ibid. Quidquid tamen de hoc sit, dicit ipse Diana in praxi securum esse, non expectare decennium, ubi iudicio prudentum consuetudo fuerit sufficienter firmata.

Petes primò, quid dicendum sit de consuetudine contra legem prohibentem consuetudinem his verbis: *Non obstante quacumque consuetudine in contrarium?*

16. Respondeo, adhuc tunc consuetudinem vim legis obtinere, si post legem si latam cum omnibus conditionibus requisitis fuerit introducta: quia legislator per talia verba solum inten-

dit abrogare consuetudines tempore, quo lex terebatur, existentes, & non successu temporis invalescentes. Ita Pourrèp. 1. verbo *Consuetudo*, n. 45 citans Bartholum & alios. Contrarium verò dic, si legi adjungantur hæc verba: *Non obstante quacumque consuetudine in futurum;* nam tunc censetur legislator intendere continuationem suæ legis, quamdiu eam per suum expressum consensum non significavit abrogari. In hoc igitur locum habebit regula Innocentii: *Consuetudo contra legem non valet, si lex resistit.* Excipe adhuc tamen cum Lezana, nisi quando post conditam legem subest nova ratio, quæ non suberat tempore legis damnantis consuetudinem, ut propterea præsumatur pronuncius alius consensus legislatoris vel ipsius successoris, præsertim si talem consuetudinē non reprimat; quia tunc per illum consensum censetur abrogata lex & à consuetudine victa. Ita Lezan. verbo *Leges Regum* n. 56. subdens, hæc omnia maxime advertenda esse Regularibus, ut scient, an & quando præterse consuetudines aliquorum contra Conciliū Trid. & decreta summorum Pontificum ea abrogare possint, an non. De consuetudine introducente privilegium contra vel præter legem, vide Urbanum tr. 2. tit. de *Iurisdictione delegata*, p. 1. c. 2. reg. 2. & seqq. Hic solum adde ex Suarez tr. de leg. l. 7. c. 15. n. 13. Wiggers 1, 2. q. 97. a. 3. n. 29. & aliis, duas esse præcipuas conjecturas, ex quibus deduci possit, consuetudinem verè inducere obligationē; quarum prima est, si consuetudo sit gravis ac difficilis, & nihilominus communiter servetur: quia non solent multi



uniformiter convenire in similibus actibus, nisi quando se sentiunt obligatos; quod tamen pati potest exceptio- nem in Religiosis. Secunda conjectura est, si viri timorati & docti malè sentiant de his, qui non servant consuetudinem, vel communiter scandalizentur. Vide etiam P. Franc. B. Spei *de leg. disp.* 10. n. 14. & seq.

Petes secundò, quomodo consuetudo probetur?

Respondeo, ad hoc requiri duos testes, si agatur de foro externo. Ita Seraphinus *decis.* 1349. n. 5. citans Rotam Romanam anno 1600, 14 Aprilis. Jason, Navarrus, Anselmo, Diana *part. 6. tract. 5. resol.* 28. & alii plurimi. Ratio est,

quia non majorem fidem facit unius testimonium datum de facto plurimum, quàm pro facto unius. Imò in Gallia (teste Mascardo citato à P. Scilder *tract. 3. num.* 139.) non probatur consuetudo, nisi per turmam, seu turbam. Nec in Belgio, juxta Anselmo *ad edict. perpet. art.* 1. §. 6. consuetudo municipalis à Principe non confirmata probatur nisi per turmas duas. Turma autem ut minùs debet constare personis decem. Dixi: *Si agatur de foro externo*: quia qui volunt, unicum probatum authorem constituere sententiam verè probabilem, hìc etiam pro foro interno fortè volent sufficere dictum viri scientis & probi, si nihil occurrat in contrarium.

## DVBIVM QVARTVM.

### *De cessatione legis per dispensationem.*

17. **S**uppono, dispensationem esse exemptionem ab obligatione legis, vel in aliquo particulari casu, vel respectu unius aut alterius personæ, manente obligatione quoad hoc ipsum respectu cæterorum. Unde differt à legis abrogatione, quòd hæc tantùm locum habeat, dum tota lex respectu omnium, ubique & pro semper tollitur. Differt item à derogatione legis, quòd hæc fiat quando lex secundum unam sui partem in universum auferatur. Quo supposito

Dico primò, legislator potest dispensare in sua lege, ubi legitimam causam habuerit. Cum enim supponatur ipse possuisse obligationem, potest

& illam tollere; quia utrumque est ejusdem autoritatis & potestatis: atque hinc potest etiam legislator dispensare in legibus prædecessorum suorum, cum quibus parem habet potestatem, ac à fortiori in legibus suorum inferiorum. Non potest tamen legislator inferior dispensare in lege sui Superioris, quia potentia debilior fortiorem ab agendo impedire non potest: potest interim in lege propria, licet à Superiore fuerit approbata & confirmata; nam hæc confirmatio habet se tantùm per modum nudæ approbationis sine animo novæ obligationis inducendæ: subintellige cum P. Franc. B. Spei, nisi Superior approbando sive confirmando dispensa-

spensationem sibi reservant. Insuper varii sunt casus, in quibus legislator inferior potest dispensare in lege sui Superioris. Primò, dum expresse illam potestatem ab eo accepit. Secundò, quando materia est levis, aut talis in qua frequentissimè dispensare oportet: intolerabile enim videretur in rebus minutis, & aliis tam frequenter occurrentibus semper ad Principem recurrere. Tertiò, quotiescunque sine gravi valde incommodo ad ipsum Superiorem recurri non potest, adestque gravis necessitas hinc & nunc dispensandi: cum enim reservatio dispensationis tunc potius cederet in detrimentum communitatis, quam in ejus utilitatem, prudenter praesumitur legislator eo casu velle suo inferiori tribuere facultatem dispensandi in sua lege; cum (ut bene docet Fulien- sis) Superior teneatur sub mortali dispensare, quando constat dispensationem esse necessariam, vel in bonum communitatis, vel alicujus in particulari notabiliter cedere sine ullius detrimento; prout patet ex ipso legislatoris officio, quod in communitatis & subditorum commodum ordinatur. Quartò potest etiam inferior legislator in lege Superioris dispensare, quando id obtinuit consuetudo sciente nec contradicente Superiore; nam & tunc censetur implicite consentire.

18. Dico secundò, legislator sine justa causa non potest licite in sua lege dispensare. Prob. quia unum præ cæteris à gravi onere eximere, est quamdam inæqualitatem inducere, quod non decet fieri absque ulla ratione. Ita

D. Thom. 1. 2. q. 97. a. 5. & alii post ipsum communiter. Quale verò id sit peccatum, non conveniunt DD. Aliqui volunt esse mortale, si agatur de lege sub mortali obligante: quia, ut fuisse conatur probare Maratus, talis peccat contra justitiam legalem; omne autem peccatum contra justitiam, inquit, est ex suo genere mortale. Deinde transgreditur etiam legem naturalem præcipientem, membrum conformari suo corpori, nisi adsit ratio in contrarium. Interim Laym. Fuli. & alii melius & communius censent eum solum venialiter peccare. Imo Franc. B. Spei cum ab omni peccato excusat disp. 4. de leg. n. 45. Verum quidquid de hoc sit, indubiè mortaliter delinquit dictus legislator, si ista sua dispensatio absque rationabili causa facta, creet periculum gravis scandali aut dissidii inter subditos: vel etiam si magnum inde incommodum communitati, vel aliis subditis adveniat. Cæterum potest dari casus particularis, in quo per accidens dispensatio fiat absque rationabili causa sine ullo prorsus peccato, ut si v. g. Rex unum aut alterum à lege tributis sibi persolvendi semel aut bis eximat ex sola ad eum benevolentia indifferenter: cum enim ex illa ipsa benevolentia licite possit talibus reddere tributum jam solutum, poterit & ab iis tributum non vel- le accipere, quia hæc videntur in idem recidere. Cavendum tamen erit, ne illam summam, si scilicet sit notabilis, cogantur cæteri supplere, nam sic cederet in detrimentum aliorum.

19. Adde, juxta Sylvest. verbo *Dispensatio*, n. 4. & Riccium, ad legitimè



dispensandum sufficere, si legislator exiltimet, causam esse rationabilem. Item secundum Sanchez in *sum. tom. 1. l. 4. c. 44. m. 10.* Granadum & Cajetan. quos sequitur Pourré, potest legislator dispensare in sua lege, dum dubiū est, an causa sit justa; quia in dubio dicunt inclinandum esse in partem benigniorem: & revera aliās regimen, tum civile, tum ecclesiasticum esset multis scrupulorum occasionibus expositū, si dispensatio ad causas solas certas extenderetur. Idem Pourré verbo *Dispensatio n. 3.* subdit, posse aliquem uti dispensatione, et si dubitet an valida sit: quod cum Sanctarello probat; quia in re dubia judicandum est in favorem actus, ut scilicet magis valeat quam pereat, ut patet, inquit, ex *cap. Abbate, de verbis signific. & ex lege quotiens ff. de rebus dubiis*: Verum ego judico, per illud dubium legem non turbari à sua possessione.

20. Dico tertio, quamvis juxta resol. secundam peccet legislator sine justa causa in sua lege dispensans, probabilius tamen dispensatio valida est: quia, cum dictæ legis obligatio à legislatoris voluntate pendeat, videtur posse aliquem omnino valide ab ejus obligatione liberare, ea perseverante quoad ceteros. Unde ex his & aliis antedictis

21. Colliges, licitum esse subdito petere dispensationem, quando adest causa rationabilis; tunc enim petitur omnino licitum: imo id etiam est licitum quamvis dubitetur, an causa sit rationabilis, modò ratio dubia candidè proponatur; quia tunc res tota relinquitur judicio legislatoris, cujus est

examinare justiciam causæ. Illicitum interim est, petere dispensationem, si nulla causa adfuerit: quia, cum tunc legislator non possit licitè dispensationem concedere, id esset cooperari & quasi procurare alterius peccatum. Excipe tamen casum particularem, de quo in resol. secunda.

Petes primo, quandonam dispensatio reddatur invalida?

22. Respondeo id fieri, primo, quando tacetur id, quod secundum jura in petitione dispensationis exprimi debet; quod & verum manet, licet, non obstante scientia illius, Superior adhuc dispensaturus esset: quia talis expressio spectat ad formam, & consequenter ad essentiam ipsius dispensationis. Ita DD. communiter. Ut autem aliquid sit jure exprimendum in petitione dispensationis, non est necessarium, ut jus expressè statuatur, id esse declarandum; sed satis est si jus vetet, ne in tali casu dispensatio concedatur. Unde, quia Trident. *sess. 24. de matrim. cap. 5.* denegat omnem spem consequendæ dispensationis ei, qui intra gradus prohibitos scienter matrimonium contrahit, dispensatio ab eo obrenta erit invalida, si dictæ scientiæ mentionem non fecerit. Nec refert, quòd dictam scientiam omittat exprimere ex ignorantia invincibili, quia, licet hæc juxta dicta *tr. 1. à culpa excuset*, non potest tamen validare actum, cui deest aliquid essentialiale.

23. Secundo redditur dispensatio invalida, quando reticetur aliquid ad rem spectans, quò cognito Superior non dispensasset, quamvis de jure tale quid

quid exprimi non debeat. Ratio est, quod tunc Superior non censetur habere voluntatē dispensandi, cum non dispense nisi sub conditione, quæ non est. Verum hæc solum vera sunt loquendo absolute, & ex natura rei: cum enim non expediat ita conditionatē dispensare ob multa pericula quæ inde possent oriri, in facti contingētia, non est præsumendum, legislatorem ita dispensasse, nisi ubi id expressè significat, vel aliunde certò id constiterit.

24. Tertio invalidatur dispensatio, dum exprimitur falsum, quod est unica causa dispensationis, vel ita est causa, ut alia simul alligata per se sint omnino insufficientes ad movendum legislatorem ut dispense; neque enim tunc censetur legislator consentire. In dubio autē an causa falsò allegata fuerit talis, nec ne, præsumitur non fuisse talis; quia, ut supra insinuatum est, in dubio standum est pro valore actus. Ita Sanctarel. Portel. & alii, quos citat & sequitur Pourré, verbo *Dispensatio*, supran. 5.

25. Quartò etiam universim dispensatio redditur nulla, quando ex verbis dispensationis certò notatur legislator non intendisse dispensare, si cognovisset casum esse, uti revera est, & ob ignorantiam alicujus, quod exprimi debebat, dispensavit.

26. An verò valeat dispensatio, quādo error committitur circa nomen personæ, pro qua dispensatio petitur? Respondeo affirmativè, quia dispensatio petitur pro persona tali, eiq; conceditur, quidquid sit de ejus nomine: si tamen per falsum nomen legislator sive dispensans, intellexisset aliam per-

sonam sibi notam, non valeret dispensatio; quia tunc non intendisset dispensare cum eo, vel ea, pro quo, vel qua dispensatio petebatur, sed pro alio.

Petes secundò, an qui potest dispensare, possit legis observantiam in aliud onus commutare?

27. Respondeo & dico primò, potest legislator in lege propria dispensare sub alio onere subeundo, quando hic & nunc non obligatur omnimodè dispensare: quia, cum possit tunc dispensationē absolutè negare, potest & eam nolle dare, nisi alter velit conditionē talis oneris admittere; hoc enim est ipsi magis favorabile, quàm illud. Imo P. Franc. B. Spei suadet, hoc ipsū semper practicari, ne dispensatio vilesceat, saltē, ubi dubitatur de justitia causæ. Dixi, quando hic & nunc non obligatur omnimodè dispensare; quia aliàs injustum foret, alteri onus imponere pro re, quæ illi gratis debetur: & maximè, cum onus solum imponi soleat, ut compleat sufficientiam causæ, ob quam dispensatur.

28. Dico secundò, potest legislator inferior, obligationem legis sui Superioris, in aliud onus commutare in iis casibus, in quibus potest in ea dispensare; quia majoris est potestatis in lege simpliciter dispensare, quàm ejus observantiam in onus aliud commutare: atq; hoc ipsum etiam constat ex communi praxi legislatorum inferiorum, quæ jam vim legis per consuetudinem obtinet: quando verò in Trid. sess. 25. c. 18. generaliter videtur præcipi, ut dispensationes gratis fiant, id solum intelligitur de lege Canonica, ubi impositio oneris pecuniarii sibi, vel aliis v. g. cer-

certainæ summæ solvendæ, aut similis alterius doni, esset simoniaca: per quod tamen non excluditur onus precum, aut etiam pecuniæ piis causis, vel pauperibus applicandæ: constat enim Episcopos sæpe aliquos à lege

communi jejuniorum eximere, cum onere v.g. dandæ certæ elemosinæ, aut aliarum precum dicendarum. De dispensatione in votis, & juramentis, dicemus aliquid infra suo loco.

## DISPUTATIO VI.

### De Adimpletione legis.

#### DUBIUM I.

*Quid requiratur, ut quæ verè satisfaciatur legi?*

**I.** Dico cum Lezan. 10. 4. verbo *Leges Regularium*. n. 51. Si lex sit prohibitiva, per nudam omissionem actûs adimpletur; quia nihil aliud tali lege præscribitur. Ita etiam Suarez l. 3. deleg. 1. 20. n. 1. Quando verò lex est præceptiva, ad impletionem illius necessariò requiritur actus præceptus; qui sufficit, licet ratione circumstantiæ finis sit malus, si agatur de lege humana, quia legislator humanus solum præcipit actum secundum substantiam, seu materialiter, v.g. audicionem Missæ, solutionem decimarum, &c. minimè tamen finem, quem intendit per istum actum, v.g. cultum Dei, vel sustentationem Clericorum; cum nihil simile exprimat in ipsa lege, ut propterea commune DD. axioma sit: *Finis præcepti non cadit sub præcepto*. S. Thom. 1. 2. q. 100. a. 9. & 10. Sotus, Navarr. & Sanchez. Imo non videtur id posse cadere sub præcepto, seu lege humana, plus, quàm per illam possit præ-

cipi actus internus, qualis est intentio boni finis: neque id conducit ad finem legislatoris humani, qui est gubernatio exterior. Sotus & Suarez. Unde, si quandoque in lege exprimat illius finis, non exprimitur per modum objecti, seu materiæ legis, sed per modum rationis, seu motivi condendi illam. Suarez & Bonac. Hæc Lez. loc. cit. qui paucis interjectis subdit: *Similiter potest quæ legem adimplere per actum, ad quem ex lege, vel obligatione aliàs tenetur, nisi oppositum consistat ex mente legislatoris*. Ratio prima partiæ est, quia certum est, uno jejuniò adimpleri posse præceptum vigiliæ alicujus Sancti, & præceptum quatuor temporum, & unâ recitatione Horarum adimpleri obligationem Ordinis sacri & beneficii ecclesiastici. Ratio verò secunda partiæ est, quia in potestate legislatoris est exprimere, se velle actum aliàs non præceptum. Sanchez Bonac. Potest etiam quis eodem tempore per diversos actus satisfacere pluribus legibus, si unus actus illorum alios non impediatur, sicut potest quæ, ex com-

muni DD. opinione, simul recitare officii & audire Missam. Ratio est, quia lex, ut suppono, solum præcipit, quod fiat actus, nõ determinando, quod fiat diverso tempore ab alio, in quo alius actus est faciendus; si ergo mutuo non se impediunt, fieri poterunt simul. Ita idem Lezana, quibus similia habet Busenbaum l. 1. tr. 2. c. 3. dub. 1. & 5. & his positis fundamentis Caramuel sua Theol. fundam. part. 1. fol. 217. quærit,

*An, qui vespere Matutinum & Laudes recitat, duorum dierum obligationi satisfacere possit?*

2. Supponit ibid. varia Caramuel, quæ brevitatis causâ omitto, utpote quæ jam omnibus sunt satis probabilia. Igitur sic pergit: *Opinio prima affirmat simplicem matutinarum & laudum recitationem, si fiat sub vespere, duorum dierum obligationi satisfacere: quia unâ & eadē actione potest Philippus simul satisfacere duobus præceptis, numero distinctis, eodem tempore concurrentibus. Concurrent in casu duo distincta numero, circa officium Divinum: ergo potest unicâ & simplici actione utrique satisfacere. Major est certa, nam unicâ auditione Sacrisatisfis, si festum aliquod in Dominicam incidat. Si dicas, in lectione matutinarum & laudum contrariam esse legulatoris Papa mentem: retorquet in sententiam docentem, per unicam confessionem posse pro duobus annis satisfieri, juxta quosdam: item per unius Sacri auditionem satisfieri &c. Post hæc & alia, subdit: Hanc opinionem judico probabilem in materia obedientie, non tamen in materia voti aut justitiæ, &c. Tu amice Lector ne festines, & sta severiori sententia, quousque pro benigniore, quatuor vel sex authores habetas. Hæc & alia Caramuel loc. cit. Sed*

3. Ante omnia non capio distinctio-

nem, quam hic ponit inter materiam obedientiæ, & justitiæ: quia, inquit, Canonicus, aut Beneficiarius, qui ob laborem legendi, pretium recipit, satisfacere debet contractui: quam ob rem, si contrahentes de duabus lectionibus, communibus, &c. pactum inierunt, unica non satisfaciatur contractui. Ita ille. At ego peto, an, qui nudè contrahit de legendo Divino officio singulis diebus, contrahat de duobus integris distinctis officiis pro hodie & cras, nec ne? Si sic, dico etiam, eum, qui præcipit singulis diebus legi officium Divinum, præcipere pro hodie & cras, duo officia integra distincta à pari. Nec dicat, contrarium cedere in præjudicium contrahentis in materia justitiæ: quia responsionibus ipsius utar, quas adhibet fundam. 11. fol. 144. col. 1. in fine, & dicam, id cedere quidem in damnum contrahentis, sed non in præjudiciū. Si verò instet supponi hic in pactum deductum de legendo singulis diebus, & consequenter, de legendo bis officium Divinum spatio duorum dierum; unde fit, quod non possit unico officio satisfacere contractui: præterquam quod idem sit de præcepto: loco ubi supra supponit Caramuel, in pactum deductum esse de recipiendo quotidie nummum aureum pro labore diurno: & quomodo isti contractui secundum Caramuelem potest satisfieri, ne obulū dando, per integrum annum? Legat Lector eatum, & videbit paritatem. Ego interim neutrum judico ab ullo admittendum fore, nequidem in materia obedientiæ. Quare

4. Pergo, & ut à posterioribus ejus verbis ordiar, miror Caramuelem Lectorem

V.

ctorem

ctore monere, ut stet severiori sententia, quousq; pro benigniore quatuor, vel sex Authores habeat, cum pro ea citet eximium quemdam D. Jesuitam, qui hanc vocat benignam probabilē sententiā, qui (inquit) sit pro illa primus Author, sit secundus Caramuel. En secundū Caramuelem duos Authores habet Lector pro benigniore sententia: & si duos, imò si unicū habeat, non tantū habet quatuor vel sex, sed & decem, imò & sedecim secundū ipsum Caramuelem ejusdem libri *fol. 137.* & in Commentario in Regulam S. Benedicti *disp. 6. n. 53.* ac in pacis prodromo *Caram. t. 1. u. 26.* unde inquam, miror, hanc à Caramuele apponi monitionem.

5. Interim ego non monitus, cum omnibus isto, & stabo severiori sententię: ad quod in primis moveor multū per ea, quæ habet Dian. *p. 10. 17. 16. ref. 29.* Ubi monet, cavendum esse imposteriorum Authoribus, ne sententiam Philiberti Marchini (quā docet omissionem Horæ parvæ, tertiæ videl. vel sextæ, non esse peccatum mortale) tamquā probabilem in suis operibus admittant, nam malè olerent apud sacram Congreg. Indicis. Ita Dian. pro se apponens verba P. Magistri Lezana *consult. 48. n. 85.* sic loquentis; in materia officii Divini, seu Horarum Canonicarum, sententia Philiberti Marchini (quā videl. docet ut suprà) est falsā, & improbabilis: ratio est, quia levi nititur fundamento, scil. quòd Hora parva, sit parva materia respectu totius officii Divini; non enim est, nisi notabilis deformatio, & mutilatio Divini officii. Adde quòd ratione hujus, & quarumdam a-

liarū propositionum, quæ continentur in libro Philiberti, delatus sit ad sacrā Congreg. Indicis. Ita Lezana, & cum ipso Dian. Unde puto, esse valde periculosam hanc sententiam, & viris tantis, ac sunt Lez. & Dian. qui Romæ cōposuerunt, melius est credere, quàm se exponere periculo malè olendi apud sacram Congreg. Sed

Dicet Caramuel, quam connexionem habet hæc sententia cum mea?

6. Resp. eandem rationem, quæ sententiam Marchini improbabilem reddit, æquè, & magis militare in sententia Caramuelis: quia major mihi videtur deformatio Divini officii, si pro duobus diebus semel tantū legantur matutinum & laudes, quàm si omitatur sola tertia: nam (licet fortè Caramuel illud à mutilatione officii, per nescio, quam contorsionem speculativè exculare conetur) manifestā tamen, & horribilem monstrositatem officii inducit, dum duobus officiis, tamquam corporibus distinctis, unum ac idem principium, tamquam caput idem, nescio, quomodo applicat. Nec urgeat dicens: monstrositatem in officio Divino, non inducere peccatum mortale, ut patet ex transpositione, & interruptione Horarum: quia hoc tantū verū est, ubi servatur integra officii substantia, quod non fit in nostro monstro, cum non inveniatur integra substantia duorum hominum, quorum idem est caput, & collum.

7. Deinde, ut bene notavit Franc. B. Speisius *Noctua dub. 17. n. 558.* in eundem vesperum non concurrunt duo præcepta de legendo matutinū cum laudibus, cum tantū concurrant præceptum

prum unius obligationis solvendæ, & permissa alterius obligationis per anticipationem solutio; quia autem anticipata solutio nihil mutat in re debita, sed in tempore, quo ei satisfieri permixtum est dumtaxat, res debita anticipatè solvi quoad substantiam debet, eo prorsus modo, quo alioqui suo tempore solveretur, ut patet; nam qui debitum anticipatè, aut dilatè solvi permittit, nec realiter, nec virtualiter remittit: unde sententia illa est improbabilis. Et quasi verò ad hoc ostendendum, non sufficiat totius Ecclesiæ sensus, praxis, & traditio, imo & dictamæ rationis. Hæc & alia multa habes apud ipsum *loc. cit.* Vide eum etiam *de act. hum. disp. 4. n. 234. & seq.* ubi efficaciter doctrinam Caramuelis evertit. Sunt & alia absurda, quæ ex illa sententia sequerentur: nimirum, quòd semel dicendo: *Deus in adjutorium, Gloria Patri, Pater noster, & Ave Maria*, &c. satisfieret pro omnibus vicibus, quibus in officio Divino repeti debent; sic enim à pari argumentarer: unâ & eadem actione potest Philippus satisfacere simul pluribus præceptis numero distinctis, eodem tempore concurrentibus; concurrunt præcepta, numero distincta, de dicendo *Deus in adjutorium* in matutinis, laudibus, prima, &c. ergo potest unica recitatione pro omnibus satisfieri. Ino, quod absurdiorum maximū est, id etiam extendi poterit ad omnia verba, quæ per totum officium sapius occurrunt, ad *tua, tuas, & in* & similia, quibus semel prolatis, poterunt per totum reliquum officium omitti. Nōne ergo Caramueli sufficienter rationis dictamen demonstrat, senten-

tiam, ex qua hæc sequuntur, esse prorsus improbabilem? Scio, quòd alibi hæc à Caramuele proponantur, ut examinetur, an reverà sint absurda: sed ego mihi ipsi nimium absurdus viderer, si vel solum dubitarem de eorum absurditate. Ne tamen fortassis aliquis auctoritati Caramuelis innitens, & inde has absurditates non curans ejus doctrinam in praxim deducat, Sanctissimus Dominus Alexander VII. per decretum expressum de die 18. Martii, 1666. inter alias, sequentem damnavit propositionem: *Vnico officio potest quis satisfacere duplici præcepto pro die præsentis & crastino.*

8. Quia tamen ex casu confessionis, quoad confessionem & aliis à Caramuele adductis, nihil simile sequitur, fortè à summo Pontifice toleratur, posse unica Confessione satisfieri pro duobus annis, si illa fiat illo tempore, quo præceptum duorum annorum urget: sicut ab eodem toleratur, posse unica auditione Missæ satisfieri præcepto de eo audiendo, & die Dominico, & die festo: quidquid putem dicendum cum P. Franc. B. Spei *loc. cit. n. 565* hoc solum verum esse, quando alter utro toto anno legitimus fuisset impedimentum; propter quod fortè, & per accidens theses à Caramuele citatæ, docent, una confessione satisfieri duorum annorum præcepto, non verò per se, & absolute, prout idem Franciscus ibid. bene probat, & *de act. hum. disp. 4. cit. n. 226.* absolute asserit, sine absurditate dici non posse, unica confessione posse satisfieri pro duobus annis.

## DVBIVM SECVNDVM.

*An, & quæ intentio necessaria sit ad satisfaciendum legi?*

9. **N**on requiri intentionem boni finis, dictū est *dub. 1.* cui hīc ulterius addo, etiam non necessariō requiri intentionē seu voluntatem satisfaciendi ipsi legi, vel præcepto. Ita Lezan. verbo *Leges Reg. n. 52.* & alii cōmuniter teste Busenb. Ratio est, quia, ut *dub. 1.* diximus, lex solū præcipit ipsam operis externi adimpletionē; minimē verō, ut alio actū distincto intendatur observatio præcepti aut legis. Imo, prout idem Lezan. docet ex Suar. Valen. Azot. Sanch. & aliis, non videtur ab homine præcipi posse dicta intētio, cū sit actus merē internus; unde leges & præcepta humana, etiam ecclesiastica, non obligant ad obedientiā formalem, id est, ut aliquid fiat, quia præceptum est; sed tantū ad materiale, sive ut fiat quod præcipitur. Quare qui immemor legis, aut præcepti, rem præceptam facit, adimplet legē aut præceptū, nec tenetur illā rem postea iterū facere, dum præcepti recordatur, ut advertit Lezan. Insuper juxta Busenb. *l. 1. tr. 2. c. 3. dub. 3.* etiam satisfacit præcepto, qui faciens opus, expressē intendit per illud non satisfacere; quod & ante ipsū docent Suar. Valen. Vasquez & Lessiac probabile post Bonacin. reputat Lezan. quidquid cōtrariū judicet probabilius. Ratio Busenb. & aliorum est, quia præcepta humana tantū obligant ad substantiam operis injuncti; ergo hāc positiō non est in potestate operantis non satisfacere: deinde, quemadmodū præcepto

negativo sufficienter fatisfit per omissionem actus inhibiti, quamvis voluntas expressē intendat, non satisfacere; ita à pari videtur dicendū de præcepto affirmativo, ita videl. ut ipsi sufficienter fatisfiat per positionē actus præcepti, quamvis voluntas expressē intendat non satisfacere. Vide Fran. B. *Speci deleg. disp. 6. n. 10.*

10. Ad id autē, quod adducit Lezan. ex *L. non omnes, ff. si certum pectatur*, actus agentium non operari ultra intentionem eorū: responderetur, id solū esse intelligendū, quando in potestate agentium remanet satisfacere, vel non satisfacere. Ita Busenb. ex quib⁹ infert, primō Sacerdotē, qui legit Horas, non ea devotione, qua voluit, ideoq; proposuit repetere, quāvis deinde non repetat, satisfecisse præcepto. Secundō infert audientē Sacrum die Festo, quod scit esse ultimū, vel non intendit audire aliud, verē satisfecisse præcepto, licet intenderit per illud non satisfacere: peccat tamē talis contra aliud præceptū, quo quis se tenetur subdere legislatori. Ita etiā docet Lugo de *Euclia. disp. 22. sect. 2. n. 21.* Verū non video, cōtra quod præceptū hīc ultimū peccet: non in primis contra ecclesiasticū, cui, ipsis factib⁹, satisfacit; neq; contra Divinum, quo quis tenetur se subdere legislatori, quia faciendo totū, quod hīc præcipit, verē legislatori subditur: & re vera ille, qui dicto modo Sacrum audit, intendit duo contradictoria, satisfacere nempe præcepto ecclesiastico, cō quod ponat libe-

liberè ipsa satisfactione, & non satisfacere, ut supponitur; unde hac in virum doctum cadere non possunt: & indoctus putans simili modo non satisfieri præcepto, solum peccat ex ignorantia, & propter malum suum animi interiore. Ceterum

11. Adverte ex P. Franc. *de leg. disp. 6. dub. 2. n. 1.* ad satisfaciendum legi præceptivæ naturali, vel positivæ Divinæ, requiri intentionem faciendi id,

quod lege præcipitur: quia leges illæ præcipiunt, opera humano modo fieri, cum hominibus, & non brutis præscribantur, & utriusque legislator habeat jurisdictionem in actus internos, & externos: jam autem opus non fit humano modo, quod fit absque intentione illud faciendi. Contrarium tamen dicendum est de omni lege prohibitiva, juxta dicta *dub. 1.*

## A P P E N D I X.

### *De legibus præcipientibus fieri denuntiationes.*

12. **H**æc tractatui de legibus annexo, quia Confessario sunt scitu necessaria, nec locus commodior se offert de iis tractandi. Est autem denuntiatio, prout hic sumitur, manifestatio criminis coram Superiore. Et duplex, evangelica & judicialis; prior fit Superiori; non ut judici ad formandum processum, sed ut patri ad correctionem; de qua aliquid *tr. seq.* ubi de correctione fraterna: posterior est, quæ fit Superiori ut judici ad processum formandum, & puniendum delinquentem; de qua

13. Dico primò, leges seu edicta præcipientia fieri denuntiationes, obligant secundum intentionem ea ferentium. Patet ex dictis supra de legis obligatione. Atamen ab eorum obligatione excusat primò, ignorantia vel impotentia moralis, quamdiu durant. Secundò magni sui, vel alterius damnum sibi valde conjuncti, quod sequeretur ex denuntiatione: de quo

parum infra. Tertio, si per ipsa verba edicti quis juxta prudens judicium eximatur.

14. Dico secundò juxta aliquos, probabiliter nullus vi edicti obligatur denuntiare delictum, quod probare non potest, excepto casu hæresis formalis. Ita Fagund. Reginald. Megala, Less. cum paucis aliis: quod & sine ulla exceptione docent Stephanus Bauni *Theol. mor. part. 2. disp. 4. tract. 3. quest. 18.* Pourré *part. 1. verbo Denuntiatio, num. 9.* & alii decem, quos ex Diana refert Mendo in *Statuta sua differt. 1. quest. 10. num. 110.* Probat suam sententiam Lessius, quia cum tale delictum non possit probari, non potest quoque puniri, ac proinde ex ejus revelatione non potest sequi, nisi infamia, unde nullum jus habetur, ut aperiatur. Verum oppositum judico sustinendum cum Lezana *to. 1. c. 27. n. 20. c. 24. ac 10. 3. verbo accusare, n. 12.* nec non verbo *Denuntiare, n. 4.* Ratio est, quia cum simplex denuntiatio



rio sufficiat ad inquirendum, diligentia dominorum Inquisitorum, & forsitan ex aliorum denuntiationibus crimen sufficienter detegatur ac probabitur; quod evertit rationem Lessii & aliorum: deinde praxis habet Inquisitorum, ut in suis edictis præcipiant denuntiare delicta, licet probari nequeant; quibus parendum est, utpote viris doctissimis, & qui magna diligentia, & zelo bonum commune fidei, & Religionis procurant, ut loquitur Lezana; cujus sententiam omnino puto in praxi sequendam: nam ipse Lessius id absolute docet debere fieri, quando aliquod malum spirituale, vel temporale imminet communitati, aut Religioni, quod commodè averti non potest, nisi opera Superioris; per quod ferè convenit cum Lezana, eò quòd crimina omnia, quæ per generalia edicta denuntiare jubentur, sint talia, ex quibus simile malum imminet. Et quidem sententia nostra & Lezanæ modò certa est quoad crimè hæreseos: damnata enim est ab Alexandro VII. sequens propositio: *Quamvis tibi evidenter constet, Petrum esse hæreticum, non teneris denuntiare, si probare non possis.* Unde prudenter illud crimen excipiunt Authores primæ sententiæ, sicut Pourrè & alii supra nominati valde imprudenter idem includunt. Puto similiter sententiam nostram esse certam, quoad crimen sollicitationis in confessione: quia aliàs hoc crimen nunquam, vel ferè nunquam esset denuntiandum; ut patebit consideranti; cum tamen varii summi Pontifices meritò id præceperint per expressa decreta denuntiare, quorum præceptum, attentis malis ex

eo crimine provenientibus, non potest non esse iustissimum.

15. Dico tertio, probabilius dicta denuntiatio facienda est sine prævia correctione fraterna: quod tanquam certum sustinent Sanctarel, Sancius, Bonac. Sylvius, & alii. Ratio est, quia cum hæc denuntiatio sit judicialis, quæ intendit punitionem, non debet eam præcedere monitio: quidquid oppositum doceat D. Thom. & Thomista post ipsum, quos sequitur Pourrè. Vide circa hanc materiam Joannem de Bachone in 4. dist. 19. q. 2. & Lezan. to. 1. c. 19. n. 35. & to. 3. verbo *Denuntiatio*, n. 5.

16. An consanguinei, & affines in primo gradu denuntiandi sint, variant Doctores. De hæresi affirmant Suar. Azor. Bonac. Portel. & c. id negantibus Alexandro de Alez, Royas, Riccio, & paucis aliis de filio respectu Patris: quod Valerus etiam extendit ad uxorem respectu mariti, & è contra; item ad fratrem respectu fratrum & sororù: quæ omnia sunt probabilia, si dictorum hæresis non vergat in perniciem publicam; secus, si dogmatissent, & alios hæresim doceant. Ratio hujus exceptionis est, quia denuntiando sibi tam vicinos (cum quibus tanquam simul educati, ut plurimum consensur ejusdem Religionis ac fidei) implicite viderentur denuntiare seipfos, quod juri naturali repugnat: quapropter etiam, regulariter loquendo, nemo obligatur denuntiare complices, seu socios delicti sui; prout docet Lezana to. 3. verbo *Accusare*, n. 11. Qui tamen contra plures bene excipit faminam, quæ licet Confessario ipsam ad turpia sollicitanti consenserit, adhuc illum denun-

denuntiare teneretur; quia ipsa in tribunali non exponitur periculo prodendi seipsum: nam, quamvis Confessarius de ejus consensu, vel malitia testetur, ipsius testimonium non recipitur. Ita etiam docent Bonac. Peyrinis, Panormit. & alii.

17. Dico quartò, nullus tenetur denuntiare cum notabili periculo vitæ, famæ, vel bonorum fortunæ. Ratio est, quia legislator humanus non habet in hac auctoritatem, eò quòd tale præceptum foret nimis durum: neque aliunde quis tenetur vi legis naturalis hæc abjicere: hinc Portel. infert, fœminam sollicitatam satisfacere, si Confessarium sollicitantem per epistolam denuntiet, dum absque infamia non potest adire Inquisitores; quia scilicet ex eo accessu alii faciliè possunt suspicari, eam alicujus delicti vel ream, vel consciam esse: quo casu tamen tenetur id per epistolam facere, quamvis esset Monialis, nam sic cessat dictum periculum. Infert insuper Lezan. verbo *Accusare*, n. 14. eum, qui solus novit delictum, sciens delinquenti notum esse, eum solum novisse, non teneri denuntiare, nisi crimen vergat in commune damnum: quia in tali casu denuntians se exponeret periculo magnæ inimicitiae, & iræ oriundæ inter ipsum & delinquentem. Ita etiam Pourrè p. 1. verbo *Denuntiatio*, n. 4. Sayrus, & alii. Dixi: *Nisi crimen vergat in commune damnum*; quia hîc omnes communiter excipiunt casum, quo hæreticus dogmatizaret, vel alios hæresim suam doceret in Reip. & Religionis detrimentum: talis enim etiam cum periculo prædictorum damnorum denuntiandus est; quia, ut

bene Genuens, tunc succedit id, quod quilibet pro patria & Religione teneatur vitam exponere.

Petes fortè, quinam Confessarii sint præcisè denuntiandi?

18. Respondeo in primis, denuntiandos esse eos, qui in confessione fœminam ad turpia sollicitant: quod clarè est ex verbis Bullæ Gregorii XV. Deinde etiam denuntiandos judico, qui ipsi fœminæ primò sollicitanti consentiunt in actuali confessione, ob hæc prædictæ Bullæ verba: *Qui sanctitatem sollicitare, vel procurare tentaverint, aut cum eis illicitos, & inhonestos sermones, sive tractatus habuerint*: nam dicti consentientes verè inhonestos sermones & tractatus habent; quidquid illos non esse denuntiandos doceant Sanctarel, Sancius, Homob. Peyrinis & Bonac. apud Dian. p. 1. r. 4. ref. 11. qui ipsorum sententiam probabilem, & in praxi tutam nominat, prout facit Lezana 10. 1. 64 p. 19. num. 34. & 10. 3. verbo *Denuntiatio*, num. 6. qui dicit, illa ultima verba intelligenda esse de Confessariis instituentibus sermones inhonestos, sine sollicitatione ad turpia; non verò de iis, qui sollicitati consentiunt. Quidam nimis litteraliter verbis Bullæ insistentes, voluerunt non esse etiam denuntiandum Confessarium, qui consentientem solo scripto sollicitat: quare meritò Alexander VII. sequentem damnavit propositionem: *Confessarius, qui in sacramentali Confessione tribuit penitentiam postea legendam, in qua ad Venerem incitat, non censetur sollicitasse in confessione, ac proinde non est denuntiandus*. Malè ergo Trullench, & Acarius de Velasco, apud Andream Mendo in Statera opinionum

nionum benignarum *differt. 1. q. 8. num. 98.* sustinent illam esse probabilem.

19. Ex ejusdem Bullæ verbis denuntiari etiam debent Confessarii, vitos ad turpia sollicitantes in confessione: quia Bulla loquitur indeterminatè: *Qui personas, quacunque illa sint, &c.* Neque ad hoc opus est, ut sollicitatio, vel de inhonestis confabulatio fiat in ipsa actuali confessione, sed sufficit, si fiat immediatè ante vel post, ut patet ex his Bullæ verbis: *Qui prætèxtu confessionis, &c.* Unde adhuc denuntiandi sunt, qui foeminas in confessionali sollicitant, licet postea confessio non sequatur; quamvis id neget Portel. cum paucis aliis; & Fagundez doceat, eos non esse denuntiandos, etiam dum subsequitur confessio, modò sollicitatio facta non fuerit tempore confessionis; cuius tamen sententiam jam improbabilem esse, meritò docet Dian. *p. 1. tr. 4. ref. 14.* cum in dicta Bulla expressè habeatur, *sive ante. sive post* &c. Excipe tamen casum, in quo diu ante, vel post fieret sollicitatio, ut si v. g. post confessionem adiret domum mulieris, ut eam ibidem sollicitet interjecta aliqua mora temporis: ita enim teste Sousa apud Lezanam *tom. 3. suprà*, videtur benignè interpretanda mens Pontificis.

20. Occasione resolutionis quartæ suprà positæ Sancius in *selectis, diff. 11 n. 55* docet, mulierem non teneri ad denuntiationem, si sollicitetur à suo benefactore, aut amico, si nimirum hic plurima beneficia impenderit, & adhuc impensurus sit, sibi, filiis, parentibus, marito vel fratribus: quia non tenetur denunciare, cum suo magno da-

mno; ac gratitudinis vinculo astringitur avertere damnum ipsius. Verum contra illum justè insurgit Carolus de Baucio in *Miscellaneis, 10. 2. opus. 2. q. 130.* ubi sic ait: *Hæc opinio non est mihi probabilis, & iudico, esse temerariam & scandalosam contra bonum publicum totius Christianitatis.* Ita ille: cuius ratio est, quia revelationis dicti Confessarii obligatio oritur etiam ex lege naturali altioris ordinis, quàm sit obligatio gratitudinis, ut scilicet per similes revelationes obtineatur punitio peccati præteriti, & effugium futuri, sicq; conservetur bonum totius Reip. Christianæ, dum per hoc terrebuntur alii Confessarii, ne incendant in tale peccatum. Ita ille: & Diana *part. 10. to. 13.* de hac Sancii sententia loquens, eam vocat sancti tribunalis destructivam, & ideo meritò eam dicit à sacra Congreg. Ind. deletam esse ex ejus operibus, teste Reverendissimo P. Marino, tunc dictæ Congreg. Secretario. Ad id autem, quod adducit Sancius ex *resol. 4.* respondeo, id solum verum esse, dum crimè non vergit in damnum comunitatis, prout hic vergit. Quare Diana apud Lezanam verbo *Denuntiatio, n. 5.* ex ipso Sancio docet, in casu, quo non extraret edictum denuntiandi similem Confessariū, adhuc esse denuntiandum. Ex quo patet, illos, qui volunt hoc edictum non esse usu receptum in Belgio, per hoc non evadere omnes difficultates quoad denuntiationem Confessarii sollicitantis.

21. An denuntiandus sit Confessarius sollicitans ad actū venialiter tantum malum? Multum disputatur apud Dian. *p. 10. tr. 14. ref. 44.* Negant Portel. Lupus, Hurtadus, & alii; distinguit Escobar.

Escobar: verum Diana melius absolute affirmat eum variis quos citat; quibus addo Lezan. *loc. cit.* Ratio est, quia illa sollicitatio ad actus, etiam in genere luxurie levis, est graviter injuriosa Sacramento; & sic sollicitans verè habet inhonestos sermones. Cæterum

22. Nota, omnes Confessarios sub mortali teneri admonere suos pœnites, quos colligunt fuisse sollicitatos ab alio Confessario, ut hunc denuntient; & si non denuntiarint, illos incurrere excommunicationem, à qua absolvi non possint, sicut nec à peccato, nisi denuntient, vel nisi verè promittant, se statim denuntiaturus. Quot autem fœminarum denuntiationes requirantur, ut hoc Confessarii crimen censetur sufficienter probatum? Puto cum Diana, committendum judicio, & prudentiæ dominorū Inquisitorum, inspectis qualitatibus tum fœminarum denuntiantium, tum Sacerdotis denuntiati. Illi interim duarū, alii trium, alii quatuor fœminarum testimonium dicunt sufficere. Quia in hac materia non rarò casus perplexi occurrere possunt, in quibus gravia incommoda ex denuntiatione, tum in fœmina denuntiante, tum in persona denuntianda, vel etiam aliis timentur; adverte, probabiliter non esse denuntiandum crimen, quod emendatum est, ad quam emendationem aliqui quidem requirunt, ut delinquens post delictum per triennium bene vivat: at Felinus illum censet ad hunc effectum sufficienter emendatum, qui sacramentaliter est confessus: quare poteris sæpè ex præsumpta confessione similis Confessa-

rii, utpote qui post sollicitationem præsumitur celebrasse, excusare pœnitentes à dicta obligatione: quod tamen extra illos casus nullatenus judico practicandum. Insuper generaliter

23. Adde primò, neminem obligari vi edicti ad revelationem delicti tantum sibi noti sub secreto naturali: quia servare simile secretum est de jure naturalis: & aliàs occluderetur via petendi consilium à prudentiori se: limita tamen adhuc, nisi ex celatione talis criminis inuineat grave damnum Reip. vel Religioni. Unde Diana infert illud, qui sub secreto naturali novit aliquem Confessarium sollicitasse fœminam ad turpia, teneri eum deferre, si id fœmina negligat; eò quòd ex talis delicti celatione (quod à fortiori locum habet in casu hæresis formalis) imineat grave damnum proximo, & Reip. Christiane, si similis Confessarius non emendetur: quare DD. communiter sustinent, hæreticum dogmatizantem, denuntiandum esse, licet quis venerit in cognitionem ipsius hæresis præstito juramento de non manifestando. E contra tenetur quilibet potius subire quicumque tormenta, & mortem acerbissimam, quàm revelare aliquid secretum, unde commune bonum Religionis detrimentum pateretur. Sic nulla de causa miles catholicus in bello contra Turcas captus, potest his arcana exercitus catholici revelare: quia bonum commune vi luminis naturæ præponendum est bono privato, ut omnes communiter.

24. Adde secundò, nullum etiam teneri denuntiare crimen, circa quod scitur, vel probabiliter creditur, per

X hanc

hanc suam denuntiationem nullum remedium fore adhibendum ab eo, cui denuntiatio fieri debet: quia tunc denuntiatio est inutilis; ad opus autem inutile nemo obligatur. Ita post Bonac. docet Pourré p. 1. verbo *Denuntiatio*, n. 10. Et Lezan. tom. 3. verbo *Accusare*, n. 16. vult probabiliter aliquem non teneri denuntiare, quando præceptum Superioris id præcipientis fundatur in sola præsumptione, & alteri constat, talem præsumptionem eo casu deficere: v. g. *Superior ex suspitione, quod quidam Religiosus commisit peccatum contra castitatem, præcipit subditis, ut dicant, si aliquis exivit à conventu sine socio, scis aliquis quemdam exivisse sine socio, constat tamen illi, non commississe tale peccatum, probabile est, non teneri propalare illum, qui sine socio exiit.* Ita Lezan. loc. cit. quod iterum repetit to. 4. verbo *Leges Regul.* num. 61. verum quia nullum aliud fundamentum adfert, quam quia tunc cessat finis legis in particulari, contrarium judico sustinendum juxta dicta supra.

25. Adde tertio, ad denuntiationem teneri non solum eos, qui certo sciunt delictum alicujus: sed & illos, qui à personis fide dignis de eo certificati sunt: quia tales verè & propriè dicuntur habere notitiam delicti: scilicet quando id audivissent à personis levibus. Ita in casu hæresis docet Lezan. tom. 3. verbo *Denuntiatio*, num. 4. pluribus citatis. Pro hujus materiæ complemento

26. Advertant Superiores, contra viros alicujus notæ, jam vitæ & moribus diu probatos, vix unquam admittendam esse aliam denuntiationem quam judicialem: quia ope demonis, & invidorum hominum sæpè deicerentur columnæ Reip. Ecclesiæ, vel Ordinis Religiosorum: unde contra similes solam accusationem sub pœnaltionis, regulariter loquendo, acceptare debent, si delator delictum sufficienter probare non potuerit. Item dum deferens fratrem suum ad Superiorem expresse dicit, quod ei deferat, ut patri, & non ut judici, non potest Superior judicem agere, sed tenetur dicti fratris crimen secretum servare, eumque occultè corrigere: nam de jure naturali famam proximi servare tenemur: quare etiam si crimen sit denuntiatum Superiori, ut judici, si nihilominus adhuc sit occultum, & reus illud agnoscat paratus agere debitam pœnitentiam, non potest Superior eum judicialiter punire, sed debet aliquam injungere pœnitentiam, ut præcaveat in futurum: quæ omnia notavit Thomas à Jesu de *Visit. Regul.* tr. 1. c. 12. n. 12. & post ipsum Pourré. Quæ demum crimina teneantur Regulares in visitationibus conventuum deferre, aut denuntiare, habes apud Lezan. to. 3. verbo *Accusare*, num. 9.

# TRACTATUS III.

## De Virtutibus Theologicis.

**V**irtutes Theologicæ tres sunt, Fides, Spes, Charitas: sic dictæ, quia circa Deum immediatè versantur. Major autem harum est Charitas, teste Scripturâ. Nos de singulis aliqua præ necessitate subjiciemus. Quare sit

## DISPUTATIO I.

### De Fide.

### D V B I V M I.

#### Quid Fides, & ejus objectum.

1. **O**missis variis Fidei acceptionibus minùs propriis, & ad intentum nostrum nihil conferentibus, hic agimus de virtute Fidei, quæ à Tridentino sess. 6. cap. 8. dicitur humanæ salutis initium, fundamentum, & radix omnis justificationis: de hac igitur sic propriè sumpta,

2. Dico primò, Fides est habitus vel actus, quo quis assentitur iis, quæ Deus revelavit, ob auctoritatem Dei revelantis. Unde dividitur in habituales & actuales. Fides habitualis, est habitus infusus, inclinans intellectum ad assentiendum omnibus, quæ Deus revelavit: actualis verò, est actus supernaturalis firmus & certus in auctoritate Dei revelantis fundatus: quare hæc non potest solis naturæ viribus elici, nec illa naturæ viribus comparari;

quod sæpiùs, tanquam res fidei definitum est.

3. Dico secundò, objectum materiale fidei est, quidquid cadit sub revelationem divinam; nam circa hoc omne fides versatur, & circa quod virtus versatur, est objectum materiale illius.

4. Dico tertio, objectum formale fidei, est revelatio Dei, quatenus summe veracis: quia hæc est, quæ nos movet ad assentiendum rebus, quæ nobis credenda proponuntur; objectum autem formale virtutis, est ipsa ratio movens ad talem virtutem exercendam: ubi

5. Nota, dictam revelationem non debere necessariò esse privatam factam immediatè à Deo alicui homini privato in particulari: nam ad objectum formale fidei sufficit revelatio publica

facta toti Ecclesiæ; ut fides ipsa docet, & consensus omnium Catholicorum testatur, esse veram fidem, quâ assentimur mysteriis per Apostolos universali Ecclesiæ à Deo revelatis, quamvis eorum nullam habeamus privatam revelationem. Deinde, quidquid Ecclesiæ definit esse fidei, debemus fide divinâ credere, quamvis nobis aliunde non constet de alia revelatione; quia definitiones Ecclesiæ quatenus procedunt ex infallibili assistentiâ Spiritus sancti, sunt verba verè à Deo revelata: quamvis tamen Ecclesiæ aliquid definiens, non accipiat novam revelationem, sed assistente Spiritu sancto doceat, tale quid esse verè à Deo revelatum, sive sit scriptum, sive non. Insuper, etiam credere debemus, quòd talis sit sensus verborum à Deo revelatorum, qualem Ecclesiæ definit esse, quamvis de eo nihil in speciali revelatione sciamus.

6. Quòd igitur moderni hæretici requirant privatam unicuique factam revelationem ad hoc, ut quis teneatur aliquid credere fide divinâ, cò quòd revelatio publica facta Apostolis, vel Prophetis, non possit singulis in particulari applicari, nisi per internam, & privatam revelationem supervenientem, quæ cuique sit propria, quam vocant internum & privatum Spiritum testificantem, non habet locum: quia certum est, publicam revelationem sufficienter singulis applicari per prædicationem Evangelii, & Ecclesiæ auctoritatem; quod manifestè patet ex *Marci 16. Euntes in mundum universum præ-*

*dicare Evangelium omni creatura: Ibi enim Christus (quod & alibi sæpiùs) mandat Apostolis, ut fidei mysteria, quæ ab ipso acceperant, aliis per Evangelii prædicationem communicent, ac singulis applicent; quo mandato facto subdit: Qui crediderit & baptizatus fuerit, salvus erit; qui verò non crediderit, condemnabitur: per quam immediatam subjunctionem manifestè indicat, auditâ prædicatione Evangelii nos teneri credere absque particulari revelatione nobis à Deo facta: quod ulteriùs confirmat illud Rom. 10. Fides ex auditu.*

7. Adde tamen, per hæc Catholicos non velle nudam prædicationem Evangelii sufficere ad credendum fidei mysteria vero actu fidei: nam clarum est insuper requiri internam gratiam supernaturalem, ut patet *Ioan. 6. Nemo potest venire ad me, scil. per fidem, nisi Pater qui misit me, traxerit eum*, per internam videl. gratiam. Unde suprà insinuavimus, actum fidei non posse solius naturæ viribus elici. Negant tamen Catholici, dictam gratiam esse applicationem mysteriorum fidei, sed asserunt, esse quamdam motionem seu impulsu supernaturalem, excitantem, & adjuvantem hominem, ut velit, & possit credere fidei mysteria per prædicationem Evangelii, vel ejus lectionem, aut aliter ipsi sufficienter proposita, & applicata.

\* \*

DVBIVM SECVNDVM.

*Quæ sint infallibiles regula fidei.*

8. **F**idei regula nil est aliud, quàm principium infallibile, ex quo colligitur aliquid nobis proponi credendum tamquam à Deo revelatum. Talia principia sunt hæc quinque, Scriptura sacra, Traditio non scripta, Ecclesia, Concilium generale à summo Pontifice congregatum & approbatum, & summus Pontifex: de quibus hinc aliqua, sed breviter, dicemus: hæc enim materia magis ad controversitas attinet, quos pro necessitate poteris consulere.

9. Dari Scripturam sacram apud ferè omnes modò certum est: sicut & eam esse infallibilem Fidei Regulam, omnes Christiani testantur: quod & constat ex eo, quòd ipse Christus sapiùs in Evangelio Scripturam citer, ut contra Judæos aliquid prober. Quinam verò libri sunt de Scriptura sacra, habes in Trid. sess. 4. Ut autem scias in quo sensu quilibet Scripturæ locus sit sumendus; sicut & quòduplex sit ejus sensus; an semper admittat sensum litteralem, &c. habes apud Sylvium hinc, & alios plures, qui hanc materiam latè discutiunt.

10. Traditio variè sumi potest, ut videre est apud Sylvium in controversiis 1. 2. q. 1. 4. 1. Verùm prout à nobis sumitur, nihil aliud est, quàm doctrina ad Fidem, vel mores Christianos pertineus, quæ sine scripto Authoris, vel alterius scriptoris Canonici per conti-

nuatam successionem ad alios pervenit. Est necessariò admittenda tanquàm certa Fidei regula, ut constat ex Apostolo 2. ad Thessal. 2. *Tenete traditiones, quas didicisti, sive per sermonem, sive per Epistolam.*

11. Ecclesia est omnium Christi fidelium in terris sub uno summo post Christum capite congregatio: quæ vocatur Ecclesia militans; eò quòd cum diabolo, mundo, & carne continuum habeat bellum; per quod ab Ecclesia triumphante distinguitur. Ecclesia Romana, utpote vera, est infallibilis, columna & firmamentum veritatis, adeoque in proponendo fidei articulos errare non potest; estque certa Fidei regula: de quo nemo potest dubitare, cum Spiritus sanctus suam infallibilem assistentiam ei promiserit, camque doceat omnem veritatem, ut patet 1. Joan. 16.

12. Concilium prout hic, est congregatio Rectorum ac Prælatorum ecclesiasticorum legitimè autoritate convocatorum ad definienda & statuenda ea, quæ in causis gravioribus pro tranquillitate, & bono Ecclesiæ, vel necessaria, vel multum sunt utilia. Tale Concilium tempore Apostolorum habitum fuit *Actorum* 15. Nec est dubitandum, quin similia à Christo regantur, qui dicit *Matth. 18. Vbi sunt duo, vel tres congregati in nomine meo, ibi sum in medio illorum*: ac proinde, tale generale Concilium



lium à summo Pontifice congregatum & approbatum, est certa regula Fidei quoad ea, quæ spectant ad fidem, & decreta morum.

13. Denique Romani Pontificis, veri S. Petri successoris iudicium in difficultatibus Fidei decidendis ac determinandis, quando ex Cathedra loquitur, & Ecclesiam totam docet cum obligatione ad ita credendum, est omnino certum & infallibile; unde est Fidei regula. Ita S. Thom. Noster Waldensis lib. 2. doctrin. Fidei cap. 47. &

48. Ratio est, quod aliàs ipsum Ecclesie fundamentum deficeret, ac consequenter ædificium, seu Ecclesia ipsa ruere deberet; propter quod dixit Christus Petro: *Ego rogavi pro te, ut non deficiat Fides tua.* Deinde Romanus Pontifex est Pastor, ac Doctor universalis totius Ecclesie, ex quo tota Ecclesia eum audire debet, eumque sequi; adeoque si ipse erraret, tota simul Ecclesia erraret, quod nequaquam fieri posse, monstratum est. Pro aliis, quæ fortè hîc desiderabis, consule Controversistas.

## DVBIVM TERTIVM.

*An, & quæ Fides sit necessaria ad salutem?*

14. **S**uppono hîc conformiter ad dicta tract. 1. disp. 1. dub. 4. circa finem, Fidem aliam esse necessariam necessitate medii, qua etiam inculpabiliter omissa, homo salvari non potest; aliam necessitate præcepti, qua omissa culpabiliter homo salvari non potest, secus si inculpabiliter omittatur. Quo-

modo Confessario sit agendum cum non habente Fidem necessariam, vide dicta ibid. de ignorante. Quia verò, ut dixi, quædam necessario credenda sunt necessitate medii, quædam necessitate præcepti, ideo hoc dubium in duos paragraphos secabimus.

S. I.

*Quæ sint necessario credenda necessitate medii.*

15. **D**ico primò, fide imprimis omnino certum est, Fidem esse necessariam necessitate medii ad salutem. Constat manifestè ex Script. ad Heb. 11. *sine fide impossibile est placere Deo*: item Rom. 1. ad Gal. 2. 3. & 5. ubi Apostolus rotus est ad probandum, neminem sine fide posse, vel potuisse unquam

justificari; unde etiam in parvulis requiritur fides ut justificentur, non quidem actualis, sed habitualis; nam justificari non possunt sine baptismo; per baptismum verò acquirunt fidem habitualement infusam. Adulti autem (de quibus imposterum erit sermo) debent necessario habere Fidem

dem actualem, ut omnes fatentur.

16. Dico secundò, necessitate medii necessaria est fides explicita existentiae Dei. Est etiam fide certum *ex eodem cap. ad Hebr.* ubi post citata verba subiungitur: *Accedentem ad Deum credere oportet quia est*, id est quia existit: post quae verba sequuntur haec: *& inquirentibus se remunerator sit*: & idèò communiter DD. sustinent, etiam omni tēpore necessitate medii necessariam fuisse fidem explicitam Dei ut remuneratoris; quia prout ex illo loco Apostoli apparet, proponuntur ista duo aequè explicitè credenda, scil. *quia est*, & *quia remunerator sit*. In hoc postremo ex communi doctrina, includuntur haec tria credenda: primum, Deum habere omnium rerum providentiam: secundum, nostra opera bona ei placere, & displicere mala: tertium, animam nostram esse immortalem, cui post hanc vitam Deus bona nostra opera remunerare possit. Non est tamen semper necessarium ista tria explicitè credere, cū sufficienter implicite credi videantur per actum, quo creditur & speratur praeмиū remunerationis in altera vita sine explicita reflexione ad ista omnia. Imò Franc. B. Spei *disp. 7. de fide n. 11.* docet, fidem explicitam Dei ut remuneratoris non esse necessariam necessitate medii ad salutem.

17. Dico tertio, etiam necessitate medii necessaria est in novo Testamento post praedicationem Evangelii fides explicita SS. Trinitatis, & Incarnationis. Ita Urban. *17. 1. cap. 19.* cum ceteris fatis communiter. Prob. quia Christus *Marc. 16.* dicit Apostolis: *Ecce in muni-*

*dum universum predicate Evangelium omni creatura*: quibus subiungit, *Qui non crediderit condemnabitur*. scil. Evangelio: constat autem, dicta mysteria esse praecipua, quae in Evangelio continentur. Deinde, quoad mysterium Incarnationis, probatur ex illo *Ioan. 3.* *Sicut Moyses exaltavit serpentem in deserto, ita exaltari oportet filium hominis, ut omnis, qui credit in ipsum non pereat*. Sicut ergo nemo sanabatur à serpente, nisi qui in eum aspiciebat, ita nullus sanatur à peccato, nisi per fidem Christi in cruce exaltati. Confirmatur idem ex ejusdem *Ioan. 17.* *Hac est vita aeterna, ut cognoscant te solum verum Deum, & quem misisti Iesum Christum*. Et ad *Gal. 2* sic loquitur Apostolus: *Non justificatur homo ex operibus legi nisi per fidem Iesu Christi*: quae loca videntur omnino convincere, fidem explicitam mysterii Incarnationis esse necessariam necessitate medii adultis in novo Testamento post praedicationem Evangelii. Ex quo ulterius eruitur, etiam fidem SS. Trinitatis eodem modo esse necessariam: nam mysterium Incarnationis credi non potest absque eo, quòd credatur simul mysterium Trinitatis: nam illa dicit unionem secundae personae Trinitatis cum humanitate: ergò & mysterium Trinitatis necessario necessitate medii credendum est. Quod idem non parum etiam probatur ex eo, quòd baptizmus, qui est Sacramentum fidei Christianae, conferri debeat cum expressione hujus mysterii. Attamen

18. Dico quarto, non est omnino improbabilis opinio, negans ullū mysterium esse necessario necessitate medii

dij

dii credendum ab adultis præter existentiam Dei: ita enim sustinent Azo-rius, Tannerus, Sylvius, Pallavicinus, quos citat & sequitur Burghaber *Cens. 1. casu 61.* nec non & alii plures probati Authores, huic maxime nixi fundamēto: quod perfecta Dei charitas & peccatorum contritio haberi possint absque ulla alia fide explicita superaddita: charitas verò perfecta, & peccatorum contritio sunt proximæ dispositiones ad justificationem, quibus positis, infallibiliter sequitur justificatio. Imò Franc. B. Spei *disp. 7. n. 11. supra* defendit respectu adultorum in gratia existentium nequidem fidem explicitam actualem Dei existentis esse necessariam necessitate mediæ: nam, si adulti existentes in gratia (inquit) Dei existentiam invincibiliter ignorent, ut possunt, adhuc virtute gratiæ, in qua sunt, & moriuntur, in perpetuum salvantur.

19. Nec diu cum Becano & aliis, fidem explicitam dictorum mysteriorum non esse quidem ex natura rei necessariam necessitate mediæ, sed ex libera Dei dispositione, qua decrevit neminem in novo Testamento perducere ad dilectionem, vel contritionem perfectam sine fide explicita Incarnationis, & Trinitatis: quia illa Dei dispositio mihi clarè non innouescit: nam citata Scripturæ loca Authores hujus sententiæ probabiliter intelligent, vel de fide implicita, vel de necessitate præcepti tantum quoad fidem explicitam. Quod me maxime movet, ut hanc sententiam non improbabilem judicem, est summa Dei misericordia, & Divina ejus in omni-

bus providentia, quæ non sinet innumeros facientes quod in se est, credentesque in unum verum Deum, carentes tamen fide explicita cæterorum fidei mysteriorum absque ulla culpa ex parte sua, quæ non sinet, inquam, tales in perpetuum damnari: sufficeret enim probabiliter in similibus fides implicita dictorum mysteriorum. Est autem fides implicita; per quam aliquid non in speciatim, sed in aliquo alio, in quo implicite continetur, creditur: sic qui credit quidquid Ecclesia credendum statuit, vel quidquid Deus revelavit, etiam implicite mysteria SS. Trinitatis, Incarnationis, &c. credat.

20. Neque contrà horum Authorum sententiam facit communis Ecclesiæ praxis, quam hic aliqui adferunt, quæ curat, ut adultus baptizandus diligenter instruat in mysteriis Trinitatis & Incarnationis: hoc enim adhuc prudenter facit Ecclesia, quia baptismus est janua Ecclesiæ, aliorumque Sacramentorum: Trinitas verò & Incarnatio, sunt duo præcipua Christianæ Religionis mysteria, à quibus cætera dependent: quare omnino indubitatè ex necessitate præcepti necessariò explicite credenda sunt. Cæterum quidquid sit de probabilitate dictæ sententiæ; omnino certum existimo, in antiquo Testamento fidem explicitam horum mysteriorum non fuisse necessariam necessitate mediæ: quia non omnibus tunc ista mysteria fuerunt proposita; sed paucis tantum Prophetis, & Patriarchis innotuerunt per specialem revelationem,

21. Major est difficultas, an tunc  
non

non fuerit necessitate medii necessaria fides explicita in Christum quatenus est mediator inter Deum & homines; circa quod sententia affirmativa est communior, fundata maximè in his Scripturæ locis: *Nec enim aliud nomen datum est hominibus, in quo* (scilicet credendo) *oporteat nos salvos fieri. Act. 4. sicut Moyses exaltavit, &c.* supra Ioan. 3. Vide etiam ad Rom 3. undè absolutè iudico

hanc fidem necessariam esse in novo Testamento, per quod clarè salvantur loca, quæ Authores quartæ resolutionis maximè premunt, dicendo nempe fidem Christi ut mediatoris esse quidem necessariam necessitate medii, quomocumque ipse mediator extiterit, præcindendo videl. à mysterio Incarnationis.

## §. II.

### Quæ sint credenda necessitate præcepti.

21. **D**ico, necessitate præcepti non est necessaria fides explicita omnium ac singulorum à Deo reuelatorum; non enim omnia omnibus proponuntur credenda. Requiritur igitur, & sufficit fides explicita aliquorum certorum fidei mysteriorum; ut primò Sanctissimæ Trinitatis, & Incarnationis. Secundò omnium mysteriorum in Symbolo comprehensurum. Tertio eorum, quæ spectant ad Baptismum, Eucharistiam & Confessionem Sacramentalem. Quarto eorum etiam, quæ ad Decalogum pertinent, ac ad præcepta Ecclesiæ. Quintò denique Orationis Dominicæ. Singula facilè probari possunt.

22. Quoad primum, constat clarè ex dictis §. 1. & sanè cum illa sint præcipua fidei Christianæ mysteria, prudenter de eo dubitari non potest. Adverte tamen, non esse necessarium omnibus distinctè cognoscere processiones Filii & Spiritus sancti; in Deo esse unicam essentiam, seu naturam,

& tres personalitates realiter distinctas, modumque quo Verbum incarnatum est; in Christo esse duas naturas & unicam subsistentiam, & similia: quia hæc sunt nimium difficilia, adeoque dicendum non est, rudium ac vulgarium salutem ab explicita eorum fide pendere: illa igitur solum isti scire obligantur, qui ratione status, & officii alios ea docere tenentur, ut sunt Doctores, Concionatores, &c. Pro rudibus verò sufficit scire, esse tres personas distinctas sub nomine Patris, Filii, & Spiritus sancti, & has tres unum Deum esse; ac secundam Personam assumpsisse naturam humanam, ut nos à peccatis liberaret.

23. Secundum, quoad Symbolum Apostolorum probatur ex catechismo Pii V. in quo dicitur: *Quæ primum Christiani homines tenere debent, illa sunt, quæ sancti Apostoli Divino spiritu afflati duodecim Symboli articulis distinxerunt*: deinde Apostoli expressè Symbolum composuerunt, ut baptizandis summam eorum,

rum, quæ credenda erant, proponerent; quod & semper Ecclesia exactè observavit præcipiendo ac sollicitè curando, ut pueri illud addiscant: quiquid interim necessarium non sit, ut rudiores illud sciant recitare memoriter eo ordine & verbis quibus communiter proponitur: sed ipsis sufficit scire illud quoad substantiam, ita ut de singulis articulis interrogati rectè respondere possint; licet non noverint omnes circumstantias, ut quòd Christus resurrexerit *tertio die*, quòd sit passus *sub Pontio Pilato*, &c.

25. Probatur tertium, quoad dicta tria Sacramenta; quia cum Baptismus, Pœnitentia, & Eucharistia sint omnibus ad salutem necessaria, dubium esse non potest, quin omnes scire, & credere teneantur, esse in Ecclesia tria hæc Sacramenta: & quidem in Eucharistia Christum verum Deum & hominem contineri realiter & substantialiter. Cæterorum verò quatuor Sacramentorum fides explicita non est necessaria, nisi illis qui ea suscipiunt, vel ministrant.

26. Quartum etiam probatur; quia cum ex Decalogo, & præceptis Ecclesiæ quisque dicere debeat, quid sibi agendum, quidve fugiendum sit, non posset sine eorum cognitione vita rectè institui. Interim non sunt illa præcepta necessariò omnibus scienda verbatim ut sunt conscripta, sed quoad sensum, sive contentum, secundum cuiusque capacitatem. Unde, prout tradit Urbanus *str. i. cap. 19. Vix quisquam reperitur in Ecclesia Catholica, qui non illa sciat crassiori minerva, quantum necesse est ad salutem, ut patet rudiores interroganti,*

*an sit licitum furari, occidere? utrum teneantur Deum colere? Parentes honorare? &c.* statim enim respondebunt quòd sic, licet nequeant suam mentem de his exprimere: si autem possint addiscere commodè, sintque in occasione positi, tenentur ita addiscere pro sua capacitate. Hæc Urban. quæ quidem ut vera admitto quoad actus externos in Decalogo præceptos vel prohibitos; non ita tamen generaliter de internis: plures enim, præsertim rusticos, reperies adeò rudes, ut nesciant, concupiscerem, vel uxorem alienam prohiberi Decalogi præceptis, si exterior actus furti, vel luxuriæ non sequatur: quare meritò cogendi sunt tales dicta præcepta addiscere pro sua capacitate.

27. Quintum deniquè probatur, quia cum per Orationem Dominicam discat homo quid à Deo petere, & sperare debeat, tenetur quisque eam scire saltem quoad substantiam, prout diximus de Symbolo Apostolorum, ac præceptis. Cæterum

28. Adverte primò, obligationem tria dicta, aut alia Sacramenta, Decalogum, &c. credendi, non oriri ex præcepto fidei simpliciter: sed ex præcepto aliarum virtutum, iustitiæ, religionis, pietatis, castitatis, &c. sive, ut alii loquuntur, in ordine ad operationem. Unde mirum videri non debet, quòd Apostoli hæc in suo Symbolo non comprehenderint; quia in eo solum voluerunt ponere ea, quæ propter se credenda sunt, non propter usum aut operationem: ac præcepta melius dicuntur debere sciri, seu memoriâ retineri, quàm credi, præsertim si loquamur de præceptis Ecclesiæ, quæ



quæ cum non sint inmediate à Deo revelata, credi non possunt fide Divinâ rigida.

29. Adverte secundò, necessarium esse iis, qui Symbolum, Decalogum, &c. addiscere possunt, ut sciant ea in lingua propria, vel in alia, quam intelligunt; aliàs enim non habent eorum sufficientem cognitionem. Ita P. Franc. *de Fide disp. 7. num. 39.* quidquid interim juxta Navar. Lopez, quos citat & sequitur Busenb. *l. 2. tract. 1. cap. 1.* tantum venialiter peccet qui ea memoriter non sciverit, modò ea sciat secundum substantiam: quia consuetudo exposuit, obligationem præcepti Ecclesiastici discendi memoriter Symbolum, Orationem Dominicam, &c. (sub quibus etiam comprehenditur Salutatio Angelica) non esse ultrà ventale: sicut nec majorem obligationem esse docet idem Busenb.

post Sánchez, ut quis sciat formare crucem: quibus tamen meritò se opponit Sylvius; quia graviter ab omnibus reprehenditur adultus, qui non scit formare signum sanctæ crucis.

30. Adde, in his omnibus ab omni culpa excusari eos, qui prædicta omnia, vel aliqua ignorant, eò quòd non fuerit, qui eos doceret, vel quia nunquam ipsis innouit obligatio similia discendi; aut etiam qui ita sunt rudes, ut ea comprehendere nequeant aut retinere. Quare P. Franc. *disp. 7. supra num. 40.* benè monet, ut in his *Confessariis attendant, an subsit discendi negligentia voluntaria, an verò ignorantia invincibilis.* Possè autem dari ignorantiam invincibilem circà obligationem credendi nostræ fidei mysteria, docet *num. 52.* cum communiori.

## DVBIVM QVARTVM.

*An, & quando necessarium sit elicere actum Fidei?*

31. **A**D actum fidei dupliciter quis obligari potest; præcepto scilicet affirmativo, quod obligat ad exercitium actûs fidei; & negativo, quod obligat ad non negandam fidem quomodocumque. Iterum ad exercitium actûs fidei potest quis teneri dupliciter, directè scilicet & per se, ac indirectè & per accedens tantum. Verùm, quia actûs fidei alius est externus, alius internus, de utroque specialiter age-

mus. Sed ante omnia notandum duxi, hanc propositionem ab Alexandro VII. esse damnatam in sequentibus terminis: *Homo nullò unquam vite sue tempore tenetur elicere actum fidei, spei, & charitatis ex vi Præceptorum Divinorum ad eas virtutes pertinentium: quò notato,*

32. Dico primò, tenentur infideles internum actum fidei exercere, ubi & quando fidei articuli ipsis sufficien-

ter fuerint propositi & explicati: quod non fit statim ac audiunt aliquid de vera Religione, ut benè Urbanus *tract. 1. cap. 20.* sed quando tot ac talia signa veræ Religionis vident, & contra tanta habent indicia falsitatis suæ Religionis & cujusslibet alterius, ut prudenter judicare possint, fidem hîc & nunc sibi propositam, esse veram ac evidenter credibilem, suam verò falsam ac erroneam: tunc enim nulla subest ratio, cur ulterius differant assensum fidei quoad sic propositos articulos, cum ex tunc iis satis innotescat, illos à Deo revelatos esse, qui falli aut mentiri non potest. Si ergo sineratione assensum renuant, gravem Deo inferunt injuriam, censenturque committere peccatum infidelitatis pertinaciter perseverando in sua mala fide: adeoque censentur transgredi præceptum hîc & nunc eos obligans ad assensum positivum fidei. Attamen, quia non omnibus infidelibus semper & ubique sufficienter proponuntur dicta motiva & indicia, sæpè contingit, ut rudiores inter infideles, & hæreticos enutriti patiantur ignorantiam invincibilem circa veritatem Religionis; nec proinde tales hæretici dicendi sunt, multòque minùs excommunicati, sed solum instruendi sunt, ubi occasio se obtulerit, ut deinceps actus veræ fidei exerceant, veræque Ecclesiæ adhaereant. Ita idem Urban. *ibid.* Quod benè observandum est pro nostro Belgio, ubi aliqui convertuntur, seu potius instruuntur in vera fide, cujus contrariam antea inculpabiliter sunt secuti: pro similibus enim necessa-

rium non est recurrere ad eos, qui ab hæresi aut censuris reservatis possunt absolvere.

33. Dico secundò, infantes, qui in Baptismo fidem habituales adepti sunt, tenentur actum fidei elicere, quando ad usum rationis pervenerunt, ac de rebus fidei sufficienter instructi sunt: quod secundum Petrum Fuliensem fit statim ac à Pastore vel alio viro pio & docto ipsis proponuntur tanquam fide credendæ: nam justa causa differendi assensum, quæ in infidelibus repetitur, in iis locum non habet. Ita ille. Verùm hæc non sunt generaliter accipienda, sed restringenda ad illos solum infantes Baptizatos, qui inter fideles enutriti sunt; imò interdum possunt excusari illi, qui inter fideles semper sunt conversati, ab obligatione gravi actum fidei elicendi quamprimum usurationis fruantur, licet res fidei ipsis jam sint sufficienter propositæ: quia defectu sagacitatis ingenii aliqui scientes quidem quæ credenda sunt, ea non concipiunt quatenus obligantia, saltem sub gravi culpa, ut quamprimum actus fidei circa ipsa eliciatur: quidquid interim ordinariè loquendo, resolutio vera sit quoad eos, qui inter fideles enutriuntur; cujus ratio est, quia, cum ordinati sint ad finem supernaturalem, decet, ut per actum fidei supernaturalem se, suæque omnia in dictum referant finem quamprimum fieri potest; vel maximè, quia fides est salutis fundamentum & sperandarum substantia rerum. Vide Franc. B. Spei *de fide disp. 7. num. 43. & 44.*

34. Dico tertio, qui libet tenetur actum

actum internum fidei elicere, quando ita circa fidem tentatur, ut aliter tentationem superare non valeat: de jure enim naturæ quisque tenetur suæ salutis spirituali prospicere. Adverto tamen ex Urbano & Petro Ful. hæc ut plurimum non habere locum, quando tentatio circa res fidei est solum interna, quia hæc communiùs solet ex solis scrupulis oriri, & tunc consultiùs judico cogitationes aliò divertere, quàm in eliciendis positivis actibus fidei immorari, prout suprà *Tract. 1. diss. 2. dub. 4.* insinuavimus. Si verò Tyrannus tentaret aliquem per pœnas, aut minas ad fidem abjiciendam, quæ est tentatio externa, teneretur hic etiam exterius fidem profiteri, & consequenter etiam interiùs, ne aliàs sola exterior fidei professio sit infirma nimis. Hæc de obligatione per se & directa ad internum actum fidei: de indirecta autem

35. Dico quartò, indirectè & per accidens insuper tenetur quis actum fidei internum elicere, quotiescunque obligatur, aut resolvit orare, conteri, accedere ad aliquod Sacramentum, aut sperare: ista enim omnia non possunt rectè fieri absque actu fidei, vel circa misericordiam Dei, vel ipsum Sacramentum. Item indirectè obligatur ad actum fidei, qui talem patitur tentationem contrà virtutem distinctam à fide, ut eam superare nequeat aliter, quàm per actum fidei: hoc enim docet lex naturæ, ut insinuat *est res sol. 3.* Ubi tamen adverte, in dicto casu actum fidei omittentem ex negligentia, peccare quidem contrà virtutem specialem, cui contrariatur tentatio,

non verò contrà virtutem fidei; quare nemo ideo est dicendus infidelis aut hæreticus. Jam de obligatione ad actum fidei externum.

36. Fide certum est, externam fidei professionem esse aliquando sub præcepto; patet ex Scriptura *Rom. 10. Cor. de creditur ad justitiam, ore autem confessio fit ad salutem.* Hoc præceptum fidem profitendi exterius, obligat primò, quando aliquis adultus admittitur ad Ecclesiam. Secundò, quando quis de sua fide interrogatus, conseretur erubescere Christum, si taceret. Tertiò, dum quis cernit, vel audit fidem contumeliosè tractari ab iis, quos impedire potest. Quibus adde obligationem, quam particulariter aliqui habent, fidem profitendi vi præcepti ecclesiastici cum juramento de præstanda obedientia Ecclesiæ Romanæ: ad quod secundum Tridentinum *sess. 14. cap. 1. de reform. & sess. 25. cap. 2.* tenentur provis de beneficio habente curam animarum annexam; ut sunt Episcopi, Pastores, &c. item admissi ad canonicatum, vel aliam dignitatem ecclesiasticam in Ecclesia Cathedrali: insuper etiam ex mandato Pii IV. ad id obligantur Superiores regulares; sicut & vi præcepti Pii V. Doctores, Magistri, Lectores, &c. In quibus tamen omnibus standum puto communi praxi ac consuetudini, quæ solè legem abrogare juxta dicta suprà.

37. Cæterum, licèt in casibus distinctis à suprà positis fideles non teneantur positivè fidem profiteri, obligantur tamen omnes præcepto fidei negativo cavere ab omni verbo & opere, quo implicite vel explicitè significare



possent, se fidem negare, vel abjicere: & hoc præceptum, utpotè negativum, obligat pro semper & ad semper, idque sub mortali: ratio est, quia qui negat veram fidem, implicitè dicit, Deum esse mendacem, cum revelationem ipsius judicet falsam. Unde Christus Matth. 10. dicit: *Qui negaverit me coram hominibus, negabo ego eum coram Patre meo.* Ex quibus verbis ulterius eruitur, nemini licitum esse ita exterius simulare negationem fidei ut circumstantes ex verbis, vel factis judicent, eum serio agere, & verè fidem negare: ille enim

verè Christum negat coram hominibus, quidquid interiùs à vera fide recedere non intendat: quod semper ab omnibus pro peccato mortali est habitum, sive metu mortis, sive alià occasione fiat: & reverà talis Christum erubescit, qui dicit Luca 9. *Qui me erubuerit, hunc filius hominis erubescet, &c.* Aliud est, dum quis joco id facit, ut est solitum fieri in Theatris. Vide Franc. B. Spei disp. 7. num. 58. Verùm, quia variis modis implicitè fides negari potest, sit

## D V B I V M Q V I N T V M.

### *Quandonam quis implicitè censeatur Fidem negare?*

38. **F**ides negari potest per verba, facta, vestimenta, & alia signa externa, de quibus

Dico primò, per verba implicitè fidem negat, qui negat se esse Christianum, aut Christi discipulum: nam S. Petrus dicitur tertio Christum negasse, cum tamen bis solùm negarit, se esse discipulum Christi. Idem dic de eo, qui negat, se esse Papistam Romanistam, &c. apud eos, qui per illa intelligunt sectatorem fidei Ecclesie Romanæ. Insuper etiam implicitè negat fidem per verba, qui se dicit Calvinistam, Lutheranum, &c. qui & superaddit novam malitiam professionis Religionis falsæ: atque hæc omnia veramaneant, sive quis juridicè interrogetur, sive non: nunquam enim

licitum est vel implicitè negare fidem, ut dictum est *dub. preced.* Verùm id non facit, qui à privato interrogatus, an sit Catholicus, petitionem eludit dicendo: *Quid hoc ad te? quid habes hoc à me interrogare?* &c. quia talis per similia potius indicat, se esse similem. Denique etiam per verba fidem negat, qui dicit, fidei mysteria non esse certa, esse dubia, &c. unde peccat hic mortaliter, quia opponit se infallibilitati Divini testimonii, per quod Deo gravem infert injuriam.

39. Dico secundò, per facta implicitè fidem negat, qui eas exercet actiones, quæ vel ex natura sua, vel communi vii hominum ad significandum cultum falsæ Religionis sunt ordinatæ, ita ut aliud significare non possint: quare

quare in nullo casu sine peccato infidelitatis sumi potest cœna calvinistica, offerri thus idolo, communicari in cœremoniis hæreticorum quoad baptismum, vel matrimonium: quia, cum hæc omnia nihil possint significare quam professionem Calvinismi, idololatriæ, aut alterius falsæ sectæ; qui similia exercet, etiam in quocunque casu necessitatis, idem facit, ac si diceret, se esse talis Religionis: quod nunquam licitum esse, quamvis interius quis maneat in vera fide, *dub. præced.* monstravimus. Adde, cum etiam fidem negare per quasi facta, qui à iudice cum aliis interrogatus, an v. g. sit calvinista, tacet cæteris affirmantibus; quia taciturnitas, in illis circumstantiis ab omnibus sumitur pro consensu, juxta axioma receptum: *Quia tacet, consensu videtur*: quod tamen non habet locum, quando quis solus, vel cum aliis ab homine privato interrogatur, ut statim dictum est. Nec similiter censetur negare fidem, sed virtualiter & implicitè eam profitetur, qui data pecuniâ impetrat à Magistratu, vel Inquisitoribus, ne de sua fide interrogetur: quamvis tamen ob periculum scandalisandi alios, facillè posset per hoc peccatum in mortale incurrere. Denique nec ille censetur implicitè fidem negare, absolute loquendo, qui fugit tempore persecutionis; nam *Matth. 10.* expressè dicitur: *Cum persequentur vos in civitate ista, fugite ad aliam*: & sanè fuga est implicita fidei professio. Dixi *absolute loquendo*, quia posset dari casus, in quo fuga esset implicita fidei negatio; uti fuit fuga illius, qui ex consortio triginta novem fugit ad

balneum, quod à tyranno ordinatum fuerat in signum desertionis fidei, si quis illud intraret.

40. Dico tertio, per vestem implicitè fidem negat, qui ea utitur veste, quam Princeps omnibus suis subditis, cujuscumque sint fidei, præscribit, ad testandum se esse cultores falsæ suæ sectæ. Ratio est, quia tunc talem habitum gestans, æquivalenter dicit, se esse talis sectæ; ut si v. g. quis inter Mahumetistas è collo gestaret imaginem Mahumetis institutam ad indicandum ipsius cultum. Secus dic de eo, qui, inter infideles iter faciens, ex causa rationabili uteretur vestibus, quibus isti infideles dignoscuntur tantum materialiter, sive præcisè quoad nationem: uti sunt v. g. communes vestes Turcarum: quia harum usus non includit professionem fidei Turcicæ, ut per se clarum est. Imò non improbabilius multi etiam licitum putant, uti vestibus, quæ publica auctoritate præscribuntur omnibus certæ sectæ falsæ cultoribus, ut aliquo modo inter se dignoscantur, si primarius usus præscriptæ vestis cedat in necessitatem naturæ, & assumatur ad evadendum grave periculum: Ratio est, quia assumptio talis vestis (qualis v. g. est habitus communis Sacerdotum falsæ Religionis) in casu gravis periculi, meritò potest præsumi, fieri ad se occultandum: in quo apparet distinctio inter dictam vestem, & verba, quibus quis exteriùs profitetur falsam fidem; quia hæc post primam hominum institutionem ex natura sua tale quid significant, non ita dicta vestis.

Petes primò, an usus carniû die  
Vc.

neris inter hæreticos sit signum negationis fidei Catholicæ?

41. Respondeo simpliciter loquendo negativè; quinimò id licere ad vitandum grave damnum, si absit periculum gravis scandali, necullo prætextu possit talis esus declinari, docent omnes DD. communiter, quos sequitur Burghaber *centur.* 1. *casu* 13. non enim Ecclesia intendit subditos suos obligare cum gravi incommodo, cum id nimis difficilè foret. Dixi iterum *simpliciter loquendo*, nam quando Princeps hæreticus talem esum præciperet in signum hæreseos, tunc esset implicita fidei negatio, adeoque illicitus, et si aliàs minaretur inferre mortem. Idem dic, si in die jejunii ab aliquo in mensa diceretur demonstrando carnes: *Qui hæreticus est, comedat ex hoc serculo*; quia etiam in his circumstantiis comestio carniū contineret externam fidei negationem. Si tamen in illis casibus adesset infirmus, cui licitum esset comedere carnes, posset hic illas comedere protestando, se id non facere, nisi ratione infirmitatis. Adde juxta Urbanum, posse famulos Dominis suis car-

nes præparare in die jejunii, ne excendant suo famulatu, vel ut caveant aliud grave incommodum, licet Dominus, utpotè hæreticus, id faciat in Ecclesiæ contemptum: non enim per hoc, quòd præparatur caro, Ecclesia contemnitur, sed per hoc, quòd comedatur, quòd fit à solo Domino. Ita ille *ubi supra*.

Petes secundò, an Catholicis sit licitus esus idolotitorum, seu ciborum idolo oblatorum?

42. Respondeo quòd sic, quoties seculo periculo scandali non continet speciem cooperationis ethnicae, vel cultus falsi Dei: quia talis esus secundum se, est indifferens; nec extrinseca illa immolatio reddidit eum illicitum in diebus circumstantiis: pro quo vide Apostolum 1. *ad Cor.* 8. & 10. Unde dum S. August. sæpiùs asserit, potius esse fame pereundum, quàm talis cibis sumatur, debet intelligi de comestione formali idolotitorum, in iis nempe circumstantiis, in quibus apparere possit id fieri in cultum idoli. Vide circa hæc omnia P. Franc. à n. 61. *disp.* 7. *de jûe*.

## DVBIVM SEXTVM.

### *An licitum sit cum infidelibus communicare?*

43. **D**ico primò, non prohibetur infideli omnis communicatio cum infideli, aut hæretico, etiam in sacris: quia & ipsis Judæis potest distribui panis benedictus, aqua benedicta, &c. modò absit periculum irreverentiæ. Item admitti potest infidelis ad

orandum Deum ritu Catholico, ad audiendam concionem, ad interessendum Missæ, saltèr usque ad offertorium exclusivè, si desit periculum dictum, & ipse non sit hæreticus denunciatus. Ita DD. communiter *ex cap. Episcopus nullum* 67. Imò aliqui addunt, etiam

etiam infidelem admitti posse ad audiendam totam Missam, si exinde prudenter speretur ejus conversio; & Em. Card. Lugo testatur, se vidisse hæreticos coram Sacro Cardin. Collegio missæ solemniter interesse, scientibus omnibus, & meritis simulantibus propter fructum experientiæ probatum: quod exemplum debet esse maximi ponderis pro Belgio, ut observat Franc. B. Spei *de Fide, disp. 9. n. 10.* Unde patet à fortiori, non omnem communicationem civilem fidelis cum infideli, aut hæretico esse illicitam. Dixi, *Si ipse non sit hæreticus denunciatus*, publicè scilicet sententiam Judicis: quia cum tali inhi- betur Catholicis omnis communicatio, ut ex diversis Canonibus constat.

44. Dico secundò, lege naturali prohibita est omnis illa communicatio cum infidelibus, ex qua imminet periculum perversionis in se, aut in aliis periculum scandalì: unde colligendum monet Lothus *tr. 13. q. 1. a. 1.* malè facere eos, qui proles suas inter hæreticos educandas transmittunt prætextu mercaturæ, studiorum, aut conversationis politicæ, quia plures redeunt corruptæ, & non rarò heresi infectæ. Malè item faciunt, qui hæreticis famulantur, cum æquè, vel ferè æquè commodè possint obtinere famulatum apud Catholicos, ob eandem rationem. Et dum Confessarius advertit, poenitentem ob similem famulatum, aut commorationem cum hæreticis versari in periculo proximo contrahendi hæresim, debet ipsi absolutio- nem negare, nisi promittat, se infra parvum tempus retrahere, etiam cum periculo perdendi salarii. Hoc tem-

pus aliqui extendunt ad tres menses; sed ego cum Gobat *in Alphab. Audiens. Sac. casu 15. num. 337.* judico illam extensionem esse nimis amplam pro graviter tentatis. Adde, etiam in multa salutis pericula se præcipitare eos, qui continuis commerciis cum hæreticis assueti, eorum mores inbibunt: licet enim tales non omnino non pervertantur, multas tamen propositiones hæreticas tanquam probabiles sibi imprimunt, de Catholicis dubitant, malum affectum erga Ecclesiasticos facile concipiunt, & tandem ad statum politicum prolabantur, viam sibi ad atheismum sternendo. Ita Lothus *loc. cit.*

45. Dico tertio, lege ecclesiastica prohibitum est, primò sub excommunicatione, ne fideles cohabitent Judæis aut Saracenis, *cap. 118. ar.* per quod tamen non prohibetur habere servos Judæos, ut patet *ex cap. etsi iudeos*. Secundò in concilio Agatensi *cap. 40.* inhi- betur, ne fideles accedant ad convivia Judæorum, & ne hos invitent ad sua. Contrà quod tamen non peccat fidelis, qui à fidele invitatus, vel casu comedit in eadem mensa cum Judæo; verba enim hunc non comprehen- dunt. Tertiò, *cap. nullus 28. q. 1.* veratur, ne fideles comedant azyma Judæorum. Quartò ibidem, ne utantur Medico Judæo, quod intellige extra casum necessitatis gravis. Quintò, ne in eodem balneo cum Judæis laventur, scilicet per modum societatis. Sextò, *in cap. ad hoc de iudeis*, fidelibus prohibetur, ne famulentur Judæis, & ne Judæos eligant ad officia: in quibus tamen omnibus excusare potest levitas mate-  
ria,

rit, vel contraria consuetudo. Denique inhibita est omnis communicatio cum hæretico denunciato; ut insinuarum est supra; quia hic censetur excommunicatus non toleratus, cum quo communicare non licet, neque in Divinis, neque in civilibus, ut omnes fatentur. Adverto tamen ex Busenb. & aliis ante ipsum, dictam communicationem in civilibus secluso contemptu, solum esse peccatum veniale, licet inducat excommunicationem minorem. Imò licita est hæc communicatio in his quinque casibus: Primo, in casu subjectionis; sic filii & servi possunt communicare Patri & Domino, si ante excommunicationem fuerint in ejus servitio. Secundò in casu legis matrimonialis; sic uxor cum marito excommunicato potest communicationem habere. Tertiò in casu utilitatis spiritualis excommunicati ut convertatur, vel alterius, ad petendum v. g. consilium ab excommunicato, quod ab alio haberi nequit: vel etiam ratione utilitatis temporalis, ut v. g. ab eo obtineatur solutio debiti ante contractu; quidquid tamen illicitum sit cum eo novos contractus inire. Quartò licita est communicatio cum excommunicato in casu necessitatis spiritualis vel corporalis. Denique, in casu ignorantia, live juris, sive facti.

Petes primò, an sit licitum cum hæreticis de fide disputare?

46. Resp. primò, id illicitum esse laicis: patet ex cap. 2. §. *inbibemus, de hæreticis*, & Alexandro IV. cap. *Quicumque, de hæreticis in 6* ubi contravenientes excommunicationem incurrunt; quidquid eam tantum esse sententiæ feren-

dæ doceant Sylvest. Bannes, Sylvius & Lothus *quæst. cit. art. 5*. Adde juxta Valentiam & alios, hanc prohibitionem non habere locum, ubi hæretici cum Catholicis mixtim vivunt; quia ibi per usum & consuetudinem contrariam abrogata est. Similiter locum non habet in casu necessitatis, dum v. g. hæreticus multa contra fidem Catholicam jactaret cum periculo perversionis audientium vel magno scandalo: tunc enim laici idoneis absente Clerico de jure naturæ teneretur se opponere, & suam fidem confirmare. Nec item dictum Ecclesiæ præceptum infringunt Catholici honoris, vel exercitii causa in communi colloquio inter se de rebus fidei disputantes: quia (ut bene idem Loth. post Cajet.) cum istud præceptum sit odiosum, restringendum est ad disputationem formalem de fide, dum videl. instituitur contra inimicos fidei Catholicæ, vel ex professo ad confutandum aliquem errorem, vel quando disputatio fit ad confirmandos dubios in fide.

47. Resp. secundò, licitum esse Clericis contra hæreticos de fide disputare etiam extra casus allatos: nullo enim jure hoc iis inhibitus est, si sint capaces & viri docti: debet tamen sperari fructus in hæretico, cum quo disputatum, vel saltem in auditoribus: aliàs enim disputatio esset causa mali, obstinata scil. defensionis proprii erroris. Vide cit. hæc Franc. N. *de fide, disp. 9. n. 17.* & adde hic nomine Clerici venire eos, qui habent primam tonsuram, item & Religiosos omnes, etiam qui vocantur laici, quia absolute laici non sunt, sed Clerici nomine & pri-



vilegio gaudent. Ita Azor. Sanch. & alii.

Peres secundò, an licitum sit Catholicis, ingredi templa hæreticorum.

48. Resp. primò, id licitum esse per se loquendo, sicut & licitum est interesse eorum concionibus, si adsit iusta causa v. g. ad detegendos eorum errores, & absit omne periculum scandali. Dixi, si adsit iusta causa, quia non approbo, quòd quis interfit ex sola curiositate; licet nec si indocti eam licentiam sibi assumant: quos tamen solum culpe venialis reos arbitror, si absit perversionis periculum. Imò filia v. g. regens conversæ, quæ sine gravi damno non potest se Catholicam declarare, poterit sine ulla culpa sequi matrem euntem ad concionem ministri, quia excusatur ob necessitatem: non poterit tamen cum aliis hæreticis cantare Psalmos, nec recipere cœnam de manu ministri, &c. quia nunquam est licitum habere cum hæreticis communicationem in eorùm caeremoniis: quare, quantumvis licitum sit interesse eorum matrimoniis honoris & amicitiae causa, nullatenùs tamen licitum est communicare in caeremoniis aut præcibus eorum, quæ sunt ab hæreticis; sed eas debent spectare Catholici præsentés, tanquam res ad se non pertinentes. Licitum similiter est interesse funeribus hæreticorum, quia hæc sunt sine caeremoniis religionis, & solum cum honore politico: modò tamen corpus hæretici non sepeliatur in loco

sacro; alias enim sepelientes & conservantes (quales sunt ædificantes) per ipso iure excommunicant. *cap. 1. de hæreticis, in 6* quicquid Urban. 7. 1. c. 35. dicat, id post Concilium Constant. locum non habere in Gallia aut alibi, ubi hæretici tolerantur. Addens per sepe- lientes, & adjuvantes hæc solum intelligi eos, qui manibus propriis solæ imponunt, vel fieri præcipiunt auctoritative. Item licitum est fidelibus, filios hæreticorum de fonte Baptismi suscipere, ubi & quando Baptismus seu Catholicò ministratur: contra tamen est illicitum Catholico, hæreticum suo filio in patrum suscitare ob periculum subversionis, cum patrinus illi specialiter assistere teneatur. Urbanus 11. 1. c. 21.

49. Resp. secundò, si Princeps hæreticus publico edicto suis subditis præciperet adire hæreticorum templa, ibique præcibus ac concioni interesse, non possent Catholici ipsi nequidem materialiter obedire, non communicando scil. in eorum caeremoniis, sed nudè interessendo ad evadendam poenam: ita enim declaravit Pius V. in manuscripto ad Catholicos Angliæ: & reverà adire templa eorum in his circumstantiis, continet cultum supersticiosum, cum tale præceptum Principis tendat ad hæreticæ Religionis augmentum: adeoque præceptum illud, ejusque observatio cedit in injuriam fidei Catholicæ.

motivum hujus prohibitionis est, ut tales libri destruantur. Nec sufficit, quod eos retineas ad refutandum, aut ad solum ornatum sine animo legendi, saltem antequam corrigantur: quia his non obstantibus, adhuc verè diceris eos retinere: & à sanctissimo Domino Alexandro VII. sequens propositio est damnata: *Libri prohibiti donec expurgentur, possunt retineri, usque dum adhibita diligentia corrigantur.* Potest tamen famulus retinere libros hæreticos sui Domini, habentis facultatem eos legendi. Item secundum Sanchez, potest quis eos servare, donec opportunitatem habeat illos tradendi Inquisitori: quod tamen judico limitandum, modò speret se dictam opportunitatem brevi habiturum: imo juxta Grassum, Sayrum, Sanchez & Layman, quos citat & sequitur Busenb. dictam excommunicationem non incurrunt, nec mortaliter delinquent, absolute loquendo, retinentes libros hæreticos parvo tempore, v.g. uno alteròve die; quia, inquiunt, sicut materiæ, ita & temporis parvitas excusat: idem etiam docet Lothus *loc. cit.* præter citatos à Busenb. etiam referens Reginald. Bonac. & Palao.

53. Tertiò nomine inprimentium intellige illos omnes, qui proximè adhibent operam ad impressionem, sicut & ipsum Dominum Typographiæ.

54. Denique nomine defendentium veniunt illi, qui libros hæreticorum occultant, ne deferantur, aut comburantur: qui vi, vel fraude idem impediunt; quique rationibus, aut aliter illos defendunt.

55. Cæterum, quoad excommunicationem, quam omnes prædicti incurrunt, adverte, ad eam incurrendam requiri quinque conditiones; quarum prima est, ut liber sit compositus ab hæretico. Secunda, ut hæresim contineat, vel tractet de Religione. Tertia, ut scienter legatur, retineatur, &c. Quarta, ut legatur absque licentia. Quinta denique, ut legens librum intelligat, saltem probabiliter: quidquid tamen non requiratur intelligentia in imprimente, retinente, aut defendente; quia hi omnes æque magnum damnum creant Ecclesiæ, siue librum hæreticum, quem imprimunt, retinent, aut defendunt, intelligant, siue non, ut consideranti patebit. Adde juxta communem non excommunicari eum, qui legit, retinet, &c. concionem aut epistolam hæreticam seorsim compositam; quia non sunt liber rigorosè loquendo, nisi unum alterumve folium; imò, juxta Castro Palao, nisi decem folia contineant. Insuper occasione eorum, quæ habet Caramuel *sua Theol. fundam. p. 1. fol. 186.* sit

## QVÆSTIVNCVLA.

*An quis, sciens sibi nullum creandum nocumentum, possit legere libros prohibitos?*

55. PRO sententia affirmativa sic argumentatur Caramuel: Probabile est cessante sine legis in aliquo particulari, cessare etiam legis vim & obligationem in particulari: at finis legis interdicens lectionem librorum hæreticorum, cessat respectu illius, qui est ita doctus & pius, ut pravari non possit: ergo respectu ejusdem cessabit etiam lex. Diana distinguit minorem, conceditque tunc cessare finem inadequatum legis, at negat cessare adequatum: quia Ecclesia prohibet, inquit, illos libros, non tantum, ne Catholicis falsa doctrinâ inficiantur, sed etiam in pœnam Authorum damnatorum (non enim est levis pœna in eorum libris nigrum præfigere theta, & sub censura prohibere ne legantur) ad obscurandum & abolendum eorum nomen, & ne hoc afficiantur honore, ut inter manus doctorum hominum volvantur. Sed hoc secundum non videtur verum nec ad rem. Non verum, quia eosdem libros, si sint correctionis capaces, expurgatores corrigunt, & correctos permittunt. Ita Caramuel. Sed

56. Antequam coner ostendere rationes, quas hic adfert Caramuel pro sententia affirmativa contra Dianam, nihil prorsus convincere, suppono eas prorsus ruere, sicut &ruit ipsa Diana: sententia de celsatione legis in particulari, ob à nobis allata supra in tract. de Leg. Ne tamen quis forte illius fundamentis Caramuelis, licentiant incautè assumat legendi libros prohibitos, conabor ostendere, etiam meri-

tò Ecclesiam intendere secundum illud finem in prohibitione librorum hæreticorum. Nec ullatenus probatur à Caramuele contrarium per hoc, quòd libri hæreticorum correcti & expurgati permittantur: dicit enim Diana, ipsammet correctionem factam per expurgatores, esse pœnam maximam Authoribus librorum hæreticorum, utpote quæ eos erroris ac falsitatis arguit, imò efficit, ut similes libri non sint amplius ipsorum, vel saltem ab ipsismet Authoribus, (si nimirum sint hæretici) non ampliùs dicantur sui, cum sententias suis omnino contrarias complectantur, quas suas nominare erubescerent: imo mallet similes libros post correctionem comburi quàm legi: unde non videtur, quomodo post correctionem in Authorum pœnam possint inhiberi, sicut ob eum finem rectè antea inhibebantur.

57. Subjungit Caramuel: Demus, illos interdicti in odium & pœnam Authorum, & rogabo, quis majori ignominia & dedecore afficiatur, illi, qui occiditur, & igni mandatur in carcere, an ille, qui conducitur per plateas civitatis, præcone ejus infamiam inclamante & ille, qui suspensus à patibulo, eàdem die sepelitur; an, qui jubetur in cruce remanere toto anno: hinc transi ad libros. Putarem severiore sententiâ condemnari librum, cui nigrum theta præfigitur, & legitur ut Authoris infamis, quàm qui



*Qui omnino non legitur : & tamen stando Diana fundamentis, debueremus dicere, forem, qui condemnaretur exilio, & juberetur non comparere in toto regno, condemnari severius illo, qui juberetur manere, & signum publicum, & externum ignominia portare, ut ab omnibus esse infamis & sceleratus nosceretur.* Hæc Caramuel, quæ adhuc minùs Diana sententiam destruit quàm priora.

58. In primis dicit quidem : *Putarem severiore sententiâ condemnari librum, &c.* sed quid refert, quòd Caramuel id putet, modò contrarium judicent Authores librorum hæreticorum ? quos contrarium judicare puto esse manifestum : quia, si libri eorum, etiam post impressum nigrum theta, omnino non legantur, prorsus frustrantur sine suo, qui est omnibus in particulari doctrinam suam proponere, & per rationes, quas sperant & judicant ab omnibus esse approbandas, ostendere, illam esse veram veræ Ecclesiæ doctrinam, quod nullatenus efficient, si eorum libri non legantur. Neque per hoc evadunt ignominiam, aut de cruce deponuntur : nomina enim illorum simul & librorum scripta detinentur in Catalogo librorum prohibitorum, qui Catalogus ob oculos omnium multò plus versatur, quàm eorum libri versari possent : atque hic Catalogus verè est præco, cujus voce melius, quàm aliquorum hominum particularium, infamia per totum mundum inclamatur.

59. Dicit forè Caramuel, quòd malint dicti Authores suos libros legi, quàm non legi aut inhiberi : quia sperant aliquos fore convertendos, vel potius pervertendos ad suam hæresim

per dictam lectionem ; at nos omnem illam spem irritam reddimus, cum eorum libri non possint legi juxta illam sententiam, nisi ab iis, in quibus periculum istud supponitur cessare. Sed

60. Ad hoc respondeo, nil juvare ad intentum, eorum spem irritam esse à parte rei, & in mente Caramuelis, si nihilominus hæretici per illam ipsam lectionem, & maximè ex probabilitate istius sententiæ, spem maximam concipiant. An aliquid cuiquam pœnotum est, quod toto affectu desiderat ? & an desiderat hæreticus suos libros igne cremari, vel potius ab omnibus perlegi ? Certè si hoc secundum non desideraret ; eos non ederet, nec ita insudaret, ut rationibus & argumentis sibi visis firmis, & etiam à doctis indissolubilibus, suam doctrinam firmaret. Dixi : *Et maximè ex probabilitate dictæ sententiæ* : quia, si scirent hæretici, licet possent suos libros legi à doctis & piis, in quibus nullum timetur periculum, spem summam conciperent (nec omnino immeritò) ut & alii sibi istam licentiam assumerent : nullus enim hac in parte sibi vult videri indoctus aut impius : præterquam quòd ipsi judicent suam doctrinam debere approbari ab omni etiam doctissimo & piissimo, si eorum fundamenta penetraret. Quare ego existimo, hæreticorum libros in cruce relinqui respectu suorum Authorum, dum manent absconditi, nec ab ullo prorsus legi possunt : tunc verò e contrà de cruce deponi, cum omnium manibus volvuntur ac perleguntur. Quod iterum manifestum mihi est, cum sciam multos libros hæreticorum impressos esse

esse plenos rationibus, vel, ut promptius loquar, murmurationibus, quibus ostendere nituntur, nullos libros posse hominibus prohiberi. Quare id facerent, nisi quia ferre non possunt, ab Ecclesia Romana suos libros inhiberi? Cum igitur pœnosum, & durum valde sit hæreticis, quòd nulli prorsus permittatur dictæ lectio, meritò potest dicere Diana, dictam lectionem inhiberi ab Ecclesia, etiam in pœnam Authorum talium librorum.

61. Deinde, ut in exemplo Caramuelis sistam, & illud directius contra ipsum dirigam: Peto, an ille, qui occiditur, & igni mandatur in carcere sine examine, aut inquisitione eorum, ad quos existimat id spectare, & apud quos putat, vel saltem sperat se reputandum innocentem, non plus affligatur ac indignetur, quàm ille, cuius causa prædictis permittitur examinari? Indubiè: hæretici autem sustinent, iudicium quoad doctrinam in libris suis contentam, apud unumquemque in particulari debere relinqui: quare

reputant sibi summam injuriam fieri, quòd condemnentur, & igni mandentur sine tali examine, ex quo magnum fructum sperarent pro sua religione, adeoque id ipsis valde pœnosum est, quiddid aliunde certum sit justè omnia illa ab Ecclesia fieri. Hinc igitur patet, rectè à Diana duos fines adferri particulares pro fine adæquato dictæ inhibitionis: quiddid nobis necesse non sit eò recurrere. Ante Dianam hanc sententiam de duplici fine dictæ prohibitionis tenuerunt Soufa, *disp. 13. Sanctarel tract. de hæresi, cap. 14. dub. unico*, quos omnes sequitur Lothus *tract. 13. quest. 2. art. 6.* Vide etiam Urbanum *num. tract. 21. cap. 7. reg. 12. fol. 366.* Ubi docet, temerarium fore, iudicium ferre de seipso, quòd per lectionem dictam nulli periculo exponatur. Vide denique Dianam *part. 11. tract. 1. resol. 1.* ubi ex professo agit contra Caramuelem, eum arguens, & meritò, quòd similia ediderit nihil resolvendo. Item N. Franc. *de leg. disp. 8. num. 40. & seq.* fortiter agit contra Caramuelem.

## DVBIVM OCTAVVM.

### De vitiis oppositis Fidei.

62. **I**n fidelitas sub se omne vitium fidei oppositum comprehendens, utpote cum nihil aliud sit, quàm carentia fidelitatis, sive fidei; duplex est, positiva & negativa. Negativa, sive ut alii, materialis, est carentia fidei, quæ reperitur in iis, qui nihil unquam de fide audiverunt, qualis est in pterisque gentilibus; vel etiam in iis,

qui aliquid quidem de fide audiverunt, ita tamen, ut post diligens examen non potuerint reperire sufficientia motiva, quæ eos prudenter possent movere ad dictam fidem acceptandam: quare hæc infidelitas, cum oriatur ex ignorantia invincibili, non est peccatum propriè loquendo, prout indicat Apost. *Rom. 10.* ubi ait: *Quomodo credent*

*credenti, quem non audierunt?* Et ipsum Evangelium *Ioan. 15.* *Si non venissem, & locus eis non fuisset, peccatum non haberet*: unde est tantum pœna peccati, & originalis per Adamum contracti, vel etiam interdum actualis; quia, si plerique facerent à principio, quod in ipsis est, Deus forsan fidem eis non abscondisset. Dico *forfan*, quia id absolute affirmare non audeo, quidquid id faciat *Busenb. lib. 2. tract. 1. c. 4. dub. 1.* quia, cum fides sit donum Dei, scil. gratuitum, dat eam Deus cui voluerit; & cui placuerit, potest non dare sine ulla nota iniustitiæ: interim confido bonitati Divinæ de opposito.

63. Infidelitas positiva sive formalis, est, quæ reperitur in iis, qui repugnant auditui fidei, vel ipsam etiam fidem contemnunt. Hæc est peccatum, ut per se patet, superatque omnia peccata ad mores spectantia; nam directe impedit peccatorum remissionem, ut constat ex verbis Christi *Ioan. 8.* *Si non credideritis, quia ego sum, moriemini in peccato vestro.* De hac sola hîc agimus: quare

64. Dico primò: Infidelitas bene à D. Thoma & aliis communiter dividitur in Paganismum, Judaismum & hæresim. Paganismus est infidelitas, quæ Deus verus culpabiliter non agnoscitur. Judaismus, quo Christus & Evangelium culpabiliter respuuntur. Hæresis, quæ acceptato utroque Testamento, aliqua fidei mysteria pertinaciter negantur. Ita Franc. B. Spei *de fide, disp. 9. num. 2.* juxta quem hæresis rectè definitur, error pertinax contra aliquam fidei Catholicæ veritatem in

eo, qui se Christianum profiteretur. Requiritur autem & sufficit ad pertinaciam, si sciens quis errorem suum repugnare doctrinæ Ecclesiæ istius, quam potest & tenetur scire esse veram Ecclesiam, nolit ab eo recedere. Tales communiter sunt Hollandi, & alii hujus temporis hæretici, qui in his partibus fidem nostram non profitentur: quod enim fortè plerique putent, se esse in vera Ecclesiâ, nihil refert: quia, ut dictum est, sufficit, quod repugnent isti fidei, quæ traditur in ea Ecclesiâ, quam possunt & tenentur hîc & nunc scire esse Ecclesiam veram: nam aliàs (ut bene notat Fulienſis,) vix ullus reperiretur hæreticus: quis enim tam nequam existit, qui expressè neget verum esse, quod scit à vera Ecclesiâ credendum proponi, tanquam à Deo revelatum? Interea id, virtualiter & implicitè faciunt plures, qui à fide & Religione defecerunt, ac hæresim in Hollandia aut alibi profitentur, & alios docent, certò scientes, Romanam esse veram Ecclesiam. Hi virtualiter & implicitè dicunt, Deum mendacem esse, cum sciant & in corde sentiant, Deum verè revelasse quod ore publicè falsum esse proclamant. Addetamen his non obstantibus, adhuc aliquos modò in Hollandia posse reperiri adultos, qui non sint veri hæretici defectu pertinaciæ ac scientiæ; pro quo vide dicta suprà *dub. 4.* Aliqui pro quarta specie infidelitatis ponunt apostasiam à fide, sed malo eam ad hæresim referre, à qua juxta communem DD. sententiam, quam sequitur Urban. non aliter distinguitur, quàm quod apostasia faciat recedere à tota

A 2 fide;

fide; hæresis verò ab aliquibus articulis tantum : undè dum Monachi fugientes in Hollandiam vocantur apostata, intelligendum est de apostasia à Religione.

65. Dico secundò, inter Paganismum, Judaismum & Hæresim, peccatum gravissimum est hæresis : quia pejus est repugnare fidei susceptæ quàm non susceptæ; sicut & pejus est repugnare fidei susceptæ in manifestatione veritatis, quàm susceptæ in figura tantum : quod per se clarum videtur & satis insinuat Scriptura 2. Petri 2. dicens : *Melius illis erat non cognoscere viam justitiæ, quàm post agnitionem rerrosursum*

*reverti ab eo, quod illis traditum est.* Ex his patet conformiter judaismum esse peccatum gravius paganismo ; pejus enim est repugnare fidei in figura susceptæ, quàm omninò non susceptæ. Nec refert, quòd Pagani errent circa plura quàm Judæi aut hæretici, & Judæi circa plura quàm hæretici, saltem communiter ; quia hinc tantum sequitur Paganos plùs peccare extensivè, quàm Judæos & hæreticos, in quantum peccatum eorum ad plura extendatur ; non verò intensivè quoad majorem contemptum autoritatis Divinæ sive Dei, res fidel. revelantis.

## DUBIUM NONVM.

*An dubius in fide sit hæreticus ? ubi & de pœnis hæreticorum.*

66. Dico primò, Christianus pertinaciter dubitans de objecto revelato, est hæreticus : quia dicit, *forrè objectum illud verum non est.* Ita P. Franc. B. Spei. Hinc æquè graviter peccat, qui de aliquo fidei articulo dubitat, quàm qui dicit, eum esse falsum : nam non minùs ille Deum reddit fallibilem & mendacem (in quo tota malitia infidelitatis consistit) quàm hic : quare etiam easdem pœnas cum hæretico incurrat, sicut & idem peccatum. Ita Urban. *trakt. 1. cap. 23.* qui tamen benè monet distinguendum esse inter dubium voluntarium negligentia, & scrupuli : primum enim ponit res fidei in dubio, credit quæ illas posse esse dubias, quod est Deum formaliter falli-

bilem facere, & tale dubium est veræ hæresis ut dictum est. Secundum, non ita credit res fidei dubias esse, sed tantum negligit dubia circa illas occurrentia per firmum assensum destruere, qui assensus tunc vi præcepti affirmativi fidei elici debet, quamvis tamen illis dubiis non assentiat ; atque hoc dubium non inducit hæresim ; quamvis possit esse peccatum mortale, si quis per talem negligentiam culpabilem exponatur gravi periculo voluntariæ dubitationis, vel assensus falsi de re fidei. Tertium deniquè, quod est dubium scrupuli, nec assensum circa res fidei adfert, nec assensum ad illas aufert ; sed solum non obstante vero assensu, qui de facto est in intellectu,

le Qu , torquet animum variis motibus, & cogitationibus omnino involuntariis; quas tantum abest, ut quis ita anxius debeat vel audire vel ruminare, quin potius eas omni conatu rejiciat & contemnat. Ita idem Urban. *loc. cit.* quibus alia similia habet *tract. 2. distinct. 2. reg. 14. fol. 383.* ubi dicit, dubium debere esse positivum ad hoc, ut hæresim inducat; ac si vellet dicere, aliquem debere positivè judicare rem fidei esse dubiam & fallibilem, antequàm censeatur hæreticus: si enim, inquit, negativè tantum dubitaret compescendo omnem actum intellectus circa propositionem fidei, meretur negativè se haberet, is hæreticus censendus non esset, cum careret errore positivo voluntario & obstinato in intellectu. Undè dum primo loco dixit, dubium voluntarium hæresim inducere, intelligendus est de dubio positivo, ut clarè explicat loco secundo.

67. Dico secundò, hæreticus has septem pœnas incurrit: primò excommunicationem, si nempe ipsius hæresis fuerit externa; quia de internis non judicat Ecclesia, ut dictum est suprà in *tract. de legibus*. Secundò incurrit irregularitatem, saltem, si sit hæreticus notorius notorietate facti, aut judicis sententiâ. Tertiò infamiam juris, quâ fit inhabilis ad quaslibet dignitates, si, ut dictum est, sit notorius. Quartò non potest sepeliri in loco Sacro. Quintò privatur beneficiis adeptis antè hæresim. Sextò confiscantur ejus bona. Ubi observa, certum esse, illum non obligari in conscientia antè sententiam se spoliare suis bonis; sive

ea fisco tradere: quia quamvis aliqui doceant, talem amittere domum bonorum suorum à puncto commissi criminis, non est in potestate humani legislatoris, per legem obligare delinquentem ad exequendum contrà se ipsum pœnam tam gravem. Septimò denique in hæresim relapsi (quo nomine etiam veniunt hæresiarchæ) afficiuntur supplicio juxta judicium Inquisitorum. Caterùm pro complemento hujus materiæ.

68. Adde hic modum servandum à Confessario in absolvendo hæreticum conversum à peccatis & censuris, quem peroptinè ad longum tradit Urban. *tract. 2. reg. cit.* dicens; acceptâ protestatione ab hæretico deinceps Ecclesiæ obtemperandi, solvendus imprimis est ab excommunicatione, quod est observandum in omni absolutione à peccatis habentibus excommunicationem annexam; damnata enim est ab Alexandro VII. sequens propositio: *Quoad forum conscientie, reo correcto, ejusque contumaciâ cessante, cessant censura.* Addo tamen in articulo mortis posse pœnitentem excommunicatum iisdem verbis absolvi ab excommunicatione, & peccatis, dumque confessarius dicendo *ego te absolvo*, utrumque intendit, prius naturâ tollit censuram.

Deinde sunt peccata minutim discutienda, præsertim, si totâ vitâ suâ fuerit hæreticus; quod etiam fieri potest antè absolutionem ab excommunicatione pro arbitrio Confessarii, qui poterit simul dare absolutionem à censuris & peccatis. Porro, sic examinanda erunt peccata singula, ut



Confessor prudenter adjuvet ignorantiam & imbecillitatem recenter conversi, plus minùs judicando & interrogando de peccatis, quæ solent ab hæreticis committi: non autem exactè numerum interrogando; ne nimium pœnitens fatigatus pondus confessionis, ipso initio graviùs suspicetur, quàm ut imposterum ferrè possit; v.g. non debet interrogare, quoties non jejunasti, aut cœnam fecisti, aut Pontifici detraxisti, aut carnes manducasti diebus prohibitis? sed sic examinandi sunt, nunquam jejunasti diebus ab Ecclesia præceptis à quo attigisti annum vigesimum primum? & quot annos natus es? Item nonne semper carnes comedisti diebus prohibitis, & fecisti cœnam quater in anno, vel interdum sæpiùs? & detraxisti Pontifici, vel Ecclesia Catholica præcepta contempnisti verbis & factis, quoties se præbuit occasio, &c? Doles etiam quod nunquam confessus fueris, aut sacram Eucharistiam acceperis, aut Missam audieris? & sic de cæteris: quæ, licet nequeat confessor arithmeticè computare secundum numerum, non refert; quia tantum moraliter id præstare tenetur, id est, quantum fragilitas humana patitur. Postea insinuet hæretico, quantam misericordiam Deus ei faciat: nec gravem illi pœnitentiam injungat, ne avertat eum à credendo jugum Christi suave esse; sed potius ipsum moneat, pœnas quidem peccatis deberi graves, sed laborem, qui deinceps erit infumendus in observantia præceptorum ecclesiasticorum, injungat in pœnitentiam salutarem. Addo cum P. Uibano, hæreticos relapsos gravius esse arguendos, præsertim po-

liticos, qui libenter amplectuntur cuiuslibet Religionis methodum, ut liberior potantur operari: subdò tamen cum eodem, adhuc cum illis suaviter agendum esse, ne repulsam rigidiorum pati non valentes, tandem deficiant in perpetuam hæreseos defensionem & cultum.

69. Addo ego ulterius, hic diligenter attendi debere à communi Confessario, an pœnitens verè excommunicationem incurrerit; nam si ab hac excusetur, poteris illum per se absolvere; quia hærelis, omnesque casus Pontificii ideo sunt reservati, quia annexam habent excommunicationem: atque hac incurfa potest adhuc quemcumque hæreticum absolvere in articulo, seu periculo mortis, qualiter ad hunc effectum juxta Tambur. in Decalog. p. 1. l. 2. c. 1. §. 8. dicitur esse, qui ob ægritudinem, paupertatem, servitutem, pœnam carceris vel tritremis, vel etiam clausuram monasticam moraliter certus est, se non posse antè mortem adire Confessarium potentem absolvere: ad quod tantum vi textus obligatur, & non ad vocandum potentem absolvere. Ita ille. Verum in casu clausuræ monasticæ, vel carceris, putarem, communem Confessarium consultius licentiam absolvendi petiturum, si hoc commodè fieri possit.

Hæc de fide dicta sufficiant

ad nostrum intentum.

\*\*\*

DISPV.

# DISPUTATIO II.

## De Spe.

### DUBIVM VNICVM.

*Quid Spes; an sit sub precepto; & quæ vitia ei opponantur?*

1. **D**ico primò, Spes est virtus à Deo infusa, per quam certa cum fiducia vitæ æternæ bona, & media ad ea acquirenda expectamus. Ita DD. satis communiter. Ubi nota ex D. Thoma, & aliis post ipsum, ad objectum spei quatuor requiri conditiones. Prima est, ut sit bonum, saltem apparens, aliàs enim non esset appetibile. Secunda ut sit absens saltem intentionaliter, nam quod habet quis, non sperat. Tertia, ut obtineri possit. Denique, ut sit arduum, sive, ut non sit omnino certum nobis quòd obtinebitur, licet sit certum Deo, cui omnis certa sunt. Vide Fran. de spe, disp. 1. num. 3. & seq.

2. Virtutis spei objectum materiale primarium, est beatitudo æterna, non solum formalis, quæ est ipsa visio beatifica; sed & objectiva, quæ est ipse Deus. Ita D. Thom. & ceteri satis communiter. Unde patet, spem esse virtutem Theologicam, quæ in eo consistit, quod habeat Deum pro objecto. Insuper objectum spei secundarium, sunt dona & auxilia gratiæ, imò & bona temporalia, ac naturalia, quatenus conducunt ad beatitudinem æternam obtinendam: quia idem habitus super-

naturalis spei inclinans nos ad vitam æternam cum fiducia expectandam, etiam nos inclinatur, & movet ad expectandum cum eadem fiducia ea, quæ sunt ad beatitudinem æternam necessaria. Objectum spei formale, est bonitas ipsius objecti materialis, quatenus nobis conveniens: hæc namque, ut sic, est ratio, ac motivum, quo movemur ad objectum materiale spei desiderandum & expectandum: illud autem est objectum formale appetitionis vel spei, quod movet nos ad appetendum vel sperandum. Ita P. Franc. B. Spei supra n. 20. qui disp. 2. n. 9. probat, de fide esse, spei mercedis seu vitæ æternæ licere operari.

3. Dico secundò, exstat præceptum Divinum obligans nos ad spem supernaturalem, Prob. ex Psalm. 4. in quo dicitur: *Sperate in Domino*. Item Psalm. 61. *Sperate in eo omnis congregatio populi*. Deinde 1. Paralip. 10. reprehenditur Saul quòd non speraverit in Domino. Ac 1. ad Thimor. 6. scribit Apostolus: *Divitibus huius sæculi præcipe non sublimè sapere, neque sperare in incerto divitiarum, sed in Deo vivo*. Insuper Alexander VII. in terminis damnavit sequentem propositionem: *Homò nullo unquam vitæ suæ*

tempore tenetur elicere actum fidei, spei & charitatis ex vi præceptorum Divinorum ad eas virtutes pertinentium: quare omninò certò hoc præceptum directè ac per se obligat nos ad actum spei eliciendum; primò, quoties talem contrà spem tentationem patimur, ut sit necessaria spes actualis ad eam superandam. Secundò quando alicui jam pleno rationis usu adepto clarè proponitur beatitudo æterna, & Deus ipse, tanquam ultimus noster finis: tunc enim decet, ut finem nostrum, ad quem creati sumus, cum fiducia appetamus. Ita Layman, & Busen. post cæteros satis communiter. Non approbo autem sententiam aliquorum docentium, quemque teneri semel in anno ad actum spei eliciendum: sicut nec eorum, qui idem absolute docent de articulo mortis: quia hæc nullo fundamento nituntur. Dico absolute, quia, si quis in fine vitæ non valeret desperationi non resistere, nisi actum spei exercendo, teneretur illum elicere juxta statim dicta. Cæterum indirectè & per accidens nos obligat spei præceptum; primò, quotiescumque volumus Deum orare, vel pœnitere de peccatis; quia has virtutes sine spe non possumus debite exercere, ut patet. Secundò in susceptione cujuslibet Sacramenti, eò quòd ex ea speranda sit gratiæ consecutio. Tertiò quando actus spei necessarius est ad superandam tentationem contrà virtutem distinctam à virtute spei. Verùm in his casibus, omisso spei non est speciale peccatum necessariò in confessione Sacramentali aperiendum. Addo præceptum Spei etiam graviter obligare, nequaquam præ cælestibus ter-

rena nobis desideremus: quare diximus trasti. 1. disp. 7. n. 153. cum peccare mortaliter, qui cedit Deo cælum suum, ut perpetuò in terris maneat.

4. Dico tertiò, duplex vitium virtuti spei opponitur: unum per defectum, & dicitur desperatio: aliud per excessum, & vocatur præsumptio. Desperatio est fuga voluntatis, quâ quis refugit salutem æternam acquirere per mediâ ordinariâ, eò quòd eam obtentu sibi impossibilem judicet: perinde autem est, unde eam repur impossibilem. Judicium quo quis judicat, salutem sibi esse impossibilem, non est secundum se desperatio, si nihilominus studeat adhibere mediâ proportionata ad eam acquirendam: quidquid id difficulter fiat. Cæterum, una desperatio est major, seu majus peccatum aliâ, secundum gravitatem objecti, circâ quod versatur: sic gravissimum peccatum est desperare de salute; gravius de remissione peccatorum; minùs grave de emendatione vitæ, propter experimentum propriæ fragilitatis, & difficultatum aliâs probatarum; adhuc minùs est desperare de consecutione temporalium, nolendo se committere Divinæ providentiæ; leve verò de impetrando per orationem quod petitur, ob propriam indignitatem. Ita Urban. qui notandum monet, rarò delinqui contrà spem per veram desperationem, quæ moralis existit & libera; sapius enim, inquit, oritur ex superabundante melancholia, quæ ita animam dejicit, ut sit quasi summet impos, cerebrumque lædit; qualiter desperantes, seu potius quasi desperantes dicit consolandos esse

à Con-



à Confessariis. Quibus adde desperationem, etiam de salute acquirenda, sæpè excusari à mortali ob imperfectam deliberationem.

5. Præsumptio est spes obtinendi gratiam, gloriam, & reliqua dona supernaturalia inordinatè, sive aliter, quàm Deus obtinenda statuerit. Etiam duplex est: una, quâ quis nimium fidit propriæ virtuti, ut si credat se posse facere opera meritoria vitæ æternæ ex se sine speciali Dei auxilio, contrà illa Christi verba. *Sine me nihil potestis facere*: & illud Apostoli, *Non est volentis neque currentis, sed miserationis est Dei, non enim sufficientes sumus aliquid cogitare ex nobis*, &c. aliquid scil. necessarium, aut conducens ad vitam æternam. Alia est præsumptio, qua quis nimium innititur misericordiæ Divinæ, ut si quis speret, se obtenturum remissionem peccatorum sine pœnitentia, salutem æternam sine bonis operibus, &c. uti faciunt Lutherani contrà illud: *Nisi pœnitentiam egeritis, omnes simul peribitis*. Præsumptio tam prima, quàm secunda est peccatum minus grave, quàm sit desperatio; quia magis proprium est Deo misereri & parcere, quàm punire; illud enim Deo convenit secundùm se, hoc autem secundùm peccata nostra tantùm. Adde ex P. Franc. *disp. 4. n. 48.* tunc demùm præsumptionem esse peccatum mortale, quando est causa omittendi, aut committendi aliquid, quod hîc & nunc homo ponere, aut

omittere tenetur sub mortali: alioqui, qui peccaret venialiter sperans tam facile se obtenturum gloriam, ac si non peccasset: vel qui confessionem ad diem sequentem differret, nixus spe de misericordia Dei eousque duratura, &c. peccaret mortaliter, quod mihi non satis probatur, quidquid alii ferè omnes in præsumptione levitatem materiæ non agnoscant. Ita ille.

Petes, an committat peccatum præsumptionis, specialiter in confessione explicandum, qui ideo aliquod grave peccatum iterat, quia primum simile ante admisit eâdem operâ confitendum? Respondet negativè Burghaber, quia talis solùm facilius peccat, eò quòd à metu novæ erubescentiæ sit solutus, non autem promittit sibi debito modo gratiam ad confessionem faciendam aut remissionem obtinendam. Ita ille *Centur. 1. casu 31.* post Tannerum; crederem tamen ego in simili intermisceri gravem præsumptionem, quâ sibi promittit, tam facile se obtenturum remissionem plurium peccatorum mortalium, quàm unius; unde iudico prædictum teneri illam circumstantiam in confessione exprimere, salvò meliori.

\* \* \*

DIS-

## DISPUTATIO III.

## De Charitate.

## DUBIUM I.

*Quid Charitas, & quando sit sub precepto?*

1. **D**ico primò, charitas est habitus, vel actus, quò Deus propter se diligitur & proximus propter Deum. Ejus objectum materiale primum est Deus, qui diligendus est summè, non quidem intensivè, ita scilicet ut magis, live intensius diligiqueat: sed appretiativè, sic ut majora bona velimus Deo, quàm cuilibet alteri; & ut ita in animo simus constituti, quòd potius cuncta creata desereremus, quàm Deum. Ubi nota ex P. Urbano, non esse necessarium respectu omnium creatorum facere comparationes in particulari, deducendo res singulas valdè nobis charas, ut vitam, famam, bona corporis, fortunæ, &c. Imò id nulli consulendum esse existimo; quia facilè quis incurreret periculum non omninò ex animo Deum præferendi singulis. Sufficiet ergò generaliter Deum appretiativè summè diligere.

2. Objectum materiale secundarium charitatis, sunt Angeli & homines nobiscum capaces æternæ beatitudinis: undè etiam peccatores, & inimici nostri sunt objectum charitatis, adeòque graviter delinquit, qui ex odio inimicitia actionem injuriarum tam civi-

lem, quàm criminalem instituit: qui libet enim tenetur injuriam sibi factam ex animo condonare juxta illud Christi Matth. 6. *si non dimiseritis hominibus, nec pater vester dimittit vobis peccata vestra.* Undè, licet non teneamur inimico ea benevolentia signa ostendere, quæ amicis exhibere solemus, præterquam in casu necessitatis; qui inimicum excludit à generali affectu vel beneficiis, quibus communitatem, cujus ipse pars est, afficit, sine alia justa causa, mortaliter peccat: à quo tamen parvitas materiae, & parva animi aversio (quæ hic maximè attendi debet) facilè excusabit. Dico, *Sine alia justa causa*; quia, qui id faceret, ut alter emendaret malam suam vitam, vel ob alium honestum finem, non peccaret; deberet tamen adhuc cavere à scandalo.

3. Dixi, *Nobiscum capaces æternæ beatitudinis*; quia nullus obligatur diligere homines damnatos, aut demones, nequidem quatenus homines aut spiritus tales sunt: quia charitas est amicitia fundata in communione beatitudinis supernaturalis, quâ prædicti incapaces sunt. Imò non possumus eos verà charitate diligere, eò quòd

hoc

hoc repugnaret charitati Dei , per quam ejus iustitiam approbamus.

4. Objectum formale charitatis est Deus ipse quā in se infinitē bonus, sive ipsa Dei bonitas quatenus in Deo existens; hæc enim est ratio & motivum virtutis charitatis, in quo à se distinguitur, quòd scil. spei motivum sit Deus quatenus nobis bonus.

5. Dico secundò, datur præceptum obligans omnem adultū, ut Deum super omnia diligat appetitivè modo dicto, & proximum suum sicut seipsū. Constat manifestè ex *Matth. 22.* ubi id expresse præcipitur, sicut & *Deuter.*

6. Adverte autem hanc particulam, & *proximū suum sicut seipsum*, non significare omnimodam æqualitatem, sed aliqualem; ita nempe, ut sicut quisque sibi bona, & non mala cupit, sic proximo optare debeat, licet non ad æqualitatem. Ita Vidal. *de præcepto charit. inquisit. 1. fol. 22.* citans D. Thomam, & alios omnes communiter.

6. Dico tertio, præceptum charitatis Dei super omnia diligendi obligat, Primò, quando homo jam in adulta ætate constitutus sufficienter cognoscit, Deum infinitē bonum esse, à quo habet omnia bona sua, & cui cuncta debet. Ratio est, quia decet, ut tunc quamprimū tale nostrum bonum amore amicitiae diligamus, vel saltem non notabiliter ultra differamus: pro quo vide *Cornejo. 1. tr. 7. disp. 6. dub. unico.* Verum non debemus angustari scrupulis, an præceptus fidei, spei, & charitatis ita satisfecerimus; quia, ut ait Escobar post Hurtadum, si positivè non meministi, te illos actus pro tunc omisisse, tenere potes te satisfecisse.

Secundò obligat idem præceptum quotiescumque adest periculum labendi in Dei odium, nisi charitatis actus eliciatur. Tertiò dum quis in peccato mortali constitutus exponitur periculo vitæ non habens copiam Confessarii; tunc enim absque contritione perfecta includente charitatem salvari nequit. Quarto etiam obligat omnes in mortis articulo constitutos; quia cum tunc securissima æternæ salutis via sit eligenda, nec datur tutior, quàm charitatis perfectæ, eam tunc conari elicere obligamur, idque præcepto naturali, quo tenemur in tanto periculo constituti meliori modo, quo possumus, salutem spirituali prospicere. Vide quæ dicuntur in *tract. de sacramentis disp. 5. num. 131.* de contritione perfecta elicienda in mortis articulo. Deinde cum uniri Deo non possumus ad beatam vitam, nisi per charitatem, certè (inquit Urbanus) saltem obligat ejus exercitium eo tempore, quo omnis debet esse posita dispositio ad eam unionem, quod est instans mortis, nam alioqui tempus non erit ultra. Denique, obligat præceptum charitatis in periculo alias succumbendi tentationi contra quamcumque virtutem à charitate distinctam.

Sunt qui docent, neminem absolute loquendo, vi præcepti charitatis præcisè, teneri ad actualem dilectionem Dei super omnia eliciendam toto tempore vitæ suæ, volentes non esse speciale amoris Dei præceptum, sed generale, quod adimpletur per adimplentionem aliorum præceptorum. Ita citato Dominico Bannez docet Joannes Sanchez

chez in *select. disp.* 1. *num.* 21. Aſt hæc doctrina merito damnata eſt ab Alexandro VII. ſimul cum ſequenti propoſitione: *Homo nullo unquam ſua vitæ tempore tenetur elicere actum fidei, ſpei, & charitatis ex vi præceptorum divinatorum ad eas virtutes pertinentium.*

7. Quoad ordinem charitatis, poſt Deum ſummè dilectum debemus amare animam noſtram, & bona ſpiritualia propria: deinde animam proximi. Tertio corpus proprium & bona corporalia propria. Quarto corpus, ac bona corporalia proximi. Denique ſeipſum, & deinde proximum quoad bona externa. tunc liquet unumquemque obligari ſuo proximo in extrema neceſſitate ſpirituali ſuccurrere, ſi adſit certa ſpes illum à dicta neceſſitate liberandi, etiam cum periculo vitæ propriæ, ſi ſibi ſimile malum ſpirituale non immineat. Sic v. g. obligaris cum periculo vitæ baptizare, vel ſacramentaliter à peccatis abſolvere certò ſtatim moriturum, ſi alius non adſit, qui id faciat, & alter alia via ſalvari nequeat. Ita N. Franc. *de Charit. diſp.* 4. *num.* 24. Addo tamen juxta Palaum *tract.* 6. *diſp.* 1. *p.* 9. *num.* 15. debere ad eſſe probabilem ſpem (imò & moraliter certam, ſi non ſis ex officio curator animarum) juvandi efficaciter: quare qui in caſu poſito vocatur ad baptizandum infantem, non teneret juxta illam doctrinam ſe periculo mortis exponere, ſi dubitet, an ſit reperturus illum adhuc vivum. Ita poſt Palaum docet etiam Gobat.

Eſt autem extrema neceſſitas ſpiritualis, dum certò putatur quis moriturus in ſtatu peccati mortalis. Quòd

ſi verò proximus ſolùm ſit conſtitutus in gravi neceſſitate ſpirituali, tunc tantum obligatur illi ſuccurrere, qui ex officio curam gerit de ſalute taliter periclitantis, qualis v. g. eſt Parochus: qui ideo non poteſt parochianos ſuos deſerere tempore peſtis, niſi de alio idoneo provideat, ut communiter DD. docent cum eodem Franciſco *num.* 55.

8. Cæterum nota, prædictum ordinem charitatis quoad bona corporalia & externa, non ita neceſſariò eſſe ſervandum, quin ſæpiùs ſit licitum ea poſtponere bonis corporalibus alterius: ut ſi v. g. vel tu, vel proximus valde utilis & neceſſarius Reip. neceſſariò deberetis mori, tunc poſſes, imo quandoque teneretis vitam proximi tui præferre, in quantum quiſque obligatur bonum commune privato anteponere. Item licitum eſſe id facere cum amico propter Deum dilecto, docet contra Franc. B. Spei, Leſſius *lib.* 9. *cap.* 2. *d.* 6. ut ſi quis cum amico extrema fame laboraret, & tantum haberet unicum panem, qui pro utroque non ſufficeret, poſſet juxta Leſſium totum dare amico, & ipſe fame perire: quod tamen nunquam locum habet in cauſa ſalutis; nam, ut probat dictus Franciſcus *de Char. diſp.* 4. *num.* 2. tuam ſalutem amare debes præ ſalute etiam totius univerſi. Imo Ariaga docet, eſſe illicitum dicere: *Si poſſem ſine peccato, ſine jactura charitatis, &c. non ſalvari, ut totus mundus ſalvaretur, vellem non ſalvari*: quidquid idem P. Franc. *num.* 10. dicat, illum actum videri excellentiſſimum in proximum charitatis. Sed quid ad caſum ſequentem?

Cum Sacerdos quidam ruri iter ageret,

geret, & mulier in via dolores partus sentiens, ei diceret: Mi Domine, si visissimi dolores partus me hîc ex improviso obvenierunt, & nisi mihi obstetris, moriar ego, prolesque in utero meo; te ergo per Deum rogo, ut extremam necessitatem, præsertim prolis, præponas meo, tuoque pudori.

Respondeo, illum in casu tali debuisse obstetricari, vel maximè ratione prolis alioqui periturae animo & corpusculo: ratio est, quia animo casto potest subiri talis molestia sine lapsu in peccatum, saltem mortale, juxta illud Apostoli: *Omnia munda mundis*. Casum hunc ad longum adfert Gobat in *Alphabeto baptizantium*, casu 5. num. 195.

qui & casu 7. num. 235. petit, quid faciet Sacerdos vocatus simul ad baptizandum infantem, & absolvendum adultum, quorum alteruter certò morietur sine Sacramento, si alteri postponatur? cum quo

Respondeo, ipsum debere curare infantem baptizari per laicum, & advolare ad absolvendum adultum: at si nemo sit, qui videatur rectè baptizaturus, debere infantem præferre adulto, ille enim aliàs certò periret, non item hic: ubi autem difficultas occurrat, semper est arripiendum illud, quod minus habet de periculo, juxta D. Thom. part. 3. q. 83. art. 6.

## DVBIVM SECVNDVM.

### *De facienda eleemosyna.*

#### S. I.

### An existet de ea præceptum?

9. Dico primò, eleemosynam esse sub præcepto, patet ex Scriptura *Matth. 25.* ubi immiticordes erga pauperes damnantur. Deinde *Proverb. 25.* habetur: *Si esurierit inimicus tuus, ciba illum, &c.* Vide etiam ad *Rom. 12.* & ante resolutionem secundam.

10. Nota primò, obligationem dandi eleemosynam oriri ex superfluitate bonorum necessariorum propriorum, & necessitate proximi indigentis: quæ necessitas triplex ordinariè assignatur; extrema, in qua vita, vel præcipua ali-

qua corporis pars periclitatur: gravis, in qua indigens exponitur periculo alicujus gravis mali, ut jactura multorum bonorum fortunæ, aut status, periculo gravis infamiae, captivitatis, &c. & communis, quæ communiter laborant mendici ostentim mendicantes. Vide P. Franc. Bonæ Spei *diss. 5. num. 12.*

11. Nota secundò, bona posse variè alicui dici superflua: Primò, respectu vitæ, seu naturæ. Secundò respectu status seu decentis conditionis: quo

B b 2 tamen

ramen respectu vix unquam judicant seculares, se habere superflua, ut notant Navarr. Layman, & Busenb. quia quæ sunt necessaria ad alendas proles & famulos, ad honesta dona facienda, ad convivia, hospitû tractationes, &c. spectatis etiam communibus eventibus, hæredibus necessitate futura, &c. non sunt superflua status. Ita Busenb. Ubi per convivia intellige illa, quæ communiter à talis conditionis hominibus instruuntur; bona enim, quæ ad pompam, & quemcumque fastum impenduntur, verè superflua sunt. Vide eundem P. Fran. n. 15. & 16. His notatis

12. Dico secundò, de superfluis naturæ & statûs quilibet etiam cum parvo sui status detrimento, tenetur proximo succurrere in extrema necessitate. Ratio est, quia tenetur malum proximi evitare suo longè minori: si tamè status notabiliter inde mutari deberet succurrendo, non obligaretur; nam licèt vita proximi sit absolutè bonum majus, moraliter tam acerba reputatur pæctura statûs quàm vitæ. Quare si nobilis ex succursu factò proximo extreme indigenti cogeretur alteri famulari, vel mendicare, &c. non obligaretur ei sic succurrere. Ex quo patet à fortiori neminem teneri succurrere tali proximo de bonis necessariis naturæ, sive vitæ propriæ; charitas enim incipit à seipso.

13. Dico tertio, de absolutè superfluis tenetur quisq; in necessitate gravi proximo succurrere. Constat ex 1. Ioan. 3. ubi dicitur: *Qui habuerit substantiam mundi, & viderit fratrem suum necessitatem habere, &c.* Quare id omnes SS.

PP. expressè docent. Nec ullatenus puto subsistere sententiam aliquorum docentium, nullam esse obligationem dandi eleëmofynam proximo extrà extremam necessitatem constituto. Imò

14. Dico quartò, de iisdem bonis probabilius tenetur homo succurrere secundùm divinarum abundantiam pauperibus, communem necessitatem patientibus, iis interdum saltem eleëmofynam elargiendo, ita ut existimem mortaliter peccaturum cum, qui formaret propositû nunquam id faciendi; idque ob fundamentum desumptum ex sacra Scriptura & SS. PP. sententiis. Interim nullus tenetur, etiam sub veniali, cuilibet communi pauperi eleëmofynam petenti aliquid dare: hoc enim nimis durum ac difficile videtur; quidquid aliqui id doceant. Sufficiet igitur pro excessu bonorum quandoq; aliquis eleëmofynas facere, juxta quod prudens charitas dictaverit: nunquam tamen quis sine peccato, saltem veniali, potest communè pauperem inhumanitè à se repellere, nisi fortè esset nimium importunus. Ceterum, quia sententia nobis, quoad hanc quartam resolutionem, opposita, non est improbabilis (eam enim docent Pallud. Sylvest. Armilla, Sorus, Vasq. Franc. B. Spei, & alii) non est neganda absolutio pœnitenti erga communes pauperes immisericordi. Vide dictum Franc. B. Spei de charit. disp. 5. n. 28.

15. Dico quinto, eleëmofyna facienda est omnibus pauperibus verè indigentibus, ac proinde etiam inimicis & peccatoribus: unde quando Eccles. 12. dicitur: *Da bono, & non receperis peccatorè, &c.* id intelligi debet de peccatore

catore ut peccator est, vel de eo, qui ex eleemosyna sumit occasionem peccati. Nec servandus est ordo, præterquam in extrema, vel quasi extrema necessitate. Unde quilibet potest in eleemosyna præferre, quos prudenter præferendos judicaverit, etiam executor legati aut testamenti, quando id reliquum est pro pauperibus in comuni. Ita Vidal. *de legatis, inquisit. 2. fol. 323.* post alios communiter. Ratio est, quia nulla exstat lex constringens executorem (quod à fortiori verum est de iis, qui bona propria distribuunt (ut quærat pauperiores aut meliores. Vide quæ dicuntur *de jure & just. disp. 9. num. 27.*

16. Nota, negandam esse eleemosynam iis communibus pauperibus, qui ex amore otii fugiunt laborem, quo facile sibi possent necessaria acquirere, ut monet Franc. B. Spei *de Charit. disp. 5. n. 51.* Nec peccant Magistratus, qui peregrinos mendicos è suis civitatibus expellunt, modò id faciant, vel quia non potest bene satisfieri pauperibus domesticis, iis admittis; vel quia solent invchere morbos, prodisiones, &c. An verò melius sit dare eleemosynam communitati, quam alicui, aut aliquibus in particulari? quærit ac resolvit noster Bacho in *4. sent. dist. 20. q. 2. a. 1. quem consule.*

Petes, an succursus, ad quem quis obligatur, dum proximus est in extrema, vel gravi necessitate, debeat fieri per donationem absolutam?

17. Resp. cum communi, affirmativè: quia cum proximus taliter indigens habeat jus palam accipiendi ea, quibus sic extreme, vel valde graviter indiget

(si petendo non potuerit obtinere) absque onere restitutionis, signum est & alterum eadem illi dare debere sine eodem onere. Deinde præceptum misericordiæ, est præceptum eleemosynæ; hæc autem debet esse gratuita: & certè donatio conditionata sub hac vel simili conditione: *Nisi indigens aut pauper ad pinguiorem fortè postea fortunam venerit*, videtur habere aliquid inhumani repugnans veræ misericordiæ. Verum his non obstantibus, sententia opposita non est improbabilis, quam docent Navar. Adrian. Tolet. Vasquez & alii: quorum ratio est, quia præceptum misericordiæ simpliciter loquendo, est præceptum sublevandi miseriam alienam, quod verè sit per dictam donationem conditionatam. At hæc intellige de rebus alicujus momenti: nam nimium vile foret rerum modici valoris restitutionem ita conditionatam exigere. Adverte, responsionem nostram procedere de pauperibus *absolutè*, quia pauperibus *secundum quid*, sive iis, quorum necessitas non nisi aliquo tempore est duratura, (cò quòd v. g. habeant bona in spe) imponere restitutionem conditionatam, rationi est congruum, ut bene advertit Franciscus B. Spei *num. 36. quinum. 52.* addit, fictos pauperes magnas eleemosynas teneri restituere. Cum occasione hinc

Addo juxta Dimas *tract. de purgat. c. 29.* fideles ex præcepto charitatis insuper teneri, animas defunctorum orationibus, Missis, & aliis operibus juvare. Imo Burghaber specialiter de filio docet, hunc peccare mortaliter, si certus sit moraliter patrem suum,

qui ei plurima bona reliquit, esse in purgatorio, illumque per prædicta juvare negligat: & in hoc pro se plures citat: ac rationem dicit sumendam esse ex quarto Decalogi præcepto: *Honorapatrem tuum*, &c. vi. cujus tenetur filius ex communi DD. opem ferre parentibus in gravi necessitate constitutis, & eos liberare ex carcere, dum

sine suo gravi incommodo possunt; ergo & ex purgatorio, quod quidam carcer est, vel se habet per modum carceris. Ita Burghaber *centur. 2. casu 25.* dicens Sancium sine fundamento docere, dictam obligationem finire cum vita parentum: quod nec ego admitto.

## S. II.

### Ex quibus bonis, & à quibus personis eleemosyna dari possit?

18. Dico primò, de bonis, quæ annexum habent onus restitutionis, nunquam dari potest eleemosyna, nisi fortè propriis dominis reperiri nequeat: in quo tamen inquirendo, prius diligentia semper est adhibenda.

19. Dico secundò, solum illi eleemosynas dare possunt, qui rerum dandarum habent absolutum dominium cum libera administratione. Unde peccant famuli & ancillæ dando eleemosynas de bonis dominorum suorum, nisi adsit expressus, vel tacitus eorum consensus; qui censetur adesse, si detur modicum quid non adeo frequenter; vel etiam frequenter, dum iis conceditur administratio bonorum, aut non datur, nisi quod aliàs malè periret. Idem pariformiter dic de Religiosis, qui sub obedientia viventes, nullam habent temporalium administrationem. Imo hi etiam peccant contra votum paupertatis, si dent aliquid

pauperibus extra illos casus, ut constat *ex capit. cum ad monasterium. de statu Monachorum.* Verùm censetur adesse tacitus consensus Superioris, primò, cum Religiosus deprehendit pauperem constitutum in extrema vel gravi necessitate, & Superiorem adire nequit. Secundò, dum in studiis extra Conventum versatur, vel iter agit cum viatico: tunc enim, nisi aliunde constet contrarium, præsumitur Superior ei concedere facultatem moderatas eleemosynas faciendi. Terriò, cum Religiosis intra monasterium existentibus deputatur à Superiore certa summa ad sustentationem, sic ut eam suo commodo, vel damno expendant: tunc namque videtur parcius vivendo, reliqua in eleemosynas posse impendere. Ita *Lezan. to. 1. cap. 6. num. 52.* quæ tamen non habent locum in iis Religiosis, quibus per regulam, vel statuta ea expresse inhibentur. Quid autem circa hæc possint procuratores, & di-



& dispensatores conventus, inspicienda sunt regular officiorum ipsorum, prædecessorum præxis, consensus Superiorum, à quibus eorum potestas potest pro arbitrio restringi.

20. Dico tertio, possunt uxores etiam invitæ maritis facere moderatas eleemosynas de bonis communibus ad honestam suæ familiæ sustentationem superfluis : per consuetudinem enim illis hoc justribuitur. Ita omnes. Imo Burghaber omittit illam particulam: *Ad honestam suæ familiæ sustentationem superfluis* : dicit quem casu esse moderatas eleemosynas, si vigesimam partem annuorum proventuum non excedant, pro quo varios citat in sua *centur. 1. casu 92*. Quinimo, inquit, si assignata quantitas eleemosynæ in filios primi sui matrimonii, ac fratres suos pauperes non sufficiat, hosque aliunde juvare nequeat, poterit invito etiam marito clam plus surripere, & illis egentibus succurrere; atque in hoc pro se citat Lessium & Bonac. Rationem dand, quia ad decentem uxoris statum ejusque honorem spectat, ne filios aut fratres egere permittat, cum bona habeat, ex quibus subvenire possit, ita scil. ut nullum incommodum possit inde sentire maritus. Scrupulosior hac in parte præter morem est Gobat in *Alphab. matrim. part. 2.* quam finit his verbis: *Ego dicerem tali uxori, si amat sincere sororem* (dicturus in nostro casu fratres & filios primi tui matrimonii) *& consentia quiterem, minue aliquid de superfluo cultu corporis, & applica illud sorori*. Adde ego, in sententia Burghaber debere uxorem soluto matrimonio inter partitionem bonorum cum hæredibus vi-

ri in sua parte computare, quæ sic ultra antedictam quantitatem elargita est, cum æquum non sit, ut ex alienis subveniat consanguineis, si habeat propria.

Possunt interim uxores de bonis paraphernalibus, sive iis, quæ præter dotem data sunt, uti & de illis, quæ ad ornatum & recreationem impendere possunt : imo & de iis, quæ per laborem, ad quem non erant strictæ, lucratae sunt, facere eleemosynas, etiam extraordinarias, spectato jure Cæsareo : quod ultimum addo, quia juxta plurimum regionum usum, etiam illa bona sunt utrique conjugum communia; unde consequenter non possunt in iisdem locis uxores ex istis bonis eleemosynas extraordinarias facere, nisi mariti saltè implicite consentiant. Possunt etiam extraordinarias facere, quando tota cura, & administratio domus ad illas devolvitur, aut propter maritorum amentiam, aut longam eorum absentiam; nisi fortè mariti in decessu expressè inhibuerint, ne dent majores, quam ipsi soliti sint facere. Insuper probabilius puto, dum maritus ob avaritiam nullas prorsus eleemosynas dat, posse uxorem de bonis communibus supplere ejus defectum in honorem familiæ; id enim omnino decens est. Imo, quando maritus communia bona dilapidat, potest uxor tantumdem de bonis communibus clam surripere, ut se servet indemnem, hocque sibi reservare, aut expendere in eleemosynas, aut alias pias causas; salvo tamen semper jure prolium. Ratio est, quia in dicta dilapidatione uxor à marito patitur apertam injuriam. Ita Franc.

Franc. B. Spei de Char. disp. 5. num. 56.

21. Addunt aliqui, posse uxores absque ullo maritorum consensu eleemosynas extraordinarias facere de bonis communibus ad impetrandum à Deo maritorum perverforum conversionem: quia, inquiunt, non minus in hoc utiliter agunt rei maritorum, quam si iis periculosè laborantibus ex iisdem bonis facerent expensas in medicos & medicinas, quas alioqui mariti ex avaritia facere nollent. Verum hoc puto minùs probabile, ac in praxi omninò dissuadendum uxoribus: nec dictum fundamentum ullum est, quia non potest quilibet quovis modo alterius negotium utiliter agere, dum ipse invitus permanet. Deinde, est magna disparitas quoad exemplum de medicinis in casu periculosa infirmitatis; nam hæ sunt medium moraliter necessarium ad subveniendum presenti infirmitati & necessitati, quod non competit eleemosynis ad fidem spiritualem erogatis. Denique, hoc janua aperiret mulierculis ad indiscriminatas eleemosynas faciendas.

22. Adhuc minùs placet, quod docet Paludanus, scil. posse uxores tantum in eleemosynas expendere, quantum mortuo marito ad se, vel ad suos suo nomine rediturum existimant: hoc enim videtur mihi evidenter illicitum; tum quia istorum bonorum administratio ad maritos pertinet quamdiu vivunt; tum etiam, & maximè, quia est manifestum periculum erroris in prædicto uxorum iudicio, cum per longam suam ac maritorum vitam, supervenientem infirmitatem, annonam, bella, & alias fortunas contrarias, bo-

na communia possint in tantum minui, ut marito mortuo, vix quidquam cedat uxori: accedit, quòd nunquam certum sit, maritum ante uxorem moriturum.

23. Dico quartò, filius familias de bonis castrensis, & quasi castrensis potest dare eleemosynas; quia habet eorum plenum dominium; ita ut administratio ad eum solum pertineat, si sit pubes, id est, quatuordecim annorum. Unde si pater is utatur aliter, quàm pro alimentis filii, tenetur ad restitutionem; quam si filius non speret futuram, potest uti occulta compensatione, & ad eam cogere cohæres mortuo patre. Non potest autem filius eleemosynas facere de bonis adventitiis, quia de his solum habet dominium directum seu proprietatem, non verò dispositionem seu administrationem durante patriâ potestate. Similiter à fortiori non potest facere eleemosynas de bonis profectitiis; quia horum nequidem est Dominus directus. In his omnibus interim maximè inspicienda est consuetudo locorum. Cæterum, de bonis omnibus nominatis potest eleemosynam dare ex consensu saltem implicito & interpretativo parentum; qui adesse censetur, primò, quando parentes aliqua ex dictis bonis concedunt ei ad honestam recreationem, aut ut ea pro suo libitu expendat. Secundò, quando versatur in studiis, vel alia de causa degit extra domum parentum, &c. ut fere de Religioso parum ante dictum est. Ex his autem faciliè erit colligere quid sit dicendum de pupillis, minoribus, prodigis, &c. hi enim, licet possint facere eleemo-

leemo-

elemosynas moderatas, & quales alii ejusdem secum conditionis facere solent, sine consensu tutorum & curatorum, non tamen extraordinarias facere possunt.

24. Nota hîc, bona castrensia esse ea, quæ bellando acquiruntur, vel filio dantur ad bellandum, vel quæ ei ex testamento in bello aut occasione belli adveniunt. Quasi castrensia sunt, quæ acquiruntur ex beneficio ecclesiastico, vel officio publico non mechanico, aut per artem liberalem. Bona verò adventitia sunt, quæ successione, vel donatione filio adveniunt, vel per artem non liberalem; item quæ lucratur per mutuum, vel in domo patris per obsequia extraordinaria; vel etiam quæ ex morte matris ipsi adveniunt. Bona denique profectitia filii sunt, quæ ei dantur intuitu patris.

Petes, an aliquis in extrema necessitate possit capere alienum?

Resp. affirmativè, si is, à quo accipit, non sit in simili necessitate. Ratio est, quia in divisione bonorum facta est hæc reservatio, ut nempe in extrema necessitate omnia adhuc remane-

rent communia. Quare non peccat mortaliter, quid facit in dicta necessitate, non petita licentia ab eo, qui rem possidebat; quia nullam ei infert injuriam, cum solum auferat id, quod alter ei dare tenetur. Imò, id ipsum plures valde probabiliter docent, fieri posse in necessitate valde gravi, ob similem reservationem: aliàs namque divisio bonorum non esset facta in bonum hominum, seu generis humani, ut consideranti patebit. Verùm hæc locum non habent in foro externo. Vide Dian. p. 11. tract. 1. resol. 13. ubi pro necessitate valde gravi assignatur necessitas morbi, famis, aut nuditatis. Item tract. 5. resol. 13. circa finem; ubi additur necessitas captivitatis, diuturnæ ac retri careeris, vel similium afflictionum: quæ necessitates excusant aliquem à restitutione, quamdiu durant. An autem, si venerit ad lantiorum fortunam, teneatur restituere sic acceptum, vel non? Utrumque est probabile, & ferme eodem modo philosophandum est in valde gravi, & extrema necessitate. Ita Dian. loc. cit. pro se de novo citans Dicastillum.

## DUBIUM TERTIUM.

### De correptione fraterna.

26. **Q**Uamvis septem sint opera misericordiae spiritualis hoc verbum contenta:

*Consule, carpe, doce, solare, remitte, fer, ora:*

quæ correspondent septem operibus misericordiae corporalis in hoc versu:

*Visito, poto, cibo, redimo, tego, colligo, condo.*

De quibus agit D. Thom. 2. 2. q. 23. art. 2. & Franc. B. Spei de char. disp. 5. n. 3. & 4. Hîc tamen nos solum agimus de correptione fraterna, sicut dubio præcedenti de sola elemosyna egim⁹.

C c

Cor-

Correptio autem fraterna, de qua hic, est actus misericordiae spiritualis, quo per convenientem sermonem convertere nitimur proximum à malo peccati ad bonum virtutis. Præter correptionem fraternam datur correptio judi-

cialis, quæ assumitur, ut à Judice vel Superiore peccatum puniatur: item & paterna, quæ ad fraternam reduci potest. Quia verò varia circa hanc materiam examinanda occurrunt, sit

## §. I.

### An existet præceptum in hac materia, quos & quomodo obliget?

27. **D**ico primò, dari præceptum Divinum de correptione fraterna, conilat ex Script. *Levit. 19.* ubi dicitur: *Non oderis fratrem tuum in corde tuo, sed publice* (id est, clarè & apertè, ut intelligat peccatum suum) *argue eum, ne habeas super eo peccatum*, id est, ne ore eum non corripiendo dum potes, particeps fias peccati illius. Imò, id esse de lege naturali vel ex eo pater, quòd quilibet tenetur vi præcepti naturalis fratri graviter egenti succurrere, dum potest sine gravi incommodo. Franc. B. *Speci. tract. 4. de char. disp. 6. n. 1.*

28. Dico secundò, præceptum de corripiendo fratre sive proximo, obligat omnes, qui ad hoc sunt idonei, & sperant se per hoc posse proximum emendare: quia Scriptura citata loquitur generaliter: & *Eccles. 17.* habetur: *Vnicuique Deus mandavit de proximo suo*: unde etiam peccator, per se loquendo, concurrentibus debitis circumstantiis, de quibus infra, tenetur fraternè corripere delinquentem. Neque hoc prohibetur *Matth. 7.* per hæc verba: *Quid autem vides festucam in oculo fratris tui*, &c. quia ibi solum reprehenduntur peccatores, qui ex hypocrisis & ja-

ctantia corripunt, aut temerariè judicant fratrem, ut hac ratione se iustificent; sequitur enim: *Hypocrita, ejice primum*, &c. Circa hæc tamen

29. Adverte primò, Superiores, maxime Ecclesiasticos, & Religionum, arctius cæteris obligari ad corripiendos subditos delinquentes: quare hi tenentur quandoq; in viam subditorum inquirere: prudenter tamen, ne aliis dent ansamurbationis & inquietudinis; quod facilè fieret, si nimis sæpè, præsertim sine gravi causa, in aliquorum vitam sigillatim inquirerent, vel si nullà præviâ infamiâ, aliòve probabili indicio inquirerent, an talis, vel talis in particulari, hoc aut illud peccatum, quanvis in se publicum, commiserit. Vide Bachonem *in 4. dist. 19. q. 2. §. 4.* ubi tradit modum, quo debeat fieri inquisitio generalis in Monasteriis.

30. Adverte secundò, requiri magnam prudentiam in Concionatore populi vitia corripientis: inprimis enim diligenter debet cavere, ne Prælatos Ecclesiæ à suggestu corripiat, nisi fortè (quod Deus avertat) docerent hæresim; quia tunc publicum scandalum, quod crearent communitati, per secretam

cretam monitionem tolli non posset. Deinde, nunquam potest ita ad personas particulares descendere, ut earum vitia uni certè imputari queant. Deniq; raro ad hoc potest uti scientiâ habitâ ex confessionibus auditis, quia aliàs auditores sibi facilè persuaderent, Confessarios diu retinere & mentevolvere peccata in confessione audita, quod ipsos posset retrahere ab affectu erga Sacramentum pœnitentiæ.

31. Dico tertio, correptio fraterna de peccato mortali per se loquendo, fieri debet sub culpa mortali. Probo, quia, cum quodcunque mortale peccatum mortem spiritualem proximo inferat, videtur etiam necessariò gravem necessitatem correptionis inducere: quidquid interim facilè possit à gravi culpa excusari, juxta D. Thomam, & alios satis communiter, si ex timore, verecundia, aut pusillanimitate quis strictam hanc obligationem non advertat, vel judicet, aut putet, se in his circumstantiis ad hoc non esse aptum, quamvis timor, &c. non habeant motivum in se sufficiens. Cajetanus & plures alii volunt, eam de peccato veniali fieri debere sub culpa veniali: attamen existimo cum Coninck, rariùs hujusmodi obligationem adesse in subditis, aut ceteris de communi plebe: ratio mea est, quòd similis correptio raro fieri possit sine ulla alterius indignatione. Intereà Superiores sapientiùs non tantùm sub veniali, sed etiam sub mortali tenentur inferiores de peccatis venialibus corripere, dum videl. peccata venialia subditi vergunt in notabile detrimentum observantiæ regularis: tenetur enim Superior ex

officio impedire, ne disciplina regularis deficiat, dum potest: pro quo vide Franc. B. Spei disp. 6. *suprà*, num. 18.

32. Dico quartò, ut quis teneatur sub mortali alterum fraternè corripere, requiruntur quinque conditiones. Prima est, ut moraliter constet proximum peccasse mortaliter. Secunda, ut adsit probabilis spes emendationis. Tertia, ut correptio credatur hic & nunc necessaria ad proximi emendationem. Quarta ut fieri possit sine gravi corripientis periculo, ut v. g. vitæ, famæ, aut etiam fortunarum. Quinta denique, ut adsit opportunitas loci, temporis, aliarumque circumstantiarum necessaria, ut correptio cum fructu fiat. Ita DD. communiter. Ex quibus omnibus colligitur, valde raro hominem privatum obligari ad corripiendum proximum: in omni enim ferè casu deest aliqua ex positis conditionibus, quarum vel unica deficiente non urget præceptum correptionis fraternæ, saltem sub culpa gravi. Imò Busenb. absolutè addit, ejus omissionem in privatis, vel nullam esse, vel levem culpam: quare non video, cur aliqui Concionatores communem plebem, quoad hanc obligationem, scrupulosam reddant.

33. Dico quintò, omnia interim peccata præterita proximi corripienda sunt, si adiint dictæ conditiones. Patet ex verbis Scripturæ generaliter positæ. Verùm peccata futura secundum se non sunt materia correptionis, licèt ut talia nos moveant ad proximum corripiendum in iis, quæ eum ad peccata futura deducunt. An verò peccata publica usurarii, meretricis, &c.

dum sunt Magistratu permittente, cadant sub præcepto fraternæ correptionis: Respondet quod sic, quia siue ista peccata ob motiva sufficientia sine culpa à Magistratu permittantur, siue non, non idcirco minùs peccatur contra Deum, nec tales sunt minùs in statu damnationis æternæ. Verumtamen, quia ex correptione fraterna vix potest sperari fructus in similibus, vix lo-

cum habet talis obligatio. Utrum autem similia peccata meretricum possint Principes, vel Magistratus permittere absque culpa in seipsis? Non est hujus loci: pro eo interim videre poteris Lezan. in consult. variis, consulto 46. pag. 318. An denique corripiendus sit proximus peccans ex ignorantia? Constat ex dictis tract. 1. disp. 1. dub. 4. parùm ante finem.

## S. II.

### Quis ordo servari debeat in correptione fraterna?

34. **D**ico, in correptione fraterna hic ordo servari debet, ut videlicet primò proximus moneatur secreto; deinde, si per hoc non speretur fructus, adhibendus est unus aut duo testes discreti, qui illum nobiscum moneant: denique, si neque hac via speretur emendatio, deferendus est ad Ecclesiam siue Superiorem. Atque hunc ordinem sub gravi culpa servandum esse judico, dum commodè servari potest. Probat ex Script. Matth. 18. ubi expressè præcipitur: Si peccaverit in te, (id est, coram te) frater tuus, vade & corrip eum inter te & ipsum solum, &c. si autem non te audierit, adhibe tecum adhuc unum vel duos, &c. Quod si non audierit eos, dic Ecclesie: quæ verba miror, quomodo ab aliquibus dicantur solum esse consilii & non præcepti, cum eorum praxis servanda sit vi legis naturalis; quæ unumquemque obligat, ut, quantum potest, famam sui proximi servet il-

lasm, adeoque vetat, ne occulta ipsius peccata aliis manifestet sine notabili necessitate. hinc Iorca, & Philiarca. mordicus defendere nituntur, statutum (quale est apud Patres Societatis) de deferendo crimine fratris ad Superiorem, nulla prævia privata monitione, esse injustum; quam sententiam, teste Hieronymo Rodriguez, tanquam probabiliorē secuta est Academia Salamanticensis 24 Aprilis, anno 1627. eamque novissimè adhuc tueretur Lopez de Texeda Theol. moral. tom. 1. l. 1. tract. 3. contr. 4. Verum ego cum aliis communiter contrariam sustineo, ob rationes, quas videre poteris (sicut & alias sententia opposita) apud Iorthum tract. 7. q. 8. art. 1. ubi post varia hæc habet: Nota tamen id (videlicet statutum, de quo supra) non esse licitum propter illud majus bonum, quod constituit Suarez in meliori correctione facienda per Prælatum, quam per socium; dicere enim, quod correctio fraterna

fraterna melius facienda est per Prælatum, quam per socium, ut dicit Suarez, est erroneum & injuriosum doctrina Christi, inquit Franc. Aravio, Primarius Cathedra-  
ticus Salmanticensis. Vnde in hoc lapsus est Suarez, debuisset advertere, quod dixit M. Bannes supra, ubi loquens de hoc institu-  
to Societatis, postquam licitum illud esse ostendit, sic ait: qua in re maxime atten-  
dendum est, ne propterea hujusmodi consti-  
tutio, qua secundum se justa esse potest ra-  
tione prædictâ, sub alia ratione falsa defen-  
datur, videl. quia alio modo nulla com-  
munitas potest bene gubernari: hoc enim es-  
set asserere ordinem corrigendi evangelicum  
& naturalem, esse perniciosum communitati,  
ac proinde sequeretur, non esse in prae-  
cepto, nec in consilio; quam doctrinam non  
dubito erroneam esse in fide. Ita Bannes, &  
ex ipso Lothus, qui insuper ait: Sequi-  
tur ex illo dicto Suarez, Christum Domi-  
num in Evangelio neque docuisse optimum  
& congruentiorem modum regendi Ecce-  
lesiam, & emendandi defectus fidelium, sive in  
Communitate, sive extra illam degentium,  
quod à nota temeritatis excusari non po-  
test. Hæc ille. Et si quis per hæc certus  
non reddatur, prædictum ordinem  
correctionis necessariò servandum esse  
in Communitatibus, in quibus non  
est tale statutum, nec consequenter  
subditi cesserunt juri, quod habent  
hæc in parte ad famam suam; legat ea,  
quæ habet idem Lothus art. 2. & 3. in  
quorum priori docet, probabile esse  
PP. Jesuitas posse, & debere præ-  
mittere monitione privatam non ob-  
stante suâ constitutione: in posteriori  
verò, conatur ostendere, dictâ consti-  
tutionem Societatis illicitam esse se-  
clusâ renuntiatione juris ad famam:

quam renuntiationem fieri à quolibet  
Jesuita novitio antequam vota biennii  
emittat, ostendit Mendo in *statera beni-  
gnarum opinionum Dissert. 1. qu. 15. n. 169.*  
subdens n. 173. ex terminis manifestum  
esse, quod, dum non fit propriæ famæ  
renuntiatio, debeat præcedere corre-  
ctio fraterna; aliàs, inquit, detrahitur  
præcepto Christi: quod idem n. 179.  
dicit de adhibendis testibus distinctis  
à Prælato antequam huic, etiam ut pa-  
rri, reveletur peccatum.

35. Adverte primò, prædictum or-  
dinem non esse servandum, dum cri-  
men proximi est publicum, hoc enim  
publicè corripì posse omnes DD. tra-  
dunt: quidquid adhuc id bene distin-  
guat Bacho noster in 4. dist. 19. q. 2. art. 1.  
Item dictus ordo non est servandus,  
dum crimen proximi occultum est exi-  
tiale Reip. vel vergit in magnum da-  
mnum corporale, vel spirituale mul-  
torum, ut si quis cognoscatur occultè  
agere de prodenda civitate, privatim  
docere hæresim, & similia: tunc enim  
immediatè proximus est deferend⁹ ad  
Superiores. Idem plures docent de oc-  
cultis Religiosorum peccatis vergen-  
tibus in notabile damnum Religionis,  
quale secundum Caspensem & alios est  
fornicatio, quæ denunciari debet im-  
mediatè Superiori ut Judici, si nempe  
probari possit: quia ea crimina sunt ta-  
lia, ut communiter certò & firmiter  
sperari nequeat quòd aliâ viâ emenda-  
buntur. Ita illi. Attamen non puto hoc  
generaliter esse verum, sed ordinè or-  
dinarium adhuc esse servandū, quan-  
do tale peccatū est primum quod in co-  
genere ab isto Religioso committitur;  
vel dum gravis occasio labèdi fuit ipsi

quasi oblata, & non quæsitæ; vel etiam si sit commissum ratione ebrietatis non omnino culpabilis: puto enim in his casibus per correctionem fraternam adhibitis minis, eum scilicet deferendi, si quid simile in ipso adhuc videatur, vel ab ipso commissum audiatur, prudenter sperant seriam fratris emendationem. Quoad alia item peccata, non ita vergentia in commune damnum, tam diu secretò corripienda sunt, quādiu adest probabilis spes emendationis per similem correptionem; si verò abfuerit dicta spes, procedendum erit ulterius ad testium inductionem, nisi aliunde in casu particulari præstet prudenti & pio Superiori, qui satis discernat inter officium patris & iudicis, notum fieri occultum fratris delictum, quam aliis testibus; tunc enim ei immediate ut patri indicari debet. Vide dicta in *Append. ad tr. de Leg. & Bachonē in 4. dist. 19. q. 1. ar. 2.* ubi tradit modum, quo Superiori deferendum sit peccatum proximi: & *art. 3.* assignat modum primum, quo se gerere debeat Prælatus erga denuntiantem & denuntiaturum, dum non potest crimen probari; ipsum consule: sicut & Franciscum B. Spei *disp. 6. de charit. n. 51.* ubi probat, ordinem charitatis suprà positum non cadere sub præceptum in Religione; cuius sententiam sub limitationibus ab ipso positis probabilem omnes facile iudicaturos existimo.

36. Adverte secundo ex D. Thoma hic *art. 7. ad 5.* si Superior inferioribus præcipiat, ut qui peccata corrigenda cognoscunt, ea referant, id intelligendum esse salvo ordine correptionis fraternæ à Christo institutæ: & si Præ-

latus præciperet dictum ordinem excludi, peccaret, ac malè faceret inferior ei in hoc obediendo: quia *Obedire oportet magis Deo quam hominibus*: nec Superior habet potestatem quoad delicta occulta, nisi quatenus per aliqua indicia manifestantur, utpote per fundatas suspiciones, aut infamiam eorum, quorum delicta sic præciperet deferri: quæ etiam ferè verbotenus habet Bacho *quæst. cit. tit. 5. l. 1. in fine.* Vide etiam pro hac materia Caramuelem *part. 1. Theol. fundam. fol. 337. & seq.* Item P. Mendo *loc. suprà cit. n. 178.* ubi asserit à nobis statim dicta in confesso esse Authoribus. Poterit interea inferior tutè se conformare doctrinæ quondam Professoris mei Francisci jam relictæ, quam & aliqui alii tradunt.

Petit dictus Mendo, an Prælati Regulares inferiores possint revelare Superioribus maioribus peccata occulta subditorum, quæ ipsi valent emendare? Postquam aliquos retulerat *differt. 1. qu. 16. num. 189.* qui volunt, revelare crimen proximi occultum viro gravi & timorato, qui id non revelabit alteri, nec nocbit, non esse sic peccatum mortale (quam doctrinam nos alibi refellimus:) & postquam ostenderat, Castrum Palao ex ea doctrina malè deducere resolutionem affirmativam esse probabilem: *n. 194.* sic resolvit: *Prælati Regulares immediati non possunt manifestare crimina occulta subditorum, quæ non vergunt in damnum publicum, aut Religionis, & possunt ab eis corrigi. Attigimus jam rationem. Et quidem qua utilitate, si crimen emendari potest à Prælato immediato, manifestandum est mediato? Itaque consultitur bona subditorum opinioni & fama*



fama, eorumque culpa sunt traducenda, ut infamia noceatur? Id contra iustitiam est, charitati adversatur, rectam Religionis gubernationem invertit, subditos durissime gravat, milleg, damnis & incommodis viam planat. Premant Pralati immediati altissimo silentio culpas subditorum occultas; eos paternè corrigant, & media efficaciora ad emendationem applicent; illorum consulant fama, & nequè apud se eos judicent indignos, quibus munia qualibet committantur. Qui lapsus est, & resipescit, sit idem apud Pralatos, ac si non esset lapsus, si secus fiat, paradoxè erratur. Monuerat autem n. 191. In Societate Iesu nequaquam licere (quid-

quid in ea cedatur famæ propriæ ad effectum suprà positum) Pralatis immediatis manifestare crimina occulta subditorum Provinciali, aut Generali. Etenim sic Generales ipsi stricte præmonuerunt universam Religionem per epistolas; & præterea in Congregatione generali VI. & VII. decernitur, crimen delatum uni Superiori non manifestandum esse alteri sine urgenti necessitate, & magna utilitate, quæ rarò aut nunquam aderunt, si subditus emendetur. Hæc P. Mendo, quæ indubiè magis volet locum habere in Religionibus aliis, ubi nullus cedit famæ propriæ.

## DVBIVM QVARTVM.

### De Odio opposito Charitati.

37. **D**ico primò, odium in genere est averſio voluntatis ab eo, quod representatur ut malum. Duplex est, abominationis, & inimicitie: prius est, quo averſamur aliquid, ut malum nobis vel alteri, quem amamus: posterius verò, quo volumus malum alicui personæ, ut illi malè sit. Atque hoc utrumque; odium iterum duplex est, Dei scilicet & proximi, prout vel in Deum, vel in proximum tendit. Ut autem intelligas, quomodo Deus possit odio haberi, attende eum dupliciter posse à nobis considerari: primò, secundùm seipsum prout est in se; & in ordine ad suos effectus. Priori modo consideratus non potest odio haberi, quia est ipsa bonitas: posteriori verò modo spectatus juxta effectus quosdam repugnantes voluntati nostræ inordinatæ, y. g. juxta inflictionem pœnarum, pec-

catorum prohibitionem, &c. potest à nobis improbis odio haberi, eo quòd illi effectus improbis multùm displiceant, ac molesti sint; quia per illos impediuntur facere ea, in quæ eorum vitiata natura est proclivis. Unde propter eos effectus possunt Deum odisse peccatores tam odio abominationis, quam inimicitie; possunt enim averſari ac detestari tanquam sibi mala, quæ desideratas eorum voluptates excludunt, simul & pœnas sibi infligendas, in quo reperitur odium abominationis: ac deindè possunt etiam contra ipsum Deum inardescere; eique velle malum, oprando nimirum, ut sua fortitudine destituatur, imò, ut ipse Deus delinat esse in quantum author est prædictorum: ubi invenitur odium inimicitie: sicque communiter odium ini-

mi-

inimicitia oritur ac sequitur odium abominationis; nam dum quempiam tanquam nobis molestum aut contrarium averſamur, ordinariè etiam in ipſius perſonam odio inimicitia incipimus commoveri, & ei malè velle.

38. Dico ſecundò, odium Dei eſt peccatum omnium graviffimum. Probat D. Thomas & ceteri communiter, quia averſio à Deo, in qua ratio culpæ conſiſtit, in odio Dei importatur per ſe; in aliis verò peccatis ſolùm participativè & ſecundùm aliud, in quantum videl. appetitur inordinare aliquid, habens annexam averſionem à Deo, eò quòd ſit contra ejus præceptum. In odio Dei nulla datur parvitas materiæ, quæ poſſit à mortali excuſare: quantumvis enim parvum malum Deo optetur, ſi nihilominus fiat ex formali ejus odio, gravis in eo reperitur deordinatio ad ipſam rationem naturalem, ac Deus gravi injuria afficitur, ut conſideranti patebit.

39. Dico tertio, odium proximi eſt peccatum gravius ceteris, quæ in proximum committuntur: ut autem hoc clarè percipiatur, diſtinguit D. Thomas duplicem malitiam peccati, quarum una oritur ex deordinatione ipſius peccantis, & alia ex damno, quod inferretur ei, qui per peccatum offendi- tur. Deinde dicit, odium proximi eſſe peccatum inajus quàm ſint cetera peccata exteriora priori modo ſumpta, quia per odium maximè deordinatur voluntas; exteriores verò actus contra proximū commiſſi, tantum ſunt peccata, quia à quodam ſaltem virtuali odio intrinſeco procedunt. Secundo ta-

men modo poſſunt hi actus dici peccata majora ipſo odio, eò quòd majus nocumentum inferant proximo, quàm odium internum ſecundùm ſe.

Petes an omne odium proximi ſit peccatum?

40. Reſpondeo primò, omne odium proximi inimicitia eſſe peccatū: quia per hoc deſideratur alteri malum ut malum eſt, quod ſemper eſt rectæ rationi repugnans. Nec quemquam excuſat, quòd malum proximi bonum ſuum reputer, quia ut eſt malum proximi, bonū ſuum verè eſſe non poteſt, ſed ut ſummum apparens tantum, adeoque ut tale inordinate illud deſiderat. Interdum tamen licitum eſt optare alteri malum ex fine bono, ut infirmitatem aliquam aut infortunium temporale, ut convertatur à via ſua peſſima; vel etiam mortem latronis aut hæretici, ut alii non pervertantur. Imò teſte Fulienſi *lib. 3. c. 9. reſol. 1.* multi exiſtinant licere, ob emolumentum aliquod temporale, optare alterius mortem, dummodo fiat cum debita moderatione; ut ſi uxor mariti, à quo malè tractatur, mortem, ut à Deo intelligendā deſideret; quia hoc non tam eſt velle malum proximi, quàm bonum inde ſecuturum; quod non videtur illicitū. Ita aliqui. Sed quidquid de hoc ſit ſpeculativè loquendo, puto cum eodem Fulienſi, ſimilia in praxi periculosa eſſe, præſertim, cum ex dictis ratione præcepti charitatis teneamur vitam proximi præferre noſtro commodo temporali. Cæterum Leander, Lugo & alii docent, contra Pontium, deſiderantē ex odio malum, non teneri in confeſſione explicare ſpeciem mali.

Sed

Sed quid de uxore v.g. quæ sapè sibi ipsi mortem imprecatur, eò quòd dutilissimè tractetur à marito? Eam peccare mortaliter docet Navarr. in *Manuali* c. 15. n. 15. tum quia non est domina suæ vitæ, tum quia delinquit contra charitatem sibi debitam in materia gravi. Ab opposito eam non peccare docet Burghaber *centur. 1. casu 4.* citans Sancium: quia potest hanc afflictionem prudenter censere majus malum ipsa morte. Imò (addit dictus Author) alios quosvis ex indignatione & impatientia mortem sibi deliberatè imprecantes, non peccare mortaliter, existimamus contra Dian. *part. 5. tr. 14. ref. 92.* & probamus, tum exemplo Eliæ, &c. tum quia sensus verborum illorum alius non est, quàm *malum mori, quàm tales molestias pati*. Verùm hæc multùm displicent, tum quia malè trahit consequentiam ab exemplo Eliæ, de quo, utpote viro sanctissimo, & cui meritò innocentissimus Præcursor Joannes est assimilatus, nefas est dicere, quòd ex indignatione & impatientia sibi mortem fuerit imprecatus: tum etiam, quia falsissimum est, quod in illis terminis tam generalibus profert. Nunquid enim aliquis peccat mortaliter, etiam in sententia Burghaber, qui sciens se esse in statu peccati mortalis, ex indignatione & impatientia mortem sibi deliberatè imprecatur? Hic tamen est unus inter *alios quosvis ex indignatione & impatientia mortem sibi deliberatè imprecantes*, quos indiscriminatim à mortali ipse excusat. An fortè

prudenter similis potest dicere: *Malo in hoc statu mori, quàm similes molestias pati*? Viderit Burghaber.

41. Resp. secundò, odium abominationis proximi secundùm ea, quæ proximus à Deo habet, semper etiam peccatum esse, sive id habeat per naturam, sive per gratiam: quia proximus, juxta hæc spectatus, bonus est; omne autem bonum, quòd tale, amandum est, ac consequenter committitur deordinatio, si juxta illa odio habeatur. Hinc quando Christus *Luca 14.* dicit, venientes ad se debere odisse patrem & matrem, &c. solum intelligendum est quoad affectus inordinatos, quibus possent nobis esse impedimento quoad progressum in virtutibus, ut sic verò parentes sunt peccatores, quos secundùm peccata, quæ à Deo nullatenus sunt, sed ab ipsis & dæmone, possumus & debemus odio habere; de peccatoribus enim ait Propheta: *Perfecto odio oderam illos*: & alibi legitur: *Odio sunt Deo impius & impietas ejus*. D. Thomas, & cæteri post ipsum agunt hîc communiter de acedia, invidia, &c. sed de illis nos, quantum satis ad propositum nostrum, egimus suprà, ubi de peccatis capitalibus.

\* \* \*

D d

DUB.V.

## DVBIUM QVINTVM.

De Bello.

§. I.

An, quando, &amp; quibus bellare liceat?

42. **B**ellum est plurium congressio vi & armis contra extraneos facta. Distinguitur à seditione, quòd hæc sit plurium contra plures in eadem Republica : à duello verò, quòd sit paucorum contra paucos, sive extraneos, sive concives. Ita N. Joannes Beetz de precept. Decalog. præf. 8. expof. 2. cap. 9. & Lezan. verbo Bellum n. 2. Bellum est duplex, defensivum & offensivum. Prius est, quod assumitur ad repellendam injuriam, quæ est moraliter in fieri: posterius verò, quod assumitur ad obtinendam satisfactionem pro injuria jam illata.

43. Dico primò, quamvis bellum per se nullatenus sit expetendum, est tamen per se licitum, etiam Christianis: quod clarè contra Wiclef ostendit N. Waldensis tom. 3. de Sacramental. rit. ult. cap. 169. n. 3. Ac in primis patet quoad bellum defensivum; jure enim naturæ omnibus est concessum vim vi repellere. Probo quoad offensivum ex Scriptura Num. 26. & 1. Reg. 15. ubi Dominus tale bellum expresse præcipit, ac Deut. 20. & 23. præscribit leges bellantibus, & Exod. 17. singularem opem fert bellantibus; ac denuò Deut. 1. pro ipsif-

met pugnat. Deinde Luc. 3. Joannes Baptista milites instruens, non jussit eos militiam deferere, sed ne quemquam concuterent, ne calumniam facerent, & ut contenti essent suis stipendiis. Idem etiam constat ex Act. 1. & Apostolo ad Hebr. 11. Denique, id ipsum ratione manifestè comprobatur; quia, nisi quandoque licitè posset bellum inferri, posset Princeps absolutus aut Respub. Superiorem non agnoscens, aliis quamcumque injuriam impunè inferre. Vide Franc. B. Spei de char. disp. 3. n. 6. ubi respondet objectionibus Lutheri in contrarium.

44. Dico secundò, ut bellum offensivum sit licitum, tres requiruntur conditiones: quarum prima est legitima autoritas indicentis, qualis regulariter reperitur in Principibus supremis, & quavis Repub. non habente Superiorem; per accidens etiam & extraordinariè in aliis, quando id necessarium foret ad avertendas injurias, quas Princeps, aut Magistratus avertere negligit. Ita omnes communiter.

45. Secunda conditio est, ut causa belli sit justa; sic nempe, ut illi, contra quos bellum assumitur, propter culpam

pam invasionem mereantur. Talis autem iusta causa est; primò, ut subditi rebelles ad obedientiam redigantur. Secundò ut recuperentur bona jure debita magni momenti. Tertiò, ut obtineatur quod jure gentium, sive secundum consuetudinem ferè omnium nationum, est debitum; ut est v.g. transitus sine mora & damno per exteram regionem. Quartò ut Princeps vel Superior subditos idololatrias vel in hæresim lapsos, ad veram fidem cogat reverti; & similes aliæ. Ubi tamen adverte, has omnes causas debere adeò gravem injuriam continere, ut damnis ex bello secuturis æquivalent, & ut aliunde injuriæ compensatio obtineri non possit.

46. Tertia conditio est, ut bellantes habeant rectam intentionem, qua præcisè intendant malum avertere, aut bonum promovere: non enim ex odio aut invidia, sed ex motivo charitatis, aut justitiæ bellum suscipi debet, ut notat N. Michaël à Bononia in 4. dist. 15. qu. unica citans Bachonem: quod idem habet Joannes Beetz, quem citat Lezana tom. 3. verbo *Bellum* n. 3. ubi citatas tres conditiones exigit. Quibus ego insuper aliam quartam superaddo; ut nimirum in bellando debitum modus servetur, ne videl. alia damna parti contrariæ inferantur, quam quæ necessaria sunt ad omnimodam satisfactionem pro injuriâ illata, ac expensis factis toto belli tempore: item ut non adhibeantur alia media, quam quæ sine præjudicio Religionis, Justitiæ, Charitatis, &c. possint adhiberi.

Petes, quid sit faciendum Principi

habenti causam dubiam bellandi?

47. Respondeo si agatur de re ab alio possessa, debet cedere; quia indubio melior est conditio possidentis: undè in dubio nullus potest alteri per bellum possessionem eripere. Deindè si res à neutro sit possessa, debet per licentiam juxta opinionem jurisperitorum difficultas, seu dubium solvi: quòd si uterq; habeat æquè multos pro se sentientes, res parti debet, vel fors mitti, si sit indivisibilis. Vide Lezan. loc. cit. n. 4. ubi ostendit, nullum posse movere bellum offensivum propter causam merè probabilè, & multò minùs propter dubiam, quando nimirum opinio probabilis etiam est ex parte rei sive ejus, contra quem bellum instituitur: concluditque, inter Christianos solam justam causam bellum indicendi censendam esse illam, quæ saltem moraliter loquendo certa & evidens sit omnibus rectè ponderatis: quidquid P. Scilder tr. 2. n. 97. secutus Dianam & Ariagam velit, sufficere opinionem verè probabilem, dum alter competitor, etiam qui est in possessione, non consentit in Judicem, qui rem examinet; quod non videtur improbabile: quia petitor regni v.g. non minùs quàm petitor rei private jus habet, ut causâ suâ juridicè examinetur & decidatur. Quare alter nolens in Judicem consentire, huic facit injuriam; quam hic si non detur alia via, armis videtur posse impedire. Idem à fortiori dicendum dum possessor condemnatus Judicis sententiam sequi recusât.

48. Petes iterum, quinam possint bellare? Hanc difficultatem quoad Regulares latè tractat Lezan. ubi supra n. 5.

n. 5. 6. 7. & seq. item Lothus tr. 5. ar. 8. & 9. de Cleric. in generali: verū ego breviter

49. Respondeo inhibitum esse Clericis bellare per diversos canones, ut videre est *causā* 23. q. 8. & *dist.* 36. cap. *Si quis*: idque non obicure colligitur ex Apostolo 2. ad *Timoth.* 2. dicente, *Nemo militans Deo implicat se negotiis secularibus*; plūs enim quā secularia sunt negotia bellica. Unde peccant mortaliter Clerici in sacris constituti; primò, si manu propriā pugnent. Secundò si milites ducant. Tertiò si aciem instruant, aut tormenta bellica dirigant; nisi in his summus Pontifex cum aliquo in particulari dispensarit, vel unum eorum necessarium fuerit ad propriam, vel alterius innocentis vitam conservandam, vel etiam ad Patriam contra injustos invasores tuendam: aliàs enim fit irregularis Clericus, qui in bello aliquem occidit aut mutilat. Imo pro Clerico in bello mortuo prohibetur fieri oblationes & orationes, prout constat ex capitulo *Quicumque Clericus* *quest.* 8. cap. 23. Interea possunt Clerici licitè bello interesse, ut Sacramenta pro necessitate, & opportunitate militibus subministrant: imò etiam possunt in generali milites hortari, ut fortiter pugnent, sicut in veteri lege Sacerdotes sacris buccinis incitabant filios Israël ad pugnandum bellum Domini: quamvis tamen iis illicitum sit, in particulari hortari milites ad occidendum vel mutilandum. Vide *Lezanam supra*, & *P. Franc. de char. disp.* 8. n. 41.

50. Cæterum alii non Clerici in quocumque bello iusto pugnare possunt; nullo enim jure id ipsis est inhi-

bitum. Constat autem, militibus sufficienter bellum esse justum quoad hunc effectum, dum Rex aut Princeps, sub quo bellant, prudens ac justus ab omnibus æstimatur, & noscitur, illum non seduci à consiliariis pravis, aut temerariis: quidquid aliqui apud *Dianam p.* 11. *tract.* 5. *res.* 28. hic distinguant inter milites subditos, & extraneos; volentes his debere constare positivè de justitia belli. Interea alii volunt in hoc simplices milites à peccato formali excusare, quòd persuasione aliorum per invincibilem ignorantiam rationum adversæ partis trahantur ad bellum. Ut Princeps autem, aut Magistratus licitè bellum moveat, insuper requiritur, ut solvat suis militibus stipendium debitum termino elapso: & si in hoc deficiat ex sua culpa, tenebitur reparare damna, quæ milites, implentes ea quæ sunt sui muneris, ob defectum solutionis inferunt reip. ex necessitate inopiæ. Item obligantur Capitanei & Præfecti curare, ut sub vexillis suis plenum habeant numerum militum, pro quo stipendia recipiunt; tum quia aliàs furantur pecunias Principis; tum quia per hoc sæpe sunt in causâ cur civitas, aut prælium amittatur: unde tales gravissimè peccant contra justitiam. Denique tam præfecti, quā simplices milites tenentur esse contenti suis stipendiis, ita ut nec spoliarent, nec opprimant innocentes. De cæteris peccatis Ducum & aliorum Officialium belli, agit latè Lothus tr. 5. art. 6. ac de peccatis communium militum art. 7. pro quibus eum consule. Vide etiam varia circa hanc materiam apud *Fran. B. Spei sup.* n. 23. & seq.

Ad-

Addo solùm , plures mortalissimè peccare, qui cùm domi nantes possint sibi, uxori, ac liberis victum suo labore procurare, nomen dant militiæ, abeuntes uxore & liberis lamentantibus: & longè adhuc maximè dum existentes in stipendiis militaribus, sti-

pendiis fideliter persolutis abutuntur in lusus, & compotationes, famem interim domi patientibus uxore & filiis, quos absolutè alere tenentur. Quin & gravissimè etiam peccent, qui similes homines dolo inducunt ad dandum nomen militiæ.

§. II.

Quinam occidi, & quæ spolia capi in bello possint?

51. Dico primò, non est licitum in bello occidere innocentes, cognitos tales, per se & ex directâ intentione occidendi. Ratio est, quia, ut sic occidere innocentem, est intrinsecè malum, ut communiter omnes admittunt: unde id nunquam licitum est, nisi Deus, qui est author vitæ & mortis, alicui in alterius vitam dominium concesserit; quod fecit Abrahamo respectu filii.

52. Dico secundò, per accidens & indirectè possunt quandoque innocentes licitè occidi, ut v. g. dum aliàs civitas capi, aut hostis in prælio superari non potest. Ita etiam DD. communiter: quod & indubitatum reddit praxis prudentum & piorum, ex qua gerenti bellum justum licitum est, turres ac mœnia tormentis, aut supposito pulvere evertere, quamvis certò constet, aliquos innocentes fore occidendos. Innocentes hîc sunt Ecclesiastici, qui nec sunt pars populi, nec arma, aut consilia belli tractant: item pueri ac mulieres: simplices rustici, & externi, qui casu inter hostes versan-

tur, nec deprehenduntur armis illos juvare. Cæterum, etsi nocentes, justo bello capti, spectato rigore justitiæ occidi possint, charitas tamen exigit, ut salvo bono communi Dux belli in hoc clementiam potius exerceat, ac multitudini parcat; nisi fortè in casu valde particulari contrarium fuerit necessarium ad obtinendam securitatem contra multum pertinaces, aut nisi ita capti, de magno crimine, ut v. g. perduellionis, velle sæ Majestatis, damnati aut convicti essent.

53. Dico tertiò, licitum omnino est, in bello justo hostes spoliare bonis suis temporalibus, etiam innocentes, si sint pars Reip. delinquentis: est enim disparitas hac in parte inter horum vitam & bona temporalia, quòd videl. illorum temporalium bonorum dominium universale sit penès ipsam Rempublicam: quare ob Reip. crimen possunt iis etiam directè privari innocentes: penès Remp. autem non est dominium in vitas subditorum, sicut nec penès ipsos subditos, ut videbimus *in tract. sequent.* Hinc qui gerit bellum

D d 3 contra

contra Remp. potest dictos innocentes bonis suis spoliare, & iis præsertim, quibus hostes uti possent adversus eos, qui justum bellum gerunt; ut sunt arma, equi, &c. nam spoliatio horum bonorum, est quædam justa defensio: aliis autem bonis etiam spoliari possunt innocentes per accidens, quatenus id est necessarium ad finem belli consequendum: unde milites belli iusti juxta justum Ducis mandatum, aut ejus explicitam vel implicitam voluntatem, possunt agros vastare, pagos evertere, civitates hostiles expoliare; ut sic enim sunt executores justæ sententiæ ac vindictæ. Si tamen Dux militibus ea inhibeat, quia vult parcere hosti, tunc damnum inferentes peccant contra justitiam, eo quod tunc hostis retineat jus in bona sua, prout antea habebat: quod si verò Dux ea solum inhiberet, ut disciplina conservetur inter suos, qui hostem spoliarent, plerumque tantum venialiter delinquerent, nisi forte per hoc sc, vel exercitum gravi periculo exponerent.

§4. Dico quartò, bona mobilia, quæ in bello justo ab hoste capiuntur, sunt capientium, sic enim declaratum est per legem, *si quid bello, ff. de captivis*. Excipe tamen, nisi in certa regione pro more habeatur; ut spolia omnia ad Ducein adferantur, ut hic ea pro meritis distribuat. Dixi, *bona mobilia*, quia imobilia spectant ad Principem, cum hoc tamen discrimine, quod imobilia, si ab hoste, cui eripiuntur, injuste fuerint possessa, sint restituenda pristinis dominis, si hi nimirum non sint hostes; quod non habet locum in mobilibus, postquam ad locum tutum fue-

runt delata; tunc ratio est, quia id videtur exigere commune bonum, tum ad generositatem militum excitandam, tum etiam ad multas difficultates ac lites fugiendas; quapropter ita statutum est à Jure Casareo. Excipienda tamen sunt bona gaudentia jure postliminii, ut naves & currus onerarii commearum vehentes.

§5. Adde, Clericos, qui in bello spiritualiter juvant milites, gaudere etiam hostium spoliis, cum enim exercitui multum profint, & sint quasi pars exercitus, debent gaudere belli commodis, sicut & ejus periculis sunt expositi: debent tamen in hoc cavere scandala pusillorum. Ita Lezana *tom. 3. verbo Bellum, num. 17.* ubi ait, id à fortiori licere aliis Clericis in iis casibus, in quibus, cum, vel sine expressa licentia Papæ licitè pugnare possunt; minis enim est hostem spoliare, quam occidere aut mutilare, quod tunc iis licitum est. Non possunt interim e contra ipsi Clerici expoliari ab hostibus, si per se in bello non pugnent: quia tam ipsi, quam ipsorum bona gaudere debent privilegio immunitatis ecclesiasticæ. Ita Lezana citans Valentiam, & Sylvestrum: addens tamen, plures admittere, posse Ecclesias & Ecclesiasticos in bello justo per accidens devastari sine onere restitutionis, dum videl. id necessarium judicatur pro consecutione victoriæ: in quo Lothus *tract. 5. art. 3.* benè distinguit Ecclesias ab Ecclesiis; aliquæ enim possunt esse incastellatæ, seu munitæ instar castris aut arcis, aliæ non: ac insuper Ecclesia potest duobus modis incastellari, primò ad inferendam vim vel injuriam hosti-



hostibus, eosque expugnandos. Secundo ad defensionem tantum vel personarum ecclesiasticarum, vel aliorum innocentium, qui non possunt alio modo defendere. Si primo modo Ecclesia fuerit incastellata, potest expugnari, dirui & incendi, ac quæcumque mala subsequantur, etiam spiritualia, ut crematio imaginum, &c. totum fit præter intentionem. Si secundo modo Ecclesia fuerit incastellata, non est ei vis inferenda, neque innocentibus in ea existentibus: possunt tamen abduci omnia arma, & tormenta bellica, quæ ibi congregata fuerint, ne hostes illis utantur. Hæc & alia Lothus.

Petes, an sit licitum bellare die festo?

56. Resp. affirmativè, si id necessarium est ad defensionem Reip. Item, si hic & nunc adsit opportunitas nocendi hosti non facile alio tempore reditura: imò extra necessitatem & oppor-

tunitatem idipsum non videtur mortale, quia non est opus servile: veniale interim esse docent Sylvius, Bannes & alii, negantibus Molina, Becano, & aliis, saltem dum per functiones belli creduntur milites retrahendi potius à peccatis, quàm ab exercitiis pietatis, prout, inquit, communiter solet accidere: neque his obstat capitul. treugis, de treuga & pace, quia non est usu receptum.

Petes iterum, an justè bellantibus licitum sit uti insidiis?

57. Resp. affirmativè, quia insidiæ non sunt per se malæ, & sæpè sunt necessariæ, aut saltem multum conducunt ad obtinendam victoriam: unde Josue 8. cap. contra urbem Hai iis usus legitur. Excipe tamen insidias, quæ fiunt per mendacia, aut violationem pacti initi, nisi fortè hoc vi, aut metu injustè incusso, fuerit extortum; vel nisi hostis prius fidem fregerit.

## D V B I V M S E X T V M.

### De Duello.

#### *An, & quando sit licitum?*

58. **D**uellum est duorum vel paucorum pugna ex condictione inita cum periculo læisionis. Ad hoc condictionem requiritur, ut duo convenient de pugna faciendi assignato antea loco & tempore; quamvis, juxta Caspensem & alios communius, sufficiat, si locus & tempus in genere assignentur, ut si v.g. duo dicant: *Pugnabimus ubi, &*

*quandocumque nos invenerimus*; vel secundum Lezanam verbo *Duellum*, n. 3. dum unus existens in platea, aut alio loco publico dicit: *Exeamus hinc ad pugnandum*; ex tunc enim pugna est deliberata, & rejecta ad aliud tempus & locum: quidquid tamen plures ad formale duellum requirant, ut locus & tempus in individuo assignentur, id est,

est, locus certus, & tempus certum; quorum doctrinam ut probabilem admittit Lezana, ajens, absolute non esse duellum, quando aliquis inimico suo in Ecclesia, aut loco sibi periculoso, eò quod alter habeat ibi adjuutores, v. g. dicit: *Exeamus hinc*: quia hoc ab eo non dicitur ad designandum locum, sed merè, ut fugiat Ecclesiæ irreverentiam, aut suum periculum. Adde, juxta Franc. B. Spei *de char. disp. 8. num. 145.* & alios, non ceneri duellum, quod sit quidem ex conditò, sed durante iracundia, quæ ad hoc primum movit, ita ut ad actiones extraneas inteteret diversio facta non sit: quia totum quod sit in calore iracundiæ, rixa potius dicendum est, quàm duellum. His positis

59. Dico primò, duellum est prorsus illicitum, si fiat ad recreationem, aut artis vel virium ostentationem: item ad explorandam veritatem rei dubiæ, de qua in judicio vel extra lis est; nec non ad vindicandam injuriam. Ratio primi est, quia ob finem tam vanum periculo mortis vel mutilationis se exponere, nimis inordinatum ac irrationale est: ad secundum verò finem, duellum est omninò ineptum, ut consideranti patebit; essetque omninò superstitiosum, habere pro reo eum, qui ab altero superatur, & econtrà. Ratio denique tertii est, quia illicita in primis est vindicta privata, ac etiam ad injuriam vindicandam est hoc medium prorsus ineptum, cum is, qui injuriam passus est, æquè possit succumbere, quàm alter: unde neque duellum licitum est ad vindicandam injuriam publicam. Vide P. Franc. *disp. 8. n. 49.*

60. Dico secundò, licitum est, acceptare duellum ad defendendam vitam, ut, si quis injustè ab altero invasus, non possit mortem evitare, nisi acceptando duellum: item satis probabiliter ad defendenda bona temporalia valde magni momenti. Ita Wiggers & Vidal. cum quibusdam aliis. Ratio utriusque est, quia talis pugna ex parte hujus, qui compulsus necessitate eam suscipit, non erit propriè duellum, sed iusta sui ipsius, aut rerum suarum contra injustum invasorem defensio; atque hæc duelli oblatio est quasi quædam permissio, ut alter arma accipiat, quibus se, vel res suas possit defendere, ut notat Wiggers 2. 2. *quest. 41. art. 1. resol. 5.* ubi addit, in hoc casu defensionis bonorum temporalium per duellum, debere acceptantem prudenter posse judicare, commensurando vires & dexteritatem suam cum viribus & dexteritate alterius, se per hoc non subire, nisi commune mortis aut mutilationis periculum, sicut communiter subit, qui invasorem bonorum suorum facientem resistentiam aggreditur armis, ut sua bona salvet: alias enim peccaret contra charitatè propriam, si manifesto periculo mortis se exponeret ob bona sua temporalia. ita ille. Verùm

61. Maxima difficultas hic agitari solita est, an duellum sit licitum ad defensionem honoris ac famæ? Parti affirmativæ quoad duelli acceptationè, teste Lezana, favet Hurtadus 2. 2. *disp. 170. sect. 13. §. 106.* Item Marchantius in *Tribunali* ro. 2. tr. 6. tit. 3. q. 1. §. 3. *resol. 2.* saltem si exsecutura infamia timeatur privatio officii, &c. Imò eam absolute sustinet Vidal. *de duell. inquis. 2. fol. 127.*

fol. 127. non solum quoad acceptationem, sed etiam quoad duelli inductionem: postquam enim varia supposuisset, sic loquitur: *Dicendum est, licitum esse duellum proprium & formale ad honorem in actuali aggressionem, vel in adproximatio tendendum, qui tamen alicuius sit momenti, habet etiam ratione personarum & circumstantiarum secundum se concurrentium in illo tunc, dummodò tamen in illo temporis instanti alia via non pateat pro honore defendendo.* Ita Vidal. loc. cit. ubi hanc suam sententiam confirmare nititur quinque argumentis; pro viribus etiam satisfaciens undecim objectionibus in contrarium. Interea ipsomet teste communis DD. sententia est negativa, etiam quoad duelli acceptationem; cujus sententia hæc ratio communiter redditur; quia ex recusatione duelli non contrahitur vera infamia, cum à viris cordatis ac verè Christianis honori ducatur, nolle ob quamcumque causam transgredi mandata Dei & Ecclesiæ. Contrà hoc sententiæ communis (quam sequitur Lothus tract. 6. art. 4. dicens, neminem Christianorum concessurum, licitum esse causam vitandam infamiam alterum ad duellum provocare, non legerat adhuc Vidal.) fundamentum insurgit Caramuel Theol. fundam. fol. 543. ubi ait, per illud DD. omnes difficultatem fugere, non verò solvere; quod enim quaeritur, inquit, est, an in casu, quo quis veram infamiam incurreret, nisi duellum oblatum acceptet, vel ad illud alterum provocet, id ipsi licitum sit: ipsi autem conantur per suam sententiam solum probare id, quod quaestio supponit, in praxi contingere non posse: unde dif-

ficultatem ad quaestionem de nomine revocantes, ejus directam resolutionem fugiunt: quod ipse, ad sententiam Vidal. omnino accedens, quodammodò explodit: quo tamen non obitante, ego plus timentis infinita incommoda, quæ ex sententia Vidal. & Caramuelis sequi possunt his temporibus, quando in Belgio nostro hic casus à nobilibus nimis sæpè judicatur occurrere, quam explosionem Caramuelis; cum DD. præstantissimis difficultatem sensu allato potius fugiendam, quam resolvendam judico: facile nanque quis falsò judicabit, sibi imminere veram infamiam ex recusatione duelli, adeòque hic & nunc esse sibi licitum illud acceptare, si sciat ab aliquibus timoratis DD. defendi, in aliquo casu id speculativè licere ob defensionem honoris: diabolicam enim fraude resistit venit, ut animi gratia & nefandam libertate duella indicantur, & nihilominus qui illa refugiunt, in fama & honore periclitari videntur. Interea hanc difficultatem bene resolutam habes apud Franc. B. Spei de char. diss. 8. num. 111. & seq. Quare igitur ad difficultatem positam

62. Respondeo & dico cum Lezan. verbo Duellum n. 16.<sup>o</sup> Pro defensione honoris; posse duellum acceptari, aliquibus forsitan speculativè probabile videbitur, sed oppositum semper in praxi observandum: esse enim apud vulgares & improbos (de quibus prudentes parum curare debent) ignominie tribuatur talis duelli recusatio, tamen apud sapientes & probos id honori adscribitur, tum propter honorem Dei, & Ecclesiæ reverentiam, tum propter magnas penas, etiam temporales & infamiam, quæ ex duello

Ec

sequun-

sequuntur, propter quas non solum pii & prudentes, sed improbi & vulgares debent laudare hominem illud recusantem. Hæc Lezan. loc. cit. cuius doctrinæ modò coacti sunt subscribere Vidal, Caramuel, & alii omnes: nam Alexander VII. per expressum decretum inter alias sequentem damnat propositionem. *Vir equestris ad duellum provocatus, potest illud acceptare, ne timiditatis notam apud alios incurrat*: unde P. Mendo non potest ampliùs sustinere, oppositam esse probabilem, *saltem ob auctoritatem extrinsecam*, quod facit in *Statèra benignarum opinionum dissert. 1. quæst. 21. §. 2. n. 249. idem repèrens §. 4. n. 262.* Quia tamen improbi (si omnes fermè nobiles & officarios milites improbos dicere fas est) communiter dedecori vertunt, si nudè duellum recusetur his verbis, quæ à Lezana referuntur ad fugiendam omnem infamiam, *qui duellum incunt, infames in Ecclesia sunt, & propter hanc causam inter alias non admitto illud*; quia, inquam, hæc non repellerent omnem infamiam: pono hic alios modos respondendi, ne durum nimium videatur alicui jacturam facere suæ famæ apud homines mundanos, præsertim nobiles suos confocios aut commilitones. Inprimis ergò juxta Becanum, Petrum Fuliensem, Baslaum, Lothum & alios, licitum est ita se ad duellum provocanti responderes: *Ne pures me duellum recusare ex timore aut animi dejectione, sed præcisè quia Christianus sum, ac Deum offendere nolo: quare paratus sum me contra te defendere ubi, & quando me aggressus fueris.* Imò, si neque per hoc adhuc integram tuam famam quis conservare valeat,

licitum dicit Hurtadus, gladium pugno apprehendendo dicere: *Ego hoc ense contra te me defendam ubicumque me petiveris, quod hic, si me aggressus fueris præstare paratus sum; exire autem ad locum conditum non est hominis Christiani obediens legi Dei & Ecclesiæ.* Similia & fere eadem verba habet Mendo ubi *suprà n. 245.* quibus licitum esse uti asserit juxta verand doctrinam. Cum igitur hoc vel simili modo abundè consulatur famæ ac honori cujuscunque; non video, quomodo unquam quis possit duellum acceptare ob periculum infamix: quare ipse Vidal, postquam sententiam suam per tria integra folia roborare conatus esset, in fine subdit, eam ob fragilitatem humanam proclivem ad injuriæ vindictam fieri practicè valde difficilem; Illi verò, qui Christiano id respondentini minus Christianè replicaret, *Acceptus hic pugnare quia speras nos fore separandos per adstantes; similiter replico, & tunc citas cras vel post aliquas horas ad istum locum, ut forte ab officarius Regis detinear antè dictum tempus cum mea confusione, &c.* Hi modi respondendi positi sint ex doctrina Authorum citatorum; quia illos variis rationibus oppugnat Franc. Bonæ Spei *suprà num. 120. & seq.* ostendens, per illos formale duellum acceptari. Rejecerat autem in præcedentibus varia à Caramuele subtiliter, sed minùs edificativè proposita: ac *num. 128.* meritò arguit Layman, Hurtad. Mendoz. Lessl. & Navar. quòd non audeant damnare nobilem provocatum se duello sistenti, merè defensionis gratiâ, cum spe prævalendi, privandum alioqui, ob ignaviæ suspicio-

cionem, dignitate, officio, vel favore Principis, vel maximè modò ob propositionem damnatam statim allatam.

63. Dico quartò, secundùm DD. communiter, licitum est duellum inter hostes, quando judicatur necessarium vel valdè utile ad justum bellum promovendum; ut si v. g. Princeps crederet, se non satis fortem esse, ut toto suo exercitu hostis exercitum superet, vel non nisi cum magna suorum strage, & speraret paucorum cum paucis pugna, se posse bellum feliciter conficere. Imò, id etiam licitum est juxta Navar. Malder. Suar. & Wigg. si credat Princeps ejusmodi paucorum conflictu exercitum hostilem deiciendum animis, proprium verò futurum animosiores ac sic fortiorem suo modo. Ratio est, quia in his casibus cessat motivum, quod duellum reddit illicitum, eò quòd scilicet duellantes se conjiciant in mortis periculum sine causa sufficienti, quòd hic minimè accedit; nam si in dictis casibus licitum sit ob dictos fines toto exercitu configere cum periculo plurimorum, à fortiori licebit idem cum periculo paucorum præstare. Unde in his casibus non puto illicitum fore duellū hosti offerre, si aliter totus exercitus in periculo versetur, nihilque aliud spectetur quàm ejusdem defensio, ita ut non offeratur animo vindicandi, sed defendendi præcisè. Ita Becanus post Valentiam; & P. Franciscus loc. cit. n. 138. addit, ex his justificari duellum sive pugnam Leckerbekanam, satis in Belgio notam.

64. Cæterum, variæ sunt duellantium pœnæ: primò enim incurrunt ex-

communicationem, prout constat ex Trid. & Constitutionibus Pii IV. Gregorii XIII. & Clementis VIII. qui ultimus eam sibi reservavit: atque hanc excommunicationem non solum incurrunt manu propriâ in duello pugnantes, verùm etiam Reges, Principes & Magistratus, qui absque justa causa non prohibent fieri duella, vel post duellum commissum veniam sine punitione concedunt: item suadentes, consulentes, comitantes, socii, patriti, spectatores ex industria, id est, (inquit Lezana) qui ex composito, & non casu aliquo duellum aspiciunt; vel ut strictius Naldus & alii, qui ex conventionione præhabita cum ipsis pugnantur, ad locum certaminis causâ illud spectandi descendunt. An autem, & qualiter à dicta excommunicatione absolvere valeant Episcopi, & Religiosi communicantes in privilegiis Mendicantium; vide apud Lezan. verbo *duellum*, num. 13. quinam. 14. & 15. tangit alias duellantium pœnas; quas etiam habes in Tridentino sess. 25. de reform. c. 19. quasque omnes Gregorius XIII. in Bulla, *Ad tollendam detestabilem*, extendit ad duella privata, & sine solemnitate habita. Vide de his etiam Loth. tr. 6. a. 6. & 7. ubi latè & benè hæc discutit: ac Franciscus num. 142. in terminis habet; *Regulares privilegiati, extra Italiam & in Urbe, absolvere possunt ab excommunicatione ob duellum incursa*.

65. Una ex aliis pœnis est privatio ab ecclesiastica sepultura in eo, qui in duello occiditur: cujus nomine an veniat is, qui ex læsione in duello facta postea moritur; non conveniunt DD. multis asserentibus dum vulnus tale est, ut

necessariò mors sequi debeat secluso miraculo, negat Diana cum pluribus (inter quos est Lezanap. 11. tr. 6. ref. 26. ubi ref. 27. docet, aspicientes, consulentes, &c. excommunicationem & alias pœnas non incurrere, si nesciant sub iis id esse inhibendum, quod probat ex celebri & nunquam obliuiscenda doctrina (ut loquitur) quòd, *liet quis novit rem esse prohibitam & mortaliter malam, si tamen ignoret, etiam vincibiliter, quòd imposta sit pœna excommunicationis, suspensionis, &c. non incurritur similis pœna*; pro quo ibi & alibi ab ipso citantur plures probati Authores.

Cum tamen funestâ experienciâ constet, prædictas pœnas non curari, operat P. Mendo in sua *Statera differt.* 1. quæst. 21. §. 5. num. 274. adhiberi se-

quens efficacissimum & facile remedium, ut nimirum præcipiatur, quatenus nullus admittatur ad Ordinem equestrem, vel quodvis munus publicum Senatorium aut gubernii, vel ad dignitatem ecclesiasticam quamcunque, quin fiant informationes, in quibus rigide inquiratur, *An candidatus provocaverit, aut acceperit duellum* Statuaturque, fore eorû impedimentum indispensabile: sicut & similem infallibiliter privandum fore quocunque munere vel dignitate, in qua est constitutus, à iudice cognoscente de duello, iudicemque fore à munere suo deponendum, si id non exequatur: publiceturque eum notandum esse ut hominem infamem. Ita ferè ille.

## D V B I V M    S E P T I M V M.

### De Scandalo.

#### §. I.

Quid & quotuplex sit, & quale sit peccatum?

66. **D**ico primò, scandalum est dictum vel factum minus rectum præbens proximo occasionem ruinæ spiritualis. Ita N. Urbanus cum omnibus communiter. Dico, *dictum vel factum*, quia scandalum solum potest consistere in actibus externis, & quidem coram aliis exercitis: dicitur verò *minus rectum*, vel quia in se malum est, vel quia habet speciem seu appa-

rentiam mali. Sub dicto autem vel facto etiam comprehendit omissionem alicujus dicti vel facti, quod dici aut fieri deberet.

67. Dico secundò, scandalum aliud est activum, aliud passivum: activum jam definitum est: & est duplex, unum est per se tale, in quo scilicet directè intenditur alterius ruina spiritualis, quod ab Urbano dicitur



citur scandalum particulare, ab aliis formale: aliud est tantum tale per accidens, quod indirecte & interpretative est talis causa; & id Urbanus vocat scandalum generale, alii materiale. Scandalum passivum est ipsa ruina spiritualis, seu peccatum alterius ortum ex dicto vel facto minus recto, vel etiam recto. Unde scandalum passivum est etiam duplex: unum datum, quod ex activo oritur, diciturque pusillorum; alterum acceptum quod magis procedit ex malitia ejus, qui scandalizatur, & hoc vocatur Pharisæicum. Hinc constat sæpe dari scandalum activum sine passivo, ut quando quis alterum intendit ad malum trahere, & alter malum non facit: item è contrà sæpe dari passivum sine activo, quale erat in Pharisæis, qui ex bonis Christi operibus scandalizabantur, à quibus hoc scandalum dicitur Pharisæicum: sæpius tamen datur utrumque scandalum simul, dum unus sequitur malum exemplum alterius.

68. Dico tertio, scandalum omne tam activum, quam passivum absolute loquendo, est peccatum: tam enim dare causam ruinæ spiritualis alterius, quam ruinam spiritualem in seipso pati, malum est. Neque de hoc est controversia inter DD. Quod verò dici posset, scandalum non esse voluntarium, sed necessarium juxta illud *Matth. 18. necesse est, ut eveniant scandala*, adeoque non posse esse peccatum, non urget; quia imprimis id non est absolute necesse, sed tantum pensata hominum perversitate, qui à malis non abstinere: deinde solum necesse est

necessitate finis; quia nimirum utile est ad hoc, ut qui probati sunt, manifesti fiant, ut docet D. Thomas hic *art. 2. ad 1.*

69. Dico quarto, scandalum activum, quod per se tale est, est peccatum speciale oppositum charitati ac misericordie spirituali: charitas namque & misericordia ex proprio munere præcavent omne damnum spirituale proximi; neque de hoc etiam dubitatur à DD. Quare qui consilio aut aliter dicto aut facto alterum directe inducit ad peccatum, intendens scilicet ipsius ruinam spiritualem, peccat duplici peccato; peccato nimirum istius speciei, ad quod alium trahit; qui enim est causa peccati, ejusdem & reus est: ac deinde peccato speciali scandali, quorum utrumque tenetur in confessione explicare. Ita P. Franc. cum ceteris satis communiter. Nec refert, quod forte non sequatur alterius ruina; quia equidem ipse habuit voluntatem fixam, & intentionem in altero eam cansandi.

70. An scandalum activum, quod citrà scandalizantis directam intentionem est occasio ruinæ spiritualis proximi, sit etiam speciale peccatum? Multum controversatur. Utrumque posse probabiliter sustineri, asserit Cornejo *ro. 1. tr. 6. disp. ult. dub. ult. n. 11.* quidquid P. Franc. B. Spei affirmativam sententiam sustineat. *de char. disp. 8. num. 148.* si ad sit voluntarium interpretativum. Verum, cum in ordine ad proximum nihil vel parum referat, sive sit speciale peccatum scandali, sive non: ideo eam difficultatem Scholasticis relinquo, quam bene discunt dictus

Actus P. Franc. *Comment. 2. to. 4. disp. 8. dub. 6.* Quòd autem in ordine ad praxim id parum referat, docent Bannez, Bassæus, Busenb. & Sanch. Ratio est, quia quidquid dicatur, equidem malitia scandalii est in confessione exprimenda; nam spectat reductivè ad speciem peccati, ad quam pravam exemplum inducit. Undè incitans alium ad peccatû, quod ipsemet committit, licèt animo alterum incitandi non faciat, duplicis peccati est reus, proprii scilicet & alieni, licèt ejusdem sint speciei: ad quod tamen requiritur, ut attenis omnibus circumstantiis, & personæ agentis, & alterius videntis, probabiliter existimari possit, quòd talis actus inordinatus sit futurus occasio ruinæ spiritualis in vidente; aliàs enî non censeretur similis actus causa moralis peccati alterius. Quare, si quis peccet coram iis, qui antea ad peccandum eodè genere peccati parati erant, vel coram viris piis acita in bono constantibus, ut nullus eorum per malum alterius exemplum ad idem malum credatur incitandus, non tenetur hanc circumstantiam explicare. Atque hinc censet Sanchez, multos à peccato scandalii excusari, eò quòd ipsi tam pravis moribus imbuti sint, ut de eorum exemplo nihil curetur, nec inde argumentum sumatur ab aliis ad iisdem vitiis vacandum: vel etiam, quia eorum exempla sequentes, ita ad peccandum sunt faciles, ut aliorum exempla respectu illorum non censeantur inoralis inductio ad peccandum: quæ maximè locum habent in sententia docente, tunc solùm à nobis contrahi malitiam scandalii in-

directi, quando nostro facto vel verbo proximum conjeicimus in gravem difficultatem & tentationem, cui dissilimè possit resistere. Sed, si hac sententia vera est, rarò committeretur peccatum scandalii indirecti; cùm tamèn sacra Scriptura toties inclamet: *Ne mundo à scandalis; necesse est ut eveniant scandala, &c.* quare tu ita rigidiori nostræ sententiæ. Nec etiam sequaris sententiam, quam ex Lugo adfert Tambur. in *mer. exp. conf. l. 2. c. 1. §. 17. num. 105.* nimirum in peccato scandalii indirecti, licèt prævideatur peccatum proximi, non esse explicandam speciem peccati, ad quam proximus inducitur, sed sufficere quantum est ex hac parte, si dicatur, se per scandalum fuisse causam peccati alterius, sive scandalum fuerit in materia homicidii, furti, aut luxuriæ. Ne hanc sententiam sequaris, inquam; quia præterquam quòd sit contra communem, videtur mihi quòd inducens alium ad peccatum carnis, etiam indirectè & interpretativè omnino velit tale alterius peccatum: quare parum ante dixi cum communi, peccatum scandalii etiam indirecti spectare reductivè ad speciem peccati, cujus scandalum est causa. Interim Lugo hanc adfert suæ sententiæ rationem: quia scandalum indirectum solùm est contra charitatem debitam proximo, non vero contra alias virtutes particulares, quæ nos non obligant, saltem graviter, ut vitia contraria in aliis impediamus, sed solùm ut ea illis positivè non suadeamus, vel mandemus. Ita Lugo.

Addo insuper Palao *tract. 23. punct. 9. num. 12.* citatis D. Thoma, Valquez, & Sua-



& Suares, docere, inductionem quidem esse speciale peccatum scandalum, quando est ad actum inducto peculiariter; verum non esse speciale peccatum, sed meram circumstantiam, quando fit ad actum inducenti & inducto communem: quam doctrinam etiam amplectitur Burghaber *centur.* 1. *casu* 70. Exemplum ponens in Placidio permixta v. g. inducente Placidiam, ut secum adulterium committeret, quem dicit non committere speciale peccatum scandalum, etiam adulterio secuto. Vide infra *num.* 82.

71. Dico quintò, scandalum, etiam per se activum, sive particulare aut formale, interdum est veniale tantum, interdum mortale. Veniale est, dum per illud intenditur solum peccatum veniale alterius; quidquid Urbanus *tract.* 1. *cap.* 15. multum dubitet, utrum ex levitate peccati, ad quod proximus inducitur, possit ejusmodi scandalum esse leve. Mortale verò erit scandalum, dum mortale peccatum intenditur, nisi indeliberatio quemquam excuset. Nec sequitur, peccatum veniale proximi est major ruina quocumque damno temporali; ergo qui illud directè interdicit, mortaliter delinquit, ut argumentatur Vasquez: quia ad gravitatem culpæ discernendam, non est conferendum damnum culpæ venialis cum damno temporali: sed quodlibet damnum spectari debet in suo genere; adeoque damnum cul-

pæ venialis, quod in ordine spirituum est leve, non constituit nisi culpam levem. Ita Sanch. in *Decal. lib.* 1. *cap.* 6. *num.* 10. Petrus Fulienfis, & Franciscus N. de *char. disp.* 8. *num.* 150. quod ulterius puto colligi ex eo, quòd Deus non prohibuerit leve damnum spirituale proximo inferre, nisi sub levi culpa, sicut id non aliter prohibuit inferre sibi ipsi.

72. Adverte autem, actum illum, qui scandalum creat, etiam mortalem esse, si ex se sit inducens periculum peccati mortalis, licet tantum intendatur peccatum veniale: quia tunc interpretativè intenditur grave alterius peccatum; ut si v. g. Religiosus coram feminis verba inhonestæ, imò & otiosa proferendo, solam inanem delectationem intenderet, posset sæpè mortaliter peccare; quia adstantes faciliè inde periculum gravis ruinæ possent concipere. Atque hinc Urbanus *tract.* 1. *cap.* 15. *citato*, notandum monet, scandalum etiam generale suscipere magis & minus ex circumstantiis personarum, quæ illud generant; sic enim, inquit, mendacium leve in Prelato, aut viro maturo majus omnino scandalum creat, quàm in puero aut plebeo mendacium grave: item dissidium inter Ecclesiasticos, quàm inter mulieres per se litigiosas: quorum ratio est, quòd ex dictis vel factis aliquorum major accipi solet à pusillis occasio scandalum, quàm ex gestis aliorum.

## §. II.

An ob scandalum omitti debeant opera  
spiritualia?

73. **D**ico primò cum D. Thoma, & cæteris post ipsum, opera spiritualia ad salutem necessaria non sunt omittenda propter scandalum; imo omitti non possunt, si aliàs absque peccato omitti nequeant. Ratio est, quia ordo charitatis postulat, ut homo magis salutem propriam procuret, quam alienam; ex quo capite nemo peccare potest, ut alium à peccato præservet. Hinc nunquam cessat obligatio præceptorum negativorum ob periculum cujuscunque scandali, adeoque nunquam etiam ob grave scandalum vitandum, licitum est vel leviter mentiri: quia quodcumque malum, etiam minimum, non est eligibile ad finem bonum, ut docet idem S. Doctor. Nec obstat, quòd peccatum veniale gratiam non auferat, adeoque nec adimat salutem spiritua-lem; nam eo non obstante, adhuc peccatum veniale, in quantum ad mortale disponit, & familiaritatem cum Deo minuit, vergit in detrimentum salutis.

74. Dico secundò, nunquam omitti debent opera spiritualia, licet ad salutem, neque absolurè, & secundum se, neque hîc & nunc sint necessaria, ob scandalum pharisaicum. Videtur id clarè colligi ex Christi verbis *Matth.* 15. ubi de Phariseis (qui ex sermone

Christi sumebant occasionem peccandi,) Apostolis dicit: *Smite illos, cæci sunt.* Adde tamen, si nulla subesset causa hîc & nunc opus tale spirituale exercendi, tunc ex charitate semel aut iterum esse omittendum; quia charitas abhorret ab omni eo, quod Deum offendit. Dico *semel aut iterum*, nam nimis durum foret, sæpius talia opera spiritualia consueta omittere ob nequitiam aliorum, qui frequenter ex sua malitia sic aliterius bona spiritualia student impedire.

75. Dico tertio, opera spiritualia ad salutem non necessaria, ob scandalum pusillorum sunt interdum omittenda, interdum differenda: quod ultimum communiter à DD. declaratur in illo, qui intendit ingredi Religionem, quem dicunt obligari similem ingressum differre, si prævideat suos parentes ex ignorantia, vel infirmitate inde accepturos peccandi occasionem, ut v.g. filium; aut Religionem odio habendi, aut damnificandi, vel institutum Religionis blasphemandi. Hanc resolutionem Adrianus, Valentia, Layman, Wiggers, & alii extendunt ad opera spiritualia præcepti Divini affirmativi, si ex hujus impletione timeatur gravis ruina pusillorum, & omissio dictæ impletionis non sit æquè, aut magis damnosa omittenti.

Horum

Horum Authorum ratio est, quia concurrentibus duobus præceptis, quorum non potest utrumque simul servari, observandum est quod magis obligat: jam autem præceptum naturale de non scandalizando proximo plus obligat, quàm quodcumque Divinum affirmativum. Unde juxta horum Authorum probabilem sententiam, qui cognosceret Confessarium ex infirmitate graviter scandalizandum ex aliquo peccato in confessione audito, teneretur illud silere. Item mulier, quæ cognosceret ex aspectu sui aliquem *in particulari* sumptuum periculum gravis ruinæ spiritualis ex infirmitate, posset, ac teneretur Sacro abstinere die festo, saltem semel aut iterum: quod addo, quia nimis durum foret, semper aut valde sæpè debere abstinere à similibus operibus præceptis. Dixi item, *in particulari*, quia (ut aliqui notant) ob timorem scandali in communi, vel aliquorum inde terminatorum abstinere ab opere præcepto, esset etiam nimium difficile, causaretque plurimos scrupulos. Similiter uxor tenetur juxta eandem sententiam semel aut iterum à jejunio præcepto abstinere, si aliis prævideat inde maritum graviter offendendum, aut oriundam magnam discordiam. Verum

76. Dictorum Authorum sententia se opponunt alii etiam probati Authores, Bæcanus, Petrus Fulensis, & Franc. B. Spei; qui duo ultimi pro se citant D. Thomam: atque horum quoque sententia est valde probabilis; nam cum impletio operis præcepti, nec in se sit mala, nec speciem mali

contineat, si quis inde scandalizetur, scandalum non erit datum, sed acceptum: nec refert, quòd id proveniat ex infirmitate; quia non est mihi licitum peccare omittendo opus præceptum, ut in alio peccatum vitetur. Quòd verò dicatur, præceptum de vitando scandalo esse naturale, etiam non refert, quia non est præceptum absolutum, sed obligans tantum in certis circumstantiis, quarum una est, ut opus, ex quo timetur scandalum, non sit sub præcepto, eò quòd homo magis teneatur vitare peccatum proprium, quàm alienum; ac consequenter præceptum, quod mihi est impositum, ut vitem peccatum proprium, plus teneor adimplere, quàm præceptum de vitando scandalo proximi, quod mihi solum impositum est ad vitandum peccatum alienum. Dum igitur dicitur, præceptum naturale plus obligare quam positivum, intelligi debet, si cætera sint paria, ut v. g. quando utrumque præceptum primario refertur ad propriam salutem procurandam, vel proprium peccatum vitandum. Nec propterea dici debet, præceptum positivum derogare præcepto naturali: quia, ut dictum est, solum removel circumstantiam aliquam, in cujus absentia præceptum naturale non obligat, prout facit hoc præceptum positivum: *Ocide hunc malefactorem*, respectu præcepti naturalis, *non occides*, quod huic minime derogat. Quare juxta hanc sententiam non minus probabilem, mulier, uxor, &c. ad supradicta non solum disobligantur, sed nec licitè ea possunt facere, nisi fortè adsit casus, in quo per je-

Ff jejunium

junium uxor redderetur incapax ad reddendum debitum, vel ad alias fun-

ctiones suas debite obeundum. Vide P. Franc. de Char. disp. 8. num. 161.

### §. III.

**An interdum licitum sit petere, vel consulere, quod alter non est facturus absque peccato?**

77. **D**ico primò, petere aliquid, quod sine peccato fieri potest, licet constet alterum id absque peccato non facturum, non est peccatum, si ad sit rationabilis causa petendi: sic v. g. non peccat petens mutuum ab usurario, exigens juramentum ab eo, qui noscitur juraturus per Deos falsos; item petens Sacramenta à malo ministro, &c. quia hæc & similia ex causa rationabili petens, petit quod æquum & justum est, quodque alter potest rectè facere si velit, ac petendo utitur jure suo: quare nulla est inductio ad malum, nec consensus in illud, sed vel mera illius permissio, vel potius non nisi oblatio materiæ ex se licitæ, qua alter ex tua malitia abutitur ad peccandum: quod, si tamen nulla adesset causa rationabilis, ex Charitate teneretur quilibet similia à talibus non petere; Charitas enim exigit, ut alteri non detur occasio novi peccati, ubi & quando fieri potest sine incommodo.

78. Dico secundò, simpliciter loquendo, semper est peccatum scandalum, petere, suadere, vel consulere id, quod ab altero sine peccato fieri nequit: hoc namque est alterum directè inducere ad peccatum. Nec obstat, quòd forte alter paratus sit id fa-

cere; quia adhuc jam ad opus non prodiret, nisi tu ad hoc causam, sive occasionem dares, ac tu hoc ipso approbas idem malum: unde peccatum scandalum committit, qui alium invitat ad comœdias inhonestas, quia spectaculum illud est valde periculosum. Excipit tamen Hurtadus apud Dianam p. 11. rr. 5. ref. 53. illos, qui rectè norunt, amicum, quem invitant, in nulum induci periculum: item eos, qui non rogant amicum, sed nudè proponunt, an velit hic, ita ut facilè sine rubore aut alio incommodo possit recusare: verum Diana periculosam judicat hanc invitationem.

79. Dixi simpliciter loquendo, quia consulere, vel suadere peccatum minus ei, qui jam absolute decrevit committere peccatum majus, non est peccatum, neque scandalum: quia tale consilium non fertur in malum absolute sive secundum se, sed sub ratione boni, videl. quatenus est evitatio majoris mali: non enim consulens in eo casu dicit absolute: *Fac malum*, vel *fac malum istud*; sed sub conditione hoc modo: *Si omnino resolveris facere malum, potius elige minus, & abstine à majori*: neque per hoc alter ad malum inducitur, cum jam ex sua prava voluntate firmiter statuerit patrare majus malum,

nec

nec aliunde possit ( ut suppono ) à proposito flecti, quàm consulendo malum minus. Hæc sententia est multorum probatissimorum DD. quos in magno numero citat Vidal. *de precepto charitatis, inquis. 4. fol. 43.* qui hanc suam sententiam confirmat variis exemplis sacrae Scripturae; quidquid Franc. B. Spei *de charit. disp. 8. num. 156.* requirat, ut alter sit simul determinatus ad malum majus vel minus. Hinc parato committere adulterium licite consultitur, ut fornicetur, eavidel. intentione, ut vitetur adulterium, quod aliter impediri non potest: debet interim moraliter certum esse, alterum commissurum adulterium. Ex his etiam non peccant parentes aut Domini, qui filiis aut famulis non auferunt occasionem furandi, ut eorum fidelitatem experiantur, ipsosque deprehensos in parvo furto castigent, ac sic impediunt imposterum à furto majori perpetrando: non est tamen iis licitum, saltem probabilius, prædictis offerre occasionem furandi, quia hoc esset cooperari eorum peccato; quamvis per ignorantiam invincibilem in hoc plures excusari possint. Imo absolute loquendo, similes excusat Layman, eo quod formaliter non cooperentur peccato, sed hoc, præcisè materiam peccati minoris ministrando, permittant ad majora mala vitanda. An verò peccaret, & teneretur ad restitutionem, qui, ut averteret furtum majus ex bonis Pauli, consulere fieri furtum minus ex bonis Philippi? Negativè respondet Pontius, si fur sit indifferens ad utrumque, si ve determinatus ad primum, nihil cogitans de

secundo. Quia in neutro casu facit injuriam Philippo; debet enim potius respicere honorem Dei, quàm emolumentum Philippi: si ergo aliter non possit impedire furtum majus ex bonis Pauli, poterit consulere minus ex bonis Philippi. Ita Pontius in *curso Theologiae, quaest. 9. concl. 2. num. 56.* Verum Diana affirmativè responderet quoad utramque partem: cuius ratio est, quia licet fur sit indifferens ad furandum plus à Paulo, vel minus à Philippo, in quo est major difficultas, quàm si de furto minori à Philippo non cogitaverit, injuriam facit Philippo, qui determinat voluntatem furis in particulari, ad inferendum ipsi malum: tantum enim habet juris Philippus, ut sibi servetur res sua integra, quæ minoris est pretii, quàm Paulus, ut sibi servetur res sua, quæ majoris est momenti. Hæc Diana *part. 11. tract. 6. resol. 58.* ubi in fine subdit; sed si quis quærat, an si fur sit determinatus ad furandum æqualem quantitatem à Petro vel Philippo, indeterminatus autem à quo velit, amicus Pauli possit consulere, ut furetur potius à Philippo? Affirmativè respondet Pontius cum Cardinali Lugo, quia amicus ille debet potius prospicere amico avertendo furem ab ipsius damno, quàm non amico, nec rationabiliter potest philippus conqueri, quod conditionatà voluntate voluerit amicus potius malum ipsius, quàm amici. Ita idem Dian. de quo tamen ipse nullam fert sententiam.

Petes, an semper sit peccatum scandalum, materialiter cooperari alterius peccato?

80. Respondeo, si opus sive cooperatio ex se sit indifferens, vel etiam bona, fiatque rectâ intentione, atque ex rationabili causa, nullum committitur peccatum, dum aliter peccatum alterius impediri absque damno proprio non potest: sic à DD. excusantur famuli Herum comitantes, dum adit domum meretricis, si aliter absque suo damno facere nequeant: item locantes domum meretricibus; quos Basilus à mortali excusat, licet nulla adsiturgens ratio, & cum aliis commode locare possint: quia, inquit, locatio domus est nimis à peccato remota, & locantes utuntur jure suo. Hæc tradit etiam Franc. B. *Spei de char. disp. 8. num. 159.*

81. Caterùm, ut aliqua cooperatio in malo sine peccato fiat, gravior vel levior requiritur causa, secundum quod peccatum alterius est majus vel minus; secundum quod probabilius peccatum alterius absque tua cooperatione non est futurum; secundum quod idem peccatum est magis contra justitiam; secundum quod magis vel minus juris habes ad cooperationem materiale; ac denique secundum quod tua cooperatio magis attingit alterius peccatum. Unde gravior causa requiritur, ut famulus activè concursu physico ad peccatum Heri concurrat v.g. vehendo concubinam ad domum sui Heri, vel pedem Heri sui sustinendo, aut scalas admovendo, ut per fenestram intret ad concubinam, vel ad furandum, &c. Neque hæc justificabit communis ratio famulatus; sed requiritur, ut aliàs grave damnum sibi timeatur, ut v.g. si aliàs Herus famu-


lum expelleret, unde cogeretur mendicare aut penuriam pati; vel etiam, si ob tale obsequium negatum timeat debitâ mercede privari, &c. Ita Urban. *tr. 1. c. 15.* Ratio ipsius est, quia hæc omnia sunt justa per se & honesta ministeria omnino abstrahentia ab illo malo aliorum usu, & aliunde paterentur famuli grave damnum. Inter cetera tamen Layman non audet excusare famulum ferentem Heri sui amatorias litteras ad concubinam; quia, ait, id vix accidit sine aliqua inductione mulieris ad peccatum, adeoque speciem lenocinii continere videtur. Quibus adde, licet probabiliter absque causa urgente (ut dictum est) posset domus locari meretrici, illicitum tamen esse, ei locare domum, quæ propter situm vel aliunde est valde apta ad meretricandum; nisi fortè sine gravi incommodo aliis locari non possit. Pro hujus materiæ complemento

82. Adverte ex Sancio in *selectis*, Lugone, & Vasquez, quando quis positivè invitat alium, sollicitatque v.g. puellam cum qua deinde peccat, non debere eum esse sollicitum explicare, se fuisse primum ad alliciendum: eadem enim malitia (inquiunt) est, licet non tam gravis, quando non invitans cum illa peccat; adhuc enim participes est ejus peccati. Ita illi contra Sanchez, Bonacinam & alios. Vide dicta suprâ *num. 70. in fine*: & adde, quidquid de hoc sit, de eo quando quis sollicitavit, sed postea non est commissum malum, vel non nisi longo tempore subsecuto, debere id explicari, cum illud sit peccatum sollicitationis distinctum ab ipso opere.

An

An verò, & quomodo explicari debeat numerus hominum, quibus scandalum est creatum, eruitur ex dictis tract. 1. disp. 4. num. 27. & seq. His igi-

tur juxta institutum nostrum de virtutibus Theologicis breviter dictis, sequitur.



# TRACTATUS IV.

## De Jure, & Iustitia

1. **J**ustitia virtus est latissimè se extendens, utpotè quæ locum habeat in omnibus ferè negotiis, in quibus est inter homines communicatio; èstque pacis humanæ stabile fundamentum: quare ejus notitia omnibus omninò admodum utilis est, ac necessaria iis;

quibus incumbit alios quoad conscientiam instruere & dirigere: undè merito à Theologis ea, quæ ad justitiam spectant, exactè tradi solent. Antequam tamen de ea in particulari agamus, priùs de ejus objecto, & aliis ad plenam ejus notitiam necessariis pauca dicenda occurrunt: quare sit

## DISPUTATIO I.

### De Jure in communi, & Dominio.

#### DUBIUM I.

##### Quid & quotuplex Jus?

2. **D**ico primò, Jus, quod est objectum justitiæ, idem est quòd æquum, seu alicui rigorosè debitum, ex quo quis habet potestatem legitimam ad aliquid faciendum, obtinendum, retinendum, utendum, accipiendum, &c. à quibus non possit per alios impediri sine injuria, nisi adsit urgens ratio. Dixi potestatem legiti-

mam, id est, legibus consentaneam: aliàs enim, si solum habeatur per nudam potentiam, vel virium robur, non est jus, sed vis potius & injuria. Adde per *facere*, intelligi negotiari cum concivibus vel populo vicino, incedere per viam regiam, habere transitum per terram alienam, &c. Per *obtinere*, intelligitur acquirere officium, benefici-

ff 3 cium,



cium, &c. Per *retinere*, continuare possessionem rei suæ. Per *uti*, usurpare membra aut alias res suas. Per *accipere* denique, acceptare ea, quæ gratis offeruntur. Additur autem in fine, à *quibus non possit per alios impediri sine injuria, nisi adsiturgens ratio*; quia hæc occurrente (ut v. g. dum publicum ac commune bonum id postulat, aut alicujus delictum id meretur) potest quicumque ab illa potestate sine injuria impediri. Alii brevius jus dictum hoc modo describunt, quòd scil. sit legitima potestas ad rem, functionem, vel quali functionem obtinendam: & Franc. B. Spei illud definit: *Iustum alteri debitum per æqualitatem servandum.*

3. Dico secundò, jus primò dividitur in naturale & positivum: naturale est, quòd alicui competit de lege naturalis: positivum, quòd de lege positiva, Divina vel humana, ecclesiastica vel civili. Ulterius, dividitur etiam in jus in re & jus ad rem. Jus in re dicitur illud, quòd facit rem ipsam alicui obligatam, ita ut pariat actionem realem. Jus ad rem verò est illud, quo res necdum est obligata secundum se, sed tantum tribuit actionem in personam, ut talem rem quis faciat suam: unde hoc jus parit tantum actionem personalem, sive, ut in judicio, agas contra personam, quæ tibi circa hoc jus adversatur. Ita ferè Franc. B. Spei de *Jure & Just. disp. 2. num. 8.* Ut quis habeat jus in re, tria requiruntur: primum, ut res sit existens: secundum, ut adsit justus titulus v. g. emptionis, donationis, &c. tertium, ut res sit tradita. Ita DD. communiter. Defectu primi, beneficiati non habent jus in re circa fructus suo-

rum beneficiorum, qui sequenti anno iis debentur, eò quòd scil. necdum existant. Defectu secundi illi, qui per iniquum contractum aut furtum rem aliquam possident, non habent jus in re circa talem rem, quia videl. deest justus titulus. Defectu tertii denique, qui emit equum vel mancipium v. g. nondum sibi traditum, non habet jus in re ad ea, sed ad rem tantum; ubi verò traditio accesserit, habebit jus in re, ac si quis ea abduxerit, poterit agere non solum contra abducentem, sed etiam in rem ipsam, ubi eam invenerit. Similiter defectu tertii non habet quis jus in re circa bona sibi debita ex contractibus societatis aut donationis, ex electione canonica jam facta; imò neque ex ipsa cellatione beneficii, vel successione hæreditatis ante acceptance: per hosigitur titulos præcisè non habetur aliud, quam jus ad rem, sive actionis in personam sibi in his casibus adversantem. In casu tamen beneficii ecclesiastici non requiritur vera & realis traditio, sed sufficit collatio & acceptatio, ut habetur *cap. si tibi absenti de præbendis in 6.* licet tamen ad possessionem beneficii traditio, & ejus quasi apprehensio per aliquem actum, ut sessionem in cathedra Episcopali v. g. requiratur.

4. Tertiò jus dividi solet in jus simpliciter, & jus secundum quid. Ad jus sive debitum simpliciter etiam tria requiruntur; primum, ut sit ad alterum; secundum, ut intercedat ratio debiti rigorosi; tertium, ut constituatur per illud æqualitas: unde si unum ex tribus desit, crit solum jus secundum quid: verum de hoc utroque jure commodius infra agetur.



## DVBIVM SECVNDVM.

### Quid & quotuplex dominium?

5. Dico primò, dominium in genere est jus gubernandi, vel disponendi de realiqua tanquam sua. Ita omnes communiter. Per *suum* intellige illud, in quod aliquis habet jus tale, ut possit de eo disponere sine alterius commissione. Dominium igitur duo includit, potentiam ac auctoritatem in rem vel personam, & subjectionem rei vel personæ talem, ut res aut persona dici possit esse alterius; qui enim talem potestatem non habet, non potest verè dominus vocari.

6. Dico secundò, dominium aliud est jurisdictionis, aliud proprietatis: primum est jus gubernandi suos subditos in ipsorum utilitatem & commodum, videl. præcipiendo, prohibendo, judicando, puniendo ac præmiando: secundum verò est jus disponendi de realiqua tanquam sua in ordine ad commodum proprium.

7. Dico tertio, dominium jurisdictionis tot modis dividi potest, quot modis dividitur jurisdictio, à qua vix videtur distingui: unde aliud est dominium jurisdictionis ecclesiasticum, aliud seculare. Dominium proprietatis etiam est duplex, perfectum sive plenum, & imperfectum: dominium perfectum, quod rei proprietatem ejusque commodum includit, est jus in re ad quemlibet ejus usum lege non prohibitum, & vocatur alio nomine dominium in solidum: dominium im-

perfectum est, quod rei proprietatem vebejus commodum tantum includit, unde non est jus ad quemlibet rei usum: estque etiam duplex, directum, quod in sola rei proprietate consistit, & utile quod consistit in sola rei utilitate. Ita omnes post Bartholum, quamvis in rigore dominium utile non videatur esse verum dominium. Vide Franc. disp. 3. num. 2.

Petes, quæ requirantur ad acquisitionem domini alicujus rei?

8. Respondeo ad acquisitionem domini, quod non transferatur ab uno ad alium, sola rei apprehensio sufficit: ita enim acquiritur dominium omnium eorum, quæ nullius sunt. Si verò dominium transferatur, requiritur insuper titulus & traditio, prout habetur *lege traditionibus* 22. cap. de *parochis*: excipe tamen casus sequentes, in quibus traditio non est necessaria; primò in translatione beneficii, cujus dominium acquiritur per solam collationem & acceptionem, ut antè dictum est. Secundò in acquisitione hereditatis; hujus enim sis dominus eam adundo, quod facis dum verbo vel facto eam acceptas. Tertiò in legatis, quorum quis fit dominus, quamprimum hæres acceptat hereditatem. Quartò etiam traditio non est necessaria cum aliquid venditur, donatur, aut relinquitur civitati, locis piis, aut pro causa pia. Quintò excipitur contractus so-

cie.

cietatis omnium bonorum per matrimonium. Sexto denique quando alicui datur v. g. domus sub conditione alendi ipsum dantem; si hoc non fiat quamprimum, sine traditione redit domus ad dantem. In omnibus autem aliis ordinariò requiritur traditio.

9. Nota tamen, si una res pluribus sit vendita, tradendam esse primo emptori; quòd si verò tradita fuerit secundo, cui de priori venditione non constitit, sit ipse dominus; secus, si huic secundo fuerit data gratis: atque hæc omnia diversis legibus sunt statuta, ut legenti Authores constabit.

## DVBIVM TERTIVM.

### *Quinam sint dominii capaces?*

10. Dico primò in generali, omnis & sola natura rationalis est capax dominii. Ratio secundæ partis est, quia ad rationem dominii requiritur potestas disponendi de re sua, quæ creaturæ irrationali competere non potest: ratio verò primæ partis est, quia omnis natura rationalis est libera. Habet igitur Deus dominium perfectissimum in omnes creaturas, item & Angelus in actus suos liberos, sicut & habent jus, ne in fama ledantur. Verum hic communiter DD solum agunt de dominio hominum: circà quod

11. Dico secundò, præterquam quòd iniusti sive peccatores sint veri domini rerum suarum, ut contra Wiclef, Joannem Hus & alios hæreticos definitum est in Concilio Constantiensi sess. 8. & 15. Etiam pueri & amentes verum dominium possunt habere: licet enim pueri & amentes ratione uti, & in ordine ad finem de rebus disponere non valeant, habent tamen intellectum & voluntatem rationalem, adeòque & fundamentum veri dominii: neque enim requiritur actualis usus rationis,

ut patet ex Apostolo *ad Gal. 4.* quamvis tamen lege sancitum sit, ut dominium eorum per procuratores administrari debeat.

12. Dico tertio, filius familias habet plenum dominium bonorum castrensium & quasi castrensium, licet sub patria potestate sit: unde potest de his bonis omnimodè disponere testando, donando, &c. modò sit pubes, id est, quatuordecim annorum; quia proprietas, ususfructus, & administratio dictorum bonorum ad ipsum solum pertinent, de quo jura sunt clara *cap. de peculio castrensi*. Bonorum autem adventitiorum habet solum dominium directum sive proprietatis, quamdiu est sub patria potestate: bonorum verò profectitiorum nec habet dominium directum, neque utile. Fide Franc. B. Spei *de Jure & Just. disp. 3. n. 63. & seq.* Quænam sint bona castrensia, quasi castrensia, &c. diximus agentes de misericordia corporali. Solum hic

13. Adverte, patriam potestatem esse jus, quod habet pater in filium ejusque bona; atque hæc potestas non competit

tit matri: liberaturque filius à patria potestate secundum multarum Provinciarum consuetudinem, primò per matrimonium solemnifatum. Secundò per professionem religiosam. Tertiò per emancipationem, quæ debet fieri presentibus & consentientibus patre & filio coràm iudice: qui tres modi ab omnibus passim observantur, quidquid alii non videantur amplius esse in usu, propter quod iis non immoror.

14. Dico quartò, servus est dominus omnium bonorum, quæ ipsi à Domino dantur in recompensationem injuriæ illatæ. Item eorum, quæ acquirit per illicitum usum sui corporis; necnon quæ acquisivit ludo, & sibi donata sunt à Domino aut aliis.

15. Dico quintò, Religiosi omnes, etiam Mendicantes (exceptis Capucinis & Minoribus de observantia) in communi habent dominium bonorum temporalium, etiam immobilium. Patet ex Trident. ff. 35. cap. 3. Ad do tamen hoc Religiosorum dominium non esse ita independens ac est secularium; quia bona mobilia Religiosorum alienari non possunt nisi in commodum Religionis; ac summus Pontifex propter justam causam, tanquam supremus ecclesiasticorum bonorum Dominus, potest Religiosis auferre bona, relictis necessariis ad sustentationem: quod non ita potest fieri circa bona secularium.

16. Dixi in resolutione *exceptis Capucinis & Minoribus*; quia hi à Tridentino juxta Lezan. sunt excepti hac in parte, prout determinavit Nicolaus III. & Clemens V. quare dominium

eorum, quæ ipsi possident, est penes Papam vel Sedem Apostolicam, maximè post Bullam Martini V. & Pauli III. vel etiam dominium pecuniarum, quæ illis dantur, est apud dantes. Ita Lezana in *summa tom. 1. c. 6.* Quia vero Franc. B. Speide iure & iust. disp. 3. dub. 1. resol. 2. variis rationibus probat: *Vsum justum improprium facti, sive actualis consumptionis rei unico usu consumptibilis ab actuali, transeunte & momentaneo dominio realiter non distingui*: & inde resol. 3. docet, PP. *Minores de Observantia rei unico usu consumptibilis dominium in ipsa consumptione actuali necessario debere habere, sicut ceteri mortaliū habent*: delictatam ab aliquo ex illis RR. PP. ejus argumenta efficaciter solvi: & miratus sum P. Herincx in sua Theol. noviter impressa, sententiam oppositam non magis firmasse.

17. Dico sextò, Religiosi vota solemnia professi, sunt in particulari incapaces dominii, ususfructus, possessionis, & similis juris (de quibus postea) in res temporales. Constat ex cap. non dicitur aliquid proprium 12. quest. 1. Idque etiam expressè inhibetur ab Innocentio III. ac Tridentino ff. 25. cap. 2. & alibi: quare, id est indubitatum apud omnes Catholicos: probaturque hac communi ratione; quia per votum solenne paupertatis se Religiosi reddunt incapaces omnis dominii in particulari: in eo enim differt à voto paupertatis simplici; quod non reddit voventem incapacem dominii, ut patet in PP. Societatis: qui tamen per hoc non desinunt esse veri Religiosi; quia eorum dominium est dependens à voluntate Superioris, ita ut rebus

G g

suīs

suis nullatenus uti possint, nisi devoluntate & dispositione ipsius. Imò qui obstinatâ voluntate ipsos negaret esse Religiosos, incurreret excommunicationem.

18. Dico septimò, Religiosi omnes manent capaces domini, jurum ac bonorum spiritalium v.g. beneficiorum suorum: habent item jus electionum conformiter ad suam Regulam & statuta: nec non etiam ad alimenta, & cetera necessaria. Insuper beneficiati, ut Abbates, Priores, &c. habent administrationem bonorum communium, sicut & dispensationem fructuum suorum beneficiorum, tum pro moderata sustentatione propria, tum ad pias causas. Ita Navarrus, Lessius & P. Franciscus, qui ultimus addit, *nisi ob sit speciale sua Religioni statutum*. Non possunt autem Superiores inferiori concedere aliqua bona immobilia ad usum, vel administrationem irrevocabilem, ut habet Trident. *sess. cit. c. 2.* & quamvis quidam addat apud eundem Franc. *num. 75. si usus talis alicubi ex consuetudine concederetur ad sustentationem v.g. non te-*

*nerentur Religiosi eum sponte tradere Superiori, nisi constaret satis aliundè sibi prov. sum iri*; ipse tamen meritò contrà hoc insurgit. Adde interim, Superiores regulares aliqua bona mobilia posse inferioribus concedere ad usum necessarios, vel pios, ut vestes, libros, & similia statui paupertatis accommodata; item & pecunias aliquas ad usum determinatum, & probabiliùs etiam ad indeterminatum.

19. Sunt autem bona immobilia seu stabilia, fundi, ut prata, vineæ, domus, &c. item & redditus, jura & actiones ad aliquid faciendum, vel quacumque bona sive mobilia, sive immobilia recipiendum. Ita Abbas *in c. nulli de reb. Eccl. non alienand. num. 9. & 10.* Undè per bona stabilia non tantum intelliguntur ea, quæ habent fixam radicem, sed etiam jura fructifera ut sunt census, quibus correspondent redditus annui: servitutes, & similia bona, quæ incorporalia communiter vocantur. Vide pro his omnibus Lezan. *in summa to. 1. cap. 6. & to. 2. c. 1. ac 19.* Ubi latè hanc materiam pertractat.

## D V B I V M   Q V A R T V M.

### *Quarum rerum dominium habeant Clerici?*

20. **D**ico primò, Clerici non Religiosi sunt domini bonorum suorum patrimonialium; non enim ulli juri in ista bona per clericatum renuntiarunt: idem dic de bonis quasi patrimonialibus, iis scil. quæ non ratione beneficii præcisè, sed ratione ministerii ecclesiastici, et concinonâ,

do, docendo, cantando, visitando, &c. acquiruntur; quia hæc sunt proprii laboris stipendia. Ubi adverte, Clericos, si prædicta bona expendant in pias causas, aut sui vel familiæ sustentationem, posse tantum dè ex fructibus sui beneficii superfluis sibi reservare, vel tantum dè in usum non pium expendere: idq; quam-

quamvis, dū prædicta bona ita expen-  
runt, habuissent expressam volunta-  
tem non faciendi postea similem com-  
pensationem: quia volitio præcedens  
non compensandi, nō auferit eis licen-  
tiam mutandi propositum & compen-  
sationem postea faciendi. Ita Bardi  
*disc. 6. c. 6. §. 7.* & eruitur ex dictis *tr. 2.*  
*disp. 6. num. 10.* Sed

21. Præter dicta bona habent Clerici  
beneficiati bona merè ecclesiastica,  
quæ sunt ipsi fructus beneficii vel ec-  
clesiasticæ dignitatis, ut fructus Can-  
onicatus, Decanatus, Præposituræ,  
Episcopatus, &c. ac de his multum in-  
ter DD. controversitur, an eorum sint  
veri domini, etiam quoad ea, quæ non  
sunt necessaria ad congruam sustenta-  
tionem? Verum & hæc habet suam la-  
titudinem; nam una est congrua sus-  
tentatio infima v.g. 500. alia media v.  
g. 600. alia summa v.g. 700. & sic cum  
proportionem magis vel minus. Nec po-  
test hæc congrua sustentatio in parti-  
culari benè certò determinari. Hoc so-  
lum observa, in ea assignanda debere  
attendi tum ad qualitatem beneficii,  
ita ut quòd hoc est dignius, eò majores  
expensæ in victu & vestitu, in servo-  
rum numero, &c. fieri possint: tum et-  
iam attendenda est qualitas personæ  
beneficiatæ, ita ut nobili, vel valdè do-  
cto plures sumptus necessarii judicen-  
tur, vel saltèm permittantur, quàm al-  
teri ignobili, vel non ita docto: cum  
enim cæteris paribus cedat in hono-  
rem ac commodum Ecclesiæ, si nobiles  
& docti ad beneficia ecclesiastica pro-  
moveantur, decet ut istiusmodi perso-  
nis stipendia uberiora assignentur. Ita  
plures recentiores; caveatur tamen ab

excessu nimio præsertim in nobilibus.  
His positis

22. Dico secundò, verior & com-  
munior sententia docet, Clericos be-  
neficiatos fieri veros dominos fructu-  
um suorum beneficiorum, qui super-  
flui sunt congruæ sustentationi. Probo  
ex *Trid. sess. 24. c. 12.* ubi dicitur, ab-  
sentem beneficiarium per trimestre,  
non facere fructus suos; ergò à contra-  
rio præsens facit fructus suos, adeoque  
& eorum est Dominus. Deinde non est  
ex quo capite tali dominio priventur:  
nec enim ministri Ecclesiæ pejoris con-  
ditionis sunt, quàm ministri Regum &  
Principum, qui sunt domini stipen-  
diorum suorum. Dum igitur dicta bo-  
na sive fructus à Conciliis vel PP. vo-  
cantur patrimonium Christi, solum in-  
sinuant, ea esse data in honorem Chri-  
sti: & quando dicuntur bona paupe-  
rum, est quia Clerici specialiter obli-  
gantur ea distribuere pauperibus juxta  
statim dicenda; vel etiam quia antè di-  
visionem bonorum ecclesiasticorum  
factam à Gelasio Papa *cap. quatuor au-  
tem*, ipsi sunt Clerici erant pauperes  
prout nunc sunt Religiosi, dominio  
omnium bonorum ecclesiasticorum  
remanente penes communitatem. Vi-  
de circa hæc Franc. N. *de jure & just.*  
*disp. 3. n. 66.*

23. Neque obest dicto Clericorum  
dominio, quòd testari non possint de  
bonis sui beneficii commode susten-  
tationi superfluis, ut habetur *cap. cum  
in officiis. cap. quia nos, & cap. relatum tit.  
de Testam.* quia (præterquam quod pu-  
pilli & amentes sint veri domini, licet  
de suis bonis testari nequeant) dicta  
jura in multis pariter cessant per con-

trariam consuetudinem, ut de Hispania, Gallia, & Belgio referunt recentiores: ac de his regionibus constat, testamenta de dictis bonis validè fieri etiam ob causas profanas: deinde dici potest jura allata fortè solùm intendere, Clericos ex dictis bonis non posse testari licitè juxta resolutionem sequentem, nisi adsit titulus pietatis. Quare

24. Dico tertio, ex charitate sub mortali obligante tenentur Clerici bona sui beneficii, sustentationi superflua, pauperibus, vel in causas pias erogare. Ita omnes DD. communiter: & constat ex eo quòd ea bona dicantur patrimonium Christi, & bona pauperum, quod Clerici vocentur eorum administratores, procuratores, &c. irem ex exaggeratione SS. PP. quam vide apud autores: Deinde idem est manifestum ex Trid. *cap. 1. de reform.* interdicente usus profanos & ditationem parentum per ista bona, *quæ, ut loquitur Concilium, res Dei sunt.* Nec dici potest, Ecclesiam ibi loqui de bonis immobilibus Ecclesiæ, vel ejusdem suppellectile, quia permittit, ut bona, de quibus ibi est sermo, dentur consanguineis indigentibus, quod fieri non potest de bonis Ecclesiæ. Interim.

25. Nota, certum esse apud omnes ferè DD. Episcopos & alios beneficiarios posse vivere ex fructibus suorum beneficiorum, licet aliundè habeant

abundantiam bonorum patrimonialium; quia qui inservit altari, decet ut de altari vivat: quare si parè vivendo partem congruæ sustentationis velint sibi reservare, fiunt istius partis perfecti domini sicut sunt patrimonialium. Ita Sotus, Navarrus & alii. Ratio est, quod utantur juxta laboris mercedem: & si Tridentinum vetet, ne beneficiati ditent suos consanguineos aut amicos, intellige de bonis sustentationi congruæ superfluis; ad quam sustentationem spectat, erigere moderata convivia, propriam ornare domum, alere totam familiam, remunerare suos benefactores, honestè tractare hospites, ac amicos, &c. unde ad hæc omnia possunt necessaria desumi ex bonis beneficii.

26. Adde, Sylvium quidem docere, si quis erigatur ad Episcopatum v. g. cum posse de bonis ejusdem sustentationi superfluis elevare suos consanguineos, etiam ante pro suo statu divites; quia per similem elevationem filii fratris, aut nepotis v. g. etiam consanguinei elevantur, ac consequenter requirunt statum excellentiorem quàm antè; adeoque poterit his saltem proximioribus succurrere ex bonis sui beneficii, ne paupertas eorum cedat in dedecus ipsius elevati. Itaque ille: tamen cave per hoc palliare ditationem parentum à Tridentino inhibitam, & multa alia, quæ sequuntur, valde periculosa.

DVBIVM QVINTVM.

*An homo habeat dominium in vitam & famam ?*

27. **D**ico primò, nullus homo habet plenum dominium suæ vitæ aut membrorum : bene tamen dominium utile. Est communis. Probat-ur primâ pars, quia Deus sibi soli re-servavit dominium in prædicta, ut constat ex Script. *Deuter. 32. Sapient. 16.* & alibi. Unde in nullo casu potest homo seipsum occidere. Quod au-tem in quibusdam casibus possit seip-sum mutilare, per accidens fit, ne aliâs vita ipsa exponatur periculo : quod non inducit dominium in sua mem-bra ; nam & medico quandoque licitum est mutilare ægrotum ad hujus vitam conservandam, nec tamen ha-bet dominium in membra ægroti, ut notat Urbanus *tract. 3. tit. 4. fol. 501.* Probat-ur secundâ pars, quia quilibet homo habet jus ad semper possiden-dum, utendum ac fruendum vita ac membris propriis pro suo arbitrio : unde occidens, aut mutilans alterum, item & impediens vi ; ne altera actiones suas exerceat, eidem injuriam facit : atque hinc

28. Dico secundò, nemo habet do-minium plenum in vitam, aut membra alterius. Patet ex probationibus pri-mæ resolutionis : potest tamen alter in alterum habere dominium utile, ita ut unus homo dicatur Dominus alterius, & alter verus servus. Colligitur ex

Script. *Exodi 21. Levitic. 25. & 45.* ubi dicta servitus approbatur. Deinde cum homo habeat dominium utile vitæ suæ ac membrorum, potest illud legitime transferre in alterum : unde dum servitus dicitur esse contra natu-ram, non ita intelligendum est, quasi sit contra legem naturæ, aut rectæ ra-tioni repugnans, sed tantum quia est contra primævam naturæ humanæ conditionem, & naturalem homi-num inter se paritatem, ut inquit Wiggers ; vel, ut ait noster Urbanus, ita intelligi debet, ut sit quidem con-tra naturam negativè, quia natura ne-minem alteri tanquam mancipium addicit ; non vero positivè, quali jus naturale servitutem positivè vetet.

29. Dico tertio, homo habet ve-rum dominium suæ famæ ac honoris : cum enim quisque famam per pro-prios labores, ut per scientiam ac vir-tutes sibi acquirat, non est cur minus illius, quàm bonorum temporalium dominus dicatur. Deinde in multis casibus non solum sine injuria, sed etiam absque omni peccato potest quis se infamare ; ergo est suæ famæ domi-nus. Casus similes quatuor adfert Urban. *ubi supra* ; quorum primus est, quando necessarium est hic & nunc petere consilium, tunc enim possum licitè meum occultum crimen revela-

re. Secundus quando id fit ad nostram humiliationem. Tertius si fiat ad superbiam amputandam, vel ad aliud peccatum, cujus periculo exponimur, vitandum. Denique ad Dei misericordiam magis hominibus declarandam, aut ob similem alium finem honestum, ob quem S. Augustinus, aliique sua peccata, etiam gravia omnibus fecerunt nota.

30. Nec obest Dominio hominis infamam suam, quod sæpe peccet se infamando: quia prodigus in pecuniis etiam sæpe peccat, licet earum sit verus dominus. Neque unquam juxta Urbanum quis mortaliter delinquit infamando se sine causa, si id fiat sine detrimento aliorum; quia sic est solum peccatum prodigalitatis, quod. inquit, ex suo genere est solum veniale.

31. Adverte interim, in multis casibus posse aliquem delinquere mortaliter se infamando propter nocumentum, quod per hoc aliis creat: sic enim primò graviter peccat pater seipsum infamans ordinariè loquendo; quia fama patris est naturâ suâ alligata filiis. Secundò potest etiam graviter peccare Superior se diffamando, quia ejus fama quasi ex iustitia est obligata subditis. Hæc tamen non tollunt dominium hominis in suam famam, ut patet ex bonis vincularis, & patrefamilias, qui non obstante dominio rerum suarum, non licitè eas expendit cum detrimento familiae. Cæterum constat, hominem habere plenum dominium suarum rerum temporalium. Pro acquisitione tamen dominii earum in particulari, sit

## DVBIVM SEXTVM.

### *De modis acquirendi dominia.*

#### §. I.

### Quomodo acquiratur dominium in homines, & animalia?

32. **D**ico primò, dominium in hominem potest acquiri quatuor modis. Primò, titulo natiuitatis; sic servus est, qui ex matre serva nascitur. Secundò ratione captionis in bello iusto; cum enim in bello captus iuste possit occidi, fit ipsi adhuc magna gratia, si ei permittatur vivere in servitu-

te. Excipe tamen Christianos, qui à Christianis in bello capti non sunt servi, sed captivi dumtaxat, idque in recognitionem libertatis, qua Christus eos donavit. Tertiò acquiritur dominium in hominem ratione iustæ condemnationis propter crimen, ob quod meritò quis libertate privatur. Deni-

Deni-



Denique titulo venditionis, quando scil. quis à se vel à patre venditur. Ita P. Franc. *disp. 3. num. 85.*

33. Dico secundò, animalia irrationalia naturà suà mansueta, qualia sunt oves, boves, gallinæ, &c. retinent dominum ubicumque vagantur. Constat *ex institut. de rerum divisione, §. gallinarum*: unde ea capiens nunquam eorum acquirit dominium, licet quis ea ex lupi faucibus rapuerit: si tamen recuperari non potuissent absque periculo tanto, quin ipsum periculum tanti moraliter æstimeretur, quanti ipsa animalia, & nihilominus dominus ea voluerit recipere tanquam suà; qui sic ea periculo eripuisset, posset jure pretium sui laboris ac periculi exigere, obligareturque proinde eorum dominus, aut ea alteri pro pretio relinquere, aut pretium æquivalens persolvere. Ita Urban. *tr. 3. tit. 4. c. 5. fol. 506.*

34. Dico tertio, animalia silvestria, qualia sunt lepores, cervi, &c. sunt primi occupantis: si verò hujus custodiam evadentia naturalem recuperent libertatem, sunt secundi capientis. Patet *ex eadem instit. §. fera bestia*: recuperant autem dicta animalia libertatem, quando oculos domini evaserunt, ac moraliter impossibile est, ea brevi tempore capere; vel, ut alii, quandocumque valde difficilis redditur eorum captura. Hinc ex Motina & Urbano inferes, dicta animalia inclusa in silvis, & potiori jure, quæ non sunt inclusa, similiterque pisces in lacubus, modo lacus & silvæ sunt magnæ vastitatis, non esse sub dominio domini silvæ aut lacus; quia sicut absolute sunt capri difficiles, ita ibidem

naturalem possident libertatem, suntque capientium. Quod verum manet, licet quis ea animalia à se capta vel empta in suam silvam, vel pisces in lacum suum immisisset. Secus tamen dic de feris, aut piscibus inclusis exiguis saltibus, aut vivariis, ita ut facile, cum libuerit, capi possint. Ita Urbanus *loc. cit. quæst. 1.* Quibus adde, examen apum (cum apes sint de hoc genere animalium) postquam oculos domini evasit, fieri capientis, posseque à quolibet capi, licet ex aliena arbore pendeat, quamvis tamen quis impedire possit, ne in hunc finem alii intrent hortum suum. Ita *institut. cit. §. apum quoque*. Vide P. Franc. *num. 87.*

35. Dico quartò, animalia mansueta (qualia sunt columbæ, cervi, & cuniculi, qui domi nutriuntur) domini sunt, quamdiu redeundi retinent consuetudinem, neque ab ullo capi possunt; bene postquam dictam consuetudinem amisierunt: hanc aurem amittunt juxta Navarrum & quosdam alios, dum bis vel ter more consueto non redeunt. Verùm potius puto cum Wiggers id judicio prudentum relinquendum esse; quia (ut bene Urbanus) si more solito non redeant, facile quæri possunt ac reduci, quamvis per octo vel etiam quindecim dies non revertantur; quare tunc necdum dici possunt, amisisse consuetudinem redeundi, aut naturalem acquisivisse libertatem. Admitto interim cum eodem Wiggers regulam pro columbis, saltem in his partibus. Caterùm ubi constiterit, animal mansuetum naturalem suam libertatem obtinuisse,

se, fiet primi capientis, etiam licet signum impressum circumferret, quo cognoscitur cujus fuerit; quia naturali obtrita libertate de potestate prioris domini exiit: atque hæc jure communi & Casareo statuta sunt; quidquid tamen in his omnibus, sicut & sequentibus attendi debeat ad locorum consuetudines. Pro occasione

36. Quæres, an unicuique sit licitum tenere columbas? Respondeo affirmative, nisi speciali lege id prohibeatur; modo tamen à domino alantur vel domi, vel in agris propriis: si enim eas dominus non aleret, peccaret ratione damni, quod inde vicini paterentur. Ita Bacho *quodlib. lib. 3. quest. 4. arr. 1.* ubi tres casus excipit, in quibus quis à dicto peccato posset excusari: imò videtur similes excusare generaliter à mortali Urbanus *loc. cit. cap. 6. fol. 510.* tum quia talis est consuetudo legitime præscripta, tum quia damnum, quod columbæ inferunt, non potest esse magnum: pabulum siquidem earum magis naturale sunt prava semina, quæ sata suffocant lolium, nigella, &c. nec detegunt semina terræ mandata, ut patet ex eo, quod in agro, in quo situm est columbarium, non minus colligatur grani, quam in vicinis: nec spicas evellunt, sed granis tantum prolapsis vescuntur. Ita ille: quæ tamen aliis fortè videbuntur minus vera, cum DD. communiter doceant contra ipsum, & Molinam, eas vicinis magnum inferre detrimentum, adeoque accensent eos peccati mortalis, qui illas domi vel in agris propriis non alunt: & re-

vera putò, experientia esse manifestum, columbas lolium & nigellam non attingere, quamdiu vera grana reperiunt: atque ideo iuxta communem DD. sententiam licitum est, eas capere vel occidere, si in tuis satis comedant, vel in tuo columbario. Ita Toletus, Sylvius & alii, quia aliter damno occurri nequit. Non licet tamen arte, vel exquilitis ad hoc seminibus alienas columbas ad suum trahere columbarium; & sic captæ debent domino restitui: secus si sponte cum tuis columbis redeant ad tuum columbarium. Sylvius & alii communiter. Attende tamen semper ad consuetudinem loci, ut ante movi: quia in aliquibus locis mos est, undecunque & quomodocunque columbas attrahere, ubi id, teste Urbano, nemo rationabiliter invitus patitur. Vide etiam P. Franc. *num. 88.*

Peteshic fortè, quid dicendum sit de eo, qui ex sylva aliena ligna cedit, tum ad proprium suum usum, tum ut aliis vendat? Respondet Burghaber *Centur. 3. casu 77.* sequentibus verbis. Probabile est, illum in alienis sylvis non circumseptis absque devastatione & immoderata strage ligna cedentem & avehentem non peccare, saltem mortaliter, nec teneri ad ullam restitutionem. Ita Bannez 2. *quest. 62. arr. 3. dub. 4. conclus. 2. & 3.* Salomius, Ledesma, & plures alii Dominicani, quos refert, & eorum opinionem probabilem censet Dedicastillo *de just. tr. D. 9. num. 357.* Ratio est, quia ejusmodi sylvæ ab initio non alia lege fuerunt concessæ communitatibus, aut privatis dominis, quam ut ipsi liceret

liceret in illis lignare impunè , non item aliis, citra majorem tamen obligationem vel peccati contrahendi, vel restitutionis faciendæ, nisi devastacionem aut stragem majorem facerent, ut sic aliquod foret discrimen inter arbores frugiferas & sylvestres ; cum enim ista singulari cultura non indigeant, sicut illæ , sed eas humus sua sponte procreet, non decuit ita has sylvestres arbores appropriari uni, ut nullo modo sui indidem possint ceteri. Secus fereshabet, si prædictæ sylvæ sint cir-

cumseptæ, vel proprio alicujus labore plantatæ, aut si ligna ab alio jam fuerint cæsa, & in strues coniecta, quia hac ratione tam ipsæ sylvæ, quam ligna in eis cæsa sufficienter jam censentur alicui appropriata, ut absque injuria domini auferri ex illis aliquid nequeat : Ita ille, & alii non irrationaliter concedentes tamen posse sub pœna à dominis inhiberi , ne etiam in prioribus sylvis quis ligna cedat.)

**§. II.**

**Resolvuntur varia circa venationem, & piscationem.**

37. **D**ico primò, in dubio an fera sit vulnerantis an capientis, hujus est, nisi ex parte vulnerantis hæc tria concurrant: primum, si sufficienter læserit ad capiendum : secundum, si eam sic læsam persequatur : tertium, si sit moraliter certum, quòd eam ipse fuisset comprehensurus; si enim vel hoc solum dubium fuerit, erit capientis, cum tunc censeatur adhuc remanere in sua libertate naturali. *Leg. naturalis ff. de acquisitione domini.*

38. Dico secundò, fera laqueo vel reti tuo capta, tua est, si fuerit inextricabiliter illaqueata, ita ut luctando se liberare non valeat: si secùs, erit capientis. Ratio utriusque est, quia in primo casu per similem illaqueationem amisit libertatem suam naturalem, devenitque in possessionem

ponentis laqueum per dictam quasi apprehensionem, quæ potest fieri tam per instrumentum, quam per ipsam manum immediatè. Secundo verò casu necdum amisit suam libertatem, adeoque fit primi occupantis: si autem dubium sit, an inextricabiliter, an extricabiliter fuerit illaqueata, verosimilius est ponentis laqueum, qui per similem intricationem fit quodammodo possessor, cujus est melior conditio, quamvis plures velint in hoc casu feram esse dividendam.

39. Dico tertio, si re insequente fera incidat in mea retia inextricabiliter, sit mea; quia tu non acquiris ejus possessionem eam insequendo, sed ego capiendo. Ita plures, quidquid Fuliæ dicat, esse primò arripientis, & Urbanus eam vellet esse utriusque.

Hh

Cum

Cum proportione adhuc resolves de piscibus secundum quod extricabiliter, vel inextricabiliter in nassa capiuntur & intricantur: item & de avibus similiter. Cæterum si fera, avis vel piscis sit in reti meo vel nassa, etiam solum extricabiliter, modò ego adsim, non potest alius me prævenire in capiendo: quia peristam intricacionem saltem acquiro aliquod jus ad rem, quod ab alio nullum prorsus jus habente, præveniri non potest.

Peres, an Princeps justè inhibeat venationem: & an hæc inhibitiò obliget subditos sub peccato?

40. Resp. & dico quartò, licitum est Principi inhibere venationem (atque idem est de piscatione & aucupio) in locis juris publici varias ob causas: ut primò, dum id necessarium judicatur ad onera Reip. sustinenda: tunc enim jus illud potest elocari, ut sic procurentur pecuniæ necessariae ipsi Principi aut Reipub. Secundò, dum id est necessarium ad tempus, ne alias totum ferè genus ferarum deleatur; ut si omnes passim venarentur quando feræ sunt gravidæ, aut dum nix jacet. Tertiò inhibere potest, ne venatio fiat cæcis instrumentis ob eandem rationem, sunt enim quædam instrumenta, quibus ferè omnia animalia capi possent. Quartò insuper, potest quilibet Princeps venationem in dictis locis inhibere de consensu populi, si ve gratis, si ve per contractum præstito; potest enim populum cedere juri suo. Atque hæc omnia sunt clara.

41. Dico quintò, etiam est licitum Principi inhibere venationem, & jus

venandi sibi reservare in certis locis, etiam publici juris, ob solam suam recreationem absque populi consensu. Ita recentiores communiter. Ratio est, quia, cum Princeps totus impendi debeat in gubernanda Rep. potest quædam loca sibi ad recreationem determinare, vel maximè, cum id ipsum conducatur ad Principis dignitatem. Interim tamen iidem recentiores consent, inhumanum fore, si quis Princeps veller populum ab omnibus locis excludere, & sibi soli omnem omnino venationem reservare: imò, id propè tyrannicum vocant Becanus, Wiggers & alii, nisi fortè talem ob causam Princeps aliquid populo remittat de tributis sibi debitis, vel aliter compenset: durum enim nimis esset privare totum populum omni recreatione & utilitate venationis, quæ jure naturali & gentium ipsi est concessa, ob solum commodum & recreationem Principis.

42. Adde, "Principem quodcumque jus in venatione sibi reservantem obligari ad præcavenda damna, quæ animalia possent agris vicinorum, vel aliis eorum bonis inferre: aliàs enim tenebitur compensare damna illata. Nec quemquam in particulari ab hoc excusari, quòd à multis hæc obligatio parvipendatur, ut bene monet Wiggers: nam licet non sit, qui similes hic cogat ad similia damna, sæpe non parva, restituenda; etenim aliquando stabunt justissimi magna constantia adversus eos, qui se angustaverunt. Excipit tamen à dicto onere, & bene, N. Urbanus Principes illos, quibus vicinorum agri sunt feudatarii, dum videl. Princeps

in eis sibi reservavit jus venationis, ferarumque multiplicationis, antequam eos agros colonis divideret, venderet, vel elocaret? tunc enim hoc onus pertinet ad servitutem justè retentam; atque hoc, teste eodem Urbano, sæpe accidit, dicens, similem servitutem legitimo tempore posse præscribi, modo habeatur justus titulus.

43. Dico sexto, qui venatur in loco juris publici vel privati ubi est prohibitum venari, peccat quidem pro ratione illatæ injuriæ, non tenetur tamen ad restitutionem ferarum, quas cepit. Prob. prima pars, quia invito domino non potest alienus fundus invadi: debet interim injuria quoad feras esse magni momenti, ut constituat peccatum mortale; quia communi hominum judicio censetur obligatio non venandi parum urgere conscientiam, nisi notabile valdè damnum inferatur, prout fieri potest, dum feræ sunt gravidæ, vel tam frequens est venatio, ut pene exhauriantur feræ sylvestres: alioqui enim Princeps videtur contentus esse sola mulcta, quam incurrit venator deprehensus post sententiam Judicis: atque hæc mulcta solum debet esse pecuniaria, nisi quis sæpe in pecuniis multatus censeretur non velle se emendare; tunc enim videtur flagellatio posse adhiberi. Dixi *injuria quoad feras debet esse magni momenti*, &c. quia qui per venationem infert alteri damnum in bonis suis, peccat pro ratione damni, & tenetur ad restitutionem.

44. Prob. secunda pars, quia feræ capte nullius erant, utpotè cum essent

in sua libertate naturali, etiam facta prohibitione, aut loci prohibiti elocatione, unde nec erant prohibentis, nec similem locum conducentis: posset tamen Princeps lege sua extraordinaria eum reddere incapacem dominii ferarum, qui in alieno fundo venatur invito domino. Ita Urbanus & Wiggers; qui ultimus cum Medina notat, posse venatorem excusari, etiam ab onere reparandi damnum grave in ordine ad Principem, eò quòd hic ordinariè non solear curare talem restitutionem, sed ei sufficiat, quòd deprehensi mulctam solvant. Cæterum, qui venatur in loco clauso non magnæ vastitatis, vel piscatur in alterius vivario domino invito, peccat contra justitiam, & tenetur ad restitutionem ferarum vel piscium, ut ex dictis patet.

45. Adde venationem, ratione status, Clerici lege pontificia esse inhabitam, ne à cultu Divino ad hanc voluptatem deficient. Patet ex cap. 1. de Clerico venatore, estque desumptum ex Concilio Aurelianensi: hoc tamen maximè intelligendum est de venatione, quæ fit cum magno strepitu & armorum vi, ita ut à mortali non videatur excusandi, juxta Wiggers & alios, Clerici in sacris constituti (idem dic de Religiosis) frequenter incumbentes venationibus talibus: si tamen (inquit idem Wiggers) id rariùs, & non ex consuetudine, sed quasi ex accidente fieret, solum venialiter peccaretur, modo absit periculum gravis scandali, aut homicidii, & mutilationis. Ita etiam Medina & Sylvester. Quibus adde insuper ex Urbano &

cæteris satis communiter, si venatio non sit clamorosa, strepitu canum & vi armorum facta, nullum esse peccatum; quia hæc solum censetur Clericis inhibita. Unde licitum est eis venari cum retribus, laqueis, aut paucis canibus, modo desit scandalum. Neque est mortale venari die Festo aut

Dominico, si Sacrum audiatur, & absit periculum scandalum; quia venatio non numeratur inter opera servilia: præcipuis tamen Festis venari, est indecorum, ut ait Becanus: & eam tunc vix posse fieri absque scandalo, tradit Wiggers.

### §. III.

## De acquisitione dominii rerum inventarum.

46. **D**ico primò, inventa, quæ nunquam habuerunt dominum, sunt inventoris sive primi occupantis. Patet ex antedictis: talia autem sunt gemmæ, lapides pretiosi, & similia, quæ inveniuntur in litore maris: item illa, quorum dominus temporis longinquitate ignoratur; nec non ea quæ habentur pro derelictis: quæ sunt ea, quæ dominus facile potest recuperare, & non facit, vel quæ sponte abijcit. Ubi adverte, cum dici primò occupare, qui primò arripit, non qui primò videt; quod constat ex donis nullis, ut v.g. pecuniis, quæ populo sparguntur, ubi non primò videns, sed primò arripiens dominus instituitur.

47. Nota hic insuper, bona ejecta à naufragantibus non censeri hoc ipso derelicta; imo ea, si Christianorum sunt, nullus occupare potest, quin incurrat excommunicationem Bullæ Cænæ Domini: quæ tamen non incurreretur, si verosimilius sit, veros dominos, quos arripiens non novit, nunquam ad ea recuperanda reversuros;

in tali enim casu annumerantur bonis derelictis.

48. Dico secundò, inventa, quæ verum dominum habent, ipsi domino restituenda sunt, si hic ab inventore possit dignosci. Est certum. Quòd, si post diligentem inquisitionem dominus reperiri non possit, juxta còmuniorè sententiam debent dari pauperibus; quia non dimittitur vel non liberatur quis à peccato, nisi restituatur ablatum: secundum autem præsumptam voluntatem domini tales res sunt dandæ pauperibus vel applicandæ in pias causas, quatenus sic restituantur, & profint ipsi domino, quantum hic & nunc prodesse possunt. Verum hoc non obstante DD. probatissimi sustinent, posse probabiliter inventorem similia bona sibi reservare. Ita Less. Malder. Medina, Henriq. Diana, & alii quos citat & sequitur Burghaber *Centur. 1. casu 68.* idque Franc. B. Spei sustinet specialiter pro Belgio. Atque id omnino certum est, si ipse inventor sit verè pauper, etiam respective secundum statum suum, qui res similes

similes retinere poterit ad relevationem paupertatis propriæ. Ubi tamen inventores dominum rei inventæ resciverint, tenentur, quamprimum possunt, eam domino restituere: nec potest inventor dominum ex iustitia obligare ad aliquid sibi dandum propter redditionem rei inventæ; nam hæc res est tota domini, ac consequenter nullum jus habet inventor ad aliquid ipsius: poterit tamen quod ultro à domino offertur acceptare, vel ex gratitudine aliquid petere; imo & ex iustitia exigere recompensationem laboris, aut damni, quod subiit per talis rei inventionem, custodiam, & relationem.

Contrà secundam resolutionis partem, sic discurret Caramuel fundam. 59. 1. par. §. 4. num. 1259.

49. Ioannes noctu grassatur per plateas, spoliavit nonnullos, quos non cognovit, nec post diligens examen cognoscit, nunc pauperentiâ ductus ad pedes mei Diana (tenet enim illam sententiam) pervolvitur, & inquit anteneatur ad restitutionem? si illi pauperibus facturum restitutionem Diana dicat, Ioannes reponet Dianam in consequentia laborare. Hæc & alia Caramuel loc. cit. ad quæ cum omnibus respondet Diana, quod bona per delictum contracta vel comparata, quæ diligenti inquisitione adhibita remanent incerta, sint elargienda pauperibus ex cap. cum tu §. de usuris, & hoc DD. communiter extendunt ad quodcumque delictum, prout etiam colligitur ex cap. cum sit, de iudicis: est & in omnibus eadem ratio, ut scil. hominibus iniquis integrum relinquatur ex sua iniquitate discere sub spe rapiendo,

quæ postmodum non debebunt restituere dum dominus ignorabitur. Unde bene Castrus Palaus. tom. 7. diss. 1. pun. 18. §. 8. num. 3. sic inter cætera dicitur. Licet verum sit ex natura rei, seu spectatâ iustitiâ legibus seclusis, quæcumque debita incerta ex usura, simonia, aliisque delicto habita non esse in pauperes aliòve pios usus eroganda, quia iustitia tantum obligat debitum reddi ei, cuius est: quo non comparante, impossibilis est talis redditio & obligatio: neque pauperes aliòve opera pia sunt partes, neque heredes necessarii creditoris. At tamen iure positivo in penam criminis commissi impedita est domini acquisitio: quod colligitur ex eo, quod in defectum veri domini pauperes, aliòve pia opera designantur, inter quos distributio facienda sit. Ita Palaus. Vide etiam Dianam par. 11. tr. 1. res. 12. Quia igitur de bona fide inventis nulla existat constitutio, ur dentur pauperibus, probabiliter possunt ab inventore retineri: quod idem sustinet Navarra de Mercatore, qui bonâ fide accepit 100. loco 80. & emens non potest inveniri; eum nimirum posse excessum sibi retinere; secus si malâ fide acciderit. Diana super tract. 8. res. 12. petit, an pauperes, qui res aliquas inventas pro eleemosyna habuerunt, si dominus comparcat, teneantur illa restituere? & respondet his verbis, negativam sententiam sustinet Sotus, Ledesma, Navarra, etiam si propria specie res existat, vel ob eius consumptionem ditiores facti fuerint; quia non mutuo, sed in eleemosynam acceperunt, sicuti si ipse dominus rem illi concessisset: verum magis probabiliter dicendum est, in tali casu obligationem restituendi adesse, & ita docet Molina, & Layman. Dico ego certò obligationem

restituendi adesse in isto casu: quia similes eleemosynæ dantur sub conditione restituendi si dominus postea compareat re existente adhuc in propria specie, sicut absolute à principio non darentur, si dominus à principio compareret.

50. Dico tertio, thesaurus (qui nihil est aliud quam vetus pecuniæ depositio aut alterius rei mobilis, cujus non exstat memoria) inventoris est de jure naturæ: veruntamen sequentia sunt jure civili in commune bonum iuste ordinata. Primo, ut thesaurus arte magicâ inventus sit fisci: quamvis tamen magus non teneatur cum fisco tradere, nisi post sententiam judicis, eò quod sit lex pœnalis. Secundo, ut inventus in loco publico dividatur inter inventorem & fiscum, vel ipsam communitatem. Tertio, ut repertus in loco sacro dividatur inter Prælatum vel Ecclesiam & inventorem, si casu aut delictum Prælati repertus fuerit; si verò secus, totus est Prælati. Idem cum proportionem dic de thesauro invento in terra aliena, cum, vel sine licentia domini loci, casu vel de industria inventoris. Quinto denique, statutum est, ut thesaurus inventus

in loco proprio, totus sit inventoris.

51. Petes, an locus in quo cognoscitur latere thesaurus, emi possit, ac si de eo nihil constaret? Resp. affirmativè cum D. Thoma & aliis contra quosdam antiquiores. Probat, quia justum rei pretium non sumitur ab utilitate, quam res emptori adfert, sed ex communi hominum æstimatione: unde, quantumvis ea alicui utilis sit, potest hic eam emere prout ab aliis æstimatur: sic enim qui scit, ex decreto Principis nondum evulgato, erigendam esse civitatem in certo loco, potest vicinos agros emere pretio currenti, ut communiter omnes DD. tradunt: item potest pharmacopola, v.g. in fasciculo herbarum videns unam plantam pretiosam, fasciculum emere pretio currenti sive ordinario. Similiter etiam si emissi à milite vel alio sacculus cum lupulo, lino, &c. ac postea in eo reperias thesaurum, non teneris augere pretium: secus tamen dic de eo, qui à rustico emisset pretiosum lapidem vili pretio, eò quod rusticus valorem ejus ignoraret; quia talis lapis sive valet ex communi hominum æstimatione; cujus contrarium in prædictis accidit.

## S. IV.

### De præscriptione & usucapione.

52. **P**Ræscriptionem & usucapionem solabant jurisperiti inter se distinguere, quas tamen confundunt canonistæ: imò & eas jam communiter etiam à jurisperitis confundi, docet

N. Urban. *tr. 3. tit. 4. c. 7. fol. 514.*quare præscriptio sive usucapio, est acquisitio dominii per continuationem temporis lege definiti. Ita DD. communiter ex l. 3. ff. de usucapione. Ubi P. Franciscus



ciscus monet, per *dominium* debere intelligi dominium latè sumptum, sic ut cum aliis juribus ususfructus, servitutis, actionis, &c. confundatur. Quo posito

53. Dico, acquisitio domini per præscriptionem licita est, ac locum habet in foro conscientiæ (de foro autem civili non est dubium, nam jura sunt clara) idque sive alter, contrà quem præscribitur, fuerit negligens in re sua recuperanda sive non. Ita cum Lessio docet Urban. & ceteri communiter. Prob. quia non est, cur non valeat Princeps aut legitimus Superior ratione præscriptionis rerum dominia validè ac licitè transferre in commune bonum & utilitatem. Quoddè verò quidam dicant, neminem esse privandum re suâ absque sua culpa, tantum verum est, ubi ratio boni communis id non exigit ad fugiendas multas difficultates & lites in Repub. Quare igitur, qui rem legitimè præscripsit & postmodum cognoscit, eam fuisse alienam, non tenetur in conscientia eam restituere: cum enim usucapio definiatur acquisitio domini per continuationem temporis lege definiti, transacto illo tempore acquisitum est dominium; unde nulla remanet obligatio. Varias causas, ob quas beneficium præscriptionis introductum est, vide apud Franc. B. Spec. de iure & Inst. disp. 3. n. 100.

54. Ad validè autem præscribendum, requiruntur hæ quatuor conditiones desumptæ ex jure canonico: scil. possessio, titulus probabiliter præsumptus, bona fides, & continuatio possessionis cum bona fide per tempus lege definitum. Ubi

55. Nota primò, possessionem esse omninò necessariam ad præscriptionem; quia, ut habetur *regulà juris in 6.* sine possessione præscriptio non procedit. Est autem possessio triplex, civilis tantum, naturalis tantum, ac civilis & naturalis simul: harum prima, quâ solo animo rei nostræ etiam absenti insistimus, contrà quam præscriptionem sufficiunt; secundâ verò minimè. Undè dum v. g. domus vacua relicta à mercatore profecto ad nundinas ab alio invaditur, hîc eam nequit præscribere, quia tantum habet possessionem naturalem, ac dictus mercator retinet civilem, contrà quam præscribi nullatenus potest. Præscriptio igitur solum incipit ab eodie, quo prior dominus amittit possessionem civilem: ex tunc enim tantum incipit detentor eandem rem civiliter possidere.

56. Nota secundò circa titulum, nomine tituli iusti intelligi eum, qui probabiliter iustus præsumitur, licet à parte rei non sit, ut v. g. titulus venditionis ab eo factæ, qui à parte rei non habet jus vendendi, probabiliter tamen putatur ab emptore jus illud habere, Sed hanc conditionem non omninò necessariò requiri absolutè loquendo, constat *ex lege Sicuti cap. de præscript. triginta annorum*, ubi dicitur absolutè absque titulo res mobiles & immobiles præscribi spatio 30. annorum. Vide P. Franciscum. num. 103.

57. Nota tertio quoad bonam fidem, possessorem malæ fidei nullo tempore posse præscribere. Patet *ex regulà juris in 6. citata supra*. Est autem bona fides hîc, credulitas qua quis sibi prudenter persuadet, rem esse suam, vel sal-

saltem nescit esse alienam: quare dubium positivum, quod quis habet, an res aliqua sit sua, impedit inchoationem prescriptionis defectu bonæ fidei; quia in dubiis est melior conditio possidentis, qualis non est dictus dubitans, sed potius alter de quo dubitatur, an res sit ipsius. P. Franciscus *num.* 106. Adde tamen, dictum dubium non impedire continuationem prescriptionis bonæ fide inchoatæ: quia tunc dubitans est possessor, cujus melior est conditio: tenetur interim diligens examen instituire si fortè certior reddi possit de rei veritate: quò factò si non possit reddi certus, adhuc putarem aliquem posse inchoare prescriptionem sub hac conditione, modò scil. res, de qua dubitatur non sit aliena, de quo proponit pro opportunitate adhuc diligentius inquirere; sic enim removeretur omne periculum injuriæ.

§8. Nota denique, circa continuationem prescriptionis, bona mobilia præscribi triennio; immobilia verò decennio inter præsentés, sive in eodem territorio existentes. Ubi adverte, res furtivas nullo tempore posse præscribi, sicut nec res omnibus hæredibus communes possunt ab uno hæredum præscribi ante divisionem: nec similiter res in usum & utilitatem communem destinata, ut sunt viæ, pontes, &

similia. Ad res insuper ecclesiasticas immobiles præscribendas requiritur præscriptio longissimi temporis, id est, quadraginta annorum, & si sint Ecclesiæ Romanæ, non nisi spatio centum annorum. Vide Franc. *num.* 116. & *seq.*

§9. Cæterum, pro notitia terminorū in hac materia, addo prescriptionem quandoque dici non procedere, quod fit dum propter aliquam causam non potest incipere. Quandoque etiam dicitur dormire, dum scil. post inchoationem aliquo tempore cessat, quo elapso rursus continuatur computato priore tempore quo valuerat; sicque dormire dicitur tempore pestis, belli, incapacitatis ad gerenda negotia, ut in filiis-familias, pupillis, uxore vivente marito, & Ecclesiæ mortuo Parocho. Dicitur denique interrumpi, dum post inchoationem ita cessat, ut, si fortè postea rursus vim resumat, non continetur cum tempore præcedente, quo fuerat inchoata, sed de novo debeatur inchoari. Ita ferè Urbanus ab Ascens. & alii communiter.

\* \* \*

# DISPUTATIO II.

*De ceteris iuribus à dominio distinctis.*

## DUBIUM I.

*De usu fructu.*

1. **D**ico primò, usufructus est jus rebus alienis utendi & fruendi, salvâ earum substantiâ. Undè non sumitur hîc pro ipso actu usufruendi, sed pro jure ad talem actum, quod est facultas quædam alicui competens per modum habitus. Per ly *utendi* excluditur jus, quod habet creditor in pignus vel hypothecam, & depositarius in depositum; his enim non est licitum iis uti: per ly *fruendi* verò significatur, usufructum suprà nudum usum dicere jus ad percipiendum omnes fructus ex re fructuaria perceptibiles. Quod si tamen usufructuarius fructibus etiam maturis non collectis moriatur, non cedunt hæredibus ipsius, sed domino directo rei, seu proprietario; quia quamdiu adhærent fundo, censentur unum quiddam illo: unde sicut fundus, ita & illi ad dominum pertinent, prout habetur *instit. de rerum divis. §. His verò.*

2. Sub ly *fruendi* involvitur utetiùs potestas ad placitum disponendi de re, cujus habetur usufructus, etiam elocandi; quod facere non potest, qui habet solum usum. Per ly denique, *salvâ earum substantiâ*, excluditur dominium perfectum & directum tan-

tum; ac ratione hujus particulæ adjunctæ usufructuarius obligatur, primò in grege supplere capita demortua *Instit. de rerum divis. §. Sed si gregis.* Ratio est, quia grex censetur perpetuus: cum tamen e contra unum pecus non censeatur perpetuum, usufructuarius unius ovis aut vaccæ v. g. non obligatur aliam substituere, si naturaliter inreseat. Ibidem §. *In pecudum.* Secundò obligatur in vinea vel silva loco arborum pereuntium alias plantare, nisi tempestate vel alio simili modo extraordinario pereant. Tertiò tenetur in ædibus modicam adhibere reparacionem, ut integræ consistent; non tamen ita, ut meliores reddantur. Quartò denique, tenetur proprietario dare cautionem, quod nimirum secundum viri prudentis arbitrium utetur & fruatur re ipsius, quòdque eam statuto tempore salvam restituet. Franc. B. *Spei de jure & Inst. disp. 2. num. 10.* Id tamen non est semper necessarium in usufructu legali; pater enim non tenetur præstare cautionem pro usufructu bonorum adventitiorum sui filii, quamvis interim id semper sit necessarium in usufructu conventionali; & ita quidem, ut licet uxor ligaret usum fructum om-

I i nium

se, fiet primi capientis, etiam licet signum impressum circumferret, quo cognoscitur cuius fuerit; quia naturali obrepente libertate de potestate prioris domini exiit: atque hæc iure communi & Casareo statuta sunt; quidquid tamen in his omnibus, sicut & sequentibus attendi debeat ad locorum consuetudines. Pro occasione

36. Quæres, an unicuique sit licitum tenere columbas? Respondeo affirmativè, nisi speciali lege id prohibeatur; modò tamen à domino alantur vel domi, vel in agris propriis: si enim eas dominus non aleret, peccaret ratione damni, quod inde vicini paterentur. Ita Bacho *quodlib. lib. 3. quest. 4. arr. 1.* ubi tres casus excipit, in quibus quis à dicto peccato posset excusari: imò videtur similes excusare generaliter à mortali Urbanus *loc. cit. cap. 6. fol. 510.* tum quia talis est consuetudo legitimè præscripta, tum quia damnum, quod columbæ inferunt, non potest esse magnum: pabulum liquidem earum magis naturale sunt prava semina, quæ lata suffocant lolium, nigella, &c. nec deregunt semina terræ mandata, ut patet ex eo, quòd in agro, in quo situm est columbarium, non minùs colligatur grani, quàm in vicinis: nec spicas evellunt, sed granis tantùm prolapsis vescuntur. Ita ille: quæ tamen aliis fortè videbuntur minus vera, cum DD. communiter doceant contra ipsum, & Molinam, eas vicinis magnum inferre detrimentum, adeoque accusent eos peccati mortalis, qui illas domi vel in agris propriis non alunt: & re-

vera puto, experientia esse manifestum, columbas lolium & nigellam non attingere, quamdiu vera grana reperiunt: atque ideo iuxta communem DD. sententiam licitum est, eas capere vel occidere, si in tuis satis comedant, vel in tuo columbario. Ita Toletus, Sylvius & alii, quia aliter damno occurrì nequit. Non licet tamen arre, vel exquilis ad hoc seminibus alienas columbas ad suum trahere columbarium; & sic capræ debent domino restitui: secùs si sponte cum tuis columbis redeant ad tuum columbarium. Sylvius & alii communiter. Attende tamen semper ad consuetudinem loci, ut ante movi: quia in aliquibus locis mos est, undecumque & quomodocumque columbas attrahere, ubi id, teste Urbano, nemo rationabiliter invitatus patitur. Vide etiam P. Franc. *num. 88.*

Peteshic fortè, quid dicendum sit de eo, qui ex sylva aliena ligna cedit, tum ad proprium suum utum, tum ut aliis vendat? Respondet Burghaber *Centur. 3. casu 77.* sequentibus verbis. Probabile est, illum in alienis sylvis non circumscriptis absque devastatione & immoderata strage ligna cedentem & avehentem non peccare, saltem mortaliter, nec teneri ad ullam restitutionem. Ita Bannez 2, 2. *quest. 62. arr. 3. dub. 4. conclus. 2. & 3.* Salonijs, Ledesma, & plures alii Dominicani, quos refert, & eorum opinionem probabilem censet Dedicastillo *de just. tr. D. 9. num. 357.* Ratio est, quia ejusmodi sylva ab initio non alia lege fuerunt concessæ communitatibus, aut privatis dominis, quàm ut ipsi liceret

liceret in illis lignare impune, non item aliis, citra majorem tamen obligationem vel peccati contrahendi, vel restitutionis faciendæ, nisi devastacionem aut stragem majorem facerent, ut sic aliquod foret discrimen inter arbores frugiferas & sylvestres; cum enim istæ singulari cultura non indigeant, sicut illæ, sed eas humus sua sponte procreet, non decuit ita has sylvestres arbores appropriari uni, ut nullo modo frui iisdem possint cæteri. Secus se res habet, si prædictæ sylvæ sint cir-

cumseptæ, vel proprio alicujus labore plantatæ, aut si ligna ab alio jam fuerint cæsa, & in strues coniecta, quia hac ratione tam ipsæ sylvæ, quam ligna in eis cæsa sufficienter jam censentur alicui appropriata, ut absque injuria domini auferri ex illis aliquid nequeat: Ita ille, & alii non irrationabiliter concedentes tamen posse sub pœna à dominis inhiberi, ne etiam in prioribus sylvis quis ligna cedat.]

§. II.

Resolvuntur varia circa venationem, & piscationem.

37. Dico primò, in dubio an fera sit vulnerantis an capientis, hujus est, nisi ex parte vulnerantis hæc tria concurrant: primum, si sufficienter læserit ad capiendum: secundum, si eam sic læsam persequatur: tertium, si sit moraliter certum, quòd eam ipse fuisset comprehensurus; si enim vel hoc solum dubium fuerit, erit capientis, cum tunc censeatur adhuc remanere in sua libertate naturali. *Leg. natural. ff. de acquisitione dominii.*

38. Dico secundò, fera laqueo vel reti tuo capta, tua est, si fuerit inextricabiliter illaqueata, ita ut luctando se liberare non valeat: si secùs, erit capientis. Ratio utriusque est, quia in primo casu per similem illaqueationem amisit libertatem suam naturalem, devenitque in possessionem

ponentis laqueum per dictam quasi apprehensionem, quæ potest fieri tam per instrumentum, quam per ipsam manum immediatè. Secundo verò casu necdum amisit suam libertatem, adeoque fit primi occupantis: si autem dubium sit, an inextricabiliter, an extricabiliter fuerit illaqueata, verosimilius est ponentis laqueum, qui per similem intricationem fit quodammodo possessor, cujus est melior conditio, quamvis plures velint in hoc casu feram esse dividendam.

39. Dico tertio, si te insequente fera incidat in mea retia inextricabiliter, fit mea; quia tu non acquiris ejus possessionem eam insequendo, sed ego capiendo. Ita plures, quidquid Fulienſis dicat, esse primò arripientis, & Urbanus eam velit esse utriusque.

Hh

Cum

Cum proportionē adhuc resolves de piscibus secundum quod extricabiliter, vel inextricabiliter in nassa capiuntur & intricantur : item & de avibus similiter. Ceterum si fera, avis vel piscis sit in retimeo vel nassa, etiam solum extricabiliter, modò ego ad sim, non potest alius me pravenire in capiēdo : quia per istam intricationem saltem acquiro aliquod jus ad rem, quod ab alio nullum prorsus jus habente, praveniri non potest.

Petes, an Princeps justè inhibeat venationem : & an hæc inhibitiō obliget subditos sub peccato ?

40. Resp. & dico quartò, licitum est Principi inhibere venationem (atque idem est de piscatione & aucupio) in locis juris publici varias ob causas : ut primò, dum id necessarium judicatur ad onera Reip. sustinenda : tunc enim jus illud potest elocari, ut sic procurentur pecuniæ necessariae ipsi Principi aut Reipub. Secundò, dum id est necessarium ad tempus, ne alias totum ferè genus ferarum deleatur ; ut si omnes passim venarentur quado feræ sunt gravidæ, aut dum nix jacet. Tertiò inhibere potest, ne venatio fiat cæcis instrumentis ob eandem rationem ; sunt enim quædam instrumenta, quibus ferè omnia animalia capi possent. Quartò insuper, potest quilibet Princeps venationem in dictis locis inhibere de consensu populi, sive gratis, sive per contractum præstito ; potest enim populus cedere juri suo. Atque hæc omnia sunt clara.

41. Dico quintò, etiam est licitum Principi inhibere venationem, & jus

venandi sibi reservare in certis locis, etiam publici juris, ob solam suam recreationem absque populi consensu. Ita recentiores communiter. Ratio est, quia, cum Princeps totus impendi debeat in gubernanda Rep. potest quædam loca sibi ad recreationem determinare, vel maximè, cum id ipsum conducat ad Principis dignitatem. Interim tamen iidem recentiores censent, inhumanum fore, si quis Princeps vellet populum ab omnibus locis excludere, & sibi soli omnem omnino venationem reservare : imò, id propè tyrannicum vocant Becanus, Wiggers & alii, nisi fortè talem ob causam Princeps aliquid populo remittat de tributis sibi debitis, vel aliter compenset : durum enim nimis esset privare totum populum omni recreatione & utilitate venationis, quæ jure naturali & gentium ipsi est concessa, ob solum commodum & recreationem Principis.

42. Adde, Principem quodcumque jus in venatione sibi reservantem obligari ad præcavenda damna, quæ animalia possent agris vicinorum, vel aliis eorum bonis inferre : aliàs enim tenebitur compensare damna illata. Nec quemquam in particulati ab hoc excusari, quod à multis hæc obligatio parvipendatur, ut bene monet Wiggers : nam licet non sit, qui similes hic cogat ad similia damna, sæpe non parva, restituenda ; etenim aliquando stabunt *justi in magna constantia adversus eos, qui se angustaverunt.* Excipit tamen à dicto onere, & bene, N. Urbanus Principes illos, quibus vicinorum agri sunt feudatarii, dum videl. Princeps

in eis sibi reservavit jus venationis, ferarumque multiplicationis, antequam eos agros colonis divideret, venderet, vel elocaret: tunc enim hoc onus pertinet ad servitutem justè retentam; atque hoc, teste eodem Urbano, sæpe accidit, dicens, similem servitutem legitimo tempore posse præscribi, modo habeatur justus titulus.

43. Dico sextò, qui venatur in loco juris publici vel privati ubi est prohibitum venari, peccat quidem pro ratione illatæ injuriæ, non tenetur tamen ad restitutionem ferarum, quas cepit. Prob. prima pars, quia invito domino non potest alienus fundus invadi: debet interim injuria quoad feras esse magni momenti, ut constituat peccatum mortale; quia communi hominum judicio censetur obligatio non venandi parum urgere conscientiam, nisi notabile valdè damnum inferatur, prout fieri potest, dum feræ sunt gravidæ, vel tam frequens est venatio, ut pene exhauriantur feræ sylvestres: alioqui enim Princeps videtur contentus esse sola multa, quam incurrit venator deprehensus post sententiam Judicis: atque hæc multa solum debet esse pecuniaria, nisi quis sæpe in pecuniis multatus conseretur non velle se emendare; tunc enim videtur flagellatio posse adhiberi. Dixi *injuria quoad feras debet esse magni momenti, &c.* quia qui per venationem infert alteri damnum in bonis suis, peccat pro ratione damni, & tenetur ad restitutionem.

44. Prob. secunda pars, quia feræ captæ nullius erant, utpotè cum essent

in sua libertate naturali, etiam facta prohibitione, aut loci prohibiti elocatione, unde nec erant prohibentis, nec similem locum conducentis: posset tamen Princeps lege sua extraordinaria eum reddere incapacem domini ferarum, qui in alieno fundo venatur invito domino. Ita Urbanus & Wiggers; qui ultimus cum Medina notat, posse venatorem excusari, etiam ab onere reparandi damnum grave in ordine ad Principem, eò quòd hic ordinariè non soleat curare talem restitutionem, sed ei sufficiat, quòd deprehensi multam solvant. Cæterum, qui venatur in loco clauso non magnæ vastitatis, vel piscatur in alterius vivario domino invito, peccat contra justitiam, & tenetur ad restitutionem ferarum vel piscium, ut ex dictis patet.

45. Adde venationem, ratione status, Clericis lege pontificia esse inhibitam, ne à cultu Divino ad hanc voluptatem deficient. Patet *ex cap. 1. de Clerico venatore*, estque desumptum ex Concilio Aurelianensi: hoc tamen maximè intelligendum est de venatione, quæ sit cum magno strepitu & armorum vi, ita ut à mortali non videantur excusandi, juxta Wiggers & alios. Clerici in sacris constituti (idem dic de Religiosis) frequenter incumbentes venationibus talibus: si tamen (inquit idem Wiggers) id rariùs, & non ex consuetudine, sed quasi ex accidente fieret, solum venialiter peccaretur, modo absit periculum gravis scandali, aut homicidii, & mutilationis. Ita etiam Medina & Sylvester. Quibus adde insuper ex Urbano &

cæteris satis communiter, si venatio non sit clamorosa, strepitu canum & vi armorum facta, nullum esse peccatum; quia hæc solum censetur Clericis inhibita. Unde licitum est eis venari cum retibus, laqueis, aut paucis canibus, modo desit scandalum. Neque est mortale venari die Festo aut

Dominico, si Sacrum audiat, & absit periculum scandalum; quia venatio non numeratur inter opera servilia: præcipuis tamen Festis venari, est indecorum, ut ait Becanus: & eam tunc vix posse fieri absque scandalo, tradit Wiggers.

### S. III.

## De acquisitione domini rerum inventarum.

46. **D**ico primò, inventa, quæ nunquam habuerunt dominum, sunt inventoris sive primi occupantis. Patet ex antedictis: talia autem sunt gemmæ, lapides pretiosi, & similia, quæ inveniuntur in littore maris: item illa, quorum dominus temporis longinquitate ignoratur; nec non ea quæ habentur pro derelictis: quæ sunt ea, quæ dominus facile potest recuperare, & non facit, vel quæ sponte abijcit. Ubi adverte, eum dici primò occupare, qui primò arripit, non qui primò videt; quod constat ex donis misilibus ut v.g. pecuniis, quæ populo sparguntur, ubi non primò videns, sed primò arripiens dominus instituitur.

47. Nota hic insuper, bona ejecta à naufragantibus non censerì hoc ipso derelicta; imò ea, si Christianorum sunt, nullus occupare potest, quin incurrat excommunicationem Bullæ Cænæ Domini: quæ tamen non incurretur, si verosimilius sit, veros dominos, quos arripiens non novit, nunquam ad ea recuperanda reversuros;

in tali enim casu annumerantur bonis derelictis.

48. Dico secundò, inventa, quæ verum dominum habent, ipsi domino restituenda sunt, si hic ab inventore possit dignosci. Est certum. Quòd, si post diligentem inquisitionem dominus reperiri non possit, juxta communior sententiam debent dari pauperibus; quia non dimittitur vel non liberatur quis à peccato, nisi restituatur ablatum: secundum autem præsumptam voluntatem domini tales res sunt dandæ pauperibus vel applicandæ in pias causas, quatenus sic restituantur, & prosint ipsi domino, quantum hic & nunc prodesse possunt. Verum hoc non obstante DD. probatissimi sultinent, posse probabiliter inventorem familia bona sibi reservare. Ita Less. Malder. Medina, Henriq. Diana, & alii quos citat & sequitur Burghaber *Centur. 1. casu 68.* idque Franc. B. Spei sultinet specialiter pro Belgio. Atque id omnino certum est, si ipse inventor sit verè pauper, etiam respective secundum statum suum, qui res similes



similes retinere poterit ad relevationem paupertatis propriæ. Ubi tamen inventores dominum rei inventæ resciverint, tenentur, quamprimum possunt, tam domino restituere: nec potest inventor dominum ex iustitia obligare ad aliquid sibi dandum propter redditionem rei inventæ; nam hæc res est tota domini, ac consequenter nullum jus habet inventor ad aliquid ipsius: poterit tamen quod ultro à domino offertur acceptare, vel ex gratitudine aliquid petere; imo & ex iustitia exigere recompensationem laboris, aut damni, quod subiit per talis rei inventionem, custodiam, & relationem.

Contrà secundam resolutionis partem, sic discurret Caramuel *fundam. 59. 1. par. §. 4. num. 1259.*

49. *Ioannes noctu grassatur per plateas, spoliavit nonnullos, quos non cognovit, nec post diligens examen cognovit, nunc paupertatē ductus ad pedes mei Diane (tenet enim illam sententiam) pervolvitur, & inquit an teneatur ad restitutionem? si illi pauperibus facturum restitutionem: Diana dicat, Ioannes reponet Dianam in consequentia laborare. Hæc & alia Caramuel loc. cit. ad quæ cum omnibus respondet Diana, quod bona per delictum contracta vel comparata, quæ diligentis inquisitione adhibita remanent incerta, sint elargienda pauperibus ex cap. cum tu 5. de usuris, & hoc DD. communiter extendunt ad quodcumque delictum, prout etiam colligitur ex cap. cum sit, de iudeis: est & in omnibus eadem ratio, ne scilicet hominibus iniquis integrum relinquatur ex suavinitate distescere sub spe rapiendo,*

quæ postmodum non debebunt restituere dum dominus ignorabitur. Unde bene Castus Palaus. *tom. 7. diss. 1. pun. 18. §. 8. num. 3.* sic inter cetera discutit. *Licet verum sit ex natura rei, seu spectatâ iustitiâ legibus seclusis, quacumque debita incerta ex usura, simonia, aliisque delicto habita non esse in pauperes aliòsve pios usus eroganda, quia iustitia tantum obligat debitum reddi ei, cuius est: quo non comparante, impossibile est talis redditio & obligatio: neque pauperes aliavè opera pia sunt partes, neque hæres necessarii creditoris. Atamen jure positivo in pœnam criminis commissi impedita est domini acquisitio: quod colligitur ex eo, quod in defectum veri domini pauperes, aliavè pia opera designantur, inter quos distributio facienda sit. Ita Palaus. Vide etiam Dianam par. 11. tr. 1. ref. 12. Quia igitur de bona fide inventis nulla existat constitutio, ut dentur pauperibus, probabiliter possunt ab inventore retineri: quod idem sustinet Navarra de Mercatore, qui bonâ fide accepit 100. loco 80. & emens non potest inveniri; eum nimirum posse excessum sibi retinere; secus si malâ fide acciderit. Dian. insuper tract. 8. res. 12. petit, an pauperes, qui res aliquas inventas pro eleemosyna habuerunt, si dominus compareat, teneantur illa restituere? & responderet his verbis, negativam sententiam sustinet Sorus, Ledesma, Navarra, etiam si in propria specie res existat, vel ob ejus consumptionem diriores facti fuerint; quia non mutuo, sed in eleemosynam acceperunt, sicuti si ipse dominus rem illi concepisset: verum magis probabiliter dicendum est, in tali casu obligationem restituendi adesse, & ita docet Molina, & Layman. Dico ego certò obligationem*

restituendi adesse in isto casu: quia similes eleëmofynæ dantur sub conditione restituendi si dominus postea compareat re existente adhuc in propria specie, sicut absolute à principio non darentur, si dominus à principio compareret.

50. Dico tertio, thesaurus (qui nihil est aliud quam vetus pecuniæ depositio aut alterius rei mobilis, cujus non exstat memoria) inventoris est de jure naturæ: veruntamen sequentia sunt jure civili in commune bonum justè ordinata. Primo, ut thesaurus arte magicâ inventus sit fisci: quamvis tamen magus non teneatur eum fisco tradere, nisi post sententiam judicis, eò quòd sit lex pœnalis. Secundo, ut inventus in loco publico dividatur inter inventorem & fiscum, vel ipsam communitatem. Tercio, ut repertus in loco sacro dividatur inter Prælatum vel Ecclesiam & inventorem, si casu aut delictum Prælati repertus fuerit; si verò secus, totus est Prælati. Idem cum proportionem dic de thesauro invento in terra aliena, cum, vel sine licentia domini loci, casu vel de industria inventoris. Quinto denique, statutum est, ut thesaurus inventus

in loco proprio, totus sit inventoris.

51. Petes, an locus in quo cognoscitur latere thesaurus, emi possit, ac si de eo nihil constaret? Resp. affirmative cum D. Thoma & aliis contra quosdam antiquiores. Probatur, quia justum rei pretium non sumitur ab utilitate, quam res emptori adfert, sed ex communi hominum æstimatione: unde, quantumvis ea alicui utilis sit, potest hic eam emere prout ab aliis æstimatur: sic enim qui scit, ex decreto Principis nondum evulgato, erigendam esse civitatem in certo loco, potest vicinos agros emere pretio currenti, ut communiter omnes DD. tradunt: item potest pharmacopola, v.g. in fasciculo herbarum videns unam plantam pretiosam, fasciculum emere pretio currenti sive ordinario. Similiter etiam si emissi à milite vel alio sacculum cum lupulo, lino, &c. ac postea in eo reperias thesaurum, non teneris augere pretium: secus tamen dic de eo, qui à rustico emississet pretiosum lapidem vili pretio, eò quòd rusticus valorem ejus ignoraret; quia talis lapis plus valet ex communi hominum æstimatione; cujus contrarium in prædictis accidit.

## §. IV.

### De præscriptione & usucapione.

52. **P**ræscriptionem & usucapionem solabant jurisperiti inter se distinguere, quas tamen confundunt canonistæ: imò & eas jam communiter etiam à jurisperitis confundi, docet

N. Urban. *rr. 3. tit. 4. c. 7. fol. 514.* Inquire præscriptio sive usucapio, est acquisitio domini per continuationem temporis lege definiti. Ita DD. communiter ex *l. 3. ff. de usucapione*. Ubi P. Franciscus

eiscus monet, per dominum debere intelligi dominium latè sumptum, sic ut cum aliis juribus ususfructus, servitutis, actionis, &c. confundatur. Quo posito

53. Dico, acquisitio domini per præscriptionem licita est, ac locum habet in foro conscientiae (de foro autem civili non est dubium, nam jura sunt clara) idque sive alter, contrà quem præscribitur, fuerit negligens in re sua recuperanda sive non. Ita cum Lessio docet Urban. & cæteri communiter. Prob. quia non est, cur non valeat Princeps aut legitimus Superior ratione præscriptionis rerum dominia validè ac licitè transferre in commune bonum & utilitatem. Quòd verò quidam dicant, neminem esse privandum re suâ absque sua culpa, tantum verum est, ubi ratio boni communis id non exigit ad fugiendas multas difficultates & lites in Repub. Quare igitur, qui rem legitimè præscripsit & postmodum cognoscit, eam fuisse alienam, non tenetur in conscientia eam restituere: cum enim usucapio definiatur acquisitio domini per continuatorem temporis lege definiti, transacto illo tempore acquisitum est dominium; unde nulla remanet obligatio. Varias causas, ob quas beneficium præscriptionis introductum est, vide apud Franc. B. Spec. de Iure & Inst. disp. 3. n. 100.

54. Ad validè autem præscribendum, requiruntur hæc quatuor conditiones desumptæ ex jure canonico: scil. possessio, titulus probabiliter præsumptus, bona fides, & continuatio possessionis cum bona fide per tempus lege definitum. Ubi

55. Nota primò, possessionem esse omninò necessariam ad præscriptionem; quia, ut habetur *regulà juris in 6.* sine possessione præscriptio non procedit. Est autem possessio triplex, civilis tantum, naturalis tantum, ac civilis & naturalis simul: harum prima, quâ solo animo rei nostræ etiam absenti insistimus, & tertia ad præscriptionem sufficiunt; secundâ verò minimè. Undè dum v. g. domus vacua relicta à mercatore profecto ad nundinas ab alio invaditur, hic eam nequit præscribere, quia tantum habet possessionem naturalem, ac dictus mercator retinet civilem, contrà quam præscribi nullatenus potest. Præscriptio igitur solum incipit ab eo die, quo prior dominus amittit possessionem civilem: ex tunc enim tantum incipit detentor eandem rem civiliter possidere.

56. Nota secundò circa titulum, nomine tituli justè intelligi eum, qui probabiliter justus præsumitur, licet à parte rei non sit, ut v. g. titulus venditionis ab eo factæ, qui à parte rei non habet jus vendendi, probabiliter tamen putatur ab emptore jus illud habere, Sed hanc conditionem non omninò necessariò requiri absolute loquendo, constat *ex lege Sicuti cap. de præscript. triginta annorum*, ubi dicitur absolute absque titulo res mobiles & immobiles præscribi spatio 30. annorum. Vide P. Franciscum. num. 103.

57. Nota tertio quoad bonam fidem, possessorem malæ fidei nullo tempore posse præscribere. Patet *ex reg. juris in 6. citata supra*. Est autem bona fides hic, credulitas qua quis sibi prudenter persuadet, rem esse suam, vel sal-

# DISPUTATIO II.

*De ceteris iuribus à dominio distinctis.*

## DUBIUM I.

*De usu fructu.*

1. **D**ico primò, usufructus est ius rebus alienis utendi & fruendi, salvâ earum substantiâ. Undè non sumitur hic pro ipso actu usufruendi, sed pro jure ad talem actum, quod est facultas quædam alicui competens per modum habitus. Per *ly utendi* excluditur jus, quod habet creditor in pignus vel hypothecam, & depositarius in depositum; his enim non est licitum iis uti: per *ly fruendi* verò significatur, usum fructum suprà nudum usum dicere jus ad percipiendum omnes fructus ex re fructuaria perceptibiles. Quod si tamen usufructuarius fructibus etiam maturis non collectis moriatur, non cedunt hæredibus ipsius, sed domino directo rei, seu proprietario; quia quamdiu adherent fundo, censentur unum quid cum illo: unde sicut fundus, ita & illi ad dominum pertinent, prout habetur *inst. de rerum divis. §. His verò.*

2. Sub *ly fruendi* involvitur ulteriùs potestas ad placitum disponendi de re, cujus habetur usufructus, etiam elocandi; quod facere non potest, qui habet solum usum. Per *ly* denique, *salvâ earum substantiâ*, excluditur dominium perfectum & directum tan-

tum; ac ratione hujus particulæ adjunctæ usufructuarius obligatur, primò in grege supplere capita demortua *Inst. de rerum divis. §. Sed si gregis.* Ratio est, quia grex censetur perpetuus: cum tamen contra unum pecus non censetur perpetuum, usufructuarius unius ovis aut vaccæ v. g. non obligatur aliam substituere, si naturaliter intereat. Ibidem §. *In pecudum.* Secundò obligatur in vinea vel silva loco arborum pereuntium alias plantare, nisi tempestate vel alio simili modo extraordinario pereant. Tertiò tenetur in ædibus modicam adhibere reparacionem, ut integræ consistent; non tamen ita, ut meliores reddantur. Quartò denique, tenetur proprietario dare cautionem, quod nimirum secundum viri prudentis arbitrium utetur & fruetur re ipsius, quòdque eam statuto tempore salvam restituet. Franc. B. *Spei de jure & Inst. disp. 2. num. 10.* Id tamen non est semper necessarium in usufructu legali; pater enim non tenetur præstare cautionem pro usufructu bonorum adventitiorum sui filii, quamvis interim id semper sit necessarium in usufructu conventionali; & ita quidem, ut licet uxor ligaret usufructum om-

nium suorum bonorum marito, eum expresse eximendo ab obligatione satisfaciendi, seu cautionem præstandi, adhuc eam præstare teneretur. *l. i. cap. de usufructu & l. penult. cap. Vt in possessionem.* Quòd si fortè usufructuarius ob paupertatem satisfacere, aut etiam fidejussorem reperire non possit, tunc censetur sufficere cauo juratoria, si persona non sit suspecta; aliàs debet usufructus alteri tradi, de quo hic usufructum lumere possit. Ita plures post Bartholum.

3. Dico secundò, usufructus acquiritur dupliciter: legis dispositione, & dicitur legalis; & dispositione privatâ ut v. g. testamento, pacto, &c. & sic vocatur conventionalis. Econtrâ verò amittitur usufructus sex modis: pri-

mò morte usufructuarii. Secundò interitu ipsius rei. Tertiò præscriptione decennali inter præsentis, vicennali inter absentes. Quartò per maximam vel etiam mediam capitis diminutionem usufructuarii: dicitur autem maxima capitis diminutio, quando quis civitate ac libertate exiit; media quando adhuc retinetur quidem libertas, sed civitas amittitur, minima verò capitis diminutio (per quam non amittitur usufructus) est, dum simul & libertas & civitas retinetur, sed status hominis immutatur. Quintò perditur usufructus patris in bonis adventitiis filii, dum ille sit hæreticus. Denique, dum usufructuarius jus suum cedit proprietatio.

## DUBIUM SECUNDUM.

### De usu.

4. Dico primò, usus est jus utendi re alienâ, salvâ ejus substantiâ. Ita omnes ex *insit. de rerum divis.* Adhuc tamen post *ly utendi* bene addit Urbanus *dumtaxat*, ut excludatur usufructus, qui est quidem jus utendi, sed insuper etiam jus fruendi, ut visum est. Addit & P. Franc. *ad tuum tantum, & non alienum, sive gratis, sive pretio, commodum.* Per *ly utendi* excludes, qui per idem statim à definitione usufructus exclusimus: ac ratione ultimæ particulæ obligatur usufructuarius ad rei conservationem, quantum fieri potest. Quare valdè parum juris habetis, qui solum usum, ei alienæ obtinet: sic enim, qui

solum usum habet alieni fundi, potest quidem in eo manere, ambulare, &c. ita tamen, ut domino non sit molestus; item potest sumere poma, oleta, fenum, ligna, &c. ad usum quotidianum; nil tamen ex his omnibus potest aliis donare, vendere, aut elocare. Deindè, qui habet usum domus, potest quidem eam inhabitare cum familia propria & hospites recipere, usum tamen ejusdem non potest alteri concedere: similiter, qui habet nudum usum equi v. g. non potest permittere ut alter eo utatur, nisi domino permittente. Hæc omnia habes *insit. de divis. rerum & ff. de usu & habitatione.*

5. Dico secundò, in rebus unico usu consumptibilibus, usus à dominio distinguitur, si sit revocabilis. Ita recentiores jam satis communiter, quibus ut adhæream, me movet, quòd varii Pontifices, inter quos sunt Nicolaus III. & Clemens V. expresse declararint, Fratres Minores habere usum dictarum rerum, uti sunt vinum, oleum, pecunia, &c. dominio tamen earum remanente penes summum Pontificem. Undè, ne dicatur unus Papa contra alios aliquid declarasse, dum Joannes XXII. contrarium docuit, vel id fecit tanquam privatus Doctor, prout ostendit Urbanus *sol.* 492. addens, non debere absurdum videri, asserere, eum ut talem minùs bene sensisse in re nihil ad fidem aut mores necessàriò pertinente: vel intelligendus est, loqui de usu irrevocabili, qui in dictis rebus non videtur distingui posse à dominio: eodem modo intelliges D. Thomam, dum aliqui dicunt, eum contrarium sustinere. Insuper,

6. Hæc nostra & communior sententia confirmari potest, tum quia indubitatum est apud omnes, Religiosos solummodo professos non habere in particulari ullius rei dominium, cum tamen habeant usum dictarum rerum, etiam in particulari: tum etiam, quia convivæ v. g. habent usum cibi & potus eorum, quæ in mensa apponuntur, dominio tamen eorum apud hospitem remanente. Nec dicas, hos omnes reatos solum habere usum facti absque usu ad factum, quasi sic consequenter dicere deberes, eos uti rebus, quibus utuntur absque jure utendi, sicque in-

justè agere, quod reverà non faciunt. Neque obstat, quòd utum suprà definivimus *jus utendi re alienâ, salvâ ejus substantiâ*; quia hæc ultima particula solum convenit usui propriè dicto scilicet rerum, quæ unico usu non consumuntur, quique usus sit ad aliquod saltem tempus irrevocabilis, quem usum ibi tantum intendimus definire, & non usum minùs propriè dictum, de quo hic agimus. Tamen

7. Dices fortè, ex nostra resolutione sequi, multos posse ab usura excusari, eò quòd dicent, se accipere duplex pretium pro sua pecunia; idque licetè, unum nempe pro ejus dominio, quòd in alios transferunt, & aliud pro usu à dominio distincto, quem eis concedunt.

8. Resp. negando sequelam; nam quidquid quoad hoc ultimum dicatur, per id usurarii se nullatenùs excusant: quia utrique illi pretio reddit alter æquivalens, dum ei reddit summam pecuniæ ab eomutuo acceptam: sic namque centum aurei mutuo dati, compensantur ad æqualitatem per centum alios, qui redduntur, quia tantum valent isti quantum illi, justque illis utendi simul & dominium eorum à debitore redduntur creditori. Committit ergò usuram creditor, si pro centum aureis mutuo datis aliquid suprà exigat, prout notant Urbanus, & Lothus *tract.* 7. *quest.* 5. *art.* 1. qui nuperrimè hanc difficultatem late discutit. Sed quia Franc. N. *de jure & just. disp.* 3. *dub.* 3. *res.* 2. fortiter agit pro opposita sententia: desiderarem ejus argumenta videre efficaciter soluta ab

aliquo Scholastico, cuius plus interest: prout idem in simili superius me desiderare insinuavi. Alios Authores hac in parte videndos in magno nu-

mero proponit Vidal. *de pauperr. Religiosa inquisit. unica sol. 400. num. 12. & 13.*

## DVBIVM TERTIVM.

### De emphyteusi, feudo & servitute.

**Q**uia hæc quamdam habent affinitatem cum usufructu, ideo de iis hic agitur.

9. Dico primò, emphyteusis est contractus, quo res immobilis alicui traditur fruenda sub certa pensione reali: requiritur autem, ut sic alteri tradatur, ut minus ad decennium, si determinetur tempus; aliàs enim erit contractus locationis. Si non determinetur tempus, semper est emphyteusis quando dicto modo traditur res ad vitam unius vel aliquorum, aut etiam in perpetuum. Ubi adverte, quomodocumque res tradatur, eam totaliter redire ad priorem dominum, si pensio intra certum tempus non solvatur. Ita colligitur ex *le. 2. & 3. cap. de jure emphyt.* Est autem hoc certum tempus duorum annorum, si emphyteusis sit ecclesiastica, trium verò si secularis. Qui rem aliquam tradit in emphyteusim dicitur proprietarius, & qui eam accipit emphyteuta.

10. Dico secundò, feudum est concessio fruendæ rei immobilis, vel quæ pro immobili habetur, sub onere servitii personalis præstandi feudatori: ut dum v.g. Rex alicui concedit aliquam civitatem ut in bello pro Rege pugnet. Is, qui concedit, dicitur feudator vel

infeudator, cui verò conceditur, feudatarius vel vassallus; diciturque feudum à fidelitate, quâ feudatarius feudatori dictum servitium personale exhibere obligatur.

11. Dico tertio, servitus hic nihil est aliud, quàm subiectio quædam seu obligatio, quâ res aliena alteri est subiecta. Est duplex, realis una, quæ à re debetur rei; personalis altera, quæ à re debetur personæ: ut v. g. alienus ager vel servitus personæ, si indè habeam usumfructum, & ut sic ista obligatio dicitur servitus personalis; vel in servitio meo agro, dum videlicet eam debet permittere liber transitus in meum agrum, & tunc vocatur realis. Servitus realis est iterum duplex; rustica scil. quæ prædio rustico, id est, horto vel alteri rei ab ædificio distinctæ, debetur; & urbana, quæ debetur ædificio ubicumque hoc constet. Sic servitutes rusticæ sunt, quibus est licitum vel ire per alienum agrum ad tuum, vel per eundem facere aquæ ductum, &c. Urbanæ verò sunt, quòd v.g. vicinus non possit erigere suam domum altius, ne tuum impediatur lumen; quòd teneatur recipere stillicidium tecti tui in suam arcam, &c.

2. Adverte servitutem realem variis modis institui, ut lege, testamento, donatione, pacto, & præscriptione: servitutes verò personales constituuntur iisdem modis, quibus diximus institui usumfructum, usum, emphyteusim & feudum; iisdemque modis, quibus hæc finiuntur.

## DVBIVM QVARTVM.

### *De possessione.*

13. **D**ico primò, possessio est rei detentio, vera vel ficta, animi, corporis, & juris adminiculo. Addunt alii *rei corporalis*: sed cum incorporaliū, v.g. beneficiorum, dignitatum, &c. possessiones verè dentur, monet rectè P. Franciscus melius particulam istam omitti. Per *detentionem* intellige etiam primam rei apprehensionem; per hanc enim inchoatur possessio. Dicitur autem detentio vera, quæ manibus in bonis mobilibus, pedibus in immobilibus fit; & ficta, quæ vel juris fictione fit, vel habet æquivalentiam cum vera: sic qui accipit claves portæ alicujus domus aut civitatis, earum censetur accipere possessionem. Dicitur *corporis & animi adminiculo*, quia nec sola corporis apprehensio sufficit, ut patet in depositario; neque etiam sola animi, ut constat in avaris. Additur autem *& juris*, quia etiam necessarium est, ut jus permittat rem possideri: quare detentio rei Sacræ non facit laicum ejusdem possessorem, propter dispositionem juris contrariam *Leg. universas §. 2. de acquirenda possessione.*

14. Dico secundò, possessio est duplex, una naturalis, alia civilis: hæc

est, dum solo animo retinetur possessio, antea corporis simul & animi adminiculo inchoata; sic absentes possident rem semel apprehensam. Naturalis verò est corporis animique detentio. Adverte tamen furem non habere veram possessionem rei furtivæ, licet eam corpore ac animo detineat; quia juxta jura non fit verè ac civiliter possessor qui re ab altero adhuc civiliter possessam occupat, quamvis id faciat animo civiliter occupandi, *leg. clam. possidere ff. de acquirenda possessione.* Valet interim adhuc furis possessio dum pacificè jam rem detinet, ut ab extraneo privatâ autoritate deturbari non possit, nequidem ab ipso rei domino.

15. Dico tertio, possessio rerum corporalium tribus modis acquiritur: apprehensione verâ, apprehensione fictâ, & legis dispositione. Apprehensio vera est illa manuum pedumve de qua statim, & hæc requiritur ad possessionem eorum, quæ nullius sunt, & ad possidendam relictam hereditatem, vel quando vi aliquid possidetur. Ficta est, dum rei dominus talem actum exercet, per quem in jure possessio tradi censetur. Legis dispositio



tionem denique possessio acquiritur, quando res in alterum transfertur sine ulla apprehensione vera vel ficta, sed præcisè quia leges sic statuunt; sic v. g. primogenitus succedit in majoratu. Franc. B. Speid. diff. 3. num. 20.

16. Dico quartò, possessio iurium, & rerum incorporalium obtinetur exercitio actus circa tale jus, qui actus sufficit unicus consumatus sciente & ferente eo, cujus intererat concedere vel prohibere; modo tamen eum commodè prohibere potuerit.

17. Dico quintò, possessio rerum mobilium amittitur quatuor modis: primò voluntate possidentis, nisi sit pupillus vel fatuus. Secundò furto. Tertiò amissione. Quarto fugà animalium non habentium consuetudinem redeundi; excipitur tamen mancipium. Adde totidem etiam modis amitti possessionem bonorum immobilium: primò scil. voluntate possidentis. Secundò longà ejus absentia si non protestetur. Tertiò possessoris negligentia, vel metu ejusdem non audentis rem suam ab invasore recuperare. Denique continua fluminis vel maris inundatione: circa quæ omnia vide Lessium, & alios fuscè hæc explicant.

Petes quænam sint possessoris privilegia?

18. Resp. in primis eum fieri dominum rei bonâ fide possessæ certo tempore elapso juxta dicta de præscriptione. Deinde potest suam possessionem armis tueri. Tertiò potest etiam rem à se possessam armis recuperare, modò confestim, & sine intervallo

fiat. Quartò in dubio utrimque æquè probabili facit meliorem ejus conditionem. Circa quod notandum venit, hoc axioma, *in dubio melior est conditio possidentis*, non tantum habere locum in materia rigorosæ justitiæ, sed & in omni omnino virtute, nam titulus & ratio possessionis æquè reperitur in occasionibus aliarum virtutum, quæ voluntatem humanam obligant, quàm in materia justitiæ, prout notavit Urban. *tract. 1. cap. 10. fol. 19.* Unde quamdiu dubitas de lege, voto, præcepto, &c. an videl. lex sit lata, votum emiseris, &c. post diligenter inquisitionem, non teneris ad eorum observationem, quia adhuc es in possessione tuæ libertatis. Si verò certus de lege, voto, &c. dubites an actus, quem intendis committere, sit contra legem, votum, &c. teneris eum non ponere, quia tunc lex, votum, &c. sunt in possessione. Hinc ulterius si dubites an unquam debueris centum aureos illi, qui eos à te petit, nec post diligens examen dubium tuum superare queas, ad nihil teneris: secus tamen teneris ad totum, si certus quod debueris, dubites an solveris: in primo enim casu tu es in possessione, in secundo vero ipse creditor, cujus possessio non tollitur per tuum dubium. Excipit tamen ab hac regula Urbanus cum communi post D. Thomam, peccata dubia, quæ ut dubia confiteri tenemur etiam si dubitemus an ea commiserimus; quia, inquit, tunc tutior pars eligenda est propter animæ periculum: nec possessio in casu posito favet libertati dubi-

dubitantis, sed potius communi fini Ecclesiæ: neque est ibi causa paritas ut melior existat conditio possidentis; quia non remittitur peccatum mortale etiam dubium, nisi per confessionem debitam in lege Evangelica. Ita Urbanus: verum de hoc ex professo agemus in tract. de Sacram. Circa cetera interim semper prævalet possessio, si nimirum res sit verè dubia: quod addo, quia Caramuel *sue theol. moral. lib. 3. disp. 3. quest. 9.* non admittit hanc propositionem, *In probabilibus standum necessarium pro possessione*; ratio ipsius est; quia non tenemur facere meliora sed bona; & tamen etiam in probabilibus melior sit conditio possidentis, possumus, nisi lege obligatoriâ impediamur, stare pro non possidente, cujus conditio tamen non sit melior, est tamen bona. Itaille. Quod & Diana *par. 4. tract. 3. Res. 32. & par. 11. tract. 5. Res. 27.* dicit se in praxi secutum tanquam probabile. Verum hæc aliorum iudicio relinquo; nullatenus tamen admittens in casu quo est periculum injuriæ tertii, conformiter ad dicta suprà in tract. de actibus humanis *disp. 2. num. 15.* ubi quærebamus an licitum esset sequi sententiam probabilem, probabiliori relicta.

19. Non vult etiam P. Scilder illud axioma admittere pro principio universalitatis: quia ille (inquit tract. 3. num. 10.) *qui tanquam Sacerdos diu celebravit, adeoque est in possessione celebrandi, si dubitare incipiat an valide ordinatus sit, non magis celebrare potest, quam is, qui dubius de valida ordinatione nunquam celebravit.* Sed antedicta ad hæc respondent, et-

iam hunc, si bonâ fide ordinatus sit, posse celebrare; quia licet non sit in possessione celebrationis actualis, est verè in possessione potestatis, seu juris celebrandi, quæ certa possessio non debet per dubium superveniens turbari, nisi velis ut & in hæc, & in aliis materiis infinitæ anxietates obveniant. Simili modo etiam satisfactiis, quæ circa finem ejusdem numeri habet; *Si dubium oriatur an debitor solverit, non potest creditor dicere se esse in possessione exigendi, quandoquidem nunquam aliquid tanquam debitum, exegerit*: quia adhuc talis verè dicitur esse in possessione, seu quasi possessione (voca ut volueris) juris exigendi debitum, licet non actualis exactionis. Unde nulla hic necessitas recurrendi ad aliud principium. Nec dicendum est cum Layman, & Ildephonso apud eundem Scilder *tract. 4. num. 369.* tunc esse solvendam partem debiti.

20. Subdit idem Scilder: *Dubius, an matrimonium valide cum aliqua iniverit, tenetur alteri bonâ fide petenti reddere debitum. cap. dominus de secundis nuptiis.* Verum hæc faciunt pro nobis, quia sicut per matrimonium bona fide contractum uterque conjux constituitur in possessione juris exigendi debitum, sic uterque amittit possessionem suæ libertatis, quam possessionem per dubium superveniens neuter potest recuperare: uade ille malè supponit, similem dubium esse in possessione suæ libertatis. Quod autem addit; *Non habet locum in dubio uter ex duobus titulum domini prius acceperit; is enim, qui ostendit, se accepisse tempore certo, præfertur* possessio-

possessori, qui tempus certum ostendere non potest: non est contra nos; quia hęc cetera non sunt paria, sive dubium non est utrinque æque probabile, sed præsumptio stat pro primo. Et certe miror, illum hac contra nos hęc obijcere, cum ipse sibi sufficienter in iis satisfaciatur *tract. 3. num. 43.* dicendo, possessio tantum dat favorem in dubio; in casu autem (scil. statim posito) non est solum dubium pro utroque, sed pro uno certitudo temporis.

Insuper quod idem Author adfert *num. 18.* & parum ante *num. 11.* *Dubius an copulam carnalem habuerit cum una, consobrinam ipsius ducere non potest, & si eam duxerit, separari debet. cap. Iuvenis de Sponsal.* non habet vim contra nos, cum debeat intelligi de ducente illam in simili dubio, quando nulla, aut non sufficiens veritatis indagatio est adhibita, nullumque est formatum prudens iudicium; ne contraveniatur iis, quæ ex ipsomet in initio huius dubii attulimus juxta *cap. dominus, &c.* Atque ita in simili respondet etiam Burgaber *centur. 3. casu ult.* Veldic, jus ecclesiasticum hęc aliter disponere ob rationes, quæ non militant in aliis materiis.

21 Ceterum ut habeas regulam generalem, quis sit dicendus esse in possessione; observa, pro eo semper iudicandum esse, pro quo stat præsumptio;

quæ semper stat pro hominis libertate quando dubium oritur circa actionem, per quam primum incipit obligatio: è contra verò pro obligatione legis, voti, &c. dum dubitatur circa actionem ad quam obligatio jam certò est orta. Unde si verè dubites an sis jejunus, communicare potes: item si sis dubius, an compleveris annum vigesimum primum, necdum teneris ad jejunium, quia adhuc es in possessione tuæ libertatis: si verò dubires, an habeas annos sexaginta completos, adhuc obligaris, quia præceptum tunc contra te est in possessione: quidquid tamen juxta Caramuelem statim citatum adhuc in hoc casu etiam non obligeris, si habeas rationem probabilem quoad impletionem anni sexagesimi. Nota interim in his omnibus dubitantem debere præmittere diligentem inquisitionem ad dubium superandum, antequam vi suæ possessionis procedat ad opus, quod denotant illa verba

*num. 18. à nobis posita, post diligentem inquisitionem; post diligens examen.*

\* \* \*

# DISPUTATIO III.

## De Justitia in genere.

### D V B I V M I.

#### Quid, & quotuplex Justitia.

1. **I**ustitia in sacris paginis sæpè sumitur pro universitate omnium virtutum; sic ut quælibet virtus sit pars ipsius justitiæ, & nemo justus dicatur, si vel ab unica virtute recedat. Ita sumitur *Matth. 5.* dum dicitur: *Beati qui esuriunt & sitiunt justitiam*, & alibi sæpius. Ratio autem esse potest, quia universitas virtutum reddit voluntatem æqualem seu conformem suæ regulæ, cui commensurata esse debet, scil. ipsi legi: deinde per collectas omnes virtutes redditur legislatori Deo quod illi suo modo debetur. Attamen de justitia hoc latiori modo sumpta hic non agimus, sed de ea, quatenus est virtus specialis à cæteris condistincta, de qua

2. Dico primò, justitia est constans ac perpetua voluntas jus suum cuique tribuendi. Ita omnes, saltem quoad substantiam: quod addo, quia licet Theologi communiter post Aristotelem, vel etiam sancti PP. aliter eam verbotenus definiant, nihil tamen novum afferunt, ut notat Urbanus *tract.*

3. *cir. 1. cap. 1. fol. 400.* Voluntas in definitione data non sumitur pro potentia, sed pro actu quasi virtualiter sive habitualiter perseverante, quod signi-

ficatur per *ly constans ac perpetua*; quæ hic non sunt idein, nam per hoc, quòd dicatur *voluntas constans*, indicatur propositum debere esse firmum, quo discernitur dare cuique suum: per hoc verò, quòd addatur *perpetua*, significatur, quòd oporteat semper & in omni occasione velle unicuique tribuere jus suum: quæ ambo necessariò requiruntur ad rationem perfectæ justitiæ: non enim sufficit velle aliquo tempore, aut in aliquibus negotiis unicuique tribuere quod suum est. Per *jus* intellige jus strictum, de quo nos suprà.

3. Ad perfectam & strictam justitiam tria necessariò requiruntur: primum est perfecta alteritas, ita videl. ut is, cui jus suum tribuitur, sit altera persona ab eo, qui id tribuit, idque non solum physicè, sed etiam moraliter. Secundum, ut jus, quod redditur, sit simpliciter & rigorosè debitum. Tertium denique, ut tradatur ad omnimodam æqualitatem. Unde religio, pietas & observantia non sunt strictè justitia; quia Deo, parentibus & magistris reddi non potest ad omnimodam æqualitatem. Neque etiam justitia dici possunt fortitudo aut temperantia; quia non disponunt nos ad alterum,

Kk sed

sed ad nos ipsos. Occasione tertii requisiti dicit Urban. *loc. cit.* post D. Thomam, iustitiam respicere medium rei, ceteras verò virtutes medium rationis; nam iustitia attendit aequalitatem rei ad rem absque respectu ad quodvis aliud, ut nempe tantum præcisè reponatur, quantum ablatum & debitum est: ceteræ autem virtutes attendunt medium rationis, in quantum recta ratio hinc & nunc secundum diversitatem circumstantiarum præscribit, ut v. g. temperantia, quantum cibi & potus sumendum sit in tali differentia temporis & corporis dispositione; fortitudo, quâ audaciâ aggrediendum sit periculum, & sic de similibus. Ex quibus patet, medium quident iustitiæ semper esse æquale, nullo habitu respectu, præterquam ad jus & debitum, sed media aliarum virtutum pro ratione circumstantiarum esse inæqualia.

4. Dico secundò, iustitia communiter dividitur in commutativam, distributivam, & legalem: verùm hæc (quæ juxta Franc. B. Spei est constans ac perpetua voluntas servandi bonum commune quâ tale) non est iustitia strictè sumpta, cum enim singulorum civium actiones in commune Resp. bonum dirigat, adeoque ipsi communitati debitum reddat, nunquam potest tribuere ad perfectam aequalitatem; nam Resp. membra nunquam se possunt exonerare, quin adhuc eidem obligentur: deinde in iustitia legali non est perfecta alteritas, cum quodlibet communitatis membrum non distinguatur adequatè ab ipsa com-

munitate. Imo neque iustitia distributiva est propriè dicta iustitia: quia hæc non reddit alteri jus suum sive rigorosè debitum; consistit enim in distributione bonorum, officiorum, & onerum publicorum communitatis: membrum autem communitatis, licet sit fortè ceteris capacius ad hoc officium v. g. non est tamen ei rigorosè debitum, nec adhuc habet strictum jus ad illud: unde fit, quòd propter violationem iustitiæ distributivæ præcisè nullus teneatur ad restitutionem: licet tamen sæpius Princeps vel Superior teneatur ex iustitia commutativa bona publica communitatis distribuere magis idoneis, quando nimirum implicitè vel explicitè convenit de eo cum ipsa communitate; quo casu, si contraveniat, tenebitur ad restitutionem ratione contractus. Item vi iustitiæ commutativæ tenetur Princeps juxta conventionem militibus stipendia solvere, sicut & mercedem operariis; quod est manifestum: quia in his se habet instar hominis privati conducentis operam alterius. Cæterum, licet Superior violando iustitiam distributivam non violat iustitiam propriè dictam, nec consequenter teneatur ad restitutionem, peccat tamen, quoties idoneo relicto, dat officium minimè idoneo; verùm de his postea latius. Ex dictis igitur constat, iustitiam commutativam esse solam propriè dictam iustitiam, cujus violatio semper obligat ad restituendum. Vide Franc. B. Spei *de iure & iust. disp. 2. num. 14. & seq.*

## DVBIVM SECVNDVM.

### *Inter quos Justitia intercedat.*

5. **E**X dictis constat, non posse dari veram justitiam ad seipsum (idem enim à seipso alter esse non potest) ac consequenter nemo potest sibi ipsi inferre veram injuriā. Hoc posito

6. Dico primò, inter patrem & filium formaliter, sive quā tales, nulla stricta intercedit justitia: quia filius ut filius est aliquid patris, & unum quid cum ipso: adeoque inter ipsos non reperitur perfecta alteritas, quidquid igitur filius ut filius debet patri, debet titulo pietatis. Verum hoc non obest, quin filius furando bona patris, injuriā committat; quia hoc non facit ut filius patri, sed ut homo homini: quamvis tamen ceteris paribus sit minus peccatum eandem summam surripere patri quā alteri extraneo, prout secundum omnes injuria est minus gravis; quia videl. pater censetur minus invitus quā extraneus.

7. Dico secundò, inter dominum & servum formaliter etiam nulla potest intercedere justitia propriè dicta: quia servus est etiam aliquid domini, utpote animatum ejus instrumentum, & aliquid de bonis ipsi propriis.

8. Dico tertio, inter maritum & uxorem nulla intercedit justitia circa regimen familiæ; non enim est inter eos quoad hoc perfecta alteritas, cum in eo uxor non possit quidquam disponere independentem à marito, qui

est caput uxoris. Intercedit tamen inter eos propriè dicta justitia, primò in iis, quæ sunt usus matrimonialis, nam solutio debiti est actus perfectæ justitiæ. Secundò etiam in iis, quæ uxori sunt propria (qualia sunt bona paraphernalia, &c.) potest inter ipsam & maritum justitia reperiri. Tertio uterque conjux habet jus strictum, ut ab altero alatur ac vestiatur; item ut ab eo singulariter ametur, quatenus conjux est, atque ut alia quædam erga se officia ab altero exhibeantur. Interim hinc diligenter

9. Adverte, justitiam propriè dictam non sic dici, quasi semper includat perfectius aut magis strictum jus, sive ut sit magis obligans, quā justitia minus propriè dicta: interdum enim hæc plūs obligat, ut videre est in pietate, sive jure paterno; quia peccata, quæ fiunt contra jus paternum, graviora sunt iis, quæ committuntur in alios contra justitiam strictam cæteris paribus. Dicitur ergo jus sive justitia propriè dicta, quia inter personas est perfecta alteritas, quæ non reperitur in personis, inter quas intercedit pietas v. g. De cætero inter reliquos homines omnes potest justitia propriè dicta reperiri. An verò eadem locum habeat hominem inter & Deū? multum controversitur; quia tamen id nihil ad intentum nostrum, pro eo consulere potes Franc. B. Spei de iure & iust. 2. n. 27.



## DVBIUM TERTIVM.

*Quid injustitia, & an eam quis possit pati  
volens?*

10. Sicut iustitia juxta ante dicta est duplex, ita & injustitia: sumitur enim semel generaliter pro: cujusvis legis transgressione, in quantum scilicet per eam non tribuitur, quod legi debetur: atque hinc in Scriptura sæpius omne genus peccati dicitur iniquitas & injustitia. Aliter verò sumitur particulariter, prout opponitur iustitiæ, quatenus hæc est virtus specialis: de qua hoc modo sumpta.

11. Dico primò, injustitia, ut habitus, est prava voluntatis dispositio, inclinans ad jus alterius violandum: pro actu verò sumpta nihil est aliud, quam juris alieni violatio, quæ semper inducit onus restitutionis. Sed

Petes fortè, quare ex injustitia, sive injuria, potiùs oriatur obligatio restitutionis, quam ex violatione charitatis, aut alterius virtutis?

12. Resp. quia motivum servandæ iustitiæ, ne videlicet alter re sua privetur, aequè habet locum, dum aliènum retinetur vel non restituitur, quam dum primo aufertur: in charitate verò omninò aliter res se habet; teneor namque subvenire proximo ex charitate, quia est in necessitate constitutus, quare necessitate cessante, cessat & ipsum motivum charitatis, & consequenter etiam ipsius obligatio; quod & fit in aliis virtutibus à iustitia distinctis.

13. Dico secundò, nullus sciens ac volens potest injuriæ pati: quia qui sciens ac volens aliquid patitur, cedit suo juri, nec consequenter ipsius jus violatur: hinc pro regula juris statuitur: *Scienti & consentienti non fit injuria.*

14. Dices tamen, ergo qui alterum scientem ac volentem occidit, non peccat contra iustitiam, sicut nec ille, qui conjugem consentiente adulteratur, aut qui alteri consentienti dat pecuniam ad usuram, quæ videntur absurda.

15. Respondet Urbanus in primo & secundo casu non inferri quidem injuriam occiso aut conjugi consentienti in adulterium: in primo tamen committitur injuria (inquit) communitati, cujus occisus est pars, ac etiam Deo, qui omnium vitæ & necis author existit: in secundo verò casu peccatur specialiter contra legem matrimonii, cui cedere nullus conjux potest. Ita Urban. *tract. 3. tit. 1. c. 4. fol. 410.* post Lessium, Valentiam, & Vasquez. Verùm Franc. B. *Speci de lure & Iust. disp. 2. n. 40.* probat, conjugem in casu posito pati strictam injuriam; cum juri quod habet in conjugem, legitimè cedere non possit, meritò ipsius consensus re ipsa censetur nullus; ac proinde alter adulterat sine jure, & sic injuriam formalem eo modo re ipsa conjugi infert,

ac si non consentiret, quod miratur non esse à Lessio consideratum. Idem dic de occiso in eodem casu.

16. Ad tertium verò casum respondendo in eo adhuc committi strictam injustitiam sive injuriam; licet enim ille qui usuram solvit ex pacto voluntariè iniro, eas solvat volens, non tamen in eo reperitur voluntarium perfectum, sed secundum quid tantum; nam ita recipit pecunias sub usura, ut tamen libentissimè eas gratis reciperet si suo modo non cogeretur ab usurario solvere usuram sub pœna non recipiendi mutui: unde cum hæc coactio sit actio prorsus injusta, ex qua oritur dictum voluntarium imperfectum, fit, quòd mutuatarius, illo voluntario non obstante, patiatur strictam injuriam.

17. Cæterum ut citata regula juris subsistat, debet utrumque conjungi *scienti, scil. & volenti*, prout idem Urbanus notat *tr. 3. circa finem fol. 729.* & ratio est, quia potest quis pati injuriam consentiens si non sit sciens, ut pupillus qui habet debile judicium: item & sciens si non sit consentiens, ut constat ex dicto mutuatario, qui ob metum scientis accipit pecunias ad usuram.

18. Dico tertio, nemo ab opposito potest propriè injuriam inferre nisi volens: quia cum homo ab aliis agentibus non distinguatur nisi per voluntatem, & tamen injuriam inferre nequeat nisi ut homo, clarum est, eum non inferre propriè dictam injuriam nisi sit volens. Deindè inferre injuriam est peccare, quod ex libera ele-

ctione fieri necesse est: quare pueri & amentes non dicuntur inferre injuriam licet aliis graviter noceant. Adde tamen sufficere voluntarium implicitum seu interpretativum, quod reperitur in eo, qui sciens aliquid esse contra jus alterius, illud facit; nam talis vult injustitiam suo actui necessario annexam. Idem voluntarium est in eo, qui operatur aliquid, quod ex ignorantia culpabili nescit esse injustum: ille enim censetur velle injustitiam in ipsa sua ignorantia tanquam in causa impediende scientiam, qua juris alieni violatio impediretur: qui tamen ex ignorantia inculpabili vel omnino coactè faceret aliquid, quod est læsivum juris alieni, non diceretur facere injustitiam; sicut nec ille, quid id faceret ex gravi valde passione tollente omnem deliberationem; quia ignorantia inculpabilis, coactio, & similis passio tollunt liberum, ut docuimus in *tr. de actibus humanis*: quare hi quidem dicerentur facere injustum, non tamen injustè sive injustitiam: quæ duo bene distinxit Aristoteles *5. Ethic. 9.* quòd scil. justum & injustum præcisè respiciant æqualitatem vel inæqualitatem rerum: jus verò, justitia & injustitia æqualitatem vel inæqualitatem implicite vel explicitè ab operante intendentem.

\*\*\*



## DISPUTATIO IV.

*De Restitutione in genere.*

## D V B I V M I.

*Quid Restitutio, & an sit necessaria ad salutem?*

**D**E restitutione agit Noster Bacho in 4. dist. 21. *quæst unica* per totam, quem poteris pro opportunitate consulere: ego verò de ea breviter

1. Dico primò, restitutio est positio in pristino statu rei ab alio ablatae vel acceptæ.

2. Dico secundò, restitutio differt à solutione, quòd non omnis solutio sit propriè restitutio; non enim dicimur restituere dum solvimus votum vel juramentum, aut aliam obligationem religionis, vel charitatis. Differt similiter à satisfactione, quòd omnis hæc etiam non sit restitutio, nam impetio præcepti & pœnitentiæ sacramentalis dicitur satisfactio, pro pœnis scil. purgatorii v. g. & tamen illa restitutio propriè vocari non potest. Præcisam ergo distinctionem inter restitutionem & solutionem ponit P. Francisc. quòd hæc sit rei, quæ nondum est in creditoris potestate; illa verò illius, quod in creditoris potestate erat. Hinc illa plurium definitio, *restitutio est rei accepta vel damni illati compensatio*, non est accurata; quia si quis dam-

num illatum in re, v. g. fructibus, compenset per pecuniam vel alios similes fructus proprios, erit solutio potius, quàm restitutio rigorosè sumpta.

3. Dico tertio, restitutio est quidem necessaria necessitate præcepti, non necessitate medii ad salutem. Ita D. Thomas, Franc. B. Spei, & alii omnes. Probatur prima pars, quia dum quantitas rei restituendæ est notabilis, præceptum restitutionis obligat sub mortali; ergo restitutione rei notabilis, culpabiliter omisâ, nullus salvari potest: & verè rem invito domino retinere non minus est malum, quàm eam primò auferre; ergo sicut hoc est peccatum mortale, ita & illud. Unde bene dixit Augustinus: *Non dimittitur peccatum, nisi restituatur ablatum*. Probatur etiam secunda pars, quia quacumque restitutione inculpabiliter omisâ potest obtineri salus, si nimirum omittatur ab eo, qui invincibiliter ignorat se ad eam obligari, vel qui est impotens restituere; hic enim si habens voluntatem restituendi si posset, ac de cæteris peccatis dolens verè pœniteat, constituitur in gra-

gratia, in qua si moriatur, salvabitur.

Petes primò, an debeatur restitutio illi, qui miraculosè resuscitatur?

4. Resp. affirmativè, etiam quoad bona, quæ ipse antea per ultimam voluntatem alienasset. Ita Glossa in *legem servus effectus*, ff. de *actionibus*. Ratio est, quia in omni testamento hæc conditio virtualiter apponitur: *Si moriar, & mortuus perseverem*: unde dum jura ex Apostolo statuunt, testamentum confirmari morte testatoris, intelligi debet sub dicta conditione. Neq. refert, quòd Religiosus resuscitatus non teneatur ad servanda sua vota, nec maritus ad priorem uxorem; quia ille non vovit, nisi usque ad mortem, neque hic aliter tradidit uxori corpus suum.

5. Petes secundò, an peccatum injustæ retentionis sit unum an plura peccata, quando quis multo tempore alienum retinet?

6. Resp. esse unum æquivalenter multa, pro multiplicatione notabilis temporis, ad hoc requisiti, ut dominus censeatur rationabiliter invitus, nisi fiat quædam moralis interruptio voluntatum restituendi, & non restituendi, quo casu essent multa formaliter peccata. P. Franc. *suprà*, n. 19.

7. Petes fortè tertio, quomodo dominus possit censeri rationabiliter invitus, cum debeat male re sua carere, quàm proximum injustâ retentione mortaliter peccare, & damnari?

8. Resp. ipsum non teneri cum suo notabili damno temporali impedire peccatum & damnationem malitiosam proximi, ut vidimus in *tr. de charit.* Ita idem Franc. B. Spei *ibid.* num. 21.

Petes 4. an noceat animæ defuncti

in purgatorio, si restitutio differatur; aut omitatur ab hæredibus?

9. Resp. negativè: quia defuncti in gratia recipiuntur in cælum simul ac pro peccatis suis satisfecerint: si tamen ipsi, dum viverent, in eo aliquam negligentiam commiserint, pro ea satis pati debent: secus tota culpa redundat in hæredes, aut alios, quibus restitutio est commissâ. Si igitur quandoque animæ defunctorum appareant, petantque fieri restitutionem, id fit, primò, quia restitutio sic petita, & obtemperata potest esse suffragium pro defuncto. Secundò, ut avertat amicos à peccato injustæ retentionis rei alienæ, prout petebat facere dives epulo. Tertiò, quia fortè talis petitio est pars pœnæ, quam in purgatorio debet subire. Denique, ut hæredes alii discant in hoc esse diligentiores, vel etiam ob alios fines Deo notos. Non omitto interea hic exprimere, quæ habet P. Scilder *tract. 4. num. 342.* nempe, quando testator jussit hæredem post mortem suam restituere bona pauperibus, præsumitur consensisse, ut hic tempore vitæ suæ distribuat. Quamvis non approbem ea, si agatur de bonis, quæ ipse testator obligabatur pauperibus distribuere; prout, quoad apparentiam, innuit verbum *restituere*: quia nec ipse testator poterat id sic differre. Verùm sequentia videntur

satis indicare, ipsum loqui de aliis bonis.

\*\*\*

## DVBIUM SECVNDVM.

*Vnde oriatur obligatio restitutionis.*

10. **D**ico, obligatio restitutionis oritur ex triplici capite, videl. ex re accepta, rei acceptione, & contractu. Restitutionem pro hac difficultate extende etiam ad solutionem, ut videretur quæstio de nomine. Quoad primum caput constat; eo ipso enim quod quis apud se habet rem alienam, licet eam iniuste non acceperit, tenetur eandem restituere, ut sic æqualitas constitutur inter se habentem aliquid plus quam suum, & alterum habentem aliquid minus quam suum. Quoad secundum velò caput etiam patet, quia sæpe quis obligatur ad restitutionem, licet apud ipsum res aliena non existeret, nec quidquam eius loco successerit, ex quo sit factus ditior, v.g. dum quis invito rei domino rem in mare proiecit vel combussit. De tertio capite postea agemus. Hic quoad primum caput

11. Nota, nomine rei acceptæ non tantum intelligi rem in propria specie existentem, sed & existentem in pretio vel valore, dum quis ex consumptione rei alienæ est factus ditior; nullus enim potest ditescere ex bonis alienis. Dico dum quis ex &c. est factus ditior, nam si inde non sit ditior factus, non tenetur ratione consumptionis bonâ fide factæ ad ullam restitutionem: quia qui ex sola re aliena obligatur, solum manet obligatus quamdiu habet talem rem vel pre-

tium ejus per quod auxit sua bona ordinaria. Ita omnes communiter. Hinc qui rem alienam bonâ fide inventam vel ab alio gratis acceptam recreatione extraordinaria eadem bonâ fide consumpsit, ita ut ex propriis bonis eâ recreatione non obstante tantum expenderit, ac si re alienâ caruisset, ad nullam tenetur restitutionem: idem dic de eo, qui rem similem per lusum amisit aliâ non lusus: item de eo, qui rem furtivam bonâ fide emptam eadem fide vendidit eo pretio, quo emerat; quia hi omnes ex aliena non sunt facti ditiores, nec ea res amplius apud ipsos exstat. Secus dicendum est de eo, qui ob prædictam recreationem pepercisset sumptibus, quos aliter fecisset ex bonis propriis, vel si æquè multum ex pecunia propria fuisset expensurus, aut si rem furtivam vendidisset plus quam sibi constitisset, aut etiam si vendidisset rem alienam bonâ fide gratis ab alio acceptam; in his enim omnibus casibus ditior ex re aliena est factus, totum vero in quo quis est factus ditior ex re aliena, restituendum est: quidquid aliqui cum Franc. B. Spei de Iure & Iust. disp. 17. n. 63. in casu revenditionis, etiam rei furtivæ bonâ fide factæ, negent excessum esse restituendum, quia illud majus pretium reputatur moraliter fructus industriæ. Adde, rem alienam in specie adhuc existentem semper

per esse restituendam, quamvis aliquis eam suis expensis aut labore meliorem reddidisset, quia per hoc non desinit esse aliena, nisi inde occultus peccator manifestari oporteret, aut aliud grave damnum sequeretur, prout teste N. Francisco rectè limitat Valentia. Imò si aliquis postquam sciverit rem à se possessam alienam esse, eam ulterius retineat, cum tamen eandem hic & nunc commodè possit restituere, incipit esse possessor malæ fidei, & obligari non tantum ratione rei acceptæ, sed ratione iniquæ detentionis, quæ juxta suprâ dictâ iniquæ acceptioni æquivaler; unde si res postea pereat sive culpa suâ, sive fortuitò, teneretur ejus valorem domino restituere, quia fuit in mora culpabili. Ita omnes. Dum tamen quis in casu suprâ posito rem alienam bonâ fide possessam suis expen-

sis aut labore melioravit, potest à domino rei exigere compensationem sumptuum quos fecit, sicut & laboris, præsertim si dominus tantundem erat expensurus.

12. Nota insuper ex Urbano tract. 3 tit. 5. cap. 1. fol. 519. nomine rei alienæ hic intelligi non eam solam, quæ in alterius est dominio, sed omnem illam, ad quam alter jus in re vel ad rem habet, licet ejus dominus non sit. Hæc de primo capite; de secundo verò plura quærenda erunt in sequentibus: hic interim animadverti, eum non peccare duplici peccato nec specie nec numero, qui non restituit cum sit obligatus restituere ex utroque capite simul, quia & contra eandem virtutem & ad idem obligatus ex utroque illo capite peccat.

## DUBIUM TERTIUM.

*Quæ culpa inducat onus restitutionis ob damnum illatum.*

13. **C**ULPA à Jurisperitis quintuplex solet assignari: latissima, quæ idem est quod apertus dolus: latior, quæ est dolus præsumptus: lata, quæ est omisio diligentia solite adhiberi ab hominibus ejusdem conditionis, ut v.g. dum quis relinquit librum foris ante ostium: levis, quæ est omisio diligentia adhiberi solite à prudentioribus, ut dum quis librum relinquit in officina vel cubiculo aperto: & levissima, quæ est omisio diligentia à

prudentissimis solite adhiberi, ut dum quis domum aut cubiculum claudendo manu non tentat an ostium sit obferatum. Nos ut plurimum agemus de culpa Theologica, quæ convertitur cum peccato, quæque maxime spectat ad forum internum sive conscientia.

14. Dico primò, seposito officio & contractu (de quibus dub. seq.) nullus ad restitutionem obligatur vi damni dati nisi in ipsa illatione peccatum

L I cora-

commiserit. Est communis & in praxi tuta, probaturque *ex cap. ult. de iniuriis & lege 3. ff. ad legem*: & quia aliàs damnum patiens non est rationabiliter invitus, prout non potest rationabiliter alterum obligare ad impossibile, ut nimirum non inferat damnum, licet de eo inferendo non cogitet. Ita Urbanus tract. 3. tit. 5. cap. 3. fol. 523. Ex hac resolutione plurimos casus resolves in quibus pro regula generali habeas neminem teneri ad restitutionem damni, etiam maximi, proveniente ex actione, quæ verè non fuit peccatum, ut v. g. quando dictum damnum est secutum ex oblivione naturali, inconsideratione aut ignorantia inculpabili. Unde ulterius

15. Colliges, neminem obligari ad restitutionem ob culpam levem aut levissimam; quia cum nemo in conscientia obligetur adhibere maiorem diligentiam, quam quæ est solita adhiberi à sui similibus, qui boni & providi habentur, in dicto casu non peccatur, ac consequenter juxta resolutionem datam, damnum, quod sic alteri obvenit, non debet huic imputari.

16. Dices, ille, cujus canis aut aliud animal intulit alteri damnum, puniatur, vel in se, vel in suis animalibus: ergo &c. Resp. illum in conscientia ad nihil teneri si id acciderit absque sua culpa, licet in foro externo animal vel ejus æstimatio auferatur ab eo, aut alia multa imponatur ad compensandum damnum, ne foveatur negligentia aut fenestra aperiatur fraudibus; vel etiam propter præsumptionem,

17. Adde tamen, quod si culpa juridica sit admissa, fieri, ut post sententiam Judicis sit in conscientia restituendi obligatio: quia leges conditæ de restituendo ob culpam juridicam, sunt quodammodo juris naturalis interpretatio, eò quod in bonum commune sint, & ut homines in præcavendis damnis fiant cautiore. Neque tunc licita est compensatio occulta, ut volunt Dicast. Rebell. Rodrig. & alii: quia hi falsò supponunt, leges illas, per quas ad restitutionem condemnatio fit, in præsumptione culpæ, quæ non est, fundari, cum in bono communi, & ut homines in præcavendis damnis cautiore sint, fundentur. Ita Fr. B. Spei de Jur. & Iust. disp. 17. n. 42.

18. Dico secundò, verius & omnino tutum in conscientia est, neminem sub mortali, ratione damni dati præcisè, ad restitutionem obligari, nisi ex peccato mortali. Ita Sotus, Navarra, Lessius, Sylvius, Malderus, Bassæus, & alii plures apud Wiggers contra N. Urbanum, Franciscum B. Spei, & plures alios. Probatur, quia ubi solum committitur culpa venialis non est actus perfectus in ratione injustitiæ; ergo nec inducit obligationem saltem perfectam restitutionis, quæ obliget sub peccato mortali: non enim potest obligatio esse major in suo ordine, quam sit injuria in suo; quia culpa levis non potest mereri pœnam gravem. Hinc deducit Lessius, ne quidem sub veniali aliquem teneri ad restitutionem damni gravis illari per solum peccatum veniale; mirum (inquit) videretur, aliquem obligari sub veniali tantum ad restitutionem v. g. aliquot mul-

millium florenorum, quorum amissio-  
ni causam vel occasionem dedisset per  
venialem aliquam inconsiderationem  
aut negligentiam, quoddam ab illo  
peccato veniali absolvi non posset sine  
illorum restitutione. Ita etiam Wig-  
gers. Ceterum dum committitur ve-  
niale peccatum in illatione injuriæ ra-  
tione parvitatis materiæ, aliâ tamen  
omnino deliberatè, exurgit certò ob-  
ligatio restituendi sub veniali; prout  
insententia aliquorum satis rationa-  
bili, in casu anteriori incurritur obli-  
gatio restituendi partem damni con-  
formem injuriæ illatæ. Ex his faciliè  
colliges, an & in quantum teneatur  
ad restitutionem, qui volens bombar-  
dâ occidere avem sedentem supra te-  
ctum villæ, ipsam villam incendit. Ad  
nullam enim in foro conscientiæ tene-  
tur restitutionem, si verè nullam cul-  
pam Theologicam commiserit: tene-  
tur sub mortali ad totum damnum, si  
culpa mortalis intercesserit ex prævisa,  
& non vitata actione tam periculosa:  
ac similiter tenetur sub veniali (saltem  
ad restitutionem alicujus exiguæ par-  
tis) si culpa venialis tantum affuerit. Ita  
etiam nobiscum sentiunt Burghar-  
ber *Centur. 1. casu 67.* & Bonacina ab ip-  
so citatus. Dixi tamen in foro conscien-  
tiæ: quia in foro externo sæpe præsu-  
mitur grave damnum cum gravi culpa  
illatum esse, nisi de contratio aliunde  
constat: & ut diximus *n. 17.* Judices in  
hoc foro non tantum se fundant in  
præsumptione culpæ Theologicæ.

19 Dices cum Urbano, ex resolu-  
tione sequitur, posse aliquem cul-  
pabiliter proximo grave damnum  
inferre sine obligatione restituendi,

nimirum multis vicibus paulatim rem  
levem furripiendo, eamque ita-  
tim consumendo sine voluntate  
ultimius furandi, quod videtur ab-  
surdum.

20. Resp. similem furem obligari  
ad restituendum quodlibet furtum  
minutum sub peccato veniali ratione  
injustæ acceptionis: sicut enim,  
quamdiu non restituit, est causa vo-  
luntaria & culpabilis quoddam dominus  
resuâ privetur, ita & perseverat ip-  
sius injustitia & inæqualitas inter ip-  
sum & dominum istarum rerum le-  
vium, ac consequenter etiam ipsius  
peccatum veniale. Tantum igitur  
difficultas remanet, an dictus fur non  
teneatur sub mortali ad restitutionem  
omnium istarum rerum simul: quæ  
etiam manet solvenda ab ipso Urba-  
no, & erui poterit ex dicendis infra  
de furtis minutis. Neque dicenda est  
sententia nostra, quæ est probatissi-  
morum DD. nimis laxa; quia (ut opti-  
mè notant Lessius & Wiggers) dum  
damnum, quod infertur, est grave,  
censendum est ordinariè intercessisse  
peccatum mortale, si aliqua vera  
culpa intercesserit: si enim ali-  
quousque quis advertat periculum,  
vel si occurrat aliquid, quod me-  
ritò excitet ad periculi considera-  
tionem, & diligentia debita ne-  
gligatur, communiter culpa gravis  
& peccatum mortale committitur;  
nam in operibus externis rariùs  
contingit, quoddam aliquis ita imper-  
fectè consideret, ut in re gravi  
tantum venialiter delinquat, eò  
quoddam opera externa statim suum  
periculum ingerant, mentemque ad

ejus considerationem moveant & excitem. Atque inde est, quòd ipse Urbanus *loc. cit.* dicat, pro qualitate rei maiorem aut minorem debere diligentiam adhiberi; adeoque qualitatem rei, quæ perit, spectandam esse, ut iudicetur ex qua culpa perierit. Nec puto quemquam ex culpa lata posse esse causam magni damni quin peccet mortaliter, & consequenter teneatur ad restitutionem: quia qui negligit in actionibus periculosis adhibere diligentiam ab aliis suæ conditionis adhiberi solitam, censetur mortaliter velle damnum, quod inde sequitur, eò quòd ad illud vitandum non faciat quod potuit & debuit facere.

21. Insuper vix mihi possibile videtur, quòd quis cum veniali præcisè mille aureos accipiat, & illos statim consumat: quia si ad illud damnum vel leviter tantum attendat, cui per peccatum, alioqui tantum veniale, alterum exponit, mortaliter peccabit, iniuste sciens & volens alterum graviter damnificando. Unde non

video, quomodo nostra & aliorum satis prospectorum Authorum sententia dicatur viam aperire ad quamplurimas rerum alterius notabilium, cum fide venialiter mala tantum detentorum, consumptiones, sub restituendi obligatione veniali tantum: quamvis id asserat Franc. B. Spei *de Iure & Iust. disp. 17. n. 34.*

Petes an quando propter delictum alius falsò accusatur ac damnificatur, tenearis damnum illud refarcire?

22. Resp. quòd non, si ex tuo delicto tale damnum non prævideris ei obventurum, nec ex eo sit natum sequi; cum enim aliàs tale damnum accidat ob ignorantiam vel malitiam aliorum, non est id tibi voluntarium, ut patet. Si tamen ob tuum crimen alter cogeretur parti à te læsæ satisfacere, tenereris damnum ipsius compensare; quia ad id ipsum obligaberis ab initio illis, quibus hoc alter innocens præstitit, ac proinde hic quasi pro te id fecit, adeoque actionem primi damnificati in se contra te transtulit.

## DVBIVM QVARTVM.

*Quæ culpa obliget officarium vel contrahentem ad restitutionem damni?*

23. **D**ico primò, ratione officii præcisè nullus ad restitutionem obligatur ob culpam levem vel levissimam: sed solùm ob culpam latam. Probatur, quia nullus in suo officio exercendo tenetur maiorem

diligentiam aut prudentiam adhibere, quam passim similis officii homines in talibus negotiis soleant. Hinc si quis litem amittat eò quòd advocatus non adhibuerit eam operam & diligentiam, quam



quam prudentiores aut prudentissimi adhibere solent, ad nihil tenetur, modo præstiterit, quod solent boni & prudentes præstare: idem a pari dic de medico, architecto, tutore, & similibus. Ita Urbanus & alii communiter: ac sanè aliàs crearentur infiniti scrupuli.

Lessius & Sylvius quosdam casus excipiunt, in quibus docent, officarios aliquando teneri ad restitutionem ob culpam levem vel levissimam, ut v. g. dum quis se profiteretur aliis diligentem & peritorem, vel etiam diligentissimum, ac per hoc ad se pertrahit eum, qui similem querit; quia talis promittit implicitè plus præstare, quàm præstent diligentes (aliàs enim non cessaret alius querere meliorem:) si igitur non præstet illud plus, tenebitur ad restitutionem. Ita illi: quæ omnia in se sunt vera: sed non est necessarium hanc exceptionem ponere, eò quòd talis non committat solam culpam levem, sed gravem: cum enim se gerat pro peritiori aut peritissimo, si non adhibeat diligentiam & peritiam diligentiorum ac peritiorum, vel peritissimorum, omittit præstare id, quod suæ putat, & à se fictæ conditionis homines præstare solent, ac consequenter committit culpam gravem: unde hæc pertinent ad quæstionem de nomine. Solùm nota ex Sylvio, dictum advocatum (& idem est de similibus) ob non præstitum illud plus, non obligari ad restitutionem totius damni, quod alter patitur ex tali amissione litis, sed ad aliquid dumtaxat ex prudentis viri judicio: ac collige vix ul-

lum obligari ad restitutionem damni dati gravis per negligentiam commissam in exercitio sui officii, nisi in eo commiserit mortale peccatum: quia vix potest quis committere culpam tantam in officio suo circa rem gravem absque gravi peccato. Vide circa hæc Franc. B. Spei de jure & just. disp. 17. num. 44. & seq.

24. Petunt hinc aliqui, an Confessarius teneatur ad restitutionem, dum omittit eam pœnitenti injungere ex ignorantia vel inadvertentia culpabili? Verùm nos de eo commodius agemus in tract. de Sacram. quare circa obligationem vi contractus.

25. Dico secundo, dum res alteri locata vel commodata apud ipsum perit casu vel fortuito, ad nihil tenetur, nisi de eo expressum pactum intercesserit. Ita omnes ex cap. unico de Commodato: & ratio est, quia res domino perit, dum nulla intercessit culpa vel pactum in contrarium: quòd si vera culpa intercessit, ut v. g. si commodatarius fuerit in mora reddendi rem commodatam ex sua culpa, vel aliter fuerit usus re commodatâ, quàm erat conventum, tenebitur ad restitutionem, et si res fortuito pereat; quia si tempore statuto rem reddidisset, vel eâ solùm usus fuisset, prout erat conventum, forsàn non periisset. Si tamen constaret, adhuc rem apud dominum perituram fuisse, licet tempore statuto ei tradita fuisset, non tenetur pretium rei restituere. Ita DD. ex eodem cap. Imo P. Franciscus, citans Lessium, hanc in terminis ponit conclusionem loc. cit. n. 77. Si res erat apud dominum,

LI 3 non



non obstante illius diligentia, citra injuriam certo peritura, nequidem fur, cujus culpa res talis, intra eundem locum & tempus perit, ad restitutionem tenetur; modò tamen cani non vendiderit, vel consumptione illius ditor factus non sit. Rationem dat; quia res illa, ut sic spectata, moraliter nullius valoris est; unde illi non censetur damnum irrogari alicujus momenti.

26. Dico tertio, dum res perit apud aliquem, qui eam acceperat ex contractu cedente in proprium suum commodum tantum, tenetur ad restitutionem ob quamcumque culpam, etiam levissimam. Ita enim statutum est dicto cap. unico: cujus ratio est, quòd æquitas naturalis postulet, ut, qui gratis realienà utitur in propriam utilitatem dumtaxat, adhibeat maximam diligentiam ne domino pereat, aliàs mala esset domini conditio, qui rei sine sua culpa pereuntis detrimentum pateretur; & non ille, cujus culpà perit. Ita P. Urbanus cum aliis communiter. Interea etiam probabilem censeo oppositam sententiam Soti, Sa, Lugo, & Lessli; quia sistendo intra limites juris naturalis nemo tenetur ad restitutionem damni dati, nisi ob culpam latam; neque ullus obligatur majorem curam adhibere in custodiendâ re alienâ etiam gratis sibi concessâ, quàm in custodia rei propriæ, & quam ipse dominus adhibuisset, si apud rem fuisset; ergo si hac diligentia præstitâ adhuc contingat rem perire, peribit sine culpa sua Theologica, sive sine suo peccato, adeoque & absque injuria: atqui nemo tenetur in conscientia de damno dato, nisi sit datum ius-

justè; ergo, &c. Ita Wiggers, qui tamen ob leges humanas sententiam communem absolutè sustinet; quidquid ad eas videatur posse responderi, eas non esse receptas sub tam gravi onere, ut obligent in conscientia: vel cum Soto non improbabilius dici potest, eas intelligendas de culpa Theologica sive peccato, non vero de juridica. Neque ratio ex Urbano allata omninò convincit; quia aliàs etiam ex culpa levi vel levissima teneri videretur conductor, depositarius & alii, quod tamen est contra omnes. Quid si aliquis sartor v. g. in domo à se conductâ operetur cum multis famulis, & ex prunis inter illos malè custoditis domus ignem concipiat ac comburatur? Respondeo cum pluribus Juristis apud Burghaber centur. 2. casu 57. l. 3. tr. 4. c. 22. num. 6. illum ad nullam restitutionem obligari, nisi proprietarius probeat, incendium accidisse ex culpa certi ac determinati famuli, qui communiter pro negligentia est habitus, & tamen ab isto sartore in domum inductus & toleratus fuit: aliàs enim nulla probatur in eo fuisse culpa.

27. Dico quarto, dum contractus, quo res aliena accipitur, cedit in commodum solius dantis, accipiens non tenetur ad restitutionem, nisi de culpa lata; si verò in commodum tam dantis quàm recipientis, tenetur probabilius de culpa levi, non de levissima. Ita idem Urbanus ex Instit. quibus modis contrahatur obligatio, §. interea: & lege etiam de commodato: ac lege contractus, ff. de reg. juris. Primum probat hac

hac ratione, quia quisque tenetur adhibere diligentiam in re aliena custodienda, quam solent homines communiter adhibere, ut sit in tuto, quæ diligentia excludit culpam latam, & non levem neque levissimam. Secundum autem similiter probat, quia ex una parte æquum est, ut ad majorem diligentiam obligetur, qui rem alienam accepit in suam utilitatem, quam teneatur ad propriam: ex altera verò, quia contractus etiam cedit in utilitatem dantis, non est æquum, ut ipse dans nulli periculo subiaceat. Hæc ille: attamen in hoc secundo casu etiam neminem obligari, saltem probabiliter, nisi ex culpa lata, patet à fortiori ex dictis *resol. præced.*

Petes, an dum rem alienam, quæ apud nos servatur, simul cum nostra non possumus salvare, nostram alienæ præferre possimus?

28. Resp. juxta sententiam communem & probabiliorem, si quis rem alienam accepit in propriam tantum utilitatem, tenetur hanc rei propriæ præferre, sive sit æqualis, sive etiam parum minoris æstimationis. Si

verò eam acceperit in solam utilitatem dantis, potest proprias res præferre alienis: & si in utilitatem utriusque, poterit præferre proprias, si sint æqualis, vel majoris æstimationis, non tamen si minoris. Ita Lessius, Sylvius, &c. quæ etiam omnia constant ex dictis de diligentia, quam quisque ratione diverforum contractuum majorem vel minorem in re aliena conservanda adhibere tenetur. Verumtamen juxta sententiam oppositam, quam etiam probabilem diximus, propria res in omni casu, secluso pacto, rei alienæ præferri potest; quia contractus quicumque, etiam commodati, non obligat in conscientia ad custodiam cum gravi detrimento proprio; neque enim commodatarius censendus est se obligasse cum tanto onere, nisi res aliena sit

notabiliter majoris  
valoris.

DISP. V.

## DISPUTATIO V.

*De injuria per homicidium vel mutilationem.*

## DVBIUM I.

*An unquam liceat seipsum vel innocentem occidere?*

1. **S**uppono ex Scriptura Exod. 22, Deut. 20. ad Rom. 13. &c. publicâ authoritate posse occidi malefactores: quod & ratione manifestâ probat D. Thomas hic art. 2. & 3. neque in hoc potest moveri difficultas: quidquid contrarium docuerint Lactantius & Waldenses hæretici, quos (teste Francisco N.) valde periculosè sequitur Scotus in 4. dist. 5. q. 3. a. 2. docens, non licere occidere quemquam, nisi casibus, in quibus Deus dispensare legitur.

2. Dico primò, nunquam est licitum seipsum directè, sive ex directâ intentione occidere, nisi Dei authoritate id fiat. Prob. ex præcepto *non occides*, quo, juxta omnes communiter, id in omni alio casu prohibetur. Nec refert, quòd, juxta Eusebium, Ambrosium, & alios, plures scæminâ se in flumen vel ignem conjecerint, aut alio modo seipsas interfecerint, quæ tamen ab Ecclesia pro Martyribus coluntur, quia vel id fecerunt divinâ ductâ inspiratione, ut vult D. Augustinus, idem asserens de Samsonè, qui tamen aliunde ab aliis excusatur, eò quòd tantum

indirectè se occiderit: vel ex ignorantia invincibili: per quod illis sic ab omni culpa excusatis, cum mortem subierint pro fide christiana, & tyrannide ethnicorum compulsè, secundum moralem æstimationem censentur à tyrannis occisæ, atque ideo eas Ecclesia pro Martyribus colit.

3. Adde Franciscum B. Spei suæ Noëtux dub. 20. num. 657. dicere, à ratione præcisè convincens argumentum non apparere, ne aliquis exigente notabili bono communi, authoritate publica justè præcipiente, seipsum occidere possit, ne aliqui Resp. notabile damnum patiatur; aut ipse authoritate publicâ multò immaniùs ac crudeliùs sit certò occidendus. Idem repetit in sua Theol. de Iurè & Inst. disp. 19. n. 62. ubi subtiliter, uti solet, discurret.

4. Dico secundò, licitum est indirectè causam dando mortis propriæ seipsum occidere faciendo vel omittendo aliquid, unde mors sequatur, modò adsit justa causa. Sic: reus, qui potest ex carcere fugere, non tenetur ad fugam; imò potest se offerre justitiæ, ut debitas

debitas pœnas luat. Potest item, juxta plurium sententiam in naufragio quis alteri cedere tabulam atreptam, per quam posset evadere: nec non potest aliquis se objicere telo directo in principem: in peste aliis servire: injicere ignem in pulverem tormentarium, ne navis in qua est, capiatur ab hoste, licet certum sit, se & omnes alios socios fore occidendos; quidquid Lothus post Sylvium & Wiggers contra Lessium, velit id militibus non licere, quamdiu ipsi sunt in navi, sed tantum sic ut pulvis concipiat ignem postquam in mare desilierunt, Ratio omnium horum est, quia in illis circumstantiis non mors, sed alius honestus finis intenditur, estque mors omnino præter-intentionalis. Adde etiam plures propter eandem rationem docere, reum posse, imò & teneri, sumere venenum, si ad hoc iuste sit condemnatus: sed hoc negat Diana *par. 11. tract. 6. resol. 50.* & à fortiori id quod docent Aragonius, Victoria & Corduba, quos sequitur Pontius, posse nempe etiam aliis modis reum se occidere jubente iudice. Vide eundem Dianam *ibid. ref. 46.*

5. Petes, an peccet, qui, ut gravia fugiat tormenta, fatendo crimen falsò sibi impositum, dat causam suæ mortis? Eum peccare mortaliter iudico, quia (præterquam quòd mentatur in re gravi) unusquisque minùs esse potest author mortis propriæ, cæteris paribus, imponendo sibi crimen falsum, quàm esse possit author mortis alterius per crimen ei falsò impositum; quia *dilectio sui est regula dilectionis proximi.* Ita P. Franc. B. *Spei loc. cit. n.*

195 Scio, plures docere cum Burghaber *centur. 1. casu 100.* & Diana *part. 3. tract. 5. resol. 7.* post Sanchez & alios, eum ne quidem peccare venialiter, quia vita non censetur digna tanto dolore, & talis omnino excusatur à mendacio ratione restrictionis mentalis: sed nos illas restrictiones suo loco rejiciemus. Adde tamen in casu posito hominem posse verum crimen occultum revelare, unde ante erat mortem promeritus; quia tunc cessat jus, quod habet, ne autoritate publicâ occidatur, & aliunde rationabilis subest illud detegendi causa, quâ utendo non facit se suæ mortis causam, sed ostendit causam aliunde esse positam. Ita idem Franciscus *ibid.*

6. Dico tertio, potest quis seipsum mutilare ad conservandam vitam, ut v. g. amputare manum in carcere, ut solvat catenas, & evadat mortem. Probatur, quia meritò pars postponitur suo toti: deinde, juxta DD. communiter, tenetur ager permittere mutilationem judicatam à medicis necessariam ad conservationem vitæ; excipe tamen, nisi similis mutilatio esset valde dolorosa, vel causativa magni defectus, aut deformitatis: quia nemo obligatur assumere remedia adeo extraordinaria cum tanto suo incommodo, nisi fortè in casu valde particulari mors similis ægri allatura esset magnum detrimentum Reip. vel communitati.

7. Ceterum prorsus illicitum est, se vel alium castrare, tam ob bonum temporale, ne v. g. bonus cantor vocem amittat: quàm ob bonum spirituale, ut scil. quis liberetur à periculo

Mm

incon-

incontinentiæ. Quoad secundum constat manifestè ex Concilio Niceno *Can. 1. c. Si quis, dist. 55.* à quo à fortiori primum contra Salonium eruitur; si enim id minimè liceat ob bonum spirituale, quomodo ob lucrum temporale id fieri licebit? Certè (ut bene Tannerus 2.2. *dist. 4. q. 8. dub. 5. n. 101.*) bonum illud, quod scilicet sic melius poterit castratus suo cantu Ecclesiæ inservire, victumque lucrari, tanti momenti non est, ut ob id res tam per se à natura aliena suscipiatur; cum bonum spirituale longè majoris momenti sit, nec tamen pro salute spirituali, aut periculo animæ vitando id licitum sit: quare Franc. B. Spei suæ Noctuæ *dub. 22. num. 684.* asserit, nobiscum sentire ferè omnes DD. oppositamque sententiam videri erroneam: quam in *tract. de iure & iust. dist. 19. num. 38.* probat, quia amputatio membri cuiuscumque est parziale sui ipsius homicidium: & *num. 40.* dicit, Christi dictum *Matth. 24. Si oculus tuus scandalizat te, erue eum, &c.* non de parte, seu oculo corporali, sed de spirituali per occasionum peccandi remotionem, debere intelligi; prout & illud *Matth. 19. Sunt, qui se castraverunt propter regnum calorum:* id est, per servatam castitatem. Vide eundem Franciscum *loc. cit. num. 106. & seq.*

9. Sed quomodo Caramuel Theol. *fundam. fol. 560. p. 1.* querat, an mulier ad evadendum periculum peccati mortalis manifestum, in casu videlicet quo ab aliquo diuulsumque sollicitatur ad peccatum carnis, vel etiam in periculo proximo est, ut ab eo opprimatur, an, inquam, tunc non possit se

occidere, ne peccet mortaliter? Verè id mihi videtur implicite damnatum à dicto Concilio: neque rationes Caramuelis quidquam movent, cum ipse falsum supponat, nempe feminam posse constitui in tali casu, ut aliter peccatum mortale fugere nequeat, quin sibi ipsi manus violentas inferat. Deinde explicitè & in terminis damnatum est id, quod ipsæ rationibus oppugnat *fundam. 35. §. 9.* de quo plus miror, & meritò contra ipsum invenitur *Dianap. 11. tract. 1. resol. 23.* ac Franciscus in *Noctua dub. 21. res. 1. num. 660.* asserit, certam esse omnium DD. sententiam, quod nemo ad peccatum vitandum se occidere possit, quod & demonstrat ex S. Augustino.

9. Dico quartò, nunquam licitum est directè occidere innocentem. Probatur, quia neque Resp. neque alius quicumque habet dominium in alterius vitam: quandoque tamen indirectè id licitum est; primò, dum iniustus invasor uritur puero pro clypeo, quatenus tuo ictu frustrato ipse te occidat; potes enim tunc puerum & ipsum occidendo mortem evadere, si aliter non potes: tunc namque ictus tuus non dirigitur in puerum, sed in iniustum in vallorem, contra quem licitè uteris jure tuo. Secundò, potest incendi turris, in qua sunt inimici, etsi contineantur aliqui extranei innocentes: & sic dicendum de similibus.

## DVBIVM SECUNDVM.

*An licitè occidatur invasor iniustus?*

10. **D**ico primò, cuicumque est licitum occidere invasorem iniustum vitæ suæ, adhibito moderamine inculpata tutelæ. Probatur, quia juxta Innocentium III. Alexandrum tertium, & D. Thomam, jus naturæ docet, licere vim vi repellere cum dicto moderamine. Postulat autem moderamen illud, ut non fiat plùs in sui defensionem, quàm sit hîc & nunc necessarium ad malum avertendum: unde hoc moderamen puto excedere quemcumque, qui alterum in casu posito occidit directè, sive ex intentione occidendi; quia absque illa intentione potest quisque se illatum servare, directè tantum intendendo suam defensionem. Ita D. Thomas, Sylvius, & alii. Nec sequitur (quidquid plures dicant) occisio invasoris in casu posito, quando scilicet aliter mors evadi non potest, est licita; ergo & licitum est eam intendere: quia id solum sequitur, ubi actus est licitus absolute & per se, non verò quando tantum licitus est, ut aliunde consequens: non enim sequitur in simili, pollutio secuta ex lauta comestione, ex equitatione necessaria, &c. est licita; ergo licitum est pollutionem intendere laute comedendo, equitando, &c. Quia tamen Franciscus B. Spei *de Iure & Iust. disp. 19. num. 26.* cum Lessio contrarium sustinet, id omninò etiam reputo probabile. Cæterum, quando contra re-

solutionem nostram principalem videtur ob stare Scriptura, vel Sancti PP. intelligi debent de occidente invasorem ex vindicta, vel excedendo moderamen inculpata tutelæ.

11. Dices tamen, plus tenemur juxta suprà dicta diligere vitam spiritualem proximi, sive animæ ipsius salutem, quàm vitam corporalem propriam; ergo ad hanc servandam non licet iniustum invasorem occidere, cum constet eum esse in statu peccati mortalis.

12. Resp. in primis, neque ipsum invasum esse certum, quòd sit in gratia; ac ab alia parte invasor jam accepto vulnere poterit adhuc pœnitere & salvari, si velit. Deinde nullus vi præcepti charitatis tenetur suam vitam corporalem exponere pro salute spirituali alterius, qui spontè & ex mera sua malitia se in periculum salutis spiritualis conjicit, maxime dum potest facillimè se ipsum illi periculo eximere; sed tantum, dum salus proximi est in extrema necessitate, ex qua non possit se liberare, nisi ope nostra & nostro auxilio. Quare est major difficultas, dum aggressor non est iniustus, v. g. quia amens, ebrius, &c. de quo Pontius apud Dianam p. 11. *tr. 6. ref. 52.* si constet eum in amentiam vel ebrietatem incidisse cum peccato mortali, docet aggressum teneri ex charitate potius permittere se interfici, quàm occidere invasorem, si invasus credat proba-

M m 2 biliter



libiter se esse in statu gratiæ. Ex his omnibus deducit Diana, posse occidi fatellites seu ministros publicos cum moderamine inculpate tutelæ, si vel injustè conentur interficere innocentem, vel eum capere, ut injustè occidatur, dummodo ipsi sciant eum esse innocentem; si tamen bonâ fide munus suum obirent, plerique Authores doceant non posse occidi: bonum enim commune postulat, ut non inferatur damnum ministris bonâ fide publicum officium exercentibus. Ita Dicatillus, adducens Molinam, Aragonium, & alios; sed Franciscus de Cuenca ait, injustè carceratum posselicitè è carcere fugere, etiam carceris custodes occidendo, si opus fuerit. Hæc omnia Diana *loc. cit.*

13. Adde interim, neminem teneri ad sui defensionem cum occisione invasoris injusti (quidquid reclamet Pontius in *curso Theol. disp. 52. q. 5. conclus. 8. n. 31.*) nisi & ipse sit in mortali peccato, vel sit persona necessaria Reip. Imò Sancti Augustinus & Ambrosius docent, sæpè consultum esse, permittere sui occisionem: quod & pater exemplis multorum Sanctorum, ac maximè Christi Domini. Deinde in simili defensione sui, periculum subest, ne vel ira vel odium se intermiscant, vel etiam excedatur moderamen inculpate tutelæ; ac denique licèt charitas ad hoc non obliget, multum tamen in hoc inclinât, ne proximus in æternum pereat. Dixi, *nisi ipse etiam sit in peccato mortali*, tunc enim teneretur magis propriam salutem diligere, quàm alienam: dixi item, *nisi sit Reip. necessarius*, quia debet tunc com-

mune bonum præponere bono aliquis privati, ma inè dum hic tunc sponte se in periculum conjicit. Ex dictis

14. Colliges cum P. Franc. B. Spem, cuicumque contrà quicumque insignioris notæ invasorem, patrem v. g. herum, &c. adhibito moderamine, &c. licere vim vi repellere, occidere, &c. quantumvis invasus dederit causam per adulterium, contumeliam, &c. quia cùm propterea non censeatur injustus invasor, jus, quod habet propriæ vitæ tuendæ, nondum amisit. Adverte tamen, quòd prout non licet, desinente moraliter actu injustæ aggressiõis, aggressorem occidere, ita non liceat nondum eo aggressiõis actu moraliter incipiente, quia tunc esse non potest moderamen inculpate tutelæ; secus si moraliter inceperit & perseveret. Unde Layman, Lessius, & alii multi docent, licere uxori maritum occidere, qui jam habet pugionem sub cervicali, venenum aut quidpiam simile, ad ejus necem certò aliqui futuram, paratum. Hæc verbatenus idem Franciscus *disp. 19. num. 28.*

15. Dico secundo, licitum est occidere invasorem vitæ proximi innocentis. Prob. à pari *ex resol. 1.* quia licet ut potest quis se defendere contra invasorem injustum, ita & alterum innocentem: quod confirmatur exemplo Moysis, qui in defensionem Israëlitarum Ægyptium interemit. Verùm ad hoc nemo obligatur cum gravi suo periculo vel damno, nisi fortè ab eum ex officio cura incumbat ad dicti innocentis vitam tuendam, uti v. g. incun-

incumbit Principi & Magistratui; ad quod tamen nec hi tenentur cum periculo vitæ propriæ.

16. Dico tertio, licitum est occidere injustum in vasorem bonorum suorum temporalium magni momenti, quæ postea amplius recuperari non possent. Probat P. Franciscus ex Scriptura, variis juribus, & hac ratione, nam si liceat vim vi pro vitæ conservatione repellere, etiam licet pro conservatione ad vitæ sustentationem necessarium. Atque hæc etiam se extendunt ad Clericos, ut patet ex Innocentio IV. *cap. dilecto*. Dum igitur *Exodi 22*. dicitur, non licere occidere furem diurnum, intelligitur de occisione absque moderamine inculpatae tutelæ; prout etiam intelliges August. *lib. 1. de libero arbit. c. 5*. Docent insuper plures, etiam tibi licitum esse occidere in vasorem tuæ pudicitie, si aliter evadere non valeas: quia & in hoc casu, quoad rem magni momenti, vis vi repellitur: & deinde hac in parte subest magnum periculum peccati. Verum contrarium sustinet Franciscus Bonæ Spei in *Noctua dub. 20. num. 661.* & in sua *Theol. tract. de iure & iust. disp. 19. num. 78. & seqq.* Sed quia illius probationes breviter hic poni nequeunt, melius eas apud ipsum legere quilibet poterit.

17. Navarrus, Henriquez & alii ex præactis fundamentis docent, licitum esse nobili vel alteri cuicumque, accepta alapa à rustico v. g. cum insequi, & lædere, etiam ad mortem, si id videat necessarium, ut honorem & famam conservet. Verum hoc aliis merito displicet; quia talis non defendit

suam famam, sed se vindicat, quod auctoritate privatâ non est licitum; ex quo ulterius inferunt non licere colaphum pro colapho reddendo recuperare honorem suum, quod etiam est se vindicare & non defendere; nam defensio fit contra invasionem & malum futurum; percussio autem & infamatio est malum præteritum. Quidquid sit, poterit prudens Confessarius insignis notæ virum in casu particulari excusare hac in parte ob auctoritatem probatorum DD. pro quibus omnibus vide Wiggers hic *tract. 2. cap. 2. dub. 12. & c.* Ac P. Mendo in sua *statera differt. 4. quest. 3. num. 18.* ubi nobiscum sentiens expressè dicit, *probabilis est extrinseca à gravibus adeo Authoribus nequit facile negari* (eos enim enumeraverat in magno numero) *prædictæ opinioni; intrinsecam tamen ei nego, & assero, post injuriam acceptam non posse quem percutere aut occidere injuriantem.*

18. Collige, absolutè non licere Clerico aut Religioso occidere eum, qui minatur Religioso aut suæ Religioni magnam inferre infamiam; pro quo vide Dianam *part. 11. tract. 1. resol. 20.* ubi ferè per totam citat nostri Lezanæ verba, per quæ reprobatur contrariam sententiam Amici, ejus sententia etiam damnata est à sacra Congregatione Indicis, quæ ipsius tomum quintum inter libros prohibitos apposuit; unde miror illam sententiam adhuc in dubium revocari à Caramuele in *Theol. fundam. part. 1. fundam. 55. §. 4. numer. 1141.* Adde, licet vir nobilis juxta probatos Authores non teneatur cum magna infamia fugere in vasorem



injustum, sed possit ipsi resistere etiam lædendo vel occidendo si opus sit ad defensionem vite propria; id tamen non habere locum in Clerico, cui honori ducitur si fugiat in tali casu: quamvis Diana eadem *p. 11. tr. 6. res. 29.* dicat, probabiliter Clericum occidendum talem injustum invasorem, licet fugere possit, non incurrere irregularitatem, quia juxta plurimum doctrinam non peccat contra iustitiam, sed charitatem tantum. Vide etiam Noctuum Francisci *dub. 20.* ubi contra Caramuellem & alios docet, ac late probat, nunquam esse licitum occidere invasorem famæ aut honoris: quod & repetit in sua *Theol. tr. de jure & iust. disp. 19. num. 48.* quem legisse, non pigebit. Addo etiam nunquam licitum esse marito occidere uxorem à se in adulterio repertam; quia sequens propolitio damnata est ab Alexandro VII. *Non peccat maritus occidens propriam auctoritate uxorem in adulterio deprehensam.* Quare immerito P. Mendo in sua *Statuta dissert. 3. quæst. 2. num. 18.* conqueritur, librum Patris Sa à Magistro S.

Palatii correctum esse, eò quòd contrariam judicaret probabilem. Nec amplius dicat, Authoribus, qui hanc absolute defendunt, nullum nigrum theta intligi: quæ enim doctrina denigrari potest plus illà, quam ipse summus Pontifex per expressum decretum damnat: quid circa hæc licitum sit marito juxta Jus Cæsareum, & aliorum particularium Regnorum; hic non tango.

19. Quid de sagis, quæ magicis artibus plurimum nocent? Posse insigniter verberibus excipi, & ad tollendum maleficium cogi (quando scilicet id tollere possunt absque peccato) constans est Theologorum sententia, teste P. Francisco *disp. 19. sepe cit. num. 29.* Imò volunt Lessius, Bonacina & alii, eas etiam posse occidi: limitat tamen bene Franciscus, si eas esse tales moraliter constet, & per vitam earum permanentem constet damnum renovandum, & aggravandum magis, quam alioqui foret, si non occiderentur.

## DVBIVM TERTIVM.

*Ad quid teneatur occisor, aut mutilator injustus.*

20. **D**ico primò, pro morte occisi, vel membro mutilati præcisè nulla est facienda restitutio. Ita Urban. & Franciscus cum aliis contra Scotum, Sotum & Valentiam apud Urbanum *tract. 3. tit. 9. cap. 2.* Probatur, quia *Exodi 21.* ubi præcipitur fieri compensatio expensarum in medicos, non

fit mentio de occisione, mutilatione aut læsione: deinde in his nunquam potest satisfieri ad æqualitatem; nam *lege ult. ff. de vi qui effuderint, &c.* dicitur, corpus hominis liberi nullam recipere æstimationem. Nec d. ci. potest pro eo debere satisfieri quantum potest; quia irrationabile videtur dicere, aliquid

quem pauperem satisfacere duodecim florenis v.g. pro membro aut vita alijus, ubi dives non posset satisfacere trecentis millibus. Item cum omnium membra & vitæ sint æqualis valoris, tantum restitui deberet pro mutilatione aut occisione rustici, quam Regis aut Imperatoris, quod non minus videtur esse contra rationem. Denique (ut bene notat N. Franciscus) alioqui pro damno spirituali, v. g. æternæ damnationis præcisè, similiter deberet fieri restitutio per bona inferioris ordinis, quod nullus admittit.

21. Dices, qui alteri intulit damnum in bonis fortune, cui non potest ex integro satisfacere, teneretur satisfacere quantum potest: ergo idem dicendum in casu nostro. Respondetur esse disparitatem, quod in priori casu possit satisfieri, saltem pro parte illati damni: in alio verò minimè, cum, ut dictum est, vita aut membra pretio æstimari nullatenus possint, scil. præcisè ut talia sunt.

22. Dico secundò, mutilator aut occisor injustus tenetur ad omnia damna ex amputatione membri vel morte occisi secuta. Ita omnes: quare obligatur solvere omnes expensas curationis, & æstimationem operum læsi vel occisi pro ratione spei lucri, quod facturus erat illæsus; quia horum damnorum est efficax causa injustè: non debet tamen solvere expensas funeris; cum enim hæc sint semper faciendæ, earum non est causa, nisi fortè occisio facta sit, ubi expensæ exequiarum notabiliter sunt majores, quam in Patria occisi: nam tunc teneretur de excessu

ejusmodi juxta Navarrum & Wiggers. Quod si hæc damna occisor, vel mutilator non restituit, manent ejus hæredes obligati, qui, sicut succedunt in bonis ipsius, ita & in obligationibus ejus.

23. Quomodo autem spes lucri æstimatione sit in occiso? Puto hinc meliorem regulam statui non posse, quam ut fiat compensatio juxta judicium prudentum arbitratorum omnibus circumstantiis diligenter pensatis. Ita post multos Urbanus, & Franciscus. Quia tamen nec arbitri poterunt præcisè determinare quantum de jure sit restituendum, judicarem semper expedire, ut in hoc negotio fiat compositio inter partes; quod idem dic de læsione aut mutilatione. Ubi adverte cum communi contra Joannem Majorem, in æstimatione spei lucri non debere deduci labores, quibus occisus aut mutilatus dictum luctum sibi comparare debuisse; quia quod non operetur, sive illos labores non exercent, sit per injuriam mutilantis vel occidentis, non verò ex ignavia. Deindè qui abstulit ab opifice instrumentum, quo laborando victum sibi & familiæ comparat, secundum omnes tenetur ad totum damnum; ergo idem dicendum in casu nostro. Non desinam tamen hinc ponere verba Dianæ, qui *part. 3. rr. 6. res. sol.* 53. oppositam sententiam censet æquè probabilem ac est nostra communis, ubi & pro ea præter Majorem citat Rebelium & Molinam, sicq; ait: *Igitur in tali casu si panitens vellet æstimationem laboris deducere, confessorius potest eum scire absolovere, & à dicto onere restitutionis liberare.* Quibus adde, in occisione alte-

alterius deduci posse expensas, quas occisus solebat vivus facere; quæ enim sumpsisset per modum alimentiv el aliter, non poterant ad hæredes transire.

Petes primò, quibus sit facienda restitutio prædictorum ab occisore?

24. Resp. eam imprimis faciendam esse uxori; aut liberis, si uxor obierit, de quo nullus dubitat: item succedentibus in hæreditatem ab intestato, si nec uxorem. nec liberos habeat, nec habiturus erat etsi non fuisset occisus: quod ultimum addo, quia si veròsimilius sit quòd liberos esset habiturus, dictis hæredibus nullum damnum intulit occisor, sed potius commodum, ac proinde illis nihil teneret rependere, prout docet P. Urbanus post Lessium, Neque etiam teneretur occisor quidquam solvere creditoribus occisi, quia nullum damnum illis infert, cum hæredibus restituat omnia, ut suppono, quæ ipse putabatur lucraturus: qui hæredes tenentur satisfacere debitis occisi. Limitat tamen id noster Urbanus: *Nisi occisus fuerit obligatus ex lucris quotidianis creditoribus persolvere, & nihil reliquerit hæreditatis successoribus, ex quo ipsis possit satisfieri.* Verùm hæc limitatio non videtur necessaria; cum enim occisor teneatur satisfacere hæredibus juxta spem lucri quotidiani, idemque jus creditores retineant in hæredes quod antea habebant in occisum, nihil amittere videntur: deinde jus creditorum ita libero consensu contrahentium acquisitum est, ut maneat dependens à periculis vitæ

& bonorum ipsius debitoris. Attamen

25. Difficultas remanet, an occisor teneatur ad restitutionem iis, quos occisus liberaliter sustentabat? Partem affirmativam sustinet idem Urbanus cum aliquibus aliis apud Petrum Navarræ lib. 4. cap. 1. Verùm ego negativam judico probabiliorē, quia occisus non tenebatur quidquam iis præstare; ergo nec occisor tenetur, maxime cum hoc damnum sit omnino per accidens cum morte, quam alter infert, conjunctum. Deinde ea, quæ alter ex mera liberalitate præstabat, non censentur ex ejus voluntate, quantum est ex parte ejusdem, diutius eis præstanda, quam dum ipse vixeret, sive morte naturali, sive violenta contingat cum mori, prout notavit Wiggers: unde non est cur occisor remaneat obligatus ad eadem præstanda post alterius mortem.

26. Dices cum P. Urbano, occisor per injustam occisionem privat illos à certa consecutione bonorum, quorum carentia injuriam & damnum affert resarciendum, siquidem unusquisque jus habet ne per injuriam benefactori illatam impediatur à consequendo bono, quod in ipsum conferretur.

27. Resp. hæc solum esse verum in casu quo aliquis, saltem interpretativè & implicite, intendit alios impedire à consecutione talium bonorum, non verò dum quis aliquid facit, cui omnino per accidens & præter intentionem delinquentis dictum impedimentum est annexum. Neque hinc sequitur (ut vult P. Urbanus) occisorem etiam respectu uxoris aut libero-

rum

rum non obligari: est enim lata disparitas; quia occisor occidendo patrem vel maritum infert immediatè injuriam uxori ac liberis, in quantum scilicet hi sunt quodammodo unum quid cum occiso: filii namque sunt pars patris, & uxor ac maritus sunt una caro: quare occisor hos læsit in bonis propriis: quod minimè contingit respectu eorum, quos occisus ex mera liberalitate sustentabat.

Petes secundò, an ab onere restitutionis, etiam faciendæ uxori ac liberis, absolvantur hæredes occisoris dum hic subit pœnam talionis?

28. Resp. probabilius negativè, quamvis nonnulli sustineant contrarium. Ratio mea est, quia quoad hæc damna videtur esse paritas cum damno quod fur intulit auferendo alteri sum, qui fur quamvis suspendatur, debet nihilominus res furto ablata ab hæredibus furis adhuc restitui, ergo, &c. à pari. Neque idèò dicendum est, occisorem bis puniri in idipsum, quia pœna talionis non infligitur ad reparanda dicta damna, sed potius ut satisfiat Reip. cui per occisionem membri ejusdem intulit injuriam. Adde tamen cum Wiggers, esse probabile, in dicto casu hæredes occisoris non teneri dicta damna reparare, nisi hæredes occisi id ab ipsis exigant: sic enim videtur habere communis sensus & usus, ut completo in homicidam supplicio, alii conquelescant: quòd si tamen damni compensationem ulteriùs exigant, oportebit ea restituere, ut dictum est. Sic etiam censet Franc. Bonæ Spei de Jur. & Just. disp. 19. n. 120. si ve sententia de pœna talionis sit lata

ad instantiam partis, si ve non.

29. Petes tertio, quid dicendum, si læsus interfectori omnia remittat? Ad nihil tenebitur: quia filiis non fit injuria per homicidam in bonis fortunæ, nisi quatenus læduntur in parente contra ipsius voluntatem. Ita Franc. B. Spei n. 119. Addens tamen non benè facere læsum condonando, si filii egeant.

Petes quartò, quid de eo, qui occidit alterum, qui prius occisorem ad pugnam provocavit, vel dum duo se invicem provocantes pari consensu libenter in certamen descendunt?

30. Resp. eum ad nullam teneri restitutionem hæredibus occisi: qui enim provocat, vel ita lubens pugnat, censetur renuntiare juri, quòd alioqui haberent hæredes ad petendam restitutionem. Nec talis potest conqueri, quòd alter ei injuriam fecerit, cum fuerit sciens & volens. Ita Sylvius hic *quest. 62. art. 2. quest. 3. conclus. 5.* Diana *p. 3. tract. 6. resol. 53.* & Francisc. B. Spei n. 127.

31. Quid si homicidium sit prorsus casualè? Nec peccat homicida, nec irregularitatem incurrit, nec ad ullam restitutionem tenetur. Idem dic de eo, qui alterum in ebrietate inculpabili occidit: imò & in ebrietate culpabili, si homicidium futurum non præviderit, aut prudenter, ne in ebrietate fieret, timere non debuerit, cum tunc ei nequidem in causa homicidii fuerit voluntarium. P.

Franc. n. 130.

alterius deduci posse expensas, quas occisus solebat vivus facere; quæ enim sumpsisset per modum alimentis vel aliter, non poterant ad hæredes transire.

Petes primò, quibus sit facienda restitutio prædictorum ab occisore?

24. Resp. eam imprimis faciendam esse uxori; aut liberis, si uxor obierit, de quo nullus dubitat: item succedentibus in hæreditatem ab intestato, si nec uxorem. nec liberos habeat, nec habiturus erat etsi non fuisset occisus: quod ultimum addo, quia si veròsimilius sit quòd liberos esset habiturus, dictis hæredibus nullum damnum intulit occisor, sed potius commodum, ac proinde illis nihil tenetur rependere, prout docet P. Urbanus post Lessium, Neque etiam tenetur occisor quidquam solvere creditoribus occisi, quia nullum damnum illis infert, cum hæredibus restituat omnia, ut suppono, quæ ipse putabatur lucraturus: qui hæredes tenentur satisfacere debitis occisi. Limitat tamen id noster Urbanus: *Nisi occisus fuerit obligatus ex lucris quotidianis creditoribus persolvere, & nihil reliquerit hæreditatis successoribus, ex quo ipsis possit satisfieri.* Verùm hæc limitatio non videtur necessaria, cum enim occisor teneatur satisfacere hæredibus juxta spem lucris quotidiani, idemque jus creditores retineant in hæredes quod antea habebant in occisum, nihil amittere videntur: deinde jus creditorum ita libero consensu contrahentium acquisitum est, ut maneat dependens à periculis vitæ

& bonorum ipsius debitoris. Attamen •

25. Difficultas remanet, an occisor teneatur ad restitutionem iis, quos occisus liberaliter sustentabat? Partem affirmativam sustinet idem Urbanus cum aliquibus aliis apud Petrum Navarra lib. 4. cap. 1. Verùm ego negativam iudico probabiliorē, quia occisus non tenebatur quidquam iis præstare; ergo nec occisor tenetur, maxime cum hoc damnum sit omnino per accidens cum morte, quam alter infert, conjunctum. Deinde ea, quæ alter ex mera liberalitate præstabat, non censentur ex ejus voluntate, quantum est ex parte ejusdem, diutius eis præstanda, quam dum ipse vixeret, sive morte naturali, sive violenta contingat cum mori, prout notavit Wiggers: unde non est cur occisor remaneat obligatus ad eadem præstanda post alterius mortem.

26. Dices cum P. Urbano, occisor per injustam occisionem privat illos à certa consecutione bonorum, quorum carentia injuriam & damnum affert resarciendum, siquidem unusquisque jus habet ne per injuriam benefactori illatam impediatur à consequendo bono, quod in ipsum conferretur.

27. Resp. hæc solum esse vera in casu quo aliquis, saltem interpretativè & implicite, intendit alios impedire à consecutione talium bonorum, non verò dum quis aliquid facit, cui omnino per accidens & præter intentionem delinquentis dictum impedimentum est annexum. Neque hinc sequitur (ut vult P. Urbanus) occisorem etiam respectu uxoris aut libero-

rum

rum non obligari: est enim lata disparitas; quia occisor occidendo patrem vel maritum infert immediatè injuriam uxori ac liberis, in quantum scilicet hi sunt quodammodo unum quid cum occiso: filii namque sunt pars patris, & uxor ac maritus sunt una caro: quare occisor hos læsit in bonis propriis: quod minimè contingit respectu eorum, quos occisus ex mera liberalitate sustentabat.

Petes secundò, an ab onere restitutionis, etiam faciendæ uxori ac liberis, absolvantur hæredes occisoris dum hic subit pœnam talionis?

28. Resp. probabilius negativè, quamvis nonnulli sustineant contrarium. Ratio mea est, quia quoad hæc damna videtur esse paritas cum damno quod fur intulit auferendo alteri suum, qui fur quamvis suspendatur, debet nihilominus res furto ablata ab hæredibus furis adhuc restitui, ergo, &c. à pari. Neque idèò dicendum est, occisorem bis puniri in idipsum, quia pœna talionis non infligitur ad reparanda dicta damna, sed potiùs ut lætifiat Reip. cui per occisionem membri ejusdem intulit injuriam. Adde tamen cum Wiggers, esse probabile, in dicto casu hæredes occisoris non teneri dicta damna reparare, nisi hæredes occisi id ab ipsis exigant: sic enim videtur habere communis sensus & usus, ut completo in homicidam supplicio, alii conquiescant: quòd si tamen damni compensationem ulteriùs exigant, oportebit ea restituere, ut dictum est. Sic etiam censet Franc. Bonæ Spei de *Jur. & Inst. disp.* 19. n. 120. live sententia de pœna talionis sit lata

ad instantiam partis, sive non.

29. Petes tertio, quid dicendum, si læsus interfectori omnia remittat? Ad nihil tenebitur: quia filiis non fit injuria per homicidam in bonis fortunæ, nisi quatenus læduntur in parente contra ipsius voluntatem. Ita Franc. B. Spei n. 119. Addens tamen non benè facere læsum condonando, si filii egeant.

Petes quartò, quid de eo, qui occidit alterum, qui prius occisorem ad pugnam provocavit, vel dum duo se invicem provocantes pari consensu libenter in certamen descendant?

30. Resp. eum ad nullam teneri restitutionem hæredibus occisi: qui enim provocat, vel ita lubens pignat, censetur renuntiare juri, quod aliqui haberent hæredes ad petendam restitutionem. Nec talis potest conqueri, quòd alter ei injuriam fecerit, cum fuerit sciens & volens. Ita Sylvius hic *quest.* 62. *art.* 2. *quest.* 3. *conclus.* 5. Diana p. 3. *tract.* 6. *resol.* 53. & Francisc. B. Spei n. 127.

31. Quid si homicidium sit prorsus casuale? Nec peccat homicida, nec irregularitatem incurrit, nec ad ullam restitutionem tenetur. Idem dic de eo, qui alterum in ebrietate inculpabili occidit: imò & in ebrietate culpabili, si homicidium futurum non præviderit, aut prudenter, ne in ebrietate fieret, timere non debuerit, cum tunc ei nequidem in causa homicidium fuerit voluntarium. P.

Franc. n. 130.

## DVBIVM QVARTVM.

*De restitutione circa bona temporalia.*

32. **D**ico primò, juxta communem sententiam occisor non tenetur ad ullam restitutionem ex iustitia præstandam animæ occisi, ut v.g. per eleëmofynas, Sacra, orationes, &c. Ratio est, quia bonum spirituale non potest esse pretium rei temporalis, qualis est vita corporalis: neque secundum praxim etiam piorum DD. bona inferioris ordinis per bona ordinis altioris sunt ex iustitia compensanda. Nec dicas, occisorem ad hoc teneri in quantum occisum injustè privavit opportunitate per merita & alia pia exercitia exsolvendi pœnas, quas nunc fortè subire debet in purgatorio: quia ista particularia futuri sæculi nobis sunt nimis occulta, quàm ut secundum ea res humanæ & civiles hîc mensurentur. Ita Malderus & Wiggers. Deinde privatio hujus opportunitatis nullo nostro opere potest ad æqualitatem compensari, prout dictum est suprâ de vita & membro. Interea cum dicto Wiggers iudico saluberrimi esse consilii & æquitati naturali valde consonum, ut prædicta ab occisore animæ occisi impendantur: quare poterit Confessarius in satisfactionem pro peccato homicidii ejusmodi opera spiritualia injungere, prout etiam monent Sotus, Lessius, & alii apud eundem Wiggers hic *tr. 2. cap. 3. dub. 7.* Jam de restitutione bonorum spiritualium.

33. Dico secundò, certum est inprimis, inferentem alteri grave damnum in bonis spiritualibus, mortaliter peccare nisi excuset inadvertentia. Quòd si alteri invito tale damnum inferatur, ut, v.g. vi vel fraude, est peccatum contra iustitiam; unusquisque enim habet jus strictum, ne in dictis bonis damnicetur per vim vel fraudem. Unde qui veneno vel aliter privat alterum usum rationis, vel etiam aliquo sensu externo, item qui vi vel fraude alterum inducit ad peccatum, committit strictam injustitiam: ac in primo casu tenetur ex iustitia compensare damna temporalia inde secuta, si nimirum per hoc alter impediatur artem suam aut aliam functionem exercere, qua victum lucrabatur: item si rationis aut dicti sensus usum possit restituere, ad hoc tenetur: si verò non possit, non tenetur ad aliam restitutionem præcisè pro ipso damno sensus vel usus rationis; quia sicut corporis membra, ita & hæc nullam æstimationem recipiunt. In secundo autem casu, dum scilicet unus alterum vi vel fraude induxit ad peccatum, tenetur ex iustitia illam removere, ne in posterum in idem vel simile peccatum labatur. Ita Urban. Franc. B. Spei, & alii communiter. Verius tamen puto, eum non teneri ulterius ex iustitia efficere, ut alter convertatur; quia cum jam cesset vis ac fraus, & alter noscat se deceptum



ptum & in peccato esse, potest per gratiam Dei, si velit, evadere omne damnum spirituale, quod est passus, adeoque si omittat reirurgere per propriam negligentiam, censetur alteri totum damnum condonare, eo quod nolendo illud refarcire, videatur respuere bonum spirituale, quod antea habuit. Imò si alter non fuerit invitus sed voluntariè deceptus, licet deceptor ex parte sua egerit fraudulenter, nequidè tenetur ex iustitia fraudem amovere: quod & verum est, si deceptus postea aliunde veritatem cognoverit: quia non tunc decipientis fraus aut decepti error est causa peccati, si hic in eo perseveret, sed mera huius malitia.

34. Adverte tamen, in omnibus dictis casibus, sicut & in aliis, adhuc teneri decipientem ad alterum inducendum ad pœnitentiam vi præcepti Charitatis, eum magis, quam ceteros obligantis, qui enim plus quam ceteri est author damni, debet & plus ceteris conari, ut damnum reparetur. Putant interim Navarrus & Becanus, eam obligationem, quatenus præ ceteris obligatur, non esse sub mortali; quia Charitas non obligat ad correptionem sub mortali, nisi in casu necessitatis, quando etiam alii obligantur: cum verò deceptor supponatur errore suum cognoscere, & posse pœnitere si velit, non est in necessitate. Quod si tamen vi, vel fraude deceptus putaretur in casu speciali non resurrecturus à peccato, non tam ex affectu ad peccatum, quam ob al. quam animi pusillanimitatem, teneretur deceptor, etiam ex iustitia illam pusillanimitatem

sublevare, si id mediis opportunitis prestare possit. Ita Wiggeis cum aliquibus satis probabiliter: quod & sentire videtur Urbanus tract. 3. tit. 6. ubi post Valentiam docet, decipientem teneri ex iustitia alterum exhortari, ut de peccato pœniteat, dum, nisi exhortatio adhibeatur, censetur adhuc virtualiter perseverare in iusta inductio; hæc enim in casu positivo adhuc virtualiter censetur perseverare in dicta pusillanimitate.

Petes, ad quid teneatur, qui alterum impedit injustè ab ingressu Religionis, aut alterum ingressum extrahit?

35. Resp. eum teneri ex iustitia à sua actione injusta desistere tollendo vim, vel aperiendo fraudem. Patet ex statim dictis. Deindè obligatur ad faciendam restitutionem monasterio secundum spem commodi temporalis, quod à tali expectabatur: quia est injusta causa, cur monasterium eo commodo privetur. Non tenetur tamen ipsemet Religionem ingredi: nam cum status Religiosorum sit status perfectionis, qui non acquiritur nisi liberrimis functionibus, non videtur quomodo ejus obligatio aliter possit oriri quam ex voto spontaneo: maxime cum voluntas intrandi Religionem haberi debeat per Divinam inspirationem: ex quo fit, quod quamvis Ecclesia ob enormia scelera aliquando in monasterio includat delinquentes, nunquam tamen cogat, aut cogere possit ad Religionem profitendam ratione perfectæ libertatis requisita. Ita P. Urbanus. Aliam rationem dat P. Franc. B. Spei de Iur. & Iust. disp. 19. n. 8.

N n 2

quia



quia libertas, quā similis se privaret, est altioris ordinis, quā commoda illa temporalia, quibus Religionem privat; restitutio autem bonorum inferiorum non est certò facienda cum præjudicio bonorum superioris ordinis. Caterum qui solo consilio, absque vi vel fraude, novitium à novitiatu seduxit proponendo v.g. honores, divitias, voluptates in sæculo, & oppositam in Monasterio vilitatem, pauperiem, molestiam, &c. ne quidem pec-

cavit mortaliter, juxta Filliucium, à Castro, & Burghaber *cent. 3. cas. 80. ac* à fortiori ad nihil tenetur ex iustitia, quia in hoc nullam commisit strictam injustitiam: ex Charitate tamen vi præcepti correctionis fraternæ teneatur, prout posset, efficere, ut alter priorem animam reassumeret juxta omnes communiter: sed neque hoc sub gravi culpa, cum seclusa vi & fraude alter relictus sit plenæ suæ libertati.

## DISPUTATIO VI.

### *De injuriis circa famam.*

#### D V B I V M I.

### *De detractiōe, contumelia, & susurratiōe.*

1. **A**N, & qualiter licitum sit infamare seipsum, collige ex dictis *disp. 1. dub. 5.*

Dico primò, detractio est occulta famæ alienæ injusta denigratio. Contumelia verò injusta honoris diminutio in præsentia alterius facta. Unde differunt objecto; in prima enim læditur fama, in secunda honor: item & modo; nam detractio per modum furti fit occultè contra absentem: contumelia autem per modum rapinæ fit apertè & contra præsentem. Detractio & contumelia sunt insuper susurratio, dum inter eum, cujus fama aut honor

læditur, & ipsos audientes seminatio discordiæ, aut imminutio amicitia intenditur. Pro quorum intelligentia

2. Nota, famam esse plurium testimonium & æstimationem alterius excellentiæ, honorem verò esse testificationem æstimationis, quam quis habet de alterius excellentiæ; quæ testificatio potest fieri verbo, vel solo signo. Vide de his Franciscum B. Spei *de jure & iustitia disp. 19. numer. 163. & seq.*

3. Dico secundò, detractio & contumelia fieri possunt octo modis; quatuor scilicet modis directè, & qua-

tuor

ruor indirectè, juxta hos duos versus ab Urbano N. relatos:

*Imponens, augens, manifestans, in mala  
vertens,*

*Qui negat aut minuit, recitet, laudatque  
remittit.*

Fiunt ergo directè, primò falsum crimen alteri imponendo. Secundò verum crimen augendo. Tertiò occultum crimen propalando. Et quartò dictum vel factum alterius sinistrè interpretando. Indirectè item fiunt, primò negando alterius bona aut honesta facta. Secundò ea extenuando. Tertiò ea tacendo in illis circumstantiis, in quibus reticentia à præsentibus habetur pro vituperio. Denique ita frigide alterum laudando, ut id potius cedat in laudati opprobrium. Quòd si unum ex his omnibus fiat, ut censentur discordiæ, erit simul susurratio. Vide eundem P. Franciscum *ibid.*

4. Dico tertiò, detractio, contumelia, & susurratio, sunt ex suo genere peccata mortalia: quia honor & fama sunt bona altiora quàm pecuniæ, quarum tamen injusta ablatio est mortalis ex genere suo. Possunt interim esse peccata venialia, vel ex parvitate materiæ, vel defectu advertentiæ. Cæterum contumelia est peccatum majus detractio; cum enim fiat in præsentia alterius, est magis contra ipsius voluntatem, sive est alter magis invitatus; videturq; habere annexam quandam irreverentiam erga alterum, cum fiat per apertum contemptum. Adde, susurrationem esse peccatum longè majus detractioe & contumeliâ; nam

his superaddit insuper malitiam finis pessimi, ut patet ex ipsius descriptione. Imo hoc peccatum summè detestatur Deus, ut videre est in Scriptura Proverb. 6. ubi dicitur: *Sex sunt quæ odit Dominus, & septimum detestatur anima ejus, scil. eum, qui seminat inter fratres discordias.* Ubi tamen adverte, non esse peccatum susurrationis, si quis uni eorum, inter quos est perniciofa amicitia ad malum, de aliis narret aliquos defectus præcisè, ut eum à malo eorum consortio separet.

5. Dico quartò, omnes detractioes inter se, sicut & omnes contumeliæ, sunt ejusdem speciei: eodem enim præcepto inhihentur, eisdemq; virtuti scil. justitiæ commutativæ opponuntur, atque ad idem vitium pertinent: quare juxta sententiam probabilem sufficiet dicere in confessione: *Toties in gravi materia proximo detraxi, toties ei gravem intuli contumeliâ;* vel, *dixi quidquid mihi occurrebat*, non referendo illatas calumnias: pro quo vide Dianam p. 11. tract. 7. resol. 34. Hoc tamen non obstat, quòd minùs, propter circumstantiam advenientem ipsi detractioe aut contumeliæ, aliquando addatur malitia speciei distincta, adeoque in confessione necessariò aperienda; ut dum quis detrahit patri aut Sacerdoti: tunc namque detractio habet superadditam malitiam contra pietatem parentibus debitam, vel contra reverentiam debitam statui sacerdotali. Ita post alios P. Urbanus tract. 3. tit. 7. cap. 1. quæ etiam applica contumeliæ. Quale autem peccatum sit, & quomodo confitendum, dum quis unico actu detrahit pluribus: ha-

bes *suprà in tract. de actib. humanis*. Solùm

6. Adverte, convitia, quibus mulierculæ, pueri, & infimæ sortis homines sese afficiunt, ex animi promptitudine effutiendo, quidquid in buccam venit, modò non intendant gravem injuriam, non esse peccata mortalia ob parvitatem materiæ: nam cùm audientes similibus verbis nullam fidem adhibeant, non causatur gravis jactura honoris aut famæ; unde remanent immunes à peccato mortali contra justitiam. Verùm hoc non destruit peccatum grave iræ, aut odii, ex quibus similia sæpè proveniunt, ut notat idem P. Urbanus *loc. cit.* Interim ex eodem capite communiter loquendo à mortali etiam excusatur, qui narrat solos defectus naturales animi, corporis, aut natalium, v. g. quòd *aliquis sit ignavus, claudus, spurium, &c.* cùm enim hæc à natura contra hominis voluntatem proveniant, à prudentibus infamie aut dedecori non vertuntur. Sylvius, Lessius & Layman apud Busenbaum idem asserunt de infamantibus alios generalibus nominibus peccatorum mortaliū, dicendo v. g. *alium esse iracundum, superbum, &c.* quia audientes similia intelligunt ordinariè de naturali propensione & involuntario defectu, nec proinde sit grave damnum infama. Attamen puto hoc nullatenus extendi posse ad omne genus peccati mortalis; nam graviter nocet famæ alterius, qui de viro honesto dicit, quamvis in generali, *eum esse luxuriosum, vel ebriosum*: quidquid cõmuniter non sit mortale, narrare in particulari peccata mortalia, quæ ob conditionem personæ non no-

tabilitat famam lædunt; ut si v. g. de communi milite dicatur, *eum pugnasse in duello, meditari vindictam, abstulisse alienum, &c.* Quibus Busenbaum post Layman addit; *habere concubinam*: quod tamen vix à mortali possem excusare in hac patria, ubi id nec ipsis militibus commune est, & est multùm defamativum. Cæterùm nota, me semper dixisse *communiter*, quia interdum per accidens non possunt prædicta à mortali excusari, maximè si dicantur de viris gravibus: nam & sola venialia eorum revelare, frequenter est peccatum mortale, ut si de Prælato gravi & optimi nominis dicat quis, *eum esse mendacem*: quare semper, & in omnibus diligenter abstinendum est à similibus. Vide de his omnibus Franc. B. Spei *de Iure & Iust. disp. 19. num. 162. & sequent.*

Addo juxta Burghaber *centur. 2. casu 87.* posse aliquem per frequentatas veniales detractiones aliquando mortaliter peccare, quando nimirum per has sit gravis famæ læsio, ut v. g. heret, si quis coram Principe de uno ex ipsius ministris modò dicat, ipsum esse imprudentem; modò, esse ignavum, modò, esse aule & rebus communibus peragendis parum aptum, &c. Singulæ enim illæ detractiones possunt in mente Principis postmodum ita nairi, ut merito de illo ministro exigam concipiat opinionem, gravemque hic infamiam patiat. Verùm ego ad hoc puto necessarium fore, ut omnes illæ parvæ detractiones fiant parvo tempore mediante; pro quo vide dicenda in *si disp. 7. num. 9.*

7. Quid si peccata occulta, occultatis authoribus, aperiantur? Nullum quidem

quidem peccatum est, si omne periculum (etiam ex suspitione) infamiae auctoris aut communitatis absit: grave tamen pro gravitate istiusmodi periculi. Ita dictus P. Franciscus *ibidem*.

Addo hic, maritos sæpè peccare mortaliter, dum uxores vocant sagas, meretrices, adulteras, & singulariter, quando ex vindicta hæc eis objiciunt: quidquid interdum teneantur illas verbis corripere, etiam si contineant convitium materiale; imo etiam verberibus, quando verba non sufficiunt ad emendationem morum perverforum: maritus est enim caput uxoris; ad *Ephes. 5.* teneturque hæc ei subjici

sicut Domino suo. *Ibid.* capitis autem & Domini est corripere. Quare Gobat in *Alphab. matrim. part. 2. casu 23. num. 773.* hæc in terminis habet: *Observo, non videri objurgatione dignos maritos, qui plebejas (etenim inter has, & nobiles facio discrimen cum Palao) uxores meretricibus, seu ebriosas, aut sectantes consortia suspecta, post gravem increpationem, bis, terve frustra factam, ita castigant fuisse, vel pugnis, ut sensus doloris daret ad quatuor, aut quinque dies.* Verùm ego existimo maritum rarò debere uti verberibus, & in casu necessitatis, magis moderatè.

## DUBIVM SECVNDVM.

*An sit mortale viro prudenti alterius delictum aperire?*

8. Dico veriùs id esse mortale peccatum, si tale delictum sit grave, licet absit periculum nocimenti ulterioris. Ita Urbanus, & Franciscus post Suarez & alios ferè omnes apud Filliucium. Probatur, quia unusquisque meritò graviter fert, se etiam apud unicum virum prudentem infamari; nam sæpè infamia sic creata apud sapientem & taciturnum plùs nocet, quàm si creata foret apud plures alios, qui non sunt tantæ considerationis. Deinde cùm judicium remunerarium dere gravi in mente unius conceptum, sit peccatum mortale, ut postea videbimus, & contumelia juxta D. Thomam *quæst. 73. art. 1.* alteri

nullo alio præsentè objecta sit grave vel leve peccatum, pro ratione materiæ; non video, quomodo dicta revelatio à mortali excusari possit: nam ex ea æquè ac ex dicto judicio oritur alteri grave nocimentum in fama. Denique in sententia opposita iste vir prudens sine culpa mortali poterit idem crimen uni alteri similiter prudenti aperire æquè ac tu ipsi, & hic iterum uni alteri, &c. ita ut tandem delictum alterius fiat publicum absque eo, quòd is, qui est in culpa, graviter delinquat, quod videtur absurdum. Quare

9. Colliges cum P. Urbano, graviter peccare conjuges, qui de aliorum crimi-

criminibus inter se colloquuntur occulta revelando, quamvis aliàs sint prudentes. Verumtamen ab hoc peccato excusari poterunt, si per hoc se invicem moneant de peccatis filiorum aut famulorum, quia id reputatur fieri in finem utilitatis causandæ, vel damni avertendi. Sic etiam à peccato excusatur, qui alterius crimen narrat uni viro prudenti causa consilii aut auxilii petendi, vel ut impediatur damnum in altero. Unde dum agitur de conferendo beneficio, assumendo famulo, &c. licitum est alterius inhabilitatem & crimina indicare, si aliàs notabile incommodum timeatur, nec aliter hoc impediri possit: videndum tamen, ut hoc fiat cum minima jactura famæ alterius, quàm fieri potest. His omnibus non obstantibus

10. Diana p. 2. *tr. ult. 3. resol. 22.* docet absolute non esse mortale, revelare crimen proximi uni aut duobus, quibus dicere perinde sit, ac si nulli diceretur; & pro se citat Cajetanum, Navarr. Reginald. & alios, nostram tamen vocans sententiam communem & probabiliorem: ac metitò ob fundamenta jam adducta; quibus inspectis non video, quomodo revelare crimen uni aut alteri, etiam prudentissimo, possit perinde esse, ac si nulli diceretur: & nonne ipse Diana rubore confunderetur, si magna crimina prudenti Confessario etiam in confessione aperire deberet? Quomodo, cum hoc maximè sit crimen dicere, perinde ac si nulli diceretur, quantum fieri potest? Tu igitur tene nostram sententiam.

11. Puto interim cum Diana p. 3. *tract. 5. resol. 32.* ubi pro se citat Sylvium,

Lessium, Navarra, Molinam, Layman, & alios communiter, à peccato, saltem mortali, liberum esse, narrare aliqui amico prudenti & secreto injuriam, etiam gravem, sibi factam præcisè ad leniendum dolorem: quia nimis durum videtur, & præter humanam consuetudinem, aliquem cogere acceptas injurias se solo ferre, & dolorem interius concoquere; ac proinde contrarium faciens videtur uti suo jure. Neque hic est periculum publicationis, quia is, cui narratur, non concipit tantum dolorem ex damno amici, ut debeat illud ulterius alteri narrare ad eum leniendum. Hanc etiam doctrinam tradunt Franciscus, Urbanus, & Busenb. qui duo ultimi rectè monent, ne id pluribus narretur, vel persona damnificans apertè nominetur, quàm sit necessè ad solatium obtinendum; quidquid Joannes de la Cruz apud Dianam *loco cit.* dicat, si persona secreto graviter injuriata non valens se à dolore cohibere, in querimonias publicas prorupit, non illicò eam de culpa mortali damnandam esse, quamvis per hoc injurias infametur, quia durum videtur, &c. ut suprà. Ita ille citans Lopez.

12. Cæterum, quando pœnitens teneatur complicem sui peccati detegere, dicitur in *tract. de Sacram.* Hoc obiter observa, semper ad eundem esse Confessarium, qui complicem non novit, quando id commodè fieri potest: in quo tamen poteris excusare uxores ac matres, quæ peccata maritorum & filiorum tangunt apud Confessarium, cui illi noti sunt: quia id communiter faciunt ad petendum con-

consilium aut dolorem leniendum : & aliàs nimis durum foret continuò adire novos Confessarios : quapropter ob frequentiam criminum, quæ tales quotidie erga uxorem vel matrem committunt, videntur privari jure suo, quod fortè aliàs haberent, ne infametur apud Confessarium alterius. Imò Franciscus B. Spei de iure & iust. disp. 19. num. 167. in fine, hæc ge-

neralibus terminis ponit: *Plurimi excusant à peccato revelationem completis ad integram confessionem : & quidem rectè ; nam si ad consilium & consolationem id liceat, a fortiori ad integram confessionem licebit ; quandoquidem hæc causa sit iustior & suorum criminum in confessione revelatio, non sit superflua infamatio.* Ita ille : quæ benè observa.

## DVBIVM TERTIVM.

*An liceat infamare alium ad evitandum grave malum ?*

13. **D**ico primò, nunquam licitum est alium infamare imponendo crimen falsum, hoc enim est mentiri: quare si alteri sic imponatur crimen grave, quamvis ad summum damnum proprium vitandum, erit mortale peccatum, utpote mendacium in re gravi, sive cum gravi alterius detrimento. Interim tamen Sylvius & Navarr. apud Busenb. putant, id solum esse veniale, si fiat ad vitandum valde grave damnum, ut v.g. ad gravia tormenta evadenda; & si inde sola alterius infamia sequatur, ac postea revocetur: rationem reddunt, quia non est tunc efficax causa infamæ; possunt enim audientes prudenter existimare, similem hoc dicere ad fugienda tormenta, præsertim cum postea revocetur.

14. Dico secundò, ad grave detrimentum proprium vel alienum evadendum, licitum est revelare alterius

crimen verum, quoties id ad hoc necessarium judicatur: quia obligatio ad celandum secretum proximi crimen non obligat cum gravi nostro vel alterius damno: sic namque juxta omnes, licitum est aperire imperitiâ medicis, dum aliàs quis inde periculum vitæ vel sanitatis incurreret: ac similiter qui novit alterum esse furem, licitè potest monere eos, cum quibus alter frequenter conversatur, ut sibi caveant: item dum quis injustè tuam famam lædit, nec vales eam conservare aut recuperare, nisi ipsius famam minuas, potes verum ipsius crimen occultum manifestare, quantum necesse est, ut tuam famam serves illæsam: cave tamen, ne eum plus lædas, quàm tu ab ipso lædaris, considerando nimirum tuam & alterius personam. Vide circa hæc P. Franciscum loc. suprà cit. num. 179.

15. Dico tertio, licitum quoque est

Oo

cri-

crimen alterius aperire, quando id necesse est ad ipsius delinquentis malum impediendum vel bonum promovendum. Pater ex dictis *de charitate* supra, ubi diximus post correctionem fraternam proximum esse deferendum Ecclesiæ, si aliter emendari non possit.

16. Dico quartò, qui injustè devenit in notitiam alieni delicti, potest hoc revelare in tribus casibus; primò, quando alter eum injustè vexat, nec aliter vexam evadere potest; tunc enim vim vi repellit. Secundò, quando alter ex iustitia obligatur suum crimen fateri, quia tunc amisit jus ad famam. Tertiò, quando aliàs periclitaretur salus Reip. aut Regis, vel immineret magnum damnum Religioni: sic qui legendo alterius epistolas devenit in notitiam secreti delicti; quamvis mortaliter peccarit eas aperiendo & legendo, nisi putasset prudenter ex circumstantiis in iis nihil magni momenti contineri, poterit adhuc istà scientià uti in tribus dictis casibus. Adde non esse peccatum, saltem mortale, legerelitteras laceratas vel abjectas; quia tunc censetur Dominus suo juri renuntiasse; si tamen quid grave inde deprehenderis, adhuc teneris ad secretum.

Petes, quale sit peccatum referre audita ut talia?

17. Resp. primò, referre alterius peccata sic ut non affirmetur ita esse, sed tantùm dicendo se talia audivisse, semper est peccatum saltem veniale contra charitatem, licet id non fiat animo infamandi, sed ex quadam loquacitate: quia id verè repugnat huic præcepto naturali: *Quod tibi non vis se-*

*ri, alteri ne feceris*: ita autem referre grave alterius delictum animo infamandi, est mortale, quia hoc est directè & formaliter alteri detrahere in re gravi.

18. Resp. secundò, qui narrat alterius peccata audita, licet expressè asserat se nihil certò scire, sed tantùm recensere, quæ audivit, non potest à morali, saltem contra charitatem, excusari, quando sic referens est tantæ autoritatis ut ei credatur, vel quando narrat in talibus circumstantiis, ut aliquos ex levitate credituros prævideat. Ita Sorus, Navarrus, Sylvius, & alii plures apud Dianam *part. 3. tract. 5. resol. 28*. Ratio est, quia qui ex suis dictis aut factis advertit proximum graviter lædendum, tenetur vi præcepti graviter obligantis ab iisdem abstinere, ubi potest sine gravi incommodo: & revera qui posità dictà advertentià non abstinet à simili relatione, virtualiter & interpretativè censetur velle illam proximi læsionem: quare non video, quomodo à mortali possit excusari, quidquid Diana *loc. cit.* putet, probabiliter dictum narrantem non peccare mortaliter, quando prævidet aliquos ex audientibus temerè credituros: verùm ratio, quam adfert, solum excusat narrantem à peccato mortali injustitiæ, minimè à peccato gravi contra charitatem; quare cum Petro Navarra ab omnibus nostram sententiàm sustinendam judico.

19. Cæterùm semper dictus narrans, secundum omnes, peccat mortaliter, & quidem contra justitiam, si ita narret, ut aliquam majorem certitudinem addat ultra eam, quæ habetur

ex relatione communi : quia tunc per actionem suam, verè injustam, per se & propriè est causa alterius infamiae : sic v.g. graviter contra justitiam peccat, qui narrans grave alterius delictum, dicit se id audivisse à fide dignis; ab iis, quos novit hac in parte non esse mentitos, &c. nam talia dicendo

dat audientibus fundamentum sufficiens credendi. Hæc omnia videtur brevibus verbis comprehendere Franciscus B. Spei, dum ad hanc quæst. *Quid de relatis ut auditu ?* Responder : *Videndum an auditores sint habituri fidem, cum notabili infamia proximi.*

## DVBIVM QVARTVM.

### *An crimen in uno loco publicum, licitè divulgetur in alio ?*

20. **D**ico primò, delictum, in uno loco notorium, narrare in alio, ubi est ignotum, non est peccatum contra justitiam, sive in priori loco sit notorium notorietate facti, seu per rumores & publicam famam; sive notorietate juris, seu per sententiam iudicis. Ratio est, quia qui uno ex istis modis notoriè deliquit, perdidit jus ad suam famam. Ita Franc. B. Spei, & cæteri DD. communiter.

21. Dico secundò, prædictum delictum sic narrare in alio loco est peccatum mortale contra charitatem, si delictum sit grave : quia per hoc proximus adhuc graviter læditur, adeoque meritò ægrè fert id sibi fieri, ac consequenter contravenitur præcepto charitatis : *Quod tibi non vis fieri alteri ne feceris.* Ita iidem DD. communiter. Quidquid Dianap. 3. tract. 5. resol. 17. dicat, contrariam sententiam esse probabilem, pro se citans Fagundez, qui ipso teste suam sententiam probat validissimis rationibus, nostramque ra-

tionem solidè reprobatur ; unde miror post hæc immediatè Dianam subungere, igitur viatores abstineant à similibus detractionibus, & maximè cum p. 4. tract. 4. resol. 128. dicat, sententiam Fagundez, quam ibidem vocat suam, non esse minùs probabilem, quàm sit nostra communis, ubi insuper pro ea citat Emanuelem Sa. Interim tu sequere communem sententiam ; cum limitatione tamen, nisi alter infamatus parum curet se alibi etiam infamari : quod fieri solet, dum alter locus valde procul abest. Aliam adhuc limitationem ponit Lessius, nisi quis ob crimen grave fuerit in alio loco publicè punitus ; tunc enim, inquit, sæpè expedit talia ad ædificationem narrari : verùm hanc non admitto generaliter, quia talis ædificatio sufficienter obtinetur, licèt non exprimaturnomen puniti.

22. Adde illum, qui injustè diffamatus in hoc loco, diffamat in alio, vel apud aliquos, apud quos necdum



erat infamatus, peccare contra iustitiam : quia nullus amittit jus ad suam famam per injustam infamationem : unde sicut per injuriam primò facta est infamatio, ita & per injuriam continuatur ac dilatatur. Quare Burghaber *centur. 1. casu 54.* postquam docuisset, crimen alicujus in uno loco notorium detegere in alio, nec esse mortale contra iustitiam, nec probabiliter contra charitatem ; malè subdit. *Atque hoc verum est, etiamsi scelus injustè in primo loco publicum evasisset.* Quin ego judico, pessimè facere plures narrantes aliorum crimina ab aliis publicata, absque ulla discussione, an justè vel injustè sint facta publica, nisi fortè bona fide præsumant absque injuria ea publicata esse. Ast etiam hi, si post narrationem suam cognoverint publicationem injustè factam esse, vel alium non comisisse quod narrarunt, tenentur ex charitate impedire damna ex sua narratione secutura ; non tamen refarcire præterita, quia horum non fuerunt causa culpabilis. Vide Franc. B. Spei *de iure & iust. disp. 19. num. 174.* ubi cum Lessio, quoad hoc punctum, sententiam nostræ oppositam dicit videri probabiliorem : & rationem dat, quia de natura primæ infamæ publicæ, justa sit aut injusta (attentâ sociabili hominum conversatione, cui durum nimis foret de publicis filere) esse videtur, posse extendi ; alioqui revera totus mundus continuò esset de tractionibus injustis expositus.

23. Dico tertio, narrare grave crimen alterius eo tempore, quo nescitur, est mortale contra iustitiam, quamvis id ante notorium fuerit. Ra-

tio est, quia cum tale crimen jam minime notum sit, imò ita sit, ac si nunquam fuisset notorium, recuperavit alter strictum jus ad suam famam ; idque vel maxime, quia publicando nunc ejus antiquatum delictum, non solum læditur ejus fama vetus quam aliquando desit possidere, sed & illa, quam modò habet & jure possidet, ut benè notat Toletus. Atque hinc juxta P. Urbanum peccant graviter, qui conscribunt mortuorum peccata non manifestando simul eorum resipiscentiam, si hæc secuta est : quidquid tamen ipse post Lessium, Azorium, & alios contra Molinam dicat, non peccare contra iustitiam eum, qui alicui revelat proximi delicta, propter quæ fuit aliàs infamis, licet actibus honestis famam suam recuperaverit, modò patefaciat simul ejus resipiscentiam : ratio est, quia is, cujus delicta narrantur, amisit jus in perpetuum habendi bonam famam pro illo tempore, quo fuit peccator publicus, nec proinde fit illi injuria, si non ingeratur auditorum mentibus, illum modò adhuc esse infamem. Ita Urbanus *traç. 5. tit. 7. cap. 4. fol. 571.*

Petes primò, an sit peccatum, narrare secretum alterius delictum brevi certo tempore divulgandum ?

24. Resp. in primis esse mortale contra iustitiam, si inde alter patiat grave incommodum, quod non patitur ex futura infamatione : quia injusta actio est efficax causa istius damni. Non esse tamen peccatum mortale simpliciter & ordinariè loquendo, tradunt Lessius, Molina, Lugo & alii ; quia nimirum id ordinariè parum vel nihil

nihil nocet : attamen eò quòd sit res plena periculis, in praxi id semper cavendum censeo.

Petes secundò, an sit peccatum de uno aut pluribus criminibus infamatum, de aliis etiam infamare?

25. Resp. primò, non esse mortale infamatum de uno crimine, de altero valde affini & ordinariè cum priori conjuncto infamare apud eos, qui priùs crimen norunt. Sic v.g. non peccat mortaliter, qui de notorio adultero dicit, eum scripsisse litteras amatorias vel alias lascivias exercuisse cum adultera; per hoc enim non censetur nova infamatio saltèm gravis fieri; quia similia solent adulterio esse annexa. Ita P. Urbanus cum aliis.

26. Resp. secundò, esse peccatum mortale injustitiæ, quando unum crimen non est ordinariè alteri conjunctum: quia per hoc, quòd aliquis sit infamis in uno crimine, minimè amittit jus ad famam, quam adhuc habet illæsam in aliis virtutibus; non enim fama est quid simplex & indivisibile, sed sicut diversæ virtutis laus est diversa, ita & diversorum criminum diversa est infamia; nec video, cur ebriolus aut fur notorius haberi nequeat pro vero Catholico, pro fidei uxori suæ, &c. Qui igitur de ebrioso dicit, quòd sit hæreticus, adulter, &c. magnam adhuc ei infert injuriam. Neque ullatenus probabilè existimo, quod docet Sylvestre apud Wiggers, videl. non esse peccatum, saltèm mortale, publi-

care aliquod crimen minùs illius, qui de gravioribus est infamis, ut v.g. de eo, qui est infamis de homicidio & furto, quòd fuerit fornicatus; quia reverà talis adhuc habet jus ad suam famam in materia castitatis. Si tamen aliquis de tam multis, ac variis criminibus esset infamatus, ut passim haberetur pro eo, qui nullum scelus tempore & loco verecundatus est perpetrare, locum haberet dicta Sylvestri sententia; quia talis in omni virtutis materia famam suam censeretur amisisse, nec ex relatione alicujus criminis minoris, censetur ejus infamia augeri, saltèm notabiliter. Ita Wiggers. Pro horum complemento

27. Nota ex Urbano N. crimen famosum dici, cujus fama pervagatur per majorem partem viciniae, communitalis, oppidi, parochiae, &c. estque simul nixa sufficiens indicium: ex quo fit, ut respectivè ad locum, in quo videtur fama, censendum sit publicum sive famosum. Notorium autem est id, quod constat per evidentiam facti vel juris. Adde mortuum infamare in re gravi, etiam mortale peccatum esse; minus tamen grave quàm infamare vivum, eò quòd hic plus suâ famam indigeat ad vitam quietè ducendam. Quia tamè consanguinei & amici non sunt famæ defuncti successores, & defunctus non est, dicit benè Franc. B. Spei, non apparere, cui tunc restitutio fieri debeat: unde satis esse videtur, si auditores aliter informantur.

## DVBIUM QVINTVM.

*Quale peccatum sit audire detractorem.*

28. **D**ico primò, qui ita detractorem audit, ut eum ad detrahendum provocet, interrogando, hortando, exteriùs in hoc eum laudando, &c. peccat contra justitiam: quia per hoc est injusta causa alterius damni. Imò (ut notant Wiggers, Urbanus, & Franciscus) talis graviùs delinquit, quàm ipse detrahens: Præterquam enim quòd peccet peccato injustitiæ sicut detrahens, ac proinde hoc deficiente teneatur famam per similem detractionem amissam restituere, committit insuper peccatum scandalì, quatenùs dat occasionem ruinæ spiritualis ipsi detrahenti.

29. Dico secundo, qui absque provocatione delectatur audiendo detractionem, vel detractorem non corrigit, dum facillè potest, peccat contra charitatem: ratio est, quia qui de peccato proximi delectatur, eidem & consentit, quod semper malum est: qui verò non corrigit detractorem dum potest, peccat contra præceptum correctionis fraternæ, ac insuper negligit avertere infamiam ab eo, de quo fit detractio. Nec ullatenùs approbo quod quidam apud Wiggers tradunt, scil. non esse mortale, gaudere detractionibus audiendis ex sola curiosa cognitione factorum proximi: quia hæc curiosa cognitio est ipsa famæ proximi diminutio, vel hujus causa,

unde, qui de illa gaudet, censetur & de hac interpretativè gaudere.

30. Dico tertio, audiens detractorem non peccat, si, neque ad hoc eum excitet, neque de eo gaudeat, neque corrigere omittat dum facillè potest. Probat, quia non est contra quod præceptum talis impingat. Deinde juxtà probatissimos Auctores apud Dianam p. 2. tract. 3. resol. 24. & p. 3. rr. 5. ref. 35. qui ob timorem, verecundiam, negligentiam aut animi levitatem non resistit detractori, solum venialiter peccat. Adde sæpè non peccare eum, qui simpliciter detractorem audit & nò corrigit, quia, vel ignorat, an quod alter narrat, sit publicum, vel an ipse justè id non narret: tunc enim non est certus, narrantem peccare, & tamen aliundè certus est, narrantem infamari per correctionem, cujus infamatio fortè erit injusta: cum ergò in dubio semper interpretandum sit in meliorem partem, & nemo presumendus sit malus, sæpè prudenter intermittitur dicta correctio: quod bene observant Bonac. Rebell. Malder. & alii. Accedit, quòd sæpè consulatur famæ proximi si permittatur finiri detractio jam inchoata: frequenter enim in fine non tam graviter apprehenditur quàm initio erat conceptum. Denique si apud unicum fiat detractio, poterit hic auditum crimen servare secretum, si que

acque juxta sententiam aliquorum Authorum supra relatam (quod scilicet non sit mortale uni prudenti & secreto viro, &c. cui saltim in dubio quis se conformare poterit) alter non patietur grave detrimentum. Ex his omnibus concludo cum Busenbaum, multos falli existimantes, simul ac aliquid audiunt dici contra proximum, id se mox refutare debere.

31. Adverte tamen primò, in prædictis optimum fore, divertere sermonem, vel tristem vultum ostendere juxta illud Proverb. 25. *Facies tristis dissipat linguam detrahentis.*

22. Adverte secundò, Superiorem quo nomine veniunt communiter parentes respectu filiorum, Domini respectu servorum, Prælati respectu Religiosorum, &c.) teneri impedire suum subditum à detractiōe: & si non fecerit, tenebitur ex officio curare, ut ab eodem subdito restituatur fama injustè ablata, vel debebit ipse per se eam

restituere: cum enim ipse ex officio teneatur impedire suum subditum ne alteri noceat, censetur injusta causa damni dum non obstitit, nisi fortè sit absens tempore detractiōis: quo casu deberet quidem subditum compellere quantum posset, ad restitutionem; non tamen hujus defectum supplere, cum nullam culpam commiserit. E contra si externus abstulit famam à subdito tuo, minimè teneris ad restitutionem, quia non suscepisti curam ex officio famæ tui subditi, sed animæ ipsius salutis: quæ si sufficienter non posset procurari, nisi fama injustè ablata restituatur (aliqui enim dum se vident infamatos, liberius durante infamiâ impudentes fiunt, famæ fræno eos non amplius coercente) censet Lessius fore obligatum Superiorem curare, ut subdito fama restituatur ab externo injustè ablata. Ita enim P. Urbanus tract. 3. tit. 7. cap. 4. fol. 573.

## DVBIVM SEXTVM.

### *De suspitione & temerario iudicio.*

33. **D**ico primò, suspicio est opinio mali orta ex levibus indiciis: quare semper retinet annexam formalem vel virtuales formidinem de opposito; in quo distinguitur à iudicio temerario, quod est definitiva sententia de malo proximi similiter fundata in iudiciis insufficientibus. Inter suspicionem & iudicium dictum, datur dubitatio, quæ est suspensio animi in

neutram partem inclinando. Levia indicia hæc dicuntur, quæ non moverent virum prudentem ad dubitandum, suspicandum, aut judicandum. Ubi adverte, indicia posse esse sufficientia ad dubitandum, & insufficientia sive levia ad judicandum vel suspicandum, sicut & sufficientia ad suspicandum, possunt esse insufficientia ad judicandum. Ut verò cognoscas; actus

actus tuus sit solum opinio, an iudicium; nota ex Cajetano apud Ballarum verbo *iudicium temerarium*, tunc quempiam habere iudicium, quando rogatus an rem habeat pro certa, responderet, eam sibi certam vel quasi certam videri; tunc autem solum habere suspicionem, quando responderet, se non esse moraliter certum, sed facile posse falli.

34. Dico secundò, iudicium temerarium de gravi delicto proximi est peccatum mortale. Constat ex Scriptura *Matth. 7. & Luca 6.* ubi dicitur: *Nolite iudicare & non iudicabimini*: item *Corinth. 4.* *Nolite ante tempus iudicare, &c.* ne videlicet id fiat, (ut benè notat Urbanus) per nimiam animi levitatem & affectus præcipitationem. Probatur etiam ratione, quia cum iudicium de se sit quid grave, quisque habet jus ne alius de se temerariè iudicet, ac proinde graviter laeditur iustitia, dum de altero temerariè ac contra rationem grave malum iudicatur, præterquàm quòd sit contra legem charitatis, *quod tibi non vis fieri, &c.* Id tamen à mortali excusatur, juxta P. Urbanum & alios, si quis perfectè non advertat ad damni gravitatem, vel ad iudicii temeritatem; item, secundum Busenbaum, si ipsum iudiciū habeat magnā probabilitatem, etsi non omnino sufficientem ad certitudinem; quia moralis certitudo & magna probabilitas non adeò distant, ut censetur esse magna injuria, iudicare certum quod est valdè probabile. Vide Franc. B. *Spei de Iure & Inst. disp. 19. num. 213.*

35. Varii Authores docent, probabiliter nullam suspicionem esse mor-

talem; sentientes idem à fortiori de dubitatione, utpotè minoris momenti quàm sit suspicio, cum nullum secum trahat assensum positivum. Ita Urbanus *N. tract. 3. tit. 3. cap. 2. fol. 427.* post Cajetanum, Sylvestrum, Navarrum & alios, quos etiam sequitur Busenbaum. Probat Urbanus primò ex D. Thom. & August. qui ultimus *tract. 97. in Ioannem*, referente ipso D. Thomà, sic loquitur: *Genus istud suspicionis ad humanam tentationem pertinet sine qua vita ista non ducitur*: Sanè Augustinus ista non diceret, si suspicionem aliquando mortalem esse existimaret; quis enim dixerit, inquit Urbanus, peccatum mortale ad humanam tentationem, id est fragilitatem, pertinere, sine qua vita non ducitur? Hoc nàmque esset dicere, nos non posse vitare mortale peccatū quia homines sumus. Dum igitur D. Thomas dicit aliquem gradum suspicionis posse esse peccatum mortale, per eum intelligit iudicium temerarium; nam gradum illum assignans ait, scilicet *cum aliquis pro certo malitiam alterius affirmat ex levibus indiciis.*

36. Probatur præterea ratione, quia cum suspicio semper annexam habeat formidinem de opposito, nec consequenter per eam firmiter credatur alterum deliquisse, solum leviter per eandem laeditur alterius fama, quamvis suspicio sit de gravissimo crimine; vel maxime si consideretur id ad humanam tentationem pertinere: propter quod non videtur quis ob suspicionem de se habitam posse esse graviter invitatus rationabiliter. Hac ab opposito probat P. Urbanus hoc modo, nul-

nullus dicet eum esse in magna fama apud homines, de quo hi magnifica quidem cogitant, sed imperfecto solum assensu, qualis est assensus debilis cum formidine de opposito, maxime si levibus iudiciis nitatur: ergo, &c. à contrario. Hanc etiam sententiam docet Diana p. 3. tract. 5. resol. 31. citans alios plurimos.

37. Si dicas, qui de Beata Virgine solum peccatum veniale suspicaretur, peccaret mortaliter; ergo, &c. Respondent, illud futurum solum peccatum mortale hæreseos, non verò injustitiæ.

38. Verum his omnibus non obstantibus, dicit Franciscus B. Spei loc. cit. num. 212. grave malum de probatissima persona temere suspicari, se excusare non posse à mortali, ubi omnes communiter docent de persona honesta, pia, & sancta nonnulla venialia revelare, esse mortale: multum enim temeritas crescit ex tali circumstantia personæ. Quare dic S. Augustinum supra loqui de suspitione ordinaria tantum: & tu diligenter cave similem extraordinariam, quæ certè ad humanam tentationem nullatenus videtur pertinere, ut patet ex casu D. Virginis.

Petes an, dum quis dubitat de alieno facto, teneatur suum dubium in meliorem partem interpretari?

39. Resp. quòd sic, si hic & nunc interpretari voluerit; quia cum id quicquid sibi fieri veller, debet idem circa alios facere: quare SS. PP. nos monent, ut dum opus non possumus, intentionem excusemus. Minimè tamen mortale erit, tunc omne iudicium suspendere, ut patet ex statim dictis, & ex eo, quòd nemo teneatur sub gravi culpa, se periculo erroris exponere iudicando esse falsum, quòd fortè est verum, ut alterum à parva infamia liberet, quæ sola per dubitationem incurritur.

40. Cæterum nota, in praxi esse licitum, in rebus magni momenti ita se gerere ac si constaret, eos inter quos agitur esse malos, ut quis se & sua servet indemnia: expediet tamen tum hoc iudicium formare, *Credo tales esse bonos, attamen nolo me vel mea periculo exponere.* Vide Franciscum supra num. 218. ubi inter alia tradit modum, quo Superiores se gerere possunt, quando agitur de cavendo damno, & adhibendo remedio.

## DVBIVM SEPTIMUM.

### *Quis teneatur ad restitutionem famæ.*

41. Dico primò, omnis, qui per detractionem alterum infamavit, tenetur ex iustitia famam restituere, & compensare omnia damna, quæ inde sunt secuta; quia horum omnium

est causa injusta: unde non potest remitti ejus peccatum, nisi restituat sic ablata: atque hoc verum puto, si per detractionem alteri falsum crimen sit impositum, si, quod occultum erat,

P p

fit

fit propalatum. Nec video quomodo Sotus quoad hoc secundum velit, tunc detractorem non teneri ad totalem restitutionem damnorum, sed ad partialem dumtaxat juxta prudentis arbitrium; cum qui occultum crimen alterius, licet verum, sine causa aperit, peccet contra rigorosam justitiam, ac consequenter sit injusta causa tam infamiae, quam aliorum omnium damnorum inde sequentium: quo ergo titulo ab eorumdem restitutione totali excusabitur? Non nego interim, eum, qui per detractionem est causa ne alter consequatur beneficium vel officium, non obligari ad totum valorē beneficii vel officii restituendum, sed ad valorem ipsius spei de beneficio vel officio obtinendo: nam juxta omnes plus valet bonum possessum, sive in re, quam solum in spe: quod si tamen quis per detractionem causa sit, cur alter beneficio vel officio obtento privetur, tenebitur ad totum valorem, quia restitutor debet fieri ad aequalitatem pro damno dato. Ita Lessius, Navar. Balthus, & alii.

42. Dico secundò, probabilius etiam ad restitutionem famae tenetur, qui alterum infamavit infamatione objectivè injusta, licet id fecerit bonâ fide & absque peccato, ut v. g. quia narravit alterius delictum putatum verum & publicum, quod tamen ita non erat. Ratio est, quia ubi talis cognoverit infamationem alterius objectivè injustam esse secutam ex sua narratione, scilicet esse quasi injustum retentorem alienae famae, quamdiu relinquit pravâ opinionem à se in mentibus aliorum generatam, tenetur eam vero domino

restituere, cum hic ad eam habeat strictum jus. Quod ulterius probatur à simili ex eo, quod quis rem alterius apud se reperiens, teneatur eam restituere, licet penes ipsum sit per acceptionem solum objectivè injustam. Ita Lessius, Balthus, & Urbanus, qui tamen bene ponunt discrimen inter eum, qui laesit alterius famam per infamationem formaliter injustam, & alterum jam dictum; primò, quod hic non teneatur ex justitia ad restitutionem famae cum notabili detrimento famae propriae; cum enim non peccarit, saltem mortaliter, non potest tam graviter obligari, ut ex supradictis patet. Secundò etiam non tenetur compensare detrimenta, quae alteri ex sua infamatione objectivè tantum injusta sunt secuta, ob eandem rationem: tenetur tamen ex justitia impedire futura, si possit sine gravi suo incommodo; sicut quis ex justitia, juxta omnes, tenetur extinguere scintillam, quam sine advertentia cadere permisit, si pravideat vel timeat inde securum incendium; aliàs enim censeretur cum advertentia de novo ponere talem actionem: quae advertentia si ab initio adfuisset, ab initio ad restitutionem obligatus fuisset: si ergò post moram culpabilem ex jam dicta sua infamatione sequatur damnum, obligatur ex justitia hoc compensare, quia ab eo tempore, quo scivit alterum à se esse infamatum & in mora est, formaliter injustè retinet ulterius famam.

43. Contrà nos hic sentit P. Franc. B. *Spei de Jure & Just. disp. 19. num. 190.* qui non vult, prædictum ad ullam restitutionem teneri ex justitia; quia non retinet famam alterius: dicere autem,

nunc

nunc esse injustam acceptionem, inquit, licet à principio non fuerit, quam impedire potest, nihil refert; quia cum injusta illa acceptio, seu potius materialis damnificatio, citrà culpam inceperit, quasi casualiter perseverare censetur ex causa, quæ in bona fide est posita, & in eadem desit. Ita ille etiam probabiliter

Petes primò, an obligatio restituendi famam transeat ad hæredes infamantis?

44. Resp. negativè; quia hæredes solum succedunt in bonis fortunæ: ac obligatio restituendi famam respicit nudam personam infamatoris. Si tamen ex injusta alicujus infamatione alter passus sit damnum temporale, deficiente infamatore, tenentur ejus hæredes dictum damnum compensare; quia hæc obligatio afficit etiam bona infamatoris, in quibus verè succedunt hæredes. Item ab opposito, si quis detraxit patri-familias v. g. atque inde damnificentur filii vel hæredes, tenen-

tur infamator etiam ad horum damnorum restitutionem, quia & horum est injusta causa.

Petes secundò, an à restitutione famæ liber sit, qui, postquam aliquem in certa materia infamavit dicendo v. g. eum esse ebriosum, conciliat ei famam in materia alia dicendo v. g. eum esse castum?

45. Resp. cum P. Urbano post Navarrum, quòd non: quia restitutio faciendâ ob illatum damnum debet esse damni illati compensatio, undè debet restitui res ablata, vel saltè in æquivalentem; solæ enim res æquivalentes possunt pro se invicem commutari; fama verò in una materia non est æquivalentem, nec proinde commutari potest cum fama in alia materia. Neque infamatus in tali casu perinde se habet ac si nullum damnum in fama passus esset, ut per se est manifestum. Addo tamen, juxtà statim dicenda, hoc sufficere, & omninò expedire, dum in eadem materia fama restitui nequit.

## DVBIVM OCTAVVM.

### *De modo restituendi famam.*

46. **D**ico primò, qui abstulit alterius famam narrando crimen falsum pro vero, tenetur dicere se errasse: quod si non sufficiat, mentitum se esse: & si nec sic possit ablatam famam restituere, debet id ipsum jurare. Ita Cajetan. Sylvius, Navar. Tannerus, & alii, quos citat & sequitur Diana *part. 3. tract. 5. resol. 29.* Imò juxtà Molinam, Cruz, Sotum & Salonium, tenetur ad-

hibere sui mendacii testes si opus fuerit: quia talis tenetur efficaciter revocare dictum suum. Hoc ultimum tamen non admittit P. Franciscus.

47. Dico secundò, qui alterum infamavit verum crimen occultum injuste propalando, obligatur dicere, se errasse, aut malè dixisse; verè enim errat & malè dicit omnis, qui ore peccat: non tenetur tamen, imò nec potest dicere,

P p 2 • se



se esse mentitum; quia & hoc ipsum dicendo mentiretur, quidquid multi velint similem à mendacio excusari posse per restrictionem mentalem, de quanos infra, & P. Franciscus aliundè eum adhuc verum dicere asserat, quia falsum dixit falsitate publicâ, sive attendendo ad id, quod publicè notum est.

48. Verùm quidquid has duas resolutiones communiter omnes sustineant, Urbanus *tr. 3. tit. 7. c. 3. fol. 564.* consultius putat, quemcumque infamatorum loqui magnificè de infamato ubi se offert occasio in aliqua alia materia coràm iis, qui infamationem audierunt; quia, inquit, calliditas hominum eò jam devenit, ut suspicentur prædictas retractationes fieri eo solùm fine, ut restituatur fama ablata, de cætero credentes firmiter id, per quod fama ablata est, ita se habere. Ita ille. Quod in certis circumstantiis verum puto. Interim debet infamator semper paratus esse, si alii perant, quomodo nunc tam bene loquatur de illo, de quo antea crimen revelaverat, dicere, ab eo tempore comperissè se errasse, fuisse deceptum, &c. atque ita minus occasionis habebunt auditores suspicandi id merè fieri ad restitutionem famæ, ut idem Urbanus rectè notavit.

49. Insuper Diana *loc. cit. resol. 30.* vult absolute sufficere, si aliquis alterum à se infamatum in una materia occultum ejus crimen injustè propalando, in alia materia laudet: quia in praxi, ait, pœnitentes difficulter famam restituant asserendo se perperam locutos, vel injuriam fecisse, vel fuisse deceptos, vel se dixisse falsum, &c. Sed

nos contrarium statim resolvimus: & nunquid in praxi difficulter pœnitentes restituant rem furtivam magni pretii bonâ fide emptam? Omnino, & quidem majori cum fundamento, nam nullam commiserunt culpam, ubi isti peccarunt mortaliter: non ideo tamen excusantur. Interea subdit Diana. *part. 11. tract. 6. res. 57.* postquam citasset pro se Cajetan. Sorum, Lessium, Valent. Sylvium, & alios plures; notent hæc Confessarii, quia nullum faciliorem modum pro pœnitentibus reperient, & ego scio quàm difficulter pœnitentes famam restituant, & in quantis tricus se involvant, quando aliis modis volunt famam restituere. Ita ille: quod in praxi tutum erit in casu, quo vir magnæ famæ alterum infamavit, qui si sibi timeat valdè magnam infamiam, non tenebitur revocare suum dictum, vel dicere se mentitum esse, etiamsi alterum infamasset falsum crimen imponendo, nisi fortè infamatus ejusdè, vel majoris dignitatis, valdè magnam infamiam per hoc incurrisset: pro quo ex N. Francisco hanc regulam generalem pone omnibus restitutionibus communem, quæ fiunt ratione injustæ acceptionis: *Teneatur damnificator restituere cum equali damno: non tamen cum notabiliter majori;* v. g. unum aureum cum jactura decem aureorum. Vide illum *de Jure & Just. disp. 19. n. 202. & 203.*

Petes primò, an qui aliquem infamavit apud eos, qui insuper eundem infamarunt apud alios, auditum crimen referendo, teneatur ejus famam apud omnes restituere?

50. Res

50. Resp. cum distinctione: affirmativè nempe, si infamator sciverit aut suspicatus fuerit, eosdem crimen aliis revelaturos; tunc enim per suam injustam infamationem censetur efficax causa infamiae apud omnes contractae, negativè verò, si alter crediderit eos fore taciturnos; quia tunc ulterior infamatio est casualis, ac merè per accidens censetur prior narrans esse causa illius. Ita Villal, Bassæus Urbanus, & alii communiter: quidquid tamen Faber, pro se citans Alensem apud Dianam *part. 3. tract. 5. resol.*

34. sine ulla distinctione negativè respondet, imò contrarium dicat esse irrationabile; nam cum verba ex ore prolata in infinitum crescant, impossibile est infamatorem posse se retractare apud omnes, ad quos talis infamatio perveniet. Itaque: cui tamen responderi potest, illum teneri se retractare apud eos omnes, apud quos, moraliter loquendo, potest: cum enim fama sit divisibilis, non minus quàm bona temporalia, tenetur infamator injustus totam infamiam tollere, cuius efficax causa extitit; ac si hoc non possit, tenetur eam imminuere quantum potest, prout omnes tradunt de damificante injustè in bonis temporalibus.

Petes secundò, quomodo teneatur famam restituere qui eam alteri abstulit per libellum famosum, aut signum externum publicum, quale v. g. est apponere cornua ad alterius januam?

51. Resp. similem obligari ad restitutionem publicam, præconis voce, vel scripto; quia aliter tolli non potest gravis alterius infamia, cujus ipse est causa efficax. Hoc est gravissimum peccatum in hoc genere: propter quod incurritur pœna capitis in foro civili, & in foro spiritali excommunicatio.

Petes terriò ad quid teneatur is, qui ex susurratione de altero malè locutus est?

52. Resp. in primis eum teneri ad restitutionem famæ & damnorum temporalium, si quæ sint secuta, ut patet ex dictis. Deinde debet allaborare, ut amicitia aut charitas fracta inter alios de novo resumatur: cui tamen per prius videtur sufficienter satisfieri, nam si in corde alterius odium remaneat, postquam jam cognoscit causam ejusdem falsò, vel saltem injustè sibi à detractore datam fuisse, id censetur ex ejus malitia fieri.

## DUBIUM NONVM.

### *Quanam excusent à restitutione fama.*

53. Deo, causæ à restitutione famæ  
Excusantes communiter as-

signantur octo: prima, condonatio infamati; nisi foret per hujus infamiam

etiam alii sint passi infamiam : tunc enim adhuc his teneretur fama restitui, & si hoc fieri nequeat nisi ipsum principaliter infamatum famæ pristina restituyendo , id facere debet non obstante hujus condonatione. Sic, licet Religiosus injustè infamatus infamatori condonet obligationem restituendæ famæ sibi ablata, adhuc tenetur alter ei famam restituere, quia illius infamia redundat in monasterium vel Ordinem, cujus juri ipse cedere non potest, nec aliter potest fama monasterio restitui, nisi dictus Religiosus pristina famæ restituiatur.

§4. Secunda causa est, quando fama ablata restitui nequit nisi cum periculo amittendi bonum longè majus; quod fit, dum quis non potest alteri famam restituere sinè jactura famæ propriæ longè majoris momenti, aut sinè periculo vitæ; quia tum infamatus non potest in hoc esse rationabiliter invitatus: & juxta Cajet. Cordub. Tanner. Malder. Sylvest. Franc. B. Spei, & alios apud Dianam p. 3. supra, generaliter bona inferioris ordinis non sunt restituenda cum detrimento boni ordinis superioris; quidquid tamen P. Urbanus, secutus Lessium, Sotum, & alios, dicat, probabilius esse oppositum in casu valde particulari, quando videl. juxta prudentem æstimationem damnum boni superioris ob exiguam quantitatem leve censetur comparatum cum damno boni ordinis inferioris in maxima quantitate amissi: sic v. g. tenetur fur magnam summam pecuniarum ablata restitui, licet andè timeat parvam infamiam: aliàs enim nunquam ferè quis obligaretur

ad restitutionem bonorum temporalium. Ita P. Urbanus, quamvis contra Sotum judicet probabilius esse, nunquam famam etiam summam injustè ablata restituiendam esse cum periculo vitæ: quia adhuc semper hæc pluris æstimatur.

§5. Cæterum, in casu quo fama restitui non potest, non tenetur eam infamator pecuniâ compensare, saltem probabilius: quia, dum fama in se restitui nequit, censetur impossibile auferre damnum per detractiōem illatum. Nec dicas pecuniam esse mensuram rerum omnium, nam est tantum mensura rerum venalium, qualis non est fama. Ita idem Urbanus cum communi. Adverte tamen Dianam *loc. supè cit.* docere, quia sententia in hoc nobis contraria etiam est probabilis, consequenter etiam probabilis esse, posse infamatum sibi ipsi satisfacere ex debito pecuniario infamantis, si hic aliâ viâ satisfacere nolit, aut non possit. Verum non video, quomodo hic taxari posset quantitas debiti pecuniarii, ex quo fieret talis satisfactio.

§6. Tertia ratio à restitutione famæ excusans, est justa compensatio. Sic v. g. quamvis infamando alterum, qui te infamavit, pecces, non teneris tamen ad restituendam ejus famam, nisi & ipse vicissim tibi restituat tuam, vel nisi tu ipsum plus infamaveris. Ita Sylvius, Malderus, Diana, Basæus, & alii satis communiter: licet Urbanus judicet probabilius oppositum post Cajetanum; cujus ratio est, quia te non restituente alterius famam, nihil tibi famæ accrescit,

crescit, nec quidquam decrescit infamia.

57. Quarta causa est, quando crimen à te injustè detectum, alia via est factum publicum; tunc enim infamatus amisit jus ad famam.

58. Quinta dum prudenter judicatur, infamiam illatam jam esse traditam oblivioni.

59. Sexta quando ex narratione, licet aliàs injusta, nulla est secuta infamia, vel quia narranti non adhibetur

fides, vel quia id quod narratur, erat audientibus notum.

60. Septima causa excusans est, dum restitutio famæ est prorsus impossibilis.

61. Octava deniquè ab aliquibus causa additur, quando aliquis est justè infamatus: verùm in hoc casu nulla absolute loquendo adest obligatio. Vide circa hæc Dianam p. 11. tract. 6. resol. 57.

## DISPUTATIO VII.

### *De injuriis circa bona fortuna.*

#### D V B I V M I.

##### *De furto & rapina.*

1. **D**ico primò, furtum est ablatio alieni domino rationabiliter invito: ubi per alienum intelligitur omne illud, quod ad alterum ut dominum spectat, vel quod est in alterius potestate, ut est v.g. res deposita, commodata, locata, &c. Dicitur domino rationabiliter invito, quia aliàs non est furtum, ut v.g. dum alteri auferitur quod suum erat, per justam sententiam judicis, in extrema necessitate, &c. Adverte tamen cum P. Urbano tract. 3. tit. 8. cap. 1. fol. 576. dominum posse dupliciter esse invitum, scil. quoad rem quæ accipitur, & quoad modum accipiendi: sic enim filius sæpè accipit aliquid à patre invito, non quòd pater nolit filium tale quid

accipere, sed quia non vult quòd occultè vel patre inscio accipiat: quo casu nullum committitur furtum, quia talis acceptio plùs dicenda est fieri patre inscio, quàm patre invito. Atque hinc multæ similes acceptiones domesticæ excusari possunt, dum prave recundia tolluntur res occultè, non tamen invitis simpliciter dominis. Ita P. Urbanus. Verùm in hoc minimè puto laxandas esse habenas filiis familiaribus, &c. propter facilem excessum, qui in hoc fieri potest: præterquam quòd tales acceptiones, etiam secundum ipsum Urbanum, semper sint peccata venialia propter modum surripiendi; puta si nulla urgeat necessitas.

1. Dico

2. Dico secundò, rapina est alieni per violentiam ablato, domino rationabiliter invito : quæ definitio claret ex data explicatione definitionis furti.

Furtum & rapina diversæ sunt speciei iuxta diversitatem objectorum : si enim divertatur bonum Reip. dicitur peculatus : si surripiatur pecus à grege disperso, dicitur abigatus : si quis abducatur alienum servum, vocatur plagium : si denique auferatur res sacra, vel etiam profana de loco sacro, dicitur sacrilegium. Ad hoc ultimum tamen requiritur, ut res profana sit sub immunitate loci sacri seu ecclesiasticæ, vel quia v.g. est deputata in servitium templi, vel ad templum dilata, ut sit sub dicta immunitate : aliàs enim qui crumenam acciperet ex sacco alicujus in templo existentis, non ideo committeret sacrilegium. Quomodo etiam fieri possit, ut in bello res, quæ sunt sub immunitate Ecclesiæ, in certo casu capi possint sine sacrilegio : dictum est suprà ubi egimus de bello.

3. Dico tertiò, furtum & rapina sunt ex genere suo peccata mortalia ; crescunt enim ad mortale solà ad auctà materià absque alia circumstantia, ut patet ex Scriptura *Corinth. 6.* ubi dicitur, fures regnum Dei non possessuros. Rapina interim est peccatum gravius furto, quia fit magis invito domino ; & constat à pari ex dictis de contumelia.

4. Petes, quæ quantitas materiæ requiratur ad constituendum peccatum mortale ? Relictis opinionibus aliorum, quæ, teste Dianà *parr. 2. tract. 3. resol. 57.* sunt tor, quot sunt Docto-

res ; Respondeo cum distinctione : furari ex bonis Regis aut alterius valde divitis unum aureum id est tres florenos, est peccatum mortale : à vivente suis redditibus quatuor vel quinque regales, id est viginti vel viginti quinque stuferos : ab artifice duos aut tres regales : à mendico verò unum regalem.

5. Probatum primum, quia quamvis fortè Rex parvi facere videatur aureum unum vel alterum ; hi tamen ipsi sufficiunt pro justo stipendio militis vel famuli ad aliquot dies : præterquam quòd aureus sit simpliciter quantitas in se verè notabilis. Quare puto cum P. Urbano, esse omnino intollerabile & perniciosum, quòd quidam voluerunt ; nimirum furtum etiam centum aureorum non sufficere ad mortale, si non sequatur inde grave damnum.

6. Probatum secundum, quia quatuor regales, respectu vivantis suis redditibus, censentur summa notabilis, cum ei sufficiant ad victum & alias expensas diurnas : idem dic de tertio & quarto.

7. Adverte tamen in prædicta summa determinanda, non solum debere attendi ad valorem rei secundum se spectatæ, sed etiam, & maxime ad utilitatem quam domino adfert, vel ad damnum quod ejus ablatio ipsi creat : sic namque potest quis mortaliter peccare auferendo aciem à sartore, non quidem in materia furti simpliciter, cum non auferat rem notabilem, sed contra justitiam in quantum per injustam suam actionem inferi alteri grave damnum. Vide circa hæc

Franc.

Franc. Bonæ Spei de iure & iust. disp. 19. num. 222. Caterum plus requiritur ad quantitatem notabilem in rebus, quæ ultrò proveniunt, & difficilius custodiuntur ( eò quòd v. g. transeuntibus sint expositæ : ) quod ipsum ita expendit P. Urbanus, ut dicat, non fore peccatum mortale; accipere castaneas, nuces, &c. ex arbore

in tanta quantitate, quæ in foro aestimaretur quinquaginta stufis: quod tamen negat locum habere in rebus, quæ magno labore & industria nascuntur, ut sunt uvæ & fruges: licet interim quantitas ad mortale sufficiens, dum tales res sunt collocatæ domi, non sufficiat, dum adhuc sunt in campo.

## DVBIVM SECVNDVM.

### De furtis minutis.

8. Dico primò, qui per furta minuta intendit discere vel alienum acquirere in quantitate notabili, peccat mortaliter, etiam dum furatur primum assem: quod verum est sive ab eodem, sive à diversis id facere intendat; quia sicut in primo intendit inferre damnum homini privato, sic in secundo communitati sive Reip. idem inferre intendit, quod sufficit; nam verè taliter infertur damnum simpliciter & secundum se grave. Ita omnes communiter: nec videtur sine errore contrarium posse sustineri, cum id ipsum tanquam grave peccatum Scriptura damnet *Deuter. 25. & Proverb. 11.* ubi dicitur: *Statera dolosa abominatio est apud Deum.*

9. Dico secundò, qui levia paulatim furando non intendit acquirere alienum in quantitate notabili, peccat solum mortaliter, ubi cognoverit minutim accepta crescere ad notabilem quantitatem; licet Franc. B. Spei suæ *Noctua dub. 16.* in fine, de iure & iust. disp. 19. num. 224. & alibi, juxta sententiam

probabiliorē, velit, talem peccare mortaliter capiendo ultimam materiam parvam cum præcedentibus complementem materiam gravem; quia omnes acceptiones unam moralem, perseverantem moraliter, relinquunt, ad eum modum, quo peccata moraliter perseverant: adhuc puto probabiliter, eum solum peccare mortaliter peccato injustæ retentionis, eò quòd non videantur diversæ acceptiones, quæ diversis temporibus & non una intentione fiunt, rectè posse in unam coalescere. Aliàs enim diversæ detractiones in parva materia factæ, mediante longo intervallo tēporis, sive de eodem, sive de diversis personis, etiam unam detractionē moralem, perseverantem moraliter, relinquerent, ad eum modum, quo peccata moraliter perseverant: quod dicere, est ferè omnes homines peccati mortalis arguere, ut consideranti patebit. Insuper ab hoc quoque peccato injustæ retentionis mortali videtur quis exculari posse, si firmiter statuat priora furta restituere, si

Qg

ante-



antequam dictam ultimam levem materiam capiat : quia tunc nulli, etiam in communi, intendit grave damnum inferre, nec de facto inferre. Imò quamvis quis præcedentia restituere non intendat, juxta quosdam adhuc poterit à mortali excusari, qui similiter à diversis parum surripit propter necessitatem alendi suam familiam, quam aliter ægrè alere posset; tunc enim damnicati non censentur graviter inviti. Ita plures : quia tamen per hoc via aperitur occultis furtis, hanc necessitatem non faciliè approbet Confessarius, nisi eam verè adesse constet, eaque valde gravis sit.

10. Dico tertio, qui cognoscit se per furta minuta possidere alienum in quantitate notabili, v.g. in valore viginti quinque assium (hic enim major quantitas requiritur, quam dum tota quantitas simul surripitur) non teneatur sub mortali ad restitutionem, nisi in quantum necessarium est, ut materia decreseat infra quantitatem materiam gravis : quia sicuti non peccat mortaliter, qui v.g. primò octodecim asses aufert, ita nec ille, qui ex viginti simul ablatis, duobus restitutis, solum octodecim retinet; vel qui ex viginti quinque per parva furta ablatis, restitutis quinque, tantum retinet viginti. Debet autem dicta restitutio, per se loquendo, fieri proprietariis, sive iis, à quibus quis est furatus : quia tamen hoc est valde difficile, & plerumque moraliter impossibile iis, qui per stateram dolosam, per ulnam breviorē, &c. à plurimis parum quid sunt furati, communiter hi satisfaciunt restituendopau peribibus; vel pro causis plis.

Ceterum sicut statim diximus, ad mortale ex furtis minutis requiri majorem quantitatem, quam si simul & semel quis eam auferret : similiter plus requiritur, si plura à diversis, quam ab uno & eodem diversis vicibus auferantur; nec non, si plura ab eodem post longa intervalla temporis, quam indies aut alternis diebus accipiantur : quia in uno est dominus magis rationabiliter invitus quam in alio. Hæc DD. communiter : quibus tamen contradicit P. Franc. B. Spei loc. antea sepè cit. num. 225.

11. Insuper Navarra in manuali cap. 17. num. 139. docet, eum, qui magnis intervallis dictam notabilem quantitatem confaret, ut v.g. aliquot diebus unius mensis aliquot furta parva committendo, & post alium vel alios menses totidem, & post aliquot alios iterum totidem, &c. ita ut in fine trium vel quatuor annorum confarent summam, etiam duplo majorem, quam sit illa, quæ semel accepta peccatum mortale induceret; docet, inquam, eum adhuc non teneri ad restitutionem sub mortali, ratione illâ firmâ, ut ait, quod cæteris paribus magis peccet qui capit, quam qui retinet, & quod qui capit illa parva sine intentione perveniendi ad quantitatem notabilem, non peccet plus quam venialiter; ergo nec retinendo illa. Ia ille. Verum ratio illa mihi videtur valde infirma, primò, quia acceptiones illæ non constant moraliter unam acceptionem, benè retentiones, quæ tam diu perseverant, quamdiu singula furta parva non restituuntur : secundò, licet in dicto casu accipiens non intendat

intendar furari rem notabilem, tamen dum per similia minuta furta se cognoscit pervenisse ad notabilem quantitatem, & non restituit, intendit rem alienam retinere in quantitate notabili simul & semel. Poterit interim talis accipiens adhuc à mortali peccato injustæ retentionis exulari, & consequenter ab onere restitutionis faciendæ sub mortali, si perignorantiam inculpabilem non advertat, se retinere rem alienam in quantitate notabili.

12. Dico quartò, qui parum furatur ab eo, à quo plures alii similiter furantur, peccat mortaliter, si consilio, auxilio, exemplo, pacto, &c. sit causa directi furti in aliis. Ita omnes: quia ut sic, est causa totius damni. Puto tamen verius, eum non peccare, nisi venialiter, si nullo ex dictis modis in causa sit, cur alii ab eodem furentur, licet cognoscat aut videat alios sic furantes. Ita apud Dianam *part. 2. tract. 3. resol. 42.* docent Tannerus, Lessius, Salas, Malderus & Sanchez: quibus addo Urbanum *tract. 3. tit. 8. cap. 1. fol. 581.* & Busenbaum: ac quamvis dicat Diana, oppositam sententiam communiter à DD. tradi, nostram tamen etiam esse probabilem affirmat, addens, hunc casum frequenter accidere, maxime inter servos nobilium. Probo igitur eum Urbano post alios; quia talis ex se parum damni infert alteri, nec est causa, cur alii eidem damnum aliquod inferant: ergo tantum leviter peccat. Nec refert, quod cooperetur damno gravi, vel etiam, quod causa sit cur damnum, quod fortè notabile non fuisset, fiat notabile: quia solum cooperatur gravi damno in parva quanti-

tate, nec est per se & simpliciter loquendo, nisi parvi damni causa: estque merè per accidens, quod per suum furtum parvum compleatur materia ab omnibus simul ablata in esse materiæ & damni gravis: neque ullo modo potest ideo augeri malitia parvi furti, quod hic committit, ad constituendam culpam mortalem; quia alias, ut bene notat Urbanus, qui acciperet unum assen ab eo, à quo sciret alium novemdecim accepisse, plus peccaret quam ille alius, quod omnino videtur rationi repugnans.

Petes primò, an saltem non peccet mortaliter, qui parum furatur ab eo, à quo antea multum est furatus?

13. Resp. talem probabiliter peccare mortaliter in quolibet minuto furto subsequente: quia per quodlibet novum furtum & advertentiam ad priora furta, absque voluntate ea restituendi, censetur implicite renovare intentionem retinendi alienum in notabili quantitate. Ita Rebellius, Bonacina, & Sanchez apud Dianam *p. 2. tract. 3. resol. 43.* Verùm puto cum eodem Diana, etiam probabilem esse oppositam sententiam Lessii, Salas & Filliucii: ratio est, quia quodlibet furtum minutum in casu dato, non consummat quantitatem notabilem, sed ipsam jam consummatam auger dumtaxat in re parva. Ita illi. Deinde, licet consummaret quantitatem notabilem, quia tamen nequidem moraliter coalescit cum aliis minutis furtis præcedentibus, adhuc non esset peccatum mortale acceptionis, ut antè insinuavimus. Manet interim certum, primò, voluntatem retinendi



simul hæc parva furta cum aliis, esse peccatum mortale, quod sit continuò majus & majus secundum quod plus & plus retinetur. Secundò etiam certum est, illa nova furta conficere novum peccatum mortale injustæ retentionis, quando de novo, separata à cætera quantitate, perveniunt ad notabilem quantitatem, quod alter advertens, non proponit restituere.

Petes secundò, an sartores sepè furando fragmenta, quæ supersunt, peccent mortaliter?

14. Resp. affirmativè, dum scilicet valor eorum ascendit ad materiam gravem: non enim est ulla ratio, cur ea sibi retineant, cum aliunde recipiant pretium justum pro confectioe vestium. Ita Vilal. apud Dian. *part. 4. tract. 4. resol. 176.* Ob oppositam tamen rationem Thomas Sanchez

sustinet oppositum, idque etiam si fragmenta sint magni valoris. Quia, inquit, illis communiter minus solvitur quàm fracturæ mereantur, prout mihi dixerunt multi ex timoratis & rectæ conscientiæ, unde sibi compensant & satisfaciunt his, quæ supersunt. Ita ille apud Dianam citatum; qui, licet hoc ipsi minus placeat, dicit tamen, se non damnaturum sartores aut Confessarios, qui opinionem Sanchez sequuntur. Verùm ego judico eos revera damnandos esse, saltem dam fragmenta sunt alicujus valoris. Quod addo, quia possunt retinere illa, quæ moraliter loquendo, à dominis sponte derelicta habentur, vel quia parva sunt valoris, vel quia ipsi non servient restituta; ut loquitur Franciscus B. Spei *de Iure & Iustit. disp. 13. numer. 25.*

## DUBIUM TERTIUM.

### *De furtis uxorum, filiorum, & famulorum.*

15. **D**ico primò, uxor mortaliter peccat & tenetur ad restitutionem, dum rem notabilem expendit invito marito, si hie erat rei illius dominus vel administrator. Probat, quia ut sic alienat id, cujus dominium vel ususfructus ad alterum spectat: non peccat tamen expendendo ex bonis familiæ juxta proprium statum & qualitatem, quantum videl. cæteræ suæ conditionis expendere solent. Item licet quid ultra expendat cum interpretativa licentia mariti: si id faciat, ut succurrat proximo extremè

aut valde graviter indigenti, vel etiam in necessitate levi parentibus, aut fratribus, pro quo vide dicta *tract. 3. disp. 3. num. 20.* Nec non expendendo necessaria pro victu, vestitu aut sanitæ suæ aut familiæ: insuper si id faciat ad impediendum temporale vel spirituale malum mariti; quod aliter averti non potest. Nec denique peccabit, si expendat ea, quorum habet administrationem liberam, ut sunt bona paraphernalia, nisi fortè in his sit prodiga. Imò juxta plures si maritus sit prodigus aut effusus in ludos & pocula

pocula, potest uxor, absque mortali, aliqua sibi artipere, minimè tamen pari modo dilapidare, quamvis cuiquam videri posset, nec tunc fortè eam peccare contrà jus mariti, eò quod per suam prodigalitatem videatur hic jus amittere quod habet, ne uxor inutiliter res familiæ expendat. An verò, & quales possit uxor facere eleëmofynas, alibi diximus. Cæterùm restitutio ab uxore, dum fieri debet, facienda est ex bonis, quorum administratio ad ipsam pertinet: ac si nulla habeat talia, tenetur damnum mariti compensare per laborem & industriam extraordinariam.

13. Dico secundò, filius familias furatur & tenetur ad restitutionem, si accipiat ea, quorum dominium vel administratio ad patrem & matrem spectat, iis rationabiliter invitis. Pater ex dictis. Non furatur tamen accipiendo & expendendo bona castrensia, vel quasi castrensia, quia horum habet liberam administrationem. Neque peccat mortaliter peccato furti, expendendo certam summam in ludos, eleëmofynas, honestam recreationem; imò etiam luxuriosam (ut loquitur Bassæus) si in iis non excedat status sui conditionem: quia in his non censetur parens rationabiliter graviter invitus, nisi fortè quoad modum expendendi, non verò quoad rem, quæ à filio expenditur. In aliis etiam casibus semper major quantitas requiritur ad constituendum peccatum furti mortale in filio, quam in extraneo; quamvis in ea assignanda minimè DD. conveniant. Lugo in filio Principis requirit quinquaginta au-

reos; Lessius quatubr vel quinque, si pater sit prædives. Verùm malo ego eam prudentis iudicio determinandam relinquere, inspectis conditionibus status, ætatis, personarum, locorum, temporum, amoris etiam patris, ac indulgentiæ in filium; nam juxtà horum omnium considerationem censetur pater plus minùsve invitus circa substantiam & quantitatem, quam filius fuitripuit, & ipso inscio expendit. Quicumque autem filius à patre rem notabilem omnibus dictis consideratis furatus est, tenetur eam restituere, si apud se adhuc existeret; sin minùs, debet satisfacere ex suis bonis castrensibus, vel quasi castrensibus; quæ si non habeat, tenetur compensare fratribus in bonorum communium divisione, nisi & ipsi fortè similiter acceperint, vel ei pater condonaverit, aut ipse patri aut familiæ præstiterit obsequia præ cæteris fratribus digna. Ita omnes DD. communiter. Filio à patre furanti assimilatur is, qui ea, quæ à patre dantur pro studio, ludendo & potitando dilapidat, ut bene notat Burghaber centur. 2. casu 36. quia pater non tantùm quoad absumentum modum, sed quoad rem ipsam etiam tunc invitus est.

17. Dico tertio, furatur famulus auferens aliquid à Domino invito: unde peccat mortaliter, & tenetur ad restitutionem, si res sit notabilis. Vix tamen furta poculentorum & esculentorum esse mortalia in famulo, etiam si adsit notabilis quantitas, docent P. Urban. tract. 3. tit. 8. cap. 1. fol. 580. & Bassæus verbo *Furtum*; modò tamen ea in usum & comestionem

suam consumat; si enim ea consumeret in usu, cui Dominus nullatenus consensurus censeretur, ut in extraordinariis computationibus aut ludis, facillè mortaliter delinqueret, sicut & si ea daret & venderet extraneis. Ratio utriusque partis est, quòd in primo non censeatur Dominus esse graviter invitatus, nisi quoad modum accipiendi: in secundo verò est etiam invitatus quoad rem sive substantiam, quæ auferatur. Ita illi: bene tamen primum restrinxerat idem Urbanus parum ante *in resol. 4. ad quæst. 2.* nisi

cibi, quos famuli capiunt, etiam ad comedendum, sint adhuc integri; quia & tunc censeretur Dominus graviter invitatus quoad substantiam: quod idem ego etiam reltringo, nisi potus, qui furripitur à famulo etiam ad bibendum, sit valdè rarus, ob eandem rationem. Circa hæc interim & omnia alia ad mortale in famulo major requiritur quantitas quàm in extraneo, quæ prudentis iudicio determinanda relinquitur, attentis circumstantiis & conditionibus; ut suprà.

## DVBIVM QVARTVM.

### De compensatione occulta.

18. **D**ico, licita est occulta compensatio, postis certis conditionibus à DD. communiter requisitis: quarum prima est, si debitum sit liquidum, id est, moraliter certum. Secunda, si non plus accipiatur, quàm alter ex iustitia debeat. Tertia, si debitum sit actu, sive si sit hoc tempore solvendum, vel saltèm desit spes tempore statuto illud obtinendi. Quarta, si præcaveatur, ne idem debitum postea sibi vel successoribus iterum solvatur, quod fiet sufficienter monendo alterum, sibi nihil ampliùs debet; vel potiùs in libro annotando, sibi quoad hoc debitum esse plenè satisfactum. Quinta conditio est, si commodè rem tuam alià viâ recuperare non valeas; aliàs enim peccares contra iustitiam legalem, in quantum

usurpares officium iudicis. Hanc tamen conditionem non putat necessariam Diana *part. 2. tract. 2. resol. 46.* cum aliis; quia quando ex compensatione occulta nec adest periculum scandali, nec turbationis Reip. non invaditur munus iudicis, qui solum constitutus est ad publicam pacem tuendam. Pro quinta ergò conditione ineliùs putare in tantum poni, si debiti solutionem vel rei tuæ restitutionem à debitore petendo probabiliùs nihil efficias. Quibus adde, in compensatione non posse vñ adhiberi, ni fortè Resp. ita perturbata foret, ut nequireret quis suum per iudicem obtinere. His igitur conditionibus positis, licitum est occultè compensationem sibi procurare; illicitum tamen, si vel unica ex illis deficiat: pro quibus vide

Franc.



Franc. B. Spei de Iure & Iust. disp. 19 n. 127. & seq.

19. Colliges primò, famulum licitè uti occultâ compensatione, si dignum à Domino stipendium non recipiat: quod verum esse sustinet Pourrè, quamvis ob paupertatem coactus fuerit pacisci pro injusto & omninò inæquali stipendio, quod etiam extendit ad operarium. Ratio ipsius est, quia in tali casu tam quoad famulum, quàm operarium, adsunt omnes conditiones suprâ positæ. Limitat hoc Basilius, nisi inter servum & Dominum de parvo pretio conventum sit ea mente Domini, ut servitio diligenter præstito sit suppleturus, vel nisi famulus spontè Domino inserviat parvo pretio sub spe acquirendi mercedem, ut v. g. officium ab eo impetrandi, sine ullo pacto aut intentione Dominum ad majus pretium obligandi. Verùm ego absolute judico, famulum debere esse contentum cum stipendio, de quo conventum est, ne aliàs occultis furtis porta aperiatur, prout etiam docet Burghaber *centur. 2. casu 76.* excipiens solum casum, in quo famulus alius rebus occupatur à Domino, quàm ab initio fuerat conventum. Sed nec tunc, inquit, potest uti compensatione occulta, si debitam mercedem pro illo excessu sui servitii amicabilem petitione, aut per Judicem facillè obtinere sine suo damno potest. Conformiter loquitur idem Burghaber *casu 80.* de filio v. g. mercatoris, qui in domo paterna multum patri lucratur suâ industriâ, aliis fratribus intereâ otiosis, vel stu-

dentibus: hunc enim vult posse de jure à patre tantam mercedem exigere, quantam extraneo famulo dare deberet. Quòd si, inquit, filius ex metu reverentiali illam petere non audeat, sciens se repulsam passurum, potest clam tantundem accipere. Ita ille post Lessium; adhortans tamen meritò similem filium, ne tali licentia abutatur, sed quàm fieri potest rarissimè utatur: additque, ipsum nullam similem licentiam habere, si pater egeat, quia tunc ex pietate tenetur tales operas veluti obsequia præstare patri: vel si alii filii etiam similiter patri lucrentur; æquitas enim dicat, ut tunc nullus plus altero recipiat. Vide dictum Franc. scum B. Spei *disp. 13. num. 25.*

20. Colliges secundò, eum, qui amico vel alteri cuicumque pauperi alimenta præstitit, vel etiam aliud quodcumque ob amicitiam, consanguinitatem, vel paupertatem, non posse ab eodem postea clam facere compensationem, quamvis alter, dum ad pinguorem statum venit, nolit sibi præstitam gratiam alteri rependere: quia ad hoc non tenetur ex justitia, cum nullum pactum, nullâque stricta obligatio supponatur intercessisse ex parte accipientis beneficium: quare ex sola gratitudine & honestate obligatur alteri vices rependere.

\* \*

## DVBIUM QUINTVM.

*De emptore vel venditore rei furtiva.*

21. **D**ico primò, qui rem furtivam demit, si dominus compareat ante legitimam præscriptionem, tenetur ei rem in specie existentem restituere, etsi bonâ fide eam emerit: quia qualibet res, ubicumque fuerit reperta, est semper vero domino restituenda: atque in foro judiciali Judex, simul atque cognoscit rei dominum, præcipit omninò eam ipsi reddi. Interea, si quis rem alterius emisset parvo pretio à fure, à quo dominus eam nunquam erat recepturus gratis, posset dictum parvum pretium à domino repetere; quia tunc censetur emens prudenter rem domini egisse, ac idem in simili vellet sibi ab alius fieri. Imò posse semper prædictum emptorem rem emptam furi restituere, & contractum rescindere, docent Azorius, Lessius, Rebellius, Tolet. Valentia, Malderus, & alii plures apud Dian. *part. 1. tract. 8. resol. 69.* quorum sententiam Scipio judicat probabilior: ratio est, quia talis emens non tenetur potius bonis alterius consulere quàm propriis, cum ipse bonâ fide alienam rem acceperit; neque dominus est rationabiliter invitatus comparatione similis ementis. Imò idem Diana *part. 2. tract. 3. resol. 4.* asserit, hanc sententiam claram esse & communem; cujus ulterior ratio ab aliis redditur, quia id faciendo non constituitur alterius res in peiori statu quàm erat ante. Ita de

novo etiam sustinet Burghaber *cent. 3. casu 14.*

22. Attamen tu adhuc adhære nostræ sententiæ; quia emptor, talem rem furi reddendo censetur cooperari iniquæ ipsius detentioni, & exinde tractat rem alterius domino rationabiliter invito, eam scil. in peiori statu constituens, quàm de facto sit. Ita Franc. B. *Spei de Jure & Just. disput. 17. num. 87.*

23. Dico secundò, qui rem alienam bonâ fide emptam eadem fide consumpsit, nihil debet vero domino restituere, nisi in quantum inde fortè factus sit ditior: non enim tenetur ratione rei alienæ, cum hanc non habeat, nec ratione injustæ acceptionis ut patet; ergò ex nullo capite. Ita omnes. Sic similiter, qui rem furtivam bonâ fide emptam vendit alteri eadem fide, ad nihil tenetur, nisi fortè factus sit ditior, ob eandem rationem. Dixi *nisi factus sit ditior*, quia si revenderit plus quàm emerit, volunt Navarrus, Sanchez, Lessius & alii, illud plus esse domino rei restituendum vilegis si & rem *ff. de pet. hered.* Quod & locum habere vult P. Schilder *tract. 4. num. 74.* etiam in dubio, an factus sit inde ditior: quia nemo præsumitur summa (nec consequenter rem à se possessam) inutiliter jactare. *cum de indebito. ff. de probat.* Citat idem auctor pro se præter decem celebres authores, Glos.

Glossam ad l. *Vtrum v. consumpsisse ff. de hered. petit.* Ast ego puto id solum locum posse habere in foro externo, in quo similis teneretur probare se non esse inde ditiores: quo ad forum enim internum, putarem meliorem esse conditionem ipsius possidentis: quod & sustinent alii novem à P. Scilder *ibid.* contra se citati. Imò prædictum non teneri ad ullam restitutionem, licet certò sit factus ditior, sustinet Molina absolute, & probabiliter Diana *p. 3. tract. 5. resol. 41.* quorum ratio est, quia illud plus non est fructus rei, sed industriæ vendentis illam justo alio pretio majori: fructus autem industriæ ad possessorem bonæ fidei, & non ad rei dominum spectat. Sic etiam sentit Burghaber *centur. 1. casu 87.* citans insuper Less. Reb. & Lugo. Ad legem verò allatæ autoritatem respondet Molina, id esse speciale in distinctione hæreditatis seu juris universalis, ut pretium succedat loco rei; secus autem dicit rem se habere in particularibus contractibus. Addo ipsam P. Scilder *loc. cit. num. 77.* moderare suam sententiam, dicendo. *Excipe, nisi possessor post acquisitionem rei aliena liberalius vixerit, sive consumendo rem alienam, sive pecunias ex illius distractione constatas: presumitur enim hoc non fuisse facturum, nisi rem alienam possedisset, cum ordinariè intuitu lautioris fortunæ homines lautius vivere soleant.*

24. An autem prædictus vendens totum pretium rei restituere debeat ei, cui eam vendidit; controvertitur. Affirmativè respondent Bonac. Turrianus, Malder. & alii apud Dian. *p. 1. tract. 8. resol. 68.* quia, inquiunt, qui

vitrum v. g. vendit pro gemma, aut permutat falsum aurum pro vero, tenetur in conscientia dissolvere contractum, & alterum reddere indemnem: ergò pari ratione, si vendat rem alienam, putans esse suam, debet contractum dissolvere dum nescit eam esse alienam. Ita probabiliter illi, & Franc. B. Spei *num. 89.* Non minùs tamen probabiliter oppositum tueretur Navar. Lopez, Pitigian. Angelus, Sylvest. & alii apud Dianam *ibidem.* Probatur, quia in dicto casu nec tenetur vendens ratione rei acceptæ, cum illam apud se non habeat, nec ratione injustæ acceptionis, ut patet. Dicere autem, quod pretium succedat nomine rei, non est universaliter verum, sed solum in iudiciis universalibus, cujusmodi sunt hæreditas, dos, &c. Dicendum est igitur, inquit Diana, talè venditorem tantum teneri in foro conscientie suo emptori cedere actionem de evictione, quam ipse habebat adversus eum, à quo bonâ fide dictam rem emerat: nec est hic paritas cum eo, qui dedit falsum aurum pro vero; quia hic dedit rem intrinsecè vitiosam, non item ille. Jam conformiter ad dicta *resol. 1.*

25. Dico tertiò, qui furi aliquid bonâ fide vendidit & postea cognoscit, pecunias in pretium acceptas, esse furto ablatas, quarum & dominum nescit, tenetur eas vero domino restituere; æquè enim pecunia, ac aliæ res, ad priorem dominum spectant ubicumque repetitæ fuerint. Ita Sanchez post Navarra: atque hoc omnes dicere debent qui *resol. 1.* nobiscum locuti sunt; saltè si dictæ pecuniæ

R r non

non sint cum aliis pecuniis prædicti venditoris permixtæ: quod addo, quia aliàs puro contrarium esse verius cum eodem Navarra. Sanchez, Sayro & Vasquez, quos in hoc sequitur Diana p. 3. *trakt. 5. resol. 40.* Ratio est, quia cum juxtà *l. f. alieni nummi ff. de solut.ione*, fiat vendens dictarum pecuniarum dominus per dictam mixtionem, ut docent Gabriel, Sylvest. Medin. & alii apud Sanchez in *Decal. lib. 2. cap. 23. num. 34.* non tenetur ratione rei acceptæ, utpotè qui rem alienam non habet; nec ex ea factus est ditior: neque etiam ratione acceptionis injustæ, cum supponatur bonâ fide accepisse ac inter suas pecunias bonâ fide reposuisse: ergo ex nullo cap. obligatur.

26. Dico quartò, qui rem furtivam emit malâ fide, tenetur rem vero domino restituere, nec potest eam comperto domino tradere suo venditori, ut ejus pretium recipiat. Constat à fortiori ex *resol. 1.* atque hanc, præter Autores ibi citatos, tenent Rebelius, Bannes, Vasquez, Reginald. & alii apud Dianam p. 2. *trakt. 3. resol. 4.* quibus tamen adhuc se opponit Toleust. 5. *cap. 17. num. 13.* & alii apud Burghaber *Centur. 3. casu 14.* quos nec ipse damnat. Volunt igitur illi, absolutè esse licitum tali ementi, rem furtivam restituere venditori & cum eo contractum rescindere: quod probabile esse etiam asserunt Gabriel, Angelus, Sylvest. Paludan. D. Antoninus, Malderus, & Diana *loc. cit.* Ratio est, quia emptor malæ fidei id faciendo non constituit rem loco pejori quàm erat ante, potèstque plus consulere

sibi quàm alteri: quia tamen suprà ostendimus similem cooperari injustæ alterius retentioni, & eum constituere rem in pejori statu quàm defacto tunc est, adeòque & rei dominum in hoc esse rationabiliter invitum (quod magis locum habet in emptore malæ fidei, cum hic injuriam fecerit domino, rem taliter emendo) nostram sententiam omninò tenendam existimo. Nec refert dicere, per hoc rem alienam non constitui in pejori statu quàm fuerit ante, quia nec id fieret etiam si illam rem in proprium usum verteret, supposito quòd furi eam etiam fuisset consumpturus, nec tamen hoc ideo cuiquam est licitum: deinde usurpare rem domino rationabiliter invito, semper furtum esse, docet D. Thom. *quæst. 66. art. 3.* dicens simpliciter, ad rationem furti pertinere, usurpare alienum; ubi & cum docere, rem prædictam debere domino, & non posse furi restitui, clarè patet ex sequentibus verbis, sic enim ait: *Id quod rei aliena detentor habet ultra id quod suum est, debet illi subtrahi, & dari ei, cui deest secundum formam justitiæ commutativæ: cum ergo domino suum desit & nihil furi illi, non huic restitui debet.* Ubi nota, hæc verba D. Thomæ æquè confirmare resolutionem primam quàm hanc, cum ea nullo modo restringat. Nec dici potest, D. Thomam id solum velle, nisi rescindatur contractus; quia de licentia rescindendi contractum nihil tangit, imò ipsa ejus verba potiùs contrarium supponunt, prout bene notavit Sylvius. Quare dum Diana dicit, posse Confessarium consulere, ut Petrus rem fur-



furtivam malâ fide emptam, ad recuperandum pretium sine ullo scrupulo furi & non vero domino restituat, ut

summum potest esse probabile sistendo in autoritate præcimatorum Authorum.

## DVBIVM SEXTVM.

### *De restitutione pro re furtiva consumpta.*

27. **D**ico primò, res furtiva injustè consumpta restitui debet juxta damnum, quod patitur dominus ex ejus consumptione: v. g. qui furatus est modium tritici tempore furti valentem tribus, nec interea plus valentem, tenetur ad tria, modò inde nullum aliud damnum sit passus ipse dominus: quia ut sic, restituitur ad perfectam æqualitatem. Si verò pretium rei tempore injustæ retentionis fuerit auctum & postea iterum imminutum, tunc, si dominus rei eam venditurus erat tempore pretii adaucti, tenetur fur hoc ei restituere, quia quoad hoc totum pretium, alter est injustè damnificatus: si tamen dominus eam erat reservaturus usque ad tempus, quo iterum minoris valet, sufficiet hoc pretium minus ei restituere, juxta Bonacinam, qui docet idem dicendum esse in casu, quo dominus rem suam erat consumpturus ante ad auctionem pretii: quia tunc fur, vel alijs possessor iniquus, reddit dominum indemnem restituendo ad æqualitatem damni, quod passus est. Verùm hanc sententiam reprobatur Navarrus cap. 27. num. 26. volens, furem teneri ad restitutionem pretii summi,

quo valuit res tempore injustæ possessionis; quia, inquit, dum res illa valebat pretio summo, debebat domino restitui, sed ab hac obligatione fur nunquam fuit liberatus per remissionem, donationem, vel solutionem; ergò semper manet ad hoc obligatus. Attamen, quanvis hæc Navarri sententia sit satis rationabilis, puto sententiam Bonacinae esse in praxi satis tutam, cum per illam nullum domino rei damnum creetur: imò eam esse sententiam communem asserit P. Urbanus tract. 3. tit. 8. fol. 583. ubi & respondet ad rationem Navarri dicens. *Quamvis totum pretii incrementum tempore summi pretii fuerit domini, eique reddendum ex justitia pro tunc, hoc tamen tempore, quo incrementum perit, & perinde periisset apud dominum, fur jam liberatus est obligatione restituendi talis incrementi; quia eo ipso, quòd sic periit, nullum restat caput, ex quo restitui debeat.* Ita ille: qui etiam verius putat, si incertum sit an dominus rem suam venditurus erat in statu pretii summi, adhuc non teneri furem ad restitutionem integri pretii summi, quia illa incertitudo minuit æstimationem illati damni: sicut cum alienæ segetes devastantur, de

Rr 2 qui-



quibus non erat certum, quòd ad maturitatem pervenirent, minùs pro iis restituendum est, quàm si id certum fuisset: quare Dian. p. 2. *tract. 3. resol. 52.* vult in hoc casu restitui onem faciendam esse juxta pretium medium. Vide Franc. B. Spei *de Iure & Iust. disp. 17. num. 64. & seq.*

28. Dico secundò, qui rem alterius furto abstulit, vel eam malâ fide à fure emit, tenetur ad restitutionem fructuum ex ea perceptorum tempore iniquæ detentionis; vel etiam ex sua negligentia aut aliundè non perceptorum, qui tamen à domino percepti fuissent, si apud eum res permanisset. Ita omnes communiter. Ratio est, quia in his omnibus injustè dominus damnificatur: atque hoc plures volunt esse verum, sive prædicti fructus à jure percepti, sint naturales sive industriales, sive mixti, deductis tamen expensis ac labore. Verùm merè industriales non esse rei domino restituendos, nisi eadem industriâ ipse dominus circa prædictam rem esset tantumdem lucraturus, probabilius puto cum Franc. B. Spei: quia hi fructus non sunt rei, sed industriæ alterius, nec quoad hos dominus ullum patitur detrimentum: cum tamen semper patiatur detrimentum quoad fructus naturales & mixtos, hi semper restituendi sunt, quamvis res etiam fortuitò apud furem interierit. Quòd si verò eadem res apud dominum similiter certò peritura erat, plu-

res satis probabiliter docent, furem esse liberum à restitutione, non solum fructuum, sed etiam rei, quia tunc in nullo dominus passus est detrimentum. Limita tamen hoc cum P. Urbano, nisi res apud dominum fuisset peritura injustè à alterius actione; quia sic ut hic injustè damnum inferens teneretur ad restitutionem, ita & tu cum intuleris, obligaberis: quòd enim ipsum prævenias, facit, ut tu subeas obligationem, quàm ipse subire debuisset. Ita etiam docet Franc. B. Spei *disp. 17. num. 72. & seq.*

29. Ceterùm is, ad quem res alterius devenit bonâ fide, tenetur quidem fructus ejus naturales exstantes restituere domino si non sint præscripti; quia res domino fructificat: non verò bonâ fide consumptos, nisi quantum inde est factus ditior; quæ deduci possunt ex antedictis. Solum

30. Adverte, eos fructus naturales esse, qui proveniunt à re independentè ab industria hominum, ut fructus arboris: industriales, qui proveniunt à sola industria, ut fructus negotiationis cum pecunia: mixtos denique, qui partim à re, partim ab industria proveniunt, ut fegetes agri.

DVBIVM SEPTIMVM.

*De debitore moroso: Et acceptis ob turpem causam.*

31. **D**ico primò, debitor inculpabiliter morosus solam rem ab initio debitam restituere tenetur, idque dum finè gravi suo detrimento præstare potuerit : quia non est ex quo titulo ad aliud obligetur. Limita, nisi pacto vel contractu expresso liberè se ad aliud obligaverit. Si vero quis fuerit culpabiliter in mora solvendi, obligatur ad compensationem totius lucri cessantis & damni emergentis ipsius creditoris; quia utriusque est injusta causa. Ita DD. communiter. Unde si creditor ex injusta dilatione solutionis cogatur pecunias, vel aliud quodcumque petere ad interesse, tenetur debitor ad totum interesse: similiter obligatur supplere quod alter accepisset ex reditu, si statuto tempore solutionem obtinuisset. Casu tamen quo debitor ignoraret penuriam aut necessitatem sui creditoris, deberet eam creditor ipsi indicare & monere, dicendo se cogi simile damnum pati, si statim non solvat.

32. Dico secundò, accepta ob turpem causam nulli sunt restituenda. Ita communiter DD. apud Dian. p. 2. tract. 2. resol. 38. contra Durandum, Medicinam & paucos alios. Prob. quia non est cui v. g. meretrix obligetur restituere pretium usus sui corporis, cum ipse abutens omnino liberè illud solverit. Nec refert dicere, opus meretricis, utpote malum, non esse licitè

vendibile: quia aliunde adhuc est sufficienter pretio æstimabile, in quantum est delectabile, idque ut plures volunt, juxta exercentis arbitrium: unde secundum hos auctores, si petenti centum florenos centum dantur, licite retinentur; nam res ad sustentandam vitam minimè necessaria, sed quæ sita ob nudam voluptatem justè æstimantur ad arbitrium venditoris; quod & nos ut probabile admittimus infra *diff. 9. num. 59.* Hinc à prædictis Authoribus non admittitur discrimen, quod Lessius & Urbanus ponunt inter meretricem & honestam, quòd scilicet illa non possit justè accipere ultra pretium ordinarium. Sed quid si meretrix acceperit aliquid à filiofamilias, qual alienare non potest? Illud semper restituendum esse respondit Trullench. in *Bulla Cruciatæ lib. 3. cap. 37. num. 9.* quod tamen temperat Mendo in *Bull. diff. 54. cap. 19. num. 204.* ubi ait: *Censio igitur tunc eam non teneri ad restitutionem, cum modici sumptus sunt à filiofamilias: etenim licet parentes (idem dico de curatoribus respectu minorum) sint inviti circa filiorum culpas, & laesivendi licentiam; attamen si semel peccent, judicantur spontanei circa eos moderatos sumptus cum faminis, & sciunt hoc ipso, quòd cum eis turpiter agatur, aliquid fore infundendum circa quod absolute non sunt inviti.* Ita ille.

33. Adde Molinam, Reginaldum,  
Rr 3 &

& alios apud Dian. p. 2. tract. 3. resol. 7. docere, mulierem conjugatam non posse sibi retinere pretium adulterii, sed debere illud marito tradere, ac si id aliter laborando acquisivisset: quia maritus est dominus corporis uxoris suæ quoad actus conjugales, unde per dictum illius usum peccavit uxor contra iustitiam marito debitam. Ita illi, monentes ut dictum pretium marito occultè tradatur, ut propria servetur fama, & alia mala vitentur. Ast oppositam sententiam probabiliorē reputat Diana, cujus ratio est; quia licet uxor in eo actu peccet contra iustitiam, non tamen tenetur ad ullam restitutionem pecuniariam; nec enim pro omni injuria debetur hæc restitutio, sed tantum pro injuria, quæ sit cum damno pecuniæ æstimabili: atque in hoc cum Diana sentiunt Megala, Bonacina, & alii; est quæ satis conforme doctrinæ à nobis traditæ suprà *disp.* 5. num. 20. ubi docuimus pro occasione aut mutilatione nullam restitutionem pecuniariam esse faciendam.

Petes, an fornicator in conscientia teneatur meretrici solvere mercedem solitam, si eam non promiserit?

34. Resp. affirmativè, quia semper censetur promittere implicite & convenire cum meretrice de pretio ordinario: cum igitur licitum sit pro tali actu pretium solvere, non est unde à tali obligatione excusetur: attamen quia sententia Durandi, Medinæ & aliorum docentium esse illicitum tale pretium dare, non est improbabilis, & quia Franc. B. Spei *disp.* 17. num. 93. generaliter docet, accepta vi contractus de re turpi v.g. fornicatione, homici-

dio, falsâ sententiâ, &c. vel quocumque alio peccato perpetrando, tam post, quam ante patratum peccatum, omnino esse restituenda, eò quòd tales contractus sint omnino nulli; non erit neganda absolutio ei, qui similem mercedem non vult solvere, etiam quamvis eam dare promississet. Adde ex P. Urbano, accipere mercedem pro turpi causa adhuc committenda, à mortali culpa excusari non posse; eò quòd talis datio & acceptio in actum turpem referantur tamquam in finem, quod semper est malum. Unde si alteruter à simili contractu resiliat, velit quæ sibi pretium reddi ante exercitium actus, reddendum est ex iustitia; quia dans dictum pretium, semper apponit conditionem de complendo actu; quâ conditione sublata tollitur totum jus alterius. Atque hinc Lopez docet, fœminas & puellas accipientes munera à suis amatoribus, ipse ab ipsis consequendi quod pravè concupiscunt, si non consentiant, esse obnoxias restitutioni. Verum puro probabilius has non teneri ad restitutionem similium donorum; tum quia verè & absolute ea donantur licet ob finem malum; nullus enim est amator, qui non erubesceret, si dicta munera ei redderentur: tum etiam quia filix ea non recipiunt sub aliquo pacto, sive tamquam pretium suæ pudicitix, sed tamquam incitamentum dumtaxat. Ita Valerus & Rebell.

Ex his  
35. Colliges eum, qui alterum occidit aut mutilavit in iusto pacto de recipiendo pretio ab aliquo tertio, licitè retinere & accipere simile pretium partim

partim pro ipso actu, qui erat in ipsius dominio tamquam res pretio aestimabilis, ratione delectabilis vel utilis, quod adfert dicto tertio; partim etiam ratione periculi, cui occidens, &c. se subiecit. Nec peccato jam perpetrato donatio & acceptatio habent rationem inductionis ad peccatum, nec in malum finem tendunt: quare is qui sic homicidium curavit fieri, tenetur ex iustitia solvere pretium de quo est conventum, cum id solvere possit absque peccato. Ita Urbanus. Non desinam tamen hic ad longum ponere, quæ habet P. Franciscus de iure & iust. disp. 6. num. 16. ubi ait: Ego, salvo meliori iudicio, pro promissione illam etiam post peccatum patratum, non obligare. Primo, quia ante non obligabat, nec post peccatum renovatur. Secundo, quia si traditio pretii laboris, periculi, &c. juxta promissionem factam, ante patratum peccatum, sit peccati approbatio, ita & post; nam idem est labor, periculum, &c. post quod fuit ante peccatum. Tertio, quia sententia illa, videtur

Reip. perniciofa; nam multas personas ad peccandum trahit. Quarto, quia sequentes leges l. plagii ff. de verb. obligat. Si plagii faciendi, vel facti causâ, cõcepta sit stipulatio, ab initio non valet. Et l. generaliter ff. eodem, quæ sic habet: generaliter novimus turpes stipulationes esse nullius momenti (quas adversarii sic interpretantur, quasi solum negent dandam actionem in foro externo pro stipulationibus) quæ sunt in favorem Reip. sunt in ejus favorem interpretanda; allata autem ab adversariis interpretatio est in ejus odium; in favorem verò si, ut sonant, nobiscum accipiantur; quæ autem sunt jure positivo illicita, consequenter jure natura per illud declarato & determinato, sunt illicita, ut supra de pupillorum contractibus & testamentis, debita solemnitate carentibus, dictum est. Hæc Franciscus, etiam valde probabiliter. Insuper manet, semper esse peccatum, dictum pretium solvere, vel acceptare ante peccatum commissum, prout ante diximus.

## DUBIUM OCTAVUM.

*Vbi, quando, & quo ordine restitutio fieri debeat.*

36. Dico primò, quod debetur alteri ex solare accepta, & non ex injusta acceptione, restitui debet ubi & quando deprehenditur esse alienum: & si dominus id velit sibi alibi restitui, debet fieri ipsius expensis, quia cum debitor nullam commiserit culpam, non tenetur ad tantum damnum. Franc. B. Spec. de iure & iustitia disp. 19. num. 254.

37. Dico secundò, alteri debitum ex injusta acceptione, est restituendum expensis debitoris in loco, ubi dominus pro tunc erat rem debitam possessorus; quia qui alterum damnificat injustè, tenetur eundem inde in rem redere. Idem P. Franc. ibid. Quod si tamen in hoc valde magna expensæ faciendæ essent, posset restitutio differri,

ferri, modò adeesset spes illam alio loco & tempore sinè notabili creditoris detrimento commodius restituendi. V. g. fur, qui in Brabantia aliquid furatus est à Petro jam in Italia existente, non tenetur illud eidem suis expensis transmittere, si sciat eundem Petrum brevi iterum in Brabantiam venturum, nisi simul constet ipsum jam in Italia summopere indigere illare, vel pecuniis furto ablatiis: hoc enim casu, si aliàs Petrus suas pecunias jam erat in Italia posessurus, fur eas non mittens, vel per cambium non procurans, ut Petrus suas pecunias æquivalentes ibidem recipiat, cum possit, tenebitur ipsi postea in Brabantia existenti ultra pecunias furto ablatas compensare lucrum cessans vel damnum emergens, quod passus est eò quòd in Italia debuerit iis pecuniis carere; deductis tamen expensis, quas alter facere debuisset eas eò transportando. Quòd si verò dominus pecuniæ vel alterius rei furto ablata tam procul abesset, ut ei restitui non posset, quin plus expenderetur quàm ipsamet valeat, tunc ex præsumpta domini mente posset restitui pauperibus vel in causam piam, nisi speraretur dominum rediturum ad locum, ubi ipsi commodius poterit restitui.

38. Cæterùm omnis restitutio, tam quæ debetur ratione rei alienæ, quàm ratione injustæ acceptionis, semper facienda est statim quantum commodè fieri potest. Adde ex Francisco N. debita occulta occultè restituenda esse; publica verò publicè, v. g. usurarum, ut scan-

dalum vel offensio publica tollatur.

39. Dico tertio, qui est sufficiens solvere omnia sua debita, nullum ordinem ex iustitia debet servare prout per se patet: qui vero non est solvendo omnia, debet debita certa præponere incertis, tam quoad rem, quàm quoad personam.

40. Dico quarto, inter debita certa, quæ omnia simul solvi nequeunt, ante omnia restitui debet res alterius in specie adhuc existans, sive ex deposito, sive ex furto, sive alio quocumque titulo habeatur; quia adhuc dominium est penes ipsum. Deinde solvenda sunt quæ debentur pro funere & exequiis. Tertio quæ debentur inventario domus & custodia suppellectilis. Quarto debet satisfieri creditoribus hypothecariis, atque ex his prius ei, qui prior est sortitus hypothecam in bonis debitoris. Est autem hypotheca res immobilis, quæ à debitore creditori obligatur in allaccurationem debiti: quæ res si fuerit mobilis, erit pignus. Plures volunt generaliter creditoribus senioribus, etiam non hypothecariis) prius solvi oportere; aliis tamen negantibus. Quinto præferri potest creditor pauper creditori diviti, cum proportionem tamen; ita nimirum, ut in debito æquali, non totum solvatur pauperi, & nihil diviti; sed pauperi parum plus quàm diviti secundum paupertatem & divitias amborum, ac juxta magnitudinem summæ utriusque debita: imò multi absolute volunt (& nominatim N. Franciscus) pauperem creditorem non esse præferendum diviti, nisi dum est in extrema,

trema, vel gravi necessitate. Sextò etiam varii volunt, contra eundem Franciscum, probabilius prius solvi posse ei, qui prius petit solutionem; hoc enim dicunt mereri ejus diligentiam in petendo & exigendo solutionem: atque hinc aliqui addunt, debitorem posse amicum suum monere, ut prius solutionem petat, ac sic eidem primò solvere. Vide Dian. p. 11. tract. 3. ref. 12. & 13. ubi plures docent, quamvis debitor, impotens solvere omnia debita, &

solvens uni omnia sua cum detrimento ceterorum, peccare contra justitiam, non ita tamen peccare creditorem recipientem solutionem, cumque eam licet retinere posse. Septimò quæ debentur in titulo oneroso, prius solvi debent, quàm quæ gratuito; quia hoc modo debita involvunt conditionem, si aliud non obster. Hæc omnia in praxi rita sunt: si tamen jus particulare aliqujus loci aliter statuat quàm dictum sit, servandum erit.

## DUBIVM NONVM.

### De cooperantibus, in damnificatione injusta.

41. Cooperantes hoc metro continentur:

*Inssio, consilium, consensus, palpo, recursus:*

▪ *Participans, mutus, non obstant, non manifestans.*

Nomine jubentis intelligitur omnis explicitè vel implicitè mandans: dicitur autem mandans implicitè, qui subdito, aut famulo facto vel signo ostendit sibi gratum fore, hoc vel illud fieri; secus si solum gaudeat de damno jam illato; nisi fortè indimoveat subditos vel famulos ad adhuc plus damnificandum. De hoc ergo

42. Dicoprimum, omnis mandans, si causâ ejus mandati alteri grave damnum injustè accidit, peccat mortaliter, & tenetur ad restitutionem. Ita omnes. Ab hac tamen obligatione excusabitur; primò, si constet ejus imperio alium non fuisse motum ad

dictum damnum inferendum, vel si de eo rationabiliter dubitet: idem dic de consulente & omnibus aliis; quia in dubio melior est conditio possidentis, maxime in materia justitiæ. Ita plures apud Dianam *parr. 3. tract. 5. resolut. 84.* quamvis tamen omnes satis communiter doceant, præsumptionem stare contra mandantem aut consulentem si res jussu aut consulta fuerit secuta. Quare P. Scilder *tract. 4. numero 349.* dicit, talem consulentem (indubiè idem dicturus de mandante) teneri in defectum homicidæ ad refarciendum totum damnum illatum. Et noster Cornejo (quem Diana doctum Magistrum intitulat, & pro se citat *parr. 11. tract. 6. resolut. 42.*) cum communi docet, in tali dubio mandantem aut consulentem homicidium esse irregularem, quidquid contrarium doceat Gibalinus. Quòd si mandans aut consu-

S f lens

lens solùm sit causa accelerationis homicidii ad paucas horas, quia nimirum certò postea accideret equidem à mandatario, tunc nec irregularitatem, nec obligationem restitutionis incurri, nisi quoad damna secuta ex tali acceleratione, docent plures apud Dianam *ibidem resol.* 49. Vide circa hæc Franciscum B. Spei *de iure & iust. disp.* 18. num. 10. & 24. qui in his ultimis punctis nobiscum sentit.

43. Secundò excusatur, si alter ab initio noluerit mandatum acceptare quod postea complet, nisi mandatum adhuc formaliter vel virtualiter perseveret. Tertiò si ante eventum, mandatum suum revocet apud omnes mandatarios; aliàs luet sive culpabiliter sive inculpabiliter serò venerit: ac si sciat revocationem suam ab aliis non curari, tenetur eos seriò per se, vel per alios monere, ac precibus vel aliter eos movere, ut abstineant à damno inferendo. Ita DD. communiter. Ratio est, quòd in primo mandans sit causa efficax damni alterius; minimè verò in aliis, ut consideranti constabit: atque ob eandem rationem etiam in primo casu tenetur solùm ad quantitatem damni, quod iussit inferri, non verò ad illud, in quo alter excessit: quia quoad excessum non est ipse causa efficax. Quid si quis juberet occidi Petrum & occideretur Paulus quia putatur esse Petrus? Eum ad restitutionem teneri docet cum pluribus Diana *part. 11. tractus. 6. resolutione* 19. quidquid ipso teste contra-

rium videatur docere Serra; & Rebellius dicat, in tali casu homicidam ad minorem restitutionem in foro conscientie obligandum esse.

44. Nomine consulentis, præter dantem consilium, intellige etiam adhibentem preces, exprobrationes, dantem munera, &c. ut damnum fiat. De quibus

45. Dico secundò, cujus consilio constat damnum esse illatum, tenetur ad ejusdem damni compensationem; secus si satis tempestivè suum consilium revocarit: quidquid in hoc rectè aliqui cum hac distinctione philosophentur, dicentes. Si prædictus solùm verbis simplicibus consuluerit, cum esse liberum post revocationem, quia consilium tunc ultra non operatur: si verò detexerit vias, artes, & motiva nocendi, non volunt ipsum per suam revocationem esse liberum; quia tale consilium tunc adhuc operatur & movet: idque debuit consulens antea prævidere; atque in hoc taliter consulens differt à mandante. Ita P. Urban. *tract. 3. tit. 5. c. 4. fol.* 531. Quod ulterius probat à simili; quia adhuc teneretur ad compensationem damni, qui emissâ sagittâ vellet eam revocare, si posset, antequam feriret: hæc enim voluntate non obstante, adhuc est causa damni per injusitiam. Ita etiam alii plures citati à Diana *resol.* 83. *suprà*. Verùm quamvis hæc rationaliter sint dicta, adhuc aliqui generaliter docent, consulentem excusari, si consilium suum seriò revocaverit. Ita expressè docet Navarra *de restit. lib. 3. cap. 1.* cujus sententiam probabilem



vocant Lessius, Sa & Layman • cum quo ultimo concludit Diana, ad tollendos omnes scrupulos; eum, quia alteri propositis rationibus homicidium persuasit, si eas postea quantum potuit retractavit, secuto nihilominus homicidio, nec excommunicacionem, nec irregularitatem, pro solo consulente latam, nec etiam probabiliter obligationem restituendi incurere: quod ipsum docet Busenbaum, maxime si etiam moneatur, cui damnum paratur, ut caveat. Ad similitudinem autem P. Urbani respondent, esse disparitatem, quod post revocationem consilii cuiuscumque, censetur injustum damnum sequi ex sola damnificantis malitia, minime vero efficaciter ex consilio, quantum fieri potest, revocato. Vide Franciscum B. Spei de iur. & iust. disp. 18. num. 34. ubi hanc responsionem refutat, & Urbani sententiam firmat. An, & quando licitum sit, parato majus malum inferre, consulere, ut minus inferat? Resolvimus alibi: de eo poteris videre eundem Franciscum B. Spei hic numer. 35. & seq.

46. Dico tertio, quoad consentientem, solus ille tenetur ad restitutionem, cujus consensus est vera causa damni, sive à cujus consensu pendet, ut damnum fiat vel non fiat: quare qui fert suffragium ad injustum damnum inferendum, quod scit certo inferendum per prævia suffragia aliorum, quibus efficaciter damnum procreatur, non tenetur ad restitutionem: secus si adhuc suum suffragium videat esse necessarium, ut damnum inferatur. Imo si suffragia dentur secreto,

quilibet semper sub onere restitutionis tenetur justum dare suffragium; quia tunc omnes ferentes injustum suffragium simul sunt causa totalis damni, ac singuli in individuo cooperantur ad totum damnum, adeoque obligantur singuli integrum damnum restituere. Ita P. Franciscus num. 42. & omnes communiter apud Dianam part. 4. tract. 4. resol. 79. uno excepto Stroverdorf, qui contrarium putat probabile, dicens, eos omnes non obligari, nisi pro parte sua tantum; quod & docet etiam de pluribus fuadentibus simul idem damnum, si consilium singulorum sine aliorum consilio non fuisset efficax; subditque hanc sententiam publice in Academia Lovanensi docuisse Alardum Wiclium. Neque de hac sententia ullum fert iudicium Diana, nisi quod moneat sententiam communem ei opponi.

47. Dico quarto, palpo, id est, qui adulatione & blanditiis alium inducit, etiam ad restitutionem obligatur, quando ejus adulatio est vera causa damni. Vide dicta de consulente..

48. Dico quinto, is, qui dat furi securitatem in sua domo (qui venit nomine recursus) tenetur ad restitutionem; primo, si ante completam injuriam offerat domum suam ad alterum protegendum, vel si eam completam illum ut furem recipiat: quia sicut in primo est causa injustæ acceptionis rei alienæ, ita in secundo est causa injustæ retentionis. Secundo, si res furivas custodiat, easque postea furi tradat, dum potest eas domino restituere



finè suo magno incommodo. Tertiò ratione recursus etiam ad restitutionem tenetur advocatus aut procurator, qui scienter alterum defendit, ne cogatur ad justam restitutionem. Ita DD. communiter.

49. Participantis nomine intelligitur, tam qui participat de re accepta, quàm qui de injusta acceptione : de quibus tamen variè est loquendum. Quare

50. Dico sextò, qui solùm de re accepta participat, solùm tenetur ad restitutionem partis, quam acquisivit : qui verò participat in injusta acceptione, obligatur in solidum, quia hic est vera causa totius damni secuti ex injusta acceptione, cui est cooperatus. Ita etiam omnes communiter. Unde qui agit excubias, qui applicat scalas, parat instrumenta, conficit falsas litteras, &c. tenentur ad totum damnum illatum : excusantur tamen qui similia non sponte, sed metu gravi coacti faciunt, si ipsorum actio non sit intrinsecè mala, id est, si possit licitè & illicitè fieri. Sic communiter excusantur rustici, qui spolia militum injusta coguntur avehere item & remiges Christiani apud Turcas contra Christianos pugnantes. Imò juxta Layman, qui sponte tenet scalas ascendente fure, non tenetur ad restitutionem, si hic adhuc equidem ascenderet, licèt nullus scalas teneret. Idem dic de eo, qui alterum juvat in aportando res furtivas, quas sinè ipsius adjutorio adhuc auferret ; quia eorum cooperatio est tantùm materialis in effectum formaliter non influens, cum sine ea idem numero damnum ab eodem damni-

cante eodem tempore illatum fuisset. Ita Layman in *Theol. moral. lib. 2. sect. 3. tract. 2. cap. 5. num. 5.* qui & alios plures prole citat. Verùm contrarium mihi videtur probabilius ; quia per hoc quòd iis non cooperantibus adhuc totum damnum sequeretur, non delinunt ipsi esse vera causa damni : causa enim non sumitur ab eo quòd sinè illa potuerit, vel non potuerit poni effectus ; sed vera causa est, quæ ponit actionem per se illativam talis effectus. prout patet in physicis, ubi, dum duæ causæ totales idem produciunt, utraque dicitur vera causa, quamvis una absente poneretur effectus, ut bene observavit noster Franciscus Bona Spei de *iure & iustitia disputat. 18. numero 6.*

51. Prædicti sex cooperantes cooperantur positivè in illatione damni, tres verò sequentes, scil. mutus, non obstant, non manifestans, solùm negativè.

Dico septimò, ut mutus, non obstant, & non manifestans teneantur ad restitutionem, requiritur ut sint obligati ex iustitia resistere, & ut resistendo damnum impedire potuerint : unde ratione horum nullus obligatur compensare damnum alteri illatum, nisi ex officio, pacto, vel stipendio illud avertere debuerit ; quia alii ex sola charitate tenentur damnum proximi impedire. Quare licèt aliquis possit suo clamore furem impedire à furto & non faciat, non tenetur ad restitutionem rei, quàm alter surripit, etiam si à fure reciperet pretium sui silentii, eò quod ad clamandum non teneatur ex iustitia : si tamen dictum pretium esse pars

pars rei furtivæ, tenebitur illud restituere. Hinc colligunt Layman, & Lessius cum aliis, si duo sint ejusdem familiae famuli, quorum uni cura penus custodiendæ demandata est, & non alteri, primum solum teneri ad restitutionem, si furta non impediatur; quia hic solus obligatur ad id ex iustitia, alter verò non nisi ex charitate, graviter tamen obligante, dum id sine gravi suo incommodo præstare potest. Ita generaliter illi: quod tamen melius videtur limitare Navarra, nisi fures extranei domum ingrediantur ad furandum: puto enim tunc quemlibet famulum obligari ex iustitia ad id revelandum, clamandum, vel aliter obstandum.

52. Colligit insuper P. Franciscus num. 47. custodes viarum, sylvarum, vectigalium, &c. si non obstitent, aut delinquentes non manifestent, teneri ad restitutionem, non solum illatorum damnorum, sed & multæ pecuniariæ deprehensis impositæ; quia non solum ad hoc constituti videntur, ut Domini ab illis indemnes serventur, sed etiam, ut periculum vitetur damnorum similium, communiter alioqui inferendorum, quod fit per multam pecuniariam; unde meritò hujus non solutio reputatur damnum emergens. Ita ille. Vide etiam Dian. p. 11. tract. 6. resol. 6. & resol. 18. ubi inquit, an qui ex officio tenentur obstarè, ad id teneantur cum periculo vitæ? Respondens cum Soto, pensandum esse damnum, & cum periculo conferendum.

Petes, quo ordine prædicti cooperantes teneantur ad restitutionem?

53. Resp. primoloco semper obli-

gari eum, apud quem res aliena in specie exstat, vel qui eam mala fide consumpsit, aut ex consumptione bonæ fidei factus est ditor: quia hi possident alienum in se, vel in pretio; alienum autem est semper domino restituendum. Secundo loco tenetur executor operis damnificativi; quia hic est præcipuus injuriæ author, nisi fortè damnum intulerit ex mandato Regis, Principis, aut Superioris; hi enim tenentur ante executores, eò quòd horum mandata censeantur quasi coactiones, adeoque magis principaliter influant, quàm ipsi mandatarii: & moraliter loquendo, ipse mandans per personam sibi subditam operatur tanquam per instrumentum. Atque hæc clarè exprimi videntur, ff. de reg. juris, l. 37. ad l. Aquil. his verbis: *Is damnum dat, qui jubet dare, & actio competit contra eum, ex cujus jussu alter injuriam intulit, si habuit jus imperandi: quòd si non habuit, agendum contra eum, qui fecerit.*

54. Tercio loco, juxta aliquos, tenetur mandans non superior; quia & hic videtur adhuc aliquo modo alterum cogere ad malum: sed contrarium judico sustinendum cum N. Francisco; nisi minis, terroribus, vel pecunia executionem extorqueat: tunc enim ad mandantem superiorem reduci debet, & sicut hic ante alios ad restitutionem obligatur, cum agat ut causa fortior. Quarto loco multi ponunt consulentem: at veriùs cum aliis pnto, nullum ordinem esse ponendum inter ceteros positivè cooperantes, eò quòd inter hos nulla videatur esse subordinatio: tenentur tamen omnes hi ante cooperatorum negativè; quia hi solum non a-

vertunt damnum, quod illi verè inferunt. Quidquid adhuc Urbanus velit, nullum ordinem esse ponendum in causis positivis comparatis cum negativis; quia, inquit, causæ negativa non minùs infervit causæ exequenti damnum, quàm alia causæ positiva. Ita ille *tract. 3. tit. 5. c. 6. resol. 4. fol. 541*. Cæterum nullus poni debet ordo inter cooperantes negativè, nisi dum unus immediatius tenetur alterius damnum avertere, prout custos particularis substitutus universali primo loco tenetur damnum compensare, quod sua culpa permittit inferri. Ita DD. communiter. Circa hæc omnia

§5. Adverte, dum is, qui primo loco restituere tenetur, restituit, cæteros liberari ab omni onere restitutionis: si verò restituat, qui secundo loco obligabatur, is, qui ab initio primo loco tenebatur, debet isti in integrum satisfacere, cæteris manentibus liberis.

Similiter si ei, qui tenetur primo loco, onus restitutionis remittatur ab habente ad hoc potestatem, alii omnes à sua obligatione absolvuntur: si autem remittatur secundo, adhuc tenetur primus, simpliciter scil. loquendo; quia, quoties remittitur uni ex subordinatis, bene monet P. Franciscus, ad mentem remittentis attendi debere. E contra quando omnes æquè primò obligantur, uno solvente, tenentur cæteri huic refundere, ita ut si omnes refundere velint, debeat quisque suam partem illi dare juxta quantitatem damni alteri illati, & multitudinem cooperantium: si verò unus solus velit prædicto refundere, debebit ei solvere medietatem pretii soluti, & alii his duobus manebunt obligati: ac si duo vel tres proponant simul restituere, tenebitur quisque ad mediam vel tertiam partem. Ex his patet plurimum referre, an quis teneatur primo an secundo loco restituere.

## DVBIVM DECIMVM.

### *De iis, quæ excusant à facienda restitutione.*

16. **S**uppono cum P. Franc. B. Spei hic *disp. 19. num. 258*. vix ullum esse regnum, aut Dynastiam, ubi non sit, & observetur statutum aliquod, quod salaria, mercedes, honoraria; famulorum, procuratorum, opificum stipendia & operas, certis temporibus peti statuit, & post illud tempus, annum v. g. biennium, &c. nullas actiones admittit. Imò ferè toti Belgio

commune est sequens statutum: *A pendis censibus, redditibus, pensionibus perpetuis, ultra triennium cessare non licet; alioqui debitor solvendo pensiones trium annorum, à reliquis ipso jure liberatur, &c.* Atque hoc ne super dubiis solutionibus lites excitentur; ne tandem decursus in censibus fundum superent, & sic ex malitia creditoris, fundus insolubiliter ei plerumque obligetur;

tur; aut etiam, ne creditores in negligentia petendi debitum foveantur. Ita Franciscus, qui & num. 262. hanc ponit resolutionem: *Ius positivum annullans debita ex pacto nullo, aut prohibens vera debita post tempus determinatum peti, ab eorum solutione in conscientia excusat, licet debitor fateatur se debuisse, & non solvisse ante illud tempus.* Probationes & solutiones ibid. reperies. In quorum confirmationem possunt adjici verba edicti Caroli V. de 4 Octob. 1540. pro nostro Belgio: renovati 30 Junii, 1650. *Pro omnia salaria Advocatorum, Procuratorum, Secretariorum, Medicorum, Chirurgorum, Apothecariorum, Clericorum, Notariorum, mercedes famulorum, operariorum, pretia mercium ad consumptionem venditarum, intra biennium opera prestita, mercis protradite juridicè exigantur, nisi chirographum scriptum sit; ac tunc quidem contra principalem debitorem, alioquin post mortem intra biennium contra heredem, postquam mors creditori innotuerit: post lapsa hac tempora, omnia ea habeantur pro solutis, nec detur actio.* Hoc edictum habes apud Antonium Anselmo in Triboniano Belgico cap. 3. Insuper

17. Ab obligatione restitutionis excusare ea omnia, quæ efficiunt, ut creditor non possit rationabiliter esse invitatus, quamvis in se revera invitatus maneat, omnes DD. tradunt. Illa autem partim se tenent ex parte creditoris, partim ex parte debitoris. Quare

§8. Dico primò, ex parte creditoris excusat; primò, si hic cognoscatur per occultam compensationem sibi satisfecisse ad æqualitatem. Secundò excusat voluntaria creditoris remissio,

si habeat ad hoc sufficientem potestatem. Hinc, qui cum creditoribus minori summa composuit, modò hanc solvat, ad nihil ultrà tenetur, licet ad pinguiores fortunam postmodum pervenerit; quia compositio hæc est quædam libera remissio potentis donare, quæ (positis ad validam donationem necessariis) omnino valet. Imò rectè notat Sa, minorem partem creditorum reclamantium teneri stare conventioni majoris partis, nec plus illis solvendum, quàm pro rata solvatur majori parti. Caveant tamen debitores, ne fraude vel dolo ad Ecclesias, vel loca remota confugiant, ut iniquam compositionem obtineant. Hæc verbotenùs P. Franciscus num. 281. quæ proinde bene observa. Tertio excusat saltè à restitutione statim facienda notabile damnum corporale vel spirituale creditoris; ut si repetat rem sibi debitam ad fornicandum vel alium occidendum: hoc tamen non habet locum, dum ex negatione restitutionis timeretur malum majus, v.g. occisio sui ipsius ex ira, &c.

§9. Dico secundò, excusat à restitutione ex parte ipsius debitoris; primò extrema vel gravis necessitas, quamdiu durat. Vide dicta tract. 3. disp. 3. dub. 2. in fine. Sed quid si in eadem extrema necessitate sit creditor? Melior etiam tum est conditio debitoris possidentis id, quod tum commune esse debet, ut notat P. Franciscus.

60. Excusat secundò grave detrimentum debitoris, sive corporale sive spirituale: quare si quis hic & nunc

non

non possit restituere centum, nisi v. g. vendendo equum pro centum, qui valet ducentis, potest differre restitutionem; licet id in foro externo non admittatur, ne omnes passim se excusent. Similiter excusatur quis ob notabile detrimentum fumæ aut honoris: quod tamen ut plurimum caveri potest restituendo per tertium. Item ob damnum notabile debiti status. Quæ omnia docet D. Thomas, & post ipsum Valentia, Urbanus, & alij. Hæc tamen P. Urbanus limitat; nisi creditor æquale, vel ferè æquale damnum pateretur ex dilatione restitutionis; quia sicut nemo ex alieno potest justè desicere, ita nec potest ex alieno propriis incommodis cum damno creditoris occurrere. Ita ille *tract. 3. tit. 10. fol. 596.* cum communi; addens, si debitor inculpabilis ex restitutione statim facta, pateretur totalem sui status jacturam, non teneri eum statim restituere, quamvis creditor ex dilatione damnum notabile sit passurus, modò debitor sit paratus refarcire illud cum e-venerit; quia in hoc non videtur creditor posse esse rationabiliter invitus. Ita etiam Navar. Sylvest. & alij apud eundem Urbanum, qui id confirmat ex constitutionibus, quibus communiter datur facultas nobilibus, ut paulatim creditoribus satisfaciant, etiam omnia eorum bona obnoxia sint restitutioni; quod fieri nequit sine gravi saltem aliquorum creditorum damno. Imò prædicta etiam locum habere in debitore, qui injustè statum acquisivit, docet idem Urbanus post Gabrielem, Ledesma, & DD. citatos; limitans tamen semper, si debitor paratus sit damnum

creditori emergens compensare, ad quod probabiliter postea erit potens: hanc limitationem contra rationem addi, asserit Burghaber *centur. 1. casu 10.* pro se citans Navarr. Verùm in hoc P. Franciscus Urbano meritò contrariatur, & à fortiori Patri Burghaber; quia ille non ~~om~~ statum suum amittit, quàm alienum dimittat, & ad statum suum revertatur. His conformiter dic, si quis sua culpa in prædictas angustias sit prolapsus, ut v. g. ludo, gula, &c. teneri adhuc restituere; quia tum debet sibi ipsi impurare, quod sine jactura status restituere non valeat. Ita Lavman. Busenb. & Franc. *loc. cit. num. 267.* qui *num. 277.* prudenter addit, ea, quæ in debitorum favorem diximus, non debere ad illos extendi, qui sunt infimæ fortis, quæ ad meretricium valde accedit.

61. Tertiò ex parte debitoris etiam excusat ignorantia juris dubij aut facti: quam excusationem testatur P. Urbanus, esse ab omnibus receptam, ex eaque concludit cum Rodrigo. quamvis hæredi per unum testem, etiam omni exceptione majorem, constet aliquid esse legatum à testatore, nihilominus illum non teneri id alteri præstare, si sit res alicujus momenti; quia unus hominis testimonium non facit, ne res non sit dubia; in dubio autem melior est conditio possidentis. Sed quid, si certum sit de debito, incertum verò tam debitori, quàm creditori de solutione, de qua uterque dubitat? Aliqui ajunt, solutionem certam faciendam esse, alij negant quidquam restare solvendum: ubi ego cum prioribus sentio

sentio ob meliorem conditionem possidentis : quidquid non irrationabiliter Dian. *part. 11. tract. 5. resol. 27.* dicat, tunc videri conveniens, ut inter serem componant, & velit, sententiam docentem nihil deberi, esse probabilem.

62. Quartò à restitutione facienda pauperibus, dum v. g. dominus rei ignoratur, excusat, si quis rem restituendam sibiipsi verè indigenti det: quo casu eam postea, cum ad pinguiorem statum venerit, non tenetur dare alteri pauperi ; quia antea est factus ejus absolutus dominus.

63. Quintò excusat ingressus Religionis, ut post D. Thomam omnes communiter : tum quia ingrediens potest licitè cedere bonis (de quo statim) tum quia per professionem fit incapax ad solvendum : peccat tamen mortaliter, qui potens post paucum tempus suis creditoribus satisfacere, non vult ingressum suum aliquantulum differre. Imo juxta communem DD. si post ingressum adhuc possit satisfacere per laborem honestum, tenetur eum exercendo satisfacere habito Superioris consensu : quidquid tamen similem consensum, juxta quosdam satis probabiliter, Superior præstare non teneatur : & multò minùs tenetur Superior aut ipsum monasterium restituere pro tali Religioso, dum ipse per laborem proprium non potest satisfacere. Adverte interim Pium IV. ad evadendas occasiones litium & injuriarum, inhiuisse ingressum Religionis, & irritasse professionem ejus, qui est gravatus ære a-

lienò: cujus tamen ordinationem temperavit Clemens VIII. ita ut ejus professio sit quidem valida, minimè verò licita.

64. Sextò excusat satisfactio facta creditori sui creditoris ; licet hæc in foro externo non admittatur, nisi fiat de consensu creditoris immediati, vel via juris.

65. Denique, excusat cessio bonorum autoritate publica, ac jure civili introducta in favorem pauperum debitorum. Verùm hæc in conscientia non plùs excusat, quàm ipsa inopia sive impotentia : quamvis interim possint occultari bona necessaria ad tenuem & honestam sui status conservationem. Si tamen, postquam quis cessit bonis, redeat ad statum pinguiorem, tenetur præcedentia debita paulatim solvere, ut DD. communiter docent. Unde nullatenùs admitto, quod Danza & Novarius tradunt apud Dian. *part. 4. tract. 4. resol. 78.* nempe prædictum non teneri postea ad restitutionem, si passus sit ignorantiam & speciem infamiam: quia hæc infamia non infligitur loco solutionis, sed tanquam pœna ob manifestam vel præsumptam culpam debitoris. Ita, ut dixi, DD. communiter.

66. An verò modo dictò aliqua bona occultare possit debitor, qui ex delicto ad restitutionem obligatur? Negativè respondet P. Urbanus cum communi contra Navarr. idque, quia usus est in contrarium, qui delinquentem prorsus spoliatur in pœnam, ut ait. Attamen præter Navarrum oppositum

T t etiam



etiam sustinent Less. & Diana ubi supra: imò & horum sententiam videtur ipse Urbanus probabilem judicare, cum tantum dicat, suam fore tutiorem in conscientia: sed contra illam insurgit Franc. B. Spei *suprà num.* 280. dicens, similes potius pœna corporali, quàm tali beneficio esse dignos.

67. Diana *part. 11. tract. 6. resol.* 20. postquam attulisset duodecim causas à restitutione excusantes, inquit, an dum quis ex iusta causa ad tempus excusatur à restitutione, teneatur ad damnum emergens aut lucrum cessans creditori compensandum? Affirmativè respondent Molina & Layman; distinguit Dicastillius: ait Diana approbat negativam sententiam Castri Palai & Navarra; cujus ratio est, quia cum talis non sit in mora culpabili, non tenetur ratione injustæ acceptationis aut retentionis, nec ratione rei acceptæ, cum nihil ad eum perveniat ex iis, quæ creditor amittit. Ita ille

68. Petes hic fortè, quomodo Religiosus bona monasterii, contra voluntatem Superioris in usus illicitos

expensens, obligari possit ad restitutionem?

69. Resp. cum P. Francisco *num.* 287. Religiosum è quatuor Ordinibus ostiatim mendicantibus, teneri vel magis laborare, vel sibi ex concessis aliqua minus necessaria subtrahere, vel aliunde ab amicis procurare bona, ex quibus debitam faciat restitutionem: idque licet illa bona à Superiore aliàs legitimè concessa sint, quæ in usus illicitos consumpsit: quod idem Franciscus *num.* 289. contra P. Lugo & Pellizzarium efficaciter probat. Vide etiam N. Lezanam *tom.* 1. *qq. regul.* c. 6. *num.* 53. ubi religiosè & sapienter hanc materiam tractat.

70. Adde, Religiosum, cui cura temporalium incumbit, teneri ad restitutionem eorum, quæ ex ipsius culpa lata pereunt. Nota, restitutionem hic non accipi rigorosè, prout ex propriis fieri debet, sed pro compensatione ex procuratis.

\* \*  
\* \*

DISP. VIII.

# DISPUTATIO VIII.

## De contractu in genere.

### D V B I V M I.

#### Quid, & quod duplex contractus.

1. **D**ico primò, contractus communiter à DD. definitur *ultrò citroque obligatio*; non quòd sit obligatio formaliter, sed causaliter, sive ipsa causa obligationis. Unde juxta Franc. N. *est pactum hinc inde obligationem generans*. Hæc definitio sumpta in rigore, non videtur omnes omnino contractus comprehendere; nam promissio & donatio gratuita non nisi in altero contrahentium obligationem generant. Verùm dici posset, has non esse contractus propriè dictos, sed mera pacta: est autem pactum, *plurium in idem consensus*. P. Urbanus expressiùs contractum definit, ut sit duorum vel plurium consensus mutuus, signo externo expressus, & in se invicem directus, super re aliqua, pariens in utroque jus & obligationem vel civilem vel naturalem. Ita ipse tract. 3. tit. 11. cap. 1. fol. 601. ex qua definitione constat, quatuor necessariò requiri ad omnem contractum. Primum, ut fiat circa rem ab uno in alium transferibilem. Secundum, ut adsit causa efficiens, quæ est voluntas per suum consensum. Tertium ipsemet internus consensus. Quartum denique, ut dictus consensus per signum exter-

num manifestetur: quod signum potest esse quadruplex, sive quatuor modis, sive signis, contractus perficiuntur, ut alii loquuntur. Primò, re, qualiter perficiuntur, qui requirunt alicujus rei traditionem, ut censeantur essentialiter completi; quales sunt depositum, mutuum, &c. Secundò verbis, qui ex hominum beneplacito certam verborum formam requirunt; ut dum quis dicit: *Promitto*; alio respondente, *promitto*. Tertio contractus perficiuntur scripturâ, ut emphyteusis, &c. Quarto denique ipso consensu, qualiter perficiuntur omnes illi, ad quos sufficit solus contrahentium consensus qualitercumque expressus; modò tamen exprimatur per signa ex sensu communi significativa talis consensus. Obligatio autem definiri potest, *vinculum juris, quo homo, velis, nolis, ad aliquid astringitur*.

2. Dico secundò, contractus dividitur, primò, in formalem, in quo expressè obligatio contrahitur, & virtualem, in quo obligatio contrahitur implicite: sic dum quis acceptat officium, eo ipso se implicite obligat ad illud decenter obeundum. Secundò dividitur in nominatum, qui nomen



speciale habet à jure, ut locatio, venditio, &c. & innominatum, qui nulum nomen à jure sortitus est; hæcque quadruplex est, ut, *do, ut des, facio ut facias, do ut facias, & facio, ut des*. Insuper dividitur in contractum lucrativum, sive non reciprocum, in quo nihil recipitur, ut est promissio aut donatio liberalis; & onerosum, sive reciprocum, in quo redditur quid pro quo, ut fit in venditione, &c. Quartò iterum dividitur contractus in nudum, qui adhuc aliquid requirit, ut obliget; & vestitum, cui nihil deest, ut juxta jus civile robur habeat, quia videl. juxta juris exigentiam initus est coram notario & testibus, vel per scripturam. Ubi

3. Adverte, contractus nudos (& idem est de innominatis) patere strictam obligationem in foro conscientie,

nisi fortè in casibus particularibus à jure positivo sint irritati. Probatur, quia de jure naturæ tenetur quisque stare suis pactis, quæ voluntate liberè exteriori expressa iniit: & quidquid in foro externo nullam obligationem inducant ob legem *juris gentium*, 7. §. *de pactis*, ubi dicitur: *Nuda pactio obligationem non parit, sed exceptionem*: ob naturalem tamen obligationem adhuc habent dicti contractus alios effectus; primò enim impediunt soluti repetitionem. Secundò tribuunt jus compensandi in foro conscientie. Tertiò retineri potest pignus. Quartò efficaciter obligant, si accedat fidejussor; quæ omnia esse satis nota in jure, tradit Lessius lib. 2. cap. 17. dub. 4. Ceterùm contractus vestiti obligant in quolibet foro, si ex nullo capite irriti fuerint, ut certum est apud omnes.

## DVBIVM SECVNDVM.

### *De contractu inito ex errore, dolo, aut metu.*

4. Dico primò, error aut dolus circa substantiam rei, de qua initur contractus, irritat contractum; quia tunc verè deest consensus: contra tamen non irritat, si error aut dolus solù sit circa qualitatem, ut DD. communiter docent; quia tunc adhuc semper adest substantialis consensus, ex quo maximè est sumenda substantia contractus. Si verò hic error aut dolus esset causa contractus, ita ut illo absente contractus nullatenus iniretur, poterit contractus rescindi pro arbitrio decepti, quia passus est injuriam:

tenetur tamen illi stare deceptor, si alter velit; nam contractus est validus, ac ipse omnino liberè in eum consensit. Ita etiam DD. communiter: quidquid P. Urbanus non improbabiliter doceat, omnem contractum esse ipso jure probabiliter irritum, si error aut dolus contingat circa qualitates graviore, ac multum utilitatis adferentes ad effectum contractus ineundi; quia in contractibus, utpote ad utilitatem ac commoditatem institutis, consensus magis fertur in rei utilitatem, quàm in substantiam. Ita ille: hinc deduces, si quis

quis se pauperem fingendo accipiat eleemosynam, teneri cum ad restitutionem, eò quòd consensus dantis feratur in solam paupertatem, cujus defectus destruit consensum: fecit aut dicendum, si pauper existens se fingat Sanctum, quia in sanctitatem primario aut præcipuè non fertur intentio dantis eleemosynam. Vide Franc. B. Spei de iure & iustit. disp. 5. num. 13. & seq.

5. Deinde, si dolus aut error causeatur ab altero tertio non cooperante contrahente, tenetur stare contractui qui decipitur: quia alter habet jus sumendi fructum ex valido contractu, qualis est, ubi dolus aut error non est circa substantiam: ac absolute ea videretur debere esse mens contrahentium, ut velint stare tali contractui; quamvis oppositum non improbabili-ter doceant Lessius, Malderus, & Wiggers, ob regulam generalem, quâ dicitur, quòd non sequatur obligatio, dum subest aliquid, quod si ab initio paruisset, non fuisset initus contractus: ad quam tamen regulam responderi potest, eam solum posse intelligi de contractibus lucrativis donationis aut promissionis gratuitis, ubi alter nullam patitur injuriam, licet deceptus resciliat: aliàs enim si illa regula esset generalis, nullus ferè esset contractus inter homines certus & stabilis, ut notat N. Franc. loc. cit. & Sanchez lib. 4. in Decal. cap. 2. quamvis adhuc eam satis latè extendat P. Urban. dum dicit, si error aut dolus accidant circa qualitatem notabilem materiæ contractus per immutationem, quæ consequatur ipsum contractum jam

ratum, postea posse rescindi propter mutationem illam supervenientem, si prævisa non fuit: quia, inquit, talis est virtualis intentio contrahentis. Ita cum ipso docent plures. Atque id existimo debere habere locum in contractu sponsalicio, in quo requiritur libertas major ob amorem necessarium inter conjuges, quem dictus dolor, error, aut mutatio tolleret: quare si sponsus post inita sponsalia fiat aeger & incapax artificii exercendi, si sponsa amittat unum oculum &c. poterit alter rescilire. Verùm de hoc latius suo loco.

6. Dico secundò, metus incussus ab intrinseco sive à causis naturalibus, non irritat ullum contractum. Patet ex votis factis in periculo naufragii. Quoad metum verò incussum ab extrinseco, sive à causis liberis, non conveniunt DD. adferam tamen aliqua ex Diana, & aliis apud ipsum p. 3. rr. 5. res. 117. 118. & 119. quæ in praxi omnino tuta existimo. Igitur

7. Dico tertio, contractus onerosi, qui ex metu etiam gravi & extrinsece injustè incussi sunt, sunt validi jure naturæ, excepto saltem matrimonio. Ita pluribus citatis docet Pontius contra Rebellum, & alios. Probatur ex dictis ac ad. hunc. ubi docuimus, dictum metum non auferre libertatem. Imo & dictos contractus valere jure positivo, sustinet idem Pontius: sicque authores communiter sentire, asserit Franc. B. Spei disp. 5. cit. n. 17. qui non ponit distinctionem inter contractus onerosos & lucrativos: quamvis cum omnibus fateatur, dari actionem metus causâ, & hanc suam sententiam

limitet Pontius in contractu ludi, & alienatione rerum ecclesiasticarum, qui contractus metu facti, jure positivi irritantur. Itaque ante Judicis sententiam nulla adest obligatio restituendi in eo, qui taliter contrahendo metum intulit; quia adhuc contractus sunt validi in utroque foro donec alter exigat rescissionem.

8. Validos quoque esse jure naturæ contractus lucrativos ex simili metu initos, docent Sotus, Henriq. Ledes. Sanchez, & alii, quorum sententiam satis probabilem esse asserit Diana. Denique quoad metum levem extrinsecè incussum etiam DD. non conveniunt: eum enim invalidare contractum, docent Lessius, Rebellius, Sanchez, & alii *ex lege metum ff. quod metus causa*; probantque ratione; quia, qui metu cogitur ad aliquem contractum, privatur per injuriam suâ libertate, cum supponatur non contracturus, si metus abesset. Contrarium tamen docent Medina, & Pontius, quem ultimum dicit Diana sibi instar multorum esse: & etiam probatur, quia metus levis refutari potest ac deberet, cum is qui agit ex metu, non prudenter agat, præsertim dum metus solum est levis, quare omnino voluntariè videtur agere, cum metum possit reprimere & non velit, adeoque non censetur talis passus injuriam nisi volens. Atque hanc sententiam dicit prædictus Pontius veram esse in foro conscientie & externo, quod & ut probabile admittit Diana. Unde ex his omnibus cum eodem Diana p. 3. rr. 5. supra.

9. Conclude primò, Confessarium posse dare absolutionem penitenti non volenti restituere ei, cui injustè metum intulit: & è contra, si penitens passus est metum, posse Confessarium ei licentiam præbere, ut repetat ea, quæ jam tradidit.

10. Conclude secundò, promissiones factas latroni propter injustum metum, nullam inducere obligationem ratione justitiæ: & universim actus omnes, in quibus legitimus titulus est donatio vel liberalitas, si ex gravi metu, vel etiam ex levi, juxta aliquos, injustè illato fiant, ad nihil obligare, quamvis tamen è contra juxta alios ita metu, etiam gravi extorta ante sententiam judicis non sint restituenda; quæ à Confessariis diligenter sunt observanda, ut suo tempore consilia favorabilia penitentibus dare possint. Ceterùm de contractu inito ex metu incusso ab altero tertio loquere proportionaliter ad dicta de errore aut dolo à tertio causato. Fortè hic

11. Peres, an Superior teneatur servare pactum de impunitate promissa reo? Multi apud Dianam p. 11. rr. 7. ref. 16. respondent negativè, & multi è contra affirmativè: ast melius videtur distinguere Dianam inter Superiorem seu Judicem supremum & non supremum; cum enim ille possit impunitatem concedere, non est cur non stet promissioni: hic verò non potest eam concedere, adeoque ipse reus debet sibi imputare, quod invalidæ promissioni filius sit.

DVBIVM TERTIVM.

*Quomodo contractus juramento firmetur, & de contractu conditionato.*

12. **N**Ota aliud esse, juramentum esse validum, & juramentum validare seu firmare contractum: primum namque fit quotiescunque juramentum servandum est ob honorem Dei, quod debet semper fieri dum servari potest absque peccato jurantis; nisi forte is in cujus favorem est factum; servari non velit, vel per Episcopum aut alium legitime relaxetur, vel etiam nisi à jure positivo irritetur. Secundum autem tantum fit, quando alteri, in cujus favorem juratur, juramentum jus tribuit ad standum contractui sic per juramentum validato. Hoc notato,

13. Dico primò, contractus jure naturæ irritus, aut qui irritari potest, non firmatur juramento; licet tamen ipsum juramentum servandum sit, si fiat circa rem licitam. Ita omnes. Firmatur verò contractus juramento toties quoties nec jure naturæ est irritus, nec ullam includit turpitudinem, quamvis sit irritus jure positivo; nisi forte exstet dispositio irritans ipsum juramentum. Ita etiam DD. communiter: & probatur ex cap. *debitores de rejurando*, cap. *Cum contingat, & Authentica, Sacramenta puberum*, in quibus id expresse decernitur. Hoc etiam locum habere in nudis pactis, ita ut firmentur ac vestiantur accedente juramento,

docent verius Covar. Panorm. Molina, & alii: quæ tamen probabilius putato non extendi ad juramenta impuberum, cum in dicta Authentica soli puberes nominentur. Adverte insuper, ad hoc ut juramentum firmet contractum, non sufficere quòd sit merè assertorium, quo v.g. quis jurat se intendere inire contractum etiam validè: sed requiri promissorium, quo quis jurat se non revocaturum contractum initum, seque ratificare id, quod promittit, non obstante juris positivi dispositione in contrarium.

14. Dico secundò, omnis conditio appolita de præterito vel præsentī non suspendit valorem aut effectum contractus; sed si vera est, statim infert eius valorem; si falsa, eo ipso eum annullat. Condicio de futuro è contra suspendit valorem usque ad conditionis eventum, eaque positā contractus perficitur ac transit in absolutum: eā verò tempore statuto non positā, contractus omnino evanescit. Quòd si autem conditio sit de futuro impossibili, vel sit peccaminosa, irritat contractum, quia ut sic est signum dissensus, cum nemo censetur ferri vel consentire in rem impossibilem aut malam. Ita Urbanus *tr. 3. ritual. 11. cap. 2. fol. 60. 4.* ubi quoad hoc ultimum cum aliis bene excipit contractum matrimoniale

lem & ultimas voluntates, in quibus conditiones turpes & impossibiles habentur pro non adjectis, ut colligitur ex cap. finali de conditionibus appositis. quod si tamen contrarium aliunde constaret, etiam in his standum esset contrahentium intentioni, quia *contractus ex conventionibus legem accipere dignoscuntur*. Quoad conditionem denique de futuro necessariam, communiter pro non apposita habetur. Vide circa hæc P. Franc. B. Spei de Iure & Iust. disp. 5. n. 31. & seq. ubi contractui conditionato annectit contractum *sub modo*, qui modus in eo conditioni astrictus est, quod sit quedam moderatio ex mente promittentis, aut legantis, dispositio- ni adjecta, ut *do mille aureos, ut me ad sepulturam admittas, sacellum adifices, &c.* & in eo ab ea distinctus, quod dispositionem & effectum illius non suspendat, bene conditio. In casu tamen dubio, an moderatio adjecta vim modi, an conditionis habeat, ex materia & verbis dispositioni adjectis decidendum est, & si adhuc dubium perseveret, conditionem esse, non modum, credi debet. Ita P. Franciscus post Palao, & alios. Est autem contractus *sub modo*, contractus sub dicta moderatione celebratus: qui, sive sub modo honesto, sive turpi, sive possibili, sive impossibili, sive necessario, si consensus de presenti adsit, . est validus: quia modus actum non suspendit, sed actui perfecto advenit.

15. Sed quid si modus non servetur? Resp. cum eodem P. Franc. num. 43. si, prudenter inspecta promissoris aut

donatoris mente, modus sit causa finalis principalis, & quasi conditio sine qua non, revocari potest contractus, & donatum repeti; secus si solum sit causa impulsiva, qua cessante adhuc promissio aut donatio futura erat: licet promissarius aut donatarius ad modum implendum, & non impleti interesse, compelli possit. In dubio vero utrum fuerit causa finalis vel solum impulsiva, puto, quod in causa pia donatio præsumatur absolute facta propter Deum & in peccatorum remissionem. Ita cum Franc. docent Abbas, Lessius, & alii.

¶ Petes, quinam possint valide contrahere?

16. Resp. omnes habentes liberam bonorum suorum administrationem; pro quo vide dicta in tract. de charit. ubi de elemosyna: & adverte ex l. cum lex & l. naturaliter, valide in foro conscientie contrahere minorem, id est infra viginti quinque annos natum; item pupillum pubertati proximum, ut v. g. decem annis natum: quibus tamen conceditur restitutio in integrum, si in suo vel alterius pro se contrahentis contractu multum læsi sint, ita disponente jure positivo. Adde generaliter, nullum posse valide contrahere nisi habeat rationis usum; quia contractus est actus humanus, qui necessario debet esse liber. Vide hæc apud si præcitatum Franciscum loc.

cit. n. 50. & seq.

\* \* \*

## DISPUTATIO IX.

*De contractibus in specie.*

## D V B I V M I.

*De promissione.*

1. **D**ico primò, promissio est sponsanea fidei obligatio alteri facta de re bona & possibili; unde differt à proposito, cujus violatio non includit aliam turpitudinem correspondentem proposito, quàm inconstantia, non verò infidelitatis aut injustitiæ, quia fit nullâ fide datâ alteri.

2. Dico secundò, qui intendit promittere, & non se obligare, nihil efficit, nisi magis efficaciter intendat prius; nam aliàs intenderet promittere & non promittere, quæ sunt opposita. Ad fugiendas autem deceptelas, tali in foro externo non adhibetur fides: imò & in conscientia tenetur postea consentire, si aliàs promissarius grave inde pateretur damnum; quia injuriôsâ suâ fictâ promissione esset ejus damni causa: quod juxta DD. communiter extenditur ad omnem fictè contrahentem. Puto tamen probabiliter, prædictum fictè promittentem aut contrahentem omnino satisfacere, si impediatur aut compensetur damnum, quod alter patitur ex simili fictione, cum sic servet alterum prorsus indemnem, nec alia subsit ratio, cur

in conscientia obligetur stare promissioni, aut alteri contractui, qui non est in se verus contractus aut promissio.

3. An promissio merè interna obliget Non conveniunt DD. Certum interim est apud omnes, eam validam & obligatoriam esse, si fiat Deo, vel Sanctis; quod patet ex votis factis sola mente: idque etiam verius quidam putant, dum fit homini, si rationem & jus naturæ inspiciamus: quia quilibet implicitè acceptare censetur illud, quod sibi est apertè melius quàm ejus carentia. Ita Ledesma, Mendosa, Molina, & alii; quorum sententiam probabilen vocat Diana *part. 3. tractat. 5. resol. 116.* ubi asserit, ideo aliquem, qui alteri aliquid mente promittit, teneri patefacere hominibus, quæ pollicitus est; nam probabile est, inquit, in promissionibus posse transferri dominium per actum interiorem: additque se dedisse licentiam cuidam, ut sibi per occultam compensationem satisfaceret non restituendo certas pecunias alterius, quas apud se habebat, & hoc, quia alter eas ei promiserat actu interiori, nec poterat eas commodè aliâ

via obtinere. Verùm difficulter potest alicui certò constare de simili promissione sibi facta ; & quia insuper sententia opposita P. Francisci *de Iure & Iustitia disput. 6. num. 8.* & aliorum est probabilior & communior, prædictus promittens hanc sententiam sequendo potest seipsum, etiam in foro conscientie, omni obligatione exuere, & promissionem suam silere: præterquam quòd in foro civili & iure positivo irritentur omnes promissiones, etiam externæ, ante explicitam acceptationem promissarii, ob multas difficultates & lites, quæ aliàs orientur. Excipe tamen promissiones factas Civitati, & quasdam alias, quas vide apud Lugo, quæ etiam juxta leges positivas pariunt obligationem ante acceptationem: unde probabiliter omnis promissio externa obligat in conscientia ante explicitam acceptationem: quidquid oppositum, quod P. Franciscus absolute sustinet, probabilius judicem, eò quòd promissio semper hanc conditionem: *Si promissarius acceptet, si ei gratum fuerit, quod promitto*, includere videatur, ne alioqui stulta appareat. Puto tamen promissionem certò obligare ante explicitam acceptationem, dum fit alteri præsentì & tacenti; quia tunc juxta regulam juris, qui tacet, consentire videtur.

4. Petes, qualiter obliget promissio externa explicitè acceptata à promissario? Sub mortali obligare in materia gravi, volunt Suarez, & Lessius apud Dianam *p. 4. rr. 4. resol. 122.* item Sanch. Navarr. Vasq. Malder. & alii apud eundem *p. 2. rr. 3. ref. 9.* Negant id

tamen Cajet. Henricus. Ledes. & Fernandez; quorum sententiam probabilem esse fatentur Lessius, & Diana: ac ratio est, quia frangere fidem in promissis non opponitur iustitiæ, sed fidelitati dumtaxat, sive veracitati; sic ut enim ex hac virtute tenemur dicere verum, ut verba respondeant menti; ita & obligamur implere promissum, ut verbis respondeant opera: unde hanc fidem frangere non est nisi mendacium, ac consequenter non est mortale, nisi sit perniciosum, sive promissario graviter nocivum. Verùm quidquid sit de probabilitate harum sententiarum.

5. Dico tertio, an dicta promissio graviter vel leviter obliget, decerni debet ex intentione promittentis: qui si intendat se solum obligare ex fidelitate (qualiter omnes communiter solent, nisi aliter expresserint) tantum tenebitur sub veniali; secus si se intenderit obligare ex iustitia. Ita expressè Urbanus *rr. 3. tit. 16. c. 1. fol. 655.* Franc. B. Spei *loc. cit. n. 13.* & implicite Diana *p. 4. supra*, ubi ait, solos ignaros vel pertinaces negare, hoc esse probabile, & in praxi tutum. Quòd si dubium sit, an promittens se intenderit obligare ex iustitia, nec ne, judicandum erit in hujus favorem, quia *in dubio non est onus imponendum, quod non nisi sponte suscipitur*: & ut bene Franciscus, pro libertate præsumendum est, quamdiu de obligatione non constat; *Odia enim restringenda, favores ampliandi.* Cæterum quomodocumque se intenderit, vel non intenderit promittens obligare, semper tenetur stare promissioni, quando aliàs promissarius pateretur inde

inde grave damnum; quia aliter inferret ei gravem injuriam: unde dum quis ob tibi factam promissionem certæ summæ pecuniarum, non petit mutuum, dum id gratis poterat obtinere, & modò ob pecunias promissas non acceptas cogitur petere cum interesse (quo casu, juxta communem, tenetur promittens sub mortali stare suæ promissioni) tenetur promittens isti damno occurrere, vel gratis ei mutuando quantum ab alio gratis erat accepturus; vel solvendo interesse, cui causam dedit.

6. Petes primò, quanti momenti debeat esse res promissa, dum quis intendit se ex justitia obligare, ut teneatur sub mortali stare promissioni?

7. Respondet Navarr. apud Wigg. tr. 5. c. 2. dub. 3. sufficere, si sit tanti momenti, ut in materia furti censetur res notabilis: est nimis rigidè. Eam igitur debere esse multò majoris momenti docet melius Urbanus, quamvis non ausim approbare, quod volunt Sanchez, & Lopez apud Wigg. loc. cit. nimirum requiri, ut sit quadruplò majoris momenti. Quòd interim debeat esse momenti majoris, saltem duplò, probò, quia quod ex liberali promissione debetur, est longè imperfectiori modo debitum, quàm quod absolute est alterius, vel quod alteri debetur ratione contractus onerosi, aut damni dati, ut per se patet. Vide P. Franciscum num. 14. qui & num. 16. inquit ac resolvit varia de promissione facta ob rursus causam, quæ deduci possunt ex à nobis dictis *suprà* disp. 7. dub. 7. post medium.

\* 8. Adde juxta eundem P. Urbanum, ad incurrendam obligationem ratione promissionis, requiri, ut velut in cautionem rei promissæ præstetur fides à promittente: unde communes illi modi promittendi, quibus utuntur homines inter discurrendum, ut bonam suam voluntatem invicem explerent, non sunt veræ promissiones, quantumvis illos juramento confirmant, defectu nimirum intentionis se obligandi, cujus signum esse deberet illa fidei protestatio in securitatem rei promissæ. Ita Urbanus *ubi supra*. Imo juxta Buseb. post Sa, vix quisquam promittentium intendit se obligare, aut alteri dare jus exigendi, nisi addat juramentum, vel faciat instrumentum; aliàs solum videtur declarare suum propositum. Attamen diligenter cavendum est semper, ne alii ex dicto communi modo voluntatem suam explicandi decipiantur, existimantes, alterum verè promittere, ac sic promissum, quod expectant, non accipientes, detrimentum patiantur: quàm ob rem puto sæpe graviter peccare Procuratores & Advocatos multa fictè rusticis promittentes: quod idem dic de Medicis similiter multa agris promittentibus; quia hi sæpe sunt causa, cur non advocentur plures Medici, qui forsitan consultiora remedia adhiberent, & illi efficiunt, ut dicti rustici omnia ipsis committentes, litem amittant, quam adeundo peritiores ac diligentiores probabilius fuissent lucrati: quare similes omninò tenentur stare suis verbis, etiam si ea se gratis præstyturos promiserint, nec debitam compensationem expectent.



Petes secundò , quænam excusent ab obligatione adimplendæ promissionis ?

9. Resp. excusari, primò si observatio fiat impossibilis vel illicita: patet ex ipsa definitione promissionis. Secundò si superveniat mutatio talis, ut promittens meritò noluisse se obligare, si ab initio adfuisset, vel eam eventuram prævidisset : & hoc juxta regulam *dispositæ*. citatam. Tertiò si duorum sibi mutuo promittentium unus non ster

promissis, disobligatur & alter, juxta axiomata : *Frangenti fidem, fides frangatur eidem*, quod alibi exposuimus. Quartò excusat etiam ingratitudo promissarii : quibus quintum addit N. Franciscus, si causa, ob quam promissio facta est, nulla esse deprehendatur. Denique ad revocandam promissionem sufficit quodlibet aliud, quod juxta dicenda *dub. seq.* sufficit ad revocandam donationem.

## DVBIVM SECVNDVM.

### De donatione.

10. Dico primò ; donatio est actio liberalis (id est, aliunde titulo iustitiæ non debita) rei dominium transferens per actualem traditionem : unde ante traditionem necdum habetur jus *in re*, sed *ad rem* tantum, ita ut si res, duobus successivè data, tradatur secundo, hic fiat ejus dominus ; remanente tamen jure in primo datario agendi contra datorem, quantum intererat, ut illum non deciperet ; ac si priori intenderit se obligare ex iustitia, tenebitur sub mortali aequivalens restituere : pro quo vide dicta *dub. præced.* datio enim ante rei traditionem, juxta Lessium & alios, vix videtur differre à promissione, quamvis naturâ suâ dominium transferre deberet, si jus civile contrarium non statueret, teste N. Francisco.

11. Dico secundo, donatio variè dividitur : primò in realem seu perfectam, quæ juxta datam definitionem

completur traditione : & verbalem seu imperfectam, cui adhuc deest traditio. Secundò dividitur in gratuitam & remunerativam seu antidotalem ; prima est, quæ nullam omnino obligationem supponit ; secunda verò est compensatio beneficii juxta obligationem gratitudinis. Tertiò dividitur in donationem puram, cui nulla apponitur limitatio, & non puram, cui certa limitatio apponitur. Quartò item in donationem inter vivos, & donationem causâ mortis ; illa est, quæ antemortem sortitur effectum ; hæc, quæ solum morte confirmatur, ut sunt testamenta & ultimæ voluntates. Ut autem noscatur, quando donatio inter vivos fuerit, quando causâ mortis ; attendendum, an facta sit mortis mentio in donatione, nec ne ; quia cum facta non est, donatio inter vivos censeri debet, licet ab infirmo & morti proximo facta sit, ut habetur *l. Scja.*

*I. Seja, §. finali, ff. de donationibus causâ mortis.* Ita Franc. B. Spei *de Iure & Iust. disp. 6. n. 22.*

12. Dico tertio, donare possunt, qui possunt contrahere aut elemosynam facere; de quibus vide dicta alibi. Hic tantum,

13. Adverte primo, non esse illicitum facere aliquas donationes rethunerativas iis, quibus est inhibitum jure positivo donare: quare illas possunt facere Religiosi: item & tutores ex bonis pupillorum ob exigentiam gratitudinis. Quoad Religiosos, vide P. Lezannam *tom. 3. verbo dare quoad Regulares*, ubi latè & benè omnia quoad hanc difficultatem discuit: & P. Franciscum *loc. cit. num. 27.* ubi notandum monet ex Bulla Clementis VIII. de largitione munerum ab Urbano VIII. confirmatâ, omnibus Regularibus utriusque sexus esse prohibita munera, *præterquam leviora, esculenta & poculenta, seu ad devotionem vel Religionem pertinentia munuscula, ex Superioris licentia danda, &c.* Unde Faustus & Paulinus Berti apud eundem P. Franciscum docent, eam quantitatem esse contra Bullam istam, quæ data sine licentia, esset materia furti mortalis: posse tamen Superiores sine gravi causa dare, & suis permittere dare infra annum levia munuscula, quæ universum non excedunt quatuor aureos, docet ibid. Verricellus, referens Clementem VIII. declarasse, munusculum valoris duorum aureorum esse leve: addens, cum causa gravi remuneratoria, eos posse absque transgressione Bullæ multò notabiliorem summam elargiri. Vide P. Franciscum *loc. cit.*

14. Adverte secundo, donationes inofficiosas (quibus scilicet parens privatus suas proles portione legitima (posse à prolibus revocari: parentes verò, gratuitis donationibus gravantes legitimam portionem filiorum, mortaliter delinquant, quamvis tamen contra iustitiam peccare non videantur, eò quòd filii non habeant jus strictum inheritance patris, patre vivente. Vide Authores citatos à Diana *p. 1. rr. 8. de contract. resol. 84.* Prohibentur insuper jure communi donationes conjugum inter se; ne videlicet ob excessum amoris se invicem bonis spolient, unde ad arbitrium donantis sunt revocabiles: adhuc tamen duobus modis confirmari possunt; juramento, quo conjux jurat se eas non revocaturum; & morte donantis: ad quod ultimum requiritur, ut res ante mortem fuerit aliquo modo tradita. Imo statim validantur dictæ donationes, primo, si Imperator det Imperatrici, vel econtra. Secundo, si fiant inter conjuges ad restorationem ædium incendio dirutarum. Tertio, si donans non fiat pauperior, quàm erat immediatè ante, ut si rem, quæ sibi daretur, permittat à conjuge pro se acceptari, vel si renuntiet hereditati, ut perveniat ad alterum conjugem. Quarto, si conjux, cui aliquid datur à conjuge, ex eo non ditescat, ut si vir det uxori ad distribuendum pauperibus, vel in pias causas, ad emendos fucos, &c. Quinto, si id fiat, ut alter consequatur officium vel dignitatem. Sexto, denique etiam statim validatur donatio inter conjuges, si aliquid detur remuneratoriè.

15. Adverte tertio, donationes pa-

tris in liberos non emancipatos, esse etiam invalidas, ita ut pro patris voluntate revocari possint: quod tamen non est idem de matre, eo quod proles non sint sub potestate matris, sed patris, cujus etiam donationes juramento firmantur, sicut & morte patris. Item valent statim dictæ donationes, primò, si aliquid detur in dotem. Secundò, si filio ad bellum eunti dentur aliqua bona mobilia. Tertiò, si professo aliquam disciplinam dentur quidam libri. Quartò, si donatio fiat in remunerationem obsequiorum, vel ob alios fines, ob quos diximus validari donationes inter conjuges. Hæc omnia deducuntur ex variis legibus, quas videre poteris in compendio Lessii *cap. 6. q. 15. & 16.*

Petes primò, quantum quis valide donare possit?

16. Resp. in primis jure communi invalidam esse donationem omnium suorum bonorum, ex *L. stipulatio hoc modo 61. ff. de verb. oblig.* cujus ratio communiter redditur, quia per illam donationem aufert donans sibi potestatem liberam condendi testamentum, quod est contra bonos mores civiles. Excipiuntur tamen duo casus, in quibus dicta donatio est valida: primus, si fiat Ecclesiæ vel in causaspias; non videtur enim jus civile in hoc posse Ecclesiis vel causis piis derogare, neque bono spirituali donantis. Ita Wiggers, citans Covar. & Julium Clarum, quibus addo Less. Becan. & Urbanum. Secundus casus est, si prædicta donatio juramento firmetur; quia cum naturaliter bonis moribus non repugnet, nec simpliciter loquendo sit peccami-

nosa, à juramento robur accipit. Ita DD. satis communiter: quidquid Franciscus B. Spei *de Iure & Iust. disp. 6. n. 34.* dicat, in his omnibus donationibus invalidis juramentum nihil prodesse, quia juramentum sequitur naturam rei, circa quam fit, nec proinde dare potest ullam irrevocabilitatem, aut valorem non habenti; estque contra bonos mores, & vanum, non secus, quam talis donatio. Ita etiam docent Azor. Molina, Dicastillo, ut dixi, contra cæteros communiter. Insuper DD. communiter censent, validam esse donationem, qua quis donat omnia sua bona præsentia; poterit enim postea alia acquirere, & de iis testari: unde non est invalida donatio, qua simpliciter dicitur, do tibi omnia mea bona: quia hoc solum intelligitur de præsentibus. Item, quando quis aliquid sibi reservat, licet absolute det cætera omnia, ob eandem rationem. Tertio valet etiam donatio omnium bonorum, tam præsentium, quam futurorum, si fiat causâ mortis, ut sæpè faciunt conjuges, dum paciscuntur, quod superstes habebit omnia, si nulla proles sequatur; quia neque hæc donatio admittit potestatem testandi: si enim hæc donatione non obstante conjux instituat alium heredem, poterit hic conjugi superstiti detrachere, sibi que retinere quartam partem bonorum donatorum, quam Jurisconsulti Falcidiam appellant. Vide Wiggerstract. 5. *cap. 2. dub. 9.*

17. Resp. secundò, etiam invalidam esse donationem excedentem summam quingentorum solidorum, ita ut non teneat quoad excessum dictæ summæ.

ma. Ita expressè statuitur *L. penult. co-  
dice de donatione*, circa finem: excipe ta-  
men casus suprà positos, quibus & ad-  
de citatos à Busenbaum: quorum pri-  
mus est, si iudici insinuata fuerit, tunc  
etiam valebit quoad dictum excessum.  
Secundus, si fiat in reparationem æ-  
dium incendio dirutarum. Tertius, si  
donatio sit remuneratoria, vel si fiat  
militibus à duce exercitus ex bonis  
propriis mobilibus, vel hostium spo-  
liis. Adverte insuper ex eodem Busenb.  
*lib. 3. tract. 5. cap. 3. dub. 2.* post Julium  
Clarum, summam quingentorum so-  
lidorum hodie excurrere ad septin-  
gentos, vel octingentos aureos. Imo  
P. Urbanus *loc. suprà cit.* dicit, ipsos  
quingentos solidos facere, sive æqui-  
valere septingentis aureis. Additque  
in his omnibus esse consulendos Pro-  
vinciarum mores, si fortè in hac parte  
discrepent à jure communi.

18. Hic insuper nota in edito Prin-  
cipum Belgii, anno 1611. statutum esse,  
ut omnis donatio, contractus, vel ulti-  
ma voluntas, disponens circa rem ul-  
trà trecentos florenos valentem, vel  
summam illos excedentem, scripto fie-  
ri debeat, sub contrahentium signatu-  
ra: quod statutum reperio apud Anto-  
nium Anselmo in *Comment. ad Edict. per-  
pet. anni 1611. art. 19.* ubi dicit, id locum  
non habere in Hannonia ob contra-  
riam consuetudinem ibi publicatam  
post receptionem edicti. Nec similiter  
Antverpiæ in contractibus, qui ad ne-  
gotiationē seu mercaturam spectant,  
& qui in bursa, seu mercatorum con-  
ventu celebrantur, prout ostendit §. 21

Petes secundò, quandonam dona-  
tio inter vivos possit revocari?

19. Resp. eam, etiam traditione &  
acceptatione completam, posse revo-  
cari: primò, ob enormem donatarii in-  
gratitudinem; ut si donanti inferat  
graves injurias, vel impias in eum ma-  
nus conjiciat, aut non impleat condi-  
tiones appositae; vel si donantem,  
modò pressum inedia, non alat, à quo  
ingentem summam accepit: quod  
Becan. in compendio Lessii, & nuper  
imè Busenb. bene notandum monent  
pro filiis, quibus parentes donarunt  
omnia: quos tamen postea filii negli-  
gunt. Secundò etiam revocari pot-  
est donatio propter susceptionem pro-  
lis, ita disponente lege positiva, maxi-  
mè ob præsumptam donantis inten-  
tionem: & quidem si donatio sit fa-  
cta extraneo, revocari potest tota,  
si patri, avo aut proavo, vel Ecclesiæ,  
vel causis piis, revocari potest, quan-  
tum necessarium est, ut proles suscep-  
tæ non careant legitima. Imò, juxta  
Lessium à Busenbaum citatum, ex-  
pedit, ut tunc Prælati etiam resti-  
tuat totum, quod Ecclesiæ vel mona-  
sterio datum est: limita tamen, modò  
monasterium habeat unde commodè  
restituatur. Hæc interim vera sunt, li-  
cèt donans jurasset, se non revocatu-  
rum donationem; ut docet P. Franc.  
*disp. 6. cit. num. 25.* quia & hoc juramen-  
tum includit dictam conditionem, ni-  
si fortè quis expressè illam exclusisset;  
quo casu non posset revocare suam  
donationem nata prole, bene tamen  
adhuc ipsa proles patre mortuo: quæ  
omnia aliqui extendunt etiam ad pro-  
lem illegitimam, aliis communius  
negantibus cum Francisco N. *loc. cit.*  
*num. 36.* qui & *num. 39.* benè negat,  
si pro-

fi proles moriatur, ob cujus natiuitatem pater revocavit donationem, hanc reviviscere: quia donatio semel extinguitur.

ita, sine reali titulo non reviviscit. Tertiò revocari etiam potest donatio, si sit inofficiosa, de qua parum ante.

## DUBIUM TERTIUM.

### De ultima voluntate, & testamento.

20. **V**ltima voluntas est gratuita dispositio eorum, quæ quis post suam mortem fieri vult. Dividitur in Testamentum, Codicillum, Legatum, Fideicommissum, & Donationem causâ mortis.

21. Testamentum est voluntatis nostræ iusta sententia de eo, quod quis post mortem suam fieri vult cum directa institutione hæredis. Ita habetur *lib. 1. ff. de Testam.* Codicillus verò est ultimæ voluntatis dispositio, qua circa factum testamentum aliquid ordinatur. additio, imutatio, &c. Legatum & Donatio causâ mortis, est dispositio ejusdem ultimæ voluntatis, per quam hæres gravatur ad rem legatam, vel ita donatam præstandam legatario aut donatario. Fideicommissum denique in hoc à Testamento differt, quòd per illud non directe, sed tantum indirectè quodammodo quis hæres instituatur: per Fideicommissum enim testator committit fidei hæredis sui, ut deferat hæreditatem, vel in totum, vel in partem, alteri substituto post aliquod tempus elapsum, vel post conditionem aliquam impletam. Quamvis autem materia de testamentis maximè ad jurisperitos pertineat, pauca tamen, etiam Confessariis necessaria hinc subijciam. Ante omnia igitur

22. Adverte, plures requiri solemnitates à jure civili communi ad testa-

mentum clausum: primò enim debet scriptura confici. Secundò, requiruntur septem testes masculi, puberes, & ad id rogati, quorum nullus institui potest hæres: hi tamen ad codicillum sufficiunt quinque: inter quos etiam possunt esse mulieres; nec debent esse rogati. Ad hoc autem ut testes censentur esse rogati à testatore, vel alio illius voce, satis est, quòd nomen suum subscripserint sciente & tollerante testatore, vel hoc sciente & tollerante permiserint sua nomina subscribi à notario. *Arg. l. qui patitur. ff. mandati. Et l. cum ostendimus, §. fin. ff. de fidejussor. tutor.* Insuper ad testamentum requiritur notarius, vel octavus testis ejus loco, qui cum aliis septem subscribat, & quasdam alias solemnitates observet, ut habetur *l. hac consultissima, codice de testamentis.* Requiritur etiam, ut testator coram simul existentibus testibus dicat, illud suum esse testamentum, & statim coram iisdem illud subscribat: quòd si non possit, octavum testem adhibeat, qui ejus loco illud subscribat. Denique requiritur etiam, ut scribatur hæredis nomen. Ita Franc. B. *Spei de Jure & Just. disp. 7. num. 7.* dicens & aliud addi posse, ut scilicet apponatur dies, mensis, & annus; quia tale testamentum censetur scriptura publica, de cujus ratione id est.

23. Ad testamentum nuncupativum seu

seu apertum, duo requiruntur. Primum, ut septem testes adsint, mares, puberes, &c. Secundum, ut illi audiant testatoris voluntatem scriptam aut voce prolatam. Si verò scribatur, tutius erit testatorem subscribere si possit, aut impotentiam per tabellionem declarari, nam lex *Pragmatica* id fieri præcipit in omni scriptura publica P. Franc. num. 8.

24. Si quæ desint ex conditionibus positis, testamentum in jure civili est invalidum; certis tamen casibus exceptis, in quibus ex privilegio testamentum est validum etiam in jure civili: imprimis enim ferè ab omnibus jam positis eximitur testamentum militare, nam ad hoc duo testes sufficiunt, etiam non rogati, si pugnandi tempus immineat, licet scriptum non sit: si verò scriptum sit, sufficit quòd constet de ultima voluntate per legitimam scripturæ recognitionem. Vide P. Franc. num. 9. qui hæc extendit etiam ad testamentum pestiferi, vel etiam sani ad domum pestiferam adstricti. num. 13. deinde approbatur testamentum partis inter liberos cum duobus testibus; nisi magna & notabilis inæqualitas in institutione liberorum commissa foret; tunc enim testamentum censeretur ordinarium & non privilegiatum: pro quo vide Anselmum in art. 14. §. 27. Insuper admittitur testamentum ruri degentium factum in præsentia quinque testium, licet non subscribant. Denique etiam à solemnitate testium liberatur testamentum factum in præsentia Principis: quæ omnia diversis legibus sancita sunt, quas vide apud

Wigg. tract. 5. cap. 5. dub. 3. num. 10. Hæc de foro civili: quia tamen maximè de foro conscientiæ competit scire Confessariis.

25. Dico cum Urbano tr. 3. tit. 16. c. 2. absolute valere in foro conscientiæ testamenta facta sine solemnitatibus juris civilis aut canonici. Prob. quia de jure naturæ sunt valida, si adsit potestas in disponente & capacitas in eo, qui recipit; neque de jure civili requiruntur septem testes, & de jure canonico duo, ita ut absque iis oriatur impedimentum ne valeat dispositio; de illo enim impedimento nusquam jura loquuntur. Solum igitur jura exigunt illas solemnitates, ut probentur in foro externo, ab illoque sustineantur; quarum proinde defectu testamenta relinquuntur propriæ naturæ, quæ est ut omnis libera dispositio valeat in foro conscientiæ, si ortum habeat à libera potestate. Ita Urban. post Adrianum, Angelum, Tabienam, Sylvest. Reginal. Malder. & multos alios recentiores citatos à Wigg. supra num. 15. quorum sententiam & ipse vocat probabilem, maximè ob duas leges, ex quibus suam sententiam firmat Malder? Attamen iis omnibus non obstantibus sustinet idem Wiggers etiam sententiam oppositam esse probabilem, quam apud ipsum sustinent Covarr. Gomez. Suar. Rodrig. Bonac. & alii: ratio eorum est, quia jura declarant testamentum debitis solemnitatibus destitutum haberi pro infecto, pro irrito, pro nullo, ut patet ex L. si quæramus ff. qui testamenta; L. si unus, codice de testamentis, & L. hæc consultißima. Verum res-

ponderi posset, leges illas tantum denegare actionem, quando testamentum non est debite solemnizatum, tantum non sit satis per illud probatum, talem fuisse ultimam voluntatem defuncti. Quare

26. Conclude, illos, quibus aliquid testamento minis solemniter est relictum, posse illud retinere absque scrupulo, vel occultè sibi satisfacere, si desit scandalum. Imò juxta Lessl. Lugo, Beca. & Busenb. si hæres ab intestato fateatur mentem testatoris fuisse, ut hæreditatem nomine fideicommissi alteri traderet, vel legatum aliquod solveret, aut si oblato juramento jurare noluerit oppositum, cogendus est, etiam in foro externo hæreditatem tradere, vel legatum solvere: poterit tamen detrahere quartam partem in casu fideicommissi, quam vocant trebellianam. Verum his etiam non obstantibus, non ausim negare, posse probabiliter Confessarium absolvere hæredem ab intestato, qui testamento minus solemniter satisfacere non vellet conformando se oppositæ sententiæ, quam nullus potest dicere esse improbabilem. Vide Francisc. Bonæ Spei loc. supè cit. num. 24.

27. Adde interim mihi certum esse, testamentum ad pias causas, etiam in foro externo esse validum, modò adsint duo testes requisiti à jure canonico. Pater ex cap. relatum 1. de testam. ubi id declarat Alexander III. qui ut minus in hoc potuit legibus civilibus derogare, quatenus scilicet impediunt studium & cursum bonorum operum. Imò ne quidem duos testes aliqui putant necessarios, si adhibita sint, quæ

jure naturali sufficiunt ad dominii translationem faciendam per ultimam voluntatem, eò quòd jus civile non valeat resistere testamento pro causis piis factò, & jus canonicum solum requirit duos testes, ut in foro externo probetur quantum satis est: prout ex cap. relatum citato volunt posse colligi: unde P. Gobat in praxi Clement. iudic. Decade 6. num. 311. docet, Judicem, non tantum in foro ecclesiastico, sed etiam civili, teneri de dispositionibus ad pias causas factis judicare secundum sacros canones, & non secundum leges, aut statuta secularium Magistratum; pro se citans Tiraquelum l. c. privil. 163. & 164. innumeros alios referentem. Vide etiam P. Franc. Bonæ Spei disp. 7. n. 5. & 19. ubi hæc habet: Si testator coram testibus dixerit, se quoad pias causas Confessario aut Parocho suam mentem aperuisse, Confessarius aut Parochus audiri debet, ejusque declarationi standum, si prudenter presumatur verum dicere. Ita Covarr. Navar. licet in testamento ad profanas causas irrita sit instructio hæredis ad arbitrium, vel liberam voluntatem tertii. Vide eundem etiam num. 23. & Antonium Anselmo in art. 14. Edicti perpetui §. 61. ubi sic loquitur: Testamenta ad pias causas, Episcopi debent cognoscere, & exequi juxta sacrorum Canonum statuta, non obstantibus consuetudine immemoriali privilegio, vel statuto Concil. Trid. sess. 22. c. 8. Quò oculos deflectendo, dicendum est, ejusmodi relicta non requirere solemnitates hujus Edicti. Ita ille, respondens ad ea, quæ obijci possent in contrarium: cujus auctoritas in his materiis plurimum æstimanda est, quia ferè omnium à se dictorum



rum adfert declarationes Principum.

Quia autem hinc mentionem facimus testamenti pii; Nota legatum Ecclesiæ deberi Ecclesiæ loci, in quo testator habitavit ex *Novel. 131. cap. 9. Si quis in nomine*. Quod si condito testamento mutaverit domicilium, plures volunt deberi Ecclesiæ loci, in quo habitavit tempore testamenti: plures econtra Ecclesiæ loci, in quo habitavit tempore mortis. Conformiter loquere de legato pauperibus relicto juxta ea, quæ habentur l. *si quis 49. §. ubi autem c. de Episc. & cleric.* quia verò *Novel. 131. c. 9.* habetur, legatum Ecclesiæ certi sancti, dum nescitur citi, deberi pauperiori ex pluribus; si electio pauperum nulli sit commissâ, debet distribui in pauperiores. Vide circa hæc Dianam *part. 10. tract. 15. resol. 18.* Adde, licet, dum distributio commissâ est v. g. executori testamenti, non debeat seligere pauperiores, non posse tamen eum dare totum uni, quia locutio pluralis non observaretur. Vide eundem Dian. *cad. part. 10. tract. 11. resol. 59.* Hæc extendit etiam ad legatum determinatæ personæ pauperi, dum hæc non invenitur; quod distribui debet pauperibus civitatis, cum præsumatur esse relicto pro salute animæ: idque est conforme *Novel. 131. l. 2. Dubitabis* fortè, an legatum pauperibus, possit applicari Ecclesiæ pauperi. Affirmant varii, quorum doctrinam ut probabilem admittit Diana *part. 8. tract. 5. resol. 58.* Negant tamen Navar. Sylvester, Angelus, alique: & meritò, quia videtur mens testatoris clara esse, ut detur personis, vel maximè, cum in

parochiis curatores fabricæ, & curatores pauperum soleant esse diversi; prout bene observavit P. Scilder *tract. 4. num. 312. qui num. 311. asserit* hinc nomine pauperum venire Religiosos pro sua necessitate mendicantes, ita ut executor, licet sit ipse Religiosus, illis supradicta legata distribuere possit. His subjunge: dum in testamento iussa sunt aliqua sacra fieri in Ecclesia certa, hæc diruta, vel ab hæreticis intercepta, sacra alibi fieri debere, scil. in ea Ecclesia, in qua fieri deberent, si, dum iussa essent fieri in Ecclesia certa, hæc ignoraretur: quod colliges ex supra positis. Insuper etiam pro testamento profano

28. Adverte ex Gudelino l. 2. de *Inre noviss. c. 5.* post Viglium Præsidentem, moribus nostris Belgicis, & omnium ferè populorum hodie procul à jure civili Romano recessum esse, ita ut ferè parochi, notarii ve, & duorum triumve testimoniis sufficiat constare de ultima voluntate testatoris, ut etiam in foro externo de actionem, satis conformiter ad jus canonicum: unde nec hæredis institutio moribus necessaria est ut sit testamentum, idcirco testamenta vix differunt à codicillis. Ita ille. Unde mirum est P. Marchant. Nostre tamen *casu ult. suarum resol.* respondisse, testamentum, ob defectum institutionis hæredis, quam formam essentialem vocat, non obligare in conscientia; & noluisse credere Sanchez à se citato, docenti jure noviori testamentum valere absque hæredis institutione. Miror etiam P. Scilder hac in parte errasse, dum *tract. 4. num. 217.* absolutè docuit, directam institutionem hæredis esse fundamen-



damentum testamenti. Nec parum per hoc confirmor in illa opinione, quam *tract. 1. disp. 2. num. 13.* contra hunc authorem defendi; videl. aliquem posse sequi opinionem probabilem aliorum contra propriam; cum videam viros profundè doctos sequendo opinionem propriam decipi in remodò tam clara, ut quidam Iurisconsultus magnæ famæ nobis retulerit, rem hanc non verti amplius in dubium.

Debet tamen adhuc in his Provinciis inferioribus juxta perpetuum Edictum Archiducum Alberti & Isabellæ Principum Belgii de anno 1611. *art. 12.* constare per subscriptionem testatoris, & duorum testium ad hoc vocatorum, si scribere noverint, de quo inquireret Notarius, Pastor aut Vice-pastor: quòd si non noverint scribere, debet illius fieri mentio, ut in foro civili subsistat testamentum. Cæterum in his omnibus exactè sequendæ sunt leges & statuta provincialia, si quæ alia existent: debent enim testamenta fieri juxta leges loci, in quo conduntur. Verisimilium tamen putat Franc. B. Spei *num. 18.* Testamentum de re subiecta loco extraneo, sive extra jurisdictionem istiusmodi legislatoris, debere habere solemnitates in loco isto requisitas; quia ibi debet valere testamentum, ubi debet effectum habere, & juxta valorem suum operari; alioqui quis coget ad servandum testamentum? Ita ille. Contrarium tamen dicit communi DD. calculo receptum Antonius Anselmo scribens super *art. 14. suprâ citati Edicti §. 89.* citatque præclaros Authores, qui tra-

dunt, suam sententiam in supremis Tribunalibus esse receptam, quam & ostendit Consilium Privatum confirmasse *ultima Junii 1634.* declaratione, quam ibi ad longum adfert. Verùm quia hæc declaratio non cogit ut alibi fervetur simile testamentum, ubi Judices à dicto Consilio non dependent, ut bene notavit P. Franciscus, consulo, ut ferventur etiam solemnitates loci, in quo bona degunt, dum id fieri potest.

29. Petit Dianap. 11. *tract. 2. resol. 31.* an dum Confessarius vel alius omni exceptione major affirmat hæredi, testatorem voluisse relinquere Titio legatum, hæres teneatur hoc credere & legatum solvere? & negativè cum Fagundes responderet contra tres alios, cò quòd unus testis non destruat bonam fidem, sed solum obliget ad faciendam diligentem inquisitionem de veritate, & quamdiu veritas non reperitur, potest res tunc retineri. Idem inquit *tract. 4. resol. 19.* an si testator v.g. plures habens equos Titio legaverit equum, quis eum eligere debeat? Post adducta & soluta argumenta in oppositum, tribuit electionem Titio, demonstrans tamen ex variis legibus eum, nec posse optimum, nec teneri vilissimum eligere, sed mediocrem. Cæterum in testamento dubio, seu obscuro, standum est interpretationi testatoris, quamvis sine solemnitate & post confectum testamentum eam dederit. Nihil enim nunc dat, sed datum significat, ut habetur l. hæres 21. ff. *quæ testaments.* Si verò testator non dederit interpretationem, nec hanc uni alteri commiserit, sequenda

sequenda est interpretatio iudicis, aut arbitri electi.

In dubio, quisnam ex pluribus sit legatarius legati profani, nulli legatum deberi, nisi electio legatarii sit hæredi relicta, docent Bartolus, Menochius & alii, quos citat & sequitur P. Scilder *tract. 4. num. 290.* adferens pro se varias leges: quibus non obstantibus, Molina, Diana, & Lugo ab eodem citati volunt tunc in foro interno legatū debere dividi, pro ut certò debetur legatum ad piam causam, licet personis incertis sit relictum. Est clarum ex l. 24. c. de Episc. ubi expressè dicitur; *Id quod pauperibus testamento vel codicillis relinquitur, non ut incertis personis relictum evanescat, sed omnibus modis ratum firmissimè consistat.* Vide etiam l. nulli. 28. & l. si quis ad declinandam. 49. c. eodem.

Petes primò, quinam possint testari, & qui hæredes institui?

30. Resp. primò, eos omnes posse testari, quibus nec jure naturali nec positivo est inhibitum: jure autem naturæ carent potestate testandi fatui, nisi habeant lucida intervalla, infantes & alii quicumque usurationis destituti. Jure verò positivo testari prohibentur impuberes, & filii familias, qui etiam puberes (id est post annum 14. si masculi, & sexmine post annum 12.) testari non possunt nisi de bonis castrensibus. Deinde etiam qui surdi & muti sunt à nativitate. De testamento cæci, vide plura apud Dian. *par. 11. tr. 7. resol. 41.* Prohibentur item testari prodigi, quibus interdicta est bonorum administratio, mancipia, Religiosi (pro quibus vide Lezan. *tom. 1. cap. 9.*

*num. 19. & tom. 4. verbo Testamentum:*) Clerici de bonis sui beneficii, circa quæ non possunt testari licetè, nisi pro causis piis: damnati ad mortem, vel perpetuum exilium, aut carcerem similiter perpetuum: usurarii denique publici. Ita ex jure communi omnes DD. communiter. Quia autem nullo expressò jure id inhibitum est excommunicatis, puto contrà Hunnium hos posse validè testari. Franc. B. Spei *disp. 7. num. 35. Dian. p. 11. tract. 4. resol. 20.* & alii plurimi, quos citat Maulius *tract. de ult. volunt. l. 1. tit. 2. num. 20.* excipe tamen excommunicatum pro hæresi, pro usuris, aut propter injuriam factam Cardinali, quibus per particulares constitutiones inhibitum est testari.

31. Adde, ad testamentum condendum inhabiles, non posse etiam esse testes in testamento alterius, sicut nec possunt esse testes in testamento filii familias pater, & is qui est in patria potestate, nec hæres, nec is qui in hæredis est potestate: testimonium tamen Religiosi, sinè venia sui Prælati, testamentum non irritat, etiam pro Ecclesia sua, etsi consultò, uti & Parochus, unum aut duos alios adhibeat. Ita Franc. B. Spei *suprà num. 19.*

32. Resp. secundò, hæredes institui nequeunt; primò, omnes illi, qui ob gravia delicta privati sunt activa potestate testandi; quamvis tamen juxta plures hanc penam non teneantur subire, nisi post sententiam iudicis declaratoriam: Secundò Civitates hostiles: Tertiò Minoritæ & Capucini, neque in particulari, neque in communi; volunt tamen Malder. & Wigg.

Xx 3

posse

posse in eorum favorem relinquere hereditatem, ita ut hæc per executores testamenti vendatur, iplisque pretium detur. Cæteri interim Religiosi possunt hæredes institui in communis; ac dum quis eorum hæres instituitur in particulari, ejus nomine succedit Monasterium sive Communitas. Quid, si illis legentur bona immobilia, quorum sunt incapaces, juxta Edictum Imperatorum? Vendi debere, & pretium illis applicari, probat N. Franciscus num. 52. Vide etiam P. Scilder tract. 4. num. 277. qui testatur, cum communi sic docere Menochium, & Mantic. Idem Author num. 284. & seq. probat, testatorem habentem jus aliquod in rem alienam, tantum præsumi legare jus illud: sed si scierit legaverit rem alienam, in quam jus non habet, præsumi eum voluisse, ut hæres illam procuraret; aut si dominus eam pretio rationabili vendere nolit, det legatario illius æstimationem. Nisi sit res, quæ alienari non potest sine extraordinaria licentia Principis aut Ecclesiæ. Ratio principalis est, quia testator præsumitur aliquid voluisse valide legare. Cæterum dum testator rem à se legatam postea alienat, non hoc ipso censetur illud adimere, nisi probetur, adfuisse animum adimendi. §. 13. i. delegat. si rem suam. Ille autem animus non censetur adfuisse, dum id fecit ex necessitate. l. scribit 34. §. Item scribit ff. de auro & argento. & l. fideicommissa. 11. §. 12. ff. de legat. 3. si rem suam. ubi id expresse declaratur. Quare dum testator legavit creditum, & debitor ante illius mortem solutionem ultrò obtulit, quam proinde re-

cusare non potuit, debet dari valor crediti. Ille item animus non censetur adfuisse, dum in locum rei sponte aliena aliquid aliud est substitutum, aut pecunia ex alienato consecrata est reservata in deposito. quod patet ex l. filia 28. §. Attria ff. de condit. & dem. Item ex l. Pater 23. ff. de adim. leg. Hinc patet, dum nuper quædam vidua Bruxellis legasset variis ordinibus certos redditus, & inter hos aliqui ante illius mortem essent refusi, sumas capitales justè loco reddituum refutorum fuisse solutas, eò quòd ipsa ex necessitate illas refusiones passa esset. Et verè stupui intelligere ab hæredibus, aliquos Jurisconsultos resolvisse, hæredes quoad redditus refusos ad nihil teneri. Et eò magis, quòd in instrumento haberetur *relinquo capitales nummos talis redditus*, quos constabat in domo testatricis post mortem esse repertos. Imò & maximè, cum apud nummos inventa esset scedula manu testatricis scripta, in qua habebatur, *in hoc sacco sunt tot, &c. pro istis ordinibus*. Stupui, inquam, audire in re pia dari tam impia consilia.

An illegitimus possit hæres institui? Non facile resolvitur: pro quo advertit illegitimum alium esse spurium, alium filium naturalem; hic dicitur qui natus est parentibus, inter quos tempore conceptionis vel nativitatis nullum intercessit impedimentum dirimens; e contra verò ille dicitur spurius, inter cujus parentes & conceptionis & nativitatis tempore est tale impedimentum: ex quo patet communem plebem abuti illo nomine spurius, dum omnem illegitimum vocat spurium. Hoc notato

33. Resp. tertio spurius non legitimatus, non solum non potest institui hæres à parente per testamentum; sed nec quidquam potest ab eo accipere causam mortis; neque etiam per contractum inter vivos, prout *ex authentica licet Codice de naturalibus* colligunt Julius Clarus, Covarr. & alii. Imò nec potest hæres institui indirectè: quare si parens alterum hæredem instituat, qui ad instantiam parentis promittat se hæreditatem restitutum spurio, non tenetur hic stare promissis, quia promissio nulla est, ut potè contrà legem; imò si de ea promissione constaret, esset talis hæreditas confiscata *ex leg. penult. ff. de jure fisci*, quamvis tamen alter eam fisco non teneatur tradere ante judicis sententiam, quia est lex pœnalis. Atque hæc communiter omnes etiam extendunt ad matrem, licet nulla alia proles supersit; illegitimus enim, qui non potest patri succedere, nec potest matri, nisi hoc excipiatur à jure, quod hic non fit. Debentur interea spurio alimenta, si aliundè se sustentare non valeat, cum jure naturæ teneatur parens alere suam prolem; quæ obligatio transit ad hæredes patris. Ita DD. communiter teste Covarruviâ.

34. Resp. quattò filius naturalis potest hæres institui tã à patre quàm matre, etiã universalis sive ex asse, ut vocant, si non habeant alios filios legitimos, nec supersint consanguinei ascendentes, id est, pater, avus, avia, &c. Ita statuitur *distã authentica, licet*. Si verò supersint aliqui ex ascendentibus, his jure Cæsareo debetur legitima, quæ est tertia pars

bonorum *ex novell. 118. de hered. ab intest.* Verùm hoc jus commune in multis Provinciis non observatur, ut quidam notant. Si autem habeant alias proles legitimas, nihil potest filio naturali relinqui ultrà duodecimam partem bonorum. Quòd si nulli supersint ascendentes, nec adsint filii legitimi & pater moriatur nullo condito testamento, filius naturalis succedit in sexta parte bonorum *ex authentica cit.* ac si mater in simili casu è vita decedat, filius naturalis succedit ex asse: si verò mater habuerit filios legitimos, adhuc succedit ex æquo cum illis, *ex leg. si qua illustris*: sed neque hæc ubiq; servantur.

Petes secundò: an parentes possint plus uni filio legitimo relinquere quàm aliis?

35. Resp. affirmativè, si per hoc alii non priventur portione legitimâ. Ita Megala, Sa, Bonac. & alii apud Dian. p. 1. tract. 8. resol. 83. Ratio est, quia potest quis de suis propriis bonis uni plus relinquere quàm alteri absolute loquendo: debet tamen semper adesse justa causa, ut videl. ob merita aut obsequia majora; si alii habeant bona propria, vel sint provecti in arte aut studiis, vel commodius aliundè possint bona procurare: aliàs peccabunt venialiter si id fecerint ex amore inordinato; imò & mortaliter si ex odio. Excipe ab hac resolutione, nisi in certis locis id sit inhibitum, uti est Bruxellis, ubi non licet chariores filios creare, ut vocant.

Petes tertio, an quis possit per testamentum instituere hæredem extraneum relinquendo fratrem vel consobrinum?

36. Resp.

36. Resp. quòd sic cum Sylvest. Homob. Bonac. Sa & aliis apud eundem Dian. *ibid. resol. 85.* ubi post ipsos absolutè dicit, posse testatorem, quemlibet extraneum instituere nullà factà mentione consanguineorum collateralium, dummodò desit scandalum, & obligatio qua teneatur aliorum necessitati succurrere. Prob. quia nullum jus naturale nec positivum Divinum vel humanum ad oppositum obligat; nisi fortè particulare alicujus Provinciæ: prout in Flandria statuitur, ne taliter disponatur, nisi de tertia parte bonorum. Sed quid si maritus v. g. uxorem in mortis articulo constitutam, importunis, & molestis precibus diu fatigando obtineat, ut per testamentum ab ipsa hæres instituat, pateritis fratribus? Illum non posse bonà conscientia adire hæreditatem, docent Sanchez, Lessius, Palao & alii apud Burghaber *Centur. 3. casu 52.* Verùm ipse cum Medina, Pontio & aliis non omninò immeritò contrarium sustinet: quia metus inde ortus, utpotè levis, est in potestate uxoris, eumque abjicere potest; adeòque liberè agit, dum eum abjicere non vult.

37. Nota, hæredem, post acceptatam hæreditatem, teneri omnibus obligationibus & debitis defuncti satisfacere, si hæreditas sit insufficiens, saltè post novem menses ab adita, & non repudiata hæreditate; nisi intra tres menses à die scientiæ, usus sit beneficio inventarii; quo casu non tenetur ultra hæreditatis vires, potèstque (deductis expensis funeris, ac ære alieno soluto) testantis quar-

tam partem (quæ *falcidia* dicitur, eo quòd beneficio legis *falcidia* sit introducta) obtinere, eamque, si opus fuerit, ex legatis detrahere. Inventarium autem coràm notario fieri debet, citatis creditoribus & legatariis Ita Franc. Bonæ Spei *de Jure & Just. disp. 7. num. 81.* ubi dicit, ista probari praxi in Belgio receptà, juxta quam cognatus remotior, qui hæreditatem simpliciter adire paratus est, propinquiore præfertur, qui illam solo *inventarii* beneficio adire vult. Deinde, si hæreditas dividatur, & unus sit mobilium, alter immobilium hæres, defuncti in immobilium hæredem transeunt plurimis locis. Ita ille *loc. cit.*

Petes quartò, an testamentum semper à testatore adhuc vivente sit revocabile?

38. Resp. affirmativè, quia juxta Apostolum *ad Hebræ. 9.* testamentum ex natura sua solum confirmatur morte testatoris: si tamen quis jurasset se non revocaturum, peccaret mortaliter revocando; cum enim absque peccato possit servare suum juramentum, omninò ad id obligatur, ut omnes Theologi fatentur, paucis exceptis, quos citat Burghaber *Cent. 2. casu 51.* idque habetur *Capit. quamvis pactum de pactis in 6.* Si verò quis fraude aut metu ad prædictum juramentum esset inductus, vel legitima causa adesset testamentum mutandi, posset petere dispensationem super juramento, ac eà obtentà testamentum revocare: & si absque dispensatione illud revocaret, quamvis mortaliter peccaret, ut dictum est, revocatio tamen foret valida, ut

docent Julius Clarus, Bonac. & Malder. quos citat & sequitur Wiggers: item N. Franciscus ubi *suprà*, num. 84. & seq.

39. Porro testamentum revocari potest variis modis: primò frangendo scripturam, vel sigillum de industria. Secundò si aliud testamentum validum condatur, & in priori non specificetur, nullam ejus revocationem valituram; aliàs enim non revocaretur, nisi in secundo adderetur clausula, quâ sufficienter innuatur, se velle efficaciter prius testamentum irritare; ut si in secundo apponat, se velle revocare prius, vel hoc secundum observari non obstante quâcumque clausulâ in priori adhibitâ; tunc enim prius, quaecumque fuerit, adhuc revocabitur, quia nullus potest suam voluntatem tam firmam facere, quin eam possit revocare, prout habetur *leg. si quis in principio, ff. de legat. 3.*

40. Adde ex P. Francisco num. 91. *Iure civili esse statutum, ut testamentum legitime conditum, non solâ voluntate, etiam voce, coram pluribus testibus expressâ, infirmetur; sed aliâ novâ & legitimâ heredis institutione duntaxat, ut colligitur ex l. hac consultissima §. Si quis autem. Deinde quando in priori testamento pia causa heres instituta est, ad revocatio-*

*nem requiritur solemnne testamentum. Adendum tamen, quòd si dixerit, se nolle valere legata coram testibus, ampliùs legata non valere, contra Institutum de adempt. legatorum. Ita Franciscus.*

Petes denique, an hæres, sive ab intestato, sive ex testamento, teneatur statim à morte testatoris solvere legata, si quæ sint?

41. Resp. eum ad hoc obligari quamprimum potuerit. Ita Villalob. & Valer. quos citat & sequitur Dian. *part. 3. tract. 5. resol. 59.* qui tamen addit, aliquem respondere posse, ipsum ad hoc habere annum integrum *ex authentica, hoc ampliùs, Cod. de fideicom.* Verùm id minimè puto locum habere in foro conscientiæ: judico igitur cum Urbano N. graviter peccare hæredes, qui voluntariè nimis diu differunt executionem testamentorum, legatorum, &c. quia non solum inferunt injuriam iis, quibus debentur legata, sed & ipsi defuncto, quem privant auxiliis spiritualibus, quæ ipsi obvenirent per preces, suffragia, Missas, & alia, quibus legatarii solent obligari: quare Confessarii rigidè moneant similes, nec absolvant (inquit Urbanus) nisi seriò promittant, se quamprimum iis satisfacturos. Hæc de ultimis voluntatibus.

## Appendix de sepultura sacra.

42. **N**omine sepulturæ sacræ intelliguntur facta in Ecclesia, vel cœmeterio. Ubi adverte, Ecclesiam Mendicantium ex Privilegio Papæ ef-

se sepulturæ locum: quod & ipsa praxis docet. Imò Tambur. apud N. Franciscum *loc. infra citand.* refert varias S. Congregationis Card. declarationes

Yy nes



nes post Concil. Trid. superiis, quod habet *sess. 25. de Reform. c. 13.* factas, quæ censuerunt monasteria, quibus quadraginta annis ante Trid. concessum est, non solvere quartam partem funeralium, eodem privilegio post Trid. frui. Quidquid pacta inita inter Religiosos & Pastores, vel Capitula de non sepeliendis sæcularibus; vel non nisi sub certa portione funerali Ecclesiæ Parochiali pendenda, subsistant.

43. Prohibitum est *cap. 1. de sepult. in 6.* Clericis & Religiosis, ne aliquem inducant ad jurandum aut vovendum, se electurum sepulturam in eorum Ecclesia, aut electam non mutaturum: Primò sub pœnis excommunicationis ipso jure incurrendæ, & Papæ reservatæ per *Clement. cupientes de pœnis*, in fine. Secundò sub pœna irritæ electionis, & translationis corporis defuncti ad Ecclesiam, in qua aliàs sepeliendum erat. Tertiò sub pœna restitutionis corporis, & omnium, quæ ratione sepulturæ accepta sunt, juxta *cap. cum liberum de sepult. in 4.* Si verò restitutionem dictam intra decem dies facere recusent, eorum Ecclesiæ & cœmeteria tamdiu ecclesiastico interdicto subjacent, donec adimpleatur. Semper tamen licitum est simpliciter hortari, suadere, & consilium, ut quis in propria Ecclesia sepulturam eligat.

44. Omnes utriusque sexus puberes, rationis compotes, sibi sepulturam eligere possunt, *cap. 1. de sepult. & cap. licet, eod. tit. in 6.* Imò & juxta eadem jura, filius familias, si pubes sit, sine patris consensu. Impuberibus autem

à patre, aut etiam, patris defectu, à matre sepulturæ deliguntur, si consuetudo permittat; alioqui cum majoribus sepeliri debent, aut in Ecclesia parochiali: sicut & alii decedentes, non delecta sepultura, sepeliendi sunt in majorum suorum sepulchro, si habeant, juxta *c. 1. de sepult. in 6.* Uxor verò apud maritum sepeliri debet: ac si duos habuerit, apud secundum: quòd si ante maritum moriatur, & hic sepulchrum paratum non habeat, in sepulchro majorum omninò sepelienda videtur. Si autem uxor sepulchrum sibi præelegerit, & postmodum maritus sine sepulchri electione moriatur, in illo sepeliendus est, si in uxoris electionem probeatur consensisse; quia de marito scriptum est: *Relinquet patrem, & adhærebit uxori suæ*; quòd si non consenserit, in sepulchro majorum sepeliendus est.

45. Omnes fideles baptizati sepultura sacra gaudent, nisi ob rationes per ecclesiasticam legem aut consuetudinem prohibeantur: prohibentur autem excommunicati, & interdicti, impenitentes, hæretici, infantes decedentes ante baptismum extra ventrem matris (qui tamen moriuntur tincti lavacro dubio, vel aliquo probabili, sepeliendi sunt in loco sacro:) Pagani & Judæi, qui seipfos occidunt, qui integro anno confessionem, & in Paschate communionem notoriè intermiserunt culpabiliter, usurarii manifesti, Religiosi manifestè proprietarii, qui hastiludium, & in duello occiduntur; secus, si uno aut altero die post duellum moriantur. An verò in plenâ & culpabili ebrietate mortui, sint sacra sepul-

sepultura privandi: observanda est cunctisque Diœcesis consuetudo, quæ alicubi negat, alicubi concedit. Ego cum P. Gobar in *Alphab. commun. casu 13. num. 199.* ob graves agnatorum offensiones censeo, in dubio de consuetudine esse sequenda mitiora, quia non invenitur jus expressum. Ob eandem causam, & ad conservandam famam defuncti vult idem Gobar in *praxi Clement. judic. decade 6. num. 324.* posse etiam sacram sepulturam permitti reposito mortuo vel in laqueo, vel in puteo, nisi obstat consuetudo loci, vel positivè constet, illum sibi non ex mentis

alienatione attulisse mortem, pro se citans Barbosam & alios: quinimo id etiam extendit ad hæreticum capitaneum, &c. si aliter non possit redimi gravis vexatio: quia juxta Lugonem ab ipso citatum, Canones de hæreticis loquentes, in hac materia intelligendi sunt (inquit) de solis vitandis. Quod observandum est pro Conventu & Ecclesia nostra Boxmerana: quia si ibi recusaremus sepulturam hæreticis, etiam hi recusarent sepulturam Catholicis in Ecclesiis vicinis sibi subiectis.

## DVBIVM QVARTVM.

### *De ludis & sponsonibus.*

46. **D**ico primò, ludus est contractus, quo plures inter se paciscuntur, quòd aliquid victori cedit. Est licitus jure naturæ, non minùs, quàm suum alteri dare gratis: debent interim adesse certæ circumstantiæ; prima, ut ludentes possint liberè disponere de re, pro qua ludent: hinc, juxta Layman. Busenb. & alios communiter, qui lucratur magnam summam à Religioso aut filiofamilias, tenetur eam restituere. Secunda, ut unus alterum vi vel fraude ad ludendum non inducat: quare, juxta Cajetanum, Covarruv. & alios itidem communiter, tenetur ad restitutionem, qui minis, convitiis, vel fingendo se imperitum, alterum longè imperitiorum se ad ludum pertraxit, à quo & lucratus

est, quia censetur ei injuriam intulisse: quidquid Molina & Bonac. apud Busenb. l. 3. tract. 5. c. 3. dub. 12. num. 6. adhuc eum excusent, qui minis vel convitiis alterum induxit, quia tunc hic adhuc voluntariè ludit. Tertia, insuper circumstantia requisita est, ut non misceantur fraudes in ludo: unde si quis notet chartas, si collocet speculum à dorso alterius, si utatur falsis aleis, &c. ad restitutionem obligatur, non solum eorum, quæ lucratus est per tales fraudes, sed & aliorum, quæ alter certò erat lucraturus, si fraudes defuissent; his namque omnibus privavit alterum per injustam actionem. Si verò eventus ludi in absentia fraudum mansisset dubius, solum debet restituere quod est lucratus. Quòd



si autem adhibita fraudes soleant ex consuetudine communiter adhiberi à sic ludentibus, ad nihil tenebitur, qui lucratus est, quia ludentes censentur implicite consentire in similes fraudes sufficienter sibi notas, quales sunt v. g. aspicere chartas ab altero non bene custoditas: non monere socium dum errat: inducere alium ad augendum pretium, dum est certò perditurus: fingere metum, &c. Ita DD. satis communiter, quorum aliqui has fraudes sub nomine astutiarum comprehendunt. His igitur conditionibus positis, ludus à peccato excusatur, saltem mortali. Quòd enim aliqui, inter quos sunt Vega, & Sylvest. doceant, esse mortale contra decimum præceptum, si notabile lucrum intendatur, nullatenus probabile iudico, quia ludentes alienum non concupiscunt, nisi sub iusto titulo & conditione; prout iustè quis alienum concupiscit pro tali iusto pretio. Non nego tamen cum à pluribus damnari culpæ venialis, qui præcisè vel magis principaliter ludit ex intentione lucrandi; vel quia per hoc invertitur finis ludi, qui est recreatio, & animi relaxatio, vel quia est aliqualis avaritia. Vide Franciscum B. Spei *de Iure & Iust. disp. 15. num. 5.*

Petes primò, an quando unus est ita peritior altero, ut moraliter certò sit lucraturus, possit lucrum retinere?

47. Negativè respondent Lessius, Molina, Bonac. & alii communius, quia talis censetur alterum implicite defraudare; & videtur contractus

ludi ex natura sua exigere, ut perdendi periculum sit aliquovis æquale in ludentibus. His tamen non obstantibus, adhuc oppositum defendunt Navarr. Decius, Covarruv. & alii pauci apud Wiggers; quorum ratio est, quòd nullus teneatur ex iustitia suam peritiam declarare, sed imperitior debet suæ temeritati adscribere, quòd se periculo perdendi exposuerit, non examinando alterius peritiam. Verum, quamvis non audeam has sententias improbabilis nominare, quarum primam omnino certam vocat Sanchez; malo ego media via incedere, dicendo cum Wiggers: si peritior provocans vel provocatus alterius ignoret imperitiam, poterit sibi lucrum servare, quia ludendo verè se fortunæ & periculo exposuit: si verò quis ante inchoationem ludi cognoscat tantum excessum suæ peritiæ, ut moraliter certò se lucraturum videat, non poterit lucrum retinere, nisi fortè & ipse imperitior noverit dictum excessum, quia tunc volenti ac scienti non fit injuria. Sic ergo moderandæ sunt duæ illæ sententiæ.

Petes secundò, an lucrum, ludo prohibito acquisitum, restitui debeat?

48. Respondeo quòd non, si lucrans intenderit solvere, casu quo amisisset: secus dic, si intenderit vel non solvere, vel solum repetere: tunc enim alterum decipiendo reddidit contractum iniquum, cum onus sit omnino inæquale in utroque. Si verò quis lucratus esset ludo licito, cum tamen statuisset non solvere, licet perdidisset, posset adhuc lucrum retinere, eò

cò quòd alter eum ad solutionem potuisset cogere. Cæterùm, quamvis quis luserit ludo prohibito voluntate solvendi, poterit ludo absoluto voluntatem mutare, & non solvere, vel solum repetere per jus; quia uterque hoc jus retinet æqualiter à jure communi: excipe tamen, nisi antea juraverint, se soluturos, nec solum revocatu- ros: quidquid enim adhuc Rebellius apud P. Franciscum *suprà* n. 12. velit, dictum juramentum esse nullum, cum sit contra legem in bonum Reip. latam, securius juramenti absolutionem petendam Franciscus docet.

49. Pro quibus adverte, legibus civilibus interdictos fuisse quosdam ludos, qui magis fortunam quam arte regerantur, ut sunt ludi alearum, taxillorum, & juxta quosdam etiam chartarum pictarum; ast istæ leges sunt per contrarias consuetudines abrogatæ, adeoque non amplius obligant, saltem sub mortali, quamvis ludatur pro magna summa. Ita DD. satis communiter. Adhuc tamen vigere leges canonicas vetantes Clericis prædictos ludos, iidem DD. tradunt, ita ut velint eos mortaliter delinquere, si dictis ludis vacent, id est, sæpius & diu illis indulgeant: secus si cessante scandalo & reliquis incommodis raro, idque causâ honestæ recreationis ludant, quos etiam à veniali plures excusant cum Lessio. Imò plures apud citatum Franc. n. 13. volunt, & has leges esse usu contrario abrogatas, vel saltem non irritare contractus. Vide Lezan. verbo *ludus quoad regulares*, n. 3. §. 5. & seq. Per Clericos autem hîc intelligit eos, qui sunt in sacris, vel beneficiati, gestantes

habitum clericalem; pro aliis enim dictas leges vel non fuisse unquam receptas, vel consuetudine esse abrogatas, docent Less. Cajet. & alii. Si tamen in locis particularibus per leges particulares dicti ludî adhuc modò inhibeantur etiam laicis, ab iis est abstinendum: sicuti id ubique omnibus est suadendum: imò propter peccata iræ, rixarum, perjuratorum, blasphemiarum, &c. communiter & ordinariò à ludentibus committi solita, docet Diana p. 2. tr. 1. ref. 65. esse mortale, suam domum exponere ad ludendum; mortaliterque peccare Principem vel Magistratum id permittentem: pro quo innumeros pro se citat contra Vincentium Justinianum, cujus sententiam dicit falsam.

Petes tertio, an qui nihil potest amittere, possit lucrum retinere?

50. Resp. negativè, si nimirum nihil habeat quod amittat, sed tantum simulat se habere, vel si id, quod habet, sit alterius, vel saltem alienare non possit. Ita DD. communiter. Ratio est, quia non servatur æqualitas, talisque alterum aperte decipit: hinc filiusfamilias, qui rem, pro qua ludit, non potest alienare, nec potest lucrum retinere; & si tantum modicum possit amittere, non poterit retinere summam magnam, quam lucratur, prout docent Sorus, Aragon, & alii apud Dian. p. 1. tr. 3. ref. 67. quia nec tunc æqua fuit ludentium opinio. Contrarium tamen quoad hoc ultimum post Lopez, Sanchez, & alios dicit Diana esse probabile, volens sufficientem æqualitatem in ludo servari, quando uterque colusor potest alienare id, pro quo hîc &

nunc ludit : quare puto omnino tutè dictum filiumfamilias retinere summam valde magnam, maxime si alteri notum erat, eum esse filiumfamilias: & Bannez 2, 2. q. 32. art. 7. concl. 3. absolute sustinet, filiumfamilias, vel pupillum habentem tantum viginti aureos, posse lucrari & retinere centum, imo mille ducatos.

Petes quartò, an perdens possit lucrante cogere, ut in ludo persistat?

51. Resp. negativè cum Maldero, Fernando, & aliis: quia per coactionem illam infert alteri injuriam, auferendo ei libertatem, ad quam habet strictum jus: quare obligatur ad restitutionem omnium, quæ post dictam coactionem lucratur, saltem probabilis, quidquid contradicant Adrianus, Garzia, & Molina, quorum sententiam ut probabilem admittit Dian. p. 2. tra& 3. ref. 27. post Lessium: quia talis contractus ludi fuit validus & iustus, cum, si ille, qui coactè lusit, vicisset, non teneretur ad restitutionem, ac licètis, qui sic alterum coëgit, sit dignus per sententiam Judicis privari lucro, non tamen est ipso facto privatus: nec coactio dicta est propria causa damni, quia coactus tam poterat adhuc postea lucrari quam ante. Ita Diana. Verum quidquid sit de probabilitate hujus aut veritate nostræ sententiæ: medium inter utramque tenent Tolet. l. 5. c. 27. n. 7. & Megala 2. 2. l. 2. c. 19. q. 3. n. 16. volentes, prædictum obligari ad restitutionem ejus, quod lucratur ultra id, quod antea amiserat, non verò illius, quod simpliciter recuperat. Hæc de ludo, de sponsione autem

52. Dico secundò, sponsio seu cer-

tatio est contractus, quo plures de veritate vel rei eventu certant ad dandum aliquid veritatis assertori. Est licita non minus quam ludus, si superpositæ conditiones adsint. Reliqua dicta de ludo applica sponcioni. Solum

Adde ex P. Francisco B. Spei de lute & iust. disp. 15. num. 38. eum, qui certus est de rei veritate, non posse certando lucrari, nam natura istius certaminis videtur importare quamdam dubietatem: si tamen quis certasset, putans se esse certum, & postea deprehenderet se fuisse incertum, quamvis peccet mortaliter sic certando, dum materia est gravis, posset tamen retinere lucrum; quia tunc verè res secundum se fuit dubia. Item si postquam asseruisti te esse certum, alter pertinaciter adhuc te vexet ut certes, poteris certare & lucrum facere, ut post Medinam, Lopez, Sanchez & alios docet Diana p. 4. tr. 4. ref. 186. Ratio est, quia tunc nulla committitur fraus, sed torum alterius temeritati debet imputari, cui scienti & volenti non fit injuria. Verum etiam probabiliter contrarium hujus ultimi docet citatus Franc. n. 39. ob absentem æqualitatem, quæ sponcionem debet justificare, & quia ibi potius intercedit negata fides, quam temeritas, ac sic deficit consensus in sponcionem: nec potest dictus certans dici sciens, cum scientia negata fidei subesse non censeatur, dum negationis subesse fundamentum hic & nunc invincibiliter creditur. Ita ille.

Solet hic quæri, an licitum sit spondere vel ludere pro precibus, aut aliis bonis spiritualibus: ad quod

53. Resp.

53. Resp. quòd sic, si ludus sit honestus. Ita Lezana verbo *ludus quoad Regulares*, num. 13. contra Lopez, Veggam, & Peyrinum. Ratio est, quia in eo nulla committitur irreverentia erga res sacras, cum potius sit signum devotionis & pietatis erga illas; si verò committatur irreverentia quædam, eò quòd preces dicantur sine devotione aut reverentia, malitiâ orantium fit. Insuper addit idem Lezana, posse aliquem ludere ludo aliàs licito hoc pacto, ut si vincat, teneatur alter dicere Rosarium vel Missam pro ipso, si verò vincatur, teneatur ipse alteri da-

redecem asses, vel gallinam v. g. Neque enim in hoc est ulla irreverentia propter dicta, nec spes simoniæ, cum non interveniat ratio pretii, prout ad simoniam requiritur. Ita etiam Rodriguez & Portel; quidquid contrarium cum aliis sustineat Lugo propter periculum simoniæ: alit sine fundamento, ut probat N. Franciscus B. *Spei hien.* 33. nam sicut licitum est, pro labore, quem habeo in Sacro dicendo, vel aliunde, inire contractum de recipiendo decem asses, ita & possum pro eodem ludere, dum alter apponit decem asses.

## DUBIUM QUINTUM.

### *De emptione, venditione, & negotiatione.*

54. **E**Mptio communiter definitur solutio pactio pretii pro merce; sive ut alii, contractus, in quo solvitur pretium pro merce. Venditio e contra est pactio mercis pro pretio. Emptionis ac venditionis justitia in eo sita est, ut pretium sit justum, sive adæquet valorem mercis; & ut is, qui vendit, possit rem venditam alienare, & qui emit, possit similiter alienare pretium, quod dat; ac insuper, ut non vendatur res vitiosa ei, qui vult absolute sanam & integram. Adverte autem, mercem hinc vocari quamcumque rem vendibilem, sive mobilem sive immobilem, item actiones & jura, quæ pecuniis æstimari solent: pretium verò esse pe-

cuniam, quæ adinventæ est, ut sit rerum omnium mensura.

55. Emptio & venditio in ratione contractus fiunt per nudam conventionem partium super merce & pretio: per eas tamen non transfertur dominium, nec acquiritur jus in re ante traditionem, ut supra insinuatum est: quia autem multa occurrunt dicenda circa hanc materiam, præsens dubium in diversos  
§§. secabimus.

\*\*\*

## §. I.

## De pretiis rerum.

56. **P**retium justum dicitur, quod merci commensuratur: aliud est legitimum, quod taxatur publica autoritate, & hoc consistit in indivisibili: aliud vulgare, quod communi hominum æstimatione introducitur, quod & habet suam latitudinem: aliud enim est infimum sive pium, ut v. g. novemdecim: aliud medium seu moderatum, ut v. g. viginti: aliud summum sive rigorosum, ut v. g. viginti unum, quæ omnia sunt pretia justa, ita ut cuilibet licitum sit intra eorum latitudinem vendere & emere. Ratio, cur primum pretium consistat in indivisibili, & non secundum, est, quia legitimum taxatur ab uno, vel saltem à multis in unum convenientibus; vulgare verò introducitur judicio plurimorum non ita convenientium; ex quo fit, ut quod aliqui æstiment, centum, alii æstiment nonaginta quinque, alii centum & quinque, & sic proportionaliter de cæteris, ut excessus non sit nisi quinque, aut ad summum sex in centum pretii medii seu moderati, alioqui esset in extremis exorbitantia: ad quod paucos attendere notat Franc. B. Spei *de Iure & Iustit.* disp. 10. n. 5.

57. Dum pretium legitimum excedit pretium vulgare, non licet exigere legitimum, quia taxatio pretii communiter fit in gratiam emptorum: si tamen in casu speciali similis taxatio

facta esset in gratiam venditoris, uti fieri solet in venditione censuum perpetuorum aut vitalitiorum, & aliorum jurium, quæ non solent vendi, nisi à pressis inopiâ & necessitate, tunc licitum erit exigere pretium legitimum majus vulgari; imo peccaret, qui similia tunc emeret infra taxatum pretium. Quando verò vulgare est majus legitimo, huic standum est, cum hoc à Superiore taxetur, ne à vendentibus committatur excessus: excipe tamen nisi taxatio cedat in notabile gravamen venditorum; ut si v. g. taxatio facta abundantie tempore continuaretur tempore sterilitatis. Unde variis temporibus, juxta N. Franciscum, possunt pistorum excusari, qui panes taxâ minores efficiunt, aut supra taxam vendunt: attende tamen, non ad casum pistorem hunc in particulari tangentem, sed & alios communiter.

58. Cæterum, pretium vulgare justè potest augeri vel minui ob varias loci aut temporis circumstantias juxta copiam & inopiam rerum venalium, vendentium, vel ementium: item juxta modum venditionis; vilius enim solet res vendi sub hasta, quam aliter; de quibus omnibus pauca in sequentibus.

Petes, an res carentes pretio, possint vendi quocumque pretio?

59. Resp. rationabilius cum Francisco

cisco N. num. 6. ejusmodi res (quales sunt gemmæ raræ, picturæ antiquæ, egregii canes, & similia) debere vendi juxta æstimationem eorum, qui illarum notitiam habent, quique res similes solent tractare, inspectis omnibus, quæ conducunt ad earum valorem. Ita etiam Cajet. Rebell. Malder. & alii. Ratio est, quia omnibus pensatis, videlicet raritate, antiquitate, artificio, pulchritudine, &c. adhuc habent valorem finitum, cujus limitatio non videtur posse melius committi, quam æstimationi prudentum, qui solent similes res tractare. Per hoc tamen senten-

tiam contrariam Soti, Ledesmae, Valentia, Toleti & aliorum non judico improbabilem: quia cum tales res non habeant absolutè determinatum pretium ex Superioris autoritate, aut ex communi æstimatione hominum, non irrationabiliter dicitur, determinationem relinqui voluntati ementium & vendentium: atque hinc sollet pretium dictarum rerum vocari *arbitrarium*, opponique posset pretio legitimo & vulgari, velut tertium membrum divisionis pretii in genere.

## §. II.

### De causis immutantibus pretium.

60. **S**uppono, emptionem ac venditionem esse validam, neque in jure civili concedi actionem ad eam rescindendam, licet quis sit deceptus in pretio rei, quam emit aut vendidit, nisi eam emerit supra dimidium justii pretii, vel infra dimidium vendiderit: ita enim habetur *leg. 2. Cod. de rescind. vend. & leg. 3. ibid.* Unde si res sit præcisè vendita pretio dimidio infra justum, vel empta præcisè pretio dimidio supra justum, contractus manet validus: patitur autem jus, tam civile, quam canonicum, talem deceptelam, ad evadendas plurimas difficultates ac lites. Ita DD. communiter. Subaudi tamen cum Panorm. Covarruv. & aliis, ex diversis aliis legibus citatis à Wiggers, nisi dicta deceptio facta esset per dolum acti-  
vum propriè di-

ctum, in quo mendacium vel falsitas misceatur; tunc namque datur actio in foro externo quamvis excessus pretii non sit infra vel ultra dimidium. An verò omnis excessus, extra latitudinem justii pretii, sit in conscientia restituendus? Negant Gerson, & Durandus apud N. Franciscum *de Jure & Just. tit. disp. 10. num. 12.* quia *scienti & volenti non fit injuria*. Sed meritò idem Franciscus cum cæteris affirmat: quia conscientia dicat servandam æqualitatem inter rem & pretium: axioma verò allatum intelligi debet: *Scienti & volenti donare excessum non fit injuria*; non autem, *scienti & volenti emere ultra, &c. non fit injuria*: aliàs enim idem extendi posset ad mutuum usurarium, quod consequenter volente & consentiente mutuatario redderetur licitum. In-

Z z      •      terea

terea dictus P. Franciscus *loc. cit. num.* 20. insinuat, emptorem, qui nulla necessitate compulsus, pretio supra summum emit (& idem est de venditore pretio infra infimum vendente) censeri scientet & volenter excessum donare: quia sicut censetur is moraliter rem suam derelinquere, qui, ut servet, non adhibet diligentiam; ita donare censetur in casu posito is, qui non quaerit vilius emere, ubi facillimè potest.

61. Dico primò, potest res vendi pluris quam secundum se valeat, ob damnum emergens, vel lucrum cessans. Prob. quia hoc utrumque est pretio aestimabile; ergo uno ex iis juncto rei, auget ejus pretium. Ita omnes cum D. Thoma; quod & docent Navarr. Bonac. & alii in casu, quo venditor multum est affectus rei, quam vendit in gratiam emptoris, quia & hoc est pretio aestimabile: dum verò e contra emptor valde afficitur rei venali, vel hæc est ipsi valde utilis aut necessaria, non ideo poterit res pluris vendi; nam sic venderetur quod alienum est: si tamen ipse emptor spontè velit quid supererogare, poterit id venditor retinere: imò id spectare ad honestatem, dum quis ex aliena re plurimum juvatur, tradit D. Thomas. Ex his colligitur, quam perversè agant, qui fingunt se nolle vendere domum vicinam non tantum utilem, sed necessariam monasterio, ut enormem excessum pretii extorqueant. Atque similes à Magistratu cogi posse, ut illam Religiosis vendant justo pretio, docet expressè Burghaber *Centur. 1. casu 95.* idque tum ratione favoris Religionis, tum causâ

boni communis; & cum dixisset, sic sentire Rebellum, & teste Layman ceteros DD. communiter, *legem invitum, Cod. de contrab. emptione*, ait intelligendum esse, dum deest legitima causa, quod hic non fit: rectè enim casum intelligit de Religiosis bene de civitate meritis. Interea potest res pluris vendi ob multitudinem emptorum, vel mercium raritatem: sicut & minoris emi ob multitudinem mercium, & emptorum paucitatem, ob inopiam pecuniæ, & ob vendendi modum. Ubi

62. Adverte, sub hasta licitè juxta Dian. p. 4. *tratt. 4. resol. 12.* post Salonium, Lopez, Cordubam, Filliuc. & alios, rem emi posse pretio dimidio: additque alios absolute docere pretium justum in subhastatione & adauktione esse, quod ultimum offertur. Ita Wigg. citans Cajet. Malder. & alios plures: probat, quia potestas publica censetur illud pro justo pretio illius fori extraordinarii, & quasi fortuiti aestimare, quod in publico concursu emptorum, tamquam quodam examine, probatum fuerit: attamen abesse debent fraus & dolus: quapropter non videtur venditor posse inducere emptores fictos, ut si augeatur pretium, neque emptor per vim aut dolum avocare vel impedire alios ab emendo: & si per hæc media res multò plus vendatur quam valeat, vel multò minus ematur, reliquum pretii, vel à venditore reddi, vel ab emptore augeri debet. Vide Franc. B. *Spei disp. 10. n. 8.* qui & n. 9. notat, carius vendi posse minutim, quam in magna quantitate: quia labores majores, periculum in longiori conservatione, &c. quæ in isto vendendi

dendi modo occurrunt, in hoc cessant.

63. Ob modum vendendi, inquit idem Diana, potest res minoris emi ab illo, qui necessitate compellitur ad vendendum: nam necessitas facit, ut venditor offerat merces ultroneas, quæ vilescunt, non solum pro tertia parte, sed etiam pro medietate: deinde in tali casu censentur adesse pauci emptores, quod & minuit pretium, ergo &c. Verum ut minus judicarem, cum peccare graviter contra charitatem, qui præcisè, ob notam vendentis necessitatem emit rem aliquam pretio dimidio; impium enim est ut minus, (si non injustum) necessitatem pauperis venditoris in tantam sui utilitatem vertere.

64. Dixi, qui præcisè ob notam, &c. quia si emptor dicta re non indigeret, nec facile eam posset vendere, licitè eandem sic emeret ob lucrum cessans vel alium justum titulum. Interim si sententia Dianæ, & aliorum, quos citat, generaliter sumpta, esset probabilis, inferri posset contra dicta suprà, & omnes DD. communiter, posse rem plus vendi ob necessitatem, utilitatem, &c. emptoris, idque ob modum emendi; si enim priùs dici possit, quia in eo casu censentur adesse pauci emptores, & necessitas vendentis facit merces esse ultroneas; in casu nostro econtra censentur adesse pauci venditores, & necessitas ementis facit merces esse exquisitas & appetitas, quod augeat earum pretium. Bone Deus, si hoc semel admittatur, vix pauperibus aliquid emere vel vendere volentibus! Quare igitur axioma receptum, *merces*

*ultroneæ vilescunt*, intelligendum puta de mercibus ultroneis ob multitudinem earum, vel quia offeruntur tempore vel loco, ubi & quando minus vendi solent, vel illis, quibus minus utiles sunt; non verò de mercibus, quæ offeruntur præcisè ob necessitatem vendentium: nisi velis etiam tunc vilescere, ita ut emi possint parum minus quam aliter emerentur, in quod videtur vendens tunc sponte consentire, eò quòd alter ipsi faciat gratiam emendo; prout solet accidere in fine nundinarum, quando communiter venditores spontè offerunt suas merces pro pretio minori, quam secundùm se æstimentur.

65. Dices, ex dictis damnandos esse injustitiæ vel saltem peccati gravis contra charitatem ferè omnes, qui emunt & vendunt antiquas vestes, suppellectilem, vel militum spolia. Resp. eos & similes communiter excusari ob lucrum cessans, eò quòd diu valde dictas vestes & similia conservare debeant, etiam cum periculo corruptionis: quoad milites verò, censentur hi spontè consentire in diminutionem pretii suorum spoliolorum, quod vel ex eo videtur constare, quòd penam aut laborem nolint subire, ut aliis præsentent venalia, fortè quia facile & sine pretio obtinuerunt, ideo etiam parvo pretio contenti sunt: vel potiùs dic, si militum spolia sint res usui communi necessaria, non posse ea emi dimidio pretio, nisi fortè in magna copia ad eundem locum venalia adferantur, vel sub hasta vendantur: posset tamen quis non sine omni fundamento dicere, adhuc minui valorem dicto-



am spoliatorum, eò quòd multi non appetant ea emere propter suspitionem apparentis iniustitiæ commissa in eorum comparatione, adeoque propter paucitatem emptorum imminui eorum pretium.

66. Dico secundò, merces possunt vendi carius ob dilatam solutionem, si adsit periculum sortis, lucri cessantis, vel damni emergentis: quæ explicabuntur in materia mutui & usuræ. Possè etiam id fieri præcisè ob dilatam solutionem, docet Sa: quod & probabile esse tradunt Lessius & Lugo, imò & Franciscus N. numero 10. ubi sic ait, dum credità pecunià venditur, homines communiter censent & consentiunt esse carius emendum, quàm paratà. Probanr, quia juxta communem hominum æstimationem tunc augetur pretium. Verùm, meo iudicio, communis ista æstimatio fundatur in eo, quòd communiter homines supponant, in simili venditione semper subesse aliquem in dictis titulis: nec immeritò, quia si mercator statim pecunias suas reciperet, eas vel in alias mercaturas exponeret, unde lucrum ei cessat; vel eas redderet iis, à quibus illas acceperat ad interessè, unde damnum emergit; vel justè timet de amittendo pretio, prout indies contingit, unde incurrit periculum sortis; vel saltem timet difficultates & expensas, quibus cogetur suum pretium obtinere: quare igitur existimo mercatori licitum esse semper plus exigere, quando vendit dilatà solutione ob dictos titulos. Conformeret ad hæc dic, res possè vilius

emi solutione anticipatà. Interea semper certum maneat ex sententia P. Francisci, ob dilatam solutionem præcisè nihil suprà, ob anticipatam præcisè nihil infra justì pretii latitudinem ex iustitia dari, vel recipi posse; quia si ob dilatam solutionem præcisè, sive ob carentiam pecuniæ aliquid ultra justum pretium peti posset, posset & in mutuo ob similem carentiam præcisè aliquid ultra sortem peti, saltem dum mutuans se obligat ad non repetendam sortem, nisi post certum tempus, quod nos infra numero 90. ostendemus omnino esse falsum, quodque nuperrimè damnatum est ab Alexandro VII. in hac propositione damnata: *Licetum est mutuanti aliquid ultra sortem exigere, si se obliget ad non repetendam sortem usque ad certum tempus.*

Petes hinc fortè, an circa merces creditò venditas, liber mercatoris faciat fidem? Respondeo, eum, si accuratè sit scriptus, fidem facere contra scribentem: non autem pro ipso scribente, saltem ex jure communi, aut consuetudine generali mercatorum: nam *art. 139. consuet. Bruxell.* decernitur, illi stari debere in iis, quæ mercator debet; non verò in iis, quæ ipsi debentur. Item Antverpiæ, juxta ea, quæ adfert Anselmo *ad Edict. perper. art. 10.* liber mercatorius non probat plenè, etiam accedente juramento, si pars adversa neget contractum. Quidquid Gail *lib. 2. observat. 21.* doceat, conclusum esse ex communi Doctorum doctrina, librum mercatorium in rebus mercatoriis probare semiplenè, sic ut juramentum accedens defectum suppleat,

pleat, si sequentia adfint: nimirum, si causa debiti sit expressa: si liber contineat data & accepta: si scriptus

sit propria manu mercatoris, & sit hic bonæ famæ, veritatemque scribere soleat.

# §. III.

## De emptione chirographi.

67. **D**ico certum esse, chirographum, sive quodcumque alteri debitum, posse minoris emi, si solutio sit futura ambigua vel difficilis, si per hoc ementi cesset lucrum, vel emerget damnum, juxta statim dicta, idque attenta quantitate periculi, difficultatis, &c. Nec refert, quod emens propriâ industriâ, aut per suos amicos, facile sit obtenturus solutionem, modo debitum in se sit verè ambiguum, aut solutio valde difficilis, quia adhuc tunc datur justum pretium juxta communem hominum æstimationem, neque enim pretium justum est, quanti res valet emptori, sed quanti valet in se, consideratis quæ sæpè dicta sunt: quod si tamen nihil istorum verè subsit, non licebit pretium imminuere sine usura palliata, prout docent D. Antonin. Sylvest. Medina, Less. Malder. & alii apud Wigg. *tract. 5. cap. 5. dub. 9.* Diana tamen *p. 1. tract. 8. resol. 49.* citans D. Thom. Malder. & Philiar. dicit, etiam contrarium esse probabile, quia pecunia præsens plus æstimatur, quam futura, sicut chirographa seu jura minus æstimantur, quam præsens pecunia: minus enim est habere actionem ad rem, quam habere rem ipsam, *leg. minus, ff. de reg. juris.* Accedit, quod ejusmodi contractus non sit mutuum, sed

emptio & venditio, nam jus ad rem potest emi, sicut emitur jus transeundi per aliquem agrum. Ita Dianâ secutus Cajetan. Navar. Sa, Bellarm. & alios. Verum ad rationes Dianæ dici potest, pecuniam præsentem magis æstimari, quam futuram, minus esse habere actionem ad rem tantum, quam rem ipsam, &c. quia vix potest contingere, quin semper subsit aliquid præter hanc absentiam pecuniæ, ut supradicta consideranti patebit: & quamvis forsitan posset imaginari aliquis casus rarus, in quo ea omnia absint, ad eum tamen aut similes non advertit communis hominum æstimatio, sed respicit, sicut & citata regula, ad id, quod communiter, & serè in omnibus accidit. Reverta, si cuiuspiam prorsus certò constare posset de recipiendis post annum mille florenis Petro debitis, idque sine ullo suo labore aut difficultate, non video, cur plus æstimare posset mille alios florenos, quos decrevit ad annum servare intactos, & de quibus certum est, quod toto illo tempore is non indigebit, quam jus ad prædictos post annum accipiendos. Interim ex dictis

68. Colligelibrantias militares, & debita similia, sæpè posse justè emi pretio dimidio, imò & quandoque adhuc

infra, prout periculum non obtinendæ solutionis, difficultatis, &c. fuerit majus.

Petes, an qui occultè cognoscit suum debitorem non esse solvendo, possit debitum vendere pretio currenti, seu quanti in se valebat?

69. Resp. negativè, quia tale debitum jam est moraliter intrinsecè malum ac vitiosum; sicut igitur non est licitum vendere ordinario pretio rem apparenter quidem bonam ac integram, sed intrinsecè mortuam aut putridam, sic nec dictum debitum.

70. Dices juxta DD. communiter apud Wigg. licitum mihi est hodie vendere merces meas pretio currenti, quamvis sciam earum pretium cras esse minuendum; ergo & licitum est mihi vendere dictum debitum.

71. Resp. neg. confeq. Ratio est, quia cum merces tuæ sint sanæ & integræ, ac hodie juxta communem æstimationem (à qua sumitur valor & pretium vulgare) vel secundum Superioris taxationem, adhuc tanti valeant, non est unde agas injustè; privata enim tua scientia non immutat æstimationem rei communem: cum verò, ut dictum est, debitum illud sit in se ma-

lum, non est paritas. Imò Turrianus, Corduba, & Covarruv. volunt etiam illos, qui sunt de Magistratu vel consilio Principis, posse hodie res suas vendere statuto pretio, licet sciant à se vel Principe cras taxationem minuendam, si liberè & absque fraude res suas exponant venditioni: quia & vendunt pretio currenti, & ipsi ratione officii non obligantur ad non vendendum, vel taxationem futuram promulgandam. Ita illi apud Dian. p. 1. tract. 8. res. sol. 42. quorum sententiam & ipse judicat probabilem, quamvis plures stent in contrarium, & N. Franciscus de Iure & Iust. disp. 10. n. 58. dicat, se id excusare non posse à fraude, & damno emergente ex rei quodammodo corruptione brevi futura. Interea supra dicti nullatenus possunt prædictam taxationem differre eo solum fine, ut ipsi prius omnes suas merces vendant: quia hoc esset abuti suo munere in damnum aliorum. Adde cum Wigg. videri contra charitatem peccare eum, qui in casu prædicto alicui ingentem copiam talium mercium venderet, ex quo alter grave valde damnum patretur cum detrimento status, aut familiæ.

## §. IV.

### De diversis difficultatibus huc spectantibus.

72. Petes primò, an emptioni vel venditioni licitè apponatur pactum redimendi vel retrovendendi? Resp. quòd sic, modò juxta oneris gravitatem, quam contrahentes sub-

eunt, augeatur vel minuatur pretium, tunc enim in eo nulla reperitur inæqualitas. Quantum autem pretium augeri aut minui debeat, prudens determinabit, juxta quod judicaverit pretium

pretium augendum vel minuendum fore tempore redemptionis aut reversionis. Vide Franc. B. Spei de Iure & Inst. disp. 10. n. 21. & seq.

Petes secundò, quid de vendente aliquam rem sub conditione recipiendi pretii, dum emens iniverit matrimonium?

73. Resp. talem ordinariè posse exigere pretium majus, quàm juxta communem æstimationem res in se valeat; adest enim communiter aliquis ex supra positis titulis, & maximè periculum amittendi pretii, cum conditio apposta pendeat à libera ementis voluntate, quâ non positâ pretio carebit: quare si absit scandalum, & pretium solum augeatur conformiter ad gravitatem dicti periculi, aut alterius justi tituli, non video, cur talis venditio damnetur: & miror hæc Dianæ verba, quæ habet loc. cit. ref. 38. circa finem, ubi ait: *Non reticeam tamen supradictas venditiones sapius esse illicitas, quia augmentum pretii non est periculo proportionatum*; an fortè Diana hîc non tenet, ob dilatam solutionem præcisè rem posse cariùs vendi? interea, juxta nostram & veram sententiam, verum est quod dicitur.

Petes tertio, an liceat rem vendere creditò pretio currenti tempore solutionis?

74. Respondent DD. communiter negativè, si vendens non erat eam tamdiu reservaturus; attamen puto eos supponere, moraliter esse certum vel multò probabilius, quòd dicta res sit cariùs valitura tempore solutionis; aliàs enim, si æquè ambiguum esset, an tunc sit plus, an verò minus valitura,

non video injustitiam similis contractus, cum inter contrahentes servetur perfectæ æqualitas: quare ad questionem positam Cajet. absolutè responderet affirmativè cum pluribus recentioribus è schola D. Thomæ, fortè quia ipsi supponunt contrarium.

Petes quarto, an vendens teneatur emptori aperire vitium rei venalis?

75. Resp. affirmativè; & si id non fecerit, tenebitur ad omne damnum, quod alter inde patitur, quia est injusta causa illius; si verò nullum inde timeatur damnum, poterit res, aliqualiter vitiosa, vendi, non indicando vitium, si minuatur pretium conformiter ad vitium: nisi forsàn emens expressè inquirat de vitio, & absolutè vellet rem non vitiosam emere. Adde, vitium manifestum indicari non debere, cum faciliè possit adverti: quamvis tamen in casu speciali id fieri deberet, si emens illud non adverteret: sicut in omni casu semper determinari debet pretium juxta æstimationem vitii: unde qui argento miscet stannum, aquam vino, &c. debent in tantum pretium diminuere, quidquid Dian. p. 1. tract. 8. resol. 51. dicat, id locum non habere probabiliter, dum quis vinum generosum miscet aqua, ex quo nullatenus efficitur deterius, quàm quod possint venditur ab aliis: idem extendens ad triticum, & Less. lib. 2. c. 21. dub. 11. num. 28. sic loquitur: *Cur quis rem suam non poterit ad eum statum reducere, in quo sunt res aliorum, & tunc eam vendere eodem pretio, quo illi?* Verùm puto ego, nullatenus aperiendum esse hoc ostium sæculatibus, qui faciliè judicarent, per similem mixtionem res suas

suas non reddi viliores, quàm sint illæ, quæ passim ab aliis venduntur. Adde ex Francisco N. *disp. 10. sæpè cit. n. 48.* in quibuscumque mercibus minuere mensuram ad justum pretium obtinendum, nisi manifestè constet de injustitia pretii taxati (quod non facile præsumendum,) esse multis fraudibus obnoxium, ac proinde non facile à Confessariis dissimulandum. Injustum item est, unam rem pro alia vendere, (nisi sit æquè utilis ad intentum usum) uti apud Pharmacopolas sæpè contingit, qui dum non habent medicinas, quæ petuntur, dant unum *quid pro quo.*

Petes quintò, an qui habet curam aliquid vendendi determinato pretio, possit retinere sibi, si quid ultra obtineat?

76. Resp. probabiliter affirmativè, si nec sit famulus, nec obtineat mercedem pro suo labore: quia ex propria industria, quæ est pecuniâ æstimabilis, illud plus accipit. Ita Angelus, & Bunsenb. Dixi, *si nec sit famulus*, &c. quia aliàs illum excessum simul cum taxato pretio debet tradere domino rei, nisi hic consenserit. Ita Wigg. & alii. Ratio est, quia illi pretium suæ industriæ aliunde accipiunt: nec refert, quòd dominus pretium taxarit, quia hoc fecit, ne infra illud descendatur, non verò, ne ascendatur supra. Vide Franc. B. *Spei de Iure & Iust. disp. 10. n. 15.* ubi monet, sartores v. g. quibus alter emendum pannum committit, aliquid de pretio retinere non posse sub prætextu, quòd ab aliis mercatoribus carius emere possent, quia ad moralem diligentiam tenentur, ut scil. quoad

fieri possit, vilius emant. Sed quid, si venditor aliquid faciat in sartorum gratiam, ut sapius ad ipsum redeant; aut sartores excessum retineant ratione periti temporis in emptione, ac sic lucri cessantis? Resp. cum eodem Francisco, hæc esse plena periculis, & sartorum furta palliata: ac aliunde videtur sartori in his satisfieri per hoc, quòd detur ei vestis conficienda, & pro manufactura debitum stipendium. Limite etiam ego responsum nostrum, nisi multum ultra determinatum pretium obtimeatur, eò quòd dominus rei venditæ pretium ignoraverit: quia tunc quod superest, non est verè fructus industriæ vendentis, sed rei venditæ.

Petes denique, cui res empta pereat?

77. Resp. si pereat post traditionem, perit emptori, quia est ejus dominus; res autem domino perit: item si pereat ante traditionem, & sit res determinata, perit eidem, prout ejus fructus ei accrescit, nisi fortè pereat culpa venditoris, vel aliter expressè conventum fuerit. Si verò fuerit res indeterminata, ut v. g. decem capita ex grege, decem sacci tritici ex granario, &c. perit venditori, quia similia solum emuntur sub conditione quòd tradentur. Dixi, prout fructus rei venditæ emptori accrescunt ante traditionem, quòd intellige, si emptor pretium solverit, quia plures ex variis leg. aliàs contrarium docent; æquum non est (inquiunt) ut emptor fructus rei venditæ percipiat, & venditor non possit frui pretio sibi debito, ex quo posset ex industria similiter fructus percipere.

S. V.

De Monopoliis, & negotiatione.

78. **M**onopolium committitur, dum unus solus, aut pauci simul procurant, ut emptio vel venditio ad se solos divolvatur, vel pactum ineunt de non emendis vel vendendis mercibus, nisi pretio à se statuto; quod fieri potest quatuor modis: primò, auctoritate Principis concedentis, ut unicuique vendat tales merces, & hoc monopolium est licitum, si non contineat fraudem ex parte concedentis aut accipientis beneficium. Ita omnes prudentes tamen Princeps in simili casu taxabit pretium, ne per hoc nimium gravetur communitas.

79. Secundò fit Monopolium, dum aliqui conveniunt de non vendendis mercibus, nisi pretio riguroso: & hi ut minùs graviter delinquant contra charitatem, quia magnas proximis inferunt angustias: imò eos etiam contra justitiam peccare, docent Rebell. Navarr. Turrian. & Franc. B. Spei hic disp. 10. num. 32. quod certum puto quoad eum, qui per vim & dolum est causa talis monopolii. Conformiter ad hæc loquere de emptoribus convenientibus, ne merces emanent aliter, quàm pretio pio.

80. Tertiò accidit monopolium, quando tempore messis, vel aliàs, unus aut pauci emunt omnia grana, vel alias merces vili pretio, ut eas postea revendant cariori, quàm venderentur cessante monopolio. Hos peccare

contra justitiam docet Diana p. 1. r. 8. resol. 27. post Rebellium, qui tamen cum aliis oppositum etiam judicant probabile; quia tales, ut supponitur, nec peccant contra justitiam quando emerunt, nec retinendo aut abscondendo merces suas, cum non teneantur ex justitia modò eas vendere. Attamen si per monopolium prædictum taliter ementes conveniant, de non vendendo futuro tempore, nisi cariori pretio à se inducto, secundum dictum P. Franciscum absolutè contra justitiam peccabunt.

81. Denique committitur monopolium, dum aliquis vel aliqui impediunt, ne merces inducantur ab aliis, ut sic ipsi suas vendant carius: & hi etiam peccant contra charitatem, cum communitas inde notabiliter gravetur: quod si fecerint per vim aut fraudem, peccabunt etiam contra justitiam; habet enim communitas jus, ne alii per vim aut fraudem impendant diminutionem pretii in mercibus; & quamvis non habeat jus ad merces, quæ absunt, habet tamen jus, ne vi aut fraude impediuntur ad se adferri. Idem P. Franciscus n. 40. cum quo, adde, ad dicta monopolia revocari multorum artificum conspirationem, ut opus, ab uno inceptum, ab altero non perficiatur: item ut alios suam artem non doceant, nisi pro tanto pretio.

82. Negotiatio propriè est, dum quis

A a a

rem

rem aliquam sibi comparat animo lucrando, eandem immutatam vendendo vel permutando. Est ex natura sua licita: quia lucrum, ad quod proximè dirigitur, est prorsus indifferens; ac, si referatur ad honestam familiæ suæ sustentationem, & ad simul prospiciendum necessitatibus communitatis, negotiatio erit honesta & laudabilis, quæ inferuntur ex doctrina D. Thomæ q. 77. a. 4. Interim tamen certum manet, negotiationem esse obnoxiam periculis multorum peccatorum; solent namque sæpius committi fraudes, mendacia, perjuria, & alia injustitiæ à negotiantibus: multum etiam negotiatio occupat ingenium, & ad terrena inclinat; quare inhibetur Religiosis ac Clericis majoribus per plures Canones, & ipsum Trident. sess. 22. cap. 2. *Nemo enim militans Deo, implicat se negotiis secularibus.* An verò hæc inhibitiō obliget sub mortali? Non conveniunt DD. sub veniali solum obligare, si absit contemptus, docuerunt Cajet. & Palacios, quod & probabile judicat Rodrig. quidquid ceteri communiter velint obligare sub mortali apud Dian. p. 1. tr. 8. resol. 72. quod tamen non intellige, si solum unus aut alter negotiationis actus exerceatur à Clerico; quia hic needum verè dici potest negotiator, aut exercere negotiationem, ad quod videtur requiri, ut quis assidue, vel ex professione negotiationi insistant. Vide Franc. B. Spei *de Iure & Iust. disp. 10. num. 4.*

83. Insuper DD. etiam controversant, an licitum sit Clericis negotiari per alios: in quo mihi sententia affirmativa videtur probabilior cum Wig. tract. 5. c. 5. dub. 2. Ratio est, quia id facere per alios non est interdictum, cessantque in eo omnia motiva prohibitionis. Ceterum nullatenus peccant Clerici aut Religiosi ementes pecora, ut ea, suis pascuis impinguata, revendant, vel qui gregem alunt, ut lac, lanam, fœtus, &c. vendant; item, qui emunt agrum fructibus maturis, quos postea revendunt: quia hi omnes solum vendunt fructum prædii, agri, vel gregis sui, quod non est propriè negotiari: est verò adhuc illicitum Clericis ac Religiosis conducere agros aut prædia aliena, ut vendant eorum fructus, quia hoc ipsis est specialiter inhibitum *causâ 21. quest. 3. can. 1. & 3.* pro quibus omnibus vide Dian. p. 11. tr. 3. res. 10. bene illa discutientem: & tr. 6. res. 40. ubi inter cætera inquiri, an Religiosus, qui suis sumptibus seu monasterii imprimit libros à se compositos, eaque exemplaria in diversas regiones vendit, dicatur negotiator, & consequenter teneaturolvere gabelas? & postquam adduxit utrimque authores, respondet, id non esse consulendum quidem, se tamen id non posse damna-re.

\* \*

# DVBIVM SENTVM.

## De mutuo, & usura.

### §. I.

#### Quid sint?

**D**E hac materia tractat subtilis Bachelo in 4. dist. 22. q. 3. a. 1. 2. 3. & seq. quem videre poteris. Interrim

§4. Dico primò, mutuum est contractus, in quo transfertur dominium per rei traditionem cum obligatione eam reddendi in specie vel valore. Ita omnes communiter. Per hoc, quòd transferatur dominium, differt à locato, commodato, & deposito; per hoc verò, quòd inducatur obligatio restituendi, differt à donatione, emptione, & venditione. Adverte autem rem, quæ sit materia mutui, debere constare numero, pondere, aut mensurâ, ut constat ex *Instit. tit. quibus modis*, §. 1. Tales igitur res sunt vinum, oleum, frumentum, pecunia numerata, &c. Ratio verò restrictionis hujus materiæ reddi potest, quia in aliis rebus vix reddi potest res in eadem specie, quæ sit ejusdem valoris cum illa, quæ mutuo datur. Insuper Wigg. post Gomez, Sylvest. & alios passim, ut ait, requirit ad materiam mutui, ut sit res usu consumptibilis: cui tamen in hoc contradicit Molina cum quibusdam aliis: sed quidquid de hoc sit, certum manet, res quæ usû non consumuntur, commu-

niter solere vendi, locari, commodari, &c.

§5. Dico secundò, usura est contractus mutui, in quo ex stricta obligatione redditur aliquid pretio æstimabile ultra sortem, præcisè vi mutui. Alia est explicita sive realis, in qua dicta obligatio explicitè vel implicitè in pactum deducitur: alia implicita sive mentalis, dum quis eâ mente aliquid mutuo dat, ut aliquid ultra sortem ex justitia reddendum expectet vi mutui. Usura realis, in qua implicitè hoc in pactum deducitur, vocatur usura palliata, ut dum contrahentes prætendunt alium contractum, v. g. emptionis, locationis, &c. ubi tamen aliquid verè usurarium intercedit.

§6. De fide est, usuram esse illicitam: id enim est definitum in variis Conciliis, patetque ex *Luca 6. Dare mutuum, nihil inde sperantes*, & aliis Scripturæ locis, quæ vide apud Franc. B. *Spei de iure & iust. disp. 9. num. 18.* qui & *num. 19.* explicat alia loca, quæ adducuntur in contrarium.

§7. Nota, usuram etiam quandoque sumi pro ipso quaestu usurario, & ut sic est lucrum ex mutuo immediatè

Aaa 2 pro-



## De iure & Iustitia

proveniens, id est, pecunia aut res pecuniā æstimabilis, quæ ult. sortem recipitur præcisè vi mutationis: quod lucrum omnino est iniquum, quia provenit ex re jam non sua, res namque mutuata transit in dominium mutuatarii: deinde accipitur ex re omnino sterili & infructuosa, utpote quæ usu ipso consumitur: quamvis enim pecunia per usum non corrumpatur, adhuc tamen consumitur & desinit esse apud ipsum utentem. Ob has rationes Bacho ubi supra, & alii communiter post S. Chrysost. docent, usuram jure naturali esse illicitam; & reverà juri naturæ repugnat, obligare aliquem, ut reddat pro eodem ultra id, quod ei per omnia est æquivalens; quidquid tamen teste Guidone Carmelita apud Lothum, Græci schismatice dixerint, usuram esse licitam.

88. Nec refert primò, quòd jus civile usuras permittat, & concedat etiam actionem ad usuras exigendas; quando de illis ante fuit conventum; quia ex primo solum habes, moderatas

usuras in foro civili non puniri, ut violentur majora incommoda, prout in aliquibus locis non puniuntur, qui ex suis domibus faciunt lupanaria: quoad secundum verò, jus illud civile abrogatum est per jus canonicum, nam *Clement. unicà de usuris*, excommunicantur iudices cogentes ad solutionem usurarum.

89. Nec refert secundò, quòd nemo teneatur ex iustitia ad præstandum mutuum; quia adhuc qui illud præstare voluerit, tenetur præstare gratis ob dictas rationes. Dixi, ex iustitia, quia adhuc virtus charitatis præcipit, genti assistere, dum quis non paritur similem indigentiam: quamvis Urbanus N. *tr. 3. tit. 13. c. 1. fol. 623.* doceat, seclusa gravi necessitate, esse purum consilium & non præceptum: cuius interim consilii exercitio annexum est hoc præceptum: *Dare mutuum, nihil inde sperantes*; sicut consilio de iis votis annexum est præceptum de iis jam elicitis adimplendis, juxta illud: *Vovete & reddite.*

### §. II.

An ob carentiam pecuniæ, liceat in mutuo aliquid contra sortem accipere?

90. **D**ico, mihi omnino certum est, non posse quidquam ex iustitia exigere præcisè ob carentiam pecuniæ, aut solutionis dilationem, quin committatur usura. Ratio est, quia carentia pecuniæ ad tempus est de essentia mutui; qui enim dat mutuum, alienat rem suam à se, eamque tradit alteri, adeoque necessariò eà caret: sicut ergo pro mutuo nil potest exigere, sic nec pro carentia pecuniæ. Ita omnes commutur. Hinc si quis his formulis alteri muruer: *Do tibi sexcentos florenos mutuos, restituendos quamprimum indiguero: vel do*

eos tibi ad annum, reddendos tamen ante si forte indigueris, nihil prorsus pro carētia pecuniæ recipere poterit. Est de fide quoad formulam priorem, ac fidei proximum quoad posteriorem; ita ut Molina disp. 308. oppositam vocet in fide periculofam, eamquē absolutē hæreticam videri, tradit Caramuel Theol. moral. lib. 2. de lege morali disp. 14. n. 764. quod & probat hoc modo; qui diceret ex vi prioris formulæ aliquid ultra sortem posse sine usura accipi, negaret omnino usuras, ac per consequens hæreticus esset; atqui prima illa formula benignior est mutuuario quàm secunda, & secunda benignior est mutuanti quàm prima; ergo &c. Verùm adhuc his non obstantibus sententia opposita ascribitur Medine, quidquid Caramuel dicat, se non facile crediturum, Medinam, virum aliàs doctum, id intendisse; & Wiggers de eo etiam dubitat. At quàm sunt hæc diversa ab iis, quæ proponit idem Caramuel in Theol. fund. par. 1. fol. 131. ubi inquit, *an pecunia præsens plus valeat quàm futura?* de quo licet aliqua dixerimus supra dub. 5. num. 66. refutanda tamen duxi pro meo modulo quæ adfert, quia difficultatem movent in materia usuræ: igitur loc. cit. hoc modo discutit;

91. *Responder Dis. p. 1. tr. 8. l. c. 49. partem benignam & affirmativam sibi videri probabilem, nam & probabilis etiam visa est Azorio, Mald. & Philiarcho; quam sententiam etiam sequuntur Cajet. Armilla, Sa, Navarr. Faber; tandem publicè Lovanii docuit Bellarm. eandem habet Petrus de Ledesma; hæc & alia Caramuel, quibus subdit: Hanc doctrinam (videl. pecuniam præsentem plus valere quàm ab-*

*sentem) nonnulli Auctores desistantur, & tenent hanc viâ aperiri latissimum osium usuris & statuendam esse omnino opinionem contrariam, pro qua citantur plures Auctores, quorum sententiam putat Diana probabiliorē: at horum omnium rationes unicā, eāque fortissimā, faciliē enervo: si tanti valet numerata pecunia quàm numeranda & è contra, cum hac sit veritas practica & ab experientia pendens, tantum emere in foro poterō numerandā pecuniā, quantum numeratā: at evidentissimum est, hoc esse falsum; ergo evidentissimum est, numeratam pecuniam esse meliorem & majoris valoris. Si adhuc negas, vñ te & omnes esse cacos, & erras defectu solius experientie. Vade obsecro ad nundinas cum tua pecunia futura, & videbis an eodem pretio sis habiturus singula, quo habent, qui præsentem exponunt? Hæc & alia Caramuel, quæ ad eo sunt evidentia, ut faciliē possint verbo omnia infringi. Ante omnia*

92. Peto, quomodo Caramuel admittat in emptione & venditione pecuniam præsentem plus valere quàm absentem potius, quàm in mutuo? & si hoc hîc quoque admittat, quomodo id quod supra retulimus sit contra fidem? dicam enim in emptione, solvam tibi pretium tuæ mercis post annum, antè tamen si forte indigueris: nunquid adhuc alter poterit eam vendere plus quàm pretio currenti? Ita, quia pecunia præsens plus valet quàm ista futura: quare ergo Caramuel à pari non philosophatur in mutuo? Interea

93. Miror summopere pro hujus difficultatis enodatione, aut potius intricatione, me à Caramuele ad nundinas mitti: ac per hoc (multum abest ut Caramuel omnes aliorum rationes

enervet) Caramuel manifestè tollit difficultatem proponi solitam: queritur enim, an pecunia præfens præcisè plùs valeat quàm futura seclulo omni lucro cessante, damno emergente, & periculo sortis, omnique alio iusto titulo semoto? & pro hujus difficultatis experientia Caramuel ad nundinas mittit, ubi omnes illi tituli ordinariè subsunt, ut manifestà experientià constat: nam si quis in nundinis petat aliquid emere pecunià numerandà, statim inquiretur, *An sit dives, an non diffi- culter solvat, &c.* venditores enim ple- rumque sunt extranei: deindè unusquisque respondebit, se egere pecunià numeratà, eò quòd merces alias cum ea emere decernat &c. qui hæc negat, vult se & omnes esse cæcos. Quare non ad nundinas, nec ad forum volo mitti à Caramuele, ut experiar, an pecunia numerata plùs valeat quàm numeranda. Deberet Caramuel me mittere ad notos divites habentes pecunias otiosas in magna copia, ac deberet supponere me esse divitem, ita ut ex parte mea nullum sit periculum sortis, meque esse bonum solutorem &c. sic enim difficultatem clarè, prout debet, proposuisset.

94. Dicit fortè Caramuel, vade tu dives ad mercatorem divitem habentem pecunias otiosas multas, adhuc debebis pluris rem emere pecunià numerandà quàm numeratà. Hæc quia experientia docet, plùs premunt quàm experientia nundinarum: nihil tamen convincunt ad intentum: nam

95. Respondeo, hæc quidem communiter contingere: minimè tamen ea fiunt, quia pecunia numerata secun-

dùm se plùs valet quàm numeranda: si enim, ut suprà *dub. 5. §. 3.* dictum est, cuipiam omninò certò constaret de recipiendis mille florenis post certum tempus absque ulla difficultate aut labore, non video cur plùs æstimare possit alios mille, quos jam habet, quosque certò ad idem tempus reservabit in arca, quàm jus ad priores mille sic certò recipiendos: nec video in quo tale mutuum multum differat à deposito, nisi quòd adhuc majus commodum adferat mutuanti; cum enim per mutuum transferatur dominium in mutuatarium, hic obligatur ad restitutionem, quomodocumque dicta summa apud ipsum perierit, quod commodum non obtinet deponens. Quòd igitur communiter plùs ab omnibus æstimetur pecunia numerata quàm numeranda, est, quia ordinariè ad sunt dicti tituli, vel saltem unus illorum: nam ut verbis ipsiusmet Caramuelis utar, quæ habet ejusdem libri *fundam. 60. fol. 622.* Puto exulcerato hoc tempore in Europa vix posse dari purum mutuum, nemo enim præstare potest securitatem: æstuat bellus Hibernia, Scotia, Anglia, æstuat Belgium, Hispania, Italia: atdet Germania, Polonia, Dania, Suecia, item Græcia: & nulla est in tota Regione Provincia, in qua multi non reverunt cubitum divites, qui manè surrexerunt pauperes. Obsidentur urbes, interceptantur etiam, & accidunt casus inopinati &c. Si similia quotidie accidunt, quis ita erit delirus, ut rerum terrenarum securitatem expectet belli tempore? Nemo enim creditor erit in civitate &c. Hæc Caramuel: & ipse adhuc me ad nundinas mittit ut experiar pecuniam numeratà seclulo omni iusto titulo plùs valere numerandà

randâ. An fortè agit de nundinis quæ celebrantur extra mundum?

96. Dices, adhuc teneor plûs emere merces pecuniâ numerandâ, quamvis fideiussorem adhibeam. Respondeo imprimis, si debeas idem emere pretio rigoroso, quod alii emunt pretio pio, nulla tibi sit injuria: deinde si adhuc subsit periculum sortis, aut saltem difficultatis subeundæ, ut obtineas pretium, etiam à fideiussore, adhuc potest plûs exigi conformiter ad periculum: idem dic si vendens ex carentia pecuniæ patiatur damnum, vel lucrum ei cesset. Igitur iterum

97. Dico contra Caram. qui sub hac formula mutuaret, *do tibi sexcentos florenos mutuos ad annum, nec antè restitue-  
ndos*; nihil prorsus pro carentia pecuniæ accipere posset nisi adsit alius titulus, quia aliàs usuram committeret, ut hac ratione bene probat Franciscus Bonæ Spei *sua Notæ dub. 23.* Obligatio non repetendi mutuum ad longum tempus se habet ad obligationem non repetendi mutuum ad breve tempus (quam saltem mutuum ut mutuum essentialiter importat) sicut se habet mutuum in materia magna ad mutuum in materia parva; atqui obligatio non repetendi magnam materiam supra parvam præcisè, non est supra mutuum pretio æstimabilis: ergo nec obligatio non repetendi ad longum tempus &c. Vide etiam Dianam *part. 11. tractat. 1. resol. 25.* ubi testatur librum Philippi de la Cruz, qui *tractatu de interesse sol. 7.* docebat contrariam sententiam, prohibitum esse à supremo Concilio Sacræ Inquisitionis, additque Lothum malè in hoc ipsum Caramuelem fuisse

se secutum. Vide & prædictum Franc. B. Spei in *sua Theol. de iure & iust. disp. 9. num. 68. & sequ.* ubi de novo impugnat Caramuelem. Adde de novo anno 1666, die 18. Martii à Sanctissimo Domino Alexandro VII. sequentem propositionem damnatam esse. *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.* Sed quomodo hoc non est licitum, si pecunia præsens plûs valeat quàm futura? Vide-rint qui hoc docent.

Viderit etiam Burghaber, quàm irrationabiliter *Centur. 1. casu 45.* doceat, probabiliter non esse usurarium, hodie satisfacere dando nongentos florenos pro debito mille florenorum post annum solvendum, licet debiti hujus nulla sit difficultas, nec aliud damnum, lucrum cessans, &c. eò quòd jus distans communi hominum æstimatione minoris valeat, quàm pecuniæ præsentis, & hoc jus vendatur instar mercis. Certè si jus distans tantum minoris valeat quàm pecuniæ præsentis, *Licitum est mutuanti aliquid (quin dicam nummum decimum) ultra sortem exigere, si se obliget ad non repetendam sortem usque ad certum tempus*, sive ad annum: quæ est propositio in terminis damnata. Vide dicta *suprà n. 66.*

98. Cæterum in *resol. supraposita* dixi primò, *absque usura nihil ob carentiam pecuniæ posse exigi ex iustitia*; quia si mutuarius al quid voluerit gratis accipere, id à mutuantem licitè acceptabitur; gratia enim gratiam mereatur: verum, ut bene notat Caramuel, non est appellanda gratia, quæ debitum imbibit, ut si mutuans dixerit, *dabo tibi centum libras mutuas, modò mihi post*

*post annum des gratis centum viginti*: quia talis gratia in strictam obligationem vertitur. Quod si tamen quis mutuans magnam pecuniarum summam, excitet mutuatarium ad beneficium mutui remunerandum, & sic mutuatarius excitatus det aliqua dona, controversatur inter DD. an ista dona ultra fortem accipiendo, usura committatur? Affirmativam sententiam docuere Richardus, Sotus, Angles, & alii; quia dicta mutuantis insinuatio videtur quoddam implicitum pactum, nec alter dans tempore mutationis ob talem insinuationem videtur dare liberaliter & merè gratis sive ex gratia, sed rubore vel necessitate compulsus. Negativam tamen his non obstantibus tenent Cajet. Molina, Bonac. Salon. & alii, hancq; se semper fecutum esse ac consuluisse dicit Diana p. 1. tr. 8. ref. 62. & probat, quia actus interior & exterior ejusdem sunt bonitatis & malitiei; sed actus interior, qui est sperare per mutuum non solum amicitiam, sed & effectus amicitiae, non quidem ex debito, sed ex gratitudine, est actus licitus & honestus: ergo & actus exterior, quo aliquis ejusmodi effectus exigit ex sola gratitudine, non est inhonestus aut illicitus, nec consequenter usurarius: deinde, inquit, objectum formale usurae est lucrum ex vi mutui cum pacto & debito civili, quale lucrum non expetit dictus mutuans. Ita ille.

99. Verum puto hujus difficultatis solutionem sumendam esse ex ipsa mutuantis intentione, an scilicet ipse revera non intendat alterum ex justitia obligare ad rependendum aliquid ultra fortem; quod facit meo judicio, si nullo latenuus intendat aliàs mutuari. Vide

de novo Dianam p. 11. tr. 7. ref. 23 ubi postquam è contra dixisset, nolentem mutuari vinum, nisi alius inmutet triticum pro presenti, modò id faciat, non ut quaerat mutationem alterius pro praxio, sed sit ipsi tantum conditio sine qua non, non esse usurarium: adfert hæc verba Patris Hurtadi, *obligare mutuatarium ad id, ad quod ultis non tenetur ex justitia, ex sola gratitudine ratione beneficii facti medio mutuo, vel ex sola fidelitate ratione nude promissionis, seu obligationis fidei, non dantis jus justitia, non est usurarium, quia tunc non exigitur aliquid ex justitia sicut antiquam pretium mutui, in quo solo consistit ratio usurae*. Ita Hurtadus, quibus Diana subdit: *itaque ex his Authoribus* (adfert enim ibidem varia ex variis) *pactum rigorosum, quod includit obligationem justitia constituit simoniam & usuram, secus autem pactum late sumptum seu ex gratitudine vel ex pura fidelitate, quia in tali casu remanet in potestate mutuatarii id facere vel non facere: & ideo usura vel simonia adesse non potest*. Hæc Diana; quibus omnibus in fine adjungit, & bene: verum aliqua superius dicta de mente supradictorum Authorum dicta esse volo, & ideo non puto in praxi deducenda nisi cum consilio docti & prudentis Confessarii, qui maturè ratione personarum & circumstantiarum omnia perpendere & considerare debet; aliquando enim quibusdam sententia utendum est, inquam cileboro; & ego solitus sum dicere, in rebus moratibus non solū scientiā, sed etiam prudentiā necessariā esse.

100. Dixi secundò, *praxi* ob carentiā pecunie, aut dilationem solutionis; quia ob alium justum titulum potest in mutuo aliquid ex justitia debitum exigi ultra fortem sine usura, ut omnes fatentur. Pro justis autem titulis sūt.

§. III.

De lucro cessante, damno emergente, & periculo fortis.

101. **O**B lucrum cessans, damnum emergens, aut periculum fortis licitum est aliquid ultra sortem, etiam ex iustitia debitum, exigere; quia tunc nihil accipitur vi mutui; nec unus tenetur pro alio gratis se exponere periculo alicujus damni, aut facere expensas: ne tamen per hæc usura palietur.

102. Nota primò, mutuum debere esse veram causam lucri cessantis, damni emergentis, aut periculi fortis. Secundò, non posse in pactum deduci totum lucrum cessans; quia cum hoc adhuc sit incertum ob multiplex periculum, quo posset impediri, non tantum valerit spe quam in re: deinde detrahi etiam debent labores & expensæ, quæ fierent in negotiatione, vel alia re, quâ lucrum acquireretur, ut quoad labores contra varios sustinet N. Franciscus hîc *disp. 9. num. 56.* quia illis laboribus parcere est pretio æstimabile, inquit, *in partem volente*: quod ultimum prudenter addit; quia plures mallent illos labores pati, quàm diminutionem lucri: & aliàs vix quidquam ratione lucri cessantis accipi posset.

103. Nota tertio, dum aliquid accipitur ob periculum fortis, non plus posse accipi quàm vellet ipsemet dare, ut simile periculum sibi imminens redimeret. His verò servatis, puto omninò esse licitum, se offerre ad mutuandum sub conditione recipiendi lu-

crum cessans, &c. quia hæc oblatio non tollit æqualitatem inter contrahentes: nec peccat quis volendo sic potius mutuari, quàm negotiari. Ex his

104. Colliges primò, in hac mutuandi formula, *Concedo tibi sexcentos florenos pro anno integro, non repetendos ante finem anni quamvis illis gravissimè indigeam*, aliquid posse exigi ultra sortem, si mutans sit moraliter certus, quòd ante finem anni iis indigebit, vel si de eo probabiliter dubitet: quia talis se exponit periculo carendi pecuniâ eo tempore, quo eâ indigebit, ex quo cogetur quærere aliam ad interesse: si tamen mutans certo sciret, se totius anni spatio non esse usurum illis sexcentis florenis, nihil posset exigere ultra sortem præcisè ob prædictam mutuandi formulam, cum nullum incommodum, aut damni periculum per eam incurrat magis, quàm si mutnaret unâ ex duabus formulis §. superiori relatis.

105. Colliges secundò, adhuc in hac tertia formula, sicut & duabus aliis, mutuantem posse aliquid ultra sortem exigere, si adsit periculum amittendi capitale, vel si meritò timeantur molestiæ in eo recuperando: quia id non exigitur vi mutui, sed ob justum titulum periculi fortis, aut dictarum molestiarum; censetur enim tunc mutans concomitanter vendere suam securitatem aut quietem, quæ sunt res pecuniâ æstimabiles. Ita omnes

communiter apud Caramuelem in *Theol. mor. lib. 2. de lege mor. disp. 14. num. 769.* qui *num. preced.* docet, in omni mutuo summam fortis securitatem exigi: undè si mutuatarius sit lapsæ fidei, vel debebit omni exceptione majorem fideijussorem dare, vel recompenfare periculum fortis. Imò cum certum sit, debere priùs excuti debitorem, quàm ad fideijussorem veniatur, & vix unum fideijussorem solvisse ante Judicis sententiam, imprudens es, qui pecuniam, quam pacificè & quierè possides, velles ad lites & difficultates reducere. Ita Caramuel. Quibus si addas à paritate rationis, ad mutuum etiam requiri summam securitatem, quòd mutuanti per hoc non cessabit aliquod lucrum, nec emerget ullum damnum; videbitur ferè in omni casu mutui posse aliquid ultra sortem exigi absque usura: quia vix unquam ab omni parte dicta securitas est tanta, quin adhuc adsit dubium aut probabilitas aliqualis periculi aut molestiæ, saltèm ubi præfigitur certum tempus pecuniæ mutuatae non repetendæ.

Dices, dictum periculum fortis est de essentia mutui, sicut carentia pecuniæ ad tempus: ergò nec ratione dicti

periculi præcisè potest aliquid exigi. 106. Resp. neg. antec. quamvis enim ferè semper adsit, hoc per accidens fit, ac simpliciter loquendo potest omninò à mutuo abesse, ut considerant patebit. Caterum in omni casu bene attende ad nostrum primum notabile; mutuum videlicet debere esse veram causam lucri cessantis: undè qui mutat pecunias, quæ aliàs toto tempore mutationis manerent otiosæ, non posset ex hac parte aliquid ultra sortem accipere. Imò N. Franciscus hic *num. 54.* monet, dare mutuum ex pecuniis negotiationi destinatis, aut probabiliter destinandis ut lucrum cessans quis reportet, cum tamen alias otiosas habeat, ex quibus facilè mutuari potest, esse valdè periculosum, nec plùs quàm fictum & palliatum lucrum cessans. Ita ille: ad cujus monitionem bene attende. Sed quid si derur mutuum ex pecuniis destinatis lufui, sponfioni, aut simili negotiationi, pro damno æquè ac lucro, ancipiti? Non plùs, compensatà recreatione indè sumendâ, ultra sortem exigi potest, quàm prudens aliquis spem istiusmodi lucri emere vellet, alteri ad hoc datis & expositis pecuniis. Ita idem P. Franciscus.

## J. IV.

### In quibus soleat maximè usura committi.

107. **D**ico, usura communiter solet committi, accipiendo certam summam pecuniæ ultra illam, quæ fuerat mutuo data: sæpiùs tamen etiam committitur, obligando mutuatarium ex pacto seu justitia, ut

passim emat vel vendat res suas mutuanti, ut colat agrum mutuantis, frequentet ejus molendinum, &c. In quibus juxta communem omnium usura committitur, quamvis hæc omnia fiant pretio currenti, eò quòd adhuc

adhuc maneant onerosa, cum mutuatarius privent libertate ad similia facienda vel omittenda; quodcumque autem est onerosum, pretio æstimatur, adeoque sine usura præcisè vi mutui non potest ex iustitia exigi.

108. Secundò etiam solet committi usura mutuando Principi, Regi, Magistratui, &c. sub conditione, quòd mutuans liberabitur à solvendis Gabellis, quòd sibi vel suis confertur beneficium temporale, &c. Secus tamen dic si adsit sola intentio eos per hoc flectendi, ut pro gratitudine sibi facta aliàm gratitudinem rependant, mutuanti, vel prolibus ipsius liberè conferend aliquod beneficium: vel si illis detur mutuum præcisè ad captandam eorum amicitiam: quia amicitia non æstimatur pretio, ut docet Lugo cum aliis; neque ad amicitiam datur actio civilis, nec transferatur ad humana commercia, cum sit fori interni, ut P. Urbanus.

109. Insuper usurarium est, vendere merces suas creditò pretio rigoroso cum pacto easdem statim redimendi pecunià paratà pretio pio: quia suas merces vendere creditò est mutuum virtuale, cui apponitur conditio onerosa, quæ ex pacto vel iustitia exigitur vi dicti mutui, undè & virtuale usura committitur: quòd si tamen mercator aliquis non vellet alteri mutuare, sed offerret ei suas merces venales creditò pretio summo, ut eas revendar pecunià numeratà cui placuerit, & postea ipse emens offerat eas vendenti pretio pio vel moderato, non erit usura easdem sic emere: quia hæc nihil exigitur vi mutui virtua-

lis, neque emens ullum patitur onus, cum tam in emptione, quàm in redemptione servetur pretium iustum: nec est undè dicto mercatori minùs liceat merces à se venditas emere pretio pio quàm alteri tertio: cavendum interim est scandalum & palliatio usuræ. Ita Franc. B. Spei de Iure & Iust. disp. 10. num. 11. citans alios.

110. Non est usurarium dare mutuo mille florenos ad annum, sub conditione eos reddendi cum adhuc mille aliis, qui iustè debentur; vel sub conditione quòd mutuatarius deponat animum mutuantem injustè damnificandi: quia cum ista aliundè debeantur, non imponitur nova obligatio vi mutui, sed solum alter magis urgetur ad id, in quo mutuans iust habet. Ita P. Urbanus cum aliis communiter.

Petes primò, an mutuatario licitè imponatur pœna conventionalis, si tempore statuto, v.g. post annum, non reddiderit mutuum?

111. Resp. affirmative; quia in eo nihil exigitur vi mutui, sed solum statuitur pœna, ne mutuatarius sit in mora culpabili, per quam mutuans privetur re suà ultra tempus; quare licet nulla pœna statuatur, debet semper mutuum reddi tempore præfixo: aliàs erunt resarcienda omnia damna, nam cuique debet sua mora esse nociva: in hoc tamen possunt aliqui excusari, pro quo vide P. Urban. tract. 3. tit. 13. cap. 1. Adde, etiam à pœna conventionali universim excusari omnes, si adsit impotentia physica vel moralis mutuatarii; quia nemo absque culpa pœnam subire debet; nisi fortè inde



mutuans sit passus damnū. Vide eundē *ibid. cap. 3.* & adverte, dictam pœnam conventionalem debere semper esse moderatam, quia valde inhumanum foret gravi multā modicam punire dilationem. Insuper non potest talis terminus constitui inter quem noscitur mutuatarius futurus impotens ad solvendum, ut satis clarum est.

Petes secundò, an in mutuo annuali sine usura exigi possint quinque in centum absque alio justo titulo?

112. Respondent varii id licere, eò quòd sustineant pecuniam paratam plus valere quàm solvendam, sed male, ut patet ex dictis suprà *num. 97.* Alii volunt licitum esse celebrare tres contractus, dum mutuatarius est mercator: unum societatis, in quo mutuans dat pecunias, & mutuatarius adhibet industriam, ex quo meritò quilibet sperat lucrum duodecim in centum: secundum assuecutionis fortis, pro qua mutuans cedit mutuuario tria ex illis duodecim, quæ probabilius lucraturus erat: ac tertium quoque contractum inire, quo reliquum lucrum, adhuc aliquo modo incertum assuecetur, detrahendo ex novem, quæ remanent, tria vel quatuor, quo casu adhuc supersunt quinque vel sex, quæ ipsi volunt sine injustitia recipi posse, cum in omnibus dicant servatam esse perfectam æqualitatem, omnia onera mercatori imposita justo pretio compensando. Ita quàmplurimi apud Dianam *par. 1. trac. 8. ref. 30.* & Caramuelem *theol. mor. lib. 2. disp. 14. num. 804.* quos & ipsi sequuntur. Ast meritò contradicunt Azorius, Filliucius & aliqui alii, ac rectè N. Franciscus asserit, illum esse modum subtiliter pal-

liandi usuras; prout declarat *disp. 9. n. 39. & seq.* Supponit tamen illos tres contractus celebrari ex pecuniis aliqui mansuris otiosis: qualiter ipso *num. 54.* testante non censentur pecuniæ otiosæ, quæ pro casu fortuito incendii, naufragii, filiarum dotis, obtinendi officii, conservandæ familiæ, &c. servantur, quia debita providentia est pretio æstimabilis. De novo iterum improbat modum illum ex pecunia otiosa tres dictos contractus celebrandi *disp. 12. n. 50.* contra alios cõmunissimè illos approbantes. Unde nullatenus puto esse licitū in mutuo annuali exigere quinque in centū simpliciter loquendo. Quod addo, quia satis sæpe, & fere ordinariè subest aliquis justus titulus illam exigentiam justificans, saltem hisce temporibus, ut supra dicta attendenti patebit.

Petes tertio, an dum quis ex mutuo bonâ fide accepit aliquid vi mutui, quod potuisset recipere ex alio contractu justo, quem celebrasset si cognovisset, possit illud retinere?

113. Respondent varii quòd sic; quia æquum & justum est ut mutuatarius sit contentus totum fieri juxta capacitatem justii contractus. Nec refert quòd mutuans ex ignorantia non habeat voluntatem expressam istum contractum celebrandi; quia id adhuc vult implicite, in quantum censetur virtualiter velle id, quod sibi est melius quàm ejus oppositum. Ita Sa *verbo usura n. 8.* & alii multi quos tacitis nominibus citat. Less. *de iust. lib. 2. cap. 20. dub. 12. n. 102.* qui id etiam admittit si dictus mutuans expresserit se velle contrahere meliori modo quo potest: quod

quod & satis esse, si id mente intendat, licet exterius non exprimat, sustinet N. Urban. cr. 3. tit. 13. cap. 3. ubi sic ait, quia non sunt omnes capaces tanta contrahendi diversitatis, ut aliquod justum lucrum reportent, nec viros doctos ad manum semper habent, ut eorum ductu dirigantur in contrahendo, sufficit omnino pro securitate conscientie, si modo generaliter intendant illud lucrum moderatum, quo privari nolunt suam pecuniam alteri conferendo, recipere meliori modo & titulo justo, quam

vis ei ignoto, quo fieri potest, posito quod credant de facto aliquem esse quem ignorant. Ita ille, subiciens, id à multo tempore docere celeberrimos, & piissimos DD. Interea semper certum & indubitatum remanet, nihil profus ultra sortem peti aut retineri posse præcisè vi mutui, vel carentiæ pecuniæ: quia hinc omnino usuræ palliantur; imò, contra fidem, dici deberent licitæ, ut bene observat P. Franc. B. Spei disp. 9. num. 61.

S. V.

De variis in hac materia multum observandis.

**A**Nte omnia occurrit difficultas non parva, an in mutuacione attendenda sit quantitas physica materiæ, an verò valor moralis? Primum docent Navar. Sa. Sotus, Azor. & alii: secundum verò Covarr. Molina, Schor. Less. & alii: Busenbaum autem lib. 3. tract. 5. cap. 3. dub. 6. distinguit, ita ut velit in mutuo pecuniario attendendum esse ad pretium & valorem qui fuerit tempore mutuacionis; in mutuo verò aliarum rerum non item: quia inquit in pecunia non speratur ordinatiè nisi valor sive pretium; in aliis autem speratur ipsa materia nisi aliter fuerit conventum. Verum omnis sententiarum varietate.

115. Dico primò, mutuanti licitum est inire pactum de servanda quantitate vel valore rei mutuatae, sive hæc fuerit pecunia, sive frumentum, oleum, &c. si dubium sit an valor seu pretium rei mutuatae tempore restitutionis sit minuendum vel augendum; quia sic servatur perfecta æqualitas inter partes: undè hæc conventio tollit om-

nem hac in parte difficultatem, ut per se patet.

116. Dico secundò, si nulla facta sit specialis conventio in mutuacione, standum est communi modo loquendi & sentiendi, juxta quem in moneta primariò intenditur valor moralis, in aliis rebus physica entitas. Ita Caram. undè qui mutuo accepit centum modios tritici, tenetur ad centum modios tritici ejusdem bonitatis moralis, sive pretium fuerit auctum sive imminutum. Ita resolvitur leg. vinum ff. de rebus creditis. Qui verò accepit mutuo centum florenos, tenetur ad centum florenos, sive pretium & valor pecuniæ creverit sive non, si nulla facta sit specialis conventio. Hæc puto omnium probabilissima; quidquid non improbabile iudicem quod habet P. Urbanus ubi supra; nimirum si decem modios frumenti, quos tibi mutuo do tempore hiemali, non possunt post messim ad æqualitatem compensari nisi cum viginti aliis, possum tot accipere; si verò eisdem tibi mutuo tem-

Bbb 3 pore

pore messis do recipiendos in hieme, contrarium fieri oportebit : similiter si dedi tibi mutuo decem nummos aureos, quos alioqui servassem in arca, & interim dum reddes, eorum valor creverit, debes in specie mihi reddere. Ita ille. Ratio prioris fortè reddi posset ; quia cum inoraliter certò pretium frumenti sit immutandum in favorem unius contrahentis tantum, censetur alter virtualiter intendere à principio, ut restituatur frumentum juxta pretium ejus, & non secundum quantitatem, & in hoc videtur alter debere consentire, cum aliàs contractus esset iniquus ob inæqualitatem oneris contrahentium. Ratio autem secundæ etiam fortè reddi potest ; quia mutuatarius tenetur mutuantem indemnem servare à damno emergente. Interea tu ista nostræ probabiliori opinioni.

Secundum quod hic occurrit resolvendum, est, an omne quod animo usurario accipitur, subjaceat restitutioni ? Ad quod

117. Resp. restituendum esse quod animo usurario ultra sortem accipitur tanquam debitum præcisè vi mutui, si id ipsum mutuatarius eodem animo dederit. Est certum, quia hoc omnino datur involuntariè nec ullo iusto titulo retinetur : si tamen hoc mutuatarius det gratis ex amicitia aut gratitudine, non debebit sic acceptum per se restitui, bene tamen per accideus ratione conscientia erroneæ, quamdiu mutuans nesciverit alterum dedisse gratis. Ita plurimi, quos sequitur Wiggers contra quosdam : ratio est ; quia talis mutuans non habet verè alienum in re, cum alter liberè in

ipsum transtulerit dominium, quod & hic implicite acceptasse censetur, vel saltem potest postea acceptare dum sciverit. Econtra si mutuans aliquid bonâ fide acceperit ultra sortem tanquam liberè donatum, ac postea deprehendat mutuatarium illud dedisse tanquam ex iustitia debitum ratione mutui, tenebitur illud restituere si adhuc exstet, vel inde factus sit ditior. Ceterum quamvis dum res usurariae usu consumptibiles similibus aliis mutuantis rebus permixtæ sunt, dominium earum juxta quosdam translatum censetur ad mutuantem, adeoque mutuans illas validè alienare possit, manet adhuc tamen jus ad rem permixtam in mutuatario contra taliter mutuantem.

Hic quæritur potest tertio, an mutuatarius teneatur usurario usurasolvere ? Ad quod

118. Resp. negativè : quia eas nec ipsi debet, nec iuste potest alter eas exigere ; nam *Regulâ juris* 49. dicitur : *Volo facit qui petit quod restituere oportet eundem* ; usuras autem debere ab usurario restitui, indubitatum est. Sed quid, si quis juraverit se usuras soluturum ? Tunc ratione juramenti, juxta DD. communiter, tenebitur ; quia tale juramentum adimpleri potest absque peccato. Attamen subtiliter hîc Caramuel distinguit juramentum à juramento, dicens ; qui contraheret his verbis : *Ego recipio 1000. aureos, & post annum solvam hos 1000. & gratis donabo 500. posset urgeri juramento : scilicet qui hoc modo, Recipio 1000. aureos, & post annum solvam 1500. quia in hoc per politicam verborum significationem*

nem subintelligitur, si debuero; solvuntur enim quæ debentur, quæ verò non debentur, nec solvuntur, sed dantur. Itaille *Theol. fundam. p. 1. fund. 38. fol. 291.* pro se in simili citans Sanch. Dian. & Aufonium.

119. Quantum superaddo, an sit licitum petere mutuum sub usuris? Id esse licitum si petatur ab eo, qui id præstare paratus est, & ad sit aliqua necessitas, docent D. Thom. q. 78. art. 4. & alii communiter: quia nec talis cooperatur alterius peccato, sed illud nudè permittit ad bonum suum; nec alium ad peccandum inducit, sed ad mutuandum tantum, quod alter potest facere absque peccato si voluerit. Interea sine omni rationabili causa exigere mutuum ab eo, qui noscitur non daturus absque usura, illicitum est, eò quòd tunc petens videatur quodammodo implicite consentire peccato alterius in quantum non præcavet illud dum potest absque suo incommodo: est autem hac in parte causa rationabilis juxta Wigg. & plures alios, necessitas, non solum extrema aut gravis, sed & levis sive communis, eaque propria vel aliena; item dum id sit ad exercendam mercaturam; nec non ad convivia, ornamenta & similia, juxta cujusque status exigentiam erigenda, ut volunt Faustus, Sanchez, & alii apud Dian. p. 1. tract. 8. resol. 31. qui cum aliquibus docet solum venialiter peccare eum, qui prædictum mutuum petit ad vana & inutilia, ut ad ludos otiosos ac similia. Sed quidquid de hoc sit, certum est, esse mortale, aliquem non paratum ad contractum usurarium inducere, ut docent om-

nes, nisi parvitas materiæ excuset: unde malè faciunt petentes mutuum his verbis: *Da mihi mutuum ad usuras*; nisi id fortè fiat apud eos, qui certò noscuntur non aliter mutuum daturi; hoc enim est solum ex ignorantia uti incongruo modo loquendi, cum nihil aliud velint quàm indicare se paratos esse ad solvendum usuras, quas alter solet exigere; neque cum per hoc plùs alliciunt ad mutuandum cum usura, quàm si simpliciter peterent mutuum; quia alter ob communem suam praxim utrumque eodem modo intelligit. Pro horum complemento

120. Adverte varias esse usurarium pœnas. Primò enim usurarii manifesti, id est qui factò vel jure notoriè tales sunt, incurrunt infamiam juris, ob quam privantur potestate testandi; &, si per testamentum iis hæreditas sit relicta, potest illis auferri à fratre testatoris: si verò sint Clerici, sunt irregulares. Atque hanc infamiam incurri ab usurariis jure civili permissis, docent Molina, Covarruv. & alii, quia & hi exercent usuras illicitas.

121. Secundò admitti non debent ad Sacramentum pœnitentiæ nisi satisfecerint, vel sufficientè cautionem dederint per pignus vel fidejussorem idoneum, idque vel creditoribus, si adfuerint, vel Ordinario loci, vel Parocho coram testibus: quod si præstare nequiverint, secundum Bonacin. Navarr. & alios sufficiet jurare se id non posse, seque facturos quidquid poterunt: si verò ob imminens mortis periculum hæc observari non poterint, factà promissione pro viribus restitu-

stituendi, statim erunt absolvendi: debet adhuc tamen Confessarius petere facultatem juxta Authores citatos monendi Episcopum de promissione facta, ut si convaluerint, cogantur restituere; si verò moriantur, cogantur hæredes.

122. Tertiò privantur sepulturâ Ecclesiasticâ. Quartò repellendi sunt à communione altaris. Quintò illicitum est illis locari domos, & qui usurario extraneo domum locat, excommunicatur: quæ omnia diversis legibus continentur. Cæterùm quamvis usurarius privatis nullæ pænæ infligantur jure humano, quod tantum fert judicium de iis, quæ patent, non debent tamen eos Confessarii absolvere, postquam semel aut bis ad summum polliciti se usurarum exercitium deserturos & restitutos, non adimplerint. Ita monet N. Urbanus.

123. Adde non solum ad restitutionem teneri ipsos usurarios, sed & omnes, qui ipsis in hoc munere efficaciter cooperantur, quales sunt consultentes, participantes; qui etiam pro sua parte tenentur, quamvis titulo oneroso id acceperint, nisi fortè aliunde usurarius sit potens omnibus usuris satisfacere: tenentur etiam amici eo

sine suas pecunias usurario committentes, ut ex his fuerneretur, quæ ipsi de tali lucro nihil percipiunt, nec non etiam famuli usurariorum, qui cogunt mutuarios ad solvendum excusat tamen P. Urbanus illos famulos, qui solum juvant in numeranda pecuniis vel iis deferendis; & amicos, qui solummodò monent indigentes in tali loco dari pecunias cum sænore item & Notarios conficientes usurarias obligationes; quia hi omnes non sunt causa efficax lucris usurarii, quamvis tamen tales Notarii committant grave peccatum sacrilegii contra religionem juramenti à se præstiti. Vide Franciscum B. Spei de lure & Iust. diss. 9. num. 111. ubi inter alia hæc habet: *Nemo potest à mutante usurario usurarum quidpiam accipere: secus ea, quorum dominum habet; nam hac usurum bona esse hypothecata usque ad restitutionem, nullo jure constat; & alioqui, cum hac obligatione realia ad quemcumque possessorem transirent; unde ex mille suspicionibus, repetitionibus & litigiis omnia commercia cum usurariis mita essent in continua commotione, non sine magna Reip. perturbatione; luct alienari non possint, casu quo ad debitam restitutionem faciendam necessaria sint.* cap. cum tu, de usuris.

## VI.

### De Monte pietatis.

124. **N**omine montis pietatis intelligitur quidam acervus pecuniæ relictæ à piis hominibus, ut detur mutuo indigentibus cum obligatione reddendi sortem tempore præfixo sub quibusdam conditionibus. Tales montes multi sunt in Ita-

lia, ubi sine sænore pauperibus gratis, vel quasi gratis, subministratur mutuum: in quo certum est nullam usuræ speciem committi. Ast difficultas non parva fuit, montes Belgii à Serenissimis Principibus Alberto & Isabella institutos ab usura defendere, con-

contra non paucos, qui eos impios potius dicendo volebant quam pios, eo quod in his multum nimis ultra sortem reciperetur, idque ratione mutui, ut ipsi prætendebant. Verum id fit in conservationem montium ac sustentationem ministrorum; quod iuste fieri potest, cum gerentes negotium aliorum (prout dicti montes gerunt negotia indigentium) possint exigere quidquid requiritur ad suam indemnitate: quo ad ministros verò, digni sunt operarii mercede suâ. Interim negari nequit, quin varii montes in Italia & alibi sint magis pii quam montes Belgii, in quibus decem, duodecim, imò & quindecim exiguntur in centum: quo non obstante possunt adhuc pii vocari, in quantum auferunt usuras enormes, in quibus pauperes cogebantur dare triginta, imò quadraginta in centum.

125. Advertet tamen, nullo modo licitum esse alicui privato, dare mutuum, sub onere recipiendi ultra sortem, prout montes dicti recipiunt: tum quia in privata persona non subsunt illi iusti tituli; tum etiam, quia non agit rem pauperum ex publica autoritate. Unde patet, me iustè ad restitutionem obligasse certam fœminam, quæ putabat, se opus pietatis exercuisse, dum pignora, quæ ipsi ab aliis ad montem ferenda tradebantur, domi suæ reservabat, de sua pecunia elargiendo, sub pensione parum minori, quam communiter in monte solvebatur. Plures difficultates tangentes pietatem, ac iustitiam horum montium, vide solutas à Frang. B. Spei, de *Iure & Iust. disp. 9. num. 119. ac seq.* item à

Lotho *tr. 9. quest. 1.* quorum ultimus *quest. 1.* docet, etiam lombardos Belgii esse ab usura immunes, si hæc quatuor conditiones serventur: prima, ut mutuatarii dent pignus idoneum pro asservatione pecuniæ mutuo acceptæ: secunda, ut ad certum tempus, v. g. ad annum, iis permittatur mutuum: tertia, ut singulis mensibus vel septimanis aliquid minutum solvant, ut medius assem, per hebdomadam pro libra Flandrica, prout olim Principum autoritate constitutum fuit; quod tamen hodie est imminutum ad unum liardum cum dimidio: quarta denique conditio est, ut, si mutuatarii anno finito & aliquot hebdomadis non solverint, eorum pignora publicè divendantur, & hoc non aliter, quam præsentem aliquo determinando à Magistratu: & quod ex pretio, detracta sorte & mensuris detrimentis, superfluerit, pignorum dominis restituatur, illisque deficientibus, impendatur in usus pauperum ex ordinatione Principum. Atque hæc omnia dicit Lothus patere ex litteris Caroli V. Philippi II. Regum Hispaniæ, Alberti Austraci Belgarum Principis, & Philippi IV. datis Bruxellæ 17. Februarii anno 1625.

126. Probat insuper fundamentaliter, ut loquitur, his positis conditionibus lombardos esse licitos; quia si tales mutuatores essent usurarii, ex eo maximè essent, quia accipiunt aliquid ultra sortem à mutuataris v. g. quindecim in centum; sed propter hoc non possunt dici usurarii: ergo. Prob. minor, quia, ut lucrum ultra sortem sit usurarium, debet provenire vi mutationis præcisè, atqui dicti mutuatores

ex multis iustis causis exigunt aliquid ultra sortem: ut primò, ratione lucricessantis; possent enim suis pecuniis mercaturam exercere, vel domos aut agros fructiferos emere, aut eas in census dare. Secundò ratione obligationis, quam contrahunt ad præstandum mutuuum cuius indigenti pro ratione oblatis pignoris: quæ obligatio non exiguo pretio æstimabilis est, ut docent Scotus, Sotus, & Navarrus apud dictum Lothum. Tertiò ratione istius obligationis sæpè emergit damnum mutuatori, dum videlicet cum gravi interesse & periculo debet pecunias quærere, eò quòd uno tempore plura pignora ferantur quàm alio, & ipse non habeat sufficientem summam paratæ pecuniæ; æquissimum autem est, ut se indemnem servet ab illis damnis: deinde, etiã ab opposito, pauca sæpè pignora adferuntur, & sic magnam summam pecuniæ longo tempore debet servare infructuosam, quod etiã à mutuatoriis compensari debet. Insuper possunt præfati mutuatores aliquid ultra sortem accipere ratione expensarum, quas faciunt ratione mutationis, ut v.g. in aptanda domo ad asservanda pignora, pro sustentatione & stipendio ministrorum, qui pignoribus recipiendis, æstimandis, restituendis, conservandis incumbunt, pecuniis numerandis præfunt, ac denique pro Præfati seu mutuantis honesta sustentatione, & aliis rebus necessariis. Quintò etiã possunt aliquid accipere pro industria & labore, quem suscipiunt in mutuando, qui magnus est, & satis difficilis. His adde pericula obvia,

quæ tum ex incuria & infidelitate ministrorum, tum ex fraude mutuatorum, qui adulterinis pignoribus, etiam sagacissimos fallere possunt, intervenire, ut sæpè compertum est: præter hæc sunt & alia pericula fortuita v.g. à publica seditione, & incendio, à quo tota mutuantis fortuna pendet. Insuper jungit periculum contagionis, quam subinde pignora, ut indumenta & vestes, allata ex locis peste infectis important, quæque summum damnum creat mutuantibus cum à suo exercitio ad tempus cessare cogantur, & pignora ita opinione hominum infecta vilissimo pretio alienare compellatur, atque ita fiat, ut non modò lucrum aliquod, tot titulus sibi debitum, non percipiat, sed nec sortem integram recuperare possit. His ergo & aliis allegatis, ad confirmationem omnium adfert Lothus aliquod Breve, quo Sixtus Quintus permittit Duci Sabaudie, ut mutuatores publici in suis terris etiã quorannis supra centum percipere possent octodecim: quare iustificat idem author Lombardos Belgii, si suprapositæ conditiones serventur, & non ultra quindecim in centum exigantur; concludens lombardos & montes pietatis Belgii non magis inter se differre, quam duo individua ejusdem speciei diversis nominibus insignita. Hæc dicti Lothi decisio tangens montes & lombardos Belgii à quinque præstantibus DD. est approbata, quorum testimonia apud ipsum *loc. cit.* reperies.

127. Nec refert, quòd passim mutuatores in lombardis dutescant: quia possunt dutescere sine usura; primò ratione



ratione lucri cessantis. Secundò detrahendo & reservando sibi aliquid ex justo stipendio pro merito propter officium publicum & obligationem passim omnibus mutuandi, cum multis molestiis & laboribus. Certè (inquit Lorthus) videmus Præfectos montium ex illo capite intra paucos annos ditescere, quia habent lautum stipendium, nec totum consumunt pro honesta sua sustentatione: quanto potiori jure id concedi debet mutuatoribus publicis, qui non tanquam famuli, sed tanquam domini pecuniarum, quas exponunt, officium istud in bonum Reipub. administrant. Ita ille: addens insuper, etiam dictos lombardarios posse licitè ditescere, magis quàm montes pietatis, eò quòd in his montibus sint plures ministri egregii, qui magna recipiunt stipendia; in lombardis verò pauci, ii què pauperes, qui tamen cum æqualem navent operam, & æquale præstent obsequium sicut illi plures, æquale quoque stipendium recipere possunt, & ideo faciliùs possunt ditescere, cum pauca consumant, & multa acquirant.

128. Verùm his omnibus minimè obstantibus, non ego sententiæ Lorthi, sed contrariæ P. Francisci B. Spei subscribo. Primò, quia non constat, quòd mutuatōres in lombardis pensionem non exigant supra communem æstimationem lucri cessantis & omnis compensationis ex justitia faciendæ; imò constat, quòd exigant: nam, fatente Lortho, accipiunt quindecim in centum; hujus autem excrecentis lucri non datur titulus alius

quàm mutuū. Secundò lombardariis ab Ecclesia præceptum est in Belgio, ut accepta per mutuū restituant, quod satis evincit, ipsos vi mutui accepisse aliquam lucri excrecentiam. Tertiò omne lucrum excedens omnes expensas & necessariam compensationem, non est in lombardis tandem futurum in sublevamen pauperum, per diminutionem, vel certè cassationem pensionis, quæ hodie datur, aliquando futuram: quod fit in montibus pietatis. Propter hæc & alia, meritò asserit dictus P. Franciscus, Præfectos lombardorum, & usurarum in illis receptarum cooperatores efficaces, à publicis in sua Parochiali Ecclesia Religionis Catholicæ exercitiis rejiciendos esse, quamdiu talem à Rege erectionem non obtinuerint. Scio ego zelosum Pastorem in civitate Flandriæ, in publico summi Sacri offertorio retraxisse Patenam, cum similis lombardarius inter ceteros ad offertorium procederet, approbantibus variis DD. quos desuper antea consulerat. Dixi, *quamdiu talem erectionem à Rege non obtinuerint*: quia hæc erectio faceret, ut justo titulo lucrum acquirere & ditescere possent, in eo què plurimum differrent à lombardis, ut P. Franciscus probat.

129. Non desunt etiam DD. qui, justificent praxim bursæ Antverpiensis v. g. ubi passim in mutuo exigitur multum ultra sortem: primò ob lucrum cessans, damnum emetgens, & periculum sortis, quæ omnia verè subsunt cum mutuantibus & mutuatarii ordinariè sint mercatores. Deinde



praxisilla est introducta ad bonum publicum promovendum, ut nimirum mercatores habeant semper pecunias in promptu ad negotiandum, ob quod publicum bonum quisque lubens juri suo cedit. Deinde illam praxim justificat mutua inter mercatores commodorum & incommodorum communicatio ex tali mutuo; qui enim hodie est mutuans, cras mutuarius erit. Quibus tamen non obstantibus Lessius asserit, illam praxim non parvam movere difficultatem in materia mutui; quod verum puto dum quis excedit notabiliter: & bene monet N. Franciscus habendam esse rationem copiae vel inopiae pecuniarum, multitudinis cambiorum, mercimoniorum, omniumque lucrandi rationum, in quibus opus est pecuniâ presenti; juxta quam pretium carentiae pecuniae negotiationi deputatae, ali-

quando est septem, 8. 9. 10. 11. 12. supra quod, per Carolinam anno 1540. Bruxellae editam vetatur aliquid exigi.

Petes quomodo possint justificari census supra praedictos montes fundari, cum nullam hypothecam habeant, sub qua respectivè pecunia detur?

130. Resp. illos esse fundatos supra ipsam Communitatem egentium mutuo, quae Communitas simul cum bonis mobilibus montium sive pignori- bus, & immobilibus, inter quae numeratur ipsa domus, est sufficiens hypotheca. Nec refert, quòd quandoque pensio annua non solvatur, & saepe imminuatur: quia sic & alii census fundati supra Civitates, flumina, &c. pro tempore, vel etiam quandoque pro semper deficiunt; quod, quia per accidens fit, non reddit illos census injustos.

## D V B I V M S E P T I M V M.

### *De contractu societatis, & cambii.*

131. **D**ico primò, contractus societatis est, in quo plures conferunt rem vel industriam in communem lucrum: debet autem in partitione lucri & sortis aequalitas esse Geometrica, ita ut omnium lucrum sit aequale, si aequalem summam vel industriam contulerint; inaequale verò, si contulerint inaequalem. Sed quid si unus totam summam, v.g. duorum millium florenorum conferat, & alter operam, ac dum hic eam sedulò praestitit, finitò contractu societatis solam reperiant dictam summam praecise, nullum verò

lucrum? Inter utrumque debere sortem dividi, docent Lessius, Tannerus, Dicastillo, & Lugo apud Burghaber *centur. 2. casu 96.* quia qui posuit operam, tantum posuit, quantum qui contulit pecuniam. Verum nullatenus judico ponentem operam admittendum esse in participationem dictae summae, nisi sic esset inter eos specialiter conventum. Probo, quia Xistus V. in *constitut. quae incipit: de restabiliis avaritia*, dicit, sortem finitò societate tradendam esse illi, qui eam contulit, si extat: & merito; quia si pereat, illi so-

li perit, adeoque par est, ut illius sit commodum, cujus est incommodi periculum. Nec refert, quòd sic unus totam suam operam perdat, & alius nihil de sua sorte: nam sicut fors stetit periculo solius conferentis, ita opera debuit stare periculo laborantis, ut servaretur æqualitas. Sic nobiscū sentit Burghaber, & alii octo, quos citat.

An unus sociorum possit cum altero pacisci de assicurando capitali, & inire alium contractum venditionis reliqui lucri incerti pro certò: Eruitur ex dictis *dub. 6. §. 4. num. 112.* Solum hinc nota, nunquam societatem post mortem contrahentis ad ejus hæredes transire, licet de eo expressè conventum esset: ita enim habetur *l. adeo, §. 9. & l. verum. 63. §. in hæredem ff. pro socio.* Rationem dat Franc. B. Spei, quia in hoc contractu maximè attenditur industria personæ. Vide illum hinc *disp. 12. num. 37.*

132. Dico secundò, contractus cambii est negotiatoria permutatio pecuniæ cum pecunia. Cambium duplex est; aliud manuale sive minutum, quando diversæ pecuniarum species coram permutantur: aliud locale, quando eadem vel diversæ species datur in uno loco, & accipitur in alio. Moderatum lucrū licitum est in cambio manuali: primò, ratione lucri cessantis; posset enim campfor pecunias, quas paratas servat ad cambias, in census vel mercaturæ exponere. Secundò, ratione onerum quæ subit in pecunia omnis generis acquirenda, in ea numeranda, &c. Tertiò, ratione periculorū cum infidelitatis in servis, tum deceptionis per falsam monetam, tum etiam

ne domus ipsius spoliatur. Similiter etiam licitum est lucrum ex cambio locali, quando scil. campfor in Belgio v. g. pecunias accipit, quas Romæ, vel Parisiis refundit per suos factores vel alios: quia & hinc subsunt iusti tituli; ut primò, virtualis pecuniæ translatio cum assicurazione: tantumdem enim facit, ac si alterius pecunias absque ullo periculo Romam vel Parisios transferret. Secundò etiam subit labores & onera, de quibus statim. Hæc omnia DD. communiter. Debet interim in omnibus semper servari æqualitas inter onera & lucrum, quod exigitur, cujus æqualitatis taxandæ non potest alia certior tradi regula, quàm vel statuta Principis, vel Magistratus, vel consuetudo à recta ratione non abhorrens, vel arbitrium prudentium.

133. Cæterum ut facilè solvas communiter hinc objici solita; adverte pecuniam, quatenus est quasi merx, & ad alios usus determinata, quàm ut sit pretium rerum, posse admittere majus & minus pretium: & adde nos cum aliis damnare lucrum, quod provenit ex cambio sicco, seu ficto, quod non differt à mutuo, ac consequenter ejus lucrum est usura palliata; prout v. g. contingit dum campfor dat campfario centum Bruxellis, ut ea restituat Romæ cum pretio ordinario, cum tamen campfarius Romæ non habeat pecunias, nec cogitet ibi solvere: posset tamen adhuc ita siccè cambiens aliquid justè accipere ob lucrum cessans, damnum emergens, aut periculum fortis, si hæc verè subsint; minimè tamen ratione

virtualis translationis, de qua hinc maximè queritur. Solent aliqui ad justitiam cambii requirere aliquas alias condiciones positas in Bulla Pii Quinti, quæ tamen vix ullibi modò obligant, sicut ipsa Bulla vix ul-

libi est usu recepta, quare eas omitto: pro illis tamen, sicut & pro aliis circa hanc materiam, Vide Francisc. B. *Speci de Jure & Justit. disp. 12. num. 1. & sequent.*

## DVBIVM OCTAVVM.

### De Censibus.

134. **C**ensus est jus recipiendi annuam pensionem ex re vel persona aliena. Alius est reservativus, quando quis translato dominio directo & utili alicujus rei, sibi reservat jus pensionis annuæ: alius consignativus, dum quis super se vel bonis suis alteri consignat jus pensionis annuæ: atque hic, si fundatur super re, dicitur census realis; si verò super personâ, dicitur personalis; si super re & personâ simul, dicitur census mixtus.

135. Alius insuper census est pecuniarius, in quo pensio est pecunia; alius fructuarius, in quo pensio sunt fructus: iterum alius est certus, in quo exigitur pensio determinata, ut v. g. centum floreni, vel centum modii tritici; alius incertus, in quo exigitur juxta quantitatem fructuum vel proventuum, ut v. g. media, tertia, vel quarta pars eorum. Denique census alius est perpetuus, in quo ad semper annua pensio debetur, donec capitale reddatur; alius est temporalis, qui finitur cum tempore. Perpetuus subdividitur in redimibilem,

cujus capitale reddi potest ad arbitrium censuarii; & irredimibilem, cujus capitale nunquam reddi potest. Temporalis item subdividitur in censum temporis certi, v. g. ad decem annos; & temporis incerti, ut v. g. ad vitam alicujus, qui census dicitur vitalitius. His positus

136. Dico primò, census reservativos esse licitos, certum est apud omnes; non est enim in quo injustè agat, qui alteri rem suam donat, parte ejusdem sibi reservatâ. Id ipsum etiam mihi certum est quoad censum consignativum fructuarium; quia in eo emitur jus ad fructus, quod æquè est licitum, quàm emere ipsos fructus.

137. Dico secundò, licita etiam est emptio novi census pecuniarii. Ita omnes communiter contra Henricum & paucos alios apud Salas. Probatur, quia illum censum approbarunt summi Pontifices Urbanus V. & Pius V. Deinde obligatus ad censum fructuarium potest per alium contractum licitum hanc obligationem convertere in pensionem pecuniariam, ergo

ergo & hunc contractum solitariè ini-  
re. Nec refert, quòd per annuam pen-  
sionem in censu, spatio viginti, vel se-  
decim annorum, recipiatur totum ca-  
pitale, & tamen adhuc restet totum  
solvendum; quia & hoc licitè fit in  
locatione domus. Neque est hic pe-  
riculum usuræ; nam non emitur pe-  
cunia, ut voluit Henricus; sed jus ad  
fructus, sive ad valorem fructuum rei,  
super quam census fundatur. Inter-  
cedit igitur semper verus contractus  
emprionis ac venditionis juris ad fru-  
ctus rei vel personæ.

138. Ponit Franciscus B. Spei varias  
conditiones jure positivo ac Bullâ Pii  
V. ad censum validum & licitum re-  
quisitas. Prima est, ut instituatur su-  
per re naturâ suâ immobili, aut quæ  
pro immobili habetur. Secunda, ut  
creetur numeratâ pecuniâ in actu ce-  
lebrationis instrumenti coram Nota-  
rio & testibus. Tertia, ne in pactum  
deducatur anticipatâ census solutio;  
vel quòd censuarius existens in mora  
solvendi teneatur ad aliquam pœ-  
nam. Ne census antea constitutus  
augeatur ex pensionibus jam debi-  
tis, non solutis; benè tamen ex so-  
lutis, de novo, sub forma ordinaria,  
numeratis. Ut censuario semper li-  
berum sit, censum redimere reddito  
eodem pretio, ita tamen ut ad hoc co-  
gi non possit; nisi denuntiatio desu-  
per ante bimestrem facta sit; tunc enim  
potest intra annum invitâ censitore  
ad redimendum cogi. Hæc & alia P.  
Franciscus hic *disp. 11. num. 7. & seq.*  
*qui num. 34.* dicit, ex natura rei cen-  
sum realem esse licitum, cum pacto re-  
dimendi ex parte venditoris, quando

censualistæ libuerit: quia pactum il-  
lud non minùs licitè hic, quàm omni-  
bus aliis rebus venditis adjicitur. Ad-  
dit tamen (& benè) pactum hoc esse  
vitandum, ne per hoc pallietur usura:  
item debere tunc censum cariùs  
emi unâ quartâ parte. Hæc etiam *num.*  
*46. & 55.* extendit ad censum persona-  
lem, & mixtum. Dixi, & benè: quia  
accedente recuperabilitate sortis ad  
libitû, nullâ denuntiatione antea de-  
super factâ, non videtur titulus ad pe-  
tendum aliquid annuum à sorte distin-  
ctum major esse in censu, quàm in mu-  
tuo.

Petes primò, an licitè ematur cen-  
sus minori pretio, quàm sint omnes  
pensiones speratæ?

139. Resp. affirmativè; quia quod  
pensiones sperentur superare sortem,  
fortuitum est in censu temporali; in  
censu verò perpetuo ipse fundus non  
tantum valet quam speratæ pensio-  
nes: deinde in emptione novi census,  
sive temporalis sive perpetui, nun-  
quam datur tantum, quantum omnes  
speratæ pensiones continent, eò  
quòd semper adsint pericula, de  
quibus suprâ. An autem licitè ema-  
tur census jam compositus minoris,  
quàm sit taxatum pretium? Contro-  
vertitur: affirmativè respondet Dia-  
na *p. 1. tract. 8. resol. 36.* si ad id quis ro-  
getur: quia, inquit, merces ultroneæ  
vilescunt: & pro se citat Navar. Sylvest.  
ac Joannem de la Cruz: verùm ego  
contractum puto sustinendum, quia  
aliàs etiam quis posset novum censum  
infra taxam emere dum ad id rogaretur;  
& è converso aliquis rogatus,  
ut censum sive novum sive antiquum

ven-

vendat posset accipere ultra taxam, quia merces exquisita carefcunt: quomodo verò ista axiomata funt intelligenda, vide dicta *dub.* §. §. 2. circa medium. Certè hæc mihi omninò videntur illicita; nisi fortè dicti census funt minus benè hypothecati, aut difficulter valdè obtineatur solutio annuæ pensionis eorum.

Petes secundò, quomodo agendum pro obtinenda pensione suo tempore, five anno elapso, non solutà?

140. Resp. cum P. Francisco *num.* 78. in censu personali vel mixto, censuarium, seu hæredem ejus, vel fideiussorem, aut bonorum possessorem coram Judice vocari debere, ubi bona aut domicilium habet; aut, si absens sit, executio faciendà est per litteras requisitorias, exemplum obligationis continentes. Factà verò executione, reus incarcerandus est, nisi per privilegium incarcerari non possit, aut sufficientia bona in cautionem dederit. In censu verò reali, censuaris incarcerandus non est; sed bona hypothecata in solutionem distrahenda sunt: quæ si solutioni non sufficiant, alia ejus arrestari non possunt; quia ratione istorum tantum, censuaris ad pensionem solvendam astringitur. Ita ille. Adde quando bona hypothecata non sufficiunt ut omnibus censibus fiat satis, tunc qui habet primum censum primò recipit totum suum capitale cum omnibus decursibus, antequam is, qui secundum censum habet quidquam etiam de suo capitali recipiat: quod idem dicendum de secundo censu respectu tertii, nisi aliud particulari jure statutum sit.

Quod appono, quia juxta jus Lovanense in illo casu habens primum censum, tantum potest recipere ante alios suum capitale & decursum unius anni, & pro decursibus aliorum annorum expectare debet, donec aliis censuitoribus suo ordine quoad capitale & decursum unius anni similiter satisfactum sit, quæ sunt bene notanda.

Petes tertio, quomodo fieri debeat taxatio justii pretii in censibus?

141. Resp. esse servandam proportionem in rebus fructiferis cum earum pretio, ut si v. g. ager emi deberet decem millibus, ex quo deductis expensis annuè recipiuntur quingenta, eodem pretio rectè emetur census quingentorum annuè. De cætero juxta P. Urbanum justus est ille contractus census, qui consuetudini loci accommodatur; juxta quam consuetudinem dicit in Gallia novam censuum constitutionem esse, ut accipiatur unum in octodecim: in Hispania verò emuntur census irredimibiles viginti octo, viginti novem, vel triginta pro uno annuè: redimibiles in aliquibus locis solum emuntur decem, in aliis quatuordecim, in Belgio autem sedecim, vel etiam viginti pro uno, ubi census irredimibiles ex parte vendentis sunt prohibiti à Carolo V. Bruxellæ anno 1528. Imò eos passim prohiberi, asserit P. Scilder *tract.* 4. *num.* 192. post alios: si nimirum emanant à privatis: quia simpliciter loquendo, census relictii templo aut ejus ministris ad onera perpetua sustinenda, præsumuntur hoc ipso irredimibiles, juxta



juxta consuetudinem Bruxellenſem, l. Annua, §. ſin. & l. pen. ff. de ann. legat. Quod & abſolutè docet Anſelmo in Tribomano Belg. c. 29. §. 10. de reditu fructuario Eccleſiæ relicto. Cæterum Franc. B. Spei de iure & juſt. diſp. 11. num 28. hanc reſolutionem: *Cenſus realis, tam pecuniarius, quàm fructuarius, tam perpetuus, quam temporalis, etiam vitalitius, eo pretio emptus, quod lex*

*aut conſuetudo recepra taxat, juſtus eſt, ac licitus*, dicit eſſe quinquaginta Doctorum, & quinque Pontificum: eamque probat, oſtendens in pluribus, quæ ſunt pretio æſtimabilia, cenſum à mutuo diſtingui. Idem *ibidem* 70. oſtendit, conditiones in Bulla Pii V. requiſitas, & ſupra relatas, non obligare in Belgio, Hiſpania, & aliis Provinciis, pro quibus eum conſule.

## DVBIVM NONVM.

### De fidejuſſione, pignore, & hypotheca.

141. **D**ico primò, fidejuſſio eſt contractus, quo quis ſuſcipit obligationem alienam ad ſatiſfaciendum pro altero, ſi deſecerit: unde fidejuſſor non poteſt conveniri à creditore, niſi priùs, facta excuſſione principalis debitoris, conſtet hunc non eſſe ſolvendo. Ita habetur *authenticâ præſente cap. de fidejuſſoribus*. Poteſt fidejuſſor licitè accipere pretium fidejuſſionis proportionaliter ad periculum, quod ſubit: imò & aliquid exigere, quamvis veròſimiliter nullum periculum timeatur; ſi tamen nullum abſolutè periculum, moleſtia, vel labor timeantur, probabilis oppoſitum iudico cum Franc. B. Spei: quia fidejuſſio non eſt ex te pretio æſtimabilis; quidquid id doceant Azorius, Navarrus, Fillucius, & alii.

Petes, quàm poſſint fidejubere?

143. Reſp. omnes, qui obligationem civilem contrahere poſſunt, exceptis mulieribus, & quibuſdam aliis,

qui ex diſpoſitione juris poſitivi à fidejubendo removentur, quos vide apud Leſſium. Quid ſi plures fuerint fidejuſſores? Reſp. omnes teneri in ſolidum: ideo enim creditor plures requirit, ut unus ſuppleat alterius defectum: quòd ſi verò unicus totum ſolverit, habet actionem in alios, ut alii pro ſua parte reſtituant; manente interim debitore principali obligato omnibus fidejuſſoribus ſatiſfacere pro omni damno ipſis ejus culpâ adveniente.

144. Dico ſecundò, pignus eſt contractus, quo creditori traditur res mobilis, ut ſit obligata pro debito. Hypotheca verò eſt, dum ſimili modo obligatur res immobilis: ſolent tamen ſepè pignus & hypotheca ſumi pro ipſa re mobili vel immobili, quæ prædicto modo creditori traditur. Poteſt res oppignorata monito domino poſt biennium vendi à creditore, ſi debitor neglexerit ſolvere,

D d d ut

ut DD. communiter tradunt : quidquid tamen quidam apud Busenbavin ad id non statuunt certum tempus, sed trinam monitionem : qui idem Busenb. docet, creditorem, qui ab aliquo pignus accepit, posse illud alteri oppignorare, pro non majori summa tamen quàm sibi debeatur. Nullus creditor potest uti pignore contra voluntatem domini, quia illud non ad usum, sed nudè ad securitatem traditur.

145. Cæterùm hypotheca duobus

modis contrahitur ; explicite, per anteriorem partium conventionem ; & implicite, per juris positivi dispositionem : quod, quomodo, & quando contingat ; vide apud Jurisperitos, & Lessium *cap.* 28. Pignori & hypothecæ affinis est contractus assicurationis, quo alienæ rei periculum in se suscipitur, vel gratis vel pretio : de eo in speciali nihil occurrit dicendum. Vide circa hæc omnia Franc. B. *Spei de Iure, & Iust. disp.* 14. per totam.

## DVBIVM DECIMVM.

### *De locatione, & conduçione.*

146. **D**ico primò, locatio est contractus, in quo usus aut fructus rei pro pretio conceditur : vocatur emphyteusis, si res sit immobilis, & ejus dominium utile alteri concedatur sub onere certæ annuæ pensionis ultra decennium : si verò concedatur pro obsequio personali, dicitur feudum, pro quibus vidè dicta suprà *disp.* 2.

147. Dico secundò, conduçtio est contractus, in quo usus aut fructus rei accipitur pro pretio. Unde contractui locationis semper correspondet contractus conduçionis ; quorum uterque dissolvitur, si res locata ante traditionem pereat : quòd si verò conduçtor impediatur ab omni usu vel fructu rei absque sua culpa, non tenetur solvere pensionem, nisi obstrictum de opposito : quare debet locator remittere in casu sterilitatis, v. g. pro

rata, quod est definitum à Gregorio IX. docetque P. Urbanus post alios communiter. Ad hanc tamen remissionem aliqui requirunt, ut quantitas fructuum non perceptorum excedat medietatem ; alii, ut excedat tertiam partem, alii quartam tantum ; pro quo attendendum puto ad locorum consuetudines, & conferendos esse annos præcedentes ac sequentes juxta sterilitatem vel fertilitatem. Adde secundum Franc. B. *Spei de Iure & Iust. disp.* 13. *num.* 21. certum videri, sicut in casu sterilitatis casualis annua pensio minui debet, ita in casu fertilitatis similiter casualis, debere eandem augeri : quia non videtur aliàs servari æqualitas onerum & commodorum inter contrahentes : quare si pluribus annis ob calis clementiam ubertiores fructus ex fundo elocato proveniant, posse augeri pensionem existimo quid-

quidquid tamen juxta omnes nihil remittendum sit propter damnum vel infortunium modicum, nec pensio sit augenda ob parum majorem fertilitatem.

Petes primò, an conducens domum teneatur ad restitutionem, si comburatur?

148. Resp. negativè, nisi locans ostendat, illam culpà conducentis periisse; licet enim incendium plerumque contingat culpà inhabitantium, id tamen etiam fit sæpè culpà famulorum, pro qua paterfamilias non manet obligatus, nisi in casu extraordinario, pro quo vide dicta suprà disp. 4. num. 26.

Petes secundò, an locator ante præfinitum tempus possit conductorem expellere; aut e contra hic rem conductam spontè deferere?

149. Resp. quoad primum negativè, nisi in casibus sequentibus. Primò, si per biennium non solvat pensionem. Secundò si debeat res locata refici, & id fieri non possit conductore inhabitante. Tertiò si adveniat casus improvisus, ob quem ipse locans re locatà necessariò indigeat. Quartò si conductor re conductà notabiliter abutatur. Ita Franc. B. Spec. diff. 13. num. 11.

150. Resp. etiam negativè quoad secundum, nisi eo non obstante paratus sit solvere pensionem. Potest interim eam alteri locare, vel totam, vel pro parte, nisi expressè in contractu id fuerit exceptum, vel talia inde supervenirent incommoda, quæ, si prævisa fuissent, omnino essent exclusæ; ut v. g. si quis domum à se conductam vellet elocare meretricibus. Ita P. Urban. & Caramuel, qui monet proprietarios, ut in contractu locationis obstringant conductores, ne aliis rem conductam elocare aut concedere valeant.

Petes tertiò, an, qui pluribus locat operam suam in solidum, possit à singulis accipere quantum ab unico, si alii deessent?

151. Resp. quòd sic, si æquè omnium negotia promoveat, ac si unius tantum negotium ageret: tunc enim nullus patitur præjudiciū, adeoque non minus valet dicta opera singulis, quàm si cuique soli in particulari applicaretur. Ita Lessl. dicens, id ad bonam fortunam vel industriam pertinere; ita etiam Diana docet, dum non obstat jus positivum, prout obstat in nuntio, cui à jure positivo est statutum pretium pro singulis litteris.

## DVBIVM VNDECIMVM.

### De deposito, commodato, & precario.

152. Dico primò, depositum est contractus gratuitus, in quo res aliqua alterius custodiæ traditur. Re deposità uti non potest depolita-

rius domino rationabiliter invito; quare tenetur ad restitutionem fructuum ex usu tali perceptorum, & ad compensationem damni, quod forte

Ddd 2 inde



inde exurgit deponenti. Insuper teneatur depositarius reddere depositum petente depositore, nisi peteret, ut sibi vel alteri noceat, nam tunc ad tempus redditio differri posset. Si res deposita sit usu consumptibilis, ut pecunia, triticum, &c. docent vari posse depositarium eâ uti absque expressa licentia deponentis, modò certum sit, quòd in eadem bonitate possit reddere ubi & quando deponens exegerit. Ita plures apud Dian. p. 4. tract. 4. resol. 68. idem dicent de re usu non consumptibili, si ex ejus usu non deterioratur, nec aliud incommodum aut periculum adveniat deponenti; ut si quis scutellis, aut alius rebus apud se depositis, utatur ad ostentationem aut pompam præcisè; in hoc enim non censetur deponens rationabiliter inuitus. Ex his aliqui deducunt thesaurarios Principum, & mercatorum famulos, sive factores, expendentes dominorum pecuniam, vinum, triticum, &c. minimè peccare, si moraliter certi sint, nullum inde damnum dominis, aut dominorum creditoribus obventurum. Verùm quia id, ob annexum communiter talis damni & abusus periculum, jus civile prohibet per leges non purè pœnales, oppositum putat probabilis Franciscus N. de iure & iust. diff. 8. numer. 28.

153. De culpa autem depositarii, ob quam teneatur ad restitutionem, vide dicta alibi; & adde in dubio, an res culpâ gravi depositarii perierit, non teneri hunc in conscientia ad restitutionem; quia est in possessione suâ innocentia; quod extendit ad sequen-

tia cum propositione, quando dubitatur de culpa, quæ certò commissâ induceret in illis obligationem. Quidquid P. Scilder tract. 4. num. 147. & sequ. diversimodè resolvat de culpa negativa & positiva.

Petes, an depositarius possit sibi compensare ex deposito id, quod sibi a deponente debetur?

154. Respondent varii, id in conscientia non videri illicitum, dum aliunde non potest solutio obtineri. Ratio est, quia de jure naturæ & gentium est, ut quis possit sibi satisfacere, dum aliunde non potest obtinere, quod sibi certò debetur: verùm quia leges sunt in contrarium, meritò plurimè tuerentur oppositum: neque enim hæ leges sunt purè pœnales, sed obligantes in conscientia, cum prohibeant circa rem alienam fieri, quod naturali aequitati communiter dissentaneum est.

155. Dico secundò, commodatum est gratuita concessio alicujus rei ad usum pro certo tempore: ante quod non potest commodatum repeti, si inde proveniret damnum commodatario, nisi fortè idem vel majus damnum immineret commodanti ex carentia rei suæ: tunc enim probabilius puto ipsum posse rem commodatam repetere ob implicitam voluntatem, qua non censetur se gratis velle in altèrùm obligare. Ita Navarr. Lessi. Lyman. & alii. Commodatarius tenetur primò, non uti commodato, nisi ad usum, ad quem datum est: censetur autem datum ad usum rei propriam. l. Plenum, §. Equum, ff. de usu & habit. Sic equus v. g. solitus vehere,

ad vecturam, solitus arare, ad aratrum præsumitur accomodatus; nisi aliter exprimatur. Secundò, finito tempore concessio, debet commodatum domino, etiam non exigenti, restituere, alioqui tenetur omne lucrum cessans & damnum emergens inde domino proveniens, refarcire. Tertiò, obligatur ad expensas ordinarias in re commodata conservanda. Vide Francisc. B. Speihic disp. 8. n. 5..

156. Dico tertiò, precarium est contractus, in quo gratis conceditur u-

sus alicujus rei donec concedens repeterit: non potest tamen omnipò in continenti repeti, quia hoc foret irrationabile, inquit N. Urbanus. Commodatum igitur à precario distinguitur, quòd in hoc nullum tempus determinetur; licet etiam in illo sæpius tantum implicitè hoc fiat, ut dum cuiquam conceditur liber ut perlegatur v. g. in quo virtualiter statuitur tempus ad hoc necessarium. Hæc breviter de contractibus; modò sit

# DISPUTATIO X.

## De Iudiciis.

### D V B I V M I.

#### De Iudice.

1. **L**icitum esse judicare seu jus dicere inter partes difficultatem seu controversiam habentes in materia justitiæ, omnes Catholici docent; quod immeritò negarunt waldenses apud Castro, quos sequuntur Anabaptistæ moderni, qui omnes in hunc errorem inducti sunt per malam intelligentiam diversorum locorum Scripturæ, in quibus dicitur, *Nolite judicare, ut non judicemini. Matth. 7. Tu quæ es, qui judicas alienum servum? Rom. 14.* &c. quæ loca intelligi debent de judiciis privatishominum particularium, & non de judicio publico legitimâ auctoritate facto, ut constat ex eadem Script. *Deut. 16. 1. ad Corinth. 6.* &c.

Deinde ratio est manifesta, quia judicare est actus virtutis, si serventur, quæ ad justitiæ rationem pertinent: & cum id in Repub. sit necessarium ad conveniens humani generis regimen, non est unde dicatur illicitum: quare de iis quæ tangunt Judicem,

2. Dico primò, in omni Judice requiritur jurisdictio, ita ut eâ absente sententia sit nulla, & judicans peccet mortaliter. Requiritur item scientia, quâ possit ritè fungi suo munere: quare si petens aut suscipiens officium Judicis dictâ scientiâ careat, graviter delinquit, quia Communitatem exponit

D d d ; peti-

periculo gravium damnorum : unde juxta D. Thom. 2. 2. *quest. 67. art. 2.* & plures alios, non debet talis absolvi nisi firmiter statuat tali officio renuntiare; nemo enim retinere potest officium, quod decenter exercere non valet, maxime dum inde proximo imminet periculum. Insuper si Judex ex imperitia male judicet, tenetur parti laesae restituere integrum damnum; quod si vero cognoscat se errasse inculpabiliter, tenetur quidem errorem impedire quantum sine gravi infamia potest, monendo v. g. secretò per se vel per alium, partem laesam, ut appellet ad Judicem altiorei: ad nullam tamen tenetur restitutionem. Deinde obligatur Judex omnium causas celeriter expedire, ita ut juxta Sylvest. Navarr. & alios teneatur ad damna & expensas, quae parti laesae ex iniqua dilatione proveniunt: quia est omnium injusta causa. Denique cum res judicanda superat captum Judicis (pro ut ordinariè materia litis magni momenti superat captum Mayeri & Scabinorum in pagis) debet illam tradere Jurisconsultis indifferentibus, duobus vel tribus: quia, ut bene P. Scilder *tr. 2. n. 79.* circa finem. Sicut Resp. vult Judicem in questione facti sibi ignoti sequi testes duos vel tres; sic etiam censenda est, velle, ipsum sequi saltem authores duos in questione juris à se non intellecti. Quod ergò Bardi *disc. 4. cap. 28.* velit, ad hoc sufficere auctoritatem unius, puto solum verum esse, quando Judex hujus rationem aliquotusque saltem penetrat & bonam judicat, de quo imperitus non debet facile praesumere.

Cum quidam villicus haberet litem cum suo vicino, & peteret rescriptum desuper, rogavit Advocatum, ut vellet latinum intermiscere, & hoc non qualemque, sed quod Mayerus non posset vertere in idioma vulgare. Ego, inquebat, etiam Scabinus fui, & cum omnia instrumenta poteramus intelligere, judicabamus causam inter nos, ne partes ulterioribus expensis gravarentur: si autem id fiat in mea lite, sum perditus, quia omnes moderni Scabini sunt à parte alterius. Advocatus igitur capiens mysterium, attulit citationes ex Bartolo & Baldo: *codice tali: ff. de & c.* ac cum sic lis debuerit decidi à Jurisconsultis, villicus vicit litem. Volui hanc historiam adducere licet studeam brevitati, ut melius avertantur errores intolerabiles: quamvis enim hic liber ad manus similium non perveniat, pastores movebuntur, ut cum occasione publicè vel privatim eos moneant.

Attendant etiam similes Judices, ut rem tradant judicandam arbitris in doctrina, verbositate, & c. aequalibus quantum fieri poterit: quia dum unus alteri desert, aequè est ac si res ab unico judicaretur: praeterquam quòd litigantes expensis omnino inutilibus graventur. Hinc damno praximaliquorum, alioquin satis capacium, qui dum rem momenti consultandam, vel etiam judicandam suscipiunt, non assumunt nisi vel recentem Licentiatos, vel se multò stupidiores, ut sic indubiè propriis insitatur sententiis, & consiliis.

3. Dico secundò, Judex debet semper judicare juxta leges scriptas. Ita D. Thom.

Thom. *quæst. 60. art. 5.* Ratio est, quia ideo leges statuuntur, ut secundum eas feratur iudicium: hoc tamen maxime intellige de Iudice non supremo: aliàs enim supremus potest in suis legibus dispensare juxta dicta in *tract. de leg.* Adde etiam Judicem inferiorem posse à lege scripta declinare judicando contra legis verba, sed secundum legislatoris mentem, quam prudenter per epykeiam interpretatur; plus enim oportet sequi legislatoris mentem quam verborum corticem, ut omnes faterentur: in dubio autem de ipsius mente, consulendus erit Legislator si res patiat moram: pro quibus vide dicta suprà de epykeia, & N. Franciscum B. *Spei de iure & iust. diss. 4. n. 8. & 9.* Adde, si lex scripta non exstet, juxtaquam iudicium formari possit, debere Judicem ferre sententiam secundum consuetudinem & stylum in foro judiciali communiter receptum: nisi nova ratio firma, solida, & clara, quæ ab aliis non fuit considerata occurrat, destruens communis sententiæ fundamentum: est enim plus sequenda veritas, quam aliorum auctoritas. Dixi, *nisi nova ratio* &c. quia si hæc ab aliis fuerit examinata & rejecta, non potest eam pro solida habere. Insuper in dubio an causa sit fori ecclesiastici an laici, debet Iudex laicus cedere decisionem Iudici ecclesiastico, uti tredecim probati auctores docent apud P. Scilder *tract. 5. n. 21.* & probatur ex *cap. si Iudex de sentent. excommun. in 6.* Quid si aliquis Clericus in concubinato vivat cum filia seculari? Causam utriusque spectare ad Iudicem ecclesiasticum, docent plures apud Meno-

chium *de arbitr. Iudicum quæst. l. 2. c. 371. n. 13.* quia una & individua causa est ab uno Iudice iudicanda *ex text. in L. nulli c. de iudiciis.* è contra prædictam filiam posse trahi & spectare ad Iudicem sæcularem, tradit post Julium Clarum, & alios, Burghaber *centur. 3. casu 86.* tum quia in *L. si quis uxoriss. de furtis in princ.* locius criminis non gaudet privilegio socii. Tum quia licet citatum delictum sit physicè unum, est tamen moraliter duplex, ratione cujus dupliciter quilibet delinquens suo subditur Iudici: & debet Lex suprà allata intelligi de causa quæ nullam, aut saltem non commodam patitur divisionem. Ita Burghaber.

Petes primo, quid faciet Iudex dum quis nocens probatur, quem ipse innocentem novit: vel è contra dum quis probatur innocens, quem novit nocentem?

4. Resp. in primis certum esse, dum quis juridicè probatur nocens, cujus innocentia per scientiam privatam est nota Iudici, eum debere similem liberare omni meliori modo quo potest, ut v.g. differendo iudicium, impediendo accusationes, sæpius examinando testes, ut inter eos possit contradictionem invenire. Ita ferè Bacho in *2. diss. 40. q. unica art. 1.* subdens, vix fieri posse, si sit diligens Iudex, quin aliqua via sibi occurrat, quæ sine iuris offensâ ipsum valeat liberare, vel uno ex allatis modis, vel Iudicis functionem excusando, & assumendo personam testis in favorem rei, eumque remittendo ad Iudicem Superiorem &c. ad quæ dicit Franciscus N. eum ex lege charitatis obligari. Interea

5. Resp.

5. Resp. secundò, quidquid Lest. Sa, Urban. & alii doceant, in causis criminalibus majoribus, in quibus agitur de occisione vel mutilatione, non possit Judicem in casu posito sibi notum innocentem condemnare: tamen sententiam oppositam omninò probabiliter sustinet N. Bacho *loc. cit. art. 2.* citans D. Thom. N. Gerardum de Bonna, & plures alios. Probat ipse suam sententiam variis argumentis; quorum unum aut alterum adduco. Primò igitur sic ait, Judex habet judicare juxta quod fungitur publicâ auctoritate & non ut privata persona; sed in casu posito non novit alterum innocentem in processu judiciario; imò sic novit eum ut convictum & reum; ac ita quidem, ut sine juris offensâ probationes repelli non possint: quòd si in tali casu Judex possit liberare sic convictum ob privatam scientiam, ob malitiam Judicem, qui id pro libitu faceret, etiam in absentia dictæ scientiæ, bonum publicum plurimùm pateretur; quòd tamen potestas publica plùs tenetur salvare quàm cujlibet personæ singularis. Deinde *Deut. 17.* dicitur: *In ore duorum aut trium testium peribit qui interficietur, & sequitur immediate, nemo occidatur uno contra se dicente testimonium: ex quo manifestum videtur, quòd accusatus in judicio, si sit convictus per tres testes, contra quos non possit excipi auctoritate legis, licetè poterit occidi, testimonio unius solius sive Judicis, sive alterius non obstantem in contrarium: unde & B. August. dicit in *qq. Levitici*, & ponitur *23. quæst. 5.* cum homo jussu occiditur, lex cum occidit, non tu: quasi dicat, cum homo publicâ*

potestate secundùm ordinem juris occiditur, legis ordinatione occiditur, & non tuâ privatâ voluntate. Insuper juxta omnes Judex aliquem in rei veritate reum, in judicio tamen nec confessum nec convictum, tenetur absolvere; prout etiam patet ex Concilio Carthag. cujus ratio est, quia licet crimen alterius fortè ipsemet viderit perpetrari; tamen ei ut Judici de eo non constat; ergo &c. ab opposito. Ex hoc antecedente patet responsio ad secundam partem petitionis. Plura vide apud Bachonem, & Franc. B. Spei *loc. cit. n. 10.* qui Bachonis sententiæ subscribit, solvens argumenta in contrarium.

6. Si dicas in hoc Judicem agere contra propriam conscientiam; respondeo eum non agere contra conscientiam rectam, quia debet sibi formare conscientiam juxta id, quod legitime ostenditur in judicio, prout solum sententiat eum ut reum secundùm allegata & probata, & non secundùm rei veritatem.

Ex dictis clarè deducitur, non posse Judicem monere Advocatum coram se litigantem, etsi advertat eum minus bene causam sui clientis urgere, & omittere id, quò adductò certò vinceret: cum enim ferenda sententia inter partes sustineat personam publicam communitatis, publicâ & non privatâ scientiâ, maximè in favorem unius partis, uti debet, prout constat à fortiori ex dictis dereo, & ex D. Thoma *2. 2. quæst. 67. art. 2.* Juxta ergo allegata & probata judicare tenetur, exhibendo se æqualem ad utramque partem. Accedit quòd aliàs valde civibus ex-

exosum foret, in omni publica sententia semper privatos affectus esse timendos: si enim Judex ab allegatis & probatis deflectere, & ex privata notitia partibus favere, & suggerere varia ad causæ elucidationem possit, meritò timebuntur illi affectus. Sic nobiscum docent varii quos citat & sequitur Burghaber *Centur. 2. casu 94.* contra Dicastillo, Pelliccionium & alios alios volentes, Judicem ad hoc teneri, quidquid Diana horum sententiam censeat probabilissimam.

Petes secundò, quid facere possit ac debeat Judex in causa utrimque probabili?

7. Posset tunc eum pro alterutro ferre sententiam prout placuerit, docent apud Sanchez *rom. 1. summa lib. 1. cap. 9. n. 45.* Sotus, Medina, Salonijs, & alii, quos & ipse sequitur; quibus addo Caramuelem *Theol. moral. lib. 3. disp. 3. q. 16.* Atque iidem ferè omnes id verum esse sustinent, licet pro uno staret opinio probabilior. Eorum ratio est, quia judicans juxta opinionem verè probabilem nec potest dici imprudens aut injustus, cum pro se habeat rationes alicujus momenti; & cum omnimodam certitudinem habere nequeat, sufficit quòd operetur cum certitudine probabili. Verùm his non obstantibus consequenter ad dicta *rr. 1. supra* omninò tenenda est sententia opposita, quam etiam defendit Burghaber *Centur. 1. casu 79. & Centur. 3. casu 46.* Probatur, quia in causa utrimque probabili totam rem uni parti adjudicare, est admittere manifestam acceptionem personarum, ac quasi pro placito de alterius re disponere:

& revera non puto posse dari casum in quo à Judice committatur acceptio personarum extra hos casus, cum in omnibus alijs adsit acceptio causæ, ut examinanti constabit: nisi fortè dicatur, in eo casu esse acceptionem pecuniæ; quia illi sententiæ insistendo, quando sunt duæ opinioniones æquè probabiles oppositæ, potiùs apud Judicem agendum esset pecuniis quàm rationibus. Cùm tamen meritò ab Alexandro VII. inter cæteras, sequens propositio universalis damnata sit. *Quando litigantes habent pro se opiniones æquè probabiles, potest Index pecuniam accipere pro ferenda sententia in favorem unius præ alio.* Quare non bene propositionem illam limitatè Mendo in *Statuta benignarum opinionum differtat. 6. quest. 7. numero 51.* damnat, extendendo ad solum Judicem, qui à Republica, aut Principe stipendium recipit.

Deinde talis Judex non deciderit causam secundum merita causæ, unde committit injustitiam, quam non evadet nisi dividat rem de qua disputatur, vel mittat sortem si non sit divisibilis. Ad rationes verò primæ sententiæ, diximus suprâ, eas tantum locum habere quando neutrum cedit in damnum tertii, vel quando alterutri favet possessio: unde si una pars sit rea & altera actor, favendum est reo. Vasquez temperat nostram sententiam dicendo, Judicem scientem litem à se judicandam fore appellandam ad Judicem altiore, in cujus tribunali aliqua sententia est commu-

niter recepta, posse tunc ipsum secundum hanc sententiam judicare, etiam si sit minus probabilis, quia aliàs posset timere, vel depositionem ab officio, vel infamationem &c. Ita Vasquez. Econtrà autem Cornejo, qui primam sententiam sustinet, vult eam ab omnibus debere coarctari, ut locum non habeat dum una opinio est benignior & magis pia; quia, ut habetur in *L. semper ff. de reg. juris*, indubiis semper benigniora præferenda sunt: censentur verò in jure magis piæ opinioniones illæ, quæ favent orphanis, pupillis, viduis, peregrinis, aliis miserabilibus personis, juramento, doti, matrimonio, testamento, libertati, religioni, aut Ecclesiæ: etiam quæ favent homini privato contra fiscum: item magis pia censenda est opinio, quæ solvit quàm quæ ligat conscientiam *juxta reg. juris*, odia restringi, favores convenit ampliari: & quamvis hoc, quod dicitur de sequenda opinione minus rigoroſa potissimum servari debeat à Judicibus & Confessariis in ordine ad alios, quorum causam judicant, tamen etiam potest servari ab unoquoque in ordine ad negotia propriæ conscientie cum debita moderatione & prudentia. Hæc omnia Cornejo.

Petes tertio, quid liceat Judici aut Superiori quoad inquisitionem?

8. Resp. ipsum posse instituere inquisitionem generalem de vitiis subditorum nullâ præmissâ infamiæ: nam talis inquisitio est prorsus necessaria ad cavenda delicta, & quamvis aliquorum vitia per eam detegantur, per accidens est. Vide Franciscum B. Spei *disputat. 4. citat. numero 29. ubi*

hæc habet, *Si tamen Iudex sit Prælati Religiosus, casu quo occulta quadam in tali generali inquisitione revelentur, ea sibi ut patri revelata credere debet.* Adde quòd debeat infamia præcedere, ut Iudex inquirat circà personam determinatam; aliàs injultè similem diffamat, qui adhuc habet jus ad famam: neque ad hanc infamiam sufficit, quòd duo testes jurent se vidisse committi crimen, quia hoc stante adhuc potest crimen esse occultum: requiritur igitur, ut rumor sit sparsus per majorem, vel mediam partem Communitatis, videlicet Civitatis, Monasterii, Viciniæ, vel saltem secundum P. Franciscum *numero 30.* ut duo viri probi judicialiter testentur, talem esse rumorem. An subditis generaliter de omnibus, vel particulariter de uno in particulari interrogatus circà aliquod crimen occultum, possit aut debeat criminofum occultum prodere? Erues ex dictis *tractat. 2. disputat. 6. numero 14.*

9. Adde ex P. Urbano, adhuc Judicem posse in delinquentem inquirere, quamvis non præcesserit infamia, sicut & punire ac condemnare notum reum per seientiam privatam, primò dum videtur expedire ut crimen puniatur, non ut divulgetur ob infamiam conjunctam; ut si quis tentasset Reginæ vim inferre & solus Rex id nosceret; si qui conspirassent in caput Principis & non expediat resciri personas. Secundò si non agatur de puniendo delicto, sed solum de avertendo malo Reipub. Tertio quando malefactor capitur in flagranti deli-



delicto, prout sæpè suspenduntur latrones silvestres. Quartò si sit periculum rebellionis; ut dum reus est potens: debet adhuc tamen ejus causa secretò discuti & evidens esse. Ratio est quia in his omnibus rationabiliter præsumitur populus & Respub. consentire, ut Judex ex scientia privata aliquem condemnet, vel ante infamiam inquisitionem instituat, etiam circà personas determinatas. Illicitum interim est, infamatum, aut convictum de uno crimine, juridicè interrogare de alio cum prior non conjuncto: quia talis reus adhuc habet jus ad famam oppositam aliis criminibus occultis, prout communiter DD. tradunt, addentes etiam Judici illicitum esse interrogare reum de sociis omninò occultis, nisi in casibus positis. Pro inquisitione Regularium vide N. Lezanam tom. 1. cap. 27.

Petes quartò, quid Judici observandum quoad torturam?

10. Resp. ad hoc ut quis in tortura poni possit, requiruntur indicia talia alicujus gravis criminis, ut reddant rem plus quàm probabilem, eamque faciant semiplenè probatam: talia autem juxta DD. communiter sunt, unus testis omni exceptione major: assertio trium vel etiam duorum criminis sociorum; excipit tamen in hoc Busenb. crimen veneficii: ipsius rei confessio extra judicium: fama publica orta à personis honestis: in quo tamen insuper requiritur aliud indicium, quia sola fama non probat; tale verò indicium est vestigium delicti in armis aut vesti-

bus; testis minùs idoneus; fuga secuta statim post patratum crimen, &c. pro quibus vide P. Urbanum tractat. 1. capit. 9. Interea adhuc semper tenetur Judex omnia alia media mitiora adhibere ad veritatem detegendam. Ceterùm dum quis crimen in tortura est passus, & id ratihabet, usque ad sequentem diem, censetur crimen plenè probatum, ad quam plenam probationem obtinendam tortura est instituta: quare si aliundè crimen plenè probatum sit, non potest Judex reum torturæ subicere, ut DD. satis communiter docent, nisi in aliquo loco particulari requiratur ad condemnationem, ut is, qui condemnatur, proprio ore confiteatur, prout testatur Bacho in aliquibus locis nullum aliter ad mortem condemnari.

11. Adde, licèt gravius torqueri possint illi, contra quos graviora sunt indicia, & qui de gravioribus criminibus sunt accusati, debent tamen adhuc semper moraliter posse tormenta sustinere inspectis qualitatibus eorum: aliàs enim confessio esset involuntaria, adeoque nulla, etià si fortè in confessione persistat extra torturam metu novæ torturæ. Neque licitum est, aliquem secundò torquere, nisi adveniant nova indicia, prout docent Lessius & Busenb. vel nisi priora indicia fuerint gravissima, ut tradit Urbanus.

Peter ultimò, an sit licitum Judici acceptare munera?

12. Resp. affirmativè, si spontaneè offerantur, & desit omne periculum



lum perversionis, & scandali: ut si post latam sententiam dentur in signum gratitudinis. Si tamen Judex (& idem est de aliis ministris iustitiæ) habeat justum stipendium taxatum lege aut consuetudine, non potest plus exigere, quin idem teneatur restituere, & committat peccatum concussionis, ut vocant. Ratio est, quia sicut frumentum v. g. non potest vendi ultra pretium taxatum, ita nec laboris exhibitio. Secus interim dic, dum quis à Judice aut alio publico iustitiæ ministro aliquid petit pretio æstimabile ultra id, quod in sui muneris justa exhibitione facere tenetur; ut quod plus studeat, adeat aliquem, quem adi-

re non tenetur, & similia: poterit enim pro istis exigere moderatum pretium. Hæc de Judice, qui plura eaque exquisita videre voluerit circa acceptionem munerū, videat P. Urbanum sæpius citatum *cap. 16. circa medium*; & P. Franciscum etiam sæpè citatum *num. 53. & 54.* ubi inter cætera dicit, solum Judici interdictam esse acceptionem munerum magni valoris, non verò esculenta & poculenta, quæ infra dies proximos prodiguntur. Non posse autem eum accipere pecunias, ut in causa utrimque æquè probabili uni totam rem adjudicet, diximus *num. 7. circa medium*.

## DVBIVM SECVNDVM.

### De Accusatore.

13. **A**ccusatio à denuntiatione distinguitur; primò quòd accusator non possit esse testis in causa, in qua est accusator, bene si solum sit denuntiator. Secundò quòd accusator teneatur ad probam & non denuntiator: ideo juxta Lezanam *tom. 1. cap. 27. num. 23. & 24.* accusatio debet fieri in scriptis, ut constet quid probandum sit: imò accusans alterum in causa ecclesiastica, debet se obligare ad pœnam talionis si in probatione defecerit: ita habetur *cap. Qualiter & quando de accus.* quamvis in causa seculari contrarium sit consuetudine introductum, ed quòd passim omnes propterea ab accusationibus retraherentur, ut tradit Urbanus su-

prà *cap. 12. & Lezana*; qui addit, ut accusator censeatur delictum probasse, sufficere, quòd illud probarit semiplenè, sive per famam vel unum integrum testem, vel per alia indicia æquipollentia. An verò & quando quis teneatur alterum accusare; colligere poteris ex dictis in *tractat. de Charitat.* ubi egimus de denuntiationibus Evangelicis: & ex *appendic. ad tractat. de Legibus.* quibus conformiter loquere de accusatione. Breviter tamen

14. Nota, accusationem non videri esse in usu apud Regulares reformatos; tum quia vix sine peccato exerceri potest, ut docet Glossa in *cap. Si quis Episcopus*; tum quia accusatio vindictam

dictam quærit, plùs quàm emendationem. Ita Thomas à Jesu de *Visit. Regul. tr. 1. cap. 4. num. 6.* & Lezana *suprà num. 22.* ubi de omnibus Regularibus loquens in generali, expresse dicit, accusationem paci ac tranquillitati Religionis non expedire: quo tamen non obstante, Franc. B. Spei de *Iure & Inst. disp. 4. n. 25.* movet, ut prudens Prælatus non acceptet simplicem denuntiationem contra eminentes viros, & probatos multis annis Religiosos; à quocumque fiat; sed solam accusationem sub pœna talionis; quod & nos alibi insinuavimus, ne malignantes inde caprent occasionem veræ observantiæ zelatores opprimendi. Insuper summus Pontifex in *cap. Qualiter & quando* ait, non facile admitti accusationem Prælatorum: quare Peyrinis *tom. 1. q. 1. cap. 18.* docet, adversus Præ-

latos non esse admittendos testes, nisi sint omni exceptione majores: horum ratio redditur à Pontifice supra, quia Prælati sunt quasi signum positum ad sagittam, ac multorum odia incurunt: & ut bene notat Panorm. quanto Prælatus est justior, tantò minùs omnibus placere potest, cum debeat diligenter suum officium exequi sine personarum acceptione. Vide de his latius Thom. à Jesu, & Lezan. *ubi supra*; ex quo solum hîc nota, Prælatos Religionum ex privilegio Bonifacii VIII. non teneri in causis Religiosorum procedere secundum jurisapices, sed juxta approbatas consuetudines, & generalia facta & facienda ordinis statuta; quamvis tamen semper servari debeant quæ sunt juris naturæ & gentium.

## DVBIVM TERTIVM.

### *De teste.*

15. **S**uppono ex Lezana *suprà num. 15.* testem posse esse varium; aliis enim est testis ocularis, qui oculis (& idem est de auditu) delictum percepit: alii sunt testes, qui de eodem facto, loco, tempore, personis, aliisque circumstantiis ad facti substantiam pertinentibus deponunt. Alii iterum sunt testes omni exceptione majores, quibus nulla exceptio apponi potest, per quam eorum fides minuatur. Alii denique sunt testes non omni exceptione majores, ut inimici inimicitia capitali, minores nati viginti annis,

personæ viles & infames, perjuri, demones, conspiratores, inconstantes in suo testimonio, & mulieres. Ita Lezana: quibus Urbanus addit consanguineos accusatoris usque ad quartum gradum, nisi agatur de crimine læsæ Majestatis Divinæ vel humanæ; item domesticos, & socios criminis, qui fortè cupiunt habere socium, ut vel sic melius possint obtinere veniam, vel saltem non ita arctè puniantur. His insuper adde, delictum plenè probat per tres, vel etiam duos testes juratos, & oculares, qui sint testes, & omni

Ecc 3 ex-

exceptione maiores, juxta illud Christi: *In ore duorum, vel trium testium stet omne verbum.* Idem sustinet P. Urbanus, quamvis similes testes discrepent in circumstantiis accidentalibus, ideo enim, inquit, non desinunt esse contestes; quia homines non solent tam diligenter attendere ad accidentalia, ut v. g. an cælum sit nubilum, vel serenum, &c. pro quibus etiam vide Franc. B. Spei *disp. 4. num. 71. qui num. 72. sequi dicit, testes non contestes, ut v. g. si unus de uno furto testetur, & alius de alio, non faciunt quidem plenam probationem, augent tamen contra reum: presumptionem, probationemque plus quam semiplenam efficiunt, ita ut, attentis circumstantiis, ad torturam & penam ordinariã paulò minorem, sufficere possit.* Ita ille post alios sex, quos citat.

Adde, dum testis se corrigit in continenti, fidem haberi correctioni: juramento verò anteriori, si tempus intercesserit. *Cap. præterea, de testibus;* in continenti autem se corrigere dicitur, qui id facit, priusquam dimissus sit ab examinatore, aut saltem publicatæ sint attestations; modò non sit locutus parti post testimonium primum; aliàs præsumeretur corruptus. Alciatus *reg. 2. præf. 29.* His notatis

16. Dico primò, testis tenetur offerre seipsum ad testandum, quando est necessarium ad defensionem Communitatis, vel alicujus innocentis, aliàs non: imò tunc adhuc solum obligatur ex charitate; quare non tenetur ad restitutionem, nisi tulerit testimonium falsum. Ita DD. communiter: quod & defendit Diana *p. 3. tract. 5. resol. 101. de teste* juridicè interrogato,

qui respondet se nihil scire; quia per Judicis mandatum non accedit obligatio justitiæ cominutativæ ad testandum. Ita etiam Joan. de la Cruz, Sylvius, & alii contra cæteros communiùs; quòd si verò testis dubitet, an interrogetur juridicè, probabiliter non tenetur respondere, ut docent Less. Sanch. Salas, & alii. Unde dum Judex inquit generaliter super aliquo delicto notorio, tunc subditus dubitans, an infamia vel indicia sufficientia sũt contra eum, quem novit delictum commisisse, non tenetur eum manifestare, sed respondere potest ac debet, se nescire quis commiserit. Ita Diana, addens circa hæc miserrimè decipi testes ac judices. Imò licet testis sciat se juridicè interrogari, adhuc non tenetur respondere; primò, quando crimen solum novit ex Confessione Sacramentali, aut sub secreto naturali tanquam Medicus, Consiliarius, Advocatus, Obstetrix, &c. nisi fortè periculum imminet Communitati ex eo, quòd crimen non patefiat; tunc enim debet detegi, quamvis quis jurasset se non revelaturum; quia tale juramentum neminem obligat, cum jure naturæ quisque teneatur ad oppositum. Secundò dum testis videt crimen probari non posse, non obstantem suo testimonio. Tertio dum illud solum scit ex personis non fide dignis; tunc namque potest se gerere, ac si nihil sciret. Quarto quando sibi timet notabile damnum. Ita Urb. Quibus adde quintum ex Bunsenb. si quis scilicet ex confessione delicti suis damnum timeat, ut si v. g. interrogetur circa delicta sui consanguinei.

nei. Sextò insuper testari non teneris, dum crimen scripsisti per injuriam, aperiendo v. g. litteras, cogendo alterum ad revelationem, &c. Septimò denique, si alter in facto probabiliter non peccaverit propter ignorantiam, vel aliunde; quia Judicis mens est interrogare de delicto, ut docent Filliuc. Azor. Bonac. & alii. Vide hæc serè omnia apud Franc. B. Spei, loc. cit. n. 73. & 74.

17. Dico secundò, testis, qui per imprudentiam invincibilem crimen occultum detexit bonâ fide, quia putabat se de hoc legitimè interrogari, non tenetur ex iustitia suum testimonium retractare, quamvis id postea resciverit, sed ex sola charitate; idque tunc tantum, dum id fieri potest absque notabili damno proprio, & sperat fructum ex retractione. Ita Malder. 2. 2. tr. 6. cap. 2. dub. 9. quæ, sicut & præcedentia, sunt bene noranda pro praxi. Adde, eum etiam, qui falsum crimen dixit ex ignorantia non damnabili, vel oblivione non mortifera, non teneri ad restitutionem damnorum, ut docet Diana part. 3. tract. 5. resol. 105. citans Pitigia. Cajet. Navarra, & alios; quibus jungo Urbanum tract. 1. q. 2. resol. 4. ubi dicit, solùm eum ad restitutionem teneri, qui scienter tulit testimonium falsum, vel ex ignorantia crassa, quæ scilicet inducat mortale peccatum: quod etiam est satis conforme dictis suprâ, ubi docuimus, neminem ratione damni dati ad restitutionem obligari, saltem rei gravis, nisi ob peccatum mortale. Insuper, quamvis quis scienter falsum testimonium rulerit, si tamen ejus testimonium non

fuerit efficax causa damni, sed à parte rei nihil effecerit, quia v. g. tota causa antea erat data per falsa testimonia aliorum, ad nihil tenetur. Ita Diana loc. cit. post Pitigianum & alios; quibus addo Less. Laym. & Busenb. Ratio est, quia quamvis talis alteri injuriam fecerit, nullum tamen intulit damnum.

18. Petes, an quis possit in judicio deponere, se scire id, quod audit à viro optimæ famæ: Doctissimus Mexia (sic eum vocat Diana,) videtur tueri sententiam affirmativam apud Dianam p. 4. tract. 4. resol. 77. ubi sic loquitur, Petrus ab Ancharano conf. 24. consuluit testes de falso non puniendos, qui deposuerunt se id scire, quod à viro optimæ famæ & opinionis audierant; quod dictum, ut singulare & valdè cordi tenendum, citat & sequitur Jason in l. 1. col. ult. ff. de eo, per quem, & l. de pupillo, §. si quis, ff. de nov. oper. nuntiat. Cui accedit quod Dominicus scribit, quòd quis certò dicitur pro certo scire, quando est certificatus ab uno notabili viro, & fide digno, ad quod etiam citat cap. si pro certo, de simon. & sequitur Jason. & Franc. Curtius senior, & idem voluit Romanus, loquens tamen pluraliter de fide dignis. Ita Mexia: & Didacus Perez in addit. ad Villadiego de irregul. cap. 3. §. item dicerem, ex Dominico notat etiam, quòd certificatus à notabili, seu fide digno viro, dicatur scire pro certo. His tamen & aliis omnibus minimè obstantibus

19. Resp. sententiam negativam omnino esse tenendam: quia alius ex unico testis ocularis testimonio posset haberi integra

integra proba, cùm videl. hic vir fide dignus existens, hoc alius narraret, qui ex sua conditione essent testes omni exceptione majores, adeoque testes de auditu efficerentur testes de causa scientiæ: deinde Calistus Papa *cap. testes*,

3. q. 9. jubet, testes de his solum testificari, quæ in eorum præsentia gesta sunt. Accedit, quòd in foro jud. civil. testes teneatur rationem reddere de suo dicto.

## DVBIVM QVARTVM.

### De reo, & restrictione mentali.

**D**E reo multa habet Lezana *tom. 4.* verbo *reus regularis*, quem vide pro occasione.

20. Dico primò, reus non tenetur fateri veritatem, antequam sciat se juridicè interrogari, videatque processum probationum, infamiæ, &c. quia possidens bona, honorem, aut vitam, non tenetur possessionem abjicere, nisi constet se ad hoc esse obligatum. Deinde in dubio magis favendum est reo, quàm aëtori. Ita Wigg. *tr. 6. cap. 3. dub. 1. resol. 2.* Dian. Urbanus, Busenb. & plures alii: quorum sententiam N. Franciscus vocat probabiliorem, dicens, ad legitimam interrogationem sufficere præcedentem infamiam, vel semiplenam probationem, vel manifesta indicia; vel etiam ipsam denuntiationem, aut accusationem, positis aliunde indiciiis non ita gravibus.

21. Dico secundò, reus, sciens se juridicè interrogari, tenetur sub mortali veritatem fateri manifestando delicta, de quibus inquiritur: tenetur enim obedire Prælato justè aliquid præcipienti. Ita D. Thomas, & Lezana *tom. 1. cap. 27. n. 12.* qui cum omnibus D. Thomæ discipulis docet, id verum

esse, quamvis inde immineat periculum vitæ, ob datam rationem; & ulterius addit cum Thoma à Jesu, esse propterea reo denegandam absolutiorem à Confessario, nisi veritatem fateatur. Hoc ultimum tamen videbitur nimis rigorosè dictum; quia sententia eorum, qui docent, reum non obligari ad veritatem contra se fatendam in causâ capitali, quamdiu adest spes evadendi, si non fateatur, quamvis aliàs Judex eum legitimè interroget, non est prorsus improbabilis, quam nec improbabilem vocavit Wigg. apud quem eam absolute defendunt Navarra, Sylvest. Bonac. Sa, & alii: imò Franciscus N. de *Iure & Iust. disp. 4. n. 57.* dicit, hanc sententiam (quam & suam facit) communiùs doceri; eamque esse probabilem & in praxi tutam dicit Diana *part. 2. tract. 1. resol. 27.* vultque hanc sententiam non solum procedere in causâ capitali, sed etiam dum agitur de pœna triremium, mutilationis, confiscationis omnium bonorum; in quo pro se citat Malderum, Lessium, & alios; quibus ego de novo addo Burghaber *centur. 1. casu 55.* Ratio eorum est, quia sicuti leges humanæ, ita etiam



iam humana præcepta, debent esse at-  
temperata naturæ nostræ, ut non im-  
ponant subditis aliquid, quod pro  
communi infirmitate censetur quasi  
impossibile observatu; videtur au-  
tem impossibile, quodd sperare liceat  
passim ab hominibus imperfectis,  
quales ut plurimum sunt illi rei, actum  
hujusmodi heroicum, quo obtempe-  
rarent Judici confitendo veritatem  
in caput suum, dum aliter sperarent  
vitam posse servare. Ita Wiggers.  
Et N. Urbanus (qui etiam asserit hanc  
opinionem esse probabiliorē) ab-  
solutè dicit, actum tali modo præcep-  
tum superare humanam conditio-  
nem, nec fortè, inquit, unus è centum  
illum præstabit. Alias rationes vide  
apud eundem Urban. Tanner. & Lu-  
go, quos pro hac sententia adducit  
Busenb. qui & eam vocat probabi-  
lem: ex quibus omnibus apparet, ut  
dixi, Lezanam, & Thomam à Jesu ni-  
mis durè fuisse locutos; ac P. Burg-  
haber meritò monet, rationem alla-  
tam, & Authoritatem ostendere,  
censuras graviores vanas ac con-  
temptibiles esse, quas aliqui contra  
sententiam jam positam effutierunt.  
Sed

22. Adverte me dixisse, debere  
subesse spem evadendi: quia aliàs ces-  
saret ratio tegendi veritatem.

23. Petes primò, quomodo se reus  
habere debeat in casibus ubi non te-  
netur fateri veritatem; ut v. g. dum  
interrogatur de crimine occulto;  
dum ejus factum externum contra le-  
gem excusatur à peccato; dum peti-  
tur de aliqua circumstantia vera, ra-  
tione cujus deveniretur in suspicio-

nem delicti, quod non commisit, &  
similia plura, quæ adfert P. Uirba-  
nus?

24. Resp. certum in primis esse in  
istis omnibus nunquam esse licitum  
reo mentiri, utpote, cum juxta omnes  
communiter id sit intrinsecè malum:  
poterit tamen absque ullo mendacio  
& peccato absolutè respondere, se  
non fecisse id, de quo interrogatur, id-  
que præstito juramento si opus fuerit:  
quia id sonat, non feci eo modo, quo  
me interrogas; unde responsio talis  
vera est etiam juxta mentem interro-  
gantis. Ita Urban. *loc. cit. cap. 14. cir-  
ca initium.* Verùm mihi displicent se-  
quentia, nimirum, *potest etiam dicere se  
non fecisse, intelligendo aliam diem ab ea,  
qua fecit; item potest dicere se non occidis-  
se Petrum, intelligendo alium ejusdem no-  
minis, vel eundem antequam nasceretur &c.*  
Ita idem, quibus non absimilia tradit  
Diana *par. 3. tract. 5. resol. 30.* sed, ut di-  
xi, hæc mihi displicent; quia indu-  
cunt restrictionem merè mentalem,  
quæ licèt in opinione plurium recen-  
tiorum sit licita, tamen Malder. Syl-  
vius, Rebell. Laym. Franc. B. Spei, &  
alii mordicè nobiscum contrarium  
tuentur, docendo nunquam aliquid  
affirmando licere uti oratione, quæ  
spectatis omnibus circumstantiis,  
prout exteriùs profertur, est absolutè  
falsa; & Caramuel meritò dicit sibi  
innatam esse aversionem contra restri-  
ctiones mentales.

25. Probo igitur restrictiones men-  
tales nullo modo admittendas esse:  
quia nec ulli reo, nec aliis innocentibus  
sunt necessariae; nam reus contra  
juris ordinem interrogatus dicere pos-

Fff test

est non feci, non scio, &c. eaque jurare sine ullo mendacio aut restrictione mentis, cum sola restrictione dictionis, id quod ad significandum id, quod intendit dicere, verba restringantur à circumstantiis sensibilibus: respondet enim reus in eo sensu, in quo Iudex interrogat: non enim interrogat Iudex, an crimen commiserit absolute loquendo, sed an constet, an probari possit, &c. cum fecisse; quia alias Iudex petendo peccaret. Hæc omnia claritatis causa demonstro in simili, quo utitur Caramuel, ut ostendat civile lexicon à scholastico non cælo differre: *Petrus à me ut comes & vadam exspatiatus per urbem: ire nolo & volo quod sentio tibi dicere, dico, non possum: arguis me mendacio, nam nullum impedimentum subesse clare constat; jam ut me excusos, ad mentalem nescio quâ restrictionem recurris, ego nullam admittam: dicit me v. l. l. etum fuisse, non hebraice, non græcè, sed latinè, & non in quacumque dialecto-latina, sed in civili & urbana, à qua verbum nolo est expunctum, & ejus loco verbum non possum subrogatum.* Ita Caramuel, addens verba univoca determinari à circumstantiis adjacentibus ad diversa subinde significanda; sicut æquivoca, non mentaliter, sed à verbis conjunctis, restringuntur ad determinatam significationem: ut dum dicitur aries est primum signum Zodiaci, aries est instrumentum militare: imò etiam sæpius ab ipso loco; aliud enim significat vox lingua bovis in penuario, aliud in pharmacopæa: sic etiam vox fornicatio, quæ univoca est, in sacerdotis confessione, quem ex habitu vel ipsa confessione distinguis à seculari,

tibi Confessario significat sacrilegium; in confessione uxorati significat adulterium, & sic quoque in aliis sine ulla restrictione mentis: hinc igitur pater hanc non esse necessariam. Deinde (pergit idem Caramuel cujus verba non audeo immutare) restrictiones mentales, sicut tibi admittenda sunt, ubi desunt circumstantiæ significantes (ignoscant mihi eundem authorem & propugnatores) tollunt humanam societatem & tanquam pestifera & mortifera sunt: quoniam semel admissa aperiunt omni mendacio, omni perjurio verum, & ita differentia inter eos est; ut quod libere rotabatur mendacium, naturam & multum nunc mutet, sed nomen, ita ut hodie jubeatur restrictio mentalis nominari: quod viris condire faciliare, & scelus specie virtutis colorare est. Ita idem. Vide etiam Franc. Boix Spei de Fide Disp. 3. num. 11. ubi restrictionem mentalem, arguè ad mendacium, illicitam ac malam esse declarat: num. 21. ubi dicit, eandem sibi rationem esse restrictionis & mendacii: num. 24. ubi, quæ contra mendacium adferuntur, retorquet in restrictionem mentalem: vide eum etiam num. 61. ubi, ex à se alibi efficaciter probatis, supponit, dari non posse justam causam, etiam de potentia absoluta, quæ excuset usum verborum per se fallentium, si ceterum interius subintellectis verum sensum habeant. Idem num. 63. asserit Confessarium, in injustè interrogatum, an pœnitens tale crimen commiserit, peccare, si commissum neget præcisè ob hæc verba, *ut tibi dicam: & num. 64. deducit, multum à verò & recto aberrare eos, qui restrictionem mentalem admittunt.*

Petrus

Petes secundò, quid liceat reo quo-  
ad fugam & defensionem?

26. Resp. in primis reum justè con-  
demnatum, nec Judici, nec judicii mi-  
nistris posse resistere; qui enim pote-  
stati resistit, Dei ordinationi resistit :  
potest tamen se defendere contra Ju-  
dicem & justitiæ ministros, licet sen-  
tentia sit tantum materialiter injusta,  
si absit periculum scandali. Ita Ur-  
banus cum cæteris communiter. Ra-  
tio est, quòd iniqua sententia non ma-  
gis obliget quàm lex iniqua, quæ nul-  
quam obligat. Insuper semper ma-  
net licitum reo, etiam post sententiam  
Judicis, è carcere fugere, dum aliàs ti-  
met mortem, mutilationem, captivi-  
tatem perpetuam, aut notabilem ja-  
cturam fainæ: secùs fortè dum juravit  
contrarium. Ita DD. communiter.  
Ratio est, quia quisque habet tantum  
jus ad conservandam vitam, ut nulla  
potestas humana possit obligare ad  
eam non conservandam dum fieri po-  
test; nisi fortè hoc necessè foret ad bo-  
num commune. Ita Lessl. & Busenb.  
ac, ut ait Wigg. post D. Thomam, ne-  
mo potest condemnari ad faciendum  
id unde mors sequatur; nec conse-  
quenter ad manendum in carcere in  
dictis casibus, unde potest reus carce-  
rem effringere ut fugiat; quia cum sit  
in necessitate extrema, potest se dis-  
pensabiliter licitis adjuvare, ut loqui-  
tur N. Franciscus.

27. Neque tunc inferitur vis publi-  
cæ potestati, quia hæc (ut notat Urba-  
nus) residet in ministris justitiæ, non in  
lignis vel faxis, quemadmodum non  
diceretur resistere justitiæ, qui dam-  
natus ad bestias, his resisteret: si verò

contingat inde quòd etiam alii captivi  
fugiant, per accidens est, ipse interim  
suo jure utitur. An autem sit licitum  
aliis, suppeditare reo instrumenta ut  
carcerem effringat? controversitur:  
affirmativè quoad eos, qui non sunt  
ministri justitiæ, respondent Malder.  
Villal. Cajet. Vasq. Lessl. Sylvius, Azor.  
Turria. & alii, quos citat & sequitur  
Diana par. 3. tr. 5. resol. 102. quibus addo  
Urbanum & Busenb. Probatur, quia  
cum juxta DD. communiter licitum  
sit consulere reo, ut fugiat, ita & media  
ad fugam suppeditare: adhuc tamen se  
opponunt Valentia, Sotus, Toletus &  
alii apud Malder. & Diana. Adde in-  
terim nemini licitum esse per se carce-  
rem effringere, ut reus fugiat; quia  
hoc nimirum turbaret publicam pote-  
statem; & ipsi reo id solum est licitum.  
eò quòd sit ipsi nimis arduum & inhu-  
manum (ut loquitur P. Urbanus) non  
posse suæ vitæ, membris, &c. consulere  
quovis modo: undè sit quòd id nec  
reo sit licitum si manens in carcere  
nullam ex gravioribus pœnis timeat.  
Cæterum nullus justè condemnatus  
tenetur fugere quamvis facillè possit;  
potest enim meritò velle pati pro deli-  
ctis suis. Si tamen quis esset injustè  
condemnatus teneretur fugere; quia  
non habet justam causam permanen-  
di, ac permittendi suæ occasionem, aut  
mutilationem injutam.

28. Dixi suprà, secùs fortè dum iur-  
avit contrarium: quia Franc. B. Spec. de  
Jure & Just. disp. 4. num. 64. docet, reum  
secularem, etiam post dictam jura-  
mentum, posse in caru politico e carcere  
fugere; quia non tenetur attendere  
ad datam fugiendi occasionem, sicut



etiam intendat, illâ datâ se ad non fugiendum obligare, sed excepisse; quia si, dum iuravit, data fuisset, non iurasset, ut suppono. Ita ille.

Petere tertiò, an innocens morti ad iudicatus licitè iudicem vocet ad tribunal Dei?

Respondeo affirmativè, si v.g. fiat præcisè ut innocentia pateat, aut familia ab infamia liberetur. Probatum exemplis virorum sanctitate & doctrinâ præstantium, quæ adducit Delrius de magicis disquis. ro. 2. l. 4. c. 4. q. 4. s. 1. tum quia quilibet ob gravamen licitè appellat ad superiorem Ju-

dicem, qualis respectu omnium nostrum est Deus. Ita post Delrium, & plures alios docet Burghaber centur. 3. casu 87. cum quo tamen fateor lubens, hoc genus defensionis periculosum esse, nec unquam ferè usurpandum; quia facilè latens aliqua gloriolæ, vel vindictæ, vel alia perturbatio animi nebula se immiscet, ut veritatem ac iustitiam non videamus. Quod si quis scienter alium citet injustè, peccat, etiam mortaliter ob grave nocumentum alteri inde oriri solitum, ut benè addit idem Burghaber.

## DVBIVM QVINTVM.

### De Advocato, Procuratore, Secretario, & Notario.

29. **I**N Advocato quatuor communiter à DD. requiruntur: primò conveniens scientia, quâ noscat jura, consuetudines, aliaquæ necessaria ad clientum causas ritè defendendas ac promovendas. Hinc mortaliter peccat, & tenetur ad restitutionem si sit in culpa lata Theologica vel scientiæ acquirendæ, vel diligentia adhibendæ juxta prudentis iudicium: item si expeditionem causæ cum clientis præiudicio differat, postponat, vel ad eò multas defendendas suscipiat, ut eas expedire non valeat. Tenetur autem majorem vel minorem adhibere diligentiam secundum merita causarum.

30. Secundò requiritur iustitia causæ: peccat enim contrà iustitiam, adeoque ad restitutionem tenetur,

dum cliens deficit, si scienter patrocinetur causæ injustæ, sive ab initio sive in decursu litis notæ ut tali; quia est causæ injustæ damnificationis. Ita omnes. Ex quo deducitur, non esse absolutionis capacem eum, qui paratus est cuicumque causæ occurrenti patrocinari.

31. Tertiò debet Advocatus esse fidelis, tum erga cliententes, non manifestando adversariis merita causarum, nec ipsos juvando: tum etiam erga Remp. & propriam conscientiam, non adducendo leges falsas pro veris, aut sensus à vera doctrina alienos pro legitimis, vel falsas cavillas pro solidis rationibus. Ita P. Urbanus.

32. Denique requiritur, ne exigit stipendium ultra justum pretium: pro quo vide dicta de Iudice supra.

supra. Solùm hîc adverte *ex cap. infames 3. quæst. 7.* non licet conveniri de pretio jam inclinata lite: cujus ratio est, quia aliàs, postquam vidit instrumenta, posset clientem cogere ad quodlibet pretium, eò quod alter aliàs timeret provisionem: nec potest Advocatus cum cliente pascisci de tertia, quarta, vel etiam dimidia parte litis accipienda pro stipendio si litem vicerit, *ex L. sumptus ff. de pascis: ratio est,* ne detur occasio per fas & nefas procurandi victoriam. Ita Urbanus cum communi, quidquid Dian. *par. 2. tract. 2. ref. 47.* dicat, se non damnare contrarium facientes, si absit periculum injustitiæ, & id cliens faciat, ut alter ardentiori studio incumbat in justam justæ causæ defensionem, ac se ipsum liberet molestiâ cum saepe adeundi.

His quatuor à DD. communiter requisitis quintum aliqui superaddunt, nimirum Advocatum ex charitate teneri gratis patrocinari pauperum causis, quibus aliundè subveniri non potest.

Petes an Advocatus possit patrocinari causæ probabilis?

33. Resp. quod sic, etiam licet causa adversaria sibi videatur probabilior: quia ipsius est solùm partium jura proponere, potestque cogitare suam partem fortè à Judice judicatam iri magis probabilem: interea tenetur de hoc clientem monere, ne hic decipiat. Sed quid si omninò certò sciat causam clientis esse minus probabilem? Respondeo cum Burghaber *Centur. 3. casu 65.* (hic enim alibi nobiscum docet Judicem non posse adjudicare litem habenti causam minus probabi-

lem) tunc Advocatum non posse similis causæ patrocinari: quia hoc faciendo petit meliora jura violari, adeoque directe agit, ut alteri res sua injustè auferatur, injusteque Judex decernat: cum enim certò sciat jura partis adversæ esse probabiliora, non jam proponit nudè sua fundamenta ut à judice examinanda, prout diximus fieri in casu priori: quidquid plures sustineant oppositum apud eundem Burghaber, quorum sententiam & ipse dicit habere magnam probabilitatem tum ex auctoritate, tum ex ratione à se adducta: quod secundum miror ipsum asserere, cum rationem à se adductam ipsemet clare destruat, ut consideranti patebit ea, quæ nos ex ipso compendiosè posuimus.

An verò Advocatus possit patrocinari causæ dubiæ? Multi negant apud Dian. *par. 2. tract. 13. ref. 6.* sed ipse cum Lorca & Maldero respondet affirmativè: quia nec Advocatus sententiam proferre, nec eam cogit Judicem proferre, sed solùm proponit quæ sui clientis jus confirmare possunt; quæ nuda propositio in causa dubia non potest esse injusta; quia juvat ut causa à Judice melius expendatur. Hanc etiam sententiam docent Vasq. Salas, & Lugo, quos citat ac sequitur Bufenb. *lib. 4. cap. 3. dub. 3.* Verùm prorsus illicitum puto suscipere causam nihil ferè probabilitatis habentem, ita ut vix sit spes, moraliter loquendo, litem lucrandi; quia per hoc Advocatus est causa quod cliens sine fructu tempus & pecuniam perdat, cum similis causa ordinariè in judicio rejiciatur. Hinc

34. Collige Advocatum debere diligenter examinare justitiam causæ antequam ei patrocinetur, eaque cognitâ verâ vel probabili, debere id candidè clientri indicare, aliàs juxta Bonac. *de pec. d. 2. q. 4. p. 9.* si clientem falsâ promissione, vel inani spemitem vincendi excitet ad frustraneos sumptus, tenetur eisdem restituere.

35. Procuratori, Secretario, Notario, &c. cum proportionem applica quæ de Advocato sunt dicta: ita ut in iis requiratur scientia sufficiens, &c. Vide pro his Franc. B. Spei *ro. 4. tr. 2. disp. 6. dub. 10.* & hinc *disp. 4. num. 75. & seq.* Specialiter tamen quoad Notarium, notandum venit, illius non suspecti instrumentum, coram duobus testibus debere confectum, plenam fidem facere, juxta illud *L. emancipatione 11. c. de fide instrum. Instrumentorum incorrupta fides.* Suspectus autem, cui non debe-

tur fides, est omnis ille, qui semel commisit fraudem. *l. 12. c. de suscept.* quidquid tamen adhuc fides habeatur instrumentis ab ipso ante illud crimen confectis. Adde, præsumi contra omne instrumentum in quo aliquid de substantialibus deletum est, si aliæ conjecturæ adveniant, ut scriptura recens in instrumentò antiquo, rasura in loco suspecto, &c. Item instrumentum non facere fidem circa dicta vel facta ab ipso Notario; nec habere vim in iis, quæ pro se scripsit: licet tamen plus ex errore, quàm ex malitia præsumatur ea sibi adscripsisse. Carterum dum aliter reperitur scriptum in instrumento quàm in protocollo, in quo exemplaria instrumentorum registrantur, fides habetur protocollo: sicut & juxta ea, quæ habet Bardi *disp. 6. c. 9. §. 25.* in dubiis sequendus est ordo protocoli.

## DISPUTATIO XI.

### De Justitia distributiva.

#### D V B I V M I.

##### De personarum acceptione.

1. **I**ustitia distributiva versatur circa collationem officiorum publicorum tam secularium quàm ecclesiasticorum; & circa onerum communium impositionem, ut vestigalium vel similium. Vitium huic iustitiæ oppositum est acceptio personarum: de qua

2. Dico, acceptio personarum est violatio debiti ordinis ad plures ob respectum impertinentem & indebitum: ut si officium vel beneficium conferatur Petro præcisè, quia Petrus est, & non quia dignior aliis, vel præcisè quia est amicus conferentis. Est ex suo genere peccatum mortale.

Ita

Ita Franc. B. Spei *de Iure & Iust. disp.* 20. num. 2. Ratio est, quia si sit in materia gravi, graviter repugnat juri Reipublicæ, charitati proximi, vel alteri virtuti. Adverte tamen, ad hoc vitium incurrendum requiri, ut distribuens obligatus sit distribuere juxta meritum aut certarum qualitatum proportionem: non habet enim locum in electione gratuita, quâ quis juxta placitum ex bonis propriis v. g. benefacit quibus vult: quare ad vitium acceptionis personarum bene requirit P. Urbanus, ut bona distribuenda sint aliquo modo communia, saltem destinatione distribuentis, ob quam competit jus aliquod ad rem iis, qui læduntur injuria acceptionis personarum. Hinc Deus nullatenus est acceptor personarum in elargitione donorum, quia nemo habet jus ad rem circa illa; si nimirum loquamur de iis, quæ absque merito prævio conferuntur.

3. Præter collationem beneficiorum & onerum impositionem etiam versatur acceptio personarum in judiciis externis, dum nimirum Judex non merita causæ, sed conditionem colligantium inspicit in decidenda lite, de quo diximus aliquid *dub. 1. disp. præced. num. 7.* Item committitur acceptio personarum circa exhibitionem honoris ac reverentiæ, dum scilicet unus præ altero honoratur, qui honorari non debet. Sed fortè hic

Petes, quinam sint tituli, ob quos alicui honos aut reverentia debetur?

4. Resp. imprimis honorem debent

virtute & sapientiâ præditis, quia in his consistit perfectissima excellentia naturæ rationalis: deinde iis, qui potestare excellunt, quales sunt Principes & Magistratus, nam hi quasi divini dominatus & potestatis participes sunt: item parentibus, eò quòd post Deum sint principium nostri esse: nec non etiam senibus, quia senium est signum prudentiæ ac virtutis; has enim existimantur illi longè experientiâ comparasse. Ita Wiggers. Quoad divites autem, omnes communiter negant, eos honorandos esse ob ea, quæ habentur *Iacobi cap. 2.* & ratio est, quia secundum divitias non sunt ullo honore digni. Interea D. Thomas docet, adhuc divitibus suo modo honorem deberi, quatenus divitiæ possunt esse instrumenta virtutum & subservire bonis operibus. Nec est peccatum, inquit Urbanus, absolute aliquo signo externo deferri honorem diviti propter divitias, ex præscripta consuetudine, modò non fiat cum interiori reverentia & æstimatione erga easdem. Cæterum

5. Adverte juxta Pourrè post Peyrinis, non peccatum mortaliter acceptione personarum, qui Conventui parvo non probatum religiosum juvenem præponeret, ad faciendum de eo experimentum, probato postposito; tum quia illæ Prælatiæ Conventuum minorum non requirunt Prælatos tam undequaque rotundos, cum paucos habeant sub se subditos. Ita illi: ex quorum judicio id dictum sit; ego enim memini me sæpe ab expertis audivisse, esse difficilius regere Con-

Conventum minorem quàm majorem. Quòd verò dicatur, neminem haberi probatum nisi probetur, ni-

hil refert, quia similis suo tempore probabitur, dum videl. defecerint probati.

## DVBIVM SECVNDVM.

### De collatione & venditione officiorum secularium.

6. **D**ico primò, eligentes aut constituentes ineptum in officio seculari gravis momenti, mortaliter delinquant. Ita omnes. Prob. quia tales Remp. gravi injurià afficiunt, eam exponendo plurimorum damnorum periculis: quare obligantur ad restituenda damna, quæ communitas ex simili electione aut constitutione patitur. Similiter etiam peccant, qui eligunt minùs dignum omnibus paribus digniori relicto, quia juxta leges justitiæ distributiæ, officia publica, tanquam bona communia, debent subditis elargiri secundùm merita ipsorum: & aliàs etiam communitas inde pateretur gravia damna, ac privaretur magnis emolumentis, quorum omnium sunt tales eligentes causa efficax, adeòque obligantur etiam ad restitutionem, ut DD. communiter sentiunt; quidquid tamen Dianap. 3. tract. 5. ref. 110. Notabili. dicat, esse probabile & in praxi tutum, similes ad restitutionem non teneri: & apud eundem p. 4. tract. 4. ref. 172. docet Turrianus, opinionem probabilem esse & in praxi receptam, posse Principem sine peccato eligere dignum ad officium seculare digniori re-

licto; & hanc testatur absolutè defendi à Vasquez, probabilèque vocat Diana, quamvis fateatur communem Theologorum & Jurisperitorum sententiam, etiam quoad Principes, oppositum docere. Vide eundem Dian. par. 11. tract. 4. ref. 5. ubi quærit, an licitum sit aliquando ferre suffragium, quando jam est conclusum de eligendo indigno, qui, si ve pro eo des, si ve non des suffragium, equidem eligetur?

7. Idem Diana par. 3. *suprà* enumerat plures causas excusantes à peccato eligentes minùs dignum digniori relicto; primò, quando excessus non est notabilis & manifestus. Secundò, dum magis dignus est de alia domo aut familia vel communitate. Tertiò, dum minùs dignus expetitur à communitate. Quartò, quando ex tribus occurrentibus, digno videl. digniori & indigno, eligeretur indignus, si ego digniori relicto non dem meum suffragium digno. Quintò, quando dignior est implicatus externis negotiis, vel non ita residentiam facit, sicut minùs dignus. Sextò, si minùs dignus sit expertus circa vacans officium & non dignior: ac tandem

Pa-

Patronus laicus potest præsentare minus dignum relicto digniori: quæ omnia Diana testatur reperiri apud Valerium, de la Cruz, Sylvium, Lessium, & alios, ac proinde bene notanda sunt; proceduntque tam de beneficiis ecclesiasticis, quam de officiis secularibus. Vide Franc. B. Spei de Iure & Iust. disp. 20. num. 10. 11. & 12. qui num. 22. rectè dicit, illum universaliter esse censendum digniorem, qui omnibus spectatis, utiliùs & fructuosius, in ordine ad communitatem, cui præficitur, beneficio aut officio usus speratur. Unde quandoque fieri potest, ut minus sanctus ac minus doctus sit præferendus propter potentiam & industriam.

8. Dico secundò, ex natura rei non est illicitum vendere officia secularia; quia dignitas, excessus pretii commensurati ad labores, qui ab aliquo constituto in officio justè ratione officii exigitur, & occasio lucrandi, sunt verè pretio æstimabilia; quæ omnia in officiis publicis reperiri, est manifestum. Dixi ex natura rei; quia venditio similis sæpe, imò ordinariò redditur illicita ob plurima damna, quæ inde

Reip. obveniunt: imprimis enim per hoc datur occasio non eligendi digniores, & electi emptores alliciuntur ad solum pretium recuperandum, augendo statutum pretium suorum laborum. Hinc omnes docent, non expedire dicta officia vendere: imò secundum dictum Franciscum n. 17. & Dianam par. 3. tract. 5. resol. 108. talis venditio pestis est Reip. quamvis eam adhuc dicant licitam, certis positis conditionibus; quarum prima est, ut talia officia vendantur saltè digno: secunda, ut vendantur pretio moderato: tertia, ut id fiat ob necessitatem vel utilitatem Reip. quia hæc eget pecuniâ: ita etiam docent Less. Malde. Sylvius & alii: verumtamen aliis, tribus circumstantiis bene Wiggers superaddit quartam, ut scil. vendens habeat plenam auctoritatem disponendi de illis officiis: plerisque enim officiorum collatoribus solet inhiberi à Superioribus majoribus, ne ea conferant pro pretio. Nec minus bene monet Azor. ob incommodum suprâ allatum, debere certo pretio taxari id, quod officii emptor est accepturus ob laborem & operam suam in officio obeundo.

## D V B I V M   T E R T I V M.

### De vectigalibus, & gabellis.

9. **H**Æc & similia nomina, quæ variantur juxta locorum diversitatem (alii enim vocant tributa, præstantias, stipendia, talia, pedagia, &c. pro eodem ordinariè à DD. sumi solent; pro eo nimirum, quod solvi-

tur Regi aut Principi pro necessitate sua vel Reip. Omisâ igitur nominis varietate, pro qua videre poteris Franc. B. Spei de Iure & Iust. disp. 16. num. 1.

10. Dico primò, vectigalia justè  
Ggg im-

imponi possunt à Principe in terris sibi temporaliter subjectis, si nullum superiorem habeat: item à Papa per totum Christianismū; indirectè tamen tantum in terris sibi temporaliter non subjectis, dum scilicet id necessarium fuerit ad bonum spirituale subditorum. Ea insuper etiam justè imponunt Magistratus, dum habent à Principe potestatem explicitam vel implicitam: quam censentur semper habere, quando id judicant necessarium ad conservationem Communitatis. Ita omnes. Verum difficultas non exigua est, determinare res, super quibus vectigalia imponi possint: communiter enim DD. volunt, ea injustè imponi super rebus ad vitam & humanum usum necessariis, si aliudè necessitati communi possit succurri; quia per illa, dictis rebus imposita, æquè gravantur pauperes ac divites, cum omnes æquè iis rebus indigeant: hoc autem manifestè repugnat debitæ onerum distributioni. Hinc inferunt plures cum Lessio & Diana, non debere Confessarios esse difficiles pœnitentibus, etiam divitibus, cogendo illos, ut restituant vectigalia defraudata; quia non constat de eorum ad æquata justitia, suntque plerumque nimium exorbitantia. Tamen

11. Dico secundò, justè imponuntur moderata vectigalia super rebus prædictis, quando aliter communi necessitati succurri non potest. Prob. quia posita necessitate, datur Principi justa causa, ut per similia vectigalia illi succurrat. Ita Franc. B. Spei num. 7. Volunt tamen præstantes DD. etiam tunc debere Principem aliud tribu-

tum imponere iis, qui dictas res habent ex propriis, ne alioqui pauperes soli totum onus subeant: neque oppositum, inquit Wiggers, potest præscriptione, aut consuetudine justificari, cò quòd nimis evidenter contrarietur principiis justitiæ distributiæ. Interea potest Princeps aliquos ab onere vectigalium eximere ob justam causam, ut v.g. ob generosa facinora, ministeria in aula, bello, &c. pro quibus vide Franciscum N. num. 27. & seq.

12. Dico tertio, dum constat vectigalia ab omni parte esse justa, grave peccatum est ea defraudare. Ita DD. communius teste Dian. p. 1. traçt. 10. resol. 19. quos & sequitur Lezana tom. 3. verbo Gabella n. 2. Probatur ex scriptis ad Rom. 13. Ideo & tributa præstatis, ministri enim Dei sunt, &c. ac Matth. 22. ipse Christus dicit: Reddite ergo quæ sunt Cæsari Cæsari. Deinde jure naturæ debetur Principi stipendium laborum suorum, & subsidium necessarium ad onera sua & Reip. persolvenda: ergò, &c. His tamen non obstantibus contrarium sustinet Navarra cum pluribus apud Lessium & Lugo, qui existimant leges vectigalium esse purè pœnales, quæ juxta communem non obligant in conscientia sive sub peccato: idque probabile judicant Franc. B. Spei num. 16. Less. Sa, Bonac. Busenb. & Burghaber Centur. 2. casu 29. alios adhuc citans. Verum quidquid sit, mihi saltem probabile est, quando non est omnino certum de justitia vectigalium, sed subsunt rationes probabiles in contrarium, non esse subditos cogendos à Confessariis ad solutionem, aut restitutionem eorum: idque quam-

quamvis solutio vectigalium fiat emptori eorundem; quia hic conscius vectigalia ita solere defraudari, liberè subit istud periculum, ideòque & vilius emit jus ad ea. Hanc sententiam docent Angel. Sylvest. Cajet. & alii apud Lessium, qui & ipsam probabilem vocat; quia nimirum in dubio melior est conditio subditorum possidentium: quidquid P. Lezana oppositum dicat esse probabilius ob hoc generale principium, *in dubiis prasumendum est pro Principe seu Superiore*; à quo, inquit, si semel receditur, tota ruet boni regiminis ratio: vide etiam P. Franciscum num. 9. & à nobis dicta supra de opinione probabilis: & adde ex ipso Lezana; quando rationes contra justitiam vectigalium sunt urgentiores, & præsertim si juventur publico rumore & fama vel suspitione virorum sapientum ita existimantium, tunc opinionem de injustitia esse probabiliorē; & ita illam poterunt sequi subditi, & non solvere impositionem. Ita ille. Ceterum

13. Adverte primò, ad justitiam vectigalium requiri, ut verè in commune bonum impendantur, vel in Principis necessitatem aut utilitatem, non verò in res vanas, luxum, &c. Insuper etiam requiritur justa autoritas, & æqualitas onerum: item ne plus exigatur quàm petat necessitas, ob quam vectigalia sunt imposita; & denique ut non imponantur personis privilegiatis. Ita idem Lezana *verbo Bulla Cane*

num. 19. cui accedit P. Franciscus n. 2. & seq.

14. Adverte secundò, posse quemcumque subditum sibi compensare, non solvendo vectigalia, etiam omnino justa, propter debita, quæ Princeps ei debet, idque licet vectigalia alteri sint locata: quia non potest Princeps in alterum plus juris conferre, quàm ipse habeat. Ita plures, quos citat & sequitur Dian. p. 2. tract. 2. resol. 14. Qualiter autem, & quo jure Clerici sint liberi à vectigalibus, vide apud Navar. cap. 17. pro Regularibus verò consule P. Lezan. tom. 1. cap. 3. n. 14. & tom. 2. cap. 1. n. 32. ubi agit de exemptione Mendicantium à quibuscumque oneribus; sed maxime tom. 3. verbo *Gabella quoad Regulares* à n. 5. usque ad 26. ubi num. 14. inquit an hoc privilegium transeat ad colonos.

15. Ceterum, sequens consilium, à Francisco N. ex Molina desumptum, pro Confessariorum praxi hinc ponendum judicavi: *Princeps, prout viderit tributa sibi deberi, per suos ministros exactioni invigilet, & in tributis exigendis in tantum sit rigorosus, quantum conscientia, accedente peritorum consilio, ei id esse æquum dicaverit. Confessarii verò, qui privati sunt, nec facile Principes condemnent, nec eos, qui moderate tributa defraudant, & competenter contribuant (quod sufficienter salvari puto per multà solutionem, dum ea defraudare deprehenduntur:) non cogant in conscientia foro restituere, &c.* Ita Franc. B. Spei diss. 16. cit. num. 24.



## DVBIUM QVARTVM.

## De beneficiis ecclesiasticis.

## §. I.

## Quid beneficium ecclesiasticum, &amp; an indignus ad illud eligi possit?

16. Dico primò, beneficium ecclesiasticum est jus percipiendi fructus in perpetuum ex bonis ecclesiasticis ob munus spirituale auctoritate Ecclesiæ constitutum. Ita omnes communiter. Dividitur in regulare & sæculare: quorum primum est, quod conceditur Religiosis, quibus etiam beneficia sæcularia curata possunt sine dispensatione concedi; non tamen alia, quibus cura animarum non est annexa, ne per hoc iis detur occasio vitæ licentioris & otiosæ. Ita P. Urbanus *tract. 3. tit. 17. fol. 663.* Beneficium sæculare est, quod conceditur Clericis non Religiosis. Insuper dividitur etiam beneficium in majus sive duplex, quod curam animarum annexam habet, vel aliud onus importat; & minus, sive simplex, quod habet annexum solum onus recitandi certas preces. His positis

17. Dico secundò, ad beneficium ecclesiasticum eligi indignus non potest: patet *ex cap. grave nimis*: & ratio est, quia id cederet in destructionem, non in adificationem. Potest tamen eligi non omninò inidoneus de-

fectu idonei; quia talis adhuc melior est quàm nullus: imò Lugo contra Hurtadum dicit, absolutè fieri posse, ut in casu particulari licitè eligatur indignus; quem casum assignat Diana. *p. 1. tr. 4. resol. 38.* si nempe sint tres sollicitantes, quorum unus sit dignus, rejectus tamen ab aliis electoribus, alius indignus, sed tertius indignissimus; in hoc casu quis utiliter gerit negotium Ecclesiæ si eligat indignum, ut avertat electionem indignissimi.

18. Dico terriò, est certò, meo iudicio mortale ad beneficium, habens curam animarum annexam, eligere minus dignum digniori relicto quidquid Burghaber velit oppositum non esse improbabile *Centur. 1. casu. 18.* Patet ex Trident. *sess. 24. cap. 1.* & ratio est, quia id graviter adversatur bono communi: si tamen beneficium non habeat eam curam annexam, plures docent, id non esse grave peccatum; pro quo vide Dianam *p. 2. tract. 1. resol. 38.* & *p. 11. tract. 4. resol. 34.* Ex his tenentur Regulares sub mortali in Superiorem eligere magis dignum, cum officium ejus habeat curam animarum annexam. Vide etiam Franc.

Franc. B. Spei de Iure & Iust. disp. 20. num. 6. 7. & seq.

19. An verò obligatio eligendi digniorem extendatur etiam ad resignantem beneficium in favorem tertii ? Affirmant Navarrus, Vasquez & alii; quos nimis rigidè locutos ait Diana, pro opposito citans Reginal. Less. Malder. &c. Ratio ipsius est, quia resignans non est distributor, adeoque si permittatur resignare in favorem, potest resignare cuicumque digno: neque hinc, inquit, est locus concursui tanquam ad commune bonum ex parte totius distribuendum, sed pars parti jus suum transfert. Ita ille p. 2. tract. 1. resol. 41. quam sententiam conformem esse praxi receptæ, etiam ipsius summi Pontificis, testatur Petrus de Arragonia. Sed quæri hic posset, an qui in concursu, omisso digniori, eligit dignum, teneatur ad restitutionem ? Variis pro utraque parte adductis Authoribus, & eorum fundamentis examinatis, sic compendiosè suo modo responder Dian. p. 11. tr. 4. resol. 35. *Affirmativa opinio est communior & sequenda, & ego illi adhareo: sed an opinio contraria Soti, Zapata & aliorum sit practicè improbabilis, ut vult Thomas Hurtadus, remitto me iudicio doctorem viro- rum: nam ego absolute invenio Sanchez vocare illam probabilem, & ad argumenta*

*Hurtadi respondere: vocavit illam etiam probabilem Trullench. Hæc ille: dixerat autem parum ante, Satis quidem probabile existimo, eligentem dignum extra concursum, relicto digniori, ad beneficia curata, ad nullam restitutionem teneri: quod Franc. N. loc. cit. num. 20. dicit, omnes communiter docere.*

20. Quid de impediante, ne quis obtineat beneficium ? Idem Diana ibid. resol. 36. sic habet: *Collator jam destinaverat conferre beneficium Semphronio, Titus malo animo & odio collatorem, ne hoc faceret, impedivit, postea penitentia ductus, quarebat à Theologis, an teneretur ad restitutionem ? quidam ex ipsis affirmativè respondit, nixus autoritate Thomæ Hurtadi, &c. sed ego de hoc casu interrogatus negativè respondi, & prater DD. à me adductos hanc sententiam tenent Zapata & Gerunda. Ita Diana, qui adductâ probatione, & solutis argumentis ex Hurtado adductis, concludit his verbis: Ita apparet me in hoc casu satis probabiliter consuluisse, Titium ad nullam restitutionem teneri Semphronio, & ita mecum senserunt viri docti. Hæc omnia Diana. Attende tamen à Titio non fuisse adhibitam vim aut fraudem; quia aliàs injustè impedivisset, & teneretur ad restitutionem, ut satis colligitur ex D. Thom. 2. 2. quest. 62. art. 2. Ulteriùs*

## §. II.

Quæ conditiones requirantur in beneficiando : & an idem possit habere plura beneficia?

21. **D**ico primò, tres præcipuè requiruntur in beneficiando conditiones ; ætas, scientia, & morum probitas ; ultra quas requiritur, ut sit filius legitimus. Quoad ætatem ad Episcopatum requiruntur triginta anni : ad dignitates inferiores viginti quinque, si habeant curam animarum annexam ; sin minus, viginti duo : ad canonicatum viginti unus : pro quibus vide Trident. *sess. 24. cap. 12. & sess. 25. cap. 7.* Ad minora verò beneficia sufficiunt anni quatuordecim.

22. Præter allata in omni beneficiando requiritur insuper intentio suscipiendi statum ecclesiasticum, quia aliqui deciperet Ecclesiam : unde qui accipit beneficium, ut se sustentet aut ditet donec duxerit uxorem, mortaliter peccat, teneturque ad resignationem beneficii. Ita DD. communiter : ratio est, quia directè facit contra intentionem fundatorum, & Ecclesiæ : non tenetur tamen ad restitutionem fructuum perceptorum, si suo muneri satisfecerit ; nisi beneficium fuerit parochiale, quod accipiens sinè animo intra annum suscipiendi sacerdotium, tenetur fructus istius anni restituere, ut definitur *cap. commissæ 35. §. cæterum.* Interea

23. Nota, eum non peccare morta-

liter, qui ab initio habuit animum statum ecclesiasticum suscipiendi tempore constituto, licet postea ob justam causam mutet intentionem, & beneficium deserat ; prout Busenbaum & plures alii dicunt, sufficere si beneficiandus ab initio habeat intentionem conditionatam suscipiendi statum ecclesiasticum, nisi iusta causa contrarium suadeat.

24. Dico secundò, est peccatum ex genere suo mortale retinere plura beneficia absque necessitate, vel causa rationabili. Ita P. Urban. *tract. 3. tit. 17. fol. 676.* & colligitur ex Trident. *sess. 24. cap. 17.* ubi dicitur, in hoc esse perversionem totius ordinis ecclesiastici. Ratio est, quia per hoc fit iniuria Ecclesiæ & fidelibus, & fomes luxus ac superbix, & est contra Jus Divinum, quo constituitur, ut officia fiant in Ecclesia pro modo fructuum perceptorum : quâ autem ratione, inquit Urbanus, poterit tria officia facere v.g. ter horas in die legere, sæpè ter in die celebrare, in tribus locis simul residere, &c. qui tria possidet beneficia ? Quare Dian. *p. 10. tr. 13. resol. 1.* asserit, id repugnare cum jure naturali, nec consequenter Papam in hoc ulatenus posse dispensare, nisi ad sit iusta causa : neq; ait, dispensatus turus est in

con-

conscientia, sed obligatur alterutrum beneficium resignare. Vide etiam Franc. Bonæ Spei ubi *suprà* num. 24. ubi dicit, non esse quidem intrinsecè malum, habere duo beneficia, cum per dispensationem id fieri possit; esse tamen valde inordinatū, si quodlibet sit sufficiens. Interea absolurè, adhuc potest quis possidere plura beneficia, quoties id necessitas exigit: quam necessitatem ad solam Ecclesiæ utilitatem reducendam esse, asserit Urbanus; quæ si aperta sit, non erit opus dispensatione; secus si sit dubia, vel non ita manifesta. Unde

25. Primò, si beneficia sint simplicia, nec requirant residentiam, & unum non sufficiat ad honestam beneficiati sustentationem, licitum est plura possidere, ex Trident. *suprà*. Secundò uni beneficio Ecclesiæ Cathedralis vel Parochialis non sufficiens, potest adungi aliud simplex residentiam non exigens; & ante Tridentinum, teste Urbano, uni Parochiæ poterat addi altera vicina, quando utraque separatim erat insufficiens. Verum & hoc quoque adhuc modò in Belgio est in usu; nec puto id à Tridentino prohiberi; quia si utraque Parochia sit verè insufficiens ad honestam sustentationem præbendam Pastori, non video cur sit illicitum, unum utrique inservire; cum tales Parochiæ communiter sint parvæ, adeoque æquè utiliter possit ab eodem utrique ministrari, quàm ab altero possit uni ex maioribus assisti. Accedit,

quòd hoc necessarium videatur ad fidelium & Ecclesiæ debitam administrationem; quia aliàs nemo vellet uni ex talibus Parochiis ministrare, nisi fortè qui esset minùs capax; nec immeritò, cum, qui altari inservit, debeat, ut & de altari vivat. Tertio cum beneficio perpetuo potest teneri commendæ temporanea, id est, ut administret & fructus percipiat ex alio beneficio ad tempus, æquè ac si esset beneficiarius; quod communiter fieri solet, dum non adsunt alii idonei ad tale beneficium administrandum. Quarto Parochia unita beneficio simplici, v.g. Canoniciatui, reputatur pro unico beneficio. In his omnibus nullà opus est dispensatione: bene tamen, quando beneficia sunt incompatibilia; nisi enim Papa dispensaverit, adepto secundo pacificeque possessio, vocabit primum *cap. de multa, de præbend.* Porro ut sit legitima dispensatio, supponitur neutrum ejusmodi beneficium esse sufficiens pro honesta conditione beneficiarii, ad quam habetur respectus in hac materia: nam simplici Presbytero, nec nobili, nec literato sufficere valet multò minor pensio, quàm viro docto vel nobili: non quidem quòd Ecclesiæ huic pendere debeat omnia necessaria ad sustentationem, sicut si viveret laico modo, ut canes, aves, multos equos, famulos, &c. sed cum proportionem ad statum, Clericum decentem.

## Quænam beneficia inducant onus residendi, aut Horas legendi?

26. **D**ico primò , ad residendum cogunt omnia beneficia curata, & Canonicatus: possunt tamen Episcopi ac Canonici per tres, & curati per duos menses in anno abesse, ut habetur in Trident. *sess. 24. cap. 12.* Prædicti omnes à residentia excusantur, primò, si vacant tanquam discipuli studio Theologiæ vel Juris Canonici, vel ipsam Theologiam aut Jus Canonicum actu doceant. Secundò si assistant Episcopo tanquam Secretarii, Theologi, &c. Tertiò si adsit Superiorum legitimus consensus. Quartò si sint infirmi. Adde Episcopum, & idem est de aliis, absentem ultra tres menses per paucos dies (ut sunt octo vel decem juxta Vidal) non peccare mortaliter, quamvis Dian. de hoc non audeat ferre sententiam, & Wiggers dicat, ipsum mortaliter etiam delinquere si per tres integros menses absit. Vide Franc. B. Spei *loc. cit. n. 25.*

27. Dico secundò, ad recitationem Horarum tenentur omnes qui honestam summam ex beneficio recipiunt. Colligitur ex Concilio Lateran. Ratio est, quia beneficium datur propter officium. Est autem summa honesta, quæ sufficit ad honestam sustentationem. Illos etiam teneri, qui habent beneficium tenue, id est octo vel decem aureorum, docent probabiliter Sylvester, Azorius, & alii communiter; quamvis Less. Sotus, Malder. & alii requirant, ut beneficium tribuat saltem bonam partem

moderatæ sustentationis, id est mediam, vel juxta alios, tertiam partem; aliàs enim beneficiatus nõ censeretur de Ecclesia vivere. Imò Burghaber *centur. 3. casu 9.* expressè docet, eum ab hoc onere esse liberum, qui non ultra viginti quinque aureos recipit, dicens, alios Authores idem asserentes de octo aut decem aureis à se non dissentire; siquidem illorum tempore hi valebant tantum, inquit, quantum nunc viginti, quinque in ordine ad bonam honestamque Clerici sustentationem.

28. Existimo interim cum Lessio, Molfesio, & aliis, habentes beneficium tenue, obligari ad aliquoties in anno Horas recitandas, v.g. diebus Dominicis & Festis, prout prudens ratio dictaverit: nisi malis dicere cum Burghaber, satisfieri posse aliis modis & orationibus. Adverte autem ex Concilio Lateran. beneficiatos obligari ad restitutionem fructuum, dum ex culpa Officium non recitant, idque pro rata omissionis; ita ut juxta Bullam Pii V. (quam citat Navar. *c. 25.*) qui unico die totum officium omiserit, obligetur omnes fructus istius diei restituere, qui omisit solum matutinum, mediam partem eorum, & sic proportionaliter quoad alias horas; quæ restitutio fieri debet fabricæ Ecclesiæ, vel pauperibus, ut tradit N. Franciscus: quidquid non improbabiler sustineat Diana *p. 11. tract. 2. resol. 44.* beneficiarium non teneri ad ullam restitutionem ratione partis, etiam notabilis, unius horæ  
omissæ,

omissæ, quia constitutio Pii V. loquitur speciatim de omissione totius Officii, aut unius horæ, quæ, cum sit pœnalis, non debet extendi ad partem horæ, etiam notabilem. Addo, Patrem Mendo in sua *statera differt. 13. quæst. 6. n. 74.* docere, eum, qui beneficium simplex, aut præstimonium habet, absque ullo alio onere, præter recitationem Officii Canonici, si non recitet, non teneri restituere integros redditus correspondentes illis diebus, in quibus non recitavit, sed eorum partem, nam ceteros potest sibi retinere titulo beneficii sibi collati, pro cuius proba remittit ad suum *Tom. in Bullam Cruciat. disp. 34. cap. 2.* ubi de hoc latè agit. Non gravabor hîc apponere, Joannem de la Cruz, Lopez, & Medinam apud Dianam *loc. cit. resol. 34.* ab omni restitutione excusare beneficiarios, qui solum per octo aut decem dies in anno negligunt recitare Horas, eò quòd sint servi liberalissimi Domini: verùm ego eos excusare non audeo. Adde tamen, beneficiarium, intra tempus sex mensium ab obtenta possessione beneficii, lectionem Horarum omittentem, non teneri ad ullam restitutionem, quamvis peccet mortaliter; quod colligitur ex Bulla Pii V. Item juxta Quintanaduenam *tr. 8. sing. 6.* eundem semper excusari à restitutione, dum vult toties geminare ordinarium pensum canonicum, quoties culpabiliter omisit. Ne tamen aliquis fortè Beneficiarius malè se à prædicta restitutione faciendâ eximat inruit eleemosynarum præcedentiũ, pono hîc propositionem tanquam scandalosam damnatam ab Alexandro

VII. *Restitutio fructuum ob omissionem Horarum suppleri potest per quascumque eleemosynas, quas antea Beneficiarius de fructibus sui beneficii fecerit.* Unde illam malè tanquam tractabilem refert Gobat. in *Alphab. audient. Sac. casu 23. numer. 592.* licet pro se citet duos Auctores.

Si particularia circa materiam beneficiorum ecclesiasticorum appetas, consule P. Urbanum *tract. 3. tit. 17. folio enim 664.* examinat naturam pensionis, & declarat, quid sit coadjutoria? *folio* verò 665. resolvit, quomodo beneficia acquirantur, & quid sit collatio simplex? *folio* 666. quomodo fiat electio & postulatio beneficii? *folio* 667. agit de præsentatione & jure patronatus. *fol. 668.* quid sit nominatio regia & scholastica? *fol. 671.* & seqq. explicat conditiones in beneficiando requisitas. *fol. 677.* tradit formam faciendæ collationis. *fol. autem 685.* adducit privilegia beneficiati. *fol. 686.* ostendit quomodo beneficia amittantur, & fieri debeant resignationes? *fol. 688.* quomodo fiant permutationes? ac *fol. denique 689.* agit de amissione coacta ratione criminis: ibi igitur multa videre poteris, quæ nos brevitate causâ hîc non ponimus.

Petes, an Parochi teneantur Horas Canonicas privatim persolvere ex vi officii sui Parochialis?

Respondeo absolute quòd non; quia officium Parochiale præcisè non datur ob pensum Horarum Canonicarum, sed ob actus & labores curæ pastoralis, quos debet Parochus ex debito conscientie impendere in cura animarum, ut sunt docere, prædicare,

administrare Sacramenta &c. quibus censetur illud officium sufficienter gravatum, ita ut Parochus omninò suo ministerio censendus sit satisfacere, si prædicta pastoralia ritè exerceat. Quinimò mandat Concilium Tridentinum sess. 24. cap. 13. de Resor. in parochialibus Ecclesiis, quarum fructus adeo sunt exigui, ut nequeant debitis operibus satisfacere, &c. variis modis provideri: opera autem debita potissimum respiciunt curam animarum. Ita nobiscum censet P. Marchant om. 2. Tribunal. Sacram. tractat. 2. p. 2. tit. 3. sect. 2. qu. 2. dub. 1. unde sententia apud me certa est, Parochum

(idem est de sacellano) qui aliò beneficio non obligatur, si horas suas, etiam culpabiliter omittat, non teneri ad aliquam restitutionem, & ita etiam docet Lessius lib. 2. cap. 34. num. 179. Si igitur Canones & jura aliter loqui videantur, intelligi debent de his Parochis, qui peculiari aliquo titulo ad recitationem Horarum obligantur, vel in quorum dotatione onus illud exprimitur. Vide etiam dictum Marchant. loc. cit. dub. 2. ubi resolvit, eos non teneri etiam ad officia Divina per se in choro recitanda, nisi id expressè habeatur in foundationibus.

## DVBIVM QVINTVM.

### De Simonia.

#### §. I.

### Quid sit, & quale peccatum.

29. DE hoc vitio latè agit N. Bachelin 4. dist. 22. quæst. 5. 6. & 7. quem pro his, quæ nos hic ad longum non resolvimus, videre poteris, sicut & Lezanam tom. 4. verbo *Simonia*.

30. Simonia est sacrilegium consistens in studiosa voluntate emendi, vendendi, vel commutandi rem sacram, seu spirituales, vel spirituales annexam pro temporali ut pretio. Ita N. Joannes Beetz de precept. Decal. circa 7. præceptum expos. 2. cap. 6. & Leza-

na loc. cit. num. 2. Dicitur sacrilegium, tum loco generis, tum ut indicetur, cui virtuti simonia adversetur. Additur ut pretio, quia debet necessàriò res temporalis tradi ut pretium rei spiritualis, vel saltem intendi, ut ita tradatur; aliàs non erit vitium simoniae. Hinc patet, nullam committi simoniam, dum aliquid retribuitur vel accipitur ex gratitudine, absque ulla sticta obligatione: quod clarè & valde utiliter explicat Sanch. lib. 2. consil. moral. cap. 3. dub. 11. num. 9. cum quo has duas regu-



regulas statuit Lezana: prima est, quòd multis titulis possit temporale dari dñm spirituale recipitur, scil. per modum sustentationis, vel liberalis doni ad gratiam referendam vel incundam; vel per modum elemosynæ aut reverentiae & honestatis; ut ob reverentiam Sacramenti, vel pro solutione obligationis legis aut consuetudinis; in quibus nulla committitur simonia: altera est, quòd si ministrans spiritualia temporale accipiat non detorquendo intentionem, id est non cum intentione emendi vel vendendi, sed dicendo, *Accipio hoc sicut communiter solent clerici prohi accipere*, non est simonia. Insuper Diana hæc verba citat ex Josepho Roca full. *Pecunia dari potest & accipi in beneficiis absque simonia; primò, ratione consuetudinis; quando enim consuetudo recepta est, ut dato vel accepto spirituali, detur vel accipiat aliquod temporale, non est simonia illud dare vel accipere; quia probabiliter censetur huiusmodi usus esse bene introductus. Secundò in sustentationem vitæ. Tertiò in stipendium laboris extrinseci conjuncti cum spirituali. Quartò tanquam gratis oblatum. Quintò ut elemosyna. Sextò in penam; sic imponi potest multa pecuniaria cum quis absolvitur à censura. Septimò tanquam id, in quo aliud permutatur; ut dum votum vel iuramentum pecunià redimitur. Octavò quando pecuniam pacifsimur vel largimur, non directè ad rem spiritualem obtinendam, sed quasi per accidens, ad removenda impedimenta, qua per vexationem & litem occurrere solent. Ita Roca full. apud Dian. part. 11. tract. 6. ref. 31. pro quo ultimo particularia videre poteris apud Franc. B. Spec. de iure & iust. disp. 21. nu. 17. & 18. qui & num. 20. dicit, duorum*

litigantium pro beneficio, in quod jus habent, unum non posse dare alteri summam aliquam, ut renuntiet juri suo, nisi fiat autoritate Episcopi, licet Joan. Ponceus contrarium doceat. Addit tamen, habentem jus plenè acquisitum in beneficio, posse redimere vexam sibi factam in jure illo acquisito tollendo; quo casu solum tali pretio paratur via ad possessionem capiendam & fructus recipiendos, quæ sunt corporalia, & tali pretio æstimabilia: atque in hoc pro se citat D. Thomam, Suarez & alios. Idem etiam cum Francisco docet Stephanus Bauny in nova praxi beneficiorum disp. 16. quest. 16. assert. 3. qui ait, è concurrentibus alter juri cedere itò ex pacto non potest, ut adversarius illud evincat. Ratio est, quòd omisso actus, qui proximè dat jus vel accessum ad beneficium, facta cum pacto rei cuiuspiam temporariæ, reddendæ ejus loco, sit simoniaca; est ergo ejus culpæ conscius, qui in concursu, ex pacto contententibus non se opponit, ut eorum aliquis beneficium consequatur. Ita ille. Adde etiam, simoniam committi à resignante beneficium sub conditione quòd resignatarius solvet expensas in ejus acquisitione factas. Colligitur ex cap. super hoc de renunc. & cap. cum pridem, de pact. Ratio est, quia petit aliquod onus, quod de jure non inest resignationi. Idem etiam dicendum, si aliquis nominatus ad beneficium ab Universitate Lovanienti vi indulti Apostolici, eidem nominationi renuntiat sub conditione, quòd Petrus restituet modicos sumptus factos pro illa obtinenda:

H h h 2      quia



quia licet nominatio per se non sit jus spirituale, nec beneficium: sed tantum expectatio & spes illius acquirendi; tamen quia per hanc renuntiationem aperitur porta ad aliam nominationem Petro, qui pecuniam solvit, quæ est præambula ad obtinendum beneficium, hoc æquè est simoniacum, ac si daretur pecunia pro beneficio immediate consequendo.

31. Simonia communiter ab omnibus dividitur in mentalem, conventionalem, & realem. Mentalis est, dum exterius non prodit, sed est ipsa intentio accipiendi vel dandi aliquod temporale pro spirituali tanquam pretium. Conventionalis est, dum hoc exterius in pactum deducitur, absque tamen executione reali. Realis denique est, quando utrimque dictum pactum adimpletur, uno, scilicet conferente rem spirituales, & altero de facto solvente pretium, de quo erat conveniunt. His tribus speciebus simoniæ aliqui superaddunt quartam, quam vocant simoniam confidentiæ, qua quis cum eo, cui beneficium confert, contrahit, ut id ipsum ab eo alteri conferatur. Dividitur in super simonia in jure Divino talem, quæ est prohibita jure naturali: & in solo jure ecclesiastico prohibita: prioris generis committitur in emptione vel venditione rei sacræ; posterioris verò generis versatur circa permutationem & resignationem beneficiorum, aut circa emptionem vel venditionem officiorum temporalium Ecclesiæ, sacristæ v. g. &c. Hæc ab Ecclesiâ prohibita est *cap. Salvatori q. 3.* Ita Joannes Beetz, Lezana, & alii.

32. Adverte, in definitione generali simoniæ, nomine rei spiritualis intelligi rem supernaturalem ordinatam ad salutem, ut sunt gratia, sacramenta, sacramentalia, preces, concio, absolutio, consecratio, dispensatio, benedictio, electio, præsentatio, &c. Per ly verò *spirituali annexam*, intellige vasa sacra, reditus beneficiorum &c. de quibus latius agunt idem Beetz, & Michael de Bononia in 4. *distinct. 24. quæst. unica.* Nomine autem pretii temporalis communiter DD. intelligunt, tum munus à manu, prout sunt pecunia, bos, vestis, & similia vendi solita; tum munus à lingua, ut sunt laus, vituperatio, patrocinium Advocati, commendatio apud Regem, &c. tum denique munus ab obsequio, ut famulus, operæ, &c. quidquid Urbanus ab Ascens. dicat, in munere à lingua raro simoniam committi, quia illud munus solet potius ex amicitia vel honestate præstari, quam pro pretio.

33. Simonia est peccatum mortale: patet ex Script. *Act. 8.* ubi ob eam Simon Magus (à quo hoc vitium dicitur *simonia*) à S. Petro graviter condemnatur: item ex *II. Regum*, ubi Giezi famulus S. Elisei primi N. S. Patris ELIÆ discipuli, ob id genus vitii leprâ à Deo percussus est: & *Matth. 10.* expresse dicitur: *Gratis accepistis, gratis date.* Confirmatur etiam ratione, quia gravis irreverentia est, res supernaturales redigere ad pretium naturalium & temporalium: quæ gravis irreverentia, cum in omni simonia, etiam levissima, integra reperitur, communiter

DD. in simonia parvitatem materiæ a mortali excusantem non admittunt.

34. Juxta plures probatos Authores, non est simonia, vendere spirituale, in quo est temporale pretio æstimabile, ut si v. g. calix, vestis sacra, & similia vendantur abstrahendo à benedictione. Ratio est, quia ista non amittunt valorem suum per benedictionem aut consecrationem. Ita Becanus & alii: committetur tamen simonia, si ratione dictæ benedictionis similia pluris vendantur: nisi fortè id fiat præcisè ratione laboris aut sumptuum factorum, ut v. g. mitterentur ad locum, in quo debuerunt benedici: qualiter Caram. *Theol. moral. disp. 17. num. 866.* dicit, crucium & quarumcumque sanctarum imaginum materiam, artem, laborem artificis, & expensas in ferendis & conservandis factis vendi posse sine simonia; quia omnia hæc, quæ vendi dicuntur, nec realiter nec virtualiter sunt supernaturalia, sed purè naturalia. Idè Caram. *num. 868.* addit, sepulturam, quæ sepulturam quidem sine simonia vendi non posse, benè tamen quæ honorificentior, quia illa circumstantia honoris non est sacra: hoc ipsum etiam docet Dianap. 2. tract. 15. resol. 57. pro se citans plurimos: quibus ego addo Burghaber *centur. 3. casu 12.* Pergit Caramuel *num. 869.* dicens, orationes & actus omnes spirituales, voces capitulares, suffragia & dignitates ecclesiasticas (excipiens tamen commutationem beneficiorum) posse inter se liberè absque simonia commutari: isti enim contractus, inquit, non sunt simoniaci, nimirum: *Elige me in Provincialem,*

*& te in Priorem eligam; commenda me Deo, & te vicissim Deo commendabo; lege pro me Sacrum, & ego pro te Psalmos penitenciales legam; da mihi talem Episcopatum, & pro tuo patre tot centenas Missas dici curabo.* Ita ille, & ante eum Arragon. Sotus, Victoria, & Sanchez, quorum sententiam probabilem reputat Dian. *part. 4. tract. 4. resol. 150.* quamvis absolutè contrariam sustineat *part. 3. tract. 2. resol. 125. & part. 4. loc. cit.* doceat, dictos contractus adhuc damnabiles esse ob alias rationes, quod factum est manifestum.

35. Ratio autem, cur Caramuel & ceteri communiter excipiant commutationem beneficiorum, est, quia beneficia, prout sacra sunt, & permutari nequeunt, sunt virtualiter supernaturalia jure humano: quamvis non ex natura rei; unde & eam permutationem à voluntate Superiorum pendere constat; ita ut tamen in ea dispensare possint Episcopi; vel, ut loquitur P. Urbanus, ita purgare, ut simonia non committatur in similibus pactis, factis cum eorum beneplacito, eò quòd beneficia Superiorum autoritate quotidie licitè permurentur. Vide Vidal. *de simon. inquisit. 2. fol. 500.* & Franc. B. Spei *num. 11.* ubi circa hæc quæstionem instituit: qui & *num. 16.* contra ex Caramuele allata sustinet, hunc contractum: *Elige me in Provincialem, & te in Priorem eligam,* esse simoniacum; sicut & omnem dationem rei spiritualis pro alia spirituali, interveniente pacto.

36. Liberum à simonia, est, accipere aliquid pro labore impenso in functionibus spiritualibus in ordine ad mini-

Hhh ; strorum

contra pretium temporale. Tertiò si quis hoc modo spondeat, depono 100. aureos, quòd non audeas mihi conferre tale beneficium. Quartò per contractum innominatum *do ut des, facio ut facias*, ut v. g. *conferam tui nepoti beneficium, si tu confiras meo*. Quintò si fiant resignationes reciproce sine consensu Superioris. Sextò quando resignatarius dat resignanti pecunias, vel aliquid ei præstat pecunià æstimabile, nisi det merè gratiò: in quo dicit idem Urbanus simoniam committi, licèt pecuniæ ei dentur pro expensis litis, quas ipse fecit in consequendo beneficio, atq; DD. ita communiter sentire, quia omnis omninò pactio in beneficiis est inhibita *cap. finali de pactis*. Ita ille: poterit interim videri Diana *part. 2. tract. 2. resol. 37.* ubi sententiam Valentia nominat probabilem, quâ docet, licitum esse in foro conscientia, pacisci de temporali pro spirituali, etiam in beneficiis, si nimirum temporale exigatur in stipendium vel remunerationem quamdam cuiusdam operis vel officii, quod secundum communem quidem rationem officii consideratum, meretur etiam ex iustitia recompensationem. Interea, quidquid de hoc sit, bene monet Suarez *tom. 1. de Relig. lib. 4. n. 6.* sub colore laboris, accipiatur aliquid ultra æstimationem talis laboris secundum seipsectati, aliàs simonia non evitabitur. Sed,

39. Quid si ille excessus dicatur donati gratis? Respondeo cum Vidal. *de simon. inquisit. 2. sol. 496. num. 30.* pro re quacumque spirituali, vel aliquo ei necessario annexo, non posse ali-

quem ex pacto, vel conventionem, titulo donationis & gratitudinis sine simonia recipere aliquam pecuniam. Ratio est primò, quòd pactum inducens novam obligationem positivam sit onerosum & pretio æstimabile; ergo in hac materia est simoniacum. Secundò gratitudo non obligat ad dandum, determinatè hoc vel illud donum, unde per hoc extrahitur debitum à præcisa ratione gratitudinis. His tamen & aliis rationibus à Vidal. adductis non obstantibus, adhuc monet Diana, ut notentur ea, quæ ipse adfert ex Valentia; quia, inquit, sedabunt multos scrupulos: verum vellem ego à Diana & aliis quoque hæc notari, quod habet P. Urbanus *sol. 691. nimirum*: Oportere recentiores DD. diligenter advertere, quòd quæ sunt, & apparent illis verissima in consideratione metaphysica, corrumpantur omninò in praxi morali à secularibus, ita ut plurima fiant, & tractentur sub velo rectorum intentionum juxta recentiorum sententias, quæ tamen intentiones certum est omninò esse depravatas coram Deo, ut indies funestis experientis comprobatur. Ita ille, concludens post multa: Ergo in his, & aliis moralibus, & practiciis rebus solvenda sunt quæstiones moraliter & practice, id est, non secundum quod homines debent se gerere, vel secundum quod sibi persuadent, sed quâ ratione de facto se gerunt: alioqui fiet quamprimò, ut nec usurarii, nec simoniaci, aut similes peccatores ab Ecclesia damnati, occurrant amplius in hominum æstimatione, cum tamen magis hoc tempore, quàm unquam, multiplicetur eorum numerus, igitur finis in interitum. Notentur igitur hæc

hæc serid, maximè pro sententia, quam tradit Sanchez in opusc. tom. 1. lib. 2. cap. 5. quam & aliqui juniores apud Dianam part. 4. tract. 4. resol. 151. probabilem vocant; nimirum, non esse simoniam, dare pretium cuidam tertio, ut intercedat apud alterum, ut & hic intercedat apud collatorem beneficii, ut beneficium conferat danti dictum pretium: dico *maximè pro hac sententia* (quam iterum de novo tangit Diana part. 10. tract. 15. resol. 5.) quia sic ferè in omnibus posset palliari simonia in oculis hominum, remanente tamen malâ intentione, & vera simonia coram Deo: negari enim nullatenus potest, quin per illud pretium pareretur via ad beneficium, & per illud ematur: quia intentio dantis pretium, non sistit in remuneratione laboris ipsius intercedentis, sed respicit ultra ad obtentionem beneficii per illud medium. Unde Pasqualigus, & alii relati à Diana part. 11. tract. 6. miscell. resol. 31. malè sustinent, à simonia liberum esse, dare alicui pecuniam, ut collatori beneficii ejus merita narret, quatenus moveatur ad ei beneficium conferendum, ob eandem rationem.

Notentur hæc etiam pro eo, quod Joannes de Soria, & Marcus Vidal. sustinent, probabile esse, eo modo, quo licitum est temporale accipere pro spirituali sinè simonia, licere etiam de hoc ipso pacisci; nempe tanquam dando, vel ex gratitudine, vel ex benevolentia, &c. quia in tali casu pactum non cadit supra spiritualia, aut aliquid ipsis annexum, sed super aliquid consequens ad collationem spiritualium, quod contingenter se habet, ita ut

possit consequi vel non consequi. Pro hoc inquam notentur: quia, ut vidimus initio hujus numeri, hoc est verè simoniacum. Vide P. Mendo in statera benignarum opinionum *differt. 1. quest. 22. & 23.* ubi hæc omnia bene discutit, subjungens, illas evasiones solum excogitari penès speciem, & apparentiam, cum re ipsa & in effectu ad aliud collimentur: quare benè monet, in his *solide introspicendum esse, quid rei & veritatis, intentionis, ac animi subsistat, non quæ ad eludendum sunt solummodo specie-rentis apparentia, in his enim fraus latet.* Ita ille, staterâ iustâ ponderans benignitatem plurium recentiorum opinionum in hac materia periculosa.

40. Alius casus, in quo frequenter potest simonia committi, est, dum accipitur aliquid pro ingressu, vel professione Religionis; ista enim sunt quid spirituale. Ita omnes: licitum tamen est aliquid accipere pro Religiosi sustentatione, si Conventus sit pauper: pro quo vide Trident. sess. 25. cap. 3. In quo Urbanus dicit, credibile esse, quod jam consuetudine præscriptum sit, ut etiam à ditioribus Conventibus accipiantur pecuniæ, ut scilicet per hoc creëtur numerus Religiosorum, & sit amplior Dei cultus. Ita ille, subdens tamen præsumi adesse simoniam, dum in tali Conventu exiguntur pecuniæ à persona ingrediente, non habente ullam conditionem utilem, nisi abundantem pecuniam. Specialiùs circa hanc materiam vide Lezanam tom. 4. verbo *Simonia quoad Regulares*, num. 5. tom. 1. cap. 24. num. 30. 31. 32. & cap. 25. num. 5.

§. III.

De pœnis simoniacorum.

41. **I**N pœnam simoniæ inprimis restituendum est omne temporale acceptum tanquam rei spiritualis pretium. Colligitur ex cap. de hoc autem, & aliis: non tamen, saltem probabiliter, ante sententiam Judicis, cum id jura non exprimant; nisi pretium datum sit pro beneficio, nam cum ipsum beneficium ante Judicis sententiam tunc retineri non possit, ut patet ex cap. si quis, & extravag. cum detestabile, ubi additur, etiam fructus perceptos restituendos esse; non est quo titulo pretium talis beneficii queat retineri: interea si res spiritualis quæcumque tradita sit per simoniam realem utrimque completam, putarem tunc pretium restituendum esse Ecclesiæ, & non danti; quia per hanc pœnam intendit Ecclesia punire utrumque. Ita Noster Bacho cum ferè omnibus antiquis, teste Becano; quidquid Sortus, & Bannez velint, id solum habere locum post sententiam Judicis. Sed

42. Quid si quis post possessionem beneficii noverit à patre vel amico, per pecuniam, ipso ignorante, illud esse obtentum? Talem in conscientia teneri beneficium resignare, & fructus perceptos, qui existant, vel in quibus est factus ditior, restituere, docent D. Thomas, & ceteri communiter, quos & sequitur Diana p. II. tract. 5. resol. 56. quidquid dicat contrarium sustineri ab Adriano, Millardo, & Ste-

phano Baunio, ad quos monet attendendum.

43. Insuper simonia circa ingressum Religionis, si realis fuerit, inducit excommunicationem danti, & accipienti; Conventui suspensionem; & ita scienter professi tenentur transire ad aliud monasterium. Ita decernitur extravag. sanè ne in vinea: item excommunicationem, & suspensionem incurrit simoniacus in susceptione ordinis, & primæ tonsuræ. cap. detestabile: nec non etiam excommunicatus est, qui alteri per simoniam procurat, & qui tribuit beneficium, ac qui illud acceptat, qui & inhabilis fit ad idem beneficium ultra accipiendum: quæ vera sunt, licet ab aliquo tertio alteri ignorantî taliter provisum sit, nisi fortè aliquod temporale à tertio datum esset in fraudem, ut sic nempe alter inhabilis fieret, vel nisi alter contradixerit, vel beneficium bonâ fide per triennium possederit. Pro quibus omnibus vide Lezan. tom. 4. suprâ, num. 24. 25. &c. & Dianam part. 4. tract. 4. resol. 155. & 157. ubi ex variis adfert multa tanquam probabilia. Vide eundem denuò part. 10. tract. 16. resol. 15. 16. & 17. ubi in uno reperies ferè ceteros omnes.

44. Addo ex Lezana, nullam pœnam juris incurri propter simoniam mentalem, licet in actum extraneum profluat; sic enim colligitur ex cap. ult.

de simonia : imò aliqui existimant , illam simoniam ab Ecclesia non posse puniri , quia Ecclesia de ea non iudicat . Ita Layman . Insuper propter simoniam purè conventionalem nulla quoque pœna , vel censura juris incurritur : dum enim canones simoniaci censuram ingerunt , non meram conventionem , sed dationem & acceptionem , donationem , aliàmve realem executionem exprimunt , ut videre est in *extravag. 1. & 2. de simonia* . Ita Navarr. Less. Suarez, & Sanchez : & pœnæ præsertim tam graves , strictæ interpretationis esse debent ; propter quod plures ad incurrendum prædictas pœnas requirunt simoniam realem utrimque completam , eò quòd canones , infligentes similes pœnas propter aliquem actum peccaminosum , intelligi debeant de actu omninò completo . Hæc & alia habet Lezan. *tom. 4. num. 23. suprà* . quomodo excusetur à simonia , ludere hoc pacto , ut , si vincat , teneatur alter dicere rosarium , vel legere sacrum ; si verò vincatur , reneatur ipse alteri dare 10. asses , vel galinam v. g. ? dictum est *disp. 9. dub. 4. in fine* : quidquid juxta ea , quæ habet hic N. Franciscus *num. 16. in his absolute dicenda sit simonia adesse* .

45. Adverte nos hic in decursu hujus materiæ rerulsiè tanquam simoniaca , quibus definitio simoniæ suprà allata non convenit ; quia nempe ibi definimus solam simoniam jure Divino talem , quæque sola juxta plures est

simonia propriè dicta , utpote in qua sola datur temporale pro spirituali tanquam hujus pretium : quamvis tamen Ecclesia per jus positivum humanum jussè plura decernat esse simoniaca , præsertim circa beneficia , in quibus datur spirituale pro spirituali , vel temporale pro temporali annexo rei seu beneficio spirituali . Verùm , qui sic jure humano sunt simoniaci , non incurrunt excommunicationem , nec alias pœnas simoniacorum ; cum enim hi non sint tales juxta veram definitionem simoniæ , non sunt propriè loquendo simoniaci ; pœnæ autem sunt restringendæ . Ita Diana cum pluribus aliis *parr. 11. tract. 5. resol. 20. quod & repetit ibidem tract. 6. resol. 30. ubi etiam ex variis docet , pœnas dictas solum incurri per simoniam realem utrimque completam ; quæ sic completa non est ante solum pretium , licet instrumentum pecuniæ factum & traditum sit , ut loquitur Tancredus ; quia Scriptura non est pars pretii in rigore* . Interea extunc , & adhuc ante , peccavit uterque indubiè mortaliter .

46. De alienatione bonorum ecclesiasticorum , à quibus , quando , & quomodo fieri possit ; habes ad longum apud Franc. B. Spei in *appendice ad disp.*

21. *de simonia : & in quasiuncula appendicem hanc subse-*  
quente.

\* \*  
\*

# DISPUTATIO XII.

## De Religione.

1. **Q**uia religio, per modum iustitiæ vinculi, creaturam stri&is-  
simè ligat ad Dominum Deum  
suum debitè colendum, idcirco hîc  
ei locum damus. Religionis à P. Fran-  
cisco B. Spei, & cæteris DD. varii a-

ctus enumerantur; interni quidem,  
devotio, & oratio; externi autem ad-  
oratio, sacrificium, decimæ, votum,  
juramentum, &c. Ut ergo de his pauca  
dicamus, sit

## D V B I V M I.

### De Religione in genere.

2. **D**ico primò, religio est virtus,  
qua debitus cultus exhibetur  
Deo, tanquam principio creationis,  
& gubernationis omnis creaturæ. In  
ejus exercitio quatuor præcipuè sunt  
consideranda; quorum primum est  
summa Dei dignitas & excellentia. Se-  
cundum, nostrum nihil. Tertium, hu-  
miliatio creaturæ. Quartum, ejusdem  
humiliationis externa professio. Cul-  
tus in eo ab honore distinguitur, quòd  
ille, præter honorem seu excellentiæ  
alterius testimonium, dicat animi sub-  
missionem: unde Deus Sanctos suos  
honorat, non colit.

3. Dico secundò, religio est virtus  
particularis, distincta à iustitia in eo,  
quòd hæc disponat hominem in or-  
dine ad proximum: à prudentia, for-  
titudine, & temperantia; quia hæc dis-  
ponunt hominem in ordine ad seip-  
sum: à fide, spe & charitate; quia

religio immediatè respicit cultum de-  
bitum Deo pro objecto materiali; pro  
formali verò ipsam æquitatem, quam  
quoad suum posse tenetur creatura  
ponere inter se & Deum: unde non  
attingit Deum, vel aliquod ejus at-  
tributum, velut objectum proximum  
formale aut materiale, quod requiri  
ad virtutem Theologicam, constat  
ex alibi dictis. Differt etiam religio  
à pœnitentia, pia affectione, & obe-  
dientia; quia piæ affectionis est cre-  
dere, obedientiæ se submittere, ac  
pœnitentiæ satisfacere: quæ omnia, ut  
pater, distincta sunt ab objecto reli-  
gionis. Differt denique ab humilitate;  
quia per hanc homo se submittit,  
eò quòd id congruat suæ vilitati; per  
religionem verò, animo declarandi  
divinam eminentiam. Vide circa hæc  
Franc. B. Spei de Religione, disp. 1. num. 4.  
& 5.

Petes primò, an cultus Sanctorum procedat à religione?

4. Respondeo affirmativè, si nimirum Sancti colantur ob Dei eminentiam incretam; ut sic enim non tam coluntur Sancti, quàm Deus in illis, tanquam in imagine aut templo. Dico, *si nimirum*, &c. quia si sistatur in excellentia ipsius Sancti, aut ejusdem sanctitate creata, non erit religio: quare licet prior cultus possit dici latría, æquè ac si Deo quoad se tribueretur immediatè; posterior tamen non est, nisi Dulia, quâ videl. Sancti coluntur, ut amici & domestici Dei. Præter hos cultus, datur tertius, quo colitur B. V. MARIA, tanquam mater Dei & Christi, & vocatur iperdulia. Ubi adverte ex Francisco *loc. cit. n. 6.* imagines & cruces religione propriè dictâ non coli, licet propter Christi excellentiam

in eis relucens colantur; quia tales res inanimæ non sunt honoris formalis, aut animi submissiõis apprehendendæ capaces, sed solum signatum & exemplatum in illis signis & exemplaribus.

Petes secundò, an etiam devotio distinguatur à religione?

5. Respondeo, communiter à Theologis devotionem tam pro ipsa promptitudine & fervore affectus ad ipsum Dei cultum, vel etiam pro ipso affectu fervente in colendo Deum; qui enim ferventer affectat orare, sacrificare, Deum laudare, &c. qui sunt actus religionis; vel etiam qui ferventer orat, &c. verè ab omnibus devotus habetur: secus tamen, qui simplici affectu exercet illa, vel similia, quæ ad cultum Dei pertinere noscuntur.

## DVBIVM SECVNDVM.

### De Oratione in communi.

6. Dico primò, oratio est petitio rerum decentium à Deo, cum desiderio obtinendi si expediat. Est aliquando necessaria ad salutem, ut patet ex eo, quòd Scriptura eam tam frequenter inculcet, sive præcipiat: atque hoc præcepto, juxta DD. communiter, obligatur quilibet adultus, quando est necessitas audiendi Sacrum, recipiendi Sacramentum, eliciendi contritionem, superandæ gravis tentationis; ac maxime dum imminet periculum mortis: in quibus casibus certum est, quemlibet debere orare mentali-

ter. An verò quandoquæ homo teneatur orare vocaliter? Ait Suarez, non exstare de eo præceptum: quidquid tamen Malderus contrarium probet hac ratione; cum homo constet anima & corpore, debet utriusque substantiæ actibus Deum convenire per orationem. Sed nunquid homo teneatur semper orare, juxta Scripturam *Luce 18. Oportet semper orare*? Respondeo id controversi, non minùs, quàm an homo teneatur omnia sua opera in Deum dirigere; nam ille juxta SS. PP. semper orat, qui se & omnia



nia sua in Deum & beatitudinem æternam dirigit. Pro hoc verò vide dicta *tract. 1. disp. 3. dub. 3.* ubi quæsimus, an possit dari actus indifferens in individuo. Solum hinc nota cum Bassæo verbo *oratio*, dum dicitur oratio esse necessaria & sub præcepto ad aver-tendum malum, non fore peccatum illam omittere, nisi aliquo modo advertatur ad hanc obligationem; quia aliàs omisso non est voluntaria quatenus est contra præceptum: item quando est culpabilis ratione periculi alterius peccati, non habet malitiam distinctam à malitia istius peccati; quia tantum mala est, eò quòd sit interpretativa volitio istius peccati. Ita ille post Medinam, & alios.

7. Dico secundò, ut oratio sit virtuosa, debet procedere ex motivo colendi Deum, profitendo nimirum nostram ab ipso dependentiam, ejus infinitam potentiam, bonitatem, ac providentiam, quibus possit, & velit nobis in nostra necessitate prodesse. Ita Wiggers. Insuper, ut oratio sit legitima, requiruntur adhuc metas, & attentio; quarum prima exigit, ut petatur aliquid spectans ad salutem æternam directè vel indirectè, cum recta intentione, & sine ulla circumstantia mala: secunda verò consistit in eo, quòd quis initio orationis firmiter proponat attendere, nec eà durante sponte distrahatur. Poteest autem attentio orantis versari circa tria; vel circa id, quod petit cum ordine ad salutem; vel ad sensum orationis, quam format; vel ad Deum ipsum, quem orat.

8. Dico tertio, ea, quæ à nobis in o-

ratione peti debent, compendiosè, & optimè in oratione dominica continentur, non tantum quoad substantiam, sed & quoad ordinem, quò petenda sunt, prout ex S. Augustino scribit D. Thomas. Pro succincta autem hujus orationis expositione, vide Wiggers *tract. 8. de Relig. cap. 2. dub. 7.* Interea adverte, in oratione posse aliqua absolūtè peti, aliqua conditionatè tantum: absolūtè petuntur vita æterna, & omnia media ad illam necessaria; sub conditione verò, saltem tacitè, divitiæ, honores, longa vita, sanitas corporis &c. nam hæc sæpe possunt saluti animæ obesse: quare in his optimus orandi modus est, rogare Deum, ut agat nobiscum sicut novit expedire ad gloriam suam, & animæ nostræ salutem; quem modum Christus nos docuit dicendo Patri æterno, *sicut voluntas tua.*

Petes, pro quibus sit orandum?

9. Respondeo certum in prinis esse, quòd pro omnibus viventibus orari possit. Patet ex 1. *Timoth. 2.* ubi dicit Apostolus, obsecro fieri orationes pro omnibus hominibus, id est tam pro bonis quam pro malis, ut & his & illis Deus det media commoda ad salutem: quamvis vanum & insanum foret orare, ut omnes salventur actualiter, cum Scriptura testetur futurum contrarium. Interea ex his constat, etiam pro inimicis orandum esse; adeò ut peccaret, qui generatim pro omnibus orans, solum inimicum, vel inimicos excluderet; nam *Matth. 5.* expressè dicitur, *orate pro persequentibus, & calumniantibus vos:* hoc tamen præceptum non videtur quemquam obliga-

re, ut oret pro inimico particulari, nisi hic esset in extrema, vel valde gravi necessitate spiritali, in qua non posset ipsi aliter succurri nisi per orationem. Insuper etiam orandum est pro iis, qui sunt in purgatorio; non pro iis, qui sunt in celo, vel in inferno; quia hi per orationem nostram juvari nequeunt, bene qui in purgatorio adhuc patiuntur. Vide N. Franciscum *de religione, disput. 2. numero 18. & seq.*

Petes fortè iterum, an oratio pro pluribus oblata, æquè singulis proliat, ac si pro singulis offerretur?

•o. Resp. cum N. Francisco: impetrationem quidem in Dei benignitate fundari, quæ infinita est: ita tamen, ut & in orationis congruitate fundetur: undè Ecclesia plerumque pro aliquo in particulari orat; per quod videtur significare, orationem pro om-

nibus factam, singulis non in tantum ab omni parte prodesse; nam alioqui id frustra faceret:

11. An verò Sancti sint orandi? Respondeo affirmativè, conformiter ad dicta de cultu; ita nimirum ut orentur tanquam amici, ac domestici Dei, quatenus pro nobis interpellent apud Deum: non autem, quasi ipsi suâ auctoritate, aut potestate nobis possint peccata remittere, conferre virtutes, dare salutem, aut gratiam &c. quia id esset idololatrare. Vide circa hoc Franc. B. Speinum. 4. & seq. quinum. 10. dicit, animas purgatorii consultius non orari; quia incertum est, an verè ab Angelis custodibus de precibus nostris instruantur, & quia decet animas illas totaliter esse debito suo persolvendo intentas tam perfectè ac possunt.

## DVBIVM TERTIVM.

### De Horis Canonicis.

§. I:

**Quinam ad horas teneantur, & quæ sit gravis materia in earum omissione?**

12. **H**Oræ canonicæ sunt quædam preces ac laudes, quæ certis horis, diu noctuque, juxta Canonum Ecclesiæ præscriptionem, in Ecclesia recitantur: alio nomine dicuntur Officium Divinum, seu Ecclesiasticum.

An, & quomodo ad horas teneantur beneficiati; dictum est parum antè. De cæteris

13. Dico primò, omnes constituti in ordinibus sacris tenentur ad horas sub culpa mortali. Ita omnes ex cap.

*Dolen-*

*Dolentes de celebr. Missæ*, constatque ex generali, & antiquissima Ecclesiæ consuetudine, quæ in re gravi obligat graviter.

14. Dico secundò, etiam sub mortali ad horas teneri Religiosos, ac Moniales choro deputatos, communis habet DD. sententia ex consuetudine immemorabili: quidquid aliqui dicant, illam non esse introductam sub onere gravis culpæ; aliàs, inquit Marchant. omnes consuetudines Religionum, ut v. g. dandi certis diebus disciplinam &c. deberent dici obligare sub mortali: sed in vanum hoc dicit; quia obligationis consuetudinis jam introductæ, sicut & intentionis introducentium optimus interpret est acceptatio, & expositio eorum, qui consuetudinem continuant; qui unanimiter hucusque nos docuerunt, consuetudinem quoad horas obligare & introductam esse sub onere peccati mortalis, cujus contrarium fit quoad consuetudinem excipiendi disciplinam, &c. Quare meritò Diana *part. 11. tractat. 1. resol. 25.* docet, absolute communem sententiam esse tenendam. Vide etiam Franciscum Bonæ Spei *sua Noctua dub. 24. resol. 1.* ubi eandem latè firmat, volens illam obligationem esse, non vi consuetudinis, sed vi professi status religiosi, non laici traditionis: dicit tamen benè in *tractat. de Relig. disp. 2. num. 40.* Laicos ad horas sub peccato mortali non obligari; quia nec lex, nec consuetudo, nec Ecclesiæ traditio, desuper existit, ut omnes fatentur; atque illi magis ad laborem, quàm officium Divinum sunt deputati. Vide eundem

*de Relig. disp. 2. citat. numero 78. & seq.*

15. An verò ad horas teneatur monachus fugitivus, aut ejectus, si non fuerit in sacris? Etiam DD. communiter affirmant contra Bonacinam & Busenbaum: quam sententiam judico absolute sustinendam, nisi talis damnatus esset ad triremes, in quo usus est in contrarium; tum quia satis aliunde habet afflictionis; tum etiam, quia id cederet in dedecus ordinis ecclesiastici, si in illa hominum colluvie (ut loquitur P. Franciscus *num. 70.*) patefaceret statum suum.

16. Dico tertio, materia gravis in omissione horarum, apud aliquos est media, apud alios tertia pars horæ, etiam minoris: quidquid Escobar apud Busenbaum, & Marchantius probabiliter, ac absolute Pourré post Marchinum dicant, omissionem integræ horæ parvæ ut v. g. tertiæ, aut completorii, non esse mortale peccatum: quorum ratio est, quia quando totum aliquid est magnum, levis materia judicatur, quæ non excedit partem duodecimam materiæ præceptæ. Verum, an ipsi hunc discursum omninò similem admittant, id viderint: furtum omnium bonorum Regis Hispaniæ, unico actu factum, est unicuique peccatum mortale; sed valor Belgii, respectu omnium bonorum ejusdem, non est plus quàm duodecima pars; ergo qui ab ipso auferret totum Belgium, non peccaret mortaliter: argumentum ferè simile habet Franc. B. Spei *de Relig. suprâ n. 49.* Sed quia Pourré tam generosè dicit, Dianam *part. 6. tractat. 6. resol. 6.* immeritò impugnare sententiam Marchini, audiat eundem Dianam *part. 10. tract.*

tract. 16. resol. 20. ubi, postquam dixisset, Martinum de San Joseph docere sententiam Pourré, subdit; *Caveant imposterum authores istam sententiam tanquam probabilem* (multò magis oppositam tanquam improbabilem explodere) *in suis operibus admittere, nam male olerent apud sacram Congregationem Indicis: audiat & Lezanam consult. 48. num. 85. sic asserentem; In materia Officii Divini sententia Marchini dicentis, omissionem unius horæ canonica non esse peccatum mortale, est falsa & improbabilis; quia levi nititur fundamento, scil. quòd sit parva materia respectu totius Officii Divini; non enim est nisi notabilis deformatio, & mutilatio ejusdem: & quia est contra torrentem DD.* Ita Lezana, subdens, ratione hujus propositionis librum Marchini delatum esse ad sacram Congregationem Indicis. Imò Diana part. 11. tract. 1. resol. 25. dicit, citans denuò Lezanam; illam sententiam Marchini esse deletam ex opere ipsius à dicta Congregatione. Legat hæc igitur Pourré, & vistantis, ac sunt Lezana & Diana, qui continuò Romæ manserunt, credat in causa facti: legat etiam hæc Caranuel, & videbit, quàm sit pia speculatio probabilis (prout dicit unum ex Patribus Societatis visam esse) quâ

ostendere conatur, semel legendo matutinum & laudes, posse satishieri pro duobus diebus: verum de hoc a libi egimus. Interea adhuc Caranuel Theolog. fundament. part. 1. folio 402. inter varias Theses, quas omnes, & singulas sine conscientiarum scrupulo Lovanii defendi, & prædicari judicarunt plurimi viri doctissimi, ut Andræas à Tarri, Coninck, Loyens, Cromius, de Jonghe, de Scildere, quas & probabiles judicavit du Gardin cum aliquot aliis ex Universitate Duacena, nec non Jacobus Emans Carmelita Doctor Colonienſis, & alii, ut idem Caranuel testatur; inter has inquam Theses refert hanc, *Omittens unam horam ex parvis, probabiliter excusari potest à peccato mortali.* Sed nec propter hos omnes ego sacre Congregationi contrariare volo; quare cum Lezana, & Diana sustineo, omissionem mediæ partis unius horæ, etiam parva, esse mortale peccatum: quidquid N. Franciscus loco sæpe citato numero 49. ad mortale requirit omissionem integræ horæ, vel partem illi æquivalentem; addens, vesperras Sabbathi sancti, non videri in hoc materiam moraliter gravem.

## S. II.

**An liceat officium immutare, interrumpere, aut horas transponere?**

17. **D**ico primò, quoad mutationem officii, v. g. feriæ in offi-

cium alicujus Sancti, duæ sunt satis communes sententiæ; quarum prima do-

docet, hoc faciendo non satisfieri præcepto de recitandis horis. Ita Vasquez, Suarez, Homobonus, Toletus, & plures alii apud Dian. p. 2. tr. 12. ref. 3. quibus addo Franc. B. Spei in *Noctua dub. 24. ref. 3.* & de novo iterum tr. de Relig. disp. 2. n. 119. & denuò n. 116. & seq. Ratio est, quòd Pius V. præcipiat recitari officium juxtà formam ab ipso præfcriptam; ad quam formam dicunt, pertinere distributionem officii in tempora, festivitates, & dies; pro quo vide Dianam par. 11. tr. 4. ref. 45.

18. Secunda verò sententia docet, solùm committi veniale peccatum licet sine ulla causa officium sic mutetur. Ita plurimi apud eundem Dian. par. 2. citatà: quorum ratio est, quia præceptum Ecclesiæ tunc adhuc plenè quoad substantiam observatur, cum hæc in eo sit sita, quòd septem horæ recitentur. Solùm igitur, inquit, mutatur modus accidentalis, quod non videtur posse constituere culpam mortalem. Gobat in *Triga Horaria disp. 3. n. 883.* cum majori parte DD. hujus temporis, ut ait, viâ mediâ incedens docet, esse peccatum mortale perpetuò vel ferè perpetuò sic mutare officium, non verò si id fiat rarò, quod & latè probare conatur. Hinc Leandrus apud Dianam par. 10. tract. 11. resol. 16. sustinet, non esse mortale, privatim recitare officium de Resurrectione dum debet dici de feria, aut de Sancto: addens tamen, se non consulere alicui taliter officium immutare, nisi fortè illis, qui sunt valdè occupati, adeò ut præ magnitudine officii exterriti nullum recitarent. Sententiam Leandri in hoc sequitur Caramuel; contra quem

insurgit Adamus Burghaber & Diana p. 11. tr. 1. ref. 26. dicentes, officium Paschale moraliter non æquivalere officiis aliis per annum, adeòque non videri per illud impleri substantiam præcepti: atque hoc modò apud omnes certum esse debet, nam sanctissimus Dominus Alexander VII. per decretum editum 18. Martii 1646. in terminis damnat sequentem propositionem, ad minùs ut scandalosam. *In die Palmarum recitans officium Paschale, satisfacit præcepto.* Interea Lezana satis probabiliter in *summa tom. 3. verbo Breviarium num. 3.* docet, omnes Regulares posse extra chorum mutare officium sui Breviarii, & illud recitare juxtà Breviarium Romanum; quia cum Ecclesia Romana sit mater omnium Ecclesiarum, videtur semper licitum, se illi conformare; & Pius V. permisit omnibus, si velint, uti Breviario Romano in choro, si Episcopo, & toti Capitulo magis ardeat: ex quo colligi videtur extrà chorum non requiri similem consensum. Ita Lezana, restringens, nisi in Religione de eo exstet prohibitio, prout testatur esse in nostra Carmelitana. Vide etiam Dianam par. 11. tract. 2. ref. 64.

19. Dico secundò, probabile est, non esse mortale, si officium interrumpatur absque ulla ratione; quia in his omnino salva manet substantia præcepti, atque omnes ferè versus habent sensum perfectum, & ex multis recitationibus realiter discretis, moraliter una totalis, sub eadem persolvendi durante intentione, integrari potest. Ita Franc. B. Spei lo. cit. n. 47. Dicit insuper n. 53. horarum ordinem pervertere,

Kkk etiam

tract. 16. resol. 25. ubi, postquam dixisset, Martinum de San Joseph docere sententiam Pourré, subdit; *Caveant imposterum authores istam sententiam tanquam probabilem* (multò magis oppositam tanquam improbabilem explodere) *in suis operibus admittere, nam male oleant apud sacram Congregationem Indicis: audiat & Lezanam consult. 48. num. 85. sic allentem; In materia Officii Divini sententia Marchini dicentis, omissionem unius horæ canonica non esse peccatum mortale, est falsa & improbabilis; quia levi nititur fundamento, scil. quòd sit parva materia respectu totius Officii Divini; non enim est nisi notabilis deformatio, & mutilatio ejusdem: & quia est contra torrentem DD.* Ita Lezana, subdens, ratione hujus propositionis librum Marchini delatum esse ad sacram Congregationem Indicis. Imò Diana part. 11. tract. 1. resol. 25. dicit, citans denuò Lezanam; illam sententiam Marchini esse deletam ex opere ipsius à dicta Congregatione. Legat hæc igitur Pourré, & vicistantis, ac sunt Lezana & Diana, qui continuò Romæ manserunt, credat in causa facti: legat etiam hæc Caramuel, & videbit, quàm sit pia speculatio probabilis (prout dicit uni ex Patribus Societatis visam esse) quâ

ostendere conatur, semel legendo matutinum & laudes, posse satisfieri pro duobus diebus: verùm de hoc a libi egimus. Interea adhuc Caramuel Theolog. fundament. part. 1. folio 402. inter varias Theses, quas omnes, & singulas sinè conscientia scrupulo Lovanii defendi, & prædicari judicarunt plurimi viri doctissimi, ut Andreas à Turri, Coninck, Loyens, Cromius, de Jonghe, de Scildere, quas & probabiles judicavit du Gardin cum aliquot aliis ex Universitate Duacena, nec non Jacobus Emans Carmelita Doctor Colonienfis, & alii, ut idem Caramuel testatur; inter has inquam Theses refert hanc, *Omittens unam horam ex parvis, probabiliter excusari potest à peccato mortali.* Sed nec propter hos omnes ego sacræ Congregationi contrariare volo; quare cum Lezana, & Diana sustineo, omissionem mediæ partis unius horæ, etiam parvæ, esse mortale peccatum: quidquid N. Franciscus loco sæpe citato numero 49. ad mortale requirat omissionem integræ horæ, vel partem illi æquivalentem; addens, vesperras Sabbathi sancti, non videri in hoc materiam moraliter gravem.

## S. II.

An liceat officium immutare, interrumpere, aut horas transponere?

17. **D**ico primò, quoad mutationem officii, v. g. feræ in offi-

cium alicujus Sancti, duæ sunt satis communes sententiæ; quarum prima do-

docet, hoc faciendo non satisfieri præcepto de recitandis horis. Ita Vasquez, Suarez, Homobonus, Toletus, & plures alii apud Dian. p. 2. tr. 12. ref. 3. quibus addo Franc. B. Spei in *Noctua dub. 24. ref. 3.* & de novo iterum tr. de Relig. disp. 2. n. 119. & denuò n. 116. & seq. Ratio est, quòd Pius V. præcipiat recitari officium juxta formam ab ipso præscriptam; ad quam formam dicunt, pertinere distributionem officii in tempora, festivitates, & dies; pro quo vide Dianam par. 11. tr. 4. ref. 45.

18. Secunda verò sententia docet, solum committi veniale peccatum licet sine ulla causa officium sic mutetur. Ita plurimi apud eundem Dian. par. 2. citatà: quorum ratio est, quia præceptum Ecclesiæ tunc adhuc plenè quoad substantiam observatur, cum hæc in eo sit sita, quòd septem horæ recitentur. Solum igitur, inquirunt, mutatur modus accidentalis, quod non videtur posse constituere culpam mortalem. Gobat in *Triga Horaria disp. 3. n. 883*, cum majori parte DD. hujus temporis, ut ait, viâ mediâ incedens docet, esse peccatum mortale perpetuò vel ferè perpetuò sic mutare officium, non verò si id fiat raro, quod & latè probare conatur. Hinc Leandrus apud Dianam par. 10. tract. 11. resol. 16. sustinet, non esse mortale, privatim recitare officium de Resurrectione dum debet dici de feria, aut de Sancto: addens tamen, se non consulere alicui taliter officium immutare, nisi fortè illis, qui sunt valde occupati, adeò ut præ magnitudine officii exterriti nullum recitarent. Sententiam Leandri in hoc sequitur Caramuel; contra quem

insurgit Adamus Burghaber & Diana p. 11. tr. 1. ref. 26. dicentes, officium Paschale moraliter non æquivalere officiis aliis per annum, adeòque non videri per illud impleri substantiam præcepti: atque hoc modò apud omnes certum esse debet, nam sanctissimus Dominus Alexander VII. per decretum editum 18. Martii 1666. in terminis damnat sequentem propositionem, ad minus ut scandalosam. *In die Palmarum recitans officium Paschale, satisfacit præcepto.* Interea Lezana satis probabiliter in *summa tom. 3. verbo Breviarium num. 3.* docet, omnes Regulares posse extra chorum mutare officium sui Breviarii, & illud recitare juxta Breviarium Romanum; quia cum Ecclesia Romana sit mater omnium Ecclesiarum, videtur semper licitum, se illi conformare; & Pius V. permisit omnibus, si velint, uti Breviario Romano in choro, si Episcopo, & toti Capitulo magis arrideat: ex quo colligi videtur extrà chorum non requiri similem consensum. Ita Lezana, restringens, nisi in Religione de eo exstet prohibitio, prout testatur esse in nostra Carmelitana. Vide etiam Dianam par. 11. tract. 2. ref. 64.

19. Dico secundò, probabile est, non esse mortale, si officium interrumpatur absque ulla ratione; quia in his omnino salva manet substantia præcepti; atque omnes ferè versus habent sensum perfectum, & ex multis recitationibus realiter discretis, moraliter una totalis, sub eadem persolvendi durante intentione, integrari potest. Ita Franc. B. Spei *lo. cit. n. 47.* Dicit insuper n. 53. horarum ordinem pervertere,

Kkk

etiam

etiam sine causa, non esse nisi peccatum veniale, si id fiat in officio privato, quidquid Bassæus verbo *horæ canonicæ summario* 3. n. 1. rectè dicat, videri esse mortale, si hoc fiat in recitatione publica, sive in choro; ob scandalum scilicet & populi offensionem. Caramuel in *Theol. fund. par. 1. fundam. 53. §. 20. num. 1117.* docet, non esse peccatum, etiam veniale, privatim non dicere horas tempore determinato, eò quòd de eo nullum exister præceptum: sed contra eum insurgit Diana *par. 11. tract. 1. resol. 9.* volens id observari debere ratione consuetudinis; & inde, inquit, Officium Divinum horæ vocantur: admittit tamen, nullum esse peccatum, modicè tempus mutare; quod communiter omnes faciunt sine scrupulo; ut si prima dicatur post duas horas ab ortu solis simul cum Tertia, Sexta, & Nona, ac Vesperæ & Completorium statim post prandium; quia talis mutatio fundatur in necessitatibus communiter occurrentibus. Veniale igitur erit, multum variare dictum tempus; ut recitare Primam in occasu solis, vel totum officium prope mediam noctem. Vide N. Franciscum *n. 53. cit.*

Petes, quo tempore possint, ac debeant singulæ horæ dici?

20. Respondeo indubitatum modò esse, matutinum, cum vel sine laudibus, recitari posse pridio post completum officium præsentis diei; idque ab hora quarta post meridiem, vel etiam à secunda juxta Dianam variis locis: Imò Pourré absolurè asserit, pulsatà duodecimâ meridianâ, licitum esse

dicere matutinum cum laudibus sequentis diei. Neque esset mortale si quis diceret matutinum diei sequentis, non dictis adhuc vespers, & completorio diei præsentis, nam talis inversio non est adeò gravis. Quoad tempus verò cæterarum horarum usque ad vespers, ponitur ordinariè ante-meridianum, post-meridianum pro vespers, & completorio, exceptò tempore quadragesimæ, quando etiam vespers, extra Dominicam, dicuntur ante meridiem; quidquid Burghaber post alios à se citatos *Centur. 3. casu 83.* velit, nequidem esse veniale tuncillas dicere post meridiem sive extra, sive intra chorum. Interea certum est, non esse mortale, differre integrum officium usque ad tempus illud, quo adhuc debite recitari possit ante duodecimam noctis, imò probabiliter nec si circa medium primæ quis illud tantum absolvit, peccabit mortaliter juxta Leonardum, quem citat & sequitur Burghaber *Centur. 1. casu 39.* quia ex mente plurium DD. omnes horæ sunt unica oratio uno præcepto imposita. Ergo oratio hæc debito tempore cæpta, rectè in continenti finitur, etsi post duodecimam jam audiam. Verùm quò ad hoc, contrarium judico sustinendum, negans horas sive recitationem Divini officii debito tempore inchoari, si non possit absolvi nisi mediâ horâ post duodecimam noctis, sive post tempus illud, quò debebat finiri. Insuper certum manet, esse peccatum veniale invertere dictum ordinem sine ulla causa, ut constat ex ante dictis. Adde tamen secundum P. Franciscum *n. 55. in hac*



hac materia causam justam esse, si v. g. Prima post Tertiam legatur, vel occasione chori, vel occasione amici penitentis secundum legem Tertiam, Primam à se nondum lectam : & secundum Sanchez in opusculis. tom. 2. lib. 7. cap. 2. dub. 37. num. 3. etiam causa justa hinc est, si scholasticus differat horas in tempus vespertinum, eo quod matutinum sit aptius studio; sed meo quidem judicio hoc nemini consulendum est; tum, quia à Jove debet esse principium, ut axioma habet; tum quia optima Deo sunt tribuenda, ac consequenter tempus commodius in ejus laudibus infundendum est. Pro horum complemento.

21. Adverte eos, qui ex officio, vel Superiorum mandato in choro

impediuntur à recitanda parte officii, ut qui pulcant; libros aptant, &c. non teneri illam partem repetere juxta DD. communiter; quia eam censentur per alios implere, & toti officio cooperari: tenentur tamen attendere ad ea, quæ tum temporis recitantur; non enim videtur possidere officium recitare, qui nec verba officii profert, nec ad illa attendit. Hinc, contra Caramuelem, dum quis cum socio officium recitat, uterque debet alterum audire; alias enim non diceretur recitare quod alter recitat, cum auditus loco recitationis succedere debeat, ut DD. communiter docent cum Diana par.

11. traët. 1. ref. 6.

### §. III.

## De omittente integrum officium; ubi & de Litaniis, Officio D. V. &c.

22. **D**ico primò, qualiter peccet, qui negligit legere integrum officium, variè resolvunt DD. plures volunt, eum unicum peccatum committere, quia unicum de eo recitando existat præceptum, respiciens omnes septem horas simul tanquam partes integrales ejusdem officii. Ita Bonacina, Bassius, & alii. Multi è contrà docent, esse plura peccata formaliter; inter quos est Lessius; quia singulæ horæ sunt distinctæ orationes, & distincta officia,

diversis temporibus Deo solvenda. Alii insuper volunt esse peccatum unum multiplex, ut Suarez. Alii denique, esse unum pluribus æquivalens, quod puto probabilius; quidquid interim plures velint, in omni sententia necessariò in confessione debere exprimi numerum horarum omissarum: contra quos Diana par. 2. traët. 12. resol. 5. & 23. expressè asserit, satis esse, si ille, qui plures horas, non tamen omnes omisit, dicat, se commississe culpam mortalem

Kkk 2 in

in recitatione horarum, vel omiſſiſſe partem notabilem Divini officii: Diana ſubſcribit Pourré *verbo hora canonica num. 1.* Vide dicta *tract. 1. ſuprà* de multiplicatione peccatorum, & dicenda in *frà in tract. ult. de integritate Confeſſionis*: & quæ habet Franc. B. Spei *lo. toties cit. num. 49.*

23. Dico ſecundò, non eſt improbabile, Patres Carmelitas non teneri ſub mortali recitare officium B. Virginis quando fit officium de feria; quia Regula, Statuta, ac Rubricæ eos non obligant ad mortale; & quoad conſuetudinem non omninò conſtat, an introducta ſit cum intentione obligandi ſub mortali, in dubio autem judicandum eſt de obligatione levi. Vide P. Franciſcum *num. 62.* Hæc à pari poſſet quis extendere ad officium defunctorum, etiam ſecundà Novembris dici ſolitum: ad Pſalmos graduales, ac pœnitentiales, litanias majores, &c. quæ omnia ſinè mortali omitti poſſe à quolibet privatim, aliqui judicant probabile; cò quòd de obligatione ſub mortali non videatur, ſaltem omninò certò, conſtare: & ita abſolutè de litaniiſ docet Diana *loc. cit. reſol. 42.* citans Vaſquez, & Moſeſium, quibus *par. 4. tract. 4. reſol. 226.* addit Homobonum; ſubjungens, ſententiam oppoſitam eſſe

verioſem; quàm abſolutè docet Sylvius; & omninò tenendam eſſe, tradit Franciſcus N. quos in praxi ſequere: & eos in praxi ſequendos eſſe, tradit Burghaber, cò quòd ab eorum parte ſtet communiſſimus uſus: quidquid ſatisfaciat rationibus eorum, dicatque ſibi oppoſitam doctrinam non diſplicere, quam & variis rationibus confirmat, ita ut mirer, eum hîc plus ſolito eſſe ſcrupuloſiorem.

24. Petes hîc fortè, an non habens Breviarium teneatur recitare Pſalmos, ſi eos, & non alia ſciat memoriter? Reſpondent Filliucius, Maderus & alii negativè; quia illi Pſalmi ut ſic non ſunt hora canonica, ad quam, & non ad aliud, Clerici obligantur. Adde Clericos profeſſos, vel beneficiatos, vel recenter ordinatos ſatisfacere, ſi incipiant ab hora, tempore ſuæ profeſſionis, acceptæ poſſeſſionis Beneficii, vel ordinationis, in Eccleſiis Cathedralibus legenda; quia tunc demum illorum obligatio incipit. Ita Franc. B. Spei, ubi ſuprà *num. 54.* ſubjungens, eos non ſatisfeciſſe ſuæ obligationi ob horas anticipativè lectas: quia non rectè ſolvitur debitum, quod non eſt.

§. IV.

De attentione in Divino officio , & recitatione mentali.

25. **R**equiri unam ex tribus attentionibus *supra dub. 2.* allatis, docent communiter DD. apud Dianam *par. 2. tract. 12. resol. 2.* citantem triginta sex docentes, eos, qui recitant horas sine attentione, saltem virtuali, non satisfacere præcepto Ecclesiæ de recitandis horis. Horum ratio præcipua est, quia *cap. Dolentes* præcipitur, ut officium Divinum celebretur studiosè & devotè; quod ultimum, inquirunt, involvit internam attentionem, vel maximè cum *eodem cap.* præcipiatur verus actus orationis. Attamen apud eundem Dianam *ibid.* quoad Clericos non beneficiatos adhuc contrarium docent Durandus, Sylvester, Medina, Angelus, D. Antonius, Coninck, & alii; quorum sententiam Diana sine metu, ut loquitur, probabilem dicit cum Layman, Henriquez, Lessio, & Viçorello. Imò non posse negari quin sit probabilis, asserit Gobat in *Triga Horaria disp. 2. num. 831.* quidquid Suarez ei omnem probabilitatem neget. Ratio est, quia Ecclesia non potest, saltem probabiliter præcipere actus internos, sicut nec eos potest punire aut cognoscere, ut pater ex dictis in *tract. de Legibus.* Ad *caput autem Dolentes*, probabiliter dici potest, ibi solum præcipi studiositatem,

devotionem, ac orationem externam, quæ videl. cum talibus circumstantiis fiat, quæ requiruntur ad actum religionis externum, sive ita, ut exterius non peccetur contra religionem: quod ipsum non obscurè videtur colligi ex contextu; nam in citato *cap.* agitur contra eos, qui tempore officii Divini confabulantur. Quare puto cum Diana, & aliis, dictam sententiam verè esse probabilem.

26. Nec dicas, actum externum orationis non esse veram orationem, quæ in dicto *cap.* præcipitur; quia dici potest esse veram orationem externam, quæ solum ibi præcipi potest. Hanc sententiam utilem nominat Bufenb. tum scrupulosus, tum Confessarius, ne beneficiatis sine attentione horas recitantibus imperare cogantur restitutionem fructuum, partim ob auctoritatem DD. partim quòd hoc præcepto tantum materiales quædam preces, earumque externa pronuntiatio (per quam sicuti per hymnos organo cantatos Ecclesia aliquid à Deo impetrare potest) præcipi videantur: devotio verò interna tanquam finis præcepto extrinsecus ad ejus substantiam non pertinet. Ita Bufenbaum. Et reverè, si absque interna attentione satisfiat præcepto recitandi

Kkk 3 horas,

Petes primò, an cultus Sanctorum procedat à religione?

4. Respondeo affirmativè, si nimirum Sancti colantur ob Dei eminentiam increatam; ut sic enim non tam coluntur Sancti, quam Deus in illis, tanquam in imagine aut templo. Dico, *si nimirum*, &c. quia si sistatur in excellentia ipsius Sancti, aut ejusdem sanctitate creata, non erit religio: quare licet prior cultus possit dici latría, æquè ac si Deo quoad se tribueretur immediatè; posterior tamen non est, nisi Dulia, quâ videl. Sancti coluntur, ut amici & domestici Dei. Præter hos cultus, datur tertius, quo colitur B. V. MARIA, tanquam mater Dei & Christi, & vocatur iperdulia. Ubi adverte ex Francisco *loc. cit. n. 6.* imagines & cruces religione propriè dictâ non coli, licet propter Christi excellentiam

in eis relucens colantur; quia tales res inanimes non sunt honoris formalis, aut animi submissionis apprehendendæ capaces, sed solum signatum & exemplatum in illis signis & exemplaribus.

Petes secundò, an etiam devotio distinguatur à religione?

5. Respondeo, communiter à Theologis devotionem fami pro ipsa promptitudine & fervore affectus ad ipsum Dei cultum, vel etiam pro ipso affectu fervente in colendo Deum; qui enim ferventer affectat orare, sacrificare, Deum laudare, &c. qui sunt actus religionis; vel etiam qui ferventer orat, &c. verè ab omnibus devotus habetur: secus tamen, qui simplici affectu exercet illa, vel similia, quæ ad cultum Dei pertinere noscuntur.

## DVBIVM SECVNDVM.

### De Oratione in communi.

6. Dico primò, oratio est petitio rerum decentium à Deo, cum desiderio obtinendi si expediat. Est aliquando necessaria ad salutem, ut patet ex eo, quòd Scriptura eam tam frequenter inculcet, sive præcipiat: atque hoc præcepto, juxta DD. communiter, obligatur quilibet adultus, quando est necessitas audiendi Sacrum, recipiendi Sacramentum, eliciendi contritionem, superandæ gravis tentationis; ac maximiè dum imminet periculum mortis: in quibus casibus certum est, quemlibet debere orare mentali-

ter. An verò quandoquæ homo teneatur orare vocaliter? Ait Suarez, non exstare de eo præceptum: quidquid tamen Malderus contrarium probet hac ratione; cum homo constet anima & corpore, debet utriusque substantiæ actibus Deum convenire per orationem. Sed nunquid homo tenetur semper orare, juxta Scripturam *Luce 18. Oportet semper orare*? Respondeo id controversi, non minùs, quàm an homo teneatur omnia sua opera in Deum dirigere; nam ille juxta SS. PP. semper orat, qui se & omnia

nia

nia sua in Deum & beatitudinem æternam dirigit. Pro hoc verò vide dicta tract. 1. disp. 3. dub. 3. ubi quæsimus, an possit dari actus indifferens in individuo. Solùm hîc nota cum Bassæo verbo *oratio*, dum dicitur oratio esse necessaria & sub præcepto ad aver-tendum malum, non fore peccatum illam omittere, nisi aliquo modo advertatur ad hanc obligationem; quia aliàs omisio non est voluntaria quatenus est contra præceptum: item quando est culpabilis ratione periculi alterius peccati, non habet malitiam distinctam à malitia istius peccati; quia tantum mala est, eò quòd sit interpretativa volitionis istius peccati. Ita ille post Medinam, & alios.

7. Dico secundò, ut oratio sit virtuosa, debet procedere ex motivo colendi Deum, profitendo nimirum nostram ab ipso dependentiam, ejus infinitam potentiam, bonitatem, ac providentiam, quibus possit, & velit nobis in nostra necessitate prodesse. Ita Wiggers. Insuper, ut oratio sit legitima, requiruntur adhuc pietas, & attentio; quarum prima exigit, ut petatur aliquid spectans ad salutem æternam directè vel indirectè, cum recta intentione, & sine ulla circumstantia mala: secunda verò consistit in eo, quòd quis initio orationis firmiter proponat attendere, nec eà durante sponte distrahatur. Potest autem attentio orantis versari circa tria; vel circa id, quòd petit cum ordine ad salutem; vel ad sensum orationis, quam format; vel ad Deum ipsum, quem orat.

8. Dico tertio, ea, quæ à nobis in o-

ratione peti debent, compendiosè, & optimè in oratione dominica continentur, non tantum quoad substantiam, sed & quoad ordinem, quòd petenda sunt, prout ex S. Augustino scribit D. Thomas. Pro succincta autem hujus orationis expositione, vide Wiggers tract. 8. de Relig. cap. 2. dub. 7. Interea adverte, in oratione posse aliqua absolūtè peti, aliqua conditionatè tantum: absolūtè petuntur vita æterna, & omnia media ad illam necessaria; sub conditione verò, saltem tacitè, divitiæ, honores, longa vita, sanitas corporis &c. nam hæc sepe possunt salutem animæ obesse: quare in his optimus orandi modus est, rogare Deum, ut agat nobiscum sicut novit expedire ad gloriam suam, & animæ nostræ salutem; quem modum Christus nos docuit dicendo Patri æterno, *fiat voluntas tua*.

Petes, pro quibus sit orandum?

9. Respondeo certum in primis esse, quòd pro omnibus viventibus orari possit. Patet ex 1. *Timoth. 2.* ubi dicit Apostolus, obsecro fieri orationes pro omnibus hominibus, id est tam pro bonis quam pro malis, ut & his & illis Deus det media commoda ad salutem: quamvis vanum & insanum foret orare, ut omnes salventur actualiter, cum Scriptura testetur futurum contrarium. Interea ex his constat, etiam pro inimicis orandum esse; adeò ut peccaret, qui generatim pro omnibus orans, solùm inimicum, vel inimicos excluderet; nam *Matth. 5.* expressè dicitur, *orate pro persequentibus, & calumniantibus vos*: hoc tamen præceptum non videtur quemquam obliga-

re, ut oret pro inimico particulari, nisi hic esset in extrema, vel valde gravi necessitate spiritali, in qua non posset ipsi aliter succurri nisi per orationem. Insuper etiam orandum est pro iis, qui sunt in purgatorio; non pro iis, qui sunt in cælo, vel in inferno; quia hi per orationem nostram juvari nequeunt, benè qui in purgatorio adhuc patiuntur. Vide N. Franciscum *de religione, disput. 2. numero 18. & seq.*

Petes fortè iterùm, an oratio pro pluribus oblata, æquè singulis prosit, ac si pro singulis offerretur?

••• Resp. cum N. Francisco: impetrationem quidem in Dei benignitate fundari, quæ infinita est: ita tamen, ut & in orationis congruitate fundetur: undè Ecclesia plerumque pro aliquo in particulari orat; per quod videtur significare, orationem pro om-

nibus factam, singulis non in tantum ab omni parte prodesse; nam alioqui id frustra faceret:

11. An verò Sancti sint orandi? Respondeo affirmativè, conformiter ad dicta de cultu; ita nimirum ut orentur tanquam amici, ac domestici Dei, quatenus pro nobis interpellent apud Deum: non autem, quasi ipsi suâ auctoritate, aut potestate nobis possint peccata remittere, conferre virtutes, dare salutem, aut gratiam &c. quia id esset idololatrare. Vide circa hoc Franc. B. Speinum. 4. & seq. quinum. 10. dicit, animas purgatorii consultius non orari; quia incertum est, an verè ab Angelis custodibus de precibus nostris instruantur, & quia decet animas illas totaliter esse debito suo persolvendo intentas tam perfectè ac possunt.

## DVBIVM TERTIVM.

### De Horis Canonicis.

§. I:

Quinam ad horas teneantur, & quæ sit gravis materia in earum omissione?

12. **H**ORÆ canonicæ sunt quædam preces ac laudes, quæ certis horis, diu noctuque, juxta Canonum Ecclesiæ præscriptionem, in Ecclesia recitantur: alio nomine dicuntur Officium Divinum, seu Ecclesiasticum.

An, & quomodo ad horas teneantur beneficiati; dictum est parum antè. De cæteris

13. Dico primò, omnes constituti in ordinibus sacris tenentur ad horas sub culpa mortali. Ita omnes *ex cap.*

*Dolen-*

*Dolentes de celebr. Missæ*, constatque ex generali, & antiquissima Ecclesiæ consuetudine, quæ in re gravi obligat graviter.

14. Dico secundò, etiam sub mortali ad horas tenei Religiosos, ac Moniales choro deputatos, communis habet DD. sententia ex consuetudine immemorabili: quidquid aliqui dicant, illam non esse introductam sub onere gravis culpæ; aliàs, inquit Marchant. omnes consuetudines Religionum, ut v. g. dandi certis diebus disciplinam &c. debent dici obligare sub mortali: sed in vanum hoc dicit; quia obligationis consuetudinis jam introductæ, sicut & intentionis introductentium optimus interpret est acceptatio, & expositio eorum, qui consuetudinem continuant; qui unanimiter hucusque nos docuerunt, consuetudinem quoad horas obligare & introductam esse sub onere peccati mortalis, cujus contrarium fit quoad consuetudinem excipiendi disciplinam, &c. Quare meritò Diana *part. 11. tractat. 1. resol. 25.* docet, absolute communem sententiam esse tenendam. Vide etiam Franciscum Bonæ Spei *sua Noctua dub. 24. resol. 1.* ubi eandem latè firmat, volens illam obligationem esse, non vi consuetudinis, sed vi professi status religiosi, non laici traditionis: dicit tamen bene in *tractat. de Relig. disp. 2. num. 40.* Laicos ad horas sub peccato mortali non obligari; quia nec lex, nec consuetudo, nec Ecclesiæ traditio, desuper existit, ut omnes fatentur; atque illimagis ad laborem, quàm officium Divinum sunt deputati. Vide eundem

*de Relig. disput. 2. citat. numero 78. & seq.*

15. An verò ad horas teneatur monachus fugitivus, aut ejectus, si non fuerit in sacris? Etiam DD. communiter affirmant contra Bonacinam & Busenbaum: quam sententiam judico absolute sustinendam, nisi talis damnatus esset ad tritemes, in quo usus est in contrarium; tum quia satis aliunde habet afflictionis; tum etiam, quia id cederet in dedecus ordinis ecclesiastici, si in illa hominum colluvie (ut loquitur P. Franciscus *num. 70.*) patefaceret statum suum.

16. Dico tertio, materia gravis in omissione horarum, apud aliquos est media, apud alios tertia pars horæ, etiam minoris: quidquid Escobar apud Busenbaum, & Marchantius probabiliter, ac absolute Pourriè post Marchinum dicant, omissionem integræ horæ parvæ ut v. g. tertiæ, aut completorii, non esse mortale peccatum: quorum ratio est, quia quando totum aliquod est magnum, levis materia judicatur, quæ non excedit partem duodecimam materiæ præceptæ. Verum, an ipsi hunc discursum omninò simile admittant, id viderint: furtum omnium bonorum Regis Hispaniæ, unico actu factum, est unicuique peccatum mortale; sed valor Belgii, respectu omnium bonorum ejusdem, non est plus quàm duodecima pars; ergo qui ab ipso auferret totum Belgium, non peccaret mortaliter: argumentum ferè simile habet Franc. B. Spei *de Relig. supra n. 49.* Sed quia Pourriè tam generose dicit, Dianam *part. 6. tractat. 6. resol. 6.* immeritò impugnare sententiam Marchini, audiat eundem Dianam *part. 10.*

*tract.*

*tract. 16. resol. 25.* ubi, postquam dixisset, Martinum de San Joseph docere sententiam Pourré, subdit; *Caveant imposterum authores istam sententiam tanquam probabilem* (multò magis oppositam tanquam improbabilem explodere) *in suis operibus admittere, nam malè oleant apud sacram Congregationem Indicis: audiat & Lezanam consult. 48. num. 85. sic alludentem; In materia Officii Divini sententia Marchini dicentis, omissionem unius hora canonica non esse peccatum mortale, est falsa & improbabilis; quia levi nititur fundamento, scil. quòd sit parva materia respectu totius Officii Divini; non enim est nisi notabilis deformatio, & mutilatio ejusdem: & quia est contra torrentem DD.* Ita Lezana, subdens, ratione hujus propositionis librum Marchini delatum esse ad sacram Congregationem Indicis. Imò Diana *part. 11. tract. 1. resol. 25.* dicit, citans denuò Lezanam; illam sententiam Marchini esse deletam ex opere ipsius à dicta Congregatione. Legat hæc igitur Pourré, & resistantis, ac sunt Lezana & Diana, qui continuò Romæ manserunt, credat in causâ facti: legat etiam hæc Caramuel, & videbit, quàm sit pia speculatio probabilis (prout dicit uni ex Patribus Societatis visam esse) quâ

ostendere conatur, semel legendo matutinum & laudes, posse satisfacere pro duobus diebus: verùm de hoc a libi egimus. Interea adhuc Caramuel *Theolog. fundament. part. 1. folio 402.* inter varias Theses, quas omnes, & singulas sine conscientie scrupulo Lovanii defendi, & prædicari judicarunt plurimi viri doctissimi, ut Andræas à Turri, Coninck, Loyens, Cromius, de Jonghe, de Scildere, quas & probabiles judicavit du Gardin cum aliquot aliis ex Universitate Duacena, nec non Jacobus Emans Carmelita Doctor Colonienfis, & alii, ut idem Caramuel testatur; inter has inquam Theses refert hanc, *Omittens unam horam ex parvis, probabiliter excusari potest à peccato mortali.* Sed nec propter hos omnes ego sacræ Congregationi contrariare volo; quare cum Lezana, & Diana sustineo, omissionem mediæ partis unius horæ, etiam parvæ, esse mortale peccatum: quidquid N. Franciscus *loco sæpe citato numero 49.* ad mortale requirat omissionem integræ horæ, vel partem illi æquivalentem; addens, vesperras Sabbathi sancti, non videri in hoc materiam moraliter gravem.

## S. II.

**An liceat officium immutare, interrumpere, aut horas transponere?**

17. **D**ico primò, quoad mutationem officii, v. g. feræ in offi-

cium alicujus Sancti, duæ sunt satis communes sententiæ; quarum prima do-



docet, hoc faciendo non satisfieri præcepto de recitandis horis. Ita Vasquez, Suarez, Homobonus, Toletus, & plures alii apud Dian. *p. 2. tr. 12. ref. 3.* quibus addo Franc. B. Spei in *Noctua dub. 24. ref. 3.* & de novo iterum *tr. de Relig. disp. 2. n. 119.* & denuò *n. 116. & seq.* Ratio est, quòd Pius V. præcipiat recitari officium juxtà formam ab ipso præscriptam; ad quam formam dicunt, pertinere distributionem officii in tempora, festivitates, & dies; pro quo vide Dianam *par. 11. tr. 4. ref. 45.*

18. Secunda verò sententia docet, solum committi veniale peccatum licet sine ulla causâ officium sic mutetur. Ita plurimi apud eundem Dian. *par. 2. citatâ*: quorum ratio est, quia præceptum Ecclesiæ tunc adhuc plenè quoad substantiam observatur, cum hæc in eo sit sita, quòd septem horæ recitentur. Solum igitur, inquit, mutatur modus accidentalis, quod non videtur posse constituere culpam mortalem. Gobat in *Triga Horaria disp. 3. n. 883.* cum majori parte DD. hujus temporis, ut ait, viâ mediâ incedens docet, esse peccatum mortale perpetuò vel ferè perpetuò sic mutare officium, non verò si id fiat raro, quod & latè probare conatur. Hinc Leandrus apud Dianam *par. 10. traët. 11. resol. 16.* sustinet, non esse mortale, privatim recitare officium de Resurrectione dum debet dici de feria, aut de Sancto: addeus tamen, se non consulere alicui taliter officium immutare, nisi fortè illis, qui sunt valdè occupati, adeò ut præ magnitudine officii exterriti nullum recitarent. Sententiam Leandri in hoc sequitur Caramuel; contra quem

insurgit Adamus Burghaber & Diana *p. 11. tr. 1. ref. 26.* dicentes, officium Paschale moraliter non æquivalere officiis aliis per annum, adeòque non videri per illud impleri substantiam præcepti: atque hoc modò apud omnes certum esse debet, nam sanctissimus Dominus Alexander VII. per decretum editum 18. Martii 1666. in terminis damnat sequentem propositionem, ad minùs ut scandalosam. *In die Palmarum recitans officium Paschale, satisfacit præcepto.* Interea Lezana satis probabiliter in *summa tom. 3. verbo Breviarium num. 3.* docet, omnes Regulares posse extra chorum mutare officium sui Breviarii, & illud recitare juxtà Breviarium Romanum; quia cum Ecclesia Romana sit mater omnium Ecclesiarum, videtur semper licitum, se illi conformare; & Pius V. permisit omnibus, si velint, uti Breviario Romano in choro, si Episcopo, & toti Capitulo magis arrideat: ex quo colligi videtur extrà chorum non requiri similem consensum. Ita Lezana, restringens, nisi in Religione de eo exstet prohibitio, prout testatur esse in nostra Carmelitana. Vide etiam Dianam *par. 11. traët. 2. ref. 64.*

19. Dico secundò, probabile est, non esse mortale, si officium interrumpatur absque ulla ratione; quia in his omnino salva manet substantia præcepti; atque omnes ferè versus habent sensum perfectum, & ex multis recitationibus realiter discretis, moraliter una totalis, sub eadem persolvendi durante intentione, integrari potest. Ita Franc. B. Spei *lo. cit. n. 47.* Dicit insuper *n. 53.* horarum ordinem pervertere, etiam

Kkk

etiam sine causa, non esse nisi peccatum veniale, si id fiat in officio privato, quidquid Bassæus verbo *horæ canonice summario* 3. n. 1. rectè dicat, videri esse mortale, si hoc fiat in recitatione publica, sive in choro; ob scandalum scilicet & populi offensionem. Caramuel in *Theol. fund. par. 1. fundam. 53. §. 20. num. 1117.* docet, non esse peccatum, etiam veniale, privatim non dicere horas tempore determinato, eo quod de eo nullum extet præceptum: sed contra eum insurgit Diana *par. 11. tract. 1. resol. 9.* volens id observari debere ratione consuetudinis; & inde, inquit, Officium Divinum horæ vocantur: admittit tamen, nullum esse peccatum, modicè tempus mutare; quod communiter omnes faciunt sine scrupulo; ut si prima dicatur post duas horas ab ortu solis simul cum Tertia, Sexta, & Nona, ac Vesperæ & Completorium statim post prandium; quia talis mutatio fundatur in necessitatibus communiter occurrentibus. Veniale igitur erit, multum variare dictum tempus; ut recitare Primam in occasu solis, vel totum officium prope mediam noctem. Vide N. Franciscum *n. 53. cit.*

Petes, quo tempore possint, ac debeant singulæ horæ dici?

20. Respondeo indubitatum modò esse, matutinum, cum vel sine laudibus; recitari posse pridio post completum officium præsentis diei; idque ab hora quarta post meridiem, vel etiam à secunda juxta Dianam variis locis: Imò Pourré absolutè asserit, pulsata duodecimâ meridianâ, licitum esse

dicere matutinum cum laudibus sequentis diei. Neque esset mortale si quis diceret matutinum diei sequentis, non dictis adhuc vespers, & completorio diei præsentis, nam talis inversio non est adeò gravis. Quoad tempus verò cæterarum horarum usque ad vespers, ponitur ordinariè ante-meridianum, post-meridianum pro vespers, & completorio, exceptò tempore quadragesimæ, quando etiam vespers, extra Dominicam, dicuntur ante meridiem; quidquid Burghaber post alios à se citatos *Centur. 3. casu 83.* velit, nequidem esse veniale tuncillas dicere post meridiem sive extrâ, sive intra chorum. Intereâ certum est, non esse mortale, differre integrum officium usque ad tempus illud, quo adhuc debite recitari possit ante duodecimam noctis, imò probabiliter nec si circa medium primæ quis illud tantum absolvit, peccabit mortaliter juxta Leandrum, quem citat & sequitur Burghaber *Centur. 1. casu 39.* quia ex mente plurium DD. omnes horæ sunt unica oratio uno præcepto inposita. Ergo oratio hæc debito tempore capta, rectè in continenti finitur, etsi post duodecimam jam audiam. Verum quò ad hoc, contrarium judico sustinendum, negans horas sive recitationem Divini officii debito tempore inchoari, si non possit absolvi nisi mediâ horâ post duodecimam noctis, sive post tempus illud, quò debebat finire. Insuper certum manet, esse peccatum veniale invertere dictum ordinem sine ulla causa, ut constat ex ante dictis. Adde tamen secundum P. Franciscum *n. 55. in hac*

hac materia causam justam esse, si v. g. Prima post Tertiam legatur, vel occasione chori, vel occasione amici penitentis secum legi Tertiam, Primâ à se nondum lectâ : & secundum Sanchez in *opusc. tom. 2. lib. 7. cap. 2. dub. 37. num. 3.* etiam causa justa hîc est, si scholasticus differat horas in tempus vespertinum, eò quòd matutinum sit aptius studio; sed meo quidem judicio hoc nemini consulendum est; tum, quia à Jove debet esse principium, ut axioma habet; tum quia optima Deo sunt tribuenda, ac consequenter tempus commodius in ejus laudibus infundendum est. Pro horum complemento.

21. Adverte eos, qui ex officio, vel Superiorum mandato in choro

impediuntur à recitanda parte officii, ut quia pullant; libros aptant, &c. non teneri illam partem repetere juxta DD. communiter; quia eam censentur per alios implere, & toti officio cooperari: tenentur tamen attendere ad ea, quæ tum temporis recitantur; non enim videtur possideri officium recitare, qui nec verba officii profert, nec ad illa attendit. Hinc, contra Caramuelem, dum quis cum socio officium recitat, uterque debet alterum audire; aliàs enim non dicetur recitare quod alter recitat, cum auditus loco recitationis succedere debeat, ut DD. communiter docent cum Diana *par. 11. traët. 1. res. 6.*

### S. III.

## De omittente integrum officium; ubi & de Litaniis, Officio D. V. &c.

22. **D**ico primò, qualiter peccet, qui negligit legere integrum officium, variè resolvunt DD. plures volunt, eum unicum peccatum committere, quia unicum de eo recitando exstat præceptum, respiciens omnes septem horas simul tanquam partes integrales ejusdem officii. Ita Bonacina, Bassæus, & alii. Multi è contrâ docent, esse plura peccata formaliter; inter quos est Lessius; quia singulæ horæ sunt distinctæ orationes, & distincta officia,

diversis temporibus Deo solvenda. Alii insuper volunt esse peccatum unum multiplex, ut Suarez. Alii denique, esse unum pluribus æquivalens, quod puto probabilius; quidquid interim plures velint, in omni sententia necessariò in confessione debere exprimi numerum horarum omissarum: contra quos Diana *par. 2. traët. 12. resol. 5. & 23.* expressè asserit, satis esse, si ille, qui plures horas, non tamen omnes omisit, dicat, se commississe culpam mortalem

Kkk 2 in

§. IV.

De attentione in Divino officio , & recitatione mentali.

25. **R** Equiri unam ex tribus attentionibus *supra dub. 2.* allatis, docent communiter DD. apud Dianam *par. 2. tract. 12. resol. 2.* citantem triginta sex docentes, eos, qui recitant horas sine attentione, saltem virtuali, non satisfacere præcepto Ecclesiæ de recitandis horis. Horum ratio præcipua est, quia *cap. Dolentes* præcipitur, ut officium Divinum celebretur studiosè & devotè; quod ultimum, inquit, involvit internam attentionem, vel maximè cum *eodem cap.* præcipiatur verus actus orationis. Attamen apud eundem Dianam *ibid.* quoad Clericos non beneficiatos adhuc contrarium docent Durandus, Sylvester, Medina, Angelus, D. Antonius, Coninck, & alii; quorum sententiam Diana sine metu, ut loquitur, probabilem dicit cum Layman, Henriquez, Lessio, & Victorello. Imò non posse negari quin sit probabilis, asserit Gobat in *Triga Horaria disp. 2. num. 831.* quidquid Suarez ei omnem probabilitatem neget. Ratio est, quia Ecclesiæ non potest, saltem probabiliter præcipere actus internos, sicut nec eos potest punire aut cognoscere, ut patet ex dictis in *tract. de Legibus.* Ad caput autem *Dolentes*, probabiliter dici potest, ibi solùm præcipi studiositatem,

devotionem, ac orationem externam, quæ videl. cum talibus circumstantiis fiat, quæ requiruntur ad actum religionis externum, sive ita, ut exterius non peccetur contra religionem: quod ipsum non obscurè videtur colligi ex contextu; nam in citato *cap. a-*gitur contra eos, qui tempore officii Divini confabulantur. Quare puto cum Diana, & alius, dictam sententiam verè esse probabilem.

26. Nec dicas, actum externum orationis non esse veram orationem, quæ in dicto *cap.* præcipitur; quia dici potest esse veram orationem externam, quæ solùm ibi præcipi potest. Hanc sententiam utilem nominat Bunsen. tum scrupulosis, tum Confessariis, ne beneficiatis sine attentione horas recitantibus imperare cogantur restitutionem fructuum, partim ob authoritatem DD. partim quòd hoc præcepto tantùm materiales quædam preces, earumque externa pronuntiatio (per quam sicuti per hymnos organo cantatos Ecclesiæ aliquid à Deo impetrare potest) præcipi videantur: devotio verò interna tanquam finis præcepto extrinsecus ad ejus substantiam non pertinet. Ita Bunsenbaum. Et reverà, si absque interna attentione satisfiat præcepto recitandi

kkk 3 horas,

horas, non est cur dictis beneficiatis onus restituendi fructus imponatur : quia (ut bene notavit Gobat in *Triga loc. cit. num. 842.*) leges mandantes restitutionem fructuum ob neglectum pensu Canonici, diserte loquuntur de non recitante, non dicente, intermittente divinum officium. Unde plures, docentes absolute requiri attentionem internam ad satisfaciendum præcepto contento *cap. Dolentes*, adhuc exculant dictos beneficiatos ab isto onere. Ita Cajetanus, & Malderus apud Dianam *loc. cit. resol. 1.* quorum sententiam ipse cum Lessio, & Azorio probabilem reputat. Ratio est, quia præceptum dicendi horas est distinctum à præcepto dicendi eas cum attentione ; cum præceptum dicendi horas simpliciter prius sit latum, & postea per *cap. Dolentes*, saltem juxta communem, fuerit impositum præceptum de attentione interna : unde qui dicit horas suas sine ea attentione, satisfacit præcepto primo de dicendis horis, non autem secundo de dicendo cum attentione : sed cum restitutio fructuum sit pœna contra beneficiatos omittentes officium Divinum, ille qui voluntariè distrahitur recitando officium Divinum, id non prætermittit, licet malè recitet ; ergo non tenebitur restituere : salvâ semper, &c. Ita Diana.

27. Petes, an, qui ratione ordinis, & beneficii tenetur ad horas, committat duo peccata, illas omittendo ? Affirmativè responder Bassæus *summar. §. num. 3.* quia talis, inquit, violat duas virtutes specie distinctas, religionem videl. & iustitiam : ita etiam

Fagundez, Sanchez, & alii apud Dianam *loc. cit. resol. 22.* qui contrarium reputat probabilius ob contrariam rationem ; quia videl. prædictus solum tenetur recitare horâ ratione religionis, & non vi iustitiæ : in hoc citat pro se Homobonum, Salas, & alios ; quibus ego addo Palao, & Burghaber *centur. 3. casu 81.* quare sit utrumque probabile. Debet interim beneficiatus restituere fructus, dum horas non recitat ; quia hoc ei in pœnam impositum est ab Ecclesia. Cæterum

28. Adverte primò, quidquid circa prædicta dicatur, semper sufficere attentionem internam virtualem, quam Bonacina & alii censent tamdiu durare, quamdiu actualis à principio habita expressè, vel tacitè, non revocatur per distractionem voluntariam, vel actionem cum debita attentione impossibilem. Hinc licet involuntariè distraharis, virtualiter tamen juxta Busenbaum attendis ; primò, si intenderis officium dicere modo consueto, vel animo laudandi Deum, vel satisfaciendi tuo muneri. Secundo, si cum confusa aliqua apprehensione, & proposito opus consuetum faciendi, recites. Ita ipse post Bonacinam.

29. Adverte secundò, cum, qui in recitatione horarum voluntariè distrahitur, quamvis juxta nos probabiliter non peccet mortaliter, semper venialiter delinquere contra virtutem Religionis ; quia quicumque recitans aliquas preces absque obligatione, similiter peccat contra præceptum Divinum, & naturale ; nam est quasi tentans Deum. Non plus quam venialiter

nialiterp eccare etiam illum , qui per notabilem partem recitationis horarum exercet actiones exteriores, prorsus quidem impertinentes ad dictam recitationem, at tamen neque secundum se, aut ratione scandali mortaliter malas, neque graviter, sed tantum leniter distrahentes animum, docet Gobat in *Alphab. Audient. Sacr. casu 8. num. 238.* exemplificans in eo, qui totam Tertiam, aut totas vespervas percurrit sese vestiendo, colligendo herbas, & uvas, instruendo ignem, pectendo caput, lavando manus & vultum, tédendo oculos in viridarium, prospiciendo in ripam vel fluvium, juxta quæ ambulat : & cum hoc idem *num. 237.* asseruisset de audiente Sacrum, citatis Suarez, Bassao, & Dicastillo (non descendendo ad illa exempla, quæ fatetur se desumpsisse ex Navarro) hanc dabat rationem ; quia ejusmodi actiones sunt ita communes inter homines, atque ita difficulter evitari possunt, ut non videatur pia mater Ecclesia eas aut posse, aut si possit, vel le prohibere sub gravi delicto ; esset enim id laqueum injicere hominibus contra rationem. Ita ille : Verum ego non video , qualem laqueum injiceret Ecclesia si in terminis sub gravi culpa inhiheret, ne quis recitando horas, aut missam audiens, notabilem partem temporis impendat, pectendo caput, colligendo uvas, instruendo ignem, se vestiendo, &c. quis enim mortalium dicet , illas actiones pro illo tempore adeo difficulter evitari posse? Puto ergo tres illos primos Autores à Gobat citatos intelligendos esse de

aliis actionibus externis, ut si v.g. quis scalpat caput, purget nares, fricet barbam, &c. in quibus locum habet ratio allata , & quæ non ita causant distractionem externam , nec indicant internam. Deinde nonne illa ex Gobat adducta æque vel plus distrahunt, quam lectio libri profani, litterarum, aut novellarum? ipse tamen in *Alphab. citato casu 9. num. 245.* docet, hanc non consistere cum auditione Missæ. Nec satisfaciet, si fortè probet hanc parum plus distrahere quam illa, quia ipsemet post alios reperitis vicibus expressè docet *num. 227. & 238.* majorem attentionem requiri ad explendam Breviarii , quam Missæ obligationem.

30. Per recitationem internam horarum , quæ fiat solâ mente, satisfieri præcepto, sustinet Tamburinus *opusc. de Sacrif. Miss. lib. 2. cap. 9. §. 3.* & Joannes de la Cruz, saltem quoad Regulares, quos sequitur Pourrè *par. 1. verbo hora canonica num. 11.* ex privilegio Mendicantibus concessio à Leone X. & ratio est ; quia, ut inquit dictus Pontifex, prolatio verbalis præcipue est, ut ab aliis intelligatur : prout etiam referunt Rodriguez, Calarubius , & Peyrinis teste eodem Pourrè ; qui ait, aliquos devotius interiùs horas recitare. Verum Diana *par. 10. tract. 11. resol. 1. circa hanc rem hoc modo loquitur : Licet ego olim circa hanc sententiam meum proferre judicium noluerim , nunc absolutè assero , illam prorsus non esse admittendam : quia dictum privilegium fuit concessum viva vocis oraculo : ergo modò est sublatum per constitutiones Gregorii XV. & Urbani*

*Urbani VIII. prout individualiter loquentes de hoc privilegio Leonus X. à Tamburino adducto observans & docent Baldellus, Lezana, & Pelizarius.* Ita Diana, ultcrius probans, quamvis dictum privilegium revocatum non esset, adhuc recedendum non fore à sua sententia :

*imò par. 11. tract. 2. resol. 10. testatur contrariam sententiam Emanuelis Sa fuisse correctam à Magistro Sacri Palatii in impressione Romana. Vide circa hoc Franc. B. Spei de Relig. disp. 2. num. 105. & seq.*

## S. V.

### De iis , quæ excusant à recitatione horarum.

31. **I**uxta omnes communiter, primò excusat gravis molestia , quæ in horis recitandis subiretur : ut si recitari nequeant sinè gravi dolore capitis, vel oculorum, aut si inde quis timeret incidere in morbum vel aliam infirmitatem : item aliud quodcumque grave malum , ut si inter hæreticos agnosci timeres, dum officium recitares, ac sic puniri. Dum verò dubitatur, an infirmitas, dolor, &c. sit verè sufficiens ad excusandum, consulatur Medicus, quo etiam dubitante, si non possit prudenter dubium deponi, debet peti dispensatio ; in quo non debet se Superior difficilem exhibere.

32. Secundò excusat carentia Breviarii, ut §. 3. est insinuatum ; quia ad impossibile nemo cogitur. Non existimo tamen in praxi tutum esse, quod quidam volunt ; nimirum carentiam Breviarii, vel aliam quamcumque impossibilitatem legendi matutinum, excusare etiam à recitatione aliarum

horarum, ita ut non pecces mortaliter, eas omnes omittendo, quamvis horas parvas ex diurno, quod habes, recitare posses. Hinc benè docet Lezana in *summa qq. regular. tom. 1. cap. 12. num. 27.* qui propter aliquam causam, infirmitatem scilicet, excusantur à dicendo totum officium Divinum, non tamen excusantur à dicenda illa, vel illis horis canonicis, quas commodè dicere possunt : sicut qui debet centum & non potest solvere nisi decem, tenetur decem solvere. Ita Lezana, & cum ipso Suarez, Valentia, & Bonartius, apud Dian. *par. 4. tract. 4. resol. 225.* qui tamen oppositum cum Castro Palao probabilius judicat, casu quo quis non potest majorem partem recitare ; quia major pars ad se trahit minorem : quod & absolutè sustinet P. Franc. *de relig. disp. 2. num. 67.* Dixerat autem Diana *par. 2. tract. 12. resol. 20.* infirmum juxta DD. communiter, qui potest majorem partem officii recitare, teneri illam persolvere : quamvis tamen notandum

notandum moneat, post Rodriguez, & Gasiam, quod qui non potest recitare matutinum cum laudibus, ad nihil teneatur; quia licet hæc pars non sit maior; nihilominus est pars officii prima & præcipua. Verum id in praxi (meo quidem iudicio) non esse tutum, statim insinuavi, ac præter Lezanam, & alios citatos, se id approbare non audent faretur Bufenbaum l. 4. cap. 2. dub. 2. art. 3. in fine; & ratio clara est ex Lezana adducta. Interea putarem infirmum, qui ob infirmitatem, tanquam ob causam manifestam, excusatur à matutino cum laudibus, non debere angiquoad reliquam partem; quia non videtur nisi scrupulus esse, quo iudicat, se habere potestatem legendi cæteras horas.

33. An autem, qui non potest solus officium recitare, teneatur adhibere socium? Negant Sancius, & alii; affirmant Valentia, Reginaldus, & Azorius apud Dianam par. 4. tract. 4. ref. 221. Sed ego malo distinguere cum Bufenbaum, & Diana par. 2. tr. 12. resol. 43. in fine; ita nimirum, ut similis debeat socium adhibere, si commodè possit, & id facere soleat; secus si non soleat, quia præceptum recitandi horas non obligat ad querendum, vel admittendum socium, sed solum permittit posse recitari cum socio; idque privilegium est & favor, inquit Sancius, quo quis non uti libere potest. Cæterum dum recitas cum socio nil refert, licet ipse nec attendat, nec intelligat, nec habeat intentionem orandi; quidquid ipse delinquat si obligetur ad horas, & sic lectas non repetat. Quod si quædam verba à so-

cio tuo prolata non intellexisti ob tuam distractionem solum venialiter malam, non est opus ut ea repetas, vel repeti facias: quia lex quæ hoc imperaret, nimis multos scrupulos induceret. Ita Gobat in Alphab. audient. sacr. casu 23. num. 692. ubi ex Tambùr. adfert sequentia: sine hæsitacione pronuntio, te satisfacere, si attendas quantum moraliter vales, licet propter socii, Chorive culpam, nihil ex iis percipias, quia tunc per recitationem tuam partis, additâ assentiâ ad socium, additâque hæc tua attentione, pro alia parte, satis tibi communem in re morali facis eam socii orationem. Ita ille. Dum legis cum socio, debes versus psalmorum alternare, non integros psalmos, quamvis idem possit omnes lectiones legere. Si simul legentes sint plures quàm duo, non possunt nisi duos Choros facere: quia in his non sunt introducendæ novitates.

Petes an concionatores quadragesimales excusentur à recitandis horas?

34. Affirmat Bardon apud Dian. par. 10. tract. 11. resol. 32. nisi quis esset tam fœlicis memoriæ, ut modico tempore posset addiscere suas conciones: ratio ipsius est, quia bonum commune est præferendum privato. Attamen ego contrarium iudico sustinendum cum Diana, Suarez, Filliucio, & aliis: quia videmus communiter eos sine valde magna molestia quotidie horas recitare: quidquid aliquid pro uno aut altero die omnino putem excusandum, si concio cæteris difficilior pro tunc sit addiscenda, vel occurrat alia



notabilis difficultas. Insuper etiam extra quadragesimam repentina occupatio gravis, quæ stare nequeat cum recitatione horarum, excusat; ut dum quis debet habere concionem in obitu alicujus Principis; vel totum diem impendere in sedando tumultu populi; componendis gravibus inimicitii; vel si ita sit occupatus audientis confessionibus per totum diem, ut non super sit tempus ad recitandas horas. Verum puto, raro occurrere hujusmodi occupationem, quæ verè excuset, eò quòd officium ferè semper possit anticipari vel postponi: ac rectè reprobat Franc. B. Spei, quod Caramuel *in comment. num. 1442.* docet; nempe legitimè occupatum usque ad meridiem, excusari ab horis matutinis, & ad solas post-meridianas teneri.

35. Cæterùm Pourrè *par. 1. verbo hora canonica num. 13.* dicit, Regulares prædicationi verbi Divini, audientiæ confessionum, & Theologiæ, ac sacrorum canonum studiis insistentes, ad suam & animarum fidelium utilitatem; item eos, qui occupantur infirmitate propriâ, aut infirmorum fratrum curatione, satisfacere pro horis canonicis recitando certum numerum psalmorum per Superiorem assignandorum; numero tamen non minùs sex aut septem cum devotione, vel etiam

dicendo septies in die orationem dominicam. Ita, inquit, concessit Clemens VII. ut refert à Sorbo. Nec ad hoc infirmitas, vel occupatio debet esse tanta, ut reddat infirmum, &c. impotentem ad persolvendum pensum horarum; nam privilegium, & dispensatio debent aliquid operari, ut dicunt communiter DD. Hæc & alia Pourrè. Verum an dictum privilegium, & dispensatio verè revocata non sint, aliis relinquo judicium.

36. Hic consequenter Franciscus noster agit paucis de adoratione, & sacrificio; quoad adorationem dicens, eam tripliciter accipi. Primò generaliter pro honore & veneratione in communi, sive Dei, sive creaturæ. Secundò strictiùs pro quocumq; actu religionis, sive interno sive externo, quo Deus in ratione primi principii, seculariæ cultu, colitur. Tertiò strictissimè pro solo actu externo, quo Deum colimus & adoramus, videl. genuflexione, inclinatione, capitis apertione. Ut Dei autem sit, & non creaturæ à sola adorantis intentione restringente pender, cum adiaphora sit, & suo tempore hominibus conveniens. Itaque: egerat de adoratione latius *rom. 2. tract. 3. disp. ult. dub. 1. 2. & 3.* quem pro ea consulere poteris. Nos de sacrificio pauca dicemus *in tract. 5. de Sacram.* ubi de Missa. Sit igitur

# A P P E N D I X.

## De Decimis.

37. **D**ecima est decima pars fructuum, sive ex animalibus, sive ex prædiis, sive ex hominis industria: & hæc ministris Ecclesiæ debetur, ex cap. *non est*, cap. *ad Apostolica*, & aliis; nisi aliud consuetudine præscriptum sit: quam consuetudinem spectando, non sunt in usu, nisi decimæ prædiales, & quædam mixtæ, quæ partim ex hominum industria, partim ex prædio, animalibus, &c. proveniunt, ut lana, lac, caseus, &c. nam reliquæ per consuetudinem, & Ecclesiæ tacitam condonationem abrogatæ sunt: undè semper spectari debet, quæ cuiusque loci sit consuetudo. Dixi, *nisi aliud consuetudine præscriptum sit*. Ubi adverte in dubio, an laici justè in feudum acceperint decimas ante Concilium Lateranense, sive ante prohibitionem Urbani secundi, possessionem temporis immemoralis facere, ut præsumatur quod sic, ut docet Gutierrez lib. 1. *prætic.* q. 16. cum pluribus aliis. Solet autem possessio temporis immemoralis probari per testimonia seniorum habentium rei notitiam, asserentium se semper vidisse ita fieri, & nunquam oppositum, idemque se etiam à maioribus audivisse.

38. Decimæ solvi debent primò, antequam pensio aliqua aut tributum deducatur, aut expensæ aliæ computentur, ex cap. *cum non sit*, de decimis. Secundò, integræ sinè diminutione, & sinè fraude, sub pœna excommunicationis decimarum fraudatoribus impositæ: undè decimæ ex tritico, & similibus non possunt in horreo recondi, vel aliis misceri, sinè consensu Clericorum. Debentur decimæ omnibus Clericis beneficiatis, curatis & non curatis; quia licet hi Sacramenta non administrent, alia tamen munia spiritualia, ut orationes, sacrificia, &c. ex officio obeunt.

39. Omnes baptizati ad decimas tenentur, nisi aliquo privilegio, præscriptione, compositione, rei transfractione, exempti sint. An autem Regulares per sua privilegia liberentur à debito reali solvendi decimam prædialem ex agro recenter obtento, antea Parochiæ debitam? Res est perplexa. Affirmant Pellizarius *traët.* 8. c. 5. num. 169. & N. Lezan. verbo *decima* num. 11. negantibus aliis. Vide hæc omnia latius deducta apud Franc. B. Spei *de relig. disp.* 4. per totam.

## DVBIUM QVARTVM.

## De Voto.

## §. I.

## Quid Votum, &amp; quanta ad id requiratur libertas?

40. **V**otum est promissio Deo facta de re bona possibili. Debet promissio esse deliberata, & fieri cum animo se obligandi: undè qui dubitat, an in votendo habuerit plenam libertatem, vel voluntatem se obligandi, non ligatur voto; sicut nec qui dubitat an voverit. In hoc ultimo conveniunt omnes, non item in alio; nam Cornejo *tom. 2. tract. 6. disp. 2. dub. 6:* vult, eum, qui certò vovit & dubitat an voluerit se verè obligare, teneri ad votum, cò quòd votum tunc sit in possessione. Ast nostra sententia est probabilior; nam cùm ipsū votum maneat dubium, ipsā intentione obligandi dubiā remanente, adhuc dubitans est in possessione suæ libertatis.

41. Dixi, requiri animū se obligandi; quia quandoquidem actus agentium non transcendant intentionem eorum, tam certò necessaria est expressa intentio circa votum, non tantum vovendi, sed & per votum se obligandi, ut neutrum sine altero operetur; undè si quis vult vovere, non tamen se obligare, nihil facit; nam una voluntas elidit alteram. Ita Ur-

banus ab Ascensione *tr. 1. cap. 32.* Navarrus, Sanchez, Sylvester, Bonacina, & Franc. B. Spei *de relig. disp. 7. num. 16.*

42. Hinc malè Pourrè *par. 1. verbo votum num. 12.* docet, intendentem verè vovere & non se obligare, peccare mortaliter, & teneri ad votum, licèt dicat DD. communiter in hoc secum sentire: nisi fortè velit, per ly *verè vovere*, voventem efficacius velle vovere, quàm se non obligare. Interim qui intendit verè vovere & se obligare (quæ in viro prudenti semper sunt conjuncta) tenetur ad votum, quamvis non intendat adimplere quod voverit; pro quo Pourrè meritò DD. communiter citat: quidquid tamen adhuc P. Urbanus dicat, si quis duas illas intentiones simul iungat, se obligandi, nec tamen votum exequendi, signum esse, nec se intendisse obligare, sicque votum præsumendum esse irritum.

43. Insuper vovens ex vi, vel metu ab extrinseco incusso, non tenetur ad votum. Ita omnes communiter. Ratio est, quia vel jus positivum similia vota irritat, vel Deus ea non accep-

acceptat: pro quo vide Tambur. in decal. p. 1. l. 1. c. 2. §. 8. ubi resolutionem nostram extendit probabiliter ad metum levem, sine quo votum non fieret; item ad metum gravem iuste incussum: semper tamen supponens, eum incuti ad finem extorquendi votum; & bene: quia aliàs etiam metus gravis, iniuste ab extrinseco incussum ad alium finem, nihil officit validitati voti, cum tunc à nemine impellatur vovens, sed sponte suà illud eligat, ut remedium mali imminantis. Sic si dum latro mihi minatur inferre mortem, ut bursam meam accipiat, ego voveam mediam partem pecuniæ in ea contentæ dare pauperibus, si salvus cum bursa possim manus ejus evadere, teneor votum implere si sic salvus evadam. Neque etiam tenetur quis ad votum, cui error substantialis causam dedit, ut si quis voveat dare catenam, quam putat argenteam, & deprehendit esse auream: idem dic si error sit circa conditionem substantialem gravioris momenti; ut si prædictus putaret, suam catenam solum valere 500. & valeat 1000. quia in his non adest plena libertas nec consensus, cum hic non possit ferri in incognitum. Ita etiam DD. communiter.

44. Cæterum juxta D. Thomam, quidquid ab initio retraheret hominem à vovendo, excusat eum ab adimplendo; ut dum quis voveret jejunium, ita ut si prævidisset talem morbum superventurum, non novisset, morbo illo adveniente non tenetur ad jejunium: si tamen solum difficilius novisset, adhuc tenetur: ad cujus clariorem explanationem ponam quæ habet Urba-

nus ubi suprâ. Si religiosus ordo reformetur magno cum vigore suprâ rationabilem satis, & communem observantiam, non tenetur ejusmodi reformationem suscipere qui ante vovit nihil promittendo de tali eventu: si verò tantum reformetur secundum id, quod rationabiliter, & ex instituto primario geri debet, additâ etiam aliquâ observantiâ mediocris difficultatis, majorisque perfectionis, maxime conducente ad finem illius, licet prævisa non fuerint, nihilominus tenentur eam suscipere illi, qui voverunt in ea durante corruptionis, & deordinationis tempore; maxime si reformatio fiat solum circa vororum solemnium, & Regule, vel constitutionum exactam observantiam. Ad quid enim vi vororum Religiosus teneri potest, si non salutem ad ista? An Deus accepit votum Pauperatis in proprietate? Castitatis in lascivia? Obedientia in libera sui, suarumque actionum dispositione? scilicet hoc implicat. Vel ergo professio nulla prorsus existeret à principio, vel ad talem vororum observantiam, & regularum astringeret, qualis necessaria est ad excludendum peccatum, alioqui non foret religiosus ordo, sed Babylonica confusio. Hæc P. Urbanus.

Petes, quid dicendum de eo, qui vovit ingredi Religionem, & non recipitur?

45. Respondeo, eum esse liberum à voto, si voverit ingredi Religionem determinatam: si verò voverit indeterminatè, tenetur apud plures sollicitare. Ita omnes. Velim tamen hic notari, Henricum de Gandavo, Ledesnam, & Navarrum apud Dianam par. 4. tract. 4. resol. 25. contra communem docere, prædictum voventem satisfacere ingrediendo & postea exeundo; quod ego tamen solum puto verum, dum habuerit justam causam exeundi.

quid si quis voverit Religionem ingredi & in ea profiteri? Adhuc ipsum posse egredi, si in novitiatu deprehendat eam sibi propter vitæ asperitatem non esse accommodam, docent plures apud Dianam par. 2. tract. 3. res. 10. Ratio est, quia utrumque votum, & ingrediendi, & profitendi, intelligendum est secundum canones annum novitiatus concedentes, ut si intra hoc tempus Religio minimè placeat, liberum maneat egredi. Vide circa hæc &

alia adhuc particulariora. Franc. B. Spei de relig. disp. 8. n. 8. & seq. qui num. 22. Hæc habet; *Respondeo, parentis gravem necessitatem, & à fortiori extremam impedire, ne filius Religionem ingrediatur, si in saculo manens subvenire possit, non verò Religionem ingressus: quia ingressus est consilii, subvenire autem obligationis naturalis. Imò idem dicendum, licet votum præcesserit necessitatem; quia naturali præcepto contrariari non potest voti executio, ne obligatio sit ad illicitum.* Ita ille.

## S. II.

### Quotuplex Votum, & quantum obliget.

46. **D**ico primò, votum multiplex est: primò enim aliud est simplex, aliud solemne: illud consistit in nuda promissione; hoc verò in actuali quadam dedicatione, & traditione proprii corporis & libertatis, acceptata ab eo, qui vicem Dei tenet, cum quadam solemnitate ac circumstantiis approbatis ab Ecclesia. Ita N. Cornejo to. 2. in 3. partem tr. 6. disp. 7. dub. 9. ubi propterea docet, votum solemne dirimere matrimonium subsequens, etiam jure naturali & Divino: quam difficultatem fugiens Lezana tom. 4. verbo *Votum* num. 2. breviter dicit, votum solemne esse illud, quod fit in professione Religionis approbatæ, vel sacrorum Ordinum susceptione: simplex verò, quodcumque aliud, sive publicum sive occultum. Ita etiam Navarrus, & alii communiter. Aliter P. Franciscus B. Spei dicit, votum solemne esse, quod, Ecclesiâ sic dispo-

nente, perpetuitatem habet, & voventem inhabilem reddit ad actus voto repugnantes: simplex, quodlibet aliud hujusmodi carens inhabilitate. Ita ille de Relig. disp. 7. n. 8. ubi etiam agit de aliis voti divisionibus. Vide eum etiam disp. 8. n. 4.

47. Votum iterum aliud est absolutum, aliud conditionale; illud sinè, hoc sub conditione elicitur. Conditionali annectitur votum pœnale, quo vovetur aliquid in pœnam delicti. Circa quod, nota ex Pourré, eum, qui votum pœnale emisit, v.g. si adhuc fuero fornicatus dabo tres florenos pauperibus, & spectatis omnibus dubitat, an voluerit se obligare in perpetuum; tantum pro prima vice manere obligatum: ita etiam censet Diana p. 4. tr. 4. resol. 181. Ratio est; quia ubi de voti obligatione agitur, benignior pars est in dubio amplectenda.

48. Tertiò votum aliud est reale, aliud per-

personale, aliudmixtum. Reale est, quo res externa pecuniâ æstimabilis, vel pecunia ipsa promittitur: personale, quo promittitur aliqua actio personæ, vel ejus omissio: mixtum verò, quo promittitur res externa simul & actio personæ. Sic promissio facta Deo de offerenda lampade, est votum reale: de proficiscendo Romam, personale: & de proficiscendo Romam & ibidem offerenda lampade, est votum mixtum. De quibus aliqua specialia vide apud N. Franciscum ubi supra n. 31. & seq.

49. Insuper votum aliud est expressum, quod claris verbis exprimitur: aliud tacitum sive implicitum, quod censetur elici dum aliquid fit, cui ipsum votum est annexum; quale communiter dicitur esse illud, quod annexum est ordini sacro: quidquid aliqui dicant, sacro ordine initiatum, si non intenderit castitatem vovere, ad hanc solum obligari vi præcepti Ecclesiæ. Ita Sanchez & Bonacina.

50. Denique votum aliud est perpetuum, aliud temporaneum. Ubi nota, consequenter ad statim dicta, votum censeretur temporaneum, dum omnibus pensatis dubitatur quomodo vovens se intenderit obligare: hinc juxta Portel, & Vidal apud Dianam par. 10. tract. 15. resol. 47. (ex quo eodem citat & sequitur Burghaber Centur. 1. casu 59. errans tamen citando tr. 16. Dianæ pro 15.) quando quis vovit virginitatem, & dubitat, an intenderit perpetuam castitatem, an solum continentiam à primo actu venereo, tantum obligatur ad hoc secundum, vi sui voti: quia, in dubio voti eligendum est, quod est minus, ac verba sumenda

sunt in propria significatione; proprie verò significatur virgo, illa, quæ in primo coitu integritatem carnis non amisit. Ita Vidal. Verum in casu posito, sub nomine virginitatis censendum omnino existimo, castitatem esse promissam; quod & docet Diana: quia qui virginitatem simpliciter vovet, etiam promittit, se nullam delectationem admittitur, quâ integritatē sui corporis & animæ amittere possit: quod igitur illam amiserit per primum peccatum, obligationem non minuit. Ita Diana. Addo tamen cum eodem, secus fore dicendum, si vovens expressè intenderet, se solum obligare ad vitandum primum actum venereum, & alios ex consequenti: sed in casu dubii non est hæc intentio præsumenda.

51. Dico secundo, votum liberè emissum in materia gravi obligat graviter. Patet ex Deuteronom. 23. Prov. 12. & aliis Scripturæ locis. Non video tamen, cur tam indubitanter asseveret Sa, non posse voventem se sub sola culpa veniali obligare ad rem gravem, si voluerit: quia (ut benè Franciscus B. Spei probat de Relig. supra num. 11.) voti obligatio voventis intentioni commensurari debet. In materia interim levi non obligat votum nisi leviter: ex quo varii inferunt, eum, qui per totum annum omitteret Pater & Ave, ad quæ quotidie vi voti obligatur, non peccare mortaliter: quorum sententiam Diana p. 3. tract. 5. resol. 24. dicit esse probabilem. Ratio est, quod omnes illæ parvæ materiæ non coalescant in unam, nec consequenter conficiant materiam gravem. Ita etiam sentit Bassæus, si prædictus ita se in-

intenderit obligare in singulos dies, ut obligatio sit affixa diei, & unà cum die expiraret: quod prudenter addit. Cæterum tanta est voti obligatio, quantum materię quantitas permittit, tum intentio voventis designat, quã se vel leviter, vel graviter, vel absolute, vel sub conditione temporis, vel qualitatis restrictione, &c. obligare vult: & ita quidem, ut etsi obligatio voti sit juris naturalis, vis tamen

ejus pendeat à voluntate, & facto hominis tanquam prævia conditione, ut tantum vel tantum obliget. Ita Layman, Busenbaum, & alii communiter. Vide N. Franciscum *num.* 25. cum quo dico; si tempus executioni voti determinatum non sit, quamprimum commodè, secundum prudentis iudicium, impleri potest, obligat, juxta *Deuteron.* 23. & *Ecl.* 5.

### §. III.

#### De materia Voti.

52. **V**oti materiam necessario debere esse bonam, constat ex ipsa voti definitione. Quare votum de remala, vel etiam de minùs bona quam sit oppositum, non obligat. Imò votum de remala peccatum contingit; mortale si materia sit mala mortaliter, veniale si venialiter tantum. Ita N. P. Urbanus, & alii communiter contra Cajetanum, & Becanum, qui volunt; vovere opus etiam solum venialiter malum, esse peccatum mortale. Probatur nostra resolutio, quia materię parvitas tunc videtur à mortali excusare, ac ipsa talis voti adimpletio solum est venialis; ergo & votum ipsum solum est veniale: excipe tamen nisi id fiat ex contemptu, aut irrisione Dei.

53. Esse etiam peccatum veniale, voverem indifferentem, ut v. g. non comedere capita animalium in honorem S. Joannis Baptistæ, tradit idem P. Urbanus, eò quòd id videatur aliquam irreverentiam continere:

verum in hoc puto simplices esse excusandos, quia id bonà fide faciunt.

54. Insuper voti materia debet esse possibilis; ad impossibilem enim nemo potest obligari: quare votum de non committendo ullo peccato, etiam veniali, non obligat, quia superat vires, non solum naturæ, sed & auxilii ordinarii gratiæ Divinæ. Ita omnes. Quòd si verò materia voti fuerit partim possibilis, partim impossibilis, & sit divisibilis, obligabit quoad partem possibilem; secus si materia fuerit indivisibilis. Idem Urbanus; addens, materiam voti debere esse certam & determinatam, per intentionem scil. voventis; quam si non determinaverit omnino, adhuc tamen obligatur ad circumstantias, sinè quibus res promissa non esset voto accommoda; sic qui vovit communicare, tenetur & confiteri si sit in malo statu. Si verò neq; circumstantiæ sint determinatæ,

mina.

minatæ, observandæ sunt arbitrio boniviri, & in dubio restringendæ; quia votum onerosum est: sic qui vovit dare mensuram tritici, satisfacit dando mediocrem; qui vovit calicem, debet argenteum, non aureum, aut stanneum, nisi specificaverit; quia voti executio debet cedere in Dei honorem, saltè secundum mediocritatem. Hæc omnia P. Urbanus: quæ benè observanda sunt, quia non solum procedunt in materia voti, sed & in testamentis, legatis, &c.

55. Petes primò, quid faciendum ei, qui dubitat, an voti jam facti materia sit bona vel mala? Eum voto ligari, docent Suarez, Filliucius, & Faultus, negantibus Soto, Castro Palao, Sanchez, & Bonacina: utrumque verò probabile reputat *Diana part. 4. tract. 3. resol. 13.* qui cum Caramuele *Theol. mor. l. 3. cap. 1. disp. 1. resol. 3. corol. 12.* vult, voventi fas esse eligere, si utrimque sint sententiæ probabiles de bonitate & de malitia materiæ; eò quod nimirum vovens adhuc censetur esse in potestate suæ libertatis.

56. Petes secundò, an teneat votum castitatis, vel non nubendi factum à proclivi in Venerem? Satis probabile esse quòd non, docet Homobonus in *consult. mor. volum. 1. resp. 28.* & alii quinque, quos citat & sequitur Burg-haber *centur. 1. casu 66.* quia dictum votum ob incontinentiam, & in peccatum carnis lapsum, non est ipsi salubre, sed potiùs matrimonium: idem etiam docet Pournet *part. 1. verbo Votum, num. 16.* quidquid dicat, securiùs esse si petatur dispensatio. Verùm hoc ultimum absolute necessarium esse judicat

*Diana part. 4. tract. 4. resol. 102.* qui post Suarez, Azorium, Lessium, & alios vult, similem, si votum ipsius sit alter-nativum, vel castitatis servandæ, vel non nubendi, posse dispensationem obtinere ab Episcopo.

Petes tertio, an conjugatus validè voveat castitatem?

57. Affirmativè communiter omnes respondent; ideoque talem obligant ad non petendum debitum, licet illud teneatur reddere, si dictum votum emiserit absque consensu alterius conjugis: quòd si verò uterque conjux mutuo consensu castitatem voverit, neuter potest debitum petere, quia hoc esset directè contra votum: neque etiam potest illud reddere, quia hoc esset cooperari peccato alterius, & ipsummet etiam peccare. Hæc, inquam, DD. communiter. Ast libenter viderem satisfieri iis, quæ habet Caramuel *Theol. fund. fundam. 51. fol. 484. num. 6.* ubi ait: *Communis DD. opinio pronuntiat, neminem conjugatum posse Deo vovere se non redditurum debitum, benè tamen se non petiturum. Circa primum nullam ego difficultatem habeo: & nihilominus habeo maximam circa secundum: primò, quia durissimum esset honesta & nobili uxori semper debitum petere; nam ducta verecundiâ hareret, & mallet fortè periculo incontinentiæ se exponere, quàm lascivâ à suo marito judicari. Ergo saltè in tali casu teneretur maritus petere, nam consideratis omnibus circumstantiis, petitio illa redditio est. Secundo quia eò evahunt periculum incontinentiæ Scriptores juniores, ut materiam parvam negent in sexto præcepto Decalogi; & putent neminem posse vel digitum femina manu lascivâ premere, quin delinquat mortaliter.*



mortaliter. Ergo si tantum reperiant periculum in digiti contactu; quâ doctrinâ consequentiâ admittere possunt, eum, qui femina nuda nudus in lecto condormit, cedere commixtionis periculo? Porro si periculum vitari non possit, quomodo potest conjux castitatem vovere? An non hoc ipsum votum esset laqueus, qui ipsum suffocaret ac perderet? An qui vovisset castitatem, lecto separato jacere, aut etiam in domo separata habitare, deberet? Loquamur clarè: aut ipse est in proximo debitum petendi periculo, aut calebs in iisdem occasionibus non est in periculo proximo petendi in debitum. Porro licere calibi femina nuda condormire, videtur ex dictis sequi clarè, & tamen improbabile est. Videant igitur Theologi, an certum sit posse conjugatum invito altero conjuge castitatem partialem vovere, hoc est, ad non petendum se obligare? Videant etiam, an certum sit, communi illos consilio castitatem vovere posse, & tamen in eodem lecto condormire, aut etiam in eodem cubiculo aut domo remanere? An non facilius convenire possint, qui consummato matrimonio sine verecundiâ se tangunt, quàm illi, quos pudor separar, & timor amovet? Physica in utrisque sunt eadem, & scire vellem, cur non debeamus de utrisque pariformiter philosophari. Hæc omnia Caramuel loc. cit. quæ (prout alia plurima) adfert, ut à doctioribus resolvantur. Ast

§8. Ego eos, qui prædicta resoluturi sunt, obnixè rogo, ut mihi aliam non absimilem perplexitatem tollant; quid nimirum sit Confessorio agendum cum eo, qui emissio simplici voto castitatis, matrimonium contraxit? hic enim juxta omnes tenetur debitum reddere, petere non

potest: & idem est de eo, qui affinitatem contraxit cum conjuge: quid igitur his permittendum, quidve inhibendum erit dispensatione non obtentâ? an fortè hi conjugum condormire poterunt? Sanè hæc me non parùm anxium redderent in casus satis frequentis contingentia, nisi juxta plures probatissimos Authores nios Carmelitæ circa petitionem debiti dispensare valeremus. Pro quo privilegio vide Dianam part. 11. tract. 8. resol. 16. ubi P. Mendo hæc habet: Falsò autem asserit Leander, non posse commutationem prædictam fieri per privilegia Religionum: etenim per ea privilegia potest dispensari cum his, qui post emissum votum, &c. Patri Mendo subscribit Diana, citans de novo Martinum de San Joseph, præter eos, quos alibi adduxit. Vide etiam, pro adductis à Caramuele, Francisc. B. Spei de Relig. disp. 7. num. 55. ubi ponit sequentia: Si conjuges mutuo consensu castitatem voverint, an votum suum sibi irritando, ad pristinum statum redire possint? Respondeo posse: haud secus, quàm subditi de consensu Superioris voverentes: attamen causam subesse debere. Secus tamen, si alteruter de alterius consensu voverit debitum non petere; hoc enim votum non minuit alterius libertatem debiti petendi; sed potius auger, ut inverecondè petat, sciens maritum v. g. ne petat, voto impeditum. Dixi, de alterius consensu; quia lecti separatio, ne aliqui continuum subsistat violandi periculum, fieri debet, quæ à mutuo consensu pendet: neque ob idem periculum, junioribus uxoris tale votum facile consuli debet. Ita ille; ex quibus desumi potest responsio ad ea, in quibus

bus Caramuel tantam difficultatem habebat.

59. Ut autem directam habeas responsionem ad quaest. *An conjugatus possit vovere, se non petiturum debitum, & postea concumbere in eodem lecto?* Pono hic verba ejusdem P. Francisci, quibus à me consultus per epistolam, sic ait: *Respondeo, tale votum valere dumtaxat pro ea parte, quâ vovens potest licite vitare occasiones proximas illud infringendi; quia qui vovet unum, virtualiter vovet & alterum: si verò, dissentiente marito & reluctante, licite non possit (prout licite non potest, ei non concumbere) votum pro hac parte est nullum, uti esset votum de non concumbendo marito absolute volenti: ac proinde non extenditur ad non petendum debitum, pro eo tempore, quo in necessario concubitu à debito petendo sine alio peccato abstinere non possit. Puto, quidquid Caramuel, istam resolutionem esse veram & bonam. Ita Franciscus, & ego: per quam etiam tollitur perplexitas in duobus casibus à me allatis.*

Petes quartò, an votum ineundi matrimonium sit validum?

60. Respondeo negativè, simpliciter loquendo: quia est de re, quæ repugnat consilio. Interea potest in certis circumstantiis reddi validum: primò, dum id est necesse ad commune

bonum, vel pacem regni. Secundò, dum quis cognovit ipsam suam, quam sine gravi infamatione non potest deferere. Ita omnes communiter. An autem valeat factum à proclivi in venerem, ad vitandam fornicationem? Non conveniunt DD. negant Layman, & alii apud Busenbaum: affirmant Cajetanus, Navarrus, Basilius, Busenbaum, & alii communius; quorum sententiam sustinendam iudico, quando quisita esset fragilis, & ex inveterata consuetudine peccandi adeò pronus ad lapsum, ut prudenter iudicaretur, ipsi esse necessarium nubere: de tali enim intelligo dictum Apostoli: *Melius est nubere quam uri*. Dixi, *quando quis ita esset fragilis*, &c. quia si posset aliis remediis tentationes superare, non teneretur ad dictum votum, si ista alia remedia adhibere vellet.

Petes quintò, an materia voti necessariò debeat esse bonum melius?

61. Respondeo, non debere esse bonum melius respectivè ad alia bona, sed sufficere, si sit voventi melius bonum, quàm ejus oppositum; sic v. g. ut votum non nubendi sit validum, non requiritur, ut non nubere sit melius, quàm intrare Religionem, sed sufficit, quòd non nubere sit melius, quàm nubere.

## §. IV.

### De irritatione Votorum.

62. **P**raeterquam quòd voti obligatio saepe cesset mutatione materiae, dum videl. sit mala, indifferens, impe-

ditiva majoris boni, impossibilis physice vel moraliter; etiam obligatio voti tolli potest auctoritate humana; id-

que tripliciter, irritatione, commutatione, & dispensatione; quamvis igitur obligatio ex voto contracta sit juris naturalis, & Divini, competit tamen Papæ triplex dicta potestas in omnes Christianos, dispensandi scilicet commutandi, & irritandi eorum vota, idque jure Divino, nam relaxat Papa nomine Dei: & aliàs, ut observat Urbanus, non esset sufficienter consultum humanæ imbecillitati ac necessitati; quantum enim sunt homines faciles in contrahendis obligationibus per suam voluntatem, & sæpè imprudentes, tantum debet esse solutio ipsorum pervia, ut conscientiae remedium afferri queat. Hoc posito,

63. Dico, irritatio voti est ejusdem annullatio, ita ut per illam votum, ac voti obligatio sic evanescat, ac si nunquam fuisset. Potestatem autem irritandi alterius vota habet is, qui in ipsius voluntatem habet legitimam potestatem dominativam: ea namque est natura dominii, ut plenum jus concedat de re sua disponendi ad quoslibet usus sine injuriâ alterius: quare potest velle & declarare, quod vota personæ sibi ita subjectæ sint nulla, ita ut nulla prorsus casu obligatio postea reviviscat; quamvis tamen juxta plures DD. peccet, si ea absque causa ita annullet. Hæc ferè verbotenus Urbanus, Busenbaum, & alii communiter. Hinc

64. Primò Pater, & hoc deficiente tutor, irritare potest vota prolis imuberis, id est, maris ante decimum-quartum, & feminae ante duodecimum annum emissæ, etiam Religionis ingrediendæ; nam quoad statum per-

petuum eligendum non judicatur satis prudens. Item parentes irritare possunt vota personalia filiorum usque ad annum vigesimum-quintum (quo tempore solet contingere emancipatio à patria potestate) si bono familiæ sint nociva, ut jejunandi, dum laborandum foret, peregrinandi, &c. nec non etiam vota realia, nisi fiant de bonis castrensibus, vel quasi castrensibus. Ita Urbanus, Franciscus B. Spei, & Busenbaum; qui ultimus tribuit eandem potestatem avo paterno in patris defectu: & matri, non tantum si nutrix sit, prout videntur velle Urbanus, & Bassæus, sed simpliciter in priorum defectu. Eandem potestatem Suarez, & Lessius extendunt ad Magistratum, vel herum, reliquis deficientibus; eamque etiam avia mortuo patre, & deficiente tutore tribuit Bassæus *summar. 5. num. 13.* ubi dicit, rationem, cur ab his omnibus vota impuberum revocari possint, pendere à dispositione juris, quæ voluit eorum votis hanc tacitam conditionem inesse, *nisi pater, tutor, &c. contradixerint.* His adde, vota facta à filiis tempore subjectionis, adhuc irritari posse post illud, siue dum filius jam est pubes: quod verum est, quamvis in pubertate ea ratificasset, putans ex errore, ea esse firma: secus tamen, si novisset esse infirma, & independentem à prioribus ratificasset: tunc enim censetur ea quasi de novo elicere.

65. Secundò maritum posse omnia vota uxoris irritare eo prorsus modo, quo pater potest irritare vota sibi, idque, quamdiu est illi subjecta; non verò, si separata sit per divortium: uxorem

uxorem autem solum posse vota mariti irritare, quæ nocent juri matrimonii, proutilla debitum à marito potest exigere, ut longius peregrinandi, diutius jejunandi, castitatem servandi &c. docent Urbanus, Sanchez, Diana, & alii plures apud ipsum *part. 3. tractat. 4. resol. 220.* quidquid Layman, Fillucius, Lessius, & Sylvius cum Franc. Bonæ Spei *de Relig. disputat. 7. num. 53.* satis rationabiliter hanc mariti potestatem limitent ad ea vota tantum, quæ juri mariti præjudicant. Interim hæc à viro irritari posse quamvis uxor cum ipsius licentia ea elicerit, docet Bassæus; quia vir, inquit, dans uxori veniam vivendi, non amittit potestatem in uxorem. Quapropter omnes supradicti adhuc possunt vota irritare quamvis ea ratificaverint, eò quod per hoc non privaverint se suâ potestate dominativâ: licet tamen juxta plures mortaliter delinquant, si tunc sine causa id fecerint, à quo eos adhuc excusant Layman, & alii; quos probabilius loqui, dicit Busenbaum. Insuper, quia votum non petendi debitum videtur conjugii præjudicium afferre posse, potest tam uxor simile votum mariti, quam maritus uxoris irritare. Bassæus tamen *num. 70.* citans Lessium, Bonacinam, & Sanchez docet, votum continentie communi consensu emissum, sicut & votum, quo uterque ex pacto vovet ingressum Religionis; non posse, saltem licitè, ab ullo conjugum irritari, cum uterque tunc cedat suo juri quoad omnem actum conjugalem. Si tamen uxorite-

rum det marito facultatem in corpus, Sanchez docet non esse improbabile, virum posse validè etiam ista vota irritare; quia per hoc vir restituitur in pristino matrimonii statu, cum uxor ei remittat obligationem non revocandi vota uxoris; & consequenter uxor obtentâ hæc irritatione poterit licitè petere debitum. Ita Bassæus. Diana verò *loco citato* sic ait, etiam poterit maritus irritare votum, quod facit uxor de opere faciendo tempore soluti matrimonii si maritus moriatur; & idèd potest irritare votum uxoris de ingredienda Religione post mortem mariti. Item potest irritare vota uxoris emissâ ante matrimonium; quæ omnia etiam militant in marito secundi matrimonii, qui potest irritare vota, quæ fecit uxor tempore primi matrimonii; & hæc omnia Sanchez. Ita Diana.

\* 66. Tertiò omnia vota Religiosorum (excepto voto de transendo ad Ordinem strictiorem) possunt Superiores irritare, quales sunt Abbas, Prior, &c. & juxta Suarez ac alios, etiam probabiliter Abbatissa: atque hoc verum est, quamvis vota fuerint confirmata à prædecessore æquali aut inferiori, non tamen à superiori. Vide de circa hæc N. Franciscum

*diss. 7. §. 1. de votis*  
70 61.

## §. V.

## De Votorum commutatione.

67. **V**Oti commutatio juxta *cap. pervenit 2. de jurejur.* est substitutio operis honesti loco alterius per votum promissi, eodem vinculo manente. Potest tripliciter fieri, videl. in opus melius, æquale, & minus bonum.

68. Dico primò, quodlibet votum etiam ab ipso vovente in apertè melius commutari potest, nisi id ab Ecclesia specialiter sit inhibitum; prout est inhibitum in voto Religionis strictioris, & in voto terræ sanctæ in subsidium. Probatur conclusio, quia ut jus expressè habet, *Non frangit promissum qui in melius illud commutat.* Deinde qui dat melius, excellenti solvit quod promiserat: quare ad hoc nulla requiritur causa, quia votum nunquam obligavit ad omittendum bonum majus. Dicitur autem hîc melius, quod omnibus inspectis Deo magis placet. Ex hoc deducit Burghaber *Centur. 2. casu 35.* cum, qui vovisset uni Ecclesiæ dare calicem argenteum, quam postea audit prædivitem esse, posse illum dare alteri Ecclesiæ, quæ in tanta est paupertate, ut non nisi unicum calicem stanneum habeat, idque licet Rector primæ Ecclesiæ votum & promissionem acceptasset. Verum difficultas est, an ipse vovens etiam possit suum votum commutare in æquale? Affirmat Diana *p. 3. tract. 5. res. 25.* addens id licitè fieri etiam sine justa

causa, pro secitans Villalobos, præter Bonacinam, & Fernandez, quos citaverat *p. 2. tr. 2. resol. 7.* atque id in praxi tutum esse existimat P. Urbanus: ratio est, quia nulla fit Deo injuria, cum ei reddatur res æquè grata: quidquid Ballæus moneat, tutius esse votum non commutare in id, quod putatur æquale, nisi autoritate Superioris, aut prudentis Confessarii: si verò vovens non possit vel non velit Superiorem aut Confessarium adire, securius commutabit in melius, ut loquitur Portel.

69. Dico secundò, omnia vota auctoritate propriâ in vota Religionis commutari possunt: ac eo ipso, quo quis tria vota profitetur, omnia alia vota obligare desinunt. Ita communiter DD. Insuper

70. Dico tertio, ordinariam potestatem commutandi vota habent Papa, Episcopi, & alii habentes potestatem ordinariam dispensandi: an verò & qualem habeant Regulares ex delegatione; constabit ex §. seq. Probat, quia qui habet potestatem dispensandi, habet & commutandi; quamvis è contra non semper habeat potestatem dispensandi, qui habet commutandi. Ita Lezana verbo *Votum n. 9.*

71. Dico quarto, qui votum commutat per privilegium, potest mutare in minus secundum Dianam *p. 3. tract. 5. resol. 25.* quod & probabile judicant Medina, Lessius, Ballæus, & alii: quia,

ut

ut constat ex dictis, juxta plures Authores, potest propria auctoritate votum mutari in æquale; ergo ne privilegium sit inutile, debet privilegiatus id posse commutare in minus: & quidquid Azorius, Sanchez, Suarez, & alii id negent, non debet Confessarius angi scrupulis, quia nec hi exigunt æqualitatem mathematicam; sed teste Dianâ, etiam juxta ipsos, sufficit æqualitas ad arbitrium boni viri seclussâ fraude, & gravi ignorantia. Imò juxta communem teste Palao *tractat. 15. de votis D. 2. p. 16. num. 4.* melioritas, vel æqualitas materiæ commutandæ non debet spectari physicè, sed moraliter: & juxta Berteau in *Direct. Confess. de 2. præcept. Decal. pun. 4.* non requiritur exacta determinatio pro materia commutationis; licet enim, inquit, illa sit minor, quàm fuerit materia prior, si tamen sit Deo gravior, quia scilicet promptius & devotius perficitur, plucis etiam æstimanda est. Ex his deducit Burghaber *Centur. 3. casu 67.* rectè egisse Confessarium, qui votum mulieris maritatæ de recitando in honorem D. V. quotidie officium majus, & 150. Ave Mariæ, ac 15. Pater noster, ipsâ instante mutavit in quotidianam auditionem Sacri, recitationem unius Rosarii, & menstruum Communionem, licet hæc omnia ante editum votum spontè facere solebat.

Petes primò quæ sit justa causa mutandi vota?

72. Sanchez, Diana, & alii respondent satis esse probabile, solam voventis petitionem esse causam suf-

ficientem; & nullam requiri causam, ut mutatio fiat in melius, vel etiam in æquale; quidquid hoc ultimum DD. communiter negent. Interim omninò verum est, causam sufficientem, ut votum mutetur in æquale, esse, quòd suaviùs hilariusve vovens adimplebit materiam voti subrogati. Item existimo contra La Torre omninò probabile esse, Confessarium commutantem votum in æquale sine justa causa, solum venialiter peccare ob levitatem materiæ & parvitatem detrimenti, quod per hoc inferitur cultui Divino. Ita Suarez de *Relig. tom. 2. lib. 6. cap. 20. num. 7.* subdens, in commutatione votorum moraliter nunquam deesse causam, eò quòd in rigore causam levissimam requiri sustineat. Adde causam justam ad mutandum votum in minus, juxta Bassam, esse difficultatem in voto persolvendo, utilitatem voventis, repugnantiam parentum aut amici: quibus omnibus inspectis asserit Diana, se nescire, quomodo possint adhuc Confessarii scrupulis vexari circa justitiam causæ in commutatione votorum.

Petes secundò, an votò commutato, possit vovens redire ad priorem voti materiam?

73. Negant Suarez, Filliucius, Reginaldus, & La Torre, si commutatio sit facta in melius; quia illa commutatio habet vim novi voti. Attamen Sanchez, Malderus, Bonacina, Diana *p. 2. tr. 2. resol. 6.* & alii generaliter affirmant: ac Bassæus docet, dum mutatio est sapiùs facta: licetum esse redire ad quodvis eorum; quia commutatio fit in

in votentis favorem, qui favori proprio ad libitum cedere potest; nam ut observat Malderus *ex cap. statum de Regular.* Potest quisque ei renuntiare, quod profenoscitur introductum. Adde tamen, si voti commutati materia fiat mala, indifferens &c. votentem reddi libe-

rum ab omni obligatione, nec teneri eum redire ad materiam priorem; quia obligatio prioris in commutatione est extincta. Circa potestatem Confessoriorum regularium hac in parte, vide Lezanam *rom. 1. cap. 19. num. 23.* & verbo *Votum num. 21.*

## S. VI.

### De dispensatione in votis.

74. **D**ispensatio, est rigoris juris, per Deum, ad quem spectat, misericors, & canonicè facta relaxatio. Ita Lezana verbo *Dispensatio num. 2.* ex Hostiensi, & Sylvestro. Dispensatio autem in voto, est vinculi relaxatio, & debiti, votendo erga Deum contracti, condonatio facta nomine Dei. Ita Cajetanus, & alii communiter. Esse verò in Ecclesia potestatem dispensandi in votis, probatur ex Scriptura *Matth. 16.* ubi capiti Ecclesiae dicitur: *Tibi dabo claves regni caelorum, &c. & Quodcumque solveris super terram, erit solutum & in caelis:* quod ferè repetitur *cap. 18.* Adverte tamen, requiri justam causam, non solum ut dispensatio licitè, sed etiam, ut validè fiat in votis; id què tam à Papa, quàm ab aliis. Ita Bassæus, Wiggers, Lezana, & alii communiter: quidquid aliqui id non extendant ad Papam, eò quòd velint à omni voto hanc inesse conditionem: *Nisi Papa aliter disposuerit.* Verùm hoc omninò gratis asseri existimo: quia non video quo fundamento dicantur fidelium voluntates ita à voluntate Papæ in omni materia dependere. Probatur igi-

tur nostra & communis sententia; quia inferior non potest validè dispensare in lege Superioris sine causa; ergo nec Papa, qui est inferior Dei, potest validè sine causa dispensare in votis: nam longè plus est jura suo Superiori ac domino debita remittere, eorumque obligationem relaxare, quàm aliquem eximere ab obligatione servandæ legis sui Superioris ac domini: in hoc enim non sentit dominus præjudicium sicut in alio. Quoad causam autem justam huc vix posse certam regulam statui tradit Wiggers, adeoque hoc relinquit judicio prudentum: subjicit tamen sex principia, quæ in tali judicio formando attendi debent, quæque apud ipsum *tract. 3. de Relig. dub. 23. num. 136.* videri poterunt: nobis sufficiet notasse ex Lezana, & Bassæo, generatim causas justas esse, utilitatem Ecclesiæ, honorem Dei, bonum commune Reip. utilitatem votentis, ac magnam ejusdem fragilitatem, per quam timeatur sæpius violaturus votum. Deinde facilitatorem impetrationem reddunt levitas materiæ, inconsideratio, instantia, timor, vel alia imperfectio actus

aus vovendi: quæ etiam iustam dispensandi causam constituent, si adsit vel leve periculum violandi. Ac dehi- que, dum causa non est sufficiens ad integram dispensationem, partim dispensari, partim commutari poterit. Imò Basilius *summar. 7. n. 8.* dicit, raro utendum esse pura dispensatione; quia raro subest iusta causa, inquit, ut sine ullo onere condonetur: pro quibus vide Franc. B. Spei *de Relig. disp. 7. num. 63.*

75. An verò Papa possit dispensare in votis solemnibus? Negat D. Thomas, sed communis sententia opposita ut minus est probabilis, illamque utituram, & sibi certam defendit Mendo in *Scatera benign. opinionum differt. 12. quest. 3. num. 37. qui & num. 38.* ostendit D. Thomam eandem ut probabiliorem admisisse in 4. *Dist. 38. quest. 1. ad 3.* quidquid postea sententiam mutaverit in 2. 2. *quest. 38. arr. 11. in corpore.* Hinc summus Pontifex à fortiori potest dispensare in quinque votis Papæ reservatis; pro quo consule Bachonem in 4. *dist. 3.* Michaelem à Bononia *ibid. dist. 42.* & Lezanam verbo *Votum n. 11.* sed

Potes, quid possint Episcopi circa dispensationem in votis; & quænam sint illa reservata Papæ?

76. Respondeo ad primum cum Basilio *num. 14.* post alios, Episcopum dispensare posse, primò in voto Religionis non approbatæ, ac in votis paupertatis, & obedientiæ perpetuæ in tali Religione factis. Ita etiam Lezana verbo *Votum num. 14.* Secundò in voto castitatis non perpetuæ; in voto non fornicandi, non petendi debitum, non

nubendi, vel sacros ordines suscipiendi; hæc enim non sunt vota Religionis aut castitatis perfectæ; quamvis votum castitatis susceptioni ordinum sit annexum. Idem Lezana cum communi, quod & docet de voto castitatis emissio ab uno conjugum etiam cum licentia alterius conjugis. Potest item Episcopus dispensare in voto virginitatis, si vovens nil aliud intenderit quam præcisè se obligare ad servandam integritatem carnis: quia neque hoc est votum integræ castitatis. Tertio etiam potest Episcopus, juxta omnes communiter dispensare in quibusdam qualitatibus substantiæ voti reservati adjunctis; sic voventi ingressum Religionis strictioris potest concedere ingressum laxioris: imò, juxta Basilium, Reginaldum, & Azorium, potest dispensare, ut professus in arctiori transeat ad laxiorem. Sic etiam potest relaxare votum de eundo Romam *pedibus nudis, mendicando* &c. Ita Lezana verbo *Votum n. 16. & 17.* denique potest Episcopus dispensare in voto nunquam petendi dispensationem; quia nec hoc est reservatum.

77. Ad secundum dico, quinque vota Papæ reservata esse, vorum castitatis perpetuæ, Religionis approbatæ ingrediendæ, peregrinationis ad limina Apostolorum, Compostellam, & in terram sanctam. Circa quæ tamen

78. Nota primò, Episcopum in tertio & quarto posse dispensare, quando animus expressus voventis non est ad inviscenda talia loca, sed ad alium finem licet pium: ut si quis voveret ire Romam ad osculandos pedes Papæ, ad visitandam imaginem B. Mariæ. Ita



Lezana *ibid.* n. 16. ubi contra Sanchez, negat id extendi ad quintum; quia in eo reservando aliter loquitur Pontifex: hoc enim vocat votum *peregrinationis* in terram sanctam, alia vero duo *visitationis*. Neque etiam probabile existimat, quod quidam docent, nimirum tria dicta vota non esse reservata, nisi quando fiunt causâ subsidii, non verò devotionis; quia praxis habet contrarium.

79. Nota secundò, quoad omnia quinque posse Episcopum in quibusdam casibus valde extraordinariis ob gravem necessitatem quasi per accidens dispensare: tales casus plures adfert Bassæus *summar.* 7. n. 15. & seq. idque ex speciali jure antiquo, & ex concessione Concilii Trident. *sess.* 14. *cap.* 6. Addit Pourré p. 1. verbo *Votum* n. 8. Episcopum dispensare posse in voto continentia: dum urget periculum: hoc tamen periculum, juxta Lezanam, debet esse magnum, & aditus difficilis ad Papam præ paupertate vel aliunde: & tunc adhuc dispensatio concessa ab Episcopo solum valet quatenus periculum postulat, & ipso durante: ac sic extendi poterit ad votum Religionis, & peregrinationem ad terram sanctam &c. Atque idem dicendum ait, si adsit periculum alicujus magni scandali. Hinc juxta Pourré, & alios, potest Episcopus etiam dispensare in impedimento occulto matrimonii contracti, quando non potest haberi recursus ad Papam, & scandalum magnum oriretur si hoc ab aliquibus notice-retur. Ita ille, subdens in aliis similibus casibus interveniente impotentia morali, ratione cujus facilius ad

Papam non potest haberi recursus, Episcopos dispensare posse, in quo pro se citat Mirandam, Sanchez, & Peyrinis. Vide etiam Dianam p. 11. *tr.* 8. *resol.* 5. ubi & alios quam plurimos adducit, ponens verba Cajetani asserentis, in levibus, in periculosis, & in frequentibus causis posse Episcopum dispensare, etsi alias ejusmodi causæ sint Pontifici reservatæ.

80. Cæterum addo cum Suarez, Fillucio, & Lezana n. 12. & 13. Episcopum posse in dictis votis generaliter dispensare, primò dum dubitatur de valore, vel de reservatione; quia cum reservatio si odiosa, restringenda est ad casus certos. Secundò dum sunt emissæ ex metu injustè incusso. Tertio (quem casum valde generalem vocat Lezana) quando materia horum votorum deficit à natura materia reservatæ, ut quando non tota materia promissa est reservata, v. g. dum quis facit votum disjunctivum castitatis, aut jejunii, vel si animus voventis solum fuerit se obligandi sub veniali; tunc enim simile votum non est perfectum, nec consequenter reservatum: vel etiam si dicta vota solum sint conditionalia, aut penalia: item quando illa vota non sunt principalia sed accessoria, ut dictum est de voto suscipiendi sacros ordines. Pro horum probatione vide Lezanam *loc. cit.* & specialiter pro iis, quæ tangunt dispensationem Episcopi in voto castitatis, consule Cornejo *tom.* 2. *tract.* 6. *disp.* 7. *dub.* 42. ubi expressè docet, posse in voto castitatis temporali, in voto servandæ virginitatis si &c. ut supra, in voto non nubendæ, aut suscipiendi ordinem sacrum,

sacrum, in voto disjunctivo non nubendi vel servandæ perpetuæ castitatis, in voto castitatis pœnali, in voto castitatis purè conditionali, etiam conditione impletâ: ac tandem subdit posse Episcopum dispensare in voto perpetuæ castitatis, aut Religionis absoluto, quando non est facilis aditus ad Pontificem, paupertate voventis, aut aliâ causâ; vel si est facilis, tamen in mora imminet grave periculum, si ve incontinentiæ, si ve scandali, si ve nocuenti tertiæ personæ; quia præsumendum est in his casibus noluisse Pontificem cum tanto animarum detrimento dispensationem sibi reservare. Ita, Cornejo. Adverte interea Episcopum non posse absque urgentissima causâ dispensare in voto quocumque facto in alterius utilitatem si ab hoc fuerit acceptatum; quia hic acquisivit jus ad rem devotam; Episcopus autem, vel alius Superior non potest absque urgentissima causâ aliquem privare jure sibi acquisito. Ita idem Cornejo *loc. citat.* Vide circa hæc etiam Franciscum. B. *Speci de Religion. disp. 7. num. 66. & seq.* ubi ea latè pertractat.

Quæres hîc fortè, quam potestatem obtineant Confessarii Carmelitæ, & reliqui Mendicantes circa votorum dispensationem?

81. Respondeo eos habere eandem potestatem, quam ordinariè habent Episcopi: unde possunt dispensare in votis jure ordinatio Episcopis reservatis, excepto tamen voto peregrinationis ultra duas dietas, id est ultra viginti leucas, aut etiam triginta; quia plus quàm decem leucæ videntur pos-

se confici uno die: quamvis tamen non satis rationabiliter Molfesius id extendat ad sexaginta leucas, nisi per leucas intelligat milliaria Italica, ut interpretatur Francisc. N. *loc. cit. n. 82.* Interim resolutio nostra constat ex Privilegio Innocentii VIII. confirmato à Julio II. Verùm difficultas magna est, an quando juxta statim dicta Episcopi per accidens dispensare possunt in votis reservatis Papæ, tunc id etiam mendicantes præstare possint? Poirré p. 1. verbo *Votum n. 8.* affirmativè respondet, cujus ratio est, quòd Episcopi tunc dispensent jure ordinario, ut probat *ibid.* verbo *Absolutio. 33.* dicens, illam potestatem ordinariam, quæ erat Episcopis sublata per reservationem, restitui stante justo impedimento recurrendi ad Papam, prout ait, docere Avilam, Henriquez, & Hurtadum; posse autem Mendicantes dispensare in votis quibuscumque, in iis casibus, in quibus potestate ordinariâ possunt Episcopi, probat *ibid. num. 48.* atque hanc sententiam etiam probabilem reputat Crousers Capucinus ob eandem rationem; qui & probat dictam potestatem Episcoporum esse ordinariam; quia perpetuò annexa est dignitati Episcopali, id quæ jure ordinario, per quod illis dicta facultas manet, quamdiu ipsis legitime sublata non fuerit circa similes casus. Ob hanc rationem asserit Bassæus, sententiam Crousers sibi placere, maxime quia anno 1629. in Consistorio S. Congregationis visa & tolerata fuit: quidquid tamen P. Urbanus *tract. 2. cap. 4. reg. 1.* & Lezana verbo *Votum n. 21.* cum aliis communiter apud Dianam p. 11. *tr. 8.*

N n n 2 resol.

resol. 6. oppositam tanquam certam defendant. Quare cum excommunicatione majori latae sententiae reservata Papa feriatur, qui tentaverint à quinque votis Papalibus dispensare; ac dispensatio, imò & commutatio irrita sit in casibus, in quibus ista vota sunt Papae reservata, in praxi ob communem ferè omnium auctoritatem, sententiam contrariam sequi non audeam, neque aliis consulere, nisi forè alicui constaret certum esse quod ex Basileo adduxi de sententia Croufers; si enim hoc verum sit ( & sanè quis tanto viro in re tanta diffidat? ) non video cur id practicare sit praesumptuosum: quidquid tamen, ut dixi, adhuc nemini id suaderem; quamvis cum Francisco B. Spei *disp. 7. cit. nu. 81.* putem, speciem veritatis habere, quae ex Pourré, & aliis adduxi. Interim juxta ipsum Urbanum, & alios communiter, possunt Mendicantes in praedictis quinque votis dispensare, quoties eorum materia deficit à natura materiae reservatae, pro quo vide regulam, quam ipse tradit *loc. citat. reg. 2.* & recole parum ante dicta post notabile Secundum *ceterum addo &c.* His insuper

82. Adde primò ex DD. satis communiter, posse etiam Confessarios Regulares dispensare in petitione debiti cum iis, qui post emissum votum castitatis consummarunt matrimonium; idque ex Privilegio Pii V. quod refertur in Compendio Privilegiorum Societatis Jesu verbo *Dispensatio §. 9.* Imò Sanchez in Decalog. *cap. 34. num. 10.* addit, illos id etiam posse ante consummatum matrimonium, citans

Sayum: si tamen, inquit, ante vel post matrimonium nondum consummatum conjux venerit ingressum Religionis approbatae, cum eo non possunt dispensare, neque ut petat, neque ut reddat debitum, quia neque hoc potest Episcopus. Possunt autem dispensare in petitione debiti cum eo conjuge, qui stante matrimonio contraxit affinitatem cum uxore aut marito, ut Lezana, & alii docent. Circa quae vide Franciscum Bonae Spei *loco saepius cit. n. 82.* & Burghabet *Centur. 2. casu 56.*

83. Adde secundò ex eodem Lezana, Urbano, & aliis, privilegio, de quo hic agimus, posse Regulares uti etiam extra Sacramentum Pœnitentiae; quamvis enim impertiatur Confessariis, non tamen Confessarii vocabulum tam importat actuale confessio-nis exercitium, quam ipsum officium & ad tale munus acceptam approbationem, prout praedicti bene observant.

84. Adde tertio cum Virginio Alviset *scilicet. 3. c. 16. num. 11.* dispensationem supra in voto castitatis melius dici voti suspensionem: nam si obligatus tali voto supervivat suae conjugi, non potest ad secundas nuptias transire per *cap. ex parte, de convers. conjug.* de quo debet moneri. Atque hoc clarè constat ex formula dispensationis, qua utitur ipse Summus Pontifex dum dispensat in voto castitatis simplici: has enim communiter addit clausulas, vel similes: *Dispensamus ad hoc tantum ut matrimonium legitime contrahere possis, sicut in eo postmodum debitum conjugale exigere & reddere linte valeas.*



Ex quibus clausulis videtur clarè colligi, sic dispensatum adhuc contra suum votum peccare, quoties adulteratur, vel peccat contra castitatem conjugalem, ut eas consideranti patebit.

§. VII.

Quandonam Religiosus peccet contra sua vota?

85. Dico primò, Religiosus tunc peccat graviter contra votum obedientiæ, quando contravenit formali præcepto Superioris sufficienter intimato & fundato. Ita omnes: ubi adverte ex Lezana *tom. 1. cap. 4. num. 2. & seq.* obligationem voti obedientiæ solum extendi ad res licitas & honestas, ita ut dum certò constat, rem præceptam esse malam, vel contra præceptum Superioris majoris, nullo pacto teneatur Religiosus obedire. Hinc ipse infert, primò, cum Hieronymo Gratiano, si Prælati præcipiat res solum concernentes utilitatem temporalem sui aut suorum, & non utilitatem spiritualem, non teneri Religiosum obedire. Ubi nota, cum dicere *utilitatem temporalem sui aut suorum*, scilicet amicorum, & non *utilitatem monasterii aut communitatis temporalem*. Infert secundò, Religiosum etiam non teneri obedire Prælati præcipienti vana & impertinentia, vel quæ nec explicite nec implicite pertinent ad Regulam.

86. Puto interim veriùs, juxta dicta *tract. 1. disp. 2. dub. 3.* subditum teneri obedire, quando solum dubitat, an id, quod præcipitur, sit illicitum, &c.

quod & alibi absolute etiam sustinet Lezana; quidquid tamen probabile reputem, subditum non teneri statim obedire, sed posse præponere examen, si subditus dubitans, obediendo timeret sibi, vel alteri aliquod grave damnum, prout docent Henriquez, Medina, Lessius, & alii: quod idem sustinent Rodriguez, Reginaldus, & alii, dum res est valde laboriosa aut difficilis: & si post examen aliquam sententiam probabilem reperit, juxta quam non teneatur obedire, vel non esse licitum quod præcipitur, secundum Ledesin. Sanch. & alios, poterit non obedire; quia licitum est sequi sententiam verè probabilem, pro quo vide Dianam *part. 2. tract. 13. resol. 10.* qui dicit, sequendam esse oppositam opinionem communiorem & probabiliorem; ac merito, quia alias sæpè fieret turbatio in monasteriis. Ceterum pro aliis difficultatibus quoad votum obedientiæ vide Lezanam citatum supra: & nominatim pro obedientia quoad Regulam debitam, *cap. 7.* ac quoad statuta, *cap. 8.* Vide etiam Franc. B. Spei *de Relig. disp. 9. dub. 1.* per totum.

87. Dico secundò, peccant Religiosi  
Nnn 3 gravi-

graviter contra votum paupertatis, quando accipiunt, retinent, aut consumunt rem notabilem absque expresso, vel tacito consensu Superioris. Ita omnes. Res autem notabilis juxta Lezanam, Franciscum, & alios, hic sumi debet proportionaliter ad dicta de furto. Quare Religiosus per diversas vices rem parvam expendens sine Superioris licentia, graviter delinquit, dum pervenit ad materiam notabilem. Ita Lezana *cap. 6. num. 58.* id tamen cum aliis limitans, primo, ut non intelligatur de rebus minimis comestibilibus, aut potabilibus; quia in his non est credendum, inquit, prudentes Praelatos fore invitos: vel saltem (ut loquitur Franciscus) non censentur Superiores aequè in his ac in aliis esse inviti. Limitat secundò idem Lezana, ut solum verum sit, quando isti actus expendendi, retinendi, &c. sunt aliquo modo uniti, vel ratione temporis, vel loci: si enim sint omninò disparati, non facient unum peccatum. Ceterùm

88. Adverte, non esse leviter supponendum interpretativum Superioris consensum, praesertim in re magni momenti, & ubi de explicito facile potest inquiri, utporè quia Superior non procul abest. Unde Lezana requirit licentiam prudenter praesumptam; quam praesumptionem dicit non adesse, dum Superior praecipit, ne quis aliquid consumat, nisi de licentia expressa. Imò *num. 56.* post Grassum, & Sanchez ait, taciturnitatem Superioris videntis Religiosum aliquid possidere, accipere, expendere, &c. sine licentia, & non contradicen-

tis, non excusare Religiosum, nisi ex aliis signis constet, illam esse virtutem approbationem: quia similis taciturnitas saepe oritur ex pusillanimitate Superioris, aut protervia subditi: quae protervia saepe facit, ut sine debita licentia fiat, etiam quod cum explicita Superioris permissione fit: si enim Superior aliquid permittat, eò quòd subditum timeat, quia est furus, & alias suscitabit rumores in Conventu, non est permissio aut licentia debita, ut idem Lezana docet cum Lessio & Corduba; debita enim licentia debet esse voluntaria, illa autem est coacta per metum.

Ceterùm in Religione, in qua non est praeceptum, ne quis aliquid accipiat aut consumat, nisi de licentia expressa, potest elici opinio probabilis de consensu tacito Superioris, dum adsunt circumstantiae, in quibus ipse ordinariè licentiam dedit, nec absque expressa licentia factum improbare solet, ubi sine incommodo potest. Quare infirmi aut debiles de eo saepiùs praesumere possunt, ubi sani & robusti non possunt. Item faciliùs sic praesumi potest, dum opus sit ad succurrendum necessitati, quàm solum ad recreandum: quando factum cedit in bonum commune, quàm quando in privatum. De Religiosis varia abscondentibus agit Franciscus *diff. 9. cit. num. 28.* sicut & *num. 29.* de Superioribus, qui per convivia, potitationes, ludos, &c. notabilem summam expendunt: ubi etiam reperies, quae tangunt Procuratorem, Cellarium, &c. Sed

89. Quid de pecuniis, per modum viatici

viatici acceptis? Nisi alibi Religiosis consuetudo recepta prævaleat, in aliud, quàm in sustentationem, & necessitates in itinere occurrentes, expendi non possunt, sine venia Superioris, sub peccato mortali in materia gravi; tenereturque unusquisque residuum, etiam ex debita sustentatione in via subtractum, monasterio restituere, ut patet pro Carmelitis reformatis ex Constitutionibus Reformationis *cap. 10. num. 16. part. 1.*

Petes, an licite Religiosis permittantur deposita?

90. Respondeo affirmativè cum Lezana *num. 23.* quoad illos Conventus, in quibus, vel ob nimiam paupertatem, vel ob malitiam, incuriam, aut negligentiam Superiorum, non potest commodè observari vita communis, dando singulis & omnibus Religiosis ea, quæ sunt simpliciter necessaria secundum decentiam status. Debent tamen Religiosi solum uti depositis ad usus necessarios, & dependentes à voluntate Superioris; pro quibus, & aliis circa hanc materiam, vide Lezanam *num. 21. 22. & seq.* nec non etiam Dianam *part. 1. tract. 6. per totum.* Adverte interim, omne depositum nobis Carmelitis reformatis interdicti absolute *Constit. part. 1. cap. 10. num. 12.* ac adde, Regulam generalem esse, quòd quidquid Monachus acquirit, monasterio acquirat, cum enim non sit capax dominii, neque usus, nisi dependenter à monasterii voluntate, huic acquirit totum, etiam quod proprio labore aut industria acquirit. Ita idem Lezana *num. 40. ex cap. in presentia.*

An Religiosus peccet mortaliter, si per breve tempus retineat apud se rem notabilem, quia vult petere licentiam à Provinciali v.g. aut novo Superiore? Respondeo cum Diana *part. 11. tract. 1. res. 19.* negativè, si illam accipiat quasi in deposito cum animo non utendi absque licentia brevi obtinenda ut sperat, relinquendo interea totum jus in rem illam penès donantem. Ita etiam tenet Garzia, & Leander à Diana citati; sicut & Lugo *de just. tom. 1. disp. 3. sect. 8. num. 151.* qui addit, similem rem eò modò etiam per longum tempus posse retineri sine violatione voti, quod & Diana post ipsum admittit.

91. Dico tertio, Religiosus contra votum castitatis graviter delinquit per omnem actum venereum, sive internum, sive externum: omnis igitur actus, qui in aliis est peccatum contra castitatem, sive luxuriæ, est simul in Religiosis sacrilegium, mortale, si malitia luxuriæ in sæcularibus est mortalis, veniale verò, si venialis: quia juxta Lezanam *cap. 5. num. 4.* Lesium, & Sanchez, circumstantia voti castitatis non immutat obligationem juris naturalis, sed solum addit circumstantiam sacrilegii, quæ circumstantia sequitur naturam actus, cui annexitur. Attamen adhuc fieri potest, ut actus venereus, qui in sæculari esset veniale peccatum, sit mortale Religioso propter scandalum; ut si Religiosus proferret verba inhonesta, exerceret gestum impudicum, &c. Utrum verò peccatum hoc sit contra votum castitatis, ac proinde in casu, quo violatio castitatis foret casus reservatus

servatus in Religioso, maneret quoque illa culpa reservata? Affirmat Lezana *num. 5.* quia peccatum scandalum reducitur ad eam speciem, ad quam pertinet peccatum illud, ad quod scandalum inducit: negat verò id Sanchez *lib. 5. in decal. c. 6. n. 11.* quia scandalum illud (quavis reducat ad peccatum contra castitatem, si datum fuerit secularibus, & ad peccatum sacrilegii, si detur Religiosis) non est peccatum, saltè grave, contra castitatem propriam, quam in se tenetur Religiosus servare, quæ sola cadit sub huiusmodi voto, ac huius violatio solum reservatur: & ideo nullam prorsus circumstantiam particularem habet ex parte voti huius Religiosi dantis scandalum, sed solum malitiam contra castitatem, ad quam suo pravo exemplo inducit seculares; vel sacrilegii, ad quod inducit Religiosos; non aliter, quàm si seculari idem scandalum daret. Ita ille, cujus sententiam conatur confirmare Caramuel *in Theol. fundam. part. 1. fund. 51. fol. 488.* utens his argumentis à pari: primò, coquus in die jejunii parans carnes, aut in mensa ministrans, non dicitur violare jejunium; quare, etsi vovisset tunc jejunare, adhuc votum servaret. Secundò, si unus audiat Missâ alium ab ea audienda impediatur, non dicitur violare præceptum de audienda Missa, neque etiam votum suum, quo vovit isto die Missam audire. Tertiò, qui lecto officio Divino, alios impedit, ne illud legant, non peccat contra votum, quo Deo vovit, nunquam officium intermittere; quia omninò aliud est, intermittere officium, &

aliud ab eo legendo impedire. Ergo etiam aliud est fornicari, morosè delectari, consentire, &c. & aliud, occasionem sive scandalum præbere, per quod alii inducuntur ad fornicandum, morosè delectandum, &c. ac consequenter per hoc secundum absque primo non contravenitur voto castitatis, quo solum vovens videtur se obligasse ad non fornicandum, non delectandum morosè, aut quomodocumque actum aliquem luxuriosum non committendum: non verò ad ea in aliis cavendum, prout qui vovit abstinentiam à carnibus, non censetur se obligasse ad cavendum, ne alios ad vescendas carnes inducat. Ita ferè Caramuel. sed pro complemento materiæ votorum,

Petes fortè, an hæres ligetur voto sui prædecessoris?

92. Respondeo eum ligari voto reali, non tamen personali. Ratio primi est, quia hæres ad inheritance cum omnibus ejus oneribus. Secundi verò, quia materia voti personalis debet esse actio propria, vel omisio ejus, ut omnes communiter docent: imò neque tenetur hæres ad votum mixtum sui prædecessoris, si in eo votum reale sit solum accessorium. Hinc filius non tenetur adire Ecclesiam Lauretanam, v. g. quam pater vovit adire, nec adire morte præventus: neque etiam tenetur dare in elemosynam, quæ pater in via expendisset, si eò ivisset: quamvis tamen teneretur dare calicem, si à patre de votis fuisset. Ita Urbanus *17. 1. cap. 31.* Sed



93. Quid si quis vovisset peregrinationem per alium faciendam, & hic accepto laboris pretio omitteret? Resp. eum satisfecisse; quia ex iustitia

in stipendium acceptantem obligatio tranlit. Ita Franc. B. Spei *disp. 7. sape cit. num. 32.*

## DVBIVM QVINTVM.

### *De Juramento.*

#### *§. I.*

### Quid & quotuplex iuramentum?

**D**E Juramento agit Bacho *in 4. dist. 25. quest. 14. art. 4. 5. & 6.* & de eo hic

94. Dico primò, Juramentum est invocatio Divini testimonii, sive ut Lezana post D. Thom. 2. 2. q. 89. *art. 1.* est invocatio Divini numinis in testimonium; quia omnis verè jurans vult & cupit, quantum in se est, Deum tanquam testem manifestare id, quòd ipse juramento confirmat.

95. Dico secundò, juramentum aliud est expressum, aliud tacitum: primum est, dum verbis dicitur, *juro per Deum*, vel quid simile: secundum, dum quis animo jurandi tangit crucifixum, Evangelium, pectus, &c. quo etiam refertur juramentum, quòd quis jurat per creaturam animo jurandi per creatorem ipsius. Pro quo nota ex Lezana, posse tripliciter jurari per creaturam: primò, constituendo in illa finem juramenti, seu afferendo illam tanquam testem infallibilem veritatis. Secundò, referendo illam in Deum, cujus numen in ipsa relucet, si-

ve prout est factura Dei. Tertiò, adducendo illam in testem juxta dignitatem, quam in se habet. Jurare primò modò est Blasphemare, & species quædam idololatria: jurare secundò modò est verum juramentum; quia est implicite jurare per Deum ipsum: jurare autem tertiò modò, nec est verè jurare, nec quidquam mali continet. Ita Lezana. Interea in omnibus attendenda est intentio jurantis, à qua petitur vera ratio juramenti; ita ut quomodocumque per creaturas juraretur, si adsit intentio verè jurandi, verum sit juramentum, secus verò si illa desit: quidquid tamen in foro externo omne iuramentum reputetur verum, quòd fit eo modo, quo in patria communiter solent vera iuramenta elici; item quo exprimitur nomen Dei vel Christi, saltem in obliquo, ut si iuratur *per aërem Dei, per sanguinem, vel vulnera Christi, &c.* quia taliter iurans censetur creaturas referre in Deum. Ita Sylvest. Lezan. Urban. & alii. Idem dic de iurante his verbis, *per animam*



vel vestes B. Virginis, S. Petri, &c. per vestes sacras, manus consecratis, reliquias vel templa sanctorum, &c. quia cum in his omnibus specialiter relucent Dei perfectio, per ea iurans, reputatur iurare per Deum. Econtrà tamen dic de his iurandi formulis, *per meam veritatem, fidem, conscientiam, &c.* quia in communi modo sentiendi solum hæc adferuntur ut puræ creaturæ sine ordine ad Deum. Vide Franciscum Bonæ Spei *de religione disp. 6. num. 2. 3. & 4.*

96. Addo ex definitione iuramenti allata, & ex Urbano *tract. 1. cap. 26.* iuramentum debere fieri per invocationem illius, qui in testem vocatur, nam quæcumque veritates, quæ merè enuntiative proferuntur, non faciunt iuramentum; ut si dicatur, *tam verum est quod dico quam ipsam Evangelium: testis est Deus, Deus scit, &c.* similia: sunt enim hæc inquit Urbanus, æquivoca, possuntque tam enuntiative, quam invocative proferri; unde pendunt ex intentione proferentis, & in dubio debent credi, non fuisse iurandi intentione dicta; nam omnis obligatio est restringenda. Ita Urbanus: qui tamen bene addit, si verba prolata contineant expressum iuramentum, vel soleant pro eo sumi, constat esse iuramentum; nec est necessaria intentio per actum reflexum; nam in ciuili no-

di verbis per se includitur eo ipso quod adhibentur; si interim quis expresse excluderet intentionem, adhuc non esset nisi iuramentum fictum.

97. Dico tertio, iuramentum insuper aliud est assertorium, aliud promissorium, aliud comminatorium, & aliud execratorium. Primum est, quo assertitur quod præsens vel præteritum est: Secundum, quo aliquid futurum promittitur in favorem alterius. Tertium quo alicui malum prædicatur. Quartum denique, quo aliquid cum attestatione assertitur sibi apponendo punitionem. Exemplum primi sit, *testem invoco Deum, quod verum dixerim.* Secundi *quod cras tibi solvam.* Tertii, *juro per Deum quod frangam tibi collum.* Quarti denique, *Deus me diminet si cras tibi non solverim:* aut *per animam meam, vitam meam, &c. cras tibi solvam;* hæc enim, iuxta Toletum, & Lezanam, æquivalent his, *Deus animam mihi eripiat, vitæ me privet, si, &c.*

98. Dico quarto, iuramentum item aliud est simplex, aliud solemne: hoc aliquam notabilem circumstantiam externam continere debet, ut dum sit coram notario aut duobus testibus, vel in tribunali. Denique aliud est absolutum, aliud conditionatum, quod scilicet involvit aliquam conditionem

§. II.

An, & quale peccatum sit jurare?

99. Dico primò, aliquando esse licitum jurare, constat ex Scriptura Deuter. 6. ubi dicitur, *per nomen ejus, scil. Dei, jurabis.* Hinc debetè jurare bonum est, utpote actus virtutis Religionis; nam jurans, verum cultum Deo exhibet, agnoscendo nimirum, & protestando infallibilem ejus veracitatem. Deinde, juramentum efficit, ut ob reverentiam Divini numinis veritatem dicamus, pacta custodiamus, fidem serveamus, &c. quæ omnia sunt bona, & rebus humanis necessaria. Quando verò in aliquibus Scripturæ locis prohibetur jurare, intelligendum est, quando debita circumstantiæ non adiunt: pro quibus,

100. Dico secundò, ut juramentum debetè fiat, tres comites, seu conditiones requiruntur expressæ per Scripturam Hierem. 4. ubi dicitur, *Jurabis in veritate, & in iudicio, & in justitia.* Hinc si vel una conditio desit, juramentum erit peccaminosum: & quidem si desit veritas, id est si sit falsum quod juratur esse verum, vel è contra, dicitur perjurium: si desit iudicium, sive debita discretio & reverentia, dicitur temerarium: si verò defuerit justitia, sive si res, quæ juratur, non sit licita & honesta, dicitur ini-

quum.

101. Dico tertio, perjurium, utpote mendacium, semper malum est: ac perjurium assertorium semper est

mortale peccatum, nisi excuset imperfectio actus, ut in advertentia, indeliberatio, lapsus linguae, &c. Ratio est, quia tota malitia perjurii (quæ est irreverentia gravis) tam integrè reperitur in relevissima falsò asserta per juramentum, quàm in gravissima; nam gravitas injuriæ perjurii assertorii in eo consistit, quòd invocetur, & adducatur Deus in testem falsi, ac ita summa ejus veracitas destruat, saltem in affectu; atqui hoc accidit tam benè in relevissima quàm gravissima; ergo, &c. Imò P. Urbanus asserit, per perjurium in re levi magis contineri veracitatem Dei, quàm in re gravi; nec immeritò, quia dum res est gravis, movetur jurans metu gravis detrimenti aut alterius gravis mali à se vel ab alio incurrendi, qui metus abest dum res est levis, sicut & omne aliud motivum; quare censetur tunc ex mera malicia peccare, nisi forte in advertentia excuset, quam hic excludimus. Adde ex Bachone in 3. dist. 39. quest. unicâ art. 1. ab irreverentia gravi omnis perjurii assertorii, sive in re gravi sive levi, non excusare jocum; quia hic cedit in contemptum Dei, si nimirum adsit intentio jurandi.

102. Dico quarto, perjurium promissorium etiam est mortale, quamvis res juramento promissa sit levis, si tempore juramenti adsit intentio non

adimplendi promissum : quia tunc æquè ac in perjurio assertorio Deus vocatur in testem falsi scienter. Quòd si tempore iuramenti jurans haberet intentionem adimplendi quod jurat, & postea intentione mutatâ non faceret ; puto probabilius, eum non peccaturum mortaliter dum res esset levis. Ita Lezana verbo *iuramentum num. 15.* ubi dicit, iuramentum promissorium obligare ad sui impletionem sub mortali ex genere suo. Ita etiam probabiliter tenent Azorius, Suarez, & Diana *par. 4. tract. 4. resol. 70.* pro se citans alios tredecim, quibus addo Bachonem docentem, perjurium assertorium esse semper peccatum mortale, & Urbanum *tract. 1. cap. 28.* Probatum nostra assertio ; quia violatio voti circa materiam levem non est nisi venialis juxta omnes ; ergo nec violatio iuramenti promissorii circa similem materiam : nam secundum D. Thomam 2.2. *quest. 89. arr. 8.* obligatio voti major est quàm iuramenti. Neque taliter jurans adducit Deum in testem falsi ; quia non propriè assumit Deum in testem actualis executionis iuramenti ; sed potius in testem præsentis promissionis ac insuper intentionis promissum adimplendi. Hanc etiam sententiam absolutè sustinet P. Franciscus dicens, prædictum solum peccare contra fidelitatem, non verò contra iuramentum.

103. Adverte primò, iuramentum promissorium sæpè nullam inducere obligationem : ut primò, quando id, quod promittitur, est illicitum ; non

enim potest iuramentum esse vinculum iniquitatis. Imò rem illicitam iuramento promittere, peccatum est, grave vel leve, prout dicta res fuerit graviter vel leviter mala. Secundò, dum promittitur res indifferens ; neque enim hæc cedit in honorem Dei, estque hoc iuramentum veniale peccatum. Tertiò, dum res iuramento promissa est impossibilis ; quòd si dicta impossibilitas sit juranti nota, erit mortale peccatum illam jurare ; quia hoc est scienter Deum vocare in testem fututionis rei nunquam futuræ. Ita Lezana, Urbanus & alii. Quartò non obligat iuramentum promissorium de re oppositâ consilio Evangelico, aut impeditivâ majoris boni ; & taliter jurantes peccant ut minùs venialiter juxta eundem Lezanam, & ipsò teste, alios communiter. Quod tamen limita ad iuramenta facta in honorem Dei ; nam si iuramentum promissorium fiat in utilitatem hominis, servandum est quoties sinè peccato servari potest juxta Reg. Juris Canonici cap. *Quamvis de pactis in 6.* Quare iuramentum homini præstitum de re indifferenti, vel etiam minùs bonâ, aut impeditivâ majoris boni, adhuc obligat dum cedit in ipsius utilitatem : ratio disparitatis est, quòd homo illud acceptet ac impleri velit, non autem Deus. Unde iuramentum de solvendis usuris, de dando pretio occisionis alterius, &c. adimplendum est post conditionem positam, quia sinè peccato potest adimpleri : de quo egimus supra

Similiter judico adimplendum esse iura-



juramentum de non communicanda alteri arte sanandi v.g. canetum, quam quis sub hac conditione à suo Magistro didicit : quia juramentum illud sine ullo peccato impleri potest, sicut Magister sine peccato poterat eandem artem nullum docere : & quidquid reclamet Burghaber *Centur. 1. casu 75.* illud juramentum non repugnat charitati, cum per ipsum jurantem & Magistrum ipsius sufficiens possit succurri necessitati illò malò laborantium, ac illa ars aliis nequeat communicari absque detrimento Magistri. Accedit quòd passim videamus aliquos scire artes mirabiles curandi similes infirmitates, qui tamen non coguntur illam alios docere; quod tamen deberet fieri si ad hoc ex charitate essent obligati. Interea

104. Adverte secundò, esse peccatum, inducere alterum ad pejerandum, sic ut mortaliter delinquat, qui sine gravi causa alium cogit, vel inducit ad jurandum, quem novit pejeraturum. Nec potest juramentum recipi ab iis, qui præsumuntur moraliter certò non observaturi: hinc Alexander IV. ait, non esse recipiendum juramentum à Clericis, quo jurant, se non redituros ad suas concubinas : & bene infert Navarra, perperam agere Confessarios cum pertrahunt pœnitentes ad votendum, vel jurandum, se ab aliquo peccato carnali vel alio, quod perinde ac illud allicit, abstinenturos. Dixi *absque gravi causa* : quia ubi adest gravis causa, nec aliter difficultas decidi potest, licitum omninò est alterum pertrahere ad juramentum, quamvis noscatur pejeraturus, prout sæpe accidit

in foro judiciali. Ita post plures docet Burghaber *Centur. 2. casu 33.* contradicentibus aliis. Ratio est, quia petitio juramenti in se nihil mali continet, ac quòd alter pejeret, ex malitia sua facit, quam nemo tenetur impedire cum gravi suo damno.

Petes, quale peccatum sit jurare ex consuetudine?

105. Respondeo, si per hoc quis exponatur periculo peierandi, prout existimo communiter fieri, mortaliter delinquit quamdiu non proponit talem consuetudinem extirpare : nam qui voluntariè se continet in periculo peccati mortalis, mortaliter peccat. An autem talis, qui ex simili prava consuetudine quasi inadvertenter ex repentino motu, aut nimia affectione ad rem aliquam, de facto pejerat, committat peccatum mortale distinctum à peccato prava consuetudinis jurandi? Vide Dianam *par. 10. tract. 14. resol. 13.* qui dicit negat cum aliis contra Cajetanum, Navarrum, & Ledesnam : Vide eum etiam *par. 3. tr. 5. resol. 62.* ubi ex Sancio docet, blasphemias, & juramenta indeliberata orta ex prava conditione jurandi, nec in se ipsis esse peccata, nec in sua causa. Quod puto necessariò debere intelligi, si prava consuetudo antea fuerit efficaciter retractata, sive per propositum efficax, prout patebit legenti ea, quæ habet idem Diana *par. 10. supra;* & aliàs talia falsa juramenta & blasphemias sunt voluntaria in sua causa, scilicet prava consuetudine, in qua consequenter mala esse debent. Hinc non existimo, aliquem esse absolutionis capacem; qui pravam jurandi consuetu-

dinem deponere non proponit: quidquid dicat Sancius, id solum verum esse dehabente consuetudinem jurandi ex advertentia; ac Diana moneat, hanc Sancii doctrinam à provido Confessario in mente haberi debere; nam per illam, inquit, à multis interrogationibus, & scrupulis immunis erit. Monet tamen omnes Confessarios, ut in casu faciant accusare pœnitentem de negligentia in extirpanda prava consuetudine jurandi, & de reliquo aliud non curent. Vide etiam P. Franciscum de Relig. disp. 6. n. 27. & seq. Item Burghaber Centur. 2. casu 3. & seq.

Petes iterum, quid dicendum sit de eo, qui passim dicit, *hoc tam verum est ac Deum existere, Verbum carnem factum esse, tam verum est quàm Evangelium, &c.* Illum blasphemare, asserunt Covar. Suarez, Barbosa, & alii apud citatum Burghaber Centur. 3. casu 24. quia æquat veritatem objecti creati cum Divina; quod insuper est hæreticum, ut ajunt. è contra tamen melius hic Author negat, vi præcisè illius comparationis, & verborum, aut blasphemiam, aut culpam lethalem committi: quia nihil Deo tribuitur per contumeliam, nec aliquid ei aufertur, sed solum instituitur similitudo aliqua, usurpaturque Divina veritas ad hyperbolicam locutionem & exaggerationem, non ad æqualitatem omnimo-

dam. Ita ille, pro secitans Azor. Sanchez, Bonac. & alios. Addo tamen, quòd si quis intenderet per similes locutiones ad æquare absolute infallibilitatem utriusque veritatis, gravem blasphemiam committeret: sed nego tam impiam mentem vi verborum concipi, aut jure præsumi.

106. Cæterum tantum est peccatum pejerare per Sanctos, per reliquias vel alias creaturas relatas in Deum, quàm immediatè jurare per Deum; quia utrobique adducitur Deus in testem falsi, Item tanta est vis juramenti simplicis, quàm solemnisi; quamvis, si violetur solemne, malitia plerumque augeatur propter scandalum. Adde per juria simplicia promissoria excusari à mortali, dum deest jurandi & se obligandi intentio, prout fit in aulicis, ac amaliis, qui communiter solent res leves, ut v.g. *per Deum non præcedam*, ore tenus dumtaxat juramento promittere: in quo tamen sunt etiam monendi. Vide Franciscum B. Spei de Relig. disp. 6. n. 18. qui eos etiam à mortali excusat, licet habeant intentionem jurandi, dicens in illorum juramenti subaudi, *quantum in me est*, vel *nisi tibi nimis molestum fuerit*. Idem extendit ad parentes, qui comminatoriè jurant, filios suos excipere, & interea non faciunt, subaudiunt enim, inquit, *nisi se correxerint, veniam petierint, &c.*

§. III.

De juramento elicitò ex metu : & quando juramenti obligatio cesset.

107: **D**ico primò, juramentum elicitum ex metu, etiam injustè incusso, obligat, si factum sit animo verè jurandi & se obligandi. Ita DD. communiter. Ratio est, quia jure naturali quilibet obligatur efficere, ut verificetur quod jurat. Neque ob quemcunque metum potest quis Deum vocare in testem falsi; quia hoc nocet ejus veracitati. Quare non approbo quod dicit P. Urbanus, nempe juramentum metu extortum posse violari sinè peccato, eò quòd non sit perfectè voluntarium: ratio mea est, quia licèt non sit omninò perfectè voluntarium, non deest tamen consensus de jure naturæ acquisitus ad substantiam actus simpliciter liberi; qui enim agit ex metu absolutè liberè agit, licèt secundùm quid involuntariè juxta dicta in tract. de actibus humanis: quid quid contrarium probabiliter sustineant Lessius, & Palao apud Dianam par. 15. tract. 2. ref. 35. in fine. Nota tamen, juramenta elicità ex metu circa matrimonium, & professionem religiosam, non obligare, ob jus canonicum illa abrogans. Deinde in juramentis circa alias materias metu extortis potest peti dispensatio à Prælati, vel aliis potestatem habentibus.

108. Dico secundò, obligatio juramenti promissorii, aut comminato-

rii cessat, primò, quando res juramento promissa sit illicita, indifferens, impossibilis, vel impeditiva majoris boni; hæc enim non sunt materia juramenti facti in honorem Dei, ut constat ex §. præcedenti. Dico facti in honorem Dei; quia de alio aliter est loquendum. Unde si quis juravit latronibus, se non denunciaturum illos, tenet juramentum, si aliandè non obligetur denunciare; secùs si ad hoc obligetur, ut dum ita nefarii essent, ut eorum denunciatio multùm Reip. expediret; tunc enim non obligaret juramentum quasi contra bonum publicum præstitum. Ita contra Pontium sustinet cum aliis Diana par. 11. suprâ: addens, quòd si juramentum interponatur de non petenda hujus, aut similis juramenti relaxatione, receptum est, non esse validum, eò quòd sit contra bonos mores. Cavendum tamen est, ne istorum juramentorum relaxatio in Religionis Catholicæ damnum cedat: ut v.g. si captivus jurasset infidelibus, apud quos injustè detinebatur, se in suâ libertatis pretium daturum eis mille aureos, vel se illuc rediturum, tale juramentum non esset relaxandum, propter scandalum, & ne nomen Dei apud illos blasphemetur, ut resolvunt Cajetanus, Arragonius, Soto, & Valentia; qui

qui ultimus sustinet, jurantem in hoc casu debere redire, etiam cum mortis periculo: quæ omnia approbat Diana ubi suprâ. Interim cessat juramenti obligatio dum rei status notabiliter immutatur, ut si iurasti punire aliquem, qui postea supplex veniam petit, potes non punire; quia juramentum solum obligat servato eodem statu, in quo delinquens non pœniteret. Ita Layman, & Lezana: excipe, nisi talis punitio necessaria, vel multum conveniens foret bono communi.

109. Secundo cessat obligatio juramenti promissorii per irritationem, commutationem, aut dispensationem eorum, qui ad hoc legitimam habent potestatem: pro quo vide dicta de voto; nam juxta plurimos (inter quos è nostris sunt Lezana, & Urbanus) qui potest irritare, commutare, aut dispensare circa vota, potest & circa iuramenta, saltem in Dei honorem facta; quia talia iuramenta sunt veluti vota. Ita docet P. Franciscus ubi suprâ num. 89. Tertio cessat iuramentum factum principaliter in favorem tertii, dum Papa dispensat, commutat, vel illud irritat: qui solus id facere potest si ab illo tertio sit acceptatum, idque ob commune bonum: & debet semper adesseurgens ratio; quia per talia iuramenta liberè omnino elicitus est alteri acquisitum. Dico liberè omnino elicitus; quia si adsit turpitudine ex parte illius, cui res per iuramentum dari debet, uti est in casu supra posito de latrone, & dum quis prefatus necessitate iuravit solvere usuras, ac generaliter, quando jurans passus

est iniuriam ab eo, in cuius favorem cedit iuramentum, potest etiam Episcopus dispensare; tunc enim solum est quæstio de reverentia servanda Divino nomini, in quo Prælati Ecclesiæ possunt suâ potestate uti nomine Dei. Ita Lezana citans Toletum, & alios; quibus addo P. Urbanum. An autem idem possit potestas civilis? Controvertitur: circa quod tanquam probabile admittendum arbitror, quod docent Suarez, & alii, nimirum potestatem civilem non posse quidem directè tunc iuramentum relaxare, benè tamen indirectè, vel ratione materiæ, vel supplendo vices eius, cui est iuratum, qui per se remittere tenetur. Adde Parentes, ac Superiores posse suprâ dictum iuramentum irritare in illo casu, in quo ipsam promissionem, sive contractum infirmare possint. Ita Busenbaum cum communi.

110. Dixi primò, *iuramentum factum principaliter in favorem tertii*; nam si factum sit principaliter in Dei honorem, quamvis secundariò cedat in favorem tertii, ut si quis Deo iuret sedaturum eleëmofynam Petro pauperi; tunc idem dicendum est ac si soli Deo fieret; quia semper spectandum est id, quod principaliter intenditur, ut ex l. *rogasti in princip. l. si quis nec causam ff. si cert. pet.* docet Lezana num. 26. in fine. Dixi secundò, *si acceptatum est*; quia antè acceptionem nulla oritur obligatio iustitiæ.

111. Quarto cessat idem iuramentum obligare quando is, in cuius favorem factum est, renuntiat suo iuri, ac iuramento: quod Busenbaum post



post Navarrum dicit esse verum, licet juramentum principaliter factum sit in honorem Dei; quia cum executio sit in favorem hominis, ab hominis etiam voluntate dependet. Atamen hoc ultimum puto probabilius negandum cum Soto, & Sylvestro; quod idem videtur negare Lezana, cum dicat, de eo judicandum esse ac si soli Deo esset factum. Interim hæc limita cum Texeda apud Dianam *par. 10. rr. 14. resol. 5.* nisi juramentum taliter sit in Dei honorem factum principaliter, ut jurans omne jus, obligationem, & impletionem remiserit ad voluntatem ejus, in cujus favorem juravit; quod plerumque videtur fieri dum juramentum fit, licet secundario, in favorem alicujus particularis personæ: taliter enim jurans ordinariè non intendit invitum ad beneficium accipendum cogere: ob quam rationem

dicit Diana, sententiam nostræ oppositam (quam, ut dixi, docet Bufenb.) sibi certam esse: verum per limitationem positam ruit tota ipsius ratio nostram sententiam deserendi.

Petes, quas pœnas incurrat perjurus?

112. Respondeo, eum jure civili ac canonico reddi infamen, ita ut deinceps non recipiatur in testem, si perjurium sit solemne cedens in præjudicium tertii. Vide Bachonen *in 4. dist. 25. quest. 14. arr. 4.* ubi addit, eum esse excommunicandum, & per septem annos pœnitentiâ puniendum; quod tamen jam non videtur in usu: unde cum Lezana *num. 14.* pro his remitto ad thesaurum *in praxi par. 2. verbo perjurium cap. 1.* pro alia petitione, sit

## §. IV.

**An pejerent Scabini jurantes, se non sollicitasse ad scabinatum, dum constat de opposito?**

113. Supponit Caramuel primò, sollicitationem seu diligentiam posse esse triplicem; iniquam scilicet sive injustam, licitam prudentemque, & necessariam.

114. Supponit secundò, Remp. non posse inhibere sollicitationem necessariam neque prudentem, nisi per accidens iniqua evadat, & communitati

damnum adferat: unde solam sollicitationem iniquam censet inhibere, dum sollicitationem inhibet. Deinde

115. Dicit primò, qui sollicitationem, seu diligentiam necessariam adhibuit, non pejerat jurando, se nullam sollicitationem adhibuisse: quia ex mente exigentis juramentum, dum dicit, *jura te, nec per te, nec per tertiam personam,*

PPP



nam, &c. sollicitasse; intelligitur de sollicitatione iniqua, quam non adhibuit. Unde dum vides imminere periculum promotionis indigni, & scis non esse aliud medium hanc impediendi nisi ipse aspires, & sollicites, nec statui tuo illud officium repugnat, aut dedecet; teneris tui, qui dignus es, diligentias adhibere, ut per unam sollicitationem consilium impiorum impediās, adedque tunc tua sollicitatio est necessaria.

116. Dicit secundò, qui sollicitationem prudentem & iustam fecit, etiam non pejerat in dicto casu ob rationem datam. Quare si dignus sis ut obeas munus scabini, ac purè & sincerè merita tua exposueris, benevolentiam ac amicitiam captaveris per aliorum commendationes, non peieras jurando, te nullam sollicitationem aut diligentiam adhibuisse; quia non fecisti illas, de quibus interrogaris, & quas suis mèbris inhiher prudens Republica. Accedit, quòd, si digni nullā sollicitationem facerent, sapiùs promoverentur indigni, qui sæpè iniquas, & exorbitantes diligentias adhibent.

117. Dicit Caram. tertio, qui adhibet sollicitationem vel diligentiam iniquam, & postea jurat, se non sollicitasse, peierat, nec à perituro cum excusare potest ulla restrictio mentalis: quia tenetur iurare ad mentem Reip. iustè interrogantis de sollicitationibus iniquis: hinc qui, indignus eùm sit, sollicitavit quomodocumque, peierat si iuret, se non sollicitasse; nam sicut talis scabinatum illicitè obtinet, ita omnis ad illum obtinendum sollicitatio est ei illicita, ac consequen-

ter iniqua. Similiter peierat qui idem iurat postquam adhibuit minas, persuasiones fallas, preces inordinatas & intolerabiles, vel alia media, quæ creduntur tollere moralem indifferentiam ac libertatem; quia hæc omnia sunt iniqua. Hæc bene innotet observanda dictus Caramuel, nam turbant plurimos, qui in his & similibus ad æquivocationes, & nescio quas restrictiones mentales recurrunt, quas tamen illicitas esse & totam auferre conversationem humanam, supra monstravimus.

118. Verùm nec ego puto, posse per ea, quæ hic ex Caramuele adduximus, scabinos prædictos excusari: quia teste Francisco Bonæ Spei de Relig. diss. 6. num. 19. in oppositum est Theologorum & Jurisperitorum Lovaniensium responsum, de formula juramenti, quod publicâ autoritate à Magistratibus designatis & aliis præstari solet. In quo sequentia leguntur; *Abhujus labe criminis aliqui se immunes putant, quod non aliter censant intelligendum hoc iusjurandum, nec aliter à Principe intelligi, quam ne corrumpantur donis, promissive collatores, ut in personam indignam suffragium suum conferant. Argumento esse, quòd Princeps fiat istam donandi, &c. consuetudinem, nec in statuti, ut sonat, transgressores animadvertat. Ita vindex criminum in eorum patrocinium accersitur. Sed toto calo falluntur. Primò; quia ex communi conventia Principum, scelerum licentiam colligere, fallacissimum est argumenti genus; nam in criminibus vindicandis multa possunt Principes, quæ non expediunt; multa expediunt, quæ non possunt; multa possunt &*  
ex-

*expediunt, quæ opportunis differunt; multa, quia publica probationis luce destituta, quamvis severissime punienda, relinquunt Deo, &c. Vide Franciscum loc. cit.*

119. An testimonium viri fide digni sufficiat, ut quis rem aliquam possit iurare? Dictum est *diss. 10. supra dub. 3. in fine.* Solum adde pro horum omnium complemento; de ratione iuramenti non esse veritatem sed vera-

citatem, nam qui iurat se audivisse, quæ verè non audivit, sed existimat se audivisse; non peccat nec peccat: quia qui iurat se audivisse horam duodecimam v. g. non iurat aliud, quàm se certò existimare, quòd horam duodecimam audiverit, & se non habere rationem, ob quam suspicari possit se falli: quod idem dic de eo, qui iurat esse de factò duodecimam.

## DVBIVM SEXTVM.

### *De variis oppositis Religioni.*

120. **V**itia Religioni opposita præcipua sunt superstitio, magia, tentatio Dei, simonia, sacrilegium, perjurium, blasphemia, &c. de quibus

121. Dico primò, superstitio idem est quòd falsa Religio, seu vitiosus cultus veri vel falsi Dei. Alia est superstitio cultus indebiti, alia superstitio ratione rei cultæ. Superstitio cultus indebiti est, in quo exceditur quoad modum colendi tantum, ut quando Deo tribuitur cultus non conformis Ecclesiæ praxi, aut præscripto; talem superstitionem committit qui Deum colit per caeremonias legis antiquæ, qui exhibet falsas reliquias pro veris; qui fingit miracula, revelationes, &c. quæ omnia ex suo genere sunt mortalia, eò quòd Deo falsum & vanum cultum tribuant. Aliter etiam committitur hæc superstitio tribuendo Deo cultum su-

perfluum; ut si quis nolit audire sacrum, nisi post Solis ortum, nisi in tali altari, nisi sacrificans vocetur Petrus, &c. hæc enim omnia vana sunt ex sua natura: ac sic etiam superstitiosus est qui contra rubricas addit, vel demit aliquid in missa vel officio Divino: quæ tamen non sunt nisi peccatum veniale, tum quia materia censetur levis, tum quia communiter adest simplicitas excusans à mortali.

Petes an obstetrix v. g. committat superstitionem cultus indebiti, quæ pro facilitando partu piè profert hæc verba, & *Verbum caro factum est?* Respondet simpliciter quòd non, quia pia invocatio Verbi incarnati indubiè hîc multum prodesse potest. Dixi *simpliciter*, quia si ipsa per hoc putaret, infallibiliter partum fore statim, & favorabiliter expediendum, gravem superstitionem committeret.

122. Superstitio ratione rei culta est, dum colitur falsus Deus pro vero; quæ ulterius dividitur in idololatriam, divinationem, & vanam observantiam.

Idololatria est cultus, quo colitur creatura loco Dei: ubi tamen nota idololatriam interdum sumi pro omni peccato, quatenus per hoc homo moraliter inhaeret creaturæ, sic ad *Ephes. 5.* Apostolus avaritiam vocat idololatriam.

123. Divinatio est prædictio rerum occultarum naturaliter incognoscibilem per tacitam, vel expressam dæmonis invocationem. Si intercedat explicitum pactum cum dæmone, vocatur necromantia, quæ non videtur unquam posse à mortali excusari: si verò tantum intercedat pactum tacitum seu interpretativum, ut dum quæritur alicujus rei cognitio per ea, quæ ad illam acquirendam non sunt ordinata, & quibus se dæmon solet immiscere; juxta Layman, Sanchez, & alios sæpè à mortali excusatur ratione simplicitatis, vel ignorantiae invincibilis, vel quia non adhibetur certa fides sed tantum suspicio: verum mallem dicere tunc non committi veram superstitionem formalem, quia tunc censco nullum omninò pactum cum dæmone intercedere. Ad divinationem reduci potest sortilegium, in quo mittuntur sortes, vel quidæquivalens, ad cognoscendum secretum præteritum, vel futurum ex pacto inito cum diabolo implicite vel explicitè. Ita Lezana Addo etiam grave peccatum divinationis commit-

tere Astrologos, qui futuros eventus à libero arbitrio dependentes ex astris prædicunt certò, vel etiam probabiliter: quia cum impossibile sit, humanà industrià ex astris deduci similem probabilem cognitionem (non enim astra sunt causæ immediatæ effectuum liberorum, ac contra propriam inclinationem perversam homo à Deo adjutus procedit) aliundè haberi non potest, quàm ex instructione & ope diaboli. Hinc benè Burghaber *Cen- tur. 3. casu 26.* asserit superstitionem esse attendere, & estimare similes prædictiones, citans Less. Sanchez, & alios communiter, sicut & Sixtum V. & Urbanum VIII. qui in similes Astrologos severe ab Inquisitoribus animadverti jusserunt. Ac licet subjungat, eum, qui tenuissimam solum conjecturam faceret, quæ impressam ab astris inclinationem non excederet, probabiliter nullam superstitionem committere, monez tamen in foro externo, ubi ex præsumptione proceditur, censerì similem formam ad occultandam malitiam prætendi.

124. Vana observantia est, quæ aliqua sunt ad obtinendum id, ad quod nec à natura, nec à Deo sunt ordinata. Est quadruplex; aut notoria, quæ quis credit assequi scientiam absque studio, per jejunia, orationes, figurarum inspectiones, &c. & hæc, si formalis sit, est peccatum mortale. Alia est observatio sanitatum, quæ adhibetur aliquid inane, ac inutile ad obtinendam sanitatem: hæcque est etiam mortalis; ut dum gladius, quo ali-

aliquod vulnus illatum est, adhuc sanguinolentus unguento, pulvere, aut nescio quo medicamento, ut vocant sympatico inungitur, ut læsus subito sanetur: quia hic effectus, si sequatur, non potest nisi à malo spiritu provenire, cum illud medicamentum non sit potens agere in distans, saltem interruptà sphaarà activitatis per interpositionem parietis v. g. quod sæpe fit. Nec ullum fundamentum est, illum effectum Deo imputandi. Tertia species observantiæ vanæ est observatio eventuum, quæ ex consideratione alicujus eventus conficitur aliud omnino independens eventurum. Quarta denique est magia, quam aliqui à vana observantia distinguunt, & est ars corpora immutandi, aliæque mira perpetrandi ope demonis; quæ si tendat ad alteri nocendum, dicitur maleficium: quod duplex est; amatorium scil. seu Philtrum excitans amorem carnalem, vel odium, damone phantasiâ hominis commovente; & veneficium, quo homini, aut aliis animalibus, nocumentum corporale infertur. Ubi adverte, nullatenus licere maleficium maleficio solvere: si tamen maleficium causaretur per signa externa permanentia, licitè hæc tolli possent. Imò & posset maleficus rogari ut ea tolleretur, modò id posset absque novo peccato; idque quamvis sciretur, eum id facturum per novum maleficium; sic enim ex causa licitum est ab usurario petere mutuum, quamvis constet, eum non daturum sine usura. ratio est, quia cum habeatur jus petendi quod ab alio rectè præ-

stari potest, & in se est omnino indifferens, imputatur ipsius malitiæ si quid mali fiat. Ita docet Cornejo *tom. 2. traët. 6. disp. 7. dub. 37.* contradicente Del Rio *lib. 6. de magia cap. 2. f. 1. q. 2. dist. 2.* & Patre Scilder *traët. 4. num. 367.* Quidquid ipse nec plus videatur *num. 368. seq.* dicere, speculativo loquendo, & si sola ratio spectetur. Interim ex his & aliis infert Busenbaum, licitum esse repercutere sagam quæ te percussit; eâ enim repulsâ solere noxam cessare docent Lessius, & Sanchez. Addo tamen, neminem posse petere curationem morbi ab eo, quem scit non posse licitè illum curare: quia hoc esset exigere peccatum alterius, quod nullâ ratione extuari potest. Atque hinc infero cum P. Scilder *loc. cit.* quòd vix unquam possit adiri ullus maleficus, præter eum, qui maleficium posuit: quia alius ignorans ubi positum sit, non potest illud tollere, nisi per novum maleficium. Ex quo ulterius fit, ut etiam nequeat licitè adhiberi is, qui se offert ad maleficium tollendum mediò positivò, quod non vult judicare; nisi hic sit prudens, doctus, & pius. Aliàs enim moraliter certum est, quòd illud tollere non possit, nisi per novum maleficium. Ita etiam ante P. Scilder docuit Bardi *disf. 6. c. 2. §. 20. num. 9.* Quomodo autem Confessario agendum sit cum divinatoribus, & magis? Vide eundem Busenbaum: & quoad omnia prædicta, Franciscum B. Spei.

125. Dico secundò, tentatio Dei committitur, dum quis inquit per dictum

dictum aut factum, Dei potentiam providentiam, misericordiam, &c. Alia est formalis & expressa, dum quis aliquid facit, vel petit expressè eò animò, ut experiatur Dei potentiam, &c. ut si quis vellet concionari sinè ulla præparatione præcisè ut experiatur Dei providentiam erga se, & Ecclesiam. Alia est implicita & interpretativa tantum, quando scil. fit, vel petitur aliquid, quod ex se referri videtur ad aliquam Dei perfectionem probandam, sinè animo tamen expressè Deum tentandi; ut si quis graviter laborans noller uti medicinis, sperans à Deo immediatè sanari. Prior ex suo genere est mortalis ob dubitationem circa perfectiones Dei, quæ involvit gravem irreverentiam, si non contemptum. Posterior sæpe à mortali excusatur, si absit dicta dubitatio, quia ordinariè adest vel imperfectio actus, vel ignorantia, vel parvitas periculi: puto interim quòd ad-

monitus ab altero prudenti teneatur ejus consilium sequi sub gravi culpa si periculum sit magnum, nisi fortè adesset Dei instinctus, vel pia utilitas; quibus tamen non facile fidendum est.

126. Dico tertio, sacrilegium est violatio rei sacræ, sive rei cultui Divino consecrata: sic sacrilegium committitur, & violatur Ecclesia per effusionem sanguinis in ea factam; per extractionem personæ ex ea, paucis casibus exceptis; per effusionem seminis in loco sacro; pro quo vide dicta supra; sicut & pro sacrilegio in materia furti: item pro vitio simoniæ, & perjurii; de quibus sufficienter suis

locis. Quare

fit

\* \*



TRA-

# TRACTATUS V.

De Sacramentis.

## DISPUTATIO I.

De Sacramentis in genere.

### DUBIUM I.

*Quid, & quotuplex Sacramentum : quæ eius materia, & forma ?*

1. **D**ico primò, Sacramentum est signum sacrum sensibile ad hominum sanctificationem divinitus institutum. Dicitur *signum sacrum*, eò quod ordinatum sit ad cultum Divinum : *sensibile*, id est sensu externo perceptibile ; nam aliàs non posset hominem deducere in cognitionem rei spiritualis, essetque potius signum angelicum quàm humanum. Potest data definitio convenire Sacramentis veteris legis, si per signum intelligas speculativum, id est significans hominum sanctificationem, sive gratiam : si vero intelligas practicum, id est causans ex opere operato ipsam sanctificationem, solum covenit Sacramentis novæ legis, de quibus hîc solum agimus. Est autem causare ex opere operato, causare per suum usum & applicationem, & non per actum ipsius appli-

cantis aut suscipientis ; hoc enim ultimum est causare ex opere operantis. Additur *ad hominum sanctificationem divinitus institutum*, videl. primariò, ut excludantur sacrificia, quæ primariò instituta sunt ad colendum Deum ; & Sacramentalia, quæ non à Deo immediatè, sed ab Ecclesia sunt instituta.

2. Dico secundò, Sacramentorum legis sunt septem, prout sapiùs contrahæreticos est definitum ; Baptismus, Confirmatio, Eucharistia, Pœnitentia, extrema Unctio, Ordo, & Matrimonium : quæ omnia à Christo esse instituta tradit Tridentinum *sess. 7. cap. 1.* Duo ex iis, videl. Baptismus & Pœnitentia dicuntur Sacramenta mortuorum, eò quod sumi possint à mortuis secundum animam : reliqua verò quinque sunt vivorum, quia non nisi à viventibus vitâ spirituali, sive existentibus in gratia suscipi licite possunt,

possunt. Alia insuper Sacramenta sunt imprimentia characterem, alia non; de quibus suo loco.

3. Dico tertio, omnia legis novæ Sacramenta perficiuntur rebus tanquam materiâ, & verbis tanquam formâ. Patet ex Concilio Florentino in decreto fidei, & Augustino dicente, *accedit verbum ad elementum & fit Sacramentum*. Per rem, vel intellige substantiam aliquam sensibilem, ut sunt aqua, oleum, &c. quæ sunt materiæ remotæ; vel actionem aliquam externam, ut est ablutio, unctio, &c. quæ sunt materiæ proximæ. Per verba verò intellige, vel verba propriè prolata, vel aliquid verbis æquivalens, prout in Sacramento Matrimonii signa externa consensum exprimentia possunt supplere munus verborum. Dicuntur autem res materia, & verba forma, à similitudine compositi physici; sicut enim in hoc materia ex se indifferens ad hoc vel illud compositum, determinatur per formam ad hoc compositum in particulari constituendum; ita etiam in Sacramentis res sensibilis ex se indifferens ad hoc vel illud significandum, per modum materiæ determinatur per verba, quasi per formam, ad hanc significationem præ illa. Vide circa hæc Franc. B. Spei *de Sacram. disp. 1. num. 38. & seq.*

4. Adverte, tam necessariam esse materiam & formam Sacramentorum, ut nullum sit Sacramentum ubi materia aut forma substantialiter, sive essentialiter mutatur: ubi tamen solum fit mutatio accidentalis, valet quidem Sacramentum, sed peccatum committitur, idque mortale nisi materiæ

levitas excuset, aut inadvertentia, vel ignorantia. Mutatur verò materia substantialiter, dum, juxta usum & communem hominum acceptionem, mutatur nomine & re, ab ea, quam Christus Dominus determinavit: accidentaliter mutatur, quando adhuc servat eundem usum & nomen. Item forma mutatur essentialiter, quando immutatur sensus verborum; qui si idem perseveret, tantum erit mutatio accidentalis. Pro his consule dictum Franciscum *num. 71. & seq.*

Dico quarto materia & forma Sacramenti debent esse simul. Hinc minister debet servare quantum potest similitudinem materiæ cum forma, ut quando ponit materiam, simul proferat formam; prout fieri potest in Sacramentis Baptismi, Confirmationis, Eucharistiæ, extremæ Unctionis, & Ordinis: in Sacramento verò Pœnitentiæ absolutâ confessione, impositaque satisfactione, statim proferat verba absolutionis; & in Sacramento Matrimonii explicato assensu unius contrahentium, statim alter explicet assensum suum. Atque hoc expressè mandat obsequiale Constantiensē *sol. 35.* quoad Sacramentum Baptismi, ut nimirum proferatur forma eodem tempore, quo aqua attingit corpus baptizati: item Cajetanus vult non valere Baptismum, si tota forma pronuntietur ante cœptam, vel post finitam ablationem & licet Tamburinus in *expedita Juris moralis expositione lib. 1. cap. 1. §. 1. num. 1.* post Sotum ipsum in hoc vocet scrupulosum; quia tamen idem sentiunt Scotus & Navarrus apud Gobat



in Alphabeto Baptizantium num. 80. judicarem, id practicantes absolute mortaliter delinquere, Baptismumque sic collatum esse sub conditione repetendum; licet longe communior opinio recentiorum velit, non obesse

valori hujus, aut aliorum Sacramentorum, etsi tota forma immediate ante vel post ablutionem aut applicationem materiae proferatur, eo quod adhuc conservetur moralis coexistentia materiae & formae, veritasque verborum.

## DVBIVM SECVNDVM.

*Quis sit minister Sacramentorum, & quando valide ministrantur?*

5. Dico primò, minister Sacramentorum est solus homo viator: quia hæc Christi verba, *hoc facite in meam commemorationem; euntes baptizate eos*, & similia, ad solos homines viatores sunt dicta: & aliàs, ut advertit Franc. disp. 4. n. 6. Angeli sancti contra charitatem peccassent jam sæpius, permittendo homines sine Baptismo, aut aliis Sacramentis mori, quæ facile contulissent. Est etiam minister omnino necessarius ad valorem Sacramenti; quod definitur in Florentino per hæc verba, *hæc omnia Sacramenta tribus perficiuntur, videl. rebus tanquam materia, verbis tanquam forma, & personâ ministri.*

6. Dico secundò, ut minister valide Sacramenta administret, non requiritur, ut habeat fidem; & multò minùs ut sit in gratia; quod utrumque sæpius in Ecclesia definitum est: & ratio reddi potest, quia Sacramenta suum effectum consequuntur ex opere operato: unde minister non virtute propriâ, sed in virtute Christi operatur. Requiritur tamen necessariò po-

testas in ministro: ac quamvis omnis homo habeat potestatem ad validè conferendum Sacramentum Baptismi ob summam ejus necessitatem; & minister Matrimonii sunt ipsi contrahentes, saltem probabilius; confirmationis tamen, & Ordinis minister est solus Episcopus; Eucharistiæ, Pœnitentiæ, & extremæ Unctionis solus Sacerdos: unde à Tridentino *sess. 7. can. 10.* damnatur qui dixerit, Christianos omnes in omnibus Sacramentis ministrandis habere potestatem. Insuper requiritur ad validitatem Sacramenti, ut minister habeat intentionem faciendi quod facit vera Ecclesia, vel quod Christus instituit: pro quo consule quæ habet P. Franciscus loco citato numero 7. & seq. Hinc si hæreticus contrahat Matrimonium non credens esse Sacramentum, nec volens facere quod facit Ecclesia Romana, sed quod sua, quam putat esse veram, adhuc validè conficit Sacramentum; quia generalis intentio, quâ vult facere quod Christus instituit, prævalet intentioni proveni-



nienti ex privato errore. Ita Bonacina, Suarez, & alii.

7. Adverte hîc, intentionem posse esse triplicem, actualem scil. virtua-lem, & habitualement. Actualis habetur, quando voluntas cum advertentia intellectus fertur in opus, quamvis operans reflexè non dicat, *volo facere &c.* Virtualis habetur, dum quis ex virtute actualis præhabita, perficit opus; quæ virtus, sive virtualis intentio tamdiu censetur durare, quamdiu exercentur media ad intentum finem: exempli causâ; audit quis pulsari suum Sacrum, elicitque intentionem consecrandi, vadit eò fine ad sacristiam, vestit se &c. nec tempore Sacri repetit actualem intentionem, sed toto tempore distractus Sacrum suo ordine perficit, talis dicitur manere in intentione virtuali, quatenus virtute prioris intentionis omnes sequentes actiones elicit; atque hoc DD. communiter docent teste Diana *part. 2. tract. 3. ref. 32.* Habitualis denique intentio, est facilitas quædam ad eliciendas intenciones actuales relicta ab ipsis intentionibus actualibus prælicitis. Hoc notato

8. Dico tertio, juxta communem, teste eodem Diana *ibid.* ad Sacramentum non sufficit intentio habitualis; quia hæc nullo modo influit in effectum, & cum maneat in dormiente, non sufficit ut actus dicatur humanus: sufficit tamen intentio virtualis; quamvis enim melius sit, ministrum semper habere intentionem actualem, non videtur rationi consonum, hanc absolute à Christo requiri ad valorem Sacramenti, cum vix possibile videtur,

eam posse semper haberi ob varias distractiones, quas homo etiam nolens sæpè patitur. Per quid autem actu differat intentio virtualis ab habituali, habes apud Franciscum *disp. 4. numero 36.* ubi dicit, se id ab aliis non reperisse bene examinatum; quomodo sub intentione virtuali Sacramentum humano modo conferri possit?

Interea Burghaber *Centur. 2. casu 62.* agnoscit adhuc aliam intentionem virtualement absque ulla actuali prævia, qualem dicit habere Parochum, qui curis, negotiis, & colloquiis variis multum distractus ante Sacramentorum administrationem non aliam habet voluntatem, quam more aliorum Sacerdotum sacris se vestibus induendi, locum designatum adeundi, & cætera consueta faciendi: hancque vult esse sufficientem intentionem à Tridentino *sess. 7. can. 11.* requisitam, ad Sacramentorum effectum & administrationem, pro se citans Reginaldum & Dianam. Ratio ipsius est, quia induere Sacerdotales vestes, & cum his se conferre ad altare, aliaque peragere, est medium ex institutione Ecclesiæ ad celebrationem Missæ v. g. ergo eo ipso quod Sacerdos velit more solito illa facere, virtualement habere celebrandi intentionem: & aliàs magni scrupuli, inquit, ac anxietates excitari possent in Ecclesia apud fideles de suo Baptismo, absolutione, aliisque Sacramentis susceptis. Addit tamen meritò in fine, hanc virtualement intentionem nunquam tuendam esse, sed meliorem eligendam.

dam: dico ego, nec in se practicandam esse; ac de ea intelligi debet P. Franciscus loco parum ante citato.

Petes fortè, an sufficiat intentio conditionata?

9. Respondeo quòd non, si conditio sit de futuro: quia non est in potestate ministri suspendere effectum Sacramenti ad illud tempus, quo amplius non existit forma ejusdem. Excipe tamen Sacramentum Matrimonii, in quo consensus factus sub conditione de futuro, veluti suspensus perseverat, quamdiu non est impleta

conditio, adeoque hæc adimpletâ ipsum Sacramentum primò accipit suum esse completum. Sufficit autem etiam in aliis Sacramentis, si conditio sit de præterito aut præsentis, sicut & si quis dicat: *Absolve te, &c. si jam sit verum, quòd restitues cras*; quia tunc transit forma, & consequenter intentio in absolutam; ac si conditio vera est, verum efficitur Sacramentum: quia tamen nullum esset Sacramentum, si conditio esset falsa, nulla unquam sinè gravi necessitate addenda est conditio ob periculum sacrilegii. Vide P. Franciscum n. 47.

## DVBIVM TERTIVM.

*Quid requiratur, ut quis licitè administret Sacramenta?*

10. **D**ico primò, ut quis licitè administret Sacramenta (præter requisita ad validè administrandum) requiritur, ut sit in gratia. Ratio est; quia minister debet conformari ei, cujus est minister, id est Christo, juxta illud Lucæ 19. *Sancti estote, quia ego sum Sanctus*: & Exodi 19. *Sacerdotes, qui accedunt ad Dominum, sanctificentur, ne percutiat eos: ex quibus, sicut & ex D. Augustino, & Thoma, clarum est, eum delinquere mortaliter, qui conficit Sacramentum in statu peccati mortalis ob gravem irreverentiam, quam committit in Deum, qui in tali statu exercet vices Christi, & actionem tam dignam utpote productivam gratiæ, & causativam sanctificationis humanæ. Attamen ab hoc mortali peccato*

potest quis excusari ratione ignorantie, ut obstitrix baptizans; item ratione necessitatis, dum scilicet brevis temporis & rei perplexitas non permittit quempiam ad gratiam se disponere; qualiter Burghaber *Centur. 1. casu 84.* excusat Parochum citò vocatum ad moribundum confiteri volentem, qui anxius eò quòd sit in statu peccati mortalis, nec tam repenti conteri se posse ratus, nihilominus eum audirè confessione absolvit, aliisque Sacramentis munit; dicitque sic sentire Card de Lugo, & Dicastillo. Insuper Sylvius cum quibusdam docet, omnes baptizantes non ex officio, posse à mortali excusari quamvis sint in peccato mortali. Et Marchantius in *resol. Pastor. de Sacram. tr. 1. cap. 3.* docet, nequidem

quidem Sacerdotem privatim sine solemnitate baptizantem peccare mortaliter, licet in peccato mortali existat: quod tamen non admitto. Vide circa hæc Franciscum *disp. 4. numero. 86. & seq.*

11. An verò etiam mortale sit, Sacramentum antea confectum ex officio aliis distribuere in statu peccati mortalis; exercere munus Diaconi &c.? In propriis locis examinabitur. Solùm adde, contra Marcirium, & Adrianum, non necessariò requiri confessionem, sed sufficere contritionem ante ministerium alicujus Sacramenti, exceptâ Eucharistiâ dum recipitur aut conficitur ab eo, qui est in mortali peccato: quod in praxi omnes supponunt; quamvis tamen meritò in Rituali Romano consulatur, ut ante cujuscumque Sacramenti administrationem præmittatur confessio ab eo, qui lapsus est in mortale peccatum; si nempe adsit copia Confessarii, & temporis ac loci circumstantia ferat: ratio est, quia difficilis est contritionis actus, qui tunc necessarius est, saltem putatus.

Dico secundò, debet etiam licitè administrans Sacramenta esse recollectus: quia saltem venialitèr peccat, qui voluntariè distractus Sacramentum conficit, ita, ut ad ipsum, vel ad Deum non attendat, eò quòd irreverentiam committat. Non puto tamen hanc distractionem esse mortale peccatum, quandiu sic conficiens Sacramentum securus est, quòd nihil grave ex requisitis ad Sacramentum omittat: non enim hic irreverentia videtur adeò gravis. Excipe tamen Consecra-

tionem Corporis & Sanguinis Christi, juxta dicta *tract. 1. disp. 5. num. ultim.* & adde, excludendum esse contemptum, etiam virtutalem, qualem Tamburinus adesse putat, si aliquis minister profiteretur semper oscitanter, & distractè se habere: nam tunc videretur res sacras contemnere.

Petes, an minister in Sacramenti administratione possit sequi sententiam probabilem relictâ probabiliori?

Respondeo negativè cum P. Urbano *tractat. 1. cap. 11.* quia præterquam quòd per hoc, Sacramentum exponatur periculo nullitatis, lex naturalis obligat ut proximo procuretur bonum spirituale quâ potest viâ tutiori: in hoc casu igitur, sicut & de medico & judice supra, valet commune dictum, *In dubio tutior pars est amplectenda.* Vide etiam Dianam *part. 2. rr. 13. resol. 2.* ubi ait, in ordine ad pœnitentem, quando sententiæ diversæ sunt circa materiam & formam, vel aliquid quod ad valorem Sacramenti requiratur, debet Sacerdos ob periculum gravissimi detrimenti inde secuturi, relinquere opinionem probabilem, & probabiliorem amplecti. Ita ille: limitans id tamen cum Lorca; primò circa essentialia Sacramentorum necessariorum ad salutem; quia iniis, inquit, quæ non sunt de necessitate salutis, possumus uti quâcumque opinione probabili probabiliori relictâ. Verum hæc limitatio displicet, tum ob periculum nullitatis cui exponitur Sacramentum, tum etiam quia adhuc in re juxta se spectatâ magni momenti laeditur charitas, licet non in re

tanti momenti , ac sunt Sacramenta necessaria.

13. Limitat secundò, quando non est in potestate ministri sequi opinionem probabiliorē : sic dum in casu necessitatis non adest materia certa vel probabilior, v. g. aqua omninò naturalis, potest puer baptizari in materia probabili, ut est cerevisia valde tenuis, aqua rosacea, &c. quia necessitas tunc excusat irreverentiam, quæ aliàs committeretur. Idem dic de materia dubia; prout accidere potest in tenebris, ut quis nesciat, utrùm capiat aquam, vel alium liquorem, dum tamen baptismus differri non potest.

14. Limitat terciò, idem Diana cum Maldero, quando defectus provenit ex parte suscipientis; ut si pœnitens vellet confiteri cum attritione cognita: tunc enim minister absolvens non peccat contra charitatem, nec facit pœnitenti injuriam. Sic etiam absolute Cornejo *rom. 1. tract. 8. disp. 3. dub. ult.* docet, Confessarium quemcumque posse absolvere pœnitentem contra propriam opinionem, etiam probabiliorē, juxta opinionem probabilem ipsius pœnitentis, quamvis sit minùs tuta, & in damnum ipsius: si enim manifestavit peccata sua, & illi negetur absolutio, quæ licet juxta probabilem opinionem ipsi concedi potest, gravis ei irrogatur injuria. Ita etiam docet Salas *tract. 8. disp. unicâ, sect. 9. num. 82.* plures alios referens. Verùm cum aqualis committatur irreverentia in Sacramentum à ministro, dum defectus sibi notus provenit ex parte suscipientis, ac dum provenit

ex parte materiæ aut formæ independentis à suscipiente; & cum præceptum charitatis erga seipsum, ut minùs æquè obliget pœnitentem in re tam necessaria sequi sententiam probabiliorē, quàm præceptum charitatis erga proximum obliget ministrum Sacramenti ad idem; malo sustinere sententiam oppositam sinè hac limitatio- ne; quamvis tamen aliunde admittam licetè absolvi pœnitentem cum attritione cognita, quia nimirum sententia communis, & hoc nostro tempore ferè certa (ut videbitur suo loco) docet, attritionem esse materiam sufficientem ad Sacramentum pœnitentiæ. Judico autem cum P. Scilder, ministrum in Sacramenti administratione posse sequi sententiam moraliter certam, relicta opinione tutiori, nisi præceptum Ecclesiæ sit in contrarium: quia etiam pro malis gravissimis evitandis prudenter procedit is, qui adhibet remedium, de cuius virtute moraliter certus est; & aliàs in materia Sacramentorum anxietates plurimæ sequerentur.

Scio etiam P. Scilder *tract. 2. num. 121.* sequi sententiam nostri P. Cornejo, ubi sic loquitur: *Confessarius, qui audit confessionem pœnitentis, habentis opinionem probabilem oppositam, absolvere eam debet, si possit.* Et parùm infra: *Obligatio absolvendi pœnitentem confessum, tum in Confessario ordinario, tum in delegato est gravis, five sub mortali: quod extendit etiam, dum confessio est facta de solis venialibus, licet hoc postea parùm mitiget.* Sed peto, quomodo hæc consistant cum iis, quæ



habet eodem tract. num. 25. is, qui opinatur actum esse materialiter malum, & nihil scit de opinione aliorum contraria, non potest formare iudicium practicum, sive conscientiam, quod absque peccato formali illud positorus sit; ergo nec ille, qui scit alios iudicare actum illum esse licitum: quia opinio aliorum, quam quis iudicat esse falsam (sicuti ille Confessarius iudicat de opinione pœnitentis juxta P. Scilder num. 16. dicentem, unus homo efficere non potest, ut duo contradictoria sint intrinsecè probabilia, non magis potest movere, quam ignorata. Et ne viam evasione quærat per illa verba si positor; pono ea, quæ docet absolute num. 120. ubi sic loquitur: Quando minister habet opinionem probabilem de alia re, quam de valore Sacramenti, & suscipiens opinionem probabilem oppositam, minister illi Sacramentum conferre potest. Casus est, quando minister opinatur pœnitentem obligari ad restitutionem, & pœnitens probabiliter opinatur, se non esse obligatum. Ita cum communi Bossius, il-

dephonsus, &c. Potestne Confessarius se accommodare opinioni pœnitentis, quæ non est, aut ita est, ac si non esset? Et quia ille Author ponit casum de restitutione, peto quid Confessarius possit & debeat facere, si pœnitens sit ille sectarius, de quo ipse agit loc. cit. qui non vellet restituere, quia juxta opinionem Lutheranorum, Calvinistarum, Hussitarum à se reputatam omnino probabilem ad hoc non tenetur?

15. Limitat denique supradictam sententiam Diana loc. cit. post Villalobos, Malderum, & alios: quando opiniones versantur circa jurisdictionem Confessarii: tunc enim Ecclesia, stante opinione probabili, confert ei jurisdictionem certam. Ita illi & alii: excipe tamen, nisi sola probabilitas versetur circa sacerdotium ipsum; quia hujus defectum non potest supplere Ecclesia absque nova ordinatione.

## DVBIVM QVARTVM.

*Quid requiritur, ut quis validè, & licitè Sacramenta suscipiat?*

16. **D**ico primò, ut adultus aliquod Sacramentum validè suscipiat, non requiritur positiva voluntas, seu intentio hic & nunc Sacramentum suscipiendi, sed sufficit intentio interpretativa, sive pura non resistencia cum advertentia ad id, quod suscipit;

quia non est unde major intentio requiratur. Nec refert (quidquid id urgeat Lugo) quod requiratur intentio positiva in susceptione Sacramenti Pœnitentiæ, & Matrimonii; nam hæc non requiritur, quatenus est intentio susipientis præcisè; sed pœni-

Pœnitentia, quatenus intentio in suscipiente, saltem virtualis, est partialis materia Sacramenti; in Matrimonio verò, quatenus est simul intentio ministri, qui hic sunt ipsi suscipientes; horum autem nil simile reperitur in aliis Sacramentis. Unde ad valorem extremæ Unctionis v. g. juxta satis communem doctrinam sufficit voluntas implicita, seu interpretativa, quâ omnis christianè vivens reputatur velle, ut sibi morienti conferantur Sacramenta, quæ Christianis morientibus conferri solent: quapropter æger subito usu rationis privatus, inungendus est, quamvis explicitè Unctionem non petierit. Quòd verò in ministro requiritur positiva intentio, est, quia hic se habet tanquam causa moralis efficiens Sacramentum; suscipiens autem ut subiectum patiens tantum. Vide circa hæc P. Franciscum *diss. 4. num. 50. & seq.*

17. Dico secundò, ut quis licitè suscipiat Sacramentum Baptismi, aut Pœnitentiæ, sufficit sola attritio. Ita DD. communiter: & probabitur infra. Deinde ad susceptionem Eucharistiæ requiritur, ut præmittatur confessio ab eo, qui commisit peccatum mortale non confessum: de quo fusiùs infra. Denique ad licitè suscipiendum Sacramentum Confirmationis, Ordinis, Matrimonii, aut extremæ Unctionis, sufficit status gratiæ obtentus per contritionem perfectam.

Petens hic fortè primum, an quis accedens ad Sacramentum in statu mortalis peccati, debeat à ministro ejusdem repelli?

18. Respondeo affirmativè, si accedat occultè: secùs, si accedat publicè, nisi fortè & peccatum ipsius publicum fuerit; quia per hoc graviter infamaretur, quod elucidabimus, ubi de Eucharistia agemus. Hic solum nota, ab aliquibus excipi eum, qui cum occulto peccato, Episcopo noto, publicè accedit ad Sacramentum Ordinis, quia in hoc repulsa fieri potest ob plurimos prætextus, ita ut vix sit periculum infamandi petentem, eò quòd Episcopus privatim soleat inquirere conditiones singulorum, atque adeò rejicere possit absque eo, quòd innotescat causa.

Petens secundò, an quis possit licitè petere Sacramentum ab eo, quem novit illud collaturum in statu peccati mortalis?

19. Respondeo affirmativè, si adsit causa rationabilis Sacramentum hic & nunc petendi, nec alius adsit, à quo id possit recipere. Ita Franc. B. *Spei loc. cit. num. 103.* Ratio est, quia quod petitur est ex se bonum, potestque is, à quo petitur, idem licitè conferre, si velit, adeoque debet hujus malitiæ adscribi, si peccet conferendo. Dixi, *nec alius adsit*, &c. quia quisque tenetur peccatum proximi vitare, ubi sine ullo incommodo potest; & aliàs imminuitur reverentia Sacramento debita. Quando nam autem adsit causa rationabilis petendi Sacramentum à malo ministro? Controvertitur inter DD. conveniuntque omnes quoad articulum mortis, in quo à dicto ministro licitum est petere Sacramenta Bapti-

Baptismi, & Pœnitentiæ, ac probabilis etiam Eucharistiæ; cum enim tunc urgeat præceptum Communionis, plus ex charitate obligatur quis proprium vitare peccatum, quam alienum: quo fundamento etiam convincitur, licitum esse à tali petere Eucharistiæ in Pœnitentiæ, si alius adici commodè nequeat. Imo juxta P. Urbanum *tract. 1. cap. 37.* Marchantium, & Franciscum, ad petendum Sacramenta Pœnitentiæ, & Eucharistiæ à tali ministro sufficiens causa est, dum adest aliqua principalis solemnitas, in qua quis ex pietate solet communica-

re: item dum quis à longo tempore non est confessus. Sed quid, si dictus minister esset excommunicatus? Respondéo, in casibus prædictis ab eo posse licite peti dicta Sacramenta, si necdum sit denunciatus, aut publicus percussor Clerici: dico, *Si necdum sit denunciatus, &c.* quia ex Ecclesiæ præcepto sunt tales vitandi, nec licita est participatio in Divinis cum similibus: excipe tamen adhuc articulum mortis, in quo à talibus licitum est petere Baptismum & Pœnitentiæ, ob cuiusque necessitatem spiritualem.

## DVBIVM QVINTVM.

### *Quinam sint effectus Sacramentorum?*

20. Dico primò, effectus communis omnibus Sacramentis est gratia habitualis sive sanctificans, quam ritè dispositis causant ex opere operato, ut fides docet; non quidem ut causæ principales, sed instrumentales; principalis enim causa gratiæ Christus ipse est. Deinde effectus communes Sacramentorum etiam sunt habitus supernaturales Fidei, Spei, & Charitatis, qui intelliguntur per dona, dum Tridentinum dicit, nos fieri formaliter iustos per infusionem gratiæ, & donorum.

21. Dico secundò, insuper singula Sacramenta habent effectus proprios, qui sunt quædam gratiæ actuales, quibus suscipientes redduntur expeditiores ad suscepti Sacramenti finem con-

sequendum. Ita D. Thomas hic *quest. 62. art. 2.* & D. Bernardus *serm. de Cæna Domini*: quinam autem sint illi effectus proprii, commodius dicitur suis in locis. Solùm

22. Adde, tria Sacramenta, videl. Baptismum, Confirmationem, & Ordinem pro effectu inter se communi habere characterem, quem suscipientibus imprimunt, suntque initerabilia, prout in Florentino, & Tridentino definitum est. Est verò character signum spirituale impressum animæ, quo homo designatur servus, miles, vel minister Christi: servus videl. per Baptismum, per quem quisque efficitur membrum Ecclesiæ, notaturque Baptismi characterem, quo tanquam Christi servus distinguitur à non baptizato, tanquam

tanquam extraneis Christi & Ecclesiae. Miles similiter per Confirmationem, quatenus per hujus Sacramenti characterem notatur, & specialiter deputatur ad fidem constantiam animo profitendam quoties necessarium fuerit. Constituitur denique quis minister Christi per Ordinem, quatenus per hunc quilibet consecratur, & specialiter deputatur ad Sacramenta ex officio aliis administranda. Character sic per Sacramenta animae impressus, illi juxta Tridentinum *sess. 7. can. 9.* indelebiter inhaeret, ita ut de fide sit, eum esse indelebilem quamdiu homo vivit: & probabilius puto, eum duraturum in perpetuum, in damnatorum confusionem, & beatorum decorem. Ita DD. communiter. Occasione primae resolutionis

Petes primò, an Sacramenta conferant omnibus æqualem gratiam?

23. Respondeo, idem Sacramentum æqualiter dispositis æqualem conferre gratiam. Ita D. Thomas hic *quest. 69. art. 8.* & Tridentinum *sess. 6. can. 7.* dicens, quemcumque recipere justitiam secundum propriam dispositionem. Ratio est, quia quamvis Sacramenta causent gratiam ex opere operato, non tamen ideo recedendum est à modo causandi ceterorum agentium, quae perfectius agunt juxta meliorem subjecti dispositionem, hac se tenente per modum conditionis, sine qua non causaretur ex opere operato tam perfectus effectus. Vide Franc. B. Spei de *Sacram. disp. 2. num. 25.* An verò melius dispositus recipiat etiam augmentum gratiae ex opere operantis?

Distinguo cum Basilio, verbo *Sacramentum, cap. 4. n. 6.* post alios, ubi dicit; si dispositio melior sufficiat, ut etiam extra Sacramentum gratiam conferat, prout sunt contritio, & amor Dei super omnia, melius dispositus plus gratiae recipit, etiam ex opere operantis; secus si non sufficiat, &c. Non queritur hic, an unum Sacramentum altero plus gratiae conferat; quia cum Sacramenta secundum se ex mera Dei voluntate iam habeant virtutem, nihilque circa hanc sit definitum, id prorsus obscurum videtur; sicut obscurum etiam est, quantam gratiam singula Sacramenta conferant. Interim putarem dignius Sacramentum majorem gratiam conferre, quam aliud minus dignum; de quo videri poterit Mercius. Esse autem Sacramenta imparia in dignitate tradit Tridentinum *sess. 7. can. 3.*

Petes secundò, quid dicendum sit de Sacramentalibus?

24. Respondeo in primis certum esse, dari in Ecclesia potestatem sacramentalia instituendi, praescribendi quae certas caeremonias circa Sacramentorum administrationem. Patet ex Tridentino *sess. 21. cap. 1.* ubi adducit verba Apostoli *1 Cor. 4.* *Sic nos existimet homo, ut ministros Christi, & dispensatores mysteriorum Dei.* Constat etiam ex perpetua Ecclesiae praxi. Sunt autem sacramentalia, actus externi religionis ad colendum Deum accommodati, quales communiter censentur Oratio Dominica, aqua benedicta, eleemosyna, benedictio Episcopi vel Abbatis, signum sanctae Crucis, prima tonsura, &c. quae omnia dicuntur remitte-



tere peccata venialia, non quidem ex opere operato, saltem probabilius; quia non legitur usquam iis esse facta promissio remittendi peccata. Imò nec videtur esse potestas in Ecclesia instituendi signa externa, quæ ex opere operato, seu ex vi institutionis habeant virtutem remittendi peccata venialia. Solum igitur venialia remittunt ex opere operantis, in quantum in nobis excitant pium motum voluntatis, quo peccata venialia delentur; ideo namque in consecratione, & institutione

sacramentalium preces recitantur, quibus sacramentalia suscipientibus, vel utentibus, motus pios Ecclesia precatur. Neque hoc tollit distinctionem sacramentalium à non sacramentalibus; quæ etiam habent vim ad pios motus voluntatis excitandos, ut sunt bona exempla, admonitiones, &c. quia hæc non nisi excitant motus pios naturales, sacramentalia verò supernaturales impetratos per merita & preces Ecclesiæ.

## DISPUTATIO II.

### De Baptismo.

#### D V B I V M I.

#### *Quid Baptismus, quando sit institutus, & quæ ejus materia?*

1. **D**ico primò, Baptismus est Sacramentum ablutionis per invocationem sanctissimæ Trinitatis, sive expressam trium Personarum prolationem. Coincidit hæc definitio cum alia D. Thomæ & Magistri, Baptismus est ablutio exterior corporis sub præscripta verborum forma; quam distinctius exprimit P. Franciscus dicens: *Est ablutio externa corporis, aqua naturalis, facta in nomine Patris, & Filii, & Spiritus sancti, ad regenerationem spiritusalem.*

2. Dico secundò, Baptismus est in-

stitutus à Christo ante Passionem. Ita P. Franciscus *de Baptismo, disp. 1. num. 4.* Pater ex Augustino dicente, baptizatum à Juda, qui se ante Passionem suspendit, non debuisse rebaptizari; & cum Apostoli ante Passionem ex manu Christi communicarint, fuerintque consecrati Sacerdotes, videtur dicendum, eos ante fuisse baptizatos: accedit, quòd nusquam legatur, eos postea baptizatos fuisse. Quoad tempus autem determinatum, quo institutus sit; communius assignatur illud, in quo Christus à Joanne baptiza-

tus

tus est : sed contrarium ostendit N. Franciscus *loc. cit. num. 11.* licet fateatur Christum tunc aquas Jordanis, & in eis ceteras in ordine ad baptizandum, & spiritualiter regenerandum, sanctificasse; quod tradunt SS. PP. Unde puto cum eodem obscurum esse, quando, aut quo die Baptismus institutus sit. Adverte interim, Baptismum non fuisse necessarium ad salutem statim post Baptismum Christi, sed postquam vetera Sacramenta publice fuerunt interdicta, ut docet D. Bernardus *epist. 77.* sive postquam Sacramenta nova sufficienter fuerunt promulgata; cujus ratio sumi potest ex tract. *de legibus*; quia scilicet lex non obligat, nisi post sufficientem promulgationem; quæ quoad Sacramenta novæ legis, juxta communio rem doctrinam, facta censetur in die Pentecostes, quando S. Petrus habuit concionem publicam Hierosolymis, cui plurimi ex diversis mundi partibus intererant: unde & à die Pentecostes communiter censetur incepisse necessitas suscipiendi Baptismum.

Petes fortè, an Christus Dominus aliquos per se baptizavit?

3. Respondeo, eum verisimilius baptizasse B. Virginem, & S. Petrum. Ita Augustinus *epist. 108.* & S. Thomas *quest. 84. art. 7. ad 4.* probaturque ex 3 cap. *Ioannis*, ubi dicitur: *Post hæc venit Iesus, & discipuli ejus in terram Judæam, & baptizabat.* Ex quo probabiliter eruitur, eum baptizasse omnes Apostolos, qui tunc erant: nec enim legitur, unum ex iis ab alio fuisse baptizatum: cum igitur dicitur *cap. 4. Quamquam non baptizabat, sed discipuli ejus, indica-*

tur, eum passim omnes non baptizasse, sed illum hoc munus reliquisse discipulis à se jam baptizatis.

4. Dico tertio, materia remota Sacramenti Baptismi est aqua naturalis. Patet ex Concilio Tridentino *sess. 7. can. 2.* post Lateranensem, & Florentinum. Quare verò Christus potius instituerit aquam, quam aliam materiam? duas congruentes rationes adfert D. Thomas; quod scilicet aqua sit res communissima, & semper ad manum, ut quilibet Sacramentum tam necessarium facile possit suscipere; & quia aqua commodissima est ad abluendum; adeoque optime potest significare gratiæ vim ad mundandas animas. Per ly *naturalis* excluditur à materia Baptismi omnis aqua alteri corpori in tantum admixta, ut juxta communem usum & acceptionem mutata sit re & nomine: unde excluditur cerevisia, aqua, in qua coctæ sunt carnes, aqua rosacea, succus herbarum, sudor, lachrymæ, nix, glacies, nisi resolvantur, &c. quæ ad longum adfert P. Franciscus *suprà num. 24.* quæque ut summum possunt esse materia incerta & dubia, quæ nullus uti potest juxta *suprà dicta*, nisi in casu necessitatis: tuncque adhuc Baptismus conferri debet sub conditione, quod materia præsens sit vera materia: ac postea iterum conferri debet in materia certa, si fieri possit, sub conditione, quod prior Baptismus fuerit invalidus: ubi tamen observa dictas condiciones, sicut & alias omnes, non esse necessarium ore proferre, sed sufficere, si solâ mente concipiuntur.

Quid dices ad casum, quem in principio

cipio sui libelli, cui titulus, *Alphabetum baptizantium*, adfert Georgius Gobat, nempe, cum juvenis Hebraeus in eremo infirmaretur ad mortem, peteretque valde instanter ab aliis juvenibus praesentibus baptizari, & deesset aqua, unus illorum fundens arenam super caput ejus, protulit formam baptismi, & ecce subito sanatus est. Respondeo, baptismum nullo modo valuisse, ut patet ex cap. 3. Joannis: *Nisi quis renatus fuerit ex aqua, &c.* ac Tridentinum sess. 7. can. 2. de bapt. expressè dicit: *Si quis dixerit, aquam veram, & naturalem non esse de necessitate baptismi, anathema sit*: unde ille juvenis sic baptizans, non nisi per ignorantiam invincibilem potest à peccato mortali sacrilegii excusari: & illud miraculum debet pio petentis desiderio attribui, sive baptismi fluminis, prout etiam sentit N. P. Franciscus. Adde claritatis causâ, hanc aquam naturalem, seu elementarem, esse aquam fluminis, sulphureorum balnearum, fontis, putei, maris, pluviae, paludis; item aquam fluentem ex lapidibus, aut parietibus, qui est liquor de aëre versus in veram aquam naturalem; nec non collectam ex vaporibus densatis, qui reperiuntur in operculo testaceo ollae bullientis; sicut & resolutam ex nive, gelu & grandine: e contra verò nomine aquae naturalis non posse intelligi vinum, lac, urinam, pituitam, salivam, aut liquorem supernatantem sanguini. De aqua ex sale resoluta pro & contra disputant Theologi. Sed quid de attramento? Hoc esse materiam aptam, defendit Gobat, dicens illud esse aquam nigram, æquè ac illam turbidam, quæ

ex luto exprimitur actu apta ad sordes ablucendas; & fortè, addit, eâ abluerent illi Aethiopes, qui colorem nigrum longè praefereunt candido: dixerat parum ante, absque omni dubio attramentum constare notabiliter majore copiâ aquae, quàm aloës, aliorumque ingredientium: ego tamen puto illud non esse materiam Sacramenti, quia nullo modo potest dici manere & nomine aqua naturalis; cum omnes ejus qualitates, colorem nempe, saporem, odorem, &c. amittat, si sit verum attramentum, & non tantum aqua nigra: atque in his multum differt ab aqua turbida, quæ ex luto exprimitur, cum qua illud malè comparat Gobat: quique frustra miratur reliquos Doctores hinc non instituisse questionem de attramento, quam puto eos neglexisse, eò quòd judicarent satis debere constare, verum attramentum non plus posse dici materiam baptismi, quàm cerevisia vera possit dici talis materia: judico enim de attramento dicendum esse conformiter ad ea, quæ Doctores resolvunt de cerevisia.

5. An autem minima aquae quantitas v. g. una aut altera gutta sit sufficiens materia Baptismi? Controvertunt DD. Nec immeritò affirmat Diana *part. 3. tract. 4. resol. 5.* cum aliis: quia ea quantitas aquae sufficit ad Baptismum, quæ potest contingere corpus & successivè per partem corporis fluere, quod videtur posse facere unica gutta: unde Comitibus & Filiucius asserunt verum fuisse Baptismum infanti moribundo collatum signo Crucis impresso in fronte digito

digito aquâ in defecto; quidquid putem Baptisum, ita collatum per unam guttam tantum, debere postea iterari sub conditione si fieri possit, ac consequenter peccaret qui extra necessitatem ita baptizaret; quia ob contrariam multorum opinionem, unica gutta solum potest esse materia probabilis. Adde aquam, ut sit materia licita Baptismi extra necessitatem debere esse consecratam, & puram ob reverentiam Sacramento debitam: ita ut, juxta DD. communiter, mortaliter delinqueret, qui absque gravi necessitate uteretur aquâ impurâ, & turbidâ, sicut & is, qui in solemnî Baptismo absque necessitate ablueret aliâ aquâ, quàm de sacro fonte, tum ob Clementinam *unic. de Bapt.* tum ob universalem Ecclesie consuetudinem: quidquid Quintanadvennas apud Gobat hoc ultimum velit solum esse culpam venialem. Dixi in *solemnî Baptismo*: quia, juxta plures, in privato liberè omittitur benedicta.

6. Dico quartò, materia proxima Baptismi est ablutio, utpotè quæ immediate per formam designatur ad esse Sacramenti. Unde omninò necessarium est, ut aqua immediate attingat corpus baptizati; non ita tamen necessarium, ut minister immediate aquam attingat; sufficit enim, eum talem actionem exercere, per quam juxta morem hominum æstimationem dicatur verè abluerè vel tingere baptizatum, ut v.g. per immersionem, aspersionem, immisionem per funem in puteum, &c. in quibus tamen curandum est, ut proferatur forma eodem tempore, quo aqua attingit cor-

pus baptizati. Adde, quia praxis seu modus baptizandi est varius juxta varietatem locorum ac Provinciarum, semper servandum esse modum loci, nisi aliud necessitas cogat; tum ob reverentiam Sacramento debitam, tum vi præcepti Episcopi loci. Putarem tamen non esse nisi culpam venialem, uti aspersione, cum juxta ritum diœcesanum mandatur immersio vel affusio, quia non judico in Ritualibus diœcesanis extare verba, quibus exprimitur obligatio ad culpam mortalem. Ita Gobat post plures alios in *Alphabeto Baptizantium num. 63.* addens gravitatem peccati hac in parte delumendam esse ex metu scandali.

7. Nota cum P. Francisco & aliis, quando Baptismus immersione fit, emersionem non requiri ad Baptismi valorem: quia ante emersionem est vera ablutio requisita ad Baptisum. Unde si puella ad celandum partum, animo baptizandi, infansem in flumen projiciat, baptizatus est, licet in illo submergatur. Ita enim sentit Burghbet *Centur. 1. casu 91.* dicens, illam esse planè communem DD. sententiam, quidquid contradicat Scotus, cujus sententiam ut probabilem defendit P. Herinx hic *disp. 5. n. 33.*

8. An verò ad valorem Baptismi sufficiat si ablatur minima pars corporis: Etiam controversitur. P. Franciscus dubium esse asserit: ast probabilius puto ego sufficere, si ablatur minima corporis pars moraliter sensibilibus. Ita D. Thomas, Scotus, Gabriel, & alii. Probatur, quia sufficit ablutio talis partis, ratione cujus homo dicitur communiter ablutus. asperisus aut tin-

Aus; sed talis est ablutio dictæ partis; ergo &c. Nec sequitur, non denominatur illud subjectum album, quod habet minimum in minima sui parte albedinem; neque homo dicitur calidus, qui in minima tantum digiti parte habet calorem; ergo nec dici potest ablutus, aspersus &c. cujus tantum minima pars corporis attingitur per minimam aquæ quantitatem: quia diversa est hominum communis æstimationis; aliter enim solent homines loqui de formis accidentalibus inhærentibus, quales sunt albedo, calor &c. aliter de illis, quæ merè extrinsecè corpus attingunt, ei quæ adveniunt: nam ex minimo ictu aut vulnere dicitur homo verberatus aut læsus; ac similiter etiam à minima macula, maculatus; à minima gutta, aspersus, tinctus &c. Adde tamen extra casum necessitatis semper abluendam esse partem corporis magis principalem, id est caput, in quo vigent omnes sensus, & à quo infallibiliter totus homo denominatur ablutus. Sed quid si solos capillos aquâ attigerit? Variant DD. Valere Baptismum docent Toletus & Vasquez, negant Lessius, Sylvius, & alii apud Dicatillo hinc *tract. 2. disp. 1. nu. 52.* distinguit Lugo in *Respons. moral. lib. 1. dub. 1.* extendens solum assertionem ad capillos regentes caput, non ad defluentes per humeros, nec enim his, inquit, sed illis tactis &c. caput dicitur tactum, & consequenter homo tactus, utpote cujus vera pars, & non dumtaxat superfuitas sunt illi capilli. Consequenter & hæc sententia videtur approbare Baptismum quo ungues aquâ baptismali attinguntur, prout illum

approbat Octagavia apud Dianam *part. 5. tract. 3. res. 4.* qui eum solum admittit in extrema necessitate.

9. Quid si manu, vel arte obstetricis aqua possit attingere infantem in utero matris existentem? Nullus esset Baptismus. Ita Franc. B. *Speci de Bapt. disp. 1. n. 31.* Probat, quia Baptismus est natorum, juxta illud *Ioan. 3. Nisi quis renatus fuerit ex aqua &c.* Item genitorum, juxta illud Pauli *ad Titum 3. Salvos nos fecit per lavacrum regenerationis.* Unde benè ait Augustinus *Epist. 57. Renasci quispiam non potest, antequam natus sit.* Quidam istas auctoritates intelligunt de nativitate, quâ quis de non homine fit homo: sed malè, ut citatus Franciscus ostendit. Possit tamen quis in extrema necessitate sub conditione talem prolem ita baptizare conformando se opinioni oppositæ ad consulendum extremè laboranti. Imò docet Gobat validum probabiliter fuisse Baptismum, quo obstetrix baptizavit infantem in umbilico, per quem fugit alimentum à matre, quia ille umbilicus est aliquo modo pars illius. Idem etiam docuerat de Baptismo collato infanti adhuc involuto secundinis propter paritatem. Quibus meritò subjungit, putare prodesse scætu ablationem, quâ sola mater physicè attingitur, vel cuicumque alteri, quâ attingitur sola ejus vestis, catere omni probabilitate; nisi vestis esset adeo tenuis, ut aqua penetraret usque ad cutem.

\* \*

DUB. II.

# DVBIVM SECVNDVM.

## De forma, & necessitate Baptismi.

10. **D**ico primò, forma Baptismi, quæ ab omnibus Latinis prædicari debet, est hæc: *Ego te baptizo in Nomine Patris, & Filii, & Spiritus sancti. Amen.* Ita definitum est in Concilio Florentino, & Tridentino *can. 3. de Baptismo.* Hæc tamen à Græcis communiter practicatur, & valet: *Baptizetur servus Christi in nomine Patris, &c.* Ex quo patet, non esse necessarium, ut persona ministri explicite exprimat, licet debeat exprimi persona baptizata, eò quòd Baptismus consistat in applicatione materiæ ad subiectum determinatum: unde non sufficit dicere, *Baptizo in nomine &c.* Valet interim Baptismus, licet quis putet se baptizare Joannem, & baptizet Petrum; quia quamvis baptizans erret speculative, non errat practice, cum dirigat suam actionem, sicut & intentionem, in personam præsentem. Monethic bene P. Franciscus, ut caveat Minister verba formæ Græcorum optativè aut deprecativè sumere; quia cum id sit formæ extremæ Unionis proprium, ut communiter docent Theologi, nihil efficeret.

11. Ex definitione Baptismi *dub. 1.* allata constat, in ejus forma debere fieri expressam invocationem trium personarum SS. Trinitatis; quod & patet ex perenni Ecclesiæ praxi, sicut & ex Scriptura *Matth. 8.* ubi dicitur:

*Euntes docete omnes gentes, baptizantes eos in nomine Patris &c.* quare hæc forma, *Ego te baptizo in nomine SS. Trinitatis* non valet, ac multò minùs hæc, *Ego te baptizo in nomine Christi.* Quòd verò aliqui dicant, Apostolos hæc formam baptizasse, si factum est, ex dispensatione fuit: & puto ego eos solum baptizasse in nomine Christi loco Filii, ut per hoc, nomen Christi desineret esse odiosum apud Judæos, additis nimirum nominibus aliarum personarum; quo nihil plus, teste Francisco B. Spec, ex Scriptura colligi potest: vel potius dic eos in nomine, id est vice Christi baptizasse separatim formam communem. An valeant hæc formæ, *Ego te baptizo in nomine genitoris, & geniti & spirati; in nomine omnipotentis, & sapientis, & boni, &c.* Controvertitur, eò quòd ipsa Trinitas quidem exprimitur, sed non terminis, quibus ab hominibus potest & debet cognosci. Utrum verò ad essentiam Baptismi necessarium sit addere *in nomine*? affirmant communiter DD. quoad *ly nomine*, quia cum debeat exprimi mysterium SS. Trinitatis, debet etiam exprimi unitas naturæ, quod non fit nisi per dictam particulam. Adde Scotum *in 4. dist. 3. q. 2.* Toletum *lib. 2. cap. 19.* & plures alios idem asserere de præpositione *in*: quapropter graviter peccaret, quily *in* omitteret, quidquid

Bona-

Bonacina hîc q. 2. punct. 4. & Dicastillo hîc numero 130. velint omissionem utriusque *ego* & *in* esse ex se solum venialiter malam: quorum opinio nullatenus verificari potest nisi fortè in lingua Latina, ut rectè notat Gobat casu 2. numero 69. quia si in Flandrica Gallicave omittas pronomen, *ego*, nullus efficietur sensus; item si in his, aut in Italica, Hispanica, vel Græca omittas præpositionem, *in*, oriatur confusio, ut patet horum idiomatum peritis.

Ratio autem congruentialis, quare Christus voluerit per formam Baptismi exprimi dictum mysterium, est; quia Baptismus est Sacramentum fidei, adeoque convenit, ut ejus forma exprimat magis principale ejusdem fidei mysterium. Vide circa hæc omnia Franc. B. Spei disp. 1. de Bapt. num. 61. & 62. & adde, hanc formam non valere: *Ego intendo te baptizare in nomine*, &c. quia debet explicari actus baptizandi, & non solum baptizantis intentio, ut post Sayrum advertit Tambur. in expedita juris moralis exposit. lib. 2. cap. 1. §. 5. num. 31.

Petes, quid dicendum sit de hac forma: *Ego te baptizo in nomine Patris, & Filii, & Spiritus sancti*, ac B. Virginis Mariae?

12. Respondeo, ipsius valorem pendere ab intentione sic baptizantis: si enim ejus intentio sit proferre nomen Mariae eo sensu, quo profert nomen Patris, &c. in virtute scil. Mariae, dicta forma non valet: valebit tamen, si solum velit B. Virginem invocare tanquam Advocatam vel pro gratia impetranda vel ad baptizatum defen-

dendum contra tentationes, quæ ei in vita possent obvenire; tunc enim non mutatur substantialiter vera forma. De aliis variis formis Baptismi vide Bachonem in 4. dist. 4. Solum adde, nullum esse Baptismum, si duo baptizent eundem, uno infundente aquam seu abludente, & altero proferente formam; quia tunc forma est falsa; prout etiam non valet, dum unus formam incipit & alter perficit: quidquid unus possit valide plures baptizare sub hac forma, *Ego vos baptizo* &c. ut DD. communiter docent post D. Thomam qu. 67. a. 6. ad 2. quia tamen varii apud Dianam part. 5. tractat. 5. resol. 26. volunt valere Baptismum, quo mutus ablueret corpus parvuli, altero, qui manibus caret, pronuntiante formam, putarem similem Baptismum in extrema necessitate sub conditione esse adhibendum, & eum aliquo casu locum habere posse tempore pestis: nam si in domum pestiferam obferatam nemini permittatur ingressus, & solus aliquis in ea sit ita ignatus, ut formam brevi tempore addiscere nequeat, prolesque sit in extrema necessitate, poterit Parochus per fenestram apertam pronuntiare formam, illo qui intus est aquam affundente. Ita Gobat casu 4. num. 147. post Chapeavile: quoddam tamen posset asperzione ad parvulum pervenire, teneretur indubiè per se aspergere.

13. Petes iterum, si puer moriatur antequam ultima verba forma proferantur, v. g. & Spiritus sancti, an sit vere baptizatus? Negant varii; quia dum

dum forma complebatur, baptizandus non erat amplius Viator & Baptismi capax: videri tamen affirmandum sustinet P. Franciscus num. 68. quia dum moritur, Baptismi forma ad modum entium successivorum simpliciter physice existit: & aliunde materia ac forma simpliciter coexistunt, si forma materiam sequatur ad brevem interpellationem, tulsis v. g. aut verborum, *Non est hic, abiit* &c. cum tamen non minus requiratur veritas formæ quam subiectum Viator & Baptismi capax: magis tamen in casu proposito ly *Spiritus sancti*, conjungitur cum Viatore vivente, quam in hoc casu forma cum materia. Ita Franciscus.

14. Dico secundò, Baptismus est omninò necessarius parvulis ad salutem necessitate mediæ; nam eo etiam inculpabiliter omisso salvari non possunt. Est definitum in variis locis Tridentini: unde sententiam Cajetani & aliorum aliorum Catholicorum omnes temerariam reputant, quæ sustinent, infantes sine Baptismo morientes posse salvari fide vel voto parentum; sicut & aliam, quam Meracius dicit esse Gersonis, D. Bonaventuræ & aliorum; quòd videl. quidam tales infantes salventur ex singulari Dei privilegio, vel orationibus parentum: nam omnes PP. & Concilia locum Scripturæ, *Nisi quis renatus fuerit* &c. interpretantur universaliter ut sonat. Imò Sotus in 4. dist. 5. quæst. unicâ art. 2. dicit, illas sententias esse hæreticas.

15. Dico tertio, etiam adultis necessitate mediæ simul & præcepti Baptismus est necessarius. De necessitate mediæ constat ex verbis Scripturæ *Nisi quis* &c. generaliter prolatis. Quoad necessitatem præcepti, probatur, quia quisque præcepto naturali charitatis erga seipsum tenetur adhibere omne medium necessarium ad salutem, ac verba illa, *Nisi quis renatus fuerit* &c. *Docete omnes gentes baptizantes eos* &c. continent in se divinum præceptum obligans omnem adultum ad Baptismum suscipiendum. Unde tenetur omnis adultus suscipere Baptismum, quamprimum de eo est sufficienter instructus & commodè illum suscipere potest: tenentur similiter parentes vel alii infantium curam gerentes sub mortali peccato procurare, ut baptizentur quamprimum commodè fieri potest; præsertim circa diem duodecimum. Ita P. Franciscus disp. 5. num. 34.

16. Notaprimò, non esse necesse ad salutem adulti, ut reipsa semper Baptismum suscipiat; sed sufficere interdum, ut suscipiatur voto explicito, vel etiam implicito inclusò in actu contritionis perfectæ; tunc scilicet impossibile est actualis Baptismi suscepio. Patet ex Tridentino sess. 14. cap. 4. dicente, contritionem charitate perfectam hominem Deo reconciliare, priusquam Sacramentum actu suscipiat. Deinde in Bullis diversorum Pontificum damnantur variae propositiones negantes justificationem acquiri per contritionem perfectam ante suscepcionem Sacramenti Baptismatis aut Pœnitentia;



tia; quibus Bullis consonat Augustinus *lib. 4. contra Donatist. capite 21. c. 22.*

17. Nota secundò, per votum explicitum intelligi hîc voluntatem explicitam suscipiendi Baptismum si foret possibile: per implicitum verò voluntatem generalem implendi omne præceptum, cujus transgressio separat ab amicitia Divina, adeoque etiam præceptum de suscipiendò Baptismo; quæ voluntas includitur in contritione perfecta, quatenus est actus placendi Deo in omnibus. Cum autem hanc voluntatem seu votum, tam explicitum, quàm implicitum Baptismi nullo modo habere possint infantes, hi nunquam per Baptismum in voto susceptum salvari queunt. Quid si adultus sufficienter jam de Baptismo instructus illum reipsâ suscipere non valeat sinè periculo vitæ, quia scil. tyrannus minatur mortem si permittat se baptizari? Respondeo tunc Baptismum differri debere, si speret se postea baptizandum: sin minùs, poterit quidem se obijcere certo mortis periculo ad suscipiendum reipsâ Baptismum, si velit; ita tamen ut etiam licitè eum possit omittere: cum enim jugum Christi suave sit, non obligat cum evidenti vitæ periculo. Vide dicta suprà *trakt. 1. disp. 1. num. 17.*

Nota tertio, Baptismum ordinariè assignari triplicem; fluminis, de quo ante; fluminis sive desiderii aut voti, de quo statim; & sanguinis sive martyrii: hi tamen duo ultimi non sunt verum Sacramentum nec ve-

rus Baptismus, sed ita dicuntur, eò quòd effectus veri Baptismi per illos obtineatur, remissio scil. peccati originalis & actualis, ac infusio gratiæ sive sanctificatio. Quare tam adulti, quàm parvuli salvari possunt per Baptismum sanguinis: quoad parvulos enim patet ex Ecclesiæ praxi innocentes ab Herode occisos pro Christo, tanquam Martyres & verè Beatos colentes; quos tamen non omnes fuisse circumcisos certum est, cum omnes à bimatu & infra occisi fuerint: atque ab his à pari procedendum est ad infantes illos, qui modò pro Christo possunt occidi, vel de facto in lege nova occisi sunt, qui consequuntur idem beneficium beatitudinis: quidquid Bacho in *4. dist. 4. quest. 1. art. 2. in fine* videatur insinuare, hanc sequelam non necessariò debere admitti, benè tamen sic nospiè posse opinari. Dixi *beneficium sive privilegium*, quia martyrium non confert gratiam ex opere operato sicut Sacramenta, sed ex speciali privilegio Christi vices Baptismi in istis casibus per se immediatè suppletis. Adde tamen quoad adultos, ab iis semper præmitti debere Baptismum fluminis si fieri potest; quia martyrium non excusat quemquam ab impletione præcepti, quod simul cum martyrio stare potest; unde teneatur etiam Martyr baptizatus existens in statu peccati mortalis elicere contritionem, imò & confiteri si possit; quia pro iis qui sunt in statu peccati mortalis post Baptismum, exstat præceptum confitendi in articulo mortis. Si hîc alia spectantia ad Baptismum

mum sanguinis seu martyrium deduceres : consule Franciscum Bonæ Spei *tom. 5. disputat. 2. ubi de fortitudine.*

Nobis sufficiat notasse, quòd Martyrium strictè sit passio, seu cruciatus lethalis susceptio pro fide Christi : & quòd quinque ad hoc conditiones requirantur. Prima, perpassio mortis, seu cruciatus ex se lethalis : licet enim quis divinitus detineatur in vita, non desinet esse martyr, ut patet in sancto Joanne Evangelista. Secunda, perpassio mortis ob fidem Christi. Tertia, illatio in odium fidei Christi. Quarta, perpassio voluntaria, scil. in adultis : unde milites Catholici qui in bello ab hæreticis aut Turcis occiduntur dum sese armis defendunt, licet ex odio fidei, non sunt veri martyres. Quin-

ta tandem conditio est, perpassio in statu gratiæ. Effectus autem Martyrii per se est in infantibus ac perpetuò amentibus expiatio peccati originalis, & in adultis augmentum gratiæ sanctificantis, expiatioque omnium pœnarum in purgatorio solvendarum : item consecutio vitæ æternæ juxta illud, *Beati, qui persecutionem patiuntur propter justiciam : tum denique laureola, seu gaudium particulare proveniens ex excellenti victoria* &c. Adde, juxta Suarez *tom. 3. in 3. part. disp. 29. sect. 3. concl. 2.* & alios, effectum Martyrii per accidens esse deletionem peccati originalis, & mortalis actualis in attrito, ignaro vel oblito præcepti de contritione, quod satis conforme videtur sententiæ SS. PP. æquiparantium Baptismum sanguinis Baptismo fluminis.

## DVBIVM TERTIVM.

### *De dispositione necessaria; de Ministro, Patrino, ac Reviviscentia Baptismi.*

19. **D**ico primò, ut validè baptizentur parvuli & consequantur gratiam ac remissionem peccati originalis, sufficit si adhibeatur materia & forma à Christo instituta, ac adsit intentio ministri : de quibus antea quantum satis.

Dico secundò, ut adultus validè baptizetur, insuper requiritur voluntas interpretativa suscipiendi Baptis-

mum consistens in eo, quòd quis hîc & nunc se baptizari cognoscat, nec contradicat : cujus ratio est, quia onera Baptismi & ipsa Christi institutio videntur exigere, ne quis tanto Sacramento initietur invitus.

20. Dico tertio, ut adultus consequatur effectum Baptismi sive gratiam, requiritur primò fides supernaturalis : *Sine fide enim impossibile est placere*

*cere Deo*: Deinde requiritur dolor seu vera pœnitentia, si baptizandus lapsus est in peccatum mortale actuale: *Agite pœnitentiam & baptizetur unusquisque vestrum*, Act. 2. Atque hunc dolorem voluerunt multi debere esse contritionem perfectam: verum jam communiter recentiores, paucis exceptis, docent, sufficere attritionem supernaturalem seu contritionem imperfectam; quibus lubens adhæreo ob fundamenta, quæ in simili adferemus infra agentes de pœnitentia. Unum interim hîc cogor ponere, quod me multum movet, ut communi sententiæ adhæream: quod scilicet Baptismus sit Sacramentum mortuorum adeoque conferens primam gratiam, ac consequenter non requirens, ut suscipiens antea sit in statu gratiæ, qualiter in gratia est omnis eliciens actum contritionis perfectæ. Adde neque attritionem debere præmitteri, si adultus solum habeat peccatum originale; quia cum hoc non contraxerit voluntate propriâ, non requiritur in ipso ulla pœnitentia, vel peccati detestatio, sed sufficit propositum observandi mandata Dei.

21. Dico quartò, quamvis adultus baptizatus in statu peccati mortalis actualis, nec dolorem de eo eliciens, non recipiat gratiam in ipsa Sacramenti susceptione, sed novum peccatum sacrilegii superaddat, quia ponit obicem effectui Sacramenti indigè suscepti; hoc tamen obice sublato Baptismus eidem confert gratiam habituales, & alias actuales, quasi nunquam fuisset obexpositus, sive, ut alii, Baptismus obice sublato revivif-

cit. Ita omnes communiter contra Scotum, & Vasquez ob autoritatem D. Augustini, & S. Thomæ: & aliàs cum Baptismus sit initerabilis, ejus effectus non posset unquam obtineri à simili adulto. Hinc Bassæus verbo *Sacramentum cap. 4. num. 11.* vult, prædictam reviviscentiam esse communem Baptismo, Confirmationi, & Ordini, pro se citans Majorem, Paludanum, Sylvium, & alios. Alii insuper eam extendunt ad omnia Sacramenta, prout faciunt Cajetanus, & Cabrera; quam sententiam dicit Diana, se libenter amplecti *part. 3. tractat. 4. resolut. 15.* eò quod multum extollat dignitatem Sacramentorum: Villalobos autem & Suarez solam excipiunt Eucharistiam. Verum his omnibus sententiis relatis subjungit Cabrera, unusquisque eligat quam maluerit, quasi id esset omnino arbitrium. Pro his verò in ordine ad praxim,

22. Adverte ex Diana *loc. cit. ref. 14.* adultum, qui fîctè, sive in peccato mortali baptizatus est, teneri hanc fictionem consferri simul cum aliis peccatis, quæ post susceptum Baptismum commisit: non verò quæ antea commiserat; neque etiam alia, quæ commisit fortè tempore susceptionis: quia hæc omnia delentur per ipsum Baptismum, qui recedente fictione per confessionem, vel charitatem perfectam reviviscit. Ita ante Dianam docuere etiam Cabrera, Sylvius, Joannes de la Cruz, & alii ab eodem Diana citati.

23. Dico quintò, omnis homo Viator in necessitate validè, & licentè potest

potest administrare Sacramentum Baptismi : quamvis tamen ordinarius Minister pro omni tempore sit solus Sacerdos , & quidem Parochus. Est certum : ratio verò , cur Christus voluerit hîc instituere Ministrum tam universalem , est ipsa summa Baptismi necessitas , ob quam etiam constituit materiam tam communem. Neque id solùm est intelligendum de necessitate extrema , sive de articulo aut proximo periculo mortis , sed etiam in quovis periculo , in quo sit dubium , utrùm ante mortem sit adfuturus minister alius magis idoneus. Quare non debet angî obstetrix , quæ in simili vero periculo baptizavit infantem , licet hic parùm pòst , omne periculum evadat : aliàs enim nimis sæpè accideret , ut propter scrupulos & cunctationem anime parvulorum perirent. Interea nullus seipsum baptizare potest : quia particula *te* in forma Baptismi designat personam ab ipso baptizante realiter , prout in forma absolutionis ab absolvente distinctam ; unde formæ sensus substantialiter mutatur , si dicatur : *Ego me baptizo* , &c. Deinde ipse Christus non à se , sed à Joanne baptizari voluit. Vide P. Franciscum *infra numer. 18.*

24. Quamvis in necessitate quilibet licet baptizet , servandus est tamen ordo inter eos , qui adîunt , ita ut si adsit Parochus , debeat hic cuilibet alteri præferri sub peccato mortali ; quia Parochus juxta præscriptum Ecclesiæ , est proprius Baptismi minister. Post Parochum succedit quilibet alius Sacerdos , coram quo secundùm plu-

rimos , etiam peccat mortaliter quilibet inferioris gradus baptizans , si Sacerdos voluerit baptizare : quod idem dicunt de Diacono succedente Sacerdoti ; nam hic etiam est minister ex officio , ut patet ex Florentino decreto de Sacramentis. Reliqui autem inferiores , scil. Subdiaconus , vir , mulier , baptizatus , &c. habent quidem ordinem ex quadam decentia servandum , sed eum intermittentes non peccant mortaliter : imò Franciscus Bonæ Spei de Bapt. disp. 3. num. 11. dicit , in casu necessitatis ordinem istum invertere , sic ut laicus , præsentem Sacerdote baptizet , non videri peccatum mortale : quia falsò supponitur , illo casu gravem irreverentiam committi ; ut fuscè probat. Adde , expediens interdum esse , ut v. g. obstetrix baptizet præsentem viro laico ignaro , imò aliquando etiam præsentem Parocho ob decentiam , dum scil. fœtus non potest integer ex utero matris educi ; quod bene notavit P. Urbanus. Et quia ob frequentem necessitatem multæ proles debent ab obstetricibus baptizari , puto illas , quæ ex officio obstetricantur , omninò sub mortali obligari discere formam , modumque baptizandi , prout cum variis docet Gobat *casu 5. num. 167.* contra Suarez , Dianam , & Dicastillo. Caterùm Parochus potest solemne ministerium Baptismi committere cuicumque Sacerdoti , vel etiam Diacono , ut testatur Amicus ex Catechismo Romano , quando adest causa rationabilis : cujus ultimi ratio est , quando quis ordinatur in Diaconum , hæc verba ex Pontificali Romano recitantur : *Diaconum oportet ministrare,*

*strare, baptizare, & predicare.* Causa autem rationabilis hic est, quando Parochus non potest vel ob multitudinem baptizandorum, vel ob excommunicationem, vel ob infirmitatem, vel ob aliud justum impedimentum per se, aut per alium Sacerdotem baptizare, licet baptizandi non sint in extrema necessitate. Vide circa hoc Dicastillo *tract. 2. disp. 2. dub. 3.* ubi fuscè hanc difficultatem discutit. Sed

Quid, si ipse Parochus solum sit Diaconus, poteritne licetè baptizare? Miror sanè (inquit Gobat in *Alphabeto baptizantium, casu. 4. num. 139.*) hanc practicam difficultatem à nemine, quem viderim, proponi, aut in terminis decidi. Donec itaque auctoritas aliqua me convincat, tuebor affirmativam partem, ac dicam, hoc ipso, quòd Episcopus tali Diacono consecrat canonicè beneficium parochiale, conferre quoque, ut sanè potest, jùs tam liberè in sua parochia augendi numerum Christianorum, quàm si esset jam Sacerdos; secùs si ejusmodi Parochus foret solummodo Subdiaconus, huic enim, sicut & Minoribus nequit, nisi in extrema necessitate id committi, & quidem solum in casu, quo non adest dignior. Huc usque Gobat; quidquid omnes cæteri expriment, potestatem baptizandi jure ordinario competere soli Sacerdoti.

25. Dico sextò, præter ministrum in Baptismo requiritur etiam aliquis vel aliqua, qui levet baptizatum de fonte, diciturque patrinus, vel matrina: & quamvis olim non potuerit, nisi unus vel una assistere Baptismo;

per Tridentinum tamen *sess. 24. cap. 1.* jam unus & una admittuntur, inter quos & baptizatum contrahitur cognatio spiritualis, sicut & inter eosdem & parentes baptizati; non autem inter patrinum & matrinam: unde meram superstitionem committunt obstetrices, quando se inter hos collocant, ne dicta cognatio ab iis contrahatur. Similiter etiam contrahitur dicta cognatio inter ministrum & baptizatum, baptizatiq; patrem & matrem: hoc tamen non contingit, dum quis extraordinariè baptizat in casu necessitatis, in quo etiam pater baptizans propriam prolem non impeditur à petitione debiti, sic disponente Ecclesiæ consuetudine. Adde ex Franc. *suprà num. 56.* ad hoc, ut patrinus cognitionem spiritualem contrahat, necesse esse, ut puerum saltè in vestibus tangat, aut saltè in disco teneat, dum baptizatur; non verò, ut pro parvulo respondeat, *Volo, Abrenuntio, Credo, &c.* dum sit Catechismus: quia nulla jura, quæ de cognatione illa agunt, istius responsionis mentionem faciunt; sed solius contactus. Cæterum obligatur patrinus curare, ut susceptus à se baptizatus instruat in rebus fidei: quamvis hæc obligatio videatur cessare in his partibus & aliis, ubi id ipsum sufficienter curari solet à parentibus, Parocho, & aliis magistris spiritualibus, concionatoribus, &c. quibus tamen omnibus deficientibus, patrinus & matrina manent obligati. Adverte autem, à munere patrini excludi non baptizatos, hæreticos, criminosos, ac publicè infames, item & monachos *ex cap. placuit, & cap.*

*cap. non licet*, quidquid Abbates quibusdam in locis contrariam videantur præscripsisse consuetudinem.

Addo, nihil obstat, quò minus ipse baptizans sit simul paterinus, dum adest causa rationabilis, prout probat Burghaber *centur. 2. casu 64.*

Attendant patrini & parentes ad morem multis ab hinc sæculis retentum à Christianis, ut non nisi sacra nomina dent recenter baptizatis, quod meritò petunt Pius V. in suo *Catechismo 1. part. cap. 2. num. 75.* & Paulus

V. in suo *Rituali, rit. de sacril.* quidquid absolutè nefas non sit, nomen hominis nondum ab Ecclesia sanctificati baptizando imponere. Adde, licet Vasquez & Quintanadvennas non probent impositionem nominis Sancti ex veteri Testamento, eò quòd per hoc detur ansa suspicandi de Judaismo, illam non esse scandalosam, nec proinde reprobendam in nostro Belgio, ubi passim reperies Adamos, Abrahamos, Danieles, &c. etiam inter Religiosos.

## DUBIUM QVARTVM.

### *An Baptismus iterari, & quamdiu differri possit?*

16. Dico primò, Baptismus nunquam iterari potest, propriè loquendo; quia iteratio præsupponit collationem validam: quare dum quaeritur, an & quando Baptismus possit iterari, intelligitur de iteratione impropriè dicta. De qua

27. Dico secundò, Baptismus potest & debet iterari, quoties non est moraliter certum, aliquem esse validè baptizatum, id exigente summâ hujus Sacramenti necessitate. Est verò id moraliter certum, primò, quando per testem fide dignum constat esse adhibita, quæ adhiberi debent exterius; nam de intentione ministri sinè gravi fundamento nunquam est dubitandum. Secundò id etiam moraliter certum est, dum quis est natus inter

Christianos catholicè viventes, prout docet Bacho in 4. *dist. 4. q. 1. art. 2.* post medium. Extra hanc moralem certitudinem potest ideò infans aliquando bis terve intra breve tempus mutatis circumstantiis, quæ valorem concernunt, sub conditione baptizari: & ut utar verbis P. Gobat *casu 8. num. 253.* Parochus accitus ad parturientem nondum enixam, & de qua dubitetur, an sit editura prolem vivam, dicat obstetrici: si quâ ratione potes attingere fœtum, inasperge aquam in uterum, pronuntiando verba formulæ; vel ut primum prodierit, seu pes, seu manus, asperge; ac si bis ita baptizatus ab obstetrice demum præter spem prodeat totus vivus, at sumè debilis, Parochus ipse repetat Bapti-

Baptismus conditionatum, non enim intelligitur iteratum, quod astringitur esse factum. *cap. final. de Presby. non baptiz.* Ita ille. Qui & *casu 13. num. 374.* absolute sustinet, rependendum esse sub conditione Baptismi collatum cum ea remota aut proxima materia, forma, intentione, aut in ea corporis parte, cum quibus vel in qua unus, aut plures DD. probabiliter negant subsistere Baptismum, pro quo & alios citat: ac *num. 373. preced.* expresse docuerat, sic etiam rebaptizandum esse baptizatum in solo brachio.

Idem P. Gobat *ibid. num. 405.* docet, Baptismum istum posse licite peragi quocumque loco, & à quocumque etiam laico, quamvis facile possit haberi Sacerdos, aut etiam Parochus, pro se citans Quintanadvennam: Ratio est, quia Canones exprimentes contrarium, loquuntur solum de Baptismo absoluto: quidquid expediat, inquit, ut quoad commodè fieri potest, etiam in hoc Baptismo habeatur ratio communis modi: prout absolute fieri debet, dum est notoria invaliditas prioris Baptismi. Adde, non esse opus in prædicto Baptismo adhibere Paternos, nec contractum iri cognationem spirituales, si adhibeantur. Non debent etiam iterari ceremoniæ, si adhibitæ sint in Baptismo priori.

28. Dico tertio, quoties est moraliter certum, quempiam esse valide baptizatum, nullo modo Baptismus iterari potest; ne quidem sub conditione: tum quia Christus hoc Sacramentum instituit initerabile; tum quia maximæ

pœnæ constitutæ sunt pro rebaptizantibus: qui enim sciens iterat Baptismum, & qui eum permittit in se iterari, incurrunt pœnam capitis, fiuntque irregulares, præterquam quòd valde graviter peccent, sacrilegè tractando Sacramentum, voluntariè illud reddentes invalidum: quæ omnia ex diversis capitibus DD. Catholici concludunt. Atque ex his facile judicabis de casibus specialibus, de quibus communiter quæri solet, an in iis liceat iterare Baptismum: ut dum quis ob periculum mortis ab obstetrice baptizatus fuit: nam potest tunc sub conditione iterari; quia cum facile in tali occasione possit accidere defectus vel ignorantia, vel perturbatione muliebri, non constat moraliter certò de valore Baptismi, nisi aliundè per testes cognoscatur, omnia exteriora rectè esse adhibita. Ita Pastorale Mechliniense, Sylvius & Urbanus *tract. 1. cap. 37.* idem etiam extendens ad baptizatos ab hæreticis; non quòd dubitetur, inquit, de valore Baptismi illorum, quando ritè confertur; sed quia ipsi parùm curant essentialia hujus Sacramenti omnia adhibere, recipientes omnia in fidem & misericordiam divinam. Attamen hoc ultimum non videtur adeò conforme illi, quod dicitur de *Consecratione, dist. 4. cap. si revera*, quod adfert Bachelo in *4. dist. 4. quest. 2. art. 1.* nempe: *Qui de hæreticis consentitur se baptizatos solummodo in nomine Domini sine dubitatione ad Catholicam fidem venientes, in nomine Trinitatis baptizabitis; si verò in nomine Trinitatis fuerint bapti-*

baptizati, solâ reconciliationis gratiâ impensâ Catholica fidei sociabitis. Jam verò hæretici nostri temporis in nomine Trinitatis baptizant. Unde non judico baptizatum ab hæretico semper rebaptizandum esse, etiam sub conditione, nisi aliundè occurrant motiva dubitandi; esset enim contra communem praxim Ecclesiæ passim omnes baptizatos ab hæreticis rebaptizare; quamvis tamen ipse Bacho *ibid. dist. 5. quæst. 1. art. 1.* circa finem, videatur in partem Urbani inclinari, & Franc. B. Spei *de Bapt. disp. 1. num. 83.* pro sententia Urbani & sua citet Synodum Principalem Melchinsensem. Sed quid si hæreticus baptizans habuisset expressam intentionem non baptizandi juxta ritum Romanæ Ecclesiæ prout constat Prædicantes sæpè habere? Respondeo, non ideo statim fore sterendum baptismum; quia hoc fit, eò quod per ignorantiam (vel affectatam vel non affectatam) existimet, Romanam Ecclesiam esse Antichristianam: cum tamen aliundè habeat voluntatem faciendi sicut Christus instituit, & quod facit Ecclesia vera, quod sufficit. Si verò constaret, hæreticum baptizantem fuisse tam sceleratum, ut noluerit baptizare juxta ritum Romanæ Ecclesiæ, seu facere id, quod facit Romana Ecclesia, etsi sciret, eam esse veram, Christi Ecclesiam, indubiè non valeret baptismus: verum nulla est convincens ratio, ob quam credamus aliquem, licet aliàs hæreticum, esse tam perversæ conscientiæ. Verum quidquid de hoc sit, omnes DD. consentiunt, pueros expositos non habentes sc-

dulam in testimonium sui Baptismi, baptizandos esse sub conditione: imò si certitudo aliâ viâ haberi nequit, nisi per scedulam involucris pueri affixam, statuit Synodus Cameracensis sub conditione posse rebaptizari; quia tale testimonium non facit fidem indubiam; cum enim ignotum sit à quo & quomodo talis infans baptizatus sit, & in similibus calibus quærantur tenebræ, non video cur diligenti examine præmissis & conditione adhibita possit esse illicita baptizatio, maxime quia Suarez, Layman, Diana, Busenbaum & alii docent, in casu dubii semper inclinandum esse in favorem baptizandi, ne periclitetur ejus salus.

29. Dico quartò, quamvis in primitiva Ecclesia solum conferretur Baptismus in Paschate & Pentecoste, ut habetur *de Consecrat. distinct. 4. cap. non oratione*: modò tamen sine urgente ratione non potest Baptismus differri diu post natiuitatem; hoc enim jam obtinet communis praxis Ecclesiæ, ob necessitatem summam hujus Sacramenti. Neque etiam in Baptismo solemniter potest differri impositio nominis absque peccato; quod committere dicitur esse mortale, quia per hoc inicitur in gravi materia ordo ab Ecclesia præscriptus, cui omnes juxta Tridentinum *sess. 7. can. 13.* se conformare tenentur. Si tamen quis extra casum necessitatis baptizetur in domo (quod est omnibus inhibuit sub pœna gravi per Clementinam de Baptismo, solis prolibus Principum exceptis) tunc adhuc postea compleri debent cære-

T r i t moniæ



moniæ in templo juxta Tridentinum supra. Ubi adverte, agentem patrum in completionem caeremoniarum non contrahere cognitionem spiritualem, neque esse verum patrum; quia non levat prolem de fonte. De caeremoniis agit Bacho *dist. 3. quest. 1. art. 1. & dist. 5. quest. 3. art. 1.* & ostendit, quomodo Baptismus sit dicendus fundamentum aliorum Sacramentorum: eum consule.

Adde, licet juxta Gobat nomine Principum supra intelligantur universim omnes obtinentes jurisdictionem temporalem, vel etiam progeniti ex majoribus verâ jurisdictione præditis, imò juxta Bachonem *dist. 1. qu. 1. art. 2.* omnes potentes & divites, meritò tamen Marchantium in *resol. Past. tract. 2. de Sacram. cap. 3.* arguere Nobiles, & quosvis Domicellos, qui passim quasi de jure petunt, ut filii sui domi baptizentur; quem morem omnino corrigendum etiam monet Palaus *hic punct. 8. n. 4.*

30. Dico quintò, proprius Baptismi effectus est auferre peccatum originale & actuale, ac insuper remittere omnem pœnam peccatis debitam; quæ omnia Bacho *dist. 5. art. 2.* ostendit per varias Pontificum declarationes, & patent ex Concilio Florentino §. *primum omnium*, & Tridentino *sess. 5. can. 5.* Neque hinc inferas expedire, ut Baptismus differatur in finem vitæ; quia hoc periculosissimum foret: præterquam quòd hoc auferret omne meritum, quod homo post Baptismum per totam suam vitam potest acquirere: undè meritò præceptum urget ad oppositum, de quo an-

te. Insuper effectus Baptismi etiam est gratia habitualis, virtutes infusæ, & character, de quibus in *disp. prædenti*. Quarit P. Franciscus de Bapt. *disp. 4. num. 23.* utrum si aliquis ex humana carne formaretur miraculosè, baptizandus foret in peccati originalis remedium? ad quem curiosum lectori remitto, quia casus est rarus. Ponam tamen hic ad longum resolutionem casus sequentis.

Magdalena quædam ex illicito concubitu prolem pepererat; dum affertur baptizanda, querit parochus, quis sit Pater, interrogata mater tergiversatur, & quia Parochus constanter negat Baptismum, nisi edatur nomen Patris, edit mater; an jure egit Parochus? Respondeo verbis Gobat immutatis. *Quasivit vel jussu Magistratus Ecclesiastici, vel injussu. Si injussu, tum non satis vi-deo, quomodo excusum factum, quandoquidem induxit matrem ad grande peccatum, scil. ad infamationem stupratoris oculi. Et quid si illa misera Magdalena concepisset ex incestu? Quid si ob confessionem eâ ratione exortam fuisset tam ipsa quàm incestuosus rapta in carcerem, affecta quæ extremo supplicio?*

Si verò jubente Magistratu ecclesiastico, urget responsum ad illam: interrogationem, præsumo haud malè fecisse; quia existimo posse alicubi concurrere tales circumstantias ratione. Menda prolis illegitima, fornicatorum fornicatricumque, ut Episcopis suggerant justam causam vetandi Parochis, ne quemquam progenitum è muliere soluta referant in censum Christianorum, nisi mater manifestet nomen Patris.

Scio, alicubi obstertrices mandante seculari

ulari Magistratu exigere à parturientibus matrimonio non copulatis juramentum, quo roborent manifestationem impuri lenonis; quod sicut non improbo, ita nolim facile cuiquam esse auctor ejusmodi, ut vocat Lessius lib. 2. de just. & jure cap. 13. n. 15. spiritualis tortura propter grande periculum perjurii.

*At inquires:* Estne in foro seu sæculari seu Ecclesiastico integrè standum tali nominatione seu juratà seu injuratà.

*Resp.* nequaquam, sicuti adversus nonnullos Judices demonstro in Theol. juridico-morali cap. 32. num. 19. Quare nec puto agere jure Parochos, qui ob solam nominationem factam à puerpera referunt absolute nomen maris pernegantis se quidquam commercii carnalis habuisse cum ma-

tre ipsum nominante; etenim propter hujus negationem deberet illa inscriptio fieri cum modificatione v.g. tali: natus est Patre N.N. ut ait mater. Ita Gobat loc. cit. quæ adhuc videbantur desiderari pro horum complemento. Cæterum conformiter menti Concilii Tridentini sess. 24. de reform. matrim. c. 2. tenetur Parochus omnium baptizatorum, horum parentum, ac patrinatorum nomina & cognomina cum annotatione anni, mensis & diei in librum specialiter ad id deputatum inscribere, ut statuunt constitutiones Episcopatus Constantiensis par. 1. tit. 6. num. 11. quam obligationem plures volunt esse sub peccato mortali ob graves difficultates quæ aliàs natæ sunt sequi.

## DISPUTATIO III.

### De Sacramento Confirmationis.

#### DUBIUM VNICVM.

*Quid de hoc Sacramento specialiter dicendum sit?*

1. **D**Ico primò, Confirmatio est Sacramentum, quo homo viator baptizatus, in fronte ungitur Chrismate ab Episcopo, sub præscripta verborum forma, in robur fidei. Est ergo Episcopus minister hujus Sacramenti: quamvis aliqui non improbabiler velint Papam posse dare potestatem simplici Sacerdoti hoc Sacramentum aliis conferen-

di. Ita D. Thom. Richardus, Bacho & Franc. B. Spei. Addo, Episcopos posse sine scrupulo confirmare eos, qui ex aliena Diœcesi inter cæteros se præsentant: quia credendum, hoc esse ratum & gratum Episcopo eorum, quod sufficit in præsentia; nam cum jurisdictio non sit de necessitate hujus Sacramenti, ut docet Ochogavia, facilius præsumi potest consensus &

nhabitio. Ita Burghaber *Centur. 3. casu 97.* post Barbosam, Tanner. & alios contra Dicastillum & Bonac.

2. Dico secundò, Confirmatio est instituta immediatè à Christo. Patet ex Tridentino *sess. 7. can. 1.* id definiēte de omnibus Sacramentis novae legis : Confirmationem autem esse unum ex illis, idem Concilium ibid. docet, & plura alia antiquiora contra haereticos, Wiclef, Calvinistas, & Lutheranos, quos optimè refutat noster Waldensis. An verò Sacramentum Confirmationis institutū fuerit antè, an post Christi resurrectionem? Omnino incertum est, quidquid verisimilius putem institutum esse dum Christus imponebat manus pueris *Matth. 19.* ista enim docent D. Thomas & Bacho, qui ultimus dicit Christum per illa verba, *spinite parvulos venire ad me, talium est enim regnum colorum,* docuisse Apostolos, ut augmentum gratiae post Baptismum manus imponerent baptizatis, per quod significatur Sacramentum Confirmationis de *Consecr. dist. 4. cap. Spiritus Sanctus*: P. Franciscus tamen de *Confirm. num. 6.* putat, hoc Sacramentum fuisse institutum inchoatè & quoad materiam designationem in ultima cena; quoad ministrum *Joannis 10.* cum Christus diceret: *Sicut misit me Pater, & ego mitto vos*: completè verò & quoad efficaciam ipso die Pentecostes.

3. Dico tertiò, hoc Sacramentum non est necessarium necessitate mediū aut praecepti: quia non constat ullum unquam praeceptum vel à Deo

vel ab Ecclesia circa hoc Sacramentum latum fuisse: quòd autem Tridentinum praecipiat, ne Episcopi conferant Ordines nisi confirmatis, solos Episcopos obligat: nec consuetudo fidelium suscipiendi hoc Sacramentum creditur sub obligatione peccati mortalis esse introducta. Undè qui sine contemptu & gravi scandalo omittit hoc Sacramentum suscipere, quamvis alia omnia etiam Ordinem sacrum suscipiat, non peccat, saltem mortaliter. Ita D. Thomas hic, quem sequitur P. Urbanus *tract. 1. cap. 37.* cum aliis pluribus apud Dianam *par. 3. tract. 4. resol. 25.* Ubi adverte ex Urbano *ibid.* non esse censendum illum hoc Sacramentum contemnere, qui non arripit primam vel aliam occasionem occurrentem, sed qui judicat illud tantum esse puerile, parvi momenti, vel indignum se: multa enim salubria animae omittimus praecise, quia non reputamus ea necessaria sine ullo contemptu. Interea obligatur Episcopus sedulo administrare hoc Sacramentum; ita ut graviter peccet, si multo tempore negligenter omittat confirmare: quia magno fructu spiritali privat oves sibi commissas. Ita Gobat in *Alphabeto confirmantium casu 21. num. 712.* post alios, inter quos Reverendissimus Jordanus Episcopus • Traguriensis *10. 1. elucubr. lib. 3. tit. 2. n. 14.* ponit sequentia. Non definiunt DD. tempus morae peccaminosa ad hunc effectum, sed arbitrium esse dicunt pro amplitudine diæcesis, populi, etq; numerositate, curarum multitudine, aliisq; circumstantiis definendum, inclinando semper ad frequentiam

tiam magis, quàm ad tarditatem; generaliter tamen loquendo non putarem esse damnabilem usum nostrarum partium, & multorum Episcoporum, alternis annis ministrandi: neque tamen propterea intelligo, præcisè damnare longiorei moram trium, vel plurium annorum, intercedente rationabili causâ.

4. Dico quartò, materia Confirmationis remota est oleum cum balsamo benedictione Episcopi consecratum; cujus congruentem rationem dat Bacho *suprà art. 2.* Proxima verò est ipsa unctio facta in fronte baptizati per modum crucis mediante pollice Episcopi. Sic habet communis praxis totius Ecclesiæ, ita ut nullum sit Sacramentum, si unctio fiat in alia parte corporis, prout ex variis Conciliis & summis Pontificibus demonstrat Mendo in *Statera benign. opin. differt. 12. Append. §. 1. num. 45.* quare contraria sententia Ledesinæ à Suarez *tom. 3. in 3. par. disp. 33. sect. 3.* temeritatis notâ incurritur.

5. Dico quintò, forma hujus Sacramenti est: *Signo te signo Crucis & confirmo te chrismate salutis in nomine Patris, &c.* quæ omnia esse de essentia, adeo ut in nullo casu, etiam dum adest innumerabilis turba confirmandorum, licitum sit uti unâ ex formis sequentibus; *Signo te chrismate salutis in nomine Patris, &c. Confirmo te in nomine Patris, &c.* Bene probat Burghaber *Centur. 3. casu 18.* & sic etiam habet usus continuus, traditio Ecclesiæ, & receptissima Theologorum doctrina. Datur insuper a papa ab Episcopo; per quod significatur, confirmatum debere

patienter ferre injurias pro fide, in cujus robur confertur hoc Sacramentum.

6. Dico sextò, effectus primarius generalis hujus Sacramenti est gratia habitualis: specialis verò sunt gratiæ actuales, sive auxilia specialia ad fidem constanter tuendam, & superandas tentationes contra eandem occurrentes: item & character. Adde hoc Sacramentum, cum sit vivorum, debere suscipi in gratia.

Petes in qua ætate homo sit confirmandus?

7. Respondeo, quamvis in primitiva Ecclesia solitum fuerit, pueros confirmari immediatè post Baptismum: modò Ecclesia consultius ducit, ut confirmandi habeant aliqualem rationis usum, quatenus sic majori cum reverentia hoc Sacramentum suscipiatur. Interea ultra rara est Episcopi præsentia, possunt infantes sine ulla culpa confirmari; quod & fieri expedit quibusdam in locis. Confirmandi etiam sunt perpetuò amantes ut supra citatus Gobat docet S. Thomâ & aliis citatis; quia sunt capaces effectus principalis hujus Sacramenti, augmenti scilicet gratiæ habitualis, sive sanctificantis. Adde tamen non esse repræhendendos parentes, qui secuti morem diœcesanum tales non præsentant Episcopo. Insuper juxta D. Thomam *q. 72. art. 8. ad 4.* etiam morituris Sacramentum hoc dandum est, circa quod refert Gobat varias historias, quibus declarat hoc Sacramentum collatum esse pluribus suspendendis: ex quo probatur *num. 736.* posse conferri extra Ecclesiam in loco

honesto, rationabili de causa addens tamen ; quòd si confirmanda esset multitudo, nullaque subesset rationalis causa, tunc vix se crediturum, id posse excusari à mortali, attentà generali consuetudine ; sed hic casus juxta ipsius opinionem non evenit.

8. Cæterum adde, etiam in Confirmatione adhiberi aliquem tenentem confirmandum, qui debet esse distinctus ab eo, qui confirmandum in Baptismo de fonte levavit : potest autem unus vel una ; non tamen unus & una ad id muneris admitti *ex cap. non plures, & cap. in Catechismo de consecrat. dist. 6.* quia Tridentinum de Baptismi patrinis loquens, Confirmationis mentionem non facit ; unde Sacri Canonnes illi vigorem retinent, ut notat P. Franciscus *supra num. 60.* Ita confirmandum tenens, dicitur patrinus vel patrina ; conahiturque cognatio spiritualis dirimens matrimonium inter tenentem & confirmatum, hujusque patrem & matrem.

9. In Belgio, præsertim Flandria & Brabantia, ut mihi notum est, solent confirmandi secum ferre fasciam lineam, quâ cingitur caput ob reverentiam sacri Chrismatis : hanc deponunt soli Sacerdotes postquam exsecratum est Chrisma : testatur tamen P. Gobat alibi se vidisse sæpius, postquam quis esset unctus, quòd unus ex assignatis Sacerdotibus spongiâ vel alio linteo detergeret frontem Chrismati. Idem etiam testatur Reverendissimum & Celsissimum Principem Episcopum

sux diœcesis aliquando imperitiis prope ter mille capitibus Sacramentum Confirmationis, observatò inter cætera hòc more, ut qui patrinos non habebant, confirmarentur sinè patrinis ; confirmati cingerentur fasciâ, cincti abirent ad locum vicinum, in quo plures Sacerdotes statim fascias deponerent, frontes decenter abstergerent, fasciasque in corbeim projicerent, quas pro aliis confirmandis adhibebant, qui non habebant. Hunc morem (inquit Gobat) meritò quis imitabitur, præsertim dum multitudo urgebit.

10. Pro complemento hujus materiæ pono hîc verba *Constit. Synod. Constant. tit. 7. num. 7.* Quòd (ne videl. susceptores Confirmationis iis, quos suscepunt, vel eorum parentibus alii quid tale, ex quo occasio hoc Sacramentum iterandi, quod sapius commissum est, præbeatur) ut præcaveri, & melius etiam de cognitione spirituali judicari queat, mandamus Parochis, ut confirmatos, & eorum compadres annum, mensem, diem collata Confirmationis servatis cæteris omnibus, qua de libro baptizatorum præscripsimus, in speciali libro, quantum fieri potest, inscribant. Verè multi abusus committuntur ex eo, quòd hoc non ubique observetur, scio ego aliquos notabiles commissos esse, propter quos solos optandum foret, ut illud mandatum ubique obligaret, & ab omnibus Parochis observaretur.

\*\*\*

DIS.

# DISPUTATIO IV.

## De Eucharistia.

### D V B I V M I.

#### Quid sit ; à quo, & quando sit instituta?

1. **D**ico primò, Eucharistia (quæ idem sonat quod bona gratia, aut gratiarum actio, ut magis arridet Cornejo) est Sacramentum, in quo sub speciebus panis & vini Christus secundum corpus & sanguinem continetur tanquam plena refectionis spiritualis: aut brevius, est Sacramentum corporis & sanguinis Christi. Ita Franciscus. Quòd sit verum legis novæ Sacramentum constat ex Florentino *cap. Firmiter* & Tridentino *sess. 7. & 13.* Quòd item in ea contineatur corpus & sanguis Christi, patet ex Scriptura *Ioann. 6.* ubi dicitur, *Panis, quem ego dabo, caro mea est: item caro mea verè est cibus:* ac *Matth. 26.* *Hoc est corpus meum; hic est sanguis meus:* ex quibus & aliis Scripturæ locis sententia hæc tam clara est, ut ipse Lutherus nõ potuerit convinci à dæmone, cum quo fateretur se circa eam disputasse. Nec ulli alteri potest esse dubium; cum enim Christus in ultima cæna per modum testamenti hoc Sacramentum instituerit, in quo condendo unusquisque solet uti verbis propriissimis ad removendam omnem rationem dubitandi circa voluntatem ultimam suam, non est,

quòd pateat effugium ad sensum figuratum & metaphoricum; contra quem insuper obstat perpetua Ecclesiæ ab Apostolis hucusque traditio, item Concilia ac SS. PP. Quorum loca per singulas ætates vide apud nostrum Waldensem: & pro clara solutione omnium argumentorum, quæ contrà hanc fidei veritatem ab Hæreticis communiter obijciuntur, vide Bachonem in *4. dist. 8. quest. 1. art. 1.* & Cornejo *tom. 2. tract. 4. circa quest. 75. art. 1. disp. 1. dub. 1.* benè & latè hanc fidei veritatem demonstrantem.

2. Dico secundò, hoc Sacramentum institutum est à Christo in ultima cæna, quando transiture de hoc mundo pascha cum discipulis celebrabat. Pater ex præcitatis Scripturæ verbis à Christo in cæna prolatis; & ex Tridentino *sess. 13. cap. 1.* Vide Franc. B. Spei de Eucharist. *disp. 1. num. 1.*

Petes primò, ex quibus essentialiter constituatur Sacramentum Eucharistiæ?

3. Respondeo inter varias Scholasticorum opiniones mihi probabiliorē videri sententiam Waldensis *tom. 2. de Sacram. cap. 2.* dicentis, *Est igi-*  
tur

*tur venerabile Sacramentum, verum Christi corpus in recto sub forma panis, quem connotat in obliquo: ubi per formam intelligit species, quas ait connotari, quia sunt pars minus principalis & incomparabiliter imperfectior hujus Sacramenti. Unde dum Busenbaum Waldensem falsi arguit, eò quòd doceat, corpus & sanguinem Christi esse totum Sacramentum, ipse à vero aberrat. Dico igitur cum Waldensi (quem nesciens sequitur Busenbaum) hoc Sacramentum ad æquarè consistere in solo corpore, sanguine & speciebus consecratis; quia ex una parte requiruntur species ad hujus Sacramenti essentiam, ut per illas constituatur signum sensibile: ex altera verò parte constat ex dictis *resol. 1.* in hoc Sacramento comprehendì corpus & sanguinem Christi. Quare non admitto sententiam Lugo, Martinon & aliorum recentiorum docentium, verba consecrationis esse de intrinseca constitutione Eucharistiæ; quia hæc est res permanens, diciturque sumi à Sacerdote, deferri ad ægrorum, servari in sacratio, &c. ut habetur in Tridentino *sess. 13.* quæ tamen non conveniunt verbis consecrationis. Nec obstat quòd Florentinum dicat, omnia Sacramenta perfici rebus & verbis; nam ad hoc sufficit quòd Eucharistia conficiatur verbis efficienter, si ve quòd in fieri verba includat; propter quod etiam verba dicuntur forma Eucharistiæ in fieri & extrinseca; ad quod non requiritur, ut intrinsecè constituent ejus essentiam; nam panis & vinum rectè dicuntur materia Eucharistiæ, licet ejus essentia nò intrent.*

4. Atque hæc nostra explicatio verborum Florentini optimè convenit cum aliis verbis ejusdem Concilii, quibus dicit, virtute verborum substantiam panis & vini in corpus & sanguinem Christi converti, ubi videtur insinuare Eucharistiam potius esse effectum, quàm partem in verborum consecrationis. Non admitto etiam sententiam Aureoli docentis, sumptionem esse partem constitutivam Eucharistiæ; quia manifestum est Eucharistiam esse perfectum Sacramentum antecederet ad sumptionem: quòd autem non conferat gratiam ante eam, solum arguit, ipsam sumptionem esse conditionem sine qua non causaretur gratia à Sacramento, ut sinit *Cornejo rom. 2. tract. 4. disput. 2. dub. 2.* ubi asserit, hanc esse communem doctrinam omnium Catholicorum; qui & *dub. 1.* agit contra sententiam Lugo, Martinon, &c. à nobis statim oppugnatam. Vide etiam Franciscum Bonæ Spei *disput. 1. num. 20.*

Petes secundò, an Eucharistia sit simplex, an duplex Sacramentum?

5. Respondeo, esse simplex, si ve unum totale Sacramentum, quod (ut potest institutum per modum convivii spiritualis) requirit cibum & potum spirituales sub utraque specie materiali. Ita D. Thomas cum cæteris communiter.

6. Dices, ergo laicus non recipit integrum Sacramentum, contra Tridentinum *sess. 21. cap. 3.* Respondeo in primis Tridentinum id non dicere, sed tantum, laicum sumere verum Sacra-

Sacramentum & integrum Christum. deinde potest dici sumere integrum Sacramentum, vel quia sumit integrum per concomitantiam, vel quoad ipsam refectionem animæ; licet non

sumat integrum quoad significatio- nem expressam integræ refectionis spiritualis, per ordinem ad quam sunt duo diversa partialia Sacramenta.

## DVBIVM SECVNDVM.

### *Qua sit Eucharistia materia?*

7. **D**ico, materia Eucharistiæ est panis & vinum de vite expres- sum. Ita definitur in Florentino & cæliis Conciliis: constatque ex Scrip- tura *Matth. 26. & Luca 22.* atque ita et- iam congruebat, cum juxta statim dic- tæ, Eucharistia instituta sit ad refe- ctionem. Debet autem panis esse triticeus sive confectus ex tritico seu frumento, quod in communi homi- num æstimatione habeat veram ratio- nem tritici: debet insuper esse panis vsualis confectus ex tritico & aqua naturali. Ita in praxi tenet tota Ec- clesia. Hinc non approbo sententiam Alani relatam à Bachone, quâ docet panem ex spelta confectum esse aptam materiam Eucharistiæ; quia spelta à tritico specie distinguitur; quod D. Thomas ex hoc probat, quòd granum tritici, ubicumque aut quomodocum- que seminatum, nunquam proferat speltam, aut è contra: nec puto esse verosimile, quod ait Alanus, scil. fru- mentum esse genus & non speciem grani, habereque sub se hoc genus, tri- ticum & speltam. Quia tamen teste Bachone, triticum & spelta quasi ni- hil differunt in spicarum formatione, in forma granorum, colore & sapore

panis, prout dicit se vidisse in Anglia; speltam habere pro materia dubia; quâ tamen moraliter loquendo nunquam licet uti, cum Eucharistia non sit ad sa- lutem absolutè necessaria, sive neces- sitate medii; quod benè notavit Fran- ciscus *disp. 2. num. 8.* qui *num. 10.* dicit, nomine panis triticeæ intelligi eum, qui à potiori parte tritici, non obsta- tibus admixtis nonnullis aliis granis, simpliciter triticeus dicitur. Cum videam Authores circa speltam tam scrupulosos, non possum non mirari P. Gobat in *Alphab. Sacrif. casu 2. num. 29.* absolutè docere, non solum speltam, sed & siliginem esse materiam Eucharistiæ, polleque in casu urgentis necessitatis licitè consecrari in siligi- ne, & in spelta etiam extra casum ne- cessitatis saltem in Germania.

8. Adde, ut Eucharistia licitè confi- ciatur, panem debere esse azymum, seu non fermentatum, ita statuente Ec- clesiâ, quia Christus in azymo conse- cravit, ut habetur *Matth. 26. & Marci 14.* Valet interim consecratio in fer- mentato, prout patet ex praxi Græ- corum, qui, permittente summo Pon- tifice, adhuc modò utuntur pane fer- mentato. Vide Franciscum *num. 11.*

Vuu

Quo-



Quoad vinum autem, debet esse de vite expressum, ut dictum est; unde non est valida consecratio in agresta, quæ est tantum in via ad vinum; nec in aceto, quia est vinum corruptum; potest tamen hoc Sacramentum confici in musto, si desit aliud vinum; nam juxta *exp. Sic in sanctificando de consecr. dist. 2.* possunt uvæ mature comprimi ac de vino extracto celebrari. Hæc omnia defendit Bacho. Caterum, an valida sit consecratio facta in materia, de qua dubitatur, an sit verum vinum, vel panis triticeus?

Videndum est, an materia præsens non sit distincta specie à vino de vite & pane usuali triticeo. Hinc docent varii apud Mendo in *sua Statera differr. 11. quæst. 4. num. 37.* si tritico ex quo fiunt panes rubri, quibus sigillantur Epistolæ, misceantur exigua grana cinnabarii, quo supersunduntur rubro colore, ita ut species tritici, & panis triticei non mutetur, esse probabilem materiam consecrationis: 'quidquid ipse magis in contrarium inelinetur, eo quod panis ille rubeus non sit panis usualis, quo homines utuntur ad nutrimentum & virium reparationem. Similiter apud eundem Mendo *quæst. 5. sequenti* Diana & Amicus (vix enim alius hanc quæstionem in terminis proponit) volunt esse materiam consecrationis vinum expressum ex uvis passis, eo quod sit verum vinum de vite, & Egyptii in eo consecrarent, ut referente Gabriele de Henao *par. 1. de Sacrif. Missa disp. 4. sect. 4. num. 21.* testantur Fagundez & Alvarez: ac si dicatur, illud non esse vinum ususale, respondebunt rationem ef-

se, quia in his partibus ex sensibus uvis non exprimitur nec defecatur, eo quod aliæ uvæ adsint ex quibus plus vini & minori labore extrahitur. Interea etiam hæc in parte contrarium sustinet ipse Mendo, quia præterquam quod, nisi plurima aqua immisceatur, nequit succus exprimi ex uvis passis nisi valde exiguis & crassus; sane is succus non est vinum, sed alia species liquoris dulcis, sicut succus expressus ex uvis non maturis non est vinum, sed acor, seu aggesta ut vocant. Ita Mendo, addens se credere Egyptios non exprimere succum ex uvis omnino passis, sed valde maturis, quæ latè vocantur uvæ passæ.

Petes primò, in quam magna & quam parva quantitate validè possit consecrari?

9. Respondeo, eam materiam validè consecrari posse quoad magnitudinem, quæ potest moraliter esse præsens consecranti secundum omnes suas partes, ita nimirum, ut juxta se totam demonstrari possit per pronomen *hec vel hi*. Quoad aliud verò sufficit qualibet quantumvis parva materia, si sit moraliter sensibilis. Ita Diana *par. 11. tr. 6. ref. 36.* pro se citans alios quadraginta septem. Sed petes, an ea parva materia debeat esse sensibilis ab ipso consecrante? Affirmat probabilius Cornejo loc. statim citando, & multi alii apud Dianam, ipso sustentente cum aliis, sufficere si ab alio sit sensibilis, ex cujus relatione Sacerdos possit esse certus; nam potest tunc, inquit, illud demonstrativo pronomine ostendere. Vide Cornejo *to 2. tr. 4. circa quæst. 74. disp. 2. dub. 2.* An autem vini guttulus re-

parata à reliquo continuo, calici adherentes sint consecrata? Pendet ab intentione consecrantis, quæ regulariter loquendo ad illas non extenditur, sed solum ad illud, quod est in calice per modum continui. Ita Diana *part. 2. tract. 3. res. 16. cum aliis.*

Potessecundò, quare addatur vino parum aquæ?

10. Respondeo, id fieri ex antiquissima traditione, & Ecclesiæ præcepto in memoriam, quod ex Christi latere effluerit sanguis & aqua: ac simul etiam ad significandam unionem populi Christiani cum Christo. Ubi

11. Adverte, aquam nunquam immediate converti in sanguinem, nisi prius conversa fuerit in vinum; quare apponenda est in parva quantitate, & PP. asserentes, aquam converti in sanguinem, intelligendi sunt de conversione mediata, prout communiter dicitur panis, aut cibus converti in substantiam fumentis, licet aliis conver-

sionibus mediatis: quidquid P. Franciscus hanc questionem problematicè defendat de Euchar. *disp. 2. num. 44.* Adde quod, si aqua post consecrationem tantum convertatur in vinum, manebit vinum; si verò gutta una aut altera sanguinis Christi miscetur alteri vino ejusdem speciei cum eo, in quo est facta consecratio, ut fit dum quis in Festo Nativitatis dicit duo Sacra consequenter, remanet ibidem sanguis, sicut species vini manent incorruptæ, cum partes homogeneæ non destruant se mutuo. Ne tamen hîc aliqui angantur scrupulis, appono, nonnullos absolute docere, aquam etiam immediate posse converti in sanguinem, in quorum sententia, non improbabili, quis excusari potest, quamvis aquam non in tam parva quantitate apponeret: quidquid bene moneat Franciscus B. Spei, aquam, quæ admiscetur, ut minus debere à vino longè superari.

## DUBIVM TERTIVM.

### *Quæ sit Sacramenti huius forma.*

12. **D**ico, forma panis est, *Hoc est corpus meum*, in quo omnes Evangelistæ conveniunt: nunc autem post istæ additur enim, quod Bellarminus l. 4. c. 14. dicit additum esse à S. Petro. Forma calicis est, *Hic est calix sanguinis mei*, vel *Hic est sanguis meus*; quæ ultima respondet formæ panis, & significat totum, quod fit in consecratione calicis; quamvis tamen prior usurpári debeat necessitate præcepti, quam Baltho per optime ostendit esse convenientissimam, credendumque, illam fuisse

acceptatam à Christo, ac ab Apostolis traditam. Cornejo *to. 2. tr. 4. circa quæst. 78. art. 3. disp. unica dub. 3.* sustinet, de essentia esse formæ calicis, *Hic est sanguis meus novi testamenti, qui pro vobis & pro multis effundetur in remissionem peccatorum*, pro secitans D. Thomam & alios; licet contrarium doceat dub. 2. de verbis calix, enim, & æterni, mysterium fides, eò quod illa non reperiantur in aliquibus antiquissimis liturgiis præsertim Græcorum: Additque dub. 3. particulam *pro vobis* includi in particula *pro multis*

multis, & particulam in remissionem peccatorum in particula *pro vobis effundetur*, ideoque quamvis non exprimitur formaliter, nihilominus formam consecrationis manere, integram essentialiter: dixerat item, nostram sententiam de his solis verbis, *Hic est calix sanguinis mei*, vel *Hic est sanguis meus*, esse probabilem & magis communem. Quidquid sit, necessàriò semper addi debet. *novi & aeterni testamenti, &c.* ita ut mortaliter peccet omittens; tum quia sunt materia notabilis, tum quia non est omninò certum, ea non esse de essentia formæ. Secus dic de omittente *enim* in forma panis, ob rationem oppositam. Vide circa hæc Franc. B. Spei disp. 3. dub. 1. & 2.

Petes primò, quænam præsentia hostiæ requiratur ad valorem consecrationis?

13. Respondeo, requiri præsentiam moraliter sensibilem: patet ex verbis formæ *hoc est, hic est*: non requiritur tamen, ut actû vel videatur vel tangatur; verè enim de hostia existente in pixide clausa dicitur, *hæc est, hoc est*; sicut rectè dicitur de pecunia, quæ est in bursa clausa, *hæc est mea*: sufficit ergo & requiritur, ut materia possit digito demonstrari: quod fieri potest dum continetur in aliquo sensibilibiter præsentè, cum quo velut continente faciat unum morale, prout dictum est de pixide; tunc enim demonstrato continente, etiam demonstratur contentum: debet interim constare consecranti de materia contenta in dicto continente. An verò quis validè consecrare possit hostiam existentem post parietem vel tergum consecran-

tis; verius puto quòd non: in quo quoad primum omnes conveniunt, sicut & communiter quoad secundum; quia talis hostia non est simpliciter demonstrabilis per pronomen hoc. Dico simpliciter; quia si quis hostiam à tergo digitis teneret, validè possit eam consecrare, quamvis illicite, ob irreverentiam. Vidè Dianam par. 10. tract. 16. resol. 41. per totam: & Franciscum disp. 2. num. 73. & seq.

Petes secundò, an plures valeant consecrare eandem hostiam?

14. Respondeo affirmativè, si plures simul formam consecrationis super eandem hostiâ prolatam finiant: quia tamen id est moraliter impossibile, debent novelli Sacerdotes, dum cum Episcopo consecrant, permittere, ut Episcopus parum ante ipsos formam finiat: quòd si Episcopus secreto eam proferat, consultius formabunt hanc intentionem conditionatam, consecrandi videl. cum Episcopo si fortè simul cum eo formam finirent, vel tantum materialiter formam pronuntiandi, ne aliàs ab eodem ministro non conficiatur integrum sacrificium.

Petè tertio, quid fiat prolata formâ?

15. Respondeo, in consecratione panis fieri veram conversionem substantiæ panis in corpus Christi; de pane enim fit transitus ad Christi corpus remanente aliquo communi in genito, quod antea fuerat in corrupto; quia remanent species & accidentia, quæ erant ante: pariformiter loquere de consecratione vini.

16. Dicitur dicta conversio transsubstantiatio, eò quòd una substantia transeat in aliam: Hæreticum namque est dicere, post consecrationem remanere substantiam panis; quia contrarium definit Tridentinum *sess. 13. can. 2.* Atque hæc conversio fit vi verborum; si enim non fieret, verba non essent vera, cum hunc sensum haberent, *Panis est corpus meum*, qui est falsus. Per concomitantiam insuper, sive propter naturalem connexionem cum corpore & sanguine Christi, sub specie panis & vini ponitur anima Christi, ejus divinitas, ac tota sanctissima Trinitas; item per eandem concomitantiam sub specie vini corpus: pro quibus vide Tridentinum *sess. 15.* à principio, ac Bachonem in 4. *dist. 8. quest. 5. art. 5.* ubi dicit, congruè recitari hos duos versus salutando hostiam consecratam, *Salve salus mundi, verbum Patris, Hostia sacra, viva caro, deitas integra, verus homo*, quos asserit scriptos vidisse in glossa cujusdam decretalis; quibus nos Carmelitæ utimur in Missa ante communionem. Vide circa hæc omnia

Cornejo tom. 2. tract. 4. circa *quest. 76. art. 2. disp. 1. & 2.*

17. Quæres fortè, quomodo adhuc verificetur forma consecrationis cum remaneant species panis & vini? Respondeo per pronomen *hoc* non demonstrari species panis, sed ipsum solum corpus succedens substantiæ panis. Nec refert, quòd corpus Christi necdum existat dum profertur *ly hoc*; quia veritas & significatio propositionis practicæ pendet ab omnibus suis partibus simul: unde cum in nostro casu per formam ponatur, quod significatur in fine propositionis, omninò vera est dicta forma; sicut vera esset propositio, quâ quis, acceptâ à Deo potestate creandi hominem his verbis; *hic est homo*, eadem verba proferret, quamvis necdum esset homo eo tempore, quo proferret pronomen *hic*: quod autem hæc propositio foret vera, patet, quia faceret quod significaret, & prædicatum identificaretur subjecto expletâ propositione. Vide circa hæc P. Franciscum *disp. 3. num. 39. & seq.*

## DVBIVM QVARTVM.

*An & quomodo communicans debeat esse in gratia?*

18. **S**uppono, non requiri, ut quis accedat sine omni peccato veniali, cum nullum existeret præ-

ceptum pœnitendi de venialibus antè communionem; ac licèt, qui in peccato veniali est, non accedat cum

Vuu 3 abso-

absolutè summa reverentia, accedit tamen reverenter; neque in toto, neque in parte per hoc impedit effectum Eucharistiæ: quodd enim per aliquam actionem removetur sine resistantia (sicut remouentur peccata venialia habitualia per sumptionem Eucharistiæ) non potest impedire effectum ipsius. An verò accedens cum peccato veniali actuali peccet venialiter? Res est dubia, etiam probabilius iudicem quodd sic, cum Cornejo *rom. 2. tract. 4. circa quæst. 80. art. 4. disp. unicâ dub. 1.* contra Valquez. Movet me, quodd talis accedat cum irreverentia positiva, & aliquo modo impediatur Sacramenti effectum; obest enim fervori charitatis, quem ex opere operato excitaret. Addo certum esse, peccare venialiter communicantem ob vanam gloriam vel alium finem venialem, de quo non procedit quæstio, sed de eo, qui v.g. communicat proferendo verba otiosa, vel cum actuali aut virtuali affectu peccandi venialiter transactâ communionem. Vide etiam Tamburinum *opuscul. 2. cap. 1. §. 5.* & Franciscum B. *Speci. disp. 7. n. 64.*

19. Dico, ante susceptionem Eucharistiæ requiritur status gratiæ; nam hoc Sacramentum est vivorum: & ita quidem, ut majus peccatum sit communicare cum majoribus aut pluribus peccatis, quàm cum minoribus aut paucioribus, quamvis non sit necesse hoc in confessione exprimere: sicut probabiliter non debet explicari an quis post integram refectionem, an post bolum aut alterum Euchari-

stiam sumpserit, licet prius sit majus peccatum ob majorem irreverentiam ratio est; quia in iis non mutatur peccati species.

20. Adde non sufficere, quodd ante communionem eliciatur contritio ab eo, qui est in peccato mortali, sed requiritur confessio, ut definitur in Tridentino *sess. 13. cap. 7.* hæc S. Pauli verba, *probet se ipsum homo, & sic de pane isto edat, &c.* explicante, de probatione per Sacramentalem confessionem & absolutionem. Interea adhuc potest sufficere contritio concurrentibus duabus circumstantiis, dum scilicet. urget necessitas & deest copia Confessarii. Ita Bæcho in *4. distinct. 9. quæst. 2. art. 1.* adducens Glossam *de Celeb. Miss. cap. hominem in fine.* Sic excusari potest Pastor ruralis, qui, dum heri mortaliter deliquit, tenetur ex officio hodie, ut potest in die dominico aut festo, aut pro præsentem defuncto celebrare, & proximus Confessarius abest ad tantum spatium, ut si eum adeat, vel cum scandalo debeat sacrum plus solito differre, vel se exponere periculo nocendi sanitati, vel ad sint alie molestiæ graves: pro quo vide P. Franciscum *loc. cit. n. 79.* excusari similem Pastorem P. Joannes à Conceptione in *compendio Leonardi de Sacram. tract. 7. disp. 7. num. 10.* licet ad sit Confessarius, si cum eo habeat rixas & inimicitias: hocque extendit etiam ad illos qui urgente necessitate in præsentia solius talis Confessarii cum perfecta contritione communicant: quia nec Deus, nec ejus Ecclesia obligant ad confitenda peccata hosti, cum quo quis iratus est, in-

quit



quit. Si hæc, in terminis ita generalibus prolata, vera essent, nimis sæpe rustici essent absque copia Confessarii, dum scilicet totus pagus est in rixa contra Parochum; quare illa iudico tantum vera esse, ubi rixæ & inimicitie adeo graves sunt, ut prudenter timeri possit, ne similis Confessarius revelet confessionem: illud tamen vix prudenter timeri posse dicimus infra *disp. 5. n. 243.*

Interea à præmittenda confessione certò excusatur sacerdos, qui post consecrationem recordatur peccati mortalis non confessi, eò quòd tunc sit magis periculosum dimittere sacrificium, quod est contra perfectionem ejusdem, quàm contritè pergere, quod tantum pertinet ad conditionem sumentis: quod si tamen fieret memor ante Consecrationem, tunc deferret missam inceptam, nisi timeretur grave scandalum. Ita ferè verbotenus idem Bacho *disp. 10. quest. 1.* parum post initium, ubi dicit prædictum per invisibilem Pontificem Jesum Christum absolutionem consequi pro illa vice. Hæc extende cum aliis communiter ad saccularem, cum aliis in scamno communionis existentem, qui recordatur peccati mortalis, nec abire potest absque gravi scandalo aut infamia; imò etiam si sine scandalo & infamia recedere posset ad confitendum, non obligat eum Tamburinus *opuscul. 2. cap. 1. §. 8. num. 63.* eò quòd irreverenter se gereret inchoatam quasi actionem sine clara necessitate relinquendo.

21. Verum hoc ego non admitto, & multò minùs id quod generaliter docet Ferrantinus, nempe dum quis in ordine ad communionem confessus

est, & postea recordatur alicujus peccati mortalis obliti inculpabiliter, non teneri eum illud confiteri antè communionem, licet possit absque nota ignominie: id inquam nullatenus admitto, quia Diana *par. 11. tract. 1. resol. 40.* adducit celeberrimos auctores censurantes hanc sententiam, testaturque illam ex ordine supremi Tribunalis S. Inquisitionis Hispaniæ expunctam esse ex operibus Magistri Cornejo, quem proinde frustra pro se citat Ferrantinus, quidquid in cæteris doctissimè scripserit: atque ipse Cornejo *tom. 2. tract. 4. circa quest. 80. art. 4. disp. unica dub. 3.* subdit, nostram sententiam amplecti à viris timorata conscientie; ac quamvis Franc. B. Spei *de Euchar. disp. 7. n. 85.* benè probeat, speculative loquendo, tunc non videri confessionem necessariò præmittendam communioni (ut rectè dicit notare Nostrum Cornejo; per quod fortè poterit excusari;) *num. tamen 86.* subdit in praxi omninò tenendum quòd sic: eum consule.

22. Adverte interea hanc esse differentiam inter dictum laicum existentem in scamno communionis & Sacerdotem in Altari; quòd nimirum Sacerdos teneatur postea quàm primum confiteri, non verò laicus; ut constat ex Tridentino *sess. 13. cap. 7.* illud autem quamprimum juxta P. Urbanum *tract. 1. cap. 36.* idem est, ac primò datà occasione, quam meo iudicio tenetur opportune quærere, simul ac sacrum suum finierit. Undè malè dicit Diana Ly quamprimum idem esse ac intra triduum. Pejus Binsfeldius vult idem esse ac, antequam iterum celebret; quidquid Gobat

in *Alphab. Commun. casu 16. num. 245.* audacter asserat, interpretationem Binsfeldii videri usu receptam in Germania, neque esse ex decem Sacerdotibus unum, qui arbitraretur, se peccare mortaliter, non confitendo primâ datâ occasione, nec intra triduum. Verè modò omnes omninò Sacerdotes arbitrari debent, se in dicto casu peccare mortaliter; nam nuperrimè ab Alexandro VII. sequens propositio est damnata. *Illâ particula quamprimùm intelligitur, cùm Sacerdos suo tempore confitebitur: per quâ interpretatio Binsfeldii etiam videtur damnata, cum ly suo tempore in sensu idem sit quòd, antequam iterum celebret:* undè illam malè admittit P. Gobat. Adhuc peius Ledesma, & Villalobos apud Tamburinum sustinent, illud mandatum Tridentini solum esse consilii, non præcepti: quia in eodem decreto damnatur & sequens propositio. *Mandatum Tridentini factum Sacerdoti sacrificanti ex necessitate cum peccato mortali confitendi quamprimùm, est consilium, non præceptum:* in qua illorum Authorum doctrina in terminis damnatur, quam malè tanquam probabilem admittit Joannes à Conceptione *lo. suprâ cit. num. 16.* ubi iudicat *probabilis* in illis verbis Tridentini contineri præceptum. Malè item de novo Gobat in *Alphab. Sacrif. casu 14. num. 439.* docet, verba Tridentini habere hunc sensum: *Tenetur sub veniali confiteri: aut etiam; Suademus, ut confiteatur quamprimùm, &c.* Nec ampliùs dicat, hanc utramque leniorem expositionem esse practicè tutam: Tamburinum insigniter probare utramque hanc expositionem, &c.

Adverte insuper & hanc esse differentiam inter communicantem & celebrantem indignè, quòd primus unicum, secundus duo peccata gravia committat, unum conficiendo, & aliud sumendo Sacramentum Eucharistiæ in statu peccati mortalis. Undè non sufficit si talis Sacerdos in confessione dicat, se communicasse in tali statu, sed debet addere, se etiam consecrassè, vel simpliciter, se in mortali peccato Missam celebrasse, in quo utrumque includitur. Si tamen post consecrationem eliciuisset contritionem perfectam, deberet exprimere se solum in mortali consecrassè.

23. Adde præter statum gratiæ ad consequendum effectum Eucharistiæ, requiri intentionem actualem vel saltem virtuales communicandi: qui enim comederet Hostiam consecratam præcisè ut famem extingueret, non communicaret, nec formaliter susceperet hoc Sacramentum: quidquid P. Franciscus n. 58. ostendat præter duo jam dicta, non requiri necessariò devotionem actualem.

Peteshic fortè, an pollutio nocturna impediatur communionem?

24. Respondet Bacho *suprà art. 2.* abstinendum esse si acciderit cum peccato mortali; additque ante hujus Sacramenti susceptionem etiam à propria uxore abstinendum esse tribus, quatuor, quinque, aut etiam octo diebus, prout ait haberi *de consecr. d. 2. omnis homo:* verùm hoc intelligendum est, nisi alter conjugum debitum exigit, quò casu, ipsomet teste, reddens communicare potest.

imò

imò & petens causâ procreanda prolis. Item si quis exigit infirmitate ductus, quamvis melius sit abstinere simpliciter loquendo eodem die à communionem; poterit tamen adhuc eam sumere, si ratio vel devotio specialis adsit: quia, ut idem Bacho restatur, glossa super dicto cap. omnis homo, docet, abstinentiam ab uxore consilii esse non præcepti. Ita etiam ferè loquitur Sylvius in 3. par. quæst. 80. art. 7. & Sancius ostendit, nullum peccatum mortale, si de eo peccator pœniteat & confiteatur, impedire communionem; qui se fundat in Tridentino sess. 13. cap. 7. dicente, illum dignè & sanctè Eucharistiam suscipere, qui nullius criminis mortalis sibi conscius est, aut si sit conscius, dignè accedet se per confessionem probando.

25. Nec gravabor hîc ad longum ponere, ad tollendos multos scrupulos, quæ habet Noster Franciscus disp. 7. suprâ num. 18. Culpa non est, etiam venialis, ad hoc Sacramentum accedere post pollutionem fluxu naturali, vel copulam conjugalem bene ordinatam, licet seditas corporalis, aut mentis distractio remanens, & devotionem ac attentionem debitam impediens, prout lacera ornamenta, facies & manus illoræ, &c. interdum ex decencia suadeat Sacramentum hoc differre; & propterea sit Regula Carthusian. p. 1. cap. 24. statutum, quo probi-

betur, ne, qui nocte pollucus est, manè celebret, etiamsi citra culpam pollucus sit; quod, utpotè à summo Pontifice approbatum, reprobare non ausim, licet non purem obligare, si à tali sub honesta excusatione, si nē nota, Sacrum omitti non possit, ob dicenda num. 53. Imò, quia sæpè pollutiones illæ à demone excitantur ad devotionem distrahendā, & aliunde Eucharistia, utpotè generans Virgines, multum servit ad servandam omnem mentis & corporis turpitudinem, puto statutum illud non esse ex inrentione obligandi, sed commendandi castitatem; alioqui esset impediturum majoris boni; nam absolute illis (quidni conjugatis post copulam, imò & voluntariè pollutis, quibus assuetis frequens communio, ut remedium singulare suaderetur, & in variis effuscax comprobavi, jam perfectè contritis & confessis) melius est communicare, quàm non communicare; imò ob rationem datam videtur consilium dandum, ut communificent, quidquid passim dissuadeant Confessarii. Ita ille. Vide etiam P. Gobat in Alphab. commun. casu 20. num. 350. & seq. qui adfert exemplum magni peccatoris, qui communicando ad mandatum sui Confessarii eo die, quo se polluerat, à pessima consuetudine liberatus est.

\* \*



extrinseco priùs in illum quomodo-  
cumque immittentes. Sed

28. Quid dicendum de tabaccho ?  
Respondeo ante communionem su-  
mere tabacchum, sive per modum fu-  
mi, sive per modum pulveris aut folii  
quod masticatur & illico expuitur,  
esse valdè indecorum: peccati tamen  
mortalis absolutè & per se damnare  
non audet Marchantius, citans Dia-  
nam par. 5. tract. 13. resol. 1. & alios;  
quidquid id meritò prohibeatur gra-  
vissimè in Diœcesi Tornacensi, in Sy-  
nodo Mexicana III. & Limesi III. ex  
quibus colligitur, non adèò tutè  
quosdam id prædicare quolibet præ-  
textu. Ita Marchant. in resol. Past. cir-  
ca Sacram. tract. 2. in append. ad cap. 2.  
qui parum antè excusat à fractione di-  
cti jejunii degustantem aliquid juru-  
lenti ut percipiat saporem, si statim  
expuit; licèt quid censeatur relin-  
qui in palato, quod per modum salivæ  
postea deglutatur. Vide etiam Le-  
zanam verbo *Eucharistia* num. 16. ubi ab-  
solutè docet sumptionē tabacchi sol-  
vere jejunium naturale; quod dicit  
constare ex multis experientiis pluriū,  
qui ex solo tabaccho sunt sustentati;  
undè ait, sibi non placere sententiam  
Dianæ, nisi intelligatur de sumptione  
tabacchi in tam parva quantitate,  
ut moraliter certum sit, nihil ipsius  
substantiæ ad stomachum pervenisse.  
Interim adhuc Tamburinus *opusc.* 2.  
cap. 2. §. 6. num. 23. hæc habet, *sum-  
prio tabacchi per nares sive in folio, sive in  
pulvere, sive in fumo, non solvit jejunium,  
quia non est comestio vel potatio.* Idem  
de uovo pluribus citatis docet Burg-

haber *Centur.* 3. casu 45. solum excipi-  
ens sumptionem tabacchi extraordi-  
nariam, ut si quis tabacchi folium in  
os admissum deglutiret integrum; is  
enim frangeret jejunium naturale, in-  
quit, cum in morali Ecclesiæ judicio  
comedissee censeretur. Particulariora  
resoluta invenies apud Franciscum  
Bonæ Spei de *Euchar.* disp. 7. num. 20. &  
*sequent.* qui & num. 34. invehitur me-  
ritò in D. Caramuelem *Theol. fund.*  
*fundamento* 67. num. 1329. dicentem;  
*Respondent aliqui levem comestionem posse  
esse irreverentiam: sed hoc falsò supponi-  
tur; comedere enim post Eucharistiam, non  
est irreverentia: ergò nec comedere ante Eu-  
charistiam, &c.* Accicètènd Franc. n.  
37. ostendat, Caramuelem valdè in-  
efficaciter à se ipso allegata solvere in  
sua *Theologia resolutiva* num. 2007. ipse  
tamen omninò efficaciter ea refutat;  
sicut & alia, quæ à Caramuele in  
tota sua *Theol. fundam.* adferun-  
tur, in suis propriis locis solidissimè  
reprobat.

29. Si petas an antè communio-  
nem necessariò præmittendus sit  
somnia? Respondeo negativè cum  
D. Thoma, nostro Bachone & aliis  
communiter contra Hostiensem, qui  
pro opposita sententia allegat illud  
*lib. 5. de accusationibus, si constiterit;* sed  
immeritò, ut ostendit Bacho, quia  
illud caput loquitur de Sacerdote,  
qui in taberna pernoctavit, sive totà  
nocte mansit, bibendo scil. post medi-  
am noctem.

30. Adverte tamen Eucharistiam  
posse sumi à non jejuno, primò ob ne-  
cessitatem susipientis, ut in periculo

mortis; quando etiam sæpius à non je-  
juno infirmo sumi potest si periculum  
perseveret, non tamen indies ob reve-  
rentiam, sed octo vel decem interje-  
ctis diebus, prout docet *Lezana supra*  
*num. 17.* & *Urbanus lo. cit. in fine.* quid-  
quid Diana cum aliis solum requirat  
tres dies interponi; & aliqui velint,  
id licere singulis diebus; inter quos  
sunt Hurtadus, Layman, Leander, &  
Dicastillus apud Dianam *par. 11. tract.*  
*6. resol. 17.* Quale autem, & quantum  
debeat esse hoc periculum mortis, me-  
dici aut aliorum prudentum judicio  
relinquitur, melius quam aliundè de-  
terminetur: absolūtè interim minus  
periculum requiritur, quàm ad extre-  
mam unctionem; eò quòd morti pro-  
ximus non cum tanta devotione possit  
communicare. Neque est scrupulo-  
sè hic agendum, inquit Tambutinus;  
adeoque incommoditas infirmi, vel  
ejus qui eum communicare debet, ex-  
cusat à jejuniò, ut si infirmus non pos-  
sit manere jejunus, nisi parum post  
mediam noctem, poterit vespere com-  
municare non jejunus, ne Sacerdos te-  
neatur medià nocte surgere: sic etiam  
excusatur Parochus, qui manè in Ec-  
clesia impeditus, expeditius serò ac-  
cedit ad ægrotum non jejunum com-  
municandum. Hæc ille. Addo P.  
Gobat in *Alphab. commun. casu 12. num.*  
*191.* citatis Authoribus docere, Ca-  
pellanum Monialium pro communi-  
canda ægrotis posse ingredi mona-  
sterium, quoties ipsa petet, vel ex vi  
Regulæ, & consuetudine monasterii,  
vel quoties solita fuit communicare  
sana: cave interim hic aliorum offen-  
sas, & scandala.

Potest secundò quis non jejunus  
communicare ut servet integritatem  
sacrificii, de quo parum post, ubi de  
*Missæ*. Tertiò, ad vitandam Sacramen-  
ti longè majorem irreverentiam, ut si  
esset periculum ne hostiæ consecrata  
incidant in manibus Judæorum vel hæ-  
reticorum v. g. Ita *Lezana num. 17. cit.*  
An verò sacerdos possit celebrare non  
jejunus, ad dandum viaticum infirmo  
morti proximo, dum non adest hostia  
cōsecrata? Variant DD. & quamvis  
communior sententia neget, affirmat  
tamen probabiliter Layman, cui fa-  
vent Suarez & Granadus. Cæterum  
modò quis sit jejunus, potest commu-  
nicare quacumque horâ, ut omnes  
communiter docent, contra Pat' quali-  
gum volentem restringere tempus  
communione ad tempus celebratio-  
nis, sed malè, nam si in odiosis com-  
municans veniret nomine celebrantis,  
plūs hoc haberet locū in favorabilibus,  
adeoque posset quis in festo natalis  
Domini tertiò communicare, quod à  
nullo admittitur. Quod enim D. Ca-  
ramuel *Theol. Fund. Fundamento 67. n.*  
*1328.* varia in contrarium adducat,  
quæ nec ipsemet in sua *Theol. resolu-*  
*tiva* benè solvit; nihil refert: quia ea  
soluta habes apud supradictum Fran-  
ciscum *disp. 7. cit. num. 13.* ubi *num. 16.*  
D. Caramelem magnè levitatis me-  
ritò arguit, uti ipsum legenti constab-  
it: monètque unumquemque his ver-  
bis: *Tu igitur attende ad rationes à nobis al-*  
*latas, & si te non convincant, suppone tan-*  
*quam filius obediens, non deesse Ecclesiæ for-*  
*tiores, potius quàm dicas eum Caramele,*  
rationem levem proponi; nullas esse  
causas vel fortè leves.

Petes

Petes primò, an aliqua infirmitas impediatur communionem?

31. Respondeo nullam infirmitatem (nequidem fluxum menstruum, quem hîc exprimit Gobat) per se impedire communionem; nisi fortè timeatur vomitus statim post illam sumptam: nam si infirmitas ex se nullo sumpto cibo causet frequentem vomitum, infirmus non erit communicandus, nisi per aliquas horas vomitus cessaverit, & judicetur per horam vel circiter à communionem cum non vomiturum. Quòd si fortè casu sacra hostia vomitu redeunte redederetur, deberet reponi in locò aliquo sacro, ac species, ubi corruptæ essent, in sacrarium recondi. Dixi *& judicetur per horam à communionem cum non vomiturum*; quia post horam communiter censentur digestæ species, licèt stomachus validus citius quàm infirmus eas digerat. Imò Lugo de Euchar. disp. 10. sect. 3. num. 54. ex medicorum sententia, ut putat, docet minorem hostiam corrumpi in sexagesima parte unius horæ, hostiam verò majorem cum speciebus vini, spatio semiquadrantis vel saltem quadrantis: ex quo deduci possèt, non esse contra reverentiam ante finitam horam à communionem vomitum permittere aut procurare. Abstineatur tamen quantum fieri potest, quia hæc non certa; nam Tamburinus testatur, se novisse infirmum, qui hostiam sacram adhuc integram post mediam horam à sumptione evomuit. Interea si quis sentiret, vel à fide digno intelligeret species à se sumptas fuisse veneno infectas, posset

statim à communionem procurare vomitum, ne vita periclitetur. Sed quid de energumenis? Si irreverentiæ, vomitus & scandali periculum absit, illis sacra communio valde utiliter ministratur, sive ad vires dæmonis debilitandas, sive ad proprias ipsius energumeni, & in afflictione sua patientiam augendum, ac terrores minuendum. Ira Franciscus disp. 7. num. 8. remittens ad Concilium Eliberitanum cap. 18. & Arausicanum l. can. 14.

32. Petes secundò, an statim à communionem licitum sit spuerere, & comedere? Respondeo & dico primò, quamvis decens sit aliquamdiu expectare post communionem à spuendo, non est tamen illicitum, statim ac constat nullum ampliùs fragmentum in ore remansisse, expuere; nullo namque præcepto hoc vetatur, neque est periculum irreverentiæ, quia sputum juxta medicos ex capite in os defluit, species verò in stomacho continentur: ex quo Tamburinus infert, licere post communionem sputum sive salivam Tabacho, pipere, &c. evocare sinè periculo irreverentiæ.

33. Dico secundò, etiam nullum exstat præceptum differendi communionem ad certum tempus post communionem; licèt tamen reverentia tanto Sacramento debita exigere videatur, ut non statim ad comedendum accedatur, nisi necessitas urgeat. Nulla etiam lex jubet deponi gladium ante communionem, nec consuetudo videtur obligare, nisi fortè aliquando ratione scandali.

Petes fortè tertio, an augeat malitiam,

Xxx 3

tiam, quòd quis peccet ipso die communionis ?

34. Respondeo in primis esse certum, id non posse mortaliter aggravare, si desit contemptus; non est enim

ex quo cap. tanta gravitas oriretur: decens tamen est, & adhuc fideles exhortandi sunt, ut eo die diligentius studeant se in piis operibus exercere.

## DVBIVM SEXTVM.

### De Ministro Eucharistia.

35. **C**ertum est apud omnes Catholicos, Ministrum conscientem hoc Sacramentum esse solum Sacerdotem legitime ordinatum, eumque omnem; unde Sacerdos excommunicatus, hæreticus, infidelis; imò & degradatus, validè semper conficit hoc Sacramentum, dum super debitâ materia profert formam à Christo institutam cum intentione consecrandi. Dixi *Ministrum conscientem*; quia quoad administrationem seu distributionem hujus Sacramenti, potest ea à Sacerdote quandoque committi Diacono si adsit necessitas; ut dum quis versatur in articulo mortis, nec adest Sacerdos, cui id possit committi; quod habetur ex Conciliis Nicæno, Arelatensi & Carthaginensi 4. Ceterum ordinarius Minister distribuens etiam est Sacerdos, prout patet ex *cap. pervenit de consecr. dist. 2.* & quidem ille dumtaxat, qui habet potestatem jurisdictionis, vel ordinariam vel delegatam; quia dispensatio Sacramentorum de jure pertinet ad Pastorem spiritualem. Neque unquam potest hoc munus committi Subdiacono aut alteri Clerico; quod Lezana asserit constare ex *tit. cap. pervenit*, & Ecclesiæ

consuetudine; quidquid Suarez, Coninck, Layman, & Præpositus apud Busenbaum, & ipse Lezana *verbo Eucharistia num. 15.* doceant, probabile esse, in extrema necessitate, etiam laico licere alium communicare, si desit periculum scandalii. Vide etiam Dianam *par. 11. tract. 7. resol. 43.* ubi recentior hanc difficultatem latè discutit, ac firmat sententiam affirmativam; quod & facit P. Gobat *casu 22. num. 445. & seq.* Nec non Burghaber *Centur. 3. casu 69.* qui & plures alios citat.

Petens primò, an quis possit communicare seipsum?

36. Possè quemcumque etiam laicum in extrema necessitate, saltem probabiliter, docent illi quinque statim citati; pro quo Lezana adfert exemplum celeberrimi illius Reginae Scotiæ in Angliâ morti proximæ; & ulterius probat, quia licet hoc Sacramentum non sit tam necessarium quàm pœnitentia, est tamen valde necessarium; & ex alia parte hoc non est contra Jus divinum, cum in eo stando olim fideles propriis manibus communicarent se ipsos, ac sacras Hostias domum conferrent, prout historiæ referunt: nec jus humanum *cap. pervenit*, sicut nec

con-

conſuetudo videntur obligare in caſu tam gravis neceſſitatis, vel ſaltem maximæ utilitatis. Ita Lezana & plures alii apud Dianam *par. 5. rr. 3. reſol. 47. ac par. 3. tract. 4. reſol. 47. Ubi reſol. 48. ſeq.* ſuperaddit; licitum eſſe Sacerdoti, etiam extra articulum mortis, ſepſum communicare, ſi nequeat celebrare, & adſit cauſa rationabilis & deſit ſcandalum; quia non debet hîc ex ullo cap. eſſe diſtincta perſona miniſtrans & ſumens, etiam extra celebrationem; cùm in die Paraſceves Sacerdos ſe communicet & tamen non celebret: ita etiam docet Lezana; licet uterque velit, debere potiùs Sacerdotem recipere Euchariftiam à Diacono ſi adſit; & Tamburinus dicat, utrumque æquè eſſe licitum. His omnibus etiam ſubſcribit P. Franciſcus Bonæ Spei *de Euchar. diſput. 8. à num. 7.*

Petes ſecundò, an licitè Sacerdos alicui communicaturo det particulam ſuæ Hoſtiæ majoris?

37. Reſpondet Lezana *num. 22.* id non poſſe communiter fieri, eò quòd ſit contra uſum Eccleſiæ & cæremonias Miſſalis: ſi tamen caſus rarus occurrat, ut cum perſona notabilis vellet communicare, nec eſſet alia Hoſtia, tunc, inquit, id licitè fieri poterit. Verùm Diana *par. 1. tract. 14. reſol. 37. par. 3. tract. 4. reſol. 34. & par. 10. tract. 11. reſol. 70.* pluribus ubique citatis (quibus ego jungo Burghaber *Centur. 1. caſu 73.*) docet, non requiri, ut petens ſit perſona notabilis, ſed ſufficere, quòd ſic communicaturus non habeat aliam Miſſam, vel cogatur diu exſpectare donec aliud Sacrum celebretur:

& Tamburinus aſſerit abſolutè, id non eſſe inconueniens, ob ipſam Chriſti primariam inſtitutionem, qui fregit panem & dedit. Ex quo Tannerus apud Gobat in *Alphabeto communic. caſu 21. num. 421.* inferit, in neceſſitate permiſſum eſſe, ut aliquam etiam magnam Hoſtiam in aliquot partes diuiſam præbeas accedentibus. Cave tamen, dum renouas Hoſtiam in Remonſtrantia expoſitam, illius loco reponas eam, quam unicam conſecraſti in tuo ſacrificio; quia ſic mutilares ſacrificium. Vide cap. *Relatum de conſecr. diſt. 2.* Cæterum dum Hoſtiæ parvæ conſecrandæ ſunt, debent turrè præparari ut in altari exſtent ante offeritorium: quod ita exactè requirit Bonacina, ut nullò intuitu velit illas poſſe conſecrari, ſi cum majori Hoſtia non fuerint ſuo tempore oblata; quia ad idem ſacrificium pertinent, ad quod Hoſtia maior. Verùm in hoc ipſi contrariatur Burghaber *Centur. 2. caſu 28.* quatuor aliis citatis, volens, ſatis rationabiliter, poſſe Hoſtias parvas cum majori conſecrari (oblatione earundem prius mente conceptâ) licet poſt præſationem tantum ad altare portarentur, ſi nimirum devotio aliquorum communicare deſiderantium id poſtulet: nam oblatio parvarum Hoſtiarum, neque ratione ſacrificii, neque vi præcepti congiungi debet cum oblatione Hoſtiæ majoris. Ita ille, reprehendens Gavantum volentem, id non eſſe licitum ſi parvæ Hoſtiæ afferantur poſt præſationem, benè ſi immediatè ante illam.

Petes tertio, an aliis diſtribuens communionem teneatur eſſe in gratia?

38. Re-

38. Respondet Marchant. in *resol. Pastor.* affirmativè, dicens, eum mortaliter delinquere si sit in peccato mortali & non conteratur; ita, inquit, habet Rituale Leodienſe & paſſim alia ritualia. Probatuſque primò; quia hoc miniſterium eſt diſpenſatio myſterii myſteriorum, quod paſſim SS. PP. vocant myſterium tremendum: ſanctà verò ſanctè tractanda eſſe, jure divino conſtat. Secundò hoc Sacramentum ſine comparatione excellentius eſt Arcà veteris Teſtamenti, cujus tamen parum digna tractatio Ozam Levitam percuffit. Tertiò SS. PP. ſummam puritatem in hoc miniſterio ſemper requiſiverunt: ergo, &c. Nec refert, quòd dictus diſtribuens non conficiat Sacramentum; quia etiam ut diſtribuens ſpecialiter repræſentat perſonam Chriſti, ac conſequenter ei ſe conformare debet; idque ſub culpa gravi, cum hujus Sacramenti adminiſtratio reputari debeat inter præcipuas functiones ſacerdotii Chriſti. Hæc & alia per optimè congerit Marchant. de *Sacram. tract. 4. cap. 10.* ſubdens, ſententiam oppoſitam eſſe contra totam ſcholæ antiquitatem. Verum his non obſtantibus?

39. Respondet Vasquez cum pluribus recentioribus (quorum ſententiam Diana reputat probabilem) prædictum diſtribuentem ſolum peccare venialiter, eò quòd levem tantum committat irreverentiam, cum ut ſic non ſit Dei Miniſter ad juſtificationem proximè, ſed tantum veluti applicans activa paſſivis, ut loquitur Diana *par. 1. tract. 7. reſol. 41.* quam doctrinam repetit *reſol. 59.* & iterum ver-

batenus, quæ dixerat *reſol. 41.* habet *par. 2. tract. 14. reſol. 23.* ubi addit, ſententiam Vasquez etiam probabilem reputari à Sylvio, Cabrera, & multis aliis: tamen tu tene primam ſententiam: quam abſolutè tenendam eſſe tradit Franc. B. Spei de *Sacram. in genere diſp. 4. num. 97. & ſeq.*

40. An autem prædictus toties mortaliter delinquit, quot perſonas diverſas comunicat? Affirmant Cönnick & Bonacina apud Baſſæum verbo *Sacramentum cap. 3. num. 8.* quia ponit tot actiones terminatas & completas. Ego contrarium judico probabilius cum Baſſæo, & Marchantio *tract. 1. ſuprà*, ubi ſic loquitur: Ego rem moraliter conſiderandam opinor; unde licet plures miniſtrandi actus phyſicè interveniant, moraliter tamen loquendo conſecratur idem miniſterium, in quod unica etiam voluntate ferrur Sacerdos: rectè ergo dicitur eſſe idem peccatum dum continuatur, & quamdiu notabilis mora aut interruptio non intervenit; ſicut licet Corporis & Calicis ſumptio diverſa ſint actiones phyſica, tamen non conſtituunt diverſa peccata in Sacerdote indignè ſumentem; quia ſunt una moralis ſumptio & participatio ejusdem ſacrificii: ſic dicat eſſe in caſu noſtro, licet interim ob continuationem non negem aggravari peccatum, ſicut & meritum augetur dum multis ſimul pie adminiſtratur. Neque verò puto ſimiliter judicandum de Sacramento Pœnitentia; quia quot pœnitentes abſolvit in peccato mortali, toties conſecratur peccare mortaliter: ratio diſparitatis adferri po-teſt, quia quot perſona accedunt, toties variatur judicium, novumque conſecratur Sacramentum, & toties forma ſacramentalis repetitur, animam ſanctificans. Huc-  
uſque

usque Marchant. quidquid Bassæus dicat oppositum quoad hoc ultimum etiam probabile esse, eò quòd etiam censeatur una moraliter Sacramenti administratio ad plures facta : quod

idem antè docuerat verbo *Confessarius*, cap. 4. num. 2. citans Rodriguez, Henriquez, Fagundez, Sylvium & Dianam. Vide etiam P. Franciscum *loc. cit.* num. 100.

## DVBIVM SEPTIMVM.

### *Quibusnam danda, vel neganda sit Eucharistia?*

41. **N**egandam esse pueris, omnes docent, donec actualiter usum rationis habeant. Diana tamen *part. 10. tract. 16. resol. 36.* ait, eam posse dari per modum viatici puero, de quo dubitatur, an ratione utatur, quod fieri potest circa ætatem 7 annorum; verum consuetudo est in contrarium. Insuper neganda est communicatio perpetuò amentibus; quia neque hi seipso probare possunt: potest tamen dari furiosis & amentibus in lucidis intervallis; sicut & stolidis, qui mentem habent debilem, modò sint docibiles in iis, quæ ad fidem & devotionem spectant. Potest item dari per modum viatici iis, qui in amentiam seu phrænesim inciderunt, quando constat eos illam desiderasse, prout colligitur ex Concilio Carthaginensi 4. cap. 76. & ratio est; quia cum perceptio viatici illis sit perutilis ad salutem, non est, unde eis sit neganda. Observa tamen ex Lezana *num. 20.* ad hoc requiri, ut credantur esse in statu gratiæ, nec sit spes reditus ad usum rationis, & absit periculum vomitus, & alterius irreverentiæ: de quo in dubio

experimentum capi poterit præbendo prius hostiam non consecratam, ut post Dianam *part. 2. tract. 14. res. 44.* docet Gobat.

Sed quid faciet Parochus vocatus ad ebrivum, qui ob læsionem vel catharum est in urgente periculo mortis? Si ebrietas fuit voluntaria, non est ei dandum viaticum, quia non est mittendum canibus, ut canit Ecclesia: si verò constat illam fuisse prorsus involuntariam, potest & debet ei dari juxta P. Gobat *casu 13. num. 196.* quia ebrius comparatur furioso, addens, in dubio præsumi ebrietatem esse involuntariam, quando accidit illi, qui nunquam, aut vix unquam inventus est ebrius. Addit insuper in dubio, utrùm æger ille incurrerit perfectam ebrietatem, an solum imperfectam, quæ mentem quidem ac linguam, & fortè pedes aliquantum turbarit, reliquerit tamen facultatem sat commodè distinguendi inter bonum & malum; in hoc, inquit, dubio est declinandum in partem mitiorem, prout docet Menochius *de probat. concl. 579.* Certum insuper est, communionem dandam esse damna-

Yyy tis



tis ad mortem, adeo ut Bonacina de *Euchar. disp. 4. q. 7. p. 1.* post multos contra Navarrum asserat, Judicem sub mortali teneri iis ad hoc spatium dare, per se loquendo. Nec excusat P. Gobat omnes Colonellos & alios, qui milites in flagranti deprehensos, jubent absque Synaxi in prima arbore suspendi: quidquid dicat, non esse damnandos Judices, negantes ad hoc longius spatium illi, qui prius datò uti noluit.

Cæterum præcipua hîc est difficultas de peccatoribus, an scil. Eucharistia ipsis sit neganda: ad quam respondendo,

42. Dico cum Francisco B. Spei de *Sacram. disp. 4. num. 122.* & omnibus communiter; Eucharistia semper & ubique neganda est peccatori publico, tum ob manifestum periculum scandalum, tum ob irreverentiam, quæ committeretur dando sanctum canibus. Unde negari debet publicis usurariis, hæreticis, meretricibus, excommunicatis, suspensis & interdictis, quando eorum flagitia sunt publica: item histrionibus, & scenicis; quod Bacho *disp. 9. quest. 2. art. 1.* deducit ex cap. cum *Martha*, de celebr. *Miss.* & cap. *pro dilectione*, de consecr. *disp. 2.* Non gravabor tamen hîc apponere, quæ habet Caramuel *lib. 3. Theol. mor. num. 1393.* & ex ipso Tamburinus: usurarii publici, & communes peccatores aliquando tanguntur à Deo, & resipiscunt: unde, me consule, magno consilio & examine utaris, antequam publicè petenti Eucharistiam neges publicè; & quia in altari nec tempus examinandi suppetit; nec dan-

tur quos consulere possis, ubicumque præviâ resolutione, antequam eò veneris, sanctè & coram Deo non statueris negare Eucharistiam tali personæ; si petet, concedito, nam negare est res gravissima, quæ non debet fieri impetu extemporeneo. Ego quidem primâ vice nemini mortalium negarem, quem non scirem certò esse in omnium opinione non baptizatum, delirum, aut arbitrii impotem. Si certò scirem, meretricem habitare in lupanari, usurarium in telonio, & ex altari ad has domos iterum peccaturos, & populum scandalizatuos reverti (sed quando similia monstra actionum data!) audacter communionem negarem. Hæc omnia Caramuel: qui in hoc alius videbitur nimis favere publicis peccatoribus: nam cæteri communiter volunt, ut publico peccatori publicè possit dari communio, necessarium esse, ut publicè constet de ejus confessione & pœnitentia, pro ratione sui mali status; sic nimirum, ut manifesta sit ejus conversio.

Quid si similis peccator publicus sit in periculo mortis? Respondeo cum Gobat *casu 21. num. 398.* Suarez, & Tannero, ut illi communio detur, sufficere, ut pro opportunitate temporis ritè confiteatur; aut si non valeat, certa contritionis signa ostendat. Sed quid, si gravis suspicio adsit magni peccati, quod pernegat se commississe? Nihil refert, quia ipsi in tali articulo potius fides adhibenda est, quam alius.

43. Dico insuper, ob dictam irreverentiam neganda est etiam communio



munio peccatori occulto occultè eam petenti, secùs si petat publicè; hoc enim Eugenius IV. expressè inhibuit: quia omnis Christianus jus habet ad petendum panem filiorum in facie Ecclesiæ, quamdiu in facie Ecclesiæ non habetur nocens; quod & probat Bacho exemplo Christi, qui Judam à communione non removir, quem occultè noverat indignum: & aliàs, inquit Lezana, infamaretur graviter ipse petens, committereturque perturbatio, & grave scandalum in populo. Interea tenetur Minister omni meliori modo quo potest, vitare occasionem tali hoc Sacramentum ministrandi, ut v. g. differendo distributionem communionis, divertendo ad alia, quando id fieri potest, imò & monendo eum ad partem, ne se ingerat, ut vult Bacho; quod ultimum tamen puto rarò posse in praxim deduci, cum supponatur peti publicè, seu coram populo.

44. Adde, si scientia occulti alterius delicti per solam confessionem sacramentalè ad distribuentem communionem pervenerit, non posse ei etiam occultè petenti negari. Ita P. Franciscus *disp. 4. cir. num. 144*. Ratio est; quia nemo uti potest scientià confessionis in ordine ad actus externos, idque in tantum, ut illicitum sit finitè confessione, vel cum ipso pœnitente de ea loqui ipso invito, vel solo vultu occultè exprobrare: deinde quæ scit Confessarius per confessionem, scit ut Deus, quando verò negat communionem, facit ut homo. Ita Lezana, Diana, & alii communiter, contra quosdam volentes in ab-

sentia periculi scandalì, esse in casu dicto denegandam Eucharistiam. Sed nunquid in prædictis casibus licitum foret dare hostiam non consecratam peccatori occulto, ut vitetur irreverentia simul & infamia petentis? Aliqui affirmant licere, si adstantibus ostendatur consecrata; verùm ego judico cum Francisco B. Spei, id absolute esse illicitum ob periculum idololatriæ, saltèm materialis, quod semper adest.

Petes hïc fortè, quid debeat facere Sacerdos, distribuens multis communionem, si v. g. fœminam inter ceteras flectentem, videat S. Hostiam ex ore in strophium emittere ad inhonorandam illam, ut suspicatur?

Respondeo, illum debere omnibus modis similem fœminam tacitè observare, ut ex aliqua nota in ejus notitiam veniens, postea cum ea loqui, atque sic malum impedire valeat: quod si facere nequeat, rem Deo commendet. Ita Burghaber *centur. 1. casu 35*. qui absolute docet, illam non esse publicè corripendam, aut quomodocumque confundendam, nec S. Hostiam ei coram aliis eripiendam, si eripi non ita dexterè ac occultè possit, ut omnes lateat. Ratio est, quòd similis fœmina sit in possessione famæ suæ, nec nisi præsumptio sceleris stet contra ipsam; fortè enim non nisi phlegma ex ore emisit, vel S. Hostiam non ad inhonorandam, sed ne inhonoretur, per subitum vomitum pro tempore ex necessitate extraxit: præsumptio autem non sufficit, ut extrudatur ex illa possessione, cum

certa infamia talis cogitati sceleris. Accedit, quòd antea docuerimus, posse Eucharistiam ministrari, imò & debere, occulto peccatori publicè petenti: ergo & illud jam administra-

tum potest ei relinqui, qui cum ea putatur peccaturus. Alias duas rationes adhuc habes apud Burghaber *loc. cit.*

## DVBIVM OCTAVVM.

### *An Communio sit sub præcepto?*

45. **D**ico primò, Communio est sub præcepto Divino cuilibet adulto, ita ut teneatur communicare aliquando in vita, maximè tamen in articulo mortis. Ita Urbanus *tract. 1. cap. 36.* fundans se in Scriptura: *Nisi manducaveritis carnem filii hominis, & biberitis ejus sanguinem, non habebitis vitam in vobis.* Quoad mortis articulum verò constat ex antiqua Ecclesiæ consuetudine, sacram Eucharistiam tunc recipiendi per modum viatici, ut notat Concilium Nicenum. Si tamen quis parum ante dictum periculum communicasset, esset disobligatus, ut docent Suarez, Diana, & Marchant. quod parum plures apud P. Gobat *casu 12. num. 187.* meritò non audent extendere ad octiduum, Quintanadvenna extendente ad quindenam, ut certò quis obligetur. Interea Marchant. dicit, quosdam docere, non exstare Divinum præceptum, nisi semel in vita communicandi; sicut D. Bonaventura, & plures alii apud Dianam *part. 3. tract. 4. resol. 40.* docent, non esse mortale omittere Eucharistiam in articulo mortis, nisi adsit contemptus. Videatur Mendo in *Statera ben:gn. opin. differt. 11. quæst. 1.* Vide

etiam Franc. B. Spei de *Euchar. disp. 7. num. 99.* ubi dicit, clarâ ratione non evinci, Divinum esse præceptum de communione ab omnibus adultis re ipsa sumenda: quidquid ob auctoritatem ferè omnium (quæ ipso *num. 100* testante, in re morali est potissimum motivum) *num. 101.* hanc defendat resolutionem: *Præceptum Divinum communionis obligat, saltem in articulo mortis: an autem sæpius intra vitam præscedendo à declaratione pro singulis annis per Ecclesiam facta; videtur incertum.*

46. Dico secundò, vi præcepti Ecclesiæ tenetur quilibet adultus communicare singulis annis circa Pascha, intra tempus Dominicæ Palmarum, & Dominicæ in Albis: idque in Ecclesia propria, vel alibi, cum licentia Episcopi aut Pastoris. Itæ omnes, ex cap. *Omnis utriusque sexus, de Penit. & remis.* quidquid intra illud tempus Paqualigis apud Dianam *part. 11. tract. 7. resol. 14.* includat unum aut alterum diem ante & post dictam quindenam, ac P. Franciscus *loc. cit. n. 109.* testetur, in plerisque locis Germaniæ, prædictum tempus extendi ab initio Quadragesimæ ad Dominicam in Albis, propter pauci-

paucitatem Confessariorum : & ego, in Conventu nostro Boxmeræ degens, expertus sum, plures communionem annuam usque ad Festum Corporis Christi differre, qui in aliquibus partibus Hollando subjectis domicilium habebant, quos ob absentiam Confessariorum negligentia arguere non poteram. Interea adverte ex P. Urbano, propriam Ecclesiam, quoad hoc punctum, non debere censi solam Ecclesiam domicilii, sed etiam quasi domicilii, ubi quis immoratur aliquā anni parte, vel quam elegit ad aliqua negotia peragenda, studia, lites, mercaturam & similia prosequenda : pro quo vide dicta tract. 2. disp. 4. num. 15. Adde etiam, nomine Ecclesiæ propriæ, venire Cathedralē pro omnibus de Diœcesi, eò quòd in ea adsit Episcopus, totius Diœcesis Pastor. Ita plures satis probabiliter, & nominatim tres Eminentissimi Cardinales, quatuor Episcopi, & quinque alii, omnes Doctores præstantissimi, consulti circa factum cujusdam Domitillæ, quæ in Paschate communicaverat in Ecclesia Cathedrali, quos propriis nominibus adducit Timotheus de Timotheis in principio suæ nomophylachia; quidquid P. Gobat se opponat cum Cardin. de Lugo, & pluribus aliis.

Nora insuper Tamburinum opusc. 2. cap. 4. §. 4. n. 50. sic loqui, puto quòd fidelis, qui paratus est suum Parochum recognoscere, & fortè in anno pluries recognovit, communicando in sua Parochia, non irroget injuriam gravem Parochi, semel aut iterum in sua vita se subtrahendo in hoc ab ejus jurisdictione, atque adeò non peccat mor-

raliter, si semel aut iterum in vita, modo dicto, in aliena Ecclesia communicat in Paschate. Hæc ille : quæ ex ejus sententia sint dicta. Addit Pourré par. 1. verbo *Eucharistia* num. 2. fideles ex privilegio satisfacere dicto præcepto accipientes communionem Paschalem in Ecclesiis Mendicantium, quod tamen non puto esse tutum practicare, quamvis illud privilegium conetur declarare P. Brunus Cassing. apud Dianam par. 11. tract. 2. resol. 16. Vide etiam citatum Tamburinum num. 51. qui id ipsum studet probare, solum Festum Paschatis ut summum excipiens.

Sed quid quoad hoc præceptum dicendum de Sacerdotibus sæcularibus? Respondeo cum Leandro, tract. 7. de *Euchar.* disp. 3. quæst. 26. eos satisfacere celebrando extra propriam Parochiam quocumque loco celebraverint; quia cap. *omnis utriusque sexus* solum loquitur de iis, qui communicant de manu aliena. Idem etiam sustinet Dicastillo tract. 4. disp. 10. dub. 5. n. 99. dicens, esse de eo receptam consuetudinem, citantque pro se Henriquez, Sa, & alios communiter. Addiderat Leander, eos tamen teneri in propria Parochia communicare, si nec ibi, nec alibi in Paschate celebrare velint : quod omiserat Dicastillo, fortè quia Sacerdotes reputat per receptam consuetudinem absolute esse liberos à dicto præcepto, vel quia insuetum est, quòd Sacerdotes alienā manu communicent. Hòc scriptò reperio, Leandro in his duobus subscribere P. Gobat in *Alphabeto Communicantium casu* 5. num. 74.

Quoad ætatem, quā incipiat hoc  
Y y y 3 præ-

præceptum obligare, puto id prudentium iudicio esse relinquendum, maxime parentum & Confessoriorum : quamvis enim communius inter annū 10. & 14. soleant pueri rationis usum sufficientem habere ad se probandum, & dijudicandum Corpus Domini; quidam tamen citius, quidam tardius eum obtinent; subinde enim ruri in aliquibus grossioribus etiam anno vigesimo non elucet scintilla rationis quoad hoc Sacramentum, ut ait P. Urbanus ubi *suprà* num. 107. monens interea pro pueris bene institutis satius esse, eos maturè huic Sacramento suscipiendo initiare, modò vestigia rationis & iudicii appareant : quod intelligi debet, *proportionaliter & accommodatè*, ad Sacramentum recipiendum : quia, licèt Tridentinum *sess. 13. can. 9.* eodem verborum tenore, omnes, annos discretionis habentes, ad confessionem & communionem obligare videatur, citius tamen ad illam quàm ad hanc obligantur. Videt P. Franciscum *suprà* num. 107. Duas interea has regulas generales ponit Gobat *casu 6. num. 88. & seq.* *Potest differri communicatio Paschalis in unum, alterumve annum, postquam quis est satis intelligens rerum ad illam ritè obeundam spectantium.* Item, *Non delinquant, qui sui territorii morem secuti abstinent Divino epulo usque ad annum aetatis decimum quartum* : citatque pro utraque DD. Sed an hæ regulæ etiam locum habent in pueris moribundis ? Habent juxta Navarr. *capite 21. numero 57.* Vasquez, ac alios sustinentes præceptum Divinum non citius ad communionem obli-

gare quàm Ecclesiasticum : contra quos Suarez, Palaus, & alii volunt, omnes sacramentalis confessionis capaces pueros esse in extremis necessariò muniendos sacro viatico, apud dictum Gobat *num. 92.* quorum sententiam *num. 93.* vocat magis piam, dicitque in usum redigendam esse ubi commodè potest, maxime si puer, v. g. octennis, petat : quod & ego censeo. Pœnas statutas pro transgressoribus hujus præcepti, vide apud Bachonem in *4. dist. 9. questione 1. art. 3.*

47. Petes primò, an qui in Paschate non communicavit, teneatur reliquâ anni parte communicare, sub novo peccato mortali ? Respondet P. Urbanus affirmativè, dicens, duplex exstare præceptum Ecclesiæ ; unum scil. quoad substantiam faciendæ communionis, alterum quoad tempus præscriptum : quia tamen id non probat, nec alia efficax ratio adfertur ab iis, qui hac in parte cum P. Urbano loquuntur; probabilem omninò reputo sententiam oppositam. Ita Sotus, Valentia, Armilla, Sa & alii plures, quos citat & sequitur Diana *part. 3. tr. 4. res. 41.* sicut igitur qui in Festo non audit Missam, non tenetur eam alio die audire, nec qui omisit recitare Horas, tenetur ad eas die sequenti recitandas; ita qui non communicat in Paschate, non tenetur ante sequens Pascha communicare; quia non minus præceptum annuæ communionis videtur alligatum certo tempori, quàm illa alia præcepta. Vide de novo Dianam *par. 11. tr. 7. res. 14. post medium.*

Quia

Quia tamen pro illo Ecclesiæ præcepto virtualiter duplici satis fortia adferuntur argumenta à Franc. B. Spei hic *num. 111.* sententiam Urbani in praxi sequendam consulo omnino, quam de novo reperi defendi à P. Gobat *casu 3. num. 34.*

48. Petes secundò, an qui prævidet futurum impedimentum in Paschate, teneatur antè communicare? Respondeo sententiam negativam mihi esse satis probabilem ex statimposito fundamento. An verò hoc præcepto teneantur excommunicati, suspensi & interdicti? habes apud Dianam *part. 11. statim citatà*, ubi ab omnibus communiter excusantur reclinante Aversa. Sed ego melius distinguo cum P. Francisco, dicente, excommunicatum excusari, si per eum non stet, quominus absolvetur: secus si per eum stet, sed ex malitia absolvi nolit.

Petes tertio, an dicto præcepto satisfiat per communionem sacrilegam?

49. Respondeo affirmativè cum DD. communiter teste Bufenbaum: quorum sententiam probabiliorē reputat Gobat *casu 3. num. 44.* Ratio est; quia dum præcipitur actus, sola ejus essentia præcipi solet, non verò modus, quo fieri debeat, nisi ut summum, quando hic est ipsi essentialis: dispositio autem digna non est essentialis communioni sive susceptioni Eucharistiæ. Aliud est de confessione, cujus essentia non salvatur in confessione sacrilega; ut meritò damnata sit sequens propositio ab Alexandro VII. *Qui facit confessionem voluntariè nullam satisfacit præcepto Eccle-*

*sia.* Nec contra nostram responsionem facit, quòd intentio & finis præcepti sit ut dignè communicetur: quia, ut habet commune adagium, finis præcepti non cadit sub præceptum. Vide iterum Dianam *p. 11. tract. 7. resol. 29.* Sed maximè Franciscum B. Spei *suprà num. 110.* ubi sub distinctione responderet. Interea nota, accedere ad hoc Sacramentum cum conscientia peccati mortalis, esse valde grave peccatum, quia peccatur in ipsammet humanitatem Christi; ideoque est atrocius peccatis contra homines admissis, habetque quandam similitudinem cum scelere, quo Judæi Christum crucifixerunt, & quo nefarius homo Eucharistiam objiceret canibus, aut projiceret in cloacam: non est tamen peccatum omnium gravissimum, nec tam atrox, quàm illa, quibus ipsa Divinitas immediatè offenditur, ut quando quis Deum negat, vel blasphemat. Ita Gobat *casu 15. num. 211.* ex D. Thoma.

Petes quartò, an expediat frequentius communicare?

50. Respondeo, quoad hoc non posse commodè tradi regulam generalem: poteris tamen observare sequentia. Primò, ut illis qui à peccatis mortalibus abhorrent & venialia evitare contendunt, concedas communionem bis in hebdomada: qui verò venialia evitare negligunt, semel in quindena & festis solemnioribus. Secundò qui subinde labuntur in mortalia & statim resurgunt, semel in mense. Tertiò qui mortalia evitare non curant, solum

solum in Paschate cogendi sunt. Pro quibus vide Bachonem *suprà* art. 1. ubi probat etiam quotidie communicare vel celebrare esse laudandum in bene disposito: de quo D. Thomas in 4. dist. 12. q. 3. art. 1. *quæstiunc.* 2. hæc ponit; Si aliquis, experimentaliter cognosceret, ex quotidiana sumptione fervorem amoris augeri & reverentiam non minui, talis deberet quotidie communicare. Verum hoc non accidere ordinariè satis insinuat sequentibus verbis, Sed quia multoties in pluribus hominum multa impedimenta huius devotionis occurrunt, non est utile omnibus hominibus quotidie ad hoc Sacramentum accedere. Nec delinam hic ponere verba N. Urbani tract. 2. cap. 2. regul. 6. ubi ait: Pium quidem est invitare suaviter fideles ad frequentem Communionem, sed etiam caveri debet abusus in usu nimio, unde sufficeret (ut ego quidem existimo) secularibus Communionem, ut summum permittere octavo die, juxta id quod habent communiter DD. quantumcumque enim pratexent devotionem, certum est vix in seculari reperiri posse dispositionem sufficientem ad sapius communicandum, prout me

semper praxis diuturna docuit. Hucusque Urbanus: ex quo patet, meritiò improbari sententiam aliquorum docentium absolute: Dum quis mortali culpâ non tenetur, prestare eum diebus singulis communicare quam abstinere, quacumque ipsius sit dispositio, velit nolit Confessarius. Vide etiam Franciscum B. Spei disp. 6. num. 24. ubi sic loquitur: Quamquam consuetudine, aut lege scriptâ, prohibitum laicis singulis diebus communicare non repe-riatur, sed, per se loquendo, permittum sit & laudabile; ed quod minus periculū sit in excessu, quàm in defectu, ut vel in ipsis Sacerdotibus patet. Attendendum tamen ad cuiusque statum & dispositionem; sic nempe ut Religiosis, quàm laicis devotariis; huius, quàm matrimonio junctis, per se loquendo, frequentius à prudenti Confessario permittatur. Subjungit, & bene: Non ita esse bonum & utile plerisque mulierculis frequenter tempus familia & rei domestica curanda destinatum, insumere templo frequentando &c. quàm querere lanam & linum, ac operari consilio manuum suarum &c. ut denepredam domesticis suis, & cibaria ancillis suis. Hæc & alia loc. cit.

## DVBIVM NONVM.

### *Quinam sint Eucharistia effectus.*

51. **D**ico, uti reliquorum Sacramentorum, ita maximè Eucharistia primariis effectus est gratia sanctificans sive habitualis. Constat ex Scriptura dicente, *Qui manducat me, & ipse vivet propter me:* & idem definitur in Florentino & Tridentino. Verum multum disputatur, an quandoque

causet primam gratiam. Affirmativè respondet D. Thomas, quem sequitur Cornejo tom. 2. tract. 4. circa quæst. 79. art. 3. disp. unicâ dub. 2. Negativa tamen sententia apparet magis probabilis: quia neque Scriptura, neque Canones, neque SS. PP. talem virtutem Eucharistia concessam docent: deinde Eucha-

Eucharistia supponit, peccata mortalia remissa esse, vel per Confessionem, ut ordinariè, vel saltem per contritionem, ut in casibus suprâ exceptis: denique sicut cibus corporalis nunquam mortuo confert vitam corporalem, ita nec cibus spiritualis mortuo spiritualiter videtur posse conferre vitam spirituales. Interea non nego, aliquem posse mediatur, occasione communionis, dictam gratiam recipere in aliquo casu, in quantum scilicet communio ei confert gratiam actualem (dum v.g. cum attritione, putatur contritione eam suscipit) quâ hinc & nunc excitatur ad eliciendam contritionem perfectam.

52. Insuper Eucharistia habet vim præservandi communicantem à peccatis mortalibus; ideo enim Tridentinum *sess. 13. cap. 2.* eam vocat antidotum contra peccata mortalia, partim ratione gratiæ habitualis, partim etiam vi gratiarum actualium, quibus mens à Deo illuminatur, & voluntas firmatur contra tentationes; sicut enim cibus corporalis confert robur ad opera corporalia exercenda, ita & cibus spiritualis ad exercitia spiritualia. Ubi adverte ex D. Thom. *q. 79. art. 1.* ad primum positum effectum necessariam non esse actualem devotionem, seu exercitium quarundam actionum spiritualium. Quomodo ergo tam multi Sacerdotes ex quotidiana, & tam multi laici ex satis frequenti communione tam parum in spiritu videntur proficere? Respondeo, quia minimam gratiam tantum accipiunt, eò quod sine actuali devotione accedant, & per volun-

tarias distractiones, & suam tepidam vitam obruunt auxilia gratiæ, eaque per intensos malos habitus inutilia reddunt; & aliunde in penam tantæ tepiditatis fiunt quasi insensibiles circa divina, ac propter contemptum levium peccatorum incidunt in gravia, per quæ omnis efficacia Eucharistiæ, sicut & aliorum Sacramentorum enervatur.

53. Quoad tempus, quo Eucharistia gratiam causat, illud est, in quo est verum dicere quod actu manducetur. *Qui manducat me & ipse vivet propter me: item, Qui manducat meam carnem, & bibit meum sanguinem in me manet & ego in eo.* Manducatur verò dum trajicitur per guttur ad stomachum; unde in cujus ore species consecratæ corrumpuntur, non recipit gratiam, nec dicendus est integrè communicare; quia non manducat verè Corpus Domini, quidquid aliqui sustineant contrarium. Vide Cornejo suprâ *art. 1. disp. unic. dub. 1.* & Franciscum B. Spei *de Eucharist. disp. 6. num. 2.*

Petes, an Eucharistia sumpta à Sacerdote sub bina specie plùs gratiæ conferat, quàm sumpta à laico sub unica?

Respondeo probabiliùs negativè, saltem non ex opere operato. Ita D. Thomas: & colligitur ex Tridentino *sess. 21. cap. 3.* ac ratio est; quia efficax causa gratiæ non est symbolum illud externum, sed contentum, Corpus videlicet & Sanguis Christi, quæ sub qualibet specie sunt totaliter, adeoque non est cur utrique simul plùs efficaciam tribuatur quàm unicæ: nec

Z z z gra-



gratia promissa est præcisè speciebus, sed manducationi sive sumptioni; unde ubi una sumptio moraliter, unus tantum est effectus, quamvis plures distinctæ sint species, vel plures etiam sumptiones physicè loquendo: neque refert quod cibus & potus corporalis plus nutrant quàm cibus solus; quia cibus corporalis non continet in se totum quod continet potus corporalis, sicut cibus spiritualis continet totum quod potus spiritualis. Hanc nostram sententiam pluribus citatis defendit nuperrimè etiam Mendo in sua *Statera* differt. 11. *quest.* 3.

54. Dixi saltem ex opere operato; quia ex opere operantis posset fieri ut communicans sub bina specie plus gratiæ reciperet, sicut plures actus devotionis elicere potest propter divinam præsentiam quâ diutius fruitur, quàm communicans sub unica specie tantum. Imò P. Franciscus loc. citat. numer. 6. hanc ponit resolutionem: *Hujus Sacramenti effectus sive gratia, simul & semel in principio tota non confertur, sed sensim, quamdiu durant species incorrupta in stomacho, & dispositiones ad dignam susceptionem necessaria; sic ut Deus determinavit tantum gratia proportionaliter ad has vel illas dispositiones singulis distributive instantibus, quibus durant species incorrupta in stomacho, producendum; & ita quidem, ut si illa dispositiones augeantur postmodum, augeatur & ipsa.* Hæc ille: qui & num. 13. contra nos defendit, species panis & vini majorem gratiam conferre, quàm singulas seorsum sumptas: ac licet fateatur nostram sententiam esse valde communem, suam vocat magis piam.

Quidquid tamen *dispurat.* 7. num. 124. defendat, Ecclesiam justè laicis usum Calicis interdixisse; idque sine hæresi negari non posse: ubi varias, & bonas adfert rationes prædictæ inhibitionis. Sed quid si æger non posset etiam minimam hostiæ particulam, quantumvis vino mixtam deglutire? Respondet Ochagavia apud Dianam *part. 5. tractat. 3. resol. 34.* tunc ipsi sanguinem dandum esse. Nugnus in *quest.* 80. *art. 12.* dicit, esse rem difficilem, nec suscipiendam sine consensu Episcopi, qui tutius consentiet, inquit. Verùm ego assentior P. Gobat in *Alphab. commun. casu 2. num. 28.* qui, citatis Suario, Barbosa, de Lugo, & Georgio de Rhodes, negat etiam tunc licere, eò quòd tunc non obliget lex Divina de viatico propter varia incommoda: idem etiam negat Mendo in sua *Statera* differt. 11. *quest. 2. num. 27.*

Sed quid de lampade, quam Paulus V. in suo Rituali mandat continuò ardere ante hunc sanctissimum Sacramentum? Quintanadvennas damnat peccati mortalis Parochum (& consequenter Superiorem alicujus monasterii) si eò sciente & consentiente integro die non ardeat, nec leviter delinquere ædituum, qui per tres aut quatuor noctes eam relinquit extinctam. Verùm cum pluribus locis partim ob inopiam, partim ob longam consuetudinem, & etiam alicubi ob torporem non ita severè observari hanc doctrinam sciant, nec graviter arguant Episcopi, non admitto illam doctrinam universaliter in tanto rigore;

re: quod nec facit Gobat *casu* 21. numero 373. Hæc de Eucharistia pro- ut est Sacramentum ; de ea imposte- rum ut est sacrificium.

## DVBIVM DECIMVM.

### *Quid Missa, & an sit valoris infiniti?*

55. **S**acrificium juxta Theologos communiter, teste P. Francisco de Eucharist. disp. 9. num. 9. est oblatio externa substantiæ sensibilis, Deo facta à legitimo Ministro per realem & physicam sui immutationem, in agnitionem supremi ejus domini, in hoc siti, quòd sit Author vitæ & necis, sive esse & non esse rerum: quo notato.

56. Dico primò, Missa est consecratio Corporis & Sanguinis Christi in memoriam cruenti sacrificii in cruce peracti: quamvis enim plures velint oblationem & sumptionem esse etiam de essentia sacrificii Missæ, probabilius mihi videtur quòd non, quia cum per solam actionem consecrativam Corpus à Sanguine mysticè separaretur, per hanc mysticè mactatur Christus ac consequenter immolatur ac Deo offertur. Ita D. Thomas in 4. dist. 45. quæst. 2. arr. 3. Lezana & alii plurimi. Quòd verò in rubricis Missalis strictè præcipiatur, ut de novo consecratur alia Hostia, eaque sumatur, si prior appareat venenosa, & similia, sit, quia etiam Christus præcepit fieri sumptionem, eò quòd consecratio sit quædam preparatio & confectio cibi spiritualis: si autem id alicubi videatur præcipi, ne sacrificium maneat imperfectum, sumitur sa-

cificium quatenus est preparatio convivii spiritualis; vel potius, quatenus juxta ritum Ecclesiæ de facto censetur variis actionibus consummari. Dicitur hoc sacrificium Missa, à missione quâ Christus à Patre ad nos mittitur per consecrationem, ac à nobis ad Patrem remittitur per oblationem & sumptionem. Missa instituta est à Christo in ultima Cæna, cum discipulis dixit, *Hoc facite in meam commemorationem*; tunc namque totam essentiam Missæ posuit Christus; quamvis alia spectantia ad solemnitatem & ceremonias addita sint à summis Pontificibus. In Missa offertur idem modo incruento, quod in cruce modo cruento oblatum est, scil. ipse Christus: qui offertur Deo soli; quamvis enim Ecclesia in honorem Sanctorum Missas celebret, illis tamen sacrificium nullatenus offert. Causæ oblationis hujus sacrificii sunt; primò, ut obtineatur gratia & remissio peccatorum venialium, ratione cujus hoc sacrificium vocatur *propitiatorium*. Secundò ut bona salutis propriæ vel alienæ congruentia à Deo postulemus, & ut sic dicitur *impetratorium*. Tertiò ut remittatur pœna peccatis in Purgatorio debita, & eatenus dicitur *satisfactorium*. Secundam hujus du-

Z z z 2 bñ

bii partem tate & optimè discurit Lezana verbo *Missa*, cujus doctrinam placuit hic compendiosè ponere. Igitur.

57. Dico secundò cum ipso *num.* 3. & 4. si *Missa* sumatur pro orationibus aliisq; piis actionibus, quæ in illa exercentur, est finiti & determinati valoris: quia sanctitas & dignitas Sacerdotis, etiam prout est publicus Minister Ecclesiæ, est finita, à qua dictus valor sumitur: si verò *Missa* sumatur pro immolatione ipsa, sacrificio aut actione, in qua essentialiter consistit, valor ipsius est infinitus & indeterminatus: quia tam res oblata, quam ipse offerens, utpote Christus, sunt infinitæ dignitatis, à quibus sumi debet dignitas oblationis, ut constat ex Scriptura *Genes.* 4. ubi dicitur, *Respexit Deus ad Abel & ad munera ejus*, & ex ipso cruento sacrificio Crucis, quod idco fuit valoris infiniti. Pro hac sententia à Lezana citantur Authores innumeri, quibus favent ex Scholasticis antiquioribus Ordinis nostri, Joannes Bacho, Michael de Bononia, & Joannes Beetz infra citandi. Vide etiam è recentioribus Franc. B. Spei *suprà num.* 74.

58. Ne hinc inferas, valorem cæterorum Sacramentorum etiam debere esse infinitum, cum Christus concurrat etiam ad eorum effectum; quia cum Sacramentis Christus solum concurrat ut causa universalis sive communis, cum Sacerdote verò consecrante ut causa particularis, seipsum mediante Sacerdote immolans & sacrificans, ac proinde tali immolationi

infinitam dignitatem ac valorem conferens. Adde etiam dici posse, Sacramenta Baptismi & Pœnitentiæ esse infiniti valoris extensivè & quoad sufficientiam; non quòd producant effectum actu infinitum, sed quia applicari possunt hominibus infinitis si tot essent, remittere infinita peccata & infinitas malitias, si tot & talia commissa essent, ac dare infinitam gratiam si esset infinita dispositio ex parte suscipientis. Neque nos volumus valorem *Missæ* esse infinitum quoad efficaciam, cum nunquam actu infinitum effectum quoad efficaciam producat; sed solum quoad sufficientiam, eò quòd, quantum ex se est, infinitum effectum produceret, si adesset dispositio infinita ex parte illius pro quo offertur; vel si adessent infiniti homines, pro quibus offerretur: *Missa* enim multis applicata, non minus prodest singulis, quam si pro uno in particulari applicaretur, prout colligitur ex *can.* 23. *non mediocriter de consecr. dist.* 5. Ita Lezana post S. Augustinum & Cajetanum: neque fuit Cajetanus primus hujus sententiæ Author, ut quidam volunt; sed ante ipsum per ducentos circiter annos eam tenuerunt Joannes de Bachone in 4. *dist.* 20. *quæst.* 3. *art.* 2. à Bononia *ibid.* *dubitat.* 2. & 3. referens Guidonem *Carmelitæ* dictum, ac Joannes Beetz in *Decal. circa precept.* 7. *exposit.* 2.

cap. 4.

\* \*

# DVBIVM VNDECIMVM.

*An licitum sit plura stipendia pro unica Missa accipere?*

59. **D**ico cum codē Lezana; quamvis fructus Missæ infinitus sit, non licet pro una Missa plura stipendia accipere: Primò, quia offerentes stipendia sic privarentur aliquo fructu Missæ ex opere operantis, correspondente orationibus, cæremoniis, &c. qui indubiè minuitur, cum pluribus applicatur. Secundò, sic facientes sunt infideles promissioni factæ; quia intentio dantis stipendium est, ut tota Missa, quantum ad totum ejus valorem, applicetur; cum quilibet, maxime in spiritalibus, censetur velle totum commodum, quod potest habere; idque omni meliori & certiori modo, quo haberi potest. Tertiò, quia opposita sententia scandalum generat in Ecclesia, eò quòd per illam retardentur fideles ab oblatione stipendiorum pro Missis, & arguit Sacerdotes improbæ cupiditatis seu avaritiæ. Quartò & præcipuè ob Decreta de celebr. Miss. sacre Congreg. Concilii SS. D. N. Urbani autoritate edita 21 Junii, 1625. quæ habentur in tom. 4. Bullarii inter constit. Urbani num. 43. etenim in præmio opposita sententia appellatur *reterrimus abusus ex Christiana Repub. convellendus, atque eradicanus*. Et §. 2. *verbis adductis* num. 5. expressè præcipit S. Congregatio sub ostentatione Divini Judicii, ut absolutè tot

Missæ celebrentur, quot ad rationem attributæ elemosynæ præscriptæ fuerint, ita ut alioqui illi, ad quos pertinet, suæ obligationi non satisficiant; quinimò graviter peccent, & ad restitutionem teneantur. His addit Lezana, Bachonem, etiam ante illa Decreta, contrariam sententiam vocare errorem, adducens & alias censuras veterum DD. subjungens; opusculum Dominici Montagnoli, contrariam sententiam tenentis, prohibitum esse à sacra Congreg. Indicis. Unde non video, quo fundamento Hieronymus Columbus absolutè in hoc contrarium audeat defendere contra praxim totius Ecclesiæ; quam, quia ipse improbare non veretur, cum dicit prorsus rejiciendum esse Diana *part. 11. tract. 4. resol. 43. qui tract. 1. resol. 24. ex Dicastillo latè probat*, etiam Sacerdotem pauperem non posse plura stipendia pro una Missa accipere, quamvis taxatum stipendium pro una Missa non sufficiat ad honestam unius diei sustentationem; nisi fortè esset in extrema necessitate, vel saltè valde gravi. Idcirco per plura folia facit Mendo in *sua Statuta differt. 13. quæst. 5. §. 2.*

60. An verò unâ Missâ pluribus dantibus stipendia minora, quàm lege vel consuetudine taxatum sit, satisfieri possit? Negat idem Lezana: quia eo

Zzz 3 ipso

ipso, quod sunt à Sacerdote acceptata, tenetur ratione fidelitatis adimplere mentem dantium, quæ est, ut pro quoque stipendio integra dicatur Missa ad singulorum intentionem: ac pro se etiam hac in parte citat P. Lezana Decretum sacre Congreg. in quo dicitur: *Petra stipendia, quantumcumque incongrua, & exigua*, &c. atque Franciscus de Euchar. disp. 9. num. 92. dicit, Sacerdotem talem contractum sibi imputare debere.

61. Neque circa prædicta, inquit Lezana, excusantur Regulares ob privilegia illis antiquitus concessa; quale erat illud, quod Julius II. concesserat Minimis; ut nimirum ipsorum Generalis possit ob multitudinem Missarum in Conventibus repertam, dispensare cum ipsis, ut dicendo 7. vel 9. collectas, satisfacerent pro tot Missis: hæc enim & alia similia vacant his temporibus, ut docent Fraxinellus, Lugo & Bordonus propter adducta decreta: in illis namque §. 3. dicitur, sacra Congregatio eadem autoritate revocat privilegia & indulta omnia quibuscumque personis, &c. tam secularibus, quam regularibus cujuscumque Ordinis, &c. quamcumque ob causam concessa. Quate miror P. Urbanum, qui post Lezanam scripsit, tract. 2. p. 2. dist. 1. cap. 2. reg. 8. adhuc contrarium defendere: nam Diana, qui id etiam antè docuerat, modò p. 10. tract. 16. resol. 67. convictus per ea, quæ adducit citatus Lezana, lubens illud revocat, monens Regulares, ut caveant sequi aliam sententiam. Cæterum tenentur Regulares applicare Missas suas ad mentem Superiorum

suorum: ast applicandi intentio non debet necessario esse actualis aut formalis explicita, sed sufficit virtualis, atque implicita; & ita quidem juxta Gobat in *Alphab. Sacrif. casu 5. num. 162.* ut si Religiosus nemini applicavit suam Missam, censeatur esse ejus voluntas, ut prosit illis, pro quibus sacrificari mandavit Superior; in quo pro se citat Gavantium & Dianam. Imò Layman apud eundem num. 164. sustinet sufficere, illam intentionem, seu inclinationem, quam explicares, si interrogatus diceres, te animo & voluntate ita affectum esse. His subdit idem Gobat: *Hæc cum sint probabilia, nonne si dicam: faciam pro te cras Sacrum, vel dono tibi meum crastinum Sacrum, sequitur meum crastinum Sacrum fore tuum, licet forte cras non cogitem de te? Omnino sequitur.* Quid si ante decennium donavi tibi Sacrum, quod essem facturus hodierno die, qui est quadragesimus Natalis tuus? *Erit eadem ratio, modò non revocaveris donationem; quia licet non sis Rex aut Papa, tibi tamen poteris applicare illam famosam regulam Iuris in 6. Principis beneficium decet esse mansurum.* Ita Gobat, & ante ipsum Paulus Quarti in *Commentariis rubric. circa finem Append. de sacrif. q. 2. p. 10.* qui & citat Lugo, & Tambur. ac rationem dat, quia applicatio fructus Missæ est quædam species donationis, seu distributionis, quæ potest fieri anticipatè, & sub conditione; ac proinde sortitur suum effectum, si habitualiter perseveret, sive si præcesserit, & non fuerit revocata. Gobat tamen meritò orat quemlibet, ut renovatio-

novationem similis intentionis non demittat, quandoquidem necessariam esse tradant Vasquez atque quidam alii, & ipsa renovatio augeat fervorem supplicantis. Caterum intentio formanda est ante consecrationem, ut habet communis sententia, quidquid Lugo apud dictum Gabat *num. 168.* cum Tambur. velit sufficere, si formetur ante sumptionem, eo quod adhuc durer substantialiter sacrificiū.

62. Pro alia quaestione, quam parum post præcedentia movet idem Lezana: an videl. Sacerdos saltem possit duo stipendia accipere pro una Missa, si applicet uni partem solitam, fructum scil. illum, qui applicatur illi, pro quo specialiter Missa offertur, & alteri eam partem, quæ correspondet ipsi Sacerdoti?

63. Nota, fructum Missæ à DD. communiter dividi in generalem, qui ex intentione Christi & Ecclesiæ applicatur omnibus fidelibus; in specialem, qui applicatur ipsi Sacerdoti offerenti; & specialissimum, quem alii vocant medium, qui applicatur illi, pro quo specialiter Sacerdos offert sacrificium: cui si prodesse non possit, reservatur in thesauro Ecclesiæ: quare bene consulit Filliucius post alios, ut Sacerdos conditionatè intendat dictum fructum applicare sibi ipsi, aut suis amicis, vivis vel defunctis. Idem consulit Paulus Quarti *loc. cit. puncto 12.* Hoc notato, ad quaestionem positam

64. Respondeo negativè, quia in decretis suprâ absolutè dicitur: *Tot Missæ celebrentur, quot ad rationem attributa elemosyna præscripta fuerint: cum*

quia incertum est, utrùm Sacerdos prædictum fructum, utpote personalem, alteri applicare possit; nec scitur, qualis aut quantus sit: imò quidam cum Filliucio asserunt, solùm esse tertiam partem fructus illius, qui applicatur ei, pro quo Missa offertur, quapropter cum aliunde dantes stipendium, valorem certum & non dubium intendant sibi applicari, id justè fieri posse non videtur. Ita cum cæteris communiter docet Lugo, qui dicit de hoc modo non esse ampliùs dubium; & cum peccare mortaliter, nec ullo modo satisfacere, docet P. Franciscus *loc. cit. num. 93.* quamvis tamen à Fausto, & Bordonus, teste Lezana (non obstantibus dictis decretis, ac aliis à nobis adductis) adhuc sustineant oppositum; de ejus omnimodâ certitudine ipse P. Lezana etiam dubitare videtur, cum subjungat; vellem, ut eadem sacra Congregatio circa hoc suam mentem clariùs exprimeret: quidquid bene Diana *part. 11. tract. 8. resol. 77.* in fine dicat, absolutè eliminandas esse ab Ecclesia Dei istas nundinationes cum sanguine Christi: pro ut illas eliminavit de novo Alexander VII. damnando in terminis sequentem propositionem: *Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsius celebranti correspondentem, idque post decretum Urbani VIII.*

65. Adde, eundem Bordonum citatum à Lezana docere; posse etiam Sacerdotem accipere duplex stipendium, unum ratione applicationis ordinariæ, & alterum pro applicatione indulgen-

dulgentiæ v.g. Altaris privilegiati pro animabus Purgatorii : verùm & hæc sententia est contra communem sensum fidelium, qui dum pro aliquo defuncto petunt dici aliquam Missam cum indulgentia Altaris v.g. privilegiati, petunt applicationem tum indulgentiæ, tum fructus communiter applicari soliti. Ita P. Lezana, docens similiter nullatenus excusari Sacerdotes plura stipendia pro una Missa recipientes, eò quòd in Ecclesia, in qua degunt, sit aliqua imago B. Virginis magnæ devotionis & concursus populi; tum quia decreta adducta generaliter loquuntur; tum quia in his eadem est ratio, ac in aliis. Quod enim dicitur Ecclesiæ cultum & devotionem, ac fidelium concursum diminuendum, si id non fiat, parum urget respectu gravis injuriæ, quæ fit illis, qui offerunt stipendia pro Missis ad suam intentionem dicendis. Concordat in hoc cum Lezana P. Urbanus *loc. supra cit.* dicens, dum Cardinalis Bortomæus in aliquibus suæ Diocæseos Ecclesiis urgentem necessitate contrarium fieri permisit, se ignorare, quâ dispositione & autoritate id actum sit, utpote qui erat vir illustris, & summo Pontifici proximus, qui facilè potuit ab eo consequi, quidquid necesse erat potestatis ad sic disponendum.

66. Interea dantur aliqui casus particulares, in quibus, sine præjudicio dictorum decretorum, licitè possunt plura stipendia pro una Missa accipi. Primò, quando in id consentiunt dantes stipendia; tunc enim cessant motiva sacræ Congregationis: notant tamen Bordonus & Bonacina ex Pos-

sevino, hunc consensum non posse dare hæredes, aut testamentarios, cùm hi non sint domini, sed ministri. Secundò, quando Sacerdos est constitutus in extrema, vel valde gravi necessitate. Tertiò, juxta opinionem probabilem, dum Sacerdos ratione stipendii prius accepti, beneficii, præbendæ, capellaniæ, &c. non est obligatus applicare sacrificium pro aliquo, sed solum celebrare tali die, aut loco; tunc enim potest novum stipendium accipere pro applicatione Missæ. Ita Lezana & alii octo, quos citat, & sequitur Lugo, dicens, sacræ Congregationis mentem non esse prohibere, ne possint accipi duo stipendia, unum pro obligatione celebrandi tali tempore, loco, &c. cùm hæc sit pretio æstimabilis, & aliud in sui sustentationem pro applicatione Missæ: ac licet Diana *part. 11. tract. 8. res. sol. 67.* contra hoc difficultatè moveat, *tract.* tamen 7. *res. 27.* nostram sententiam dicit non esse improbabilem.

Addo, Burghaber *centur. 1. casu 27.* hoc idem de Parochis sentire, quærit enim, an Parochus, qui vi beneficii sui curati tenetur ter singulis hebdomadibus celebrare in Parochia, possit pro iisdem Missis dicendis stipendium accipere? Et respondet, illum Parochum absolutè nunquam teneri applicare fructum sacrificii pro Parochianis suis, adeoque id ei esse licitum, pro se citans septem probatos Authores: quia, inquit, officium curati est pascere oves verbo & exemplo, ac Sacramentorum administratione, sacrificii quæ dispensatione, quod fieri potest, etiam si fructus sacrificii specialiter omnibus non applicetur, sed solum illi

gene-

generali applicatione, quâ omnibus fidelibus, & præcipue Sacrificio præsentibus applicatur: atque in hunc sensum, subiungit, intelligi debet quod dicitur *ad Hebræos 5. Omnis Pontifex &c. ut offerat Sacrificia pro peccatis*: & in Trident. sess. 25. de Reform. cap. 1. Parochus præcepto Divinò tenetur pro omnibus Sacrificium offerre. Hanc sententiam sustinet etiam Gobat in *Alphab. Sacrif. casu 16. num. 492.* & ego illam probabilem reputo: quidquid in illis locis Scripturæ, & Tridentini Barbosa, & Bonacina velint contineri obligationem ad applicandum saltem aliquoties illum fructum Sacrificii sui pro subditis, qui solet intuitu stipendii offerri.

67. Cæterum pro Regularibus degentibus in pauperibus Conventibus P. Lezana hic notandum monet, sacerdotes ex stipendio obligatos ad celebrandum pro aliquo, posse, innitendo sententiæ probabilissimæ de valore infinito Missæ, suas Missas applicare simul illis, quos his suffragiis ex charitate, gratitudine &c. adjuvare tenentur, modò id faciant ex suppositione veritatis dictæ sententiæ, ne aliàs dantes stipendium periculū subeant non sufficiens totum fructum ex Missa intentum. Ita etiam docent Hurtadus & Coninc. Ast puro ego hic diligenter cavendum esse, ne is, qui ex charitate aut aliunde gratis à se postulat Missam ad suam vel alterius intentionem, ex stipendio obligatus sit per se vel per alium illā Missam dicere: tunc enim pro ea Missa non posses ab alio stipendium accipere, ne sic unā Missā verè satisfiat duplici stipendio accepto. Sed fortè hic

Petes, quid facietis, qui pluribus Missarum oneribus est obligatus, nec ullo modo per se vel per alios satisfacere potest, cùm expenderit pecunias, ac capellaniā, aliisque obligationibus perpetuò sit allectus.

68. Respondeo cum imprimis debere quotidianas suas Missas offerre pro iis, qui dederunt stipendia, conditionatè: deinde debet eisdem applicare eam partem fructus, quæ sine detrimento aliorum applicari potest juxta probabilitatem sententiæ allatæ: debet insuper eisdem applicare partem sibi Celebranti competentem: quæ omnia si non sufficiant secundum numerum stipendiorum, etiam tenebitur illis applicare opera sua satisfactoria, jejuniarum videl. orationum &c. ac denique etiam debet audire Missas applicando fructum iis quibus debitor existit. Hæc omnia, teste Lezanā, in simili consuluit Reverendissimus Stratus N. Ordinis Generalis.

An verò possint Generales Ordinum Mendicantium reducere Missas ad minorem numerum, & hanc potestatem subditis delegare? Vide Dianam *part. 11. tract. 2. res. 4.* ubi P. Brunus sustinet, quòd sic ex duplici privilegio: quæ tamen asserit Diana esse revocata jussu Urbani VIII. quare monet Regulares, ut caveant hanc doctrinam ad praxim deducere, saltem in Provinciis ubi Decreta Sacræ Congregationis recepta sunt.

Cæterum Religiosi celebrantes pro stipendio sua obligationi satisfaciunt dum applicant fructum sacrificii juxta intentionem Superioris: quidquid Paulus Quarti in *Commentar. rubric.*



*bric. Append. de sacrif. q. 2. p. 13.* dicat ad tollendum omnem scrupulum tutissimum esse si applicatio remittatur in Divinam scientiam, dicendo, *Applico juxta ordinem justitia Deo notum* : vel ut vult Navarrus, *Applico sicut Deo consuente applicare deberem*. Atque hunc modum, utpote facilem, expedientem judico, ut superiores, vel rectores Ecclesiarum, vel quicumque alii, quibus incumbit cura satisfaciendi oneribus

Missarum celebrandarum, à multis difficultatibus liberentur, qui sepe non possunt determinatè in particulari, vel nosse personas, vel animas Purgatorii, quibus potius sit primum offerendum sacrificium. Quinam Prælati, & in quibus casibus habeant auctoritatem præcipiendi subditis applicationem Missarum, resolvit nominatus Paulus Quarti *lo. cit. puncto 15.*

## DVBIVM DVODECIMVM.

*An liceat differre celebrationem Missarum, pro quibus stipendium datum est?*

69. **D**ico, est peccatum mortale per notabile tempus dictas Missas differre, si id fiat per negligentiam. Probarur, quia per similem dilationem aliis creatur grave damnum; forte enim plures animæ essent liberatæ à Purgatorio; illique, qui eas curarunt fieri, bono spiritali vel corporali carerent, quod alias fuissent consecuti. Ita DD. communiter testibus Dianâ & Lezanâ. Interea si dilatio tantum fiat ad modicum tempus, non erit mortale; tale autem tempus modicum Ledesma, Villalobos, Diana, & Lugo vocant illud, quod consistit intra 40. aut 50. dies, quod ego puto melius prudentum judicio relinqui determinandum, inspectis circumstantiis loci, temporis, Missarum dicendarum, & Sacerdotum, qui illas dicere obligantur. Addit tamen bene P. Lezana, si Missa dicenda sit pro aliqua necessita-

te, quæ non patitur moram; v. g. pro præsentis infirmitate, tribulatione, litis expeditione &c. tunc nullo modo posse differri.

Petes primò, an sit licitum dicere Missas pro illis, qui postea primi per stipendia illas exigunt?

70. Affirmativè respondent varii apud Dianam *loc. cit. resol. 15.* quia cum apud Deum omnia sint præsentia, æquè sic ac aliter profunt. Verum ego veram reputo sententiam negativam, quam apud eundem Dianam sistent decem alii præstantes DD. quibus addo Lezanam, Mendo, & Gobat in *Alphab. Sacrif. casu 5. num. 169.* Ratio est, quia Missa consistit in actione transeunte, cujus fructus si particularibus personis de facto non applicetur, aut applicatio de facto non proficit, in Ecclesiæ thesauro reponitur, in quem ultra nihil juris habet Sacer-

dos

cerdos sed solus Pontifex: dicere autem cum Burghaber & aliis, fructum Missarum, dum fiunt, applicari iis, quos Deus novit proxime daturus stipendia, adeoque intentione absolutâ, non satisfacit; quia sæpè de facto, dum sic celebratur, non potest applicatio prodesse intentioni ejus, qui postea petet Missam fieri, cum fortè tempore, quo Missa est celebrata, non extiterit motivum, ob quod postea Missa postulatur: quare non est hic idem ac si Sacellanus obligatus ad sex Missas per quindenam dicendas, eas diceret spatio octo dierum, quidquid id asserat Burghaber *Centur. 2. casu 98*, quia supponitur motivum omnium illarum Missarum dicendarum ab initio adesse, quod non fit in casu nostro. Unde meritò sacra Congregatio sub Paulo V. prohibet contrariam sententiam praticari ut observat P. Lezana verbo *Missæ num. 51*. quidquid Diana cum aliis dicat, dictam declarationem factam esse ex mandato Clementis VIII. dicti Pauli V. prædecessoris.

Petes secundò, an is, cui datur summa major pro Missa, possit alium minori summâ conducere?

71. Respondeo per se loquendo id non videri illicitum, si detur alteri stipendium justum: nec enim perdit qui iussit Missam fieri, neque ipse sacrificans, ut clarum est: quod verò P. Franciscus dicat, illud majus stipendium dari, ut Sacerdos celebret alacrius, libentius, & minùs obliviosè: non videtur adeò certum, aliàs enim deberet Sacrifica Regularis v. g. mo-

nere celebrantem de excessu stipendii accepti pro Missa, quam ei dicendam assignat, quod non fit. Puto igitur excessum stipendii dari ex liberalitate potius; vel quia unus, plùs altero, æstimat statum sacerdotalem, aut ei plùs afficitur. Dixi tamen *per se loquendo*; quia cum hoc contineat speciem turpis lucri, sacra Congregatio sub Urbano VIII. declaravit, id nullo modo esse licitum: quare jam illicitum est id praticare. Ita Lezana *to. 1. cap. 21. n. 7.* & verbo *Missæ n. 35*. ubi citat Lugo & Bordonum; quorum ultimus videtur velle, id solum esse peccatum veniale, imò id esse absolutè licitum docet Lugo si Sacerdos omninò spontè, nec vi nec metu nec aliter coactus, contentus sit parte stipendii, nam volenti & scienti non fit injuria: nec dicta Congregatio id inhibere videtur; quidquid rectè Diana *part. 10. tract. 16. resol. 68*. moneat, id in praxi vel nunquam vel nimis circumspectè reducendum esse; nam prudenter timeri potest, ne celebrans non omninò liberè, sed potiùs aliquo metu cedat juri suo, quia fortè non darentur sibi tales Missæ, vel in futurum aliæ non darentur, vel quid simile veretur. Ita Diana *lo. cit. ubi resol. 69. seq. cum Averfa, Peyrino*: & Lugo reprobatur sententiam Bordoni de solo peccato veniali, dum sic quis plures Missas minori stipendio curat per alios fieri, quàm ipse receperat: & meritiò; quia aliàs sequentem propositionem; *Post Decretum Urbani potest Sacerdos, cui Missa celebranda traduntur, per alium satisfacere collatò illi minori stipendiò, alià parte stipendii sibi retinèrâ*, non absolutè ut

scandalosam damnaret, nec illius praxim sub tam gravi pœna inhiheret Alexander Papa VII. prout fecit per decretum recentius editum. Unde malè monet Gobat in *praxi Clement. Iudic. Decade 5. num. 298.* ut Confessarius se accommodet sententiæ à noxa mortali censenti immunem illum, qui accepit pro decem sacris tres aureos, quorum unum sibi reservavit, duos dedit alteri Sacerdoti, ut faceret illa decem sacra. Appono interea ea quæ habet Mendo in *sua stratera dissert. 13. quæst. 6. num. 74. & 10. de Ordin. militar. Dissquis. 9. quæst. 5. num. 43.* tenendum est, quòd Capellanus, aut Beneficiarius, quorum Capellania, aut Beneficio annexæ sunt Missæ ex obligatione per se vel per alium celebranda, possit committere eas alteri Sacerdoti, persolvendo dumtaxat stipendium justum commune, quamvis ipse plus percipiat. Ratio est, quia ille excessus non conceditur ei præcisè in stipendium Missæ, sed titulo Beneficii aut Capellaniæ, ac propter obligationem, & onus in se susceptum curandi ut ille Missæ dicantur per se, vel per alium. Et postquam sex probatos Authores proferat, dicit eam esse sententiam communem, praxi frequenti confirmatam, ac à Congregatione Cardinalium declaratam, quam refert *Diana part. 1. tract. 14. resol. 11.* additque idem Mendo (cui in hoc subscribo) id non militare contra Decretum Pontificis, utpote quod non intelligitur de ejusmodi Capellanis, aut Beneficiariis. Ille idem *num. 80. sua stratera* etiam apponit sequentia. Si erogans elemosynam solitâ majorem

pro Missa, eam præstet non solum intuitu suffragii Missæ, sed ex affectu speciali ad personam, cui erogat, seu ad Monasterium, cui Missas commendat, seu ut inde persona, aut Monasterium percipiant majus emolumentum ad sublevandam suam necessitatem, quâ laborant, sanè poterunt Missa committi aliis Sacerdotibus, tribuendo eis justum stipendium solitum, sed sibi reliquam partem retinendo. Ita ille, dicens ne hunc eventum cadere sub Decreto summi Pontificis, siquidem in eo non est turpis lucris species. Judico tamen ego per hoc facile posse palliari turpem lucris speciem, adeoque id puto comprehendi sub propositione generali damnata suprâ ab Alexandro VII. nisi ille erogans hanc suam specialem intentionem verbis expresserit.

Petes tertio, an sit mortale omittere unum sacrum, ad quod datum est stipendium?

72. Respondetur communiter affirmative, cò quòd fructus sacri, quem intendit dare stipendium, quemque consequeretur etiam per unicum sacrum, sit inæstimabilis; ad quem applicandum ex pacto se obligavit sacerdos; unde videtur alterum defraudare in re notabili, si illud sacrum non dicat. Atamen aliqui adhuc contrarium sustinent; quia acceptum stipendium non est materia peccati mortalis. Inter hos sunt Pellizarius *tract. 6. c. 3.* & P. Herincx *disp. 8. num. 180.* quibus se opponit Fran. B. Spei *de Euchar. disp. 9. n. 97.* Sed quanta est obligatio Sacerdotis initiati ad tres illas Missas ab Episcopo in ordinatione injunctas

Missæ

Illam esse sub mortali culpa docent probabilius Azorius, Suarez, & Layman apud Burghaber *Centur. 1. casu 93.* qui tamen non improbabiler cum pluribus sustinet oppositum, tum quia ex nullo jure hæc obligatio clarè ostenditur: tum quia Episcopi illam non intendunt, vel saltem necdum exprefserunt se intendere.

73. Adde primò ex Lezana, Diana & aliis, Sacellatum v. g. obligatum ad certum numerum Missarum per annum, si ad breve tempus ægeat, non teneri Missas illorum dierum per alios dicere; quia ita prudenter existimatur esse intentio pii institutoris. Tale autem breve tempus dicunt aliqui esse quindenam, aliqui mensem, & aliqui duos menses apud Gobat in *Alphabeto Sacrif. casu 17. numer. 582.* atque omnes (ipsò & Tamburino attestantibus probabiliter.

74. Adde secundò, obligatum ad quotidie Missam dicendam pro altero, posse in anno quartò vel sextò celebrare pro seipso vel sibi valde conjuncto, qui v. g. obiit vel versatur in valde gravi necessitate, idque ob permissionem pii institutoris ut ante. Ita idem P. Lezana cum variis. Verùm tunc tutius foret, meo quidem consilio, modo supra assignato praticare sententiam de valore infinito Missæ: quia puto quòd institutor negaret facultatem dicendi Missam pro amico solo &c. si sciret eandem Missam sibi simul ac necessitati amici æquè prodessè posse, ac si pro amico solo diceretur.

75. Adde tertio, Capellanum obligatum ad quotidie celebrandum posse semel in hebdomada à celebrando vacare juxta *cap. significatum de prabendis*: idque ob honestatem & debitam devotionem: minimè tamen poterit isto die celebrare ad intentionem alterius stipendium dantis. Ita DD. communiter teste Dianà *part. 2. traët. 14. resol. 28.* qui *part. 11. traët. 7. resol. 27. in fine* hæc ponit; *tandem nota, quod aliqui asserunt, debere sacerdotem sigillatim dicere Missas pro singulis, qui petierunt illas. At Bonacinas & Aversa posse Missas applicare conjunctim & in confuso: si nimirum sacerdos, qui recepit à quatuor personis quatuor stipendia, dicat totidem Missas pro cunctis, dummodò omnes Missæ dicantur intra latitudinem temporis concessi. Ego autem existimo hanc sententiam in rigore sufficere; prima tamen magis mihi placet, & ejus modus accommodatior & usitator est.* Ita Diana & ego, nili fortè eidem sacerdoti dentur plura stipendia simul pro pluribus Missis dicendis ad intentiones diversas, quibus hæc & nunc debet satisfieri.

Addo Sacellatum obligatum quotidie celebrare in certo sacello non peccare graviter quinies vel sexies alibi celebrando, secus si id sæpè faciat: quia contravenit menti fundatoris in re gravi. Non tenebitur tamen ad restitutionem si alibi non celebret ad intentionem fundatoris, eò quòd huic non adveniat damnum notabile. Ita post varios Burghaber *Centur. 3. casu 98.* addens in casu quo similis Capellanus non posset in isto loco celebrare propter

impedimentum v. g. violationis, inundationis, &c. non teneri ipsum alibi celebrare, saltem si fundator solum intenderit venerationem talis loci aut Sancti qui ibi colitur, & non specialiter fructum sacrificii:

pro quo citat Barbosani; rationemque desumit à pari; nam qui vovit jejunare in vigilia talis Sancti, si eo die non possit, non tenetur alio die jejunare.

## D V B I V M XIII.

### *Vbi, quando & quoties sit celebrandum.*

76. **D**ico primò, Celebrandum est in loco ab Episcopo consecrato, vel alibi cum altari portatili ex dispensatione sufficienti. Vide Bachonem in 4. dist. 10. quest. 2. art. 1. ubi adfert diversa capita, quibus ab Ecclesia illud præcipitur, vel per dispensationem aliud permittitur; prout Carmelitis per privilegium concessum est à Clemente IV. Urbano IV. Nicolao IV. & Sixto IV. ut in quibuslibet locis honestis, in domibus vel extra, v. g. in castris, divina celebrent cum altari portatili. Pro quo vide Franciscum B. Spei de Euchar. disp. 9. num. 106. ubi dicit, Regulares istis privilegiis uti non posse, nisi Episcopis non contradicentibus: & cum constet Episcopos rogatos id nolle, quidem rationabiliter putat eos id non posse: Unde omninò consulo, ne id fiat: maxime cum dictus P. Franciscus loc. cit. doceat, cum aliis communiter: *celebrare extra Ecclesiam absque gravi causa, esse mortale peccatum.* Idem n. 110. addit, lex crimina in jure enumerari, quorum quodlibet Ecclesiam sacratam polluit, & Missam ac officia divina in illa celebrari impedit. Primum est homici-

dium culpabile. Secundum effusio sanguinis humani injuriosa. Tertium illicita effusio seminis humani: quæ crimina, dicit, debere esse publica. Quartum sepultura excommunicati declarari. Quintum sepultura pagani, seu infidelis non baptizati; comprehendendo sepulturam parvulorum non Baptizatorum. Sextum denique destructio parietum Ecclesiæ pro majori parte. Pro his, quoad particularia, ipsum consule *lo. cit.* & recolle à nobis dicta tr. 1. disp. 5. n. 59. 60. & 61.

77. Dico secundò, tempus, quò licitè celebratur, incipit ab aurora & durat ad meridiem, quamvis jam in multis locis usus obtinuerit, ut celebretur unà horà ante auroram vel parum post meridiem. Imò nobis Carmelitis est concessum à Sixto IV. privilegium celebrandi ante & post horam ab Ecclesia statutam. Addunt aliqui aliud privilegium concessum à Julio III. ut ante recitatum matutinum ex causa justa liceat Missam dicere; verum id omnibus licitum puto cum Francisco B. Spei de Relig. disputat. 2. num. 55. quia Missa celebranda, & matutinum cum laudibus lectum, non vi-

videntur majorem connexionem inter se habere, quàm Missa audienda, aut communio facienda cum eodem matutino lecto. Atque Palaum culpæ venialis damnantem eum, qui celebrat matutinò necdum lectò, asserit Gobat bene refutari à Tamburino; quò à se dictò in *Alpha-beto Sacrif. casu 11. num. 388.* miror eum immediatè subjungere sequentem monitionem: *Verum ne sequere hanc sententiam sine rationabili causa;* cum & ipse secutus Suarem absolurè doceat, id ne quidem esse veniale peccatum.

78. Cæterùm de præcepto obligante sacerdotes ad celebrandum, controvertitur; quidam enim volunt nullum de eo exstare præceptum; alii dicunt involvi præceptum in his Christi verbis, *hoc facite in meam commemorationem.* Interim incertum manet an & quoties sub mortali teneantur: in quo satis existimo probabile, simplicem Sacerdotem ter aut quater celebrantem in anno, maximè in Festis solemnioribus, omninò satisfacere: nam cap. *dolentes de celeb. Miss.* solùm arguit sacerdotes delicti, qui vix quater in anno celebrant: imò Fulienſis lib. de *Euchar. cap. 12. ref. 1.* dicit, probabiliter satisfacere Sacerdotem, qui aliquoties in vita sacrificat. Vide supradictum Franciscum de *Euchar. disp. 8. num. 5.* ubi eum obligat ad aliquoties in anno celebrandum, allegans Trident. *ss. 23. cap. 14. de reform.* & scandalum, quod viri probi alioqui accipiunt. Vide eum iterum *disp. 9. num. 103.* ubi dictam obligationem determinat ad ter aut quater in anno.

Petes primò, an sit licitum dicere in die plures Missas?

79. Respondeo hoc maximè licere duobus casibus (alii enim à variis adducti non videntur esse in usu:) in Festo scil. Natalis Domini; quando cuilibet Sacerdoti est licitum dicere tres Missas, sed non duas & semel communicare more laicorum, quia consuetudo Canonem *consultiſti de celeb. Miss.* dantem prædictum privilegium, intelligit propriè, & rigidè de celebratione ipsa sola. Alius casus est, quando quis habet duas parochias administrandas; tunc enim de licentia Episcopi potest singulis Dominicis & Festis bis celebrare, sive *binare*, ut vocant. Alios casus raros videre poteris apud Bachonem in *4. dist. 9. quæst. 1. art. 2.* ubi etiam tradit modum, quo tunc Sacerdos se gerere debeat.

Petes fortè secundò, an Fetià quintà ante Pascha licitè dicantur Missæ privatæ?

80. Communis DD. sententia, teste Dianà, est affirmativa; quia consuetudo in contrarium est solus devotionis; inò eam Diana dicit esse abrogatam, eò quòd passim, etiam Romæ, videatur isto die Missa celebrari: quoad declarationem verò Cardinalium in contrarium, quam adfert Saussaii Doctor Parisiensis, dicit Garſia, de ea non constare authenticè. An autem liceat similes Missas dicere post, an solùm ante finitam summam Missam? Primum sustinent Præpositus & Dicastillus: secundum cæteri communius cum Vasquez; à cujus sententia dicit Diana *part. 11. tr. 5. resol.*

*resol. 32.* se non audere recedere. Quid autem faciendum sit Pastori duarum Parochiarum in Cœna Domini; an videl. possit binare & quomodo? Habes apud eundem Dianam *ibid. resol. 33. & seq.*

Petes tertio, quid dicendum sit de Sacris in Altari privilegiato celebrandis?

81. Respondeo illa debere esse de Requiem, uti habet declaratio Cardinalium apud P. Lezanam in *summa verbo Altare*: Limitat tamen Franciscus *disp. 9. num. 102.* alio die, quàm Festo duplici & de præcepto; quando putat Sacrum debere dici de die, ita ut maneat privilegium, ne Pontifex minuat gratiam animabus concessam. Idem sustinet Burghaber *Centur. 2. casu 5.* ex communi DD. ut ait, etiam extra Festi duplicia & de præcepto, nisi

nominatim Missa pro defunctis in indulto exprimat, quod dicit communiter non fieri. Respondetque ad rationem à nobis allatam, ex Pellizario, Declarationem Cardinalium non facere legem universalem, sed solum sententiam probabilem: quod ab ipsis sit dictum. Insuper Franciscus arguit nimiam laxitatis Leandrum, qui ponit Altare D. Virginis privilegium perpetuum in dispositione cuiuslibet Superioris Regularis; qui tamen adhuc monet, attendendum, quod Peyrinis in *tract. de Privilegiis consit. 10.* Clementis VII. referat, Privilegium esse Altaris privilegiati Feriis secundis & quartis, pro quocunque Superiore & socio Conventus seniore quoad professionem, ubicumque celebraverint.

## DVBIVM XIV.

*Quid faciendum, dum in Missa occurrit aliquis defectus?*

82. Dico primò, dum Sacerdos existens in Altari sentit se adeò malè habere, ut ex integro Missam perficere non valeat, si necdum consecravit, desistat; si verò consecravit, Missa compleatur per alium Sacerdotem, etiam non jejunum, vel per eum, qui eodem die adhuc semel celebravit, si alius desit: quia præceptum & jus Divinum præcipiens perfectionem sacrificii, strictius ob-

ligat, quàm ecclesiasticum de communicando ante sumptionem alterius cibi, & de non celebrando bis in die. Ita omnes communiter. Nec refert, quòd factâ consecratione sit completum sacrificium juxta dicta supra; quia sumptio adhuc est de perfectione sacrificii latè sumpti, prout sumitur quando præcepto Divino jubetur perfici dum est possibile; quatenus videl. juxta Ecclesiarum ritum, & Christi



si institutionem est confectio cibi spiritualis, & quædam convivii præparatio, de cujus perfectione est ipsa sumptio: deinde dum Christus dixit, *Hoc facite in meam commemorationem*, non tantum consecravit, sed verè etiam sumpsit corpus & sanguinem suum; quare consecrationem debet sequi sumptio, dum fieri potest.

83. Dico secundò, si aranea v. g. incidat in calicem ante consecrationem, effundatur vinum & aliud infundatur: si post consecrationem, & ob horrorem animal & sanguis summi non possint, animal comburatur & sanguis exsicceetur panno vel stipa, quæ deinde comburatur, & cineres omnes in sacrarium reponantur. Interea sumatur alius calix, & fiat ut statim dicetur. Quid autem fieri debeat cum corporali, linteaminibus, lapide altaris consecrato, &c. dum super ea sanguis effusus est? Habes in rubricis Missalis ad quas recurre, dum necessarium fuerit.

84. Dico tertio, si sumpto corpore Christi deprehendat Sacerdos, in calice esse solam aquam, quam vel ex parte vel ex toto jam bibit; accipiat vinum cum aqua & de novo consecret incipiendo à verbis, *Simili modo, &c.* usque ad *unde & memores*; sicque alii omnis dicat, *Sanguis Domini nostri Iesu Christi custodiat, &c.* ac ita calicem sumat: quod enim S. Thomas doceat, tunc aliam hostiam & aliud vinum sumendum esse ac consecrandum à principio, solum intelli-

go dum Missa dicitur privativè & non coram populo; quia aliàs daretur occasio scandali. Ratio autem omnium horum est, quia integritas hujus sacrificii per modum perfecti convivii non haberetur, nisi post sumptionem corporis & sanguinis Domini per modum cibi & potus. Hinc P. Cornejo post D. Thomam & alios communiter docet, in nullo casu posse sacerdotem unam tantum speciem sine alia consecrare. Sed quid si Sacerdos post consecrationem animadvertat, se non apposuisse aquam vino? Non apponat, quia id non est de necessitate: deberet tamen apponere, si id deprehenderet antè consecrationem, nisi aliàs timeret magnum scandalum.

85. Dico quartò, si Hostia consecrata è manibus in calicem labatur, doleat & Missam prosequatur, ita se accommodando, ut scandalum, quantum fieri potest, evitetur. Quod si verò Hostia consecrata dispareat, vel deprehendatur venenata, præcipitur in rubricis de defectibus, ut alia Hostia consecratur & sumatur: ex quo Paulus Quarti in *Commentariis circa rubricas par. 2. tit. 10. sect. 1. dub. 3.* deducit bene, celebrantem teneri sumere Hostiam à se consecratam; quia aliàs facile posset sumere unam aliam præconsecratam. Verum per hoc non satisfaceret integritati sacrificii, cum aliæ Hostiæ præconsecratæ non pertineant propriè ad idem sacrificium. Ita plures apud dictum Authorem *loc. cit.* quidquid alii tres ibidem citati doceant, dum Sacerdos de-

Bbbb

puta-



putatus ad consecrandam Hostiam majorem exponendam in remonstrantia, eam omisit adferre, posse eum reservare suam Hostiam majorem, & unam præconsecratam ex pyxide sumere, dum non suppetit aliud remedium ad scandalum impediendum: quia (inquiunt illi) talis verè dicitur participare de suo sacrificio, dum participat de eodem Christo, qui idem est in omnibus Hostiis. Ego autem ob rationem allatam in contrarium, judico in illo casu potius exponendam esse unam ex parvis Hostiis præconsecratis sumendam ex pyxide. Quod si prædictus Sacerdos simul cum sua magna Hostia consecrasset & alias parvas, posset illam reservare, ac unam ex his sumere, quia sic verè participat de suo sacrificio. Ex his infero Baucium in *miscellaneis practicis opusc.* 4. *per.* 75. non rectè generaliter docere, licitum esse Sacerdoti consecranti sumere Hostiam à se non consecratam, & suam reservare; quidquid pro se citet Faultum. Caterum si sumpto sanguine particula Hostia maneat in calice, adducatur digito ad labrum calicis, & sic sumatur, antequam imponatur vinum pro ablutione: nulla tamen committeretur culpa, si vinum infunderetur, & simul cum vino dicta particula sumeretur; quia est moraliter una sumptio. Imò posse Sacerdotem sumere reliquias in patena repertas, etiam post sumptam integram ablutionem, docent DD. satis communiter, quia id pertinet ad idem sacrificium: quidquid tamen in rubricis præcipiatur, ut

illa particula colligantur, & sumantur ante sumptionem calicis. Sed quid si aliquis purgando pyxidem intendat sumere particulas in ea adinventas? Judico illas sumendas esse post sumptum calicem; tum quia non sunt de eodem sacrificio; tum quia sic sumi poterunt simul cum vino in pyxidem infuso ad melius mundandum. Nec in his omnibus locus est scrupulo, ne forte particula deglutiantur post sumptum vinum: quia, ut Paulus Quarti *loc. cit. dub.* 7. post varios ait, præcepto jejunii naturalis solum præcipitur, ut quis accedat jejunos ad integram communionem, & sumptionem Sacramenti absolutè, & per se: quod patet ex eo, quod permittatur iteratis ablutionibus Hostiam dentibus vel palato adhærentem extrahere & trahere.

86. Dico quinto, si post consecrationem Sacerdos in manibus repetiat duas hostias, utramque sumat; quia utramque consecravit, etiam quicquid intendat consecrare, quod habet in manibus.

87. Dico sexto, si vinum in calice congeletur ante consecrationem, prius resolvatur antequam consecratur: quia consecrare vinum congelatum esse peccatum mortale, docet Burghaber *Centur.* 2. *casu* 37. imò & alii Doctores ferè omnes teste Palao *tract.* 21. *D. unic. punc.* 4. *num.* 8. quia, hoc est recedere à communi Ecclesie consuetudine in re gravi, & Sacramentum exponere periculo nullitatis, cum plures probati Authores doceant, vinum congelatum non esse

mare-

materiam calicis ; quidquid contrarium nos judicemus esse verum. Nec enim video cur minus sub vino congelato possit primò produci sanguis Christi, quàm possit sub speciebus vini congelati conservari, quod ultimum affirmavit Pius V. in *Rubr. Miss. de defect. Missæ s. in hyeme*. Quare si congelatio fiat post consecrationem, resolvatur ante sumptionem, ut habeat actualem rationem potus. Si verò totus sanguis casu simul effundatur, fiat ut dictum est *resol. 2. & 3.* si tantum pars, reliquum sumatur, & de effuso fiat ut ibidem resolutum est.

88. Dico septimò, dum celebrans non recolit se aliqua dixisse aut fecisse, quæ dicenda vel facienda erant, non idcirco turbetur ; quia qui multa dicit aut facit, non recolit omnia : si tamen probabilius constaret aliquid omissum esse, quod est de necessitate Sacramenti, resumì deberet ; secus si sit tantum aliquid spectans ad ceremonias aut orationes, licet esset pars Canonis. Quòd si tamen defectus, etiam accidentalis, magni momenti occurreret, subinde esset supplendus, subinde non : si enim Sacerdos ante consecrationem advertat panem præsentem non esse azymum, debet curare ut adferatur azymus ; imò & ab incepta Missa desistere, si obtineri non possit & desit periculum scandali : similiter dictum est debere vino apponi aquam si ante consecrationem adver-

tatur eam non esse appositam : ratio est, quia major videtur esse irreverentia perficere Missam cum adeo gravi defectu, quàm eam necdum substantialiter inchoatam deferere. Contrarium dic, si quid simile advertatur solum post consecrationem ob dicta supra. Vide de his Bachonem *dist. 10. quest. 1.* Cornejo *tom. 2. tract. 4. circa quest. 74. disp. 1.* & rubricas Missalis : ad quas pro his omnibus remittit P. Franciscus.

Cæterum debet celebrans accuratè omnia observare, quæ habentur in Missali, & maximè esse attentus cum ad Canonem pervenerit : quidquid nimis rigidè judicem aliquos locutos esse apud Suarez, qui volunt vel unicum verbum in Canone omitterentem peccare mortaliter : ac quamvis Tamburinus apud Gobat in *Alphab. Sacrif. casu 23. num. 822.* doceat, non vacare culpà mortali in Canone diu voluntariè mente evagari ; nihil tamen ipse circa hoc resolvit. Diximus autem nos supra *tract. 1. disput. 5. num. ult.* esse mortale, voluntariè distrahi tempore actualis consecrationis. Nota Canonem incipere secundum communionem sententiam à *Quæ pridie*, & olim desinebat ad *Pater noster*, modò verò juxta Suarez ad consecrationem sumptionem Sacramenti.

\* \*  
\*

## D V B I V M XV.

*De Vestibus Sacris, & aliis ad celebrandum requisitis.*

89. **D**ico primò, quoad vestes Sacerdotales, necessariae sunt, amictus, alba, cingulum, manipulus, stola & planeta seu casula: si tamen in casu necessitatis aliquid ex minoribus, amictus v.g. cingulum vel manipulus deesset, non esset mortale sine eo celebrare. Debent autem omnia prædicta esse benedicta; quamvis non putem esse mortale uti cingulo non benedicto; nam in aliquibus Regionibus non benedicuntur, ut testantur Schotus & Richardus, & consuetudine videtur introductum, quòd partes cinguli fracti passim connectantur sine nova benedictione, cum tamen juxta DD. communiter vestes sacræ suam benedictionem amittant, quando desinunt esse integræ, ac ordinariam suam formam & usum perdunt. Pro quo vide Lezanam verbo *vestes Sacrae* num. 5. & 6. & Franciscum de *Eucharist. disp. 9. num. 116. & 117.*

90. Dico secundò, præter dictas vestes, requiruntur insuper corporale, calix, patena (quæ necessariò debent esse benedicta) palla, quæ non necessariò requirit benedictionem, & purificatorium; quod cum etiam nullo jure statuatur, ut benedicatur, potest in casu necessitatis adhiberi strophium, quo tamen non amplius erit tergendus nasus. Ita post Suarez do-

cet Gobæ. Debet insuper calix esse aureus, argenteus vel stanneus, sicut & patena, nec possunt esse ex ære aut cupro; quia hæc propter æruginem provocant vomitum, quamvis Lugo testetur Romæ esse plures ex ære, & nullos ex stanno. Neque etiam possunt esse ex vitro propter periculum: nec ex ligno; nam cum hoc sit porosum, aliquid sanguinis subintraret. Vide eundem Lezanam verbo *Calix*, ubi docet à quibus possit benedici, & quando suam amittat benedictionem: addens calicem, patenam, & alia immediate attingentia corpus & sanguinem Christi, non posse tangi à laicis absque peccato; licet non videatur mortale, si desit scandalum & contemptus. Dum autem corporalia & purificatoria tradenda sunt lotrici, ut laventur, debent prius à Sacerdote vel Diacono ablui, & lotio mitti in piscinam. Addo probabile esse, calicem, & corporale sufficienter censerì benedicta dum in iis aliquis lætificavit, ut post plures docet Burghaber *Centur. 2. casu 68.* idque ex contactu Sanctissimi Corporis Christi à quo omnis benedictio promanat: quia tamen ille contactus non reperitur in usu sacrarum vestium, de his oppositum est dicendum.

91. Insuper etiam requiritur lumen, idque sub culpa mortali: sufficit tamen una candela vel etiam lampas, si adsit gravis necessitas celebrandi, & haberi nequeat lumen ex cera, desitque periculum scandali. Peccati gravis venialis damnat Suarez *diff. 72. sect. 4.* cum, qui sine lumine ministrat sacram Eucharistiam: quod intellige extra sacrificium Missæ, quia in illo sufficit lumen ardens pro ipsa celebratione. Requiritur item missale, ut missis continens integrum Canonem: & Crucifixus; quamvis Lezana cum P. Francisco dicat, hoc ultimum non requiri sub mortali, cum res non videatur adeo gravis. Imò nequidem sub veniali requiritur crucem si nequeat facile haberi, vult Gobat post Vasq. & Fagund. in *Alphab. sacrif. casu 10. num. 296.* qui & *num. 299.* docet sufficere crucem sine crucifixo, quia Missale de sola cruce loquitur: adfertque Tamburinum docentem factis esse si crux sit depicta in tabernaculo aut pariete: & culpatur Gavantum requirentem crucem dum prostat venerabile Sacramentum. Item debet Altare cooperiri tribus mappis benedictis; duabus quidem brevioribus, quibus cooperiatur tota ara; & alia superiori, quâ tota mensa altaris. Ita, teste Francisco, colligitur ex cap. *si per negligentiam de consecr.* quidquid Gobat in *Alphab. Sacrif. casu 10. num. 289.* pluribus citatis dicat usu introductum esse, ut hæc ætate sufficiat una mappa duplicata, esto non tegat totum altare; imò & unam simplicem in casu necessitatis sufficere & quidem non benedictam, quæque possit mox iterum ad mensam profanam adhiberi, docent

apud eundem Azor. Sylvest. Suar. Tanner. & Pax Gordanus.

92. Adde, prædicta omnia, excepto calice, posse benedici à Superioribus Regularium, ut sunt Priores & Vicarii in eorum absentia: imò id posse omnes Sacerdotes Regulares dempto corporali, tradit Pourrè *par. 1. verbo benedictio num. 7.* ob privilegium concessum Minoribus à Sixto IV. quod adfert etiam Rodriguez *resol. 13. num. 1.* & Portel, qui testatur apud PP. Dominicanos istam concessionem esse in usu. Addo, omnia prædicta, quibus in illo tremendo sacrificio utitur Sacerdos, debere esse munda: alias qui Sacristiæ præstant, graviter delinquant, si culpa ipsorum non munden- tur dum sunt valde immunda, antequam in iis sacrificetur. Non ita tamen Sacerdos illis utens, quia hic non potest facile continere munda.

93. Dico tertio, requiritur præterea lapis chrismatis unctione ab Episcopo consecratus, fixus vel portatilis; extra quem celebrare, vel formulas extra illum positas consecrare, graviter prohibetur cap. *altari de consecr. dist. 1.* ac proinde est peccatum mortale. Prædictus autem lapis fixus consecrationem amittit, per enormem fractionem aut remotionem à suis fulcris; portatilis, per solam fractionem, non per separationem à theca sua lignea, cum præcisè sit ad ornatum. Ita P. Franciscus *diff. 9. num. 111.* & alii communiter.

94. Dico quarto, etiam requiritur minuter, qui interserviat celebranti, quique sit vir & non mulier: ut constet ex cap. *Inhibendum.* Imò esse mortale, si

mulier in missa ministret, docet P. Lezana verbo *Missæ* num. 63. addens magis expedire, Sacerdotem in casu magnæ necessitatis, dicere Missam sine ministro quàm ministrante muliere; quod idem docent Sotus, Azorius, Bonacinâs, Diana & alii. Verùm teste Marchantio, quibusdam in locis jam consuetudine receptum est, ut apud Moniales puellæ 10. aut 12. annorum ad id instructæ ministrare permittantur ibi celebrantibus, quod quidam sine scrupulo practicant in Provinciis Belgicis ipsis Episcopis scientibus. Scio etiam ego in quodam loco consuetudine introductum, ut ipsæ Moniales ministrarent Sacerdotibus in earum Ec-

clesiis celebrantibus. Legatur interim circa hæc Diana *par. 10. tract. 15. resol. 26.* ubi ut summum permittit, ut in casu necessitatis mulier à longè respondeat: minimè tamen ut immediatè & proximè Sacerdoti ministret. Imò acriter insurgit contra Nugnum contrarium docentem, prout etiam facit Mendo in *statera benignarum opinionum differt. 7. quæst. 1. num. 7.* & ferè omnes, qui in Italia composuère: sed eos non audit Marchantius pro locis Belgii, dicens, Hispanos & Italos hæc in re se verius loqui, eò quòd in illis Regionibus majus periculum aut inordinatio judicetur in similibus.

## DVBIVM XVI.

### *De præcepto audiendi Missam.*

#### §. I.

An exstet tale præceptum; & quæ attentio in Missa requiratur?

95. **D**ico primò, exstat præceptum Ecclesiæ obligans omnem adultum ad Missam audiendam diebus Dominicis ac Festis: idque sub peccato mortali, sive toto die, sive tantum mediâ sui parte festa celebrentur, quia semper pro illa parte urget obligatio Missam audiendi. Ita P. Urbanus *rr. 1. cap. 35.* Addo tamen, dictum præceptum non obligare in festo, quod solus Episcopus sine consensu populi insti-

tuit: quia is non habet potestatem instituendi festa sine consensu & Cleri & populi. Ita statuitur *cap. conquestus defer.* ac sæpe etiam sic resolvit Rota Romana, ut ex Barbosa, Pace Jordano, & Gavanto ostendit Gobat in *Alph. Audient. sacr. casu 3. num. 72.* Ratio est aperta, quia quod omnes tangit, debet ab omnibus approbari *cap. quod omnes de jure in 6.* Hæc tamen lege non ligatur Papa. Porro censetur populus con-

consentire, quando consentit Magistratus.

Præceptum de audienda Missa incipit obligare pueros dum perfectum usum rationis obtinent circa Divina mysteria; quod fit, juxta Marchantium, dum capaces judicantur ad sumendam Eucharistiam; quidquid alii communiter illi se opposcentes, velint eos prædicto præcepto ligari quamprimum fruuntur usu rationis circa alias res, quod contingit circa 7. vel 8. annum: & Francisc. B. Spei de *Euchar. diss. 9. num. 104.* dicat illam obligationem incipere cum obligatione confitendi. Probat suam sententiam Marchantius, quia pia Mater Ecclesia non videtur velle eos prius obligare, nisi sub peccato veniali ob apprehensionem imperfectam, tum mysteriorum, tum etiam obligationis præcepti; ex qua fit, ut facile negligent observare modestiam & attentionem requisitam, magisque ibi sint corpore quam mente præfentes. Ita ille: addens tamen pueros septennies, vel etiam infra, assuefaciendos esse ad Missam audiendam.

Petes hinc fortè an Sacerdos simplex teneatur celebrare, dum non adest alius à quo Missam audiat? Respondeo absolute quòd sic: quia vi præcepti audiendi missam tenetur quilibet sibi providere de celebrante ubi commodè potest, cum per solam impossibilitatem, saltè moralem, illud præceptum desinat obligare: ergò tenetur Sacerdos per se celebrare dum non potest aliò modò sibi de celebrante providere. Alias rationes vide apud Pasqualigo *to. 1. de Sacrif. novæ leg. q. 843.* per quas, sicut & per nostram, solvitur

fundamentum oppositæ sententiæ, quam immeritò sustinet Fernandez. *par. 3. ex am. theol. moral. c. 5. §. 8. num. 2.* non enim est dubitandum, quin Ecclesia intenderit obligare Sacerdotes ad alterutrum, scil. ad celebrandum, vel Missæ alterius intercessendum, prout etiam habet timoratorum omnium praxis. Ita etiam docet Gobat in *Alphab. sacrif. casu 16. num. 484.* & per plura in *Alphab. Audient. sacr. casu 1. n. 40. & seq.* Sed quid si prædictus Sacerdos esset in statu peccati mortalis? Teneretur præmissa confessione se reddere aptum ad celebrandum si adesset Confessarius; si non, teneretur à celebrando abstinere: plus enim præceptum Divinum de non celebrando post mortale peccatum commissum nisi præmissa confessione obligat, quàm ecclesiasticum de audienda Missa die festo aut Dominico.

96. Dico secundò, non sufficit interesse Missæ merè Physicè & materialiter, sed requiritur ut quis adsit devotè per actum humanæ præsentiae: quia, ut bene P. Urbanus *lo. cit.* hominibus lex illa lata est, non belluis, idèque servanda est per rationem & cum intelligentia: unde juxta omnes non satisfacit, qui sub Missa dormit, pingit, docet, &c. Insuper vi præcepti divini & naturalis sub veniali obligationis debet quisque etiam adesse cum attentione & devotione interna: quod, inquit Urbanus, potest similiter tribui juri Ecclesiastico, quod saltè indirectè potest præcipere actus internos, ac dum præcipit orationem vel Missæ auditionem, jubet Christianam & devotam, qualis esse nequit sine attentione in-

interna. Vide Franciscum B. Spei loc. *statim cit.* ubi dicit, Ecclesiam, ut interpretatricem legis divinæ, auditionem Missæ præcipere sub peccato scilicet mortali; ac ideo ad præsentiam per internam devotionem obligare: quod in *tract. de legibus* fuscè probat.

97. Verum etiam contrarium existimo probabile quoad præceptum Ecclesiæ, conformiter ad à nobis dicta *supra de Horis Canonicis*; ubi diximus, probabiliter satisfieri per devotam recitationem externam: quam doctrinam communiorum esse fatetur ipse P. Franciscus *lo. cit.* Vide etiam Dianam *par. 2. tract. 12. res. 2.* ubi dicit, eum satisfacere præcepto Ecclesiæ de audientia Missæ, dummodo assistat cum reverentia externa, ita ut verè possit dici hic & nunc actum externum religionis exercere, ac cum celebrante, propter illam externam attentionem, communicare: si tamen aliter faceret, puta confabulando, ridendo, &c. non posset dici decenter a humano modo & religioso audire Missam. Hæc Diana: quod & de novo confirmat *par. 10. tr. 15. resol. 2.* argumento desumpto ex Dicastillo; quia, si interna attentio esset materia ab Ecclesiâ præcepta, quantumvis involuntariè & sine advertentia attentio deesset, adhuc suppleri deberet per attentionem novam in alia Missa audita; quod tamen etiam DD. oppositæ sententiæ negant esse necessarium. Probatur sequela; quia si distractus non exhiberet actum præceptum plus quàm ille, qui tempore sibi dormiret involuntariè: quare subdit Diana, videant, qui nostram sententiam impugnant, in quibus tri-

cis se misceant. Hanc Dianæ sententiam etiam tenent Conink, Layman; eamque probabilem fatetur P. Urbanus. Docent varii hic requiri intentionem satisfaciendi præcepto: sed contra illos insurgit Rodriguez in *summa c. 123. num. 2.* dicens, hanc resolutionem esse nimis scrupulosam, & in rebus moralibus oportere loqui taliter, ut non detur ingressus scrupulis, præsertim in hoc præcepto, quod tam continuè obligat. Ita etiam loquitur Gobat in *Alphab. Audient. sacr. casu 5. n. 162.* Atque hoc de novo repetit *casu 7. num. 199.* ac consequenter ad hæc *num. 201.* dicit, si die Dominicâ audiens manè sacrum dicas, nolo hujus sacri auditione satisfacere præcepto Ecclesiæ, sed ut saturne faciam, decerno interesse adhuc uni alteri, nihilominus tamen explecti præceptum: quod & nos in simili asseruimus *tract. 2. diss. 6. num. 10.* de hic legente horas canonicas. quidquid tamen idem Gobat *casu 7. num. 194.* absolute requirat intentionem interessendi Missæ tanquam rei sacræ, seu cum intentione exhibendi Deo cultum: dicens *num. 198.* hanc non necessariò esse expressam seu explicitam, sed sufficere implicitam; qualem habent, inquit, qui soliti interesse sacro tanquam actioni sacræ eunt ad templum præcisè cogitando audire Missam, seu facere officium boni Christiani: nisi enim constet de contrariò, præsumuntur accedere cum indicata intentione. Attamen non audeo approbare, quod docet Bonacinas apud Marchant, nempe eum præcepto Ecclesiæ de audienda Missa satisfacere, qui magnâ parte garrit, ita ut simul attendat sciendo quid

in sacro fiat, surgendo ac flectendo ubi opus est: quod idem docet Busenbaum. Non audeo, inquam, id approbare; quia talis non potest dici exterius decenter & religioso modo audire Missam, quod in omnium sententia Ecclesia præcipit. Interea Marchant. dicit, eam sententiam multum favere aulicis & nobilibus; quidquid mihi (& indubiè Deo & Ecclesiæ) multum displiceat mos curiæ ita Missam audiendi.

98. An dicto præcepto satisfaciat qui tempore Missæ confitetur? Variant DD. affirmante Reginaldo, negant Suarez & Azorius, cum quibus id puto ordinariè esse improbandum, si requiratur notabilis pars temporis, quo Missa durat. Excusat Marchant. eos, qui id faciunt ex necessitate, ut subinde foris contingit adveniente aliquo ex Mendicantibus ratione concionis habendæ, qui statim post recedit. Verum Diana *par. 10. tract. 14. resol. 45.* solum excusat eum, qui à principio Missæ usque ad Evangelium inclusivè confiteretur: quare tenetur audire aliud sacrum si audiri possit, casu quo per majorem partem Missæ confessio fiat; quidquid P. Gobat *in praxi clement. Iudic. decade 4. num. 283.* contra communem dicat, in contrarium facere rationem, quia scilicet confessio non videtur esse impossibilis cum attentione ad Missam requisita: Judico enim ego confessionem plus esse incompatibilem cum illa attentione, quam lectionem libri profani, litterarum, aut novellarum, & tamen hanc

impedire auditionem Missæ ipsemet, & bene, asserit in *Alphab. Audient. sacr. casu 9. n. 245.* Merito interim cum communi recentiorum docet *num. 246.* non impedire auditionem Missæ, si quis legat preces debitas, ut v.g. horas Canonicas; neque etiam si legat pios Historicos; magistròque rerum spiritualium, tum propter similitudinem inter hos & legentes Breviarium, tum quia ejusmodi lectio est de se apta ad excitandos tam pios motus animi, quam exigit Ecclesia præcipiens auditionem Sacri. Ita ille: bene addens *n. 253.* non esse imitandos, qui hos ultimos legunt toto tempore sacri, cum præstaret ejusmodi lectionem interrumpere actibus adorationis, gratiarum actionis, & similibus versantibus directè circa mysteria sacrificii: quidquid in consequentibus dicat, omnes prædictos à mortali excusari si illos libros legant causa addiscendi memoriter; observandi, colligendique sententias concinniores; studendi, &c. quia ex opposito dicit manifestè sequi, posse ab Ecclesia præcipi directè & immediate actus purè internos. Vide dicta *tract. 4. disp. 12. n. 25. & seq.*

Cæterum Missæ verè corpore præsens est, qui est in templo, licet sit retro columnam, aut ad latas ubi nec videt nec audit sacrificantem, imò licet sit extrà templum vel sacellum, modò immediatè vel mediatè per actiones aliorum possit percipere quid agatur, dicique possit esse pars multitudinis, cujus plures sunt propè videntes & audientes Sacerdotem.



## §. II.

An partes diversarum Missarum connecti possint,  
& quæ pars omiſſa cauſet mortale  
peccatum ?

99. **D**ico primò, audiens duas medietates diversarum Missarum, conficientes simul integram Missam, successivè, satisfacit præcepto de audienda Missa: sic enim Urbano teste DD. illud Ecclesiæ præceptum interpretantur, cum talis intersit integræ Missæ. Imò Diana *par. 2. tract. 3. resol. 18.* probabilem reputat sententiam Molfesii, Azorii, & aliorum doctum, dicto præcepto satisfieri audiendo simul & semel duas tales partes Missæ in diversis Altaribus: ac pro eadem de novo *par. 10. tract. 3. resol. 3.* citat novem celebres Authores: quibus ego jungo Burghaber *Centur. 1. casu 96.* Urget in contrarium Lugo dicens, si posset quis audiendo à duobus Sacerdotibus primam & secundam partem Missæ, constare unam Missam; posset simul à tribus, vel à sex, vel à decem audiendo simul decem partes diversas Missæ, ita ut intra duo vel tria minuta integram Missam audiret & præcepto satisfaceret. Idem argumentum format Caramuel *Theol. fundam. folio 225.* in quo multa ulterius deducit quoad Horas Canonicas, addens, jam possum argumentum solvi non posse ad attentionem re-

currendo, quia interna attentio factis probabiliter non est necessaria. Sed

100. Optarem scire, quare Diana non posset ad attentionem recurrere, ut vitet dictum absurdum? quia, inquit Caramuel, *attentionem internam non esse necessariam putamus.* Ast Diana ad attentionem merè internam non recurrit, quæ ideo ab Ecclesia non præcipitur, quia de ea Ecclesia non potest judicare: sed recurreret ad constitutionem externam, quæ sit composibilis cum attentione interna, de qua judicat Ecclesia, & consequenter secundum omnes præcipere potest. Vetat ergò Ecclesia, inquit Diana, ne tot partes sacri simul audiantur, ut ad singulas attentio haberi non possit. Examinet igitur Caramuel ad quot partes simul possit haberi attentio, nec inferat ex Dianæ sententia, plures simul audiri posse; caveatque excessum, quia fortè Diana negabit id fieri posse ad plures quàm ad duas vel tres: prout facit *in sua par. 11.* eò quòd quis humano modo debeat assistere sacrificio Missæ, & moraliter audire integram Missam. Interea tamen apud ipsum *par. 10. tract. 15. resol. 3.* Men-

Mendoza & Gesualdus consentiunt de quatuor. Verum pro praxi teneo ego sententiam docentem, non posse plures partes Missæ audiri simul: quam mordicus defendit noster Franciscus tract. 2. de Act. hum. disp. 4. dub. 7. rejiciens ea, quæ ex Diana & Caramnele adducta sunt: dicit enim, per se & ex terminis manifestum esse, eodem tempore & eadem actione satisfieri non posse duabus præcepti partibus obligantibus ad diversum tempus determinatum, quales vult esse diversas partes Missæ audiendæ die Dominico & Festo. Vide eum loc. cit. præsertim num. 221. 222. & 246. Idem etiam defendit Nugnus dicens; cum actio audiendi Missam sit successiva, non posse duas differentes partes simul auditas, reputari tanquam partes ejusdem Missæ, etiam moraliter loquendo.

101. Dico secundò, juxta communio-riorem, pars notabilis sacri omis-  
sæ causans mortale peccatum, est initi-  
um usque ad Evangelium inclusivè,  
& à communione usque ad finem. Ita  
Franc. B. Spei de Euchar. disp. 9. num.

104. quamvis juxta aliquos, quos ta-  
citis nominibus refert Marchant. à  
mortali excusari possit, qui venit sta-  
tim post finitum Evangelium si usque  
ad finem persistat, etiam Evangelium  
Joannis audiendo; quod, hoc ultimo  
omissò, docent etiam Hurtadus, Lu-  
go, Henriquez, Filliucius & alii apud  
Pourrè par. 1. verbo Missa num. 17. Ta-  
lis item pars notabilis Missæ est tem-  
pus utriusque consecrationis; hæce-  
nim est tota essentia Missæ quæ sacri-

cium est. Hæc DD. satis communi-  
ter: quidquid P. Urbanus excuset  
rusticos à mortali propter bonam fi-  
dem, qui statim recedunt post secun-  
dam elevationem ante Orationem Do-  
minicam; monens tamen tales instru-  
endos esse à Parochis quia est crassa  
illa ignorantia. Dixerat autem pa-  
rum antè, quòd si quis accedat ad sa-  
crum immediatè ante consecratio-  
nem, debere eum interesse quamvis  
nullum aliud postea sit auditorus us-  
que ad illam partem; nam ab illa prin-  
cipaliori parte satis denominatur au-  
disse sacrum quantum in ipso est, quod  
sufficit in moralibus. Verum quid-  
quid de his sit, non audeo approbare,  
quod, teste Pourrè, docet Joannes Lu-  
go de Euchar. d. 22. s. 1. num. 3. nem-  
pe, cum absolutè loquendo satisfacere,  
qui consecrationi & communio-  
ni assistit; eò quòd in illis duobus es-  
sentialiter consistat substantia sacrificii:  
quin imò, addit Pourrè, quia sub  
opinionem est, an essentia sacrificii con-  
sistat in consecratione vel communio-  
ne, ut ait idem Lugo, potes in praxi  
amplecti hanc vel illam sententiam;  
adeò ut satisfacere præcepto Ecclesiæ  
sit censendus, qui substantiæ sacri-  
ficii assistet, hoc est consecrationi vel  
communioni: non approbo inquam  
hæc; sed puto esse profus improba-  
bilia cum Francisco Bonæ Spei lo. antè  
cit. tum quia Ecclesia non præcipit au-  
ditionem Missæ prout est præcisè sa-  
crificium striatè sumptum, sed prout  
constatur ex variis precibus & actio-  
nibus, quæ ex præcepto Ecclesiæ sunt  
adhibendæ in Missa; tum etiam quia

communis Ecclesiæ & fidelium praxihucusque habet oppositum; tum denique quia non video, quomodo Ecclesia sub peccato mortali possit præcipere, ut homo per spatium brevissimum se sistat præsentem in templo, dum scilicet fit consecratio vel communio, vel maximè cum non possit præcipere nisi præsentiam exterius decentem & humanam, non verò ut quisteneatur mente attendere ad id quod illo modicissimo tempore ibi agitur. Videant igitur Lugo & Pourré, an excusari possit à mortali, qui se sponte absintat à tota Missa. Certè communis Ecclesiæ sensus, & omnium Doctorum firma doctrina in contrarium deberent nos à similibus sententiis cohibere.

Addo cum Gobat in *Alphab. Audiend. sacr. casu 4. num. 156.* post Suarez, mul-

tos coram Deo peccare mortaliter (præsertim in pagis aut locis ubi unica Missa celebratur) circa accessum ad Missam, qui se judicant tantum venialiter peccasse: illi videlicet qui veniunt quidem à parte rei maturè ut v.g. circa *Gloria* aut initium Epistolæ; sed merè casu eò quòd Missa solitè seriùs incepta sit, vel prima pars ob cantum, aut prolixitatem Orationum & Epistolæ diutius duraverit quàm ipsi putarent; adeò ut scienter se exposuerint voluntario periculo negligendi partem notabilem. Et quia hoc sæpe fit, monet opportunè Suarez, esse tales sero venientes, qui non nisi se in confessione accusant de peccato veniali sero venientie post inceptam Epistolam, quandoque à Confessario interrogandos de illo periculo.

### S. III.

## Quænam excusent ab audienda Missa.

102. **R**espondeo in primis excusare damnum rei mediocris æstimationis, gravem item laborem aut difficultatem in audienda Missa. Hinc excusantur infirmi & alii nimium distantes à templo, vel qui aliàs audiendo Missam privarentur loci in via periculosa: item excusantur rustici, qui simul nequeunt Missam audire, quin domus exponatur militibus aut furiibus; nec non famuli qui prohibentur à dominis cum periculo sui famulatus; qui tamen tenentur manè ire vel di-

ligentiùs sese ab onere expedire, si fieri possit: non tamen cum labore extraordinariò, inquit Urbanus, neque etiam somno se notabiliter privando; quia cum hoc præceptum sit humanum, videtur latum cum tali moderatione, ut labor aut difficultas prudenti iudicio æstimata rationabilis, aut jactura mediocris censeantur excusare. Si quis tamen passim à domino suo illicitè impeditur ab observatione festorù, iudico cum teneri quamprimùm comòdè poterit ab illo discedere & aliù domi-

num

num quærere: quidquid illum ad hoc absolute non teneri velit Gobat post alios, ante tempus constitutum; quia communiter negaretur ei stipendium. Addo hic consilium pro locis hæresi infectis, ut nimirum antequam quis operam suam addicat domino hæretico, apponat conditionem de Missâ audiendâ diebus Dominicis & Festis. Sicut & consulo famulo, qui se vult locare villico, cujus villa ob distantiam à reliquis domibus semper ab aliquo custodienda est, ut addat conditionem de interdum audiendâ Missâ, manente villico, vel ejus uxore domi, ad quod aliâs hi non tenentur, licet ex charitate id facere valeant. Sed quid si villicus hâc conditione non apposita mittat quandoque famulum ad Ecclesiam, & ipse non ex charitate, ast carnalitate seu aecidia aut pigritia velit domum custodire? Eum non peccare mortaliter docet Gobat in *Alphab. audient. Sac. casu 20. num. 495.* quia utile non debet per inutile vitari: quia ergo habet jus mittendi famulum, prava intentio non efficiet culpam mortalem ex hoc solo capite. Ita ille. Cæterum in hac materia plurimum facit bona fides existimantis se habere justam causam; per illam enim fit, ut à mortali excusentur aliqui in casibus aliqui dubitationi aut disputationi obnoxii. Ita Marchantius. Quanta autem distantia à templo excuset? Respondet Franciscus B. Spei sufficere distantiam unius milliaris, tempore valde aspero; etiam pro rusticis. Imò Burghaber vult per se sufficere distantiam unius milliaris, seu unius horæ, si omisio intra annum

subinde tantum fiat; sicut & vult per accidens excusare posse minorem distantiam quam unius horæ, si videlicet asperitas viæ, cœli pluvia, aut simile quid accedat. Vide illum *Centur. 3. casu 1.* An liceat pietatis studio edificare Eremitorium tam procul, ut non nisi rarissime templum adiri possit? Respondeo cum Gobat in *Alphab. cir. num. 520.* Quandoquidem tale vitæ institutum non sit suscipiendum sine auctoritate Prælatorum, his autem suppetant justissimæ causæ non permittendi, id esse illicitum omnibus circumstantiis in concreto expensis.

103. Insuper excusantur qui assunt infirmo si aliqui timeatur detrimentum vel incommodum infirmi. Ita omnes. Item, juxta Urbanum & Franciscum excusantur viduæ nobiles quæ certo tempore domi clausæ permanent post obitum mariti: melius tamen hæc procurant missam domi fieri dominicis & festis, si fieri possit. Ulterius excusat Marchantius eos, qui sine jactura honoris non possunt sacro interesse, ut si vir honestus nequeat cum decenti veste in publicum prodire, puta quia ei deest pallium. Videndum tamen est, inquit, ne hæc licentia nimium extendatur, item & an manè secretò Missâ nequeat audiri: quam monitionem non addit P. Franciscus; qui etiam meritò excusat nutrices aut matres, quæ non possunt deferere infantes quos lactant; quia ad Ecclesiam eos afferendo videmus ordinariò, quòd non solum suam sed & aliorum devotionem impediunt: Quare Gobat in *Alphab. audient. Sac. casu 15. num.*

318. dicit præstare, quin & opus esse, ut similes se domi cum suis pueris contineant.

104. Etiam excusantur à Marchantio coci, qui tempore missæ impediuntur, quia sine incommodo suum ministerium differre vel prævenire vix possunt: unde ait pro his & similibus casibus advertenda est regula generalis ex Cajetano; *sine rationabili causa omittere missam in seculo, reputatur peccatum mortale*. Aliqui inter causas rationabiles numerant auditionem Concionis, aut Catechismi, si non possit simul Missa audiri, ob maiorem scilicet utilitatem spirituales; sed merito ceteri omnes hanc doctrinam explodunt, eò quòd unum solum sit consilium & aliud præcepti: quidquid tamen Gobat in *Alphab. cit. casu 20. num. 516.* conetur defendere, eum qui est in statu mortalis peccati posse confiteri, licet confessio cum auditione Missæ consistere non possit: quia valde periculosum est hærec in mortali crimine. Hinc, inquit, ego videns à DD. admitti tam facile excusationes ob avertendum damnum temporale, minimè comparandum miserabili statui hominis tradentis se somno nocturno in statu peccati mortalis, censeo id esse probabile. Verùm ego dicerem isti esse eliciendam potius contritionem perfectam, quod sub ipsa auditione Missæ commodè facere poterit. Ceterùm hic esto prudens, admittendo pro rationabili causa omne motivum rationi humanæ consentaneum, etiamsi non fueriturgens: quoniam subsistente ratione, quæ illius conditionis personas libenter ad Missam euntes, indu-

cere videtur ad omissionem Missæ, non incurritur peccatum mortale; quamvis, si minus sufficiens est ratio, peccetur venialiter. Et universaliter sic est, juxta Cajetanum, quando quis bonà fide putat, se excusari, & ideo omittit Missam: quæ juvabat anxios in hoc negotio. Vide insuper P. Franciscum de *Euchar. disp. 9. num. 104.* ubi etiam nominatim excusat Aurigas & Nautas, qui res magni momenti vehunt, & vecturam suam sine notabili prædonum, aut equorum, aut hospitii periculo differre non possunt. His junge custodes pecudum, qui extra hiemem vix sacro ulli interesse possunt: sicut & milites: nec hi enim statum, nec illi servitium immutare tenentur, ut melius festa colere valeant, ut passim omnes fatentur. Excusat etiam Azorius (cum communi ut loquitur) eum qui se à Missa absentat ad faciendum lucrum notabile, quod & facit Gobat in *Alphab. audient. Sac. casu 20. num. 492.* quia notabile lucrum amittere, est damnum grave.

Peteshic forte, an saculares obligentur audire missam in templo parochiali?

105. Respondeo negativè: quia Leo X. in bulla quæ incipit, *intellextimus*, expressè declaravit, saculares diebus festis & dominicis audientes Missam in Ecclesiis Mendicantium, plenè satisfacere præcepto Ecclesiæ de audienda Missa. Nequè ullatenus id in dubium revocatur ab aliquibus recentioribus allegantibus Tridentinum; quia in eo solum dicitur, ut parochi suos Parochianos moneant frequenter adesse suis Parochiis; non autem

autem ut præcipiant; prout benè advertit P. Urbanus *tract. 2. cap. 2. reg. 7. in fine*; addens neque Episcopos compellere posse sub aliqua mulcta vel pœna suos diœcesanos ad id præstandum: quod declaravit S. Congregatio Cardinalium, testante Zerola, in praxi *Episc. par. 1. verbo Missa*; etiam, quamvis id fieret ob notabilem negligentiam vel contumaciam aliorum: quia nimirum illud est res pertinens ad statum universalis Ecclesiæ, circa quam proindè solus Papa, vel ex ejus commissione Concilium generale potest disponere. Ita Urbanus *loc. cit.* vide etiam Busenbaum *lib. 3. tract. 3. cap. 1. dub. 4.* & recenter Burghaber *Centur. 3. casu 60.* qui post Barbosam (a hoc teste communem Theologorum) docet, quemlibet satisfacere præcepto de audienda Missa, qui illam audit in domo sæculari, ubi tantum<sup>1</sup> permittit Episcopus Missam dici *eâ lege, ut nullus præter domesticos illi assistendo satisfacere dicto præcepto possit*: quæ verba Bullæ, ne frustra sint posita, putat Palao apud Burghaber *loc. cit.* debere intelligi, non de audiente, sed celebrante, ne scil. aliquis Sacerdos in illa domo celebret, ut aliquis externus audiendo ibidem Missam ipsius, præcepto Ecclesiæ satisfacere possit, cum ad hoc nulli Sacerdoti facultas concedatur. Nec dicas cum Bonacina, sæcularis non satisfacit Communioni Paschali extra Parochiam; ergo nec præcepto audiendæ Missæ: negatur enim conse-

quentia; quia ex communi jure Communioni Paschali satisfieri debet in Parochia, aut saltem in Ecclesia privilegiata: secus Missæ audiendæ die festo. Conformiter ad ex Burghaber allata docet Gobat in *Alphab. Sacrif. casu 8. num. 254.* esse usum jam receptum, ut satisfiat præcepto Ecclesiæ audiendo sacrum quocumque in loco, remittens ad supradictum Pallaum *tract. 22. p. 16. num. 13.* & in *Alphab. Audient. Sacr. casu 5. num. 116.* dicit pro consuetudine audiendi Sacrum in Ecclesiis Mendicantium à Georgio de Rhodes tot Pontifices, Cardinales, Episcopos, Doctores, & rationes congeri, ut improbabile sit, cum hoc tempore delinquere per se loquendo, qui non solet diebus festis, aut dominicis interesse seu privatæ seu publicæ Missæ, quæ fit in ejus Parochia. Addo cum eodem Gobat in *Alphab. Sacrif. casu 8. num. 255.* licet habeat quis privilegium curandi Missam legi in Oratorio suæ domus, & ob ægritudinem nequeat die festo domo exire, non teneri eum curare sibi domi Missam fieri: quia nemo tenetur uti suo privilegio: atque hoc iterum defendit Gobat in *Alphab. audient. Sacr. casu 16. num. 350.* Hæc ad

intentum nostrum de Eucharistia

& Missa dicta sufficiant.

\* \*

DIS-

## DISPUTATIO V.

## De Pœnitentia.

## D V B I V M I.

*Quid Sacramentum Pœnitentia, quam sit necessarium, & quæ eius materia?*

106. **N**Ota primò, Pœnitentiam à DD.comuniter distingui in Pœnitentiam ut virtus est, & Pœnitentiam ut est Sacramentum. Primò modo sumpta, est virtus detestativa proprii peccati commissi, ac reparativa injuriæ & offensæ per peccatum proprium erga Deum perperratæ. Habitus autem infusus Pœnitentiæ est in omnibus viatoribus justis, & animabus Purgatorii; in his enim omnibus est permanens facultas super naturalis inclinans ac facilitans ad servandum jus divinum illæsum. Pœnitentiam virtutem esse, eamque specialem à cæteris distinctam, & à Deo infusam, probat Franc.B.Spei de Pœnit. disp. 1. dub. 1. & 2.

107. Nota secundò, de fide esse; primò, omne peccatum in hac vita per veram Pœnitentiam posse remitti; quod patet ex variis locis Scripturæ; estque definitum in Concilio Lateranensi c. firmiter. Secundò etiam de fide est, non posse, juxta præsentem Dei ordinationem, remitti peccatum mortale actuale sine Pœnitentia æquali ac formali, vel saltem virtuali,

inclusâ v.g. in amore Dei super omnia. Ita Tridentinum sess. 14. cap. 1. & 4. Vide Franc.B.Spei disp. 3. dub. 1. per totum. Imò in memore peccatorum mortalium plures volunt, necessariò requiri Pœnitentiam formalem prout dicunt docere S. August. homil. 50. cap. 5. & D. Thomam par. 3. quest. 86. art. 2. quiddid dictus Franciscus disp. 2. num. 24. cum Doctoribus modernis communius, ut ait, contrarium defendat, propter innumera Scripturæ loca, quæ actui charitatis præcisè, ut dolori virtuali vim justificandi tribuunt, licet tamen fateatur, dolorem formalem ex naturæ rei sequi in memore peccatorum, per quod salvat Tridentinum. Vide cum loc. cit. & num. 29. ubi ab opposito ostendit, dolorem peccati commissi, sine expresso Dei amore non esse ad justificandum per se, sive extrâ Sacramentum sufficientem, quibus notatis.

108. Dico primò, Sacramentum Pœnitentiæ est Sacramentum, quo relapsis verè Pœnitentibus & confessis impenditur absolutio à peccatis. Ita Sylvius in additionibus Binsfeldii. Hoc

Sacra-

Sacramentum juxta DD. communiter institutum est, dum Christus post resurrectionem dedit Apostolis potestatem remittendi & retinendi peccata; quod factum legimus *Joannis 20.* Ita etiam post S. Augustinum sustinet Bacho in *4. distict. 15. quest. 2. art. 1.* postquam rejecisset duas falsas aliorum opiniones.

109. Dico secundò, Sacramentum pœnitentiæ est necessarium necessitate mediæ relapsi in peccatum mortale post susceptum Baptismum: nam Tridentinum *loc. cit. cap. 2.* dicit hoc Sacramentum eo modo esse necessarium relapsis quo Baptismus nondum regeneratis. Non est tamen necessarium relapsis Sacramentum pœnitentiæ in re ipsa; quia conformiter ad dicta de Baptismo, potest quandoque sufficere votum illius: vel explicitum, ut dum quis elicit contritionem cum proposito expresso confitendi dum potuerit; vel etiam implicitum, ut quando quis elicit contritionem aut amorem Dei super omnia, non attendens hic & nunc ad necessitatem confitendi. Pro quo vide Tridentinum *suprà cap. 2. & 5.* Adde etiam ante institutionem hujus Sacramenti, statim post Adæ peccatum, omnibus in mortale lapsis necessarium omnino fuisse Pœnitentiam ut virtus est; prout patet ex innumeris Scripturæ locis, in quibus dicitur, *nisi Pœnitentiam egeritis, omnes simul peribitis*, & similia.

110. Dico terciò, materia hujus Sacramenti duplex est, remota scilicet & proxima; remota sunt peccata post Baptismum commissa ut destruenda; quæli sint mortalia nondum confessa,

sunt materia necessaria, licet per contritionem directè, vel per præcedentem confessionem (in qua inculpabiliter omittebantur) indirectè fuerint remissa, prout omnes DD. docent: & ratio est, quia sic illa peccata non remittuntur, nisi cum onere ea postmodum directè subjiciendi clavibus Ecclesiæ si possibile fuerit: & id quidem quoad peccata oblita maxime fit ex intentione Ecclesiæ volentis per præceptum confessionis unumquemque obligare ad omnia mortalia actualia directè clavibus subjiciendum: quòd verò Ecclesia tale onus fidelibus imponere possit, patet ex verbis Christi *Joannis 20. quorum retinueritis peccata, retenta sunt.* Ubi adverte, in casu, quo quis similia peccata postea confiteri noller, ea non redire, sed committi novum peccatum mortale inobedientiæ contra Ecclesiæ præceptum, quo nisi amoto, nulla poterit fieri bona confessio; ut bene docet Bacho in *4. dist. 15. quest. 1. art. 3.* ubi inter varia dicit, ideo servari confessionem postquam peccata sunt indirectè remissa, ut justitia servetur erga Deum & Prælatos Ecclesiæ, qui sunt ejus membra.

111. Materia proxima Sacramenti pœnitentiæ sunt ipsi actus pœnitentis; contritio scilicet confessio & satisfactio. Colligitur ex Tridentino *sess. 14. cap. 3.* quidquid tamen satisfactio non sit materia seu pars essentialis; sed solum integralis, quatenus judicium non censetur undequaque integrum seu perfectum, nisi à Judice imponatur pœna ob crimen pertractatum. Hinc dum petitur simpliciter,

Dddd

ter,



ter, quot sint partes Sacramenti Pœnitentiæ? Responde, esse quatuor; tres videl. materiales jam allatas, & unam formalem, scil. absolutionem. Dum verò petitur quot sint ejus partes

essentiales? Dic esse tres nimirum, contritionem, confessionem & absolutionem. De quibus omnibus distincta dubia instituemus.

## DVBIVM SECVNDVM.

### De Contritione.

#### §. I.

### Quid Contritio, & qualis in hoc Sacramento requiratur?

112. **D**ico primò, contritio in genere, prout scil. comprehendit contritionem perfectam & imperfectam seu attritionem, est animi dolor ac detestatio de peccato commissò cum proposito non peccandi de cætero. Ita Trident. Ubi nota, in omni contritione salutari necessariò requiri votum confitendi; quod etiam clarè colligitur ex Sixto IV. damnante hanc propositionem Petri Oxoniensis, *Peccata mortalia delentur per cordis contritionem sine ordine ad claves*. Ratio est, quia vera contritio includit voluntatem servandi omnia præcepta graviter obligantia; adeoque & præceptum confessionis: non debet tamen hoc propositum sive votum esse formale prout *dub. 1.* dictum est; quamvis putem probabilius cum D. Thoma contra Tamburinum & alios, propositum non peccandi de cætero, necessariò debere esse formale; aliàs enim frustra

videretur à Tridentio addi *cum proposito, &c.* si nempe sufficeret hoc esse virtuale & implicitum: quia hoc reperitur & includitur in ipsa detestatione peccati: si tamen ignorantia invincibilis, oblivio naturalis, aut temporis brevitatis intercederet, putarem probabiliter sufficere posse propositum virtuale, prout docent Navarrus, Suarez, & Sylvius: nam qui cum veritate dicit, peccatum mihi displicet, & omittit dicere, nolo ampliùs illud committere, præcisè quia hic & nunc non potest exprimere dictam voluntatem, censetur id sufficienter velle implicitè. Vide circa hoc P. Franciscum hic *disp. 2. num. 60.* Ubi insuper adverte ex Sylvestro apud Tamburinum *p. 1. lib. 1. cap. 1. §. 3.* posse contingere, ut quis absolute proponat, se de cætero non peccaturum, & tamen timeat, imò cerrò persuadeat, se propter fragilitatem iterum lapsurum; quia velle

velle ac proponere, est actus voluntatis, existimare verò se lapsurum, est actus intellectus, qui simul stare possunt. Interea certum manet ad Sacramenti valorem non sufficere dolorem virtuale contentum in amore Dei super omnia, vel actu simili, excludente omnem affectum ad peccatum; sed requiri dolorem formalem; quia contritionem, prout est huius Sacramenti pars, ita Doctores omnes accipiunt; ab his autem in materia Sacramentorum non est facile recedendum; idque sonat *ly dolor*, quem omnes ex Conciliis & Patribus ad hoc Sacramentum requirunt. Ita P. Franciscus *disp. 5. num. 3.*

113. Petes an in confessione venialium requiratur propositum non peccandi amplius venialiter? Respondetur cum omnibus affirmativè respectu eorum venialium, quæ quis confitetur; aliàs non remittentur ea, de quibus simile propositum non habetur. Difficultas est, quomodo verum tale propositum elicere possit, qui confitetur omnia venialia, cum sciat se ab omnibus abstinere non posse: ait Sfortia sufficere, si propositum sit in ordine ad totum aggregatum, ita ut quis statuat non committere impolletum æquali tempore tot & tanta venialia: quod indicat D. Thomas 3. *par. quest. 87. art. 1.* ubi tantum requirit propositum se præparandi ad peccata venialia minuenda; & Concilium *sess. 14. can. 4.* requirit propositum melioris vite: in quo casu, inquit, tantumdem peccatorum remittitur, quantum emendationis pœnitens, vel explicitè, vel implicitè profuit. Sua-

rez verò dicit, sufficere propositum faciendi quantum in homine fuerit ad vitanda omnia peccata venialia; vel propositum conditionatum, seu desiderium cavendi totam collectionem venialium si esset possibile; quia reverà tota displicet ex vi pœnitentiæ. Dixerat autem ante, hominem posse habere propositum efficax abstinendi ab his peccatis venialibus, quæ plenà libertate committuntur; quia possibile est cum gratia Dei ordinaria ea vitare; circa alia autem, quæ ex subreptione seu imperfecta deliberatione fiunt, sufficere, si proponat quis omnem diligentiam adhibere quantum humano modo poterit.

114. Adde, dictum propositum, per se loquendo, etiam extendi debere ad peccandi occasiones proximas vitandum, cum sint etiam peccatum ob recidivæ proximum periculum. Dixi *per se loquendo*; quia per accidens, quando deferri non possunt abique gravi scandalo, notabili infamia, vel detrimento magno spirituali aut temporali, ad eas extendi non debere DD. communiter docent, modò aliunde appareat firmum de cætero non peccandi propositum, siquidem sub illo, recidiva non censetur voluntaria casualiter in occasionibus illis, licet ex his recidivæ longum factum sit experimentum; quia nulla frequentia lapsus sufficit ad colligendum, quod pœnitens careat firmo proposito; nam sæpè frequentiam illam emendatio sequitur; unde hinc præcisè absolutio negari non debet; fortè tamen tunc consilio, sub hac limitatione negabitur, si ex negata emendatæ fructus prudenter speretur.

D d d d 2<sup>a</sup> tur.

tur cum dubium esse possit, an tale propositum tunc sit firmum: sed cum hinc pœnitens in mortali subito mori possit, hoc periculum sæpe præponderandum est: unde Confessarius suo tempore interrogabit de occasionebus, & peccandi consuetudine, potius ad seriam monitionem, quàm ad negandam absolutionem. Hæc omnia P. Franc. d. 5. num. 24. quæ ad longum volui ponere; quia ab ipso sunt dicta.

115. Dico secundò, contritio, pars Sacramenti pœnitentiæ, non debet necessario esse perfecta, sed sufficit attritio salutaris sive supernaturalis. Ita idem P. Franc. de Pœnit. disp. 5. num. 4. dicens, hanc esse communem, & veramententiam. Ubi nota, contritionem perfectam esse animi dolorem, &c. ortum ex amore Dei super omnia, sive ob Deum summè dilectum: imperfectam verò, sive attritionem, ex turpitudine peccati, horrore inferni, amore gloriæ æternæ, &c. Atque hæc ulterius alia est attritio naturalis, quæ solius naturæ viribus ob motivum naturale elicitur; quia v.g. peccatum est causa damni temporalis, infamiæ, &c. Alia est supernaturalis seu salutaris, quæ elicitur ex motivo supernaturali, videl. ob pœnas æternas à Deo peccatori infligendas, ob amissionem regni cælestis, quo Deus peccatorem privat, vel ob turpitudinem peccati à Deo ipsi peccato inditam: & de hac contritione agens Tridentinum sess. 14. cap. 4. dicit, eam Dei donum esse & Spiritus sancti impulsam, non adhuc quidem inhabitantis, sed tantum moventis: ac de

hac nos in resolutione agimus. Igitur 116. Probatur resolutio ex Tridentino sess. 14. cap. 4. & can. 5. ubi per attritionem, quæ vel turpitudinis peccati consideratione vel ex gehennæ & pœnarum metu concipitur, quamque vocat verum & utilem dolorem, dicit hominem disponi ad Dei gratiam in Sacramento pœnitentiæ impetrandam: per quæ verba clarè insinuat, dictam attritionem sufficere, ut cum Sacramento pœnitentiæ gratia obtineatur; maximè, si verba immediatè præcedentia attendantur; dicit enim, & *quamvis sine Sacramento pœnitentiæ per se ad justificationem perducere peccatorem nequeat; tamen cum ad Dei gratiam in Sacramento pœnitentiæ impetrandam disponit.* Per quæ ultima verba intendit affirmare oppositū ejus, quod per priora negavit; nempe illam attritionem cum Sacramento pœnitentiæ ad justificationem perducere; quod mihi videtur certum: & ulterius probò; quia aliàs dicta attritio ad gratiam in Sacramento pœnitentiæ impetrandam non disponderet; nam per contritionem perfectam, quæ ante absolutionem in aliorum sententia haberi debet, gratia antecedenter ad Sacramentum semper obtenta foret: adeoque hoc Sacramentum non posset vocari mortuorum, cum semper à vivis, sive in gratia existentibus suscipi deberet. Nec dicas, tenon requirere contritionem nisi remissam sive imperfectam, quæ sine Sacramento non justificat: quia id est tantum fingere perfectionem & imperfectionem contritionis: cum nullus gradus vehementiæ

mentia & intensio istiusmodi contritionis à Scriptura vel Conciliis ad prædictum effectum determinetur aut exigatur. Deinde deberet Christus à contritione perfecta abstulisse efficaciam, quam in antiqua lege habebat sic iustificandi impium, quocumque casu, & in quacumque gradu remissione eliceretur : quod est merè fictitium, cum ejus nulla vel apparens ratio dari possit. Vide & alia inconvenientia apud Franc. B. Speilo. cit. n. 9. item quæ habetur. 46.

117. Certum igitur mihi est ex Tridentino, & ex à nobis ac P. Francisco allegatis, omnem contritionem includentem charitatem Dei super omnia sive sit intensa sive remissa, esse contritionem verè perfectam, & iustificare extra Sacramentum : sic enim loquitur Tridentinum lo. cit. *Docet præterea*, scil. Concilium, *et si contritionem hanc aliquando charitate perfectam esse contingat, hominè inque Deo reconciliare, priusquam hoc Sacramentum actu suscipiatur, &c.* Peto an charitas remissa sit vera charitas necne : si sic, ergo contritio eam includens perfecta est charitate, licet perfecta seu intensà charitate perfecta non sit ; adeòq; juxta Tridentinum hominem Deo reconciliat priusquam &c. si verò charitas remissa non sit charitas, jam destruis tuam sententiam : ut clarum est. Interea contra nostram resolutionem secundam supra datam.

118. Obijcies primò, 1. Ioan. 3. dicitur, *Qui non diligit, manet in morte* : Item 1. Cor. 13. opera misericordiæ, fidei, &c. nihil prodesse dicuntur si-

ne charitate : deinde Tridentinum sess. 6. cap. 6. agens de dispositione peccatoris ad justificationem dicit, quòd Deum tanquam omnis justitiæ fontem diligere incipiat : & Augustinus *serm. de Nativitate Domini*, expressè ait : *Pœnitentiam certam non facit, nisi odium peccati & amor Dei.* Ergò contritio ab Ecclesia Dei agnita sufficiens, etiam in Sacramento Pœnitentiæ, ad justificationem, necessariò includit saltèm imperfectiorem Dei super omnia.

119. Respondeo his omnibus ab aliquibus satisfieri dicendo, ea intelligenda esse de amore seu charitate habituali, quæ semper infunditur cum gratia habituali : atque id puto certum quoad locum *Ioannis & Corinthæ* : aliàs enim essemus in morte, & nihil nobis prodesset omni momento vitæ nostræ, quo actualiter non eliceremus actum amoris Dei super omnia : quod nullus dixerit. Idem responde ad Tridentinum & Augustinum : vel si velis, prædicta loca intelligenda esse de amore actuali ; dic in omni contritione includi amorem actualem concupiscentiæ Dei super omnia, in quantum omnis verè contritus & attritus debet habere actualem spem veniæ peccatorum & Dei summi boni possidendi : & Tridentinum (quod solum hîc urgeri potest ; quia loca Scripturæ possunt commodè interpretari de justificatione extra Sacramentum Pœnitentiæ) loqui de amore concupiscentiæ, patet ex verbis immediatè præcedentibus ; dicit enim : *Dum peccatores se esse intelligentes,*

Dddd 3 à divi-

à divina justitia timore, quò utiliter contriuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore; quibus immediatè subdit, *illumque tanquam omnis justitia fontem diligere incipiunt*. Paulo aliter, dicit P. Franciscus num. 18. *ly diligere incipiunt, dicere dilectionem moventem & præparantem ad contritionem perfectam, uti ex ly ac propterea moveatur, &c.* patet, alioqui non diligere inciperent, sed perfectè diligerent: undè, inquit, *ly iustitia fontem diligere incipiunt, intelligi debet dispositivè per dilectionem honesti, videl. actus fidei, spei, &c. juxta quod Augustinus lib. 2. ad Bonifac. cap. 9. Quid est boni cupiditas, nisi charitas.* Vide P. Franc. loc. cit. ubi subtilissimè pergit: & hanc Tridentini mentem clarè percipies, maximè si volueris locum Tridentini, supra à nobis in probatione allatum, in vero sensu salvare. Nec ultrà difficultatem faciunt verba Augustini; quia cum hæc quæstio contròvertatur inter DD. ideo dicit, *Pœnitentiam certam non facit, &c.* id est omninò indubitatum, saltè in inspectâ auctoritate quorundam DD. Vel melius dic cum Francisco num. 19. illum ibi, & alibi, ubi expressè docet, nihil prodessè sine charitate, non esse veram pœnitentiam, &c. loqui de eo, quod accidit extra Sacramentum; idem applicans aliis Patribus. Vide eundem Franciscum disp. 5. n. 9. & 11.

120. Objicies secundo, cum dicta attritione præcisè non consistit verum propositum non peccandi de cætero: ergo non est sufficiens. Probatur antecedens, quia qui dolet se peccasse præcisè, quia per peccatum meritis est infernum, æquivalenter dicit, *si per peccatum non mereret infernum, adhuc peccarem.*

121. Respondeo similem omninò abstrahere ab eo, quòd peccaret vel non peccaret si peccatum dictas pœnas non mereretur: quod fieri possè clarè constat ex Tridentino loc. sapius cit. dicente: *Illam verò contritionem imperfectam, qua attritio dicitur, quoniam velle ex turpitudine &c. si voluntatem peccandi excludat &c.* per quæ ultima verba supponit, quod nos dicimus. Vide Dianam par. 11. tract. 8. resol. 42. ubi sententiam nostræ oppositam vocat plus quàm improbabilem, non obstantem, quòd pro ea ibidem citentur septem celebres Auctores: & addit, notandum esse obiter, quòd qui detestantur peccata ob aegritudinem, infamiam, nimiam paupertatem, prout à Deo intelligi solent propter peccata, veram attritionem conciperet; quia ille dolor est ex timore Dei tanquam ultoris peccatorum, & in hoc profectat Diana tredecim Auctores.

\* \* \*

§. II.

Quantus debeat esse dolor in Sacramento  
Pœnitentiæ?

122. **D**ico primò, quoad extensionem debet pœnitens excitare dolorem de omnibus peccatis mortalibus, iisq; distinctè recogitatis quantum fieri potest; quod patet ex obligatione, quam habet ad examinandam conscientiam. Nec debet tantum dolore extendi ad peccata, quæ in confessione hîc & nunc exponuntur; sed & ad alia, quæ fortè invincibiliter ignorantur: siue debet formaliter, vel saltèm virtualiter extendi ad omnia mortalia de facto commissâ, & nondum per absolutionem sacramentalem remissâ. Non est tamen necesse de singulis peccatis mortalibus singulariter conteri; sed sufficit quòd contritio simul & semel extendatur ad omnia: prout de contritione perfecta probat P. Franciscus de Pœnit. diss. 2. num. 52. Debet item contritio seu dolor extendi ad omnia venialia, quæ quis confitetur: an tamen sit mortale confiteri aliquod veniale sine dolore? affirmativè respondent aliqui apud Dianam par. 11. tr. 5. resol. 22. quia talis pro materia absolutionis apponitur, quod reverà non potest esse materia; prout facit, & mortaliter peccat secundum omnes, qui inter Hostias consecrandas apponit unam non triticam: verùm ratione communis autoritatis Dicastillus contrariam defendit sententiam, dis-

paritatem assignans, quòd in consecratione Hostiarum tot fiant Sacramenta, quot sunt Hostiæ, & unaquæque illarum sit materia æquè gravis; in Sacramento verò Pœnitentiæ unicum sit tantum Sacramentum.

123. Petes, an, qui cum dolore universaliter se accusat in confessione de venialibus, non determinando numerum, dicendo v. g. *sapius sui mentitus, aliquando garrivi in templo, sui ordinariè distractus in oratione &c.* remaneat absolutus ab omnibus? Respondeo affirmativè si dolor & propositum emendationis se extendat ad omnia.

Insuper docet Dicastillus, ut peccata venialia sint materia Sacramenti directè & sufficienter proposita, non esse necessarium, quòd Confessarius, vel ex modo confitendi, aut ex persona confitente, aliisque circumstantiis cognoscat quot sint, saltèm in confuso, talia peccata; sed satis est, inquit, quòd illa exponantur in communi aliisque ulla determinatione, ita ut si nec pœnitens ex sua parte, nec Confessarius ex sua restringant intentionem ad aliqua determinata, omnia ad quæ legitimus dolor se extendit, remittantur. Ratio est, quia nisi necessitas, saltèm ex præcepto, in Sacramento postulet determinatam cognitionem

• (quæ

(quæ non requiritur in venialibus) sacramentalis virtus ad omnia peccata potest se extendere. Ita Dicastillus: probans id à pari ex eo, quòd etsi quis nesciat quot sint Hostiæ consecrandæ sibi proposita, consecrat omnes: de hoc tamen aliis relinquo iudicium.

124. Dico secundò, non debet contritio esse dolor summus intensivè, aut comparativè, ita ut conterens magis intensè doleat de peccatis, quàm de omni alio malo: quia id nullibi à Scriptura vel Conciliis exigitur: sed sufficit quòd sit dolor summus appetitativè, id est talis, ut per eum homo plus detestetur peccatum, quàm quodcumque aliud malum, ita ut malit quodcumque aliud malum pati quàm Deum offendere. Ubi tamen adverte, non esse hîc necessariò ad particularia descendendum dicendo, mallem hoc vel illud perpeti, quàm peccare mortaliter: imò nec id semper expedit; quia in multis id periculosum esset, ut plures notant, & nominatim Franc. B. Spei de *Pœnit. disp. 2. n. 38. qui num. 47. & seq.* ostendit, ad contritionem perfectam sufficere doloris & amoris durationem minimam.

125. An autem quis non potens elicere attritionem salutare, satisfaciat: dolendo quòd non doleat de peccatis? Aliqui affirmant; sed alii meritiò communiter negant: quia attritio debet esse dolor de peccatis, qualis ille non est, cum tantum sit dolor de negatione doloris. Hinc P. Franciscus reprobatur nonnullorum Confessariòrù consilium, *dolcas saltem te non dolere*. Adde tamen pro praxi in timoratis conscientis nullum actuale affe-

ctum ad peccatum habentibus; optare sed dolere, vel dolere quòd non doleant, esse signum veri doloris, quamvis pœnitens eum non dignoscat. Vide dictum Franciscum *disp. 5. n. 2.* ubi dicit, quod dolor existimatus tantum, desiderium vel conatus verum dolorem habendi, & similia, ob bonam fidem excusent quidem à sacrilegio, quod aliqui committeretur: sed partem essentialem deficientem non suppleant: adeòque defectus ille stat pro obice, licet inculpabili, ad valorem & effectum Sacramenti.

126. Petes quandonam debeat contritio elici? Volunt Coninck & Layman, eam debere necessariò tempore præcedere confessionem: verum contrarium habet praxis prudentium Confessariòrum, qui sæpè pœnitentem monent post confessa peccata ad eliciendum verum de illis dolorem absque eo, quòd jubeant de novo eadem peccata confiteri. Nec est ratio contrarium faciendi, cum per dolorem ita subsequenter sufficienter confessio reddatur lachrimabilis; dictus enim dolor dicit *doleo de peccatis jam in confessione narratis*: quod æquivalere virtuali reconfessione. Adde dum quis est oblitus alicujus peccati mortalis, cujus recordatur immediatè post absolutionem non debere eum elicere novum dolorem si tunc confiteatur illud; quia prior dolor formaliter vel saltè virtualiter extenditur ad omnia mortalia, quæ priùs habebat. Ita docet Dicastillus de *Sacram. ro. 2. tract. 8. disp. 6. dub. 12.* citans Ledetiam, Dianam & Lugo: quia tamen solet communiter contritio elici formaliter ante confes-

sionem, quoad quantitatem temporis quo potest confessionem & absolutionem præcedere, quæ res non est adeò facilis; ponam hîc quæ habet Tamburinus *par. 1. lib. 1. cap. 4. §. 4.* ubi sic loquitur.

127. Quanto tempore contritio præcedere potest confessionem? Dico, quantum moraliter potest censei unū actum imperari ab alio & facere unum moraliter cum illo. Hæc est doctrina Theologorum communis: sed quoad praxim difficultas est, quantum sit illud tempus, quod censeatur moraliter in re nostra? Respondeo qui manè dolet & actu non revocato post tres vel quatuor horas cōfiteatur sine novo doloris actu, non est dubium, quòd benè satisfaciatur. Rursus si quis vesperi examinans conscientiam elicit actum doloris, ptoponens sequenti die confiteri, abundè est. Idem puto si non solum præcedente vesperi, sed etiam præcedente die id fecerit; actu semper, ut dixi, non revocato. Longiorem temporis extensionem nondum inveni apud Theologos. Si quis inveniatur vel longiorem satis esse aut met; hîc oro subscribat. Illud ad solamen timoratorum tacere non debeo. Si in hoc Sacramento unum quid moraliter faciunt confessio nunc v. g. exhibita, cum satisfactione, quæ fortè hinc ad plures dies, & aliquando menses exhibebitur; imò si esset certus Confessor, quòd pœnitens, quem abhinc quatuor diebus v. g. audivit, bene esset dispositus, illum nunc liceret absolvere, & sic illa confessio cum præsentī absolutione unum moraliter facere posset, & meriti; quia similis propinquitas satis superq;

est ad judicia profana constituenda, ad quorum normam hoc Ecclesiæ iudicium à Christo Domino est institutum: si hæc, inquam, ita se habent, cur etiam non poterit dolor abhinc quatuor vel quinque diebus animo conceptus, nec revocatus, unum quid moraliter cum præsentī confessione constituere? Actus autem doloris revocatur, vel per actum contrarium, id est per complacentiam peccati, de quo doluisti, vel per quodlibet aliud novum peccatum mortale. Ita verbotenus ille *loc. cit.* Vide etiam Dian. *par. 11. tr. 5. resol. 21. & 25.* ubi inquit, an dum quis dolet circa omnia venialia ex motivo universali offensæ divinæ, per unicum veniale subsequens totus dolor & propositum tollatur circa alia? Videtur quòd sic, nam censetur revocatum propositum non peccandi mortaliter propter pœnas inferni v. g. eo ipso, quòd vel unicum mortale admittatur. Respondent Lugo & Dicastillus, speculativè loquendo videri, esse paritatem in utroque casu venialis aut mortalis admissi: quare monent, ut confitens doleat seorsum de peccatis venialibus, quæ confitetur, vel de aliquibus eorū propter specialem eorum gravitatem & specialem offensam divinā, quam continent: quidquid practicè non velint in dubium revocari valorem Sacramenti, etsi cautela illa non adhibeatur propter communem praxim Confessariorum & pœnitentium, ex qua colligitur non ita revocari tunc dolorem & propositum, quin maneat dispositio sufficiens ad valorem & effectum Sacramenti.



## §. III.

## De Præcepto Contritionis.

128. **D**ico primò, exstat præceptum divinum contritionis. Patet ex Scriptura *Isaia 1. Hieremia 18. Ezechielus 18. Altorum 2. &c.* ubi dicitur, necessariò esse agendam Pœnitentiam : item ex Tridentino *sess. 14. cap. 1. & 4.* Undè de hoc præcepto nullus dubitat. Exstat etiam de ea præceptum naturale, nam cum Deus sit supremus Dominus ac summum nostrum bonum, tenemur ejus honorem, per peccata nostra læsum, refarcire, ac cum tanto bono colere amicitiam ac charitatem.

129. Dico secundò, non tenetur peccator ad contritionem statim ac peccavit, aut quamprimum, ceteri potest. Probo; quia pœnitentes non solent se de Pœnitentiæ dilatione accusare, nisi tempus annuæ confessionis, sub qua obligat Pœnitentia, per accidens exceßerint; nec Confessarii desuper pœnitentes interrogant; totumque dissimulat Ecclesia. Ergo &c. Ita Franciscus B. Spei *de pœnit. disput. 2. num. 74.* & aliàs Sacramentum Pœnitentiæ dici deberet per se Sacramentum vivorum; eò quòd regulariter præsupponeret elicitam contritionem justificantem, ex obligatione ejusmodi præcepti.

130. Sed quid dicendum de sententia P. Francisci, quàm docet; præce-

ptum contritionis obligare quamprimum peccator datam Sacramenti commodam occasionem negligit? Respondeo illam speculative verè esse probabilem, ob prægnantes rationes, quas adfert: neminem tamen absolute posse cogi, ut eam in praxi sequatur. Et quare aliqua sententia conscientiam restringens non posset dici verè speculative probabilis, quæ tamen in praxi non sit necessariò sequenda; cum hodiè toties audiamus, aliquam sententiam laxantem esse speculative omnino probabilem, quam tamen in praxi nemo potest sequi? Quòd igitur dicam, neminem posse cogi ad sequendum prædictam sententiam, est; quia communis praxis Confessariorum, & Authores communiter docent oppositum, quod in moralibus, ipsq; Francisco alibi attestante, motivum fortissimum est: quidquid aliqui apud ipsos citati, adhuc magis conscientias hac in parte restringant. Ad argumentum verò practicum, quod dicit; *votum tempore executionis non determinato, ex communis Theologorum obligat cum primum votens illud implere potest; ergo & jus. Deo acquisitum ob peccatum, obligat ad pœnitentiam &c.* non videtur, meo quidem judicio, tam efficaciter concludere, ut omnes statim in praxi senten-

ten-

tentiam allatam teneantur sequi: estimatorem enim, salvo meliori, obligationem illam in voto dicto, non ita provenire à Dei benevolentissimi creditoris exactiōe, quàm ab ipsa intentione voventis; quia nimirum Theologi communiter judicant, mentem prædicti voventis, tempore executionis non determinato, esse, se obligare cum primùm commodè suum votū exequi poterit. Cur enim minùs in hoc, quàm in omnibus cæteris, mētī seu intentioni explicitæ, vel implicitæ ipsius voventis standum esset? Manet interim dicta sententia speculative valdè probabilis: cujus rationes vide apud Authorem *disput. 2. num. 75.*

131. Dico tertio, præceptum contritionis perfectæ, obligat in articulo mortis, etiam cum Pœnitentiæ Sacramento, dum pœnitenti occurrerit incertitudo, & fallibilitas intentionis & jurisdictionis Confessarii. Probo; quia cum non constet, an Sacerdos absolvens habeat verè intentionem absolvendi; uti nec, an ipse & omnes alii per lineam rectam prædecessores Episcopi sint legitime baptizati, consecrati, &c. quod ad validam absolutionem requiritur; periculum, quod citra contritionem perfectam (physicum sit aut morale, perinde est) talis incurreret, omnino sufficiens est, ad fundandum à jure naturæ gravem charitatis obligationem ergà seipsum, vitandi scilicet summum damnum alioqui irreparabile, per tam suave remedium; ne aliàs censetur moraliter prædictum peri-

culum amare, salutem suam spernere, &c. undè judico, quòd Confessarius pœnitentem in articulo mortis ad contritionem perfectam excitare teneatur.

132. Dices, Tridentinum docet ad remissionem peccatorum, & salutem, sufficere attritionem cum Pœnitentiæ Sacramento: ergò nos nihil aliud possumus requirere. Respondeo, nos tantùm illud aliud requirere, ubi concomitanter aliud præceptum graviter obligat, præter præceptum confessionis; quod non tangit Tridentinum. Quia tamen hoc antecedens adeò verum est, ut id *serè fidei esse*, præcisè attentà Sacramenti essentia, asserat Franciscus (pro quo vide dicta §. 1. *resol. 2.*) non existimo, in articulo mortis requiri contritionem perfectam cum Sacramento Pœnitentiæ ex necessitate Sacramenti. Quare si Confessarius, etiam in articulo mortis, non impetret à pœnitente contritionem perfectam, debet attritum ignorantem obligationem contritionis perfectæ eliciendæ absolvere. Vide pro his omnibus Francisc. B. *Speilo. tit. n. 83. & seq. Sed,*

133. Quid de eo, qui contrariam sententiam edoctus, ob auctoritatem suorum Professorum v. g. non posset sibi tantam certitudinem hujus nostræ doctrinæ persuadere? Aliqui fortè (juxtà ea quæ habentur *suprà num. 117.*) responderent; ipsum teneri in tali casu ad contritionem perfectam ex necessitate Sacramenti, ob *semeritatem*, aut *conscientiam ut minùs*

Eccc 2

erro-

*erroneam*; sed ego contentor dicere, similem non nisi ex ignorantia ad hoc obligari; vel quia non legit rationes in contrarium à dicto Francisco & aliis præstantissimis Authoribus allegatas, vel certè earum efficaciam non penetravit, præventus à nimio affectu ad doctrinam suorum Professorum, aut aliundè.

134. Dico quartò, præceptum contritionis, in absentia Sacramenti Pœnitentiæ, omninò videtur graviter obligare, ad illam non notabiliter differendam post peccatum mortale commissum. Ita plures probati Authores; volentes loca Scripturæ, ut Eccles. 5. *Non tardes converti ad Dominum, &c.* & Patres increpantes peccatores impœnitentes, debere intelligi de simili notabili dilatione. Sed nunquid quoad proxim dici posset huic præcepto satisfacere, qui singulis annis confitetur, & dum non potest, isto anno elicit contritionem perfectam? Lego apud Franciscum lo. sapè cit. num. 74. *Pœnitentes non solent se de pœnitentiæ dilatione accusare, nisi tempus annua confessionis, sub qua obligat pœnitentiæ, per accidens excefferint: nec Confessarii desuper pœnitentes interrogant, totumque dissimulat Ecclesia.* Nunquid posset similiter dici, eum, sicut tenetur intra annum confiteri, sic & teneri perfectè conteri

intra annù, si confiteri nò valeat? Nunquid posset Summus Pontifex, dum determinat annum, intra què teneatur confiteri, dici unà, ut interpretator legis divinæ aut naturalis, determinare simile tempus, ut in absentia confessionis teneamur perfectè conteri? nunquid enim melius huic illius determinationi videtur quoad proxim acquiescendum, quàm determinationi aliorum hac in parte tam enormiter discrepantium? Intereà

135. Dico quintò, sunt & alii casus, in quibus dicitur per accidens obligare præceptum contritionis. Primò, quando exurgit advertenter talis tentatio trahens ad aliud peccatum, ut superari nequeat, nisi contritio eliciatur. Secundò, quoties quis erroneè existimat, se hic & nunc teneri elicere actum contritionis. Tertio, in valde gravi necessitate communi Reipub. quæ præsumitur à Deo immitti ob peccata membrorum ejusdem. Quartò dum quis in peccato mortali existens debet ex officio Sacramentum aliquod ministrare, vel unum è quinque vivorum in se suscipere.

\* \*

# DVBIVM TERTIVM.

## De Confessione.

### §. I.

## Quid Confessio, & quando sit integra.

137. **D**ico primò, confessio est accusatio suorum peccatorum coram Ministro idoneo, ad obtinendam eorum remissionem virtute clavium. Præcipuæ ejus conditiones sunt, ut sit integra, secreta, & lachrymabilis: hanc ultimam habet à contritione, de qua ante: secundam habet à sigillo, de quo postea; nec enim omninò necessarium est, ut confessio fiat secretè; quia passim contrarium in bello à timoratis practicatur, ubi multi simul confitentur eidem Ministro; quod & fieri solet in naufragio. Quoad primam verò conditionem;

138. Dico secundò, ut confessio sit integra, necessariò sunt confitenda omnia peccata mortalia antea non confessà, quoad numerum & speciem. Ita omnes ex Tridentino: attamen summa est inter DD. controversia, utrum etiam debeant explicari circumstantiæ notabiliter aggravantes in eadem specie. Pro qua

139. Nota circumstantiam in genere esse accidens actus moralis, quod est quidem extra substantiam actus, sed tamen aliquid confert ad ejus bonitatem vel malitiam moralem; pro quo vide dicta tract. 1. disp. 3. dub. 1. Ut

verò circumstantia sit mutans speciem, debet includere notabilem differentiam diffinitivam ad legem Dei condistinctam à diffinitivitate, quam habet substantia actus: pro quo etiam consule dicta ibidem disp. 4. dub. 4. hoc notato

140. Dico tertio, ut confessio censeatur integra, puto, non esse necessarium, explicare nisi circumstantias speciem mutantes. Ita D. Thomas, Bonaventura & alii plurimi probatissimi Doctores se fundantes in Tridentino sess. 14. cap. 5. & cap. 7. ubi Concilium expressè dicit, ore divino necessariam esse confessionem omnium peccatorum & circumstantiarum mutantium speciem peccati. Per quod mihi sufficienter videtur indicare, non necessariò confitendas esse alias circumstantias peccati speciem non mutant: non enim invenio rationem, quare de his tacuisset, cum ibi agat expressè de materia necessaria confessionis; & cum facillimum ei fuisset hoc addere, ac clara notitia hujus obligationis sit res summi momenti: imò cum dixisset, circumstantias, quæ speciem peccati mutant; explicandas esse, expressè addit, nil aliud ab Eccle-

sia à pœnitentibus exigi : ex quo puto à nemine posse negari, quin ut minùs dubium sit, an circumstantiæ, de quibus agimus, sint revera confitenda necne ; in dubio verò odia sunt restringenda. Deinde Christus solùm præcepit confessionem omnium peccatorum mortalium, quod sit dum explicatur numerus, species, & circumstantiæ speciem mutantes. Nec dicas Confessarium, utpote Judicem, debere habere plenam notitiam status pœnitentis ; vel maximè, ut servet proportionem inter culpam & pœnam : quia illa notitia sufficienter obtinetur per scientiam numeri & specierum peccatorum mortalium, ut ex Tridentino colligitur. Neque est necessariò hîc servanda omninò rigorosa proportio inter culpam & pœnitentiam, prout infra videbimus.

141. Dices, Tridentinum sess. 14. cap. 5. contrarium insinuat per hæc verba : *Oportet à pœnitentibus omnia peccata mortalia, &c. in confessione recenseri, etiam occultissima, &c. quæ nonnunquam gravius lauciant* : ubi videtur Tridentinum insinuare, omnia peccata, quæ gravius lauciant, esse confitenda : sed circumstantiæ notabiliter aggravantes gravius lauciant ; ergo sunt explicanda.

142. Ob hoc argumentum & alia, quæ adfert Franciscus Bonæ Spei suæ Nocturæ dub. 16. per totum ; judico probabilem esse sententiam nostræ oppositam ; quam miror à Catamuele vocari erroneam. Attamen illa Tridentini verba, *quæ nonnunquam gravius lauciant*, videntur, meo quidem iudicio, commodè referri posse ad oc-

*cultissima*, nec debere necessariò referri ad *oportet in confessione recenseri* ; quo posito, locus Tridentini nihil convincit contra nostram sententiam. Interea Marchant. in resol. Pastor. absolutè vult, magnum excessum in furto, & gradus consanguinitatis in incestu, debere necessariò in confessione explicari : quod ego etiam cuilibet in praxi suadeo, non tamen obligo absolutè ; licet enim illa multum immutent iudicium Confessarii, non vult ea Deus necessariò esse aperienda, ut patet ex ante allatis. Neque hoc debet absurdum apparere nostris adversariis ; quia in iis Christus habuit plenissimam libertatem disponendi : sicut igitur sine absurdo voluit necessariò debere explicari actum externum junctum interno, licet ille nihil malitiæ superaddat, & consequenter iudicium Confessarii non immutet, saltem notabiliter ; ita sine absurdo voluit circumstantias solùm aggravantes non debere aperiiri, quamvis in multis iudiciū Confessarii notabiliter immutent.

143. Sed quid de doctrina subtilissima P. Franc. Bonæ Spei in tract. 2. de acerb. human. disput. 4. num. 67. ubi sic ait : *Puto nomen species in plerisque insignis nota Theologis magnam causasse hallucinationem, circa peccatorum mortalium circumstantias, in confessione sacramentali explicandas, aut non explicandas ; eo quod, juxta entitatem physicam individuorum, de quibus predicatur, communiter eam spectent, & non secundum moralem, ac per conversionem eorum ad Deum offensum & confessionem sacramentalem, quomodo hic considerari debet. Atque conformiter adhuc resolvit num. 77. Non datur cir-*  
cum-

cumstantia notabiliter aggravans, quæ mortalitatis peccati speciem. Sumptam ex parte aversionis à Deo, aut conversionis ad objectum, prout subest prudentum estimationem moralem, non mutet. Quia, ut loquitur num. 78. illud peccatum, ut minus, tam distinguit, juxta prudentum estimationem moralem, ab eo, in quo reperitur, quàm furtum unius floreni (dato quòd hic sit sufficiens ad peccatum mortale) à furto unius assis distinguitur: & quare unus florenus, ablatus ultra unum assen, plus furtum unius assis ad aliam speciem furti transferret, quam secundus florenus ablatus ultra unum florenum, furtum unius floreni ad aliam speciem transferret, juxta prudentum estimationem moralem, ex parte aversionis, &c. quod autem furtum unius assis & unius floreni supra assen ad aliam speciem pertineant, ostendit ex D. Thoma 1. 2. quæst. 72. art. 5. ad 1. ubi ait, dicendum, quod peccatum mortale & veniale differunt in infinitum ex parte aversionis. Hæc firmat dictus Franciscus per multa argumenta, ut videre est *lo. supra* cir. illa autem hic adferre esset contra intentum. Interim.

144. Ego isti doctrinæ lubens subscribo; quia est omnino rationi conformis, secus communis opposita: videtur enim quod Christus irrationabiliter procellisset, si materiam confessionis ita instituisset, ut minus gravia tantum, & non gravissima, v.g. furtum mille aureorum, præcepisset confiteri: quod enim hujus furti gravitas sit supermortalis, furti verò unius floreni sit mortalis præcisè, nil immutat in ipsa malitia, quare ergo illa non esset aperta & verecundâ confessione

exprimenda tam bonè quam hæc? Ut tam bonè quàm dux malitiæ duorum furto unius assis; cum illa æquivalet incomparabiliter pluribus similibus malitiis? Scio quidem communiter responderi, & ego etiam superius viâ communi incedendo sic respondi; nimirum illud non debere fieri; quia Christus sic fieri non voluit, ut constat ex Tridentino. Sed quare non dicimus Tridentinum locutum esse ad sensum doctrinæ P. Francisci jam allatæ, ut clarè appareat rationi manifestè non contravenire? Item ut infinitas evadamus difficultates, quæ aliàs incurruntur? In sententia enim opposita quot signenta non excogitaverunt Authores, ut ostenderent, quomodo quis teneretur malitiam sui peccati aperire, qui unico ictu occidisset decem homines; unâ captione abstulisset diversorum buras, &c. Imò eò usque res devenit, ut quidam videantur dubitare, an qui se manu polluit, sodomiam aut bestialitatem commisit, &c. non satisfaciatur confitendo, in materia luxuriæ contra naturam graviter deliquit. Item volunt plures ex eadem doctrinæ consequentia, eum, qui habuit rem cum cognata, cum avia, cum sorore, imò cum matre, sufficienter suum peccatum confiteri, dicendo, *gravem luxuriam cum consanguinea commisi*: quæ & similia certè nimium laxant mores ac disciplinam moralem; nimis notabiliter mutant judicium Confessarii; ac apertam & verecundam confessionem, à Tridentino *sess. 14. cap. 5.* ita commendatam, nimium dissimulant: quæ omnia clarè & faciliter in alia P

Franc.

Francisci doctrina declinantur : vide illum, & vix quidquam contra illam excogitare poteris, quin ibidem ad longum solutum reperias. Quia tamen ante examen, & aliorum Doctorum approbationem, nemo tam cito cogi potest, ut doctrinam unius, licet alioqui maximè in ratione fundati, Authoris in praxim deducat : volui questionem hanc, de circumstantiis aggravantibus, independentem ab hac Francisci doctrina, prius agitare.

Petes, an circumstantiæ mutantes speciem, possint seorsim à substantia actus explicari in confessione, ut v. g. si Sacerdos fuerit fornicatus, an dicere possit, fui fornicatus & peccavi contra votum meum in materia gravi?

145. Respondeo negativè; quia talis non explicat peccatum quod commisit, sed lex modo loquendi significat, se duo peccata distinctim commisisse, quod falsum est, cum tantum unicum numero peccatum cum

duplici specie malitiæ commiserit. Addo tamen, quòd si quis in simili casu ex oblivione inculpabili omisisset ambas species malitias exprimere, satisfaceret solum speciem omissam postea aperiendo si seorsim explicari queat, prout contingit in casu posito. Dico si seorsim, &c. quia si quis commisisset adulterium & solum confessus esset, se fuisse fornicatum, adhuc deberet postea confiteri se commisisse adulterium, eò quòd injuriam factam conjugì & Sacramento Matrimonii non possit aliter seorsim à fornicatione explicare : nec enim satisfaceret dicendo, commisi gravem injuriam, quia injuria in bonis temporalibus, in membris corporis, in fama, & in materia matrimonii specie distinguitur : neque hæc videtur aliter posse explicari nisi dicendo commissum esse adulterium. Hæc bene firmata habes in Noctua Francisci *dub. 12. resol. 1. & disp. 4. supra num. 169.*

## S. II.

### An peccata dubia sint confitenda?

146. Dico primò, cum Franc. B. Spei & aliis DD. communiter, peccata mortalia dubia, ut dubia in confessione aperienda sunt. Probatur, quia ante institutionem confessionis erat necessariò pro peccatis dubiis recurrendum ad tribunal Dei per contritionem : ergo & post pro iisdem recurrendum est ad tribunal Sacramenti Pœnitentiæ; cum hoc tribunal in-

stitutum sit à Christo, ut absolvatur & liberetur pœnitens omni eo casu, quo ante legem gratiæ de peccato perfectè contritè debebat, ut loquitur P. Franciscus de *act. hum. disp. 6. num. 181.* Neque hinc accedit onus ipsi Pœnitenti magis, quàm tunc; sed sicut tunc erat favorabilius, pro illa necessitate præsumere, ita & nunc pro confessione. Non enim confessionis tribunal est institu-

tum

tum in Rei odium sicut forense (propter quod in hoc onus esset sua delicta confiteri, & in hoc proinde rectè observantur regule Juris, *Odia restringenda; in dubio delictum non presumitur;*) sed in favorem, prout magni favoris est absolvi & liberari; quare locum hîc obînet regula contraria, *favores ampliandi.*

147. Deinde optimus mentis Christi quoad hanc difficultatem interpretis, sicut & Tridentini, quod ab utriusque partis authoribus in favorem adducitur, est hoc axioma, *dubia mortalia, ut dubia sunt constenda, usu immemoriali Ecclesie, & veròsimilibus Apostolorum, qui materiam confessionis certò noverant, inductione receptum.* Accedit, quòd dici possit, peccatum mortale dividi in certum & dubium, prout actus intellectus in certum & dubium: & consequenter mortale dubium esse annumerandum mortalibus; de quo quispiam habet conscientiam certam, ad eum sensum, quo docuimus disp. penult. Logica, quòd de re dubia dari possit scientia. Ita P. Franciscus loc. citato num. 284. ex quibus erui potest responsio ad omnia argumenta Caramuelis contra nostram sententiam adducta; quamvis tamen idem Franciscus illa sigillatim proposita ad longum solvat. Quæ omnia cum Diana ad litteram adduxisset part. 10. tract. 12. resol. 2. subdit; *His non obstantibus, puto omninò non esse recedendum à sententia affirmativa usque adhuc practicata in Ecclesia Dei, & quam communiter docuerunt Theologi omnes cum eorum Magistro D. Thoma in 4. sent. distinct. 21. quest. 2. art. 3. ad 3.* Ac paucis interjectis, iterum

repetit, *Non est igitur, recedendum à praxi omnium fidelium, & totius Ecclesie, cujus initium credendum est ab Apostolis emanasse.* Et Ubanus ab Ascensione tract. 1. cap. 10. fol. 19. hanc regulam generalem statuens tanquam possessionis privilegium, *melior est conditio possidentis*, ab ea excipit (quamquam eò recurrendum non sit, ut constabit ex solutione argumenti adferendi) peccata dubia, quæ ut dubia confiteri tenemur, licet dubitemus, an ea commiserimus; nam, inquit, in hoc tutior pars est eligenda propter animæ periculum: quia non remittitur peccatum mortale, etiam dubium, nisi per confessionem debitam etiam in lege Evangelica: quasi vellet dicere, potius oppositum istius regule esse privilegium seu favorem penitentis; eò quòd aliàs, in casu non confessionis peccati mortalis debui, maneret in manifesto periculo damnationis æternæ, imò & novi peccati sacrilegii. Hujus exemplum clarum adfert P. Franciscus n. 307. si fur, dicendo, præcisè *peccavi de furto dubio*, certò à suspendio liberaretur, & non dicendo, se suspendii periculo exponeret, indubiè putaret, id dicere, sibi esse valde favorabile; ergo idem est dicendum in casu resolutionis; quia licet ex illa confessione sit aliquid confusiohis & oneris, hoc tamen respectu favoris, quo certò à gehenna & mortis æternæ damnatione liberatur, pro nihilo reputatur. Sed

148. Quid ad illud argumentum Caramuelis; qui habet leves rationes, aut etiam nullas ad credendum se peccasse mortaliter, non tenetur confiteri; atqui de pecca-



non mortaliter dubius est talis: ergo &c. Respondendo cum eodem Francisco distinguendo maiorem, si aliunde habeat gravem rationem ad credendum, se non peccasse mortaliter, concedo maiorem: si simul nullas aut solum leves habeat rationes ad credendum se non peccasse mortaliter, prout verus dubius ut summum dicendus est habere, nego maiorem: quia hoc casu non est ratio, cur potius ipsius innocentia sit in possessione, quam legis obligatio & ipsius nocentia; pro hac autem (cum id sit favorabilis, ut vidimus) potius, quam pro innocentia hic & nunc presumendum est; ac proinde possessio potius dicenda est stare pro obligatione, quia magis favendum reo quam auctori.

149. Quid ad aliud argumentum Caramuelis; scrupulosi suaderetur, ne confiteantur peccata dubia; ergo hac non sunt materia certa confessionis. Respondeo scrupulosos hac in parte ab omnibus communiter excusari, eo quod raro dubitent prudenter; & licet prudenter dubitent, quod aliis favor est, ac quod unico confessionis actu illis confert absolutionem & libertatem, scrupulosi continua esset torsio, ob continuam apprehensionem dubiorum peccatorum & ea confitendi obligationis: unde aliter de his, aliter de illis iudicant Doctores. Ita idem Francisco num. 296. Deinde scrupulosorum dubia frequenter sunt antecedentia ipsum actum, de quo dubitatur, siue mortale peccatum, adeoque & antecedunt ipsam legem; qualia dubia, etiam in non scrupulosis, non sunt necessarii confitenda; cum enim lex, di-

ctans sub dubio, actum committendum fore peccatum mortale necessarium confitendum, nec dum sit in possessione; & favorable omnino sit illum non esse talem, ut per se patet; possessio stat pro innocentia: quia tunc maxime locum habet, in dubio quod minimum est sequimur; magis favendum reo quam auctori. scilicet in favorabilibus; ac consequenter ad hanc, conscientia invincibiliter resolvit, se non peccatam; sub qua invincibili resolutione, impossibile est fore peccatum, ut loquuntur Francisco n. 280. neque de his dubiis intelligitur nostra resolutio. Ex his igitur, & aliis, quae locis citatis, & in sua Nocturno n. 89. & 91. à P. Francisco adducuntur, patet quam temerarie dixerit Caramuel, quod haec sententia sine errore clarissimo teneri non possit, ac sua ferè de fide sit: quin potius Hurtadus apud Dianam parr. 11. tract. 1. res. 25. dicere possit, sententiam Caramuelis, neque speculativè esse probabilem, & practicè esse temerariam: quidquid tamen eam defendat Marchant. in Tribun. Sacram. tr. 4. tit. 6. q. 5. & Barghaber Centur. 1. casu 39. non audeat illam improbabilem vocare. Videatur circa hanc materiam P. Mendonça in sua statera differr. 10. quaest. 1. ubi bene & late illam pertractat.

Petes an in confessione, peccato dubio semper addi debeat aliud certum?

150. Resp. affirmativè cum P. Francisco & aliis ferè omnibus; ob quorum auctoritatem dicit, id se malle, in ordine ad absolutionem absolutam necessarium asserere, cum sit res valde notabilis, quam sua speculatione Periclitantia:

tia Sacramentum periculo exponere: quia non obstante illo onere, adhuc Pœnitenti est, favorabilius obligari ad peccatum dubium sic confitendum, quàm non obligari, ut suprà demonstratum est. Addatur ergo peccatum certum, ut clarè possit certa Pœnitentia imponi, & absolutio sine conditione proferri. Aliàs sistendo in ratione præcisè, diceret Franciscus, id non esse necessarium absolute, quia peccatum secundum se dubium aliundè (nempe quia pro eo stat possessio; nam favores ampliandi, magis favendum reo &c.) videtur satis certum, cum pro eo præsumendum sit, ut ab eo absolute absolvi possit: confitens enim peccatum dubium æquivalenter dicit, *circa dubium an peccaverim* (quidquid sit in foro Dei) *Prudenter presumo, me peccasse, ac ideo confiteor me peccasse.* Neque absolutio absoluta requirit materiam certam & absolutam physicè; cum nullus physicè certus sit, an habeat contritionem supernaturalem: sed moraliter tantum, sive ex prudenti præsumptione, quæ certitudo hâc habetur. Ita Franciscus, speculativè tantum, ut monuimus.

151. Dico secundò, dum quis confessus est peccatum dubium ut dubium, quod deinde comprehendit fuisse certum, tenetur id ut certum iterum confiteri secundum communem U. D. sententiam & fidelium praxim. Sed quia Caramuel dicit, *An praxim: scrupulo, an ex ratione orta; non disputo: videtur enim homo Pœnitens non velle disputare nec librare rationes, sed sequi securissimam partem.* Probo ego resolutionem hanc eo modo, quo primam

suprà probavi. Ante institutionem confessionis, si quis de aliquo peccato dubio ut dubio contritus, postea comprehendebat fuisse certum, de novo tenebatur de illo ut certo conteri: ergo &c. ut ibi. Et nonne hæc verba Tridentini sess. 14. cap. 5. *postquam quisque se diligentius excusserit, conscientia sua sinus omnes & latebras exploravit, ea peccata confiteatur* (juxta conscientia suam videl. in quo deprehenduntur) *quibus se Dominum & Deum suum mortaliter offendisse meminerit*: Hoc modo accomodè intelligerentur, ut teneatur peccata mortalia, quorum, juxta conscientia suam peccatorum dubiorum, meminerit, inter peccata dubia confiteri, & quorum, juxta conscientia suam peccatorum certorum (eadem sint sive diversa, ea confessus sit ut dubia nec-ne, nihil refert meminerit, inter peccata certa? Dico sic accomodè intelligerentur; quia videtur clarè per illa verba indicari, quòd quilibet teneatur sua peccata confiteri omni eo modo, quo eorum ut mortaliter commissorum meminerit.

152. Scio D. Caramuelem *sua Theol. mor. lib. 3. disp. 4. num. 1539.* absolute docere sententiam oppositam, quam ut probabilem admittunt Lugo & Tamburinus. Ratio est, quia cum exposuerit dictum peccatum dubium prout erat in conscientia, fecit quod à Tridentino exigitur: estque ab eo directè absolutus sub conditione à mortali, si revera in se peccatum esset mortale, undè & semper absolutus manet; prout absolutus manet à voto, excommunicatione &c. qui ab iis antea dubiis absolutionem vel dispensationem im-

FFFF 2 petua

petravit, licet postea deprehendatur votum v. g. fuisse certum; quia nimirum absolutio absolute data fuit sub conditione quod votum verè adesset, sicut & revera aderat. Sed ad hanc rationem facilis est responsio ex jam dictis; nempe prædictum fecisse quidem quod à Tridentino exigitur pro eo tempore, quo tantum dictum peccatum erat in ipsius conscientia ut dubium, non verò pro tempore subsequente, quo est in ipsius conscientia ut certum: unde nec absolvitur à peccato mortali confesso ut dubio, nisi cum onere illud ut certum postea confitendi, si ut certum occurrat, sicut ante institutionem Sacramenti dicitur de eo; qui eliciebat contritionem perfectam de peccato mortali dubio, quod postmodum &c. Deinde dum aliquis confitetur inter multa mortalia, unum ut veniale, prout pro tunc est in ipsius conscientia, nunquid ab eo, etiam ut mortali, sub conditione tacita absolvitur? indubiè, quia unum mortale linealio remitti non potest: tamen sub onere postea confitendi ut mortale, dum ut tale innotuerit. Nec in priori casu plus directè datur absolutio à mortali certo, quàm in secundo à mortali simpliciter. Quod autem dicitur de voto & excommunicatione, non est ad rem, quia hæc sunt odiosa.

153. Nec dicas, in communi DD. sententia, qui confitetur se aliquod peccatum commississe decies v. g. *plus minus*, non teneri quidpiam repetere, licet postea cognoscat se id undecies commississe, vel etiam duode-

cies, quamvis illud unum vel duo peccata non fuerit confessus ut certa; atqui idem est de casu nostro; ergo &c. Ne id dicas, inquam, quia respondebo cum Francisco B. Spei *hic disp. 6. num. 13.* particulas illas nullum peccatum mortale comprehendere, postmodum secundum numerum certum & determinatum, si occurrat, non confitendum: puto enim illas particulas solum servire, ut pœnitens numerum peccatorum suorum, saltem quoad aliquot peccata plura vel pauciora, prout numerus verò similis est magnus vel parvus, esse ubi dubium manifestet, ne in materia gravi confessionis perniciosè confesarium, & iudicium Sacramentale fallat. An, si quis sciens numerum certum suorum peccatorum mortaliū, incertum confiteatur, addendo *plus minus* non committat sacrilegium? omnino, & tenetur indubiè postea numerum certum simul cum hoc sacrilegii peccato in confessione aperire, prout omnes debent fateri: & hoc non, nisi quia peccata sua non confitetur formaliter integrè quoad numerum. Infero; ergo, qui bona fide procedens, numerum taliter incertum aperuit, licet non peccet, tenetur postmodum numerum certum, si resciat, aperire, quia non fuit antea peccata sua confessus materialiter integrè quoad numerum. Hæc videntur mihi omnino solidè ratione firmari: ex quibus patet, quàm exorbitanter ab aliquibus doceatur, eum, qui in confessione dixisset, *fornicatus sum decies plus minus*, & reperiret postmodum se fornicatum esse

esse decies quinies ; vel si dixisset , *vi-  
gesies plus minus* , & reperiret trige-  
sies , manere liberum ab ulteriori  
confessione numeri exactioris . Plus  
adhuc exorbitat Conineck , qui teste  
Burghaber *Centur. 2. casu 55.* docet ,  
neminem teneri ad repetitionem , ni-  
si recorderetur , se ferè mediâ parte  
sæpius peccasse , quàm dixerit ; quid-  
quid hic illum in eo non reprehendar ,  
volens saltem nullam repetitionem  
esse necessariam , dum solum reperit-  
ur excessus viginti ad centum , pro  
quo & alio citat .

154. Adverte Lugo & Tamburi-  
num docere , rusticos , mulierculas  
& pueros , qui bonâ fide Parocho in-  
docto peccata sua grosso modo con-  
fessi sunt , quamvis postea doctiores  
effecti cognoscant , se in multis defe-  
cisse , confitendo nimirum dubia pro  
certis , & quæ in se certa erant pro  
dubiis , dicendo quæ unum numerum  
pro alio , non esse cogendos repetere  
confessiones : quia saltem in confuso  
Confessarius sufficienter peccata in-  
tellexit , ea quæ directè absolvit prout  
erant in se : & certè si ad hoc fideles  
obligarentur ( quamvis praxis fide-  
lium sit in contrarium ) omnia essent  
plena scrupulis . Ita illi & alii multi .  
Addetamen , si dicti defectus fuit-  
sent ex grossioribus , ut si nullum  
prorsus expressissent numerum , ne-  
que omnes species peccatorum , tunc  
eos debere postea numerum & spe-  
ciem explicare ; quia ab his utpote  
omnino Confessario incognitis nulla-  
tenus sunt directè absoluti . Imò P.  
Franciscus *de act. hum. tract. 2. disp. 4. n.*  
64. dicit illos autores contra evi-

dentem rationem fuisse locutos : *quasi*  
verò , inquit , bona rusticorum fides pos-  
sit supplere materiam Sacramenti Pœni-  
tentia essentialem ; & interea cives benè e-  
ducati , qui bonâ fide , sub uno plus minus ,  
sex mortalia ex decem invincibiliter oblitis ,  
comprehenderunt , potius ea . si postmodum  
occurrant , confiteri debeant , quam rustici :  
vel enim hi tunc peccatum aliquod debite  
confitentur ; & tunc à ceteris non nisi indi-  
rectè absolvuntur sub onere & c. vel non ; &  
tunc confessio est moraliter nulla . Ita ille ,  
& ego : quidquid Burghaber , plures  
citans , velit *Centur. 2. casu 74.* rusti-  
cum , qui confitendo bonâ fide Pa-  
rocho nunquam addidit ullum nume-  
rum in mortalibus , non debere repe-  
tere confessiones suas : quia cum hu-  
jusmodi homines uniformem ferè vi-  
vendi rationem teneant , facitè pru-  
dens Confessarius , illum errorem per-  
cipiens , conjiciet ex confessione unius  
anni , quantum in aliis annis peccave-  
rit , ut ita virtualis numeri explicatio  
interveniat . Hæc ille : meritò addens ,  
magnâ prudentiâ Confessarii opus ef-  
se tum circa bonam fidem , tum circa  
hanc vitæ uniformitatem ; sæpe quip-  
pe fieri potest , ut non sine remorsu  
conscientiæ sic obiter confiteantur , &  
pro diversis occasionibus sit magna  
inæqualitas numeri in uno & reliquis  
annis ; quò casu , inquit , repetitio  
confessionum instituenda , & nu-  
merus apertè explicandus  
est .

\* \*

• f f f ;

§. III.

## §. III.

## Quandonam liceat non servare integritatem materialem Confessionis?

155. **D**ico integritatem materialem, id est, in qua non explicantur omnia peccata mortalia, quæ sunt materia necessaria confessionis, quia certum est, omnem confessionem debere esse integram formaliter, sive in ea debere explicari omnia peccata mortalia, quæ moraliter loquendo explicari possunt; quo servato, dicitur confessio integra formaliter; eò quòd formalis intentio Pœnitentis sit, omnia peccata in confessione explicare, nisi adesset justum impedimentum: igitur,

156. Dico primò cum communio-  
minum, ex parte Pœnitentis ab integritate confessionis excusat imprimis impotentia Physica vel moralis: ut dum quis ita infirmatur aut cadit in phœnexam, ut non nisi unicum, vel saltem non omnia mortalia declarare possit; item in casu conflictus belli, incendii, naufragii &c. in quibus etiam signum contritionis, si quis nequidem unicum peccatum valeat verbis expressè confiteri, sufficere potest. Hinc Burghaber *Centur. 3. casu 41.* docet rusticam, dicentem se valde de peccatis commissis & offensa Dei dolere, verèque emendare se velle, posse absolvi, licet nullum peccatum etiam veniale in specie exprimat, vel Confessarius examine deprehendat: & in

hoc pro se citat quinque celebres Aucthores, qui licet ferè loquantur de infirmo ipsòmer teste, probat tamen absolute. Quia integritas confessionis non urget ex à nobis adductis ubi adest impotentia ratione infirmitatis, aut defectu temporis aut loci commodi; ergo nec ubi adest alia quacumque de causa. Tum quia si illa sic disposita absolvi nequeat, non erit obligata ad annuam confessionem, quod non est admittendum. Ita ille. Scio ego DD. communiter contrarium docere ob Trident. *sess. 14. c. 5.* requirens talem confessionem, per quam status confitentis agnoscitur; & quia in illo casu non datur determinata materia Sacramenti. Sed quia hæc etiam militat in casu conflictus, videtur aliquo modo rationabilis istius Authoris deducta consequentia. Ipse ad Trident. respondet ibi requiri tam integram confessionem quàm hic & nunc à pœnitente fieri possit; additque dolorem & confessionem in casu posito, quæ sunt intrinseca materia Sacramenti, esse actus singulares & omninò determinatos, versarique circa peccata determinata, quæ ipse pœnitens commisit, licet ob ruditatem suam exprimere nequeat. Ad id verò quod adhuc obijci posset, debere nimirum absolutionem sacramentalem cadere saltem super aliqua

liqua peccata directè ( praterquam quòd id a què militet in casu constitutus: ) Responder absolutionem cadere directè super offensam Divinam, in qua omnia peccata in specie conveniunt, ideoque remittuntur etiam aliquo sensu indirectè, quare postea explicite confitenda sunt, si in specie occurrant, quod sufficit ad essentiam Sacramenti. Ob huc adducta concedunt Suarez, Coninck, & Layman sententiam à Burghaber defensam speculativè veram esse, non tamen practicè: quia fortè judicabant casum in praxi non posse occurrere; verum mihi plus quàm semel occurrit. Dico quia fortè judicabant &c. eò quòd in remoralis, meò quidem iudiciò, tantùm dicatur speculativè verum & non practicè, quod in speculatione consideratum non potest in praxim deduci, quin aliqua har variatio.

157. Secundò ab integritate confessionis excusat etiam ignorantia invincibilis, & inculpabilis obli-vio sui peccati: de qua nos alibi. Tertiò periculum gravis damni spiritualis aut temporalis, quod sibi vel alteri prudenter timeretur ex malitia Confessarii, casu quo omnia peccata mortalia ei aperiantur. Dixi, prudenter timeretur &c. quod non tam facilè est præsumentum: undè ego meritò reprehendi unum, licèt aliàs satis doctum, qui volebat se excusatum haberi, quod post peccatum mortale commissum, in proprio Monasterio aliquoties celebrasset pramissà contritione petfectà; dicens se non habuisse copiam Confessarii, eò quòd Confessarii constituti passim uterentur scientià confessio-

nis: hunc & similes indubiè omnes reprehenderent; quia, quod allegabat, nulli potest videri verosimile: volui tamen huc ponere, ut omnes Confessarii sint prudentes & accurati in observantia eorum, quæ nos dicemus circa sigillum confessionis, ne ex garrulitate aliqua pœnitentes in similes angustias conjiciant.

158. Quartò excusatur mutus nesciens scribere aut signis sua peccata explicare; sicut & is, cujus idioma Confessarius ignorat: quia juxta satis commune, nemo tenetur interpretem adhibere: imò controvertitur, an quis teneatur scribere sua peccata, casu quo nec ore nec signis explicari queant: verum puto ad hoc cum obligari, si moraliter certum sit, scripturionem statim à Confessario lacerandam aut comburendam fore, vel ipsi pœnitenti reddendam; tunc enim nullum est periculum publicationis peccatorum. De interprete tamen contrarium sustineo cum P. Francisco de Pœnit. disp. 5. num. 96. scil. neminem teneri hunc adhibere, etiam in articulo mortis: quia quamvis Deus absolute loquendo possit nos ad aliquid obligare cum gravi detrimento nostri honoris aut famæ; non constat tamen id huc esse factum; sed potius oppositum eruitur ex Trident. sess. 14. cap. 5. & ex cap. Omnis utriusque sexus, nec ibi sit ulla distinctio quoad articulum mortis. Sed

159. Quid si in articulo mortis pœnitens, & probabiliter, & prudenter timeat de insufficientia lux contritionis seorsim à pœnitentiæ Sacramento; an saltem tunc, ex præcepto charitatis

ritatis erga seipsum, per interpretem confiteri non tenetur? Affirmant varii apud Franciscum *loc. citato* num. 97. Sed ipse subtiliter responder dicens: *Cum in isto articulo confessio necessaria non sit, nisi quantum ad absolutionem sacramentalem requiritur, tum veniale confiteri sufficit*; ut vel sic stante integritate formali confessionis, ab omnibus etiam mortalibus absolvatur. Nullatenus etiam existimo quemquam obligari ad peccata sua scribenda, eo quod debilem habeat memoriam: quia solum exstat præceptum præmittendi diligens examen ante confessionem, non verò modo extraordinario conservandi memoriam peccatorum. Vide Dianam *part. 2. tr. 3. ref. 46. dixi diligens examen*, nempe pro ipsius pœnitentis capacitate, temporis mora, multitudine peccatorum &c. Ita tamen ut mediocri diligentia sufficiat, qualem ordinariè vir prudens in rebus arduis adhibere solet, quamvis fortè quis putet, majore diligentia plura se reperturum, ut loquitur Busenbaum. Imò Diana *lo. cit.* notandum monet pro scrupulosis, quòd in perferenda conscientia & numero peccatorum ante confessionem peccari possit venialiter, nimiam adhibendo diligentiam & curam majorem quam oporteat; quia juxta D. Thomam in omni virtute morali peccatur etiam per excessum: vide Urbanum ab Ascensione *tr. 2. c. 6. circa finem*, & Fran. B. Spei *disp. 6. n. 2.* Maxima difficultas quæ mihi hac in parte occurrit est, an aliquod peccatum mortale reticere possit ad tempus, ne Confessario innotescat complex crininis: circa quam;

160. Dico secundò, certum est, pœnitentem teneri accedere alium Confessarium cui complex non est notus si omninò commodè fieri potest; aliàs committit peccatum detractionis: ac Confessarius est detractionis causa dum perquirat nomina complicum, vel alia indicia, quibus deveniat in notitiam eorum vel alicujus communis ad quam pertinent, ut rectè docet P. Urbanus *tract. 3. cap. 2. in fine*. Deinde etiam certum est ex antè dictis, si præter infamationem complicis timeatur ejus grave damnum, non posse tale peccatum aperiiri huic Confessario: quia cum præceptum confessionis sit valde benignum, non obligat, nec exerceri potest cum gravi damno proximi. Tertio etiam plures volunt cum Diana *part. 11. tract. 4. ref. 41.* & alibi, pœnitentem non teneri explicare tale peccatum, licèt sola sequatur infamatio complicis apud discretum Confessarium; quia cum præceptum de non infamando proximo sit naturale, videtur huic cedere debere præceptum positivum de integritate materiali confessionis. Sed quia detrimentum famæ complicis videtur parvum, cum Confessarius id non sciat ut homo, sed ut Deus; tum quia in hoc implicite consentit complex dum peccat cum eo, quem novit peccatum secum perpetratum non posse aperire, nisi complice manifestet; tu contrarium sustine cum Urbano ab Ascensione *tract. 2. cap. 8.* & Francisc. B. Spei *loc. cit. disp. 6. num. 18.* quidquid P. Lezana verbo *Confessio num. 7. in fine*, contrarium sibi arridere insinuet. Ponit ergo



ergo Franciscus *lo. cit.* hanc resolutionem, est contra Confessionis integritatem, reticere peccatum, cujus manifestatione, Confessarius necessario venire debet in notitiam complicitis: ac pro ea citat D. Thomam, Bernardum, Bonavent. & 43. Doctores citatos à Leandro.

161. Probatur, quia præterquam quòd liceat Confessario, vel alteri amico prudenti, alterius peccatum aperire, ad consilium petendum, vel dolorem leniendum, ut ipse Diana fatetur (propter quod docet Burghaber *Centur. 1. casu 63.* posse pœnitentem ob solam consolationem animi & bonum spirituale in casu posito confiteri Confessario noto, licet alium ad manum habeat: ) complex simili peccato amisit ius famæ in ordine ad confessionem tam benè quàm pœnitens: nec apparet aliunde, cur Christus famæ author, minùs præceperit complicem illo casu revelare, quàm seipsum, aut proprium peccatum. Ita P. Franciscus. Ne hîc in tantum obstat præceptum charitatis de vitanda infamia proximi, quam in duobus casibus statim allatis, ut per se patet. Non igitur censetur complex rationabiliter invitus, si peccatum ejus reveletur in foro tam secreto, ut servetur præceptum Divinum de integritate Confessionis, & certò percipiatur remissio omnium peccatorum cum aliis fructibus spiritualibus. Et ne id, quod in initio numeri præcedentis ex P. Urbano adduximus, adhuc fortè scrupulosos reddat Confessarios; hîc addo, Fagundez apud Burghaber *lo. cit.* absolutè docere, in tali ca-

su non esse præceptum, sed tantum consilium, ut pœnitens alium Confessarium quærat. Insuper; pono hîc breviter quæ habet Franciscus *lo. cit. n. 24. & seq.*

162. Primò, potest Confessarius, etiam quando habet omnes unius familie notas personas pœnitentes, pœnitentem interrogare ut sciat, an sit in occasione proxima peccandi, licet sit venturus in notitiam complicitis. Si tamen pœnitens possit vocem &c. fingendo efficere, ut ipsemet non agnoscat, ad id tenetur: sicut & ignoto Confessario confiteri si possit (*fortè de consilio, & non de præcepto ut vult Fagundez.*) Secundò, Confessarius potest pœnitentem cogere ad revelandum alterius peccatum iis, ad quos spectat, dum pœnitens per se extra confessionem illud revelare tenetur: ac potest pœnitens Confessario, ut talis persona est, suas vices hac in parte committere, si per se revelare non possit: imò ad id tenetur, si nec per se, nec per alium possit: sed in tali casu cum pœnitente agendum esset potius extra confessionem, ut omnis species fractionis sigilli removeatur. Talia autem peccata sunt v.g. perniciofa dogmatizatio occulta, revelatio confessionum, celebratio à non Sacerdote, venditio medicinarum venenatarum, sollicitatio uxoris ad turpia ab amico mariti, hæresis occulta, traditio civitatis, pravi mores alicujus Religiosi, ex quibus Religio periclitetur & similia. Quid hac in parte possint uxores, in quantum scilicet tangere possint in confessione peccata maritorum aut filiorum: habes *suprà tract. 4. disp. 6.*

G g g g

num.



ritatis erga seipsum, per interpretem confiteri non tenetur? Affirmant varii apud Franciscum *loc. citato num. 97.* Sed ipse subtiliter responder dicens: *Cum in isto articulo confessio necessaria non sit, nisi quantum ad absolutionem sacramentalem requiritur, tum veniale confiteri sufficit;* ut vel sic stante integritate formali confessionis, ab omnibus etiam mortalibus absolvatur. Nullatenus etiam existimo quemquam obligari ad peccata sua scribenda, eo quod debilem habeat memoriam: quia solum exstat praeceptum praemittendi diligens examen ante confessionem, non verò modo extraordinario conservandi memoriam peccatorum. Vide Dianam *part. 2. tr. 3. ref. 46. dixi diligens examen*, nempe pro ipsius poenitentis capacitate, temporis mora, multitudine peccatorum &c. Ita tamen ut mediocris diligentia sufficiat, qualem ordinariè vir prudens in rebus arduis adhibere solet, quamvis fortè quis putet, majore diligentia plura se reputurum, ut loquitur Bunsbaum. Imò Diana *lo. cit.* notandum monet pro scrupulosis, quòd in perscrutanda conscientia & numero peccatorum ante confessionem peccati possit venialiter, nimiam adhibendo diligentiam & curam majorem quam oporteat; quia juxta D. Thomam in omni virtute morali peccatur etiam per excessum: vide Urbanum ab Ascensione *tr. 2. c. 6. circa finem*, & Fran. B. Spei *disp. 6. n. 2.* Maxima difficultas quæ mihi hac in parte occurrit est, an aliquod peccatum mortale reticere possit ad tempus, ne Confessario innotescat complex criminis: circa quam;

160. Dico secundò, certum est, poenitentem teneri accedere alium Confessarium cui complex non est notus si omninò commodè fieri potest; aliàs committit peccatum detractionis: ac Confessarius est detractionis causa dum perquirat nomina complicum, vel alia indicia, quibus deveniat in notitiam eorum vel alicujus communis ad quam pertinent, ut rectè docet P. Urbanus *tract. 3. cap. 2. in fine*. Deinde etiam certum est ex antè dictis, si præter infamationem complicis timeatur ejus grave damnum, non posse tale peccatum aperiri huic Confessario: quia cum praeceptum confessionis sit valde benignum, non obligat, nec exerceri potest cum gravi damno proximi. Tertiò etiam plures volunt cum Diana *part. 11. tract. 4. ref. 41.* & alibi, poenitentem non teneri explicare tale peccatum, licèt sola sequatur infamatio complicis apud discretum Confessarium; quia cum praeceptum de non infamando proximo sit naturale, videtur huic cedere debere praeceptum positivum de integritate materiali confessionis. Sed quia detrimentum famæ complicis videtur parvum, cum Confessarius id non sciat ut homo, sed ut Deus; tum quia in hoc implicitè consentit complex dum peccat cum eo, quem novit peccatum secum perpetratum non posse aperire, nisi complicem manifestet; tu contrarium sustine cum Urbano ab Ascensione *tract. 2. cap. 8.* & Francisc. B. Spei *loc. cit. disp. 6. num. 18.* quidquid P. Lezana verbo *Confessio num. 7. in fine*, contrarium sibi arridere insinuet. Ponit ergo

ergo Franciscus lo. cit. hanc resolutionem, est contra Confessionis integritatem, reticere peccatum, cujus manifestatione, Confessarius necessario venire debet in notitiam complices: ac pro ea citat D. Thomam, Bernardum, Bonavent. & 43. Doctores citatos à Leandro.

161. Probatur, quia præterquam quòd liceat Confessario, vel alteri amico prudenti, alterius peccatum aperire, ad consilium petendum, vel dolorem leniendum, ut ipsè Diana fatetur (propter quod docet Burghaber *Centur. 1. casu 63.* posse pœnitentem ob solam consolationem animi & bonum spirituale in casu posito confiteri Confessario noto, licet alium ad manum habeat: ) complex simili peccato amittit ius famæ in ordine ad confessionem tam benè quàm pœnitens: nec apparet aliunde, cur Christus famæ author, minùs præceperit complicem illo casu revelare, quàm seipsum, aut proprium peccatum. Ita P. Franciscus. Ne hic in tantum obstat præceptum charitatis de vitanda infamia proximi, quam in duobus casibus statim allatis, ut per se patet. Non igitur censetur complex rationabiliter invitus, si peccatum ejus reveletur in foro tam secreto, ut servetur præceptum Divinum de integritate Confessionis, & certò percipiatur remissio omnium peccatorum cum aliis fructibus spiritualibus. Et ne id, quod in initio numeri præcedentis ex P. Urbano adduximus, adhuc fortè scrupulosos reddat Confessarios; hîc addo, Fagundez apud Burghaber lo. cit. absolutè docere, in tali ca-

su non esse præceptum, sed tantum consilium, ut pœnitens alium Confessarium quærat. Insuper; pono hîc breviter quæ habet Franciscus lo. cit. n. 24. & seq.

162. Primò, potest Confessarius, etiam quando habet omnes unius familie notas personas pœnitentes, pœnitentem interrogare ut sciat, an sit in occasione proxima peccandi, licet sit venturus in notitiam complices. Si tamen pœnitens possit vocem &c. fingendo efficere, ut ipsemet non agnoscat, ad id tenetur: sicut & ignoto Confessario confiteri si possit (*fortè de consilio, & non de præcepto ut vult Fagundez.*) Secundò, Confessarius potest pœnitentem cogere ad revelandum alterius peccatum iis, ad quos spectat, dum pœnitens per se extra confessionem illud revelare tenetur: ac potest pœnitens Confessario, ut talis persona est, suas vices hac in parte committere, si per se revelare non possit: imò ad id tenetur, si nec per se, nec per alium possit: sed in tali casu cum pœnitente agendum esset potiùs extra confessionem, ut omnis species fractionis sigilli removeatur. Talia autem peccata sunt v.g. perniciofa dogmatizatio occulta, revelatio confessionum, celebratio à non Sacerdote, venditio medicinarum venenatarum, sollicitatio uxoris ad turpia ab amico mariti, hæresis occulta, traditio civitatis, pravi mores alicujus Religiosi, ex quibus Religio periclitetur & similia. Quid hac in parte possint uxores, in quantum scilicet tangere possint in confessione peccata maritorum aut filiorum: habes *suprà tract. 4. disp. 6.*

G g g g

num.

num. 12. ubi per transennam hanc materiam tetigimus.

163. Dico tertio, ex parte ipsius Confessarii insuper excusat ab integritate dicta; primo, si Confessarius inter audiendum Confessionem deficiat: tunc enim vel unico peccato audito, si adsit necessitas ex parte penitentis, eum absolvere potest. Secundo, si ex auditione omnium peccatorum timeat grave damnum spirituale vel corporale: circa quæ tamen, sicut & circa alia omnia anteriora, observandum est, semper incundam esse a-

liam viam, si commodè potest, quæ possint omnia peccata mortalia integre explicari. In casu tamen quo id fieri non potuit, minimè tenetur quis peccatum ex ratione omissum immediate post, sive quàm primum fieri potest, confiteri; quia de hac obligatione nihil constat: sufficiet ergo illud confiteri cum cæteris, dum ex præcepto obligaris ad confessionem, vel ex pietate confiteri vis. Pro his omnibus vide Lezanam citatum, qui quoad omnia videtur nobiscum sentire; & Urbanum *tr. 2. cap. 7.*

#### J. IV.

### Quid faciet qui non potest exprimere numerum peccatorum: ubi de integritate Confessionis generalis.

164. **D**ico primo, si ob diuturnitatem, quæ quis fuit in frequentatione actus peccaminosi, vel aliunde numerus peccatorum tam interiorum quàm exteriorum præcisè explicari nequeat, debet verisimilior numerus aperiri, & tunc ulterius *plus minusve* addi debet: quòd si nec hoc fieri possit, referatur consuetudo & tempus ejusdem; v.g. quoties in mense, in hebdomada, vel saltem in die: & si nequidem hoc fieri possit, petatur an contigerit quoties sese offerebat occasio. Quo casu attendi debet, an v.g. meretrix se exposuerit in civitate populosa, an tantùm in oppido aut pago, ut vel sic aliquid exprimat numerus peccatorum. Deinde

exprimi debet, an indifferenter dicta meretrix v.g. sit solita peccare cum omni personarum genere, ut cum conjugatis, voto ligatis, consanguineis &c. & an non commiserit peccata contra naturam: quamvis enim non possit exprimi numerus, debent tamen exprimi species quantum possunt, ut nihil desit requisitum ad Sacramenti integritatem formalem; & ex alia parte penitens ad impossibile vel ad nimias angustias non redigatur, prout loquitur P. Urbanus *tract. 2. cap. 6.* ubi insuper docet (quod & ex a nobis dictis *tract. 1.* clarè colligitur) dictam meretricem in peccatis externis concatenatis, non debere nisi explicare peccatum principale, in quo cate-

cætera tanquam ad illud præambula consummantur: unde non erit necessarium explicare oscula, tactus &c. nisi fortè hæc & non actus principalis ratione circumstantium præbuissent scandalum.

165. Dico secundò, ad confessionem generalem non est necessarium confiteri omnia peccata mortalia totius vitæ; sed potest quilibet pro libitu omittere hæc vel illa, quæ antea ritè fuit confessus: licitum enim est omittere materiam non necessariam, prout sunt omnia peccata semel confessa & remissa. Ita omnes communiter. Deinde qui facit confessionem generalem, juxta Sanchez, Bonacinam, Suarez &c. non tenetur necessariò explicare, an omnia mortalia, quæ modò confitetur, adhuc aliàs fuerit confessus, an verò aliqua sint, quæ commiserit ab ultima confessione. Ita Bonacinas, Homobonus, Diana, Lugo & alii. Ratio est, quia peccatum confessum & non confessum, remissum & non remissum, sunt duo actus ejusdem speciei, & differentia temporis, quo peccatum commissum est, non afficit peccatum sed ipsum pœnitentem. Nec refert quòd multum differant secundùm statum remissi & non remissi, nam ut talia ea non confitetur pœnitens, sed ut sunt actus peccaminosi. Quoad impositionem autem pœnitentiæ condignæ & proportionatæ delictis, quæ quis sic in confessione generali confitetur, potest Confessarius prudenter hîc se gerere, sicut in aliis, in quibus pœnitens non exprimit majorem vel minorem malitiam peccati in eadem spe-

cie. Adde eum, qui per diversos dies, vel per diversas distantes horas ejusdem d. ei confessionem generalem protrahit, posse absolvi quoties à Confessario recedit, si confiteatur sola peccata mortalia antea confessâ & remissâ, ut rectè notavit P. Franciscus. Quia tamen ipse disputat. 6. num. 14. expressè docet contra citatos Authores, *Qui peccata mortalia, recens commissa, & nondum Ecclesiæ clavibus subjecta, ita confitetur, ut Confessarius putet, ea dudum esse commissa, & semel saltem remissa, mortaliter peccat contra confessionis integritatem*: subjungens, ita Doctores communiùs docere: tu ob securitatem, etiam in confessione generali, peccata mortalia remissâ à non remissis distinctè exprime.

Petes, an Confessarius teneatur interrogare Pœnitentem?

166. Respondeo, dum videt quempiam accedere ad sibi confitendum nullo factò examine conscientie, vel debet eum remittere, ut diligens examen instituat, vel tenetur dictum defectum supplere interrogando eum circa decem præcepta Decalogi & Ecclesiæ, maxime circa ea, in quibus similis conditionis homines magis solent peccare. Ratio est, quia aliàs Confessarius sciens & volens cooperatur sacrilegio. In dicto autem casu hoc ultimum est utile, nam, ut notat P. Urbanus loc. citat. cap. 7. si tales ad examinandam conscientiam remitterentur, sæpè non redirent: moneat interim Confessarius similem pœnitentem, ut agnoscat peccatum negligentia, si fuerit

Gggg 2 mor-

mortale, quod commisit accedendo imparatus ad Sacramentum, ac ut de illo doleat sicut de aliis.

167. Insuper tenetur Confessarius pœnitentem interrogare, quem deprehendit reticere circumstantias mutantes speciem aut alia peccata mortalia, quorum pœnitens non recordatur defectu memorix, attentionis aut conscientix: tum quia charitas ad hoc Confessarium obligat, tum etiam quia id ei incumbit vi muneris assumpti seu ex officio Judicis, ne videl. vagetur in incestum, dum pronuntiat absolutionis sententiam. Ita idem Urbanus ibidem. Ordinariè tamen debet Confessarius in his omnibus acquiescere pœnitenti, quamvis fortè hîc & nunc neget peccatum, quod scit eum certò commisisse; quia vel fortè illud antea est

ritè confessus, vel fortè habet rationem illud hîc & nunc non confitendi. Adde, ex Joanne de Bachone in 4. dist. 16. quæst. 1. arr. 2. dictas interrogationes debere esse subtiles & prudentes propter infirmitates pœnitentium; unde postquam assignarat modum examinandi rudes, subdit, non esse interrogandum expressè de vitiis minùs usitatis, ut de vitio contra naturam: imò in omni materia luxuriæ debent à Confessario institui interrogationes pauca & prudentes, ne vel Confessarius doceat pœnitentem quæ ignorat; vel ipse aut pœnitens exponatur periculo peccati, propter quod fortè cap. *Omnia utrinque sexus de pœnitentia*, monetur, ut Confessarius sit discretus & cautus in inquisitione peccatorum & circumstantiarum.

## S. V.

### Quandonam Confessio sit nulla, & quale peccatum sit mentiri in Confessione?

168. **C**onfessio potest reddi nulla ex variis capitibus: primò ex parte ministri. Secundò ex parte ipsius confessionis. Tertiò ex parte materiæ confessionis. Quartò ex parte formæ. Ita Bacho in 4. *suprà* §. 3. ubi ostendit, quandonam ex illis confessio reddatur nulla: quæ omnia etiam demonstrat P. Lezana verbo *Confessio* num. 2. & seq. Verùm quod attinet ad Confessarium & formam nos tangemus infra suo loco: quare hîc;

169. Dico primò, confessio est nulla seu invalida, si fiat sine debito dolore vel proposito emendationis: constat sufficienter ex dictis. Item si in actuali confessione pœnitens delinquat mortaliter, reticendo v. g. peccatum mortale: circa quod Jacobus Marchant. in *resolution. Pastor. tract. 5. cap. 3. num. 5.* proponit utile dubium, an qui præ verecundia aliquid omittit, sciens quidem se male agere, sed nesciens Confessionem non

non valere, teneatur postea repetere omnia, vel sola sic relicta? ad quod respondet, si talis ignorantia sit inculpabilis (qualis fortè esse potest in rustico) probabiliter dici posse cum aliquibus, talem non teneri ad repetitionem confessionum, supposito quòd, si verè scivisset per hoc reddi suam confessionem invalidam, voluisset iterum facere: ordinariè tamen, cum talis ignorantia non videatur inculpabilis, repeti debet confessio. Ita ille: addens, & bene (ut patet ex Francisco *disp. 8. num. 54.*) qui volenter reliquit peccatum mortale & idèò tenetur confessionem repetere, si postea hujus rei oblitus confiteatur bonà fide alia peccata quæ fecit, validas esse illas confessiones, nec ad earum repetitionem teneri, sed sufficere illam priorem repetere & supplere. Ita etiam Lugo & Leander apud Dianam *part. 11. tract. 6. resol. 60.* ubi idem Leander post Dianam sulinet, rusticum qui grosso modo sine certo numero peccatorum mortalium indocto Parocho bonà fide confessus est, non teneri postea detecto errore confessiones factas iterare, aut denuò declarare numerum peccatorum, nisi fortè nullum unquam numerum explicuisset, nequidem in confuso: sed hoc suprà refutatum est ex Franc. B. Spei; qui *lo cit. n. 53.* petit, quid in hac materia dicendum sit, dum quis ex culpa veniali tantum omittit aliquod mortale in confessione? Respondens hoc confessionem non invalidare: quia culpa venialis, neque Sacramenti valorem, neque illius effectum impedit.

170. Dico secundò, mentiri in con-

fessione solum est peccatum veniale, si fiat in materia levi; nisi fortè mendacium ex se leve irritum reddat Sacramentum, prout fieret si quis confiteretur solum peccatum veniale, quod non commisit; tunc namque nulla materia apponderetur formæ. Insuper mortale est sine iusta causa negare peccatum mortale, tum quia est mendacium in re gravi, tum quia redditur Sacramentum nullum ob defectum integritatis confessionis: atque ob hanc primam rationem, & etiam, quia decipit Confessarium, communiter dicitur mortaliter delinquere, qui sciens & volens confitetur peccatum mortale quod non fecit: à quo tamen excusantur ratione bonæ fidei simplices, existimantes se inire viam tutiorem explicando numerum majorem, & peccata dubia pro veris. Adde dum quis non tenetur aliquid spontè confiteri, ut v. g. consuetudinem peccandi, peccata quæcumque venialia, mortalia remissa, &c. eum non teneri idem dicere Confessario id interroganti, sed posse dissimulare quando esset grave onus vel pudor illud fateri: quia pœnitens habet jus, non plus se in foro pœnitentiæ infamandi, quàm de facto teneatur. Ita variè apud Baslaum & Dianam *part. 11. tract. 7. resol. 37.* Cæterum quodcumque mendacium circa alias materias ad confessionem non pertinentes, nullam gravitatem contrahit ex eo præcisè, quòd in confessione proferatur.

Petes, an propter consuetudinem sit neganda absolutio?

Gggg 3

171. Ra.

171. Rarò vel nunquam negandam vel differendam esse docet Dicastillus, eò quòd experientia doceat, id rarò prodesse & saepe nocere; tunc enim vel Confessarium mutant quotidie, vel nimis diu differunt confessionem, quæ tamen est remedium, non tantum ut quis absolvatur à peccatis præteritis, sed etiam ad vitanda futura; ideoque in peccatis, in quibus nec moraliter nec physicè potest occasio penitus tolli, ut contingit in mollitie, consulunt DD. & usus Confessariorum habet, injungere frequentiam confessionis apud eundem Confessarium. Sic in his peccatis in quibus est moralis impossibilitas avertendæ occasionis, non videtur exigendum remedium denegandæ absolutionis. Deinde vel talis

pœnitens accedit attritus vel contritus (suppono enim ipsum ritè dispositum): si primum, non apparet cur melius sperandum sit de tali non habente gratiam & amicitiam Dei, quam de illo ipso jam constituto in gratia per absolutionem collata: si secundum, multò magis videtur durum & absolum amicum Dei & amantem illum super omnia, non jam propter peccata præterita, sed propter metum futurorum, beneficio Sacramenti & absolutione privare. Hæc & alia Dicastillus. Vide etiam Leandrum de Sacram. ro. 1. tract. 5. disp. 7. à quest. 31. usque ad 56. in quibus discutit multa doctè & breviter. Item ea quæ nos dub. 2. ex P. Francisco attulimus circa propositum vitandarum occasionum.

## DVBIVM QVARTVM.

### De Satisfactione.

#### §. I.

#### Quid Satisfactio, & qualis imponi debeat?

**S**atisfactionem esse partem Sacramenti pœnitentiæ integram, non essentialem dictum est suprâ: nunc de ea

172. Dico primò, satisfactio hîc, est compensatio pœnæ temporalis debitæ ob injuriam Deo illatam, consistens in operibus pœnalibus & laboriosis taxatis à Confessario. Colligi-

tur ex Trident. sess. 14. cap. 8. tenetur Confessarius, simpliciter loquendo, juxta communem DD. semper aliquam injungere; quia tenetur procurare integritatem Sacramenti: putarem tamen probabilius, contra Suarem & Reginaldum apud Busenbaum, hanc obligationem non esse gravem ubi adest parvitas materiæ, ut v. g. quan-

quando quis sola venialia confitetur; cum enim tunc pœnitens non teneatur sub mortali pœnitentiam seu satisfactionem adjunctam adimplere, non videtur unde Confessarius sub mortali teneatur eam injungere. Ita Franc. B. Spei *disp. ult. n. 48.* dicens non ob stare, quod Sacramentum tunc dicatur fore mancum & mutilum; quia tantum potest dici mancum quoad partem levem accidentalem, sive integram. Adde in certis casibus excusari Confessarium ab omni peccato quamvis nullam pœnitentiam injungat: ut primò, quando pœnitens tempore absolutionis est destitutus usu sensuum suorum, ita ut nihil percipere possit; tunc enim frustra pœnitentia imponeretur. Secundò, dum tanta & tam perfecta est contritio in pœnitente, ut iudicio Confessarii sit omnino per se sufficiens ad omnem pœnam debitam remittendam; vel quando pœnitens ante absolutionem per varia opera satisfactoria plenè satisfecisse deprehenditur pro peccatis, quæ hîc & nunc confitetur: quia tamen hæc vix unquam Confessario constare possunt, semper aliqua, saltem levis, pœnitentia injungenda est; qualem etiam imponere debent ægrotis constitutis in extremis, ut v.g. dicendi ore vel corde ter *Iesus Maria*, vel quid simile. Ita communiter DD. Addit P. Franciscus etiam Confessarium non teneri pœnitentiam imponere, ubi pœnitens vult jubileum aut indulgentiam plenariam lucrari. Imò nec, dum pœnitens statim post absolutionem redit & novum peccatum confitetur, si statim pœnitentis

notabiliter non mutet; quia licet peccatum illud fuisset primò confessus, eadem potuisset esse pœnitentia.

173. Dico secundò, per se loquendo tenetur Confessarius imponere pœnitentiam proportionatam peccatis. Quales autem olim pœnitentiæ fuerint constituta per Canones antiquos pro diversitate peccatorum, vide apud Bachonem *dist. 14. qu. 3. art. 1.* ubi gravissimas taxatas reperies, etiam pro unico peccato mortali: quamvis *art. 3.* dicat, secundum quosdam omnes pœnitentias esse arbitrarias, quorum opinionem, inquit, consuetudo approbat; & omnino verum est quoad præsens tempus. Attendat interim Confessarius, diligenter ad Tridentinum dicens, pœnitentiam non tantum esse remedium præteritorum peccatorum, sed etiam vindictam & castigationem, prout officium Confessarii est agere Medicum simul & Judicem. Verum moderna praxis timoratorum Confessariorum permittit imponi leves pœnitentias, etiam pro graviorebus peccatis: primò, ob pœnitentium fragilitatem, dum videl. Confessarius timet, quod pœnitentiam gravem non esset impleturus: debet tamen tunc secundum P. Urbanum *tr. 2. cap. 9.* monere pœnitentem dicendo, majorem longè pœnitentiam esse peccatis suis debitam. Secundò, dum Confessarius advertit, pœnitentem aliàs concepturum horrorem Sacramenti Pœnitentiæ. Tertiò etiam id licitum est, ne similes magni peccatores aliàs quærât Confessarios ineptos, qui plus palpent quàm medentur infirmis.



mis. Imò ad tollendos scrupulos & ad solatium Confessatorum docet Diana *part. 3. tract. 4. resol. 97.* ex Beja, posse à peccato excusari generaliter Confessarios imponentes parvas pœnitentias pro magnis peccatis si apponant clausulam illam, *quidquid boni feceris vel mali sustinueris, sit tibi in remissionem peccatorum*: quia homines ut plurimum bona multa faciunt & mala plurima sustinent, quæ sic applicata rationem Sacramentalis satisfactionis habent. Ita etiam Homobonus apud Dianam suprà; monens, hanc opinionem non esse intelligendam, si pœnitens egeat pœnitentiâ aliquâ præservativâ. Addit insuper Diana verba dictæ clausulæ esse confidenti aperienda, ut sciat levem pœnitentiâ idè sibi imponi; quia omnia opera totius vitæ in satisfactionem pœnæ peccatis suis debitæ injunguntur & acceptantur. Ita Diana hanc sententiam de novo repetens *part. 10. tr. 16. res. 1.* ubi pro ea citat D. Thomam, Leandrum, Martinum de San Joseph, Balthæum & alios plures, quibus adjungit Reverendissimum Candidum Sacri Palatii Apostolici Magistrum: unde hanc Dianæ sententiam omninò in praxi tutam esse existimo, quidquid eam non admittat Lugo, eamque universaliter admitti non posse, dicat Busenbaum. Vide iterum Dianam *part. 11. tr. 7. res. 3.*

174. Nec refert, quòd Tridentinum præcipiat Confessariis, ut sedulo circumspiciant pro Pœnitentiis salutariibus imponendis; & ne nimium faciles in hac parte se præbeant: quia

fatis probabile est ex Urbano *loc. citat.* Tridentinum intelligi posse de pœnitentia medicinali pro vitandis peccatis futuris; non verò ita de pœnitentia punitiva pro peccatis præteritis: quia, inquit ille; *ex quo refriguit fervor ille primigenius, judicat Ecclesia satius esse, ut cum mediocri pœnitentia punitiva remittantur Pœnitentes, vel ad lucrandas indulgentias, vel ad redimenda peccata per opera consilii & supererogationis, vel ad satisfaciendum alio modo justitia Divina.* Ita Urbanus satis conformiter verbis Authoris operis imperfecti (quæ ex N. Wastelio P. Franciscus tribuit nostro Joanni Hierosolymitano) in *Matth.* dicentis, *etsi erramus, modicam Pœnitentiam imponentes*; nonne melius est propter misericordiam, rationem reddere, quàm propter crudelitatem? Hæc interea omnia ita dicta sint, non ad laxandas habenas Confessariis pro libitu imponendi pœnitentias leves pro graviorebus peccatis, non inspectâ necessitate & conditione pœnitentium; sed ne his inspectis, postquam pœnitentiam semel imposuerunt, scrupulis angantur. Imò ea pro solis scrupulosis Confessariis admittenda putat Diana *part. 10. suprà.* Vide etiam Tamburinum *part. 1. lib. 4. cap. 1. §. 3.* & Franciscum B. Spei *disput. ult. num. 50.* Quærit idem Diana *part. 11. tract. 7. resol. 3.* an possit alicui pro pœnitentia imponi ut ineat matrimonium? Negat Fagundez cum Layman; sed Leander ex Navarro & aliis affirmat in casu quo Confessario constiterit esse Pœnitenti remedium, ut non ruat in peccata carnis: ratio est, tum quia ex Apostolo, melius

lius est nubere quam uri; tum etiam, quia susceptio hujus Sacramenti non est ita ardua aut onerosa, quin possit

sub Pœnitentia aliqua injungi. Ita illi apud Dianam. Vide à nobis dicta supra de materia voti.

**§. II.**

**An injunctam Pœnitentiam acceptare te-  
neamur?**

175. **A**D hoc affirmativè respon-  
dent 17. celebres DD. apud  
Dianam *par. 2. tr. 1. ref. 52.* inter quos  
Vasquez & Victoria volunt, id esse de  
fide ex Tridentino asserente, Confessa-  
rios habere potestatem ligandi; quam  
non haberent, inquit, si Pœnitens  
posset respuere Pœnitentiam. Verùm  
malo ab hac censura abstinere, tum  
quia Tridentinum probabiliter vide-  
tur salvari dicendo, Confessarios non  
habere majorem potestatem in ligando  
ad pœnam, quam in solvendo à culpa,  
ita nimirum ut neutram potestatem  
exercere valeant circa invitum: tum et-  
iam quia præstantissimi DD. post Tri-  
dentinū adhuc contrarium sustinent.  
Vide Dianam *p. 11. tr. 7. ref. 2.* & Franc.  
B. *Spei disp. ult. sepè cit. n. 54.* qui dicit  
oppositum post Trident. apud varios  
malè audire. Interea tenetur certò  
pœnitens semper acceptare pœniten-  
tiam medicinalem, si non sit observatu  
nimium difficilis conformiter ad pecca-  
ta, & sit necessaria vel valdè utilis: aliàs  
enim non haberet contritionem suffi-  
cientem, nec propositum de vitando  
peccato: sicut nec habere existimo eū,  
qui pœnitentiam punitivam levissi-  
mam, ut v. g. dicere unum *Ave Maria*  
recusaret; undè neque hunc absolve-

rem: quidquid Tamburinus *par. 1. lib.*  
*4. c. 1. §. 2.* dicat, aliquos docere, Con-  
fessarium solū posse pœnitenti in-  
jungere pœnitentiam per modum  
consilii conditionatè, in hunc v. g. mo-  
dum; si vis acquirere relaxationem  
pœnæ ex opere operato, hoc vel aliud  
opus exhibeas; quod & ipse videtur ut  
probabile admittere, cum solū di-  
cat, contrarium esse probabilius. Non  
est mortale omittere pœnitentiam  
gravem impositam pro venialibus, vel  
pro mortalibus peccatis aliàs confessis:  
quia durum videtur asserere, pro culpa  
levi, vel gravi aliàs confessâ & remissa,  
obligationem satisfaciendi esse gra-  
vem. Ita Diana *par. 3. tr. 4. ref. 136.* ci-  
tans Layman: quod idem docent alii  
communius, quando pœnitentia se-  
cundum se est levis, licet imposita sit  
ob peccata mortalia. Vide eundem  
Diam. *lo. cit. ref. 102.*

Addo Patrem Mendo in *sua satera*  
*dissert. 10. quest. 4. n. 106.* absolutè do-  
cere, eum, qui lucratur indulgentiam  
plenariam, manere liberum ab exe-  
quendis pœnitentiis in confessione in-  
junctis; quam sententiam dicit se  
alibi firmasse autoritate D. Tho-  
mæ, D. Bonaventuræ, & plurimorum,  
utpotè communem valdè inter Au-  
thores.

Hhhh

thores.

thores. Verum illam ego ut summum admitterem, quando quis per revelationem certificaretur de obtenta indulgentia. Absolutè autem admitto cum Burghaber *Cent. 2. casu 77*. Pœnitentem non teneri vel acceptare pœnitentiam perpetuam, vel acceptatam exequi; quia est immoderata; cum pœna semper durans, communi hominum iudicio, immoderatè duret & gravet, quantumvis parva sit, ut diceret Pater & Ave singulis diebus vitæ suæ. Neque etiam similis pœnitentia est rationabilis, quia non est conformis integritati Sacramenti procurandæ, cum semper differri debeat; propter cuius tamen integritatis procuracionem imponitur & suscipitur: quare à similibus pœnitentiis imponendis abstinendum est.

Petes quid sit faciendum ei, qui pœnitentiæ gravis, impositiæ ob peccata mortalia ante non confessi, est naturaliter oblitus?

176. Eum imprimis teneri dictam Pœnitentiam sub mortali implere, si eam acceptarit, & Confessarius voluerit eum sub mortali obligare, omnes docent, quamdiu ejusdem recordatur: si verò oblitus fuerit naturaliter, eum ad nihil aliud teneri docet Bufenbaum, licet expediat, inquit, ut in sequenti confessione similem sibi petat injungi. Verum, cum Bufenbaum rejiciat sententiam Richardi, Antonini & Sylvest. docentium, in dicto casu confessionem esse repetendâ, & ipse pœnitens prorsus oblitus supponatur pœnitentiæ, non video quomodo possit petere Pœnitentiam vel aliquamvis similem si-

bi injungi in sequenti Confessione. Quare dico cum Diana *par. 4. rr. 4. res. 241*. si prædictus pœnitens suâ culpâ non recordetur pœnitentiæ, sufficit hoc peccatum confiteri, & si fortè oblivio accidisset statim post datam pœnitentiam, & crederet Confessarium adhuc esse memorem, teneretur, si possit, ab eo petere quid injunxerit, præsertim quando pœnitentia est gravis. Hæc verbotenus & nihil aliud habet Diana quem proinde in isto loco malè pro se citat Bufenb. *lib. 6. rr. 4. cap. 1. dub. 4*. pro casu naturalis oblivionis: cum in casu Dianæ, confitendo peccatum dictæ oblivionis, implicite petatur alia pœnitentia loco prioris oblitiæ, quam & prudens Confessarius tunc dabit, imponendo majorem, quam aliàs dedisset, si priori fuisset satisfactum.

Petes fortè iterum, quomodo delinquat pœnitens omittens communionem pro pœnitentia sibi datam? Respondeo, simpliciter loquendo, mortaliter si data fuerit ob peccata mortalia; quia hæc obligatio videtur astringenda ex comparatione cum obligatione, quam inducit lex humana, seu præceptum Ecclesiasticum circa eandem materiam; particularia enim decreta intelligi debent juxta modum generalium *cap. ex litteris de confir.* nisi constet de alia intentione Confessarii. Si tamen quis ex octo vel decem communionibus injunctis unicam omitteret, posset arbitro P. Gobat in *Alphabeto communic. casu 4. num. 56*. & me, benignius de sui Confessarii clementia præsumere.

§. III.

An Pœnitentia debeat impleri in gratia: & quamdiu possit differri?

177. **A**D primam partem respondet Bufenbaum *loc. cit.* dicens, *is qui Pœnitentiam implet in statu peccati mortali, probabiliter quidem satisfacit præcepto, cum impleat ejus substantiam: peccat tamen, sed venialiter, ut docet Diana par. 4. supra, quia Sacramenti partem suscipit indignè, & obicem ponit effectui; videl. remissioni pœnæ, &c.* Ita Bufenbaum; in quo est error pejor priore, nihil enim vel apparet simile dicto loco tangit Diana: nam postquam dixisset, Barbosam docere, adimplentem Pœnitentiam in peccato mortali, peccare mortaliter, subdit absolutè, se putare negativam sententiam esse tenendam: quare independentè à Diana.

178. Dico cum Fulienfi *lib. 3. de Pœnitentia cap. 4. ref. 6.* adimplere pœnitentiam in statu peccati mortalis, neque est peccatum mortale, neque etiam probabilius veniale. Primum patet ex eo quòd in dicto casu, prout dicebat Bufenbaum, satisfiat præcepto Confessarii quoad substantiam: imò etiam satisfiat quoad modum, per quod probatur secundum: nam Confessarius non præcipit, ut pœnitentia adimpleatur in gratia; quia modus non cadit sub præcepto: Deinde Confessarius ex communi DD. consensu potest interdum à Pœnitente exigere, ut pœnitentiam impleat antequam eum absol-

vat: ex quo infero, satisfactionem factam extra statum gratiæ sufficere ad integritatem Sacramenti; quia satisfactio facta juxta prudens præceptum Confessarii debet dici ad hoc sufficiens. Quod verò dicatur poni obex effectui partiali Sacramenti, non urget; quia id negant Vasquez, Marsilius & Medina, quorum sententiam omnino probabilem existimo: quia, ut bene Fulienfis, satisfactio imposita à Confessario non est opus hominis sed Christi, quod ex se vivum est & effectum confert non ponenti obicem remissioni pœnæ temporalis; atqui qui est in peccato mortali non ponit illi obicem; quia non est ulla ratio, quare prædictus nequeat solvere pœnam debitam pro peccato remisso quoad culpam: quod enim communiter doceant DD. requiri statum gratiæ ad rationem satisfactionis; verum est si agatur de satisfactione extra Sacramentum, quia hæc est opus hominis; secus si agatur de ea, quæ imponitur in Sacramento, quia hæc est opus Christi, quantum per illam Christi satisfactiones nobis applicantur: adhuc tamen oppositum docet P. Franciscus *disp. ult. num. 43.* Sed quid si pro Pœnitentia injungatur offerre suffragium pro defuncto? Dico cum Dicastillo, quem citat & sequitur, *Dian. par. 11. tr. 5. ref. 54.*

Hhhh 2

si sus-

si suffragium injunctum, sit pro illo defuncto meritorium ex opere operato, satisfieri per illud impletum extra statum gratiæ, ut si v. g. injungatur celebratio Missæ: secus verò si non sit meritorium nisi ex opere operantis pro dicto defuncto. Nec refert, quòd antè dixerimus omnem Pœnitentiam injunctam in Sacramento Pœnitentiæ esse meritoriam ex opere operato; quia ut sic est tantum meritoria pro ipso Pœnitente: undè miror, Bonacinam ex hoc fundamento docere, satisfieri per quodcumque suffragium impletum in statu peccati mortalis, si illud injunctum fuerit in Sacramento Pœnitentiæ.

179. Quoad secundam §. partem, respondet Dian. *par. 2. tract. 1. ref. 53. in fine, & par. 11. tract. 7. ref. 10.* posse Pœnitentiam à Confessario injunctam per annum differri sine culpa mortali, pro se citans Fernandez dicentem, id colligi ex cap. *Omni de Pœnitentiæ*: idem etiam docet Pourrè *par. 1.* verbo *Pœnitentia num. 3.* modò Confessarius non injunxerit impleri Pœnitentiam intra brevius tempus: quia per se loquendo tunc debet adimpleri tempore à Confessario designato; quamvis juxta Tamburinum *par. 1. lib. 4. cap. 2. §. 2. num. 9.* facile à mortali excusari possit dilatio talis temporis designati, quia communiter præceptum Confessarii cadit potius in rem exhibendam quàm in tempus. Ita ille. Interea omninò consultum est (nec videtur sine omni culpa contrarium posse fieri) ut pœnitens datà opportunitate adimpleat Pœnitentiam injunctam in confessione quamprimum id commodè fieri

potest: quia per diuturnam dilationem sæpè postea obliviscimur eam adimplere, quod ut plurimum à culpa non erit liberum: undè Tamburinus *loc. cit.* postquam dixisset aliquos simpliciter docere, dictam obligationem adimplendi pœnitentiam posse extendi ad spatium unius anni, addit id videri nimis largè prolatum. quamvis tamen ipse in aliis non sit adeò scrupulosus: ac P. Franciscus vult absolute, Pœnitentem teneri Pœnitentiam implere quamprimum commodè potest, si Confessarius nullum tempus statuerit: quiddam Mendo *in statuta benignarum opinionum differt. 10. quasi. 4. n. 99.* probet sententiam Dianæ & aliorum ex communi praxi Confessariorum interrogantium pœnitentes semel in anno tantum confitentes an pœnitentiam adimpleverint, nullatenus sollicitorū utrum statim à confessione aut diu post id præstiterint. Addit tamen ipse in fine, *In his viri docti ac prudens judicio est standum, cum possint occurrere circumstantia, quæ rem immutent.*

180. Petes hîc fortè, quomodo obligetur Pœnitens ad circumstantias operis à Confessario injuncti; v. g. ut recitet coronam flexis genibus, vel coràm tali imagine? Illum satisfacere, non servatis talibus circumstantiis, docet Vega & Burghaber *Centur. 1. casu 9.* quia attendi debet magis ad substantiam quàm ad circumstantias. De eo tamen meritò dubitat Dian. *par. 2. tract. 4. resol. 55.* & Lugo distinguit cum Sanch. dicens, quando res injuncta est gravis, & circumstantia levis, tunc tantum obligatio quoad circumstantiam levis

levis est; secus si etiam circumstantia sit gravis. An verò Pœnitens libere-  
tur ab obligatione implendi pœnitentiam, quando non potest exequi circumstantiam à Confessario injun-

ctam? pender ab intentione Confessarii, pro qua discernenda vide Thomam Sanchez lib. 4. in decal. cap. 14. à num. 24. ubi pro hoc, in simili, ponit plures regulas.

S. I V.

Quisnam possit Pœnitentiam immutare?

181. **P**osse Pœnitentiam immutari ab eodem Confessario, docent communiter omnes: quod & fieri posse etiam extra confessionem infra spatium medix horæ à confessione facta, docet Megala; quem in assignando tempore nimis scrupulosum vocat Diana par. 2. tract. 1. resol. 53. addens, id posse fieri intra unum aut alterum diem; quia inquit in isto casu adhuc censetur idem judicium: quod idem dicunt Henriquez, Ledesma, & Valerius de triduo aut hebdomada: quorum ultimus ulterius in differentiis *utriusque fori* verbo *Index differ.* 13. num. 5. docet, posse Confessarium pœnitentiam à se injectam commutare sine justa causa; quia sicut fuit in ejus arbitrio illam imponere, ita in eodem est illam commutare; nam unaquæque res propter quascumque causas nascitur, propter easdem dissolvitur. Ita Valerius. At ego non scio, quid Confessarium possit ad hoc movere si non habeat causam justam: hocque esset indicare implicite, primam pœnitentiam esse à se male impositam.

182. Posse etiam pœnitentiam mutari ab alio Confessario, si causa adfit, docent iidem DD. communius: ubi

advertit certum esse, alium Confessarium posse judicare, & indicare pœnitenti, pœnitentiam injectam cum obligare non posse quando est irrationalis, aut dum per accidens postea fit irrationalis: hoc enim non spectat ad potestatem jurisdictionis, cum quilibet doctus & prudens id ipsum possit deliberare. Probatur interim resolutio, quia sicut absolutio potest repeti super eadem peccata etiam ab alio Confessario, ita judicium & sententia. Nec refert, quòd par in parem non habeat imperium, & quòd ad revocandam sententiam unius Judicis adiri debeat Superior: quia Confessarius immutans pœnitentiam alterius non exercet imperium in priorem Confessarium, sed in pœnitentem; nec ejus revocat sententiam propriè loquendo, sed suam profert ad consulendum pœnitenti, in cuius commodum id fit. Sed tunc necessarium esse, ut repetatur confessio apud hunc secundum Confessarium, velunt Franc. B. Spei disp. ult. num. 70. & alii plures apud Dianam supra, quidquid hic existimet eos in Cathedra vel in cella hanc opinionem docuisse, sed in confessionali contrariam

Hhhh 3 practi-

prædicasse. Ratio Dianæ est, quia hic secundus Confessarius potest simul de tota causa pœnitentis judicare juxta præsentem dispositionem prout magis eidem pœnitenti expedire judicaverit. Ita etiam sentit Tamburinus *lib. 4. cap. 3. §. 3.* addens, hinc sequi, justam ob causam, cum scilicet pœnitens secundo Confessario dicit se, vel non posse, vel difficulter posse pœnitentiam explere; imò cum ipse Sacerdos advertit pœnitentem non implevisse, timetque non impleturum; posse prout magis in Domino expedire ipsi videbitur (si non ob aliam rationem, certè ad facilitandum usum tanti Sacramenti) commutare pœnitentiam: idque non solum intelligit de pœnitentia satisfactivâ pro pœna à pœnitente debita; sed de medicinali & præservativa, dummodo in aliam medicinalem, prout prudentis arbitrio expediens videbitur, commutatio fiat. Ita Tamburinus, prudenter semper requirens, ut id expediens judicetur. Adde dictam commutationem ab alio Confessario debere fieri in Sacramentali confessione juxta DD. communiter teste Dianâ *p. 2. cit.* cujus ratio est, quia tam solutio quàm ligatio pœnitentis, actus sunt clavium, qui necessario requirunt Sacramentum. Ratio autem cur P. Franciscus tunc requiratur, ut repetatur confessio, est; quia illa commutatio est actus judicialis, qui fieri non potest incognitâ causâ, circa quam versatur; alioqui semper subesset errandi periculum in commutationibus.

Petes fortè, an ipse pœnitens possit pœnitentiam per se immutare?

183. Affirmativè respondet probabiliter Diana *ibid.* post Porrel, si nempe eam mutet in opus melius; quia, inquit, talis exhibet solutionem abundantiorē. Verùm ego contrarium judico sustinendum cum Francisco B. Spei, quod & absolutè sustinent Sanchez, Reginaldus, Lugo, & alii quos sequitur Tamburinus *cap. 3. supra §. 1.* Ratio est, quia nullus potest, etiam ut sic, commutare præceptum Superioris, ut v. g. præceptum auditionis Sacri in opus illâ auditione excellentius, & hoc quia non est Superior: deinde illud opus, quod à Confessario injungitur, virtute clavium elevatur ad hoc, ut sit opus Sacramenti, & ut sic gratiam causat ex opere operato, non verò illud aliud susceptum à pœnitente.

184. Nec refert quòd quilibet, saltem probabiliter, possit suum votum commutare in opus æquale aut melius; quia in voto ipse vovens est loco Superioris sibi ipsi legem voti imponentis; neque opus ex voto elevatur virtute clavium; unde est lata disparitas: quidquid apud Dianam *par. 11. tract. 7. resol. 3.* plures contrarium doceant ex præsumpta voluntate Confessarii: ex qua sententia deducit ibidem Remigius, quòd si quis ex devotione recitaret quotidie Officium D. Virginis, & illi pro pœnitentia injungeretur quotidie recitare partem Rosarii, satisfaceret recitando dictum Officium. Addo, pœnitentem debere per se adimplere pœnitentiam; damnata enim est ab Alexandro VII. inter cæteras sequens propositio. *Pœnitens propriâ auctoritate substituere alium*

aliud potest, qui loco ipsius penitentia adimpleat. Hæc de partibus materialibus. Pro parte formale sit:

## DVBIVM QVINTVM.

### De Absolutione.

#### §. I.

Quid sit, qualis esse debeat, & quid sit ejus sensus?

185. **D**ico primò, forma Sacramenti Pœnitentiæ est absolutio Ministri, essentialiter consistens in his verbis, *Absolve*. Ita D. Thomas cum aliis communiter: unde alia quæ adduntur, videl. *ab omnibus peccatis tuis in nomine Patris, &c.* non sunt de necessitate Sacramenti, sicut nec *ly ego*. Probatur, quia sola illa verba *absolve* ponuntur in Catechismo Pii V. & ex prævia confessione aliisque circumstantiis duo illa verba sufficienter determinantur ad significandam remissionem peccatorum. Interea omittere à *peccatis tuis, &c.* censet Sylvius, cum quibusdam aliis, esse mortale, cæteris volentibus solum esse veniale. Quare semper addendum est. Vide circa hoc Dianam *par. 11. tract. 6. resol. 11.* ubi docet nullatenus sufficere posse verbum *absolve*, quod & verum esse, ait Franc. B. Spei *de Pœnit. disp. 4. num. 31.* ex communi sensu; quia *ly te* non includitur in verbo *absolve*, inquit Doctores communiter: quidquid ipse sustineat, quòd, ex circumstantia confessionis præsupposi-

tæ, non minùs in illo includatur quàm *ly à peccatis tuis*. Addens certius *ly te* includi in *ly à peccatis tuis*, vel saltem in *ly à tuis*, si aliunde exprimantur: unde ex communi sensu; utrumque omittere, dicit quidem fore mortale peccatum, secus alterutrum tantum. Item solum est veniale omittere *ly ego*, *ab omnibus* & *in nomine Patris, & Filii, & Spiritus sancti*; imò nullum peccatum esse, alterum omittere, si aliqualis causa subsit, saltem verisimilius, sustinet idem Franciscus, eò quòd illa nequidem ad formæ integritatem spectent.

186. Valida sunt etiam formæ sequentes, *Ego tibi peccata remitto, condono; remittuntur tibi peccata*; *Sacramentum absolutionis tibi impendo*: imò, semoto scandalo, potest quis uti absque mortali culpa secundum Sotum & Valentiam; quia forma non redditur dubia. Verùm Diana *par. 11. tract. 4. resol. 18.* magis inclinatur in oppositam partem cum Vasquez & Prapósito; eò quòd modus ordinarius absolventi ex consuetudine videatur graviter obli-



obligare. Quoad crucem verò & preces illas *Misereatur, &c.* omitti possunt sine ullo peccato, prout ordinariè omittuntur dum est magnus concursus populi; quamvis aliàs Tridentino testante laudabiliter addantur.

187. Dico secundò, absolutio dari non potest sub conditione de futuro; imò sic data est invalida: quia non est in potestate Ministri absolventis, suspendere effectum Sacramenti usque ad purificationem conditionis de futuro, ut diximus suprà *disp. 1.* Si dicas etiam ipsum Sacramentum suspendi, quod tantùm erit, dum ponetur conditio: sensus formæ erit, *Absolvam te, & potiùs absentis, quàm præsents absolutio, quæ non valet*: quod benenotavit P. Franciscus *loc. cit. num. 35.* Valet tamen data sub conditione de præsenti aut præterito si conditio subsistat: & prudenter sæpè talis conditio, saltè in mente, adhibetur, cum scilicet dubitatur de pœnitentis dispositione aut capacitate: quamvis tamen omnis conditio illicitè apponatur dum non adest rationabilis causâ; nam tunc impertinenter & aliquomodo irreverenter additur, ut loquitur P. Lezana verbo *Absolutio num. 11.* & specialiter monet Sylvius illicitum esse, hanc vel similem conditionem apponere, *Si verum est jam quòd restituas quod debes*: quia hoc præjudicat pœnitenti, qui jus habet ad absolutionem absolutam, cujus hîc & nunc est capax, qualiter est si hîc & nunc habeat animum restituendi, quamvis fortè ille animus postea non perveniet ad executionem. Vide Dianam *par. 11. resol. 18. cit.* ubi

benè distinguit inter conditionem & conditionem.

188. Dico tertio, absolutio deprecatoria etiam non valet. Ita omnes moderni post D. Thomam: Ratio est, quia aliàs sufficiens posset completi forma per hæc verba, *Indulgentiam, absolutionem, &c.* quæ satis Deum deprecantur, ut hominem absolvat: deinde absolutio ex sua institutione est actus judicialis, qui non potest esse deprecatorius: nec Christus dixit, pro quorum peccatis deprecari fueritis, &c. sed quorum remisistis peccata, remittuntur eis. Ita Franciscus *num. 34.*

189. Dico quartò, ut alios quæstos sensus diversorum Authorum taceam, sensus horum verborum, *Absolve te, planus & legitimus est ille*, quem tradit D. Thomas, *Confero tibi Sacramentum absolutionis*, id est, confero Sacramentum, quod de se sufficiens est ad remissionem peccatorum: ad cuius veritatem minimè requiritur, ut actu quis immediatè ante sit in peccato: unde per hunc sensum nos clari solvimus, quomodo detur absolutio ei, qui antea per contritionem perfectam erat in gratia, & quomodo absolutio possit sæpiùs dari de eodem peccato: quia tamen Franciscus B. Sp. hæc æquè salvat, assignando sensu dictæ formæ, verbis ejusdem formæ magis proprium, non possum illi hic transire. Igitur *disp. 4. num. 44.* ait.

190. Dico, verborum forma Sacramenti Pœnitentie, *Te absolvo, &c.* est hic sensus: Tollo, sive remitto peccata tu prout sunt tollenda: primum quidem primum Ecclesia clavibus subjiçiantur,

ante remissa non sint per contritionem perfectam: secundo verò, & iterum, prout iterum detestata & confessa absolutioni obijciuntur. Probatur: quia non apparet (inquit num. 45.) cur semel remissa, minus esse possint objectum novæ absolutionis, in sensu obvio & humano, quàm novæ detestationis; si enim passim à me, quod non est, & fuit, per detestationem abjicere, quidni & per absolutionem; cum abjectio illa moralis sit quædam moralis absolutio, & remissio sive dimissio? Unde peccatum remissum, quod fuit & non est, habet esse sufficiens ad sacramentum, uti ad esse objectum detestationis, sive contritionis præsentis, in qua realiter præsentis, utpote propriâ parte essentiali sacramenti; sit objectivè præsentis.

191. Obijcit quidem Arriaga: aliquem, qui caret omni vinculo, solvi à vinculo, est pœnitens imperceptibile: sicut & eum, qui omni veste caret, posse spoliari vestibus, aut vestes posse ei auferri: neque si quis mihi debuisselet mille, & mihi mille dedisset, nemo admittit, me postea verè dicere, Tibi remitto debitum. Ergo, &c. à pari. Sed paritatem negat P. Franciscus & bene, ostendens, aliam rationem esse vinculi physici, aliam vinculi moralis: nam illud nec per solam intentionem ponitur, nec per solam intentionem tollitur; secus morale, ut patet in eo, qui intendit peccatum, & altero qui absolutionem; sicut enim ad hoc, ut quis amore & cultu se Nativitati Christi vinciat, sufficit, si illam sibi repræsentet, quasi de novo iteraretur; ita, ut quis contritione à se, & consequenter ab alio, iudicis affectu, absolvatur, sufficit, si peccatum sibi repræsentet,

quasi de novo reiteraretur; quod cum millies facere possit, vinculum morale millies tolli potest.

192. Neque hinc sequitur, ut vult Arriaga, dari posse remissionem & absolutionem etiam si reipsa nullum omnino præcesserit peccatum: quia, ut iterum bene Franciscus, moraliter loquendo, peccatum quod fuit, & jam reipsa non est, plus est in apprehensione, quàm id quod nunquam fuit, & apprehenditur quasi esset: quia illud est natum causare displicentiam & ruborem in præsentia amici offensa, quod non facit peccatum quod nunquam fuit; unde illius detestatio, absolutio, &c. moraliter in apprehensione pœnitentis est de subiecto satis supponente. Nec inferas ex his sequi, eosdem homines posse matrimonium semel legitime contractum, sepius contrahere; quia hoc perficitur reali liberorum corporum traditione, qualiam non habent post primam traditionem. Vide Franciscum *loc. cit.* ubi non probat, quod docet P. Herinx, scilicet formam, quando peccata sunt antecederent remissa, adhuc verificari, quia peccata remittuntur ex parte Ministri ipsius formæ sic operantis circa peccata pœnitentis, ut vi illius tollerentur si adhuc essent. Rationem dat, quia verba formæ isto casu habent hunc sensum: *Tollerem peccata si adhuc essent, vel hunc, Sic tollo peccata antecederent remissa, ut tollerem illa, si adhuc essent.* Primus est mancus; secundus vero est similis huic, *Sic tollo peccata antecederent remissa quæ non sunt, ut tollerem si adhuc essent*, qui difficilis est, quia ex una parte, sicut impossibile est tolli

physicè, quod non est physicè, ita & impossibile est, tolli moraliter, quod non est moraliter; & ex altera, lyut *tollerem* significat, nihil de præsentia tolli, sed solum, quod tolleretur, si esset: quod est contra Ecclesiæ & verborum formæ sensum. Ita ille.

193. Adde, verba formæ debere indispensablem à Sacerdote voce proferri, ut patet ex Florentino in Decreto Eugenii, ubi sic habet: *Forma hujus Sa-*

*cramenti sunt verba absolutionis, quæ Sacerdos profert cùm dicit, Ego te absolvo.* Rationem hujus aliam non apparuisse P. Franciscus, quàm Christiani institutionem, quæ per Ecclesiæ prælati & communem Doctorum sententiam innotescit; quia aliunde sententia foro externo, imò & sacramentali Pœnitentia solo nutu, scripto, &c. imponi potest. Ita idem Franc. loc. præcit. num. 33.

## S. II.

### An absolutio dari possit absenti: ubi de invalidè absoluto?

194. **D**ico primò, absolutio à peccatis nunquam dari potest absenti. Patet ex Bulla Clementis VIII. edita annò 1602. in qua damnatur sententia asserens, posse absolvi absentem, vel quempiam posse absenti confiteri: unde hoc non potest contraheri. Ratio etiam reddi potest; quia particulæ *te*, & *tuis*, quarum salutem alterutra, est de essentia formæ hujus Sacramenti, necessariò exigunt præsentiam: quia tamen is, qui absens per litteras confessus est, si de illis præsens absolutionem petat, absolventi præsens est, absolvi potest, absque alia confessione; quia confessio alia in præsentia moraliter reperitur. Ita Franciscus sæpè citatus num. 38. dicens, si qui velint absolutionem quoque absenti dari posse, eos de absolutione à censuris, aut pœnis publicis, intelligendos esse. Licitum tamen

manet moribundum absolvere, quod adveniente Sacerdote hic & nunc non potest dare signa doloris, modò antea perierit confiteri vel præbuerit signa doloris. Ita DD. satis communiter addentes cum D. Thoma, etiam Sacerdotem teneri ad absolvendum similem: quod & probatur ex Rituali Romano Pauli V. in quo de infirmo dicitur, *Si per alios ostenderit signa, absolvendus est*, id est si per alios Sacerdoti constet de signis, eum absolvere debet. Imò nec desunt, qui doceant in dicto casu necessitariò extremam, etiam absolvendum esse moribundum, quamvis per alios de dictis signis non constet; modò notum sit, eum esse Christianum & semper Christianè vixisse: quia præsumitur talis petere absolutionem & dolere de offensa Dei. Hanc sententiam non omninò improbabilem reputat *Lezana* verbo *Confessio* num.

num. 11. & absolutè docent Molsetius, Homobonus, & Marchantius: qui ultimè testatur se fuisse in eo statu, in quo nullum signum doloris poterat ostendere, cum tamen esset capax absolutionis: quare ob summam necessitatem talis moribundi, videtur, eum posse sub conditione absolvi, prout narratur fecisse Clemens VIII. absolvendo quemdam cadentem ex fabrica S. Petri in ipso lapsu: verum id fabulosum esse tradit post Lugo Burghaber *Centur. 1. casu 81.* rejiciens sententiam allatam ex triplici fundamento. Interea vide Dianam *par. 11. tract. 7. resol. 30.* ubi ponit casum rarum, in quo confessio facta per litteras absenti (modo absolutio detur præsenti) est probabiliter valida, conformiter ad statim ex Francisco allata. Quid si tempore pestis moribundus in domo existens confessionem scriptam mittat, & à Confessario foris stante rogat absolvi? Eum non posse absolvi, nisi aliunde Confessarius eum audiat, aut alio sensu percipiat, sequitur ex præmissis, cum moraliter præsens non sit, ita ut forma absolutionis verificari possit.

195. Dico secundò, Confessarius, qui alterum invalidè absolvit, si ex ejus monitione timeat oritura scandala, debet ipsum committere Christo Sacerdoti summo: si verò id non timeat, debet eum prudenter convenire dicens, esse commissum defectum in ultima confessione; ideoque eum roget, vel ut iterum confiteatur, vel det saltem licentiam docendi ipsum veritatem sub sigillo sacramentali: ac si id factum fuerit, quia pœnitens habebat casum reservatum, debet à Superiore

petere jurisdictionem, antequàm pœnitentem moneat; imò & ab hac monitione prorsus absteineat, si putet eum adhuc ad se rediturum ad confitendum: tunc enim poterit in sequenti confessione interrogare, an debeat etiam de peccatis præcedenti confessione explicatis & cupiat ab iis absolvi si qua ratione necesse sit; ac si dicat quòd sic, illum absolvat nihil dicendo de defectu in alia confessione commissio. Ita Diana *par. 2. tract. 1. resol. 60.* quorum nihil tamen dicit esse præticandum in casu quo adesset periculum scandali, quod periculum ferè semper adesse censet Faber in *disp. de pœnit. in 4. sentent. dist. 19. quest. unica disp. 33. cap. 3. num. 18.* Verum si aliquis error esset commissus præsentis periculo ne pœnitens amplius confiteatur, ut dum esset graviter infirmus; tunc Confessarius etiam cum proprio aliquali dedecore & incommodo deberet pœnitentem admonere, ob periculum mortis æternæ pœnitentis. Ita Tamburinus, addens eum etiam extralem casum necessitatis teneri pœnitentem admonere, quando malà fide similem errorem commisit, etiam cum gravi suo incommodo; sic exposcente dampno scienter à Confessario illato. Vide Franciscum *disp. 12. num. 47.*

Sed quid si Confessarius non obligavit pœnitentem ad restitutionem faciendam ad quam tenebatur: teneaturne tunc ipse Confessarius restituere?

106. Respondeo quòd non, si omninò de restitutione facienda tacuerit, sive si pœnitentem nec positivè obligavit, nec positivè deobligavit, id-

que bonâ fide procedendo: quia tunc non censetur causa moralis damni tertii cum nullam commiserit culpam. Imò quamvis ex negligentia crassa omisisset dictum pœnitentem monere de facienda restitutione (quamvis graviter peccet, si eum postea non moneat de sua obligatione, cum id facile possit,) nec ipsum deinceps moneat, adhuc juxta probatos Auctores ipse ad restitutionem non tenetur: quia Confessarius ex nullo capite obligatur vi justitiæ procurare bonum temporale aliorum, sed solum bonum spirituale pœnitentis. Si tamen Confessarius similem pœnitentem positivè debellasset, dicendo v. g. cum non te-

neri ad restitutionem, tunc vel deberet eum postea monere de sua obligatione, vel ipse per se satisfacere; qui in eo casu fuit causa positiva damni tertii; quare ex justitia tenetur illi resarcire; saltem si cum sua culpa eum sic deobligavit; quod addo, quia si sine culpa id fecisset, solum teneretur ex charitate. Ita Tamburinus, quid de eo Busenbaum dubitare videatur. Vide Dianam *par. 2. tract. resol. 1.* & proportionaliter resolve opositum; ad quid videl. teneat Confessarius dum jussit pœnitentem facere restitutionem, ad quam nullo modo tenebatur. Vide etiam P. Fiaccum *loc. cit. num. 50. & seq.*

## DVBIVM SEXTVM.

### De Ministro Pœnitentiæ.

#### §. I.

### Quis sit Minister hujus Sacramenti?

197. **D**ico primò, solus Sacerdos est Minister hujus Sacramenti. Est de fide ex variis Conciliis, speciatim Tridentino *sess. 14. can. 10.* colligiturque ex Scriptura *Joannis 20.* ubi solis Apostolis, cæterisque sacerdotibus eorum successoribus dicitur, *Accipite Spiritum sanctum, quorum remiseritis peccata remittuntur eis, &c.* neque de hoc fuit unquam dubium in Ecclesia.

198. Dico secundò, non omnis Sacerdos est Minister Pœnitentiæ. Pa-

ter ex eodem Tridentino *sess. 14. cap. declarante*, nullam esse absolutionem quæ datur à Sacerdote non habente jurisdictionem: rationem dat id Concilium, quòd videl. de ratione judicii sit, ut exerceatur sententiæ sibi subditos; absolutionem autem se à Christo Domino institutam modum judicii, nullus negat. Hæc men limita ad absolutionem à peccatis mortalibus ante confessis; à venialibus, & mortalibus



confessis, omnis Sacerdos valet absolvere; sicut & à mortalibus quibuscumque in articulo mortis; quod quomodo sit intelligendum dicemus §. sequenti. Pro resolutione verò posita;

199. Adverte, Ordinis sacerdotalis duplicem esse potestatem; unam in Corpus Christi verum, videl. consecrandi illud in sacrificio Missæ, quæ communiter vocari solet potestas Ordinis simpliciter, eamque accipit Sacerdos in sua ordinatione, dum ei traditur patena cum panè & calix cum vino aquâ mixto : alteram in Corpus Christi mysticum, quod sunt membra Ecclesiæ sive fideles ipsi, qua redditur aptus ad Sacramenta illis ministranda in peccatorum remissionem & gratiæ susceptionem; quæ dicitur potestas jurisdictionis, ac Sacerdoti confertur dum Episcopus per manuum impositionem dicit, *Accipite Spiritum sanctum, quorum remiseritis peccata, &c.* Verùm tunc tantùm tribuitur sacerdotibus ipsa radicalis potestas jurisdictionis, quæ nihil est aliud quàm character sacerdotalis, quo quis à Deo deputatur, ut tanquam Minister Christi possit alios judicare in foro conscientiæ: potestas enim jurisdictionis absoluta, ejusque practicabilitas confertur per collationem officii seu beneficii Ecclesiastici, quo videl. Sacerdos constituitur Superior aliorum; vel per concessionem Ecclesiæ aut Papæ, qui suam potestatem ordinariam alicui Sacerdoti delegat, ut suos subditos possit absolvere; aliàs enim simplex Sacerdos non habet materiam, circa quam

possit potestatem radicalem jurisdictionis exercere. Hinc autem

200. Adverte ulteriùs potestatem jurisdictionis etiã esse duplicem, ordinariam scil. & delegatam. Ordinariam habet Papa in omnes Christianos, Episcopus in suos Diocesanos, & Pastor in suos Parochianos; qui omnes veniunt nomine proprii Pastoris. Delegatam verò potestatem habent, qui postquam ab Ordinario fuerint approbati, accipiunt potestatem in subditos aliorum. Vide circa hæc Franc. B. Spei de Penit. disp. 9. num. 7. & Urbanum tract. 2. cap. 1. & 2. ubi ponit discrimen ingens inter Ministrum ordinarium & delegatum in hoc consistens, quòd Ordinarius possit omnem suam jurisdictionem delegare cui voluerit, positis conditionibus de jure requisitis; secùs delegatus, si habeat nudum & simplex ministerium ac exercitium jurisdictionis à Superiore; nam quilibet ita tenax censetur sui juris, ut non credatur illud alio modo communicare, quàm expresse significet. Ita ille, excipiens tamen duos casus in quibus delegatus potest subdelegare suam jurisdictionem ab alio acceptam saltèm ex parte. Primus est, dum delegatus est à supremo Principe, v. g. Papa pro rebus utriusque fori: secundus, cum ab Ordinario quocumque ad universitatem causarum quis delegatus est, ut v. g. Vicarius ab Episcopo deputatus ad visitandum suo nomine totam Diocesim vel ejus partem; qui potest alios sibi assumere in partem sollicitudinis & potestatis, ut se adjuvent: manifestum tamen est Religiosos; etiã

Mendicantes, non posse subdelegare quemquam ad confessionum auditionem, quamvis sint à Papa delegati, nam nec ad universitatem causarum delegati sunt, nec ad res utriusque fori, sed ad eas tantum quæ conscientiam tangunt. Hæc omnia P. Urbanus *loc. cit.* Vide etiam P. Franciscum *disp.* 9. *dub.* 2. & 3. *qu. num.* 24. docet: *Ministru[m] delegatu[m] immediatè ad rales vel rales actus subdelegare non posse, secus delegatu[m] concessione officii.* Item *num.* 28. *Insufficientem esse delegationem presumptam, quod Superior postea rescisens ratum habebit actum.* Nec non *num.* 35. *Jurisdictionem per Episcopum delegatam ad absolvendum à peccatis per mortem Episcopi non cessare.* Docet insuper *num.* 37. *Non licere uti jurisdictione delegatâ sub dubio purè negativo, an sit concessa, aut cessaverit: cujus ratio est, quia certum est, jurisdictionem esse de essentia absolutionis & Sacramenti, ac proinde non magis licitum est sub isto dubio illâ uti, quàm ipso Sacramento, sub dubio purè negativo an valeat.* Docet tamen *num.* 39. *Licetum esse omni casu uti jurisdictione probabili, invincibiliter hic & nunc putatâ verâ, si ve judicante conscientia, quod illius usu non peccetur, relicta certâ & securiori.* Ratio est, quia cum non minus Ecclesia jurisdictionem supplere debeat, quando est communis sententia de probabilitate jurisdictionis, quàm quando est communis error de existentia jurisdictionis; receptumque sit, hoc casu, illam supplere; etiam in primo casu certum est practicè, Sacramentum semper validè fieri. Quia autem in materia & forma, Ecclesia ni-

hil potest supplere, eò quòd sint institutionis divinæ, de his aliter dicendum est.]

Petes, quibusnam à jure concessa sit facultas sibi Confessarium eligendi?

201. Respondeo, Jure divino eas concessam esse Papæ, & jure Ecclesiastico Episcopis, aliis superioribus & inferioribus Prælati exemptis, juxta illud *cap. ult. de pæn. & absol.* Permittimus Episcopis & aliis Superioribus, nec non minoribus Prælati exemptis, ut etiam, prater sui Superioris licentiam, providum discretum possint sibi eligere Confessorem. Isti autem sunt Abbates exempti, Ordinum Generales, Provinciales & Superiores locales; non verò Abbates aut Superiorissæ, nisi sit eis pro se vel aliis à Prælati concessum. Ita idem Franciscus *num.* 47. ubi insuper notandum monet, Cardinales, Pastores, in & simplices Sacerdotes, jam solere sibi Confessarium eligere, verò similiter tacitè consentientibus Superioribus sciunt & non contradicunt: alii qui juxta *cap. si Episcopus de pæn. & remiss. in 6.* Nulla potest consuetudine introduci, quòd aliquis prater sui Superioris centiam, Confessorem sibi eligere valeat: pro hoc citat Suarez, Valquez & alii passim. Subintellige tamen ex approbato ab aliquo Episcopo: quidquid non subintelligent aliqui apud Mendo *in statuta benign. opin. differt. 1. quæst.* 7. nequidem quoad Parochos, simplices Sacerdotes: ac licèt Bur habet *Centur. 2. casu* 8. hos obliget eligendum Confessarium ab aliquo saltem Episcopo approbatum, ab li-

onere tamen disobligat Regulares, eò quòd Trident. *sess. 27. can. 15.* Episcopi approbationem non requirat in Confessario Regularium, sed tantum secularium & Sacerdotum; quamquam in his attendendæ sint consuetudines & ordinationes Religionis cuiusque. Itaille. Quod ultimum benè addit, quia in Ordine nostro (& sic fit in aliquibus aliis quos ego novi) pro Provinciis reformatis in Statutis *par. 1. cap. 23. num. 8.* sic expressè ordinatur: *Fratres tamen itinerantes, vel extrà Monasterium occupati, cuicumque Sacerdoti professo nostri Ordinis, vel etiam Novitio, vel defectu Sacerdotis Ordinis, extraneo religioso, aut Sacerdoti seculari confiteri possunt.* An his ultimis, licet non sint approbati ab ullo Episcopo: sic asserit Burghaber; nec vetant per illa verba Statuta nostra: quamvis in Belgio prædicetur contrarium.

202. Cæterum etiam in Mendicantibus necessaria est modò post Tridentinum Episcoporum approbatio ad omnium fidei. Cum confessiones excipiendas: neque hi approbati ab unico Episcopo censentur approbati pro tota Ecclesia, sic ut ubique à Parochis, aut Superioribus suis, ad confessiones excipiendas assumi possint. Vide has duas resolutiones benè discussas apud Nostrum Francisc. B. *Spei disp. 11.* quibus addit hanc tertiam: Episcopi iustè, etiam Regulares, ex iusta causa cum limitatione approbant; secùs si ex omni parte eos esse idoneos iudicent. Quid si ex odio aut malevolentia eos Episcopi absolute rejiciant? Docent communius DD. ex Clement. *indum de sepulchris*, eos posse à Præ-

latis suis ad confessiones excipiendas exponi: inavult tamen dictus Franciscus dicere, Episcopos tunc contra iustitiam mortaliter peccare; semper tamen consultius esse, illos non exponere. Dixi in principio hujus numeri *ad omnium fidelium confessiones excipiendas*: quia indubiè nulla requiritur approbatio ut Regularis sui Ordinis Religiosorum confessiones audiat, ad quod sufficit sola licentia Superioris in Ordine per Regulam, vel aliundè ad hoc deputati. Hinc Elamas apud Burghaber *lo. cit.* observat, quando duo ex Monasterio mittuntur peregrinatum, tacitè dari facultatem, ut unus alteri confiteri valeat, si vel unus vel uterque sit Sacerdos. Sicut & ut ille, qui solus vel cum socio non Sacerdote est in itinere, confiteatur cuivis alteri Confessario, quando ex consuetudine, vel præcepto tempus confitendi vel communicandi adest. Sed

An Religiosus in Monasterio existens possit confiteri uni ex Mendicantibus, qui ex itinere eò divertit? Respondeo non posse, nisi præsumere possit consensum, seu expressum, seu tacitum Prælati. Ita Burghaber *codem casu 9.* cum Palao, & cæteris communiter. Nam quamvis Mendicantes gaudeant Privilegiò absolvendi quoscunque Christi fideles ad eos accedentes; quia tamen plerisque Ordinibus Religiosis peculiari privilegio à Sede Apostolica concessum est, ut ipsi sinit Regulares, etiam Mendicantes nulli possint confiteri sine Prælati seu Superioris consensu, idque sub pœna nullitatis ipsius confessionis, ut testatur Elamas *1. par. Methodi c. 7. p. 4.* & spe-



specialia privilegia derogant generalibus; ideo à concessione ista excipiendi sunt Religiosi alterius Ordinis, quos Mendicantes absolvere, saltè intra Monasterium, non possunt. Interea addit citatus Burghaber posse Religiosum in casu posito saltè tacitum consensum Prælati præsumere. Tum ex bono & spirituali profectu, quem in suis vehementer desiderare quilibet Prælatus jure præsumit. Tum ex raritate casus, qui perinde se habet, ac si ille Pater Confessarius facultatem petiisset à Prælato audiendi, & absolvendi unum ex Monachis certissimo concedendam. Ita ille. Sed nunquid similis casus à fortiori deberet extendi ad Monialem, quæ non potest hîc & nunc perere licentiam ab habente potestatem? Scio ego sæpè Mendicantes in Belgio ad hoc rogari: quos ego judico prudenter id negare.

203. Adde cum Diana *par. 10. tract. 16. resol. 75.* & iterum de novo *par. 11. tract. 4. resol. 13.* nullatenùs tutam in praxi esse sententiam, quæ docet etiam modò post Tridentinum, posse Parochum assumere Sacerdotem non approbatum, ut secum excipiat confessiones suorum, quidquid aliqui celebres Authores contra communem cæterorum dicant, illam esse etiam prædicè probabilem. Potest interim unus Parochus alium Parochum exponere ad confessiones excipiendas in sua parochia absque alia Episcopi approbatione, ut Diana cum plurimis probat.

204. Petes hic fortè, quid dicendum sit de Confessario, qui quidem jurisdictionem habet absolvendi à peccatis non reservatis, secùs de reservatis? Respondéo cum P. Francisco *disp. 8. num. 57.* & cæteris còmuniter, confessio-nem ei bonâ fide factam esse validam, nec proindè repetendam quoad non reservata; quia pœnitens etiam quoad reservata indirectè absolvitur, cum obligatione ea repetendi apud habentem jurisdictionem circa illa. Idem dic in casu, quo jurisdictionis Confessarii per sui excommunicationem notoriam, aut nominatim declaratam impedita fuit, si pœnitens id invincibiliter ignoraverit, ut v. g. si excommunicatus ut sic in remotissimis partibus se exposuerit ad excipiendas confessiones; quia Ecclesia tunc censetur supplere jurisdictionem in commune bonum animarum. Vide Franciscum *loc. cit.* qui *disp. 9. n. 21.* idem dicit de Parocho, qui solum habet titulum officii coloratum; quando scil. Pastoratus est ei quidam collatus, sed invalidè ob occultum impedimentum; hîc enim validè absolvit quamdiu communiter putatur parochus legitimus, hæc

Episcopus aut pauci alii sciunt, collationem factam esse nullam.

\* \*

§. II.

An simplex Sacerdos in articulo mortis possit absolvere præfente altero approbato?

205. **A**D hanc quæstionem Theologi communiùs respondent negativè, eò quòd in præfentia alterius Confessarii approbati nulla censeatur adesse necessitas confitendi Sacerdoti simplici; cùm tamen non nisi ratione necessitatis simplices Sacerdotes habeant potestatem absolvendi in articulo mortis. Verùm his non obstantibus P. Lezana verbo *Confessio num. 13.* probabilem censet sententiam oppositam: quia, inquit, in articulo mortis tam simplex Sacerdos habet jurisdictionem quàm ipse Parochus, ut patet ex Tridentino *sess. 14. cap. 7.* ubi expressè dicitur, *In Ecclesia Dei custoditum semper fuit, ut nulla sit reservatio in articulo mortis, atque idè omnes Sacerdotes quolibet pœnitentes à quibusvis peccatis & censuris absolvere possunt*: ubi nihil prorsus tangitur de absentia & præfentia Confessarii approbati; undè nec nos id limitare dicto modo debemus; imò nec possumus, cùm favores sint potiùs ampliandi quàm restringendi. Ob hanc rationem & maxime ob autoritatem plurium DD. apud Dianam *par. 1. tr. 5. resol. 5. & par. 4. tract. 4. resol. 161.* (quibus addo Tamburinum & Pourrè) hanc sententiam omninò probabilem censeo cum dicto Lezana *loc. cit.* qui *n. 14.* dicit, hæc etiam esse intelligenda de eo, qui est non tantùm in articulo, sed

& in periculo mortis; quia quoad præfens pro eodem sumuntur: quod intellige, inquit, quando adest moralis necessitas tale periculum adeundi, & non quando aggressio talis periculi est omninò voluntaria. Hanc limitationem rejicit Celestinus in *Compendio Theol. mor. tract. 1. cap. 23. quæst. 1.* quod & facit Layman. Vide de novo Dianam *par. 11. tract. 5. resol. 29.* ubi hæc omnia confirmat citans Dicastillum. Sed his omnibus minimè obstantibus adhuc absolutè contrarium sustinet P. Franciscus *disp. 9. n. 18.* quod dicit manifestè colligi ex cap. *Presbyter ult. 26. q. 6.* dum ait: *Presbyter inconsulto Episcopo non reconciliat pœnitentem, nisi absente Episcopo, extrema necessitas cogat.* Tridentinum autem, inquit, *loc. supra cit.* solum id confirmat, quod in *Ecclesia Dei custoditum semper fuit*; jam verò patet in eo id, non tantùm non semper custoditum fuisse, sed quodammodò prohibitum. Ita ille. Quare iudico id etiam in praxi modò omninò esse servandum, ne in extrema necessitate pœnitens exponatur periculo non recipiendi absolutionem sinè necessitate. Quid si simplici Sacerdoti esset inchoata confessio dum Parochus aut alius approbatus accedit? Respondeo cum eodem Francisco *num. 19.* perfici posse, cùm jam in audiente sit ipso usu

radicata jurisdictio; siquidem jura fa-  
vent rei incepta, voluntque ab eo per-  
fici à quo incepta est: & alioqui pecca-  
torum ritè confessorum repetitio esset  
valde onerosa pœnitenti.

206. Adde juxta Pourrè p. 1. verbo  
*Absolution*. 9. & seq. in articulo mortis  
ad effectum supradictum dici esse e-  
um, cui mors moraliter certa proximè  
instat & est inevitabilis: ut qui est in  
gravi & acuta febris, qui ex præcepto  
Judicis est occidendus; item cui immi-  
net amentia perpetua vel diuturna. In  
periculo vero mortis dicitur esse, in-  
quit, qui eo loco degit ubi magna pe-  
stis imminet; item mulier prægnans,  
quæ periclitatur de vita arbitrio viri  
prudētis; imò omnis talis juxta va-  
rios, quos citat: item qui timet hostem  
capitalem, qui est in manibus prædo-  
nis vel tyranni, qui navigaturus peri-  
culoso navigio, qui iturus est per pe-  
riculosa itinera, qui commissurus est  
prælium, qui obsidet locum in quo fre-  
quenter ponuntur machinæ, balistæ,  
&c. ac obsessus ab hostibus si similiter  
telis & machinis bellicis impugnatur:  
nec non bannitus, qui ubique potest  
inipune occidi. Ita ille, subdens, in istis  
casibus absolvere posse quemcumque  
Sacerdotem, etiam in præsentia Pæro-  
chi, ab omnibus casibus & censuris.  
Neque sunt, inquit, expectandi dicci  
casus, sed sufficit quòd quis in statu sit,  
quo contingere debeant, pro quo citat  
Bellarminum & Hippolytum Rimi-  
ensem. Addens ulterius num. 23. abso-  
lutum in articulo vel periculo mortis,  
si illi xpus evadat, non teneri iterum ha-  
benti potestatem confitendi et si fuisset

excommunicatus, non tamen non tenen-  
tum & ad instantiam partis, non tamen  
teneretur & parti satisfacere, & contra  
Superiorem se præsentare, sub prætextu  
eandem excommunicationem veni-  
dendi juxta cap. *eos qui, de sententia ex-  
communicationis in 6.* nisi forte bonân-  
de vel ignorantia probabili putetur  
non teneri amplius comparere coram  
Superiore. Ratio autem prioris est,  
quia tunc quilibet Sacerdos habet li-  
beram auctoritatem (sive Jure divino  
sive humano) absolvendi, ut dictum  
est. Undè si absolvat, non est cum ite-  
rum absolvenda proponantur. Hæc  
omnia ex Pourrè sunt dicta, qui nimis  
late extendit periculum mortis, quoad  
hunc effectum, quamvis tamen in om-  
nibus citet aliquos pro se: & P. Leza-  
na ubi supra etiam absolute docet, di-  
ctum periculum esse in aggressionem  
boni periculosi vel longæ navigatio-  
nis: ac Magister Inojosa apud Dianam  
*par. 11. tract. 3. resol. 2.* vult omnem mu-  
lierem prægnantem, etiam illam qua  
aliàs assuecra est facile parere, posse  
confiteri cuicumque Sacerdoti, et  
quòd sit in periculo mortis simplicitè  
loquendo, prout est ille, qui postquam  
plures alias tempestates evasit, denique  
in tempestate est constitutus. De reli-  
quis verò in judicio. Pro cautione at-  
tem petenda à prædictis casu quo si  
pervivant, propter absolutionem  
censuris, vide Lezanam verbo *Absol-  
utio num. 9.* & 10. verbo *Bulla num. 53.*  
verbo *Bulla cruciata num. 32.* ac ad  
in prædictis omnibus semper esse  
vendum à scandalo.

S. III.

De requisitis in Confessario.

207. **D**ico in omni Confessario tres communiter à DD. exiguntur conditiones, videl. scientia, prudentia & bonitas.

Quoad scientiam imprimis tanta requiritur, ut sciat formam absolutionis, & noverit distinguere inter peccata mortalia & venialia; ut noscat casus reservatos, impedimenta matrimonii & alia magis communia: item ut sciat saltem in difficilioribus dubitare ad consulendum doctiores se vel legendum Autores. Ratio est, quia finè horum omnium scientia perniciosum redditur munus Confessarii. Non rehetur ramèn audito quolibet peccato explicite judicare, esse mortale aut veniale; sed sufficit si audiendo intelligat peccatum esse commissum, licet non valeat determinatum ferre iudicium; quia hoc sæpè est moraliter impossibile etiam viris doctis. Interà præter statim dicta debet Confessarius juxtà omnes, teste P. Urbano, insuper scire distinctionem specificam peccatorum & circumstantias speciem mutant; item & cognoscere numerum peccatorum, ac ea quæ inducunt obligationem restituendi. Nec in his obedientia tribuit capacitatem sed supponit, & solum facit, ut Sacerdos in dubio suæ capacitatis existens possit prudenter adherere iudicio probabili sui Superioris & prudenti præcepto; alioquin certus sit, se non esse sufficienter in-

structum in supradictis, non debet se subicere muneri Confessarii; nam si *cæcus cæco ducatum præstat, ambo in foream cadent*, ut nemo sibi blandatur de obedientia, quæ sicut omnis alia lex, essentialiter debet esse rationalis. Ita Urbanus tract. 3. cap. 16. Caramuel tamen benè & ex parte lepidè satisfacit iis Religiosis, qui satis docti cum sint, agunt, sibi impossibilia injungi, dum jubentur confessiones excipere aut conciones habere. Vide eum in *Theol. fund. par. 1. fol. 345. & seq.*

208. Quoad casum particularem in hac materia, nota P. Franc. B. Spei disp. 8. num. 65. hanc ponere resolutionem: *Confessio, in casu extrema necessitatis, facta Confessario non potenti inter mortale & veniale discernere, licet pœnitens, bona fide, mortale ut veniale confiteatur est valida, nec proinde iteranda; & idem etiam dicendum est de confessione ordinaria, modò Confessarius aliquod saltem peccatum cognoscat esse peccatum, & ex parte pœnitentis sit bona fides.* Ratio est, quòd in simili casu omnis Sacerdos licetè & validè absolvat, etiam sub uno tantum peccari in genere, si pœnitens commodè plus non possit: undè peccata, à quibus pœnitens sic fuerit directè absolutus, postea iterum confiteri non tenebitur. Nec est de confessionis necessitate, quòd pœnitens aut Confessarius totam culpæ gravitatem cognoscat, cum oppositum sæpè etiam contingat in viris

doctis. Debet tamen doctus pœnitens Confessarium sufficienter instruere de gravitate sui peccati, si in illo ignorantiam notabilem adverterit: quo casu vix contingere potest, quod pœnitens ob ignorantiam Confessarii confessionem suam repetere teneatur. Hæc omnia Franciscus.

209. Quoad prudentiam, debet Confessarius esse prudens in cavendis incommodis & procurandis commodis pœnitentium & aliorum; inspicendo quid debeat interrogare, quid docere, & quid silere dum non sperat emendationem, de quibus in superioribus est actum.

210. Denique quoad bonitatem, ut licitè quis ministret Sacramentum Pœnitentiæ, requiritur ut sit in gratia dum absolvit. Pater ex dictis de Ministro Sacramentorum in genere: item ut vitam saltem exterius honestam ducat; quia aliàs plus obesset quàm prodesset. Intercà nulla requiritur bonitas ad validitatem absolutionis, nisi fidelitas quæ ex vera intentione absolvendi proferat verba formæ.

Peteshic fortè primò, qualem memoriam peccatorum debeat habere Confessarius tempore absolutionis?

211. Respondeo, si propter durationem confessionis vel dilationem absolutionis, ob casum reservatum v. g. Confessarius sit oblitus peccatorum, quæ Pœnitens est confessus; non est necesse ea iterum confiteri si adhuc recordetur status Pœnitentis in confuso, vel pœnitentiæ injunctæ: sufficiet igitur si Pœnitens verbo se accuset de omnibus quæ prius confessus est, superaddendo alia si fortè addenda oc-

currant; ratio est, quia hæc sufficit ad ferendum legitimum judicium. Imò si Confessarius antea Pœnitentiam injunxerit, volunt aliquid, nec hujus, nec peccatorum necessariò debet meminisse tempore absolutionis: quia satis est, inquirunt, si recorderetur, illum fuisse confessum & à se dignum judicatum, ut absolveretur, constetque pœnitentiam fuisse datam, quæcumque illa fuerit, & ipsum nulum de novo peccatum commississe mortale, vel si commiserit, ritè illud nunc fuisse confessum; tunc enim poterit tutò illum absolvere nullo ulterius requisito; quia nullà alià ratione status pœnitentis recolendus erat, quàm ut formaretur judicium & taxaretur pœnitentia: quorum utrumque jam ritè factum supponitur. Hæc & alia ex communi, ut ait, Theologorum doctrina tradit Tamburinus *lib. 3. cap. 2. num. 7. & seq.* nominatim citans Suarez & Coninck: quidquid P. Franciscus *num. 74. cit.* dicat, etiam pro se citans Doctores communiter, tunc pœnitentem teneri peccata distinctè repetere: quia hoc casu, confessio non aliter Confessarium Judicem movet ad sententiam, quàm si facta non esset: addit tamen *num. 77.* sufficere distinctam memoriam majoris partis peccatorum, secundum speciem & numerum aliquando confessorum, & confusam cæterorum: tum quia alia memoria aliquando in confessione generali per dies protracta non videtur possibilis: tum quia judicium sive absolutio, non est de singulis distinctè distributivè, sed de omnibus collectivè, sive de tota collectione distinctè; sicut

autem ille rectè dicitur totam aliquam hominum collectionem distinctè videre, dum majorem eorum partem distinctè videt, aliis confusè tantum visis : ita, &c. Cave tamen inferas : ergo sufficit hæc cætera mortalia confusè confiteri, aut à Confessario confusè audiri. Ita ille.

Petes fortè secundò, an Confessarii rectius agent, communiter opiniones benigniores sequendo, & non rigidiores ? Respondet P. Georgius Gobat in suo *Clypeo clement. iudic.* (quem pro hac sola difficultate edidit) *sect. 3. num. 58.* his verbis : *Omnibus consideratis, adeoq. à parte rei, & absolute, semperumque, atque à toto genere rectius, & consultius agunt Confessarii, & Iudices Ecclesiastici ac Politici, qui ex opinionibus, præsertim circa leges positivis vigentibus, atque verè probabilibus, nec ullo modo repugnantibus recepta consuetudini, & stylo loci, in quo jus dicunt, benignas & humana fragilitati favorabiles usurpant, hac ætate, quàm qui communiter rigidas, onerosasque. Hanc doctrinam tam generaliter positam, simul ac legi reprobendam duxi : Sed quia in omnibus brevitati studeo, ad utilitatem maximè Parochorum & Confessariorum communium, nesciebam quomodo breviter tam longam probationum congeriem destruiere valerem, quibus ipse hanc suam doctrinam firmare conatur. Verùm oportunè id fecit Sanctissimus D. Alexander Papa VII. per duo expressa Decreta damnando varias propositiones tamquam scandalosas, quarum proximè vetat Confessariis sub pœna excommunicationis, non definiendo an sint verè probabiles, &c. nec ne.*

Aliquas illarum (si non plures, nondum enim omnia illius opera ad manus devenerunt) non tantum ut verè probabiles, quales revera esse poterant, sed ut absolute veras supponebat ille Author ; ergo & juxta ipsum rectius & consultius agebant Confessarii, &c. illas communiter usurpantes ? Absit ut dicamus id rectius & consultius fieri, quòd Summus in terris actionum nostrarum Iudex tamquam scandalosum damnat & sub summa pœna vetat. *Omnibus igitur consideratis* (quis namque dicat, illum supremum Judicem per se & per alios non melius considerasse omnia, quæ hac ætate rectè & consultò fiant, quàm unum Doctorem particularem) *non rectius nec consultius agunt Confessarii, &c. qui ex opinionibus, &c. verè probabilibus, &c.* (inter quas juxta ipsum P. Gobat erant aliquæ ex illis damnatis) *benignas, & humana fragilitati favorabiles usurpant :* quod nobis breviter notasse sufficiat. Admitto interea, quòd ante dicta Decreta licitum fuerit (simpliciter loquendo, ubi scilicet hîc & nunc non apparebat periculum scandali) usurpare aliquas ex illis opinionibus probabilibus, quæ verè juxta plures probatos Autores erant practicè tales ; ita tamen ut semper rectius, & consultius fuerit oppositum practicum ob sententiam dicti Sanctissimi Domini, quæ supponit (& non facit) omnes illas propositiones esse scandalosas.

Ad questionem verò positam iudico (salvo meliori) non posse generaliter responderi ; puto enim Confessarios debere attendere ad conditiones

pœnitentium, & juxta harum exigentiam illos modò consultius benigniores, modò rigidiores opiniones sequi,

semper tamen declinando à scandalosis, & à sancta Sede damnatis.

## §. IV.

### De remanente in periculo peccandi.

212. **D**ico primò, qui est in periculo sive occasione remota peccandi, absolvendus est, si ex parte sua sit bene dispositus: quia cum tali occasione stat firmum propositum abstinendi à peccatis: & aliàs vix quinquam esset capax absolutionis.

213. Dico secundò, qui versatur in occasione peccandi proxima, per se loquendo, non est absolvendus nisi statuat illam deferere: quia qui voluntariè talem occasionem subit, non potest habere verum propositum non peccandi seu vitandi peccatum, juxta axioma, *qui amat periculum peribit in illo*. Est autem periculum sive occasio proxima, quâ positâ homo frequenter labitur in peccatû; vel secundum alios, quâ positâ homo necessariò moraliter, sive statim aut quasi statim labitur: econtrâ verò occasio remota est, quâ positâ homo non frequenter vel non moraliter necessariò cadit. Dixi *per se loquendo*; quia si simul tres conditiones concurrant, adhuc juxta DD. satis communiter absolvi potest quis existens in periculo proximo mortaliter peccandi: si nimirum verè doleat de peccatis commissis quantum in se est; si habeat firmum propositum se emendandi non obitante dicto periculo; & si adsit rationabilis causâ non dese-

rendi simile periculum: addunt aliqui quartam conditionem, si credat nunc se non amplius lapsurum stat eodem periculo. Verum ex à nobis dictis *supra dub.* 3. §. 1. id non est necessarium: ibi enim diximus posse fieri, ut quis absolutè proponat de cetero non peccare, & tamen timeat, in sibi certò persuadeat, se propter fragilitatem iterum lapsurum; quod pater Silvestrum ibi citatum docentiam Sa & Joseph de ortu apud Poupar. 1. verbo *absolutio num.* 1. Qui possunt quandoque absolvi ancil quæ sæpius peccarunt cum domini suis, licet se ab iis non separent, quod scilicet servitium ibi citatum docent sine magno detrimento. Ratio quia in dictis casibus non dicuntur occasionem voluntariè eligere, sed voluntariè tolerare; quod licitum cum ipsi in se non sit peccatum, gravinecessitate. Atque hoc et maximè puto locum habere possit filiis-familias assuetis peccare cum ancillis, quas nec possunt expellere, commodè ipsi paternam domum ferere.

Volunt aliqui, etiam inter concubinarium posse absolvi, qui concubinam dimittere non valet magno scandalo, si verè doleat, &



inter proponat emendationem; sed ego puto hunc casum vix posse accideri: & ne inconsiderati Confessarii forte ob alios magis frivolos pretextus concubenarios absolvant concubinas non dimittentes, consideratè Sanctissimus Dominus Alexander VII. sequentem damnavit propositionem. *Non est obligandus concubinarus ad ejundam concubinam, si hac nimis utilis esset ad oblectamentum concubinarum, vulgò regalo, dum deficiente illo nimis agere ageret virum, & alia epula & adio magno concubinarium afficerent; & alia famulaniis difficile inveniretur.*

214. Adde insuper meo quidem judicio, debere omnes prædictos paratos esse adhibere remedia judicio Confessarii necessaria contra relapsum: ut quòd talis ancilla nunquam sola maneat in cubiculo cum suo domino, quantum fieri potest; ut moriatur cum nomine Confessarii, &c. quibus positis pluries, etiam septuagies septies, secundum Pourrè *loc. cit. num. 2.* & toties quoties juxta Sancium apud Dian. *par. 1. tract. 7. resol. 15.* post relapsum absolvi possunt; quod & vult Burghaber *Centur. 2. casu 63.* quamvis tamen Suarez, Navarrus & alii communiter doceant, post valde frequentem relapsum, & dum nulla cernitur vel speratur emendatio, absolutionem esse negandam, eo quòd tunc præsumatur fictitium propositum emendationis. Verùm contra hos suam sententiam probat Sancius, quia non est moraliter impossibile, pœnitentem modò verè dolere & emendationem proponere, ac statim occasione accedente mutare propo-

situm & relabi: dum autem pœnitens habet verum propositum & verum dolorem, dignus est absolutione, ac consequenter habet jus ad illam, nec ei negari potest nisi fiat de ipsius consensu. Ita Sancius apud Dianam supra, qui hanc doctrinam relinquit alius judicandam, quod & facit Bassius verbo *absolutio num. 7.* Ast ego puto omninò à Doctrina communi & veteri non esse recedendum: licet enim concedatur Sancio, non esse moraliter impossibile, pœnitentem modò verè dolere, &c. ex adeo frequenti tamen relapsu id, quod secundum se est possibile, hic & nunc in simili pœnitente præsumitur non contingere; nisi forte haberet extraordinarium dolorem & propositum. Quod addo, quia hæc juxta Lugo & Tamburinum efficiunt, ut occasio jam non sit proxima, cum homo sic armatus fortis sit, adeoque ab eo ut sic sperari possit victoria. Idem dic de eo, quem Confessarius experitur rariùs & rariùs peccare: illi verò, cui hæc defunt, meritò monet Marchantius applicanda esse verba Christi, *si oculus tuus aut pes, aut manus scandalizat te, projice eam*: hoc est, inquit, licet aliquis tibi tam commodus aut necessarius videatur quàm est oculus, &c. & tamen propter illum tibi ruina est salutis, melius est ut ejus emolumentis careas, quàm ob illum protraharis in gehennam: ideo fac se pareris, aut separa te ab illo, quamvis tibi conjunctissimus sit aut utilissimus: nam sicut præstat ut cum uno oculo, pede, &c. ingrediaris regnum cælorum, quàm cum duobus mittaris in gehennam, ita & hic. Sic Marchant.



chant. in *resol. Pastor. tract. 4. tit. 3. quest. 1.*  
& etiam ego : Attende etiam ad periculum, cui poenitens exponitur, moriendi scilicet in suo peccato, quod præ-

ponderandum est omnibus aliis commodis, quæ expectari possunt ex permanentia in occasione proxima peccandi.

## DVBIVM SEPTIMUM.

### De sigillo Confessionis.

#### §. I.

### Quid sigillum, & quæ sub eo cadant?

215. **D**ico primò, sigillum hic est secretum maximum & universale, ad quod omnis ille obligatur, qui accepit notitiam peccati occasione confessionis Sacramentalis. Ita DD. communiter. Unde hoc sigillo tenetur imprimis Confessarius, quod certum est apud omnes : deinde etiam interpret si quis adhibeatur : sicut & Doctor vel alius quicumque, quem pro difficilioribus consulit Confessarius. Ita etiam DD. communiter, quamvis Dian. *par. 2. tract. 1. resol. 14.* cum aliis quatuor, oppositum, quoad hoc ultimum, probabile dicat. Item secularis, cui alter confitetur, putans eum esse Confessarium : non autem si ei quodcumque peccatum dicat extra confessionem, licet addat se id non aliter ei aperire, quam sub sigillo confessionis : quia ubi non est confessio, saltem putata, vel vera inchoata, non potest esse sigillum confessionis, ut contra Adrianum, & Navarrum sultinent ceteri communiter apud Burghaber *Centur. 3. casu 8.* Insuper etiam ligantur

qui per malitiam Confessarii, vel casu audiunt peccatum, quod poenitens actu confitetur. Item legentes confessionem scriptam ; quamquam juxta P. Urbanum *tract. 2. cap. 10.* probabilius sit, hos ultimos solum ligari secreto naturali, si illam legerint extra actualem confessionem. Quibus adde, Confessarium & alios prædictos non violare sigillum, et si revelent peccatum confessionum, si illud aliunde ipsis ante vel post confessionem innotescat : possunt enim hac notitiâ uti abstractando à scientia parta per confessionem, ut docet Urban. *loc. cit.* & Baltho in *4. dist. 16. quest. 2. art. 4.* qui ultimus tamen rectè monet, propter periculum scandalum non deberi id à Confessario revelari ; nisi vel urgeret inagna necessitas vel periculum vel scandalum vel utilitas : & tunc, inquit, debet dicere, hoc vidi vel audiui ab eo extra confessionem vel ab aliis. Vide etiam Franc. B. Spei *disp. 13. num. 14.* & seq. qui in supradictis nobiscum sentit. Est & alius casus in quo liceat audita

In confessione revelare, dum scil. ad hoc datur licentia ab ipso pœnitente: hanc tamen unquam petere, vel obtinere uti sub quocumque pretextu dissuadet omnino Urbanus, & bene, quia aliis hoc rescientibus fieret Sacramentum onerosum.

216. Non teneretur sigillo ipse pœnitens, cum enim possit dare licentiam Confessario ad revelandam confessionem, potest id & per se facere: teneretur interim ex lege naturali celare acta in confessione, quæ vel seipsum sine justa causa infamarent, vel bonæ æstimationi Confessarii detraherent. Cæterum hoc sigillum tam graviter obligat, ut sit potius moriendum, quam vel in aliquo ei contraveniatur. Ita iidem Bacho & Urbanus ex communi Ecclesiæ sensu.

217. Dico secundò, sub dicto sigillo cadunt inprimis omnia peccata mortalia tam in generali quam in speciali, & venialia omnia in speciali. Ita ad unum omnes teste Bachone: deinde etiam omne illud ex quo deveniri potest in conjecturam peccati mortalis in genere, vel mortalis aut venialis in particulari, vel indispositionis ad absolutionem. Quare si ob pœnitentis indispositionem aut aliunde ei negetur absolutio, & ipse tamen à Confessario petat testimonium confessionis à se factæ, teneretur id Confessarius ei dare juxta Dian. in multis locis, ac novissimè *par. 11. tract. 5. resol. 14.* cui se opponunt Franciscus & Dicast. docentes absolutè, Confessarium debere scdam negare; ac contra Averfam loquentem cum distinctione & dicentem, eum quidem teneri dare si

alter publicè est Confessus, secus si infisci aliis: item contra Henriquez & Lugo qui docent Confessarium licitè posse vel concedere vel negare absolutè loquendo.

218. Insuper sub sigillo cadunt etiam circumstantiæ peccatorum & peccata sociorum, quod certum est. Deniquè juxta Urbanum, Franciscum & plures alios etiam defectus naturales, qui innotescunt ex declaratione peccatorum: quia id ex Christi instituto colligitur: qui sicut voluit in novo testamento omnes alstringere ad confessionem tanquam ad remedium pro peccatis mortalibus: ita & voluit claudi hoc arctissimo sigillo omnia, quæ aliàs possent hominibus confessionem odiosam reddere, ac jugum quodammodo importabile. Putarem tamen in hoc ultimo quandoque ob levitatem materiæ Confessarium posse excusari, saltem à peccato mortali, ut si revelet scrupulositatem, levitatem vel morositatem pœnitentis. Imò Dian. *p. 5. tract. 11. resol. 50.* docet, Confessarium dicentem, quòd talis pœnitens in confessione sibi scrupulis obtundat caput, non frangere sigillum ullo modo, addens sic DD. communiter docere; quod & reperit *par. 10. tract. 12. resol. 24.* ubi arguit Tamburinum, quòd hanc sententiam vocet improbabilem, quam præter sedecim à Diana citatos docet etiam Marchant. in *resol. pass.* Cujus ratio est, quia tali modo loquendi potius significatur pœnitentem non habere ulla peccata. Verùm cum Franciscus B. Spei dicat, scrupulos sibi videri materiam confessionis, quia ex sola peccatorum con-

terium in revelatione peccatorum juxta DD. communiter non datur ulla materia levitas, sed vel solum veniale revelare docent unanimiter esse mortale, quamvis tamen propter inconsiderationem aut indeliberationem possit quandoque à culpa mortali excusari. An verò frangat sigillum Confessarius revelans pœnitentiam à se injectam? distinguere debet, frangit si revelet pœnitentiam gravem pro mortali vel gravioribus aut multis venialibus imponi solitam, secus si levem. Adde sigillum non frangi per hoc, quòd dicatur de pœnitente, ipsum esse blasum, habere halitum fatentem, & similia, quia hæc etiam extra confessionem sunt obvia.

S. II.

An Confessarius uti possit scientia Confessionis?

219. **D**ico, scientiâ per solam confessionem habitâ Confessarius uti non potest in quocumque casu, quamvis nec pœnitens, nec ullus alius in notitiam illius usus venire possit, modò id cedat in detrimentum quodcumque pœnitentis. Ultima pars est contra nonnullos recentiores: probatur tamen tota resolutio manifestè, ut puto, ex prohibitione Clementis VIII. qui anno 1592. 26. Maii inhibuit Religionum Superioribus, ne quidquam facerent ex scientiâ confessionis: ubi nihil tangitur de eo quòd hoc possit innotescere cuiquam

nec-ne: quod decretum juxta Caspensem & alios non solum intelligendum est de Superioribus, sed generaliter de omnibus Confessariis, prout ex verbis ejusdem decreti colligitur. Probatur insuper ultima pars resolutionis adhuc manifestius hac ratione; quia si ex notitia confessionis licitum esset v.g. Superiori ob peccatû in confessione auditum, privare subditum officio amovibili ad nutum; & cuilibet Confessario negare v.g. suffragium pœnitenti, quò solum per confessionem cognoscit indignum, dum ipse pœnitens aut ullus alius devenire non

non potest in illius notitiam, pœnitentes meritò conciperent horrorem hujus Sacramenti & aversionem ab eodem: nam licet ego pœnitens v. g. nec suspicari quidem possim, me deponi ab officio vel me ad illud non eligi; quia talis vel talis scit meam malam vitam ex confessione; hoc ipso tamen quòd sciam, tibi Confessario Superiiori licitum esse ob dictam scientiam me deponere, mihi negare suffragium, &c. habeo sanè quòd timeam si me tibi aperuero: & revera mihi durum est deponi ab officio, non eligi, &c. quamvis prorsus ignorem unde id mihi contingat. Imò id multò durius est, quàm si Confessarius revelaret aliquod peccatum veniale: ac consequenter plus à confessione avertit: quis autem dicit Christum prohibere fieri hoc secundum minus durum & minus avertens à confessione, quàm primum magis, &c.? Quare existimo hanc esse certam resolutionem, nec ullatenus posse oppositam practicari post dictum Decretum Clementis VIII. quòd non puto ob aliam rationem editum, quàm quia aliqui tum temporis contrariam sententiam probabilem judicabant. Vide etiam Decretum Claudii ab Aqua-viva Generalis PP. Societatis anno 1590. quò illud idem suis fratribus districtè inhibet: quapropter summopere miror Busenbaum *lib. 6. tract. 4. cap. 3. dub. 1.* adhuc sententiam oppositam probabilem existimare, nostram tantum vocari veriorē; maximè cum absolutè dicat, eam posse pœnitentem absterre à confessione, & parum antedoceat, sigillum

confessionis esse obligationem strictissimam in omni casu, etiam quo integri regni salus periclitaretur, ad tacendum (& consequenter ad per se etiam non utendum, quia utriusque est par ratio) omnia, quorum revelatio Sacramentum redderet onerosum vel odiosum: quòd mihi manifestè contingere videtur posito, quòd dictus usus scientiæ per confessionem partè licitus esse cognoscatur. Vide *Dianam par. 11. tract. 5. resol. 15.* dicentem se semper in nostra sententia persistere: & Franciscum B. Spei *de Pœnit. disp. 13. num. 47.* ubi dicit, quòd insententia opposita vix ullus Regularis ad alicujus peccati gravis confessionem obligaretur: ac objicienti, ideo Prælati aliqua peccata reservari, ut subditos in ordine ad gubernationem melius nosse valeant: respondet id esse falsum, idque solum fieri, ut inferiores eorum gravitatem magis apprehendant.

220. Verùm per hæc non volo quòd Superiores nequeant obire suum munus æquè ac si nihil ex confessione noscerent: ut reedificare murum prolapsum, claudere clanculariam aperturam, committere officia pro sua libertate, &c. ut loquitur P. Urbanus *tract. 2. cap. 10.* sed puto eum sicut & ceteros adversæ partis, contradictoria docere dum docent, posse Confessarium uti scientiâ per confessionem obtentâ quando nullus, nequidem ipse pœnitens potest devenire in ejus vius notitiam vel suspicionem, non tamen dum per hoc redderetur confessio onerosa pœnitenti: quia existimo verissimum esse & omninò manifestum,

stum, ut dixi supra, reddi confessionem odiosam & onerosam pœnitenti eo ipso, quòd sciat, Confessarium, etiam pœnitente omninò infcio, posse uti scientiâ confessionis in pœnitentis detrimentum quodcumque: quod miror à tantis DD. non percipi. Vide Marchantium supra in appendicè de sigillo confessionis, qui omninò accedit ad nos: & Franciscum B. Spei supra num. 59. ubi varios inconse-quentiæ arguit.

221. Dixi in pœnitentis detrimentum: quia licitum est Confessario, primò in bonum pœnitentis uti dictâ scientiâ etiam ipso conscio, ut orando pro ipso, & majorem de illius salute curam gerendo, modò tamen inde nullatenùs gravetur pœnitens, nec ullus alius devenire possit in suspensionem alicujus peccati pœnitentis. Ita Urban. ibid. puta, quia in his implicite pœnitens ordinariè reputatur consentire. Addit tamen benè, pœnitentes, qui eodem semper utuntur Confessario, debere explicitè hanc ei impertire confidentiam, cumque illo sapiùs conferre de remediis suorum peccatorum: & aliàs in pœnitentium defectu, meo judicio, debent Confessarii dictam licentiam petere, si vel minimè dubitent de pœnitentis consensu; nam aliàs ex seipsum similia colloquia intituere non possunt cum id cedat in odium confessionis: quidquid tamen Sanchez lib. 3. de matr. dub. 16. cum communiori (ut testatur Tamburinus) neget tunc frangi sigillum, quia fractio sigilli, inquit, est fractio secreti, secretum verò non frangit, qui cum eodem, qui secretum commisit, loquitur.

222. Secundò etiam licitum putant aliqui uti scientiâ confessionis in bonum proprium, dum talis usus nec versatur circa personam pœnitentis, nec censetur ipsi odiosus, nec ex eo potest quis ullo modo venire in suspensionem peccati pœnitentis. Ratio est, quia nec hîc usus reddit confessionem pœnitenti onerosam, nec est fractio sigilli. Quare potest, juxta illam sententiam, Confessarius se prudenter subducere à celebratione Missæ, quando ex confessione noscit vinum venenosum esse infectum, positas esse infidias, &c. item potest arcam suam melius claudere quando similiter cognoscit res aut pecunias suas furto auferri, & similia: quia, hæc præsumuntur nullo modo reddere confessionem odiosam pœnitenti: vel maximè cum ipse pœnitens, utpote qui per verum propositum statuit peccata deferere, in similibus cooperari debeat potiùs quàm obsistere, ut occasiones peccandi tollat. Non igitur, inquit, de hoc usu scientiæ est intelligendum Decretum Clementis VIII. cujus motivum fuit, scientiæ per confessionem partæ usum ad exteriorem gubernationem inhibere, eò quòd odiosam redderet confessionem. Ita Sfortia, Theulus, Leander & Busenbaum apud Dianam par. 11. tract. 8. resol. 50. licet ipse cum Dicastillo negativam sententiam etiam in tali casu sustineat: & Franciscus B. Spei loc. cit. n. 57. in terminis doceat, in casu, quo aliqui in Confessarii mortem conspirassent, ut de nocte dormientem occiderent, aut venenum in vino consecrando miscuissent, & Confessarius ex nimis illorum confessione id audivisset, non

non posset absque fractione sigilli, sine licentia penitentis fugere, aut a consecratione abstinere. Certè malo ego cum his non nihil severè obligare Confessarios in hac materia, quàm cum aliis ipsi Sacramento injuriosus apparere, ac fideles ab ejusdem usu arcere.

223. Petes, an si Confessarius sciat ex confessione, talem mulierem, dum vocat Confessarios ut domi confiteatur, sæpè illos sollicitare, possit ipse vocatus se excusare ob periculum lapsus. Respondet Dicastillus apud Dianam *par. 11. tract. 5. resol. 15.* negativè dicens: quod dictum est de periculo vitæ corporalis; scil. nec propter illud vitandum, posse aliquid fieri in detrimentum sigillis habere etiam locum in periculo spirituali, ita ut licet ex confessione sciat sibi parari periculum spirituale, non possit propter illud vitandum aliquid tale facere. Dixerat autem ante, licet Prælatus ex confessione sciret, aliquem non esse Sacerdotem, ad eoque omnes confessiones illi factas esse irritas, non posset tamen illum non designare in Confessarium si aliàs hoc erat factururus. Quidquid prædicti negaturi sint, in his usibus sigillum pati detrimentum, si inde nullus possit devenire in suspicionem peccati penitentis.

224. Adde eprimò, licitum esse Confessario, dum adest causa rationabilis, tempore confessionis loqui cum penitente de auditis in ejus præcedentibus confessionis. Patet ex praxi timoratorum Confessariorum negantium absolutionem propter nimium frequentem relapsum: & ratio est, quia

sicuti dum extrà confessionem penitens de peccato, quod confessus est, consulit Confessarium, jam satis ei data licentiam de eo loquendi, imò hoc ipsum ab eo requirit: ita similiter quando statum animæ suæ exponit, & de eo judicari ac tractari vult in secunda confessione, satis censetur de necessariis ad bonam confessionis directionem Confessario tractandi secum potestatem facere: quod magis locum habet, quando peccata prioris confessionis sunt aliquo modo circumstantiæ peccatorum in secunda confessione expressorum. Ita Malderus apud Dianam *par. 5. tract. 11. resol. 20.* quæ eadem verba addit Tamburinus *par. 1. lib. 5. cap. 5. ex eodem.*

225. Adde secundò, quando quis accedit ad Confessarium, non ut confiteatur sacramentaliter, sed ut Confessarium illudat, eum pertrahat ad peccatum, ei inferat injuriam, &c. quod Confessario certò constat ex apertis indiciis, tunc Confessarium non ligari sigillo: quia tum confessio neque inchoativè est sacramentalis, sed tota facta, pro qua sigillum non est institutum. Ita communiter omnes; quidquid Bacho in 4. *dist. 16. quæst. 2. art. 4.* contrarium videatur docere, citans D.

Thomam: verùm puro eum loqui, dum quis saltèm inchoativè sacramentaliter est confessus.

\* \*

## §. III.

Continens quædam monita quoad hanc  
materiam.

**E**X dictis duobus Paragraphis præcedentibus:

226. Colligitur, rem prorsus periculosam esse, extra confessionem, maxime coram secularibus, loqui quomodocumque; de auditis in confessione: quia facile audientes inde iudicant, Confessarios semper memoriâ tenere sua peccata, ac propter hæc se respici aut despicere, ex quo concipiunt horrorem confessionis: & in particulari omnino illicitum est.

227. Primò, dicere, *se talem pœnitentem non absolvisse; eum habere casum reservatum; esse malavita;* item post auditas confessiones in pago aut civitate non ita populosa, aut ubi non sunt tam frequentes pœnitentes, dicere *ibi committi multa adulteria, usuras aut similia*: quia hoc esset dare occasionem suspicionis de aliquibus in particulari; præterquam quòd ipsa Communitas per hoc aliquâ infamiâ afficiatur, reddatque audientibus confessionem odiosam.

228. Secundò, illicitum est Confessario alienius Conventus v. g. unum præ aliis laudare, dicendo, *quantum ad istam personam, sola venialia confiteretur &c.* quia per hoc indirectè alii infamantur, cum talem comparisonem instituendo detur intelligi, quòd aliæ graviora confiteantur; licet id non fiat, dum de

aliqua persona in particulari, præcisâ comparatione, fit sermo.

229. Tertiò, quando duo Confessarii audierunt eundem pœnitentem, non possunt de ejus peccatis auditis tractare: nec, si ex confessione unius dignoscat Confessarius complicem, potest postea hunc interrogare similiter confitentem, ita ut possit venire in cognitionem, quòd alterius peccatum sit notum per confessionem: ac si prudenter & cautè in genere interrogando illum sicut ceteros, perneget, se id fecisse, debet illi credere potius quàm alteri. Ita P. Urbanus. Quibus addere ex Maldero; multò minùs licere Confessario ex auditis in confessione ad aliorum correctionem procedere: quia secretum debet servare Confessarius; atque eo ipso minùs potest corripere, quòd magis secreto tenetur; unde subdit, omnino illicitum esse, in confessione Confessario revelare alterius crimen in illum finem, exclamans, *ô quàm facile hoc maligno saculo, si hac fenestra pateat, contingeret, criminatrices Prælati sua peccata venialia confiteri, ut aliorum mortalia corripienda prodant, absit hic abusus ab Ecclesia Dei. Absit & ille, ut aliquorum Religiosorum consensu, Prælati legem ferat, quâ obligentur ad correctionem delinquentium, singuli in confessione referre etiam peccata aliorum*

rum: licet enim confitenti oporteat credere pro & contra se, non est tamen contra alium ei credendum in confessione, ne detur occasio fidei confessionis & fraudulentæ infamationis. Adde, confessionem non esse institutam, ut corripias alium, sed te ipsum. Vide etiam Bassæum verbo *Confessio sacramentalis* cap. 7. num. 23. & Pourrè par. 1. verbo *Sigillum*, qui ambo optant præcedentem doctrinam sapientissimi Antistitis altâ mente reponi à Confessariis.

230. Quartò, insuper prorsus illicitum est, joci causâ ad recreationem narrare audita in confessione, quamvis absit omne periculum revelationis: quod peccati mortalis arguit Pourrè ibid. num. 6. eò quòd id valde inhonestum sit & irreligiosum, ad jocos adhibere quæ ex isto Sanctuario sunt accepta. Undè Sotus, Hostiensis, Layman, Sylvius, & alii passim volunt, tales Confessarios privandos esse facultate audiendi confessiones: de iisque dicit Malderus, quòd videantur partem habituri cum illis Babiloniis, qui temulenti biberunt ex sacris vasis Templi, *Danielis* 5.

231. Quintò, Confessarius excipiens confessionem publici peccatoris, puta usurarii, latronis, meretricis, &c. non potest dicere, *ille sumq; cum dolore confessus est suas injustitias, latrocinia, &c.* quamvis enim illa peccata sint omnibus nota, & videatur solum Confessarius hoc dicere in laudem conversionis eorum; infringit tamen sigillum revelando peccata mortalia; ac confirmat audientes in scientia dictorum pecca-

torum. Ita communiter omnes contra Medinam. Interea potest Confessarius generaliter dicere de prædictis, *ille confessus est sua peccata cum lachrymis*, & similia: quia per hoc non tanguntur eorum peccata, quæ & qualia sint. Ita plures, quidquid adhuc consultius putem ab his locutionibus abstineri, ne audientes inde colligant similes confessos esse suas usuras, & c. sed

Quid faceret Confessarius interrogatus de peccatis auditis in confessione?

232. Respondeo regulariter loquendo, eum debere similem interrogationem abjicere tanquam execrabilem: si tamen id induceret perentem in suspicionem mali, dicat audacter, se nihil eorum scire, jurètque si opus fuerit: quia sensus similis juramenti est juxta P. Franciscum in his circumstantiis, *Nihil scio, ut revelem, malè interrogas, &c.* vel sensus est, quòd nullam habeat scientiam communicabilem, vel quòd, ut homo est, nihil eorum sciat, prout solum, ut homo est, interrogatur, non verò ut Deus, quomodò tantum sciatur ea, quæ in confessione audit: quòd si autem Confessarius interrogetur, an talem pœnitentem absolverit? Respondeat se fecisse quod erat sui muneris: ac si in casu, quo pœnitenti scedam negaverit eò quòd confessus non sit debito modo, interrogetur, an scedam negaverit? Respondere potest, *Non negavi*, quia id tunc significat, *Feci quod debui, &c.* Cæterum in pœnam frangentis sigillum, debet Confessarius detudi in monasterium ad rigidam subeundam pœnitentiam

ad



ad vitam: quæ tamen pœna neminem ligat ante sententiam Judicis: pro quo vide Franc. Bonæ Spei *disp.* 13. *num.* 74.

qui & *num.* 76. ostendit, hoc crimen difficulter probari posse.

## DVBIUM OCTAVVM.

### De Præcepto Confessionis.

#### §. I.

### An exstet Præceptum Divinum, & quos liget?

233. **D**ico primò, confessionem Sacramentalem esse sub præcepto Divino, fidei est, prout contra Hæreticos volentes eam esse impossibilem ac proindè ab homine inventam definitum est in pluribus Conciliis & nominatim Tridentino *sess.* 14. *cap.* 5. citante ea verba Evangelii *Joannis* 20. *quorum remisistis peccata, &c.* Constat item ex *cap.* 16. *Matthæi*, ubi similiter Sacerdotes à Christo cõstituuntur Judices ad proferendam sententiam absolutionis vel eam negandam: ad quod necessariò requiritur, ut fideles sua peccata speciatim exponant & confiteantur; judicium enim, si ve prolatio sententiæ, sine cognitione causæ nullatenùs fieri potest. Idem etiam patet ex dictis suprà, quòd Sacramentum Pœnitentiæ à Christo sit institutum, ut remedium necessarium ad salutem.

234. Dico secundò, hoc Divinum præceptum obligat omnes adultos baptizatos existentes in statu peccati

mortalis, quoties sumenda est vi præcepti, vel ex devotione sumitur Eucharistia. Aliàs autem per se non obligare extra periculum mortis, docent plures cum D. Thoma; quod & videtur satis conforme Tridentino suprà: quid quid non improbabilius Bassæus cum aliis velit, dictum præceptum obligare aliquoties in vita citra mortis periculum: cujus ratio est, quia cum hoc Sacramentum à Christo institutum sit ut morbi spirituales animæ curentur, non videtur verosimile, illius usum solùm semel in vita obligare: quare mortaliter juxtà hanc sententiam probabilem delinquit contra præceptum Divinum, qui per plures annos differt confessionem: de quo non esse dubium asserit Bassæus; quia, inquit, præcepta affirmativa non solùm obligant in extrema necessitate, sed etiam quando rationabiliter judicatur eorum actus esse necessarius. Ita etiam Reginaldus, Victoria, Sorus, Covarruvias, Suarez, Bonacinas & alii. Vide Dianam *par.* 11. *tr. ad.*

tract. 6. resol. 62. & tract. 8. resol. 51. ubi inquirat, an quis statim à peccato commissio teneatur ad pœnitentiam imperfectam. Vide etiam Franc. Bonæ Spei de Pœnit. disp. 5. num. 49 ubi docet, incertum esse, an extra periculum mortis obliget dictum præceptum Divinum.

235. Probatur interim resolutio nostra quoad articulum mortis: quia præceptum divinum confessionis, si unquam obligat, maximè tunc, cum omnis homo obligetur divino præcepto, imò & naturali, - consulere necessitati gravi suæ spirituali, adeoque & prospicere proximo periculo damnationis æternæ. Hinc Innocentius III. & post ipsum Pius V. mandant omnibus Doctoribus Medicis, ut antequam circa sanitatem corporis ægroti quidquam disponant, cum moneant de instituenda confessione. Quod tamen mandatum non obligare, dum æger est in periculo mortis & pertinaciter perseverat in renuenda confessione, vel quando Medicus certò sibi persuadet suam monitionem nihil profuturam propter infirmi obdurationem, docent Sanchez, Diana, Suarez & alii plurimi, quos citat & sequitur Bassæus verbo *Confessio Sacramentalis* num. 7. quia mens dictorum Pontificum fuit, consulere salutem spirituali infirmi, ad quem finem inutilis in casibus positus esset monitio. Ita illi. Nec tenetur tunc Medicus infirmum obstinatum relinquere & permittere cum mori defectu medicamentorum; quia hoc potiùs cederet in damnationem æternam infirmi. Quare dum Pius V. ultèriùs præcipit,

infirmum ultra tertium diem non esse visitandum, nisi constet Medico de illius confessione, solum obligat quando prudenter speratur, eum confessurum, eò quòd videat se à Medico derelictum, ut sic scil. obtineat reditum Medici. Ita plures. Imò nunquam deferendum esse infirmum, dum absentia Medici esset graviter nocitura infirmo, docet Diana par. 3. tract. 4. resol. 93. addens cum multis, juramentum à Medicis præstitum exequendi decreti, solum intelligi in quantum præsens constitutio Pii V. usu recepta est, prout eam non esse receptam in vigore majori asserit Filliuciustr. 7. n. 54. Vide etiam Caramuclem par. 1. Theod. fundam. fol. 542. qui supposità acceptatione Bullæ agit contra Dianam & consequenter contra à Bassæo relatos, dicens;

236. Datur in Rep. quæ Ecclesiastica & quæ sæculari autoritas præcipiendi aliqua sub pœna capitis: & ultimâ condemnantur sententiâ Hæretici ab Inquisitoribus, & à Principibus alii scelerati: cur igitur non poterit præcipi confessio ultima sub pœna capitis? & si poterit, cur non etiam sub pœna carendi Medicis & medicinis in casu etiam (possibili & impossibili) quo præsciretur certò, ægrum sine Medico moriturum? Ergò in tali casu Medicus non teneretur juvare ægrum quâ proximum ex charitate, neque quâ Medicus ex officio: qui enim à Principe ultimâ condemnatur sententiâ, non debet privatâ pietate juvari. Hæc Caramuel; si non resolutivè, eam tamen proponit aliis solvenda. Verùm meo quidem iudicio nihil contra Dianam ha-

M m m m bere

bere viderur: *Diana* enim non loquitur de potentia, nec inquirat an oppositum suæ sententiæ fieri possit: sed simpliciter docet, id de facto per dictum decretum non esse factum, quod puto omninò verum: quia ut benè *Diana* cum aliis, mens Pontificis est, per desertionem Medici ægrum inducere ad confessionem; non verò ad mortem temporalem & æternam condemnare,

prout manifestum videtur: cum enim hoc ultimum nullatenus exprimat, odiâque sint restringenda, omninò in re tanti momenti in favorem rei inclinandum est: vel maximè cum à totac tantis DD. nullo Summo Pontifice contradicente, nostra & *Dianæ* sententia hucusque semper & impressa & approbata fuerit.

## S. II.

### Quos & quomodo liget Præceptum Ecclesiasticum Confessionis?

237. **E**Xstare præceptum Ecclesiasticum de confessione, constat ex cap. *Omnis de penitentia & remissione*: ex Lateranensi sub Innocentio III. & Tridentino *sess. 14. c. m. 8.*

Dico, hoc præceptum obligat omnem baptizatum adultum, in peccatum mortale, post Baptismum lapsum, ad semel intra quemlibet annum confitendum, nullâ tamen anni parte determinatâ. Est certum ex dicto cap. *Omnis*: quia verò exstat præceptum de communicando circa Pascha, per accidens ordinariè tunc & hoc præceptum obligat; Ecclesiasticum scil. si quis reliqua parte anni non fuerit confessus; solùm verò divinum, si alias eodem anno adhuc sit confessus. Si tamen quis toto anni tempore esset extra statum peccati mortalis, non teneretur isto anno confiteri: nam ex Tridentino clarum est, venialia non esse materiam necessariam

confessionis: hinc solùm consilii est illa confiteri. Addit tamen benè P. Urbanus *tract. 1. cap. 36.* cum, qui solùm propterea negligeret confiteri, quia non admisit ullum mortale, facilè citò in illud lapsurum; vel etiam, inquit, vix potest quisquam tamdiu à confitendo abstinere, qui non patiarur novam aliquam mortalem, quamvis eam non sentiat aut discernat; tutius est ergò ut venialia confiteatur, directèque ab his absolvatur & simul indirectè à mortalibus, si quæ lateant. Ita optimè ille. Dixi in resol. *Omnem baptizatum*: quia licet non baptizati obligentur præcepto divino ad Baptismum suscipiendum; & ad Eucharistiam: non tamen ad Sacramentum Pœnitentiæ, cum hoc sit tantùm peccatorum post Baptismum commissorum: nec Ecclesia habeat jurisdictionem in eos, qui foris sunt. Aliud autem est de hæreticis.

cis. Dixi etiam *omnem*; quia quoad vim directivam etiam ipse summus Pontifex comprehenditur. Vide Franc. B. *Spei de Pœnit. disp. 5. n. 57.*

238. Quandonam autem pueri fiant adulti, ita ut hoc præcepto incipiant ligari: communius dicitur, dum incipiunt mortaliter delinquere, quod juxta DD. communiter contingit post septimum vel octavum annum, quamvis Dominic. Soto existimet, costantim hoc præcepto obligari circa annum duodecimum vel decimum quartum. Verum id ego cum aliis puto ita metaphysicè definiri non posse, sed relinquendum esse judicio prudentum Confessariorum aut parentum: quia pauci septem annorum sunt capaces hujus Sacramenti, & multi capaces sunt ante annum decimum: unde P. Francisco docet communius omnes saltem ab anno nono habere sufficiens judicium discretionis ad mortaliter peccandum. Videant ergo Pastores & Parentes an discernant bonum à malo, an pudeant de mendacio, de commissa impudicitia, &c. ubi adverte, aliquem factum adultum, qui puer existens putavit aliquod peccatum tantum esse veniale & ideo omisit confiteri, non teneri repetere confessiones, sed solum repetere illud peccatum: quod fortè nec facere debet, juxta Marchantium: quia ex imperfecto usu rationis non fuit nisi veniale, licet ex sua natura fuerit mortale. Hoc mēteretine ob multas puellas, vel matronas, quæ sæpè torquentur ob aliquas actiones impudicas exercitatas in ætate fortè quinque vel sex annorum, quas præ verecundia confiteri non audent:

quia ob imperfectum judicium plerumque hæc non fuere nisi venialia, adeoque non sunt necessariò confitenda.

239. Quomodo annus, intra quem fideles confiteri obligantur, debeat computari; non ita DD. conveniunt: quidam dicunt, cum P. Francisco, eum computandum à prima die Januarii usque ad aliam primam diem anni sequentis exclusivè: alii communius juxta Bassæum volunt, unicuique computandum esse suum annum ab ultima confessione. Sunt hæc omnia probabilia. Nec refert quòd juxta primam sententiam possit quis confiteri in principio hujus anni & in fine sequentis, ac sic ferè per biennium esse absque confessione: quia sic etiam absque mortali potest sacerdos officium legere hodie in principio diei & cras in fine, ac sic ferè per duos dies esse sine recitatione officii.

240. Cæterum juxta communem, ille qui prævidet se non habiturum copiam Confessarii reliquo tempore anni currentis, tenetur prævenire si sit in peccato mortali, & modò Confessarius adsit: quia hoc præceptum non habet tempus determinatum, sed obligat simpliciter ad confitendum semel in anno, quod prædictus potest facere in illa opportunitate: ergo tenetur tunc confiteri; quia aliqui sciens & volens reddit impletionem præcepti impossibilem. Est igitur in hoc disparitas inter præcepta confessionis & communionis annuæ. Attamen cum juxta Suarez, Medinam, Megalam & Bellarminum citatos à Bassæo supra

cap. 1. num. 9. ex consuetudine universi

Mmm 2 ver-

versalis ferè Ecclesiæ, quæ facit jus commune, etiam tempus determinatum sit pro præcepto confessionis scilicet circa festum Paschæ, videtur etiam probabiliter dici posse, stando in horum authorum opinione, prædictum non obligari ad præveniendum tempus Paschatis conformiter ad dicta de præcepto communionis annuæ.

241. Petes primò, an qui integro anno non est confessus, teneatur statim post confiteri? Sententiam affirmativam suprà in simili de communionem diximus esse probabiliorem, quam & absolute docet P. Urbanus ibid. citatus. Probatur, quia totius anni tempus nullatenus est determinatum ad finiendam obligationem annuæ confessionis sed ad confessionem sollicitandam ne nimis diu, seu non ultra annum differatur. Ita DD. communiter. Verùm si sistatur in sententia Suarez & aliorum citatorum, videtur contraria sententia esse etiam probabilis, quòd scilicet elapso tempore Paschatis non teneatur sub novo peccato ante sequens Pascha confiteri, qui integro anno non est confessus, prout non obligatur alio die audire Missam, &c. quicquid non audivit die festo aut Dominico: atque hanc probabilitatem roborat timoratorum Confessariorum praxis, qui eum absolvent qui à multis annis non est confessus, nullatenus eum obligantes ad plures confessiones. Adde eum, qui omisit confessionem in periculo mortis habens peccata mortalia, multò minùs teneri ad statim post confitendum; quia elapso periculo mortis ces-

sat motivum legis, quod erat periculum damnationis æternæ. Vide circa hæc Franc B. Spei *disp. 5. num. 73. & seq.*

Petes secundo, an satisfiat præcepto Ecclesiastico confessionis per confessionem sacrilegam?

242. Ad hanc questionem respondens P. Urbanus *tract. 1. cap. 36. sic loquitur*. Porro non expletur istud præceptum confessione sacrilegâ defectu contritionis (& idem est defectu integritatis, propositi, &c.) cum enim hæc sit pars essentialis Sacramenti, non potest illud sine ista subsistere, secus est de communione, utpotè quæ semper Sacramenti rationem retinet, licet indispositio concedatur; partes enim suas essentielles aliundè sortitur, quàm ab actibus recipientis, quod non habet similiter confessio. Ita ille, & benè: cujus sententiam, ut minùs probabilem omnes communiter dicunt: patètque ex allatis clara disparitas inter confessionem & communionem, earumque præceptorum obligationem. Vide etiam Bassæum verbo *Confessio Sacramentalis num. 11. 12. & 13.* ubi dicit hanc sententiam omninò esse tenendam dum dictus defectus accidit deditâ operâ aut per ignorantiam affectatam, secus si aliundè contigerit: & Diana *par. 3. suprà resol. 120.* probabiliorem reputat eandem, quia taliter Ecclesia, scilicet ut interpretatrix præcepti divini, præcipit confessionem fieri, qualiter Christus instituit, prout est nimirum verum Sacramentum. At tamen idem Diana & Fagundez putaverunt etiam oppositum esse probabile; quod apud

apud Dianam absolute sustinent Paludanus, Gabriel, Victoria, Alensis, Silvester & alii : & quis sententiam tot & tantorum Doctorum omnino improbabilem dixisset ? Attamen improbabilitas illius modò constat ex declaratione Sanctissimi Dñi N. Alexandri VII. in terminis damnantis sequentem propositionem, *Quis facit confessionem voluntarie nullam, satisfacit præcepto Ecclesiæ.*

Petes tertio, quid excuset à facienda confessione annua ?

243. Respondeo excusare imprimis impotentiam physicam, v.g. carentiam Confessarii. Secundo dum quis nequit confiteri sine periculo vitæ vel bonorum temporalium. Tertio si quis prudenter timeat revelationem suorum peccatorum, vel grave odium Confessarii : verum id meo iudicio vix unquam potest prudenter timeri, uti supra adhuc insinuavimus.

244. Quoad præceptum Ecclesiæ præcipiens confessionem fieri sacerdoti proprio, aut alteri cum ejus facultate, ei satisficit per confessionem factam Mendicantibus, nec debent peccata his sufficienter approbatis confessa ulterius proprio Parocho aperiri : nam, contrarium velut erroneum damnavit Joan. XXII. in favorem Carmelitarum per extravag. *Vas electionis, de hæreticis* : quod & factum est per diversas alias Bullas, pro quibus vide Urban. tract. 1. par. 2. dist. 1. cap. 1. reg. 3. & Dian. par. 11. tract. 6. resol. 3. ubi arguit Nicol. Ylambert, quòd doceat cæteris paribus consultius esse

confiteri proprio parocho quàm Privilegiatis ; tum quia Religiosi habent privilegia absolvendi ab aliquibus casibus, à quibus non potest parochus, tum quia communiter sunt doctiores, & præsumendum, quòd magis sint versati in rebus spiritualibus.

245. Adverte ut Regularis censeatur sufficienter approbatus, requiri approbationem ab Episcopo, de quo nullus dubitat : an verò approbatus in una Diœcesi possit ubique locorum confessiones audire ? Affirmativam sententiam tanquam probabilem admittit Bruno Chassaing de Privilegiis Regularium par. 1. tract. 5. cap. 2. Propos. 2. supponit enim jurisdictionem audiendi confessiones Regulari concessam, à Papa, non ab Episcopo imperituri ; adeoque eam ab eo retineri ubique, cum non major in uno quàm in alio loco idoneitas requiratur. Verum quidquid sit de probabilitate hujus sententiæ tempore præterito, eam de præsentiprorsus improbabilem dicit Lugo post decretum Urbani VIII. editum anno 1628. Idem etiam sustinet Dian. par. 11. tract. 2. resol. 11. ob brevem Innocentii X. in causa Angelopolitana jurisdictionis anno 1653. quamvis aliqui velint dicta decreta non habere locum in his partibus. Cum Urbano & Diana sentire etiam Franciscum B. Spei, insinuavimus supra num. 202. Interim probabilius sustinetur, posse Regulares concionari in propriis Ecclesiis absque speciali licentia Episcopi loci, pro quo vide Dian. loc. cit. resol. 1. Dicitur Chassaing

Mmm 3 apud

apud eundem ibidem *resol.* 12. sustinet quasi certum, Prælatos Regularium non indigere examine nec approbatione Ordinariorum ad excipiendas confessiones, quidquid id me-

lius neget Diana cum pluribus. An verò Regularis approbatus ab Episcopo possit in hujus Diæcesi absolvere à casibus Episcopo reservatis? Vide dicenda infra *num.* 257.

## DVBIVM NONVM.

### *De effectu Sacramenti Pœnitentiæ.*

246. **D**ico primò, per hoc Sacramentum remittuntur peccata mortalia post Baptismum commissà; in hunc enim finem est à Christo institutum: quare vocatur secunda post naufragium tabula. Consequenter ad remissionem peccatorum mortalium remittit etiam pœnam æternam, cum infundatur gratia sanctificans in ipsa absolutione: non semper tamen remittit simul omnem pœnam temporalem: nam Tridentinum *sess.* 6. *cap.* 14. ponit discrimen inter Sacramenta Pœnitentiæ & Baptismi in eo, quòd per Baptismum semper remittatur omnis pœna temporalis, secus per Sacramentum pœnitentiæ: & *can.* 30. anathematizat docentes oppositum. Nec opponant hic novi hæretici, dici in Scriptura, Deum non amplius recordari peccatorum semel remissorum, faciem suam ab illis avertere, &c. hoc namque eatenus solum intelligendum est, quatenus ea non puniant pœnâ æternâ, quæ peccatori debebatur, eosque pro dictis peccatis non amplius respiciat ut inimicos & odio dignos; sed eos diligit ut amicos & hæredes sui regni cælestis, ac ut tales

leviter punit prout parens solet filios punire, quos tamen tenerimè amat. Adde, interdum contritionem posse ad tantam perfectionem pertingere, ut intuitu illius tota pœna temporalis deleatur.

247. Dico secundò, per Sacramentum pœnitentiæ remittuntur etiam peccata venialia, quæ juxta Tridentinum *sess.* 14. *cap.* 3. rectè & utiliter in confessione dici possunt: ac Christus *Joan.* 20. generaliter dicit, *quorum remiseritis peccata, &c.* Sed

Petes hic fortè, quomodo remittantur peccata venialia in alia vita dum quis moritur in gratia cum peccatis venialibus nondum remissis?

248. Resp. ea remitti per contritionem, quam talis immediatè per mortem elicit. Ita DD. commutè. Ratio est, quia cum ab una parte anima justî à corpore separata fide charitate sit prædita ac libera à perturbationibus partis sensitivæ, & ab altera parte eo instanti, quo anima separata est, perfectè cognoscat statum suum Deumque perfectè diligat: videtur negari non posse, quin eodem tempore erumpat in actum contritionis.

posito statim consequitur remissionem omnium peccatorum venialium. Adde tamen per istum contritionis actum, dictum iustum neque mereri augmentum gratiæ, quia ad hoc requiritur status huius vitæ; neque etiam remissionem pænæ debitæ dictis peccatis venialibus, aut aliis mortalibus in hac vita quoad culpam solum remissis; quia ex ordinatione divina satisfactio non habet locum in altera vita, sed sola satisfactio.

249. Dico tertio, opera bona, mortificata per subsequens peccatum mortale, reviviscunt per pœnitentiam. Est etiam communis: & videtur certa, tum ex Scriptura *Ezech. 33.* ubi dicitur, *impietas impiorum non nocebit eis in quacumq; die conversus fuerit ab impietate sua*: tum etiam, quia opera mortificata reviviscere nihil aliud est, quam hominem restituere in tali statu, ut eadem opera recuperent efficaciam perducendi illum in vitam æternam, ut docet D. Thom. *par. 3. quæst. 89. art. 5.* quod totum fit per pœnitentiam;

licet enim opera bona in se transeant, manent tamen in acceptatione Divina. Nec sequitur, peccata remissa per pœnitentiam juxta communem omnium non redeunt ob subsequens peccatum mortale: ergo nec opera bona per mortale peccatum mortificata reviviscunt per pœnitentiam. Quia est lata disparitas; nam per pœnitentiam destruuntur peccata omnino secundum se; non ita opera bona per mortale peccatum; quia illa adhuc manent in acceptatione Divina, & mortale peccatum subsequens solum impedit eorum effectum, quare remisso peccato, tanquam obice sublato, incipiunt de novo producere effectum suum prout ante. Adde (quamvis peccata remissa non redeant propter subsequens peccatum) hoc subsequens peccatum habere majorem malitiam, quam si priora peccata non fuissent remissa, idque ratione ingratitude: non debet tamen hoc in confessione explicari.

## DVBIVM DECIMVM.

### *De casibus reservatis.*

250. **I**N Ecclesia esse potestatem in foro conscientie reservandi peccata, sive negandi auctoritatem pœnitentes ab eis absolvendi, definitum est in Tridentino *sess. 14. cap. 7.* & *can. 11.* Ratio clara est; quia sicut Ecclesiæ est, concedere hos vel illos

subditos, ita & concedere auctoritatem illos ab his aut illis casibus & peccatis absolvendi. Verum quamvis peccata interna à Superioribus reservari possint, eò quod etiam in ordine ad illorum absolutionem jurisdictio à Superioribus accipitur: tamen jux-

ta



ra communem Doctorum sensum, sola exterius consummata censentur reservata. Sicut & sola mortalia solent, & debent reservari: unde faciens aliquod opus externum, quod de se non est sufficiens ad peccatum mortale, etiam dato, quod intentio esset mortaliter peccaminosa, non incideret in casum reservatum. Exemplum dat P. Lezana: si v. g. casus reservatus sit loqui cum monialibus, qui paucissima verba cum ipsis loqueretur, etiam si intentio esset inhonesta, non incurreret casum reservatum. Vide etiam Franc. B. Spei de *Penit. disp. 10. num. 15.* Hoc notato.

251. Dico primò, casus alii reservantur Papæ, & dicuntur Papales: alii Episcopis & dicuntur Episcopales: quibus annumerantur illi, quos Prælati in jurisdictionem quasi Episcopalem habentes sibi reservant. Tales autem (juxta Lezanam verbo *Casus reservati Regularium num. 1.*) sunt Prælati Regulares. Casus Papales ex Decreto Sacre Congregationis Cardinalium de speciali mandato Clementis VIII. colligit Franciscus B. Spei *disp. 10. num. 24.* & sunt hi:

Primò, qui in Bulla Cœnæ Domini continentur.

● Violatio immunitatis Ecclesiasticæ in terminis constit. Gregorii XIV. quæ incipit, *Quia alias nonnulli.*

3. Violatio clausuræ monialium ad malum finem.

4. Provocatio, & pugna in duello.

5. Injunctio manuum violentarum in Clericos.

6. Simoniarealis scienter contracta, atque etiam confidentiæ beneficiæ.

Adde, in supradicto Decreto etiam inhiberi Regularibus, ne absolvant à casibus reservatis vel reservandis Ordinariis.

252. Bulla Cœnæ sunt litteræ Apostolicæ, cum Sigillo plumbeo Summi Pontificis, in Cœna Domini solite promulgari: in quibus excommunicantur vari, quos refero, quia (ut monet Francisc. B. Spei post Navarrum) mandat sua Sanctitas, ut omnes Confessarii habeant copiam harum excommunicationum. Ponam tamen quàm brevissimè potero, remittens lectorem ad P. Lezanam verbo *Bulla Cœnæ*, qui de illa latè satis discurret, & ad Joannem à Conceptione, qui in Compendio Leandri de *censur. tract. 5. per totum* etiam satis fusè de ea tractat.

253. Primò ergo in dicta Bulla excommunicantur hæretici: deinde appellantes à Papa ad futurum Concilium generale: piratæ: rapientes bona Christianorum naufragantium: imponentes nova pedagia, &c. si legitima potestate: falsificantes litteras Apostolicas: deferentes arma, quos, &c. ad Christiani nominis hostes: impediētes & invadentes eorum victualia seu alia ad usum Romanæ Curiae necessaria adducunt: sed liantes vel offendentes eos, qui ex vocatione Roman vadunt, vel incedunt: insequentes Patriarchales Cardinales, Episcopos, Nuntios Apostolicæ, &c. Item qui da

vel indirectè percutiunt; occidunt aut bonis spoliant eos, qui ad Romanam Curiam recurrunt pro suis negotiis, vel horum negotiorum Advocatos, agentes, &c. Nec non Officiales Principum secularium, & Prælati Ecclesiastici, causas Ecclesiasticas à Judicibus Apostolicis avocantes, vel quicumque illas ad se trahentes: recurrentes ad Curias seculares in causis Ecclesiasticis, ad impediendam executionem litterarum Apostolicarum: ordinantes vel facientes statuta, seu quævis decreta contra libertatem Ecclesiasticam, jura Ecclesiæ vel Sedis Apostolicæ: impediennes Prælatos Ecclesiasticos, ne suâ jurisdictione Ecclesiasticâ utantur juxta canones, & decreta Conciliorum: usurpantes Sedis Apostolicæ & quarumcumque Ecclesiarum jurisdictiones, fructus, redditus, & præventus, sine expressa licentia Papæ: imponentes tributa, decimas, & alia onera Clericis, Monasteriis, &c. absque eadem licentia; vel etiam qui sic imposita à sponte dantibus recipiunt: Judices seculares, contra personas Ecclesiasticas in causis criminalibus se interponentes sine dicta licentia: omnes qui directè, vel indirectè invadunt Almam Urbem, aliâve terras, seu jura ad ipsam Romanam Ecclesiam pertinentia: denique raptores suppellectilium, librorum, scripturarum, aut bonorum Camera & Palatii Apostolici ex eodem Palatio, tempore infirmitatis Pontificis, aut Sede Apostolicâ vacante.

Omnia hæc peccata & censura re-

servantur Sedi Apostolicæ: & si aliquis Confessarius temerè ab his absolovere præsumat, præterquam quod nihil efficiat, ipso facto incurrit excommunicationem; à qua tamen potest Confessarius ordinarius absolovere. Ita P. Franciscus *disp. 10. num. 22.* & Lezana *suprà num. 57.* Addo tamen in Concil. Trident. *sess. 24. de Reform. cap. 6.* concedi Episcopis facultatem absolvendi à casibus occultis S. Sedi reservatis.

Sed quid dicendum de eo, qui in unum ex jam positis casibus incidit, nec tamen ante Paschalem communionem (cui absque infamia subducere se nequit) sive Pontificem sive Episcopum adire potest? Similem posse directè absolvi à Parocho docet Wiggers & alii sex, quos citat & sequitur Burghaber *Centur. 3. casu 9.* Rationem dant, quia reservatio ad Charitatis & animarum bonum introducta, non debet in harum malum cedere; est quippe data hæc reservandi potestas in ædificationem & non in destructionem *2. Cor. 13. versu 10.* Arqui cederet in grave Charitatis & animarum malum, si in talibus circumstantiis non possent Parochi à reservatis absolovere. Ergo credibile non est, eam potestatem à Pontifice denegatam fuisse Parochis. Ad Tridentinum verò *sess. 14. cap. 7. de Reform.* & Decretum Clementis VIII. dicentia Sacerdotem extra articulum mortis nihil posse in casibus reservatis, respondent, intelligi debere *per se*; secus si à jure vel ex privilegio concedatur; quemadmodum Suarez *tom. 4. in 3. par. D. 30. sect. 3.*

num.8. existimat, concessum esse non solis Episcopis, sed etiam inferioribus Sacerdotibus, quoties Papa adiri non potest, & urget tempus communicandi ex rex. in cap. Nuper de sent. excom. ubi habetur : à suo absolvetur Episcopo , vel proprio Sacerdote. Ex quo Glossa infert. Ergo simplex Sacerdos absolvere potest. Manet tamen obligatio pœnes pœnitentem postea comparendi, dum fieri poterit. Ita Burghaber cum aliis citatis.

254. Dico secundò , cum eodem Lezana verbo *Casus reservati num.2.* casus Episcopales aliqui dicuntur de jure ipsis reservati : & communiùs hi quinque numerantur : peccatum quod de jure annexam habet pœnitentiam publicam : quod habet annexam excommunicationem majorem : quod habet annexam irregularitatem : peccatum incendiarii : & publica blasphemia. Sed ipse P. Lezana , post varios, ibidem ostendit, ex solo jure communi nullum esse casum Episcopis reservatum. Casus ergo Episcopales sunt illi soli , qui ex consuetudine , seu potius expressà Episcoporum reservatione sunt tales. Sic ab Archiepiscopo Mechliniensis expressè reservantur casus sequentes :

255. Raptus virginum. Homicidium. Incendium deliberatà voluntate procuratum. Simonia. Sodomia. Hæresis. Apostasia. Incestus cum consanguineis, aut sãctimonialibus. Injectio manuum violenta, deliberato proposito , cum læsione in parentes. Sortilegium. Adulterium notorium. Et cœnia delicta habentia excommu-

nicationem majorem annexam , ac quæ sunt prædictis graviora. Omnes hi casus etiam reservantur ab Episcopis Antverpiensi, Brugensi, Gandensi, Iprensi, & Ruremundano : nam Pastoralis , ad usum totius illius Provinciae impressio, inserti sunt. Iprensis tamen addit casum sacrilegii , prout habes apud P. Franciscum *loc. cit. num. 33.* ac Illustrissimus modernus Archiepiscopus Mechliniensis Andreas Creuzen nuperrimè reservavit peccatum carnis complicitis opere completum , sicut ab eo Confessarius complex absolvere non possit.

Petes primò , an peccatum dubium reservetur ?

256. Respondet P. Lezana *loc. cit. num. 18.* peccata, de quibus dubitatur an sint mortalia, vel venialia, reservari non posse, vel fieri non debere, probabile est : addens *num. 14.* in dubio non esse censendum aliquem in idcirco se in casum reservatum ; quia reservatio est materia odiosa, & restringi debet : excipit tamen casus Bullæ Cœnæ ; & quando dubitatur, an percussus Clerici sit gravis an levis. E contra P. Franciscus *loc. cit. num. 8.* docet, in dubio an peccatum sit reservatum necne , censi debere reservatum quia reservatio ( utpote magis in normis peccati præcautionem & in dicinam, quàm in pœnam ) est in bonum Reipub. Christianæ & favor animarum, & ideo favorabilis. Inde Superiores proculdubio intendunt reservare peccata, quæ in illa specie sunt materia cõfessionis necessi

ex Christi institutione: nec ulla est ratio, cur potius sub præcepto confessionis mortalium simpliciter, nullâ factâ mentione dubii, comprehendatur dubium mortale, quàm sub reservatione mortalium simpliciter comprehendatur dubium mortale reservatum. Hinc P. Franciscus Inconsequentia arguit P. Herineks quod primum secum admittat, & secundum neget: quidquid tamen utrinque plures Doctores citentur.

Petēs secundò, an Religiosi Mendicantes hodie in Belgio absolvere possint à casibus Ordinario reservatis?

257. Pro affirmativa sententia citat P. Franciscus novem authores recentiores; qui illam probant; tum quia prohibitiones factæ ante Urbanum VIII. anno 1628. sunt tantum pro Italia: tum quia hæc Urbani VIII. prohibitio, tantum est, ne Regulares absolvant in vim Privilegiorum illis ante Tridentinum concessorum, vel post confirmatorum: est autem, inquit, Privilegium Pauli III. & Pauli V. (in quibus alii Mendicantes communicant) concessum PP. Societatis de novo, & non solum in confirmationem, & quidem post Trident. absolvendis illis casibus: tum denique quia Bulla Cœnæ, & Decreta S. Congreg. Mendicantium Privilegia defuper revocantia, non sunt in Belgio promulgata. Verum ipse Franciscus disp. 10. supra num. 49. secutus Lezanam & Dianam, negativam sententiam sustinet, maximè ob specialem Urbani VIII. declarationem, quam

apud ipsum vide: & quia Alexander VII. inter propositiones sibi à Regularibus Diœcesis Andegavenis propositas 30. Januarii 1659. sequentem: *Regulares habent potestatem absolvendi à peccatis Episcopo reservatis, etiamsi ab Episcopo auctoritas ipsa, ipsis indulget non fuerit: hoc modo censurat. Est falsa, auctoritati Episcoporum & Sedis Apostolicæ injuriosa.* Imò idem Alexander VII. de novo tanquam scandalosam damnat eandem illam propositionem per Decretum à se nuper editum. An fortè auderet P. Joannes à Conceptione dicere per hoc Decretum non revocari privilegium Regularium, quia non est sufficienter intimata Prælati, &c. adeoque sibi adhuc probabilissimum videri, quod Regulares possint absolvere sæculares à casibus Episcopo reservatis, sicuti in Compendio Leandri de censur. tract. 2. disp. 17. §. 2. num. 27. loquitur de Decreto Urbani VIII? Certè puto ego nullam intimationem necessariam esse, ut aliqua propositio scandalosa ab omnibus reprobetur; sufficit enim ad hoc, quod in se verè scandalosa sit, prout Summus Pontifex hanc declarat esse. *Regulares habent potestatem, &c.*

Cæterum non reservantur licitè casus, nisi ubi causa legitima subest, bene tamen validè, ut communiter Doctores: quidquid oppositum quoad secundum probabile dicat P. Lezana verbo *Casus reservati* num. 16. addens tamen, certum esse, quod in dubio, an Superior ex causa rationabili casum reservaverit, illam habuisse credendum sit.

Petere tertiò, quomodo quis possit & debeat à reservatis absolvi?

258. Respondeo id convenientissimè fieri, adeundo ipsum reservantem, à quo ab his & aliis suis peccatis absolvatur: tunc enim, licet fortè alicujus peccati reservati obliviscatur, potest illud postea Confessario ordinario confiteri. Si verò reservans noluerit vel non potuerit integram illius confessionem audire, explicet ei casum reservatum, & absolvatur à censura si sit annexa, ac imposità salutari pœnitentiâ, dimittatur, ut absolvatur ab alio Confessario à peccato reservato & non reservatis. Quod si hoc pœnitenti grave vel molestum fuerit, sic dimittatur absque eo, quòd peccatum reservatum revelet: ad hoc enim reservantem lege charitatis, regulariter loquendo, teneri, plures docent. Ob peccata reservata, nunquam quis potest dimidiare suam confessionem, nisi in casu necessitatis: unde dum pœnitens adit reservantem, nullo modo potest hic audita illius confessione solum de reservatis, eum ab ipsis sacramentaliter absolvere, ac remittere ad alium Confessarium, qui eum audiat quoad non reservata, ut ab his sacramentaliter absolvat. Ratio est; quia cùm integritas confessionis sit de jure divino, nullo pacto admitti debet, ut propter solam voluntatem, aut aliqualem commoditatem Prelati dimidietur. Quare P. Lezana docet, contrariam sententiam, non paucorum Doctorem tamen, nullate-

nus admittendam esse. Addens admitti posse, quòd in casu gravis necessitatis, videl. quando ob iustum & grave impedimentum, Prelatus non potest audire integram confessionem, & expediens non judicat illum remittere ad alium Confessarium, & urgente necessitas confitendi, possit audire in confessione solum reservatis, ab illa directè, & à non reservatis indirectè ipsum absolvere: quia integritas solum exigit, ut sit integra, quatenus moraliter fieri potest. Vult tamen P. Franciscus tale legitimum impedimentum non esse, continuam reservantis occupationem.

259. Hinc etiam dum reservans procul valde abest, nec adest alius habens potestatem à casu reservato absolvendi, & adest necessitas communicandi vel celebrandi, ita ut omittendo scandalum vel infamia oriretur potest confiteri sua peccata tam reservata quàm non reservata, & absolvi non reservatis directè, cum oner confitendi iterum reservata potestatem habenti. Imò etiam tunc possit sola non reservata confiteri propter rationem statim allegatam: pro quibus vide Lezanam & Franciscum.

Spei locis citatis: nec enim possumus in his diutius immorari.

\* \*  
\* \*



# D V B I V M XI.

## De Censuris.

### §. I.

#### Quid censura: à quo, & in quem ferri possit?

260. **C**ensura apud Romanos significabat sententiam Censoris mores corrigentis, aut pœnam discernerentis: hinc eadem vox translata est ad significandum pœnam spirituales, quam Prælati Ecclesiæ contumacibus infligunt, ut notant Cornejo & Lezana. Esse autem in Ecclesia potestatem ferendi censuras definitum est contra Wiclef in Concilio Constant. & patet Matth. 18. *Si quis Ecclesiam non audierit, sit tibi sicut ethnicus, &c.* id est, separetur ab Ecclesia sicut ethnicus. Item ex his verbis, *Quodcumque ligaveris, &c.* Hoc posito;

261. Dico primò, censura est pœna spiritualis ab Ecclesiastica potestate infligta privans utrumque aliquorum bonorum spiritualium. Alia est à jure, quæ fertur per legem vel statutum perpetuò duratura: alia ab homine, quæ per præceptum, decretum vel sententiam infligitur: quæque in scriptis ferri debet juxta cap. *Cum medicinalis de sent. excom.* in 6. atque in Scriptura apponi debet causa, ob quam censura fertur, prout ex eodem cap. constat: intellige tamen, dum infligitur determinata

ta personæ pro peccato præterito.

Censura iterum alia est lata sententia, quæ ipso facto, vel criminis commissione incurritur: alia sententiæ ferendæ, quæ per Judicis sententiam infligi debet. Censuram *late sententiæ* innuit ly, *ipso facto vel jure*, item *Excommunicamus, sicut se excommunicatum, &c.* Contra eam esse sententiæ ferendæ innuit ly, *Volumus excommunicari, excommunicetur, prohibemus sub excommunicatione, &c.* Dum verò verba sunt dubia, satis communiter DD. volunt, benigniorem interpretationem faciendam esse.

Ut censura sit valida exprimi debet species censuræ, ut *excommunico, suspendo, interdico*: undè si Episcopus sic diceret, *qui hoc vel illud fecerit, sit ligatus censurâ*, nihil efficeret: imò etiam si diceret, *sit suspensus*; quæ a suspensio est species subalterna continens sub se tres infimas species, scil. suspensionem ab officio, suspensionem à beneficio, & suspensionem ab utroque. Attamen effectum obtineret si diceret, *sit excommunicatus*; eò quòd in usu & praxi Ecclesiæ ly *excommunicatus*, simpliciter stet pro excommunicato excommunicatione majori.

262. Dico secundò, censura propriè dicta est triplex; excommunicatio, suspensio, & interdictum: quidquid Cornejo apud Lezanam verbo *Censuræ Ecclesiasticæ* num. 1. septem censuras assignet; scil. præter tres relatas, irregularitatem ratione delicti, degradationem, depositionem, & cessationem à divinis quæ licet juxta communissimam sententiam non sint propriè & strictè censuræ, possunt tamen ad censuras reduci: tres scil. priores ad suspensionem, quia per illas homo est quasi suspensus à receptione & usu Ordinum; & ultima ad interdictum. Censuram infligere possunt, Papa respectu omnium Christianorum, Patriarchæ, Archiepiscopi, Generales, Provinciales aut alii Superiores jurisdictionem in foro externo habentes, respectu sibi subditorum: & quia Parochi in foro externo & contentioso jurisdictionem non habent, sed tantum in interno pœnitentiæ (juxta *cap. de persona* 11. *quæst.* 1.) ideo non competit illis hæc potestas. Debet autem infligens esse Clericus; quia solus Clericus, saltè primæ tonsuræ, est capax dictæ jurisdictionis. Ita Cornejo & Lezana. Hanc jurisdictionem amittit Clericus ineundo matrimonium, ex *cap. 1. de Clericis conjug.* in 6. Nec illam habere possunt perpetuo amentes, nec pueri ante usum rationis, quia non possunt ferre judicium, aut exercere actum jurisdictionis.

263. Dico teritiò, omnis & solus homo baptizatus, vivens, Superiorem habens, potest censurâ ligari. Ra-

tio est; quia hic solus est subjectus jurisdictioni Ecclesiasticæ; unde quandoque legatur, excommunicationem latam esse in defunctos, intelligendum est de privatione communionis, quæ feratur directè in viventes, prohibendo ne pro defuncto orerent, indirectè defunctum privando communione fidelium. Adde eum etiam debere esse utentem ratione; quia aliàs non obligatur præceptis Ecclesiæ, nec est capax contumaciæ: quare etiam impuberes à variis eximuntur à censuris ob imbecillitatem ætatis & ignorantiam ordinis judicarii.

264. Censura ferri non potest nisi prævia aliqua admonitione, ut deciditur in capitibus apud P. Lezanam num. 7. Quando tamen fertur, sive à jure sive ab homine, pro vitandis culpis, non requiritur alia monitio particularis; nam ipsa censuræ impositio, quamdiu durat, continuò subdito monet, ne illud crimen committant aliàs dum fertur pro culpis præteritis vel præsentibus, requiritur tina distincta monitio, vel una virtualiter tina, saltè ut licet feratur. Vide Lezan. *loc. cit.* qui num. 10. bene monensuram non posse ferri ob meram voluntatem Superioris, sed ex rationabili causa: aliàs ejus potestas esse destructionem, contra doctrinam Pauli. Unde ob solum peccatum ferri potest, cum sit pœna spiritus. Imo excommunicatio major, cum pœna gravissima, tantum fertur peccatum mortale externum, contra actum interno, & eo modo factum,

circumstantiis externis graviter sit illicitum, & actus consummatus juxta verba legis. Hinc si censura lata est contra innocentem, probatum innocentem, quoad Deum nullius est momenti: quoad forum tamen externum habet effectum apud illos, qui ipsius innocentiam nesciunt: non vi censurae, ut vult Suarez apud Burghaber *Centur. 1. casu 76*. Sed ex jure naturali, ne scilicet scandalizet alios, quasi Superiorem suum & censuram talem contemneret. Insuper si quis ex metu v. g. haeresim pronuntiat sine animo haeretico, non excommunicatur: nec si exterius profert haeresim animo conceptam iis verbis, quae non sunt sufficiens manifestatio haereseos. Et generaliter à censura excusatur ignorantia inculpabilis excusans à peccato: secus culpabilis; nisi quando est lata contra praesumentes. Quando autem quis habet ignorantiam solius censurae, tametsi sciat opus esse prohibitum, etiam Ecclesiastica lege, excusatur (juxta Cornejo & Lezanam *num. 11.*) à censura: sicut & excusatur metus gravis. Hinc plurimi plebei non incurrunt excommunicationem, quamvis committant actum, quem sciunt esse graviter ab Ecclesia prohibitum; quia invincibiliter ignorant censuram annexam. Ex quo (juxta eosdem) ulterius fit, ut si casus tantum sit Pontifici reservatus propter censuram annexam (prout P. Lezana in variis locis dicit, id regulariter fieri in casibus Papalibus) poenitentia absolvi possit à communi Confessario. Atque hoc juxta Lezanam, etiam potest extendi ad casus Episcopales:

les: quia licet plures ex illis sine censura reserventur, de iis tamen, qui reservantur cum illa, videtur esse eadem ratio, ac de Papalibus. Ita ille verbo *Casus reservati num. 17*. Imò Burghaber *Centur. 3. casu 31*. absolute id extendit ad omnes casus. Episcopales & Papales, dicens in generali ob ignorantiam reservationis, reservationem non incurrere, citans tres alios: ratioque ipsius est, tum quia actus prout subsistat reservationi ignoranter factus, est quā talis involuntarius, ergo non est peccatum & consequenter nec casus reservatus: tum quia nulla poena extraordinaria à Synodo imposita incurritur, si invincibiliter ignoretur, ut cum pluribus docet Palao. Ita ille.

Adde, eum, qui falso judicat alicui actui esse censuram annexam, & eum exercet, non incurrere censuram: v. g. percutiens laicum, quem putat esse Clericum, non excommunicatur: quia, ut *tract. 1. disp. 2. num. 5*. diximus, Legislator humanus non intendit poenas imponere, nisi verè transgredientibus legem: & ut parum antè, nisi actus consummatus sit juxta verba legis. Sed quid de eo, qui intendens percutere Petrum Clericum percutit Paulum Clericum? Si per inadvertentiam hunc percutiat, quia videlicet hunc adesse ignorabat, non incurrit excommunicationem, eò quòd tunc percussio Pauli, etiam in ratione percussionis ipsi sit involuntaria & inculpabilis. Si percutiat Paulum Clericum, qui est loco Petri Clerici, verosimilius excommunicationem incurrit.



rit. Ratio est, quia in quantum percutit verum Clericum, & etiam verum Clericum intendit percutere, licet alium ab eo quem percutit, committit facilegium materiale, & contrahit formale ob quod excommunicatio est lata.

Cæterum censura lata ab homine per modum sententiæ in die festo est illicita & invalida, quia prohibetur in jure: secus si feratur per modum legis, aut præcepti. Addo denuntiationem fieri diebus Dominicis & Festis publicè in Ecclesia, ac postmodum scriptò affigi ad Ecclesiæ janua. Censura ferri debet de die, licet valeat lata de nocte: quæ semel validè lata, non tollitur per solam rei emendationem, sed requiritur insuper absolutio; damnata enim est ab Alexandro VII. inter cæteras sequens propositio: *Quo ad forum conscientia, reò correctò, ejusque communicationis cessante, cessant censura.* Undè

pœnitens censurâ innodatus prius à censura absolvendus est, deinde à peccatis, ut iterum diximus *tract. 3. diff. 1. num. 63.* quidquid tamen absolutio data à peccatis & non ab excommunicatione, per se & ex natura rei sit valida. Addo, absolutionem à censuris non necessariò debere dari per verba, quia etiam dari potest per scriptum, ut patet ex cap. *cum desideres.* & cap. *si aliquando de sentent. excomm.* Nec ad dictam absolutionem necessaria est determinata forma, cum nec jus, nec Ecclesia, nec praxis hanc determinent: undè potest dici, *absolvo te; restituo te communicationi; reconciliore te; aufero censuram à te, &c.* neque enim necesse est ut exprimaturs censura in particulari: ad quam verbum *absolvo* v. g. satis determinatur per petitionem rei, in qua specificatur censura, à qua petitur absolvi.

## §. II.

### De Excommunicatione.

265. **D**ico primò, excommunicatio est censura aliquem ab Ecclesiastica communione fidelium separans. Alia est major, quæ privat omni communione fidelium, scil. Sacramentis, suffragiis Ecclesiæ, & communicatione humanâ. Alia minor, quæ privat communione, saltèm passivâ, Sacramentorum: quare hac ligatus

mortaliter peccat, si aliquod Sacramentum suscipiat; ed quòd violet preceptum Ecclesiæ in materia gravi. Lezana verbo *Excommunicatio* n. 2. p. Joannem Beetz, & Cornejo: addens iam mortaliter peccare eum, qui illa sacramenta ministrat, nisi excusetur tione ignorantia, scandali, aut alteri mali vitandi: quia cooperatur pec-

alterius. Volunt varii recentiores cum Joanne Beetz, illum etiam mortaliter vel saltem venialiter peccare in administratione Sacramentorum, si sine necessitate id faciat, ex cap. *si celebrat. de Cler. excom. minist.* Sed Cornejo & Lezana docent, contrarium esse probabilius; illum textum explicantes de illa collatione Sacramentorum, quæ est conjuncta cum receptione, prout contingit in Episcopo ordinante, & Sacerdote celebrante.

266. Dico secundò, excommunicatio minor licet ab homine ferri possit; usù tamen Ecclesiæ ferè nunquam sic fertur: ac licet dicatur à jure lata ob varios casus; modò ob unum solum incurritur, scil. propter communicationem aut participationem indebitam cum ligato excommunicatione majori. Dico *indebitam*; quia si communicatio sit inculpabilis, non incurritur excommunicatio minor. Sufficit tamen ad hoc culpa venialis: etsi enim communicatio in divinis sit mortalis; in humanis tamen regulariter solum reputatur venialis, nisi adsit contemptus. Forsan etiam non sufficit ad eam incurrendam culpa, quæ solum est venialis defectu advertentiæ, aut deliberationis, ut putat Suarez; quia in tali culpa non reperitur perfecta inobedientia, aut contumacia, ad incurrendam censuram necessaria. Hæc Lezana verbo *Excommunicatio num. 5.* Adde modò post Concilium Constantiense excommunicationem minorem non incurri ob communicationem cum ligato excommunicatione majori, nisi hic eam incurrent ob notoriam percussione Clerici, quæ nul-

lâ tergiversatione celari possit, aut juris suffragio excusari (prout juxta Franc. B. Spei de *jure & iust. disp. 19. n. 134.* excusat probabilis ignorantia status Clericalis;) vel sit specialiter nominatim denunciatus: quia hi solum sunt, per decretum dicti Concilii vitandi: nec refert quòd in Concilio Basileensi quicumque notorii excommunicati vitandi dicantur; nam hoc Concilium, quoad hoc, non est approbatum, & oppositum Ecclesiæ consuetudine receptum est. Ita Cornejo, Lezana & alii. Subdit P. Joannes à Conceptione in Compendio Leandri de Censuris *tract. 2. disp. 2. num. 4.* probabilius etiam non incurri excommunicationem minorem ob communicationem cum eo, qui de hæresi, aut crimine, cui constat excommunicationem majorem annexam esse, denunciatus est, si non sit expressè denunciatus excommunicatus: quia Concilium Constant. expressè dicit, neminem teneri vitare excommunicatum, nisi censura fuerit à Judice contra personam denunciata specialiter & expressè. Ita ille. Nota insuper percussione Clerici ad hunc effectum debere esse notoriam notorietate facti, sive esse factam in præsentia multorum, ut coram majori parte vicinæ, collegii aut oppidi. Unde si quis in mea præsentia & aliorum paucorum testium percuteret Clericum, non teneremur illum vitare, nisi postquam crimen esset factum publicum, sive absolute notorium, ut docet Gobat in *Alphab. audient. sacr. casu 18. num. 406. & seq.* Sed quid si tale crimen solum sit notorium in hac Provincia, te-

O o o o

nebor.

nebornè illum vitare in alia ubi est cultum? Alii absolute negant cum Burghaber *Centur. 1. casu 14.* Sanchez, & Avila. Alii negant sub distinctione, quòd non in publico, bene tamen in occulto: arque omnes, teste Joanne à Conceptione post Leandrum, probabiliter. Adde tamen per hoc quod parum antè diximus, nullum favorem præstari excommunicatis non denuntiatis: quare tenentur, quantum est de se, ab aliorum communione abstinere, nisi ad hoc ab aliis rogentur.

267. Dico tertio, excommunicatio major privat ligatum participatione Sacramentorum: unde ea suscipiens aut ministrans mortaliter delinquit, simpliciter loquendo; quia facit contra mandatum Ecclesiæ in materia gravi: ac insuper incurrit irregularitatem si ministrat illa ex officio, vel si suscipiat sacrum Ordinem, aut susceptum solemniter exerceat. Sacramenta tamen, administrata à quocunque excommunicato, valida sunt; quia eorum valor Jure Divino solum pendet ex applicatione veræ materiæ & formæ. Excipe Sacramentum Pœnitentiæ, quod ab excommunicato non tolerato administratum, irritum est defectu jurisdictionis: nisi in casu quo esset publicus error facti stante præsumpto titulo; tunc enim Ecclesiæ jurisdictionem supplet.

268. Insuper omnis sic excommunicatus etiam graviter delinquit configiendo sacramentalia, v. g. aquam benedictam, & faciendo fanales consecrationes; hoc enim est se divinis immiscere. Privat etiam communibus suffragiis Ecclesiæ, quæ à Clericis ut

Ecclesiæ Ministris pro fidelibus offeruntur, prout sunt Missæ, Horæ Canonice, publicæ Processiones, fructus Indulgentiarum &c. quare ea illi applicans graviter delinquit. Licitum tamen manet pro eo privatim orare, cum in Memento commendare, vel etiam ei fructum Missæ ex opere operantis applicare. Imò P. Lezana *loc. cit. n. 12.* asserit, morem piarum personarum offerentium sacrificium Missæ pro conversione hæreticorum laudabilem videri: etsi enim illi excommunicati sint, ac proinde pro ipsis ut talibus offerri nequeat; qui tamen offerunt pro ipsorum conversione, non tam offerunt pro ipsis, inquit, quàm pro destructione hæresis & excommunicationis; quod est conforme usus Ecclesiæ. Non potest tamen excommunicatus Missæ interesse; sed ab ea, si expelli non potest, cessandum est: in qua si Canon inchoatus sit, solus Sacerdos pergeret usque ad calicis sumptionem, & reliqua in Sacristia absolvet. Subintellige, si non toleratus censetur assistere moraliter; aliud enim est, si vel per Ecclesiam transcantant, vel obiter in ea privatim oret. Nec etiam potest Divinum Officium cum aliis legere, nec quidquam publice facere, quod à Ecclesiæ institutione solum à Clericis, ut publicis ministeri fieri potest. Potest tamen, & debet privatim suas Horas legere solus antea ad illas erat obligatus, dicens loco, *Domine vobiscum, Domine ex orationem meam.* Excusatur verò si die Festo Missam non audiat, eò quod ab hac audienda sit impeditus.

269. Privat insuper sepultura.

cl

clericâ, ac qui scienter eum sepe-  
liunt in loco sacro, majorem excom-  
municationem incurrunt. Ubi adver-  
te excommunicationem hanc solum  
incurri ab iis, qui propriis manibus  
cadaver excommunicati in sepul-  
chrum inferunt: quia omnes alii, nem-  
pe qui illud ad sepulchrum deferunt,  
qui fodiunt &c. propriè non sepe-  
liunt. Est etiam inhabilis ad beneficia  
suscipienda & conferenda, sicut ad  
recipiendos fructus eorum: item ad  
Ordines Ecclesiasticos & actus illo-  
rum. Deinde privatur à communione  
forensi, hoc sensu, quod non possit ef-  
fe Judex, Advocatus, Actor &c. nisi  
pro se in causa excommunicationis: i-  
tem à communione civili; eò quod  
non possit cum aliis baptizatis, etiam  
excommunicatis, nec alii cum ipso  
communicare in humana societate, v.  
g. per salutationes, litteras, commer-  
cia, cohabitationem, mensam, &c. nisi  
per accidens in eandem mensam &c.  
coincidant: in civilibus tamen sic  
communicans solum venialiter delin-  
quit. Adde, eum, qui adit templa ha-  
reticorum & eorum ritibus ex curiosi-  
tate v.g. interest, non peccare præcisè  
propter talem communicationem;  
suppono enim illos non esse excom-  
municatos denunciatos, seu vitandos.  
Vide circa hæc omnia Lezanam ver-  
bo *Excommunicatio*, & Cornejo locis  
ab ipso citatis.

Peteshic fortè, quid debeat facere  
inferior, cui superior excommunica-  
tus denunciatus aliquid præcipit; Te-  
netur non obedire, quia aliàs com-  
municaret cum illo, & recognosceret  
in eo potestatem jurisdictionis, quam

Ecclesia ab illo abstulit. Excusaretur  
tamen à gravi culpa, si absque scanda-  
lo urbanitatis causa, & non animo o-  
bediendi faceret rem præceptam. Si-  
militer potest civis v. g. ab omni culpa  
excusari, qui cum Prætorie, Judice, aut  
Magnate excommunicatis denuncia-  
tis communicat resolutando ipsos, a-  
periendo caput, respondendo &c. ad  
vitandas rixas, inimicitias & damna,  
quia facile inciderent in manus illo-  
rum. Potest item mulier communica-  
re cum suo marito excommunicato  
vitando, ab eo debitum petere & red-  
dere &c. quia in cap. *quoniam multos*,  
11. q. 3. Papa dat uxori generalem licen-  
tiam communicandi cum illo sine li-  
mitatione. Idem dic de filiis & servis  
intuitu parentum, & dominorum, ex  
eodem cap. & ex cap. *Si verè de Sentent.*  
*excom.* Ex quo deduco etiam pupillum  
posse communicare cum suo tutore  
excommunicato, quia hic gerit vicem  
patris: si tamen ipsi non cohabitât, so-  
lum id potest in iis, quæ pertinent ad  
munus tutoris. Cæterum nullus tene-  
tur excommunicatum vitare cum gra-  
vi suo damno spiritali aut tempora-  
li.

270. Dico quartò, variis casibus  
possunt Episcopi absolvere ab excom-  
municatione & aliis censuris Papali-  
bus: impuberes scilicet mulieres, eos, qui  
ob inopiam aut morbum Papam adire  
nequeunt: si tamen impedimenta illa  
non sint perpetua, debent cum postea  
adire dum poterunt, sub pœna reinci-  
dentia. Deinde ex Trident. *sess. 24. cap.*  
*6.* possunt in quibusvis casibus occul-  
tis, id est non publicè notoriis, absol-  
vere subditos suos in foro conscientia.

per se vel suum Vicarium : in hæresis tamen crimine per se quidem, non tamen per Vicarium suum. Excipit ibid. Trident. casum homicidii voluntarii, & alios deducos ad forum conten-

tiosum, in quos Episcopi non habent potestatem. Adde ab excommunicatione minori absolvere posse omnes, qui habent potestatem in mortalia.

### §. III.

## De suspensione, & Interdicto.

271. **D**ico primò, suspensio est censura, qua persona Ecclesiastica impeditur à functionibus, quæ illi conveniunt ratione officii clericalis, aut beneficii. Sub *ly persona* comprehendente etiam Capitulum. Absolutè suspensus ab officio, impeditur ab omni exercitio Ordinis & jurisdictionis : suspensus verò ab aliquo officio tantum, impeditur exercere actus proprios illius officii, aut necessariò annexos. Suspensus à beneficio impeditur percipere fructus beneficii, etiam distributiones : item arcetur ab administratione temporali sui beneficii. Potest tamen, juxta quosdam, percipere fructus labori suo correspondentes, & qui darentur substituto ; eò quòd hi sint stipendium laboris. Item, juxta Lezanam, Cornejo & alios, si fuerit pauper, poterit recipere fructus necessarios ad sui sustentationem.

Suspensio non potest alicui particulari personæ imponi, nisi ob culpam propriam, & quidem gravem, si sit suspensio major, id est ab officio & beneficio, vel ab altero horum totaliter : quia hæc est pœna valde gravis. Secus dic de suspensione minori, id est ab uno effectu, ut ab unico actu eligendi,

vel à distributione unius horæ, vel etiam unius diei : quia hæc censetur pœna levis dumtaxat. Debet insuper dicta culpa esse extrema & consummata : pro quibus vide P. Lezanam verbo *Suspensio num. 3.*

272. Qui exercet actum à quo suspensus est, per se loquendo, peccat mortaliter, nisi levitas materiæ excuset : ac si sit actus ordinis, sit irregularis. Item actus exerciti à suspensio denuntiato, sunt invalidi, non verò à non denuntiato ; qui etiam licet illos exercet, dum à fidelibus ad hoc rogatur conformiter ad dicta de excommunicatione. Quid autem prohibeatur suspensio ab ingressu Ecclesiæ, constabit ex dicendis de interdicto ab ingressu Ecclesiæ, à quo parum aut nihil differt.

Nota hos esse casus magis obvios, in quibus censura suspensionis incurritur. Dum quis ante legitimam ætatem aut extra tempora sacros ordines suscipit, suspensus est ab ordinibus sic susceptis. Dum quis ordinatur per saltum, recipiendo ordinem superiorem prætermisso inferiori. Quando ordinatur ficto titulo patrimonii aut beneficii. Quando duos ordines sacros

reci-

recipit eodem die; vel unum ordinem per simoniam realem. Dum post contractum matrimonium, licet non consummatum, quis sacros ordines suscipit, suspensus manet ab ordinibus sic susceptis, & aliis suscipiendis, sicut ab omni officio & beneficio Ecclesiastico suscepto & suscipiendo. Item suspenditur Sacerdos, qui intuitu cuiusvis privilegii aut consuetudinis, benedicit sponsis, vel matrimonio jungit, sine licentia proprii Parochi eorum. Qui Missam à se inchoatam non complet. Qui sepelit publicum usurarium. Qui eligit indignum ad officium habens curam animarum annexam. Qui provocat ad duellum, vel acceptat. Qui asserit B. Virginem conceptam esse in peccato originali, &c. Addo, licet in absolutione à suspensione non requiratur forma determinata, necesse esse ut declaretur sufficienter effectus: est igitur hæc satis usitata. *Ego te absolvo à vinculo suspensionis, & restituo te executioni muneris tui, aut ordinis, aut tuo beneficio.*

Petes, quid sint depositio & degradatio?

273. Respondeo, depositionem esse pœnam Ecclesiasticam, quâ persona Ecclesiastica in perpetuum privatur omni officio & beneficio Ecclesiastico, retento solo privilegio canonis & fori. Degradationem verò, quâ depositus privatur solemniter vestibus, omnique signo Clericali, ac Privilegio canonis in perpetuum, traditurque puniendus brachio seculari. Neutra est propriè & strictè censura, ut supra n. 262. dictum est.

274. Dico secundò, interdictum

est censura aliquorum Sacramentorum usum, Officia Divina, & Ecclesiasticam sepulturam secundum seipsa prohibens. Per quam ultimam particulam differt ab excommunicatione, quæ prædicta prohibet prout pertinent ad fidelium communicationem: item à suspensione, quæ ea vetat, prout sunt actus alicujus ordinis vel officii. Interdictum aliud est locale, quo interdicitur ne in certo loco prædicta exerceantur: aliud personale, quò inhibetur, ne tali personæ prædicta concedantur: aliud mixtum, quo locus ipse & persona simul interdiciuntur.

275. Clericus violans interdictum, vel illicitè permittens violari, si ad eum pertineat regimen Ecclesiæ, per se loquendo, mortaliter delinquit, ac fit per se ineligibilis; præterquam quòd irregularitatem incurrat is, qui per actum Ordinis interdictum violat. Ipsi etiam Mendicantes excommunicationem incurrunt, si non servant interdictum, quod sciunt servari ab Ecclesia matrice. Quò autem, & ad quas personas se extendant generalia interdicta, Communitatis, aut Ecclesiarum Civitatis v. g. videre poteris in Lezana verbo *Interdictum* num. 4. Ubi num. 5. dicit, interdictò populo, non interdicti Regulares, sicut nec Clericos; quia populus absolute prolatus solùm accipitur pro laicis, præsertim in odiosis: ac licet interdictò Clero videantur quoque Religiosi interdicti, ut plures volunt, plures tamen adhuc oppositum sustinent: in quo, juxta Lezanam, tum attendendum est ad circumstantias & verba decreti interdicentis: pro quo, & aliis, eum consu-

per se vel suum Vicarium : in hæresis tamen crimine per se quidem, non tamen per Vicarium suum. Excipit ibid. Trident. casum homicidii voluntarii, & alios deducidos ad forum conten-

tiosum, in quos Episcopi non habent potestatem. Adde ab excommunicatione minori absolvere posse omnes, qui habent potestatem in mortalia.

### §. III.

## De suspensione, & Interdicto.

271. **D**ico primò, suspensio est censura, qua persona Ecclesiastica impeditur à functionibus, quæ illi conveniunt ratione officii clericalis, aut beneficii. Sub ly *persona* comprehendente etiam Capitulum. Absolutè suspensus ab officio, impeditur ab omni exercitio Ordinis & jurisdictionis : suspensus verò ab aliquo officio tantum, impeditur exercere actus proprios illius officii, aut necessariò annexos. Suspensus à beneficio impeditur percipere fructus beneficii, etiam distributiones : item arcetur ab administratione temporali sui beneficii. Potest tamen, juxta quosdam, percipere fructus labori suo correspondentes, & qui darentur substituto ; eò quòd hi sint stipendium laboris. Item, juxta Lezanam, Cornejo & alios, si fuerit pauper, poterit recipere fructus necessarios ad sui sustentationem.

Suspensio non potest alicui particulari personæ imponi, nisi ob culpam propriam, & quidem gravem, si sit suspensio major, id est ab officio & beneficio, vel ab altero horum totaliter : quia hæc est pœna valde gravis. Secus dic de suspensione minori, id est ab uno effectu, ut ab unico actu eligendi,

vel à distributione unius horæ, vel etiam unius diei : quia hæc censetur pœna levis dumtaxat. Debet insuper dicta culpa esse extrema & consummata : pro quibus vide P. Lezanam verbo *Suspensio* num. 3.

272. Qui exercet actum à quo suspensus est, per se loquendo, peccat mortaliter, nisi levitas materię excuset : ac si sit actus ordinis, sit irregularis. Item actus exerciti à suspensio denunciato, sunt invalidi, non verò à non denunciato ; qui etiam licitè illos exercet, dum à fidelibus ad hoc rogatur conformiter ad dicta de excommunicatione. Quid autem prohibeatur suspensio ab ingressu Ecclesiæ, constabit ex dicendis de interdicto ab ingressu Ecclesiæ, à quo parum aut nihil differt.

Nota hos esse casus magis obvios, in quibus censura suspensionis incurritur. Dum quis ante legitimam ætatem aut extra tempora sacros ordines suscipit, suspensus est ab ordinibus sic susceptis. Dum quis ordinatur per saltum, recipiendo ordinem superiorem prætermisso inferiori. Quando ordinatur ficto titulo patrimonii aut beneficii. Quando duos ordines sacros

reci-

recipit eodem die; vel unum ordinem per simoniam realem. Dum post contractum matrimonium, licet non consummatum, quis sacros ordines suscipit, suspensus manet ab ordinibus sic susceptis, & aliis suscipiendis, sicut ab omni officio & beneficio Ecclesiastico suscepto & suscipiendo. Item suspenditur Sacerdos, qui intuitu cuiusvis privilegii aut consuetudinis, benedicit sponsis, vel matrimonio jungit, sine licentia proprii Parochi eorum. Qui Missam à se inchoatam non complet. Qui sepelit publicum usurarium. Qui eligit indignum ad officium habens curam animarum annexam. Qui provocat ad duellum, vel acceptat. Qui asserit B. Virginem conceptam esse in peccato originali, &c. Addo, licet in absolutione à suspensione non requiratur forma determinata, necesse esse ut declaretur sufficienter effectus: est igitur hæc latus usitata. *Ego te absolvo à vinculo suspensionis, & restituo te executioni muneris tui, aut ordinis, aut tuo beneficio.*

Petes, quid sint depositio & degradatio?

273. Respondeo, depositionem esse pœnam Ecclesiasticam, quâ persona Ecclesiastica in perpetuum privatur omni officio & beneficio Ecclesiastico, retento solo privilegio canonis & fori. Degradationem verò, quâ depositus privatur solemniter vestibus, omnique signo Clericali, ac Privilegio canonis in perpetuum, traditurque puniendus brachio seculari. Neutra est propriè & strictè censura, ut supra n. 262. dictum est.

274. Dico secundò, interdictum

est censura aliquorum Sacramentorum usum, Officia Divina, & Ecclesiasticam sepulturam secundum seipsa prohibens. Per quam ultimam particulam differt ab excommunicatione, quæ prædicta prohibet prout pertinent ad fidelium communicationem: item à suspensione, quæ ea vetat, prout sunt actus alicujus ordinis vel officii. Interdictum aliud est locale, quo interdictur ne in certo loco prædicta exerceantur: aliud personale, quo inhibetur, ne tali personæ prædicta concedantur: aliud mixtum, quo locus ipse & persona simul interdicuntur.

275. Clericus violans interdictum, vel illicitè permittens violari, si ad eum pertineat regimen Ecclesiæ, per se loquendo, mortaliter delinquit, ac fit per se ineligibleis; præterquam quòd irregularitatem incurrat is, qui per actum Ordinis interdictum violat. Ipsi etiam Mendicantes excommunicationem incurrunt, si non servant interdictum, quod sciunt servari ab Ecclesia matrice. Quò autem, & ad quas personas se extendant generalia interdicta, Communitatis, aut Ecclesiarum Civitatis v. g. videre poteris in Lezana verbo *Interdictum* num. 4. Ubi num. 5. dicit, interdictò populo, non interdicti Regulares, sicut nec Clericos; quia populus absolute prolatus solum accipitur pro laicis, præsertim in odiosis: ac licet interdictò Clero ut deantur quoque Religiosi interdicti, ut plures volunt, plures tamen adhuc oppositum sustinent: in quo, juxta Lezanam, tum attendendum est ad circumstantias & verba decreti interdicentis: pro quo, & aliis, eum consule;



le; nos enim, maximè hîc, brevitati studemus, cum hæc rarò in praxi occurrant. Applica interim cum proportionem interdicto ea, quæ in particulari diximus de suspensione.

Petes quid sit cessatio à divinis?

276. Respondeo eam esse desistentiam ab Officiis divinis & aliquorum Sacramentorum administratione decretam in certum locum. Hæc non est propriè censura ( ut suprà n. 262. dixi-

mus ) per quod ab interdicto differt. Neque etiam supponit peccatum: sed simpliciter decernitur in signum gravissimi mœroris ob enormem injuriam factam Ecclesiæ. Clericus eam violans, licet peccet graviter, non incurrit tamen irregularitatem &c. Causa finalis hujus, sicut & interdicti, est relapsio, seu emendatio illius, cujus causâ ponuntur.

## §. IV.

### De Irregularitate.

277. **D**ico primò, irregularitas est canonicum impedimentum directè impediens susceptionem ordinum, & horum usum. Unde mulier non est ejus capax. Nec est propriè censura, sed moralis inhabilitas seu ineptitudo ad prædicta, abstrahendo quodd sit vel non sit pœna: dividitur enim in eam, quæ procedit ex defectu; & eam, quæ ex delicto; cujus utriusque causâ finalis est reverentia ordinum, & functionis eorum. Nulla irregularitas incurritur, nisi in Jure Canonico expressa fuerit: nec aliqua ex delicto incurritur, saltem probabilius, nisi ob peccatum mortale exterius consummatum, consequenter ad ante dicta: & ignorantia ab hac etiam pariformiter excusat.

278. Dico secundò, species irregularitatis ex defectu, ad quatuor reduci possunt. Prima est ex defectu natalium: ob quem primò omnes illegitimi sunt irregulares, nisi legitimentur

per sequens matrimonium; vel nisi sint ex matrimonio in facie Ecclesiæ contracto, bonâ fide putato vero. Potest tamen Episcopus dispensare cum irregulari occulto. Illegitimis annuerandi sunt expositi; quorum parentes ignorantur. Quomodo autem hæc irregularitas tollatur per professionem in Religione? Vide apud Lezannam verbo *Illegitimi* num. 17.

179. Secunda species est ex defectu Sacramenti, scil. bigamia, quia ponit defectum significationis conjunctionis Christi cum Ecclesiâ, quæ est unica. Sic bigamus in ordine ad hunc effectum est, qui bis verè re ipsâ contraxit & consummavit matrimonium: qui duxit viduam vel corruptam ab alio, & qui cognoscit suam post adulterium: quæ vocantur bigamia interpretativa. Item qui committit bigamiam similitudinariam, id est, dum Religiosus post professionem matrimonium atten-

tar,

rat, & consummat, etiam cum virgine.

280. Tertia ex defectu perfectæ lenitatis, v.g. ex occisione, vel mutilatione, etiam iusta, in iudicio, bello &c. ut patet ex cap. 3. *Ne Clerici*, & aliis iuribus. Unde Iudex proferens sententiam mortis aut mutilationis, & omnes ad ejus executionem cooperantes, sunt irregulares. Non tamen reum nudè accusans ut sua recuperet, sic, ut non appareat, eum appetere ejus sanguinem. Nec etiam Clericus, qui supphicio assistit ut merus spectator: vel indeliberatè & inadvertenter accelerat mortem, reum hortando, ut scalas ascendat, ut adiectum caput supponat &c. Si verò illa fiant cum advertentia & reflexione, non excusatur juxta multos: quidquid cum adhuc illo casu excuset Franciscus B. Spei cum Diana; quia tunc non intervenit lenitatis defectus, sive mansuetudinis, aut ratio delicti. Idem docet Burghaber *Centur. 1. casu 53.* post Hurtado & Vasquez dicens, *in prædicto cap. 3.* & aliis iuribus, ubi mentio fit hujus irregularitatis, solum illos comprehendere, qui ad homicidium aut mutilationem concurrunt vel ut publici ministri Justitiæ, sive ad causæ probationem, sive ad executionem; vel ut privati injustè & cum peccato: quod peccatum vult Gobat debere esse mortale injustitiæ, ut in *Alphab. Ordin. casu 17. num. 668.* dicit se alibi autoritate & ratione probasse. Quare non est, quòd irregularitatem timeant illi, qui infirmis assistunt, eosque in lecto movent, quamvis per accidens in motu isto moriantur, ut loquitur P. Franc. *de Jure*

& *Inst. disp. 19. nu. 132.* Est tamen, quòd timeant illi, qui contra expressam ordinationem Medicorum porrigunt infirmis vinum moti horum precibus: quia illos incurrere irregularitatem, si per hoc sint causa mortis saltem notabiliter accelerandæ, docent varii apud dictum Burghaber *Centur. 2. casu 47.* Nec immeritò, cum hic Author doceat, hoc facientes peccare mortaliter in posito casu. Vide & alia particularia apud Lezanam hîc *num. 25. 26. & seq.* Ac licet occidens in bello iusto offensivo fiat irregularis, non tamen in defensivo, quamvis esset Clericus: in bello autem injusto etiam mandantes & cooperantes sunt irregulares. Ut autem irregularitas contrahatur ob aliquod opus, requiritur, ut illud sit consummatum, & commissum post Baptismum.

281. Quarta species irregularitatis ex defectu, provenit ex defectu corporis & animi: ex quo fit irregularis qui caret ætate à jure ad singulos ordines requisitâ: item qui caret manu, pollice, aut digitis necessariis ad elevandam vel frangendam Hostiam. Qui est ita mancus, ut sine fulcris altari adstare non possit. Carens oculo, præsertim sinistro. Hi defectus impediunt susceptionem omnium ordinum: si verò ordinatis supervenerint, possunt adhuc eos ordinis actus exercere, ad quos non censentur inhabiles. Adde etiam epilepticum esse irregularem, si saepe cadat. Item & mancipium. Insuper ex defectu usus rationis, scientiæ, aut litteraturæ irregularis est, dum ideo impeditur ordinis rectè exercere: neque hæc irregularitas tolli

po-

potest nisi ipse usus rationis, scientia, aut litteratura adveniant. De hermaproditis, vide Lezanam hîc *num.* 13.

282. Dico tertio, species irregularitatis ex delicto etiam sunt quatuor. Prima est ex illicita collatione vel susceptione Baptismi: ut si quis permittat se rebaptizari, vel sine necessitate finit se ab hæretico baptizari.

283. Secunda est, ex mala susceptione vel usu ordinum. Sic furtivè ordinatus est irregularis, ut ordines superiores non possit suscipere. Qui durante matrimonio ordinatus est extra casus jure permisso. Qui in excommunicatione majori ordinatur, saltem probabiliter. Clericus exercens ordinem, quem non habet, scilicet solemniter: & illicitè solemniter exercens aliquem actum ordinis in censura. Ubi adverte eum, qui falsò judicans se esse excommunicatum, celebrat v.g. non incurrere irregularitatem (quavis æquè graviter delinquat ac si in excommunicatione celebraret) ob rationem datam §. 1. *num.* 264. circa finem.

284. Tertia est ex homicidio vel mutilatione injusta. Unde homicida voluntarius, sive per se sive per alium, mandando, consulendo, auxiliando, etiam cum pluribus, sit irregularis: etiam in dubio, an ex tuo vulnere, an aliunde mors secuta sit, propter specialem juris in hoc constitutionem. Non incurritur tamen irregularitas dum homicidium est prorsus casuale, quod neque in se, neque in causa est voluntarium; ut dum quis ex vulnere non mortali, malitiâ aut negligentia chyrurgi, temeritate ipsius læsi vento se exponentis, &c. moritur. Vel si dans

operam rei licitæ, aut illicitæ, sufficientem adhibuit cautionem, ne aliquid incommodi inde sequeretur, aliquid casu occidat. Ita Francisc. B. Spei suprà *num.* 129. Adde non fieri irregularem, qui alterum occidit cum moderamine inculpatae tutelæ. Bene qui alterum mutilat injustè quoad membrum notabile, v.g. pedis amputatione: non tamen digiti, nisi proprii, ex jure speciali.

285. Quarta species est illa, quæ procedit ex delictis infamibus infamia juris vel facti, id est, quæ vel per sententiam Judicis, vel per crimen notorium incurritur: qualis infamia incurritur per crimen læsæ Majestatis, sodomiam, hæresim, &c. Addo tamen, teste Gobat, Giballino, & aliis, hæresim non parere infamiam in Germania, ibique filium hæretici parentis ad fidem orthodoxam conversum non esse pro irregulari habendum. Vide Gobat in *Alphab. Ordin. casu* 17. *num.* 655. qui *num.* 653. docuerat notatum infamiâ à civili Magistratu non manere irregularem, si hic cum postmodum pristinae fidei restituitur: ejusdem enim, inquit, est absolvere, cujus ligare: in quo pro se citat Suarez.

286. Ceterùm irregularitas non irritat ordinem susceptum: quia Ecclesiam non potest impedire valorem, quem Sacramenta habent Jure divino, sed facit ut suscipiens, etiam ordines minores, mortaliter delinquat. Ita P. Lezana verbo *Irregularitas num.* 5. addens, quamvis verior sententia sit, irregularitatem impedire susceptionem primæ tonsuræ, eò quòd ipsa etiam

iam veniat nomine ordinis, vel saltem sit inchoatio & dispositio ad illum: nihilominus non est improbabilis sententia contraria, posito quod non sit ordo; quia in odiosis ampliare non debemus. Ita ille, post Dianam. An verò dicendum sit, Legislatorem Ecclesiasticum velle obligare sub mortali, dum aliquid præcipit vel prohibet sub pœna irregularitatis? Respondi probabilius affirmativè, *tract. 2. disp. 3. num. 22.* pro quo ibid. dicta consule.

Peres, quis in irregularitatibus dispensare valeat?

287. Resp. in irregularitate ex homicidio voluntario solus Pontifex; per accidens tamen in necessitate etiam Episcopus; sicut & potest dispensare in omni irregularitate ex delicto occulto. Quod extendere ad eam quæ

provenit ex mutilatione voluntaria, ex bigamia interpretativa, & similitudinaria. Non potest tamen Episcopus dispensare in irregularitatibus quæ non proveniunt ex delicto, ut v. g. ex defectu perfectæ lenitatis, bigamia vera &c. etiam occultis. Nec qui sunt privilegiati quoad absolutionem à censuris, idèò censendi sunt posse absolvere ab irregularitatibus, quæ sunt multò difficilioris relaxationis. Pro particularioribus consule P. Lezannam: nobis enim hæc pauca, quæ de censuris hic posuimus, cum iis, quæ de illis hinc inde per occasionem, in decursu hujus nostræ Theologiæ referimus, ad intentum sufficiunt. Sed ne quidquam desit, de quo postmodum non se offeret tractandi occasio, sit

## DVBIVM DVODECIMVM.

### De Indulgentiis.

288. **S**uppono, de fide esse, quod de-  
stat Purgatorium, ex Trident.  
*sess. 6. can. 3.* Quod & à variis Contro-  
versistis ex pluribus locis Scripturæ  
probat; quos cum opportunitate  
legere poteris. Nominè autem Pur-  
gatorii intelligitur locus vel status, in  
quo iustorum animæ nondum purga-  
tæ post hanc vitam satisfaciuntur,  
quoadusque totaliter expiatae in cœ-  
lum intromittantur. Animas illas in-  
ibi detentas posse viventium suffra-  
giis juvari, etiam fidei est ex eodem  
Trident. in *Decreto de Purgatorio*; id-  
eum partim per modum satisfactionis,

unde maximè juvant opera pœnalia,  
partim per modum impetrationis,  
qualiter illis profunt orationes ab Ec-  
clesiâ ordinatæ, maximè cum ex Ec-  
clesiâ sensu, eadem animæ per inter-  
cessionem Sanctorum juvari possint,  
quod non videtur aliter posse fieri  
quàm per modum impetrationis. Per  
suffragium ergo hic intellige auxi-  
lium, quod unus fidelis præstat alteri  
ad obtinendam à Deo remissionem  
pœnæ temporalis, quale v. g. est ora-  
tio, jejunium, &c. sed maximè sacrifi-  
cium Missæ (de quo suprâ satis) & In-  
dulgentiæ. De quibus hic

P p p p

289. Di-

289. Dico primò, Indulgentia est relaxatio pœnæ temporalis Deo debita ob peccata dimissa, extra Sacramentum facta ab Ecclesiæ Prælatiis, per applicationem thesauri Ecclesiæ. Ita N. Hieronymus Gratianus *tract. de Iubilæo part. 1. cap. 4.* & Lezana verbo *Indulgentia num. 2.* Thesaurus autem Ecclesiæ comprehendit satisfactiones Christi, & Sanctorum, quibus non indiguerunt: sicut enim in Repub. bene ordinata est aliquis thesaurus, sive acervus pecuniæ à Principe civibus distribuendæ; ita in acceptatione divina reservatur infinitus cumulus meritorum & satisfactionum Christi & Sanctorum, ex quo Prælati Ecclesiæ fidelibus Indulgentias concedunt.

290. Dico secundò, Indulgentia alia est plenaria seu totalis, per quam remittitur tota pœna temporalis debita in Purgatorio: alia est non plenaria, seu partialis, qua solum pars dictæ pœnæ remittitur, v. g. medietas unius anni &c. Quod non intelligitur, quasi remitteretur unus annus pœnæ purgatorii; sed quòd remittatur pœna correspondens pœnitentiæ, quæ juxta canones antiquos propter peccata imponebatur ad unum annum; qualiter etiam *Quadragesima*, seu indulgentia 40. dierum sumitur pro ea, quâ remittitur pœna correspondens pœnitentiæ 40. dierum.

291. Dico tertio, in concedente indulgentiam requiritur potestas illam concedendi, quæ primariò residerit in solo Papa; in aliis verò Prælatiis, non nisi quatenus ab ipso iis conceditur. Conceditur autem Episco-

pis cap. *cum ex eo de Pœnit. & remiss.* in dedicatione Ecclesiæ unum annum, & aliis occasionibus quadraginta dies indulgentiarum elargiri. Pro aliis Prælatiis, vide Lezanam *num. 4.* Insuper etiam requiritur iusta causa & rationabilis; non solum, ut indulgentia licitè; sed etiam, ut validè concedatur: quare axioma, *indulgentia tantum valent quantum sonant*, intellige, suppositâ sufficienti potestate in concedente, & debitâ proportionem causæ.

292. Dico quartò, ut quis lucratur indulgentiam, debet esse baptizatus; quia Thesaurus Ecclesiæ non distribuitur nisi inter Ecclesiæ membra. Insuper etiam requiritur status gratiæ, quavis tamen opera præscripta non debeant necessitati fieri in gratia; ut patet in jubilæo, quod quis lucrari potest, licet solum ultimum opus requisitum fiat in gratia: ex quo sequitur, ut quis alteri lucratur indulgentiam, non requiri gratiam in promerente. Hinc si in Bulla dicatur, *qui dederit talem elemosynam, liberabit unam animam expurgatorio*, dando illam etiam in malo statu, potest unam animam liberare; quia scilicet sufficit, quòd indulgentiam suscipiens sit in gratia, prout docet Lezana *suprà num. 5.* Gratianus, & alii.

293. Quando in Bulla requiritur confessio per modum dispositionis ad gratiam, illa non est necessaria in gratia jam existenti; secus si confessio requiratur ut conditio: quidquid Mercerus dicat, nunquam confessionem requiri ut conditionem; eò quòd confessio nunquam soleat ab Ecclē-

Ecclē-

Ecclesia injungi, nisi in quantum necessaria est ad statum gratiæ. Sic etiam sentit Burghaber *Centur. 2. casu 26.* Addens, quamvis confessio exigeretur ut conditio, adhuc aliquem satisfacere per confessionem (& idem est de communione) factam die præcedente; eò quòd censetur facta moraliter intra requisitum tempus, in quantum facta est proximè ante: nec enim verba Bullæ mathematicè explicanda sunt, inquit, sed moraliter; prout ait patere ex usu fidelium, qui dum manè confessi sunt & communicarunt, vespere vadunt ut lucrentur indulgentias in Ecclesiis ubi à primis vespers alicujus festi indicuntur. Cæterum impleris operis præscripti est conditio, sinè qua non obtinetur indulgentia, quamvis ex ignorantia vel impotentia omitatur. Non debet tamen necessariò opus esse bonum in individuo, sed etiam vitiatum conducit ad finem indulgentiæ: ut si requiratur elemosyna pro reparatione templi v.g. & illa detur ex vana gloria: quòd si præscribatur ad placandum Deum, videtur tunc injectum opus debere esse bonum in individuo; quia aliàs non conducit ad intentum finem, quidquid contradicat Suarez.

294. Adde primò, opus non debere fieri ex speciali intentione lucrandi indulgentiam, sed sufficere si fiat ex interpretativa, ut patet in defunctis. Hinc qui orat in Ecclesia aliqua pro concordia Principum Christianorum, Hæresum extirpatione &c. lucratur indulgentiam illi Ecclesiæ concessam pro taliter orantibus, etsi

ipse id ignoret: sufficit enim ex parte operis illud dirigì ad finem indulgentiæ. Imò nec hoc videtur semper esse necessarium, habenti v.g. numisma benedictum, qui in morte simpliciter nomen Jesu devotè pronuntiando potest dici lucrari indulgentiam, si hæc illi numismati sit concessa.

295. Adde secundò, juxta aliquos, si opus sæpè iterari non possit, ut v.g. communio, & certà die ob diversas rationes diversæ indulgentiæ sint concessæ visitantibus eandem vel diversas Ecclesias, te posse per idem opus plures indulgentias lucrari, modò eà devotione opus facias, quæ utrique indulgentiæ sit proportionata; quod & verum esse videtur, licèt opus iterari possit, dum plures indulgentiæ in eadem Ecclesia ob eandem rationem v.g. concessæ sunt.

296. Adde tertio, indulgentias non solum posse concedi vivis, sed etiam mortuis, prout definitum est à Leone X. contra Lutherum, & constat ex praxi Ecclesiæ. Diversimodè tamen his & illis conceduntur: vivis enim conceduntur per modum judicialis absolutionis, quæ est actus jurisdictionis in subditis, quo Papa indulgentiam concedens verè absolvit lucrantem à tali pœna. Ast cùm defuncti sint extra forum Ecclesiæ, non sunt amplius hujus subditi; adeoque his conceduntur indulgentiæ solum per modum suffragii seu solutionis factæ Deo per oblationem satisfactionum Christi & Sanctorum ex Thesauo Ecclesiæ. Ita P. Lezana n. 5. post Gratianum: qui idem Lezana hæc subjungit, licèt indulgentia pro

vivis semper, & infallibiliter habeat suum effectum positus omnibus requisitis, non sic tamen indulgentia pro defunctis, eò quòd liberum sit Deo admittere solutionem dictam seu commutationem, vel non; nec enim ad hoc obligatus est ex natura rei, nec vi alicujus promissionis: unde solum habet suum effectum juxta Dei beneplacitum, attentis tamen meritis illorum pro quibus applicatur, dum erant in vita, juxta doctrinam S. Augustini in *lib. de cura pro mortuis*. Idque confirmat communis aestimatio fidelium, qui etsi indulgentiam uni defuncto applicaverint, v. g. unam Missam in altari privilegiato, non propterea cessant ab aliis Missis & suffragiis ei applicandis. Hæc & alia ille *loc. cit.* quidquid oppositum etiam judicet probabile: & Franc. B. Spei *de Relig. disp. 2. num. 18.* dicat, Missas pro animabus Purgatorii oblatas, infallibiliter illis ex opere operato prodesse.

Petes, an indulgentiæ concessæ vivis possint à persona particulari applicari animabus purgatorii. Affirmat Gobat in *Thesauro Indulg. l. 2. c. 21. q. 61. n. 466.* Sed ego id nego cum Burger habet *Centur. 1. casu 72.* & alii communiter: tum quia forma concessionis pro vivis, utpote per modum absolutionis, ut dictum est, excludit defunctos: tum quia indulgentia pendet à voluntate concedentis, ut non possit alteri applicari, nisi qui ipse concesserit: tum etiam quia praxis Ecclesiæ habet, ut semper fiat specialis mentio animarum, dum ipsis vult Sum-

mus Pontifex indulgentias applicari.

297. Pro cæteris particularioribus Consule Lezanam: & nominatim pro indulgentiis variis concessis Regularibus à *num. 6.* De concessis Confratribus & Confraternitatibus *num. 17.* De iis, quæ conceduntur medallibus seu numismatibus *n. 19.* Quæ concessæ sunt recitantibus *ter Ave Maria*, cum tribus illis Antiphonis *Angelus Domini &c. Ecce Ancilla Domini &c. & Verbum caro &c.* ad tria signa campanæ *n. 20.* ubi ostendit has esse plenarias. Circa indulgentias stationum denique vide eum *num. 21.* Sed specialiter quoad singularem illam indulgentiam seu privilegium, quò ab Alexandro V. Clemente VIII. Pio V. & Gregorio XIII. decernitur, B. Virginem animas Fratrum & Confratrum suæ Sodalitatis Sacri Scapularis in charitate decedentium &c. suis intercessionibus continuis, suffragiis & meritis, in Thesauro Ecclesiæ relictis, ac speciali protectione, primò post transitum Sabatho adjuvare & è purgatorio liberare: Vide Franciscum Bonæ Spei *de Relig. supr. num. 19. & seq.* Ubi respondet aliquibus objectionibus; & efficacissimè refellit Thomam Hurtadum dicentem, *Hoc Scapularis Privilegium non esse predicandum populo, & hoc publicare esse magnum scandalum*, verbis insignis illius Societatis Jesu Historiographi Theophyli Raynaudi in suo Scapulari Partheno-Carmelitico *par. 2. q. 5.* ubi sic ait: *At audi, quid è contrario tradat Paulus V. in Decreto, lato anno 1613. contra Inquisitorem Avenionensem,*

*nensem, obstrepentem Carmelitanis propo-  
nentibus pro suggestu hoc privilegium. Per-  
mittatur Patribus Carmelitanis Præ-  
dicare, quod populus Christianus pos-  
sit piè credere de adjutorio animarum  
Fratrum & consororum Sodalitatis  
Beatæ Virginis de Monte Carmeli, vi-  
del. B. Virginem animas Fratrum &  
Sororum in Charitate decedentium,  
quæ in vita habitum gestaverint, suis*

*intercessionibus continuis, piisque  
suffragiis, & meritis, speciali prote-  
ctione, post earum transitum, præci-  
puè in die Sabbathi, adjuturam. Hæc  
postrema habet etiam Gregorius XIII. in di-  
plomate Anni 1577. Liqueat ergo Hurta-  
dum corrigere decretum Pontificium &c.  
Alia vide apud ipsum Authorem, vel  
P. Franciscum loc. cit. & sit*

# DISPUTATIO VI.

## De extrema Unctione.

### D V B I V M I.

#### De institutione & materia illius.

**I.** Dico primò, extrema Unctio  
(quam, verum esse novæ legis  
Sacramentum, definit Tridentinum  
post alia Concilia) est instituta à  
Christo Marci 6. ubi dicitur, quod  
Christus miserit discipulos suos, & un-  
gebant oleo multos ægros, & sanabant.  
Exercitium verò hujus Sacramenti  
postmodum promulgavit S. Jacobus  
in sua Canonica *cap. ult.* dicens, *In-*  
*firmatur quis in vobis? inducat Presbyte-*  
*ros Ecclesia & orent super eum, ungentes*  
*eum oleo in nomine Domini &c.* Ita do-  
cet Bacho in 4. *distinct. 23. quæst. unica*  
*art. 1.* quidquid Bassæus dicat, non  
constare quandonam hoc Sacramen-  
tum fuerit institutum: & Fulien-  
sis asserat, id vix certò determinari posse,  
esseque verò simile, Christum in nocte  
Cœnæ docuisse Apostolos modum

observandum in hujus Sacramenti ad-  
ministratione. Describitur autem ex-  
trema Unctio à D. Thoma in 4. *distinct.*  
*23. quæst. 1. art. 1.* Sacramentum à Chri-  
sto institutum ad ægroto de vita pe-  
riclitanti conferendam salutem animæ  
vel etiam corporis, per unctionem o-  
lei benedicti & orationem Sacerdotis:  
quæ descriptio cum aliorum defini-  
tione coincidit, quam tradit Bassæus  
verbo *Extrema unctio cap. 1. num. 2.* Se-  
cundum Franc. B. Spei, est unctio ex oleo  
olivarum, in sensibus moribundi, à sacerdo-  
te facta, sub præscripta verborum forma.  
Breviorem tradit Hurtado, dicens, *est*  
*Sacramentum confortativum ad spem vitæ*  
*æternæ: quam sufficientem vocat Go-*  
*bat in Alphab. Ordin. casu 21. num. 780.*

2. Dico secundò, materia hujus Sa-  
cramenti remota est oleum olivarum

P P P P 3 ab



ab Episcopo consecratum; quod ex communi Ecclesiæ usu singulis annis renovari debet: quia tamen de hoc ultimo non exstat præceptum, saltem expressum, ut testantur Henriquez & Naldus apud P. Lezanam verbo *Extrema unctio num. 13.* potest in mortis articulo ungi æger oleo veteri, prout declaratum esse à sacra Episcoporum congregatione, tradunt Gavantus, Sa, & Diana apud eundem Lezanam, qui ibid. docet, idem dicendum esse in casu quo Episcopus oleum novum non misisset, vel juxta morem patriæ petentibus aut quærentibus non dedisset. Interim est peccatum extra casum necessitatis oleum alterius anni adhibere, ut DD. communiter tradunt apud Baslæum *suprà num. 4.* ubi dicit, hoc oleum debere esse simplex, quamvis tamen modica admixtio alterius liquoris non destruat olei naturam: imò, inquit, usus Ecclesiæ obtinuit, ut in necessitate oleum non consecratum misceatur consecrato: utrumque enim per admixtionem censetur consecratum. Attamen Marchant orat Episcopos, ut majori in quantitate distribuant oleum consecratum, ne per incautam admixtionem materia hujus Sacramenti reddatur dubia; & meritò; quia non parum anxietatis adfert mihi & ipsi dicta mixtio: quidquid unus aut alter apud Dianam *part. 11. tract. 3. resol. 15.* non sint scrupulosi, licet oleum non consecratum admisceatur in majori quantitate quàm sit oleum consecratum, saltem si mixtio fiat sensim. Vide Franc. B. Spei de *extrema Unct. disp. 1. num. 7. & seq.* Quòd verò oleum ne-

cessariò debeat esse benedictum ab Episcopo, clarè colligitur ex Conciliis Florentino & Tridentino, quorum utrumque dicit, materiam hujus Sacramenti esse oleum ab Episcopo consecratum seu benedictum: per quæ verba indicatur æquè necessariam esse Episcopi benedictionem, ac ipsum oleum. Unde meritò Diana *part. 10. tract. 16. resol. 81.* rejicit sententiam Martinon dicentis, sufficere oleum benedictum à Sacerdote ex commissione Episcopi: imò & non benedictum adhiberi posse in casu necessitatis: quam sententiam rejiciunt omnes, eamque Magister Sacri Palatii delevit ex Aphorismis Emanuelis Sa, ut restatur idem Diana; quem vide etiam *tract. 12. resol. 32. in fine.*

3. An sufficiat unica gutta olei benedicti ad quaecumque unctionem? Colliges ex dictis suprà de materia Baptismi.

4. Dico tertiò, materia proxima hujus Sacramenti est ipsa unctio: probatur, quia in omnibus aliis Sacramentis, quæ in usu consistunt, proxima materia est applicatio, sive ipse usus materiarum remotarum.

5. Adverte ex Florentino ordinariè debere adhiberi septem unctiones, videl. oculorum, narium, aurium, oris, manuum, pedum, & renum. Dico ordinariè; quia imprimis unctio renum omittitur in fœminis propter honestatem; imò & in Religiosis, licet apud nos oppositum fiat propter humilitatis exercitium, ut loquitur P. Lezana *num. 9.* ubi cum Naldo docet omitti posse etiam in viris secularibus, ubi ægrotus absque periculo moveri

non

non potest. Deinde sacerdotes ungenti non sunt in palma manus, sed in exteriori parte, eò quòd in sua ordinatione hoc semel factum fuerit. Ita communiter DD. si tamen contra-

rium esset consuetudine receptum, observari posset juxta eundem Lezanam; quia hæc unctio est diversa ab alia.

## DVBIVM, SECVNDVM.

*Qualis Unctio fiat: & an Parochus eam semper conferre teneatur?*

6. Dico primò, cùm juxta plurimorum sententiam apud Dianam *loc. cit. resol. 168.* & juxta Universitatis Lovaniensis declarationem ac Pastorale Mechliniense, simpliciter loquendo, sufficiat unica unctio in uno vel altero sensu magis exposito sub hac forma: *Per istam sanctam Unctionem, & suam piissimam misericordiam, parceat tibi Deus quidquid deliquisti per visum, gustum, odoratum, tactum, & gressum*; tutum est in praxi unicam unctionem adhibere sub dicta forma, dum adest periculum contagionis, vel necessitas. Ratio est, quia cùm anima sit tota in toto, & tota in singulis membris, quamvis actus sensuum in singulis membris non exercentur, unica unctio perficitur quod significatur; nam unctio ad sensus ipsos effectum spirituali non terminatur, sed ad ipsam animam. Interea adhuc monet P. Lezana n. 7. etiam tunc in mente retinendam esse hanc conditionem, *si licitè possum*, vel aliam similem; addens probabilius in dictis casibus sufficere dictas unctioes quinque sensuum fieri in unico ipsorum organo, scilicet in

uno oculo, una manu, &c. quia hoc sufficit ad significationem Sacramenti, & à præcepti seu consuetudinis in contrarium obligatione excusat necessitas: cum Lezana in his convenit P. Franciscus. Hinc Diana dicit, se in casu dicto potiùs velocissimè sine crucis forma (quæ juxta dicenda debet adhiberi cùm potest) unum oculum, unam aurem &c. uncturum, dicendo *per istas sanctas unctioes & suam piissimam misericordiam indulgeat tibi Deus, quidquid per visum, auditum, tactum, odoratum, gustum & gressum deliquisti*. Attamen ego judico utrumque modum fore tutum: & addo, de necessitate Sacramenti non esse, ut dictæ unctioes fiant juxta ritum per Concilium Florentinum & Rituale Romanum præscriptum, ut videl. primò ungantur oculi, secundò aures &c.

7. Dico secundò, tempore pestis infirmus inungi potest virgâ oblongâ, lignèâ, argenteâ aut alterius materiæ: cùm enim hoc non sit contra reverentiam, videtur omnino ob vitandum mortis periculum debere excusari, quamvis aliàs ob communem usum

sum

sum Ecclesiæ digito inungi debeat. Ita Lezana & Diana; monet autem Sylvius, dictam virgam postea esse purgandam, atque in similem usum referendam si argentea sit. v. g. veligne comburendam, si sit lignea.

8. Dico tertio, controvertitur, an Parochus tempore pestis v. g. saltem dicto modo teneatur hoc Sacramentum conferre cum periculo vitæ? Sententiam affirmativam mordicus defendit Nugnus *par. 3. to. 2. qu. 33. art. 2. difficult. 3.* ubi oppositam vocat falsam & impiam: eam etiam sustinet Sylvius *par. 3. q. 32. art. 3.* sed oppositam defendunt ut probabilissimam Diana *part. 3. tract. 4. resol. 174.* & Villalobos, citantes Armillam, Suarez, & Molfesium: quibus accedit P. Lezana *num. 5.* docens, non teneri aliquem extremam unctionem ministrare cum periculo vitæ, nisi in casu quo infirmus nullum aliud Sacramentum suscipere valeret, eò quod hoc Sacramentum non sit de necessitate salutis aut præcepti divini. Verùm hac in parte mihi accomodè loqui videtur Jacobus Marchant *in Resol. Pastor. tract. 6. de Sacram. cap. 3.* ubi ait, Pastores hic non debent se facile excusare trepidantes ubi timor non est, aut ubi charitas debet foris pellere timorem: propter quod existimat, multas Synodos Diœcesanas in Belgio ordinare, ut parochi id muneri subeant etiam tempore pestis, prout ipso teste faciunt Synodi Cameracensis, Iprensis, Audomarenensis & Leodientis, supponentes ordinarij non adesse adeò magnum periculum mortis, quin vitari possit, tum per medicamenta

præservantia, tum providendo ut æger constituitur in loco ad quem securior sit accessus, tum utendo virgâ de qua supra: si tamen his omnibus adhibitis, Medicorum vel aliorum prudentum judicio adhuc morale periculum permaneret, dicit non obligari Parochos: quos revera nec ego obligo ob rationes ipsius; quidquid cum ipso asseram, magnæ perfectionis esse, si peritura vitæ contemnent periculum, ad id se Parochi resolvant ex fervore charitatis. Vide eum *loc. cit.* ubi remittit ad *lib. 4. vita Caroli Borromæi cap. 3.* optans ut omnes Episcopi dictum Sanctum imitentur, ut eorum exemplis Parochi succensi ad omnia promptos sese offerant absque stricto debito. His

9. Adde Sylvium supra satis probabiliter docere, teneri Parochum etiam cum certo vitæ periculo hoc Sacramentum administrare si infirmus recipere non potuerit Sacramentum Pœnitentiæ vel Eucharistiæ, quod idem diximus docere P. Lezanam, cujus nunc rationem subdo: quia juxta probatos auctores hoc Sacramentum potest per accidens causare primam gratiam; ex quo fieri posset ut infirmus per hoc Sacramentum salvetur, qui aliàs foret damnandus; putâ si moreretur cum sola attritione, haberetque peccatum mortale non confessum. Attamen quia probabilius, juxta dicta *de Eucharistia*, extrema unctio nunquam causat primam gratiam, puto etiam oppositum ejus, quod docent Lezana & Sylvius, esse probabile: quidquid putarem tunc Parochum obligari ad substituendum

dum aliquem alium qui hoc munere fungatur, si talem possit reperire, & ipse Parockus satis pingue recipiat stipendium ut hoc facere queat. Vide Franc. B. Spei *disp. 2. num. 6.* Addo extra casum similis periculi non de pleno satisfacere officio suo Parochum, qui ubi munierit moribundum, eum totaliter deserit, quod, pro dolor! nimis multi faciunt; cum tamen scriptum sit: *Vbi periculum majus*

*intenditur, ibi procul dubio est plenius consulendum. cap. 2. de elect. in 6.* Tantò autem majus periculum intenditur, quantò vicinior est mors, prout tunc maximè serpens tartareus insidiatur calcaneo morituriæ: quod bene observat Gobat in *Alphab. Ord. casu 22. n. 897.* qui & n. seq. monet Parochos in hoc negligentes verbis asperis desumptis ex Manuali Pastorum.

## DVBIVM TERTIVM.

### De forma & ministro Extrema-unctionis.

10. **D**ico primò, forma Extrema-unctionis est; *per istam sanctam unctionem & suam piissimam misericordiam indulgeat tibi Deus, quidquid deliquisti per visum &c.* Ita Concilium Florentinum & Tridentinum: unde omnes aliæ formæ, saltem substantialiter, quoad sensum debent cum hac convenire. Vide Dianam *par. 11. tract. 1. resol. 18.* ubi in uno omnium habes opiniones hac in parte: & adverte, ad unctiones singulorum sensuum deberi prædictam formam repeti, nominando solum illum sensum qui reipsâ inungitur, saltem extra casum necessitatis & periculum contagionis: idque sub mortali culpa, juxta omnes communiter. Hinc constat, formam hujus Sacramenti debere esse deprecatoriam, ut omnes communiter docent cum P. Francisco *disp. 1. n. 15.* cujus & ratio est; quia hoc Sacramentum confertur infirmis, qui utpote jam viribus destituti, indigent deprecatione

& oratione, sicut & misericordiâ & clementiâ Dei, quatenus eâ mediante de hac vita in vitam æternam transire possint: atque ided divina clementiæ commendantur, soliusque Dei misericordiæ relinquuntur.

11. An valeat hoc Sacramentum collatum per hanc formam, *ungo tuos oculos oleo benedicto in nomine Patris & Filii &c.* Controvertunt DD. in quo magis placet sententia negativa; quia, ut bene advertit N. Bacho in *4. distinct. 23. question. unicâ art. 3.* videtur id colligi ex verbis Jacobi dicentis, *Infirmatur quis in vobis, inducat presbyteros & orent super eum &c.* deinde ut idem Bacho probat, ejusdem Sacramenti non dantur diversæ formæ totales in sensu substantiali disconvenientes: interim hoc certum est, quòd prior semper sub peccato mortali servari debeat: vide Bachonem *loc. cit.* ubi ad id, quod objici posset, formam Ambrosianam esse indicativam, nempe, *ungo*

re &c. ut *suprà*; respondet indicationem affectus apud Deum esse orationem, prout ostendit in simili: unde si proferens dictam formam affectu deprecetur, videtur adhuc posse validè conferri Sacramentum: quamvis, ut dixi, in praxi alia forma servari debeat. Adde hæc verba, *per suam piissimam misericordiam*, item *per visum, auditum*, &c. non esse de essentia formæ, quia illis omisissis non destruitur substantialis verborum sensus: de necessitate tamen additur *per istam unctionem*; quia in hoc Sacramento debet necessariò exprimi illius materia proxima. Essentialis igitur forma hæc esse videtur, *per istam unctionem parcat tibi Deus quidquid deliquisti*; quamvis cætera sub mortalitè sint addenda. Non est tamen in præcepto, ut fiant unctiones cum efformatione Crucis, prout post Hurrado, Coninck, & Reginaldum observat Gobat.

12. Petes quid faciendum sit cum cæcis & mutis? Respondetur communiter inungi debere illam partem in qua naturaliter sensus esse debebat: ac si tales partes etiam desint, inungendas esse partes propinquiores: atque hoc sustinet Marchant in Tribunali, sicut & Valentia, licet fuerint cæci aut muti à nativitate; quia adhuc per internum desiderium secundum illos sensus potuerunt peccare: verùm Dicastillus apud Dianam *par. 10. tract. 16. resol. 81.* dicit, id gratis & sine fundamento in veritate verborum formæ asserti; qui enim, inquit, nunquam habuit oculos, nunquam peccavit per oculos; nec illa concupiscentia videnti, si peccatum fuit, fuit peccatum o-

culorum. Adde quòd unctio in alia parte omninò distincta non significet remissionem peccati commissi per eam partem, quæ non existit nec unquam existit, nec commissi per concupiscentiam operandi per talem partem aut sensum, qui nunquam fuit. Quidquid sit, adhuc prædictis conferenda est extrema unctio in aliis sensibus; quia censetur Deus ita hoc Sacramentum instituisse, ut serviret & valeret pro hominibus quales hic & nunc inungendi sunt.

13. Dico secundò, minister sufficiens hujus Sacramenti est omnis & solus Sacerdos. Patet ex verbis Jacobi, *inducat Presbyteros*; estque definitum in Florentino. Verùm extra casum extremæ necessitatis solus Sacerdos proprius licet hoc Sacramentum administret, vel alius cum hujus licentia: & Religiosus exemptus aliquem inungens sine licentia, incurrit in excommunicationem; aliquibus tamen casibus exceptis, quos vide apud P. Lezanam *num. 1. & 3.* Peccant item mortaliter faculares Sacerdotes qui invitò Parochò aliquem inungunt. Sed quid si Parochus nec velit inungere, nec permittere, ut alius inungat? Si sine justa causa ita fegerat, poterit quilibet alius Sacerdos præstare hoc officium charitatis Christianæ: imò & tenebitur, ut plures docent apud Gobat in *Alphabet. Ordin. casu 22. numer. 861.* quamvis sit in cursurus odium Parochi. Ratio est, quia est mens Summi Pontificis, ac Episcopi proprii, ut tunc agatur contra irrationabilem voluntatem proprii Parochi. Ita in simili casu de Viatico

tico se in *Alphab. commun. casu 21. num. 380.* respondisse asserit dictus Gobat. Lezana *loc. cit.* docet, quamvis ex usu & consuetudine Ecclesiæ, sub mortali obligante, minister hujus Sacramenti debeat esse unus & idem; tamen in casu necessitatis extremæ, posse plures simul illud ministrare, ita ut unus ungat unum sensum formâ

partiali prolata, & alius alium. An verò quis possit seipsum inungere? Respondeo negativè cum eodem Lezana & aliis communiter: tum quia Sacramenta, quæ in usu consistunt, requirunt ministrum à suscipiente diversum: tum quia illud verbum *tibi* in forma positum videtur id importare.

## DVBIVM QVARTVM.

*Quis possit hoc Sacramentum suscipere: ubi de ejus effectibus.*

14. **D**ico primò, solus adultus de vita periclitans, corporeque infirmus, quique post Baptismum actum peccavit, potest suscipere extremam unctionem. Est communis; licet Mercerus non improbabilius *to. 3. tract. de Extrema Vnctione disp. 9. sect. 3. num. 2.* doceat, adultum inungi posse statim à Baptismo si fuerit in extremis: quia, inquit, hoc Sacramentum habet duplicem proprium & infallibilem effectum, remissionem scilicet peccati commissi, & auxilia quibus homo in extrema lucta corroboratur, ad quem secundum effectum obtinendum videtur prædicto hoc Sacramentum posse conferri. Dixi in *resol. de vita periclitans*; quia ad collationem hujus Sacramenti non sufficit quælibet infirmitas, sed debet prudentum judicio esse periculosa. Nec bellantibus, aut ultimo supplicio afficiendis est hoc Sacramentum dandum, quia hi non sunt corpore infirmi:

mi: bene tamen vulneratis ad mortem, aut iis qui sumpto veneno in mortis periculo versantur: item illis, qui ob summum senium sine judicio alterius morbi incipiunt deficere; qui sunt in periculo mortis eo quod nequeat listi sanguis per nares manans: sicut & scæminis parientibus cum periculo mortis, ac peste infectis; quia hi omnes corpore sunt infirmi. Vide Dianam *part. 10. tract. 12. resol. 9.* & Lezanam *num. 6.* qui ait, tempore pestis ob fallacitatem hujus infirmitatis posse hoc Sacramentum conferri in principio, etiam quando medici dubitant an homo sit peste infectus: addens, in aliis infirmitatibus non esse expectandum extremum vitæ periculum, aut donec naturaliter salus sit desperata; quia salus infirmi, quæ est secundarius unctionis effectus, non causatur ab ea miraculosè, sed virtute supernaturali ordinariâ. Bonum etiam erit si infirmus adhuc u-

tatur ratione, ut tunc ei conferatur; quatenus sic melius ad illius fructum se valeat disponere: atramen inungi possunt usu rationis pro nunc privati, etiam phrenetici, si ante hunc statum id explicitè vel implicitè petierint, quæ implicita petitio juxta probatissimos auctores, apud Lezanam & Bassarum, censetur esse in iis, qui Christianè vixerunt: quod & colligitur ex dictis *disp. preced. de Sacram. Penit.* quidquid Bacho videatur docere contrarium.

15. An ungendus sit puer, de quo dubitatur, an utatur ratione? Respondet ungendum sub conditione, ob summam hujus Sacramenti utilitatem & fructum. Ita Diana *part. 3. tractat. 4. resolut. 181.* ubi plures profè citat, quibus addo P. Lezanam *num. 17.* Ex quo patet à fortiori inungendum esse puerum qui septennio egressus ante infirmitatem confiteri solitus est: quidquid Sotus & Vivaldus oppositum sustineant apud Burghaber *Centur. 3. casu 93.* requirentes in suscipiendis hoc Sacramentum capacitatem ad suscipiendam Eucharistiam. Utilitates autem etiam pro pueris sunt vires & auxilia spiritualia tum ad infirmitatem æquo animo sustinendam, tum ad tentationes demonis superandas. Item peccatorum remissio ac sanitas corporalis.

16. Hoc Sacramentum toties potest eidem conferri, quoties incidit in morbum periculosum. Patet ex Trid. *sess. 14. cap. 3.* dicente, *quod si infirmis post susceptam hanc unctionem convalescerint, iterum hujus Sacramenti subsidio juvari poterunt, cum in aliud vita*

*discrimen inciderint.* Imò satis communis habet sententia, quòd eàdem diuturnà infirmitate durante, possit infirmus iterum inungi, quando post longum intervallum ab aliquali convalescentia incidit in gravius mortis periculum: quia hæc medicina respicit statum infirmantis & peccata venialia, quæ in longa infirmitate repetuntur. Ita Bacho. Utrum verò suscipiendum sit ante, an post sumptum viaticum? Respondet Urbanus *tractat. 1. cap. 37.* in fine, utrumque licitè fieri, sed ultimum decentius. Vide Franc. B. Spei hic *disp. 2. num. 14. & 15.*

17. Cæterum non peccat mortaliter, qui volenter sine contemptu omittit hoc Sacramentum suscipere: quia de eo nullum exstat præceptum; nec consuetudo videtur plus quam sub veniali obligare. Ita P. Urbanus *loc. citat.* cum communi. Imò non improbabiler Villalobos docet, eum nec venialiter peccare: foret tamen ex circumstantiis peccatum mortale, inquit P. Franciscus, illud à sibi conferre parato respuere; quia id sapere aliqualem illius contemptum; & idè in adstantibus scandalum causaret, *cum ingenti scelere, & ipsius Spiritus sancti injuria*, ut loquitur Tridentinum hic *cap. 3.* Vix etiam à mortali excusandum dicit Gobat, qui videns, se graviter à demone tentari ad desperationem, aut aliud scelus, nollet opponere hoc Sacramentum confortativum ad spem vitæ æternæ.

18. Quoad dispositionem in suscipiente; requiritur & sufficit inten-

tio saltem interpretativa: deinde qui est rationis compos, si habeat conscientiam peccati mortalis, tenetur elicere contritionem. Jam quoad effectum;

19. Dico secundò, effectus principalis hujus Sacramenti est sanitas spiritualis sive curatio peccatorum venialium impediendum animam. Ita Bacho in 4. dist. 23. quæst. unicâ art. 4. & alii communiter, addentes, di-

ctum Sacramentum etiam ex effectu primario roborare animam contra tentationes dæmonis in ultima lucta, & conferre gratiam sanctificantem, ut definitum est in Tridentino. Secundarius verò ejus effectus est etiam sanare interdum corpus si expediat; delere reliquias peccatorum; ac tollere aut imminuere pœnas restantes.

# DISPUTATIO VII.

De Ordine.

## D V B I V M I.

*Quid & quotuplex Ordo: ac qua materia & forma illius?*

1. Dico primò, Ordo est signaculum sacrum sive Sacramentum, per quod ordinato traditur potestas spiritualis. Unde tonsura non est Ordo; quia non est Sacramentum, nec per illam confertur ulla spiritualis potestas: sed est quædam inchoatio tantum & dispositio ad Ordines, vel, ut vult P. Franciscus, est tantum signum aspirantis ad Ordinem. Addit P. Lezana in finedatæ definitionis, *ad conficiendum corpus & sanguinem Domini*: verum malo ego istam particulam omittere; tum quia non videtur necessariò addenda; tum quia per eam, simpliciter loquendo, videtur solum definiti Sacerdotium.

2. Dico secundò, Ordo est septuplex; Ostiarius, Lectoratus, Exorcistatus, Acolytatus, Subdiaconatus, Diaconatus, & Presbyteratus. Colligitur ex Tridentino sess. 23. cap. 2. atque ita docuere ante Tridentinum Guido & Joannes de Bachone ambo Carmelitæ & Authores perversti. Vide Bachonem in 4. distinct. 23. quæstion. 1. An Episcopatus sit Ordo? Plures controvertunt, inter quos P. Lezana probabilius docet quòd sic, contra Sylvestrum, Bonacinam & alios: & Bacho post Guidonem distinguit dicens, Ordinem à Theologis sumi multipliciter: aliquando enim est nomen dignitatis, & sic Episcopatus dici-



dicatur Ordo : aliquando est nomen spiritualis & sacramentalis officii circa corpus Christi : si ultimo modo accipitur, Episcopatus non est Ordo, sed omnem Ordinem præsupponit : si insuper alio modo accipiatur Ordo pro dignitate seu potestate, quæ imprimis characterem sicut & alia Sacramenta, sic (salvo meliori iudicio) est Ordo. Ita Bacho *loc. cit. art. 2.* quæ confirmat *quæst. 2. art. 1.* citans D. Thomam. Vide etiam Franc. B. Speide *Sacram. Ord. diff. unicâ num. 9.* ubi dicit Episcopatum esse absolute verum Ordinem : & *n. 10.* probat eum esse à Sacerdotio distinctum. Solum hic obiter adverte, Episcopum debere ab aliis tribus Episcopis ordinari : quorum unus dicitur consecrator, alii duo assistentes, qui à consecratore petunt, ut electum ad onus Episcopatus sublevet, consecrator manus conjunctas electi genuflexi cum chrismate inungente, dicendo, *Deus & Pater Domini nostri IESU Christi, qui te ad Pontificatus sublimari voluit dignitatem, ipse te chrismate & mystica delibutionis liquore perfundat, & spiritualis benedictionis ubertate facundet : quidquid benedixeris, benedicatur ; & quidquid sanctificaveris, sanctificetur ; & consecrata manus istius vel pollicis impositio cunctis proficiat ad salutem. Amen.* Quæ unctio inservit pro materia, & illa verba, vel totaliter vel particulariter, pro forma. Potest autem Summus Pontifex dispensare in illo numero Episcoporum, & dare licentiam ut unus Episcopus assistentibus duobus sacerdotibus, alium Episcopum ordinare valeat, pro-

ut constat Innocentium Papam X. Fabio Chisio Nuntio Coloniensi simul & Episcopo postea Alexandro Papæ VII. concessisse octavâ Februarii Anno 1647. ut Jacobum de la Torre ordinare posset in Archiepiscopum Ephesinum, assistentibus duobus personis in dignitate Ecclesiastica constitutis, quod & fecit. Imò D. Antoninus, Ugolinus, P. Herinckx, & varii alii, quos citat & sequitur P. Scilder *tract. 2. num. 118.* volunt, verosimiliter, etiam absque dispensatione, valere similem Episcopi ordinationem : quidquid iidem PP. Scilder & Herinckx merito addant, si quis ab uno solo vel duobus Episcopis sic ordinatus esset, eum sub conditione fore reordinandum. De cæteris Dignitatibus Ecclesiasticis si quid desideres, ut de Archidiaconatu, Decanatu, &c. consule Gobat in *Alphabet. Ordin. Append. ad casum 5. num. 149. & seq.* ubi varia adfert collecta ex Azorio & aliis : specialiter dicens eum cæteris *num. 162.* Cardinalatum non esse Ordinem, sed per se loquendo solum nomen officii ; sunt etenim Cardinales Consilarii Summi Pontificis, ad quos potestas eligendi Pontificem redacta est tempore Alexandri III. annò 1160. aut circa, quæ antea erat penes Clerum, populumque Romanum.

3. Cæterum supradicti septem Ordines sunt vera Sacramenta characterem imprimientia ac gratiam conferentia. Ita Lezana contra quosdam id negantes de quatuor prioribus, qui dicuntur Ordines minores & non sacri :

facri: alii verò dicuntur majores & facri, eò quòd propiùs accedant ad Eucharistiam: conferunt enim officium celebrandi, vel immediatè & solemniter celebranti ministrandi. Adde & tres majores dici specialiter sacros, quia corpora eos suscipientium, Deo consecrantur per votum castitatis. Hòc notatò, probatur conclusio generaliter ex Concilio Florentino in decreto Eugenii, ubi postquam dixisset, Ordinem esse Sacramentum, ac posuisset exempla de Sacerdotio, Diaconatu ac Subdiaconatu, addit, idem de aliis Ordinibus esse intelligendum. Item Tridentinum suprà, postquam omnes septem inter Ordines numerasset; absolurè subdit, Ordinem esse Sacramentum. Vide circa hanc materiam nostrum Waldensem de Sacram. cap. 116. & ex his collige, Ordinem simpliciter loquendo esse Sacramentum, quod de fide est, & contra Hæreticos sæpiùs definitum.

4. Adverte autem, illos septem Ordines non esse simpliciter loquendo septem Sacramenta, sed unum Sacramentum Ordinis; tum quia ad eundem finem omnes referuntur, licèt unus remotiùs aliò; tum quia ex iis omnibus unum completum Sacramentum integratur, ut loquuntur Lezana, Bonacinas & alii.

5. Dico tertiò, materia singulorum Ordinum remota est id, quod in eorum collatione traditur tangendum: proxima verò ipsa illius traditio: unde materia Sacerdotii est traditio patenæ cum pane, & calicis cum vino &

aqua: item & impositio manuum quæ fit post Communionem. Forma autem sunt verba in utraque illa actione ab Episcopo prolata. Ita Waldensis, Lezana & alii communiter. Dixi & impositio manuum, &c. quia per hanc confertur potestas distincta, nempe absolvendi à peccatis; adeòque sing. hac Sacerdotium, per solam priorem materiam collatum, esset imperfectum, ut docent Coninck, Bellarminus, Sylvius & alii apud Dianam part. 3. tract. 4. resol. 187. quamvis ipse cum multis oppositum non minùs probabile sentiat. Addo P. Gobat in Alphab. Ord. casu 3. num. 94. & seq. pluribus citatis probare apud Græcos validè & licèt Sacerdotium conferri per solam manuum impositionem sub hac forma: *Divina gratia, qua semper infirma sanat, & qua desunt supplet, creat, seu promoveat N. Venerabilem Diaconum in Presbyterum; oremus igitur pro eo* &c. Imò asserit ex Joanne de Lugo aliquos in ipsa urbe Roma scientes summo Pontifice ita ordinatos fuisse sine contradictione. Hoc tamen locum habere nullo modo potest apud Latinos, apud quos impositio manuum fit sine prolatione formæ significantis tradi potestatem sacerdotalem.

6. Materia Diaconatus est traditio libri Evangeliorum & impositio manuum Episcopi: quæ secunda pars probatur ex Scriptura *Astor. 6.* ubi septem Diaconi ordinati leguntur per manuum impositionem, & ante confectum Evangelium: postmodum autem hujus traditio introducta est per Eccle-

Ecclesiam, cui Christus reliquit hanc potestatem. Imò hanc solam traditionem libri Evangeliorum assignat Concilium Florentinum; licet impositio-  
ne manuum non excludat. Forma verò sunt verba in utraque actione prolata.

7. Subdiaconatus materia est traditio calicis vacui cum patena superposita: forma sunt verba quæ Episcopus in illa traditione profert. Patet ex Florentino. Quoad Ordines minores loquere proportionaliter: & ut evadas difficultates adferri solitas circa materias, præsertim Diaconatus & Subdiaconatus;

8. Adverte ex à nobis dictis in *fine n. 5.* item ex Diana *part. 10. tract. 11. resol. 65.* post utrumque de Lugo, Pontium, Amicum & alios, Christum non determinasse in individuo omnes materias Sacramentorum; sed instituendo Ordines tantum determinasse eorum materias in genere; ut ea nimium esset legitima Ordinis materia, quæ existens sensibilis, sui traditione debere & scienter facta, tam ex parte ministrum quam intentionis, significaret tunc de facto potestatem tali Ordini propriam dari ei, qui dictam sensibilem materiam acciperet in sui ordinatione. Vide pro his P. Franciscum hinc *num. 18.*

Petes an ad valorem Ordinis requiratur contactus Physicus materię?

9. Respondetur communiter affirmativè; quia ille contactus significatus per verba formę, & Ecclesia sollicitè curat eum semper observari: non est tamen necessè, ut fiat am-  
babus manibus, pro ut docent Syl-

vester, Paludanus & alii apud P. Lezanam *num. 3.* qui ait sufficere, si tangatur unà manu quomodocumque modicum quid rei, quæ nullum intermedium discontinuans habeat ab hostia: imò juxta Dianam *part. 2. tractat. 16. resol. 3.* post alios, non est necessarium ut ordinandi tangant Physicè materiam; sed sufficit quòd extensione manuum ostendant, se eam ab ordinante acceptare; quod idem repetit *part. 3. tract. 4. resol. 185.* Atamen licet hæc sententia sit fortè speculativè probabilis, puto in casu, quo non adfuisset dictus contactus, nequidem quoad calicem & patenam, sub conditione reiterandum fore Ordinem ita collatum, præsertim quoad presbyteratum; quidquid dicat Burghaber *Centur. 2. casu 34.* Ratio est, quia si ordinatio à parte rei non sit valida, nunquam taliter ordinatus validè consecrabit, nec validè absolvet à peccatis, ex quo crearetur periculum summum proximo: in hoc igitur iudico unumquemque debere absolute partem tutiorem sequi; atque hoc ipsum docet nuperimè Diana *part. 10. tractat. 15. resol. 20.* ubi videtur ex parte priorem suam sententiam retractare. Vide etiam eum eadem *part. 10. tractat. 16. resol. 88.* ubi dicit, in casu omnis opinionis probabilis tantum, non posse secundum illam ordinatum celebrare, nec stipendium pro Missis accipere, nisi de-  
nuò ordinetur sub conditione: secus tamen si ordinatio facta fuerit juxta sententiam moraliter certam, ut si v.g. quis presbyteratus esset tangendo calicem

licem cum patena, non tamen vinum aut hostiam; quem moraliter certò ordinatum esse ibid. latè probat.

Addo & Gobat postquam docuisset valde probabile esse, nullum planè tactum requiri in collatione, seu receptione cujuscumque Ordinis, asserere, omittentem tactum physicum sinè dubio mortaliter delinquere, saltem in receptione Presbyteratus vel

Episcopatus, esseque repetendam ordinationem taliter factam. Vide eum in *Alphab. Ordinis casu 3. num. 57. & 100.* Item *casu 6. num. 185.* Quid quid *casu 3. num. 102. & seq.* cum Diana & aliis bene, probet, absolute sufficere tactum calicis & patenæ sinè tactu Hostiæ: & *num. 109. ac seq.* contra Dianam & Busenbaum similiter sufficere tactum calicis & Hostiæ sinè tactu patenæ.

## DVBIVM SECVNDVM.

### De Ministro Ordinis & ipso Ordinando.

10. **D**ico primò, minister ordinarius hujus Sacramenti est solus Episcopus. Ita Concilia Toletanum & Constantense apud Basileum; quod ultimū requirit ut sit Episcopus proprius. Idem etiam habetur in Florentino & Tridentino apud Lezanam *num. 5.* qui proinde dicit hoc esse certum: quidquid aliquibus videatur probabile, quòd simplex sacerdos ex commissione summi Pontificis conferre possit omnes Ordines excepto Episcopatu: ratio eorum est; quia cum Concilia dicant Episcopum esse ministrum ordinarium, videntur insinuarè, aliū (qui non potest esse nisi Sacerdos) posse esse extraordinarium: atque id quoad Ordines minores constat ex ipso usu Ecclesiæ, juxta quem eos conferunt Cardinales presbyteri; quod & sæpius fecerunt Abbates vi privilegii iis concessi. Quoad diaconatum verò & subdiaconatum videtur etiam constare ex privilegio Inno-

centii VIII. anno 1489. dato Abbati Cisterciensi, aliisque quatuor primis Abbatibus ejusdem ordinis; quo privilegio eos fuisse usos testatur Roderiquez *qq. Reg. tom. 1. quæst. 18. arr. 3.* licet de hoc privilegio dubiter Bassius verbo *Ordo cap. 3. num. 1. in fine.* Vide P. Franciscum *num. 79.* & P. Lot ab ipso citatum; qui ultimus probat dicta privilegia Cisterciensibus concessa, non obstante Tridentino, adhuc esse in vigore. Vide eundem Franciscum iterum *num. 48.* Verum quidquid de hoc sit, puto saltem non nisi Episcopum posse ordinare Sacerdotem, etiam de licentia Papæ: quia cum hoc nunquam ex ejus commissione factum legatur, videtur quòd illa potestas non sit in Ecclesia. Quòd verò Concilia dicant, Episcopum esse ministrum ordinarium, non sequitur quòd alius debeat esse extraordinarius; quamvis dici possit id intelligi de Episcopo proprio, ita ut

R r r r non

non proprius de licentia proprii possit esse extraordinarius. Dixi supra *excepto Episcopatu*; quia cum hic sit superior simplici sacerdotio, constat simplicem sacerdotem eum conferre non posse; major enim à minori benedici ac consecrari non potest, ut omnes communiter fatentur. Quis dicat ut Episcopus proprius ad hunc effectum habes apud P. Franciscum *num. 62.* ubi dicit, eum esse triplicem; *Originis scil. domicilii, & benefici ecclesiastici.* Habes etiam apud eundem Franciscum *num. 64.* quis in hoc sit proprius Episcopus Regularium.

11. Dico secundò, subjectum capax hujus Sacramenti est omnis mas baptizatus. Ita omnes: unde non requiritur ulla ætas, ut quis validè ordinetur, bene tamen utilitè, prout statim videbimus: & quidem qui infantem ordinaret, gravissimè peccaret ex triplici capite; tum quia committeret irreverentiam Sacramento; tum quia infringeret præceptum Ecclesiæ; tum etiam quia imponeret gravem obligationem alteri absque ejus consensu, præsertim si conferret Ordinem majorem: quidquid tamen infans sic ordinatus non teneretur ad votum castitatis, nisi vellent Ordinis sibi collati officium exercere; nequit enim esse votum ubi deest rationis usus, cum votum illud sit essentialiter promissio libera, ut loquitur P. Franciscus hic *num. 50.* Adde juxta Lezanam verbo *Ordines sacri num. 4.* inter infantem & amentem hic esse differentiam quòd ille validè ordinari possit licèt id nunquam petierit, hic verò non, si post rationis usum in amentiam incide-

rit; quia censetur hic habitualiter nolle Ordines suscipere; ac sic invitus ordinaretur, quòd validè fieri non potest, cum in omni adulto requiratur intentio.

12. Dixi *omnis mas*; quia ex Christi institutione femina est incapax suscipere ullum ordinem: unde Episcopissæ, Diaconissæ, &c. sic dicebantur, quia erant uxores sic ordinatorum; quinempe, factà separatione quoad torum, sic ordinabantur: vel dic cum Bachone, aliquas moniales dici improprie ordinari diaconissas, ut valeant legere Evangelium ad maturinas horas: vel etiam ad curam fœminarum, ut eis in quibusdam necessitatibus assisterent, ut indicat Epiphanius *Hæresi 69.* aut se sisterent ad ostium templi ad dignas intromittendum, & arcendum indignas; vel denique ut abstergerent fœminas, quarum frontes oleo sancto in Baptismo ungebantur, ne aspicerentur à viris, ut asserit Gobat in *Alphab. Ord. casu 3. num. 88.* Vide P. Franciscum *num. 48.* Quod verò narratur de Joanna Papissa fabula est, ut ex variis historicis & Sanctis PP. demonstrat Diana *par. 12. de Consecr. Episc. resol. 54.* apud quem Marchinus & Leander putant illam fabulam ortum sumpsisse tempore Joannis VII. apud quem, cum in ejus Pontificatu primas partes haberet quædam femina Joanna, cœpit vulgò Papissa nuncupari, & ita paulatim vires acquirente fama, Joannam fœminam inter viros Pontifices imperiti Scriptores enumerant. Vel dicendum cum Bellarmino, id initium traxisse ab alia quadam

dam fœminâ ; quæ teste Leone IX. in *Epist. ad Michaëlem cap. 23.* in Patriarchalem sedem Constantinopolitanam obrepfit , quam historiam hæretici à Constantinopolitano ad Romanum Pontificem converterunt.

An Hermaphroditus ordinari possit? Respondent omnes negativè, nisi in illo prævaleat sexus virilis. Pro casu speciali in hac materia, vide Diam *par. 10. tract. 13. resol. 36.*

13. Dico tertio, ut quis licitè ordinetur, præter statum gratiæ requiritur, primò determinata ætas, quæ pro prima tonsura & Ordinibus minoribus debet esse septem annorum juxta Tridentinum *sess. 23. num. 4.* Imò pro minoribus Ordinibus requirit P. Francisc. ætatem novem annorum. Pro Subdiaconatu verò requiritur ætas viginti unius anni: pro Diaconatu viginti duorum: pro Sacerdotio viginti quatuor annorum completorum: ac tandem pro Episcopatu triginta & ita quidem ut ne unica hora deesse possit juxta DD. satis communiter. Ratio est, quia quando in jure pro forma, & de præsentì requiritur aliqua qualitas, seu attingentia, non valet axioma: *Parum pro nihilo reputatur: vel, quod parum distat, nihil distare videtur.* Et quando tempus incipit à die determinata (prout hîc incipit à die nativitatis) computatur de momento in momentum, nisi fiat expressa exceptio. *lib. 3. §. minorem ff. de minor.* Ita expressè Gobar in *Alphab. Ordin. casu 13. num. 521.* quidquid dicat opinionem contrariam esse probabilem, adeoque posse aliquem ex cau-

sa gravi mane ordinari Diaconum v. g. qui solum vespere complet annum vigesimum secundum; tum quia parum pro nihilo reputatur; tum quia vespere illius diei ad mane retrorahitur: & in hoc pro se citat aliquos probatos Authores.

Adverte interim eum, qui ante dictam ætatem Ordines suscipit scienter, eo ipso incidere in suspensionem; & irregularitatem, si ministraverit: hæc tamen suspensio, teste P. Lezanà *tom. 1. cap. 14. num. 2.* est solum ab executione illius Ordinis, quem ante legitimam ætatem suscepit; vide eundem *tom. 4.* verbo *Ordines Sacri num. 14. & seq.* Ac nota Brunum Chassaing apud Diam *par. 11. tract. 2. resol. 17.* docere, Regulares licitè ad Sacerdotium posse promoveri post vigesimum secundum annum: item eos posse eodem die plures Ordines sacros suscipere, etiam extra tempora ordinaria: quæ tamen aliis non placent, nec in Ecclesia practicantur: quidquid exstet Privilegium Gregorii XIII. in Bulla *pium & utile* concessum PP. Societatis, ut extra tempora à quocumque Episcopo, à Prælati electo, ordinentur, confirmatum à Paulo V. anno 1606. & iterum ab Urbano VIII. anno 1634. sinè limitatione extensum ad Discalceatos, Ordinis Sanctissimæ Trinitatis Redemptionis captivorum, & consequenter (teste Francisco Bonæ Spei) ad Religiosos Mendicantes per communicationem Privilegiatorum. Vide Leandrum *tract. 6. de Ordine disput. 11. quæst. 23.* Dixi supra, quæ tamen aliis non placent: quia dictus P. Franciscus hîc *num. 51.* expressè

presè docet, Mendicantium privilegia, de Ordinatione ante legitimam ætatem, per Tridentinum cessare: quod & sustinent alii.

14. Secundò requiritur ut ordinandus non sit illegitimus, nec bigamus, id est qui habuit duas uxores, vel viduam duxit, &c. Nec homicida: pro quibus vide Bachonem supra *quest. 3. 6. & 7.* & à nobis dicta parum supra de irregularitate.

15. Tertiò requiritur, ut ordinandus non sit infamis sed probata vitæ: ut habeat titulum sustentationis v.g. patrimonii, beneficii, vel paupertatis si sit religiosus; prout habetur in Tridentino *sess. 21. cap. 2.* Verùm adverte ex P. Urbano *tract. 3. tit. 17. fol. 686.* non esse habendum pro suspensò, qui Episcopum decipiens ordinatur cum titulo insufficiente, sed suspendendus est dumtaxat ad arbitrium Episcopi: quidquid mortaliter peccet.

16. Insuper requiritur, ut careat defectibus corporalibus impediētibz ne rite fungatur munere Ordinis suscepti. Ubi nota, Dianam *par. 11. tract. 2. resol. 51.* docere, sacerdotem non fieri irregularem quoad celebrationem Missæ, licet non possit sumere sacram hostiam aliter quàm manu sinistra, ratio ipsius est: quia tunc ex defectu corporis inducitur irregularitas, quando, ut ait Magister Cornelio, talis defectus facit omninò hominem inhabilem ad celebrandum, ita ut non possit celebrare sine notabili deformitate aut horrore: & hoc habetur in cap. *exposuisti.* & cap. *Presbyterum de corpore vitiatu & communiter*

tenent DD. ut Gibalinus & alii viginti unus: atqui communicando manus sinistra non celebratur cum notabili deformitate & horrore, cum id faciant sacerdotes Dominicani, ergo, &c. Hæc & alia Diana *loc. cit.* Ceterum

17. Adverte ex Lezana verbo *Ordines sacri num. 20.* dum Episcopus declarat, se non habere intentionem ordinandi excommunicatos, irregulares, accedentes furtivè, id est non verè examinatos neque admisso ab Episcopo, satis esse probabile, eos adhuc pro ordinatis haberi; quia semper censetur Episcopus retinere prædicam & absolutam intentionem ordinandi hominem præsentem, non verò conditionatam, siquidem appositio talis conditionis non est conformis consuetudini Ecclesiæ, imò sacrilegio obnoxia. Ita DD. communius apud Lezanam, quos & sequitur Gobat in *Alphab. Ordin. casu 7. num. 316.* qui objicienti, ergo debeo præsumere, quod tunc Episcopus fuerit locutus contra mentem, respondet, minus esse malum loqui tunc contra mentem, quàm habere talem intentionem.

18. Ad do juxta Fillucium citatum à Francisco B. Spei *num. 66.* per Mendicantium privilegia omnes irregularitates tolli, etiam ex Bigamia & homicidio voluntario: item licet cap. *nihilus Episcopus de tempore ordinationis lib. 3.* prohibeatur illiterato primam tonsuram conferre, additur tamèn, *nisi Religionem intrat;* ac proinde, tellecto Francisco, optimè ait Soto in 4. diff. 26. art. ult. quando Religiosi, qui curam animarum non habent, ordinantur, non



requiritur alia scientia, quàm ut mysterium Sacramenti intelligant. Quidquid in reliquis requiritur scientia & eruditio sufficiens ad executionem ministerii, ad quod assumuntur, ut v. g. ad primam tonsuram, sciant rudimenta fidei, scribere & legere. Ad minores Ordines, ut insuper sciant aliquousque Latine loqui. Ad Subdiaconatum & Diaconatum præterea, quæ ad hos Ordines spectant. Et ad Sacerdotium, ea maximè, quæ Eucharistiam & Missæ sacrificium concernunt, ut materiam,

formam, defectus, qui in illo irrepere possunt, & insuper, ut possint populum ad fidem necessaria docere; Baptismum, Eucharistiam & extremam Unctionem administrare. Ad Episcopatum denique Tridentinum sess. 23. cap. 2. requirit, ut Episcopus eâ scientiâ polleat, quâ muneri suo satisfacere possit. Hæc omnia Franc. B. Spei num. 53. Vide etiam quæ ad longum ex Quintana d. circa hæc refert Gobat in Alphab. cit. casu 10. num. 377. & seq.

## DVBIVM TERTIVM.

### De Privilegiis & Obligationibus ordinatorum seu Clericorum.

19. Dico primò, duo sunt præcipua Clericorum privilegia: primum, quod dicitur privilegium canonis, est, quòd excommunicetur omnes conjicientes violentas manus in eos ex malitia: desumitur ex Innocentio II. cap. 17. quæst. 4. si quis suadente Diabolo, &c. quod privilegium latè explicat P. Lezana verbo Clericus; addens eo privari Clericos in minoribus Bigamos, vel etiam conjugatos non gerentes habitum clericalem, imò omnes Clericos, etiam in majoribus, qui ter ab Episcopo admoniti non reassumunt dictum habitum, qui consistit in veste & tonsura. Ubi nota, publicum seu notorium percussorem Clerici esse vitandum; post sententiam tamen Judicis declaratoriam tantum, ut vult Dian.

par. 11. tract. 8. ref. 21. citans alios octo-decim.

20. Secundum privilegium Clericorum, quod dicitur fori, in eo situm est: quòd omninò & simpliciter exempti sint à laicâ potestate, ita ut ad illam nunquam trahi possint. Habetur ex can. Non placuit 16. quæst. 7. cap. Ecclesia S. Maria de constit. cap. decernimus de judiciis; & aliis juribus, quæ refert idem Lezana ibid. quare eum consule lo. cit. verbo Gubella & verbo immunitas Ecclesiastica.

21. Dico secundò, Clericis interdictum est ire ad bellum sinè licentiâ Papæ: pro quo Vide Dianam par. 10. tr. 1. ref. 1. Insuper nequeunt etiam sinè peccato mortali exercere artem medicam ex cap. Clerici 2. de vita & honestate Clerico-



*ricorum*; & ex *cap. 1. & seq. ne Clerici*; ubi generaliter iis interdicitur officia secularia, quale est officium Medici & Chirurghi, etiam citra incisionem & aduersionem. Ita Sylvester, Rosella & alii communius, contra Covarruviam, Bonacinam & alios: circa quod Diana *par. 11. tract. 11. ref. 49.* ait, certum esse, tam Religiosum, quam Sacerdotem secularem à peccato liberari, si hoc officium citra periculum mortis exercent causâ pietatis, ac proinde gratis circa personas miserabiles vel cognatas; quia sic exercitium non est officium seculare statum Ecclesiasticum dedecens, sed potius illi conforme. Quomodo inhibita sit Clericis, exercere munus Advocati coram Iudice seculari; vide eundem *par. 10. tract. 11. resol. 69.* & denique, an, & quomodo infidelis inhibita sit venatio & negotiatio, dictum est supra in *tract. de iure & iustitia* suis in locis.

22. Dico tertio, Clerici in sacris existentibus obligantur gerere habitum clericalem & tonsuram sive coronam sub peccato mortali. Probat; tum quia aliàs videntur vilipendere statum clericalem; tum quia plura possunt sequi incommoda, dum non noscuntur esse Clerici. Ita Sylvester verbo *Clericus* §. 2. Villalobos & Diana *par. 3. tract. 4. ref. 183.* excusarem tamen à mortali eum Clericum, qui solum per breve tempus careret dicto habitu; sicut & ab omni peccato excusantur, qui eò etiam per longum tempus carent iusta de causa, ut verbi gratia inter Hæreticos: imò ipse Diana *loc. cit.* asserit, sententiam Cajetani docentis, id solum esse mortale, absolute loquendo, dum sit

ex temeritate, contumacia vel contemptu, esse probabilem. Sed

23. Quid dicendum de obligatione continentiae Clericorum in sacris existentium? De hujus introductione agit Bacho *quest. 10. art. 1. ubi art. 2.* probat contra quemdam hæreticum sui temporis, castitatem meliorem esse matrimonio: pro quibus eum poteris consulere. Quare ad quæstionem positam:

24. Respondeo, obligationem continentiae in dictis ordinatis immediate procedere ex implicito voto elicto in ipsa ordinatione, cui ex lege Ecclesiastica est annexum: non verò immediate ex constitutione Ecclesiae. Ita Malderus & alii innumeri apud Sanchez de *Matrim. lib. 7. disp. 27.* quibus etiam adhæret Diana *par. 10. tract. 11. resol. 12.* Quare hoc votum puto cum Sanchez elicerem omnes, qui Ordinem sacrum suscipiunt, licet ignorent tale votum annexum esse ordinationi: quia saltem in confuso, & quasi virtualiter, omnes sciunt, se teneri ad justas leges concernentes novum statum assumendum, voluntque virtualiter eas servare, ac consequenter etiam virtualiter vovere castitatem. Si tamen quis in ipsa sui ordinatione haberet expressam voluntatem non vovendi ullo modo castitatem, talis quidem post ordinationem non ligaretur voto castitatis, quod necessarium debet oriri ex voventis voluntate explicita vel implicita: sed peccaret graviter contra præceptum & constitutionem Ecclesiae præcipientis omnibus similiter ordinandis ad vovendum castitatem: nec ab hoc inobedientiae peccato talis ab-

solvi

Solvi posset nisi voveret; quia præceptum Ecclesiæ de vovendo semper durat. Neque posset similis validè contrahere matrimonium, quia impedimentum dirimens in eo adhuc oritur immediatè ex constitutione Ecclesiastica; quæ etiam invitum potest inhabilitare ad matrimonium, dum videl. non servat certas condiciones, ut constabit ex dicendis de impedimentis matrimonii infra. Caterùm cum talis postea voluerit vovere castitatem & peccata sua confiteri, poterit satisfacere simpliciter dicendo peccata carnis, quæ commisit, etiam post ordinationem, & alia peccata, simul cum uno peccato inobedientiæ, dicendo v. g. *Sum transgressus præceptum Superioris in re gravi*: quæ omnia deduci videntur ex doctrina communiori, quam sequitur Diana *resol. 12. supr.* Vide Franciscum B. Spei *num. 91. & seq.* ubi clarè contra P. Herincks demonstrat, dictam continentiam esse immediatè ex voto, & mediatè tantùm ex præcepto.

25. Quæres hic fortè, an Diaconus, aut Subdiaconus peccent mortaliter exercentes actum sui Ordinis in mortali peccato? Affirmant Cabrera & Sylvius, quorum ratio est; quia eorum actus sunt Sacramento peculiare, & maximè accedentes ad Eucharistiam, atque ad eos actus sunt consecrati. Cum his Authoribus sentit Mendo *in fateri benig. opin. dissert. 12. Append. §. 3. num. 51.* citans insuper Sylvestrum, & Armillam: & in horum sententiam non parum se inclinari asserit Marchant. *in resol. Pastor. de Sacramentis tract. 1. cap. 3. num. 4.* ob varias rationes, quas ibi adfert; quarum una ex præcipuis est,

quòd in historiis legatur pluries accidisse, ut Spiritus sanctus super tremendis mysteriis non descenderit, prout tunc solebat; quia Diaconus assistens Sacerdoti sacrificanti erat in statu peccati mortalis. Addere quis posset, verba Gregorii IX. *cap. ult. de temp. ordin.* ubi de Diaconis & Subdiaconis ait: *Si non pœnituerint, monendi sunt, & sub interminatione divini Iudicii obrestandi, ut in testimonium suæ damnationis in susceptis etiam Ordinibus non ministrent.* Ex his patet, prædictos saltem venialiter peccare; quidquid in contrarium agat Valquez, cujus sententiam probabilem esse dicit Tambur. *in expedita juris moralis expost. lib. 1. cap. 2. §. 3. num. 13.* Verùm his omnibus non obstantibus, contrariam sententiam, quoad peccatum mortale, probabiliorē judico, quam & Bassæus verbo *Sacramentum cap. 3. num. 8.* vocat communiorē; & Diana *par. 3. tract. 4. resol. 195.* pro ea plures citat, quos & sequitur, quibus addo Burghaber *Centur. 1. casu 80.* Ratio est, quia actus Diaconi & Subdiaconi non sunt dispensatio meritorum Christi, prout sunt Sacramenta, ad eòque nec sunt opus tam sanctum, ut debeant sub mortali exerceri in gratia; neque exlilat aliqua specialis circa hoc prohibitio. Ad historias verò relatas à Marchant. respondeo, in primis potuisse accidere in pœnam peccati mortalis in quo erant actu eo tempore, quo celebranti assistebant; deinde illi Diaconi fortè erant peccatores publici, adeòque assistebant cum gravi scandalo; vel denique fortè ex contemptu non confitebantur nec eliciebant contritionem ante suum ministerium.

Hanc

Hanc etiam sententiam sustinet P. Franciscus de *Sacram. in genere disp. 4. num. 89.* similem responſionem adhibens verbis Gregorii IX. eò quòd de omnibus Clericis, etiam minoribus, indifferenter loquatur: quos ultimos malè volunt Sylvester & Armilla, apud Mendosuprà, etiam obligare sub mortali, exercere actum sui Ordinis in statu gratiæ. Scio Filliucium docere Diaconum peccare mortaliter si frequenter in statu peccati mortalis suum

munus obeat, eò quòd illa frequentia actuum in tali statu contineat contemptum; sed nescio cur hic potiùs contemptus inveniatur, quàm in frequentia mendaciorum aut aliorum peccatorum vèniàlium: quidquid tamen in simili *suprà disp. 1. num. 11.* ex Tamburino indicaverimus, adesse contemptum virtualem, si aliquis profiteatur, semper in malo statu tale suum munus obire.

## DVBIVM QVARTVM.

*Quando & qualiter Ordo conferri debeat: ubi de ejus effectibus.*

26. **D**ico primò, Tonsura conferri potest quocumque die, propter consuetudinem Ecclesiæ; minores verò Ordines (extra sex anni tempora, de quibus statim) solum conferri possunt diebus Dominicis & Festis, quæ Festa debent esse de præcepto, ut docent Vivaldus & Barboia, quos citat & sequitur Lezana *suprà num. 9.* Ordines autem majores de jure communi tantum possunt conferri in sex anni temporibus, quoties nimirum sunt quatuor tempora; in Sabbatho ante Dominicam Passionis, & in Sabbatho sancto. Ita omnes communiter. Ordinatus autem extra hæc tempora sine speciali Summi Pontificis privilegio, vel licentiâ, peccat mortaliter, & suspensionem incurrit ex Trident. *sess. 23. cap. 8.* ita P. Franciscus *num. 59.*

27. De eodem jure communi servanda sunt interſtitia inter susceptionem Ordinum, quæ juxta P. Lezanam *tom. 1. cap. 14. num. 15.* talia sunt, ut Ordines sacri non cõferantur nisi uno anno post invicem, quod & constituit Tridentinum *sess. 23. cap. 11. 13. & 14.* Dixi, utrobique de *jure communi*; quia imprimis interſtitia non debent observari à Regularibus, ut videre est apud dictum Lezanam *loc. cit.* qui & *tom. 3.* verbo *Interſtitia* expressè dicit, in his teneri Episcopos dispensare, si ad hoc à Superioribus Regularium rogentur: imò apud eundem *tom. 1. suprà*, plures docent, eam dispensationem fieri posse ab ipsis Superioribus: quibus Bacho insuper addit, ad non servanda interſtitia, etiam quoad sæculares, sufficere solum consuetudinem. Ceterum causas requisitas ad dispensandum

vide

vide apud dictum Lezanam *tom. 1. cap. 14. cit. num. 16.* ubi & *num. 17.* docet, annum interstitiorum esse Ecclesiasticum, non solare, v.g. vigilia Paschatis ad aliam Paschatis vigiliam, licet secundo anno veniat citius. Quoad tempus verò ordinationis, ex Privilegio Eugenii IV. dato Benedictinis, & Alexandri VI. dato Hieronymitanis, ac communicatione Clementis VII. nobis Carmelitis concessâ, possunt Regularès ordinari extra lèx anni temporis, sive & tribus continuis diebus Festorum duplicium, vel etiam Dominicis juxta Clementis VIII. declarationem, quam refert Emanuel. Nec putandum est (inquit P. Urbanus *tr. 2. par. 2. de Privyl. in speciali cap. 5. reg. 2.* ubi & alia Carmelitarum privilegia refert circa collationem Ordinum) hoc privilegium esse revocatum à Tridentino *sess. 23. cap. 8.* quia in Concilio non apponuntur ullæ non obstantiæ; nec proinde revocantur privilegia Decreto contraria, prout ipse testatur Congregationem Cardinalium declarare: vide etiam Dianam *par. 3. tract. 2. resol. 31.* & Lezanam verbo *Ordines sacri num. 19.* ubi non nihil videtur dubitare de eo, quod absolute *loc. supè cit.* docuerat. Vide etiam à nobis dicta *dub. 2. num. 13.* & P. Franciscum *n. 77.*

28. Dico secundò, Ordines suo ordine conferendi sunt, ita ut non ascendatur ad Ordinem superiorem nisi prius obtento inferiori, & nisi ordinatus in eo se aliquando exercuerit; propter quod ultimum interstitia sunt instituta: & quidquid sit de adductis privilegiis, omnes communiter consentiunt, etiam Regularibus non posse

conferri duos Ordines majores eodem die: sic enim statutum est à Tridentino *sess. cit. cap. 13.* quare contrarium nunquam licitum esse sine dispensatione Papæ, aut alterius habentis ejus potestatem, docet Lezana post Mirandam. Interea potest Episcopus eodem die primam tonsuram, Minores Ordines & Subdiaconatum conferre, prout probat Diana *par. 6. idque se ab Episcopis sæpè factum vidisse testatur Dicastillus apud eundem Dianam par. 10. tract. 11. resol. 10.* prout & ego testor id mihi & pluribus aliis factum esse à Reverendissimo Episcopo Gandavensi Antonio Triesti; quamquam aliquot annis ante mortem hunc modum immutavit, die præcedenti tonsuram & Ordines Minores conferendo. Res igitur hæc pendet à consuetudine, quam esse ita generalem, & strictè obligatoriam, ut Episcopus nequeat in ea ex causa rationabili, etsi non gravi, dispensare nemo rectè asseruerit, ut tradit Gobat in *Alphab. Ord. casu 12. num. 462.*

29. Petes an Ordo teneat qui per saltum collatus est? Affirmat Ostiensis cum communi apud Bachonem *quest. 9.* dicens, tunc verè imprimi characterem illius Ordinis qui sic suscipitur, non verò Ordinum omnisforum: addens etiam, non conferri executionem Ordinis sic suscepti; sed si scienter ita promotus sit, antequam ministret, per Episcopum dispensantem impleri debet quod omisum est: ac si ministraverit, per Papam debet dispensari; sicut non ordinatus, si ministret. Ita Ostiensis: qui, contra communem, docet etiam Episcopatum, tenere si conferatur sine Ordine sacerdotii.



30. Addo hîc obiter, Franciscum B. Spei, citato Pellizzario, absolute docere, Prælatos Regulares, etiam locales, posse suos subditos in foro conscientie absolvere à qualibet suspensione, excommunicatione & interdicto, ab homine, vel jure generaliter promulgatis, imò & ab irregularitate, contractis ex susceptione Ordinum ante ætatem, sine licentia, aut per saltum: secus si censura illa sint ad forum contentiosum deductæ. Ita ille hîc num. 81. remittens ad *tract. de Censuris*.

31. Dico tertio, Ordines ordinarij conferuntur in templo aut sacello aliquo quocumque; undè non admitto quod ex Escobar refert Gobat in *Alphab. Ordin. casu 7. num. 319.* locum in solemni Ordinum collatione cathedrali Ecclesiam esse debere: quia si quod jus id statuerit, est per contrariam consuetudinem abrogatum: passim enim in suis sacellis modò Episcopi solemniiter Ordines conferunt, & nuperimè Reverendissimus D. Joannes Wachtendoch Episcopus Namurensis, in his materiis versatissimus, Anno 1666. Mense Decembris Bruxellis Sede vacante, Ordines contulit in nostra Ecclesia satis solemni-ter. Judico tamen Abbates habentes potestatem conferendi Ordines mino-

res, eos conferre non posse, extrà proprium Monasterium; nisi fortè rogarentur à Prælato alterius Monasterii exempti. Vide Lezanam verbo *Ordines sacri num. 8. & Gobat lo. cit. casu 8. per totum*.

32. Dico quarto, Sacramentum Ordinis confert gratiam & imprimi characterem. Paret ex Tridentino *sess. 23. can. 4.* nec tantum confert gratiam sanctificantem sive habitualem, sed etiam actualem ad Sacramenta alia ministranda. Character autem, quem imprimi, etiam primus ex Ordinibus minoribus, est omnino indelebilis, & signum quo ordinatus à laicis in perpetuum distinguetur. Undè degradatio, quæ fit ob enormia crimina, non est dejectio è gradu Clericali seu privatio Ordinis, sed quædam pœna Ecclesiastica, quâ ordinatus privatur Ecclesiasticis functionibus & ordinatorum privilegiis, non verò characterem: nam consecratio Corporis aut Sanguinis Christi facta à Sacerdote degradato, si cætera adsint, valida adhuc est, ut omnes admittunt.

\* \* \*

# DISPUTATIO VIII.

## De Sacramento Matrimonii.

### D V B I V M I.

#### De Sponsalibus.

##### §. I.

Quid Sponsalia, & quæ ætas ad ea requiratur?

**D**E Sponsalibus latè agit Bacio in 4. dist. 28. & seq. quem pro oportunitate videre poteris. Interea

1. Dico primò, Sponsalia sunt futurarum nuptiarum mutua promissio: undè non sufficit nudum propositum, quo v. g. dicitur  *volo te habere aut accipere in uxorem*; quia propositum non inducit obligationem. Franciscus B. Spei de Matrim. disp. 1. num. 3. Dicitur *mutua*; quia debet promissio esse reciproca; neutra enim pars censetur se obligare, nisi sub conditione, quod altera similiter se obliget: attamen si dicta promissio fieret absolute in recognitionem beneficii v. g. accepti, obligaret quidem promittentem, si sit acceptata; ante repromissionem; sed si diu differatur repromissio, videtur adesse contemptus, adeoque prior promittens non amplius ligatur, ob tacitam alterius

remissionem. Imò Vasquez & Pontius, apud dictum Franciscum num. 16. absolute volunt, si compais non repromittat, promittentem non obligari, licet alter acceptarit promissionem: quibus ipse Franciscus cum aliis pluribus contradicit; addens tamen ibi non esse sponsalia ut sponsalia, quod constat ex data definitione. Similiter num. 34. si Petrus v. g. dicat multis filiabus presentibus,  *Promitto me ducturum aliquam ex vobis in uxorem*, & omnes similiter repromittant, asserit, esse quidem obligationem ex illis unam ducendi; non tamen sponsalia, antè unius electionem; quia hæc ordinantur ad matrimonium, quod esse debet cum determinata persona.

2. Debet item dicta promissio esse libera & sine dolo, saltè qui dar causam contractus, aliàs non obligat: pro quibus vide dicta de Iure & Iustitia

circa materiam contractuum. Sufficit interim consensus tacitus & interpretativus, qui scilicet ab aliis prudenter talis iudicatur. Hinc juxta Urbanum *tract. 3. tit. 15. cap. 1.* & alios communiter, possunt parentes pro liberis presentibus non contradicentibus prestare consensum, modò hi possint liberè dissentire si velint; tunc namque valet regula juris, *Qui tacet, consentire videtur*. Quia verò in contrahentibus sponsalia factò modo nequidem hic consensus adest, sponsalia facta non sunt valida: quamvis tamen factè promittens teneatur de damno dato, sive g. per hoc virgineia corrumperit: quo casu si huic damno aliter occurrere nequeat, nisi eam ducendo in uxorem, tenetur stare promissioni, de quo latius suprà *tract. 1. disp. 5. num. 42.* & P. Franciscus hic *num. 21. & seq.* Si verò copula habita fuerit cum corrupta, ad nihil tenetur; non eam ducere, quia verè id non promissit, neque de damno dato, quia nulum supponitur secutum: tenetur igitur solum dare pretium copulae, si ea scēmina sit consueta corpus suum elocare; & alere prolem, si certò constet, eam esse secutam ex dicto copula. Verùm hoc benè linuat Cornejo ad corruptam ex illicito concubitu extra matrimonium factò, non verò de vidua integrè famæ; quia non est ratio de hac aliter circa hoc iudicandi, quàm de virgine, quidquid contradicat Sanchez.

3. Cæterum promissio sponsaliorum debet exterius manifestari per verba, nutus, aut facta; quia homo non potest hominis promissionem ac-

ceptare, nisi hæc ei innotescat: sufficit autem quodcumque signum exprimens promissionem; non tamen sufficiunt hæc verba, *Nullam ducam præter te*, quia, stante veritate illorum, potest promittens vel intrare Religionem vel solutus in seculo remanere: undè illa promissio non est absoluta, sed conditionata, *Sialiquam ducam, te ducam & non aliam*, ut notat P. Franciscus *num. 18.* Probabilius etiam non sufficiunt verba, quibus duo intendunt inire matrimonium clandestinum per verba de presenti; cum enim Tridentinum talem contractum damnet & annullet, non est cur inducat illam obligationem: quidquid dictus Franciscus adhuc satis probabiliter *num. 44.* sustineat, clandestinum matrimonium vim clandestinorum sponsalium habere. Sponsalia tamen clandestina valida sunt: nihil enim Tridentinum de his novi disponit, ad eòque obligant sicut prius. Ita DD. communiter. Nec puto ullum esse peccatum per se loquendo, clandestinè inire sponsalia; quia id non est contra illam legem communem: quidquid tamen consultius aliter fiat saltè coram duobus testibus, ne periculum subsit non servandi fidei. Adde, contrahentes sponsalia non posse apponere pœnam frangerent fidem, ut ostendit P. Cornejo variis iuribus, ex quo colligitur promissionem talis pœnæ solvendi esse invalidam, etiamsi iuramentum esset asserta: ratio autem est ipsa,ertas ad matrimonium requiritur: quæ insingi nequit nisi in detrimentum publicum. Vide illum *tom. 2.*

disp. 2. dub. 7. Adhuc tamen oppositum sustinet Gobat in *Alphab. Matrim. par. 2. casu 4. num. 172.* citans pro se sex alios, & dicens jura, quæ videntur esse in contrarium, intelligenda esse dum resilitur ex causa justa, tunc cetò nequit pœna appolita exigi, bene tamen, inquit, si aliquis resiliat injustè: quod sustinet non plus libertati ad matrimonium requisitæ obesse, quàm obstit pœna, quam ipsa jura canonica minantur recedenti iniquè. Consequenter ad hæc defendit *casu 6. num. 266.* posse unum sponso-rem dicere alteri volenti absque legitima causa relaxari à spon- sione, *non te relaxabo nisi pendas tot, vel tot aureos*: quod & confirmat ex eo, quod ille recessus sit alteri parti probrosus, & communiter non reperiatur tam favorabile matrimonium, quàm si similia sponsalia non præcessissent.

4. Dico secundò, in contrahentibus sponsalia, juxta juris dispositionem, requiritur ætas septem annorum in utroque sexu; nam tunc communiter solet adesse usus rationis ad promissionem obligatoriam requisitus: si tamen quis ante septem annos completos esset doli capax, ita ut in eo malitia suppleret ætatem, putarem eum validè posse contrahere sponsalia; quia non videtur illud tempus præscribi ut necessarium absolutè (quamvis id videatur velle P. Urbanus; & P. Franciscus *num. 52.* absolutè dicat, septennium ita debere esse physicè completum, ut non sufficiat, diem ultimum esse inchoatum, tamen si contrahentes perfectò rationis usu gaudeant) sed tantum quia præsumitur

antea deesse usus rationis; qui si post septem annos in aliquo necdum adest, nequidem valdebunt sponsalia tunc inita ob defectum libertatis; quæ juxta varios apud Basilæum verbo *Sponsalia cap. 1. num. 3.* tanta esse debet, quanta requiritur & sufficit ad peccandum mortaliter, prout ostendit P. Franciscus *disp. 1. cir. num. 5.* Imò majorem requirunt Bonacinas & alii, nimirum etiam providentiam futurorum: sed minùs rectè meo quidem judicio; quia si ea providentia in contractu sponsalitio foret necessaria, debuisset à jure exigi major ætas quàm septem annorum. Sed quid si dicta plenali- bertas sive deliberatio orta sit ex ira vel alia animi passione? Nihil refert; quia etiam juramenta & vota inde orta subsistunt, cum ira, &c. plenam libertatem ad mortale necessariam communiter non tollat: quidquid interdum tanta esse possit, ut auferat liberum judicium, de quo prudenter judicabunt adstantes, aut etiam ipsi contrahentes. Ita Franciscus *num. 6.*

5. Adde, per parentes, curatores, vel alios gerentes curam infantium, posse contrahi sponsalia si addit gravis necessitas, etiam antequam hi expleverint septem annos; quamvis tamen hujusmodi sponsalia non sint valida nisi accedente eorum consensu, saltem tacito, post usum rationis adeptum, quod sit sufficienter quoad forum externum per filiorum taciturnitatem & non contradictionem dum ad dictam ætatem pervenerunt. Vide Dianam *par. 3. tract. 4. res. 1. 271.* ubi quoad hoc refert tres sententias non om-



ninò improbables. An autem contrahentes per se sponsalia ante completum septimum annum, peccent mortaliter: Controvertitur: affirmant Sylvius, Navarrus & alii, negantibus Sanchez, Diana & aliis apud Bassæum suprâ, qui utrumque censet esse probabile. Verùm ego hic utor distinctione, ac dico, eos mortaliter peccare si ad hoc habeant sufficientem rationis usum & eis constet de inhibi-

tione facta *cap. 2. de despons. impub.* ubi dicitur: *Districte inhiibemus ne aliqui, quorum uterque vel alter ad aetatem canonicis determinatam non pervenerint, conjugantur, nisi forte aliquâ urgente causâ & necessitate interveniente, utpote pro bono pacis, talis conjunctio toleretur*: eos verò non peccare, si vel careant dicto rationis usu, vel ignorent dictam inhibitionem.

## S. II.

### De Sponsalibus inter dispares: & an ob fornicationem cum alio solvi possint?

6. **D**ico primò, sponsalia etiam inter valde dispares valida sunt si utrinque adfuerit vera promissio. Ita Sanchez cum aliis plurimis. Ratio est, quia talia sponsalia nulli juri repugnant: & præterquam quòd Ecclesia ista sponsalia servare cogat, censentur taliter contrahentes juri suo cedere libere; nam suppono eis dictam disparitatem esse notam. Quòd si tamen is, qui est conditionis longè altioris, sic è tantum promississet, & ipsius conditio nota esset alteri, probabilius non teneretur ad matrimonium etiam si decessisset virginem: quia in tali casu ex circumstantiis promittentis sufficienter ipsa potuit colligere talem solum sic è matrimonium promittere: pro quo etiam consule dicta suprâ *tract. 1. disp. 5. num. 42.* ubi ulterius diximus, prædictum non teneri ad contrahendum matrimonium licèt il-

lud verè promississet, si ex eo prævideantur secutura gravia damna vel scandala; verùm tunc tenetur ad aliam compensationem; à qua tamen liber est, si ipsa postea adhuc cum alio fornicetur; quia tunc ipsa potius decipit quàm decipiatur: prout etiam non tenetur ad ullam compensationem, si ipsa vel parentes ipsius nolint acceptare matrimonium oblatum post corruptionem, eò quòd præter hoc nihil aliud promiserit. Ita nos cum aliis communiter ubi suprâ. Cæterum sic è matrimonium promittere omnino liberaliter, non exigendo scilicet ut altera pars repromittat, est solum peccatum veniale per se loquendo quia est simplex mendacium nemini perniciosum: erit tamen mortale si exigatur repromissio, quia per mendacium adigitur altera pars ad sustinendum grave onus, ad quod non ten-

tur. Ab hoc autem mortali absolvi-  
tur simulator, si dolendo de sua simu-  
latione paratus sit rescire damna si  
qua inde obveniant, ut si v.g. pars de-  
cepta, putans omnia esse sincere facta,  
negligat aliud favorabile matrimo-  
nium, quale postea non offertur.

7. An verò liceat sponsis resilire à  
sponsalibus dum alter relinquit se ab  
alio vel alia impudicè tangi? Distin-  
guunt varii volentes id licere sponso si  
sponsa id permiserit; non tamen è  
contra sponsæ quamvis permiserit  
sponsus; quia id sponsæ non est mag-  
num dedecus, nec est mutatio alicujus  
momenti: verum hoc bene limi-  
tant Coninek & Layman, nisi similes  
tactus sint frequentes, ita ut indicent  
propensum sponso in alteram ani-  
mum, ex quo timeri possit ne minùs  
sit amaturus sponsam aut ei fidem non  
sit servaturus. Interea

8. Dico secundò, quando uterque  
post sponsalia inita commisit fornicationem, solum sponsum posse à sponsa-  
libus resilire, volunt plures apud Dia-  
nam *par. 3. tract. 4. resol. 284*. Ratio  
est, quia nulla hic potest fieri compen-  
satio delicti sponsæ cum delicto spon-  
si; longè enim ignominiosius est spon-  
so talem ducere, quàm sit sponsæ tali  
nubere; præterquàm quòd ex forni-  
catione sponsæ multò majus damnum  
immineat sponso ob incertitudinem  
securæ prolis. At hoc non ob-  
stante docet Bonacinas, neutrum pos-  
se resilire ob paritatem rationis de-  
sumptam ex eo, quòd neuter conjux  
possit facere divortium, quando uter-  
que post contractum matrimonium  
commisit adulterium: quibus etiam

non obstantibus, vult P. Franciscus  
*num. 135*. tunc sponsalia per mutuum  
consensum implicitum tolli, eò quòd  
ambo ponant causam sufficientem  
sponsalium dissolutioni. Quòd an-  
tem in casu adulterii utriusque con-  
jugis non possit fieri divortium, est;  
quia cap. *intelleximus, de adulteris*, in  
favorem indissolubilitatis matrimonii  
id expressè deciditur. Quidquid sit,  
certum manet quando sponsus solus  
commisit fornicationem, posse spon-  
sam resilire, sicut & è contra, pro quo  
Bacho citat cap. *quemadmodum 25. de  
jurejurando*. Sed,

9. Quid si alteruter sponforum sit  
ligatus voto simplici castitatis, reli-  
gionis, vel sponsus sit consanguineus  
sponsæ; teneturne tunc sponsus pete-  
re dispensationem? Resolutum est su-  
prà negativè quoad duos primos ca-  
sus; quia juxta plures DD. obligatio  
voti major est quàm promissionis ho-  
mini factæ; contrarium tamen ibid.  
resolvimus non esse improbable.  
Quoad consanguineum verò sponsæ,  
rarò eum diximus teneri ad petendum  
dispensationem, nisi vel ad id se ex-  
pressè obligasset, vel decipiendo per-  
suasisset consanguinitatem non impe-  
dire matrimonium. Vide P. Francis-  
cum *num. 125. & 126*. Quoad spon-  
salia inter consanguineos inita *sub con-  
ditione quòd Papa dispensaverit*, vide Dia-  
nam *par. 3. tract. 4. resol. 290*. ubi pluri-  
bus citatis asserit esse probabile, etiam  
dispensatione obrentà, licere uni alte-  
rò invitò resilire, eò quòd dicta pro-  
missio fuerit nulla: si tamen, inquit,  
magnæ expensæ factæ essent causâ ta-  
lis promissionis pro impetranda dis-  
pensâ.

penfatione, refiliens teneretur eas reftituere: pro rationibus autem horum omnium mittit ad Valerum: *in diff. utriusque fori verbo Matrimonium diff. 7.* per totam. Verum hac in parte videtur mihi contrarium verius cum plurimis apud eundem Dianam *loc. cit.* & Sanchez *tom. 1. lib. 5. diff. 5. quæst. 3. num. 12.* Ratio est, quia ejus, quod nec malum est, nec ulli legi repugnans, iusta ac firma potest esse pæctio; sed pacisci de futuro matrimonio inter

confanguineos ex dispensatione Summi Pontificis nec est malum, nec ulli legi repugnans; ergo, &c. Addotamen, si consanguinitas sit talis, ut in ea Papa non nisi gravissima de causa dispenseret, qualis est inter patrum & neptem, promissionem sub dicta conditione nullam vim habere, quia tunc conditio dispensationis habetur pro impossibili, prout Sanchez ex communione omnium docet, teste Gobat.

### §. III.

## Quomodo Sponsalia obligent, & quomodo solvantur?

10. **D**ico primò cum communi ex *cap. litteris 2. & cap. requisitum de sponsalibus*, vera sponsalia obligant sub mortali; quia sunt contractus iustitiæ in re gravi. Obligant tempore præfixo, aut conditione appositâ purificatâ; vel si nullum tempus sit appositum neque conditio, obligant ad instantiam partis, cessante scil. legitimo impedimento in contrarium. Ita D. Thomas & cæteri communiter: ratio est, quia id est generale in omni debito contracto absque temporis determinatione. Hinc Bailles *cap. 2. num. 1.* post alios iussit, illum, qui absque legitima causa recusat implere fidem sponsalium, monendum esse, & si renuat, cogendum per censuras à Iudice Ecclesiastico, nisi attentis circumstantiis prudenter judicet ex matrimonio invito posse timeri scandala,

diffensiones, & infelices exitus. Vide etiam Pontium *de Matrim. lib. 12. cap. 6. num. 2.* ubi dicit, abstinendum etiam esse à ferenda excommunicatione si ex pertinacia alterius prudenter judicetur frustra eam fieri: inò P. Urb. nostrat. 3. tit. 15. cap. 1. docet, nullam quam ad sponsalia per matrimonium complenda debere accedere coactionem; quia omnes nuptiæ coactæ difficles exitus solent habere: vide etiam Cornejo *tom. 2. tract. 6. diff. 2. du* & Francisc. Bonæ Spei *diff. 1. num.* Hinc dum sponsus constanter reducere suam sponsam, eò quòd hæc spectat omnem amorem in aliam transferit, consulerem sponsæ non tum urgere, vel saltem non cogemilem sponsum ad matrimonium efficere, ut constet, non esse à se ipsi causam resiliendi, ut proinde

(a cogatur satisfacere pro omni damno, quod patietur ob ejus perfidiam. Ceterum Gobat in *Alphab. Matrim. par. 2. casu 4. num. 124.* ex Gallemart refert, Congregationem commendasse ne contractus matrimonialis diu differatur post sponsalia, his verbis: *Monendi sunt sponsi, ut factis sponsalibus quamprimum contrahant matrimonium per verba de presenti coram Parocho & testibus, ne sponse stupri periculum subeant.* Quod merito judico faciendum; quia dilatio matrimonii inter sponfos est expiissime occasio multarum turpitudinum. Intellige autem illud *quamprimum* post factas demutationes, de quibus infra.

11. Dico secundò, sponsalia solvuntur, primò, mutuo consensu, si contrahentes sint puberes, et si nulla adsit alia ratio. Ita Urbanus. *loc. cit.* pro quo etiam vide Bachonem *art. 3. supra.* & P. Franciscum *disp. 1. sepe cit. num. 83.* Quòd si contracta fuerint inter impuberes, solvi nequeunt ante pubertatem; ita enim jura statuunt ob variabilitatem eorum: qui tamen primò attingit pubertatem potest statim resilire, & cum alio sponsalia inire, si velit: quod puto certum, quamvis aliqui apud Dianam *par. 2. tract. 4. resol. 282.* oppositum doceant: ratio mea est; quia sicut alter accepta pubertate non potest priorem ad hoc impedire, ita nec ante pubertatem. Quòd si verò pubes ineat sponsalia cum impubere, non potest ille resilire, bene hic cum ad pubertatem venerit, ita constituyente jure canonico: si tamen impubes juraret, se semper servaturum contractum sponsalium, pu-

tarem eum resilire non posse; sicut enim est capax jurare, ita & se obligare; supponitur enim esse doli capax. Adde ex P. Francisco, prædictam resiliationem debere fieri statim post pubertatem, ne in mora existens censcatur sponsalia tacetè confirmasse.

12. Dico secundò, solvuntur sponsalia per professionem religiosam, & probabiliter per Religionis ingressum. Ita Bacho & Cornejo, quorum tamen primus videtur per ingressum intelligere professionem: ratio interum est; quia tum accedit notabilis mutatio status, & hoc favoris videtur mereri bonum intrantis propositum: si tamen sponsus sponsam dehorasset sub spe futuri matrimonii, non posset Religionem ingredi: pro quo vide Dianam *loc. cit. resol. 207.* & P. Franciscum *num. 91.* ubi docet, per ingressum Religionis dissolvi sponsalia ex parte nantis in saeculo quidem, non verò ex parte ingredientis; quorum primum absolute verum, & secundum probabilius judico, ob rationes, quas adfert. Vide eundem etiam *num. 96.* ubi dicit, eum, qui verè sponsalia cum virgine contraxit, & spe matrimonii illam dehoravit, Religionem ingredi non posse, licet ad eam se voto adstrinxisset.

13. Solvuntur tertio per susceptionem Ordinis sacri. Est certum: non potest tamen sponsus eum suscipere in casu allato: an verò peccet qui extra eum casum post sponsalia Ordinem sacrum suscipit? Affirmant varii apud Dianam *ibid. resol. 208.* sed ipse judicat contrarium probabilius; quia in contractu sponsalium semper videtur sub-

intellecta conditio melioris status. Verum P. Franciscus hanc rationem rejiciens, *num. 103.* cum alius sentiens, ostendit, prædictum mortaliter peccare. Adde, neminem à sponfalibus, etiam in sententia Dianæ, posse resilire, ut simpliciter servet cœlibatum : quia cœlibatus ut sic non est status melior, nec consequenter est subintellecta conditio ipsius, quamvis simpliciter loquendo melius sit cœlibatum tenere quàm matrimonio jungi.

14. Quartò sponfalia solvuntur per matrimonium cum alio initum, hoc enim reddit observantiam prioris vinculi impossibilem. Antamen solvantur quoad contrahentem matrimonium, quando alter expectat usque dum hoc matrimonium sit solutum? Controvertitur : affirmat Sanchez, negante Pontio, & utriusque sententiam probabilem dicit Diana *res. 209. seq.* quidquid absolutè affirmativam sustineat P. Cornejo *tom. 2. tract. 6. disp. ult. dub. ult.* & è contra negativam P. Franciscus *num. 105.* Interea secunda sponfalia non reddunt primà irrita, prout in jure definitum est : potest tamen resilire sponsa si sponsus cum alia contraxerit ob ipsius infidelitatem : imò si cū secunda sponsa intercesserit copula, nec par periculum damni priori imminet, juxta varios tenetur sponsus ducere secundam, præsertim si huic non constiterit de primis sponfalibus ; quia hujus jus est multò strictius. Ita inquam variè, quidquid Burghaber *Centur. 1. casu 57.* absolutè oppositum defendat. Vide iterum Dianam *resol. 210.* apud quem etiam hoc ultimum est in controversia : quam

tamen controversiam bene tollit Franciscus B. Spei *num. 110.* ubi fideliter Patris Herincks inconsequentiam detegit ; quidquid hic alibi immeritò dicat, Franc. B. Spei esse sibi mala fidei.

15. Quintò insuper solvuntur dum ultra præfixum tempus absque legitima causa differtur eorum impletio : vel dum sponsus absque licentia sponsæ vadit ad partes valde remotas : sic disponit jus commune. Hoc ultimum intellige, nisi ad illas partes iverit ob causam necessariam, ut est mors parentum, & aliud grave negotium urgens : tunc enim juxta *l. sap. ff. de sponsal.* expectandum esse sponsum donec cesset necessaria illa causa absentiae, volunt plures apud Gobat *in Alph. matrim. par. 2. casu 8. num. 353.* qui tamen cum aliis melius negat necessitatem tantæ diurnæ expectationis, dum sponsa est certa de diurna absentia sponsi quidquid prudenter moneat, pene Judicem ecclesiasticum esse, inspecta qualitate sponsæ, periculo incontinentiæ, aliisque circumstantiis judicare, utrum absentia sit adeo diurna, ut sit sufficiens causa dissolvendi sponsalia : in re enim tantum momenti non debet sponsa assumere partes Judicis. Insuper sponfalia solvuntur ob fornicationem de quo §. 2. item ob hæc, quæ est fornicatio quædam spiritualis.

16. Sextò solvuntur sponfalia notabilem mutationem superventam, quæ si præcessisset vel cognovisset, sponsalia non fuissent iniuncta quia promissio non obligat ultra promittentis intentionem. Talis mutatio est magna deformitas ; quæ ta-



debet esse major in sponso, quam in sponsa, in qua plus consideratur pulchritudo; imò P. Urbanus & alii loquantur communiter de sola deformitate adveniente sponse: quare valde magna debet esse deformitas sponsi, quæ de novo adveniens det sponsæ jus resiliendi; qualis esset si totum nasum amitteret, aut tota facies fœdè exulceraretur, aut alia ratione ita fieret deformis, ut spectantibus horrorem aliquem incurreret. Talis etiam mutatio est infirmitas habitualis, oris maleolentia incurabilis, paupertas, odium grave, inimicitia, &c. Quorum omnium ratio est; quia cum in hoc contractu maximè spectetur conjunctio animorum, multò major requiritur libertas, quam in aliis contractibus, adeoque quod ab initio suffecisset ad illum impediendum, sufficit postea ad eum solvendum. Hanc materiam fusè tractat Gobat in *Alphab. matrim. par. 2. casu 8. à num. 293.* ubi inter cetera pro causa sufficienti ad solvendum sponsalia ponit, quando post sponsalia deprehenditur, sponsum esse valde asperum, & sævum, ut proinde merito timeatur, ne valde asperè tractet uxorem. Refert item *num. 340.* juxta varios licere sponso, qui post sponsalia obtinet magnam hereditatem improvisam, quærere parem sibi opibus, relicta sponsa multum jam impari: quidquid alii distinguant dicentes, id non licere, si primam sumperit præcipuè propter formæ præstantiam. In his sententiis non audet Gobat interponere suum iudicium: ego tamen noto, in secundo casu aq̃ue esse liberum resiliere à contra-

ctu sponsalicio antea inito, quam in primo; sicut enim unus, qui sumperat primam sponsam præcipuè ob divitias, modo ditior factus potest sumere ditiozem: ita alter qui primam sumperat præcipuè propter pulchritudinem, poterit ditior factus sumere pulchriorem.

17. Septimò solvit sponsalia omisso alicujus quod promissum erat: sicut & affinitas in primo vel secundo gradu intercedens inter sponso, vel cognatio spiritalis, aut si adveniat aliud impedimentum dirimens matrimonium, pro quibus omnibus vide P. Urbanum *tract. 3. tit. 15.* & P. Franciscum *num. 127.* ubi dicit, vocem aut famam publicam, id est, majoris partis vicinæ acclamationem, si facillè extingui non possit, de substantie impedimento canonico, sufficere ad dissolvendum sponsalia, licet falsa sit: quod & probat ex cap. *Super eo. 2. de consanguinit. & affinit.* Sufficit etiam unus testis fide dignus juratus de simili impedimento, ut sponsalia per Judicem dissolvantur. Idem Franciscus *num. 142.*

18. Adde, ad solvenda sponsalia, si causa ipso jure inest manifestè, non esse necessariam Judicis autoritatem, secus si non sit per se manifesta: tunc enim coram Judice probanda venit, ne vel alteri sponso fiat injuria, vel scandalum creetur. Ceterum fit quandoque, ut concurrant plures causæ dissolutionis, quarum licet singula non sint sufficientes, simul tamen sumptæ sufficere possunt, eò quod ut sic reddant contractum matrimonialem notabiliter difficilior.

Petes an sponsalia solvi possint per dispensationem ? Respondeo cum Gobat, quando sponsalia sunt firmata juramento, nequit ipse Papa dispensare absque gravissima causa concernente bonum publicum : nam jus acquisitionis alteri, & firmatum juramento nequit etiam à supremo Principe nisi ob similem causam auferri. Si verò non fuerint juramento firmata, potest, indubiè unà parte adhuc contradicente dispensare, cum & possit in matrimonio rato : requiritur tamen causa ad-

modum justa, & gravis, ut timeatur prioris sponsi futurum esse causam peccati sponsæ, aut si ex matrimonio cum altero speretur publica pax, aut extinctio, vel impediriò gravium discordiarum. Addo Episcopum nihil posse in hac materia, cum generatim nequeat dispensare in casu, quo jus est acquisitum alicui tertio, talis enim potestas est penes solum supremum Principem. Hæc omnia desumptit Gobat ex probatis Authoribus *loc. cit. casu 7. num. 280. & seq.*

#### S. IV.

### An Sponsi teneantur revelare occultos defectus : & petere licentiam à parentibus ?

19. **D**ico primò, sponsi non tenentur sibi mutuo revelare defectus occultos, nisi sint valde perniciosi comparti ; nemo enim tenetur seipsum accusare, infamare, aut damificare : quare corrupta potest se gerere pro virgine, nec nobilis tenetur suæ nobilitatis aut divitiarum quantitatem explicare ; quod puo verum probabiliter contra Amicum etiam in casu, quo circa hæc se mutuo interrogant ; quia nec tunc adhuc tenentur se infamare, cum sibi mutuo non inferant grave damnum occultando, solumque id reddat nuptias minus appetibiles : secus tamen dic de defectibus, qui redderent nuptias execrabiles ; qualis v.g. est morbus gallicus, lepra, aut alius morbus contagiosus.

20. Dico secundò, contrahentes sponsalia in scitis parentibus, mortaliter peccant contra pietatem si id temere faciant : quia parentum officium & potestas exigit, ut sine eorum consensu & consilio à liberis nihil magni momenti agatur : quidquid tamen non semper teneantur eorum consilium sequi, nam adhuc manent verè liberi in contrahendo matrimonio. Solum igitur obligantur diligenter examinare motiva parentum, ob quæ hoc vel illud matrimonium suadere vel dissuadere conantur, ea conferendum motivis contrariis, quæ ipsi occurrunt. Quòd si parentes et velint avocare aut impedire ab omni matrimonio, minime debent eis obtemperare dum adest periculum à continentia ; in quo lapsius possunt  
pare

parentes delinquere. Cæterùm juxta Sanchez, quem sequitur Bassæus verbo *Sponsalia cap. 2. num. 8.* & Franc. B. Spei *disp. 1. num. 49.* tenentur liberi datam fidem sponsaliorum servare, etsi inconsultis aut invitis parentibus imparis conditionis sponsis promiserint matrimonium; licet enim peccarint promittendo, tenentur tamen sub obligatione gravi promissionem adimplere, & in omni foro compelli possunt. Hinc graviter peccant parentes, si illos impedire vel dissuadere conentur ne liberi faciant id, ad quod sub gravi culpa obligantur. Ita Bassæus; bene tamen addens ex Navarro & aliis, parentes posse ac debere impedire matrimonium, si ex eo ob disparitatem sponzorum vel aliam similem causam timeatur familiæ ingens dedecus, scandalum, rixæ, &c. ad quod etiam implorare debent Judicis auctoritatem si opus fuerit: quia in eo casu tale matrimonium tanquam charitati ac pietati repugnans, sine peccato à liberis contrahi non potest.

Quid si sponsio matrimonialis facta sit sub conditione, si pater consenserit? Obligat si pater re intellectâ apertè, & constanter consensiat. Si verò initio consensiat, deindè dissentiat, vel e contra, multi volunt obligare, & multi nolunt, quos referunt Sanchez, Hurtadus, Peres, ac Dicastillo apud Gobat in *Alphab. Matrim. par. 2. casu 4. n. 167.* è quibus dicit in praxi sequendos esse illos, ex quorum sequela nascuntur minora incommoda: quidquid putet ipse, & ego, ita loquentes solere esse sollicitos, non tam, ut pater consensiat, quam ne contradicat cum indignatio-

ne. Quare si non contradicat dum ipsi innotescit promissio, aut contradicat quidem hodie, sed eras consentiat, meo judiciò impleta est conditio. Hanc conditionem hoc modo intellectam si pater meus non contradixerit, vult Menochius semper implicite subintelligi, cum doceat absolute ob solum dissensum paternum posse sponsum resilire à sponsalibus. Sed ego illam doctrinam sic generaliter positam non admitto, bene si hunc dissensum secutura sint gravia valde incommoda, ut sunt gravis, & perpetua, aut valde diuturna illius offensa, verbera, & privatio, aut notabilis diminutio hæreditatis: pro quo vide dictum Gobat *casu 8. num. 330. & 339.*

Sed quid intelligunt puellæ dicentes tibi nubam, si Deo placuerit, vel si Deus irares disposuerit? Ego primâ si fonte judicabam similes promissiones esse quasi absolutas, utpotè conditionatas conditione, quæ per se semper subintelligatur; & sic teste Gobat etiam existimavit vir apprime doctus. Verùm ipse Gobat autumat sentum prioris communiorem esse: si re bene examinâtâ deprehendero esse expediens ad animæ meæ salutem, nubam tibi: posterioris verò, vel illum eundem, vel nubam tibi si Deo dirigente commodum mihi fuerit: ita ut illa puellæ sint omninò liberæ à sua promissione, si deprehendant, esse sibi ad salutem conducibilibus vel commodius manere calibres aut nubere alteri: atque ita testatur censuisse sapientes viros à se interrogatos *casu 4. num. 169.* Quibus non obstantibus adhuc puro meum præcedens judicium esse sustinendum pro pluribus locis Belgii, in



quibus parentes docent suas proles in omnibus promissionibus, imò & propositis, similem clausulam apponere, quia non sciunt an sint tam diu à Deo relinquendi in vita, vel an sint tempore futuro mansuri moraliter potentes adimplere promissionem: quo sensu indubiè semper implicitè subaudiuntur dictæ conditiones, & sunt ac si

non essent appositæ. Quia tamen prædictus Gobat ulterius testatur, de ornatissimos viros percallentes illius Curia interrogatos respondisse, nullam promissionem sponsalium contineri in dictis verbis quoad forum æternum, judico, nullam similem conditionem esse in sponsalibus à Parochis permittendam.

## S. V.

### De Sponsalibus initis ex metu: & quænam sint licita vel illicita Sponsis?

21. **D**ico primò, sponsalia inita ex gravi metu, juxta DD. satis communiter, invalida sunt, quamvis juramento firmentur: unde nec inducunt impedimentum publicæ honestatis, nec ullam obligationem. Probatur ex cap. *ex litteris de sponsal. impub.* quòd verò aliqui dicant, hoc juramentum per se parere obligationem sicut juramentum solvendi usuras, non videtur verum; quia contractus sponsalitijs metu initus prohibetur à jure propter publicam utilitatem; contractus verò usurarius solùm ob utilitatem privatam: contractus autem ob utilitatem publicam inhibitus, juramento stabilitus, nequidem parit obligationem vi juramenti. Vide Dianam *par. 3. tract. 4. resol. 278.* & Franciscum B. Spei *disp. 1. num. 30.* ubi docet, metum, etiam cadentem in constantem virum, sponsalia coacta non irritare; quia melius est coacto sponsalia non

esse irrita, eò quòd per ipsum sint irritabilia.

22. Dico secundò, contra varios apud eundem Dianam *par. 2. tract. 3. resol. 6.* tactus inter sponsos ob finem honestum, in signum v. g. benevolentia, &c. non sunt mortales, quando non sunt impudici nec adest periculum pollutionis: ratio, ut loquitur Diana, clara est; quia sicut copula honestatur à matrimonio, ita sponsalia, quæ sunt via ad illud, debent dictos tactus honestare, sic & oscula, quæ sunt quædam inchoa ad copulam. Ita Diana, Sanchez alii duodecim, quos citat. Non autem cum Salas ipsis permittere aut impudendorum, cujus sententia in hoc Diana *par. 11. tract. 2. resol.* dicit improbabilem; idem asserere sententia Sanchez, quæ docet li oscula & tactus externos, etiam incutura pollutio prævideatur, &

modo ad sit justa causa in sponso, videl. ad vitandam inurbanitatis seu austeritatis notam : & verè non est admittenda hæc sententia ; quia alia adsunt documenta ableganda hujusmodi notæ. ut necesse non sit tam obnoxiam periculo demonstrationem admittere. Et P. Franciscus num. 78. docet , illicita esse oscula , &c. inter sponsoſ, causâ sensualis delectationis ex spiritu vitalium commotione ad copulam incitante : quidquid Salas velit, sponſis licitas esse delectationes & commotiones sensibiles, quæ ex cogitatis osculis & amplexibus resultant. Plura circa hæc vide apud Sanchez lib. 9. disp. 46. num. 50.

23. Adde primò controversum esse, an sponſi cum aliis fornicantes, teneantur in confessione explicare circumstantiam sponſaliorum ? Affirmant Homobonus, Naldus, Sylvius, & alii quinque apud Dianam par. 1. tract. 7. resol. 5. Horum ratio est ; quia in eo reperitur duplex malitia ; cum sponſi per sponſalia acquirant jus in mutua corpora : negant tamen adhuc Covarruvias & Vivaldus, quorum sententiam probabiliorē reputat Azorius, & ut probabilem admittit Ledesma ; atque horum ratio è contra est ; quia dicta circumstantia non mutat speciem, cum illa fornicatio non sit adulterium, ut tenet Henriquez lib. 2. de Matrim. cap. 13. num. 4. Quod & probat P. Franciscus num. 64. hæc ratione ;

promissio futura Religioſæ professionis non addit specie distinctam sacrilegii malitiam fornicationi, eò quod non sit professionis facta , sed faciendæ dumtaxat : ergò nec sponſalia, &c. quia non sunt matrimonii facti, sed faciendi tantum : Quare hanc sententiam probabilem & tutam in praxi vocat Diana loc. cit. quidquid medium teneant Roderiquez, Sanchez, Filliucius & alii, volentes, dictam circumstantiam esse explicandam à sponſa fornicante, non verò à sponſo.

24. Adde secundò, ubi Tridentinum non est receptum, sponſalia inter sponſos per copulam post habitam, ex præſumptione Ecclesiæ , transire in matrimonium, secus ubi Tridentinum est receptum, nisi (quod est casus metaphysicus) copula coram Parocho & testibus, tanquam mutui consensus conjugalıs signum expressivum, haberetur. Ita Franciscus num. 74. probans primum, quia id statuitur cap. 12, qui fidem, de sponſ. Secundum, quia Tridentinum irritat matrimonium clandestinum. Tercium verò, quia tum nihil deest ad validitatem matrimonii ; quidquid, ob accessum ad non suam & non suum, sit illicitum.

\* \*

## DVBIVM SECVNDVM.

*Quid Matrimonium ; quæ ejus materia & forma? Ubi aliqua de Matrimonio factò.*

25. **D**ico primò, matrimonium est maris & fœminæ conjunctio individuum vitæ societatem retinens; sic sumitur ut officium naturæ ad liberos procreandos: ut verò novæ legis Sacramentum ad onera matrimonii divinâ gratiâ sublevanda (qualiter Sacramentum esse, definitum est in multis Conciliis) est signum Sacrum, sive Sacramentum conferens gratiam ad reprimendam concupiscentiam & fideliter cohabitandum in ordine ad prolem educandam. Vide Cornejo tom. 2. tract. 6. disp. 1. dub. 1. & 2. ubi contra quosdam hæreticos ostendit, matrimonium esse licitum ex Scriptura & ratione. Matrimonium in officium naturæ probabiliter institutum esse à Deo in ipsâ Adami & Evæ creatione probat P. Franciscus disp. 3. num. 18. Incertum verò esse, quando institutum sit à Christo ut Sacramentum; disp. 4. num. 33.

26. Duplex igitur in hoc ente moralis ratio invenitur; prima quòd sit contractus sicut ab initio semper fuit, constans essentialiter ex consensu mutuo prout ceteri contractus; secunda quòd in lege Evangelica fuerit hic contractus effectus ad dignitatem sacramentalis. Per conjunctionem au-

tem in definitione matrimonii positam, intellige mutuum vinculum consistens in exprello consensu conjugum moraliter perseverante; non tamen intelligitur conjunctio corporum quàm animorum, ut loquitur P. Urbanus: individua verò Societas consistit in Societate voluntatum & cohabitatione, seu, ut vult idem Urbanus, in vinculo indissolubili, quòd à conjugibus contrahitur usque ad mortem alterutrius; nam cohabitatio solvi potest multis de causis.

27. Matrimonium aliud est ratum quòd de facto firmatum est consent conjugum in facie Ecclesiæ; aliud consummatum, quando insuper accessit copula. Undè hic non est idem consummare & perficere, quidquid sit de his materiis: quare valdè male dicebat quidam de Principe, quòd consummasset matrimonium per Procuratorem; debuisset dicere, quòd fecisset aut perfecisset, & omnino optimè, quòd contraxisset illud Procuratorem.

28. Dico secundò, quoad materiam & formam hujus Sacramenti varias opiniones puto probabiliter illam, quæ docet, adus seu consensum contrahentium quatenus sunt tri-

corporum utriusque, esse materiam; quatenus verò sunt acceptatio, esse ipsam formam. Ita Urbanus, Busenbaum & alii, inter quos Cornejo *ro. 2. tract. 6. disp. 1. dub. 6.* respondet ad fundamenta in contrarium. Probatur quia in aliis contractibus traditio rei se habet per modum materię, acceptatio autem per modum formę: hinc res ipsę sunt tantum materia remota. Vide etiam Franc. Bonę Spei *disp. 4. num. 34.*

29. Adverte, consensus dictos debere esse liberos ab omni coactione & metu gravi injuste incusso: ac quamvis in foro externo metus reverentialis & levis non audiat, eò quòd aliàs plurima matrimonia destruenda forent cum maximis incommodis, Urbanus tamen *tract. 15. tit. 15. cap. 4.* dicit, non esse dubitandum quin & hi metus in jure naturę sistendo sæpe possint tollere libertatem necessariam ad matrimonium: quare, inquit, necesse est ut metum passus absolutè consentiat, sicque nuptię ratificentur: puto tamen cum eodem Urbano, dictum metum esse sufficienter purgatum, si eum passus alteri sponte cohabitarit vel se carnaliter cognoverint: hæc enim includunt implicitum consensum. Dixi *injuste incusso*: quia metus justè incussus non irritat matrimonium, pro quo vide Tambur. *in decal. par. 1. lib. 1. cap. 2. §. 7.*

30. Debet etiam mutuus consensus esse de presenti, adeòque licet consensus sub conditione de præterito aut presenti sufficiat, quia tunc adimpletio contractus non suspenditur; non sufficit tamen consensus sub conditio-

ne de futuro, quamvis contractus tunc habeat rationem sponsaliorum. Quod si tamen conditio de futuro sit necessaria, impossibilis vel turpis non repugnans substantię matrimonii, non invalidat nec suspendit contractum; quia talis conditio habetur pro non adjecta in favorem ejusmodi pacti: præsumitur etenim quilibet similes conditiones satis agnoscere invalidas, adeoque nolle illis suum assensum affigere: cujus tamen contrarium si aliundè constaret, omninò standum esset intentioni contrahentium. Ita Urbanus *tit. 11. tract. 2.* cujus ultimi ratio est, quòd contractus ex conventionibus legem accipere dignoscantur: vide etiam Cornejo *tom. 2. supra disp. 3. dub. 5. 6. & 7.* ubi latè hæc omnia discutit: & Franc. B. Spei *disp. 2. num. 13. & seq.*

31. Debet denique consensus sufficiens ad Sacramentum matrimonii esse expressus per signa externa, ut nimirum sit signum sensibile; sufficient tamen quælibet signa humano modo & juxta consuetudinem cujusque Religionis manifestativa consensus interni; quidquid aliqui necessaridè requirant verba, dū cessat omnis necessitas in contrarium. Verba, quibus matrimonium contrahi potest, sunt varia, & illa sufficiunt, quæ determinatè significant consensum de presenti, ut *trado me tibi in virum*, alterā addente, *accepto*, vel *& ego me tibi in uxorem*: ac si verba sint dubia, standum est in favorem matrimonii. Vide Bachonem *dist. 31. art. 5.* ubi examinat valorem variarum formarum hujus Sacramenti.

32. Cæterùm nullatenus requiritur consensus parentum ad valorem matrimonii filiorum. Est definitum in Trident. Nec debent semper filii exheredari præcisè, quia contrahunt matrimonium invititis parentibus: nam sic tolleretur libertas ad matrimonium requilita, cùm non auderet filius nubere cui vellet. Tenetur tamen filius ex dictis de sponsalibus consulere patrem si commodè fieri possit, & non longè absit, aut si non timeat matrimonium malitiosè impediendum: imò & obedire patri si multum referat, illum cum illa contrahere quam pater designat, v. g. ad graves inimicitias inter magnas familias tollendas, ut post alios docet Burghaber *Centur. 3. casu 55.* Addo exstare Ediètum Philippi IV. anno 1623. ut filii-familias minores 25. annis, qui insciis, aut invititis parentibus, & omnes minores, qui sine consensu proximorum consanguineorum, paterni & materni lateris, & tutorum seu curatorum, cujuscumque sint qualitatibus contraxerint, incapaces sint omnium lucrorum, quæ directè vel indirectè alter ab altero petere posset per conventiones; donationes inter vivos causâ mortis; testamenta, successiones, consuetudinem, seu alium quemcumque modum: *eiusque dispositio vigeat, quamvis postea parentum consensus superveniat.* Possint ejusmodi etiam filii-familias à patre & matre exheredari: nec recipiatur querela sub prætextu legitima, dotis, alimentatationis &c. Hoc ediètum tangit Franciscus Bonæ Spei *diff. 2. num. 2.* & ad longum refert Antonius Anselmo in *Triboniano Belgico cap. 54. §. 4.* in ejus expli-

cationem varia adferens, ac inter cætera §. 13. hæc habet. *Non desunt eximia doctrina & auctoritatis viri, qui hæc edièta dicunt nulla & invalida esse, nec vim legis habere; quia, inquit, tendunt contra libertatem Ecclesiæ, & disponunt circa matrimonia: matrimonium autem privativè esse fori Ecclesiastici, adedque non esse in potestate laici Principis de super quicquam statuere. Et inter cæteros hanc opinionem amplectuntur Sarmient. Selectar. Interpret. lib. 1. cap. 11. num. 8. Covarr. par. 2. de Matrim. cape 3. §. 8. num. 5. & alii. Sed in cassum: quod valdè latè probat citans pro se multos. Ac addens §. 25. pœnas has comminatas sufficientem causam non præbere dissolvendi sponsalia: pro quibus, & aliis, vide dictum Anselmo loc. cit. & Gobat in Alphab. Matrimonii par. 2. casu 3. num. 108.*

Intercè simpliciter loquendo dum filius petit ut possit ab omni parte rationabile matrimonium inire, tenentur parentes consentire, ac juxta statum & conditionem suam ei honestam dotem constituere. Hanc obligationem ponit Burghaber *Cent. 3. casu 16.* in fratre divite, etiam beneficiato, respectu sororis, cui jam nubili occasio se offert honesti matrimonii, ad quod defectu dotis pertingere non potest. Probat ex l. cum plures cit. Item l. 2. §. Sed non ullos, & Glossa v. præsiterit ff. de Tutel. & rationibus distrabent. atque aliis, in quibus habetur, fratrem obligari titulo sanguinis alimenta præstare sorori. Ergò & dotem, cum regulariter ex illis ad hanc efficacæ argumentum desumatur, ut cum pluribus Juristis notat Palao

tract. 32.



tract. 32. D. 9. p. 5. §. 3. num. 1. Tum quia communis DD. sententia defendit, hanc obligationem incumbere fratri respectu sororis, ut videre est apud Palao *loc. cit.* & Layman l. 3. tract. 4. cap. 13. num. 5. Tum quia in filium descendit officium paternum respectu filiarum. Ergo cum patris sit, dotare filiam, ad idem obligabitur frater; esto aliàs non sit hæres patris, modò aliunde habeat, ex quo dotare possit. Tum quia opus hoc est pietatis magnæ, obligationis naturalis, & juri maxime conforme. Ergo non excusabitur ab eo præstando frater, licet sit Clericus, nec alia bona nisi ex beneficio collecta habeat, ut præter alios rectè notat Navarr. de Redditiis. quæst. 2. monito 26. Ita Burghaber, qui obijcienti, filium non teneri dotare matrem, respondere hoc nil referre, quia novum connubium matris cedit in injuriam quodammodo ipsius filii, secùs istud sororis.

Petes, quid sit faciendum ei, qui fictè consensit in matrimonium?

33. Respondeo imprimis cum commississe grave peccatum sacrilegii, eò quòd Sacramentum reddiderit nullum; & fornicatur quoties actum matrimonii exercet: undè obligatur quamprimùm præstare verum consensum; quo posito validatur matrimonium; quia verus alterius consensus, qui adfuit ab initio, adhuc perseverat: si autem ambo ab initio consensissent fictè, debent ambo postea verè consentire, non tamen necessariò coram Parocho & testibus si hi antea adfuerint; prout id etiam non re-

quiritur quando matrimonium fuit nullum ratione impedimenti ignorati: tunc enim obtentà dispensatione, sufficit novum consensum inter conjuges poni, si impedimentum sit occultum: & in casu quo unus conjux solus ipsius conscius est, non est necesse, ut id indicet comparti, sed sufficit, si alterum variis amicitia signis provocet ad affectum conjugalem, dicendo verbi gratia. Ego ita te amo ut si adhuc essem liber, hodie te acciperem uti de facto adhuc te accipio, nec dubito quin idem sit vester animus: quod si alter dicat, ita est, quis dubitat, &c. jam ponit sufficientem consensum: imò ipsa copula habita animo conjugali est sufficiens consensus juxta probatissimos Authores. Quæ omnia sunt benè notanda, utpotè in praxi tuta; quamvis Lothus, contra alios communius, doceat sententiam oppositam quoad omnia relata esse in praxi servandam: vide eum in casibus Belgicis tract. 3. de matrim. clandest. art. 10.

Petes iterum quid dicendum de casu sequenti? Cajus negat, se verè consensisse in matrimonium cum Agnete, seque affectu matrimoniali cum ea unquam consummasse: quare relicta Agnetè ducit Bertham; Agnes verò ducit Titium.

Respondeo, si Cajus sit certus de veritate utriusque suæ negationis, tenetur remanere cum Bertha vera sua uxore, utpotè cum priùs matrimonium absolutè fuerit nullum: at debet Agneti resarcire damna, quæ patitur ratione præteritæ fictionis. Interea tamen tenetur Agnes recedere à Titio

ob moralem certitudinem de valore sui prioris conjugii: & consequenter etiam Titius ab Agnete, si intelligat eam fuisse nuptam Cajo nihil alleganti præter fictionem. Nec illi Cajo titulo iustitiæ est obstrictus, cum neque vi, neque fraude, aut consilio induxerit ad accipiendam Agnetem.

Quid si Judex ecclesiasticus urgeat Cajum, ut redeat ad Agnetem? Debet potius excommunicationem sustinere, vel in alias regiones externas fugere. Hæc omnia ex Lessi ode-

sumpta ferè eodem modo refert Gobat in *Alphab. matrim. par. 2. casu 11. num. 436. ubi num. 441. & seq.* adfert rationes, argumenta, judicia, &c. quibus probari possit, aliquem solum fide consentisse: verum ipso fatente non admittuntur à Lessio negante, dandum esse locum præsumptionibus, quantumvis multis, & magnis adversus valorem solemnitis contractus: neque etiam admittuntur à Layman requirente judicia clarissima: ideo ergò prætereo.

## DVBIVM TERTIVM.

### *Quis sit minister Matrimonii: & de assistentia Parochi.*

34. **D**ico, minister Sacramenti Matrimonii sunt ipsi contrahentes; non verò Parochus. Ita P. Franciscus *disp. 4. num. 47.* dicens hanc esse communem sententiam. Probat, quia matrimonia clandestina, quæ erant valida ante Tridentinum & adhuc modò sunt in locis ubi Tridentinum non est receptum, sunt verum Sacramentum; in iis autem non adest Parochus: deinde in quadam Cardinalium declaratione apud Amicum expressè dicitur, non pertinere ad substantiam matrimonii, ut Parochus aliqua verba proferat: & dum *Trid. sess. 24. cap. 1.* jubet, ut Parochus, habito contrahentium consensu dicat, *Ego vos in matrimonium conjungo in nomine Patris, &c.* solum ex parte

Ecclesiæ matrimonium declarat factum & approbat. Undè Parochus sub istis verbis, potest quidem dici minister solemnizationis matrimonii inquit dictus Franciscus, non verò valoris. Hanc sententiam dicit etiam N. Cornejo esse communem omnium uno aut altero exceptis: atque ex ea inferunt Pontius, Vasquez & alii apud Dianam *par. 3. tract. 4. resol. 199.* contrahentes matrimonium in peccato mortali, peccare peccato mortali duplici, videl. tanquam suscipientes Sacramentum ac tanquam ministrantes: quod negant alii decem, eò quod non sint Ministri specialiter ad hoc deputati nec ad id receperint gratiam: vide dicta supra *disp. 1. dub. 3.* & adde, multò minus mortaliter peccare Parochum

chum assistentem matrimonio in peccato mortali. Interim hic in omni casu necessariò adesse debet; quia omninò strictè & ad litteram servandum est Decretum Concilii Tridentini. Vide eundem Dianam *resol.* 234. Unde matrimonium clandestinum, id est, quod fit sine præsentia Parochi & testium, non est validum ubi Tridentinum est receptum. Si tamen adesset is, qui per communem errorem habetur pro vero Parocho, etiamsi non esset (imò licèt non esset Sacerdos, quia v. g. non esset ritè baptizatus) valeret adhuc matrimonium, ut post Bonaciam & Quintanaduennam docet Gobat in *Alphabeto baptizantium casu* 14. num. 444. cò quòd à Principe Ecclesiastico & civili suppleri soleat defectus solemnitatis inductæ solo jure humano, cum adest communis error, ut patet ex lege *Barbarius ff. de offic. Praetor.* Adde & illud semper fuisse illicitum prout idem Tridentinum declarat; puta ex Ecclesiæ constitutione, ob gravia incommoda, quæ ex illis quorundam hominum malitià sequi solent, ut v. g. adulteria, conjugum defertiones, negationes prolium, &c. Aliàs matrimonium clandestinum non esse jure naturæ illicitum, probat P. Franciscus *disp.* 5. num. 3.

35. Per Parochum hîc intelligitur Pastor loci, in quo alteruter contrahentium habet domicilium animò ibi perpetuò manendi: possunt verò esse testes omnes habentes usum rationis: neque necessarium est, ut Parochus & testes adsint dedità operâ, sed sufficit quòd possint testari de consensu conjugum. An autem spon-

rus profecti recreationis gratiâ possint ibi præsentè Parocho loci contrahere matrimonium? Respondeo negativè, quia sic nec contrahitur in præsentia Parochi sponse aut sponsi, nec de hujus licentia. Ita DD. communiter, quidquid aliqui oppositum doceant apud Dianam *loc. cit. resol.* 231. in Parocho in ordine ad assistentiam matrimonio solum requirentes modici temporis habitationem contrahentium in ipsius parochia. Ita Pontius, Sa & alii: verum Diana putat à nostra sententia non recedendum, licèt difficile esse asserat hujus rei decisionem. Interea Burghaber *Centur.* 3. *casu* 39. variis citatis absolutè docet sufficere, quod contrahentes matrimonium venerint ad alicumque Parochi parochiam animò ibi habitandi per majorem anni partem; esto fortè id postea non contingat. Rationem addit, quia tamen ex tali habitatione proprium domicilium non acquiratur, attamen acquiritur quasi domicilium, quod sufficit, inquit, ut per se Parochianum constituat, sicut patet tum ex *argument. cap. fin. de parochiis*: tum ex recepta praxi quoad Scholasticos in Universitatibus, Mercatores in emporiis, &c. Idem etiam sentit Lessius *lib.* 4. *cap.* 2. *dub.* 7. num. 47. pro se citans Sancium, & plerosque recentiores. Adde, alienum Parochum aut Sacerdotem, absque proprii Parochi licentia matrimonio assistentem, incurrere suspensionem, donec ab Ordinario Parochi proprii absolvatur. Ita Trident. *sess.* 24. *de Matrim. cap.* 1. quidquid P. Franciscus dicat, ignorantiam, etiam crassam excusare. Posse



proprium Parochum suorum Parochianorum matrimonio extra propriam Parochiam & Diœcesim assistere; non tamen sponſos benedicere ob constitutionem Trident. *sess. 6. cap. 5.* & *sess. 24. cap. 1. de reform.* docet idem Franciscus *num. 90.* qui & *num. 91.* notat ex eodem Trident. *sess. 7. de reform. cap. 7.* Parochum, non necessariò debere esse Sacerdotem, & antequam sit, posse matrimonio assistere.

Petes, quid intelligatur per faciem Ecclesiæ dum in Tridentino dicitur, matrimonium esse celebrandum *in facie Ecclesiæ.*

Respondet Gobat, videri matrimonium satis contrahi in facie Ecclesiæ, si trinâ denuntiatione præmissâ contrahatur coram Parocho, vel ejus locum tenente, & duobus, vel tribus testibus: quod etiam docet Navarr. *cap. 22. num. 70.* Verùm consuetudo Belgii obtinet, ut fiat in ipsâ Ecclesiâ, vel aliqua Capella.

Occasione hujus particulæ, *vel ejus locum tenente*, ponam hic in gratiam Pastorum ex Gobat resolutionem casus satis curiosi.

Quidam Parochus convenit cum sponſis de certa die copulationis, sed antehanc peregrè abiit trans aliquem magnum fluvium. Dicto die adsunt sponſi cum hospitibus invitatis, ignari itineris à Parocho suscepti. Abest Parochus, neque potest propter repentinam aquarum eluvionem adesse: sponſi accedunt vicinum Parochum, qui sinè mora astitit, & copulavit. Quæritur an validè?

Respondet ille Author negativè, & bene: quia consideratis præcisè circumstantiis illis non adfuit licentia, etiam tacita, Parochi, vel si adfuit, adfuit modò inutili. Quod absolurè non adfuerit, probatur inde, quòd nec exprimitur, nec adferatur ulla circumstantia, ex qua judicari possit, re ipsâ fuisse concessam; plus enim ex alatis non colligitur, quàm quod proprius Parochus ita fuerit dispositus, ut certò dedisset isti alieno licentiam, si in mentem venisset: ast hæc dispositio non continet tacitam licentiam, quæ pendet ab aliquo actu positivo concedentis. Nec refert, quòd fortè ille proprius Parochus dixerit intra se, vel etiam verbis externis: *O utinam illi sponſi ita sapiant, ut accedant quemcumque Parochum vicinum, quàm mihi gratum foret!* quia tunc quidè fuisse data tacita licentia, sed modò inutili, & inefficaci: ut enim hanc quis concedat efficaciter, debet suam concedendi voluntatem exprimere signo externo, & manifestare alteri mediatè vel immediatè; quæ omnia ex variis DD. probantur apud dictum Gobat. Quòd si tamen ille alienus vicinus Parochus fuisset aliàs solitus conjungere in absentia sui vicini Parochi subditos ipsius, valuisset utique ejus assistentia in casu posito; tunc enim intervenisset tacita licentia, prout bene notavit  
/ ipse Gobat cum aliis à se citatis.

\* \* \*

DVBIVM QVARTVM.

De Matrimonio Clandestino.

36. **D**ifficultas est non parva, an matrimonia clandestina valeant in Hollandia, Frisia & aliis Regionibus Hæreticorum Belgii? Affirmat Lothus citans Chapeauville, Sylvium, Wiggers & Zypæum, id quæ sive Tridentinum ibi fuerit publicatum sive non: probat, quia ex Declaratione Cardinalium certis casibus matrimonia contra formam Tridentini contracta sunt valida: primus est, quando Parochialis Ecclesia utpote vacans proprio Parocho caret, & Cathedralis caret Episcopo ac capitulo habente à Concilio facultatem alium Sacerdotem ad id delegandi, nullusque alius ibi est qui vices Parochi vel Episcopi suppleat, matrimonium tunc validè contrahitur absque præsentia Parochi, servatâ tamen in eo, in quo potest, formâ Concilii, nempe adhibitis saltem duobus testibus. Secundus casus est si extent quidem Parochus & Episcopus, sed nullo constituto vicario uterque metu Hæreticorum lateat, ita ut verè ignoretur ubi nam sit: vel si eodem metu à Diœcesi absit, nec ad alterutrum sit tutus accessus, validum est etiam matrimonium contractum absque forma Concilii. Hos duos casus Sacra Congregatio ita expressit Archiepiscopo Philippensi 19. Januarii 1603. quæ ab Octavio Episcopo Tricaricensi per Germaniam & Belgium Nuntio Apostolico fuerat consulta pro matri-

moniis, quæ in Hollandia, Zelandia, & Frisia contrahebantur. Sive ergo dispensatione Pontificiâ, sive juris interpretatione, in illis oppidis & pagis ubi nec Pastor nec vicem ejus gerens haberi potest, validè contrahunt Christiani sinè illo: si tamen in pagis vel locis vicinis essent Sacerdotes, habentes facultatem assistendi matrimoniis Christianorum, qui possent adiri sinè magno periculo, illi qui non coram tali Sacerdote contraherent, invalidè contraherent. Hæc extraxi ex Lutho tract. 3. supra art. 7. ubi circa finem addit, in similibus locis matrimonia ab ipsis hæreticis contracta sinè præsentia Parochi etiam esse valida ob easdem rationes, non enim hi plus habent copiam Parochi quàm Catholici; quòd verò illi non velint contrahere coram Parocho etsi adesset, solum concludit illos peccare malâ illâ voluntate erga Ecclesiam Romanam, non autem eorum matrimonia esse propterea invalida; quia talis voluntas nullibi tali pœnâ legitur punita. Vide etiam Marchant. in Tribun. rom. 3. par. 2. tract. 1. tit. 7. quest. 10. & Dianam par. 11. tract. 6. resol. 1. & tract. 8. resol. 56. circa medium. Item & Franciscum Bonæ Sp. disp. 5. num. 17. ubi ad longum adfert dictæ Sacre Congregationis declarationem.

His in favorem eorum, qui inter hæreticos vivunt, addo duo illis scitu necessaria, quæ derumpsi ex Auctario Lellii.

Lessii. Primum, illi Catholici, qui à Magistratu hæretico compelluntur contrahere coram Ministro hæretico, peccant, si huic mandato pareant, licet habeant intentionem postea contrahendi coram legitimo Sacerdote; nam videtur esse hæc quædam professio sectæ hereticæ: videtur enim Minister adhiberi tanquam persona sacra. Ita ex Lessio etiam Gobat in *Alphab. matrim. par. 1. casu 18. num. 472*. Verum non puto hoc habere locum in partibus Hollandiæ, ubi datur libertas contrahendi vel coram Magistratu, vel coram Ministro, ubi & passim ipsi hæretici coram Magistratu in absentia Ministri contrahunt. Unde non puto ibi adhiberi Ministrum ut personam sacram, seu ad aliquam cærimoniam religiosam, v. g. ad benedictionem nuptiarum, vel ad orandum super conjuges; sed potius ob causam politicam, ut nempe nuptiæ illegitimæ impediuntur, & ut hortetur ad matrimonii fidem. Addo hic prudens consilium prædecessoris mei Reverendi Admodum Domini Antonii Peelen Decani Patriæ Cuchenis Statibus Hollandiæ subjectæ, viri in hac materia ob longam experientiam vefatissimi: ut nempe Missionarii efficiant, quatenus Catholici prius contrahant coram Ministro, vel potius Magistratu, & deinde coram se: ne, si tantum coram Missionariis contrahant, filii eorū habeantur illegitimi, & ne fortè postea ipsi contrahentes divortium faciant, & cum aliis contrahant coram Ministro aut Magistratu; quod ultimum non semel à malis Catholicis est factum: nam hæretici habent matri-

monia, contracta aliter quàm coram Magistratu aut Ministro, pro nullis. Debent interim ab actu conjugali, & aliis abstinere, donec coram Parocho contraxerunt.

Secundum, non licet quidem ordinariè Catholicis honorare suâ præsentia convivium nuptiale hæreticorum, eò quòd eorum matrimonia sint nulla, & conjunctiones fornicariæ: quia tamen adire tale convivium alium usum habet, nempe ad servandam amicitiam, ad pascendum corpus, &c. ideo non videtur per se malum, modò conjunctionis non congratuletur de conjunctione, & munera non dentur in signum congratulationis. Ita ex eodem Lessio Gobat *loc. cit. num. 474*. Dixi eò quòd eorum matrimonia sint nulla, &c. quia scilicet non contrahunt coram vero Parocho, cum possint, in locis ubi Tridentinum receptum est, ut suppono.

37. Querit insuper dictus Lothus *art. 8.* an Belgæ cuncte ad locum ubi non est receptum Tridentinum ibi validè contrahant matrimonium clandestinè? & §. 6. respondet affirmativè; quia, inquit, peregrini à domicilio absentes non tenentur legibus illius si contrariæ vigeant in loco in quo degunt: citat pro se Sanchez, Pontius & alios, quibus ego addo Cornejo *tom. 2. tr. 6. disp. 7. dub. 39.* contra quem idem Lothus id dicit verum esse, etsi eo fine eant, ut possint ibi liberè contrahere absque Parocho & testibus, pro quo citat 7. probatos auctores: ac ratio ipsius est; quia tales suo jure uruntur; ac mala eorum intentio conferre quidem potest ad committendum peccatum, non tamen ad annullandum actum

actum, cum intentio maneat in mente, nec influat in opus externum. Ita ille: quidquid meritò P. Franciscus absolute dicat, ad valorem dicti matrimonii necessarium esse, ut contrahentes ibi intendat domicilium constitutur: quia Card. de Lugo apud Gobatto. *sepe cit. num. 481.* describit Authenticum Breve Urbani VIII. anno 1627. datum ad Archiepiscopum Colonensem, quo confirmat, & ubique observari precipit responsum S. Congreg. referentis ad eundem Archiepiscopum, *non esse legitimum matrimonium sic contrahentium cum fraude; id est, quando incolæ tam masculi quàm femina loci, in quo Concilium Tridentinum in puncto matrimonii est promulgatum, retinentes idem domicilium se transferunt (ad locum, ubi non est promulgatum) solo animo sine Parocho & testibus matrimonium contrahendi, habitationem non mutantes.*

Sed quid si sponsus habitet in Parochia in qua est promulgatum Decretum Tridentini, & sponsa in alia, in qua non est promulgatum nec receptum? Valebit matrimonium sine Parocho ab illis initum in Parochia sponsi, secùs sic initum in Parochia sponsæ: quia contractus quoad valorem pendet à legibus territorii, in quo fiunt, ut alibi diximus. Adde ex Cornejo *lo. cit.* invalidum esse matrimonium clandestinè contractum in loco ubi Tridentinum est acceptum, quamvis in contrahentium territorio non sit acceptatum; quia ad valorem contractus necesse est ut servantur solemnitates requisitæ in eo loco ubi initur, prout probat ex cap. *finali de foro competentis l.*

*si fundus ff. de editione. & nos statim diximus.*

38. An denique matrimonium clandestinum in articulo mortis sit validum? Affirmant Soto & à Grassiis apud Lothum *art. 10.* ut si v. g. quis lætaliter vulneratus habens concubinam, ut filios reddat legitimos & pareret faciliorem viam ad salutem, clandestinè cum illa contrahit, quia copia Parochi ac testium haberi non potest; tunc enim ex æquitate & epikeia censetur Decretum Tridentini non comprehendere hunc casum. Ita illi. Sed Lothus, Cornejo & alii communiter docent contrarium cum P. Francisco, & meritò; quia, ut hic *lo. cit. n. 17.* bene probat, Tridentinum absolute & sine ulla exceptione, irritat directè & indirectè matrimonium clandestinum: unde in solo casu à Sacra Congregatione supra excepto potest reddi validum. Solum hic adde ex P. Urbano *tr. 2. cap. 2. reg. 3.* nihil Regularibus esse concessum hac in parte, nec quoad interessendum substantiali contractui matrimoniali, nec quoad benedictiones nuptiales solemnes, præterquam dum funguntur munere Parochorum; tunc namque jure communi possunt quidquid aliis est concessum. An verò Regularis prædicto munere non fungens excommunicationem ipsò facto Papæ reservatam incurrat si matrimonio assistat, juxta Clem. *Religiosi 1. de Privileg.* non ita constare, dicit P. Franciscus: quidquid neget Hurtaado, & Sanchez affirmet.

Sed quid facient illæ personæ quæ diu in concubinato vixerunt, omnibus existimantibus illas esse matrimo-

XXX

nio

nio junctas, si velint resipiscere ita fecerit, ut & ipsum Parochum lateat? Posset in tali casu à Parocho, vel ab Episcopo impetrari facultas, ut ipse Confessarius agat vices Parochi: quo casu assumi possunt duo testes ignoti, vel Religiosi, qui jurent se rem secretissimam semper habituros, & ita nullum patientur incommodum.

Petes an matrimonium contrahi possit per procuratorem aut litteras?

39. Respondeo affirmativè; quia in utroque adesse possunt omnia requisita, nempe verus contractus in quo conjuges sibi mutuo corpora sua dant & acceptant per mutuos consensus sufficienter per alios homines vel litteras expressos in præsentia Parochi ac duorum testium, coram quibus procurator loquitur vel litteræ leguntur. Ita DD. satis communiter, quorum sententiam firmat P. Cornelio loco citato disputat. 1. dub. 5. Hinc

40. Infer primò, sic contrahentes teneri sub mortali esse in gratia eo tempore quo procuratores nomine ipsorum contrahunt, vel prædictæ

litteræ coram Parocho & testibus leguntur; quia aliàs Sacramentum vivorum in statu peccati mortalis susciperent & obicem ponerent gratiæ divinæ: contrarium tamen dic de ipsis procuratoribus, qui omnia faciunt nomine alieno: quare diversitas sexus non est necessaria in procuratoribus, cum tantum per modum instrumenti subministrant verba, quibus contractus matrimonialis initur. Etiam contrahentes matrimonium per procuratorem non peccare mortaliter licet non sint in gratia, docent Lopez, Sotus & Cajetanus apud Mendo in *Statuta Benignar. Opinion. disert. 12. quest. 1. num. 1.* sed eos meritò rejicit num. 3.

41. Infer secundò si antequam procurator consensum exprimat vel litteræ legantur coram &c. alter consensum suum recocet, nullum esse matrimonium; quia non concurrit utriusque contrahentis consensus tempore ipsius contractus, ut notavit N. Bacho in 4. dist. 32. quest. unica.

## DVBIVM QVINTVM.

*De aetate requisita ad Matrimonium, de eiusdem præcepto & indissolubilitate.*

42. **D**ico primò, ad contrahendum matrimonium requiritur in filio completa ætas quatuordecim annorum, & in filia duodecim, ira constituyente Jure Canonico; cujus ratio est quòd ante id tempus sint minus ca-

paces ad statum perpetuum eligendum: si tamen in aliquo malitia suppleret aetatem, ita ut sufficiens prudentia & potentia generandi tempus illud anteverterent; valde quidem sed non licitè talis posset matrimonium

con-

contrahere, uti in simili diximus de sponſalibus: imò poſſe Summum Pontificem diſpenſare, ut impuberes matrimonium inter ſe contrahant, hoc ipſo quòd ſunt ſufficientis conſenſus capaces, docet meritò Franc. B. Spei hîc *diſp. 7. num. 128.* impubertas enim comuniſſimè non eſt niſi impotentia temporalis, quæ matrimonium jure naturæ non dirimit: imò legitur, impuberes ſæpe fuiſſe potentes, non tantum ad copulam perfectam, ſed etiam ad generationem; ut videre eſt apud Franciſc. *lo. cit.* Quòd verò minorætas requiratur in filia quàm in filio, eſt quia illa propter majoris humiditatis & frigiditatis temperamentum citiùs creditur adipiſci experientiam rerum, citiùſque apta eſt ad generationem. Ita Urbanus: vide etiam Bachonem in *4. diſp. 28. art. 5. in fine* ubi pro ratione datur, quòd imperfecta citiùs ad ſuam perfectionem veniant quàm perfecta, ſicut mala herba citiùs creſcit quàm bona.

43. Dico ſecundò, matrimonium eſt ſub præcepto divino incluſo in his verbis, *Crefcite & multiplicamini & replete terram*: item naturali in quantum neceſſarium eſt ad conſervationem naturæ humanæ. Verùm hoc præceptum non obligat omnes homines in generali, ſed ſingulos dumtaxat in particulari, ita ſcil. ut in periculo perituræ ſpeciei humanæ quiſque occurrere teneatur per ſuum matrimonium: unde in caſu (quamvis metaphyſico) quo reſtarent ſoli Religioſi, tenerentur hi uxores ducere; quia bonum ſpeciei tanquam commune

præponderat individuali. Ita DD. comuniùs: quidquid Pontius, Sylvius & alii apud Dianam *part. 3. tract. 4. reſol. 289.* dicant tunc potiùs cogitandum eſſe inſtare finem mundi, adeoque non eſſe neceſſe, ut tum Religioſi contrahant matrimonium quatenus ſic per eos genus humanum diutiùs conſervetur.

44. An verò matrimonium ſit materia voti? Diximus ſuprà *tr. 4. diſp. 12. num. 60.* Pro quo etiam videre poteris P. Franciſcum *diſp. 1. n. 25. & ſeq.* ubi dicit, promiſſionem internam Deo factam de contrahendo matrimonio, etiam cum paupere meretrice vel deflorata ab alio, ex motivo pietatis, ut v.g. illam ab egeſtate, à peccato, vel infamia liberet, non obligare; quia nec pietas hæc eſt melior cælibatu, aut virginitate, quorum eſt impeditiva. Addit tamen, prædictam promiſſionem obligare dum ex matrimonio ſequeretur maxima utilitas Reipublicæ, ut v.g. concordia Principum, converſio multorum infidelium &c. ob rationem oppoſitam, quod & nos *loc. ſcitum cit.* ſuſtinemus.

45. Dico tertio, matrimonium initum inter Catholicos, eſt omninò inſolubile quoad vinculum, ſi conſummatum fuerit. Itaque Florentinum & Tridentinum; conſtatque ex verbis Chriſti, *quod Deus conjunxit, homo non ſeparet.* Dixi ſi conſummatum fuerit; quia ſolùm ratum, juxta plures probatiſſimos Authores, & Canoniſtas communiter, ob juſtas & urgentes cauſas ſolvi poteſt per diſpenſationem Papæ; & hoc ipſo ſolutum eſt quo alter conjugum proſitetur in Religione approbata: ad

XXxx2

quod

quod conceduntur duo menses, quibus neuter conjux teneret debitum reddere si deliberare velit de intranda Religione, pro quo vide Bachonem *dist. 29. art. 1.* neque hoc est contra jus divinum; quia ante consummationem nondum perfectè sunt conjuges conjuncti, nec facti sunt una caro, ut representent insolubilem conjunctionem Christi cum Ecclesia. His consequenter

46. Adde, si unus ante consummationem matrimonii profiteatur in Religione, posse conjugem ipsius cum alio matrimonium inire. Quare autem id locum non habeat, dum unus post biennium Novitatus vota simplicia in Societate emittit, ostendit Franciscus *disp. 6. num. 45.* Et quare idem dicendum non sit, quando vir ante consummationem suscipit sacros Ordines; vide Urbanum *tract. 2. cap. 2. reg. 3.* & Bachonem *dist. 29. art. 2. ac dist. 37. art. 3.* Quid verò debeat facere uxor dum maritus de ipsius consensu post consummatum matrimonium intrat Religionem, vel suscipit sacros Ordines; habes apud eundem Bachonem *dist. 37. tit. art. 1.* qui cum distinctione loquitur de vetula & juvenecula; ita scilicet ut hæc teneatur etiam Religionem ingredi, illa verò solum debeat manens in seculo vivere continentiam, vel in Religione honestè vivere absque professione. Insuper matrimonium inter infideles, etiam consummatum, sit solubile, dum alter conjugum convertitur ad fidem; quamvis non solvatur antequam ad fidem conversus novum matrimonium contrahat, nec solvi possit, quando u-

terque conjux simul ad fidem convertitur: pro quibus vide Franc. B. Spei *disp. 6. n. 17. & seq.*

47. Dico quartò, quamvis matrimonium consummatum inter Catholicos sit insolubile quoad vinculum; potest tamen pluribus de causis solvi quoad thorum & cohabitationem. Primò ob adulterium; quod patet ex Scriptura *Matth. 19.* quamvis tamen minus consuetum sit, uxorem ob adulterium viri procurare divortium: potestque etiam vir innocens uxori reæ culpam pro libito remittere, nisi inde timeatur grave scandalum, vel contrarium necessarium sit ad ejus emendationem. Adde virum non posse dimittere uxorem adulteram si ipse quoque adulterium commiserit, ex cap. *Significasti, de divorzio*: neque si ipse fuerit causa adulterii uxoris: si quis eam fraudulenter sub specie mariti cognoverit, vel per vim: nec denique si vir post notum ejus adulterium eam cognoverit. Ita DD. communiter. Dicit autem P. Franciscus, ad divortium perpetuum, requiri adulterium simpliciter, quo scilicet sit divisio carnis secundum usum naturalem & generationi aptum; non verò secundum sodomiticum, & bestialem generationi ineptum: quia (præterquam quòd istum solum usum promitterit, non hunc) cum lex illa sit odiosa & pœnalis, est strictè interpretanda. Ita ille *disp. ult. num. 8.* contra communem, ut fatetur.

48. Secundò potest fieri divortium ob hæresim aut idololatriam alterius conjugis, ex cap. *Quis viri, de divorzio*. Tertiò ob inimicitias capitales, ant  
ni-

nimis duram conjugis tractationem, cap. *Litteras, de restitutione spoliatorum*. Quartò ob lepram, aut alium morbum valde contagiosum. Verùm hæc juxta DD. solum dant causam separationis quamdiu durant. Aliam causam divortii addit P. Franciscus satis generalem *loc. cit. nu. 12.* nimirum, si conjux alterum conjugem ad peccatum pertrahat, aut sollicitet: ex cap. 2. *de divortio*: & cap. *idololatria 28. quest. 2.* ac ratio est; quia plus ob lepram spirituale hoc debet dici licitum, quàm ob corporalem. Cæterum, quamvis scelerata vita unius conjugum non soleat præbere alteri per se loquendo jus ad divortium, si tamen maritus nequit flagitiosam uxorem aliter ad frugem reducere, quàm deferendo illam ad tempus, jure deseret juxta Gobat in *Alphab. Matrim. part. 2. casu 20. num. 730.* Quod etiam restatur nonnullos pronuntiare de uxore habente valde sceleratum virum, nec aliter emendabilem, quàm per subtractionem suæ præsentia.

49. Præter separationem quoad thorum & cohabitationem, aliam insuper ponit P. Urbanus, videl. à bonis communibus, quæ fieri potest ob prodigam alterius administrationem bonorum communium, ut nimirum alter suâ parte injustè non privetur. Atque hæc omnes separationes posse fieri propriâ innocentis conjugis auctoritate, tradit idem Urbanus, maximè si adulterium, prodigalitas, vel sævitia sint omnibus manifesta: quia tamen id non sufficeret ad satisfaciendum creditoribus casu quo prodigus contraxisset debita; vel ne per Judicem

adulter aut austerus suum conjugem repetat, consultum est dictas separationes fieri auctoritate utriusque Judicis, Ecclesiastici scilicet & civilis. Separatio verò à solo thoro propter occultum adulterium, adhuc expedit fieri propriâ innocentis auctoritate, ne tantum crimen publicetur. Ita Urbanus.

Addo, juxta omnes teste Gobat *loc. cit. n. 755.* per se loquendo teneri potius uxorem cohabitare viro, quàm hunc illi; siue viri, & non uxoris esse constituere domicilium: quia vir est caput mulieris. Unde uxor tenetur sequi maritum murantem domicilium ex causa non turpi: nisi mutatio accadat uxori multum incommoda, vel aliter conventum sit in contractu antenuptiali; cui maritus stare debet, nisi status rerum notabiliter mutetur. Nec maritum hinc inde vagantem obligatur uxor sequi, nisi ante matrimonium sciverit illum esse assuetum vagari. De reliquo conabitur Judex Ecclesiasticus reconciliare animos conjugum dum unus vult facere divortium, si id judicaverit profuturum, & nolentem cohabitare sine legitima causa, coget censuris, & invocato auxilio brachii sæcularis. Imò etiam à Judice sæculari, dum non est lis de valore matrimonii, debet ad hoc adigi, juxta Palaum de *Sponsal. d. 3. p. 5. §. 1.* quod & Gobat restatur se scire fuisse alicubi factitatum.

Quid si maritus separatim habitans, monitus ut suam uxorem ad se vocet, jubeatque eam sibi cohabitare, respondeat, suas fores patere uxori, uxoris domum sibi? Respondeo, hoc

XXX 3

non



non sufficere, sed cogendum esse modo dicto ad cohabitationem, nisi attulerit sufficientem causam separationis: est enim præceptum Divinum *Gen. 2. cap. Homo adheret uxori suæ: & sunt de furtivis amoribus suspecti, qui habentes uxores sanas mente & corpore, constituunt sibi particulare domicilium.*

Petes quid requiratur ut matrimonium sit verè consummatum?

50. Respondeo juxta DD. communiter, requiri carnalem copulam completam per actualem seminationem intra vas naturale. Probabilius sufficit sola seminatio viri; quia, juxta communiorem, semen feminae non est necessarium ad generationem prolis; quamvis tamen plures non improbabiliter requirant seminationem utriusque. Ac quamvis multi D.

Thomæ discipuli cum Rodríguez & Sylvestro ex opposito doceant, sufficere si vir vas femineum penetret licet intra illud non seminet, id probabile non videtur, cum per hoc præcisè vir & mulier non censeantur fieri una caro: quare tu siste in priori nostra & probabiliori sententia; juxta quam requiritur & sufficit, quòd simpliciter loquendo semen viri recipiatur intra vas naturale, quacumque arte id contingat, etiam ministerio daemonis, ac si fiat vasis penetratio sine non: quia ea copula ex se est sufficiens generationi (quam tantum requirit P. Franciscus *disp. 6. n. 55.*) & per eam conjuges fiunt una caro. Ita Basilius verbo *matrimonium cap. 2. n. 5* citans cap. *Extraordinaria 35. qu. 3.* & Henríquez *lib. 11. cap. 18. n. 3.*

## DUBIUM SEXTUM.

### De Denuntiationibus.

51. **D**ico primò; ante contractum matrimoniale fieri debent tres denuntiationes in tribus diebus festivis, inter quorum unum & alterum ut minus debent intercedere duo alii dies. Colligitur ex Trid. juxta Lateranensem apud P. Franciscum *disp. 5. n. 54.* licet Gobat velit sufficere, si tantum unus dies interjiciatur; imò cum Caspensi, Hurtado, Marchantio, & Dicastillo doceat, hoc non esse in præcepto, ita ut spectandam dicat solam consuetudinem cujusque loci, quæ teste Dicastillo, ut idem re-

fert, in pluribus locis permittit tres dies immediatos. Denuntiandi sunt sponsi in Ecclesia inter Missarum sollemnia, ut loquitur Tridentinum *sess. 24. c. 1. de Reform. Matrim.* Notat tamen Barbosa in illum locum Tridentini post plures alios validè denuntiari extra Missarum sollemnia coram magno concursu populi; quod & Sanchez, ac Dicastillo volunt posse fieri sine peccato. Nec Gobat cum Marchantio improbat morem locorum, quibus in vespertis, ad quas major pars populi concurret proclamationes fiunt, maxime

ximè si fuerint inadvertenter omisse in Missa, aut quia nondum fuerat insinuata voluntas contrahentium, vel alia de causa. Idem Gobat testatur, Constantia moris esse, ut quando est sponsis commodum nuptias celebrari intra octo dies à prima denuntiatione, & hebdomada caret festo, denuntientur feria quinta, qui pertinent ad Parochiam Collegiatam S. Stephani, utpote ad quam illo die magna multitudo populi confluit ad processionem in qua Venerabile circumfertur: an verò idem vel simile fiat in aliis locis, dicit se ignorare.

Interim has denuntiationes adeò necessarias reputant Pontius & Coninck, ut velint esse peccatum mortale vel unicam omittere; quia non est materia levis, ut colligitur ex motivo, ob quod sunt instituta: & vel unica denuntiatio omissa causare potest gravia incommoda: unde sit quòd (teste Francisco num. 60.) Parochus ab Episcopo graviter puniatur, si vel unicam omittat. Verum id adhuc solum esse veniale teneant Sanchez, Barbosa & alii apud Dianam *part. 3. tract. 4. resol. 236.* quorum sententiam cum eodem censeo probabilem; quia periculum non manifestandi impedimenti non est adeò magnum, cum supponantur fieri adhuc duæ denuntiationes. Quidquid sit, manet matrimonium validum etsi omittantur omnes tres denuntiationes., licet adhuc tunc debeant fieri post initum & ante consummatum matrimonium; quia hoc ipsum expressè præcipitur à Tridentino, nisi Episcopus iudicaverit eas consultius fore omittendas.

Adde Parochum illicitè omittentem tres denuntiationes, incurrere triennalem suspensionem ab officio, iuxta *cap. finale, de clandestina dispens.*

52. An verò peccet mortaliter Parochus contractui matrimoniali assistens ante factas denuntiationes cum animo eas faciendi ante matrimonii consummationem, si aliàs timeatur matrimonium malitiosè impediendum? Affirmat Coninck, Diana, Henriquez, qui id dicit declarandum esse per Sacram Congregationem, & Bordonus, qui deducit idem ex Tridentino *cap. 1. de reform. matrim. sess. 24.* verum adhuc contrarium docet Vivaldus cum quibusdam aliis. Quidquid sit de hoc, certum est non spectare ad Parochum absolutè ante & post matrimonium dictas denuntiationes omittere; sic enim in illis dispensaret, quod quoad omnes tres spectat ad munus Ordinarii; quoad unicam verò ad Decanum Christianitatis, cui id communiter concedit Episcopus. Vide P. Franciscum n. 62. qui n. 61. dixerat; casu quo, bono communi vel etiam contrahentium particulari multum expediat statim contrahere, neque pateat ad Episcopum pro dispensatione recursus, matrimonium posse sine illis contrahi, quotiescunque impedimentum non præsumitur; quia leges Ecclesiasticae non censentur cum notabili incommodo obligare. Ita ille post alios: subintellige tamen, eum teneri ante matrimonii consummationem denuntiationes facere, iuxta Trid. ab ipso & à nobis citatum.

53. Dico secundò, diè denuntiationes faciendæ sunt in Parochiis sponsi &

& sponsæ. Ita omnes communiter; quidquid Layman dicat id non ubique observari, adeoque attendi debere ad consuetudinem loci. Dicit Gobat in *Alphab. Matrim. part. 2. casu 13. n. 514.* me hic sine causa rejicere Laymannum, sed sine causa; quia Laymannum nullatenus rejicit, qui nudè refert id, quod hic Author in terminis docet, quod solùm hic facio. Nisi dicat rejicere Laymannum eò quòd doceam, communem Doctorum sententiam esse, quòd denuntiationes faciendæ sint in Parochiis sponsi & sponsæ: sed & ipse Gobat lo. cit. in terminis docet; *quando sponsi habitant in diversis Parochiis, promulgandi sunt per se loquendo in utraque Parochia, quo scilicet certius deprehendantur impedimenta:* pro qua doctrina varios & ipse citat, nullum verò pro sententia Laymanni. Parochias sponsi & sponsæ hîc intelligo illas, in quibus habitant quo tempore matrimonium contrahunt conformiter ad dicta de Parocho num. 35. Addeque verba Jacobi Marchantii Parochi in hac materia veratissimi. *Quod Sanchez docet debere fieri denuntiationes in Parochia, in qua diutissimè habitaverunt, non est necessarium. Imò nec aliquando convenit, cum enim aliqui jam diu antiquas Parochias deseruerunt, non consentur amplius quibus sunt Pastores, horum Parochi quantum ad Sacramenta, igitur nec etiam quoad denuntiationes. Prudens tamen Parochus si dederit de aliquo impedimento, exigit testimonium à Pastore illius loci, à quo hic conjungendus recessit. Hinc patet, quid dicendum de famulis & ancillis, qui modò in uno loco habitant per unum annum aut alterum, modò in altero loco per simile spa-*

*tium, & sic frequenter mutant; queritur pro illis, in quo loco denuntiationes faciendæ sint? Respondent aliqui, in loco originis; sed id non est necessarium. Possunt enim fieri in loco, in quo contrahunt, si ibi fixerint domicilium, & maximè si per majorem partem anni commorati fuerint, & animo illic commorandi venerint. Sicut enim quantum ad Confessionem & Communionem Pascha-lem sunt illius Parochia, in qua jam degunt: ita & quantum ad matrimonium, ac ejus denuntiationes. Non nego tamen si non sint satis noti, oportere diligentiam adhibere, ut testimonia adferant de loco, in quo diutius morati sunt, vel in quo magis noti esse possunt. Ita dictus Marchantius in Candelabro myltico tract. 8. circa finem in Resol. question. Pastoral. circa matrimon. cap. 1. quæsit. 4.*

Petes primò, quamnam censeantur causæ justæ, ut Episcopus possit dispensare in denuntiationibus? Eum sine causa dispensare non posse, patet ex eo, quòd ejus arbitrio & prudentiæ committatur, ac quòd inferior in lege Superioris sine justa causa dispensare non possit. Ad petitionem ergo,

54. Respondeo in primis causam justam esse, si Magnates contrahant, quorum conjugia ignota esse non solent. Secundò, si ob senium, status disparitatem, &c. sine periculo infamiae sponсорum aut familiarum denuntiationes fieri nequeant. Tertiò si matrimonium timeatur à consanguineis vel aliis malitiosè impediendum. Ita Layman: quibus adde cum P. Francisco, si quis in articulo mortis vult concubinam ducere ad legitimandam probrum. Item juxta Gobat post tres alios à se citatos, quando denuntiationibus

pra-

præmissis non possent benedici nuptiæ ob vicinitatem temporis, quo nefas est eas benedicere; quia æstimat satiùs omitti denuntiationes, quàm vel differre nuptias cum periculo fornicationis, vel has celebrare sine benedictionibus. Ita ille lo. sapè cit. num. 484. Sed quomodo hoc convenit cum iis, quæ habet ille Author casu 14. nu. 561. ubi dicit; *nec venialiter per se loquendo peccant conjuges non petentes ullam benedictionem*: certè Synodus Tridentina, & Constitutiones Synodales nostræ utuntur solo verbo hortandi, non præcipiendi, unde exprimit Navarrus, posse absque ullo peccato omitti. Dixerat autem antè casu 13. num. 497. meritò; *Parochus omittens omnes denuntiationes absque causa iusta peccat graviter, imò mortaliter, et tunc Concilium Trid. sess. 24. c. 5. conjuges, qui eas omiserunt, vocat temerarios contemptores &c.* Sed & Tannerus, Perez, post Coninck, ac Pontium damnant etiam mortalis Parochum, qui vel unicam negligit absque necessitate: quorum sententiæ ita fixæ inhaerent, ut in fine numeri 498. cum admiratione de me dicat: *Attamen recentissimus Scriptor Stephanus à S. Paulo in Theol. mor. tr. 5. disp. 8. dub. 5. habet opinionem Hurtadi pro probabili: nempe, esse solum peccatum veniale si Parochus unicam denuntiationem omittat, quando est certus de absentia omnis impedimenti.* Jam peto, quomodo his à sepositis, possit Gobat casu 13. n. 484. cit. prudenter, aut consequenter dicere; *Satiùs est omitti denuntiationes, quàm nuptias celebrari sine benedictionibus*? An satiùs est omitti ea, quæ sub gravi, imò sub mortali peccato præcipiuntur observari, quàm ea, quæ sine ullo peccato licitè

omittuntur? An satiùs, inquam, est omitti ea, quorum omissores à Tridentino vocantur *temerarii contemptores*, quàm ea, ad quæ idem Tridentinum solum *hortatur & non præcipit*? Certè vel errat Tridentinum, vel Gobat: sive potiùs, necessariò errat Gobat in uno aut altero loco. Scio quidem, hunc Authorem n. 562. dicere; *in locis, in quibus benedictiones solent adhiberi, censeo non posse sine scandaloprætermitti.* Sed hæc nihil ad rem nostram; in qua agitur de omittendis benedictionibus eo tempore, quo nefas est nuptias benedicere, ut loquitur ipse Gobat.

Ultima ergo causa omittendi denuntiationes meliùs à nobis ponitur, quotiescumque ob notabile spirituale, aut corporale contrahentium commodum, id Episcopus expedire judicaverit, si aliunde cesset impedimenti occulti suspicio. Imò Episcopus dispensare tenetur, positâ iustâ causâ ex damno notabili alioqui secuturo: quia ipsi conceditur potestas dispensandi in bonum commune, & suorum subditorum. Atque in iis casibus, in quibus Episcopus ob dictam causam dispensare tenetur, posse Parochum matrimonio assistere nullis præviis denuntiationibus, absque recursum ad Episcopum, licet hic adiri possit, docet Hurtado & Perez apud Franc. B. Spei disp. 5. cit. n. 70. qui ipsorum sententiam probat; quia hoc casu materia legis est iniqua, adeoque nulla est legis obligatio; ubi autem non est legis obligatio, dispensatio non est necessaria, ut omnes fatentur. Adde insuper sufficere dispensationem unius Episcopi quamvis contrahentes sint ex diversis Diœ-

Yyy celibus;

celibus; quia hac in parte conjuges censentur quasi una persona. Quia verò pœnitentes habent communiter justissimas causas cur ipsimet non petant dispensationem, dicit Gobat, charitatem Christianam & paternam suadere, & persuadere, ut Confessarius ipse, tacitis tacendis, postulet.

Petes secundò, an quis vi denuntiationum teneatur denunciare impedimentum matrimonii occultum, quod probare non potest?

55. Respondent communiter omnes affirmativè apud Dianam *parr. 3. tract. 4. resol. 221.* ratio est, quia ex cap. *Præterea de sponsalibus* unicus testis sufficit ad impediendum matrimonium contrahendum, si scilicet sit juratus. Verum in casu posito non adesse obligationem denuntiandi sustinet Pontius pro se citans Joannem Majorem, quorum sententiam probabilem & practicabilem reputat Diana. Distinguit P. Franciscus dicens, prædictum non teneri simile impedimentum revelare, si contrahentes sint in bona fide, quòd nullum subsit: secus si in mala fide & peccato continuo. Rationem primæ partis dat; quia contrahentes ob bonam fidem non peccant; & aliunde proles, re quidem sunt illegitimæ, sed in omnium opinione manent legitimæ. Pro ratione secundæ partis adfert; quòd præceptum correctionis fraternæ illo casu obliget; ergo & denuntiationis. Ita Franc. n. 79. & 80. Interea testis volens deferre tale impedimentum cum infamia conjunctum, debet servato ordine charitatis prius mone- re obnoxium illi impedimento, ut desistat à cogitato matrimonio, alio-

qui se eum denuntiaturum. Idem Franciscus n. 82. probat, ipsos contrahentes interrogatos, an non subsit impedimentum, teneri ad fatendum veritatem, licet illud sit occultum & ex peccato ortum, ex quo ipsis infamia subsequatur: quia prout seipsis peccatorum vitare tenentur, ita & à tali matrimonio desistere; aut, si nolint, impedimentum aperire, ut dispensationem obtineant.

56. Quid si Parochus solus noverit simile impedimentum: Si noverit ex sola confessione, solum potest contrahentes in ipsa confessione monere, ut à matrimonio desistant: si verò sine notabili scandalo, aut damno non possent, consulere debet, ut sub conditione, si Papa dispenseret, contrahant, & interea tanquam frater & soror cohabitent, donec dispensatio accedat, & matrimonium renovent: quod ultimum, locum habet dumtaxat, quando ambo contrahentes sunt impedimenti conscii; nisi forte ille, qui solus est conscius, possit & velit pretendere, ita simul vivere per duos menses sub prætextu meditandi Religionis ingressum, & eo tempore possit dispensationem obtinere; prudenter tamen caveat à mendaciis. Quòd si solus Parochus noverit extra confessionem impedimentum occultum, quod probare non potest: dimissâ conditione Judicis matrimonium remittat ad Episcopum, & tum ei impedimentum revelet. Vide Franciscum n. 86. ubi addit; si autem Judicis conditionem dimittere nolit, tenetur illos conjungere: quia Judicis est, secundum allegata & probata, non verò ex pri-

privata scientia judicare : quidquid merito primum omnino probabilius putet, cum ipse non sit Judex super impedimentis, sed Episcopus; ut

patet ex cap. *finali*, de clandest. dispens. & Trident. sess. 24. cap. 1. ab ipso allegatis.

## DVBIVM. SEPTIMUM.

### *De Impedimentis Matrimonii in genere.*

57. Dico primò, impedimenta matrimonii, alia sunt dirimentia, quæ reddunt matrimonium nullum: alia impediencia tantum, quæ solum reddunt contractum matrimoniale illicitum, ita ut delinquant mortaliter qui cum tali impedimento contrahunt, sed tamen matrimonium validum perseveret. Esse verò in Ecclesia potestatem constituendi hæc utriusque generis impedimenta, patet ex praxi perenni Ecclesiæ ac Concilio Tridentino: suadetque ratio, quia matrimonium est contractus maximè subjectus variis gravibus incommodis, quibus proinde Ecclesia potest occurrere, imò & debet, sequendo certas ad dictum contractum conducentes conditiones. Nec per hoc Ecclesia ullatenus immutat materiam Sacramenti; quia (ut notat Urbanus tract. 3. tit. 15. cap. 2.) materia Sacramenti matrimonii non est contractus in specie, sed contractus in genere legitimus, hoc est, necessariis & lege taxatis circumstantiis vestitus: quemadmodum ergo videmus in aliis, v.g. testamentis, donationibus, mutuo, emptione &c. varias pro varieta- telocorum & temporum à Republica inductas fuisse circumstantias & con-

ditiones, quæ, tantum abest ut destruant primævam illorum naturam & legitimitatem, quin potius ut valide celebrentur diversimodè observandæ sunt: ita non debet mirum videri si Ecclesiasticæ Reipublicæ administratores, pro necessitatibus temporum, matrimonii contractum, qui ad Ecclesiam maximè pertinet propter rationem Sacramentalem, vestierint quibusdam conditionibus, sine quibus deinceps invalidè celebretur. Hæc Urbanus; vide etiam Cornejo to. 2. tr. 6. disp. 7. dub. 1.

58. Dico secundò, impedimenta impediencia tantum multa sunt, quorum tamen plura per contrariam consuetudinem censentur abrogata: inter quæ sunt incestus cum consanguineis uxoris, ob quem incestuosus mortuâ uxore non poterat sine culpa mortali ad alias nuptias transire: raptus sponsæ alienæ; occisio propriæ uxoris, aut Sacerdotis; receptio Monialis in uxorem: catechismus, quod impedimentum contraherebat is, qui respondet pro infante quando sup- plentur cæremoniæ post collatum baptisimum in necessitate: ac denique pœnitentia solemnis sive publica. Verum hæc, ut dixi, abrogata sunt,

Yyyy 1 ut

ut docent P. Urbanus *loc. cit. cap. 7.* Bufenbaum, Conineck, Sotus & alii apud Dianam *par. 3. tract. 4. res. 259.* quod & probabile dicit esse Cornejo *ubi supra dub. 41.* cum contrarium dicat non esse ita certum. Interea adhuc quatuor impedimenta impedientia sunt in vigore, quæ continentur hoc versu:

*Tempus sacram: Veritum: Sponsalia: votum.*

*Tempus sacram*, seu, ut alii, *feriatum*, est à primâ Dominicâ Adventus usque ad tempus Epiphaniæ inclusivè, & à die cinerum usque ad octavam Paschæ, quibus temporibus non est licitum celebrare solemnitates matrimoniales consistentes in benedictione Sacramentali, deductione solemnii sponsæ ad domum sponsi, ac solemnii convivio. *Veritum*, seu *Interdictum* est, quod ab Ecclesia vel omnibus, vel aliquibus, vel uni soli pro certo tempore aut in perpetuum inhibetur nubere. Tertiū impedimentum impediens sunt *sponsalia*, quæ impediunt ne ineatur matrimonium cum alio: quartum deniq; est *votum simplex castitatis*, ingrediendi Religionem, suscipiendi sacros Ordines, vel nun-

quam nubendi. Vide Bachonem *in 4. disp. 35. art. 1.* & adde primò, clandestinitatem esse impedimentum impediens respectivè ad loca ubi Tridentinum non est admissum; ibi enim adhuc illicitè, licet validè, initur matrimonium clandestinè. Adde secundò, peccatum mortale, excommunicationem, &c. etiam continere ratione impedimenti impediens, cum reddant matrimonium illicitum. Vide Franc. *disp. 7. n. 13. 59.* Dico tertiò, impedimenta dirimentia jam post Tridentinum sunt quindecim his versibus contenta.

*Error, conditio, votum, cognatio, crimen, Cultus disparitas, vis, ordo, ligamen, honestas,*

*Amen, affinis, si clandestinus, & impos, Si mulier sit rapta, loco nec reddita turo.*

De his omnibus breviter, quantum necessitas exigit, agemus; qui ea latius discussa desiderat, legat Bachonem *disp. 34.* qui, quia ante Tridentinum composuit, solum enumerat duodecim, omittens scil. amentiam, clandestinitatem & raptum, quæ cæteris per Tridentinum adjuncta sunt.

## DVBIVM OCTAVVM.

### De Errore, Conditione, Voto, & Ordine.

60. **D**ico primò, per errorem hîc intelligitur error personæ, dum quis v.g. se putat habere Joannam & habet Catharinam: quo casu defectu consensus in contractum cum Catharina non valet matrimonium sic cum ea initum, ut deciditur *cap. tra-*

*nos, de sponsal.* Valet tamen, per se loquendo, si solum adsit error qualitatis aut fortunæ, ut v.g. nobilitatis, divitiarum, pulchritudinis &c. quia hi errores sunt tantum accidentales, nec proinde impediunt, quin adhuc absolute subsistat consensus in substantiam

tiam personæ; nam, ut bene Urbanus cap. 5. tract. 3. *suprà*, valde differunt causa finalis propter quam absolūtè intenditur matrimonium, & causa solum impulsiva, quæ quidem movet fortius, non tamen absolūtè: quamvis enim ratio hujus deficiat, semper tamen illa primariò & efficaciter movet, esto non moveret, si crederetur per reflexivam considerationem non subsistere causam impulsivam. Ita ille: quidquid tamen mortaliter peccet inducens contrahentem matrimonium in errorem qualitatis notabilis, quem postea possit deprehendere, obtrudendo verbi gratia filiam corruptam loco virginis, pauperem loco divitis; quia hinc nata sunt sequi magna incommoda. Dixi *per se loquendo*; quia si etiam hi errores redundant in errorem personæ, id est, si consensus errantis directè feratur in personam quatenus habet talem qualitatem aut conditionem, etiam non valebit matrimonium defectu consensus, qui tunc est quasi conditionatus, ac si contrahens diceret, *duco te filiam comitis, divitem &c. aliàs non dūcturus*. Ita DD. communiter, quos sequitur Cornejo tom. 2. tract. 6. disp. 7. dub. 7. & Franciscus B. Spei disp. 7. num. 36. Verùm hoc solum videtur habere locum in foro conscientie, quia in foro externo similibus non adhibetur fides; eò quòd consistent in facto, quod non præsumitur, sed probari debet, nec tamen potest, ut adverte Urbanus. Adde, hoc impedimentum erroris habere ex sua natura dirimere matrimonium, & non solum ex consi-

tutione Ecclesiæ; quia cùm matrimonio contrahatur solo consensu, ubi est dictus error, non potest esse matrimonium, sicut nullus est consensus. Ita Bacho cum aliis omnibus.

61. Dico secundò, nomine conditionis hinc intellige servitutem, eamque strictam, à qua quis dicitur mancipium: quæ conditio ignorata dirimit matrimonium ex cap. *si quis ingenuam*: nisi fortè error sit conditionis paris, ut dum servus putat contrahere cum libera, quæ est ancilla; tunc enim, inquit Bacho, tenet matrimonium, quia utrobique est paritas. Ita etiam docet Cornejo *loc. cit. dub. 8.* interea videndum est, an error talis conditionis non redundet in errorem personæ, vel an consensus non fuerit conditionatus sensu dato. Quoad specialia verò quæ tangunt matrimonia servorum, ut an contrahere possint dominis inyitis, &c. vide apud Bachonem *distinct.* 36. solum nota ex Bassæo verbo *matrimonium* cap. 7. num. 13. post alios, quando dominus servum liberæ tradit in maritum, quæ libera nescit illius servitutem, hoc ipso illum liberare à servitute, quæ in hoc casu valet matrimonium.

62. Dico tertiò, per Votum prout est impedimentum dirimens, intelligitur solemne: sicut & per Ordinem, Ordo facer; quorum utrumque dirimere matrimonium post se contractum, fidei est ex Tridentino & aliis Conciliis; quam vim etiam Gregorius XIII. concessit tribus Votis simplicibus, quæ emittunt Patres Societatis post biennium sui Novitia-



tus, ut patet ex Bulla *Ascendente Domino*; quidquid quoad hæc omnia contrarium certum sit si superveniant matrimonio consummato. Imò invadit profiteretur qui post consummatum matrimonium uxore non liberè consentiente vel nolente attentat profiteri, prout Canones declarant: ac quamvis, si quis in tali casu se faciat ordinari, Ordo susceptus teneat, eum tamen sic suscipiens mortaliter delinquit, prout omnes fatentur. Qui verò post contractum matrimonium vel etiam ante, emisit votum simplex castitatis, non potest petere debitum, licet teneatur conjugii petenti reddere, ne innocens injustè suo jure privetur: & deinde post mortem conjugis non poterit iterum licetè matrimonium inire. Adverte hinc, ut talis conjux teneatur reddere debitum, non esse necesse ut alter expressè illud petat (quod esset pluribus fœminis verecundis onerosum, ut bene notavit Mendo) sed sufficit si in alio conjugè notet appetitum, vel signa desiderii.

Quòd si verò uxor stante matrimonio castitatem voveat, aut nunquam petere debitum, potest maritus ea vota irritare, imò etsi ea vel similia voverit ante matrimonium, ut docent Villalobos, Sanchez & alii, quos sequitur Diana; pro quibus & aliis vide dicta suprà in fine tract. de *Jure & Iustitia*, ubi egimus de Religione & voto: vide etiam Urbanum cap. 5. suprà circa medium, & Bachonem loc. sæpe citat. qui id, quod statim diximus, restringit ex communi doctrina sui temporis; nem-

pe eum teneri debitum reddere, qui ante matrimonium emisit votum simplex castitatis: dicit autem eum non teneri illud reddere dum primà vice exigitur, sed mortaliter peccare primà vice reddendo; quia ante carnalem copulam adhuc potest religionem intrare & sic servare votum suum; quidquid post primam copulam reddere possit & teneatur ob rationem allatam. Dixi id illum sic restringere ex communi doctrina sui temporis, id enim tempore ipsius docuit etiam D. Thomas, Scotus & alii quos addert Coninck de *Sacram. disp.* 34. dub. 5. num. 34. Verùm modò Diana part. 11. tract. 5. resol. 40. asserit, sibi magis placere sententiam oppositam, pro qua citat quinque auctores, & alios ab his citatos: vult igitur talem conjugem posse matrimonium consummare non exigendo sed reddendo; quia cum non voverit Religionem ingredi, non est ad id cogendus, ut per rem difficiliorem satisfaciatur Voto minùs arduo. Ita Diana, adducens *Extravag. Joannis XXII.*

Addo, aliquos docere, posse conjugem, qui inivit matrimonium post votum simplex castitatis emisit, ab initio petere debitum: & plures velle, id licere post primam petitionem debiti, in qua dicunt illum solum peccare. Sed horum omnium rationes destruit Mendo in *Statuta Benignarum Opinionum dissertat.* 5. quest. 21. & nostram firmat hac ratione, quia votum castitatis includit obligationem præcepti negativi, ad abstinendum ab actu omni venereo, adeoque semper & pro semper: ergo licet

licet testetur reddere debitum ratione vinculi fortioris matrimonii, per quod alter conjux obtinuit jus liberum ad petendum debitum, non

potest tamen ipse petere, cum matrimonium ipsum ad hoc non cogat.

## DVBIVM NONVM.

### De Cognatione & Affinitate.

63. **D**ico primò, cognatio, impedimentum dirimens matrimonium, triplex est, spiritualis, legalis, & carnalis sive naturalis, aut consanguinitatis. Cognatio spiritualis (quæ nascitur ex susceptione Baptismi, & Confirmationis juxta dicta suis in locis) docente Tridentino contrahitur à baptizato cum baptizante, & suscipientibus; ac à parentibus baptizati cum iisdem, inter quos non potest validè contrahi matrimonium. Idem dic de confirmato, confirmante, tenentibus confirmatum ac confirmati parentibus: non contrahitur tamen inter ipsos suscipientes, cujus rationem dat P. Urbanus *tract. 3. tit. 15. cap. 5.* Adde Dianam *part. 11. tract. 5. resol. 39.* docere, quamvis maritus extra casum necessitatis ex malitia baptizans prolem suam peccet mortaliter, & cognationem spiritua-lem contrahat, quantum jure contrahere potest, non impeditur tamen à jure petendi debitum; quia jura in contrarium statuta per decretum Nicolai primi qui floruit anno 858, correctæ sunt per cap. *si vir. de cognat. spir.* ab Alexand. III. qui vixit anno 1156. Ita ille, citans & alios quatuor. Quo tamen non obstante adhuc

contrarium tenendum esse, tradit Mendo in *Statera Benignarum Opiniorum differr. 5. quest. 20. n. 165.* ob communio-rem consensum Theologorum & Jurisperitorum, qui, ipso teste, Glossam in cap. *si vir. de cognat. spir. verbo Institutum* cum Diana sententem deserunt, cum tamen illam in aliis magnificare soleant. Cæterum Gobat in *Alphab. matrim. par. 1. casu 22. n. 622.* dicit, neminem dissentire à Tamburino observante, non esse in petitione dispensationis exprimendum, utrum cognatio spiritualis sit contracta ex Baptismo, an ex Confirmatione, cum utraque sit ejusdem omnino rationis.

64. Cognatio legalis oritur ex adoptione alicujus in filium, interceditque inter adoptatum & adoptantem hujusque filios & filias: uti & inter adoptantem & uxorem adoptati, adoptatum & uxorem adoptantis &c. Vide Sanchez.

65. Cognatio consanguinitatis nihil aliud est quàm propinquitas plurius inter se, vel quia unus ab alio, vel omnes ex eodem, carnali propagatione procedunt; quare carnalis dicitur: quæ matrimonium dirimit usque ad quatuor gradum inclusivè

clusivè juxta Concilium Lateran. cap. *non debet, de consanguinitate*. Quod si aliqui inter hos gradus scienter matrimonium contraxerint, debent postea in petitione dispensationis hujus scientiæ necessariò facere mentionem juxta dicta suprà *tract. 2. disp. 6. num. 22*. An verò consanguinitas in primo gradu dirimat matrimonium jure naturæ? Affirmant DD. communiter, quos sequitur N. Urbanus, qui id probat ex eo, quòd nec ipsi ethnici unquam licitum fecerint contrahere matrimonium inter fratrem & sororem, sed ut summum inter fratrum & sororum liberos, cum quibus proinde Papa dispensare potest. Ita Urbanus: qui idem parum antè dixerat de ascendentibus & descendentibus per rectam lineam, ita ut, si redivivus foret Adamus, nullam omnino posset uxorem ducere, nisi simul Eva surrexisset: ast oppositum quoad hoc extra primum gradum docet Cornejo *tom. 2. tract. 6. disp. 7. dub. 12*. addens *dub. 13*. in nullo gradu consanguinitatis lineæ, transversæ esse irritum matrimonium jure naturæ, citans D. Thomam, Cajetanum & alios. Vide etiam Franciscum Bonæ Spei *disp. 7. num. 64. & 71*. Ut autem dignoscas gradum consanguinitatis duorum in linea recta, id est, dum unus ab alio originem ducit, computa omnes personas usque ad eam, à qua altera procedit, & quot erunt illà demptà (quæ est stipes, ut dicitur) tot erunt quoque gradus consanguinitatis: sic v.g. pater cum filio constituunt primum gradum, pater cum nepote secundum, cum pronepote tertium

&c. Si verò dictæ personæ sint in linea transversa & distent æqualiter à stipite, oportet utrimque computare personas ab eodem stipite descendentes, ac tunc etiam tot distabunt gradibus, quot erunt personæ computabiles stipite relicto, ita ut frater & soror constituent gradum primum lineæ transversæ, prout unico gradu differunt à stipite; deinde horum filii, sive nepotes, constituunt secundum gradum; pronepotes tertium &c. Ut autem cognoscas distantiam duarum personarum in linea transversa à stipite inæqualiter distantium, debes numerare omnes gradus à persona remotiori, & quot erunt gradus seu personæ, excepto stipite, à quo ambæ procedunt, tot erunt gradus inter illas: sic nepos cum avunculo constituunt gradum secundum; pronepos cum eodem & cum nepote tertium; abnepos cum eodem avunculo, cum nepote & pronepote quartum &c. Dum verò in gradibus consanguinitatis (& idem est de gradibus affinitatis) contracturi inæqualiter à stipite distant, non necessariò in supplicatione est exprimendus gradus propinquior, sed stat est exprimere tantum remotiorem; modò primum non attingant, id est, modò non sint neptis & avunculus verbi gratia. Vide Ecclesiæ Canones *de Consanguinitate*. Addo tamen, P. Gobat in *Alphab. Matrim. part. 1. casu 7. num. 161*. docere, etiam in dicto casu non esse exprimendum gradum propinquiorem: quod & repetit *casu 22. n. 619. ac seq.* adferens varia, quibus conabatur litteras Urbani VIII. in forma Brevis datas

anno 1624. quasque Barbofa & alii adferunt pro exceptione à nobis posita, ita explicare, ut non obfint fux fententia: additque Pium V. folùm attendiffe ad forum externum, non verò à internum, dum fanxit, ut poftquam funt impetratæ litteræ difpenfationis non expreffo vicinore gradu, fupplieetur pro aliis, quibus declaretur, taceriturnitatem prædicti gradus nihil obfelle valori impetratæ prius difpenfationis. Idem Gobat ibid. teftatur, quòd Perez obfervet, Bullam Pii V. quæ vult expreffè, ut quando propinquior fupiti proximo diftat in primo, exprimat hie primus gradus, habere locum in folo foro externo. Vide etiam circa hanc materiam Bachonem *diff.* 38. ubi inter cætera dat rationem, quare aliter in jure civili computentur gradus confanguinitatis, quàm in jure canonico. Vide etiam Franc. B. Spei *diff.* 7. *num.* 53. ubi ponit claram figuram linearum confanguinitatis.

66. Dico secundò, affinitas consanguinitati affinis & impedimentum dirimens matrimonium, est propinquitas orta ex copula carnali habita cum consanguineis alterius: unde non est affinitas inter sponsum & sponfam, nisi vel ille carnaliter cognoverit consanguineam huius, vel hæc ab aliquo consanguineo illius cognita fuerit, licet & hæc & ille habuerint copulam cum iis, quierant frater & soror inter se. Hinc contingit quotidie, quòd duæ personæ sediu vocent fratrem & sororem, ac postea sine ulla dispensatione simul possint injre matrimonium, prout accidit dum frater & soror ineunt matrimonium cum uno & una inter se

nou consanguineis: hi enim ultim  
stantibus suis matrimonii se vocant  
fratrem & fororem; mortuis tamen suis  
conjugibus possunt sine dispensatione  
simul nubere. Hæc attende, & magnam  
facilitatem in hac materia acquiesce  
dignoscendum, an duæ personæ sint  
verè affines.

67. Quoad gradus verò affinitatis, eos numerabis conformiter\* pœnes propinquitatem consanguinitatis in-  
ter eam, quæ carnaliter cognoscitur &  
ejus consanguineos; in eodem namque  
gradu, quod hæc est alicui consanguine-  
a, fit ipse cognoscens eidem affinis :  
sic qui habuit copulam cum Catharina,  
est ejus parentibus, prolibus, fratri-  
bus ac fororibus affinis in primo gra-  
du; quia ipsa est iisdem in primo gra-  
du consanguinea : deinde fit avunculis  
& cognatis germanis ejusdem affinis  
in secundo gradu, & ita consequenter. ●

68. Affinitas orta ex copula licita dirimit matrimonium sicut consanguinitas, videl. usque ad quartum gradum inclusive: si verò copula sit illicita, sive inter non conjunctos matrimonio inter se, solum illud dirimit usque ad gradum secundum. Ita determinavit Tridentinum. Hinc pariformiter de conjugem solum privari jure petendi debitum ob adulterium cum consanguineis conjugis usque ad secundum gradum inclusive. Ita DD. communiter teste Diana *par. 11. tr. 5. ref. 38.* ubi post alia querit, an qui contraxit affinitatem cum scientia juris & facti, sed cum ignorantia pœnæ non petendi debitum, illam incurrat? ac postquam varia adduxisset pro sententia affirmativa, subdit; ego alibi sententiam con-

Zzzz

| trari- | to be angry |

trariam tanquam probabilem admisi-  
ſſe nunc iterum admitto, & illam novif-  
ſimè docet Dicaſtillus: ratio eſt, tum  
quia pœnæ ignorantia excuſat ab in-  
currenda excommunicatione, aliſque  
cenſuris, ergò & excuſabit ab in-  
currenda hac pœna; tum quia pœnæ  
quantitas debet proportionari quan-  
titati delicti juxta cap. *ſelicis de pœnit. in*  
*6. ſed minus delictum eſt & minor con-*  
*temptus legis quando frangitur lex*  
*continens graves pœnas, pœnis igno-*  
*ratis, quàm iis cognitis. Ita Dicaſtillus*  
*& Diana, qui dicit id à ſe alibi pertra-*  
*ctatum eſſe: quod & abſolutè docet*  
*Burghaber Centur. 3. caſu 64. & Gobat*  
*in Alphab. matrim. par. 2. caſu 15. n. 603.*  
Ubi inſuper addit, eandem pœnam,  
juxta Abbatem, Sotum, Sa, & Sylve-  
ſtrum, non incurri tam diu, quàm eſt  
ocultus, & incognitus ille inceſtus  
conjugi: quorum opinionem vocat  
probabilem, & in praxi tutam ob tan-  
tam authoritatem. Hæc à Confeſſario  
diligenter retinenda ſunt cum ſint ge-  
neralia, non ſolum pro cenſuris & irre-  
gularitate (pro quibus vide Dianam  
*par. 11. tr. 4. reſ. 4. ubi dicit, excuſari ab*  
*excommunicatione non tantum eum,*  
*qui ignorat tali actus eſſe eam annexā,*  
*ſed etiam eum, qui id quidem ſcit ab-*  
*ſolutè, ſed inculpabiliter oblitus eſt*  
*dum actum illum committebat;) ſed*  
*pro omni pœna impoſita ob delictum,*  
*niſi legiſlator expreſſerit mentem ſu-*  
*am eſſe, ut etiam ignorantes ſtatutam*  
*pœnam luant. Vide etiam Tambur. in*  
*Decal. p. 1. l. 1. c. 2. §. 10. num. 22.*

Sed nunquid idem dicendum eſt de  
ignorante affinitatem ex copula illicita  
contractam eſſe impedimentum diri-

mens matrimonii, ita ut ille, qui cum  
tali ignoratiam cognoviſſet Claram v.g.  
poſtea adhuc poſſet inire matrimonii  
cum ejus ſore? Affirmant aliqui ob  
paritatem rationis apud Burghaber  
*Cent. 2. caſu 54.* Ipſe tamen hoc ibidem  
negat cum communi, & meritò, quia  
impedimenta dirimentia matrimonii  
non ſunt tantum impoſita ut pœnæ,  
ſed præcipuè ut inhabilitates; quate-  
nùs ab iis, qui per copulam carnalem  
una caro facti eſſent, talis reverentia &  
pietas erga ſanguinem haberetur, ut  
neuter illorum ſine diſpenſatione poſ-  
ſet inire matrimonium cum conſan-  
guineis alterius. Ita Burghaber.

69. Adde, ad contrahendam affini-  
tatem debere copulam eſſe completam  
ſenſu dato ſupra, ubi egimus de con-  
ſummatione matrimonii: unde poſſet  
quis ſe gerere pro non affini conſan-  
guineis ejus, cum qua quidem habuiſ-  
ſet rem, ſed ſine commixtione ſeminis;  
quia, ut benè P. Urbanus, impedimen-  
ta ſunt ſtricti juris, ideòque ſtrictè in-  
terpretanda: quod ipſum etiam docet  
Bachocitans cap. *Fraternitati*: pro quo  
& aliis eum conſule *diſt. 39.* Vide etiam  
Dianam *par. 11. tr. 5. reſ. 26.* Cornejo  
*to. 2. tr. 6. diſp. 7. dub. 32. & Franc. B. Spei*  
*diſp. 7. n. 58. & 59.* ubi monet copulam  
ad effectum prædictum, debere eſſe  
perfectam, per ſeminis ſcil. effuſionem:  
& naturalem, ut excludat ſodomiti-  
cam, quæ quia eſt contra naturam, non  
facit unum generationis principium,  
aut unam carnem. Adverte, quòd affi-  
nitas non pariat affinitatem, ſive quòd  
conſanguinei viri non ſiant affines  
conſanguineis uxoris, prout jure anti-  
quo conſtitutum erat, ſed ſoli uxori:  
quare

quare modò licitè & valldè nubunt duo fratres duobus fororibus; sicut & pater ac filius cum matre ac filia: ut omnes docent post Tridentinum. Insuper docet P. Franciscus Summus Pontificem posse dispensare; ut quis contrahat cum sorore uxoris suæ demortuæ: quia Alexander VI. Emanueli Regi Lusitanæ. Julius II. Henrico VIII. Regi Angliæ. Et Urbanus VIII. anno 1640. excellentissimo D. Principi de Liniaco Belgæ potestatem fecit contrahendi cum uxore fratris sui demortui. Vide dictum Franciscum *loc. cit. num. 7.*

70. Petes an contrahi possit matrimonium dum dubitatur de consanguinitate volentem contrahere? Ad hanc quæstionem dilucidandam ponit hunc casum Bordonus: Petrus per plures annos illicitè cognovit Bertam conjugatam, quo tempore Berta genuit filiam; eodem ferè tempore idem Petrus ex alio concubitu sæpius repetito cum alia conjugata, dubitat filium ex ea natum esse suum, quæritur an hic filius ducere possit prædictam filiam Bertæ?

71. Respondet Bordonus, si Petrus dubitet de utroque an sit suus & in loco de hoc fit rumor eò quòd notorium sit, Petrum cum eorum matribus maritalitatis ex consuetudine illicitè conversari, cupientes hoc matrimonium contrahere, removendi sunt ab hoc desiderio, idque ob diversa capita quæ ipse citat in tract. variarum decis. miscell. decis. 93. in quibus significatur, famam, scandalum, seu rumorem impediendi obstare futuro matrimonio: neque, inquit, cum dubia conscientia peccandi operandum est. Ita ille. Verùm San-

chez in select. disp. 43. num. 44. docet, factâ sufficienti diligentia possè iniri matrimonium sinè dispensatione in casu impedimenti modò dicto dubii; quia, inquit hic, possessio stat pro libertate ad contrahendum, nullusque suâ possessione sinè certo jure spoliandus est. Sanchez in hoc sequitur Burchardum Cent. 3. casu 100. cujus sententiam confirmat ex cap. laudabili. & cap. fin. de frigidis. ubi statuitur, dubium de potentia naturali non teneri ad tutiorem partem, seu abstinentiam à matrimonio; quia scilicet habet jus ad contrahendum, & in dubio stat pro ipso possessio. Ergo &c. à pari. Ita etiam sustinet Gobat in Alphab. matrim. par. 1. casu 1. n. 62. qui benè addit, de hoc dubio monendum esse compartem, ne contra suam voluntatem exponatur periculo gravium damnorum. Ac interea Bossius de Matrim. cap. 7. §. 21. dicit, convenire omnes, docendo ad impediendum matrimonium futurum sufficere rumorem & famam in loco. De eo igitur ego aliis relinquo judicium. Vide interim Sanchez de Matrim. lib. 1. disp. 71. num. 13. & lib. 8. disp. 6. num. 18. & adde, juxta omnes communiter, ob tale dubium superveniens matrimonio bonâ fide contracto neminem teneri à matrimonio aut ejus actu desistere; quia saltè tunc locum habet axioma receptum; *melior est conditio possidentis.*

\* \* \*

## DVBIUM DECIMUM.

## De impedimento Criminis.

72. **D**ico, crimen matrimonium dirimens, triplex solet assignari. Primum, dum maritus cum alia conspirat in mortem uxoris, si morse ex conspiratione sequatur, non possunt hi validè inter se matrimonium contrahere. Ita statuitur cap. *laudabilem*. Secundum est, dum maritus occidit uxorem ut contrahat cum alia, cum qua antea commisit adulterium; quod crimen eum inhabilitat, ut cum ea matrimonium contrahat, quamvis adultera ignoret illius crimen, modò ipsi notum sit alterius adulterium, sive eum, cum quo habebat copulam, esse uxorem. Statuitur cap. *significasti*, & cap. *super hoc*. Dixi, ut contrahat, &c. quia si occisio non fiat eo animo, sed vel ex odio, vel ut liberiùs cum alia veneri inserviat, non contrahitur illud impedimentum. Sicut & sustinent de primo (etiam dum præcessit adulterium) multi citati à Sanchez apud Gobat in *Alphab. matrim. par. 1. casu 9. num. 182.* quos & ipse sequitur, addens insuper Dicastillum: quidquid tamen mentis cum Navarro allèrat, ad hoc impedimentum inducendum sufficere, *si saltem secundaria intentio fuit contrahendi*: & benè addit: *num. 186.* cum Lessio; difficilè creditu esse, non habuisse eos intentionem contrahendi: aliàs enim sumpsissent mitiorem ultionem. Sed quid si uterque aut unus ignoret tale crimen inducere impedimentum diri-

mens? Respondi *num. 68.* dubii præcedentis, ignorantiam illam nihil referre: quod & respondet Gobat in *Alphab. matrim. par. 1. casu 10. num. 201.* agens de impedimento criminis in particula-ri: quidquid *num. seq.* postquam in Diana legisset oppositum sustineri à Fernandez, Paludano, ac Majore, dicat, quia tamen neque Diana ipse, neque Baucius apud eundem, ullam notam incurrunt opinioni Paludani, posset saltè post matrimonium bonà fide initum cum tali impedimento, atque ignorantia legis dirimentis, dari locus ei sententia, ob rationem petitam à conditione legis penalis, de qua paulò superius.

Tertium impedimentum criminis est, quando adulter promittit adulteræ matrimonium post mortem suæ uxoris, si hæc promissio ab illa acceptetur: vel si per verba de præsentì, uxore adhuc vivente, adultera ites inter se matrimonium contrahant, cap. *significasti*. Debet autem & in hoc casu notum esse adulterium utrique, aliàs matrimonium valebit postea contractum: imò docet Bacho *dist. 34.* mortuà uxore legitimà còpelli debere adulterum, ut adhareat secundæ, quam decipit sic, si ipsa velit: quidquid tamen in conscientia ad hoc non teneatur juxta dicta *dub. 1. §. 1.* ubi diximus, matrimonium contractum cum impedimento dirimente non transire in sponsalia. Ultimum hoc impedimentum aliqui

aliqui dividunt in duo, constituentes proinde quatuor : item aliqui duo priora confundunt admittentes solum duo impedimenta criminis, uxoricidium videl. & adulterium ; sed cum hi postmodum debeant subdivisiones ponere , commodius ab initio respondetur cum Cornejo *tom. 2. traët. 6. disp. 7. in prambulo ad dub. 20.* impedimentum criminis esse quadruplex, vel, ut dixi cum aliis communiter, esse triplex. Caterum ad hoc impedimentum inducendum requiritur adulterium completum , quod idem dic de uxoricidio : unde licet vir dedisset uxori venenum, ita tamen ut hæc postea moreretur morte naturali, nullum esset impedimentum.

73. Dixi in tertio impedimento, si hæc promissio ab ea acceptetur ; quia (ut patet ex cap. *relatum 4. & tit. de eo qui duxit matrimonium*, ubi apponuntur hæc clausulæ, *dare juramentum : fidem præstare : &c.*) requiritur mutuus consensus ; non enim præstamus fidem aut juramentum damus nisi exigenti , vel ut minus acceptanti. Vide Bordonum *decis. 44.* ubi in hoc pro se adfert & alios octo, præter quos Diana *par. 3. traët. 4. resol. 198.* alios multos citat. Non requiritur autem ut alter vicissim faciat repromissionem, ut contra varios (inter quos est Burghaber *Centur. 2. casu 4.*) bene probat Sanchez *lib. 7. disp. 79. num. 19. & seq. qui & num. 29.* contra plures probat, dictam promissionem non necessariò debere esse juratam. Sed , sufficitne ad hoc ficta promissio adulteri ? Respondeo probabiliter negativè ; quia, ut diximus ex P. Urbano, impedimenta sunt stricti

juris, adeoque & strictè interpretanda ; strictè verò loquendo promissio ficta non est promissio. Ita Diana, Sa, Henriquez & Layman ; qui ultimus requirit insuper, ut promissio sit pura ; vel saltem ante mortem uxoris purificata ; quia aliàs non est facta promissio simpliciter, cum adhuc hæreat suspensa. Ita etiam docet Coninck *de Sacramento disp. 31. dub. 5. num. 36.* Hæc extendit etiam ad contractum matrimoniale de presenti cum adultera, si nimirum sit fictus, &c. quæ sunt bene observanda. Caterum sufficit, siq. fidei datio, sive matrimonium de facto initum præcedat, sive sequatur adulterium, uti patet ex cap. *fin. de eo qui duxit* : & ratio est, quòd tam in uno , quàm in alio casu detur occasio procurandi mortem conjugis præsentis : quæ , juxta omnes testes Sanchez , est ratio hujus impedimenti.

Petes primò , an hîc pariformiter loquendum sit de viricidio & uxoricidio ?

74. Negant Victoria, Ledesma, Cannedo, quorum sententiam probabilem reputat Henriquez, quos omnes vide apud Sanchez *lib. 7. disp. 87. num. 3.* Eorum ratio est, quia textus hoc impedimentum decernentes solum loquuntur de interfectione uxoris : jam verò plures docent, similem decisionem de uxoricidio non posse extendi ad viricidium , quia hoc non est tam frequens quàm uxoricidium, propter quod Sanchez *disp. 16. num. 6.* cum pluribus docet, viricidium simpliciter non esse impedimentum impediens, ne uxor cum ullo alio postea contra-

Zzzz 3 hat,



hat, licet tale sit uxoricidium: verum hic ipse sustinet contrarium de impedimento dirimente, & merito; quia de hoc textus etiam exprimitur viricidium, ut colligitur ex cap. *si quis vivente* 31. *quest.* 1. & cap. 1. de *conversione fidelium*. Vide etiam Cornejo tom. 2. tract. 6. disp. 7. dub. 20.

75. Petes secundò, an promissio de contrahendo matrimonio cum adultera, mortuo ejus marito, vel contractum matrimonium cum illa conjugē adhuc vivente, sit impedimentum dirimens in casu, quo hæc ignorat inde provenire simile impedimentum? Affirmant DD. communiter, negante Baucio, cujus verba ad longum refert Diana par. 10. tract. 13. resol. 51. ubi dictus Baucius dicit, idem esse de interfectione conjugis supra, citans pro se Palludanum in 4. dist. 34. *quest.* 1. num. 17. qui ex ipsis canonibus conatur demonstrare, requiri scientiam dicti impedimenti ad hoc ut incurratur: idem etiam docent Fernandez & Major: eorum autem ratio esse potest; quia dictum impedimentum ab Ecclesia impositum est in pœnam delicti; atqui pœnæ, juxta Sanchez & alios supra, non incurruntur ab iis, qui eas invincibiliter ignorant, ergo, &c. Major patet; quia impedimentum hoc vocatur criminis, crimini autem pœna statuitur. Interea tu sequere sententiam communem ob praxim, quæ hucusque fuit in contrarium; & ob

aliam rationem hujus impedimenti, quam nos dedimus num. 73.

Sed quid si dicta promissio solvatur per utriusque mutuam remissionem; vel uterque pœnitentiâ ductus à dicto matrimonio contracto resiliat? Si hoc fiat ante secutam copulam, quæ postea, priori contractu non iterato, casu subsequitur, non est impedimentum dirimens: quia cum prior ille contractus omnino per hoc extinguatur, non concurrunt simul adulterium & fides seu contractus de presenti, quod est necessarium ad hoc impedimentum. Secus dic si promissio solvatur post habitam copulam, vel post illam resiliatur à matrimonio illo de facto inito: quia cum tunc verè incurrerint impedimentum illud, nullatenus possunt se eximere propriâ autoritate. Ita Sanchez lib. 6. disp. 79. num. 7.

Adverte illos graviter peccare qui promittunt matrimonium post mortem conjugis contrahendum, uti deciditur cap. *fin. de eo qui duxit*, ubi additur similibus pœnitentiam injungendam esse. Ratio est, quia per hoc præbatur ansa procurandæ mortis conjugis.

\* \*

# DUBIUM VNDECIMUM.

## *De disparitate cultus, vi & ligamine.*

76. **D**Ico primò, disparitas cultus hinc est ea, quæ intercedit inter fidelem seu baptizatum & infidelem, inter quos non potest validè iniri matrimonium. Ita omnes cum Bachone *dist. 34. sæpè cit.* quamvis valdè difficile sit hoc impedimentum ex aliquo juris cap. demonstrare; pro eo interrim: Urbanus citat duo loca Scripturæ, in quibus Apostolus ait: *Nolite jugum ducere cum infidelibus*; & *Quæ pars fidei cum infidele*; ac ratio est, quia fidelis non potest matrimonium contrahere nisi prout est Sacramentum; infidelis verò defectu Baptismi est incapax cujusque alterius Sacramenti. Vide circa hæc Franc. B. Spei *disp. 7. num. 91.* ubi de jure reprehendit P. Herinckx, quòd doceat, tale matrimonium non posse dici irritum Jure divino positivo, imò in initio Ecclesiæ ob paucitatem fidelium necessarium fuisse contrahere cum infidelibus: ex quo Franciscus infert, ergo *erat tunc necessarium se exponere perversionis, discordiarum & malæ prolium educationis periculo*, ad generandum proles, aut perverfas, aut contritiud perversionis, &c. periculo expositas: quod certè paucissimi approbant. Ita Franciscus. An autem matrimonium infidelium fiat Sacramentum, eisque gratiam conferat eo ipso quòd ambo baptizantur: habes apud Dianam *par. 10. suprà resol. 253.* Cæterum valet matrimonium contractum inter Ca-

tholicum & hæreticam vel è contra; quamvis tamen sit illicitum, nisi qui hæreticam fidem profiteretur, spondeat venire ad Orthodoxam fidem. Ita Concilium Chalcedonense: vel nisi matrimonium sic ineatur ad servandam amicitiam inter magnas familias, pacem obrinendam inter regna, & quando nullum est periculum subversionis: pro quo vide Lothum *traët. 13. quæst. 3. arr. 3.* ubi post varia subjungit; Germania, Hollandia, Anglia, ubi hæretici cum Catholicis promiscuè vivunt, vix posse talia matrimonia vitari; quare Azorius, Sanchez & alii dicunt, hujusmodi conjugia in illis & similibus locis, ob receptam consuetudinem & toleratam, licita esse: ad quod tamen juxta eundem Lothum, ut nimirum fiat tutà conscientia, hæc requiruntur: primum, ut non oriatur scandalum: secundum, ut provideatur partis securitati & proliis educationi. Pacta autem illa quæ ab aliquibus fiunt, ut nimirum pars prolium in fide Catholica & pars in hæresi educetur, impia sunt, utpote contra legem Ecclesiasticam, quæ, ut colligitur ex cap. *Judei 28. quæst. 1.* præcipit, ut proles sequatur conditionem partis fidelis. Tertium est, ut sit rationabilis causa exigens in illis locis talia matrimonia. Quartum denique ut, si matrimonium ineatur extra loca in quibus Catholici vivunt permixti hæreticis,

reticis, petatur Papæ dispensatio. Ita dictus Lothus : quidquid Gobat in *praxi clement. iudic. Decade 7. num. 346.* videatur velle (quò fundamento, non scio, nisi quòd dicat *loc. statim citando num. 225.* esse consuetudinem in Germania, ut vulgares homines contrahant cum hæreticis, vel cum nulla, vel cum sola Episcopali dispensatione) Episcopum posse hanc licentiam dare; cum dicat, *nec in loco, quo non viget publicè usus utriusque Religionis, permittet, nisi ex gravissima causa Episcopus iungi Catholicum Acatolica.* Interim in *Alphab. matrim. par. 1. casu 11. num. 220.* absolute asserit, esse rarum casum, quo sint à parte rei, & in individuo licita hæc connubia, etiam in urbibus, aut pagis mixtæ Religionis, de quibus agit *num. 218.* Hinc ordinariè irrita sunt sponsalia Catholicæ cum hæretico, quia promissio de re turpi non potest non esse turpis.

77. Dico secundò, vis seu coactio etiam dirimit matrimonium, & quidem jure naturæ; quia, juxta dicta in anterioribus, coactio tollit libertatem requisitam ad contractum matrimoniale. Vide dicta *dub. 2. & Bachonem loc. cit.* ubi inter cætera dicit, matrimonium subsistere si vim passus postea expressè consenserit in copulam conjugalem. Vide etiam Cornejo *rom. 2. tract. 6. disp. 7. dub. 25.* apud quem plures ad hoc impedimentum exigunt coactionem ortam ex metu cadente in constantem virum injustè incussò : aliis volentibus, sufficere coactionem ex metu levi proveniente : contra quos ultimos Franc. B. Spei *disp. 7. num. 84.* docet ; metum reverentialem

præcisè, quo v.g. filius timet Patris offensam, vultum austerum, & indignationem præcisè, non sufficere ad violentiam irritantem matrimonium; quia voluntati constantis viri vim majorem inferre non censetur, quam amor Dei filialis inferat justo, ut bene operetur. Requirit igitur ipse ad hoc efficaces minas, verbera, privationem bonorum, iram diuturniorem, importunas sive instantissimas preces, &c. quibus quis adigitur ad aliquid agendum, quod alioqui nullo modo egisset, & ut agat, sibi vim gravem inferat. Vide eum *num. 80.* & à nobis dicta *tract. 1. disp. 1. num. 16.* ubi metum gravem divalimus in gravem absolute & gravem respectivè : qui ultimus respectivè æque dirimit matrimonium, quàm primus dirimat absolute : ut post Lessium observat Gobat in *Alphab. matrim. par. 1. casu 12. num. 248. & 250.* Debet tamen uterque esse injustè incussus, ut monuimus hîc & *dub. 2. num. 29.* Debet etiam esse incussus (ex omnium sententia, *respondeo Sanchez lib. 4. disp. 12.*) in ordine ad extorquendum consensum matrimoniale. Unde si quis alteri minitanti mortem in vindictam injuriæ nihil cogitanti de matrimonio, dicat; *ducam tuam filiam, dotaboque si mihi mortem non inferas, nihil impediet.*

78. Dico tertio, per ligamen hic intelligitur matrimonium sive ratum sive consummatum, quo stante dirimitur quodcumque subsequens matrimonium : unde licet quis bonâ fide contraxisset cum alia, teneretur ab hac abstinere postquam sciret priorem adhuc vivere : si tamen de hoc solum dubitaret

bitaret nec certò posset scire, adhuc licet debitum redderet, non verò peteret juxta D D. communiùs, quos sequuntur Bacho & Urbanus sæpè citati; licet plures velint etiam tunc licet debitum peti. Quòd si autem quis putans primam suam uxorem adhuc vivere, contraheret cum secunda animo hanc decipiendi, invalidè omninò contraheret, quamvis verè prima mortua esset; quia ejus consensus non est maritalis sed fornicarius: si tamen postea certus de morte ipsius, veller verè contrahere non aperiendo nullitatem, sufficeret cognoscere secundam consensu maritali, pro quo vide dicta suprà.

Petes quæ certitudo mortis mariti requiritur, ut uxor possit alium ducere?

79. Respondeo cum Bachone *dist.* 34. eam teneri expectare donec habeat moralem certitudinem, nec sufficere quamcumque longam absentiam præcisè. Ita decernunt Canones corrigentes jus civile, quod statuebat, sceminam posse cum alio contrahere postquam maritum, de cujus vita dubitat, quatuor vel quinque annis expectavit. Debet igitur, juxta Bachonem, certificari de morte viri per juramentum eorum sub quibus militavit v.g. vel sociorum ejus qui novērunt mortem; vel, si publica fama adjuvet, sufficit juramentū unius secundum Hugonem. Insuper licet publica fama desit, quando agitur de loco distanti, ex quo difficile est habere probationes, sufficit simile testimonium unius testis jurantis se vidisse mortuum, si pensatà qualitate personæ sit

fide dignus. Ita plures apud P. Scilder *tract.* 2. num. 125. ex l. non omnes §. A Barbarus ff. *de re militari* ubi dicitur, *Sed, licet hoc liquido constare non possit, argumentis tamen cognoscendum est.* Item sufficit sola constans fama sine teste, si ex aliis præsumptionibus verisimile est ipsum mortuum esse, ut si valde diu abfuerit, vel si senex aut ægrotus decessit, vel si recepit litteras eorum, cum quibus militavit. Ita Bacho ex Hugone & Guilhelmo: quamquam fortè hoc ultimum non admitteret P. Urbanus, qui docet, certitudinem habendam esse absolutè de morte prioris conjugis, prout etiam apud Dianam *par.* 10. *tract.* 13. *resol.* 214. Villalobos, Barboſa cum aliis innumeris docent, non sufficere præsumptionem verisimilem & probabilem, sed requirunt certum nuntium & famam. Vide etiam Bassæum verbo *Matrimonium cap.* 7. num. 61. & 62. & adde indubiè sufficere librum Parochi, in quonominam mortuorum describuntur: prout Seraphinus demonstrat ex Rota Romana *de iur.* 1556.

Petes fortè iterum, quid intelligatur per certitudinem moralem? Intelligitur illa, quæ vir prudens attentis circumstantiis redditur certus: seu quando prudenter ita creditur, ut contrarium nullo modo videatur probabile. Dixi hanc certitudinem requiri, ut aliquis licet transseat ad secundas nuptias. Sed si quis cum verosimili præsumptione tantum jam ad ea transivisset bonâ fide non esset separandus: imò nec Judicem Ecclesiasticum posse similem separare, asserit Gobat in *Alphab. matrim.* par. 1. *casu* 14.

A a a a

nnm.

num. 305. addens hanc rationem præter alias ( docet enim contra nos num. 292. illam præsumptionem sufficere, ut quis licet ad secundas nuptias transeat ) quia valori matrimonii bonâ fi-

de initi adeo favent jura Canonica, & Doctores, ut unius Doctoris opinio asserentis valorem, præferenda sit opinioni decem aliorum negantium valorem.

## DVBIVM DVODECIMVM.

### De publica honestate , amentia , clandestinitate & impotentia.

80. **D**Ico primò, impedimentum publicæ honestatis contrahitur per sponsalia & dirimit matrimonium sponsi cum consanguineis sponsæ in primo gradu, & è contra. Ita omnes ex Tridentino sess. 24. cap. 3. de *matrim.* Contrahitur item hoc impedimentum per matrimonium ratum inter maritum & consanguineos uxoris & è contra usque ad quartum gradum inclusivè, prout dictum est de matrimonio consummato ratione afinitatis. Ita declaravit Pius V. in motu proprio *ad Romanum spectat*: qualiter etiam post declaratum esse à sacra Congregatione Cardinalium testatur Cornejo *rom. 2. tract. 6. disp. 7. dub. 30.*

Adde tamen nullum oriri impedimentum ex sponsalibus invalidis; vel conditionalibus ante conditionis purificationem: quia priora non sunt sponsalia; & in posterioribus, cum conditio suspendat consensum usque ad dictam purificationem, etiam eo usque sponsalia sunt nulla defectu consensus. Ita Bassæus, Cornejo & Ubanus. An verò hoc impedimen-

tum perseveret quando sponsalia communi consensu dissolvuntur? Affirmat idem Bassæus num. 65. & 67. pro secitans Sanchez, sed Diana *resol. 222. par. 10. suprâ*, dicit Sanchez hic non esse audiendum; quia Congregatio Cardinalium declarat contrarium. Ad id verò quod ait Sanchez; in casu quo alter sponсорum moritur, adhuc perseverat impedimentum honestatis; ergo & in casu nostro; negat consequentiam; quia in morte, qui contraxit sponsalia, censetur in ea voluntate decessisse, vel saltem debuisse decedere quamdiu alter non dissentit, quod in nostro casu non contingit. Quia tamen Franciscus B. Spei *disp. 1. num. 73.* dicit, per bonam consequentiam unum ex altero sequi debere, pro praxi standum judico pro sententia Bassæi & Sanchez, nisi certò constet de illa Congregatione Cardinalium. Vide eum etiam *disp. 7. num. 77. & sequ.* ubi adfert in *fine num. 79.* declarationem S. Congreg. factam 6. Julii 1688. quòd impedimentum illud per sponsalium mutuo consensu, &c. dissolutionem non solvatur; quam declaratio-

tionem

tionem probavit Alexander VII. eamque jussit in dubium deinceps non revocari. Ita Franciscus, & Fagnanus apud Gobat in *Alphab. matrim. par. 1. casu 15. num. 358.* ubi hic Author fatetur se errasse, dum antea docuit contrarium, eò quòd declaratio S. Congreg. approbata à sua Sanctitate contineat doctrinam sequendam absque omni tergiversatione. Unde miror Dianam *loc. suprà cit.* pro se adferre aliam declarationem S. Congregationis in contrarium, quam dictus Gobat *num. 377.* putat confictam ab uno aliquo, qui Dianam, & alios in errorem induxerit.

81. Quid est faciendum ei qui post sponsalia inita cum Berta contrahit matrimonium cum ejus sorore? Respondeo cum distinctione: si cognoverit sororem Bertæ ante vel post contractum cum ea matrimonium, debet utramque relinquere; sororem Bertæ, quia matrimonium est invalidum ob impedimentum publicæ honestatis ortum ex sponsalibus initis cum Berta; & etiam Bertam, ob impedimentum affinitatis in primo gradu quam contraxit ex copula habita cum ejus sorore. Si verò non cognoverit sororem Bertæ, tenetur contrahere cum Berta; quia matrimonium initum cum ejus sorore, utpote invalidum, non inducit impedimentum, adeòque sponsalia cum Berta inita adhuc eum obligant.

82. Dico secundò, amentia matrimonium dirimit, si, dum quis contrahit, ita sibi præsens non fuerit, ut potuerit præstare verum consensum, aliàs non. Loco amentie in versibus

supra positis Busenbaum ponit *atac*, quæ etiam dirimit matrimonium, si contrahentes non habeant ætatem à jure Ecclesiastico requisitam, id est si masculus non habeat 14. vel fœmina 12. annos, nisi fortè malitia ætatem suppleat, sive nisi adsit & doli capacitas & potentia ad copulam; de quibus judicium relinquitur penes prudentes.

83. Dico tertio, etiam clandestinitas dirimit matrimonium ubi Tridentinum est receptum. Pro quo vide dicta *dub. 3.* à medio usque ad finem.

84. Dico quartò, impotentia perpetua dirimit matrimonium contrahendum, non tamen antea contractum. Unde si impotentia superveniat matrimonio contracto non interdicitur conjugibus, quo minus exerceant omnes illos actus, quos licitè exercebant ante impotentiam, modò abstineant ab iis, quibus inest verum periculum pollutionis. Quamquam juxta Gobat in *Alphab. cit. par. 1. casu 17. num. 422.* post Sanchez, & Layman, si impotentia sit talis, ut tamen vir possit aliquando, etsi perrarò seminare intra vas, non peccet tentando, vel exercendo actum conjugalem, etiam cum prævisò periculo pollutionis; quia, inquirunt, hoc periculum est per accidens. Consistit impotentia in ineptitudine ad generationem: non quidem ob sterilitatem, sed ob carentiam vel nimiam improprietatem instrumentorum generationi subservientium, à quacumque causa proveniat. Quare Pius V. anno 1587. declaravit, matrimonia spadonum aut

cunuchorum sive castratorum esse irrita. Ratio est; quia, qui ita est impotens, non potest debitum reddere, quod est contra finem matrimonii. Hinc qui cum scientia dictæ impotentiae contrahit, mortaliter peccat *cap. consulationi, de frigidis*, ac si statim à contracto matrimonio impotentia noscatur, contrahentes separari debent, nisi dubitetur de perpetuitate; quo casu habent triennium ad probandam perpetuitatem; quo finito, si necdum potuerint matrimonium consummare modo assignato supra, separandi sunt, utroque vel altero petente, *cap. laudabilem, de frigidis*: possunt tamen adhuc simul habitare si velint; *vir eam etsi non uxorem, habeat sororem*, ibidem: debent autem sicut alii soluti ab omni actu turpi abstinere. Interea puto certum tempus probæ debuisse in dubio ex natura rei conjugibus concedi pro recta propagatione generis humani: quia aliis in plurimis de facto conjunctis foret perplexitas an actum matrimoniale exercere possent, cum plerumque dubium occurrere possit, an saltem in uno non desit potentia, aut in utroque respectu invicem: adeoque volentes conjungi allieerentur ad fornicandum, ut certificarentur de capacitate uterandi, ne postea conjuncti exponantur simili perplexitati. De cætero dubitans, an sit potens, nec ne, graviter delinquit contrahendo, nisi compartem moneat, quia illam decipit in re et de gravi.

85. Adde, si mulier post introitam copulam ab initio deprehenderit impotentiam esse perpetuam, neque in-

tra bimestre contra matrimonium reclamavit, & interea vir dicat, se matrimonium consummasse, pro viro præsumendum esse, nisi mulier certis signis viri impotentiam perpetuam ostendat. Si verò intra bimestre reclamet, audiri debet, etiam viro impotentiam negante: & si per rectum iudicium impotentia probetur perpetua, solvit matrimonium, juxta *cap. 1. de frigidis*. Interea tamen, si postea naturaliter & sine remediis valde periculosis, aut illicitis cesset, quamvis à Judice Ecclesiastico fuerit judicata perpetua, sive ante sive post triennium, primum matrimonium declarari debet fuisse validum, cum impotentia fuerit solum temporalis. Ita P. Franciscus *disp. 7. num. 126.* ex quibus infero hac in parte non leviter esse procedendum. Vide etiam pro hac materia Bachonem *dist. 34. in fine*, & Urbanum *tract. 3. tit. 15. cap. 5.* sed maximè Sanchez *lib. 7. disp. 92. ubi num. 10.* contra quosdam docet, senes, etiam decrepitos, posse matrimonium contrahere, prout praxis Ecclesiæ habet; nisi fortè ita esset quis exhaustus, ut omnino sit impotens ad copulam, nec iudicio Medicorum arte juravi possit: talis namque esset incapax reddere debitum. Si verò talis senex esset potens ad copulam, posset matrimonium inire, licet esset impotens ad seminationem. Hæc omnia confirmat Sanchez dicens, *ga* esse pro certis habenda: quidquid aliqui in casu ultimo velint adesse impedimentum dirimens; & aliqui alii in contrarium sustineant, etiam in priori casu illud abesse, eò quod talis senex quantumcunque ex-  
exhau-

exhaustus, habitu retineat intrinsicam potentiam, non tantum ad copulam habendam, sed & ad seminandum intra vas, quæ potentia solum per accidens impeditur. Vide etiam Cornejo *tom. 2. tract. 6. disp. 7. dub. 34. & seq.* Item Franciscum *disp. 7. num. 105.* ubi inter varia dicit; fortè nullam esse culpam voluntariè matrimonium contrahere cum impotentia temporali, si ad modicum duret: quia matrimonium, utpotè vim præcepti affirmativi habens, non obligat pro semper ad

reddendum debitum, sed salvâ personæ incolumitate, & commodis, sive debitis temporibus dumtaxat.

86. Sed, quid hîc dicendum est de hermaphroditis, qui utrumque habent sexum? Eos posse matrimonio jungi, si utrumque, vel alterutrum habeant potentem, decisum est lège *quaritur ff. de statu hominum*: quidquid P. Franciscus *num. 130. & seq.* probet, sistendo præcisè in ratione, eos omninò impotentes censeri.

## D V B I V M XIII.

### *De impedimento raptus, & quinam possint in dictis impedimentis dispensare.*

87. **D**ico primò, raptus mulieris irritat matrimonium raptoris cum rapta, nisi hæc constituatur in loco libero ibique consentiat. Ubi adverte, raptorem sive raptam ducat sive non, esse ipso jure excommunicatum & cogendum, ut raptam dotet juxta illius conditionem, ex Tridentino *sess. 24. de Matrim. cap. 6.* requiritur tamen ad hæc omnia, ut eam rapuerit animo cum illa contrahendi matrimonium, ut contra Córnejo volentem, sufficere eam esse raptam causâ explendæ libidinis, docent Sanchez & Diana; addentes debere vim inferri mulieri rapte, nec sufficere si inferatur vis parentibus consentiente rapta, quia Tridentinum per hoc decretum solum voluit succurrere libertati sic

contrahentis; quod non obscurè colligitur ex tenore verborum ipsius Tridentini, ut advertit dictus Cornejo *tom. 2. supra dub. 38.* Adde, juxta communioem, hæc locum non habere in muliere rapiente virum; nam Concilium meminit solius viri rapientis fœminam; nec fœmina venit nomine viri in odiosis, præsertim in impedimentis dirimentibus, quæ sunt stricti juris. Vide Lothum *tract. 16. quest. 8. art. 2.* ubi insuper inquit, an si rapta plene consentiens in matrimonium nolit poni in alio loco tuto extra potestatem raptoris, possit validè cum raptore contrahere? & meritò respondet negativè; quia hæc conditio, ut rapta reponatur in loco tuto, *etiamsi rapta liberè consentiat*, quæ sunt verba Trid.

Aaaaa 3      *sess.*



sess. 24. de reform. matrim. cap. 6. est essentialiter requisita à Concilio ad valorem matrimonii; conditio autem, sic requisita ad valorem actus, non potest impleri per æquivalens, sed necessariò debet specificè adimpleri. Existimat tamen dictus Lothus contrarium adhuc esse probabile; sed malè, ob citata verba Concilii: quæ quia omittuntur cap. finali de raptoribus, omninò judico aliter loquendum esse pro locis, ubi Tridentinum non est admissum, quod & docet P. Franciscus disp. 7. num. 133. qui etiam in cæteris omnibus nobiscum sentit.

88. Dico secundò, de jure ordinario in impedimentis dirimentibus solus Papa dispensare potest: isque solùm in illis, quæ nec jure naturæ nec Divino, sed solo ecclesiastico matrimonium dirimunt. Ratio est, quia ipse est legislator horum, & quoad illa nullam potestatem legitur à Deo accepisse. Ita omnes. Sed, quid fiet si Papa dispenset cum hac clausula, *dummodò copula non intervernerit*? Respondeo, inquit Diana, quòd si commissio à Papa facta est pro foro externo, quando ea copula Ordinario non planè constat, adhuc (quantumvis illicitè negent copulam, quando infamia existit aut semiplena probatio) valida erit dispensatio facta ab Ordinario: & quando in petitione exprimitur copula, in commissione verò Papæ additur, *dummodò copula habita non sit spe facilioris dispensationis*: si Ordinatio plenè non constet juridicè sub ea spe fuisse habitam, valebit dispensatio, etiamsi verè fuerit sic habita:

è contra dictum commissio d. a fuit pro foro merè interno uni discreti viro, vel Confessario. Sed quid si spes facilioris dispensationis non fuerit exterius significata, & tantum in terius concepta? Respondet Diana, adhuc tunc Confessarium in foro externo ex commissione Papæ validè dispensare, licet Papa addiderit, *dummodò copula habita non fuerit sub spe, &c.* ac pro se citat Castrum Palaum, Hurtadum, Perez, Leandrum & Martinum de San Joseph. Vide Dianam par. 11. r. act. 5. resol. 36. & P. Franciscum disp. 8. num. 18. qui docet quòd communiter Pontifex non intendat dispensare, nisi posità legitimà dispensandæ causâ.

89. Dico tertio, extraordinaria potestas dispensandi in hac materia, saltèm post contractum bonâ fide matrimonium, etiam conceditur Episcopis, quoties id necesse est ad vitanda gravia scandala, infamiam, vel aliud gravedammum, nec facilis datur aditus ad Papam ob distantiam loci vel paupertatem eorum, qui indigent dispensatione. Debet tamen impedimentum, in quo etiam ut sic dispensat Episcopus, esse secretum, sive non constare publicè: pro quo vide Tridentinum sess. 24. cap. 5. Debent item, ut insinuat est, conjuges bonâ fide contraxisse, vel saltèm alter eorum, ut DD. communiter docent contra Henriquez & alios apud Dianam supra tract. 8. resol. 3. Dico vel saltèm alter eorum; quia innocentem gravare non debet aliena malitia, ut habet Lothus tract. 1. quæst. 3.

art. 2.

art. 2. Quòd verò stantibus dictis circumstantiis Episcopi habeant hanc potestatem, est, quia non videtur credibile Summum Pontificem pro tunc velle sibi soli reservare dispensationem: ob quam causam etiam id posse Episcopum ex urgentissima causa antequam sit contractum matrimonium, docet Sanchez lib. 8. disp. 12. & plures alii, quos citat Bassæus & sequitur Cornejo tom. 2. tract. 6. disp. 7. dub. 43. ac consentit P. Franciscus disput. 8. num. 11. idque probat Lorthus suprà art. 3. de Episcopis Belgii; subdèns, similem necessitatem videri esse, si quis morri proximus ad legitimandos liberos, vel ad restaurandum honorem, vel pro bono aut compositione magnæ litis, velit matrimonium contrahere, obster autem impedimentum dirimens nec possit adiri Pontifex aut ejus ligatus. Aliud exemplum est, si fœmina aliqua nobilis sit parata matrimonium de præsentì contrahere cum viro nobili statuto aliquo die, & postea eodem die accedens ad confitendum, inveniatur habere impedimentum dirimens, cujus manifestatio esset ei causa gravis infamiæ, quæ aliâ viâ evadi nequit, si isto die non celebrentur nuptiæ, tunc posse Episcopum in isto casu dispensare ob causam allatam, docet Lorthus, & Diana par. 11. tract. 8. resol. 3. qui insuper ait, juxtà sententiam plurium, posse Episcopum, matrimonio contracto cum dispensatione subreptitiâ obventa, dispensationem confirmare, si crimen subreptionis sit omnino occultum,

nec facile possit adiri Papa, vel timeatur grave scandalum aut periculum peccati. Imò P. Brunus apud Dianam par. 11. tract. 2. resol. 27. sustinet, Confessarios Regulares posse dispensare cum his, qui in primo gradu affinitatis contraxerunt, ob privilegium à Leone X. concessum Augustinianis: verùm de eo privilegio nimis sedicet dubitare Diana: quare illo uri non possunt regulares, meo quidem judicio.

90. Quoad causas justas, ob quas Papa dispensare potest, communiter à DD. hæc citantur; prima, dum ob loci angustiam, vel nimis amplam aliquus familiam non reperit ibi matrimonium æquale nisi cum persona affini aut consanguinea: quod adhuc locum habet juxtà Wiggers, Dianam, & alios apud Gobat in Alphab. Matrim. par. 1. casu 23. num. 650. licet reperiantur duo aut tres paris conditionis. Item id habet locum intuitu mulieris, licet in circumvicinis locis multi inveniantur paris conditionis: quia molestum est mulieri relinquendo suos, nuptias extra suum oppidum, etiam in loco vicino querere. Ubi nota, ad hoc ut aliqui dicantur *paris conditionis*, requiri ut se mutuo æquent nobilitate, & divitiis, ac ut non sit magna differentia in ætate, in indole, & in moribus; item ut neutra pars sit alterâ magis gravata prolibus ex prævio conjugio. Secunda causa est compositio, & pax inter consanguineos vel affines, qui cum scandalo diu in lite fuerunt. Tercia est paupertas maximè in fœmina, dum scilicet hæc non

po-

Potest obtinere dotem, ut nubat alteri æquali huic, qui paratus est illam sine dote ducere: quod locum habet, quamvis habeat parentes, aut cognatos à quibus multa speret in futurum, si nihilominus modo nolint eam competentē dote instruere. Quarta causa dispensationis est conservatio illustriſſimæ familiæ in eodem sanguine: vel etiam amplissimarum divitiarum in eadem cognatione. Quinta, excellentia meritorum ejus, qui dispensationem petit, vel pro quo petitur. Ita Bassæus verbo *Matrimonium cap. 9. num. 5.* subdens, in casu quo unica causa non est sufficiens, multas simul junctas posse sufficere. Adde faciliorem reddi obtentionem dispensationis si filia excedat vigesimum quintum annum in ætate. Imò Papam posse sine legitima causa dispensare in impedimentis dirimentibus, quæ sunt juris purè Ecclesiastici, docet P. Franciscus *disp. 7. num. 3. & disp. 8. num. 16.* ipse tamen *n. 19.* addit, ad validam dispensationem, debere justam causam subsistere, dum Pontifex ob illam dispensat. Vide circa hæc & alia, quæ *tract. 2. disp. 5. n. 45. & seq.* à nobis sunt dicta.

91. Quidnam autem à Confessario sit observandum, quando ei à sacra Pœnitentia datur facultas dispensandi super impedimento occulto? tradit dictus Bassæus *num. 6.* Solum adverte ex Cornejo *tom. 2. disp. ult. in*

*præambulo*, non omne impedimentum, quod, si antecederet, dirimeret matrimonium, si subsequatur, impedire petitionem debiti; ut patet in conditione servitutis, & affinitate contracta per copulam violentam: & idem existimo de cognatione legali. Ita ille. Pro horum complemento, fortè hic

Petes, quid faciendum Confessario, dum interrogatur, an matrimonium validè possit contrahi cum voto simplici castitatis, vel cum alio impedimento non dirimente?

92. Respondeo, eum debere conari divertere sermonem: & si non possit, dicat, id facere, esse magnum peccatum mortale, proponendo simul enormitatem illius, item Deum permitturum ut tale matrimonium malè succedat, ut sic quantum in se est, talem à malo proposito avertat, consulendo etiam, ut potiùs antea petat dispensationem, vel quòd aliàs peccabit mortaliter quoties petet debitum: in quo ultimo tamen probabiliter possunt dispensare Regulares, ut dictum est *suprà tract. 4. disp. 12.*

*dub. 4. §. 3. post medium.*

\*\*\*

DVBIVM XIV.

*De Debito conjugali.*

93. **D**ico, debitum conjugale est ipse actus matrimonialis conjugii debitus: qui non solum est licitus prout docet fides, sed & meritorius vitæ æternæ si fiat cum debitis circumstantiis. Ita S. Augustinus 4. *contra Iulianum* 3. D. Thomas & alii communiter. Ratio est, quia est actus iustitiæ, cum per illum reddatur quod strictè est alteri debitum; obligantur enim conjuges sub mortali reddere debitum conjugii petenti seriò & rationaliter, ut communiter omnes farentur. Undè non malè addit quidam, dum uxor se accusat de gravi ira in maritum, quæ aliquamdiu duravit, debere Confessarium petere an ejus occasione non negaverit ei debitum, quia id est satis ordinarium, & sæpè siletur à non interrogatis. Addetamen, dari varias causas, ob quas licitè debitum negatur: ut ratione propriæ infirmitatis vel periculi prolis: si petatur nimis frequenter: si vir petat valdè remissè, &c. tunc enim licitè negatur si absit periculum incontinentiæ in petente. Dixi *si vir petat remissè*, quia uxor præ pudore sæpè non audet etiam remissè petere; quod advertens maritus, si timeat in ea incontinentiæ periculum, tenetur ipse primò petere; quia iste pudor notatus à marito est quasi virtualis petitio uxoris. Vide

Cornejo *tom. 2. tract. 6. disp. 5. dub. 1.* ubi insuper docet, in quibusdam casibus solum esse veniale negare debitum conjugale. Primò ob parvitatem materiæ, ut si uni frequenter exigenti alter raro debitum neget, aut illud breve tempus differat, ut si de die neget redditurus noctu. Secundò, quando unus ab altero non exigit ut debitum ex iustitia, sed amicè solum & benevolè se id velle insinuat. Tertiò, si non ardentè & instantè petatur, ita ut precibus alterius petere desistat: debet tamen in his omnibus casibus cessare incontinentiæ, pollutionis & morbi periculum, ut monet idem Cornejo, & meritò. Vide Franc. B. Spei *disp. 9. dub. 1.* per totum.

Dixi suprà *si petatur nimis frequenter*, quod valdè difficilè est resolvere, cum hæc nimietas dependeat à circumstantiis ætatis, virium corporis, & molestiæ peculiaris, quam persæpe adfert petulantia mariti, &c. Interea asserit Gobat, tacentibus hac in parte aliis, generatim videri nimis si frequenter peti, quando maritus non contentus nocturna redditione, petit etiam diurnam, & quæ quasi ex consuetudine: prout nos diximus ex Cornejo esse solum veniale, negare de die, si reddatur noctu.

Bbbbb

94. An

94. An verò causa sufficiens negandi debitum finè culpa mortali sit, ne proles multiplicentur? Affirmant Sotus & Sa apud Dianam *par. 3. rr. 4. resol. 213.* Si nempe absit periculum incontinentiæ: quia, inquiunt, in hoc sicut in aliis debitis excusat magnâ solvendi incommoditas vel difficultas: quapropter Sanchez & Ledesma volunt, nequidem tunc committi peccatum veniale: quidquid Layman vel itid esse mortale, nisi ob novæ prolis generationem parentes vel proles ad necessitatem extremam pervenirent. Ob dictam rationem tradit Burghaber *Centur. 3. casu 50.* Theologos communiter docere, posse uxorem negare debitum, quæ jam teritid consequenter tempore partus in aperto vitæ periculo extitit præ magnitudine cruciatuum. Verùm hoc non iudico uxoribus insinuandum, ne sub hoc prætextu, causam fingant negandi suis maritis actum conjugalem verè debitum: quidquid concedam ipsis abstinere post partus etiam non adeò difficiles, deprecando ad hoc suos maritos: & insuper addo, esse absolute validum pactum inter conjuges initum de se continendis ab actu matrimoniali ne proles multiplicentur, secluso incontinentiæ periculo. Ita omnes teste Diana. Sed nunquid hæc omnia destruit sequens argumentum: vel uxor v. g. ob multiplicationem prolium aut partus difficultatem negabit redditionem debiti diu, aut non diu? Si diu, exponet maritum manifestò periculo incontinentiæ, & sic indubiè delinquet mortaliter: Si non

diu, ergò frustra; quia dum tandem consentiet marito, probabilissimè concipiet; nam vir supponitur habere semen valdè prolificum, quod tantò avidius rapiet matrix uxoris, quæ similiter supponitur fecunda, quantò diutius illo caruit quasi alimento. Quidquid ob hoc argumentum iudicaturi sint alii: ego cum Gobat existimo nunquam impertiendam esse absolutionem præferenti animum negantis, ob metum difficultatis in prole nutrienda, conjuge instantè & seriò petente. Itaille in *Alphab. Matrim. par. 2. casu 16. num. 625.* Addens, reddendi debiti conjugalit tantam esse obligationem, ut plures DD. à se citati notent, peccare contra justitiam conjugem, qui ad illud reddendum se impotentem reddit, jejuniis, pollutionibus voluntariis, aut qui longam peregrinationem exequi vult absque alterius consensu, etsi huic non immineat incontinentiæ periculum.

Peteshic primò, an dum conjux peccat perendo debitum, alter id reddere teneatur?

95. Respondeo teneri, juxta DD. communiter, si tantum venialiter peccet petens, v. g. propter situm: quia veniale peccatum sic petentis est in ipso affectu & excessu voluptatis ipsius, quibus non cooperatur conjux debitum reddens. Hinc absolute debet uxor debitum reddere viro petenti, qui inverso modo seu præposterè, vel succumbens vult uxorem intra vas naturale cognoscere finè periculo effundendi semen extrà illud, quòd post Henriq. sine ullo scrupulo asserit Pontius

tius de Matrim. lib. 10. cap. 11. num. 4. & Dianapar. 3. tract. 4. resol. 296. citans Sanchez & Filliucium, contra Bonacinam. Si verò petens peccet mortaliter ex circumstantia se tenente ex parte actus conjugal, v. g. quia petit in publico, in loco sacro, &c. tunc alter reddere non potest, quin idem peccatum committat. Secus dic si mortale peccatum petentis oriatur ex sola circumstantia personali ipsius, v. g. quia petit malo animo, contra votum à se emissum, &c. Ita Cornejo. Ratio est, quia per hæc non amittit dominium in corpus conjugis, nec reddens cooperatur alterius peccato; quia ille solum peccat petendo actum sibi prohibitum, at conjux non cooperatur ejus petitioni sed hæc supposita cooperatur actui ex felicitate. Ita etiam Diana post alios, idem probabiliter dicentes de conjuge reddente debitum marito incestuoso, qui scilicet peccavit cum consanguinea uxoris. Utrum autem debeat vel possit mulier menstruata reddere debitum viro petenti? Communius & probabilius negatur ob periculum prolis, quæ sæpè contraheret lepram ex sanguine menstruo corrupto: si tamen levibus precibus non possit petitionem avertere, illam nullatenus peccaturam reddendo, sustinet Cornejo, eo quod tunc ipsius judicio rarissimè possit fieri conceptio. Adde etiam, non teneri conjugem reddere debitum conjugi leproso, aut infecto morbo Gallico ob periculum infectionis. Limita, nisi ante matrimonium habuerit de eo notitiam, nam tunc censeretur cessasse juri suo: imò absolute docet Cornejo, teneri in eo casu

semel aut iterum reddere; quia ex non frequenti copula non imminet periculum contagii: verum de hoc relinquo Medicis judicium.

96. Dixi suprà *sine periculo effundendi semen*, &c. ubi adverte juxta Dianam par. 2. tract. 1. resol. 64. non esse adhuc mortale, etsi in casibus positus aliqua pars seminis elabatur, dummodò retineatur alia; quia secundum Medicos non retinetur in matrice tota quantitas feminis. Ita sentit etiam P. Franciscus disp. 9. num. 15. variis citatis. Nec etiam mortale est, juxta plures, quamvis dicto modo concubendi non ita certum sit fore prolem. Vide Dianam loc. cit. & par. 11. tract. 8. resol. 33. & 36. ubi subdit, maritalem copulam esse licitam seni, qui effundit semen extra vas, si habeat probabilem spem de opposito, utitur enim jure suo: quod licet dicta spes absit, potest adhuc uti osculis & amplexibus citra periculum pollutionis in utroque conjuge. Citat pro se Sanchez & Dicastillum.

97. Quoad tempus Sacrum, non impedit petitionem debiti dum ad sunt rationes legitimæ: sicut nec locus sacer, quando conjuges coguntur diu in eo manere, & adest periculum incontinentiæ; ad quod aliqui tantum ponunt tres vel quatuor dies. Consultitur tamen ut nocte præcedente communionem abstineant. De quo suprà.

Petes secundò, quando nam actus conjugalis fiat cum merito, & quando cum peccato?

98. Respondeo primò, causâ ge-

Bbbbb 2 uc-

nerationis aut fidei conjugalis licitè & meritorie fit, si adsint circumstantiæ debiti, ut si coniux sit in gratia, & cum referant ulterius in Deum. Ita Augustinus *cap. 7. de bono conjugali*, & reliqui post ipsum: ratio est, quia observatur præceptum, *uxori vir debitum reddat, &c.*

99. Respondeo secundò, exercere actum conjugalem præcisè ratione voluptatis, etiam moderatè, non vitiat culpâ veniali. Idem August. *ibid.* & alibi sæpius: ratio est, quia turpe est rationalem creaturam ponere bonum suum in alio se inferiori, ac maximè in voluptate, quòd fit quoties obeditur concupiscentiæ. Attamen adhuc plures recentiores tuentur contrarium. Vide Dianam *par. 11. tract. 1. resol. 41.* ubi post varia dicit, raro accidere dictum actum sinè culpa veniali propter excessum. Undè ex SS PP. colligo, inquit, conjugatos venialiter peccare, dum cibis calidis, oleis, musco & aliis medicamentis utuntur ad excitandam voluptatem. Vide eundem Dianam *eàdem par. tract. 8. resol. 35.* ubi in fine quaerit, quid sentiendum sit de illa doctrina Præpositi, quâ docet, illum, qui accedens ad suam imaginando aliam pulchram, solum ut ardentius feratur in suam ibi sistendo, id solum esse peccatum veniale: & merito respondet, hoc satis periculosum esse & in praxi omninò fugiendum, neque ullo prætextu admittendum.

100. Respondeo tertio, dictum actum exercere causâ vitandæ incontinentiæ, probabilius non est peccatum veniale: quia post lapsum Adæ matrimonium ordinatum est etiam in r. me-

dium concupiscentiæ. Hinc qui matrimonium init causâ vitandæ incontinentiæ sive senex sit sive sit juvenis, nò peccat, prout post multos docet Diana contra S. Augustinum & D. Thomam. Verùm Augustinum intelligendum esse de peccato veniali quòd sit aliquid non ordinatum ad vitam æternam, quod tamen licitè seu cum venia fit, probat Franc. B. *Speciæ Nocturnæ dub. 5. append. 2.* quem consuluisse non parnitabit. Vide eundem etiam hîc *dispnt. 9. num. 26.*

101. De actu conjugali causâ conservandæ valetudinis habito, docent Diana, Major & alii, non esse etiam ullum peccatum. Vide Dianam *par. 11. tract. 1. ref. 41. cit.*

102. Petes tertio, an conjuges possint inceptam copulam abumpere ne seminatio noceat saluti, vel ob aliam justam causam? Affirmant Layman, Sanchez & alii, ponentes inter justas causas, etiam paupertatem ne multiplicentur proles, si nempe absit in utroque pollutionis periculum & adsit mutuus consensus. Imò Pontius apud Dianam *par. 3. tract. 4. resol. 204.* docet, absolute iis licitum esse, inchoare copulam causâ delectationis, & postea eam non perficere, si desit, &c. nullam ponens causam abruptionis: idem sentit Leander, volens, similem copulam reputari inter tactus partium verendum. Vide Dianam *par. 11. supra resol. 35.* qui sententiæ Leandri adhæret. Pontius cum Azorio putat esse veniale accedere ad uxorem gravidam, si non adest incontinentiæ periculum, Diana verò cum a iis, id ab omni culpa excusat *par. 10. tr. 14. ref. 55.*

103. An autem & qualiter nos dispenſare poſſimus in petitione debiti? Vide d. 3. tract. 4. diſp. 12. num. 82. &

& P. Urbanum fol. 247. 253. & 254. item Dianam par. 10. fol. 281. & Franc. B. Spei diſp. 8. n. 12.

## D V B I V M XV.

### De Oſculis, tactibus, ac delectatione conjugum.

104. **D**ico primò, juxta communem peccat mortaliter coniux ſe ipſum tangens in abſentia coniugis, etſi abſit proximum periculum pollutionis: quia non habet dominium corporis proprii in ordine ad venerem ſecum explendum. Adhuc tamen Sanchez vult, id ſolum eſſe veniale, ſicut & Ochagavia & alii apud P. Mendo loc. ſtatim citando quaſt. 19. n. 150. Sed tu ne recedas à communi, niſi tactus illi ſi-  
ant animo ſe præparandi ad habendam copulam cum coniuge brevi adfuturo, ſive qui proximè adfuturus ſperatur; quam ultimam limitationem ponit Vaſquez 1. 2. quaſt. 74. arr. 8. diſp. 113. num. 4. Vide etiam P. Franciſcum, diſp. 9. num. 31. ubi ſententiam Sanchez dicit eſſe probabiliorẽ, pro ea etiam citans Palao & alios ab hoc citatos: quidquid parum antè multum dicat ſe dubitare, an ab illis tactibus poſſit abeſſe pollutionis periculum, puta ſi diu-  
durent.

105. Petes, an dum vir ſeminavit manente uxore valdè irritatà libidine, poſſit hæc poſtea abſque mortali, tactibus ſe excitando, ſeminare? Reſpondeo quòd non; quia dum vir ſe retrahit, eſt completa copula conjugalis, adeòq; uxorem tunc ſolam ſeminare, eſt peccatum molliſci: hanc ſententiã

tengunt plurimi, quidquid Caramuel in Theol. fund. par. 1. fundam. 56. §. 4. num. 1172. pro contraria adducat Sanchez & Bonacinam, ac alios quatuor qui hanc vocant probabilem. Eundem Sanchez etiam in contrarium citat P. Mendo in ſua ſtatera diſſert. 5. q. 18. inter novem alios, ob quorum authoritatem non audet eidem ſententiæ negare probabilitatem extrinſecam, quamvis abſolutè nobiſcum ſentiat. Eundem æquè recentẽ etiam citat Burghaber Centur. 2. caſu 46. & Carolum de Bau-  
cio, qui ulterius progreſſus, ait, etiam virum in dicto caſu poſſe ſuis manibus uxori ſeminationẽ procurare. Ducuntur hi Authores cum I. eſſio; quia ſemen muliebrem vel eſt neceſſarium ad generationem, vel ſaltẽm convenientiſſimũ: ergo inquirunt, ſic mulier completæptam copulam, quod debet ei eſſe licitũ. Verum nos ſtatim diximus, virò ſe retrahente, copulã completam eſſe.

106. Dico ſecundò, verba impudica, aſpectus, oſcula & tactus inter coniuges etiam in ſecretioribus, abſq; pollutionis periculo, probabilius non ſunt mortale peccatum, licet fiant cauſa delectationis ſine intentione copulæ conjugalis. Ita Sylviuſ, Zanardus, Filliuc. & Urban. rr. 1. cap. 46. ubi ſic loquitur, Certum eſt in materia venerea conjuges non

Bbbbb 3 pec-



peccare mortaliter, utendo invicem delectationibus & aliis actibus eam concomitantibus, modo nunquam se exponant periculo pollutionis; venialiter autem peccare possunt pro excessu nimia delectationis. Sic Urbanus: vide etiam Dianam *par. 3. tr. 4. resol. 225.* ubi dicit, hanc nostram sententiam esse communem exclamans, *Va, va conjugatis, si opposita sententia vera esset!* eam tamen sultinent Sylvester, Paludanus & Franciscus B. Spei. Probo interim nostram & communem; quia copula, ad quam ex natura sua ordinantur omnes dicti actus, est ipsis licita, ergo & actus illi. Verum hoc non obstante monet Filliucius, conjuges nuntium in his excedentes monendos esse à Confessariis tanquam de opere arguente animum nimis mollem & libidini deditum; prout etiam tunc Urbanus dicit committi peccatum veniale; & mortale quoties illa fiunt cum periculo pollutionis: quamvis hoc ultimum adhuc restringat Zanardus in *direct. Confess. p. 1. de matrim. cap. 21. q. 27. fol. 908.* cujus verba sunt hæc; tactus & oscula conjugati cum conjugate cum periculo pollutionis, imò cum pollutione, quandoque non sunt peccata mortalia. Primò si pollutio accidat patienti, quia quamvis petens non possit petere oscula cum periculo pollutionis, poterit tamen pati ea, etiam si polluat; quia non dat operam rei illicitæ & hoc est præter intentionem ejus. Secundò nec etiam in reddente, si intenderet copulam, & dum jam intendit per oscula eam excitare, polluitur, propter supradictam rationem. Nec tertio, si fierent ad excitandum amorem, vel ad eum con-

servandum, & tum præter intentionem sequeretur pollutio. Ita Zanardus, & ante eum Sanchez, ac Filliuc. apud Dian. *loc. cit. resol. 217.* ubi & hæc verba Zanardi refert: verumtamen mihi non placent, sed puto dictos conjuges, prævidentes periculum pollutionis, omnino teneri exercere actum conjugalem ut sic pollutionem evadant: quare puto, salvo meliori, ipsis prædicta non licere nisi in iis circumstantiis, in quibus ipsa copula est licita, nisi aliqui in particulari experti sint non adesse in se periculum pollutionis. Cæterum Escobar apud Dian. *par. 11. tract. 2. resol. 68.* asserit, mortiferum esse, vitile membrum in os uxoris immittere; quia hoc non est simpliciter (inquit) osculum inhonestum, sed quædam irrumatio diversæ speciei cum periculo consummandi præposterè. Ita ille & Dian. quos sequitur Roccaful. Sic etiam judico, esse mortale in conjugatis perfricare verenda circa vas præposterum, licet id fiat sine periculo pollutionis, & sine animo complendi sodomiam; solum intentione majoris delectationis, excitationisque naturæ ad copulam in vase debito. Ratio est, quia præterquam quòd id sit etiam inter conjugatos valde indecens, & graviter repugnans honestati naturali, est inchoatum peccatum contra naturam, tanquam proportionata dispositio & quali medium ad illud: quòd à fortiori dicendum est, si copula in eo loco inchoetur, quidquid & hoc à mortali excusent Zanardus, Angelus, Navarius, Ovandus, & alii apud Mendo in *statuta benignarum opinionum differt. 5. quest. 14.*

qui

qui quoad utrumque nobiscum sentit. Vide eum etiam 99. 15. 16. & 17. ubi dicit (& nos cum illo consequenter) ob datam rationem etiam non conjugatos teneri in Confessione exprimere illam obsecrissimam actionem, tanquam mutantem speciem luxuriæ.

107. Dico tertio, probabile est conjugem non peccare mortaliter delectando se in commotione sensitiva orta ex imaginatione alterius conjugis absentis si absit periculum pollutionis. Prob. quia hæc delectatio, non minùs quàm tactus & oscula in conjugib⁹, per se loquendo, tendit ad opus cōjugale: per accidens autem est quòd ob absentiam alterius, vel simile impedimentum, opus non exerceatur. Ita Medina, Zanard. Layman & Dian. *suprà ref.* 200. contra plures. Vide etiam Franc. B. *Spei diss. 9. num. 31.*

108. Dico quarto, quories copula est illicita conjugibus ob circumstantiam extrinsecam, quæ per se eos non arceat ab usu matrimonii: vel ob physicum impedimentum ad ipsam copulam; vel quia iis ab Ecclesia est matrimonii usus interdictus, adhuc illicita iis est delectatio appetitus sensitivi de copula cogitata ut præsentī. Exemplum primi sit, dum copula est illicita ob periculum abortus: secundi, dum impotentia cōiundi supervenerit matrimonio: tertii, dum copula est interdicta ob contractam affinitatem. Ratio verò primæ partis est; quia tunc adhuc ipse actus per se manet licitus, ac tantum est illicitus ratione charitatis aut pietatis obligantis præcaveri damnum conjugis vel prolis, quod, ut suppono, ex sola delectatione non ti-

metur. Ratio autem secundæ & tertiæ partis etiam est; quia tale impedimentum est extrinsecum & arcens à sola copula, vel in pœnam delicti vel ob inhabilitatem ortam ex affinitate; quod extendi non debet ad delectationem, cum id sit odiosum. Idem quod de delectatione, etiam de tactibus dicendum putant Sanchez, Granaado, Villal. & Diana; quidquid Roderiquez dicat, opinionem Sanchez hac in parte à morali Theologia alienam esse: interim semper suppono abesse pollutionis periculum.

109. Hæc omnia benè observa, quia dicta sunt ex Authoribus probatis. Quod attinet ad enorme peccatum adulterii, diximus *suprà*, ubi de peccatis capitalibus. Solum adde, juxta Hurtadum & Castrum Palaum apud Dian. *par. 5. tract. 13. resol. ult.* uxoratum si delectetur in aliena muliere, non teneri explicare circumstantiam matrimonii, quod noviter etiam docet Martinus de San Joseph; qui apud eundem Dian. *par. 10. tract. 11. ref. 61.* sic ait, *mibi videtur probabile, quòd uxoratus vel maritatus se delectantes in objecto libidinoso non teneantur explicare, se esse conjugatos, quia per contractum matrimonialem non se obligant ad non delectandum carnaliter circa objectum extraneum.* Ita ille: de quo aliis relinquo iudicium: scio tamen P. Mendo fortiter in contrarium agere *lo. cit. suprà quest. 13. per totam.*

Cæterum, dum sponsa, aut recens uxorata dicit, se audivisse in concione, sæpe gravia crimina committi ab uxoratis, ideòque rogat doceri quo pacto ea fiant; quid respondebit Confes-

fessarius? Fateor me sæpe simili modo fuisse interrogatum. Quare in gratiam juvenum Confessariorum, Respondeo hic non esse descendendum ad particularia: imò monet Gobat, ut similis petens ad matrem mittatur, à qua convenientius circa illa instruitur quàm à Confessario: ego interim in facti contingentia generaliter respondi, communiora peccata coniugum in hac materia versari circa negationem debiti, & circa periculum effundendi semen extra locum debitum; de cætero posse illam suo marito moram gerere. Subjungerem, modò cum dicto Gobat; si fortè maritus petat aliquid, de quo ipsa dubitat, an sit licitum, deprecetur verecundè; si deprecando nil efficiat, idcirco quòd maritus asserat, se jam

nosse, quid permittant leges conubiales, tunc obediat, & proximâ occasione roget Confessarium, an id conjugibus sit licitum.

Quomodo conjuges possint mutua vota irritare; diximus suprâ; & de hoc expressè agit Franciscus Bonæ Spei hic *disp. 8. num. 32. & seq.* quem etiam consule: & sit hujus Tractatus, & totius nostræ compendiosæ Theologiæ moralis in Omnipotentis Dei, illiusque Sanctissimæ Matris

MARIÆ, & S. Patris nostri

ELIÆ honorem &  
gloriam

FINIS.



INDEX

# INDEX TITVLORVM. TRACTATVS I.

## De actibus humanis.

### DISPUTATIO I.

#### De voluntario & libero.

- Dub. 1. *Quid voluntarium & liberum.* fol. 1  
 Dub. 2. *De omisione voluntaria & libera.* fol. 4  
 Dub. 3. *Quomodo violentia, metus & concupiscentia se habeant ad voluntarium & liberum.* fol. 5  
 Dub. 4. *Quomodo ignorantia & inadvertentia.* fol. 6

### DISPUTATIO II.

#### De conscientia.

- Dub. 1. *Quid & quoruplex sit.* fol. 11  
 Dub. 2. *De laborante conscientia erronea.* fol. 12  
 Dub. 3. *De conscientia dubia.* fol. 14  
 Dub. 4. *De conscientia opinativa.* fol. 15  
 Dub. 5. *De conscientia scrupulosa.* fol. 20

### DISPUTATIO III.

#### De malitia peccati.

- Dub. 1. *Vnde sumatur malitia.* fol. 23  
 Dub. 2. *De malitia actus interni & externi.* fol. 25

- Dub. 3. *An detur actus indifferens.* fol. 26

### DISPUTATIO IV.

#### De peccato in genere.

- Dub. 1. *Quid & quoruplex peccatum.* fol. 28  
 Dub. 2. *Quomodo mortale fiat veniale.* fol. 29  
 Dub. 3. *Quomodo veniale fiat mortale.* fol. 31  
 Dub. 4. *De multiplicatione & distinctione specifica peccatorum.* fol. 32  
 Dub. 5. *De numerica.* fol. 35  
 Dub. 6. *De peccato omisionis.* fol. 38  
 Dub. 7. *De delectatione morosa.* fol. 41

### DISPUTATIO V.

#### De peccatis capitalibus.

- Dub. 1. *De superbia.* fol. 44  
 Dub. 2. *De avaritia.* fol. 47  
 Dub. 3. *De luxuria.* §. 1. *De motibus, oculis, &c.* fol. 48  
 §. 2. *De fornicatione & adulterio.* fol. 51  
 §. 3. *De incestu & stupro.* fol. 55  
 §. 4. *De rapto & vicio contra naturam.* fol. 58  
 §. 5. *De sacrilegio.* fol. 63  
 Dub. 4. *De invidia.* fol. 67  
 Ccccc Dub.

# I N D E X

<p>Dub. 5. De gula &amp; jejunio. §. 1. Quale peccatum sit gula. fol. 68</p> <p>§. 2. De ebrietate. fol. 69</p> <p>§. 3. De abstinentia à certis cibis. fol. 74</p> <p>Quaestiuncula, an sit mortale comedere carnes die veneris. fol. 78</p> <p>§. 4. De unica refectiōe &amp; collatione. fol. 81</p>	<p>§. 5. De certa refectiōis hora. fol. 86</p> <p>§. 6. Quos obliget praceptum jejunii. fol. 88</p> <p>§. 7. Quinam excusentur à jejunio. fol. 89</p> <p>An Religiosi teneantur ad jejunium. fol. 94</p> <p>Dub. 6. De ira. fol. 96</p> <p>Dub. 7. De acedia. fol. 99</p>
---	---

## T R A C T A T V S II.

### De Legibus.

#### DISPUTATIO I.

##### De Lege in generali.

Dub. 1. Quid lex.	fol. 102
Dub. 2. Ad obligationem legis requiritur promulgatio.	fol. 103
Dub. 3. An requiratur acceptatio.	fol. 107
Dub. 4. Quis possit leges condere.	fol. 108

#### DISPUTATIO II.

##### De lege naturali & Divina.

Dub. 1. Quid lex naturalis.	fol. 110
Dub. 2. De Lege Divina positiva.	fol. 113

#### DISPUTATIO III.

##### De Lege Humana.

Dub. 1. An homines possint ferre leges.	fol. 114
Dub. 2. Quomodo obliget lex humana.	fol. 116
Dub. 3. §. 1. Unde colligatur an lex humana civiliter graviter obliget.	fol. 118
§. 2. Quid de lege ecclesiastica.	fol. 120

Dub. 4. Quae lex obliget cum periculo vita.	fol. 122
Dub. 5. An humana praecipiat actus internos.	fol. 124
Quaestiuncula, an Ecclesia non obliget indirectè ad actus internos.	fol. 128

#### DISPUTATIO IV.

##### De subjectis legi.

Dub. 1. An legislator legi propriae subjiciatur.	fol. 130
Dub. 2. Quid de Clericis & Religiosis.	fol. 132
Dub. 3. Quid de peregrinis & vagis.	fol. 134
Dub. 4. Quid de pueris & amentibus.	fol. 138

#### DISPUTATIO V.

##### De interpretatione & cessatione legis.

Dub. 1. In quam legem cadat interpretatio.	fol. 140
Dub. 2. Quando nam cesset lex.	fol. 142
Dub. 3.	

# TITVLORVM.

- Dub. 3. *Quid de consuetudine.* fol. 145  
 Dub. 4. *De cessatione legis per dispensationem.* fol. 148

fol. 152  
*An recitans vesperi matutinum & laudes, possit satisfacere pro duobus diebus.* fol. 153

## DISPUTATIO VI.

De impletione legis.

Dub. 2. *An requiratur intentio ad satisfaciendum legi.* fol. 156  
*Appendix de legibus precipientibus denunciationem.* fol. 157

- Dub. 1. *Quid requiritur ut satisfiat legi.*

# TRACTATVS III.

De virtutibus Theologicis.

## DISPUTATIO I.

De Fide.

- Dub. 1. *Quid fides.* fol. 163  
 Dub. 2. *Qua sint fidei regule.* fol. 165  
 Dub. 3. *Qua fides sit necessaria ad salutem.* fol. 166  
 Dub. 4. *Quando eliciendus sit actus fidei.* fol. 171  
 Dub. 5. *Quando quis censeatur negare fidem.* fol. 174  
 Dub. 6. *An liceat cum infidelibus communicare.* fol. 176  
 Dub. 7. *An licitum sit legere Libros Hæreticos.* fol. 180  
 Dub. 8. *De vitio oppositis fidei.* fol. 184  
 Dub. 9. *De dubio in fide, & pœnis hæreticorum.* fol. 186

## DISPUTATIO II.

De Spe.

*An sit precepta: & qua vitia ei opponantur.* fol. 189

## DISPUTATIO III.

De Charitate.

- Dub. 1. *An sit precepta.* fol. 192  
 Dub. 2. *De eleemosyna.* §. 1. *An sit precepta.* fol. 195  
 §. 2. *Ex quibus bonis & à quibus dari possit.* fol. 198  
 Dub. 3. *De correptione fraterna.* fol. 201  
 Dub. 4. *De Odio.* fol. 207  
 Dub. 5. *De Bello.* fol. 210  
 Dub. 6. *De Duello.* fol. 215  
 Dub. 7. *De scandalo.* §. 1. *Quale sit peccatum.* fol. 220  
 §. 2. *An ob scandalum omitti debeat opus bonum.* fol. 224  
 §. 3. *An licite peti aut consuli possit opus malum.* fol. 226

Ccccc 2 TRA-

# INDEX TRACTATUS IV.

## De Iure & Iustitia.

### DISPUTATIO I.

De jure in communi & dominio.

- Dub. 1. *Quid jus.* fol. 229  
 Dub. 2. *Quid & quotuplex dominium.* fol. 231  
 Dub. 3. *Quinam sint domini capaces.* fol. 232  
 Dub. 4. *De dominio Clericorum.* fol. 234  
 Dub. 5. *An homo sit dominus vite & fame sue.* fol. 237  
 Dub. 6. *De modis acquirendi dominia. §. 1. De dominio in homines & animalia.* fol. 238  
 §. 2. *De acquirendo dominio per venationem.* fol. 241  
 §. 3. *De acquisitione domini rerum inventarum.* fol. 244  
 §. 4. *De prescriptione & usucapione.* fol. 246

### DISPUTATIO II.

De juribus in particulari.

- Dub. 1. *De usufructu.* fol. 249  
 Dub. 2. *De usu.* fol. 250  
 Dub. 3. *De emphiteusi, feudo & servitute.* fol. 252  
 Dub. 4. *De possessione.* fol. 253

### DISPUTATIO III.

De Iustitia.

- Dub. 1. *Quid sit.* fol. 257  
 Dub. 2. *Inter quos intercedat.* fol. 259  
 Dub. 3. *Quid iniustitia: & an quis eam possit pari volens.* fol. 260

### DISPUTATIO IV.

De Restitutione.

- Dub. 1. *An sit ad salutem necessaria.* fol. 262  
 Dub. 2. *Vnde oritur obligatio restitutionis.* fol. 264  
 Dub. 3. *Ex qua culpa ob damnum datum.* fol. 265  
 Dub. 4. *Quando obligetur officarius aut contrahens ad restitutionem.* fol. 268

### DISPUTATIO V.

De Homicidio, & Mutilatione.

- Dub. 1. *An quis se vel innocentem licite occidar.* fol. 272  
 Dub. 2. *An invasorem iniustum.* fol. 275  
 Dub. 3. *Ad quid tenetur homicida & mutilator.* fol. 278  
 Dub. 4. *De restitutione bonorum temporalium.* fol. 282

DISPU-

# TITVLORVM.

## DISPUTATIO VI.

De iniuriis circa famam.

Dub.1. De detractiōe, & contumelia.  
fol. 284.

Dub.2. An viro prudenti licet delictum  
aperiatur. fol. 287

Dub.3. An quandoque possit alius insa-  
mari. fol. 289

Dub.4. An crimen hic publicum, possit ali-  
bi divulgari. fol. 291

Dub.5. Quid de audiente detractorem.  
fol. 294

Dub.6. De suspitione & temerario judi-  
cio. fol. 295

Dub.7. Quis tenetur ad restitutionem  
fame. fol. 297

Dub.8. De modo restituendi famam. fol.  
299

Dub.9. Quanam excusent à restitutione  
fame. fol. 301

## DISPUTATIO VII.

De iniuriis circa bona fortunæ.

Dub.1. De furto & rapina. fol. 303

Dub.2. De furtis minutis. fol. 305

Dub.3. De furtis uxorum, filiorum, &  
famulorum. fol. 308

Dub.4. De compensatione occult. fol. 310

Dub.5. De emptore vel venditore rei fur-  
tivæ. fol. 312

Dub.6. Quid restituendum pro re furti-  
væ consumpta. fol. 315

Dub.7. De debitore moroso: & acceptis  
ob turpem causam. fol. 317

Dub.8. Vbi, quando, & quo ordine resti-  
tuendum. fol. 319

Dub.9. De cooperantibus in damnifica-

tione.

Dub.10. Quanam excusent à facienda  
restitutione. fol. 321  
fol. 326

## DISPUTATIO VIII.

De Contractu in genere.

Dub.1. Quid & quoruplex contractus.  
fol. 331

Dub.2. De contractu inito ex errore, do-  
lo, aut metu. fol. 332

Dub.3. De contractu jurato, & conditio-  
nato. fol. 335

## DISPUTATIO IX.

De contractibus in specie.

Dub.1. De promissione. fol. 337

Dub.2. De donatione. fol. 340

Dub.3. De ultima voluntate, & testa-  
mento. fol. 344

Appendix de sepultura. fol. 353

Dub.4. De Ludo, & sponsione. fol. 355

Dub.5. De emptione, venditione, & nego-  
tiatione. fol. 359

§.1. De pretiis rerum. fol. 360

§.2. De causis immutantibus pretium. fol.  
361.

§.3. De emptione chirographi. fol. 365

§.4. De difficultatibus huc spectantibus.  
fol. 366

§.5. De monopolis, & negotiatione. fol.  
369

Dub.6. De mutuo & usura. §.1. Quid  
sint. fol. 371

§.2. An carentia pecunie sit pretio estima-  
bilis. fol. 372

§.3. De lucro cessante, damno emergen-  
te, &c. fol. 377

Cccc 3 §.4.



# INDEX

- §.4. In quibus maximè usura committatur. fol. 378  
 §.5. De maximè in hac materia observandâ. fol. 381  
 §.6. De montibus pietatis. fol. 384  
 Dub.7. De contractu societatis, & cambi. fol. 388  
 Dub.8. De censibus. fol. 390  
 Dub.9. De fidejussione, pignore, & hypotheca. fol. 393  
 Dub.10. De locatione & conductione. fol. 394  
 Dub.11. De deposito, Commodato, & precario fol. 395

## DISPUTATIO X.

### De Judiciis.

- Dub.1. De iudice. fol. 397  
 Dub.2. De accusatore. fol. 404  
 Dub.3. De Teste. fol. 405  
 Dub.4. De reo & restrictione mentali. fol. 408  
 Dub.5. De Advocato, Procuratore, & Notario. fol. 412

## DISPUTATIO XI.

### De iustitia distributiva.

- Dub.1. De acceptione personarum. fol. 414  
 Dub.2. De collatione & venditione officiorum. fol. 416  
 Dub.3. De vectigalibus & Gabellis. fol. 417  
 Dub.4. De beneficiis: §.1. An indignus possit ad illud eligi. fol. 420  
 §.2. De conditionibus beneficiandi: & an quis possit habere plura beneficia. fol. 422

- §.3. An beneficiatus teneatur residere, & legere horas. fol. 424  
 Dub.5. De simonia. §.1. Quale sit peccatum. fol. 426  
 §.2. In quibus maximè soleat committi. fol. 430  
 §.3. De panis simoniacorum. fol. 433

## DISPUTATIO XII.

### De Religione.

- Dub.1. Quid sit. fol. 435  
 Dub.2. De oratione in communi. fol. 436  
 Dub.3. De horis canonicis. §.1. Qui ad illas teneantur, & quæ pars omissa causet peccatum mortale. fol. 438  
 §.2. An liceat officium mutare, interrumpere, aut horas transponere. fol. 440  
 §.3. De omittente totum officium: ubi de Litaniis, officio. D.V. &c. fol. 443  
 §.4. De attentione & recitatione mentali. fol. 445  
 §.5. Quæ excusent à recitatione Horarum. fol. 448  
 Appendix De decimis. fol. 451  
 Dub.4. De voto. §.1. Quàm debet esse liberum. fol. 452  
 §.2. Quotuplex votum, & quantum obliget. fol. 454  
 §.3. De materia voti. fol. 456  
 §.4. De irritatione votorum. fol. 459  
 §.5. De votorum commutatione. fol. 462  
 §.6. De dispensatione in votis. fol. 464  
 §.7. Quando Religiosus peccet contra vota. fol. 469  
 Dub.5. De juramento §.1. Quotuplex sit. fol. 473  
 §.2. An jurare sit peccatum. fol. 475  
 §.3. De juramento elicto ex metu: & quando ejus obligatio cesserit. fol. 479  
 §.4.

# TITVLORVM.

- §. 4. De iuramento scabinorum Flan-  
dria. fol. 481
- Dub. 6. De vitiis oppositis religioni.  
fol. 483

## TRACTATVS V.

### De Sacramentis.

#### DISPUTATIO I.

- Dub. 1. Quid Sacramentum. fol. 487
- Dub. 2. De ministro, & valore Sacra-  
mentorum. fol. 489
- Dub. 3. Quando licet administrantur.  
491
- Dub. 4. Quando valide & licet suscipi-  
antur. fol. 494
- Dub. 5. De effectibus Sacramentorum.  
fol. 496

#### DISPUTATIO II.

##### De Baptismo.

- Dub. 1. Quid sit. fol. 498
- Dub. 2. De forma & necessitate Baptismi.  
fol. 503
- Dub. 3. De dispositione, ministro, & pa-  
trino. fol. 507
- Dub. 4. An differri, aut iterari pos-  
sit. fol. 511

#### DISPUTATIO III.

- Dub. unicum. De Confirmatione. fol. 515

#### DISPUTATIO IV.

##### De Eucharistia.

- Dub. 1. Quid sit. fol. 519

- Dub. 2. Quae sit ejus materia. fol. 521
- Dub. 3. Quae ejus forma. fol. 523
- Dub. 4. An communicans debeat esse in  
gratia. fol. 525
- Dub. 5. Quomodo debeat esse jejunos. fol.  
530
- Dub. 6. De ministro Eucharistia. fol. 534
- Dub. 7. Quibus danda, vel neganda sit.  
fol. 537
- Dub. 8. An communio sit praecepta. fol.  
540
- Dub. 9. Quinam sint ejus effectus. fol. 544
- Dub. 10. Quid Missa sit, & cujus valo-  
ris. fol. 547
- Dub. 11. Quid de stipendiis Missarum.  
fol. 549
- Dub. 12. An Missa dicenda differri possint.  
fol. 554
- Dub. 13. Vbi, quando, & quoties cele-  
brandum. fol. 558
- Dub. 14. De corrigendis defectibus tem-  
pore Missa. fol. 560
- Dub. 15. De vestibus, & aliis requisitis.  
fol. 564
- Dub. 16. De praecepto audiendi Missam.  
§. 1. de attentione requisita in audien-  
te. fol. 566
- §. 2. An partes connecti possint: & qua pars  
omissa causet mortale peccatum. fol.  
570
- §. 3. Quae excusent ab audienda Missa. fol.  
572

# INDEX

## DISPUTATIO V.

### De Pœnitentia.

- Dub.1. De ejus necessitate, & materia. fol. 576  
 Dub.2. De Contritione. §.1. Qualis esse debeat. fol. 583  
 §.3. De praecepto contritionis. fol. 586  
 Dub.3. De confessione. §.1. Quando sit integra. fol. 589  
 §.2. An peccata dubia confitenda sint. fol. 592  
 §.3. An liceat non integrè confiteri. fol. 598  
 §.4. De Confessione generali. fol. 602  
 §.5. De nullitate confessionis, & in ea mœniente. fol. 604  
 Dub.4. De satisfactione. §.1. Qualis esse debeat. fol. 606  
 §.2. An illam pœnitens debeat acceptare. fol. 609  
 §.3. An debeat impleri in gratia, & differri possit. fol. 611  
 §.4. Quis possit pœnitentiam immutare. fol. 613  
 Dub.5. De absolutione. §.1. Quis sit ejus sensus. fol. 615  
 §.2. An dari possit absenti. fol. 618  
 Dub.6. De Ministro. §.1. Quis sit ille. fol. 620  
 §.2. An quilibet Sacerdos in casu necessitatis. fol. 625  
 §.3. De requisitis in Confessario. fol. 627  
 §.4. De remanente in periculo peccandi. fol. 630  
 Dub.7. De sigillo. §.1. Quae sub eo cadant. fol. 632  
 §.2. An quis uti possit scientiâ confessionis. fol. 634

- §.3. Monita pro Confessariis fol. 638  
 Dub.8. De Præcepto Confessionis. §.1. De Divino. fol. 640  
 §.2. De ecclesiastico. fol. 642  
 Dub.9. De effectu Sacramenti pœnitentiae. fol. 646  
 Dub.10. De casibus reservatis. fol. 647  
 Dub.11. §.1. de censuris in genere. fol. 653  
 §.2. De excommunicatione. fol. 656  
 §.3. De suspensione, & interdicto. fol. 660  
 §.4. De irregularitate. fol. 662  
 Dub.12. De indulgentiis. fol. 665

## DISPUTATIO VI.

### De extrema Unctione.

- Dub.1. Quae ejus materia. fol. 669  
 Dub.2. An semper conferri debeat. fol. 671  
 Dub.3. De forma & ministro. fol. 673  
 Dub.4. De effectibus unctionis. fol. 675

## DISPUTATIO VII.

### De Ordine.

- Dub.1. Quid, & quod duplex sit. fol. 677  
 Dub.2. De Ministro Ordinis, & ordinando. fol. 681  
 Dub.3. De privilegiis & obligationibus ordinatorum. fol. 685  
 Dub.4. De effectibus Ordinis. fol. 688

## DISPUTATIO VIII.

### De Matrimonio.

- Dub.1. De sponsalibus. §.1. Quid sponsalia. fol. 691  
 §.2. An solvi possint ob fornicationem. fol. 694

§.3.

## INDEX TITULORUM.

- |   |   |
|---|---|
| <p>§.3. <i>Quomodo obligent, &amp; solvantur.</i> fol.696</p> <p>§.4. <i>An ad ea incunda requiratur licentia parentum.</i> fol.700</p> <p>§.5. <i>Quanam liceant sponſis.</i> fol.702</p> <p>Dub.2. <i>Quid Matrimonium.</i> fol.704</p> <p>Dub.3. <i>De Miſtro Matrimonii.</i> fol.708</p> <p>Dub.4. <i>De Matrimonio claudefſino.</i> fol.711</p> <p>Dub.5. <i>De praecepto, &amp; indiſſolubilitate Matrimonii.</i> fol.714</p> <p>Dub.6. <i>De denuntiationibus</i> fol.718</p> <p>Dub.7. <i>De impedimentis matrimonii.</i> fol.723</p> | <p>Dub.8. <i>De errore, conditione, voto, &amp; Ordine.</i> fol.724</p> <p>Dub.9. <i>De cognatione, &amp; affinitate.</i> fol.727</p> <p>Dub.10. <i>De impedimento criminis.</i> fol.732</p> <p>Dub.11. <i>De diſparitate cultus, vi, &amp; ligamine.</i> fol.735</p> <p>Dub.12. <i>De publica honeſtate, amentia, claudefſinitate, &amp; impotentia.</i> fol.738</p> <p>Dub.13. <i>De raptu, &amp; diſpenſatione in impedimentis.</i> fol.741</p> <p>Dub.14. <i>De debito conjugali.</i> fol.745</p> <p>Dub.15. <i>De Oſculis, tactibus, ac delectatione conjugum.</i> fol.749</p> |
|---|---|



## INDEX RERVM MEMORABILIVM.

A.

*Absens*

*Abbas.*

**Q**uam habeat adminiſtrationem bonorum temporalium. tr. 4. diſp. 1. fol. 234. n. 18

An Abbas poſſit conferre Ordines? tr. 5. diſp. 7. fol. 681. n. 10, & fol. 690. num. 31

*Abortus*

Ad quam ſpeciem peccati contra caſtita-tem reducat? tr. 1. diſp. 5. fol. 65. num. 62.

An aliquando licitum ſit abortum procurare? Ibidem

An abſens poſſit ſacramentaliter abſolvi à peccatis? tr. 5. diſp. 5. fol. 518. num. 194

An à cenſuris? Ibidem

An matrimonium contrahi poſſit inter abſentes? tract. 5. diſp. 8. fol. 714. num. 39

*Absolutio, vide Pœnitentia.*  
*Abſtinentia, vide jejunium.*

*Acceptio perſonarum*

Quid ſit, & quale peccatum? tr. 4. diſp. 11. fol. 414. n. 2.

D d d d

A u

An habeat locum in distributione gratuita. Ibidem

An locum habeat in iudiciis. fol. 415. num. 5

An in electione ad officium saculare. fol. 416. n. 6

Quid de electione ad beneficium ecclesiasticum. fol. 420. num. 16, & seq.

*Accusatio, vide denuntiatio.*

In quo a denuntiatione differat. tr. 4. disp. 10. fol. 404. n. 13

An accusans obligetur ad poenam talionis. Ibidem

An accusatio habeat locum apud Regulares. Ibid. n. 14

*Acedia.*

Quid sit, & quale peccatum. tr. 1. disp. 5. fol. 99. n. 153

Quot sint ejus filia. fol. 100. num. 154

*Actus humanus.*

Quid sit. tr. 1. fol. 1

An actus externus humanus malus sit confitendus. tract. 1. disp. 3. fol. 25. num. 9

An detur actus humanus indifferens, nec bonus nec malus. Ibidem fol. 26. n. 12

*Adoratio.*

Quomodo fiat. tract. 4. disp. 12. fol. 450. n. 36

*Advena, vide Peregrinus.*

*Advertentia, vide Inadvertentia.*

*Adulterium.*

Quid sit, & quam grave peccatum. tr. 1. disp. 5. fol. 52. n. 31

An sit adulterium cognoscere conjugatam consentiente ejus marito. Ibidem

An debeat exprimi, quod ambo complices fuerint conjugati. Ibidem

Ad quid teneantur adulteri. fol. 53. n. 32. & 35

An detur casus, in quo adultera teneatur manifestare spurium. Ibidem n. 32. & 33

Quid fiet dum ex adulterante cum duobus, proles nascitur. fol. 54. num. 32

Quid si adulter dubitet, an proles sit sua. num. eodem in fine, & n. 35

An matri dicenti ex adulterio natum esse filium suum, hic teneatur credere. fol. 54. n. 33

Quid faciendum dum adultera, prolem exposuit. Ibidem n. 34

An adulter teneatur alere & dotare filiam spuriam. Ibidem n. 35. & 36

An maritus possit occidere uxorem in adulterio deprehensam. tr. 4. disp. 5. fol. 278. n. 18

An adultera conjugata possit sibi retinere pretium adulteri. tr. 4. disp. 7. fol. 317. n. 33

An ob adulterium licitum sit divorcium. tr. 5. disp. 8. fol. 716. n. 47

Quod adulterium impediatur petitionem debiti. Ibidem fol. 729. num. 68

*Adul-*

# MEMORABILIUM.

## Adultus.

In qua ætate homo fiat adultus. tr. 5.  
disp. 5. fol. 643. n. 238

## Advocatus.

Quid si patrocinetur causæ injustæ.  
tract. 4. disput. 7. fol. 324. n.  
48.

Quænam in Advocato requirantur. tr.  
4. disp. 10. fol. 412. n. 29

Quandonam ipse teneatur ad restitu-  
tionem. Ibidem

An possit pacisci cum cliente de parte  
litis pro stipendio accipienda. fol.  
313. num. 32

An possit patrocinari causæ probabilis,  
aut dubiæ. Ibidem n. 33

## Emulatio.

Quid sit. tract. 1. disp. 5. fol. 67.  
num. 68

## Ætas.

In qua ætate teneantur pueri abstinere  
à carnibus. tract. 1. disp. 5. fol. 77.  
num. 98

In qua jejunare. Ibidem fol. 88. num.  
122

In qua ætate subjiciantur cæteris legi-  
bus Ecclesiæ. tract. 2. disp. 4. fol. 139  
num. 25

In qua ætate Ordines sint suscipiendi.  
tr. 5. disp. 7. fol. 683. n. 13

In qua ætate matrimonium ineun-  
dum sit. tract. 5. disp. 8. fol. 714.  
num. 42

## Affinitas.

An gradus affinitatis differant specie  
à gradibus consanguinitatis, & in-  
ter se. tract. 1. disp. 5. fol. 55. num.  
38

Quid affinitas, & quomodo cognos-  
cendi ejus gradus. tr. 5. disp. 8. fol.  
718. n. 66. & 67

In quo gradu dirimat matrimonium.  
num. 67

Casus multum elucidans materi-  
am affinitatis. fol. 729. num.  
eodem

Per quam copulam affinitas contra-  
hatur. fol. 730. n. 69

## Altare

Quàm munda debeant esse ea, quæ  
Altari deserviunt. tr. 5. disp. 4. fol.  
565. n. 92

Quando censeatur destrui Altare:  
& quid de Altari portatili. n. 93

## Ambitio

Quid sit, quale peccatum, & quis  
dicendus ambitiosus. tr. 1. disp. 5.  
fol. 47. n. 14.

## Amens

An amentes ligentur legibus. tract. 2.  
disp. 4. fol. 139. n. 26

An castigari possint. fol. 140. n. 26

Quid si amens cultro te invadat.  
tract. 4. disp. 5. fol. 275. n. 12

Ad quid teneatur qui est causa amen-  
tiæ alterius. Ibid. fol. 282. n. 33

# INDEX RERUM

## Amicus

An quis teneatur denunciare amicum tract. 2. disput. 6. fol. 160. num. 20

An qui ab amico alimenta obtinet, teneatur referre vices. tr. 4. disp. 7. fol. 311. n. 20

*Amplexus, vide oscula.*

*Ancilla, vide Servus.*

## Angelus

An habeat verum dominium. tract. 4. disp. 1. fol. 232. n. 10

*Anima, vide Purgatorium.*

Quo die homini anima infundatur. tr. 1. disp. 5. fol. 65. n. 62

## Apostasia

Ad quam infidelitatis speciem referatur. tract. 3. disput. 1. fol. 185. num. 64

## Aqua

Quæ aqua sit materia Baptismi. tract. 5. disp. 2. fol. 499. num. 4. & 5

An una gutta aquæ sit materia sufficiens. fol. 500. n. 5

Quare in Missa addatur vino parum aquæ. disput. 4. fol. 523. num. 10

An hæc aqua convertatur immediate in sanguinem. Ibidem numer. 11

## Articulus mortis

An simplex Sacerdos possit in articulo mortis absolvere præsentem approbato. tract. 5. disp. 5. fol. 625. num. 205

Quisnam dicatur esse in articulo mortis. fol. 626. n. 206

## Aspectus turpis

An sit semper mortalis dum sit ex libidine. tract. 1. disp. 5. fol. 49. num. 24

An exprimenda sit conditio personæ visæ. Ibidem

Quid si fiat causâ curiositatis. fol. 50. num. 25

Quid si causâ medendi. fol. 51. num. 26

Quale peccatum sit talem sui aspectum permittere. Ibidem

An licitus sit conjugibus. tract. 5. disp. 8. fol. 749. n. 106

## Affecratio

Quid sit. tract. 4. disp. 9. fol. 394. num. 145

*Astrologus, vide Divinatio.*

*Attentio, vide Hora canonica.*

Quid sit propriè attentio. tr. 4. disp. 12. fol. 437. n. 7

*Attritio, vide contritio.*

An sola attritio sufficiat ad Baptismum, & confessionem. tract. 5. disp. 1. fol. 495. num. 17. & disp. 2. fol. 507. num. 20

# MEMORABILIU M.

## Avaritia.

Quid sit, & quando sit mortalis. tract.  
1. disp. 5. fol. 47. n. 16

Quenam sint avaritiæ filia. Ibidem  
n. 18. & 19

## B.

## Baptismus.

Quid faciet Sacerdos simul vocatus  
ad baptizandum infantem & ab-  
solvendum adultum in articulo  
mortis utriusque. tr. 3. disp. 3. fol. 195.  
num. 8

An conferens Baptismum in statu pec-  
cati mortalis peccet mortaliter. tr.  
5. disp. 1. fol. 491. n. 10

An ad Baptismum suscipiendum suffi-  
ciat attritio. fol. 495. n. 17

Quid Baptismus, à quo, & quando in-  
stitutus disp. 2. fol. 498. n. 1. & 2

An Christus aliquos per se baptizave-  
rit. fol. 499. n. 3

Quæ sit baptismi materia. Ibid. num.  
4. & c.

An aqua debeat esse nitida. fol. 500. n.  
4. & 5

An sufficiat unica gutta. Ibid.

An possit infans baptizari ipsum sub-  
mergendo. fol. 501. n. 7

An sufficiat quòd minima pars corpo-  
ris abluatur. Ibid. n. 8

Quid si soli crines abluantur. Ibi-  
dem.

An valeat Baptismus infantis existen-  
tis in utero matris. fol. 502 n. 9

Quæ sit forma Baptismi. fol. 503. num.  
10, & c.

Quid si duo baptizent eundem. fol.  
504. n. 12

Quid si proles moriatur ante termina-  
tionem formæ. Ibid. n. 13

Quam necessarius sit Baptismus. n. 14.  
& seq.

An ad evadendam mortem omitti  
possit Baptismus fol. 506. n. 17

Quotuplex Baptismus. Ibid. n. 18

Quæ dispositio requiratur ad Baptis-  
mum fol. 507. num. 19. & seq.

An Baptismus aliquando reviviscat,  
fol. 508 n. 21

Quis est Baptismi minister. Ibidem  
num. 23

Quis ordo servandus inter ministros.  
fol. 509. n. 24

An Parochus possit solemne ministe-  
rium Baptismi committere Diacono. Ibidem.

Quid si ipse Parochus solum sit Dia-  
conus. fol. 510. n. 24

De patrino Baptismi. Ibid. n. 25

Quale nomen imponendum sit bap-  
tizando. Ibidem.

Quandonam Baptismus sub conditio-  
ne iterari debeat. fol. 511. num. 27.  
& 28

An quandoque possit differri. num.  
29

An possit conferri domi. Ibidem.

Quinam sint Baptismi effectus. fol.  
514. num. 30

An debeat declarari pater prolis ille-  
gitimæ: & an in hoc standum sit te-  
stimonio matris. Ibidem.



# INDEX RERUM

## *Bellum.*

Quid sit, & quando licitum. tract. 3. disp. 3. fol. 210. n. 42. & seq.

Quid faciat Princeps habens causam dubiam Belli. fol. 211. numer.

47

Quenam possint bellare. num. 48. &

50

Quid bellantes debeant observare. Ibidem.

An peccet conjugatus dans nomen militiæ relicta uxore & liberis in egestate : & quid de iis, qui similes ad hoc inducunt. fol. 213. numer. 50

An innocens possit in bello occidi. Ibidem n. 51

Quenam bona liceat spoliare in bello. Ibid. n. 53

Ad quem spectent bona bello capta. fol. 214. n. 54

An tempore belli licite spoliuntur Ecclesiæ. Ibid. n. 55

An sit licitum bellare die Festo. fol. 215. n. 56

An sit licitum in bello uti insidiis. Ibid. n. 57

An bello capti fiant servi. tr. 4. disp. 1. fol. 238. n. 32

## *Beneficium, Beneficiarius.*

An Beneficiarius sit dominus fructuum sui beneficii. tract. 4. disp. 1. fol. 235. n. 21. & seq.

An teneatur superfluos fructus erogare pauperibus. fol. 236. numer.

24

Quis sit dicendus dignior ad aliquod beneficium. tract. 4. disp. 11. fol.

417. n. 7

Quid, & quotuplex beneficium ecclesiasticum: ac quale peccatum sit eligere ad illud indignum. fol. 420.

n. 16. & 17

An liceat eligere minus dignum. Ibid. n. 18

Quid de resignante suum beneficium. fol. 421. n. 19

Quid de impediendo ne alter obtineat beneficium: Ibidem numer.

20

Quæ requirantur in beneficiando. fol. 422. n. 21. & seq.

An quis possit habere plura beneficia. Ibid. n. 24

Quæ beneficia inducant onus residenti aut recitandi Horas. fol. 424. n.

26. & 27

An beneficiatus teneatur ad restitutionem fructuum dum non legit Horas. Ibidem numer. 28

An quiratione beneficii, & Ordinis sacri teneatur ad Horas, dupliciter peccet eas omittendo. tr. 4. disp. 12.

fol. 446. n. 27

De obligatione beneficiati circa celebrationem Missarum. tract. 5. disp.

4. fol. 557. n. 73. & seq.

## *Bestialitas.*

Quid sit, & an explicanda sit species bruti. tract. 1. disp. 5. fol. 62. numer. 56

An exprimi debeat utrum cum bruto aut dæmone. Ibidem.

An quod dæmon fuerit sub specie viri,

# MEMORABILIUM.

ri, aut fœminæ. Ibidem.

*Biblia, vide Scriptura.*

*Brutum.*

*Bigamia.*

Quid sit, & an inducat irregularitatem. tract. 5. disp. 5. fol. 662. numer. 179

An possit dici operari voluntariè. tr. 1. disp. 1. fol. 2. n. 2

An in aliquo sit liberum. fol. 3. numer. 8

*Blasphemia.*

Quid sit, & quàm grave peccatum. tract. 1. disput. 5. fol. 97. num. 147

Quandonam in ea à mortali excuset indeliberatio. Ibidem.

An proferre *quinque vulnera Christi, mors Dei*, & similia, sit blasphemare. Ibidem.

An blasphemia in Deum differat specie à blasphemia in Sanctos. Ibidem.

An dicere, *hoc est tam verum ac Evangelium, ac Deus*, sit blasphemia. tract. 4. disp. 12. fol. 477. n. 105

*Bonum, Bona, vide Cessio.*

In quantum debeat bonum commune præponi privato. tract. 2. disp. 6. fol. 161. n. 23

Quanam sint bona castrensia, quasi castrensia, adventitia, & proventitia. tract. 3. disput. 3. fol. 201. numer. 24

Quanam dicantur bona immobilia. tract. 4. disput. 1. fol. 234. numer. 19

Quanam sint quasi-patrimonialia. Ibidem num. 20

Quanam bona censeantur derelicta. fol. 244. n. 46. & 47

*Breviarium, vide Hora canonica.*

*Bulla Cœna.*

An obliget in locis ubi non est usu recepta. tract. 2. disput. 1. fol. 107. num. 15

Quid sit Bulla Cœnæ, & quos casus comprehendat. tract. 5. disp. 5. fol. 648. n. 251. & seq.

Quinam per illam excommunicentur. ---- num. 253

An sit promulgata in Belgio. fol. 249. num. 257

*C.*

*Calix.*

An si dicatur sacrum in calice non consecrato, remaneat consecratus. tract. 1. disp. 5. fol. 64. num. 60

Ex qua materia debeat esse calix. tract. 5. disp. 4. fol. 564. n. 90

A quo debeat benedici: & à quibus possit tangi. Ibidem num. 90. & 92

*Cambium.*

Quid contractus cambii, quotuplex, & an licitè ex eo quis possit lucrari. tract. 4. disp. 9. fol. 389. num. 132. & 133

*Canonicus, vide Beneficiarius.*

*Canti-*

*Cantilena inhonesta.*

Quale peccatum sit eas canere. tract.  
1. disput. 5. fol. 49. numer. 24. &

25

Quid de componentibus eas. fol. 51.  
num. 27

*Cancer*, vide *Reus*.

*Cardinalis.*

An Cardinalatus sit Ordo. tr. 5. disp. 7.  
fol. 677. n. 2

An Cardinales possint Ordines con-  
ferre. fol. 681. n. 10

*Carnis abstinencia*, vide *Ieiunium*.

*Castitas*, vide *Votum* : *Sacrile-  
gium*.

An qui vovit virginitatem, absolva-  
tur à voto castitatis virginitate a-  
missâ. tract. 4. disp. 12. fol. 455.  
num. 50

An votum castitatis liget proclivem  
ad venerem. fol. 457. n. 56

An conjugati valide vovent castita-  
tem. Ibidem num. 57. & seq.

An, & quantum Episcopus possit dis-  
pensare in voto castitatis. fol. 465.  
n. 76. & c.

An in tali voto dispensatus ad incun-  
dum matrimonium, possit ad se-  
cundas nuptias transire : & adhuc  
contra votum peccet dum adulte-  
ratur. fol. 468. n. 84

Quandonam peccetur contra votum  
castitatis. fol. 471 n. 91

*Castratio*, vide *Mutilatio*.

*Casus reservatus.*

An Papa sibi reserve casus, eò quòd  
habeant censuram annexam. tract. 3.  
disp. 1. fol. 188. n. 69

Ob quod periculum mortis possit quis  
absolvi à casibus reservatis. Ibi-  
dem

An Ecclesia possit reservare casus tr. 5.  
disp. 5. fol. 647. n. 250

An reserve peccata interna. Ibi-  
dem.

Quinam casus reserventur Papæ. num.  
251

Quinam Episcopis fol. 648. num. 254.  
& 255

An peccatum dubium reserve tur. fol.  
650. n. 256

Quis possit à casibus Episcopalibus  
absolvere fol. 651. n. 257

Quid si peccata sine causa reserventur.  
Ibidem.

Quomodo absolutio à reservatis fa-  
cienda. fol. 652. n. 258

An Superior debeat dare licentiam  
absolvendi à casibus reservatis,  
quoties petitur. Ibidem.

An, & quomodo ob peccata reservata  
possit confessio dimidiari. Ibidem  
num. 258. & 259

*Caupo.*

An caupo peccet promendo potum  
certò inebriandis. tract. 1. disp. 5.  
fol. 71. n. 81

An possit cœnam apponere in die je-  
junii. fol. 72. n. 82

An possit vinum generosum miscere  
aquâ

# M E M O R A B I L I U M.

inquã. tract. 4. disput. 9. fol. 367.  
num. 75

## *Causa.*

Quenam causa dicatur favorabilis, & quæ pia. tract. 2. disput. 5. fol. 141. num. 4.

Secundum quæ jura procedendum sit in dispositione ad causam piam. tr. 4. disp. 9. fol. 346. n. 27

Cui competat judicium circa causam concubinatus Clerici cum filia seculari. disput. 10. fol. 399. numer. 3

## *Censura.*

Quenam ignorantia excuset à censuris. tract. 1. disput. 1. fol. 9. numer. 28

An qui alterum læsit ad mortem & conteritur antequam sequatur, incurrat censuram. disp. 4. fol. 40. num. 40

An incurratur censura per actum in ebrietate commissum. disp. 5. fol. 75. num. 84

n ferri possit ob peccatum veniale. A tractat. 2. disput. 3. fol. 120. numer. 22

Quomodo detur absolutio à censuris. tract. 3. disp. 1. fol. 187. numer. 68

An censura incurratur ab ignorante eam esse impositam. tract. 3. disp. 3. fol. 220. num. 65. & tract. 5. disp. 5. fol. 655. num. 264. ac disp. 8. fol. 729. num. 68

An absolutio à censuris possit dari ab-

senti. tract. 5. disp. 5. fol. 618. num. 194

Quid censura, & quotuplex. Ibidem fol. 653. num. 261

An debeat ferri in scriptis. Ibidem.

An causa, & species censuræ exprimi debeat. Ibid.

A quo, & in quos censura ferri possit. fol. 654. num. 262. & 263.

An monitio censuram præcedere debeat. --- num. 264

An possit ferri in die festo. Ibidem.

Quenam excuset ab incurrenda censura. Ibid.

An ignorans eam incurrat. Ibidem fol. 655

## *Census.*

Quid sit, & quotuplex. tract. 4. disp. 9. fol. 390. num. 134

An census sit licitus. Ibidem num. 136. & fol. 393. num. 141

Quas condiciones requirat. fol. 391. num. 138

An licitè ematur minori pretio, quam sint omnes pensiones speratæ. Ibidem num. 139

Quid faciendum, ut pensio suo tempore obtineatur. fol. 392. num. 140

Quid si hypotheca non sit sufficiens ut ex ea dividendi satisfiat omnibus censitoribus. Ibidem.

Quomodo pretium census taxari debeat. fol. 392. num. 141

An census relictæ Ecclesiæ sint irredimibiles. Ibidem.

*Certatio, vide Sponsio.*

Eeeee

*Cesio.*

# INDEX RERUM

## *Cepio bonorum.*

An excuset à facienda restitutione. tr.  
4. disp. 7. fol. 329. n. 65

An cedens bonis possit aliqua occultare. Ibidem num. 66

## *Character.*

Quid character spiritualis, & quæ sacramenta eum imprimant. tract. 5.  
disp. 1. fol. 496. n. 22

In quo subiectetur. Ibid.

*Charitas, vide Eleemosyna.*

Quid Charitas, & quod ejus objectum. tract. 3. disput. 3. fol. 192.  
num. 1

Quando obliget ejus præceptum. fol.  
193. n. 5. & 6

Quis ordo in charitate servandus. fol.  
194. n. 7

An ille ordo nunquam possit inverti.  
Ibidem num. 8. & tract. 4. disp. 5.  
fol. 272. num. 4

An in casu necessitatis Sacerdos ex charitate teneretur parturienti obsecrare. tract. 3. disp. 3. fol. 195.  
num. 8

## *Chartusianus.*

An in periculo mortis (etiam in absentia aliorum ciborum) possit, aut teneatur carnes comedere. tract.  
2. disp. 3. fol. 124. n. 31

## *Chirographum.*

An emi possit minoris quam con-

tineat. tractat. 4. disp. 9. fol. 365.  
num. 67

Quid de librantiis militaribus. Ibid.  
num. 68

## *Chirurgus.*

An semper sequi debeat tutiora. tract.  
1. disp. 2. fol. 18. n. 15

An possit curare fœminam cum periculo pollutionis. disput. 5. fol. 59.  
num. 48

## *Chorea.*

An choreas ducere sit peccatum. tract.  
1. disput. 5. fol. 49. numer. 24.  
& 25

## *Cinâ.*

An sit obligatio recipiendi cineres primâ die quadragesimæ. tract. 2. disp.  
5. fol. 146. n. 14

## *Circumstantia.*

Quid, & quotuplex circumstantia peccati. tract. 1. disput. 3. fol. 24.  
num. 5

Quanam circumstantiæ mutant speciem peccati. disput. 4. fol. 33.  
num. 22

Quomodo debeant esse volitæ, ut dent actui malitiam specificam. fol. 34.  
num. 23

An aggravantes confitendæ sint. tract.  
5. disput. 5. fol. 589. numer. 140. & seq.

An mutant speciem possint seorsim à sub-

# MEMORABILIMUM.

à substantia actus explicari. fol. 592. num. 145.

*Clausura, vide Monialis.*

*Clericus, vide Beneficiarius.*

An Clerici succiantur legibus civilibus. tract. 2. disp. 4. fol. 132. num. 6. & seq.

An teneantur solvere vectigalia. fol. 133. n. 9.

Quinam veniant nomine Clerici. tract. 3. disp. 1. fol. 178. numer. 47.

An possint bellare. tract. 3. disp. 3. fol. 212. num. 49. & 50.

Quarum rerum habeant dominium. tract. 4. disp. 1. fol. 234. num. 20. & seq.

An iis licitum sit venari. fol. 243. numer. 45.

Ex quibus bonis possint condere testamentum. tract. 4. disp. 9. fol. 349. num. 30.

An licitè ludant. fol. 357. num. 49.

An sit iis liberum negotiari. fol. 370. num. 82. & 83.

Quandonam fiant irregulares causâ accelerationis mortis alterius. tract. 5. disp. 5. fol. 663. numer. 280.

Quando ob defectum corporis. num. 281. & fol. 684. num. 16.

De privilegiis & obligationibus Clericorum. tract. 5. disp. 7. fol. 685. num. 15. & c.

Unde proveniat obligatio continentia in Clericis. fol. 686. num. 23. & seq.

Quid si quis ordinetur nolens vovere continentiam. --- num. 24.

*Codicillus, vide Testamentum.*

Quid codicillus. tract. 4. disp. 9. fol. 344. num. 21.

*Calibatus.*

An simpliciter loquendo sit status, & an melior quàm matrimonium. tract. 5. disput. 8. fol. 697. numer. 13.

*Cognatio, vide Consanguinitas.*

An in incestu debeat exprimi, an cognatio fuerit legalis, spiritualis, aut sanguinis. tract. 1. disp. 5. fol. 55. num. 38.

Quotuplex sit cognatio inducens impedimentum matrimonii. tract. 5. disp. 8. fol. 727. num. 63.

*Collatio, vide Iejunium.*

*Columba.*

An licitè capiantur alienæ columbae. tract. 4. disput. 1. fol. 239. numer. 35.

An cuilibet licitum sit habere columbarium. fol. 240. numer. 36.

*Commodatum.*

Quis teneatur ad restitutionem commodati pereuntis. tract. 4. disp. 4. fol. 269. num. 25. & 26. ac disp. 9. fol. 396. num. 153.

Quid commodatum, & quando possit repeti. tract. 4. disp. 9. fol. 396. num. 155.

Ad quos usus concedatur commodatum. Ibidem.

*Communio, vide Eucharistia.*

Eecce 2

Com-

# INDEX RERUM

## *Compensatio occulta.*

An, & quando sit licita. tract. 4. disp. 7. fol. 310. n. 18. & seq.

An quis per eam possit arripere rem sibi promissam. tract. 4. disp. 9. fol. 337. n. 3.

An & rem sibi relictam per testamentum non solemnizatam. fol. 346. num. 26

An creditor Regis possit sibi compensare defraudando gabellas. tract. 4. disp. 11. fol. 419. n. 14

## *Concilium.*

An ejus resolutio obliget ubi non est promulgata. fol. 106. n. 10

Quid sit, & cujus sit autoritatis in Ecclesia. tract. 3. disp. 1. fol. 165. numer. 12

## *Concionator.*

An excusetur à jejunio. tract. 1. disp. 5. fol. 93. n. 135

Quantà prudentiâ debeat arguere vitia. tract. 3. disput. 3. fol. 202. numer. 30

Quando excusetur à legendis Horis. tract. 4. disp. 12. fol. 449. n. 34.

## *Concubina.*

An licitum sit pingere imaginem concubinae. tr. 1. disp. 5. fol. 51. n. 28

Cui competat judicium circa concubinatum Clerici cum filia seculari. tract. 4. disp. 10. fol. 399. num. 3.

An retinens concubinam sit capax absolutionis. tract. 5. disp. 5. fol. 630. num. 213

## *Concupiscentia.*

Quid sit, & quomodo se habeat ad voluntarium. tract. 1. disp. 1. fol. 6. numer. 18

## *Conditio.*

An conditio suspendat contractum. tract. 4. disp. 8. fol. 335. num. 14

Quandonam dirimat conditio matrimonium. tract. 5. disp. 8. fol. 725. num. 61

## *Conductio, vide Locatio.*

Quid sit conductio. tract. 4. disp. 9. fol. 394. n. 147

## *Confessarius.*

An Confessarius stare debeat conscientia pœnitentis. tract. 1. disp. 1. fol. 9. n. 27

Quid faciendum Confessario cum ignorante. num. 29. & seq.

An debeat dare consilium juxta sententiam propriam. disp. 2. fol. 16. num. 13

Quid faciet cum scrupuloso. Ibidem fol. 21. n. 23

An dum Confessarius peccat cum filia confessionis, debeat id in confessione explicare. tract. 1. disp. 5. fol. 52. num. 29

Quomodo debeat interrogare circa materiam carnis. fol. 66. num. 65. & seq.

Qui-

# MEMORABILIU M.

Quinam Confessarii sint denuntiandi.  
tr. 2. disp. 6. fol. 159. n. 18

Quem modum Confessarius observare  
debeat in absolutione hæretici. tr. 3.  
disp. 1. fol. 187. n. 68

Quem in absolutione usurarii. tr. 4.  
disp. 9. fol. 383. n. 121

An absolvens debeat esse in gratia. tr.  
5. disp. 1. fol. 491. n. 10. & disp. 4. fol.  
536. n. 40

An teneatur pœnitentem interrogare.  
fol. 603. n. 166

Quid faciet Confessarius, qui ali-  
quem invalidè absolvit. fol. 619.  
num. 195

An dum pœnitentem obligatum ad  
restitutionem non monet, teneatur  
ipse restituere. Ibidem n. 196

Quinam possint sibi Confessarium de-  
ligere. fol. 622. n. 201

Quæ conditiones requirantur in Con-  
fessario. fol. 627. num. 207. &  
seq.

Qualem memoriam peccatorum de-  
beat habere tempore absolutionis.  
fol. 628. n. 211

An magis benignas quàm rigidas  
opiniones sequi debeat. fol. 629.  
num. 211

Quid faciet cum remanente in peri-  
culo peccandi. fol. 630. n. 212

An Confessarius unquam uti possit  
scientiâ confessionis. fol. 634.  
num. 219

Quædam monita pro Confessariis. fol.  
638. n. 226. & seq.

Quid faciet Confessarius interroga-  
tus de peccatis sibi confessis. fol.  
639. num. 232

Quid si petatur, an confessum absol-  
verit. Ibidem

Quas pœnas Confessarius incurrat  
frangendo sigillum. Ibidem

Quid respondebit interroganti, an va-  
lidè contrahatur matrimonium  
cum voto simplicis castitatis, vel  
cum alio impedimento impedièn-  
te. tract. 5. disp. 8. fol. 744. num.  
92

Quid si petatur à conjuge, quæ pec-  
cata communiter committantur  
à conjugatis. fol. 751. n. 109  
*Confessio, vide Pœnitentia.*

## *Confirmatio.*

Quid sit, & quis ejus minister. tract. 5.  
disp. 3. fol. 515. n. 1

An Episcopus possit confirmare sibi  
non subditum. Ibidem

A quo, & quando Confirmatio sit in-  
stituta. fol. 516. n. 2

An sit necessaria ad salutem. Ibidem  
num. 3

Quoties teneatur Episcopus Confir-  
mationem administrare. Ibidem

Quæ sit materia, forma, & quis effe-  
ctus Confirmationis. fol. 517. n. 4.  
5. & 6

In qua ætate homo confirmandus sit.  
Ibidem n. 7

An amentes, & jam morituri sint con-  
firmandi. Ibidem

An Confirmatio extra Ecclesiam con-  
ferri possit. Ibidem

De patrinis confirmandi. fol. 518.  
num. 8

An srons confirmati debeat cingi fas-  
ciâ. Ibidem n. 9

An debeant annotari nomina con-  
firmatorum, & patrinorum. nu-  
mer. 10



*Conjuges*, vide *Matrimonium*.  
 Quomodo peccent polluentes se. tr. 1. disp. 5. fol. 61. n. 53  
 An peccent conjuges desiderantes, ut detur sibi perpetuò in terra vivere. tr. 1. disp. 5. fol. 100. n. 153  
 Quomodo delinquant dum mutuò, aut sibi mortem precantur. tract. 3. disp. 3. fol. 209. n. 40  
 An maritus peccet dando nomen militis relicta uxore & liberis in egestate. fol. 213. n. 50  
 An inter conjuges intercedat justitia. tr. 4. disp. 3. fol. 259. n. 8  
 An conjuges consentientes in mutua adulteria adhuc patiantur injuriam. fol. 260. n. 15  
 An conjux miraculosè resuscitatus possit alteri nubere. tr. 4. disp. 4. fol. 263. n. 4  
 An unus conjux possit occidere alterum in adulterio deprehensum. disp. 5. fol. 278. n. 18  
 An maritus teneatur interdum uxorem verberare. disp. 6. fol. 287. num. 7  
 Quomodo peccent conjuges se mutuò cognominando. Ibidem.  
 Et quomodo dum de aliorum criminibus inter se colloquuntur. Ibid. num. 9  
 An in confessione licetè tangeant mutua peccata apud notum Confessarium. fol. 288. n. 12  
 An donationes inter conjuges sint validæ tr. 4. disp. 9. fol. 341. n. 14  
 An possint se mutuo heredes instituire per testamentum. fol. 352. num. 36  
 An conjux validè vocet castitatem. disp. 12. fol. 457. n. 57. & seq.

An conjuges possint mutua vota irritare. fol. 450. n. 65. & tr. 5. disp. 8 fol. 726. n. 62  
 An possint intrare Religionem. tr. 5 disp. 8. fol. 715. n. 45  
 Ad quid uno intrante alter teneatur. fol. 716. n. 46  
 Quomodo peccent conjuges se red-dentes impotentes ad reddendum debitum. fol. 746. n. 94  
 De osculis, tactibus, & delectationibus inter conjuges. tr. 5. disp. 8. fol. 749. n. 104. & seq.  
 An simplex delectatio morosa conjugati sit specie distincta à delectatione simili personæ liberæ. fol. 751. num. 109

*Consanguinitas.*

An gradus consanguinitatis differant specie à gradibus affinitatis, & inter se. tract. 1. disp. 5. fol. 35. n. 38  
 Quid consanguinitas, & in quo gradu dirimat matrimonium. tr. 5. disp. 8. fol. 727. n. 65  
 Unde dignoscantur gradus consanguinitatis. Ibidem  
 An duo possint inire matrimonium stante dubio de consanguinitate. fol. 731. n. 70

*Conscientia.*

Quid conscientia, & quoruplex tract. 1. disp. 2. fol. 11. num. 1. & seq.  
 Quid faciat laborans conscientia erronea. fol. 12. num. 1. & seq.

An

# MEMORABILIUM.

An peccans agendo contra conscientiam invincibiliter errantem incurrat pœnas humanas. Eodem n. 5. in fine.

De eo, qui putat se peccare, sive hoc agat, sive oppositum. fol. 13. numer. 6

Quale peccatum sit agere contra conscientiam. Ibidem n. 7

Quomodo conscientia erronea sit deponenda. n. 8

De laborante conscientia dubia. fol. 14. n. 10

An quis licitè sequatur conscientiam opinativam, seu probabilem. fol. 15. n. 13

De conscientia scrupulosa, & ejus remediis. fol. 20. n. 20. & seq.

De examine conscientia faciendo ante confessionem. tr. 5. disp. 5. fol. 599. n. 159

*Consecratio*, vide *Eucharistia* & *Missa*.

## *Consilium: consulere.*

Andandum sit consilium juxta sententiam propriam. tr. 1. disp. 2. fol. 16. n. 13

An licitè consulatur malum minus, ne sequatur majus. tr. 3. disp. 3. fol. 226. n. 79

An consulens teneatur restituere damnum ex suo consilio secutum. tract. 4. disp. 7. fol. 322. n. 44. & 45

Inter cooperantes ad damnum quo loco consulens teneatur ad restitutionem. fol. 325. n. 54

## *Consuetudo*

Quid sit. tr. 2. disp. 5. fol. 145. n. 11

An lex cesset per contrariam consuetudinem. Ibid. n. 12. & seq.

An, & quando vim legis obtineat. fol. 146. n. 14. & 15

Unde probetur consuetudo inducens obligationem. fol. 147. n. 16

Quid si legi addatur, *non obstante quacumque* consuetudine in contrarium, Ibidem

Quale peccatum sit jurare ex consuetudine. tract. 4. disp. 12. fol. 477. num. 105

## *Contemptus*

An omnis contemptus legis sit mortalis. tr. 1. disp. 1. fol. 6. n. 17

Quandonam peccatum veniale fiat mortale ratione contemptus. tr. 1. disp. 4. fol. 31. n. 15

Quandonam verus contemptus committatur. Ibidem.

*Contentio*, vide *rixa*.

## *Contractus*

An validè contrahat qui init contractum, quem nescit per legem invalidari. tr. 2. disp. 1. fol. 106. n. 12

An peregrini debeant contrahere juxta leges patriæ. tract. 2. disp. 4. fol. 136. n. 18

Quid sit contractus, & quot modis fiat. tr. 4. disp. 8. fol. 331. n. 1

Quid de contractu inito ex errore, dolo, aut metu. fol. 332. num. 4. & seq.

Quo-

# INDEX RERUM

Quomodo contractus iuramento fir-  
merur. fol. 335. n. 13

De contractu conditionato. Ibidem  
num. 14

De contractu sub modo n. 14. & 15

Quinam possint validè contrahere.  
fol. 336. n. 16

An contractus circa rem pretiosam  
exigat scripturam. tract. 4. disp. 9.  
fol. 343. n. 18

## Contritio

An existens in peccato mortali præ-  
missa contritione perfecta possit  
administrare Sacramenta. tr. 5. disp.  
1. fol. 492. num. 11. & fol. 526.  
num. 20

Quid sit, & an requiratur vorum con-  
fiteendi. tract. 5. disp. 5. fol. 578.  
num. 112

An requiratur propositum de non am-  
plius peccando. n. 112. & seq.

An cum confessione sufficiat attritio.  
fol. 580. n. 115

An omnis contritio includens chari-  
tatem iustificet. fol. 581. n. 117

Quid si quis doleat ob incuras præ-  
nas temporales. fol. 582. n. 121

Quantus debeat esse dolor contritio-  
nis. fol. 583. n. 122. & seq.

An sufficiat si quis doleat sed dolere non  
posse. fol. 584. n. 125

Quanto tempore possit contritio præ-  
cedere confessionem. num. 126.  
& 127

Quandam obliget præceptum con-  
tritionis. fol. 586. n. 128. & seq.

An obliget quamprimum quis ne-  
gligit occasionem confitendi. nu-  
mer. 130

An in articulo mortis obliget. fol. 587.  
n. 131

An Confessarius teneatur moribun-  
dum ad contritionem perfectam  
excitare. Ibidem

An si non impetret illam, teneatur  
ipsum attritum absolvere. n. 132

## Contumelia

Quid sit, & quale peccatum. tract. 1.  
disp. 5. fol. 97. n. 148. & tr. 4. disp. 6.  
fol. 284. n. 1. & 4

Quomodo restituendus sit honor per  
contumeliam ablatus. Ibidem

Quot modis fiat contumelia. Ibi-  
dem, & tract. 4. disp. 6. fol. 284.  
num. 3

An omnes contumeliæ sint ejusdem  
speciei. fol. 285. n. 5

## Correptio fraterna

Quid sit. tr. 3. disp. 3. fol. 201. n. 26

An existet de ea præceptum, & quos  
obliget. fol. 202. n. 27. & seq.

Sub qua culpa obliget. fol. 203. n. 31.  
& 32

Quæ peccata fraternè corrigenda  
sint. n. 33

Quis ordo in correptione servandus.  
fol. 204. n. 34

An ordo aliquando possit inverti. fol.  
205. n. 35. & 36

*Crapula, vide gula.*

*Crimen, vide Peccatum.*

De crimine impedimento matrimo-  
nii. tract. 5. disp. 8. fol. 732. num.  
72. & seq.

# MEMORABILIU M.

## Curiositas.

Quid sit, & quale peccatum, tr. 1. disp. 5, fol. 46. n. 13

## Crux.

An quilibet teneatur scire formare crucem tr. 3. disp. 1. fol. 171. n. 29

An sit necessaria in altari tempore Missæ. tr. 5. disp. 4. fol. 565. n. 91

*Culpa*, vide *Peccatum*.

Quotuplex sit, tr. 4. disp. 4. fol. 265. n. 13

Quænam inducat onus restitutionis, ibid. n. 14. & seq.

## Cultus.

Quid sit. tr. 4. disp. 12. fol. 435. n. 2

Quotuplex sit. fol. 436. n. 4

## D.

*Debitor, Debitum*, vide *Restitutio*.

Ad quid teneatur debitor morosus. tr. 4. disp. 7. fol. 317. n. 31

Quid, si non sit omnibus solvendo. fol. 320. n. 40

An debitum antiquatum solvi debeat fol. 326. n. 56

An debitor licitè cum creditoribus de minori summâ conveniat. 327. n. 58

An teneatur solvere cum detrimento status fol. 328. n. 60

Quid, si dubitetur de debito, aut de debiti certi solutione. Ibid. n. 61

Quid de cedente foro. fol. 329. n. 65

An debitum possit emi minori pretio, quàm per se valeat. tr. 4. disp. 9. fol. 365. n. 67

An debitum vendi possit, dum noscitur debitor non esse solvendo. fol. 366. n. 69

## Debitum conjugale.

Quinam in petendo debito possint dispensare. tr. 4. disp. 12. fol. 465. n. 76. & 78. ac fol. 468. n. 82

Quale adulterium impediat conjuges à petitione debiti. tr. 5. disp. 8. fol. 729. n. 68

Quid sit debitum conjugale. fol. 745. n. 93

Quandonam licitum sit illud negare. Ibidem n. 93. & 94

Quomodo peccet conjux, reddens se impotentem ad reddendum debitum. n. 94

An cum peccato petenti alter teneatur reddere. fol. 746. n. 95

An mulier menstruata possit illud reddere. Ibidem.

An tempus sacrum impediat petitionem debiti. fol. 747. n. 97

Quandonam petatur, vel reddatur meritoriè. n. 98. & seq.

An inter conjuges aliquando licitè interruptatur redditio debiti. fol. 748. n. 102

An oscula, & tactus debeantur conjugibus. fol. 749. n. 104. & seq.

## Decalogus.

An teneamur addiscere memoriter præcepta Decalogi. tr. 3. disp. 1. fol. 170. n. 26

*Decanus*, vide *Beneficiarius*.

Fffff

Decime.

*Deiura*

Quid sint, & quibus debeantur. tr. 4.  
disp. 12. fol. 451. n. 37

Quinam teneantur eas solvere. Ibid.  
n. 39

*Degradatio*

Quid sit. tr. 5. disp. 5. fol. 661. n. 273

An Sacerdos degradatus validè con-  
secretur. disp. 7 fol. 690. n. 52

*Delectatio morosa*

Quid sit, & an aliquo sensu excusetur  
à mortali. tr. 1. disp. 4 fol. 41. n. 43.  
& 44. & fol. 48. n. 21

An omnis delectatio venerea sit mor-  
talis fol. 42. n. 47. & 49

Quid de viduis se delectantibus circa  
actum præteritum, & spontis circa  
actum futurum fol. 43. n. 50. & 51

An fortietur speciem ex conditione  
personæ representatæ. Ibid. n. 52

An in delectatione morosa detur par-  
vitas materiæ tr. 1. disp. 5. fol. 50.  
n. 25

An delectatio de copula parum ante  
habita sit novum peccatum. fol.  
52. n. 30

An iunctis matrimonio sit licita. tr. 5.  
disp. 8. fol. 711. n. 107

An simplex delectatio in conjugatis  
mutet speciem peccati. Ibid. n. 108

*Denuntiatio*

Quid, & quomplex sit, ac quomodo  
ipsum præceptum obliget. tr. 2 disp.  
6. fol. 157. n. 12. & 13

An denunciandum sit delictum, quod  
probari non potest. Ibid. n. 14

An non debeat præcedere correctio  
fraterna fol. 158. n. 15

An teneamur denunciare consanguin-  
eos. Ibid. n. 16

An socios proprii delicti. Ibidem.

An quis teneatur denunciare cum  
gravi suo periculo. fol. 159. n. 17

Quinam Confessarii sint denuntian-  
di. Ibid. n. 18. & 21

An teneatur denunciare cum gravi meo  
damno. fol. 160. n. 20

Quot denuntiationibus censeatur  
crimen Confessarii probatum. fol.  
161. n. 22

An emendatus denunciari debeat. I-  
bidem.

Quid si crimen sciatur sub secreto  
naturali. Ibid. n. 23

Quinam absolute teneantur denun-  
tiare. eodem n. 23. & seq.

An denuntiatio semper sit admitten-  
da fol. 162. n. 26

In quo differat ab accusatione. tr. 4.  
disp. 10 fol. 404. n. 17

Quam crimina sint denuncianda.  
tr. 5. disp. 5 fol. 601. n. 12

De denuntiationibus faciendis ante  
matrimonium. disp. 8. fol. 718. n. 51.  
&c.

Ex qua causa possit in iis dispensari.  
fol. 720. n. 54

An quis debeat denunciare impedi-  
mentum matrimonii, quod nequit  
probare. fol. 722. n. 55

An hanc denuntiationem debeat præ-  
cedere correctio fraterna. Ibidem.

# MEMORABILIUM.

## Depositum

- Quid sit, & an quis re depositâ uti possit. tr. 4. disp. 9. fol. 395. n. 152  
De qua culpa teneatur depositarius, fol. 396. n. 153  
An res deposita retineri possit pro re aliunde à deponente sibi debita. Ibid. n. 154  
An Religiosi licitè habeant deposita. tr. 4. disp. 12. fol. 471. n. 90

## Desperatio

- Quàm ingens sit peccatum. tr. 1. disp. 5. fol. 100. n. 154  
Quid sit desperatio, tr. 3. disp. 2. fol. 190. n. 4  
An interdum possit excusari à mortali. Ibidem.

## Detractio

- An sit unicum peccatum simul detrahere decem diversis. tr. 1. disp. 4. fol. 35. n. 27  
An quis possit sibi ipsi detrahere. tr. 4. disp. 1. fol. 137. n. 29. & seq.  
Quid detractio, & quor modis fiat. disp. 6. fol. 284. n. 1. & seq.  
Quale peccatum sit detractio fol. 285. n. 4  
An omnes detractioes sint ejusdem speciei. Ibid. n. 5  
Quandonam detractio excusetur à mortali. fol. 286. n. 6  
Quid si in genere dicatur, aliquem esse iracundum, superbum, &c. Ibid.  
An per varias parvas detractioes possit peccari mortaliter. Ibidem.  
Quid si peccata occulta, occultatis

- authoribus aperiantur. fol. 286. n. 7  
Quomodo peccet maritus vocando uxorem sagam, adulteram, &c. Ibid.  
An sit mortale viro prudenti crimen alterius aperire. fol. 487. n. 8. & 9  
Quid si id fiat ad leniendum dolorem. fol. 488. n. 11  
Quid si reveletur alterius crimen ad evadendum magnum malum. fol. 287. n. 13  
Quale sit peccatum, audita ut talia referre. fol. 290. n. 17. & seq.  
An crimen hic publicum possit alibi revelari. fol. 291. n. 20. & seq.  
Quid si reveletur modò crimen ante hac publicum. fol. 292. n. 23  
Quid de revelante crimen brevi aliunde divulgandum. Ibid. n. 24  
An infamarum in uno crimine liceat etiam in alio infamare. fol. 293. n. 25. & 26  
Quale peccatum sit detrahere mortuo. Ibid. n. 27  
Quale, audire detractorem. fol. 294. n. 28. & seq.  
An Superior teneatur impedire subditum, ne aliis detrahat. fol. 295. n. 32  
Ad quid detractor teneatur. fol. 297. n. 21. & seq.

## Devotio

- Quid sit, & an distinguatur à Religionem. tr. 4. disp. 12. fol. 436. n. 5

## Diaconatus, Diaconus.

- An, & quando possit baptizare. tr. 4. disp. 2. fol. 509. n. 24  
An alios communicare. tr. 5. disp. 4. fol. 534. n. 35

FFFFF 2

Qua

# I N D E X R E R U M

Quæ materia, & quæ forma Diaconatus. tr. 5. disp. 7. fol. 679. n. 6

Quæ ætas requiratur in diaconando. fol. 683. n. 13

An Diaconus canens Evangelium in statu peccati mortalis, peccet mortaliter. fol. 687. n. 25

*Dilectio*, vide *Charitas*.

*Discordia*, vide *Rixa*.

## *Dispensatio.*

An dispensatio cadat in legem naturalem. tr. 2. disp. 2. fol. 111. n. 6

An possit à Superiore dispensari in votis mentaliter factis. disp. 3. fol. 126. n. 41

Quid dispensatio, & an fieri possit sine causa. disp. 5. fol. 148. n. 17. & seq.

An semper licitè petatur dispensatio. fol. 150. n. 21

Quandonam dispensatio reddatur invalida. Ibid. n. 22. & seq.

An petens dispensare possit commutare. fol. 151. n. 27

An omnis dispensatio debeat fieri gratis. Ibid. n. 28

De dispensatione in votis. tr. 4. disp. 12. fol. 464. n. 74

An, & quantum valeat Episcopus dispensare in voto castitatis. fol. 465. n. 76

De dispensatione in juramentis. fol. 480. n. 109

De dispensatione in sponsalibus. tr. 5. disp. 8. fol. 699. n. 18

De dispensatione in impedimentis matrimonii. fol. 742. n. 88. & seq.

*Distractio*, vide *Hære Canonica*.

Quid sit, & quale peccatum. tr. 1.

disp. 5. fol. 100. n. 154. & tr. 5. disp. 4. fol. 563. n. 88

An tollat meritum orationis. tr. 4. disp. 12. fol. 437. n. 7

Quale peccatum sit distractè administrare Sacramenta. tr. 5. disp. 1. fol. 492. n. 11

## *Divinatio*

Quid sit, & quale peccatum. tr. 4. disp. 12. fol. 484. n. 123

*Doctor*, vide *Medicus*.

An unus Doctor constituat probabilitatem suæ opinionis. tr. 1. disp. 2. fol. 19. n. 17

## *Dolus*

Quid sit. tr. 1. disp. 5. fol. 47. n. 18

An sit licitus in bello. tr. 3. disp. 3. fol. 21. n. 57

An dolus irritet contractum. tr. 4. disp. 8. fol. 332. n. 4 & 5

An sit licitus in ludo. disp. 9. fol. 355. n. 46

## *Domicilium.*

Quis dicatur in aliquo loco habere domicilium. tr. 2. disp. 4. fol. 135. n. 15. & tr. 5. disp. 8. fol. 709. n. 35. ac fol. 720. n. 53

## *Dominium, Dominus.*

Quid dominium, & quotuplex. tr. 4. disp. 1. fol. 231. n. 5. & seq.

Quid requiratur ad illud acquirendum. Ibid. n. 8 & 9

Quinam sint domini capaces? fol. 232. n. 10. & seq.

An homo habeat dominium in vitam

# MEMORABILIU M.

ragi & famam suam. fol.237. n.27.  
& seq.

Modi particulares acquirendi domi-  
nia. fol.238.n.32.& seq.

De acquisitione domini rei inventæ.  
fol.144.n.46. & seq.

De acquisitione domini per præscri-  
ptionem. fol. 246. n.52.& seq.

An dominus debeat compensare da-  
mnum per suum famulum alteri  
causatum. tr. 4. disp. 4. fol. 270. n.  
26.

An, dum res alienæ tuis sunt bonâ fi-  
de permixtæ, fias earum dominus.  
disp.9.fol.382.n.117

*Domus, vide Locatio.*

## Donatio.

Quid & quotuplex sit. tr.4 disp. 9. fol.  
340. n.10. & 11.

Quam possint donare. fol.341.n.12.  
&c.

De donatione inofficiosa. Ibid. n.14

Quantum quis valeat donare. fol. 342.  
n.16. & 17

Quænam donatio requirat Scriptu-  
ram. fol.343.n.18

Quandonam possit revocari. ibidem  
n.19.

Quid donatio causâ mortis. fol. 344.  
n.21

## Dos, Dotare.

An spurius debeat dotari. tr.1. disp.5.  
fol.53.n.36

An parens teneatur suam prolem do-  
tare: & an frater sororem, tr.5. disp.  
8. fol.706. n.32

## Dubium, Dubius.

An dubius de licentia actus præcepti,  
aut de potestate præcipientis, re-  
neatur obedire. tr.1. disp.2. fol.14 n.  
12.

An dubius in fide sit hæreticus. tr.3.  
disp.1. fol.186. n.66

Quis debeat interpretari testamen-  
tum dubium. tr.4. disp.9. fol.348.  
n.29

Quid si sit dubium utri competat le-  
garum. ibidem

An peccata dubia sint confitenda. tr.5.  
disp.5. fol.592. n.146. & seq.

## Duellum.

Quid sit, & aliquando sit licitum.  
tr.3. disp.3. fol.215. n.48. & seq

Quid provocatus possit respondere.  
fol. 218. n.62

Quænam sint duellantium pœnæ. fol.  
219. n.64

Remedium efficax ad extirpandum  
duella. fol.220. n.65

## E.

## Ebrietas, Ebrius.

An excessus usque ad vomitum sit  
peccatum ebrietatis tr.1. disp.5 fol.  
67. n.74

Quotupliciter sumatur ebrietas. ibid.  
n.75

An sit mortale inebriare alterum. Ibid  
An unquam liceat se, vel alterum ine-  
briare fol.70 n.77. & seq.

An possit dari potus certò inebriandi.  
fol.71. n.81

Ffff 3

An



# INDEX RERUM

An mala in ebrietate commissi sint  
peccata fol. 72 n. 83. & seq

An per ea incurratur censura. fol. 73.  
n. 84

Unde dignoscatur, aliquem esse, vel  
fuisse ebrrium. ibidem n. 86

Quid de quotidie multum bibenti-  
bus, sed absque ebrietate n. 87

Quare in Belgio ebrietas non ita ma-  
le æstimetur. ibidem

Quomodo ebrietatis vitium emen-  
dandum sit. ibidem

An ebrii ligentur legibus. tr. 2. disp. 4.  
fol. 139. n. 24. & 26

An mortui in ebrietate Ecclesiasticâ  
sepulturâ careant. tr. 4. disp. 9. fol.  
354. n. 45

An ebrrio morituro danda sit Euchari-  
stia. tr. 5. disp. 4 fol. 337. n. 41

*Ecclesia, vide Templum.*

Quid Ecclesia, & an sit vera regula fi-  
dei tr. 3. disp. 1. fol. 165. n. 11

Quid sit Ecclesiæ thesaurus. tr. 5. disp.  
5. fol. 666. n. 182

## *Electio, Eligere.*

Quale peccatum sit eligere ineptum  
ad aliquod munus. tr. 4. disp. 11. fol.  
46. n. 6

An licitè eligatur minùs dignus. ibi-  
dem, & n. 7

## *Eleemosyna.*

An sit sub præcepto. tr. 3. disp. 3. fol. 195.  
n. 9. & 10

Quandonam ejus præceptum urgeat.  
fol. 1. 6 n. 12. & seq

Quibusnam danda sit eleemosyna. ibi-  
dem n. 14. & fol. 347. n. 27

An dari debeat donatione absolutâ.  
fol. 197 n. 17

An charitas obliget ad juvandum ani-  
mas purgatorii. ibidem

Ex quibus bonis, & à quibus dari pos-  
sit. fol. 198. n. 18. & seq.

Quid si quis paupertatem fingens ob-  
tineat eleemosynam. tr. 4. disp. 8. fol.  
332. n. 4

## *Emphyteusis.*

De ea agitur tr. 4. disp. 2. fol. 152. n. 9 &  
disp. 9. fol. 394. n. 146

## *Emptio, Emptor.*

Cui debeat res à pluribus empta.  
tr. 4. disp. 1. fol. 232. n. 9

Ad quid teneatur emptor rei furti-  
væ. tract. 4. disp. 7. fol. 312. num. 21.  
& seq.

Quid emptio, & unde dicatur justa.  
tr. 4. disp. 9. fol. 359. n. 54

An res non habens pretium licitè e-  
matur pretio minimo. fol. 360.  
n. 59

An deceptio emptionem invalidet. fol.  
361 n. 60

Quandonam res emi possit minoris  
quàm valeat fol. 362. n. 62. & seq

Quid de librantiis militariis fol. 365.  
n. 68

An emptioni apponi possit pactum re-  
dimendi. fol. 366. 72.

Cui pereat res empta. fol. 368. n. 77.

## *Epicheia.*

Quid sit, & quando possimus eâ uti. tr.  
2. disp. 5. fol. 140. n. 1. & seq

*Epif-*

# MEMORABILIU M.

## *Episcopus, Episcopatus.*

- An possit condere leges. tr. 2. disp. 1. fol. 109 n. 21
- An sit dominus fructuum sui Episcopatus tr. 4. disp. 1. fol. 135. n. 21. & seq.
- An fructus superfluos teneatur erogare pauperibus. fol. 236. n. 24
- An per eos possit elevare consanguineos. ibidem n. 26
- In quibus debeat caveri simoniam. tr. 4. disp. 11. fol. 430. n. 37
- In quibus votis possit dispensare. disp. 12. fol. 465 n. 76. & seq.
- In quibus juramentis. fol. 480. n. 109
- An Episcopus possit instituere festa. tr. 5. disp. 4. fol. 566. n. 95
- An valeat absolvere a casibus Papalibus occultis. disp. 5. fol. 649. n. 253. in fine.
- An ab excommunicatione. fol. 659. n. 270
- An dispensare possit in irregularitate. fol. 665. n. 287
- Quas indulgentias possit largiri. fol. 266. n. 291
- An Episcopatus sit ordo. tr. 5. disp. 7. fol. 677. n. 2
- Quæ sit ejus materia & forma, ac à quot Episcopis debeat conferri. ibidem
- An Episcopus possit tollere obligationem sponsalium. tr. 5. disp. 8. fol. 699. n. 18.
- Quid valeat circa impedimenta matrimonii. fol. 742. n. 89.
- Epistola, vide Litteræ.*
- Error, vide Conscientia erronea.*
- An error irritet contractum. tr. 4. disp. 8. fol. 332. n. 4

Qualis error sit impedimentum matrimonii. tract. 5. disp. 8. fol. 724. n. 60

## *Eucharistia.*

- An femina ob mamillas denudatas ab Eucharistia repelli possint. tr. 1. disp. 5. fol. 45. n. 8
- An dubius de suo jejuniis communicare possit. tract. 4. disput. 2. fol. 256. n. 21
- Quid Eucharistia, à quo, & quando sit instituta. tract. 5. disp. 4. fol. 519. n. 1. & 2
- Ex quibus essentialiter constituatur. ibid n. 3
- An sit simplex, an duplex Sacramentum. fol. 520. n. 5
- Quæ sit materia Eucharistia, & quam parva esse possit. fol. 521. num. 7. 8. & 9
- An licet consecraretur Hostia rubra, ibidem n. 8
- An vinum expressum ex uvis passis, ibidem
- Quare vino addatur parum aquæ. fol. 523 n. 10
- An aqua immediate convertatur in Sanguinem Christi. n. 11
- Quæ sit ejus forma, & quomodo Hostia debeat esse præsens, ibidem n. 12. & 13
- An plures possint consecrare eandem Hostiam, fol. 524 n. 14
- Quid sit prolata forma consecrationis n. 15
- Quid requiratur ut quis licet Eucharistiam sumat. fol. 525. num. 18. & seq.
- Quid si quis in scamno Communionis recor-

# INDEX RERUM

- recordetur peccati non confessi. fol. 526. n. 20
- An Sacerdos in peccato mortali existens possit præmissâ contritione celebrare, si non aditalius Confessarius, quàm hostis ipsius. ibid.
- Quid si quis recordetur peccati mortalis extra scamnum Communionis post confessionem bonâ fide factam. fol. 527. n. 21
- An sit licitum Eucharistiam sumere post pollutionem, aut actum conjugalem fol. 528. n. 24. & 45
- Quomodo communicans debeat esse jejunos. fol. 530 n. 26. & seq.
- An debeat dormivisse. fol. 531. n. 29.
- An quis possit bis in die communicare. fol. 532. n. 20
- An aliqua infirmitas impediât communionem fol. 533. n. 31
- An statim post Communionem licitum sit spueré, & comedere. n. 32
- Quis sit minister Eucharistiæ. fol. 534. n. 35
- An quis possit eam sibi ipsi dare. Ibid. n. 36
- An communicaturo possit dari pars magnæ Hostiæ. fol. 535. n. 37
- An renovans Hostiam in remonstrantia possit sumendo antiquam, reponeere eam, quam unicam consecravit. eodem n. 37. & fol. 562. n. 85
- An Hostiæ parvæ consecrandæ debeant esse in altari ante offertorium. fol. 535. n. 37
- An Eucharistiam distribuens debeat esse in gratia. n. 38 & seq.
- An danda sit pueris, & amentibus fol. 537. n. 41
- An ebrio morituro, & damnatis ad mortem. ibidem
- An dari possit peccatori publico, vel occulto. fol. 538. n. 42. & seq.
- Quid si distribuens inter communicantes videat sceminam Hostiam ex ore extrahentem. fol. 339. n. 44
- An sumptio Eucharistiæ sit sub præcepto. fol. 540. n. 45
- In qua ætate illud præceptum obliget. fol. 541. n. 46
- An sit communicandum in propria Ecclesia. ibidem
- An non liceat in Ecclesia Cathedrali. ibidem
- An simplex Sacerdos teneatur in Paschate celebrare in propria Ecclesia. ibidem
- An qui hoc Paschate non communicavit, maneat liber usque ad Pascha sequens. fol. 542 n. 47.
- An prævidens se non posse communicare in Paschate, teneatur prævenire. n. 48
- An præcepto Communionis satisfiat per Communionem sacrilegam. fol. 543. n. 49
- Quantum peccatum sit sacrilega Communio. ibidem
- An expediat frequenter communicare. ibid. n. 50
- Quinam sint effectus Eucharistiæ. fol. 544. n. 51
- An quandoque causet primam gratiam. ibidem
- Quomodo frequens Communio tam parvum fructum in multis obrinet. n. 52
- Quo tempore causet gratiam. fol. 545. n. 53
- An sumpta sub bina specie magis proficit. n. 51. & 54
- An infirmo in aliquo casu dandus sit San-

# MEMORABILITUM.

Sanguis Christi. fol. 546. n. 54  
 Quid delumine requisito in loco, ubi  
 asservatur Eucharistia ibidem  
 An illud requiratur dum distribuitur  
 Eucharistia fol. 565. n. 91  
 An qui inter Hostias consecrandas, u-  
 nicam non triticeam poneret, morta-  
 liter peccaret. tr. 5. disp. 5. fol. 583. n.  
 122  
 An consecraturus plures parvas Ho-  
 stias teneatur scire quot sint. n. 123.

## Excommunicatio

An non feratur nisi ob peccatum  
 mortale. tract. 2. disp. 3. fol. 120. n.  
 22  
 An possit fieri ob hæresim internam.  
 fol. 126. n. 42  
 In quibus licitum sit communicare  
 cum excommunicato. tr. 3. disp. 1.  
 fol. 178. n. 45  
 An legens, imprimens, aut retinens li-  
 brum hæreticum incurrat semper  
 excommunicationem. fol. 181. n.  
 54  
 An incurratur ab ignorante eam esse  
 impositam. tr. 3. disp. 3. fol. 210. n. 65  
 & tr. 5. disp. 5. fol. 655. n. 264.  
 An excommunicatus possit condere  
 testamentum. tr. 4. disp. 9. fol. 349. n.  
 30  
 Per quam simoniam incurratur ex-  
 communicatio. disp. 11. fol. 433. n.  
 43. & c.  
 An excuset à communione Paschali,  
 tr. 5. disp. 4. fol. 543. n. 48  
 An quilibet Sacerdos possit ab excom-  
 municatione absolvere in articulo  
 mortis. tr. 5. disp. 5. fol. 626. n. 206  
 Quinam excommunicantur per Bul-

lam Cœnæ, fol. 648. n. 253.  
 Quale peccatum præsupponatur. fol.  
 654. n. 264. & 266.  
 Quid excommunicatio, quoruplex, &  
 quæ contumacia debeat præcede-  
 re. fol. 656. n. 265. & seq.  
 A quibus debeat excommunicatus  
 abstinere. fol. 657. n. 266 & seq.  
 An licitum sit pro eo orare. fol. 658. n.  
 268  
 An excommunicatus possit interesse  
 Missæ: & an ab ea audienda in die  
 Festo excusetur. ibidem  
 Aliæ ejus pœnæ habentur fol. 659. n.  
 269  
 An Episcopi possint ab excommuni-  
 catione absolvere. ibidem n. 270.  
*Explicatio, vide Lex.*

## Expositio, Expositum.

Ad quid teneatur adultera, quæ pro-  
 lem exposuit. tr. 1. disp. 5. fol. 54. n.  
 34  
 An proles exposita censeatur legitima.  
 ibidem n. 35  
 An baptizari debeat. tr. 5. disp. 2. fol.  
 513. n. 28 circa finem.  
 An sit irregularis. disp. 5. fol. 662. n.  
 278

## F.

*Fallacia, vide Dolus.*

## Fama.

An homo habeat dominium in suam  
 famam. tr. 4. disp. 1. fol. 237. n. 29  
 An ad defensionem famæ possit com-  
 mitti homicidium. disp. 5. fol. 277. n.  
 17. & 18

G g g g g Quid

# INDEX RERUM

Quid est fama, disp. 6. fol. 184. n. 2

Quis teneatur ad restitutionem famæ.  
fol. 297. n. 41. & seq

Quomodo restitui debeat, fol. 299. n.  
46 & c

Quænam à restitutione famæ excusent  
fol. 301. n. 53. & seq

An fama ablata debeat pecuniâ com-  
pensari, fol. 302. n. 55

Quæ infamia inducat irregularitatem  
tr. 5. disp. 5. fol. 664 n. 285

## Famofum.

Quandonam aliquod crimen dicatur  
famofum, tract. 4. disp. 6. fol. 293.  
n. 27

Famulus, vide Servus.

## Favor.

Quomodo favores sint ampliandi, tr.  
2. disp. 5. fol. 141. n. 4

Quænam lex, aut causa dicatur favo-  
rabilis, ibidem

## Festum.

An qui per intervalla sæpe eodem Fe-  
sto parum laborat, peccet mortali-  
ter, tr. 1. disp. 4. fol. 30. n. 11

An puella possit laborare die festo ut  
vitet otium, disp. 5. fol. 100. in fine.

An sit licitum pingere, ibidem

An in festo exiens ad locum ubi festum  
non est, teneatur Missam audire tr.  
2 disp. 4. fol. 137. n. 21

An licitum sit ballare die Festo, tr. 3.  
disp. 3. fol. 215 n. 56

An venari, tr. 4. disp. 1. fol. 244. n. 45

An Festa possint institui ab Episcopis.  
tr. 5. disp. 4 fol. 566. n. 95

## Feudum.

De eo agitur tr. 4. disp. 2. fol. 252. n. 10. &  
disp. 9. fol. 394. n. 146

## Fidei-commiffum.

Quid sit, tr. 4. disp. 9. fol. 344. n. 21

## Fidejussio.

Quid sit, & quando fidejussor possit  
conveniri à creditore, tr. 4. disp. 9.  
fol. 393. n. 142

An possit recipi pretium fidejussionis,  
ibidem

Quinam possint fidejubere, ibid. n. 143  
An dum sunt plures fidejussores, om-  
nes teneantur in solidum, ibidem

## Fides

Quid sit, & quod ejus objectum, tr. 3.  
disp. 1. fol. 163. n. 1 & seq.

An requiratur ad fidem privata reve-  
latio, ibidem u 5 & seq

An actus fidei possit esse naturalis, fol.  
164. n. 7

Quænam sint certæ Regulæ fidei, fol.  
165. n. 8 & seq.

An, & quæ fides sit necessaria ad salu-  
tem, fol. 166. n. 14. & 15

Quænam sint credenda necessariò ne-  
cessitate medii, fol. 167. num. 16. &  
seq.

Quid est fides implicita, fol. 168.  
n. 19.

Quænam sint credenda necessitate  
præcepti fol. 169 n. 22 & seq

Quando sit necessarium elicere actum  
fidei fol. 171. n. 31. & seq.

An

# MEMORABILIU M.

An possit vera fides invincibiliter igno-  
rari fol.172.n.32

Quid de externa professione fidei.fol.  
173.n.36

An quis possit simulatè fidem negare.  
ibidem n.37

Quandonam quis censeatur implici-  
tè fidem negare fol.174.n.38.& seq.

An sit licitum cum hæreticis de fide  
disputare.fol.178.n.46

Dubitare de fide quale sit peccatum.  
fol.186.n.66

## Filius

An teneatur succurrere animæ paren-  
tis existenti in purgatorio.tr.3.disp.  
3 fol.197.n.17

An filiusfamilias possit dare eleemo-  
synas fol.200.n.23

Quarum rerum sit dominus.tr.4.disp.  
1.fol.232.n.12

De furtis filiorum. disp.3.fol.259.n.6.  
& disp.7.fol.309.n.16

An filius plus cæteris fratribus labo-  
rans possit aliquid à patre surripere.  
tr.4.disp.7. fol.311.n.19

An filiusfamilias valeat eligere sepul-  
turam. disp.9 fol.354.n.44

Quando emancipetur à patria pote-  
stare.tr.4.disp.12. fol.460.n.64

Quomodo debeat audire parentes  
in electione matrimonii. tract.5.  
disp.8. fol.700. n.20. & fol.706.  
num.32

*Filius naturalis, vide Spurius.*

*Fæmina, vide Vxor.*

Quando peccet per ornatum super-  
fluum.tr.1.disp.1.fol.4.n.14. & disp.  
5.fol.45.n.8. & 9.

## Fœtus.

An licitè expellatur fœtus ob sanita-  
tem matris. tract.1.disp.5. fol.65.  
n.62

Quo tempore animetur fœtus, ibi-  
dem

## Fornicatio.

An tres fornicationes successivæ sine  
tria peccata. tr.1. disp.4. fol.37.  
n.31

Quid sit, & an explicari debeat,  
quòd cum diversis, vel cum ea-  
dem sæpius sit habita. tr.1. disp.5.  
fol.51.n.29

An explicari debeat,quòd habita fue-  
rit cum filia confessionis, ibidem

An tactus & oscula, quæ fornicatio-  
nem sequuntur, explicari debeant.  
fol.52.n.30

Quid si dubitetur uter ex duobus for-  
nicantibus suscitaverit prolem. fol.  
54.n.32.& 35

An explicari debeat, quòd sollicitatio  
præcesserit. tract.3. disp.3. fol.128  
n.82

An fornicator teneatur meretrici sol-  
vere mercedem.tr.4.disp.7. fol.318.  
n.34

## Frater.

An relicto fratre possit alienus hæ-  
res institui. tract.4. disp.9. fol.252.  
n.36

An frater teneatur dotare sororem. tr.  
5. disp.8. fol.706.n.32

*Fraus, vide Dolus.*

# INDEX RERUM

## Fuga.

An sit licita reo. tr. 4. disp. 10. fol. 411. n. 26

An alii eum ad fugam possint juvare. ibidem n. 27

## Furtum.

An plura peccata committat, qui simul furatur à pluribus. tr. 1. disp. 4. fol. 36. n. 29

Quid de bonâ fide rem furtivam consumente. tract. 4. disp. 4. fol. 264. n. 11

Quid furtum, & quale peccatum. disp. 7 fol. 303. n. 1 & 3

An omnia furta sint ejusdem speciei. n. 2

Quæ quantitas constituat peccatum mortale fol. 304. n. 4

Quid de furto fructuum ex arbore fol. 305. n. 7

Quid de furtis minutis. tract. 4. disp. 4. fol. 267. num. 20. & disp. 7 fol. 305. n. 8

Quid de furante aliquid ab eo, à quo & alii furantur. disp. 7. fol. 307. n. 12

Quid si & ipse antea ab eodem mulctum sit furatus ibidem n. 13

Quid de sartoribus retinentibus particulas fol. 308. n. 14

De furtis uxorum, filiorum, & famulorum. ibidem n. 15. & seq.

Quid de eменте, vel vendente rem furtivam. fol. 312. n. 21. & seq.

In quo valore res furtiva consumpta restitui debeat fol. 315. n. 27

Quid de fructibus perceptis ex re furtiva fol. 316. n. 28

Quid de cooperantibus in furto. fol. 321. n. 41. & seq.

An fur teneatur ad restitutionem cum amissione sui status. tr. 4. disp. 7. fol. 328. n. 60

## G.

### Gabellæ.

An Clerici teneantur solvere gabellam. tr. 2. disp. 4. fol. 133. n. 9

Obligatio eorum, qui prospiciunt solutioni gabellæ. tr. 4. disp. 7. fol. 325. n. 52

Quid est gabellæ disp. 11. fol. 417. n. 9

Quinam possint illam imponere. ibid. n. 10

Super quibus rebus imponi possit. n. 12

An peccent defraudantes gabellam. fol. 418. n. 12

Quid requiratur ad justitiam gabellæ. n. 13

An creditores Principis possint sibi satisfacere non solvendo gabellam. fol. 419. n. 14

Prudens consilium in materia gabellæ ibidem n. 15

Generalis, vide Bellum.

An generales Ordinum Mendicantium possint reducere Missas ad numerum minorem. tr. 5. disp. 4. fol. 553. n. 68

An sacramenta eam causent ex opere operato. tr. 5. disp. 1. fol. 469. n. 20

An causent omnibus gratiam æqualem. fol. 497. n. 23

### Gratia.

Gula.

# MEMORABILIUM:

## Gula

Quale sit peccatum, & quotupliciter committatur. tr.1. disp. 5. fol. 68. n. 70. & 71

Quot sint species gulæ, & an sit gula vesci carne humanâ. Ibid. n. 72. & 73

Quale peccatum gulæ sit excessus usque ad vomitum. fol. 69. n. 74

Quid si gula sit causa infirmitatis, Ibidem.

## H

### Hæres

An necessariò sit instituendus in testamento. tr. 4. disp. 9. fol. 347. n. 28

Quinam possint hæredes institui. fol. 349. n. 32

An relicto fratre possit extraneus hæres institui. fol. 352. n. 36

An hæres obligetur solvere omnia debita, etiam dum hæreditas est insufficientis. Ibid. n. 37

An hæres teneatur solvere legata statim à morte testatoris. fol. 353. n. 41

An ligetur voto sui prædecessoris, disp. 12. fol. 472. n. 92

### Hæresis, Hæreticus.

An hæreticus internus excommunicari possit. tr. 2. disp. 3. fol. 125. n. 38. & 42

An hæretici ligentur legibus ecclesiasticis. disp. 4. fol. 138. n. 23

An omnis hæreticus sit denuntiandus, disp. 6. fol. 159. n. 17

An aliquis possit carere fide sine hæresi. tr. 3. disp. 1. fol. 172. n. 32

An sumens cœnam calvinisticam sit hæreticus. fol. 175. n. 39. & fol. 179. n. 48

An de sua fide interrogatus tacere possit. eodem n. 39

An comedere carnes die Veneris sit signum hæreseos. fol. 176. n. 41

An communicare cum hæreticis sit licitum? Ibidem n. 43

An Catholici licitè transmittant proles suas ad partes hæreticorum. fol. 177. n. 44

An licitum sit cum hæreticis de fide disputare? fol. 178. n. 46

An & ipsorum templa intrare. n. 48. & 49

An legere eorum libros, aut eos imprimere. fol. 180. n. 50. & seq.

Quid si quis certus sit de non secutorum documento. fol. 182. n. 55. & c.

Quid est hæresis, & quàm grave peccatum. fol. 85. n. 64. & 65

An dubius in fide sit hæreticus. fol. 186 n. 66

De pœniis hæreticorum. fol. 187. n. 67

Modus servandus in absolutione hæretici. Ibid. n. 68

An hæretici possint sepeliri in loco sacro? tr. 4. disp. 9. fol. 354. n. 45

### Hermaphroditus

An possit suscipere Ordines? tr. 5. disp. 7. fol. 683. n. 12

An possit inire matrimonium? disp. 8. fol. 741. n. 86

Hermus, vide Dominus.



# INDEX RERUM

## *Homicida, Homicidium.*

- An uno ictu occidere plures homines sit unicum peccatum. tr. 1. disp. 4. fol. 35. n. 27. & 28
- An innocentes in bello licitè occidantur. tr. 1. disp. 3. fol. 213. n. 1. & 51
- An unquam sit licitum occidere seipsum. tr. 4. disp. 5. fol. 272. n. 2. & seq.
- An innocentes indirectè. fol. 274. n. 9
- An inuaforem suum. fol. 275. n. 10. &c.
- Quid si invadat solam famam. fol. 277 n. 17. & 18
- An possit occidi uxor reperta in adulterio. Ibidem.
- Num licitum sit occidere sagam. fol. 278. n. 19
- Ad quid homicida teneatur. n. 20. &c.
- Quibus sit restituendum ob homicidium. fol. 280. n. 24. & seq.
- Quid si homicida subeat pœnam talionis. fol. 281. n. 28
- Quid si læsus ante mortem omnia remiserit. Ibid. n. 29
- Quid si occisus occidentem ad pugnam provocarit. n. 30
- Quid si pari consensu ambo ad pugnam descenderint. Ibidem.
- Quid si homicidium sit casuale. fol. 281. n. 31
- An pro anima, vel alio bono spiritali fieri debeat restitutio. fol. 282. n. 32
- An dum mandans, aut consulens est solum causa accelerationis homicidii, incurrat irregularitatem. tr. 4. disp. 7. fol. 321. n. 42

Quomodo ob homicidium incurrat irregularitas. tr. 5. disp. 5. fol. 664 n. 284

*Honor, vide Fama.*

Quid sit. tr. 4. disp. 6. fol. 284. n. 2

Ob quos titulos alicui debeat, disp. 11. fol. 415. n. 4

## *Hora Canonica*

Bonum remedium contra scrupulosè illas recitantes. tr. 1. disp. 2. fol. 21. n. 21

An in recitante Horas requiratur attentio, & quæ. tr. 2. disp. 3. fol. 126. n. 43. Item tr. 4. disp. 12. fol. 446. n. 25. 26. 28. & 29

An vesperti recitando Matutinum & Laudes, possit satisfieri pro duobus diebus. tr. 2. disp. 6. fol. 133. n. 2. & seq.

An omittere unam Horam sit mortale. fol. 154. n. 5

An qui legit Horas indevote cum animo repetendi, teneatur ad repetitionem. fol. 156. n. 10

Quale beneficium inducat onus horas recitandi. tr. 4. disp. 11. fol. 424. n. 27. & 28

Quid sint Horæ Canonice, & qui ad illas teneantur. disp. 11. fol. 438. n. 12. & 13

Quæ sit materia gravis in omissione Horarum. fol. 439. n. 16

An sit licitum Officium immutare, Horas transponere, &c. fol. 440. n. 17. &c.

An extra chorum omnibus liceat uti Breviario Romano. fol. 441. n. 18

Quo tempore singulæ Horæ dicendæ sint. fol. 442. n. 20

An

# MEMORABILIU M:

An dum duo simul recitant, unus teneatur alterum intelligere. fol. 443

n. 21

Quid de omittente omnes Horas. I. bid. n. 22

De Officio D. V. Defunctorum, &c. fol. 445. n. 23

An carens Breviario teneatur ad psalmos, quos scit memoriter. Ibid. n. 24

Quando quis incipiat obligari ad legendas Horas. Ibidem.

An Sacerdos beneficiatus omittens Horas, peccet dupliciter. fol. 446. n. 27

An satisfiat per recitationem internam. fol. 447. n. 30

Quenam excuset a recitatione Horarum. fol. 448. n. 31. & seq.

An impotens recitare omnes Horas, teneatur ad aliquas: & qui non potest solus, debeat adhibere socium Ibid. n. 32. & 33

Quid de Concionatoribus. fol. 449. n. 34

De privilegio Mendicantium circa Horas. fol. 450. n. 35

## Hora, Horologium.

Quandonam incipiat hora duodecima in horologio. tr. 5. disp. 4. fol. 530. n. 26

*Hospes*, vide *Caupo*.

## Hypocrisis

Quid sit, & quale peccatum. tr. 1. disp. 5. fol. 46. n. 10

## Hypotheca.

An debita hypothecata prius solvi debeant. tr. 4. disp. 7. fol. 320. n. 40

Quid hypotheca, & an res in hypothecam data vendi possit. disp. 9. fol. 393. n. 144

## I

## Ignorantia

An in iactantia debeat exprimi species mali, de quo quis se iactat. tr. 1. disp. 5. fol. 44. n. 2

An debeat dici, utrum commiserit illud malum. Ibidem.

Quandonam iactantia sit mortalis. fol. 45. n. 7

## Idololatria.

An licitum sit comedere carnes idolo oblatas. tr. 3. disp. 1. fol. 176. n. 42

Quid est idololatria. tr. 4. disp. 12. fol. 484. n. 122

## Iejunium.

Quid debet confiteri, qui putans esse jejunium, dum non est, facit contra legem jejunii. tr. 1. disp. 2. fol. 12. n. 5

Qualiter peccet habens voluntatem frangendi jejunium per totam quadragesimam. disp. 4. fol. 36. n. 29

An caupo possit apponere cœnam in die jejunii. disp. 5. fol. 72. n. 82

An opifex famulis hæreticis possit apponere carnes. Ibidem.

## Quoru-

# INDEX RERUM

- Quotuplex est jejunium. fol. 74. n. 88  
 Quot requiruntur ad observationem  
 jejunii Ibid. n. 89  
 Quid de abſtinentia à laſticiiniis, o-  
 vis, & lardo. eodem n. 89. & fol. 76.  
 n. 95  
 An liquidum frangat jejunium? fol.  
 75. n. 90  
 Quid de *lymonade*, *hypocras*, &c. ibid.  
 n. 91  
 Quid ſi ſumatur aliquid per modum  
 medicinæ. fol. 76. n. 92  
 An abſtinentia à carnalibus ſit de eſ-  
 ſentia jejunii? Ibid. n. 93  
 An in Quadrageſima non habens piſ-  
 ces, poſſit edere carnes? fol. 77.  
 n. 96  
 An in eſu carniū detur parvitas ma-  
 teriæ. Ibid. n. 97  
 An licitè dentur carnes pueris & a-  
 mentibus? n. 98  
 De abſtinentia in diebus Rogatio-  
 num. fol. 78. n. 99  
 Quare ſit peccatum edere carnes  
 diebus Veneris. Ibid. n. 100 & ſeq.  
 An prandium interruptum reſumi  
 poſſit. fol. 81. n. 109, & fol. 84.  
 n. 113  
 De collatione vespertina. eodem n.  
 109. n. 114. & ſeq.  
 An ſit novum peccatum poſt binam  
 reſectionem adhibere tertiam. fol.  
 82. n. 110  
 An quis peccet toties, quoties carnes  
 comedit. Ibidem.  
 An poſſit ſumi modicum cibi prop-  
 ter amicum. Ibid. n. 111  
 An aliquid manè licitè ſumatur. n. 112.  
 Quid de ſumente pomum, uvas, aut  
 aliquid aliud, ne potus noceat. I-  
 bidem. n.
- An in vigiliis Nativitatis, Cœnæ Do-  
 mini, &c. licitè ſumatur largior col-  
 latio. fol. 86. n. 117  
 In qua parte diei eſt ſumenda integra  
 reſectio. Ibid. n. 119  
 An miniſtrantes menſæ antea licitè a-  
 liquid ſumant. fol. 87. n. 120  
 An hora undecima licitè ſumatur bu-  
 tyratium Ibidem.  
 Quid deber facere, qui (neſciens eſſe  
 jejunium) manè jentavit. Ibidem  
 n. 121  
 Quinam ligentur præcepto jejunii.  
 fol. 88. n. 122. &c.  
 An ſæminæ citiùs excuſentur quàm  
 viri. fol. 89. n. 126  
 Quanam generaliter excuſent à jeju-  
 nio. Ibid. n. 128 & ſeq.  
 An diſpenſatus à jejunio ob infirmi-  
 tatem ſub initium Quadrageſimæ,  
 cenſeatur abſolutè diſpenſatus pro  
 tota Quadrageſima. fol. 90. n. 128  
 An dolor capitis excuſet. n. 129  
 An carens vino, vel non habens alium  
 cibum præter olera, à jejunio excu-  
 ſetur. Ibid. n. 130  
 Quandonam excuſentur conjuges.  
 fol. 91. n. 131  
 An mulier gravida appetens carnes,  
 licitè eas comedat. Ibidem.  
 Quinam excuſentur ob laborem. n.  
 132  
 Qualeiter excuſet. fol. 92. n. 132. &c.  
 An luſus pilæ & ſimilia Ibidem n. 134  
 Quid de Concionatoribus, Confeſſa-  
 riis, &c. fol. 93. n. 135  
 An Religioſi ſequentes chorū, ex-  
 cuſentur à jejunio. fol. 94. n. 136.  
 &c.  
 An parentes teneantur filios, aut fa-  
 mulos ad jejunandum compellere:  
 & an

# MEMORABILIU M:

& an possint iis cœnam apponere.  
fol. 95. n. 138

An extra horam refectionis possit aliquid apponi deferenti summam pecuniæ debitam. Ibidem.

An lex jejunii sit iusta. tr. 2. disp. 3. fol. 115. n. 7. & 8

An exiens à loco jejunii ad alium, in quo non est jejunium, possit manè jentare, vel etiam carnes comedere. disp. 4. fol. 138. n. 22

An pueri licitè carnes comedant in die jejunii. fol. 139. n. 24

An famulus possit in die jejunii Domino suo carnes preparare. tr. 3. disp. 1. fol. 176. n. 41

An inter hæreticos existens licitè carnes comedat. Ibidem.

## *Ignorans, Ignorantia.*

Quid, & quotuplex sit. tr. 1. disp. 1. fol. 6. n. 19. & seq.

Quandonam causet involuntarium. fol. 7. n. 23. & seq.

Qualis ignorantia excuset à censuris. fol. 9. n. 28

Quid Confessario faciendum cum laborante ignorantia. Ibid. n. 29. & seq.

An in speciebus luxuriæ possit dari ignorantia invincibilis. disp. 5. fol. 65. n. 63

An ignorans legem excusetur ab observatione. tr. 2. disp. 1. fol. 106. n. 12

An ignorans pœnas transgressori impositas, eas incurrat transgrediendo. tr. 5. disp. 8. fol. 729. n. 68. & disp. 5. fol. 655

*Illegitimus, vide Spurius.*

*Impedimentum, vide Matrimonium.*

*Imperator, vide Rex.*

## *Inadvertentia*

Quandonam tollat voluntarium. tr. 1. disp. 1. fol. 8. n. 26

Quid si advertens rem esse malam, non advertat an sit mortalis. Ibid.

An semiplena advertentia sufficiat ad mortale. fol. 9. n. 27

Unde dignoscatur plenitudo advertentiae Ibidem.

An omne peccatum ex inadvertentia possit fieri veniale. fol. 9. n. 28

Qualis inadvertentia excuset à censuris incurrendis. Ibidem.

## *Incestus*

Quid sit, & in quo cognationis gradu terminetur. tr. 1. disp. 5. fol. 55. n. 37

An cognoscere consanguineam suæ sponsæ sit incestus. Ibidem.

An per sodomitiam incestuosam incurrantur pœnæ committentium incestum fol. 62. n. 55

## *Indignatio*

Quid sit, & quale peccatum. tr. 1. disp. 5. fol. 67. n. 69. & fol. 96. n. 144

## *Indulgentia*

Quid sit, & quotuplex. tr. 5. disp. 5. fol. 666. n. 289. & seq.

Quid remittatur per indulgentiam certi temporis. n. 290

A quo possit concedi; & an sine causa. n. 291

Quinam eam possint lucrari: & an opera ad illam requisita debeant exerceri in gratia. n. 292

Hhhhh

An

# INDEX RERUM

An sit necessarium, ut confessio & communio requisitæ fiant ipso die, Ibid. n. 293

An sit absolutè necessarium, ut impleatur opus præscriptum, sitque bonum in individuo. Ibidem.

An debeat fieri ex speciali intentione lucrandi indulgentiam, fol. 667. n. 294

An per idem opus possim plures indulgentias lucrari. n. 295

Quomodo possit applicari defunctis. Ibid. n. 296

De indulgentia sabbatina S. Scapularis. fol. 668. n. 297

*Infamatio, vide Detractio.*

## *Infidelis, Infidelitas.*

An, & in quibus licitum sit communicare cum infidelibus tr. 3. disp. 1. fol. 176. n. 43. & seq.

Quid sit infidelitas. fol. 184. n. 62

Quotuplex sit. fol. 85. n. 64

Quæ infidelitas sit gravius peccatum, Ibid. n. 65

## *Inimicus.*

An, & quomodo debeamus pro inimico orare. tr. 4. disp. 12. fol. 437. n. 9

An in absentia alterius Confessarii quis teneatur suo inimico confiteri. tr. 5. disp. 4. fol. 526. n. 20

## *Injuria, Injustitia.*

Quid sit, & an eam quis potest pati volens. tr. 4. disp. 3. fol. 260. n. 11. & seq.

An illam quis potest facere nolens.

fol. 261. n. 18

## *Innocens*

An in bello occidi possit. tr. 3. disp. 3. fol. 213. n. 51. & 52

Ad quid teneatur, qui occidit innocentem. tr. 4. disp. 5. fol. 278. n. 20

## *Inquisitio.*

Quid liceat Judici, aut Superiori quoad inquisitionem. tr. 4. disp. 10. fol. 402. n. 8

*Infidia, vide Dolus.*

*Instrumentum, vide Notarius.*

## *Intentio*

Quotuplex sit. tr. 5. disp. 1. fol. 490. n. 7  
Quænam requiratur ad Sacramentum. Ibid. n. 8. & 9

## *Interdictum*

An non feratur nisi ob peccatum mortale. tr. 1. disp. 3. fol. 120. n. 21

An incurratur ab ignorante illud esse impositum. tr. 3. disp. 3. fol. 220. n. 65

Quid sit interdictum. tr. 5. disp. 5. fol. 661. n. 274

Quid de Clerico illud violante. n. 275

An Regulares ligentur interdicto communi. Ibidem.

Ob quem finem feratur. n. 267

De interdicto, quo vetatur nubere. tr. 5. disp. 8. fol. 724. n. 58

## *Interpres, Interpretatio.*

An locum habeat in lege naturali. tr. 2

# MEMORABIL IUM.

tr. 2. disp. 2. fol. 111. n. 6. & disp. 5. fol. 140. n. 2

Quid, & quoduplex interpretatio. tr. 2. disp. 5. fol. 140. n. 1

Qualis interpretatio locum habeat in lege positiva. fol. 141. n. 3

Quomodo interpretatio fieri debeat. Ibid n. 4

Cujus sit interpretari legata & testamenta dubia. tr. 4. disp. 9. fol. 348. n. 19

Quomodo interpretandus est consensus Superioris in actum alias prohibutum. tr. 4. disp. 12. fol. 470. n. 88

An quis in confessione teneatur uti interprete. tr. 5. disp. 5. fol. 599. n. 138. & 159

## Interrogatio.

Quomodo Confessarius instituet illam circa materiam luxuriae. tr. 1. disp. 5. fol. 66. n. 65. & tr. 5. disp. 5. fol. 604. n. 167

An circa alia teneatur interrogare. tr. 5. disp. 5. fol. 603. n. 166  
Invasor, vide Homicida.

## Inventa

Ad quem pertineant. tr. 4. disp. 1. fol. 244. n. 46. & seq.

An si dentur pauperi, debeat hic ea restituere, dum postea dominus appareat. fol. 245. n. 49

Quid si illis consumptis dominus appareat. disp. 4. fol. 264. n. 11

## Invidia

Quid sit, & quale peccatum. tr. 1. disp. 5. fol. 67. n. 66

Quenam sint ejus filia. Ibid n. 67  
Subinde æmulatio reputatur invidia. n. 68

## Ira

Quid sit, quale peccatum, & quot habeat filias. tr. 1. disp. 5. fol. 96. n. 140

## Irregularitas

Ob quam culpam incurratur. tr. 2. disp. 3. fol. 121. n. 22

Quandonam mandans homicidium illam incurrat. tr. 4. disp. 7. fol. 321. n. 42

Quid irregularitas: an sit censura: & an ignorans eam incurrat. tr. 5. disp. 5. fol. 662. n. 277

Ob quæ incurratur. Ibid. n. 278. & seq.

Quomodo peccat irregularis suscipiens Ordines. fol. 664. n. 286

Quis possit dispensare in irregularitate. fol. 665. n. 287

Irritatio, vide Votum.

Quid irritatio, & quis possit vota irritare. tr. 4. disp. 12. fol. 460. n. 63

Iubilium, vide Indulgentia.

## Judeus, Judaismus.

An sit licitum communicare cum Judæis. tr. 3. disp. 1. fol. 177. n. 45

Quid sit Judaismus. fol. 185. n. 64

An sit peccatum gravius quam hæresis. fol. 186. n. 65

## Judex, Judicare.

Secundum quæ jura debeat judicari  
H h h h h 2 in

- in dispositione ad piam causam. tr. 4. disp. 9. fol. 346 n. 27
- An sit licitum judicare. tr. 4. disp. 10. fol. 397. n. 1
- Quenam requirantur in Judice. n. 2
- Quid si non sit capax rem per se judicare. Ibidem.
- An teneatur semper judicare. juxta leges. fol. 398. n. 3
- In dubio an causa sit civilis, vel ecclesiastica, ut dum Clericus in concubinato vivit cum filia seculari, ad quem spectet judicium, Ibid.
- Quid faciet Judex, dum quis probatur nocens, quem novit esse innocentem, vel e contra. fol. 399. n. 4. & 5
- An Judex possit monere Advocatum committentem errorem in defendenda causa sui clientis. fol. 400. n. 6
- Quid faciet, dum causa litis est utrimque æquæ probabilis. fol. 401. n. 7
- Quid liceat Judici quoad inquisitionem. fol. 402. n. 8. & 9
- Quid ipsi servandum quoad torturam. fol. 403. n. 10. & 11
- An Judex possit acceptare munera. Ibid. n. 12
- Quandonam committat acceptationem personarum. tr. 4. disp. 11. fol. 415. n. 3
- Quomodo fiat irregularis. tr. 5. disp. 5. fol. 663. n. 280
- Judicium temerarium*
- Quid sit, & quale peccatum. tr. 4. disp. 6. fol. 295 n. 34
- Juramentum, Jurare.*
- Quandonam juramentum sit validum, tr. 4. disp. 8. fol. 335. n. 12
- Quando contractus juramento firmetur. Ibid. n. 13
- An juramentum rei de non fugiendo obliget. disp. 10. fol. 411. n. 28
- Quid est juramentum. disp. 12. fol. 473. n. 94
- Quid maximè attendendum in juramento. Ibid. n. 95. & 96
- Quotuplex est juramentum. fol. 474. n. 97
- An, & quando sit licitum. fol. 475. n. 99
- Quid requiratur ut debitè fiat. n. 100
- Quale peccatum sit perjurium. Ibid. n. 101. & 102
- An omne juramentum promissorium obliget. fol. 476. n. 103
- An obliget juramentum de non communicanda alteri arte sanandi certam infirmitatem. Ibidem.
- An possit recipi juramentum à pejurato. fol. 477. n. 104
- Quale peccatum sit jurare ex consuetudine. Ibid. n. 105
- Quid dedicente, hoc tam verum est, quàm verbum caro factum sit. Ibid.
- Quid de perjuriis promissoriis inter aulicos, amasias, &c. fol. 478. n. 106
- De juramento elicto ex metu. fol. 479 n. 107
- Quandonam cesset obligatio juramenti. Ibid. n. 108 & seq.
- Quid de jurantelatroni, se eum non denuntiaturum. Ibidem.
- De irritatione, commutatione, & dispensatione juramenti. fol. 480. n. 109
- Quas pœnas incurrat perjurus. fol. 481. n. 112

# MEMORABILIU M.

An Scabinus perjurium committat,  
dum jurat, se non sollicitasse, ibid.  
n. 113. &c

An quod audiui à viro probo possim  
juramento affirmare, fol. 483. n. 119

An standum sit juramento, quo mater  
jurat, talem esse patrem prolis suæ  
illegitimæ, tr. 5. disp. 2. fol. 514. n. 30

*Iurisdicctio*, vide *Dominium*.

*Ius.*

Quid & quotuplex sit, tr. 4. disp. 1. fol.  
229. n. 2. & seq.

*Iustitia*

Quàm necessaria sit hujus, sicut & ju-  
ris notitia, tr. 4. fol. 229

Quid, & quotuplex iustitia, tr. 4. disp. 3  
fol. 257. n. 1. & seq

Inter quos intercedat vera iustitia. fol.  
259. n. 5. &c.

*L.*

*Lactitima.*

Quando, & sub quo peccato ab iis ab-  
stinendum sit, tr. 1. dis. 5 fol. 74. n. 89.

An dum hæc licite comeduntur, et-  
iam licite comedatur pinguedo.  
fol. 76. n. 95

*Laridum*, vide *Iejunium*.

*Legatum.*

Quid sit, tract. 4. disp. 9. fol. 344. n. 21

Cui Ecclesiæ debetur legatum reli-  
ctum Ecclesiæ simpliciter. fol. 347.  
n. 27

Inter quos pauperes distribui debent

legata relicta pauperibus in com-  
muni: & quid faciendum dum no-  
minatus pauper nequit inveniri, eo-  
dem n. 27. & tr. 3. disp. 3. fol. 196. n. 15.

An quod est legatum pauperibus, pos-  
sit applicari Ecclesiæ. tr. 4. disp. 9. fol.  
347. n. 27

Dum legata est res indeterminata, cui  
competat electio, fol. 348. n. 29

Quid si dubium sit, utri ex duobus le-  
gatum sit relictum, ibidem

Quid si Mendicantibus legentur im-  
mobilia, fol. 350. n. 32

Quid si res aliena legata fuerit, aut res  
legata à testatore ante mortem alie-  
netur, ibidem

*Legitimus*, vide *Spurius*.

An educatus inter legitimos, teneatur  
credere matri dicenti, illum non es-  
se legitimum, tr. 1. disp. 4. fol. 54. n. 33

An proles exposita censeatur legitima,  
fol. 54. n. 35

An nata septimo, aut duodecimo  
mense post matrimonium, ibidem

*Lex, Legislator.*

Unde dignoscatur, legem graviter, aut  
leviter obligare, tr. 1. dis. 4. fol. 29. n. 5

Undenam materia legis judicetur  
gravis aut levis, fol. 30. n. 10

Quod motivum requiratur ad conti-  
nuandam legem, disp. 5. fol. 79. n. 104

Quid lex, & quid requiratur ut sit ob-  
ligatoria, tract. 2. disp. 1. fol. 102. n. 1.  
& seq

Quotuplex sit lex, fol. 103. n. 4

An ad obligationem legis requiratur  
promulgatio, ibidem n. 5

Quomodo promulgatio sit facienda.  
fol. 104. n. 6

Hhhhh 3

Quan-



# INDEX RERUM

Quandonam lex incipiat obligare, ibidem n. 7. & 8

An lex Papalis Romæ promulgata obliget ubique. o5. n. 9. & 10

An lex obliget ignorantes eam fol. 106 n. 12

An ad obligationem legis requiratur acceptatio. fol. 107 n. 13. & seq.

Quid si lex à majori parte communitatis non observetur. fol. 108. n. 15.

Quis possit leges condere, ibidem n. 17. & c

Quid est lex naturalis & an in ea possit fieri mutatio. tr. 2. disp. 2. fol. 110. n. 1. & c.

Ad quæ lex naturalis humana extendatur. fol. 112 n. 8

An possit à corde hominis aboleri, ibi. n. 10

Quid lex Divina positiva. fol. 113. n. 11.

Quotuplex sit, & quid præcipiat. ibidem n. 12. & 13

An semper obliget sub peccato, ibidem n. 14

An in ea possit fieri mutatio, fol. 114. n. 16

Quanam lex observari debeat dum duæ impossibiles occurrunt ibi.

An in hominibus sit potestas condendi leges tr. 2. disp. 3. fol. 114. n. 1. & seq

An legislator omne bonum possit præcipere, fol. 116. n. 9

An lex humana obliget sub peccato, ibidem n. 11. & seq

Unde colligatur, legem civilem obligare sub culpa vel pœna fol. 118 n. 18

Quanam materia legis dicatur gravis, vel levis. fol. 120. n. 20

Unde colligatur, legem ecclesiasticam obligare sub culpa gravi, aut levi, ibidem n. 21 & seq

Unde dignoscatur legislatorem intendere obligationem gravem. fol. 121 n. 25

Quando lex humana obliget cum periculo vitæ. tr. 2. disp. 3. fol. 122. n. 26 & seq

An obliget ad actus internos. fol. 124. n. 32 & seq

An ad externos occultos, fol. 127. n. 48 & c

An legislator subjiçiat legi propriæ, tr. 2. disp. 4. fol. 130. n. 1. & c

An Clerici subjiçiantur legibus civilibus, & an Religiosi synodalibus. fol. 132. n. 6. & c

Quibus legibus teneantur peregrini & vagi, fol. 134. n. 12. & seq

An pueri & amentes ligentur legibus, fol. 138. n. 23. & seq

An Catholici inter hæreticos ligentur legibus Ecclesiasticis, eod. n. 23

In quam legem cadat interpretatio, & epicheia, tr. 2. dis. 5. fol. 140. n. 1. & seq

Quæ lex dicatur favorabilis, & quæ odiosa, fol. 141. n. 4

Quot modis lex possit cessare. fol. 142. n. 5

An cesset cessante fine legis. ib. n. 6 & c

Quandonam cesset per contrariam consuetudinem. fol. 145. n. 11 & seq

Unde colligatur, consuetudinem inducere obligationem legis. fol. 146 n. 14 & seq

Quid si lex dicat, non obstante quacumq; consuetudine in contrarium fol. 147. n. 16

De cessatione legis per dispensationem. fol. 148. n. 17. & seq

Quid requiritur, ut quis verè satisfaciatur legi, tr. 2. dis. 6. fol. 152. n. 1 & seq

An, & quæ intentio ad hoc requiratur fol. 156. n. 9 & seq

De

# MEMORABILIU M.

De legibus præcipientibus fieri denuntiationes, fol. 157. n. 12. & seq

## *Libellus famosus*

Quid sit, & quid de eo, qui est illius causa tr. 4. disp. 6. fol. 301. n. 51

## *Liber.*

Quale peccatum sit legere librum inhonestum, tr. 1. disp. 5. fol. 46. n. 13

Qualiter inhibetur sit legere, imprimere, aut retinere librum hæreticum, tr. 3. disp. 1. fol. 180. n. 50

Quis hic intelligatur nomine legentis, aut imprimentis, ibidem n. 51. & seq

Quandonam prædicti incurrant excommunicationem, fol. 181. n. 55

## *Liberum.*

Quid sit liberum, & quid potentia libera, tr. 1. disp. 1. fol. 2. n. 6

An liberum à voluntario distinguatur, & quomodo, fol. 3. n. 10. & 11

Quid requiritur, ut omisso, & quæ ex ea sequuntur sint libera, fol. 4. n. 12

Quomodo vis, metus, & concupiscentia se habeant ad liberum, fol. 5. n. 15 & c

Quomodo ad liberum se habeant ignorantia, & inadvertentia, fol. 7. n. 23. & c

## *Licet*

An possit se animare haustu sanguinis humani, tr. 1. disp. 5. fol. 69. n. 73

## *Lignatio.*

An sit licitum ex sylva aliena ligna ce-

deretract. 4. disp. 1. fol. 240 num 36

## *Litteræ.*

Quale sit peccatum alienas litteras aperire, tr. 1. disp. 5. fol. 47. n. 18. & tr. 4. disp. 6. fol. 290. n. 16

Quomodo peccet scribens litteras amatorias. tr. 1. disp. 5. fol. 49. n. 24. & 25

An quis uti possit scientiâ secreti de sumptu ex lectione alienarum litterarum, tr. 4. disp. 6. fol. 290. n. 16

## *Locatio.*

An quis possit suam domum locare meretrici tr. 3. disp. 3. fol. 228. n. 80. & 81

Quis tenetur ad restitutionem rei locatæ pereuntis. tr. 4. disp. 4. fol. 69. n. 25. & 27. ac disp. 9. fol. 395 n. 148

An licite domus locetur usurario tr. 4. disp. 9. fol. 384. n. 122

Quid est locatio, fol. 394. n. 146

An in casu sterilitatis pensio debeat remitti, ibidem n. 147

An locans teneatur ad damna domus locatæ combustæ, fol. 395 n. 148

An possit conductor ante statutum tempus expellere, aut conductor sponte exire, ibid. n. 149. & 150

An qui pluribus locat suam operam, possit à singulis integrum stipendium exigere, ibidem n. 151

*Lombardus, vide Mons pietatis.*

An lombardi Belgici sint liciti, tr. 4. disp. 9 fol. 385. n. 115. & seq

An eorum præfecti à publicis Religionis exercitiis sint rejiciendi. 387. n. 128.

*Lu-*

# INDEX RERUM

## Ludus

- Quid sit, & an sit licitus, tr. 4. disp. 9.  
fol. 355. n. 46.  
De cogente alterum ad ludum: & de  
fraudibus, ibidem  
• Quid si unus ludentium sit multò pe-  
rior altero, fol. 316. n. 47  
An lucrum ex ludo prohibito restitui  
debeat, ibidem, n. 48  
Quinam ludi sunt prohibiti, fol. 357.  
n. 49  
An quis licitè locet domum suam ad  
ludendum, ibidem  
An qui nihil potest perdere possit lu-  
crum retinere, ibidem, n. 50  
An qui amittit, possit lucrantem cogere,  
ut in lusu persistat, fol. 358. n. 51  
An licitum sit ludere pro precibus fol.  
359. n. 53. & tract. 4. disp. 11. fol. 434.  
n. 44  
*Lunaticus*, vide *Amens*.

## Luxuria.

- Quid sit, & quot ejus species, tr. 1. disp.  
5. fol. 48. n. 20  
An in ea detur parvitas materiæ, fol. 50  
n. 25  
An in speciebus luxuriæ possit dari ig-  
norantia invincibilis, fol. 65. n. 63  
Quomodo Confessarius debeat circa  
hanc materiam interrogare, 66. n. 65  
An explicari debeat sollicitatio. tr. 3.  
disp. 3. fol. 228. n. 82.  
An pretium actus luxuriosi possit re-  
tineri, tract. 4. disput. 7. fol. 317  
n. 32

## M.

### *Magia.*

- De ea agitur tr. 4. disp. 12. fol. 484. n.  
123 & seq.  
An magus licitè solvat maleficium. fol.  
481. n. 124  
Quid de reperiiente magum, ibid.

### *Magistratus.*

- An possit leges condere. tr. 2. disp. 1.  
fol. 110 n. 23  
An licitè expellat pauperes ex civitate,  
tr. 3. disp. 3. fol. 197. n. 16  
An possit indicere bellum. fol. 210.  
n. 44

### *Maledictio*

- Quid sit, & quale peccatum. tr. 1. disp. 5  
fol. 98. n. 149  
Quid de maledicente dici, brutis, &c.  
ibidem  
Unde colliges an quis solo ore maledi-  
xerit. ibid. n. 150. & 151  
*Maleficium*, vide *Magia*.

### *Malitia.*

- Unde sumatur malitia peccati. tr. 1. disp.  
3. fol. 23. n. 1. & fol. 25. n. 1. & seq  
Quid malitia propriè dicta, tr. 1. disp. 5.  
fol. 100. n. 154

### *Mammilla.*

- An fœminæ licitè mammillas denu-  
dent, tr. 1. disp. 5. fol. 45. n. 8  
An ideò possint à Communione repel-  
li ibidem

## Man-

# MEMORABILIUM.

## Mandans

Quis veniat nomine mandantis. tr. 4.  
disp. 7. fol. 321. n. 41

An mandans teneatur ad restitutionem: & quo loco. n. 42. & fol. 325. num. 54

*Maritus, vide Conjux.*

Quomodo peccet imprecans uxori, aut sibi ipsi mortem. tr. 3. disp. 3. fol. 209. n. 40

An possit fieri miles uxore inconsultâ. fol. 213. n. 50

An miraculosè resuscitatus priori suæ uxori adherere teneatur. tr. 4. disp. 4. fol. 263. n. 4

An maritus possit uxorem in adulterio deprehensam occidere. disp. 5. fol. 278. n. 18

An etneatur interdum uxorem verberare. disp. 6. fol. 287. n. 7

Quomodo peccet eam vocando sagam & meretricem &c. Ibid.

An maritus possit sollicitare, ut uxor eum hæredem instituat. tr. 4. disp. 9. fol. 352. n. 36

An possit vovere castitatem. fol. 457. num. 57

An possit irritare vota suæ uxoris. disp. 12. fol. 460. n. 65. & tr. 5. disp. 8. fol. 726. n. 62

## Martyrium

Quid est martyrium, quis ejus effectus, & quomodo possit locum Baptismi obtinere. tr. 5. disp. 2. fol. 506. num. 18

## Materia

Quænam dicatur materia gravis aut levis in moralibus: & an plures leves constituant unam gravem. tr. 1. disp. 3. fol. 30. n. 9. & seq. ac fol. 120. num. 20

## Matrimonium

An Confessarius debeat monere pœnitentem de impedimento matrimonii contracti, vel contrahendi. tr. 1. disp. 1. fol. 9. num. 30. & 31

An votum contrahendi matrimonium obliget. tr. 4. disp. 12. fol. 459. n. 60. & tract. 5. disput. 8. fol. 715. num. 44

An matrimonium pœnitenti possit imponi pro pœnitentia. tr. 5. disp. 5. fol. 608. n. 174

Quid sit matrimonium, & quando institutum. disp. 8. fol. 704. n. 25

Quid materia, & forma matrimonii. n. 28. & 31

An merus irritet contractum matrimoniale. n. 29

Quid de matrimonio conditionato. fol. 705. n. 30

An requiratur consensus parentum. num. 32

Quid de fictè matrimonium contrahente. fol. 707. n. 33

An dicenti se fictè contraxisse, fides habenda sit. Ibidem.

Quis est minister illius: & an necessariò requiratur præsentia Parochi. fol. 708. n. 34

Coram quo Parocho contrahi debeat. fol. 709. n. 35

# INDEX RERUM

Quid est contrahere in facie Ecclesiæ,  
prout à Tridentino præcipitur fieri.  
Ibidem.

Casus curiosus de interpretativa vol-  
untate Parochi proprii, ut alienus  
matrimonio assit. Eodem n. 35.  
fol. 710

Quales possint assumi testes. Ibid.

An Catholici possint contrahere co-  
ram ministro hæretico. fol. 712.  
num. 36

An possint interesse convivio nuptiali  
hæreticorum. Ibidem

An possit matrimonium contrahi per  
procuratorem, aut litteras. fol. 714.  
num. 39

An qui contrahit per procuratorem,  
debeat esse in gratia. n. 40

Quæ ætas requiritur in contrahente  
matrimonium. Ibid. n. 42

An, & qualiter matrimonium sit sub  
præcepto. fol. 715. n. 43.

An & qualiter sit insolubile: & an sol-  
vatur per ingressum religionis. Ibid.  
n. 45. & 46

Quandonam solvi possit quoad tho-  
rum, & cohabitationem. fol. 716. n.  
47. & seq.

An uxor teneatur sequi maritum: & an  
ad hoc debeat cogi. fol. 717. n. 49

Quandonam matrimonium censetur  
consummatum. fol. 718. nu-  
mer. 50

De denuntiationibus, quæ præcedere  
debeat matrimonium. Ibid. num.  
51. & c.

Quid faciat Parochus, qui solus no-  
vit impedimentum matrimonii.  
fol. 722. n. 56

De impedimentis matrimonii in ge-  
nerali. fol. 723. n. 57.

De impedimentis impediendis, &  
Ecclesiæ vetito. n. 58.

De impedimento erroris. fol. 724.  
num. 60

De impedimento conditionis. 725.  
num. 61

De impedimento voti. Ibid. n. 62

De impedimentis consanguinitatis, &  
affinitatis. fol. 727. num. 63. &  
seq.

An ignorans affinitatem ex copula il-  
licita esse impedimentum dirimens,  
cum sic affini validè contrahat. fol.  
729. n. 68

An quis possit contrahere stante im-  
pedimento dubio. fol. 731. nu-  
mer. 70

De impedimento criminis. 732. n. 72.  
& seq.

An viricidium sit impedimentum sic-  
ut uxoricidium. fol. 733. n. 74.

De disparitate cultus, & vi. fol. 735.  
n. 76. & 77

An Catholicus licitè ducat hæreti-  
cam. Ibidem.

De impedimento ligaminis. fol. 736.  
num. 78

Quæ certitudo de morte conjugis re-  
quiratur, ad ineundum aliud matri-  
monium. fol. 737. n. 79

De impedimento publicæ honestatis.  
fol. 738. n. 80.

Quid si quis iniverit sponsalia cum  
duabus sororibus. fol. 739. n. 81

De impedimentis amentię. & clan-  
destinitatis. Ibidem numer. 82. &  
83

De impotentia. n. 84. & 85.

De impedimento raptus. fol. 741.  
num. 87

Qui-

Quinam valeant dispensare in impedimentis matrimonii. fol. 742. n. 88. &c.

Quæ hæc sint ad hoc causæ iustæ. 743. num. 90

Quid respondebis interroganti, num matrimonium validè contrahatur cum impedimento non dirimente. fol. 744. n. 92

An exercere actum matrimonialem sit meritorium. fol. 745. n. 93. & fol. 747. n. 98. ac seq.

Quid respondebit Confessarius interrogatus, quænam peccata possint committi inter conjuges. fol. 751. num. 109

*Matrimonium clandestinum.*

An valeat in Hollandia &c. tr. 5. disp. 8. fol. 711. n. 36

An Belgæ validè contrahant clandestinè in locis ubi Tridentinum non est admissum. fol. 712. n. 37

Quid si unus sponforum in illis locis habitet. Ibidem

An quis in articulo mortis validè contrahat clandestinè. fol. 713. numer. 38

Quid facient qui diu in concubinato vixerunt aliis putantibus eos esse veros conjuges. Ibidem.

Quomodo clandestinitas dirimat matrimonium. fol. 739. n. 83

*Medicus*

An debeat semper adhibere remedia tutiora. tract. 1. disput. 2. fol. 18. num. 15

An possit dare medicinam, de qua

dubitatur, an sit profutura an obfutura. Ibidem n. 16

Quomodo peccet medicus se exponens sine sufficiente scientia. tr. 1. disp. 5. fol. 47. n. 15

An possit mederi fœminæ cum periculo pollutionis. fol. 59. n. 48

An ligeretur præcepto de non curando infirmum non confessum. tr. 5. disp. 5. fol. 461. n. 235

*Mendacium*

An semper sit peccatum. tr. 1. disp. 1. fol. 6. n. 17

An possit quis fateri crimen, quod non fecit, ut fugiat tormenta. tr. 4. disp. 5. fol. 273. n. 5

An restrictio mentalis contineat mendacium. disp. 10. fol. 409. n. 25

Quale peccatum sit mentiri in confessione. tract. 5. disput. 5. fol. 605. n. 170

*Mendicantes, vide Ordines Mendicantes.*

*Meretrix*

An ei possit elocari domus. tr. 3. disp. 3. fol. 228. n. 80. & 81

An teneatur pretium illiciti usus corporis sui restituere: maximè si illud obtinuit à filio familias. tr. 4. disp. 7. fol. 317. n. 32. & seq.

An qui cum meretrice rem habuit absque ulla conventionē, teneatur ad mercedem solitam. fol. 318. n. 34

Quomodo meretrix explicabit numerum suorum peccatorum. tr. 5. disp. 5. fol. 602. n. 164

# INDEX RERUM

## *Merx, Mercator.*

Quo pretio merx vendi, & emi debeat. tract. 4. disp. 9. fol. 360. num. 57. & seq.

Quid de axioma, *mercesultronea vilesunt.* fol. 363. n. 64

An merx possit carius vendi ob dilationem solutionis. fol. 346. n. 66

An liber mercatoris faciat fidem. Ibidem

## *Merus*

Quid, & quod simplex sit. tr. 1. disp. 1. fol. 5. n. 16

Quomodo se habeat ad voluntarium & liberum. Ibid. n. 17. & 18

An quod ex gravi metu contra præceptum sit, sit peccatum. Eodem num. 17

An metus irritet contractum. tract. 4. disp. 8. fol. 333. n. 6. & seq.

An irritet votum. disp. 12. fol. 451. num. 43

An iuramentum factum ex metu obliget. fol. 479. n. 107

An metus irritet sponsalia. tr. 5. disp. 8. fol. 702. n. 21

An matrimonium. fol. 705. n. 29. Item fol. 736. n. 77

## *Miles*

An teneatur servare stationem cum periculo vitæ. tr. 2. disp. 3. fol. 123. n. 27. & seq.

An cum eodem periculo teneatur pugnare. Ibidem.

Quid de testamento militis tr. 4. disp. 9. fol. 345. n. 24

Quid de librantiis militaribus. fol. 365. n. 68

## *Minores.*

An possint dare eleemosynas. tract. 3. disp. 3. fol. 200. n. 23

An possint validè contrahere. tract. 4. disp. 8. fol. 336. n. 16

*Missæ, vide Eucharistia.*

Quomodo peccet Sacerdos, qui voluntariè distrahitur tempore consecrationis. tract. 1. disp. 5. fol. 100. num. 154

An requiratur attentio ad auditionem Missæ. tract. 2. disp. 3. fol. 126. num. 43

An exiens extra territorium, in quo est festum, teneatur audire Missam. disp. 4. fol. 137. n. 21

Quandonam pueri primò obligentur ad audiendam Missam. fol. 139. n. 25. & tr. 5. disp. 4. fol. 567. n. 95

An qui interest Missæ cum animo per hoc non satisfaciendi præcepto, adhuc satisfaciatur. tr. 2. disp. 6. fol. 156. n. 10

An infidelis possit interesse Missæ. tr. 3. disp. 1. fol. 176. n. 43

Ubi debeant dici Missæ, dum Ecclesia assignata est diruta. tr. 4. disp. 9. fol. 347. n. 27

Qui ex necessitate dicit Missam post commissum peccatum mortale elicitâ solum contritione, quomodo teneatur statim post confiteri. tr. 5. disp. 4. fol. 527. n. 22

Quid est Missa, & quid offertur in ea. fol. 547. n. 56

An sit valoris infiniti. fol. 548. numer. 57

Au

# MEMORABILIUM.

An plura stipendia accipi possint pro una Missa. fol. 549. numer. 59. & seq.

Qualis intentio requiratur in applicante Missam. fol. 550. n. 61

Qua intentione hic melius utantur Religiosi. Ibidem & fol. 553. numer. 68

Quotuplex est fructus Missæ. fol. 551. num. 63

An pro diversis fructibus applicatis possint accipi plura stipendia. num. 64. & c.

An qui est obligatus ex stipendio ad Missam possit eam alteri adhuc applicare ex charitate. fol. 553. n. 67

Quid si quis non possit omnibus obligationibus satisfacere. num. 68

A quo possint Missæ reduci ad minorem numerum. Ibidem.

An post acceptum stipendium possit celebratio Missæ diu differri. fol. 554. num. 69

An licitè celebretur ad intentionem illius, qui primus postea offeret stipendium. Ibidem num. 70

An acceptâ summâ majori pro Missis, possint alii conduci summâ minori. fol. 555. n. 71

An id non liceat Sacellano, aut beneficiato de Missis, quas ex officio teneantur legere. Ibidem.

An sit mortale omittere unicam Missam, pro qua datum stipendium. fol. 556. n. 72

Quanta est obligatio ad tres Missas, quas Episcopi jubent dici ab iis, qui suscipiunt Sacerdotium. Ibidem.

An obligatus ad Missam quotidianam, qui per paucos dies ægrotat,

teneatur Missas omittas per alium supplere. fol. 557. n. 73

An qui quotidie tenetur celebrare pro fundatore sui beneficii, possit interdum celebrare pro se. num. 74

An possit semel in hebdomada vacare. Ibid. num. 75

An obligatus ad celebrandum in certo loco, possit aliquando alibi celebrare. Ibid.

An singulæ Missæ sigillatim dicendæ sint sicut petuntur. Ibid.

Ubi, quando, & quoties sit celebrandum. fol. 558. n. 76. & 77

An possit celebrari ante lectum matutinum. Ibid.

An exstet præceptum obligans Sacerdotes ad celebrandum. fol. 559. num. 78

Quandonam licitum sit binare. num. 79

An licitè dicatur Missa privata in Cœna Domini. Ibidem num. 80

Quid de Missis celebrandis in altari privilegiato. fol. 560. n. 81

Quomodo succurrendum defectibus in Missa occurrentibus. Ibidem num. 82. & c.

An unquam liceat sub unica specie consecrare. fol. 561. n. 84

An celebrans teneatur sumere Hostiam à se in præsentî Missa consecratam. num. 85

Quandonam sumendæ sint particule in corporali, aut pixide inventæ. Ibidem.

An omnia observari debeant, quæ habentur in Missali: & quid si aliquid ex Canone omittatur, vel quis tempore Canonis distrahatur. fol. 563. num. 88



De vestibus, & aliis ad celebrandum requisitis. fol. 564. numer. 89. & seq.

An in necessitate loco Purificatorii licitum sit uti strophio. --- num. 90

Andum semel in calice, &c. quis celebravit, necessaria sit ulterior benedictio. Ibidem.

Quomodo peccat Sacrifica, qui suo tempore non curat mundari, quæ altari deferviunt. fol. 565. num. 92

An sit necessarius qui celebranti ministrat. --- num. 94

An illud munus obire possit mulier. Ibidem.

De præcepto audiendi Missam fol. 566. num. 95.

An Sacerdos teneatur celebrare dum non potest alterius Missam audire Ibidem.

An requiratur attentio, & intentio in audiente Missam. fol. 567. num. 96. & 97

Quid si quis tempore Missæ confiteatur. fol. 569. n. 98. & 104

Quorum librorum lectio impediat auditionem Missæ, & quisnam dicatur esse præsens corpore. Ibidem.

An duæ mediæ partes auditiæ conficiant integram Missam. fol. 570. num. 99. & 100

Quenam pars Missæ omiſſa cause: mortale peccatum: & quid de seroventibus fol. 571. n. 101

Quenam excuset ab audienda Missa, fol. 572. n. 102. & seq.

An excuset auditio concionis, aut catechismi dum simul Missa audiri non potest, fol. 574. n. 104

An seculares teneantur audire Missam in templo parochiali, & non satisficiant eam audiendo in domo privata, aut in Ecclesiis Mendicantium. Ibidem num. 105

An habens privilegium curandi Missam legi in domo sua, teneatur in casu infirmitatis illam domi audire: Ibidem.

*Monialis, vide Religiosus.*

An teneatur legere Horas canonicas. tract. 4 disp. 12. fol. 439 n. 14

Quoties ad monialem infirmam communicandam possit Confessarius ingredi clausuram, tract. 5. disp. 4. fol. 532. n. 30

An monialis possit confiteri extraneo Confessario. tract. 5. disp. 5. fol. 623. num. 202

*Monopolium.*

Quid sit, quot modis fiat, & quale sit peccatum. tract. 4. disp. 9 fol. 369. n. 78. &c.

*Monspietatis.*

Quid sit, & an montes Belgii dicendi sint pii. tract. 4. disp. 9. fol. 384. num. 124

Quid de praxi Burſæ Antverpiensis, fol. 387 num. 129

An census supra montes fundati sint liciti. fol. 388. n. 130

*Motus turpes.*

Quando sint peccaminosi. tract. 1. disp. 5. fol. 48. n. 21

An licite in iis nos habeamus negativè:

# MEMORABILIUM.

tivè : & quomodo illis resistent  
dum sit. fol. 49. n. 23

*Mulier, vide Vxor.*

## Mutilatio.

An licitum sit seipsum mutilare. tract.  
4. disp. 5. fol. 273. n. 6

Quid si medicus ordinet mutilationem. Ibid.

An licitè quis permittat se castrari.  
num. 7

Ad quid tenetur qui alterum mutilavit injustè. fol. 278. numer. 20. & seq.

## Mutuum.

An valeat condere testamentum tract.  
4. disp. 9. fol. 349. n. 30.

An, & quomodo obligetur præcepto confessionis. tract. 5. disp. 5. fol. 599. num. 158

*Mutuum, vide Vtura.*

Quid mutuum, & quæ ejus materia.  
tract. 4. disp. 9. fol. 371. n. 84

## N.

### Necessarium, Neceffitas.

Quid est necessarium necessitate medii, & præcepti. tract. 3. disp. 1. fol. 166. n. 14

Quæ est neceffitas extrema spiritualis.  
disp. 3. fol. 194. n. 7

Quæ communis, gravis, & extrema corporalis. fol. 195. n. 10

An existenti in extrema neceffitate succurri debeat per donationem absolutam fol. 197. n. 17

An qui est in extrema vel valde gravi neceffitate, possit capere alienum.  
fol. 201. n. 25

## Negotiatio.

Quid sit. An, & quibus sit licita. tract.  
4. disp. 9. fol. 369. n. 82. & 83

## Notarius.

Quanta in eo requiratur scientia. tr. 4.  
disp. 10. fol. 414. n. 35

An ipse instrumentum, etiam in quo aliquid de substantialibus deletum est, faciat plenam fidem. Ibidem

Quid si aliud reperiat in instrumento, quàm in protocollo. Ibidem.

## Notorium.

Quandònam crimen aliquod dicatur notorium. tr. 4. disp. 6. fol. 293. n. 27

## Nundina.

De iis agitur. tract. 4. disp. 9. fol. 373. num. 93

## O.

### Obduratio.

Quid sit, & quale peccatum. tract. 1.  
disp. 5. fol. 48. n. 19

### Obedientia.

An dubitans de licentia actus præcepti, aut de potestate præcipientis, teneatur obedire. tract. 1. disp. 2. fol. 14. n. 12

Quan-

# INDEX RERUM

Quandonam obedientia obliget sub mortali. disp. 5. fol. 46. n. 12  
 Quandonam Religiosus peccet contra votum obedientiae. tract. 4. disp. 12. fol. 469. n. 85. & 88

## Observantia vana.

Quid sit, quotuplex, & quale peccatum. tract. 4. disp. 12. fol. 484. n. 124

## Obstetrix.

An quilibet in casu necessitatis teneretur subire munus obstetricis. tract. 3. disp. 3. fol. 194. n. 8  
 An omittat superstitionem, si ad faciendum partum proferat, & *Verbum caro factum est*. tract. 4. disp. 12. fol. 483. n. 121  
 An baptizans debeat esse in gratia. tr. 5. disp. 1. fol. 503. n. 10  
 An teneatur scire formam baptismi. disp. 2. fol. 509. n. 24  
 An comittat superstitionem collocando se inter patrinum & matrinam, ne hi contrahant cognationem spirituales. fol. 510. n. 25

## Occasio peccati.

Quænam sit proxima, & quale peccatum sit se ei exponere: & quomodo sit confitendum. tract. 1. disp. 4. fol. 32. num. 18. & disp. 5. fol. 59. num. 48.  
 Item tract. 5. disp. 5. fol. 630. n. 213  
*Occisio, vide Homicidium.*

## Odiu.

An simul tendens in decem homines

sit unicum peccatum. tract. 1. disp. 4. fol. 35. n. 27

Quomodo odia sint restringenda. tr. 2. disp. 5. fol. 141. n. 4

Quænam lex, aut causa dicatur odiosa. Ibidem.

Quid sit odium, & an Deus possit odio haberi. tract. 3. disp. 3. fol. 207. n. 37

Quale peccatum sit odium Dei, aut proximi. fol. 208. n. 38. & 39

An optare alteri malum sit semper peccatum odii. Ibid. n. 40

Quid de optante mortem sibi ipsi. Ibidem.

## Officium, vide Beneficium.

Quænam officia obligent ad præstandum iuramentum obediendi Ecclesie Romanæ. tract. 3. disp. 1. fol. 173. num. 36

An ineptus eligi possit ad officium sæculare. tract. 4. disp. 11. fol. 416. n. 6

An minus dignus relicto digniori: & quis censendus sit dignior. Ibidem num. 7

An officia sæcularia vendi possint. fol. 417. num. 8

## Officium Divinum, vide Hora cognitionis.

## Omissio.

Quid est omissio voluntaria. tract. 1. disp. 1. fol. 2. n. 3

Quid requiritur, ut sit libera. fol. 4. n. 12. & seq.

Quid, ut sit peccaminosa. disp. 4. fol. 38. n. 33

Unde petatur gravitas vel levitas peccati omissionis, Ibid. num. 34

Quid de actibus omissioni peccaminosæ conjunctis. --- num. 35

Quando-

# MEMORABILIUM.

Quandonam propriè committatur peccatum omissionis. fol. 39. numer. 38.

An actus, qui est causa illius, contrahat malitiam distinctam à malitia omissionis. fol. 40. n. 41

## Opinio.

An licitum sit sequi opinionem probabilem tract. 1. disp. 2. fol. 15. num. 13. tract. 4. disp. 2. fol. 255. num. 19. & tract. 5. disp. 1. fol. 504. num. 12

An quis licitè accedat varios Doctores, ut inveniatur unum sibi faventem. tract. 1. disp. 2. fol. 16. num. 14

An licitum sit sequi opinionem aliorum contra propriam. Ibidem.

Quæ opinio dicatur probabilis, vel probabilior: & quis sit probatus Author in ordine ad illam constituendam. fol. 19. num. 17. & 18

An qui semel secutus est opinionem probabilem, possit postea sequi oppositam. fol. 25. n. 19

Quenam opinio inter probabiles præferri debeat. Ibidem.

Quæ sit opinio pia. tract. 4. disp. 10. fol. 402. num. 7. circa finem.

An Confessarius magis benignas quàm rigidas opiniones sequatur. tract. 5. disp. 5. fol. 629. n. 211.

## Oratio.

An Ecclesia possit præcipere attentionem internam in oratione. tract. 2. disp. 3. fol. 126. n. 43.

An teneamur scire memoriter Orationem Dominicam. tract. 3. disp. 1. fol. 170. n. 27

An in lingua materna. num. 29

Quid sit oratio, & quos obliget præceptum orandi. tract. 4. disp. 12. fol. 436. n. 6

quid requiritur, ut oratio sit merito?

ria. fol. 437. n. 7

quanam & quo modo in oratione peti debeant. Ibidem num. 8

Pro quibus orandum sit. num. 9

An oratio pro pluribus æque singulis prosit, ac si pro unico ex illis fieret. fol. 438. num. 10

An Sancti orandi sint. Ibidem num. 11

Ordines Mendicantes, vide Religio.

An possint reconciliare suas Ecclesias violatas. tract. 1. disp. 5. fol. 64. num. 60

An Confessarii horum Ordinum valeant absolvere ab excommunicatione duellantes. tract. 3. disp. 3. fol. 219. n. 64

An legatum relictum pauperibus possit ipsis dari. tract. 4. disp. 9. fol. 347. n. 27

An possint institui hæredes, & quorum bonorum. tr. 4. disp. 9. fol. 350. n. 32

Quid privilegii habent circa Horas canonicas. disp. 12. fol. 450. num. 35

An teneantur solvere decimas. fol. 451. num. 39

In quibus votis possint dispensare. fol. 467. n. 81. & seq.

Quid ipsi concessum sit circa Missarum celebrationem. tract. 5. disp. 4. fol. 558. n. 77

An & quomodo debeant approbari ad confessiones audiendas. tract. 5. disp. 5. fol. 623. num. 202. 205. & 245

An valeant in Belgio absolvere à casibus reservatis. fol. 651. n. 257

An teneantur observare interdictum commune. fol. 661. n. 275

Kkkkk

An

# INDEX RERUM

An possint dispensare in irregularitate. fol. 665. n. 287

An conferre extremam Unctionem. disp. 6. fol. 674. n. 13

An habeant privilegium quoad suspensionem Ordinum. disp. 7. fol. 683. num. 13.

An teneantur observare interstitia. fol. 688. n. 27

An Superiores Ordinum Mendicantium possint suos ob malè susceptos Ordines absolvere. fol. 690. num. 30

An Mendicantes possint assistere matrimonio. disp. 8. fol. 713. n. 38

An valeant aliquid circa impedimenta matrimonii. fol. 743. n. 89

## *Ordo Sacramentum.*

Quid, & quoruplex sit. tract. 5. disp. 7. fol. 677. n. 1. & 2

An Ordines minores sint Sacramentum: & quare tres ultimi dicantur majores. fol. 678. n. 3

An septem Ordines sint septem Sacramenta. fol. 679. n. 4

Quæ sit materia, & forma singulorum Ordinum. num. 5. & seq.

An requiratur contactus physicus materię. fol. 680. n. 9

Quis est minister Ordinis. fol. 681. num. 10

Quinam possint validè Ordines suscipere. fol. 682. n. 11. & 12

Quinam licitè. fol. 683. n. 13. & seq.

Quænam sunt ordinatorum privilegia. fol. 685. n. 19

De eo, qui Ordinem sacrum suscepit nolens vovere castitatem. fol. 686. num. 24

Quando, & qualiter Ordines debeant conferri. fol. 688. numer. 26. & seq.

Ubi conferendi sint, & quos habeant effectus. fol. 690. num. 31. & 32

## *Ornatus corporis.*

Quandonam sit peccatum in fœmina. tract. 1. disp. 1. fol. 4. num. 14. & disp.

5. fol. 45. num. 8. & 9

## *Oscula.*

An, & quando sint peccatum mortale. tract. 1. disp. 5. fol. 49. n. 24

An exprimenda sit conditio personæ, quam quis osculatur est. Ibid.

Quid de osculo dato causâ urbanitatis. fol. 50. n. 25

An oscula, quæ consequuntur copulam illicitam, sint novum peccatum. fol. 52. n. 30

An sint licita inter sponsores. tr. 5. disp. 8. fol. 702. n. 22

Quid de osculis inter conjuges. fol. 749. n. 106

## *Orium, Orosus.*

Quomodo intelligi debeat, de omni verbo vicioso reddetur ratio. tr. 1. disp. 3. fol. 26. n. 13. & 14

An sit licitum laborare die festo ad vitandum otium. disp. 5. fol. 100. in fine.

*Ora, vide Jejunium.*

## *P.*

*Pactum, vide Contractus.*

## *Paganus.*

Quis dicatur paganus. tract. 3. disp. 1. fol. 185. n. 64

An sit gravius peccatum quàm hæresis, aut judaismus. fol. 186. numer. 65

## *Papa.*

An possit ferre leges per totum orbem. tr. 2. disp. 1. fol. 109. n. 21

An possit præcipere actus internos. disp. 3. fol. 124. n. 32. & seq.

An

# MEMORABILIUM.

An ligitur sua lege. fol. 130. n. 1. &c.  
An ipsius iudicium sit regula fidei. tr.  
3. disp. 1. fol. 166. n. 13

An reservet peccata eo quod censu-  
ram annexam habeant. fol. 188. n. 69

An possit auferre bona Religioso-  
rum. tr. 4. disp. 1. fol. 233. n. 15

An sit Dominus eorum, quibus Fran-  
ciscani utuntur. Ibid. num. 16

An valeat imponere gabellas. disp. 11.  
fol. 418. n. 10

An subiaceat legibus simoniarum. fol. 430.  
num. 37

Utrum possit dispensare in omnibus  
votis, eaque commutare, & irritare.  
disp. 12. fol. 460. num. 62. ac fol. 462.  
num. 70. 74. & 75

An id possit in iuramentis. fol. 480. n.  
109

Quenam peccata reserventur Papæ.  
tract. 5. disp. 5. fol. 648. n. 251

Quomodo valeat dispensare in impe-  
dimentis matrimonii. disp. 8. fol.  
742. n. 38

## Parentes.

An teneantur filios cogere ad jeju-  
nandum. tract. 1. disput. 5. fol. 95.  
num. 138

An possint pro sua familia leges con-  
dere. tract. 2. disput. 1. fol. 110. nu-  
mer. 23

An teneantur suas proles castigare. I-  
bidem.

Quid est patria potestas. tract. 4. disp.  
1. fol. 232. n. 13

Quantum parentes valeant donare ex-  
traneis. disp. 9. fol. 341. num. 14

Quantum suis filiis. Ibidem num. 15

An per testamentum possint plus uni  
filio relinquere quam alteri. fol.  
351 n. 35.

An valeant irritare vota filiorum. disp.  
12. fol. 460. n. 64

Qualiter peccent dum jurant filios  
corrumpere & non faciunt. fol. 478.  
num. 106

An vis inhibere matrimonia. tract. 5.  
disp. 8. fol. 700. num. 20. & fol. 706.  
num. 32

An possint eos exheredare si ineant  
matrimonium neglecto consilio  
parentum. Eodem num. 32

An parentes teneantur dotare proles.  
Ibidem.

## Parochus.

Quid faciet dum solus scit Ecclesiam  
esse violatam. tract. 1. disp. 5. fol. 64.  
num. 60

An possit dispensare in esu carni-  
um. fol. 90. n. 128

An tempore pestis possit suos paro-  
chianos deferere. tract. 3. disp. 3. fol.  
194. n. 7

Quid primo faciet Parochus vocatus  
simul ad baptizandam prolem om-  
nino debilem, & excipiendam con-  
fessionem adulti morientis. fol. 195.  
num. 8

An teneatur annotare nomina à se  
baptizarorum. tract. 5. disp. 2. fol.  
555. n. 30

An Parochus possit accipere stipen-  
dium pro sacris, quæ teneatur dicere  
ex obligatione. disp. 4. fol. 552.  
num. 66

An post administrationem Sacramen-  
torum adhuc teneatur infirmum  
visitare. disp. 6. fol. 673. n. 9

## Patrinus.

An fidelis possit esse patrinus hæretici:  
& hæreticum in patrinum sui filii  
assumere. tr. 3. disp. 1. fol. 179. n. 48

Kkkkk 2 Quid



Quid est patrinus in Baptismo: qui, & quot possunt assumi. tract. 5. disp. 2. fol. 510. n. 25

Ad quid obligetur ille patrinus. Ibidem.

Quid est patrinus in Confirmatione, & an contrahat cognationem. tract. 5. disp. 3. fol. 518. n. 8

*Paupertas, vide Necessitas.*

An vorum paupertatis inducat incapacitatem ad quodcumque dominium. tract. 4. disput. 1. fol. 233. num. 17

Quid de Religiosis dilapidantibus bona Monasterii. disp. 7. fol. 330. num. 69

Quandonam aliter peccent contra paupertatem. disp. 12. fol. 469. numer. 87. &c.

An deposita repugnent voto paupertatis. fol. 471. n. 90

*Peccatum reservatum, vide Casus reservatus.*

*Peccatum.*

An, & quando inadvertentia ab eo excuset. tract. 1. disp. 1. fol. 8. n. 26. &c.

Unde sumatur malitia peccati. disp. 3. fol. 23. num. 1. & seq.

Quenam peccata sint intrinsecè mala. Ibidem num. 3

Quid, & quotuplex circumstantia peccati. fol. 24. n. 5

In quo actu consistat ejus malitia. fol. 25. num. 7

An actus externus malus sit confitendus, & an adveniens interno addat novam malitiam. Ibidem n. 8. & seq.

An verbum otiosum sit peccatum. fol. 26. num. 13

Quid peccatum actuale, & habituale. disp. 4. fol. 28. n. 1

Quid peccatum in genere. Ibid. n. 2. Quid peccatum mortale, & veniale, ex se, aut ex accidente. num. 4. & 6

Aliæ divisiones peccati. Ibid. n. 6

Quot modis peccatum mortale possit fieri veniale. fol. 29. n. 7. & seq.

An plura parva peccata faciant unum magnum. fol. 30. n. 11

In quibus peccatis non detur parvitas materiæ. Ibid. num. 12.

Quot modis peccatum veniale possit fieri mortale. fol. 31. n. 13. & seq.

An, & quando se exponere peccandi periculo. peccatum sit. fol. 32. n. 18. & tract. 5. disp. 5. fol. 630. n. 213

An exprimendum sit peccatum, cujus periculo se quis exposuit. Eodem num. 18

Quandonam peccata specie multiplicentur, & distinguantur. fol. 32. n. 20. 21. & 25

Quæ circumstantiæ mutant speciem peccati. fol. 33. n. 22

Unde colligatur, unum peccatum esse majus altero. fol. 4. n. 24

Quando peccata multiplicentur numero. fol. 35. n. 25. & seq.

Quomodo in peccatis internis exprimendus sit numerus. Ibidem num. 26.

An sit unicum peccatum, detrudere, odio habere, aut occidere simul decem homines. num. 7. & seq.

An multiplicatis actionibus multiplicentur peccata externa. fol. 37. n. 31

De peccato omissionis. fol. 38. n. 32. & c. usque ad 42

De peccatis capitalibus. tract. 1. disp. 5. fol. 44. n. 1. &c.

Quid peccatum improprie dictum. tract. 2. disp. 2. fol. 113. n. 15

*Qua-*

Qualia peccata sint denuntianda. disp.  
6. fol. 157. n. 12. & seq.

Quod peccatum dicatur famosum, &  
quod notorium. tr. 4. disp. 6. fol. 293  
num. 27

Quandonam censeatur semiplenè  
probatum. disp. 10. fol. 403. n. 10

Quando plenè. fol. 405. n. 15

Quomodo remittantur peccata ve-  
nialia in alia vita, in quibus iustus  
moritur. tr. 5. disp. 5. fol. 646. n. 248

Quanam peccata dicantur infamia.  
fol. 664. n. 285

*Pecunia.*

An pecunia præfens plus valeat quàm  
futura. tract. 4. disput. 9. fol. 372.  
num. 90. &c.

*Pœnitentia, Confessio.*

An peccatum externum sit confiten-  
dum. tr. 1. disp. 3. fol. 25. n. 9

An peccata interna vi præcepti Eccle-  
siæ confitenda sint. tr. 2. disp. 3. fol.  
126. n. 40

Quando tenentur pueri ad confiten-  
dum. fol. 139. n. 25

An aliquando licitè possit dari ab solu-  
tio à Confessario existente in statu  
peccati mortalis. tract. 5. disp. 1. fol.  
491. n. 10

An existentii in peccato mortali sit ne-  
cessaria confessio ante communio-  
nem. disp. 4. fol. 526. n. 20

Quid pœnitentia virtus, & an per  
eam omne peccatum sit remissibi-  
le. disput. 5. fol. 576. num. 106. &  
num. 107

Quid pœnitentia Sacramentum, &  
quàm sit necessarium. Ibidem num.  
108. & 109

Quid sit ejus materia. fol. 577. n. 110.  
& 111

Quale debeat esse propositum emen-  
dationis. Ibidem

An hoc requiratur in confessione ve-  
nialium. fol. 579. n. 113

An debeat extendi ad occasiones pec-  
catorum. n. 114

An dolor de peccatis debeat esse con-  
tritio perfecta. fol. 580. num. 115.  
& seq.

Quantus debeat esse dolor quoad ex-  
tensionem & intensionem. fol. 583.  
n. 122. & seq.

An sit mortale confiteri aliquid ve-  
niale sine dolore. Ibidem

An sufficiat, quod doleas te dolere  
non posse. fol. 584. n. 125

Quanto tempore possit dolor confes-  
sionem præcedere. n. 126. & 127

Quid confessio, & quando sit integra.  
fol. 589. n. 137. & 138

Quanam circumstantiæ sint confiten-  
dæ. n. 140. & seq.

An peccata dubia confitenda sint. fol.  
592. n. 146. & seq.

An peccato dubio debeat addi cer-  
tum. tr. 5. disp. 5. fol. 594. n. 150

An peccatum confessum ut dubium,  
postea cognitum certum, debeat ut  
licitum aperiri. fol. 595. n. 151.  
& seq.

Quid de eo, qui sæpè dubia pro certis,  
& certa pro dubiis confessus est, ac  
de particula plus vel minus. fol. 596.  
n. 153. & 154

Quid de rustico, qui nunquam ad-  
didit ullum numerum. Ibidem

An, & quando licitum sit non ser-  
vare integritatem confessionis. fol.  
598. n. 156. & 157.

An rustica nullum in specie expri-  
mens



# INDEX RERUM

- mens peccatum absolvi possit.  
Ibidem
- An idioma Confessarii ignorans, teneatur interpretem adhibere. fol. 599. n. 158. & 159.
- Quale examen conscientiae permitti debeat: & an habens parvam memoriam teneatur peccata scribere. eodem. n. 159
- An possit complex aperiri. fol. 600. n. 160. & c.
- Quid si quis numerum peccatorum explicare nequeat. fol. 602. numer. 164
- Quid de integritate confessionis generalis. fol. 603. n. 165
- An Confessarius teneatur interrogare. Ibid. n. 166
- Quam cautè interrogandum sit in materia carnis. n. 167. & tr. 1. disp. 5. fol. 66. n. 65
- Quandonam confessio reddatur nulla. tract. 5. disp. 5. fol. 604. numer. 168
- Quid si quis aliquod peccatum retinuerit. n. 169
- Quale peccatum sit mentiri in confessione: & an debeat explicari consuetudo peccandi. fol. 605. numer. 170
- An ob illam consuetudinem neganda sit absolutio. fol. 606. n. 171
- Quid satisfactio, & an semper debeat injungi. n. 172
- Qualiter debeat peccatis proportionari. fol. 607. n. 173
- An poenitens teneatur eam acceptare: & quale sit peccatum eam omittere. fol. 609. n. 175
- An occasione indulgentiae omitti non possit. Ibidem
- Quid si quis suae satisfactionis est oblitus: vel omittit communionem positam pro satisfactione. fol. 610. num. 176
- An satisfactio debeat impleri in statu gratiae. fol. 611. n. 177. & 178
- Quamdiu possit differri. fol. 612. n. 179
- An obligetur poenitens ad circumstantias satisfactionis. Ibidem num. 180
- Quis valeat eam immutare. fol. 613. n. 181. & seq.
- An debeat ab ipso poenitente impleri. fol. 614. n. 184
- Quid est absolutio. fol. 615. n. 185
- An dari possit sub conditione. fol. 616. num. 187
- An deprecatoriè. n. 188
- Quis est sensus absolutionis. Ibidem num. 189
- An debeat proferri voce. fol. 618. num. 193
- An possit dari absenti. n. 194
- An moribundo, qui nequidem per signa confiteri valet. Ibidem.
- Quid faciet Confessarius, qui alium invalidè absolvit. fol. 619. n. 195
- Quid si omiserit eum obligare ad restitutionem. n. 196
- Quis est minister Sacramenti poenitentiae. fol. 620. n. 197. & seq.
- An possit uti jurisdictione dubia. fol. 622. n. 200
- Quinam possint sibi eligere Confessarium. n. 201
- An Mendicantes approbari debeant. fol. 623. n. 202. & 205
- An Parochus possit simplici Sacerdoti dare curam absolvendi sibi subditos. fol. 624. n. 203

Quid

Quid de confessione facta non habenti jurisdictionem. n. 204

An in articulo mortis simplex Sacerdos possit absolvere præsentem approbato. fol. 625. n. 205

Quænam requirantur in Confessario. fol. 627. n. 207

Qualem memoriam peccatorum debeat Confessarius habere tempore absolutionis. fol. 628. n. 211

An permanens in periculo peccati absolvi possit. fol. 630. n. 112. &c.

Quid sigillum confessionis, & quæ sub eo facienda. fol. 632. num. 215. & seq.

Quàm graviter obliget. n. 216

An Confessarius quandoque uti possit scientiâ confessionis. fol. 634. n. 219. & seq.

Quænam sint pænæ frangentis sigillum. fol. 639. n. 232

De præcepto Divino confessionis. fol. 640. n. 233. & seq.

De ecclesiastico. fol. 642. n. 237

Quandonam incipiant pueri hoc præcepto ligari. fol. 643. num. 238. & tract. 2. disput. 4. fol. 139. numer. 25

An qui integro anno non est confessus reneatur statim post confiteri. fol. 644. n. 241

An satisfiat præcepto ecclesiastico per confessionem sacrilegam. Ibidem. num. 242

Quis excuset ab annua confessione. fol. 645. n. 243

An satisfiat confitendo Mendicantibus. num. 244

Quinam sint effectus Sacramenti pœnitentiæ. fol. 646. n. 246

An opera bona mortificata revivif-

cant per pœnitentiam. fol. 647 num. 249

De absolutione à peccatis reservatis. fol. 648. n. 250. & seq.

*Peregrinus*

Quibus legibus teneatur. tr. 2. disp. 4. fol. 134. n. 12. & ieq.

An mendici peregrini licitè è civitate expellantur. tract. 3. disp. 3. fol. 197. num. 16

*Periculum mortis.*

Quinam sint in eo constituti. tr. 5. disp. 5. fol. 626. n. 206

*Periculum peccati, vide Occasio.*

*Pertinacia.*

Quando, & quale sit peccatum. tr. 1. disp. 5. fol. 46. n. 11. & tr. 3. disp. 1. fol. 185. n. 64

*Pestis.*

An tempore pestis possit Parochus suas oves deserere. tr. 3. disp. 3. fol. 194. n. 7

An pestifero teneatur conferre extremam Unctionem. tr. 5. disp. 6. fol. 671. n. 7. & seq.

*Pictura, pingere.*

Quale peccatum sit eam obscenam pingere. tract. 1. disp. 5. fol. 51. num. 27

An, & quale sit pingere honestam picturam concubinæ. Ibid. n. 28

An licitum sit pingere die festo. fol. 101. n. 154

*Pignus.*

Quid sit, & an res pro pignore tradita vendi possit. tract. 4. disp. 9. fol. 393. n. 144

An quis possit tali re uti. Ibidem

*Piscatio, vide venatio.*

*Pistor.*

*Pistor.*

An teneatur servare taxam in pavi-  
bus. tract. 4. disput. 9. fol. 360.  
num. 57

*Pollutio.*

Quid sit, quando, & quale sit pecca-  
tum. tract. 1. disp. 5. fol. 59. n. 46.  
& seq.

An sit licitum procurare resolutionem  
seminis in alium humorem, &  
quid si semen sit venenosum. Ibid.  
num. 47

An pollutio in fœmina sit mortalis.  
Ibidem

An pollutio secuta post dolorem elici-  
gum de causa ad eam data, adhuc sit  
peccatum. fol. 60. n. 50

An unquam licitum sit desiderare pol-  
lutionem, aut de ea habita gaudere.  
fol. 61. n. 51

Quale peccatum sit pollutio causata  
inter conjuges. Ibid. n. 53

De pollutione habita in somnis. Ibid.  
num. 54

Quid si habeatur in templo. fol. 64.  
num. 59

An ob aliquam causam possit uxor ex-  
pellere semen viri sui statim post  
concubitum. fol. 65. n. 62

An possit dari ignorantia invincibilis  
de malitia pollutionis. Ibid. n. 63

An pollutio nocturna impediat com-  
munionem. tract. 3. disp. 4. fol.  
528. n. 24

*Pontifex*, vide *Papa*, *Episcopus*.

*Possessio.*

Quid sit, & quotuplex. tr. 4. disp. 2.  
fol. 253. n. 13. & 14

Quomodo acquiratur. Ibidem n. 15.  
& 16

Quomodo amittatur. fol. 254. n. 17

Quæ sint possessoris privilegia. Ibid.  
num. 18

An axiom, *melior est conditio possidentis*,  
locum habeat in omni virtute.  
Ibidem

Quis sit verè in possessione. fol. 255.  
num. 20

Quæ dicatur possessio temporis im-  
memorialis. disput. 12. fol. 451.  
num. 37

*Precarium.*

Quid sit, & in quo distinguatur à com-  
modato. tr. 4. disp. 9. fol. 379. n. 155

*Præceptum*, vide *Lex*.

*Pralatus*, vide *Superior*.

*Præscriptio.*

Quid sit, & an per eam licitè acquira-  
tur dominium. tr. 4. disp. 1. fol. 246.  
n. 52. & 53

Quid requiratur ad validè præscri-  
bendum. fol. 247. n. 54. & seq.

Quanto tempore res mobiles, & im-  
mobiles præscribantur. fol. 248.  
num. 58

Quid sit præscriptionem dormire, non  
procedere &c. Ibidem n. 59

*Præsumptio.*

Quid sit, & quando sit mortalis. tr. 1.  
disp. 5. fol. 47. n. 15

Quotuplex sit, & undè oriatur. tr. 3.  
disp. 2. fol. 191. n. 5

An sit præsumptio, aliquod peccatum  
iterare, quia simile antea commi-  
sum est simul unâ confessione con-  
fitendum. Ibidem

*Pretium.*

Quidnam sit pretium justum, & quo-  
tuplex. tract. 4. disp. 9. fol. 360.  
num. 56

Quod-

# M E M O R A B I L I U M.

Quodnam debeat exigi dum legitimum & vulgare sunt diversa. Ibid. num. 57

Ob quas causas possit augeri. fol. 361. n. 60. & seq.

*Princeps, vide Lex.*

*Privilegium, vide Mendicantes.*

*Proclamatio, vide denuntiatio.*

*Procurator, vide Advocatus.*

*Prodigalitas, prodigus.*

Quid sit, & quale peccatum. tr. 1. disp. 5. fol. 47. n. 17

An prodigus possit dare eleemosynas. tr. 3. disp. 3. fol. 200. n. 23

An valeat condere testamentum. tr. 4. disp. 9. fol. 349. n. 30

*Proles exposita, vide Expositio.*

*Promissio.*

Quid si quis promiserit matrimonium virgini à se corruptæ. tract. 1. disp. 5. fol. 57. n. 42

Quid si sic promittens sit in voto castitatis, &c. fol. 58. n. 43

Quid si aliquid promissum sit ob turpem causam. tract. 4. disp. 7. fol. 318. n. 35

An obliget promissio facta ex metu. tr. 4. disp. 8. fol. 334. n. 10

Quid est promissio, & an merè interna obliget. disp. 9. fol. 337. n. 1. & seq.

An externa acceptata obliget sub mortali. fol. 338. n. 4. & seq.

Quam excusent ab implenda promissione. fol. 340. n. 9

*Puber.*

Quis dicatur puber, quis impuber. tr. 4. disp. 12. fol. 460. n. 64

*Puer, vide ætas.*

An pueri ligentur ullis legibus. tr. 2. disp. 4. fol. 139. n. 24

quandonam incipiant obligari ad Missam audiendam, confitendum &c. Ibidem. n. 25

Rixa puerorum quale sit peccatum. tr. 4. disp. 6. fol. 286. n. 6

An Eucharistia possit dari pueris. tr. 5. disp. 4. fol. 537. n. 41

An puer expositus sit irregularis. disp. 5. fol. 662. n. 278

An puer infirmus sit injungendus. disp. 6. fol. 675. n. 15

*Pupillus, vide Minor.*

*Purgatorium.*

An filii teneantur succurrere animabus parentum in purgatorio existentibus. tr. 3. disp. 3. fol. 197. n. 17

quare animæ e purgatorio quandoque appareant. tract. 4. disp. 4. fol. 263. n. 9

An iis noceat dilatio solutionis hæredum. Ibidem

quid purgatorium & an detur. tr. 5. disp. 5. fol. 665. n. 288

quomodo animæ ex eo possint liberari. Ibidem

quomodo liberentur intuitu S. Scapularis. fol. 668. n. 297

*Pusillanimitas.*

An, & quale sit peccatum. tr. 1. disp. 5. fol. 46. n. 15. & fol. 100. n. 154

*R.*

*Rancor.*

Quid sit, & quale peccatum. tr. 1. disp. 5. fol. 100. n. 154

*Rapina, vide furtum.*

Quid rapina, & quale peccatum. tr. 4. disp. 7. fol. 304. n. 2. & 3

quæ quantitas constituat peccatum mortale in rapina. Ibidem num. 4. &c.

*Rapina.*

*Rapina.*



# INDEX RERUM

## Raptus.

Quid sit, & quale peccatum. tr. 1. disp. 5. fol. 58. n. 45

An abductio viri sit raptus: & quam sint raptorum pœnæ. Ibidem quomodo raptus dirimat matrimonium. tr. 5. disp. 8. fol. 741. n. 87

*Regulares, vide Religio, & Mendicantes.*

## Religio virtus

Quid sit actus religionis. tr. 4. disp. 12. fol. 435. n. 1

An religio sit virtus ab aliis distincta. Ibid. n. 2. & 3

An cultus Sanctorum procedat à religione. fol. 436. n. 4

An sit idem quod devotio. Ibidem num. 5

De vitis religioni oppositis. fol. 483. n. 120. & seq.

## Religio, Religiosus

An Religiosus peccans contra regulam & præceptum committat duplex peccatum. tract. 1. disp. 4. fol. 33. n. 20

An in religione res parvæ possint præcipi sub gravi culpa. tr. 2. disp. 3. fol. 119. n. 20

An Regula & Statuta obligent religiosos ad actus internos. fol. 127. num. 47

An teneanturolvere Gabellas. tr. 2. disp. 4. fol. 133. n. 9

An ligentur legibus Episcoporum. Ibidem n. 10

An possint dare elemosynas. tr. 3. disp. 3. fol. 198. n. 19

An crimen religiosi deferendum sit absque prævia correptione. fol. 205. n. 35

An religiosus in parva materia possit graviter delinquere. fol. 233. num. 15. & c.

An aliquarum rerum habeat dominium. tract. 4. disp. 1. fol. 233. n. 15. & c.

An Religiosi possint venari. fol. 243. num. 45

An miraculosè resuscitati ligarentur votis pristinis. disput. 4. fol. 263. num. 4

Quid si quis impediatur aliquem ab ingressu Religionis, aut ingressum extrahat. disput. 5. fol. 283. numer. 35

An ingressus religionis debeat differri propter debita. disp. 7. fol. 329. num. 63

Quid de dilapidantibus bona religionis. fol. 330. n. 69

An Religiosi possint donare validè. disp. 9. fol. 341. n. 13

An possint esse testes in testamento. fol. 349. n. 31

Proprietarii privantur sepulturâ sacra. fol. 354. n. 45

An possint negotiari. fol. 370. num. 82. & 83

An apud Religiosos locum habeat accusatio. disput. 10. fol. 404. num. 14

An recipere aliquid pro ingressu, aut professione Religiosi sit synoniacum. disp. 11. fol. 432. num. 40. & 43

An Religiosi teneantur ad horas. disput. 12. fol. 439. num. 14. 15. & 23

An teneantur acceptare reformationem. fol. 453. n. 44

Quid

Quid si vovens ingredi Religionem non recipiatur : & si recipiatur an teneatur profiteri. Ibidem num. 45

An necessitas parentis impediatur filium ab ingressu Religionis. fol. 454. num. 45

Quando Religiosus peccet contra sua vota. fol. 469. n. 85

An liceat ei habere depositum. fol. 471. n. 90

An possit esse patrinus in Baptismo. tr. 4. disp. 2. fol. 510. n. 25

An Religiosus teneatur applicare suas Missas ad mentem Superioris. tr. 5. disp. 4. fol. 550. n. 61

Quomodo id melius faciat. fol. 553. num. 68

An Religiosus possit confiteri simpliciter Sacerdori. tract. 5. disp. 5. fol. 623. n. 201

An Religioso alterius Ordinis. Ibidem

An conjuges possint intrare religionem. tract. 5. disput. 8. fol. 715. num. 45

Si unus intret, ad quid alter teneatur. fol. 716. n. 46

*Reservatio, vide casus reservatus.*

*Restitutio.*

Quare obligatio restitutionis oritur ex iniuria. tract. 4. disp. 3. fol. 260. n. 12

Quid sit, quomodo differat à solutione, & quam sit necessaria. tract. 4. disp. 4. fol. 262. n. 1. & seq.

An resuscitato deberetur restitutio. fol. 263. n. 4

An diu restitutionem differens peccet dupliciter. Ibidem n. 6

An restitutio ab heredibus neglecta noceat animæ debitoris defuncti. Ibidem n. 9

Ex quibus capitibus oriatur obligatio restitutionis. fol. 264. n. 10

Quæ culpa obliget ad restitutionem ob damnum datum. fol. 265. num. 13. & c.

An quis possit scienter alteri inferre grave damnum sine onere restitutionis. fol. 267. n. 20

An dum alter damnificatur ob tuum delictum, tenearis ad restitutionem damni. fol. 268. n. 22

Quæ culpa obliget officarium de damno secuto. Ibid. n. 23

Quis teneatur ad restitutionem, dum res locata vel commodata perit. fol. 269. n. 25. & seq.

Quid si tuus famulus inferat alteri grave damnum. fol. 270. n. 26

Quid si rem alterius sinas petire ut tuam salves. fol. 271. n. 28

Quis teneatur ad restitutionem famæ. tract. 4. disp. 6. fol. 297. num. 41. & seq.

An obligatio restituendi famam transcat ad heredes. fol. 299. n. 44

An satisfacias in una virtute laudando eum, cui in alia detraxisti. Ibidem n. 45

Quomodo fama ablata restituenda sit. n. 46. & seq.

Quænam excusent à restitutione famæ. fol. 301. n. 53. & seq.

Ad quid teneantur emptor, & venditor rei furtivæ. tr. 4. disp. 7. fol. 312. n. 21. & seq.

In quo valore res furtiva consumpta restitui debeat. fol. 315. n. 27

# INDEX RERUM.

Quid fieri debeat de fructibus rei furtivæ. fol. 316. n. 28. & seq.

An teneatur debitor morosus ad aliquam restitutionem. fol. 317. n. 31

An accepta ob turpem causam restituenda sint. Ibidem n. 32. & seq.

Ubi, quando, cui, & cujus expensis debeat restitutio fieri. fol. 319. n. 36. & seq.

De ordine in restitutione servando. fol. 320. n. 39. & 40

An cooperantes teneantur ad restitutionem. fol. 321. n. 41. & seq.

Quænam excusent à restitutione bonorum temporalium. fol. 326. num. 56. & c.

An quis teneatur ad restitutionem cum amissione sui status. fol. 328. num. 60

Quid si dubitetur de debito, aut de restitutione. Ibidem n. 61

An damnum emergens, aut lucrum cessans creditori restitui debeat. fol. 330. n. 67

An excessus iusti pretii in emptione, vel venditione restituendus sit. tr. 4. disp. 9. fol. 361. n. 60

*Restitutio mentalis.*

Eam esse illicitam ostenditur tract. 4. disp. 10. fol. 409. n. 25

*Reus.*

An ad mandatum Iudicis possit seipsum occidere. tr. 4. disp. 5. fol. 272. num. 4

An quis possit sibi grave crimen affingere. fol. 273. n. 5

Quandonam reus possit poni in tortura. disp. 10. fol. 403. n. 10

Quandonam teneatur fateri veritatem. fol. 408. n. 20. & c.

Quomodo debeat se gerere dum eam fateri non tenetur. fol. 409. n. 24. & seq.

Quid liceat reo quo ad fugam, & defensionem. fol. 411. n. 26

An quis eum possit juvare ad fugiendum. Ibid. n. 27

Quid si juraverit se non fugiturum. n. 28

An innocens putatus reus licetè citet iudicem ad tribunal Dei. Ibid.

*Rex, Regina.*

An, & pro quibus possint leges condere. tract. 2. disp. 1. fol. 110. numer. 22

An ligentur legibus à se latis. disp. 4. fol. 130. n. 2. & seq.

Quid faciat Rex habens causam dubiam belli. tract. 3. disp. 3. fol. 211. num. 47

An Rex possit inhibere venationem. tr. 4. disp. 1. fol. 242. n. 40

*Rixa.*

Quid sit, & quale peccatum. tr. 1. disp. 5. fol. 99. n. 152

An majus peccatum sit in Religiosis quam in aliis. tr. 3. disp. 3. fol. 223. num. 72

Quid de rixis puerorum, mulierum & c. tract. 4. disp. 6. fol. 286. num. 6

*Rusticus.*

An teneatur observare omnes solemnitates in condendo testamento. tract. 4. disput. 9. fol. 345. num. 24

S. Sacel

# MEMORABILIU M.

S.

*Sacellanus, vide Beneficiarius.*

*Sacerdos, Sacerdotium.*

Quomodo peccet dum distrahitur tempore consecrationis. tr. 1. disp. 5. fol. 100. num. ult. & tr. 5. disp. 4. fol. 563. n. 88

An Sacerdos ex necessitate celebrans post commissum peccatum cum sola contritione, teneatur statim post confiteri. tr. 5. disp. 4. fol. 527. n. 22

An teneatur interdum celebrare. fol. 559. n. 78

An teneatur celebrare dum in die festo non potest Missam alterius audire. fol. 566. n. 95

Quotuplex sit potestas Sacerdotis. disp. 5. fol. 621. n. 199

An simplex Sacerdos possit absolvere constitutum in articulo mortis præsente approbato. fol. 625. n. 205

Quænam sit materia Sacerdotii, & quæ forma. disp. 7. fol. 679. n. 5

Quæ ætas requiratur in Sacerdote. fol. 683. n. 13

*Sacramentalia.*

Quænam sint, & an Ecclesia possit illa instituere. tract. 5. disp. 1. fol. 497. num. 24

Quæ peccata remittant, & quomodo. Ibidem.

*Sacramentum.*

Quid sit, & quotuplex. tr. 5. disp. 1. fol. 487. n. 1. & 2

Quænam sit materia, & forma Sacramentorum. fol. 488. n. 3

Quomodo materia & forma debeant esse simul. Ibid. num. 4

Quis sit minister Sacramentorum, & quando ea validè ministret. fol. 489. num. 5. & 6

Qualis intentio requiratur in ministro. fol. 490. n. 7. & seq.

Quid requiratur ad licitè illa ministranda. fol. 491. n. 10. & seq.

Quid si cum distractione ministrantur. fol. 492. n. 11

An possint ministrari juxta sententiam probabilem. Ibidem num. 12. & seq.

Quid requiratur, ut quis validè, & licitè Sacramenta suscipiat. fol. 494. num. 16

An accedens ad Sacramentum in malo statu repelli debeat. fol. 495. num. 18

An possit quis petere Sacramentum à malo ministro. Ibidem num. 19

Quinam sint Sacramentorum effectus. fol. 496. n. 20. & seq.

Quæ Sacramenta imprimant characterem. Ibid. num. 22

An Sacramenta omnibus conferant æqualem gratiam. fol. 497. num. 23

An, & quæ Sacramenta reviviscant. disp. 2. fol. 508. n. 21

*Sacrificium.*

Quid sit. tr. 5. disp. 4. fol. 547. n. 55

*Sacrilegium.*

An dum Religiosus peccat cum Religiosa sit duplex sacrilegium explicandum in confessione. tr. 1. disp. 5. fol. 52. n. 31

Quotupliciter committatur sacrilegium in materia carnis. fol. 63. n. 58. & 59

An Religiosus inducens personas liberas ad peccandum contra castitatem committat sacrilegium. Ibidem.

An, & qualis pollutio habita in

LIII 3

tem



# INDEX RERUM

templo sit sacrilegium. fol. 64. numer. 59  
 An uxorati in Ecclesia exercentes actum conjugalem sacrilegium committant. Ibidem.  
 An sacrilegium in hac materia committi possit per actum merè internum. Ibidem num. 60  
 An committatur per copulam illicitam occultam in templo habitam. Ibidem.  
 An per tactus etiam publicos. fol. 64. num. 61  
 Quid sacrilegium in materia furti. tr. 4. disp. 7. fol. 304. n. 2  
 Quid sit sacrilegium in genere. tract. 4. disp. 12. fol. 486. n. 126  
*Sacrum, vide Missa.*  
*Saga, Sagus, vide Magia.*  
 An à privato occidi possint. tract. 4. disp. 5. fol. 278. n. 19  
*Sarror.*  
 An excusetur à jejuniis. tr. 1. disp. 5. fol. 91. n. 132  
 An possit retinere fragmenta vestium. tract. 4. disp. 7. fol. 308. n. 14  
*Satisfactio, vide Pœnitentia.*  
*Scabinus.*  
 An jurans se non sollicitasse ad scabinatum, committat perjurium. tr. 4. disp. 12. fol. 481. n. 113. & seq.  
*Scandalum.*  
 An etiam cum morris periculo scandalum sit vitandum. tract. 2. disp. 5. fol. 123. n. 31  
 Quid & quoruplex sit, ac quale sit peccatum. tract. 3. disp. 3. fol. 220. n. 66. & c.  
 An tamliiter peruersus peccando scandalum committat. Ibidem fol. 222. num. 70

An exprimi debeat, quòd quis primò alterum ad secum peccandum invitaverit. Eodem num. 70. & fol. 228. num. 82  
 An in scandalo activo formali detur parvitas materiæ. fol. 223. numer. 71  
 An ad vitandum scandalum omitti debeant opera spiritalia. fol. 224. num. 73. & 74  
 An ad vitandum scandalum licitè ommittatur opus præceptum. num. 75. & 76  
 An semper sit peccatum scandali peccare ab alio, quod non faciat absque peccato. fol. 226. n. 77. & 78  
 An sit scandalum consulere malum minus. Ibidem num. 79  
 An materialiter cooperari peccato alterius sit scandalum. fol. 228. numer. 80. & 81  
 An numerus hominum, quibus datum est scandalum, exprimi deceat. n. 82  
 An quid teneatur qui alterum induxit ad peccatum. tract. 4. disp. 5. fol. 282. n. 33  
 Quomodo scandalum vitari debeat. tract. 5. disp. 5. fol. 631. n. 214  
*Scriptura sacra.*  
 An sit infallibilis regula fidei. tract. 3. disp. 1. fol. 165. n. 9  
*Scrupulosus, Scrupulus.*  
 An prudenter agatur contra conscientiam scrupulosam. tract. 1. disp. 2. fol. 20. n. 20  
 Varia remedia contra scrupulos fol. 21. num. 21. & seq.  
 Quomodo Confessario agendum cum scrupulosis. Ibidem num. 22  
 Quis sit verè scrupulosus, & unde id proveniat. fol. 22. num. 24. & 25  
 Casus

Casus perplexus in hac materia. Ibid.  
num. 26

*Secretarius, vide Advocatus.*

*Secretum.*

Quale peccatum sit alterius secretum  
revelare. tract. 1. disp. 5. fol. 47.  
num. 18

Quantum obliget secretum naturale.  
tr. 2. disp. 6. fol. 161. n. 23

Quandonam licitè crimen secretum  
possit revelari. tract. 4. disp. 6. fol.  
289. n. 14. & seq.

*Seditio.*

Quid seditio. fol. 99. num. 152

*Senex.*

An possit haurire sanguinem adoles-  
centis ad acquirendum vires. tract.  
1. disp. 5. fol. 11. 73

Quandonam senes excusentur à jeju-  
nio. Ibidem fol. 88. n. 124. & seq.

An possint inire matrimonium. tract.  
5. disp. 8. fol. 740. n. 85

*Sententia, vide Opinio.*

*Sepultura.*

An Ecclesia Mendicantium sit locus  
sepulturæ. tr. 4. disp. 9. fol. 353. n. 42

An Mendicantes debeant solvere ali-  
quam partem funeralium. Ibidem.

An sit licitum aliquem inducere ad e-  
ligendum sepulturam. fol. 354.  
num. 43

Quinam possint illam eligere. Ibidem  
num. 44

Quinam gaudeant sepulturâ sacrâ. nu-  
mer. 45

An corpora ad remotiores Parochias  
occultè transferri possint. Ibidem.

An sepultura vendi possit. tr. 4. disp. 11.  
fol. 429. n. 34. & 36

An excommunicatus eâ carcat. tr. 5.  
disp. 5. fol. 658. n. 269

*Servitus.*

Quid sit, & quotuplex. tr. 4. disp. 2. fol.  
252. n. 11. & 12

An dirimat matrimonium. tr. 5. disp. 8.  
fol. 725. n. 61

*Servus.*

An Catholicus licitè inserviat domi-  
no hæretico. tr. 3. disp. 1. fol. 178.  
num. 44

An possit dare eleëmofynam ex bonis  
domini. disp. 3. fol. 198. n. 19

An eum comitari ad domum meretri-  
cis. fol. 228. n. 80

An licitè vehat concubinam ad do-  
mum domini; admoveat scalas, &c.  
num. 81

An possit concubinæ ferre litteras sui  
domini. Ibidem.

Quarum rerum servus habeat domi-  
nium. tr. 4. disp. 1. fol. 233. n. 14

An homo possit esse servus strictè  
sumptus. fol. 237. n. 28. & 32

De furtis servorum. tract. 4. disp. 7. fol.  
309. n. 17

Quandonam uri possint occultâ com-  
pensatione. fol. 311. n. 19

Quomodo teneantur conservare res  
Dominorum. fol. 325. n. 51

An servi usurariorum teneantur ad re-  
stitutionem. tract. 4. disp. 9. fol. 384.  
num. 123

An possint manere in servitio, quod  
impedit auditionem Missæ. tract. 5.  
disp. 4. fol. 572. n. 102. & 104

*Sigillum Confessionis, vide Peniten-  
tia.*

*Simonia.*

Quid sit : & quæ in ea sint exceptio-  
nes. tract. 4. disp. 11. fol. 426. n. 29.  
& seq.

Quid si nominatus ad beneficium  
renun-

- renuntiet sub conditione solvendarum expensarum. fol. 427. n. 30
- Quotuplex simonia, & quale sit peccatum. fol. 428. n. 31. & 33
- Quid si vendatur temporale spirituali annexum. fol. 429. numer. 34. & 38
- Quid de hoc pacto, *elige me in Provinciale, & te in Priorem eligam.* num. 34. & 35
- Quid de aliis permutationibus. Ibidem.
- An licet aliquid accipiat pro labore impenso in functione spirituali. fol. 429. n. 36. & 38
- Varii casus, in quibus sole, simonia committi. fol. 430. n. 38
- Quid si quis se obliget pacto ad dandum temporale pro spirituali ex sola gratitudine. fol. 431. n. 39
- Quid si detur temporale alicui, ut hic apud unum tertium sollicitet beneficium pro priori. Ibid.
- An accipere aliquid pro ingressu aut professione Religiosi sit simonia. fol. 432. n. 40. & 43
- De pœnis simoniaci. fol. 433. n. 41. & c.
- Quid si unus tertius pro alio, id ignorante, beneficium simoniace obtineat. n. 42
- Societas.*
- Quid sit contractus societatis. tr. 4. disp. 9. fol. 388. n. 131
- An finiatur mortuo uno ex contrahentibus. Ibid.
- An possit unus pacisci de assicurando capitali. Ibid.
- Sodomia.*
- Quid, & quotuplex sit, & quæ ejus pœnæ. tr. 1. disp. 5. fol. 62. n. 55
- An sit explicandum, unum fueris a-
- gens vel patiens & an eam exerueris cum conjugata, & c. Ibid.
- Quid si res habeatur cum demone. fol. 62. n. 56
- Solutio, vide Restitutio.*
- Sorilegium, vide Divinatio.*
- Spes.*
- An, & quantum peccet contra præceptum spei, qui optat perpetuo in terra manere. tract. 1. disp. 5. fol. 100. num. 153
- Quid spes, & quod ejus objectum. tr. 3. disp. 2. fol. 189. n. 1. & 2
- An exstet præceptum spei. n. 3.
- De vitiis spei oppositis. fol. 190. n. 4
- An sit probabile, præceptum spei nunquam per se obligare. tract. 3. disp. 3. fol. 193. n. 6
- Sponsalia: Sponsus.*
- An delectatio de copula habenda tempore matrimonii sit licita sponsis. tr. 1. disp. 4. fol. 43. n. 50. & 51
- Quid sint sponsalia, & an promissio debeat esse reciproca. tract. 5. disp. 8. fol. 691. n. 1
- Quid si quis fictè, aut ex dolo ineat sponsalia. num. 2
- An possint iniuri per hæc verba; *nullam ducam præter te.* num. 3
- An possit frangenti fidem pœna apponi. Ibid.
- An validè, & licetè contrahantur clandestinè. Ibid.
- Quæ ætas requiratur ad contrahenda sponsalia. fol. 693. n. 4
- An ex ira contracta valeant. Ibidem.
- An possint contrahi per procuratorem. num. 5
- An valeant contracta inter valde impares. fol. 694. n. 6

# MEMORABILIMUM.

Qualiter peccet fidei matrimonium promittens, ibidem

An solvantur sponsalia per fornicationem secutam, fol. 695. n. 7. & 8

Quid si inter contrahentes, vel in uno contrahentium adlit impedimentum, n. 9. & fol 699. n 17

Quomodo sponsalia obligent, & quomodo solvantur, fol. 696. n. 10. & seq

Quamdiu possit differri matrimonium post sponsalia: & quid faciat sponsa dum sponsus tergiversatur. ibidem

Quid si quis inierit sponsalia cum duabus, fol 698 n 14

An dispensari possit in sponsalibus juratis fol. 699. n 18

An sponsi teneantur aperire suos defectus. fol. 700. n. 19.

An quis possit inire sponsalia insciis parentibus, n 20.

Quid si addatur, si pater meus consenserit; vel, si Deo placuerit ibidem.

Quid si inita fuerint ex metu. fol. 702. n. 21.

Quinam tactus liciti vel illiciti sint sponsis, &c n. 22.

An sponsi fornicantes debeant explicare circumstantiam sponsaliorum. fol. 703. n 23.

An fornicatio inter sponsos habita post sponsalia faciat hæc transire in matrimonium n. 24.

An sponsalia Catholici cum hæretica sint irrita. fol 736. n. 76.

Qualiter sponsalia inducant impedimentum publicæ honestatis fol. 738 n. 80.

Quid si post sponsalia cum Bertha, contrahat matrimonium cum ejus sorore, n. 81.

## Sponsio.

Quid sit, & an certus de veritate spondere possit, tr. 4 disp 9 fol 358. n. 52.

An sit licitum spondere pro precibus. n. 53.

## Spurius, vide Legitimus.

An proles exposita censetur spuria, tr. 1 disp. 8. fol. 54 n 35.

Quid si proles nascatur septimo, duodecimo, aut decimo tertio mense ibi.

Quis debeat alere prolem spuriam, ibid. & tr. 4. disp 9. fol. 351. n 33

Quis verè dicatur spurius, quis filius naturalis, tr. 1. disp 5 fol. 54. n. 35.

An pater teneatur spuriam filiam dotare, n. 36.

An spurius possit institui hæres, tr. 4. disp. 9. fol 350. n. 32. & seq.

Qualiter sit irregularis. tr. 5. disp 5. fol. 662. n. 278.

## Status.

An cælibatus ut sic, sit status. tr. 5. disp. 8 fol. 697. n. 13

## Stuprum

Quid sit, & an committatur solo actu interno tr. 1. disp. 5 fol. 56 n 39. & 40

Ad quid teneatur stuprator n 41. & seq

An in dubio utrum actus carnalis habitus sit cum virgine an cum corrupta, commissum sit stuprum, ibid.

Quid si quis cum pluribus commiserit stuprum, promittendo singulis matrimonium n. 42.

Quid si sic promittens sit astrictus voto castitatis aut Religionis, vel consanguineus aut affinis fol. 57. n. 43.

An puella, quæ opprimitur, teneatur clamare fol. 58. n 44.

## Subdiaconatus, Subdiaconus.

Quid Subdiaconatus: quæ ejus materia & forma, tr. 5. disp 7 fol. 680. n. 7

M m m m m Quæ

# INDEX RERUM

Quæ ætas requiritur in subdiaconando. fol. 683. n. 13.

An Subdiaconus peccet ministrans mortali. fol. 687. n. 25.

*Suffragium, vide Electio.*

*Superbia*

Quid sit, & quot ejus species. tr. 1. dis. 5 fol. 44. n. 2. & seq.

Quandonam superbia sit mortalis, & quæ sint ejus filia, fol. 45. n. 5. & seq.

*Superior*

Quænam possit inhibere vel præcipere sub mortali tr. 2. dis. 3. fol. 121. n. 24

Unde colligitur eum aliquid sub mortali inhibere vel præcipere ibi. n. 25

An possit suis Religiosis præcipere actus internos. fol. 127. n. 47.

Non admittat facili denuntiationes contra viros probatos, dis. 6. fol. 162. n. 26.

Quid faciat dum crimen ei defertur ut patri, ibidem

An teneatur inquirere in vitas subditorum, tr. 3. dis. 3. fol. 102. n. 29.

An Superior immediatus possit Superiori majori revelare crimen sui subditi. fol. 106. n. 36.

An teneatur suos subditos impedire à detractioe. tr. 4. dis. 6. fol. 195. n. 32.

An teneatur servare pactum de impunitate reo promissa, dis. 8. fol. 334. n. 11

An, & quantum possit donare. dis. 9. fol. 341. n. 13.

Quid liceat Superiori quoad inquisitionem dis. 10. fol. 402. n. 8.

An debeat servare apices juris, fol. 405. n. 14.

An expediat parvo Conventui præponere non probatum juvenem ut sic probeatur dis. 11. fol. 415. n. 5.

An sub mortali eligi debeat Superior dignior. fol. 420. num. 18.

An Superior possit irritare vota Religiosorum suorum, tr. 4. dis. 12. fol. 461. n. 66

*Superstitio*

Quid sit, quale peccatum, & quis eam committat, tr. 4. dis. 12. fol. 483. n. 121. & fol. 484. n. 124

*Surdus*

An possit condere testamentum, tr. 4. dis. 6. fol. 349. n. 30

*Suspensio*

An non feratur nisi ob peccatum mortale, tr. 2. dis. 3. fol. 120. n. 22

An incurrat ab ignorante, eam esse impositam, tr. 3. dis. 3. fol. 220. n. 65. tr. 5. dis. 5. fol. 655. n. 264

Quid suspensio, & quid impediatur in suspensio, tr. 5. dis. 5. fol. 660. n. 271. & 272

In quibus casibus maximè suspensio incurrat, n. 272

An assistens matrimonio sibi non subdito incurrat suspensionem, tr. 5. dis. 8. fol. 709. n. 35

*Suspicio*

Quid sit, & quale peccatum. tr. 4. dis. 6. fol. 295. n. 33. 35. & seq.

An dum quis dubitat de alieno facto, teneatur in melius interpretari, fol. 297. n. 39

An quis inter ignotos se gerere possit, ac si essent mali, n. 40

*Susurratio*

Quid sit, tr. 4. dis. 6. fol. 284. n. 1. & 4. Ad quid teneatur susurro, fol. 301. n. 52.

*Symbolum Apostolorum.*

An debeamus illud scire memoriter, tr. 3. dis. 1. fol. 169. n. 24.

An in lingua materna, fol. 171. n. 29.



# MEMORABILIUM.

T.

*Tabacchum.*

An sit licitum ante Communionem  
sumere tabacchum in fumo, in pul-  
vere, vel in folio quod masticatur,  
tr. 5 disp. 4. fol. 531. n. 28

*Tactus impudicus*

An semper sit mortalis, tr. 1. disp. 5. fol.  
49. n. 24

An exprimenda sit conditio personæ  
tactæ, ibidem

Quid si fiat curiositatis causâ, n. 25

An in eo detur parvitas materiæ, ibid.

Quid si fiat causâ medendi, fol. 51. n. 26

An subsequentes copulam sint expli-  
candi, fol. 52. n. 30

An, & qui tactus liciti sint sponsis, tr. 5.  
disp. 8. fol. 702. n. 22

An, & qui liciti sint conjugatis, fol.  
749. n. 104. & seq.

*Templum*

An, & quando violetur, tr. 1. disp. 5. fol.  
63. n. 59. & tr. 5. disp. 4. fol. 558. n. 76

An violatum reconcilietur per hoc,  
quod aliquis in eo celebret, n. 60

An Superiores Mendicantes possint  
sua templa violata reconciliare, ibi.

An Catholici licite intrent templa hæ-  
reticorum, tr. 3 disp. 1. fol. 179. n. 48.  
& 49

Cui templo debeat legatum reli-  
ctum templo simpliciter, tr. 4. disp.  
9. fol. 347. n. 27

An legatum pauperibus possit appli-  
cari templo pauperi, ibidem

An census templo relictus sint redimi-  
biles, fol. 392. n. 141

An quod quis promisit dare templo  
diviti, possit dare alteri templo  
pauperi, tr. 4. disp. 12. fol. 462. n. 68

*Tentatio Dei*

Quid sit, & quale peccatum, tr. 4. disp.  
12. fol. 485. n. 125. & seq

*Testamentum.*

An executor testamenti possit elee-  
mosynas distribuere quibus paupe-  
ribus vult, tr. 3. disp. 3. fol. 196. n. 15

Quid testamentum, & quæ solemnita-  
tes sint necessariae, tr. 4. disp. 9. fol.  
344. n. 21. & seq

De testamento ob pias causas, fol. 346.  
n. 27

An omnes solemnitates in Belgio ne-  
cessariæ sint servandæ, fol. 347. n. 28.

An Parochus non possit agere vices  
Notarii, ibidem

An dum Confessarius testatur mor-  
tuum legasse aliquid, hæres teneat-  
ur credere, n. 29

Cujus interpretationi standum est in  
testamento dubio vel obscuro, ibi.

Quinam possint testamentum conde-  
re, & qui hæredes institui, fol. 349. n.  
30. & seq.

An parens possit plus uni filio relin-  
quere, quàm alteri, fol. 351. n. 35.

An quis possit relicto fratre alium as-  
sumere in hæredem, n. 36

An testamentum semper maneat revo-  
cabile, fol. 352. n. 38

Quot modis testamentum revocari  
possit, n. 39

An sufficiat revocare voce, fo. 353. n. 40

*Testis.*

Quot testes, & quales requirantur in  
testamento, aut codicillo, tr. 4. disp.  
9. fol. 344. n. 22

Quid requiritur, ut aliquis testis cen-  
seatur rogatus, ibidem

Quid faciat interrogatus de crimine  
occulto, disp. 10. fol. 402. n. 8.

Mmmmm 2

Qui-

Quinam sint testes, testes omni exceptione majores &c fol. 405. n. 15.

Quot testes requirantur ad plenam probam, ibidem.

An primo an secundo testimonio standum sit dum testis se corrigit, ibid.

An quis teneatur se offerre ad testandum, fol. 406. n. 16

An testis interrogatus semper debeat dicere veritatem, ibidem

Ad quid teneatur testis delicti falsi, vel occulti veri, fol. 407. n. 17

An quis possit testari de eo, quod audit dici, n. 18 & 19.

*Thesaurus.*

Quid sit thesaurus, & an sit inventoris, tr. 4. disp. 1. fol. 246. n. 50

An locus, in quo scitur latere, emi possit. n. 51

Quid thesaurus Ecclesiæ, tr. 5. disp. 5. fol. 666. n. 289

*Tonsura.*

Quid prima tonsura, & an sit Sacramentum, tr. 5. disp. 7. fol. 677 n. 1.

An Clerici obligentur ad tonsuram clericalem, seu coronam fol. 686. n. 22

*Torpor*

Quid sit, & quale peccatum, tr. 1. disp. 5 fol. 100. n. 154

*Tortura.*

Quid à iudice quoad torturam observandum sit, tr. 4. disp. 10. fol. 403. n. 10. & 11

*Traditio*

Quid sit, & an sit certa fidei Regula, tr. 3. disp. 1. fol. 165 n. 10

*Tridentinum, vide Concilium.*

*Tumor mentis*

Quid sit, & quale peccatum, tr. 1. disp. 5 fol. 97. n. 145

V.

*Vagus.*

Quis sit vagus, & quibus legibus teneatur, tr. 2. disp. 4. fol. 136. n. 19

*Vana gloria*

Quid sit, quando sit mortalis, & quæ ejus filia, tr. 1. disp. 5. fol. 44. n. 2 & seq.

*Vbera, vide Mamilla.*

*Vestigal, vide Gabella.*

*Venatio.*

De acquisitione dominii per venationem ferarum, tr. 4. disp. 1. fol. 239 n. 34. 7 & seq

An princeps possit inhibere venationem: & quomodo hæc inhibitiõ subditos obliget fo 242. n. 40. & seq.

An licita sit Clericis, & indie Feslo fol 244. n. 45

*Venditio.*

Cui debeat tradi res vendita pluribus, tr. 4. disp. 1. fol. 232. n. 9

Ad quid teneatur vendens rem alienam, tr. 4. disp. 7. fol. 312 n. 23. & seq.

Quid venditio, & quando sit justa, disp. 9. fol. 359. n. 54

Quid faciendum dum pretium legitimum & vulgare sunt diversa, fol. 360. n. 57

An res non habens pretium vendi possit, quanti potest, ibidem n. 59

An ob fraudem venditio invalidetur, n. 60

Quandonam res possit vendi pluris quam valeat, n. 61

De venditione sub hasta, fol. 362. n. 62.

De venditione pecuniæ creditâ, fol. 364. n. 66. & fol. 373 n. 92. ac seq.

An creditum vendi potest cujus debitor non est solvendo fol. 366. n. 69

An res vendi possit pretio currenti, dum scitur quod cras pretium mi-

# MEMORABILIUM.

minuetur. fol. ibidem num. 71.

An licitè apponatur pactum revendiendi n. 72. & fol. 179. n. 109.

Quid de vendente sub conditione solvendi dum emens iniverit matrimonium, fol. 367 n. 73

An licitum sit vendere sub conditione, quod dabitur pretium currens post medium annum v. g. n. 74

An vendens teneatur aperire vitium rei venalis. Ibid n 75

An qui vendit rem alterius pluris, quam ipse statuerat, possit excessum reservare fol. 368. n. 76

Cui pereat res vendita. n. 77.

An officia secularia vendi possint. tr. 4 disp. 11 fol. 417. n. 8

*Veneficium, vide Magia.*

*Verba turpia.*

An exprimi debeat, utrum fuerint de adulterio, incestu &c. tr. 1. disp. 5 fol. 49. n. 24

An ea proferre sit mortale, ibidem

Quid si dicantur ex levitate. n. 15

An sint licita inter conjuges, tr. 5. disp. 8, fol. 749. n. 106

*Vestis.*

Quale peccatum sit inventio novitatum in vestibus tr. 1. disp. 5. fol. 45. n. 8

An peccet vir utens veste fœmineâ n. 9

Quid de utente veste infidelium. tr. 3. disp. 1. fol. 175. n. 40

Quæ vestes sacræ necessariae sunt ad celebrandam Missam tr. 5. disp. 4 fol. 564. n. 89

An Clerici teneantur gerere vestem clericalem. disp. 7. fol. 686. n. 22

*Vidua.*

An licitè delectetur de copula prætèrita. tr. 1. disp. 4. fol. 43 n 50, & 51

*Vinum.*

An vinum generosum venale possit misceri aquâ tr. 4 disp. 9 fol. 367. n. 75

Quale vinum sit materia Eucharistiæ. tr. 5. disp. 4. fol. 522. n. 8

Quid de vino congelato fol. 562. n. 87.

*Violentia, Vim*

Quomodo se habeat ad voluntarium & liberum tr. 1. disp. 1. fol. 5. n. 15

Quid sit violentia, ibidem

Quale peccatum sit per vim aliquid accipere, tr. 1. disp. 5. fol. 47. n. 18. & tr. 4. disp. 7. fol. 303. n. 1. & 3

An semper liceat vim vi repellere. tr. 4. disp. 5 fol. 276 n. 14

Quid de voto vi factò. tr. 4. disp. 12. fol. 452. n. 43

*Virgo, vide Castitas.*

An virgo, quæ opprimitur, teneatur clamare. tr. 1. disp. 1. fol. 5 n. 15, & disp. 5. fol. 58. n. 44

An oppressa possit expellere semen, ut servet famam. tr. 1 disp. 5. fol. 65. n. 62.

An possit se occidere ne opprimatur. tr. 4. disp. 5. fol. 274. n. 9

*Virtus.*

Quot sint virtutes Theologicæ, & quæ earû sit præcipua. tr. 3 in prin. fo 163.

*Vitium contra naturam.*

Quid sit, & quot contineat species. tr. 1. disp. 5 fol. 59. n. 46

Quale peccatum sit innaturalis concubendi modus fol. 63 n. 57.

An uxor teneatur suo viro quoad hunc modum acquiescere, ibidem

*Vnctio extrema.*

An possit iniungi, qui subito privatur usurationis. tr. 5 disp. 1. fol. 39. n. 16.

Quid extrema Unctio, & quando sit instituta. disp. 6. fol. 669. n. 1.

Quæ ejus materia, & an singulis

Mmmmm 3 an-



# INDEX RERUM

- annis debeat innovari, num. 2.
- Quot unctiones fieri debeant, & quid de casu necessitatis. fol. 670. n. 5. & 6
- An Parochus tempore pestis teneatur hoc Sacramentum conferre, & quomodo fol. 671. n. 7. 8. & 9
- Quæ sit forma extremæ unctionis. fol. 673. n. 10. & 11
- An unctio fieri debeat per modum crucis. n. 11.
- Quid faciendum cum cæcis, mutis &c fol. 674. n. 12
- Quis sit minister, & an quis possit seipsum inungere. n. 13
- Quis possit hoc Sacramentum suscipere. fol. 675. n. 14 & 15
- An sapius possit conferri in eadem infirmitate. fol. 676. n. 16
- Quale peccatum sit hoc Sacramentum omittere. n. 17
- Qualis dispositio requiratur, ibid n. 18
- Quinam sint effectus hujus Sacramenti. fol. 677. n. 19
- Voluntarium.*
- Quid voluntarium, & an reperiatur in brutis. tr. 1. disp. 1. fol. 1. n. 1. & 2
- Quotuplex voluntarium. fol. 2. n. 4. & 5
- An, & quomodo à libero distinguatur. fol. 3. n. 10. & 11
- Quid requiratur ad omissionem voluntariam. fol. 4. n. 11
- Quomodo vis, metus, & concupiscentia se habeant ad voluntarium fol. 5 n. 15. & seq.
- Quomodo ad voluntarium se habeant ignorantia, & inadvertentia, fol. 7. n. 23. & seq.
- Voluntas ultima, vide Testamentum.*
- An declaratio ultimæ voluntatis debeat fieri scripto. tr. 4. disp. 9. fol. 343 n. 18. & fol. 348. n. 29
- Quid sit ultima voluntas. fol. 344. n. 20
- Votum.*
- An explicari debeat, utrum quis peccarit contra votum castitatis solumne, an simplex tantum. tr. 1. disp. 5 fol. 63. n. 58
- An Superior possit dispensare in voto solâ mente elicto. tr. 2. disp. 3. fol. 126. n. 41.
- Votum paupertatis, cujus dominii incapacitatem causet. tr. 4. disp. 1. fol. 233. n. 17
- Quid votum, & an votum dubium inducat obligationem. tr. 4. disp. 12. fol. 412. n. 40. & seq.
- Quid de vovente ex vi vel ex metu. ibidem n. 43
- An quod hominem removisset à voto, excuset ab adimplendo n. 44
- Quid faciet qui vovit Religionem ingredi & non recipitur. fol. 413. n. 45.
- Quid si voverit ingredi & prosteri ibi. Quotuplex sit votum. fol. 454. n. 46. & seq.
- An votum conditionatum obliget ad semper, an solum primâ vice. n. 47.
- An vovens virginitatem voveat castitatem perpetuam fol. 455 n. 50.
- An votum obliget sub mortali, & quando. n. 51.
- Quandonam incipiat obligare ibidem
- Quale peccatum sit vovere rem malam. fol. 456. n. 52.
- Quid de vovente rem indifferentem. n. 53.
- Quid de vovente rem indeterminatam. ibid. n. 54
- Quid si dubitetur an materia voti sit bona vel mala fol. 457. n. 55.
- An votum castitatis obliget proclivem ad venærem. n. 56.

# MEMORABILIMUM.

- An conjugati validè voveant castitatem *ibid.* n. 57. & seq.
- An votum ineundi matrimonium obliget, fol. 459. n. 60. & fol. 715. n. 44.
- An materia voti debeat necessariò esse bonum melius. n. 61.
- De cessatione, & irritatione votorum *ibid.* n. 62. & seq.
- De votorum commutatione, fol. 462. n. 67. & seq.
- An quod quis vovit dare Ecclesiæ diviti, possit dare Ecclesiæ alteri pauperi. n. 68.
- Quæ sit justa causa mutandi vota. fol. 463. n. 72.
- De dispensatione in votis fo. 464. n. 74
- An Papa possit dispensare in votis solemnibus n. 75.
- Quid valeant Episcopi circa dispensationem votorum. n. 76. 78. & seq.
- Quæ vota sint reservata Papæ. n. 77.
- Quid circa hæc possint Mendicantes. fol. 467. n. 81. & seq.
- Quandonam Religiosus peccet contra sua vota, fol. 469. n. 85.
- An hæres ligetur voto sui prædecessoris. fol. 472. n. 92.
- Quale votum dirimat matrimonium. tr. 5. disp. 8. fol. 725. n. 62.
- Vfucapio, vide Præscriptio.*
- Vfura.*
- Quid usura, & an sit peccatum. tr. 4. disp. 9. fol. 371. n. 85. & seq.
- An sit licitum aliquid accipere ob carentiam pecuniæ fol. 372. n. 90. & c.
- Quid si in contractu mutui exigatur aliquid ex gratitudine, vel fidelitate fol. 375. n. 98.
- De titulis justis, ob quos potest aliquid accipi ultra fortem. fol. 377. n. 101. & seq.
- Quid si mutuum detur sub hac forma: *concedo tibi florenos sexcentos pro anno integro, non reperendos ante finem anni, quamvis illis gravissimè indiguerò.* *ibid.* n. 104.
- Casus aliqui, in quibus maximè solet usura committi. fol. 378. n. 107. & seq.
- An licitè apponatur multa, si statuto tempore mutuum non reddatur. fo. 379. n. 111.
- An in mutuo annuali licitè exigantur quinque in centum. n. 112.
- Quid de ineunte simul varios contractus loco mutuationis. *ibid.*
- An retriheri possit quod justè ratione mutui peti potuisset. fol. 380. n. 113.
- An in mutuo attendi debeat materiæ quantitas physica, an valor ejus moralis. fol. 381. n. 114. & seq.
- An omne illud, quod animo usurario accipitur, debeat restitui. fo. 382. n. 117
- An quis teneaturolvere usuras factæ conventionem. n. 118.
- An licitè petatur mutuum sub usura. fol. 383. n. 119.
- De pœnis usurariorum. *ibid.* n. 120.
- An cooperantes usurario teneantur ad restitutionem. fol. 384. n. 123.
- Vfus, Vfusfructus.*
- Quid sit usufuctus. tr. 4. disp. 2. fol. 249. n. 1.
- Ad quid obligetur usufuctuarius. n. 2.
- Quomodo acquiratur usufuctus. fol. 250. n. 3.
- Quid sit usus. n. 4.
- An distinguatur à dominio in rebus, quæ unico usu consumuntur. fol. 251 n. 5. & seq.
- Vxor, vide Conjux.*
- Quando peccet per ornatum superfluum. tract. 1. disp. 1. fol. 4. n. 14. Item

# INDEX RERUM MEMOR.

rem disput. 5. fol. 45. num. 8. & 9.  
 An ad mandatum mariti licite frangat  
 jejunium. tr. 1. disp. 5. fol. 91. n. 131.  
 An, & quales eleemosynas dare possit.  
 tr. 3. disp. 3. fol. 199. n. 20. & seq.  
 An possit infcio marito succurrere ma-  
 tri, forori, aut prolibus primi matri-  
 monii ibidem.  
 Quomodo peccet dum marito, aut si-  
 bi ipsi mortē precatur. fol. 209. n. 40  
 An inter uxorem & maritum interce-  
 dat iustitia. tr. 4. disp. 3. fol. 259. n. 8.  
 De furtis uxorum. tr. 4. disp. 7. fol. 308.  
 n. 15.

An uxor possit sibi retinere pretium  
 adulterii fol. 317. n. 33  
 Ubi sepelienda sit si sepulturam non  
 elegerit tr. 4. disp. 9. fol. 354. n. 44.  
 An possit vovere castitatē. fo. 457. n. 57  
 An possit irritare votā mariti. tr. 4. disp.  
 12. fol. 460. n. 65. & tr. 5. disp. 8. fol.  
 726. n. 62.  
 An teneatur sequi maritum mutantem  
 domicilium. tr. 5. disp. 8. fol. 717. n. 49  
 Quid si novitē uxorata petat à Con-  
 fessario quæ peccata committi so-  
 leant ab uxoris. fol. 771. n. 109.

## FINIS.

### CANDIDO LECTORI.

**Q**uam difficile sit, librum aliquem sine vicio imprimi, non scit, nisi qui usū didicit, & incubuit, in-  
 tenditq; correctioni. Lynceus sis, & non satis videbis. Vt lynceus fueris & videris, manet à typothe-  
 cæ periculum. & contraria sapē posita litterula, dum ablatum unum putas erratum, facilius vitio ad-  
 dit novum. Dum nos hic modum effugandi vitia docemus, illumq; publicamus; en quadam invitiā  
 & dolnisibus nobis vitia irrepere quæ abscondere nolumus, sed prodimus & publicamus, quia te, Can-  
 dide Lector, nullius in primis errantem. Itaque hac nobis indulge, & corrige à nobis tui in gratiam hinc  
 annotata, detq; Deus lynceum te in tuis Deiq; ne ullus inficietur novus erroris. Itaque

### M E N D A S I C E M E N D A.

Fol. 101. col. 1. lin. ult. *us* lege *no*.  
 Fol. 125. col. 2. lin. 20. *nullo* lege *nullo*.  
 Fol. 200. col. 1. lin. 24. *fidem* lege *finem*.  
 Fol. 283. col. 2. lin. 10. *positivo* lege *positio*.  
 Fol. 312. col. 2. lin. 3. à fine *jaclare* lege *tractare*.  
 Fol. 329. col. 2. lin. 14. à fine *ignorantiam* lege *ignominiam*.  
 Fol. 333. col. 2. lin. 9. *dolor* lege *dolus*.  
 Fol. 350. col. 2. lin. 4. *na* lege *nata*.  
 Fol. 352. col. 2. lin. 16. autē *defuncti* pone *debita*.  
 Fol. 430. col. 1. lin. 4. *legibus* lege *litteris*.  
 Fol. 494. col. 2. lin. 4. à fine *susceptione* lege *suscipiente*.  
 Fol. 529. col. 2. lin. 10. *servandam* lege *superandam*.  
 Fol. 557. col. 2. lin. 7. à fine post *alibi* dele *non*.  
 Fol. 620. col. 2. lin. 2. à fine post *ante* pone *non*.  
 Fol. 712. col. 1. lin. 14. à fine ante *valebit* pone *non*.







52 /



